


Júu 'mîi e cacuo
fidiée



New Testament in Chinantec, Comaltepec (MX:cco:Chinantec,
Comaltepec)

Júu 'mí e cacuo fidié

New Testament in Chinantec, Comaltepec (MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

30c6f873-0dee-5863-8883-ba3c5eaa988c

Contents

Mateo	1
Marcos	64
Lucas	103
Juan	170
Hechos	221
Romanos	280
1 Corintios	307
2 Corintios	331
Gálatas	346
Efesios	355
Filipenses	363
Colosenses	369
1 Tesalonicenses	375
2 Tesalonicenses	380
1 Timoteo	383
2 Timoteo	390
Tito	395
Filemón	398
Hebreos	400
Santiago	421
1 Pedro	428
2 Pedro	436
1 Juan	441
2 Juan	448
3 Juan	449
Judas	450
Apocalipsis	452

E lab júu^ quiá'- Dsea` Jmáang- e cajme' MATEO

*Jaléng' 'lii~ yáa' quiá'- Dsea` Jmáang-`
(Lc. 3:23-38)*

¹ I lab jaléng' 'lii~ yáa' quiá'- Dsea` Jmáang- i líng' siju~ 'lii~ yáa' dseata~ Daví^ cóo' gui 'lii~ yáa' Abraham. ² Jo Abraham calisí tiquiá^ Isáa' jo Isáa' calisí tiquiá^ Jacóo^ jo Jacóo^ calisí tiquiá^ Judá cóo' jaléng' rúin'. ³ Jo Judá calisí tiquiá^ Fares cóo' gui Zara jo niquiá'r^ calisí Tamar. Jo Fares calisí tiquiá^ Esrom jo Esrom calisí tiquiá^ Aram. ⁴ Jo Aram calisí tiquiá^ Aminadab jo Aminadab calisí tiquiá^ Naasón jo Naasón calisí tiquiá^ Salmón. ⁵ Jo Salmón calisí tiquiá^ Booz jogui niquiá'r^ calisí Rahab. Jo Booz calisí tiquiá^ Obed jogui niquiá'r^ calisí Rut. Jo Obed calisí tiquiá^ Isaí. ⁶ Jogui Isaí calisí tiquiá^ i dseata~ Daví^ jo íb` tiquiá^ Salomón jogui niquiá'r^ i calíng- dseamí quiá'- Urías.

⁷ Jo Salomón calisí tiquiá^ Roboam jo Roboam calisí tiquiá^ Abías jo Abías calisí tiquiá^ Asa. ⁸ Jo Asa calisí tiquiá^ Josafat jo Josafat calisí tiquiá^ Joram jo Joram calisí tiquiá^ Uzías. ⁹ Jo Uzías calisí tiquiá^ Jotam jo Jotam calisí tiquiá^ Acáz jo Acáz calisí tiquiá^ Ezequías. ¹⁰ Jo Ezequías calisí tiquiá^ Manasés jo Manasés calisí tiquiá^ Amón jo Amón calisí tiquiá^ Josías. ¹¹ Jo Josías calisí tiquiá^ Jeconías cóo' jaléng' rúin'. Jo ie~ job mi~ cató- dsea` i seeng` fí Babilonia fíng' dsea` Israel fí góor` e 'núuin' do.

¹² Jo mi~ cangí gui lajo, Jeconías calisí tiquiá^ Salatiel jo Salatiel calisí tiquiá^ Zorobabel. ¹³ Jo Zorobabel calisí tiquiá^ Abiud jo Abiud calisí tiquiá^ Eliaquim jo Eliaquim calisí tiquiá^ Azor. ¹⁴ Jo Azor calisí tiquiá^ Sadoc jo Sadoc calisí tiquiá^ Aquim jo Aquim calisí tiquiá^ Eliud. ¹⁵ Jo Eliud calisí tiquiá^ Eleazar jo Eleazar calisí tiquiá^ Matán jo Matán calisí tiquiá^ Jacóo^ . ¹⁶ Jo Jacóo^ calisí tiquiá^ Sé^, jo i Sé^ do íb` i calí- dseañ' quiá'- Yá^; jo i Yá^ do, íb` i líng' niquiá^ Jesús i líng' Mesías e guóng': Dsea` i caguíng' Fidié'.

¹⁷ Jo caliséng` guiquiá' 'lé' íng' dsea` catí mi~ caliséng` Abraham jo cartí mi~ caliséng` dseata~ Daví^, jo jíe' gui guiquiá' 'lé' catí mi~ caliséng` dseata~ Daví^ jo cartí mi~ cangojéng` dsea` Babilonia jaléng' dsea` Israel fí góor` e 'núuin', jo jíe' gui guiquiá' 'lé' catí mi~ cangí e cató- dsea` Babilonia jaléng' dsea` Israel fí góor` jo cartí mi~ caliséng` i Mesías do i caguíng' Fidié'.

*Mi~ caliséng` Dsea` Jmáang-`
(Lc. 2:1-7)*

¹⁸ Lalab calí- mi~ caliséng` Dsea` Jmáang-. Jo ie~ jo seeng` jaang` simí i sii` Yá^ i nininéé júu^ quiá'- cóo' jaang` siming` i sii` Sé^, dsu' ná' gui e nigüear` colíng` cangoquieeng` i Yá^ do yáa' la'eáng` cóo' Jmiguí quiá'- Fidié'. ¹⁹ Jo i Sé^ do líin' jaang` siming` i dsíng' guiúng-, joba' ja' calíiin' fa' e cajméer` dsee- quiá'- i Yá^ do fí quini` dsea`. Joba' ca'f' dsíir' e nitiúung- nein' do e ñm`jiu e laco' ja' niliin' dsea`. ²⁰ Jo lajee` e í dsíi' i Sé^ do e nijmér- lajo, lajee` güiin' jo caquir' e cajnéng- jaang` ángel i líng' guotí- Fidié' i casíng` dsea` do. Jo í casí'r- i Sé^ do jo cajíin' :

—Sé^, siju~ dseata~ Daví^, ja` jmoo' 'gó' e nicøn' Yá^ e niliin- dseamí quiá'-, dsuco' i jiuung` i quíeein' na ca'uiin- cóo' Jmiguí quiá'- Fidié'. ²¹ Jo niliseeng` jaang` yáa' siñuú quiá'r-, jo 'nu` nitó' e nilisiir` Jesús, jo nilisiir` lana dsuco' nileáin- jaléng' dsea` quiá'r- jee~ jalé' dsee- quiáin'.

²² Jo jalé' e cajíng'- i ángel do calí- e laco' caliti~ júu^ quiá'- Fidié' e café' jaang` dsea` i café' cuaiñ` quiá'r- malí gui eáng` mi~ cajíin' lala:

²³ Jaang` simí nidsiquieein' jaang` yáa' siñuú, jo mi~ niliseeng` i yáa' do, nitér- e nilisiin' Emanuel e guóng':

Fidiée˘ seeiñ` cóo˘' jneaa`aa'.

²⁴ Jo mi˘ cajné˘ dsíi˘ i Sé˘ do, joba' cajmée˘bre jalé˘ e cajíng˘' i ángel do jogui cacóm˘bre i Yá˘ do e nilí˘ dseamí˘ quiá˘r˘. ²⁵ Dsu˘ ja˘ caquiain˘^ cóoiñ˘' do cartí˘ mi˘ caliséng˘ i yuu˘ i quíeeiñ˘' do. Jo mi˘ caliséng˘ í, joba' catéé˘ Sé˘ e calisiñ˘' do Jesús.

2

Mi˘ caguilíng˘ dsea˘ i jmitíng˘ quiá˘' jaléng˘' núu˘ fí˘ Jerusalén

¹ Jo caliséng˘ Jesús fí˘ cóo˘ fíi˘ e sii˘ Belén e née˘ lí˘ se˘' Judea. Jo ie˘ jo líng˘ jaang˘ dsea˘ i sii˘ Herodes dseata˘ dsea˘ féng˘' quiá˘' jalé˘ fíi˘ e sea˘ fí˘ jo. Jo ie˘ job cajo caguilíng˘ fí˘ Jerusalén tú˘ 'ní˘ máng˘' dsea˘ i jmitíng˘ quiá˘' jaléng˘' núu˘, jo i dsea˘ do huíb˘ eáang˘ jalíiñ˘ fí˘ lí˘ lí˘ guo˘' iee˘. ² Jo mi˘ caguilíiñ˘ fí˘ Jerusalén, cajmingí˘r˘ jaléng˘' i dsea˘ seeng˘ fí˘ jo, jo cajíñ˘'˘:

—¿Jnang˘ i dseata˘ dsea˘ féng˘' quiá˘' dsea˘ Israel i nicaliséng˘ do? Dsuo˘' nicaneeeng˘naa˘ núu˘ quiá˘r˘ fí˘ lí˘ lí˘ guo˘' iee˘, joba' ne˘naa˘ e nicaliséiñ˘ jo lana nijáa˘naa˘ e nijmiféng˘'naa˘re.

³ Jo mi˘ canúu˘ dseata˘ Herodes e júu˘ jo, dsíng˘' jo˘ tii˘ seeiñ˘, jogui lajobi cajo jaléng˘' dsea˘ i seeng˘ fí˘ Jerusalén. ⁴ Joba˘ i dseata˘ do cató˘r˘ jaléng˘' fíi˘ jmidsea˘ quiá˘' dsea˘ Israel cóo˘' gui jaléng˘' tifa˘' quiá˘' júu˘ quiu˘' ta˘ quiá˘' dsea˘ Israel jo cajmingí˘' reiñ˘' do jo cajíñ˘'˘:

—¿Jie˘ fí˘ lí˘ niliseeng˘ i Mesías?

⁵ Joba˘ cañíi˘ i dsea˘ do quiá˘' i dseata˘ do jo casí˘' reiñ˘'˘:

—I dsea˘ í˘ niliseeiñ˘ fí˘ cóo˘ fíi˘ e sii˘ Belén e née˘ lí˘ se˘' Judea; dsuo˘' lajob cajme˘' jaang˘ dsea˘ i café˘ cuaiñ˘ quiá˘' Fidiée˘ malí˘ gui eáang˘ mi˘ cajíñ˘' lala:

⁶ E fíi˘ pí˘ e sii˘ Belén do née˘ fí˘ lí˘ se˘' Judea, dsu˘ e fíi˘ jo ja˘ 'ga˘' lí˘ níng˘ lajee˘ lajalé˘ fíi˘ e sea˘ fí˘ jo, dsu˘ fí˘ job lí˘ nigüiíng˘ jaang˘ dseata˘ dsea˘ féng˘' i nicá˘ nifí˘ quiá˘' jaléng˘' dsea˘ quié˘ e, dsea˘ i líng˘ dsea˘ Israel.

⁷ Joba˘ i dseata˘ Herodes do cató˘r˘ jaléng˘' i dsea˘ i jmitíng˘ quiá˘' jaléng˘' núu˘ do fí˘ cóo˘ lí˘ ja˘ 'ga˘' lí˘ ní dsea˘ jo cajmingí˘r˘ dsea˘ do e í˘' ngóo˘ mi˘ cajnéng˘ i núu˘ do. ⁸ Jo mi˘ cangí˘ jo, i dseata˘ do casíiñ˘ i dsea˘ í˘ fí˘ Belén jo casí˘' reiñ˘' do lala:

—Güilíng˘ na˘' fí˘ jo, jo güijmidseáang˘ óo˘ na˘' laji˘ e lí˘ na˘' quiá˘' i jiuung˘ do; jo mi˘ niguiéng˘' na˘' re, jmée˘' na˘' jnea˘ júu˘, job cuóong˘ níi˘ i e nijmifén˘' nre cajo.

⁹ Jo mi˘ cató˘' sí˘ dseata˘ Herodes i dsea˘ do lajo, joba˘ catam˘' tuiñ˘' do fí˘ ngolíiñ˘. Jogui i núu˘ i cangáiñ˘ jéeng˘ do, ngóo˘' biñ˘' do laco˘' ngolíiñ˘, jo cóob˘ mi˘ cajé˘ i núu˘ do fí˘ yú˘' 'núu˘ lí˘ guíng˘ i jiuung˘ do. ¹⁰ Jo i dsea˘ do eáam˘ iáang˘ dsíi˘' dsu˘ e níiñ˘ i núu˘ do. ¹¹ Jo mi˘ caguilíiñ˘ fí˘ e 'núu˘ do, dsifí˘ ladob cangotáaiñ˘' e fí˘ dsíi˘ sinúu˘ do jo cangáiñ˘ i jiuung˘ do cóo˘' niquiáiñ˘' Yá˘. Jo casí˘r˘ uó˘ jnir˘ fí˘ quini˘ i jiuung˘ do jogui canaaiñ˘ e jmfiféng˘' neiñ˘' do cajo. Jo mi˘ calí˘ e cajmér˘ e jo, jo caneáar˘ guóo˘ quiá˘r˘ e quier˘ do, jo cacuo˘r˘ i jiuung˘ do cunée˘ cóo˘' gui sɿ e 'mo˘' eáang˘ cóo˘' gui cuií˘ e jlo˘' jmeafíi˘ cajo. ¹² Jo mi˘ cangí˘ jo, caquim˘' tu i dsea˘ do fí˘ góor˘. Dsu˘ fí˘ lí˘ jieb˘ caquiíñ˘' do dsuo˘' Fidiée˘ cajmea˘' breiñ˘' júu˘ lajee˘ güiíiñ˘' do e ja˘ cuóong˘ niquing˘' tuiñ˘' do fí˘ lí˘ guíng˘ i dseata˘ Herodes do.

Mi˘ cacuí˘ Sé˘ cóo˘' Yá˘ cóo˘' gui i jiuung˘ do e cangolíiñ˘ fí˘ Egipto

¹³ Jo mi˘ cangí˘ e nicangolíng˘ i dsea˘ i jmitíng˘ quiá˘' jaléng˘' núu˘ do, jo lajee˘ güíng˘ i Sé˘ do, caleáb˘ tu caquiíñ˘ jaang˘ ángel quiá˘' Fidiée˘. Jo i ángel do casí˘r˘ i Sé˘ do jo cajíñ˘'˘:

—¿Sé˘, ráan˘' jo jéeng˘ i jiuung˘ na cóo˘' gui niquiáiñ˘' jo cuii˘ na˘' fí˘ Egipto! Jo fí˘ job nijá˘ na˘' cartí˘ mi˘ nijmée˘' e 'nú˘' júu˘, dsuo˘' i dseata˘ Herodes do ní˘ náíñ˘' i jiuung˘ na e nijngám˘' bre.

¹⁴ Joba˘ caráam˘ i Sé˘ do ladsifí˘ lado, jo uóo˘ job cataiñ˘' fí˘ e cangojéeiñ˘ i jiuung˘ do cóo˘' gui niquiáiñ˘' do fí˘ Egipto. ¹⁵ Jo dob cajeiñ˘' cartí˘ mi˘ cajúng˘ i dseata˘ Herodes do.

Jō cangojéé e la e lí[^] laco' caliti[~] lajii[~] júu[^] e cajíng' Fidiéé[~] la'eáang' cóo[~] jaang[^] dsea[^] i café[^] cuaiñ[~] quiá'r⁻ malii[~] gui eáang' mi[~] cajíñ'⁻ lala: “Catóø-ø Jōo^o e nigüi[~]fi[~] Egipto.”

Mi[~] cajnga' dsea[^] quiá'- jaléng' jiuung[~] ping[^]

¹⁶ Jō mi[~] calilí[^] i dseata[~] Herodes do e cajmigóøm[^] i dsea[^] i jmitíng[^] quiá'- jaléng[^] núu[^] do ír[^], joba' dsíng'⁻ caligüiñ[~]; jō caquiá'r[^] ta[~] jaléng[^] léé⁻ quiá'r⁻ e nidsijngáaiñ[~] jaléng[^] jiuung[~] i ping[^] gui laco' tú⁻ jí[^] i seeng[^] fi' Belén cóo[~] gui jaléng[^] jiuung[~] ping[^] i seeng[^] fi' fi[~] e néé[^] lacúng[^] lajíng[^] e fi[~] jō i ngolíng⁻ í[^] lajō cajo. Jō cajngam[^] bre lí[^] laco' gui jii[~] jii[~] e cajíng'⁻ i dsea[^] i jmitíng[^] quiá'- jaléng[^] núu[^] do. ¹⁷ Jō cóo[~] e nab caliti[~] e júu[^] e cajme[^] jaang[^] dsea[^] i café[^] cuaiñ[~] quiá'- Fidiéé[~] malii[~] gui eáang' i calisí Jeremías mi[~] cajíñ'⁻ lala:

¹⁸ Jō caná[^] óo[^] jaang[^] dseam[^] fi' cóo[~] fi[~] e sii[^] Ramá,

jō dsíng'⁻ quiá'r[^] jōgui óor[^];

Raquéeb[^] sii[^] i dseam[^] do jō quiá'r[^] uí[~] jiuung[~] quiá'r⁻ dsuco' nicajúm⁻bing[^],

jō ja[^] iñ[~] nimáñ[~] có[^] dsíng'⁻ lijiuung[~] dsíir[^].

¹⁹ Jō mi[~] cangí[^] e cajúng⁻ i dseata[~] Herodes do, fi' Egipto táang[^] i Sé[^] do lajee[^] jō. Jō cóo[~] ya[^] lajee[^] e güiñ[~], caquím⁻ tur jaang[^] ángel quiá'- Fidiéé[~], jō í casí'r⁻ Sé[^] jō cajíñ'⁻ lala:

²⁰ —Sé[^], ráan[^], jō quíng[^] tu[^] cóo[~] i jiuung[~] na cóo[~] gui niquiá'r[^] fi' lí[~] se[^] Israel, có[^] lana nicajúm⁻ i lamí[~] iing[^] jngáng⁻ i jiuung[~] na.

²¹ Joba' lajōb cajméé[^] Sé[^], caráam⁻ bre jō cató⁻ bre i jiuung[~] do cóo[~] gui niquiá'iñ[^] do fi' lí[~] se[^] Israel. ²² Jō dsu[^] mi[~] caliñir[^] e Arquelao nigüiñ[~] líiñ[^] dseata[~] dsea[^] féng[^] quiá'- lí[~] se[^] Judea eáang[^] quiá'- i tiquiá'r[^] dseata[~] Herodes do, joba' eáam[^] cafóñ[^] jō jō cangáñ⁻ fi' jō, có[^] Fidiéé[~] cajme[^] tureiñ[^] júu[^] lajee[^] güiñ[~] e ja[^] cuóøng[^] nidsilíñ[^] fi' jō. Joba' fi' lí[~] se[^] Galileab cangolíñ[^]. ²³ Jō mi[~] caguiéng⁻ Sé[^] fi' lí[~] se[^] Galilea, jō cangogüéár[^] fi' cóo[~] fi[~] e sii[^] Nazaret e néé[^] fi' jō. Jō calí⁻ e na e laco' caliti[~] jalé[^] júu[^] e café[^] dsea[^] i café[^] cuaiñ[~] quiá'- Fidiéé[~] malii[~] gui eáang' mi[~] cajíñ'⁻ e Jesús nilisiir[^] jaang[^] dsea[^] nazareno.

3

Mi[~] canaang' Juan i seáang' dsea[^] jmii[^] e guiar' júu[^] quiá'- Fidiéé[~]

(Mr. 1:1-8; Lc. 3:1-9, 15-17; Jn. 1:19-28)

¹ Jō mi[~] cangí[^] gui jmiguiá[^] jii[~] lajō, jō ie[~] jō cangí[^] jaang[^] dsea[^] i sii[^] Juan i seáang[^] dsea[^] jmii[^] fi' ní[~] guóo[~] uó[^] quiá[^] fi' lí[~] se[^] Judea, ² jō guiar[^] júu[^] jō fé'r[^] lala:

—Quiá[^] jíng[^] yaang[^] na' fi' quini[~] Fidiéé[~] uí[~] dsee⁻ quiá[^] na', dsuco' nijaquiéem[^] ba' e nicá[^] dsea[^] do nífi[~] quiá'- lajaang[^] lajaang[^] dsea[^] jmigüí[^].

³ Jō malii[~] gui eáang[^] caliséng[^] jaang[^] dsea[^] i calisí Saí[^] i café[^] cuaiñ[~] quiá'- Fidiéé[~], jō íb[^] i café[^] uii[~] quiá'- i Juan do mi[~] cajíñ'⁻ lala:

Ngí[^] jaang[^] dsea[^] i fé[^] teá[^] fi' ní[~] guóo[~] uó[^] quiá[^] jō fé'r[^] lala:

“Jmeáang[^] na' guíá[^] fi' jōgui nea[~] na' condsee[^],

có[^] lana tí[~] lí[~] nijáab[^] Fí[^] naa[^]!”

Jō jalé[^] e na cajíng'⁻ Saí[^] fi' ní[~] jì[~] quiá'- Fidiéé[~] do.

⁴ Jō si[^] i Juan i seáang[^] dsea[^] jmii[^] do lí[^] cóo[~] layaang[~] jñú[^] loo[~] jó[^] camello, jōgui[^] ñúu[^] tu[^] cóo[~] ñutu[^] e lí[^] cóo[~] loo[~] jó[^], jōgui[^] jmitaang[~] ñia[^] r[^] cóo[~] sini[^] i cóøng[^] cóo[~] gui ta[^] e dsé[^] r[^] fi' jee[~] mó[^]. ⁵ Jō jaléng[^] dsea[^] i seeng[^] fi' Jerusalén cóo[~] gui jaléng[^] dsea[^] i seeng[^] fi' lí[~] se[^] Judea cóo[~] gui jaléng[^] i neáang[^] quiá'- gua[^] Jordán dsilíñ[^] e dsinúur⁻ jalé[^] júu[^] e guia[^] i Juan do. ⁶ Jō jaléng[^] i dsea[^] do jmóor[^] júu[^] lajii[~] dsee⁻ e nica'éer[^] quiá'r⁻, jō lí⁻ jō i Juan do seáaiñ[^] jmii[^] jaléng[^] í[^] fi' é[^] gua[^] Jordán.

⁷ Jō mi[~] cangá⁻ i Juan do e fím[^] dsea[^] Israel i líng[^] dsea[^] fariseo cóo[~] gui dsea[^] Israel i líng[^] dsea[^] saduceo jalíñ[^] e iñ[~] nisáñ[^] jmii[^], joba' cajíñ'⁻ casí'r⁻ jaléng[^] i dsea[^] do lala:

—Jōó[^] mi[^] guíng⁻ 'nú[^]! ¿Í[~] nicasí[^] 'nú[^] e nileáang[^] na' jee[~] iihu[^] e nijaquiéeng[^] e nicuó⁻ Fidiéé[~]? ⁸ Jō ee⁻ na' røø[^] fi' quini[~] dsea[^] jō jmiliing[^] yaang[^] na' e laco' nililí[^] jaléng[^] dsea[^] rúng[^] na' e já⁻ ba' e nicaqui[^] jím[^] yaang[^] na' fi' quini[~] Fidiéé[~]. ⁹ Jō ja[^] jmijløng[^] yaang[^] na'

e fó'na': "Jnea' lí'naa' dsea' siju' 'lí' yá'u' Abraham"; co' jnea' jmitaa' óo'na' e Fidiée' cuóø'm lí' jmér' e cuu' née' na e ni'uíng' dsea' siju' 'lí' yá'u' Abraham faco' iin' lajo.

¹⁰ Jo cajíng' gui Juan casí'r' jaléng' i dsea' do lala:

—Ninéeb' guiá' ñigui' quiá' Fidiée' e niquiá'r' jalé' 'ma' catí' jmó' quiá'. Co' jalé' 'ma' ofí' e ja' cuø' ofí' e guiá' nihuí'b' jo nidsitoo' fí' ni' jí'. ¹¹ E já', jnea' seáan'n 'nú' jmí' jí' cóo' layaang' jmí'b' e laco' cuø' lí' e nicaquí' jíim' yaang' na' fí' quini' Fidiée'; dsu' i dsea' i nijaa' mi' ningúng' jnea' niseáiñ' 'nú' jmí' cóo' Jmiguí' quiá' Fidiée' jogui cóo' jí' cajo. Jo i dsea' í' dsíng' gui 'gøiñ' laco' jnea' e jí' jnea' ja' catí'n' n co' sá' capí' ñí' 'ñú' lomí'r'. ¹² Jo quier' coo' e jmáiñ' ta' quiá' e nisíñ' micuí'iee', jo nisér' ca' e qui' quiá' do. Jo dsu' e micuí'iee' do ni'mear' fí' dsí' sinú' jogui e qui' do quiá' nijí' bre fí' lí' coo' jí' e ja' tóo' jmí' yu'.

Mí' cajgáang' Jesús jmí'

(Mr. 1:9-11; Lc. 3:21-22)

¹³ Jo mí' cangí' jo, cagü'í' Jesús fí' lí' se' Galilea jo cangór' fí' lí' táang' i Juan do fí' gua' Jordán e laco' dsea' í' nisé' jmí' quiá'r'. ¹⁴ Dsu' i Juan do ja' lamí' iin' e niseáiñ' dsea' do jmí', jo lalab cajíñ' casí'-reiñ':

—'Nub' dsea' catí'n' e niseáan' jnea' jmí'; jo ¿jialí' ñí' e iin' e jnea' niseáan' 'nú' jmí'?

¹⁵ Joba' cañí' Jesús jo casí'-reiñ':

—Lí' jmee' laco' e fí' 'nú' lana; co' la guím' 'né' jmití'ii' jalé' ta' quiá' Fidiée' e 'né' jmó'oo'.

Joba' ca'í'b' dsí' i Juan do e niseáiñ' dsea' do jmí'. ¹⁶ Jo dsifí' mí' cajgáang' Jesús jmí', jo cagü'í' bre fí' dsí' jmí'. Jo ladsifí' lanab cana' fí' yá' jmigüí', jo cangá' Jesús e cajgó' Jmiguí' quiá' Fidiée' fí' yá' moguir' e líng' jaang' mee'. ¹⁷ Jo guicaná' coo' luu' e jáa' fí' yá' jmigüí' jo guicajíng' lala:

—I nab Jóo'o' i 'neáan' eáang', jo dsíng' iáang' dsii' cóo'r'.

4

Mí' cajmée' fí' i 'líng' quijí' jial ni'é' Jesús dsee'

(Mr. 1:12-13; Lc. 4:1-13)

¹ Jo mí' cangí' e cajgó' Jmiguí' quiá' Fidiée' fí' yá' mogui' Jesús, jo e Jmiguí' do cangojéeng' dsea' do fí' coo' guóo' uø' quiá' e laco' fí' i 'líng' nijmér' quijí' jial e ni'é' dsea' do dsee'.

² Jo fí' job cateáang' Jesús lajee' tuló' jmí' jogui tuló' uøø' jo ja' e cagó'r' jí' coo' lajee' jo. Jo mí' cangí' gui lajoba' cadseá' jmí'aaíñ'. ³ Jo lajee' job cangoquíéeng' i fí' i 'líng' do fí' lí' sing' Jesús e jmóor' quijí' jial ni'é' dsea' do dsee', joba' casí'r' dsea' do lala jo cajíñ':

—Song já' e 'nú' lin' i Jóo' Fidiée' camíng' do, quiá' ta' e ni'uíng' iin' e cuu' e née' na.

⁴ Jo dsu' dsifí' lajob cañí' Jesús quiá' i fí' i 'líng' do jo cajíñ':

—Dsu' lalab fé' fí' ni' jí' quiá' Fidiée': "Ja' niliseeng' jaléng' dsea' jmigüí' juguiá' e lico' ni'í' nidó'r' jalé' e sea' fí' jmigüí', co' 'né' e nijmitir' jalé' ta' quiá' fí' ni' jí' quiá' Fidiée', jo lajoguiba' niliseeiñ' juguiá'."

⁵ Jo mí' cangí' jo, i fí' i 'líng' do cangojéeiñ' Jesús fí' fí' güeang' quiá' dsea' góor' dsea' Israel e sii' Jerusalén, jo caseáiñ' dsea' do cartí' yá' guá' fé' e si' fí' jo. ⁶ Jo lajee' niteáiñ' fí' jo, lalab casí'r' Jesús jo cajíñ':

—Song já' e lin' i Jóo' Fidiée' camíng' do, bíng' uø' cartí' uii' quiá' e guá' la; dsuco' fí' ni' jí' quiá' Fidiée' fé' lala:

Fidiée' niquiá'r' ta' jaléng' ángeles i líng' guoti'r' e nijmér' í' 'nú',

jō nisáin' 'nə̀ cōo' guoor' lajee' guiáang' guo' guiá' güi' e laco' ja' nititaan' cartí' ni' uó'.

⁷ Jōba' cañi' Jesús jō casí' reiñ':

—Dsə' lala fé' gui' fí' ni' jì' quiá' Fidié' cajo: “Ja' jmoo' jial ni'é' Fí' Fidié' dsee'.”

⁸ Jō mi' cangf' e jō, i' fii' i' 'ling' do cangojéiñ' Jesús fí' cōo' yá' mó' e ñí' eáang', jō ca'e'r' dsea' do jalé' fii' e sea' fí' jmigüi' jogui' jial niing' laco' laco'; ⁹ jō i' fii' i' 'ling' do casí'r' Jesús jō cajíñ':

—Jnea' nicuóøø' 'nə̀ lajalé' e móo' na song nisi' uó' jní' fí' quini' jogui' nijmifén' jnea'.

¹⁰ Jōba' cañi' Jesús jō casí' reiñ':

—Güihüing' cáan'n, Satanás, dsəco' fí' ni' jì' quiá' Fidié' fé' gui: “Jí' Fidié' dsea' guing' ñif' bing' nijmifén', jō jí' ta' qui' íbre e nijmití' cajo.”

¹¹ Jō dsifí' lajōb' cajmí' náang' 'ña' i' fii' i' 'ling' do fí' lí' sing' Jesús, jō lí' jō caguiling' tú' 'ní' máng' ángeles fí' lí' sing' Jesús e cangoto' fiiñ' dsea' do.

Mí' canaang' Jesús jmóor' ta' quiá'r' fí' lí' se' Galilea

(Mr. 1:14-15; Lc. 4:14-15)

¹² Jō mi' cangf' jō, jō caliñi' Jesús e 'nə̀ñib' ni'iuung' Juan i' seáang' dsea' jmi', jōba' caquim' tur' fí' lí' se' Galilea. ¹³ Dsə' ja' cajer' fí' Nazaret, cō' dob cangogüear' fí' Capernaum fí' 'ni' guié' Galilea, fí' lí' se' lí' neáang' dsea' Israel i' líng' dsea' siju' Zabulón cōo' gui Neftalí. ¹⁴ Jō cangojé' jalé' e jō e laco' caliti' lajii' júu' quiá' Fidié' e cajme' Saí', jaang' i' café' cuaiñ' quiá' Fidié' malí' gui eáang' mi' cajíñ' lala:

¹⁵ E guóo' uó' quiá' dsea' siju' Zabulón cōo' gui Neftalí

née' cáang' gua' Jordán fí' 'ni' guié' Galilea

fí' dsí' lí' se' Galilea cajo.

Jō fí' jōb' lí' seeng' dsea' i' ja' cuíng' Fidié'.

¹⁶ Jō lafa' i' seeng' fí' lí' nə̀ s'ó' líng' jaléng' i' dsea' í',

dsə' cangár' cōo' jì' e jlo' niing' 'gøng'.

Jō jaléng' i' dsea' í' líñ' lafa' sijuuiñ' uí' dsee' quiá'r',

dsə' nicajneá' e jì' do jee' ír'.

¹⁷ Jō lajee' e niguiing' Jesús fí' Capernaumba' canaiñ' guiar' júu' quiá'r' jō fé'r':

—Quí' jíng' yaang' na' fí' quini' Fidié' uí' dsee' quí' na', dsəco' nijaquiém' ba' e nicá' dsea' do nifí' quiá' lajaang' lajaang' dsea' jmigüi'.

Mí' cató' Jesús quiúung' dsea' i' jmóo' ta' sáang' 'ñə̀

(Mr. 1:16-20; Lc. 5:1-11)

¹⁸ Jō mi' cangf' jō, lajee' e ngóo' Jesús ngir' fí' 'ni' guié' Galilea, cangaiñ' gáang' dsea' i' la'ó' rúng', jaang' i' sii' Simón jō sii' bir' Tú' cajo, jō jaang' gui' i' sii' Df'. Jō laji' huaiñ' do taaiñ' ta' feá' 'máa' fí' dsí' jmí' quiá' e saíñ' 'ñə̀. ¹⁹ Jō Jesús casí' reiñ' jō cajíñ':

—'Nú' ñilíng' na' cōo' jnea', jō jnea' nicuóøø' 'nú' ta' e guiá' na' júu' quiá' Fidié' fí' jee' dsea' jmigüi', jō líb' jii' e ta' jō la lí' ta' sáang' 'ñə̀.

²⁰ Jōba' i' dsea' do dsifí' ladob' catár' 'máa' quiá'r' jō cangolíim' bre cōo' Jesús.

²¹ Jō tí' dobjii' nngóo' Jesús cōo' i' dsea' do mi' cangaiñ' jiéng' gui' gáang' dsea' i' la'ó' rúm' cajo, jō jaaiñ' do siir' Tiáa' jō jaang' gui' i' sii' Juan. Jō laji' huaiñ' do líñ' jōo' jaang' dseañ' i' sii' Zebedeo. Jō teaiñ' fí' cōo' dsí' móo' colíng' cōo' tiquiá'r' e jmo'r' jalé' 'máa' quiá' e saíñ' 'ñə̀. Jō Jesús cató' reiñ' do, ²² jō dsifí' lajōb' ca'uøøiñ' do e fí' dsí' móo' lí' teaiñ' do jō cangolíim' bre cōo' Jesús, jō dob' caseaiñ' i' tiquiá'r' do.

Mí' ca'e' Jesús fíng' dsea' jalé' júu' quiá' Fidié'

(Lc. 6:17-19)

²³ Jō mi' cangf' jō, cangí' Jesús fí' la'úng' fí' lí' se' Galilea e e'r' jaléng' dsea' Israel júu' quiá' Fidié' fí' dsí' guá' quiá'r' e téé' laco' fii'. Jō guiar' júu' quiá' Fidié'

e nijaquíem'ba' e nicá` dsea` do nifí` quiá'- lajaang` lajaang` dsea` jmigüí. Jogui jmi'leáam`bir jaléng` dsea` i líng` lí` doñí` ee` jmohuí` osi lí` doñí` jié` lí` cu` quiáin`- é. ²⁴ Jo eáam` nini` júu` quiá'- Jesús quiá'- jalé` e guiá'- e jmóor` do fí` la'úng` fí` lí` se` Siria. Jo jaléng` dsea` i seeng` fí` jo dsilíin` fí` lí` táang` Jesús e dsijéiñ` jaléng` dsea` dsée` quiá'r` lí` doñí` ee` jmohuí` líin`; jo quiéeng` i jée` i líng` quiá'- cóo` gui jaléng` i joñíng` jogui jaléng` i caang` guotii` jogui jaléng` i ja` lí` ngí-, lí` lajaléng` i na dseáng` jmi'leáam` Jesús.

²⁵ Jo eáam` fíing` jaléng` dsea` i níngí` cóo` Jesús; jo jaléng` i dsea` í` seeiñ` do i seeng` fí` lí` se` Galilea jogui seem`bi` i jalíng` fí` jalé` fí` e tée` fí` lí` se` Decápolis jogui seem`bi` i jalíng` fí` Jerusalén jogui seem`bi` cajo jaléng` dsea` i jalíng` fí` lí` se` Judea cóo` gui jaléng` dsea` i jalíng` lí` lí` ngóo` laco` iu` gua` Jordán.

5

Jalé` júu` e ca'e` Jesús dsea` quiá'r` fí` cóo` yá'` mó` (Lc. 6:20-23)

¹ Jo mi` cangá- Jesús e fíing` dsea` ngolíng` caluur` laco` ngóor`, joba' cajgóor` fí` cóo` yá'` mó` jo fí` job caguár`. Jo jaléng` i dsea` quiá'r` do cangoquíeeiñ` fí` lí` guíng` dsea` do, ² jo Jesús canaaiñ` e` reiñ` do jo cajíñ`-:

³ —Juguiá` jia quiá'- jaléng` dsea` i ní` e `neáiñ` Fidiée`, có` dsea` íb` dsea` i quie` nifí` quiá'r`.

⁴ Juguiá` jia quiá'- jaléng` dsea` i dsíng`- lijiuung` dsíí, có` Fidiéeb` nijmi'iaaiñ` dsíí jaléng` i dsea` í.

⁵ Juguiá` jia quiá'- jaléng` dsea` i `neáng` Fidiée`, có` niñir` e jíí` cóo` ja` e quí`r` jmí` jmér` yaaiñ`; jo Fidiée`bing` i nicuó` jaléng` i dsea` í jalé` e catíin` lí` laco` jíí` júu` e nicacuó` reiñ` lamí` jéeng`gui.

⁶ Juguiá` jia quiá'- jaléng` dsea` i dsíng`- iing` jmé` jalé` e iing` Fidiée`, có` dsea` íbing` i nijmicóo` quiá'r` e nilí`bre jmér` jalé` e jo.

⁷ Juguiá` jia quiá'- jaléng` dsea` i fí` líng` jaléng` dsea` rúng`, có` Fidiéeb` nilí` fí` líin` jaléng` i dsea` í.

⁸ Juguiá` jia quiá'- jaléng` dsea` i guíng` dsíí` e jmóor` jman` jalé` e guiá-, có` jaléng` dsea` íbing` i níngíng` Fidiée`.

⁹ Juguiá` jia quiá'- jaléng` dsea` i jmóo` quií`- jial niliseeng` dsea` juguiá` cóo` dsea` rúin`, có` Fidiée`bing` níngíng`- e dsea` íbing` líng` jóor`.

¹⁰ Juguiá` jia quiá'- jaléng` dsea` i dsíngíng`- e jmóo` dsea` ga` quiá'r` uí` e jmóor` jalé` e iing` Fidiée`, có` i dsea` i dsíngíng` jalé` e jo, Fidiée`bing` i quie` nifí` quiá'r`.

¹¹ Juguiá` jia quiá'- `nú` mí` fé` dsea` ga` uí` qui`-na` jogui jmaíñ` `nú` jogui sí`r` `nú` jalé` júu` e o` já`- uí` e líng`na` dsea` quie`-e. ¹² Jmi'iaang` óo`na` jogui güliseeng`na` juguiá-, có` dsíng`- niguo` e ní`líng`na` quiá'- Fidiée` e sí`má'r` qui`-na` fí` níff`. Dsaco` jaléng` dsea` i café` cuaiñ` quiá'- Fidiée` malí`gui eáang`, lajob cajmeáng` dsea` ír` cajo.

'Nú` líng`na` laco` la lí` ní` cóo` gui la lí` jí` fí` jee` jaléng` dsea` jmigüí (Mr. 9:50; Lc. 14:34-35)

¹³ Jo casí` gui Jesús i dsea` quiá'r` do lala:

—'Nú` líng`na` la lí` ní` jee` jaléng` dsea` jmigüí, dsu` fíng` cajéng` e níi` e ní` do, joba' jo` qui`- jmí` jóng` fa' e nilíin`tu` calé` catú-. Jo có` jo` e ta` íng` jíí` cóo` e ní` do, joba' nibí` fí` guiá` fí` jóng, jo jaléng` dsea` i ngí` fí` jo niso`óm`bre.

¹⁴ Jogui `nú` líng`na` la lí` cóo` jí` jee` jaléng` dsea` jmigüí. Cofa' cóo` fí` e néé` fí` cóo` yá'` mó` ja` quí`- jmí` fa' e ní`méng`- `nia` e ja` cuóøng` lí` jóø` dsea`. ¹⁵ Jogui cajo ja` 'gui` dsea` cóo` candí` jo nisí`r` fí` cóo` lí` cóøng`, có` 'né` nisí` dsea` cóo` lí` ní`ba' do, jo lajoba' cuó` jí` e jné` dsea` i neáang` fí` dsíí` sínúu`. ¹⁶ Jo lajob` `nú` cajo, dsea` nilíng`na` lafa` jí` fí` quini`

jaléng' dsea` jmi'güi, jmi'úung`na' e nijmee`na' jalé' e guiá' fí jee` jaléng' dsea` rúng'na', co' mi` niní dsea` e jmoo`na' jalé' e jo, joba' lajím`bre nijmiféiñ' Tiquí`ii' dsea` guing` ñifi` jóng.

Mi` ca'e' Jesús cuaiñ` quiá'` júu` quiu' ta` quiá'` Fidié` e cajme' Moi`

¹⁷ Jo lí` jo, lalab casí`gui Jesús i dsea` quiá'r` do jo cajíñ`:

—Ja` í` óo' `nú' e cagá`a fí jmi'güi la e caga'íin`n jalé' júu` quiu' ta` quiá'` Fidié` e cajme' Moi`, o'gui e caga'íin`n jalé' júu` e ca'e' jaléng' i dsea` i café' cuaiñ` quiá'` Fidié` mali`gui eáang'. Co' ja` cagá`a fa' e caga'íin`n jalé' e jo, co' jnea` cagá`a fí jmi'güi la e lí` laco' niliti` jalé' e júu` job. ¹⁸ Jo jmitaa` óo`na' e lajee` róo`bi guoo`~ uó` jmi'güi, ja` qui'` jmi` fa' e nijé'` jii` camí` e júu` quiu' ta` do cartí mi` nidsijéé` jalé' e nisi'í' e nidsijéé` do. ¹⁹ Joba' i dsea` i ja` jmoo`núu` fa' camí` júu` quiu' ta` quiá'` Fidié` e cajme' Moi`, doñi' fa' ja` 'ga' lí` niing` e júu` camí` do, o'gui e'r` dsea` rúin` jial e nijméiñ` do núu` e júu` jo, joba' i dsea` í` ni'uíñ` jaang` i ja` niing` jii` capí` fí quini` Fidié` mi` tí lí` nicá` dsea` do nifi` quiá'` lajaang` lajaang` dsea` jmi'güi. Dsu' jaléng'gui dsea` i núu` jalé' e júu` quiu' ta` do jogui e'r` jaléng' dsea` rúin` e nijméiñ` do lajo, joba' i dsea` í` ni'uíñ` dsea` i niim` fí quini` Fidié` mi` tí lí` nití` í' e dsea` do nicár` nifi` quiá'` lajaang` lajaang` dsea` jmi'güi. ²⁰ Joba' fí` i `nú' e song ja` nijmi'úung`na' e nijmee`na' núu`na' jalé' júu` quiá'` Fidié` røø`gui laco'gui i tifa' quiá'` júu` quiu' ta` quiá'` dsea` góo`naa' dsea` Israel jo cóo`~gui jaléng' dsea` góo`naa' i líng' dsea` fariseo, joba' ja` qui'` jmi` jóng fa' e Fidié` nicár` nifi` qui`na' mi` tí lí` nití` e í' jo.

Mi` ca'e' Jesús jial lí' mi` guing` dsea`

(Lc. 12:57-59)

²¹ Jo mi` cangí jo, Jesús ca'er' e júu` la jo cajíñ`:

—Jo `nú', nicanúu`ba' lajii` júu` e ca'íng' dsea` áang' qui`naa', jo e lab e jo: “Ja` jngán' dsea` rún', dsuco' i i` jmoo` lajo, joba' fí quini` dseatab` catíng` dsér` e nitidsí' í' quiá'r` laco' catíng`.” ²² Dsu' jnea`gui fí` i `nú' e doñi' i i` dsea` i liguíng` quiá'` jaang`gui dsea` rúng', joba' fí quini` dseatab` catíng` dsé` i dsea` í' e laco' nitidsí' í' quiá'r`. Jo i i` dsea` i jmineang` jaang` dsea` rúng', joba' i dsea` í', dsea` cøøng` i quiu' ta` quiá'` dsea` Israel catíng` niquidsí' í' quiá'r`. Jogui i i` dsea` i cuøøng` júu` 'lí' jaang`gui dsea` rúng', joba' fí lí` 'lib' catíng` i dsea` í' fí lí' coo` jì e ja` tóo` jmi` yu`.

²³ Jo mi` güilíng`na' fí guá' e líng` ee` güicuøø'na' Fidié` fí nife', jo lajee` jo niguiéng' óo`na' e seeng` jaang` dsea` i jmoo`na' mí` cóo', ²⁴ joba' dob` né` sée'na' e quié`na' do, jo nigüilíng`na' e nijmití' óo`na' la'uii` cóo` i dsea` rúng'na' i jmoo`na' mí` cóo` do. Jo mi` níngí, joguiba' nicuøøng` e güicá'na' fí nife' jalé' e quié`na' do jóng.

²⁵ Jo song i i` dsea` 'núng' `nú' lajii` dsee` e nica'ee`na', jogui i iñ` e nidsijééiñ` `nú' fí quini` dseata, joba' guiá`gui jmi'úung`na' jóng e nisíng`na' røø` cóo` i dsea` do la'uii`, nú`gui e nijáiñ` `nú' fí jaguó` dseata; dsuco' song ja` nijmee`na' lajo, joba' i dseata` do nijáiñ` `nú' fí quini` jaléng' í' quiá'r` jo 'núñib` nitáiñ` `nú' jóng. ²⁶ Jo jmitaa` óo`na' e ja` ni'úong`na' e fí dsí' `núñí` do cartí niquí`na' jalé' cuu` e nimí` i dseata` do `nú'.

Mi` ca'e' Jesús e ja` dseeng` e güiing` dsea` cóo` dsea` i o' quiá'r`

²⁷ Jo mi` cangí jo, ca'e'gui Jesús e júu` la jo cajíñ`:

—Nicanúu`b` `nú' e júu` la mali`gui eáang': “Ja` 'lee' e nigün' cóo` dseañu` osi dseamí i o' qui'.” ²⁸ Dsu' jnea` fí` i `nú' e doñi' i i` suung` jaang` dseamí jo í` dsíir` e i iñ` güiñ` cóoiñ` do, joba' lí' lafa' nicajmé`bre e jo mi` ca'í` dsíir` lajo cóo` i dseamí do, jo dseeb` nica'éer` fí quini` Fidié` jóng.

²⁹ Jo lajob` lí', song jminí`na' dsée` jmoo` e niténg`na' fí ni` dsee`, joba' guiá`gui e gui`ba' jo nigüibí`na' fí lí` huí` laco' seeng`na' yaang`na'; dsuco' guiá`gui qui`na' e ni'íng` capí` ngúu` táang`na' e laco'gui e nibíng`na' latøøng`na' fí lí` 'lí'. ³⁰ Jogui song guoo`na' dsée` jmoo` e niténg`na' fí ni` dsee`, joba' guiá`gui qui`na' e quiu`ba'

jo nigüibí'na' huíib- laco' seeng'na' yaang~na'; dsuco' guiá-gui e ni'íng- jíi' guó'na' e laco'gui e nibíng'na' latøøng-na' fí lí' lí'.

Mi' ca'e' Jesús quiá'- mi' tiúung- dsea` rúíñ'
(Mt. 19:9; Mr. 10:11-12; Lc. 16:18)

³¹ Jo mi' calí- jo, cajíng'-gui Jesús e júu^ la:

—Lalab júu^ sea` malíi~gui: “Doñí' ií dseañu' i tiúung- dseamí quiá'-, joba' 'né- cuó'-bre i dseamí do coo` mají lí' fé' quiá'- e nicatiúung- rúíñ'.” ³² Dsu' jnea~gui fíi' i 'nú' e song jaang` dseañu' tiúuñ- dseamí quiá'r- e ja` mí ca'léé' i dseamí quiá'r- do e güññ` cóo~ dseañu' jíéng', joba' i dseañu' do jmóor` e dseáng' e ni'léb- i dseamí do cóo~ dseañu' jíéng', jo lajoba' ni'eiñ- do dsee- fí quini' Fidiéé; jo i dseañu' i nicúng' guó` cóo~ jaang` dseamí i nicatiúung- rúng', joba' dseeb- éer` cajo.

Mi' ca'e' Jesús quiá'- mi' éeng` dsea` fii-

³³ Jo mi' cangí jo, cajíng'-gui Jesús e júu^ la:

—'Nú' nicanáub- ba' lajii' júu^ e fé' dsea` áang' quí'naa', jo e lab e júu^ jo: “Ja` se' jíi' coo` fa' e ja` nijmée' e nicafee' e nica'een- fii-.” ³⁴ Dsu' jnea~ fíi' i 'nú': Ja` éeng'na' fii- quiá'- lí' doñí' ee': ja` éeng'na' ñiff-, dsuco' fí job lí' lí' ée' quiá'- Fidiéé; ³⁵ o'gui éeng'na' guóo~ uó-, dsuco' job lí' jmi'íng' tíi- Fidiéé; o'gui éeng'na' fíi' Jerusalén, dsuco' job lí' lí' fíi' güeang' quiá'- Fidiéé i quíu' ta' fí la'úng- fí jmi'igüí. ³⁶ Jogui ja` éeng' 'nú' moguí'na', dsuco' ja` lí'na' jmisíng'na' i jíi' camí' jñu' guí'na' e tee` osi e uí' é. ³⁷ Jo song fo'na' e nijmee-na', joba' jmee-na' jóng; jo song fo'na' e ja` jmee-na', joba' ja` jmoo'na' jóng; dsuco' song jmoo'na' e jíé'gui, joba' nijmoo'na' náu'na' júu^ quiá'- i 'lim' jóng.

Mi' ca'e' Jesús quiá'- e ja` 'né- cóo` dsea` quiá'r-
(Lc. 6:29-30)

³⁸ Jo mi' cangí jo, ca'e'gui Jesús e júu^ la:

—Nicanáub- 'nú' e júu^ la malíi~gui eáang': “Song jaang` dsea` ca'íñ- coo` jminí', joba' lajob 'né- jme' cóo~ i dsea` í; osi jaang` dsea` ca'íñ camí' majá', joba' lajob 'né- jme' cóo~ i dsea` í cajo.” ³⁹ Dsu' jnea~ fíi' i 'nú': Ja` cóo-na' quí-na' mi' ií jmáng' 'nú' ga; dsu' fíng song ií caquiúu` cataang` moní'na', joba' cuóø'na'r e cataang'gui do güiquiúu` cajo. ⁴⁰ Jogui song ií iíng~ ni'níng- 'nú' fí quini' dseata~, jogui iíñ- niguír- 'mi'quí'na', joba' cuóø'na'r jóng la quí'gui 'mi'guíéé- quí-na' güiquiéer` cajo. ⁴¹ Jo song ií quíu' 'nú' ta' e nigüicá'na' coo` lee' e ngí'na' coo` kilómetro, joba' güica~na' jóng tú- kilómetro. ⁴² Jo fíng mi' dsea` 'nú' lí' doñí' ee', joba' cuóø'na'r jóng; jogui song ií mi' 'nú' e líng~ ee' nijmi'øøng'na're cateá, joba' jmi'øøng'na'r jóng.

'Né- jmi'neáang'naa' jaléng' i 'ní' níng- jneaa'aa'
(Lc. 6:27-28, 32-36)

⁴³ Jo mi' cangí jo, ca'e'gui Jesús e júu^ la jo cajíñ'-:

—Nicanáub- 'nú' cajo e júu^ la malíi~gui eáang': “Jmi'neáang` jaléng' dsea` i seeng` røø` cóo~ jo jmee- e 'ní' man' jaléng' i 'ní' níng- 'nú’.” ⁴⁴ Dsu' jnea~gui fíi' i 'nú': Jmi'neáang'na' jaléng' i 'ní' níng- 'nú' jogui féeng'na' Fidiéé uii' quiá'- jaléng' dsea` i jmáng' 'nú' ga, ⁴⁵ jo lajoba' ni'uíng-na' jóo` Tiquí'na' Fidiéé dsea` guíng~ ñiff-. Dsuco' dsea` do jmóo-bre e guo' iee' lí' seeng` jaléng' dsea` i jmóo` jalé' e ga` jogui lí' seeng` jaléng' dsea` i jmóo` jalé' e guíu- cajo; jogui síim-bre jmi' cajo lí' seeng` jaléng' dsea` i ée' e guíu- cóo~ gui fí lí' seeng` jaléng' dsea` i ja` ée' e guíu-. ⁴⁶ Dsuco' song 'nú' jmi'neáang'na' lajii' dsea` i jmi'neáang` 'nú', joba' ja` ni'íng'na' jóng lajii' e si'íng'na' quiá'- Fidiéé; co' lajob cajo jmóo` jaléng' nodsicuu- quiá'- Roma. ⁴⁷ Jogui song fóng'na' lajii' dsea` rúng'na', ze' e jíé'gui jmoo'na' laco' doñí' ií dsea'? Co' lajob jmóo` jaléng' dsea` i ja` cuíng' Fidiéé cajo. ⁴⁸ Jo jmi'neáang'na' jaléng' dsea` dseáng'- laco' sí' lí' laco'gui la jmóo` Tiquí'na' dsea` guíng~ ñiff-.

6

Mi~ ca'e' Jesús quíá~ mi~ jaang`dsea`jmicóo~r~ jaang`gui i 'né~ quíá~ lajo

¹ Jo mi~ cangf jo, ca'e'gui Jesús e júu^ la jo cajíñ'~:

—Ja` jmoo`na' jalé` e guiá~ e quí~ t́ing`na' jmoo`na' e lí^ laco' nijóø~ jaléng` dsea`;
co' song jmoo`na' lajo, joba' Tiquíi`na' Fidiéé` dsea` guing~ ñifí~ ja` nicuó`r~ 'nú' jalé` e
niguo` e sea` quíá~r~ fí` ñifí~ quíá~r~.

² Joba' mi~ jmicóo`na' jaléng` dsea` i 'né~ quíá~ lajo, ja` jmoo`na' lí~ cuóøng` jóø~ dsea`
f́ing` lí^ laco'gui la líng` dsea` i jmicaang~ e jmóor` jalé` e iing~ Fidiéé~, dsu` o' já~ e jmóor`
lajo. Co' jaléng` i dsea` i` jmicaaiñ~ e jmicóo`r~ jaléng` dsea` i 'né~ quíá~ lajo fí` dsíi` sinúu`
guá~ cóo`~gui lacaang` jee` 'núu` e lí^ laco' nifé` dsea` guiá~ uii~ quíá~bre. Jo dsu` jnea~
jmitaa` óo`na' e cóo`~ jalé` e jmicaang~ i dsea` do, nicalí~bre lajii` e 'nó`r` do, co' jo` ee`
ni`íng`guir jii`~ cóo` quíá~ Fidiéé`. ³ Jo dsu` mi~ jmicóo`na' 'nú' jaléng` dsea` i 'né~ quíá~ lajo,
ja` 'né~ jmée`na' dsea` júu^ quíá~ lajii` e nijmee`na' do, doñi` fa' jaang` dsea` i cuíng`na`
eáang`; ⁴ jo jmee`na' e jo e ja` ñi` dsea`. Jogui Tiquíi`na' dsea` guing~ ñifí~ jóø~bre lajii` e
jmoo`na' do, jo lajoba' nicuó`r~ 'nú' lajii` e si`má`r` quíi`na' fí` ñifí~ quíá~r~.

Mi~ ca'e' Jesús jial féeng`~naa' Fidiéé`

(Lc. 11:2-4)

⁵ Jo mi~ cangf jo, ca'e'gui Jesús e júu^ la jo cajíñ'~:

—Jo mi~ siing~ 'nú' cóo`~ Fidiéé~, ja` jmoo`na' laco'gui la jmóo` i dsea` i jmicaang~. Co' i
dsea` i` tí` dsíir` síng` yaaiñ~ e síiñ` cóo`~ Fidiéé` fí` dsíi` sinúu` guá~ jogui lacaang` lí` seáng`
dsea` f́ing` i jóøng~ ír` cóo`~ jalé` e jmóor` do. Jo dsu` jnea~ jmitaa` óo`na' e cóo`~ jalé` e
jmicaang~ i dsea` do nicalí~bre lajii` e 'nó`r` do, joba' jo` ee` ni`íng`guir jii`~ cóo` quíá~
Fidiéé`. ⁶ Dsu` 'nú'gui, mi~ siing~na' cóo`~ Fidiéé~, güitáng`na' fí` dsíi` sinúu` quíi`na' jo
jniing~ yaang`na' 'núu` jo siing~na' cóo`~ Tiquíi`na' dsea` guing~ ñifí~ i seeng` cóo`~ 'nú' fí`
jo. Jo co' Tiquíi`na' dsea` guing~ ñifí~ jóø~bre jalé` e jmoo`na' do, joba' nicuó`~bre 'nú'
lajii` e si`má`r` quíi`na' fí` ñifí~ quíá~r~.

⁷ Jogui mi~ siing~na' cóo`~ Fidiéé~, ja` fó`na' jmiguiá` ya` jalé` júu^ e ja` uing~ sea` lí^
laco'gui la jmóo` dsea` i ja` cuíng` Fidiéé`; co' jaléng` i dsea` i` í` dsíir` e song jmiguiá`gui
nifé`r`, joba' já~gui ninú~ diéé~ quíá~r~ jalé` júu^ quíá~r~. ⁸ Jo jie~ mi` jmeáang`~ yaang~
'nú' lajo lí^ laco'gui la jmóo` i dsea` i, co' Tiquíi`na' Fidiéé` jéem` niñir` jalé` e 'né~ quíi`na`
ná~gui e nimí~na're. ⁹ Joba' lalab` 'né~ siing~na' cóo`~ Fidiéé`:

Tiquíi`, dsea` guin~ ñifí~,

güijmifém` jaléng` dsea` jmigüi` 'n#`,

co' 'n#` dsea` fén` fí` la'úng~ fí` jmigüi`.

¹⁰ Jogui güijáng` yaang~ dsea` fí` quini`^

e laco' nicá` nifí` quíá~r~ lajaang` lajaaiñ`.

Jogui güijmitib~ jaléng` dsea` jmigüi` jalé` e iing~ 'n#` fí` jmigüi` la,

lí^ laco'gui líti` fí` ñifí~ quíi`~.

¹¹ Jogui cuóø`~ jnea`^ jalé` e 'né~ niquiee`naa' e jmí~ lana.

¹² Jogui íng` dsee~ uii` quíi`naa' quíá~ jalé` e ja` dseeng` e nicaajmó`naa',

lí^ laco'gui jnea`^ íng`naa' dsee~ quíá~ jaléng` dsea` rú`naa' dsea` jmigüi` mi~ ee`go
nica`léer` quíi`naa'.

¹³ Jogui jmee~ í` jnea`^ lacaang` lí~ ngi`naa'

e laco' ja` nijjá`naa' fí` ni~ dsee~,

jogui jmee~ í` jnea`^ cajo

e laco' ja` nijmeáng` jaléng` i 'ling`^ jnea`^.

Co' 'n#` i` quíi` ta~ røø` fí` la'úng~ fí` jmigüi`

jogui i` 'gøng` jogui i` niing~ eáang` cajo car` ngongí` jmí~.

Jo lajob nilí`.

Jō lanab ca'e Jesús ie~ jō jial féeng~naa' Fidié~.

¹⁴ Jō mi~ calí~ jō, cajíng~gui Jesús:

—Jō song 'nú' íng'na' dsee~ quiá~ jaléng~ dsea` rúng'na' mi~ ee'go 'léer' quií~na', jōba' lajōb Tiquíí~na' dsea` guíng~ ñifí~ cajo ni'ím~bre dsee~ quií~na'. ¹⁵ Dsu' song 'nú'gui ja` íng'na' dsee~ quiá~ jaléng~ dsea` rúng'na' mi~ ee'go 'léer' quií~na', jōba' lajōb Tiquíí~na' dsea` guíng~ ñifí~ cajo ja` ni'íñ~ dsee~ quií~na'.

Mi~ ca'e Jesús quiá~ mi~ jmóo` dsea` ayuno

¹⁶ Jō mi~ cangí~gui lajō, ca'e'gui Jesús e júu^ la jō cajíñ~:

—Jō mi~ jmoo` 'nú' ayuno, ja` jmeáang~ yaang~na' e líng'na' fi'í^ lí^ laco'gui la jmóo` jaléng~ dsea` i jmícaang~ e jmóor` jalé' e íng~ Fidié~, dsu' o' já~ e jmóor` lajō; cō' jmóo` jaléng~ i dsea` í lajō e lí^ laco' nijóø~ dsea` quiá~r~ e jmóor` ayuno. Jō dsu' jnea~ jmítaa^ óo'na' e cōo'~ jalé' e jmícaang~ i dsea` do, nicalí~bre lajii'~ e 'nó'r' do, jō jō` ee' ni'íng'guir jii'~ cōo' quiá~ Fidié~. ¹⁷ Jō dsu' 'nú'gui, mi~ jmoo'na' ayuno, rúu'~na' ní'na' jōgui jmeáang~na' guiá~ yaang~na', ¹⁸ jō lajōba' ja` nililí^ dsea` e jmoo'na' ayuno. Jō jii'~ Tiquíí~na' Fidié~ i seeng` cōo'~ 'nú', jii'~ íbing' i nililí^ e jō, jō dsea` íb i nicuó'~ 'nú' lajii'~ e si'má~r^ quií~na' fi' ñifí~ quiá~r~.

Jalé' e jlo^ e sea` quiá~ Fidié~ fi' ñifí~

(Lc. 12:33-34)

¹⁹ Jō mi~ cangí~ jō, ca'e'gui Jesús e júu^ la jō cajíñ~:

—Ja` jmoo'na' e silí~na' eáang` cuu~ fi' jmigüí~ la, dsuco' fi' jmigüí~ la ím~ jalé' e óo` dsea` jōgui seeng` cajo jaléng' guisí i 'léé', jōgui seem` ñi cajo i dsitáaiñ~ i 'léé' fi' dsí' sinúu^ quiá~ dsea`. ²⁰ Jō guiá~ guib e nijmee~na' e nilísea` quií~na' fi' ñifí~ jalé' e jlo^, cō' fi' jōb lí~ ja` seeng` jaléng' guisí i 'léé', o'gui dsitáang~ jaléng' ñi i 'léé' cajo. ²¹ Cō' lí~ sea` jalé' e lí óo'na' do, e jōbi eáang` guíng~ óo'na' jóng.

Mi~ ca'e Jesús quiá~ cōo' jì cōo' e cuø' e jné' dsea`

(Lc. 11:34-36)

²² Jō mi~ cangí~ jō, ca'e'gui Jesús e júu^ la jō cajíñ~:

—Jalé' jminí~ dsea` líí la líí cōo' jì cōo' e cuø' e jné'r` lacaang` fi' lí~ ngír'; jōba' song jlo^ jminí~na', jōba' guiáb~ jné'na' lacaang` fi' lí~ ngí'na' jóng; ²³ jō dsu' song ja` dseeng` jminí~na', jōba' ja` jné'na' jóng lacaang` fi' lí~ ngí'na'. Jō song lajee~ e jneá` røø` jminí~na' ni'uíng~ e ja` jné'na' jii'~ capí^, jō song lajōb líí, jōba' dseáng'~ nñu'guib ni'uíng~ jminí~na' jóng.

Ja` cuøøng` e guíng~ dsí' dsea` Fidié~ mi~ eáang`gui guíng~ dsír' cuu~

(Lc. 16:13)

²⁴ Jō mi~ cangí~ jō, ca'e'gui Jesús e júu^ la jō cajíñ~:

—Jii'~ jaang` dsea` quí~r~ jmí~ fa' e nijmér~ ta~ fi' quini~ gáng~ fiir~ colíng~, dsuco' song cajméer` lajō, jōba' nilí 'ní' níim~bre jaang` jōgui nijmití~bre ta~ e niquíá~ i jaang`gui do. Jō cō' lajōb líí, jōba' ja` quí~r~ jmí~ fa' e 'nú' nijmití~na' colíng~ jalé' ta~ quiá' Fidié~ jōgui nijmití~na' cajo jalé' ta~ seáng' jmiguiá' cuu~.

Tō' fñm` Fidié~ jaléng` dsea` quiá~r~

(Lc. 12:22-31)

²⁵ Jō uí~ jōba' fñ~ 'nú' e ja` jmee~na' fi'í^ uii~ quiá~ jalé' e u^ cø^na' e laco' cuø' e seeng'na', o'gui quiá~ jalé' sí'na' cajo. Cō' eáang`gui laniing~ e seeng` dsea` laco'gui jalé' e gø'r' do, jōgui eáang`gui laniing~ ngúu' táaiñ` cajo laco'gui jalé' sí'r^ e qui'r'. ²⁶ Quié'na' cuente quiá~ fñng` ta` i ngí' fi' guiá^ güí; ja` e jní're' o'gui e sitíng'ne' o'gui 'mea're' jalé' e nidó'~re' fi' dsí' sinúu^ quiá~re'. Dsu' Tiquíí~ 'nú' dsea` guíng~ ñifí~ hém'breiñ` do. Jōgui 'nú', jeáang`gui quíng'na' laco'gui e fñng` ta`! ²⁷ Jō lajōb líí cajo, doñí~ ii` i jmóo` fi'í^ quiá~

jalé' e jo, ja` quí' r~ jmí~ cajo fa' e nijmér~ e seeñ` huøø` gui laco'gui jíí~ e si'í` quiá' r~ fa' jialgui la lí` dsí' r'.

²⁸ Joba' ja` 'né~ jmee~ na' fi'í` quiá'~ jalé' sí' na'. Co' quie` na' cuente jial cuaang` jalé' lí' e sea` fi' jee~ mó'; ja` jmóo` ta` o'gui jmíling~ sí' yaang~. ²⁹ Jo dsu' jnea~ gui fi' i` 'nú' e j'gui i` dseata~ dsea` féng' Salomón do, dsea` i` eáang` sea` cuu~, dseáng'~ ja` caquím' 'ñia' r' 'mi' e niguo' lí' laco'gui la niguo' coo` lí'. ³⁰ Jo song Fidié~ jmóor` e eáang` niguo' sí' jalé' lí' e sea` lacaang` fi' jee~ mó', jo dsu' lajee` cateá' ba' e ee~ e jlo' do, co' dsa' ó' iée' fi' ni` jib` nidsitoo~, jo dsu' jeáang` guib` nijmé~ Fidié~ i' 'nú' laco'gui e lí' do, 'nú' dsea` i` ja` 'ga' lí' já' líng` e tíng` Fidié~ jmér~ lí' doñi' ee! ³¹ Joba' 'nú' ja` 'né~ jmee~ na' fi'í` e fo' na': "¿E~ ni quiee~ naa'? osi ¿E~ ni 'né' naa'? osi fo' b'í' é ¿E~ 'mi' niquí' naa'?" ³² Co' jaléng` dsea` i` ja` cuíng` Fidié~ bing' i` jmóo` fi'í` quiá'~ jalé' e lajo. Jo dsu' 'nú', seem` jaang` Tiquí' na' i` guíng~ ñifí~, jo í'bing' i` niñi' e 'né~ na' jalé' e jo. ³³ Co' e laba' 'né~ e jmee~ na'; la' uii~ e nijmí' úung` na' e seeng` na' e Fidié~ quier' nifí' quí' na', jogui e jmoo' na' dseáng'~ lajíí~ ta` quiu' bre cajo, co' lajoba' e nicuó' r~ 'nú' jalé' e 'né~ na'. ³⁴ Joba' ja` 'né~ jmee~ na' fi'í` quiá'~ jalé' e nidsijéé' quí' na' e jmí~ dsa' ó', co' dsa' ó' jíé' gui e lí' quí' na'. Dsaco' nitéb' jíí~ fi'í` dsí' e sea` laco' jmi~.

7

Ja` cuø' na' dsee~ dsea` rúng' na'

(Lc. 6:37-38, 41-42)

¹ Jo lalab cajíng'~ gui Jesús:

—Ja` cuø' na' dsee~ jaléng` dsea` rúng' na', jo lajoba' ja` nicuó' r~ Fidié~ 'nú' dsee~ cajo.

² Dsaco' Fidié~ nicuó' r~ 'nú' dsee~ lí' laco'gui la cuø' 'nú' dsee~ jaléng` dsea` rúng' na'; jogui jial tí' dsee~ e cuø' 'nú' dsea` rúng' na', joba' lajob nicuó' r~ Fidié~ 'nú' dsee~ cajo.

³ Joba' ¿jiali' ca` cuente lajíí~ qui' iu~ jminí' jaang` dsea` rún', jogui ja` ca` cuente uø' e jíé' ja` latøøng` coo` 'mab` iu~ jminí'? ⁴ Jo song latøøng` coo` 'mab` iu~ jminí' uø', joba' ¿jial niteá' o' e nifí' jaang` dsea` rún': "Rú' uu', nea` du ne` ee', jo nigui` duu e qui' iu~ jminí'?"

⁵ i` jmícaang` 'nú'! Jang'~ gui` du e 'ma' e iu~ jminí' uø', jo lajoguiba' nicuøøng` e jóø' guiá~ e nigui' e qui' e iu~ jminí' i` dsea` rún' do.

⁶ Ja` cuø' na' jalé' e güeang' quiá'~ Fidié~ jaléng` dsea` 'ling' i` soo` dsí', dsaco' i` dsea` la' í' líiñ` la líng` dsii` osi la líng` cú' é, e niso' ø' bre' jalé' e güeang' quiá'~ Fidié~ do, jogui dseáam~ e nilí' 'ní' níiñ` 'nú' jogui e nijmeáiñ` 'nú' ga` cajo.

Mí' na' Fidié~ jalé' e 'né~ na' jo nicuó' bre

(Lc. 11:9-13; 6:31)

⁷ Jo mí~ cangí jo, lalab cajíng'~ gui Jesús:

—Mí' na' Fidié~ jalé' e 'né~ na', jo nicuó' bre; jogui mí~ 'nó' na', niguié' ba' jalé' e 'nó' na' do; jogui mí~ tø' na' fi' o' nú', joba' nineab' e 'nú' do. ⁸ Dsaco' ií` dsea` i` mí' Fidié~ jalé' e 'né~', ngíim` bre; jogui ií` dsea` i` 'nó', dsé' bre e 'nó' r' do; jogui ií` dsea` i` tø' fi' coo` o' nú', nineab' e 'nú' do.

⁹ Jo jnea~ lí' dsii~ e jíí~ jaang` 'nú', dsea` seeng` jaléng` joo` na', e mí~ nimí' r~ 'nú' ir~, nicuó' na' r` cuu~; ¹⁰ osi mí~ nimí' r~ 'nú' capi' ngúu' 'ñu', jo nicuó' na' r` ngúu' mí'. ¹¹ Jo 'nú', dsea` jmoo' na' jalé' e 'lí', tíim` ba' cuø' na' jaléng` joo` na' jalé' e guiá~, jo dsu' eáang` guib` jlo' jalé' e nicuó' Tiquí' na' Fidié~ dsea` guíng~ ñifí~ mí~ nimí' naa' r'.

¹² Jo lajob lí', joba' jmee~ na' jmang'~ e guiá~ coo' jaléng` dsea` rúng' na' lí' laco'gui iing` na' e nijmé~ dsea` cóo' 'nú'; co' lajob ta` quiu' júu' quiu' ta` quiá'~ Fidié~, jogui lajobi fé' fi' ni` jí' quiá'~ jaléng` dsea` i` café' cuaiñ` quiá'~ Fidié~ malí~ gui eáang'.

Mí~ ca' e' Jesús quiá'~ e o' nú' e dsuu'

(Lc. 13:24)

¹³ Jo mí~ cangí jo, ca' e' gui Jesús e júu' la jo cajíñ'~:

—Güitáang'~na' fí o'ná^ e dsuú. Dsucq' e fí o'ná^ e ú cóq'~gui fí guíá'^ fí e ú, fí job lí~ dsitáang'~ fíing'gui dsea` i niteáang'~ fí e ngolíng' fí lí~ 'lí^'; ¹⁴ dsu' e o'ná^ jogui e fí e ngo' fí lí~ guíá^, dsuub' jogui huím' eáang' cajo, joba' ja' 'leáang' dsea` i dsilíng' fí jo.

Jalé'~ma`ofíi`cuíi`dsea`la'eáang`cóq'~ofíi`e`#b`
(Lc. 6:43-44)

¹⁵ Jo fíi~guíi`nú^ e júu^ la: Ñiing~ óo'na' cóq'~ jaléng' dsea` i jmícaang~ e er' júu^ quiá'^ Fidiéé~, dsu' o'já' jalé' e júu^ e fé'r' do. Jo mí~ngír' fí jee~ 'nú', jnéeiñ~ lí~ caluu' la jnéeng~ dsea` guíing~ i cuíng' Fidiéé~, jo dsu' caniing~ jii'~ e 'lé~bre í dsír' fí dsí'. ¹⁶ Jo cóq'~ jalé' e jmóob' i dsea' la'f' cuóong' jmicuíng'na'r. Jo lajob lí' cajo, 'nú' lí'na' jmicuí'na' cóq'~ma` ofíi` la'eáang' cóq'~ofíi`e`#b`; dsucq' cóq' 'matóq' ja' cuóong' fa' e ni'f'~ mí'^ huíng' jó'^ yá'^, o'gui cóq' 'matóq' fí' ja' cuóong' fa' e ni'f'~ güíñí'^ yá'^. ¹⁷ Jo lajob jalé' 'ma` ofíi` e guíá~, jmang'~ ofíi` e guíáb~ cuø; jo dsu' e 'ma` ofíi` e ja' dseeng', ja' dseeng' jalé' ofíi` e cuø. ¹⁸ Jo lajob jalé' 'ma` ofíi` e guíá~, ja' cuóong' fa' e nicuó~ ofíi` e ja' dseeng'; jogui jalé' 'ma` ofíi` e ja' dseeng', ja' cuóong' fa' e nicuó~ ofíi` e guíá~. ¹⁹ Jo nihuíb' jalé' 'ma` ofíi` e ja' cuø ofíi` e guíá~ jo fí ni' jib` nidsitoo'~. ²⁰ Jo co' lajob lí', joba' cóq'~ jalé' e jmóob' i dsea` i jmícaang~ e er' júu^ quiá'^ Fidiéé~ do lí'na' jmicuíng'na'r.

Ja`lajüing`dsea`li'r`e`Fidiéé`nicá`nifi`quiá'r`lata`
(Lc. 13:25-27)

²¹ Jo mí~cangí jo, cajíng'~gui Jesús e júu^ la:

—Ja' lajüing' dsea` i sí' jnea~: “Fíi'i, Fíi'i”, nilí'r' e Fidiéé~ nicá` nifi' quiá'r~ lata~, dsu' i dsea` i nijmé~ jalé' e iing~ Tiquié^e dsea` guíing~ ñifi~, jii'~ íbing' i nilí' e jo. ²² Jo mí~nití' e í' jo mí~niquidsí Fidiéé~ í' quiá'^ lajaléng' dsea` jmigüi, fíim' dsea` nisí'r' jnea~ ie~ jo: “Fíi'i, Fíi'i, jnea'^ café'naa' júu^ quiá'^ la'eáang' 'nu, jogui la'eáang' 'nu ca'uóong~naa' jaléng' i 'lingí'^ i jee' quiá'^ dsea', jo jmiguiab' jalé' e quíi'~ jmíi' e dsigá' dsí' dsea' cajmó^naa' la'eáang' 'nu cajo.” ²³ Dsu' jnea~ ningüi~ quiá'^ i dsea' í ie~ jo: “Jéeng'~na' fí lí~ sín'n la; jdo güilíng~na' lí'^ do, co' dseáng'~ ja' calicuíim'baa 'nú', dsea` i sitíng' 'lée'!”

Mí~ca'e`Jesús`quiá'^`laji`tú~tí~fíi`
(Mr. 1:22; Lc. 6:47-49)

²⁴ Joba' fíi~guíi`nú^ e jaléng' dsea` i núu` jogui jmóor' lajii'~ ta~ quiá'^u líiñ' laco' jaang' dsea` i í dsí' guíá~ jalé' e nijmér~. Jo i dsea' í cajme'r' 'nur~, jo ab' tí~ fíi' catá'r' quiá'^ e 'núu' do. ²⁵ Jo mí~cajá~ jmíi' dsiing~ jo cacuáng~ jalé' gua' jo dsíng'~ caquiá' guí fí lí~ sí' e 'núu' do, dsu' e 'núu' do ja' caquí'~, co' ab' íu~ tí~ fíi' quiá'^. ²⁶ Jo dsu' i dsea` i lico' núu' júu^ quié~ e jo ja' jmóor' lajii'~ ta~ quiá'^u, joba' i dsea' í líiñ' laco' jaang' dsea` i ja' í dsí' guíá~ e nijmér~. Jo cajme'r' 'nur~, dsu' ja' catá'r'~ tí~ fíi' quiá'^ e 'núu' do. ²⁷ Joba' mí~cajá~ jmíi' dsiing~ jo cacuáng~ jalé' gua' jogui dsíng'~ ca'íi' guí, joba' caquíb' e 'núu' do, jo dseáng'~ conguiab' ca'íng~ quiá'^ i dsea' í.

²⁸ Jo mí~calí~ fé' Jesús jalé' e júu^ na, lajüim' dsea` i siseáng' do dsíng'~ cangogá' dsír' laco' e dsea' do, ²⁹ dsucq' dsíng'~ 'gøng' jalé' júu^ quiá'r~ jogui dsíng'~ tíiñ' er' cajo, co' ja' er' laco' e i tifa' quiá'^ júu^ quiá'^ ta~ quiá'^ dsea' Israel.

8

Mí~cajmi`leáang`Jesús`jaang`dsea`i`líng`jmohuí`lí'^fí`ngúu`táang`
(Mr. 1:40-45; Lc. 5:12-16)

¹ Jo mí~cangí jo, cajgám~ Jesús e fí yá'^ mó' do, jo fíim' dsea` ngolíng~ caluur' laco' ngóor'. ² Jo lajee' job cangoquíeng' jaang' dseañu' i nilíng' jmohuí' lí'^ fí ngúu' táang' fí quini' Jesús, jo casí'r' uø~ jnir~ fí quini' dsea' do jo cajíñ'~ casí'~reiñ':

—Fíi'i, cuóøm' lí' jmi'leáan'^ jnea~ lajii'~ jmohuí' e lín'n song iin'~ lajo.

³ Joba' Jesús cagüiñ'~ capí'^ dsea' do jo cajíñ'~ casí'~reiñ':

—Íim~baa jmi'leáan'^ 'nu, jo lana ca'láam~ba' lajii'~ jmohuí' e lin'.

Jò dsifí lajòb ca'láang̃ i dsea`dsée'~ do lajii'~ jmohuú' líiñ'.

⁴Jòba' Jesús casí'~ guir dsea` do jò cajíñ'~:

—Ja` fí' jii'~ jaang` lajii'~ e cajmé'~ e cóo'~ 'nù', lico' gua` güijéeng` uø' fí' quini'~ jmidsea` e laco' niliñí' i jmidsea` do e nica'láam` ba' lajii'~ jmohuú' e lami' lin'. Jò mi'~ nilí jò, joba' güica` lajii'~ e feá'~ e 'né'~ cuø'~ Fidiéé' lí' laco'gui e ta` e caquiá'~ Moi' ie'~ malii'~ gui do. Jò e jòb cuø' lí' fí' quini'~ jaléng` dsea` e nica'láam` ba' lajii'~ jmohuú' e lami' lin'.

*Mi' cajmi'leáang` Jesús jaang` dsea` 'léeng` quiá'~ jaang` fii' 'léé~ romano
(Lc. 7:1-10)*

⁵Jò mi'~ cangí jò, caguiéng'~ Jesús fí' Capernaum, jò fí' jò jaang` fii' 'léé~ romano cangoquiééiñ' fí lí' ngang' dsea` do jò camí'r' dsea` do jmi'ee'~ ⁶jò casí'~ reiñ':

—Fí'i, dob ráang` dsea` 'léeng'~ quié'~ e dsée'r'~ fí' quié'~ e, jò jii'~ ja` lí' jii'~ jòíñ' jògui dsím'~ cu' líiñ' cajo.

⁷Jòba' cañí' Jesús jò casí'~ reiñ':

—Nii' baa nijmi'leáan` nre.

⁸Jòba' cañí' i fii' 'léé~ do quiá'~ Jesús jò casí'~ reiñ':

—Fí'i, ja` catíng` jnea` e 'nù' ni'ú' fí' dsí' sinúú' quié'~ e; lico' féé'~ e ni'leáang̃ i dsea` 'léeng'~ quié'~ e do, joba' lajòb nilí jóng. ⁹Dsüco' seem` dsea` i teáang̃ nifí'gui i quiá' ta` quié'~ e, jògui seem` 'léé~ i quiá' ta` cajo. Jò mi'~ fii' i jaang` 'léé~ quié'~ e e dsér'~, joba' dsé'bre jóng; jògui mi'~ fii' i jaang`gui e jáar', joba' jáa'bre jóng; jògui mi'~ fii' i dsea` 'léeng'~ quié'~ e e líng'~ e jmér'~, joba' jmóo'bre cajo.

¹⁰Jò mi'~ canúu` Jesús e júu` na, eáam' cangogá` dsíir' jò cajíñ'~ casí'r'~ jaléng` i dsea` i ngolíng̃ cóo'r'~ do:

—E já'~ e fii' i 'nù' e jii'~ cóo' ya' ja` mí' cajín' n jaang` dsea` góo'o dsea` Israel i dseáng'~ já' líng' júu` quié'~ e lí' laco'gui la líng' i fii' 'léé~ romano na. ¹¹Jò fii' i 'nù' e jmiguiú' líng' lí' nijalíng̃ fíng' dsea` i ja` líng' dsea` Israel jò nigüear` e nidó'r' cóo'~ jaléng'~ 'líi' dsea` cóong'~ qui'~ ii' i sii' Abraham jògui Isáa' cóo'~ gui Jacóo' mi' tí' lí' nití' í' e nicá' Fidiéé'~ nifí' quiá'~ lajaléng' dsea` jmigüi'. ¹²Jò dsü' Fidiéé'~ nibíim` bre fí' caluu' fí' lí' nùú' só' fíng' dsea` Israel i lami' sí' catíng̃ seeng' cóo'r'~ fí' lí' guiá' fí' lí' quiá'r' ta`, jò i dsea` í' dob nijeár' qui'r' jògui tur' majar' uí'~ jalé' iihuú' e ni'íñ' do.

¹³Jò lí' jò, Jesús casí'~ guir i fii' 'léé~ romano do jò cajíñ'~:

—Guóng' fí' qui'~ jò güilitib` lajii'~ ta` cañí', có' jáb'~ nicalín'~ júu` quié'~ e.

Jò dsifí lajòb ca'láang̃ i dsea` 'léeng'~ quiá'~ i fii' 'léé~ romano do.

*Mi' cajmi'leáang` Jesús iemisé` Tú` Simón
(Mr. 1:29-31; Lc. 4:38-39)*

¹⁴Jò mi'~ cangí jò, Jesús cangór'~ fí' quiá'~ Tú` Simón. Jò mi'~ caguiér'~ fí' jò, dob ráang` iemisé` Tú` Simón e dsíng'~ iu` guíiñ'. ¹⁵Jò Jesús cagüi'r' guoo` i dseamí do, jò dsifí lajòb caguá'~ e iu` guíiñ' do. Jò mi'~ cangí jò, i dseamí do caróor'~ jò cajméer'~ e cagóob'~ jaléng'~ i dsea` do.

*Mi' cajmi'leáang` Jesús fíng' dsea` dsée'~
(Mr. 1:32-34; Lc. 4:40-41)*

¹⁶Jò mi'~ canúu` lajò, fíim' dsea` caguilíñ' fí' lí' guíng̃ Jesús e jéeiñ' jaléng' dsea` i teáang'~ i 'líng' dsí'; jò cóo'~ 'ñia' camí' júu` e fé' Jesús, uøøm` jaléng' i 'líng' i teáang'~ dsí' dsea`, jògui láam` bi lajaléng' dsea` dsée'~ la'eáang' cóo'~ e júu` jò cajo. ¹⁷Jò cangojéé' e la e laco' caliti' jalé' júu` e cajíng'~ jaang` dsea` i café' cuaiñ' quiá'~ Fidiéé'~ malii'~ gui eáang' i calisí Saí' mi' cajíñ'~ lala: "Íbre ca'íñ' jalé' iihuú' qui'~ naa' jògui cacór'~ jalé' jmohuú' e lí'naa' cajo."

*Jaléng' dsea` i iing' dsilíng̃ cóo'~ Jesús
(Lc. 9:57-62)*

18 Jō mi~ cangâ jō, cangá- Jesús e dsíng'- fíng' dsea` caseáng' fí' lacúng' lajíng' lí~ siñ', jōba' caquiur' ta~ dsea` quiár'- e ningúñ- fí' lí~ 'ngóo~ cataang` e guiée' do. 19 Jō lajee` jōb, cangoquiéng' fí' lí~ siñ' jaang` tifa' quiá'- júu^ quiu' ta~ quiá'- dsea` Israel jō cajíñ'- casí'r- dsea` do lala:

—Tifa', iim~baa nii~i cóo'~ 'na` lí^ doñí' jié^ fí' guó^.

20 Jōba' cañíi' Jesús quiá'- i dseañu' do jō casí'-reiñ':

—Jaléng' güíi' seab` too` lí~ güñng`ne', jō lajōbi jaléng' ta` seab` si~re' cajo; dsu' jnea~, dsea` gáa'a fí' ñifí- e lín'n jaang` dsea` jmigúñ, jíi' lí~ quíee~ e moguii- ja` sea`.

21 Jō mi~ cangâ jō, jaang` lajee` i dsea` quiá'- Jesús do casí'- ír` lala jō cajíñ'-:

—Fíi, cuøø' jnea~ fí' jang' ni'áan`n tiquíe^e, jō mi~ ningâ jō, jōguiba' ninii' i cóo'~ 'na`.

22 Jōba' lalab cañíi' Jesús quiá'- i dsea` do jō casí'-reiñ':

—Nea~ cóo'~ jnea~ lana jō cuø' fí' e jaléng' i dsea` i líng' lafa' líng~ ni'áaiñ- tiquíi^ mi~ nití- oor~ quiár'-.

*Mi~ cajmée' Jesús e ca'uáang- e róo- jmii` jōgui ca'uáang- e í' guí`
(Mr. 4:35-41; Lc. 8:22-25)*

23 Jō mi~ cangâ jō, ca'íb- Jesús fí' cóo` dsíi' móo' colíng~ cóo'~ jaléng' dsea` guitúung` quiár'- . 24 Jō lajee` guiáang'~ e ningolíñ- ni~ jmíib` mi~ canaang` íi` guí' la huíng' jōgui canaang` e róo- jmii` cajo, jō mifíng` ninaang` dsi'ab~ jmii` fí' dsíi' e móo' do. Jō lajee` jō, güim` Jesús ngóor'. 25 Jōba' i dsea` quiár'- do cañíim`bre dsea` do jō cajíñ'- casí'-reiñ':

—Fíi'ii', leaang- jneaa~aa', co' ningóo' dsi'am'baa'.

26 Jōba' cañíi' Jesús quiá'- i dsea` do jō casí'-reiñ':

—¿Jialí' dsíng'- 'gó'na'? Jō ¿jialí' ja` 'ga' lí' já'- líng'na' e jnea~ quíi~i jmii~ e nijmee~ e lí^ doñí' ee'?

Jō mi~ calí- fé'r` lana, jō caráaiñ- jō caquiur' ta~ e guí' do cóo'~ guí' e jmii` do, jō dsifí' lajōb caquiung' e í' guí' jōgui caquiur' b' e róo- jmii` cajo, jō tiib- ca'í. 27 Jō dsíng'- cangogá dsíi' i dsea` quiár'- do mi~ cangár- lado, jō canaaiñ` jmíngí'- rúíñ' lajee` la'ó' yaaiñ-:

—¿I' guí' i dseañu' na e quiu'r' ta~ jō núu~ jalé' guí' cóo'~ jalé' jmii' júu^ quiár'-?

*Dsea` i seeng` fí' Gadara i niteáang' i 'líng'^ dsíi`
(Mr. 5:1-20; Lc. 8:26-39)*

28 Jō mi~ tí' lí~ caguié- Jesús fí' lí^ lí' 'ngóo~ cataang` e guiée' do e fí' guóo'~ uó- lí~ se' Gadara, jō fí' codsií' ca'uøøng` gáng- dsea` i niteáang' i 'líng'^ dsíi' jō cangoquiéeiñ' fí' lí~ sing' Jesús. Jō eám' soo` dsíiñ' do e jíi~ jaang` dsea` cuøøng` lí' ngíñ- e fí' jō. 29 Jō lalab canaaiñ` do áiñ' Jesús:

—Ja` jmiguín'^ jnea^, Jesús, co' ne~baa' guiú- e 'nub` dseáng'- lín' Jóo' Fidiée'. Jō ¿su cañíi'- e ñicuøø' jnea^ iihuí' e jíi'~ ja` mí' catí' í' lajō?

30 Jō e quiá'- jōb nitaang~ i fíng' cú^ i taang~ ta~ gø'. 31 Jō i 'líng'^ do camí'r' jmí'ee` Jesús jō casí'r- dsea` do lala:

—Song ni'uøøn'- jnea^ lí~ tée'naa' la, cuøø' jnea^ fí' e nidsitoo'naa' fí' dsíi' i cú^ i taang~ do.

32 Jōba' lalab cañíi' Jesús jō casí'-reiñ' do:

—Güilíng-na' güitáang-na' fí' jō.

Jō ladsifí' lajōb ca'uøøm` i 'líng'^ do fí' dsíi' i dsea` do jō cangotáaiñ~ fí' dsíi' i cú^ i nitaang~ do. Jō dsifí' lajōb canaang` i cú^ do cuíi're' cartí' cajiúng' yaang~ne' fí' dse' jíaa', jō casojiúng'ne' fí' dsíi' jmí' jō fí' jōb cajgó're' jmii'.

33 Jō i dsea` i nijmóo' í' i cú^ do cacuíi'bre cangolíñ' fí' jee~ fií. Jō mi~ caguilíñ' fí' jō, canaaiñ' guiar' júu^ quiá'- lajíi'~ e calí- do cóo'~ i dsea` i teáang' i 'líng'^ dsíi' do. 34 Jōba' lajiiim` i dsea` i seeng` e fií' do cangolíñ- fí' lí~ táang` Jesús. Jō mi~ cangáaiñ- dsea` do, jō camí'reiñ' jmí'ee' fa' e nigüi'íib' dsea` do e fí' guóo'~ uó- lí~ táaiñ' do.

9

*Mi~ cajmi'leáng~ Jesús jaang` dsea` i caang~ tii~
(Mr. 2:1-12; Lc. 5:17-26)*

¹ Jo mi~ cangf jo, cajgob~tu Jesús fí dsí' coo` móo' jo cangúñ' fí lí' 'ngóo~ cataang` e guiéé' do jo caguiém'-tur fí fii' lí' guiiñ~. ² Jo mi~ caguiéiñ'- fí jo, jo caguiling~ dsea` i jéeng` jaang` dsea` i caang~ tii~ i dsíng~ ni~ coo` 'ma' e silíng~. Jo mi~ cangá~ Jesús e jo, jo co' niñi'bre e jáb'- líng` jaléng` i dsea` do júu^ quiá'r~, joba' lalab casí'r~ i dsea` dsée'~ do: —Jóo'o, cuø' bí uø', co' lana nica'ím~ dsee~ quí'~.

³ Jo ie~ jo dob niteáng~ tú~ 'ní m'ing~ tifa' quiá'- júu^ quiu' ta~ quiá'- dsea` Israel. Jo mi~ canúur~ e cajíng'- Jesús lajo, joba' ca'f dsíir' lala: “Lajii~ e nica'jng' i dseañu' na, gab' fé'r uii~ quiá'- Fidiéé~.”

⁴ Jo co' ñib' Jesús lajii~ e í dsí' i dsea` do, joba' cajmingi' reiñ' do lala: —¿Jiali' jmang' e ga'ba' í óo' 'ná'? ⁵ ¿E~ e líng~ na' e ja'gui huíng' e nife'ee', su e “Ni'íim~baa dsee~ quí'~”, osi e nifé'naa' é: “Ráan'- jo ngi'”? ⁶ Jo dsu' lana jnea~ ni'ée'e 'ná' e jneab~ dsea` cagá'a fí ñiff~ e lán'n jaang` dsea` jmigüi' jo oo~baa ta~ fí jmigüi' la e ni'íin~n dsee~ quíá'- dsea`.

Joba' casí' Jesús i dsea` caang~ tii~ do jo cajíñ'-:

—Ráan'- jo sée' lí' ráan' jo guóng' fí quí'~.

⁷ Jo dsifí lajob caráang~ i dseañu' do jo cangám'-bre fí quiá'r~. ⁸ Jo mi~ cangá~ i dsea` i teáng~ do e ca'láam~ i dsea` dsée'~ do, dsíng'- cangogá' dsíir'. Jo lajim~bre canaiñ' jmiféiñ' Fidiéé~ dsuco' dsea` do cacuø'r' dsea` jmigüi' jalé' e quíiñ'~ jmii~ do.

*Mi~ cató'- Jesús jaang` dseañu' i sii' Mateo
(Mr. 2:13-17; Lc. 5:27-32)*

⁹ Jo mi~ cangf jo, cagüi'í' Jesús e fí fii' lí' guiiñ'~ do. Jo lajee~ ngóor' guiá' fíb' cangáiñ' jaang` dseañu' i sii' Mateo i niguiing~ mí cuu~ e catíng~ dseata~ i guing~ fí Roma. Joba' lalab casí' Jesús i dseañu' í jo cajíñ'-:

—Mateo, nea~ cóo'~ jnea~.

Joba' caróob~ Mateo e lí' niguiiñ'~ do jo cangó~bre cóo'~ Jesús.

¹⁰ Jo mi~ cangf jo, e jmii~ job cagó' Jesús fí quiá'- Mateo. Jo lajee~ guiiñ' gø'r colíng~ cóo'~ jaléng' dsea` quiá'r~, caguiling~ i fíng' nodsicuu~ i jmóo' ta~ cóo'~ i Mateo do cóo'~gui jaléng' dsea` i sea` júu^ e dsíng'- røoiñ' dsee~, jo caguár' colíng~ cóo'~ Jesús e cagó'r' ni~ mes~ lí' guing~ dsea` do. ¹¹ Jo mi~ cangá~ tú~ 'ní m'ing~ dsea` Israel i líng' dsea` fariseo e guing~ Jesús gø'r cóo'~ i dsea` do, joba' i dsea` fariseo do cajmingi'r~ dsea` quiá'- Jesús jo cajíñ'-:

—¿Jiali' gø' tifa' quí'~na' cóo'~ jaléng' nodsicuu~ jogui cóo'~ dsea` i sea` júu^ e dsíng'- røoiñ' dsee~?

¹² Jo nicanúub~ Jesús lajii~ e cajíng'- i dsea` do, joba' lalab cañiir' quiáiñ'- do jo casí' reiñ':

—Jaléng' dsea` i guíng~ ja' 'neáiñ~ timí', dsu' 'neám~ jaléng' dsea` dsée'~. ¹³ Güilíng'na' jo güijmitíng'na' e júu^ la e fé' Fidiéé' fí ni~ jì quiá'r': “Jnea~ Fidiéé' iin~n e 'ná' nifii~ líng'na' jaléng' dsea` rúng'na', jo o' líco' cuø'na' feá'- fí quini'.” Jo jnea~ fii' i 'ná' e ja' cagá'a fí jmigüi' la fa' e caga'nén'n jaléng' dsea` i ée' guíá~, dsuco' jnea~ caga'nén'n jaléng' dsea` dsee~ dsea` quib'.

*Mi~ cajmingi' dsea` Jesús cuaiñ' quiá'- ayuno
(Mr. 2:18-22; Lc. 5:33-39)*

¹⁴ Jo cóo' jmii~ cangoquiéeng' jaléng' dsea` quiá'- i Juan i seáng' dsea` jmii' do fí lí' sing' Jesús jo cajmingi'r' dsea` do lala:

—Jnea'^ colíng~ cóo'~ jaléng' dsea` góo'naa' dsea` Israel i líng' dsea` fariseo contøom~ jmoo~naa' ayuno, jo ¿jiali' jaléng' dsea` quí'~ 'nu' ja' jmóor' lajo?

15 Joba' cañiñ' Jesús quiá' i dsea` do jo casí' reiñ':

—Ja` cuøong` nijmé` ayuno jaléng` dsea` i simíng` quiá' coo` lí` cung` guoo` dsea` lajee` seeng` i siming` i cung` guo` do cóo`r~. Jo dsu' niguiéeb' jmíi` mi` nisáng` dsea` i siming` do, joguiba' nijmé` ayuno jaléng` i dsea` do.

16 Jo júi` jaang` dsea` to`r` coo` 'mi' e yúu` cóo` ca'ná' 'mi' e 'míi`, dsuco' song cajméer` lajo, joba' nijóm` e 'mi' 'míi` do jogui ni'guí'bi e 'mi' yúu` do cajo, joba' lí' lí` jmiguiá'gui ni'guí'b` jóng. 17 Jo lajobi cajo ja` guié` dsea` méé' e laco' gui'ná'` có' fí' coo` dsíi' loo` jó' e yúu`, dsuco' song cajméer` lajo, joba' ni'guí'ba' do jo nidsi'íib' e méé' do jogui ni'íim` e loo` jó' do cajo. Jo co' lajob líi', joba' guiá'`gui e niguié` dsea` e méé' laco' gui'ná'` có' do fí' coo` dsíi' loo` jó' e 'míi'b`, jo lajoba' ja` dseáng` fa' e ni'guí' e loo` jó' do o'gui fa' e nidsi'íi' e méé' do cajo.

*Mi` cajmi'leáang` Jesús jóo' Jairo
(Mr. 5:21-43; Lc. 8:40-56)*

18 Jo lajee` sing' Jesús e gui'ná'` sím`bir cóo` i dsea` i caguilíng` jmingíi` do, mi` caguié` jaang` fii` féng' quiá' dsea` Israel i sii` Jairo fí' lí' sing' dsea` do. Jo casí'r` uó` jnir` fí' quini` dsea` do jo casí' reiñ':

—Tifa', 'micú' nabi cajúng` jaang` simí'` quié` e; jo fa' nijgiéé` o' guó'` güiquidsi` guóo' fí' moguir` jo nijí'b` tur.

19 Jo dsifib' cangó` Jesús fí' jo colíng` cóo` i dsea` quiá'r` do. 20 Jo lajee` e iuuiñ` fí' ngóo`bre mi` cangoquiéeng` jaang` dseamí` lí' caluur` i nilíng` jmohuí' e tuuiñ` lajúi` níngoo' mí' guitu` jii`. Jo i dseamí` do catíiñ` capí'` 'ni' sí'` dsea` do; 21 co' í' dsír' e fa' capí'b' sí'` dsea` do catíiñ`, joba' ni'leáam` bre lajúi` jmohuí' e líiñ'. 22 Jo dsifí' mi` cajmée` i dseamí` do lajo, caji' Jesús nir` fí' caluur` jo cangáiñ` i dseamí` i catíng` sí'r` do jo casí' reiñ':

—Cuøø` bí' uø', jóo`o; nica'láam`ba' lajúi` jmohuí' e lamí' lin' uí' e jáb' calín' júu` quié` e.

Jo ladsifí' lajob ca'láang` i dseamí` do lajúi` jmohuí' e líiñ'.

23 Jo mi` tí' lí' caguié` Jesús fí' quiá' i fii` féng' quiá' dsea` Israel do, cangár` e niteáang` dseatí' jíuúr` lúu' quiá'` 'líi` co' tí' lí' ni'ám` i simí'` 'líi` do, jogui jaléng` dsea` eáang` niteáaiñ` ta` qui'` óo`. 24 Joba' caquiú' Jesús ta` quiá'` jaléng` i dsea` do jo casí' reiñ':

—Uøøng`na' lajüing`na' e la, co' ja' 'líiing` i simí'` na, co' lico' güim`bre.

Dsu' mi` canúu` jaléng` i dsea` do lajo, lico' cangíim` bre Jesús, 25 dsu' Jesús ca'uøøm`bre jaléng` i dsea` do fí' lí' teáaiñ`. Jo mi` cangí' jo, calí`bre fí' dsíi' sínúu` jo mifíng` catíiñ` guoo` i simí'` 'líi` do, jo dsifí' lajob caráaiñ` do. 26 Jo latøøm` lí' se' Galilea cani' júu` quiá'` lajúi` e calí' do ie` jmíi` jo.

Mi` cajmi'leáang` Jesús gáng` dsea` tiuung`

27 Jo mi` cangí' e cajmijí' Jesús i simí'` 'líi` do, cagüi'íi' dsea` do fí' jo; jo lajee` ngóor' fí' guiá'` fí', cangoquiéeng` gáng` dsea` tiuung` fí' lí' ngóor', jo i dsea` í' áiñ' Jesús lala:

—iFíi` güilín'` jnea', jóo' dseata` Daví'!

28 Jo mi` tí' lí' caguié` Jesús fí' coo` lí' sí'` 'núu', jo calí`bre fí' dsíi', jo cangotáam`bi i dsea` tiuung` do fí' jo cajo, jo Jesús cajmingí'r` dsea` do:

—¿Su já'` líng` 'nú' e quíi`baa jmíi` jmee` e e nilijné`tu'?

Joba' cañiñ` do:

—Dseáng'` jáb'` lí'naa', Fí'i'.

29 Jo dsifib' cagüi'` Jesús jminiñ` do jo casí' reiñ':

—Nijmee`baa e nilijné`tu', co' jáb'` calíng`na' e quíi`baa jmíi`.

30 Jo dsifib' caná' jmini` i dsea` gáng` do. Dsu' Jesús ca'íir` 'goo' quiáiñ` do e ja` ii' nisíiñ` jii' jaang` quiá'` lajúi` e calí' do. 31 Dsu' i dsea` do, jobi lico' nica'uøøiñ` fí' lí' sí'` e 'núu' do

mi~ canaaiñ` ni'r` júu` fí` lacaang` fii` e` née` lí` se` Galilea` quiá'-` lajii~` e` cajmée` Jesús` cóo~` ír` do.

Mi~ cajmi'leáang` Jesús jaang` dsea` i ja` fé'

³² Jo lajee` e` uøøng` i` dsea` gáang` i` lami~` tiuung` do, jo lajee` jo, tú-` 'ní` máing~` dsea` cangojéeiñ` fí` quini~` Jesús jaang` dsea` i ja` fé'` uíi~` e` iuung` i` 'ling'^` dsíir'. ³³ Jo mi~` calí-` e` cajmihuíng` Jesús i` 'ling'^` i` iuung` dsíi'` i` dsea` i ja` fé'` do, joguiba'` canaaiñ` do café'r`. Jo jaléng` dsea` i` siseáng'` do ie~` jo dsíng'-` cangogá` dsíir'` jo fé'r` lala:

—Dseáng'-` jii~` cóo` ya'` ja` mí` cane` ee'` fí` góo` naa'` Israel lajii~` e` nicalí-` na jmi~` na.

³⁴ Jo dsu'` jaléng` dsea` Israel i` líng'` dsea` fariseo i` siseáng'` do ie~` jo fé'r` lala:

—La'eáang` cóo~` bí` quiá'-` fii~` i` 'lim'^` ba'` tiiing` i` dseañu'` na e` jmihuíñ` i` 'ling'^` i` teáang'-` dsíi'` dsea`.

Eáam` fii~` líng` Jesús jaléng` dsea`

³⁵ Jo mi~` cangí` jo, cangi'` Jesús lacaang` jalé'` fii` fé'` cóo~` gui jalé'` fii` pí'^` e` er'` júu` quiá'-` Fidiée` fí` lacoó` lí` téé-` guá'-` quiá'-` dsea` góor` dsea` Israel. Jogui` guiar'` júu` e` nijaquíem` ba'` e` nicá` dsea` do nifi'` quiá'-` lajaang` lajaang` dsea` jmiigüi', jogui` jmi'leáaiñ` jaléng` dsea` i` líng'` lí'^` doñi'` ee'` jmohuí'` osi lí'^` doñi'` jié'` lí` cu'` quiáiñ`-` é.

³⁶ Jo mi~` cangáng` Jesús i` dsea` 'leáang` i` siseáng'` do ie~` jo, eáam` calí-` fii~` líng` neiñ', co'` dsíng'-` jmiquíng'-` dsíiñ'` do jogui` dsíng'-` lijuung` dsíiñ'` cajo. Co'` líiñ'` do laco'` líng'` jaléng` jo'se'` mi~` ja` seeng` fii~` re'` i` quie'` nifi'` quiáa` re'.

³⁷ Joba'` cajíng'-` Jesús casí'r` jaléng` i` dsea` quiá'r` do lala:

—Ejá'-` e` dsíng'-` fiiing` jaléng` dsea` i` iing` nijmicuíng` jnea~, dsu'` ja` ii'` 'ga'` lí` dsea` seeng` i` niguiá-` júu` quie'` e. ³⁸ Joba'` 'né-` nimí~` 'nú'` Fidiée` e` nicuøng` guir` dsea` i` niguiá-` jalé'` júu` quie'` e, jo e` jo lí'` lafa'` mi~` caroo` jalé'` e` cajni` jaang` dsea` jo dsu'` jo` ii'` 'ga'` lí` seeng` i` nijmicóo~` quiá'r` e` ni~` ta~` do.

10

Mi~` caguíng` Jesús dsea` guitúung` quiá'r`

(Mr. 3:13-19; Lc. 6:12-16)

¹ Jo mi~` cangí` jo, cóo` jmi~` cató'-` Jesús lajiing` i` dsea` guitúung` quiá'r` do, jo cacuø'reiñ` e` óoiñ` do ta~` e` tiiñ` e` ni'uóíñ` jaléng` i` 'ling'^` i` teáang` dsíi'` dsea`, jogui` e` tiiñ` nijmi'leáaiñ` jaléng` dsea` dsée'` lí'^` doñi'` ee'` jmohuí'` líiñ'` osi lí'^` doñi'` jié'` lí` cu'` quiáiñ`-` é.

² Jo lalab sii` jaléng` i` dsea` apóo` i` ni'` júu` quiá'r` do: i` sing'` nifi'` do siir` Simón, jogui` sii` bir` Tú` cajo, jogui` jaang` rúíñ'` do i` sii` Dí'; jogui` Tiáa~` cóo~` jaang` rúíñ'` i` sii` Juan, jo laji` huáaiñ` na líiñ'` jóo'` jaang` dseañu'` i` sii` Zebedeo; ³ jogui` Lií~` jogui` Bartolomé jogui` Mó^` jogui` Mateo, jaang` i` lami~` jmóo` ta~` mí` cuu-` e` catíng` dseata~` i` guing` fí` Roma; jogui` Tiáa~, jóo'` jaang` dseañu'` i` sii` Alfeo; jogui` Tadeo; ⁴ jogui` jaang` i` sii` Simón i` líng'` dsea` celote; jo jaang` gui` i` sii` Judas Iscariote, dsea` i` ca'níng` Jesús fí` quini~` dseata~.

Mi~` casíng` Jesús dsea` guitúung` quiá'r` e` nidsiguiaiñ` júu` quiá'-` Fidiée`

(Mr. 6:7-13; Lc. 9:1-6)

⁵ Jo mi~` cangí` jo, jo lajee` e` ná'-` gui` e` nisíng` Jesús i` dsea` guitúung` quiá'r` do e` nidsiguiaiñ` do júu` quiá'-` Fidiée~, la'uii~` jang'-` casí'-` reiñ'` jalé'` ta~` e` nidsijméeiñ` do jo lalab casí'-` reiñ':

—Jie~` mí` güilíng` na'` fí` guóo'~` uó-` quiá'-` dsea` i` ja` líng'` dsea` Israel, o'gui` nigüitáang` na'` fí` jalé'` fii` quiá'-` dsea` Samaria. ⁶ Jo lajii~` ta~` e` nigüilíng` na'` e` güiquí'-` jíing` na'` jaléng` dsea` Israel jialaco'` nilicuíñ` Fidiée~, co'` i` dsea` í` líiñ'` laco'` jo'se'` i` sí'fíng`.

⁷ Jo güilíng` na'` güiguia` na'` júu` jee~` jaléng` i` dsea` í` e` nicatí'b` í'` e` Fidiée` nicá` nifi'` quiá'r`.

⁸ Jo lajee` jo, jmi'leáang` na'` jaléng` dsea` dsée~, jogui` jmee` na'` e` nijjí'tu` jaléng` líi~`, jogui` jmi'leáang` na'` jaléng` dsea` i` líng'` jmohuí'` lí'^` fí` ngúu'` táang, jogui` uøøng` na'` jaléng` i`

'ling' i teáng' dsí' dsea. Jo ja cá'na' e 'léeng'na' quiá' lajii' e nijmee'na' do, co' ja ee' cuu' cacóng' quií'na' e cang'ng'na'.

9 Jo ja 'né' cá'na' jii' ca'ling' cuu' quiá' e 'né'na' 10 o'gui nosúu' quií'na'. Jogui jii' sí'na' e quií'ba' 'né' cá'na', co' ja 'né' cá'na' e co' cá'na'; lajobi lomii'na' cajo, lajii' e ó'ba', o'gui 'né' cá'na' 'ma'u', cofa' jaléng' dsea' jmóo' ta' ngim'bre jalé' e gø'r'.

11 Jo mi' niguilíng'na' fí' coo' fii' pí' osi fí' coo' fii' fé' é, 'néng'na' jaang' dsea' i li' i ni'ing' 'nú' fí' sinúu' quiá'r', jo fí' job' nijá'na' carta' taang'na' fí' e fii' jo. 12 Cuóø'ba' guicá' jaléng' dsea' i neáang' fí' jo mi' nigüitáang'na' fí' sinúu'. 13 Jo song' guiáb' ni'ing' 'nú' i dsea' li' niguilíng'na' do, joba' juguiá' niliseeiñ'; dsu' song' ja' ni'íñ' 'nú' cóo' e guiá', joba' lajob' ja' juguiá' niliseeiñ' yaaiñ' cajo. 14 Jogui' song' ja' ni'íñ' 'nú' guiá' o'gui' iñ' e ninúr' júu' quií'na', joba' uøng'na' lajminá' e fí' sinúu' jo osi e fí' fii' jo é, jo bó'na' 'lee' tóo' tí'na'. 15 Jo jnea' jmitaa' óo'na' e mi' nití' í' e niquidsí' Fidié' í' quiá' lajaang' lajaang' dsea' jmigüi', eéang'guib' nicuø'r' iihuú' i dsea' i ja' calijii' 'nú' do laco'gui' iihuú' e ca'ing' jaléng' dsea' i caliséng' fí' Sodoma cóo' gui' fí' Gomorra.

Mi' cajíng' Jesús e jalé' iihuú' ni'ing' dsea' guitúung' quiá'r'

16 Jo mi' cang' jo, lalab' casí' gui' Jesús i dsea' quiá'r' do:

—Téé' áa'na! Jnea' nisín' 'nú' jee' dsea' i 'ni' níng' 'nú' lafa' jaang' jo'se' i ni'iuung' jee' ie'dsinúu'. Jogui' jmee'na' lí'na' laco'gui' la lí' jaang' mi', jo 'né' bi' cajo e ja' 'lee'na' dsuco' fa' jaang' mee' ja' 'léé're'. 17 Jo ñiim' áa'na', co' nisám' dsea' 'nú' jo nidsijeáaiñ' 'nú' fí' quini' dseata' qui' i dsea' Israel, jogui' nijmihuú' 'nú' fí' dsí' sinúu' guá' quiá'r' 18 jo j'gui' cartí' nidsijeáaiñ' 'nú' fí' quini' dseata' dsea' cóong' uí' e cuíng'na' jnea'. Dsu' mi' nijmeáiñ' 'nú' lajo, joba' cuóøng' e nifo'na' fí' quini' cóo' gui' fí' quini' jaléng' dsea' i ja' cuíng' Fidié' jial' mi' ca'uíng'na' dsea' quié' e. 19 Jo dsu' mi' nijáiñ' 'nú' fí' quini' dseata', ja' jmee'na' fí' jial' nifí'na' r' osi jial' ningii'na' quiá'r' é, co' Fidiéeb' dsea' nicuø'r' 'nú' e ní'na' e' júu' e ningii'na' quiá'r' mi' tí' lí' nití' í' e líng' ee' nijmingí'r' 'nú'. 20 Co' ie' jo, Jmiguí' quiá' Tiquí'naa' Fidié' dsea' guíng' ñifí' e nifé' cuaiñ' quií'na' mi' nití' e í' jo, jo o' yaang' 'nú' dsea' nifo'na'.

21 Jo mi' tí' lí' jo, seem' dsea' nijáiñ' jaléng' rúíñ' e nijúuiñ', jogui' seem' bi' tiquiá' dsea' nijmér' lajo cóo' jóor', osi jóor' é nijmér' lajo cóo' tiquiá'r' e nijngáng' rúíñ'. 22 Jo lajím' dsea' jmigüi' nilí' 'ní' níñ' 'nú' uí' e cuíng'na' jnea'; jo dsu' i dsea' i nité' e siñ' teá' fí' guiá' contøng' cóo' jnea', joba' i dsea' í'bing' i nileáng' jee' jalé' dsee' quiá' mi' nití' í' lajo. 23 Jo mi' ni'óng' dsea' 'nú' fí' coo' fii', guiá' gui' e cuí'ba' jo nigüilíng'na' fí' jié'gui' coo' fii'. Jo dsu' jmitaa' óo'na' e jnea' i cajá' fí' jmigüi' la e lín' jaang' dsea' jmigüi', nigáab' túu' calé' catú' ná' gui' e niteáng'na' ngi'na' ta' guiá' júu' quié' e fí' la'úng' jalé' fii' e téé' lí' se' Israel.

24 Co' jii' jaang' dsea' i jmitáng', tii'ng'guir' laco' tifa' quiá'r', o'gui' jaang' dsea' 'léeng' fa' niing'guir' laco' fii'. 25 Co' i dsea' i jmitáng' do 'néb' nijmitíiñ' cartí' nilitíiñ' røø, jo lajoguiba' røøb' nicóíñ' cóo' tifa' quiá'r' jóng'. Jogui' i dsea' 'léeng' do mi' ningóo' jmóor' ta', ni'uim'bre laco' i fii' do cajo. Jo song' fé' dsea' e fii' i 'ling' i sií' Beelzebú' quiér' nifí' sinúu' quií'na', joba' ga'guib' nifé' dsea' jóng' uí' quiá' dsea' sinúu' quií'na'.

Jial' né' nijmi'gó' dsea' Fidié'

(Lc. 12:2-7)

26 Jo mi' cang' jo, casí' gui' Jesús jaléng' i dsea' quiá'r' do jo cajíñ':

—Ja' føøng'na' quiá' jaléng' dsea' i 'ní' níng' 'nú', co' ja' sea' jii' coo' júu' e ja' ní' dsea' fa' ja' tóo' jmi' e niliñ' dsea', o'gui' coo' e si'ma' fa' ja' tóo' jmi' e niguié' dsea' cajo. 27 Jogui' jalé' e fii' i 'nú' e iing', guiá'ba' júu' jee' jaléng' dsea'; jogui' jalé' e fii' i 'nú' fí' oo' loguá'na', féé'ba' teá' jee' jaléng' dsea'. 28 Jo ja' føøng'na' quiá' jaléng' dsea' i iing' nijngáng' 'nú', co' ja' e ta' íng' quiá'r' lico' lí'r' jii' ngúu' táang'na'; co' Fidiéeb' dsea' 'né'

i nijmi'goo'na', co' jii' dsea' íbing' cuóøng' nijngáng' dsea' jogui ni'íñ dsea' congua' fí lí' lí' car' ngongh' jmi'.

²⁹ Co' cuóøm nilóng' dsea' gáng' ta' cóo' tú' í' lajo, jo dsu' jii' jaang' i ta' do qui' jmi' nidsi'ling'ne' e ja' mí' caqui' Tiquí'na' Fidié' ta' lajo. ³⁰ Jogui jaléng' 'nú', jigu' jñugui'na' si'í' Fidié' jó' mí' tí'. ³¹ Joba' ja' fóøng'na' jii' cóo', co' lí'gui quíng' 'nú' fí quini' Fidié' laco'gui i fíng' ta'.

Jaléng' dsea' i jing' e cuiñ' Dsea' Jmaang' fí' quini' jaléng' dsea' jiéng'
(Lc. 12:8-9)

³² Jo cajíng' gui Jesús casí'r dsea' quiá'r:

—Song ii' dsea' jing' e cuiñ' jnea' fí' quini' dsea' jiéng', joba' lajob nifá' jnea' cajo e cuím'baa i dsea' í' fí' quini' Tiquié' e dsea' guing' ñifí'; ³³ jo dsu' ii'gui i jing' e ja' cuiñ' jnea' fí' quini' dsea' jiéng', joba' lajob nifá' jnea' cajo e ja' cuín'nre fí' quini' Tiquié' e dsea' guing' ñifí'.

Nijíng' dsea' lajee' la'ó' rúñ' uí' quiá' Jesús
(Lc. 12:51-53; 14:26-27)

³⁴ Ja' í' áa'na' fa' jnea' cagá' a fí' jmi'gü' la e cagajmée' e seeng' dsea' juguiá' júu' røø', co' jnea' ja' cagajmée' lajo, dsuco' uí' jnea' nijíng' dsea' lajee' la'ó' rúñ'. ³⁵ Jo jóo' dsea' dseañu' nijíñ' cóo' tiquiá'r, jogui jóo' dsea' dseam' nijíñ' cóo' niquiá'r, jogui dsea' mīloo' quiá' dsea' nijíñ' cóo' iemiser'; ³⁶ jo lajee' la'ó' dsea' siná'u quiá'r nilí' ní' níng' rúñ'.

³⁷ Jogui song jaang' dsea' eáang'gui 'neáaiñ' tiquiá'r osi niquiá'r é laco'gui jnea', joba' ja' qui' jmi' e líiñ' dsea' quié' e jóng; osi jaang' sejmii' dsea' eáang'gui 'neáaiñ' jóor' dseañu' osi jóor' dseam' é laco'gui jnea', joba' lajob cajo ja' qui' jmi' e líiñ' dsea' quié' e. ³⁸ Jogui ii' dsea' i ja' niseáng' lafa' crúu' quiá'r e laco' cuø' lí' e guiá' dsír' e ni'íñ' iihu' uí' e líiñ' dsea' quié' e, ja' qui' jmi' e líiñ' dsea' quié' e. ³⁹ Jogui ii' dsea' i í' dsí' e lí'bre nileáng' 'ñia'r jee' jalé' dsee' quiá'r, joba' i dsea' í' conguiab' nibíñ' fí' lí' lí' jóng; jo dsu' ii' dsea' i júung' uí' e líiñ' dsea' quié' e, joba' i dsea' í' conguiab' nitíñ' fí' quini' Fidié' jóng.

Lajii' e catíng' dsea' íñ' quiá' Fidié'
(Mr. 9:41)

⁴⁰ Jo lalab casí' gui Jesús dsea' quiá'r:

—Ii' dsea' i íng' 'nú' laco' lí' guilíng'na', joba' ím'bre jnea' cajo; jogui ii' dsea' i íng' jnea', joba' ím'bre i dsea' i casíng' jnea' fí' jmi'gü' la. ⁴¹ Jogui ii' i íng' i dsea' i fé' cuiñ' quiá' Fidié', co' dsea' íb' casí' quiá'r, joba' i dsea' i ni'íng' i dsea' í' røøb' ni'íñ' cajo laco'gui e cuø' Fidié' i dsea' i fé' cuiñ' quiá'r do; jogui ii' i íng' jaang' dsea' i ée' guiá', co' guiúm' i dsea' do, joba' røøb' ni'íng' i dsea' í' quiá' Fidié' lí' laco'gui la íng' i dsea' i ée' guiá' do. ⁴² Jogui doñí' ii' dsea' i cuø' fa' capí' jmi' i dsea' quié' e i doñí' fa' ni'lé' cuíng' jnea', joba' jnea' jmitaa' óo'na' e catí'm bre ni'íñ' lajii' e si'íñ' quiá' Fidié' cajo.

11

Mi' casíng' Juan i seáang' dsea' jmi' dsea' quiá'r fí' lí' táang' Jesús
(Lc. 7:18-35)

¹ Jo mi' tí' lí' cató' e cacuø' Jesús ta' jaléng' i dsea' guitúung' do quiá'r, joba' cangó'bre e cango'er jogui e cangoguiar' júu' quiá' Fidié' fí' jalé' fí' e téé' lí' se' Galilea.

² Jo ie' jo, 'ñañb' iuung' i Juan i seáang' dsea' jmi' do. Jo lajee' iuuiñ' fí' job mi' caliñir' jalé' e qui' jmi' tñng' Dsea' Jmaang' e jmóor', joba' casíñ' cóo' tú' mñng' dsea' quiá'r fí' lí' táang' dsea' do ³ e cangojmiñg' reiñ' su íb' dsea' i sijeeng' dsea' Israel i si'íng' e nigüéeng' fí' jmi'gü' la, osi nijém' bir jaang'gui i jiéng' é.

⁴ Joba' lalab cañí' Jesús quiá' i dsea' do:

—Güiling`na' güicoo`na' júu` quíá'- i Juan do lajii` e nicanáa`na' jogui nicañi`na' e quíá'` jmi` e jmóo'o. ⁵ Síi`gor e lijnéb`tu jaléng` dsea` tiuung`, jogui e ngib`tu jaléng` dsea` jlúung`~, jogui e `láam` jaléng` dsea` i líng` jmohuí` `li`^ fí` ngúu` táang`, jogui e núub`tu jaléng` dsea` güing`~, jogui e jib`tu jaléng` `lii`~, jogui cajo e guiaa` júu` quíá'- jial nileáng` jaléng` dsea` jmi`güi` jee` jalé` dsee` quíá'r`. ⁶ Jjuguiá`-jiu quíá'- jaléng` dsea` i ja` litúng` dsíi` lajii` fí` lí` nisiñ` còo`~ jnea`!

⁷ Jo mi` tí` lí` caquing`-tu` i dsea` i casíng` Juan i seáang` dsea` jmi` do, joba` Jesús canaaiñ` sí'r` jaléng` i dsea` i taang` còo`r` do jalé` juguiá` uii` quíá'- i Juan do, jo lalab casí`-reiñ` jo cajíñ`-:

—¿E` caguijòø` `nú` mi` canáa`na' e ningí` i Juan do fí` jee` guóo`~ uó` quíá'? ¿já` leáa`~?, ja` caguijòøng` `nú` jaang` dsea` i uaang` júu` quíá'- i jmóo` lí`^ doñi` ee` ta` quíá'` dsea` jiéng` i líng` la lí` còo` cuiñi`^ e dséé` cataang` lí`^ doñi` jié` fí` lí` í` guí; ⁸ o`gui` caguijòøng`na' jaang` dseañu` i jlo` sí`^, cò` niñib` `nú` e i dsea` la`í` neáaiñ` quíá'- dseata` dsea` féng`~, cò` í`bing` sea` jalé` e jlo`^ quíá'-. ⁹ Jo ¿i` í` óo`na' i caguijòøng`na'? Jo e jáb`-, `nú` caguijòøng`na' jaang` dsea` i laniing`-gui laco` i dsea` caguiaang` i café` cuaiñ` quíá'- Fidiéé` malii`gui eáang`. ¹⁰ Jo nab` nicaliti` laco` fé` fí` ni` jì` quíá'- Fidiéé` cuaiñ` quíá'- i Juan i seáang` dsea` jmi` do mi` cajíng`- Fidiéé` e casí'r` Dsea` Jmáang` lala:

Nisín`n jaang` dsea` i niguiá` júu` quíe` e

ná`-gui e niguó`^ fí` jmi`güi`

e laco` niguiár`-guiá` fí` lí` ningí`^.

¹¹ Jo lalab cajíng`-gui` Jesús casí'r` i dsea` teáang`-còo`r` do ie` jo:

—Jo jnea` jmitaa`^ óo`na' e lajee` lajaléng` dsea` i nicafé` cuaiñ` quíá'- Fidiéé`, ja` mí` caliséng` jaang` i niing`-gui ta` quíá'- laco` i Juan i seáang` dsea` jmi` do. Jo dsu` i dsea` i ja` niing`- fí` jmi`güi` la dsu` Fidiéé`bing` i quie` nifí` quíá'r`, joba` í`bing` i niing`-gui laco` i Juan do.

¹² Cò` ie` latí` mi` canaang` Juan i seáang` dsea` jmi` e guiar` júu` e nijáa` Dsea` Jmáang`-jo cartí` lana, eáang` huíng` nicangojéé` còo`~ júu` quíá'- Fidiéé` e quíá'- e quier` nifí` quíá'- dsea` jmi`güi`; jogui jaléng` dsea` i `ní` ní`-, cuø` bí` yaaiñ` e laco` iin` nijmigiúeieñ` còo`~ e júu` jo. ¹³ Jo ná`-gui e cagüéng` Juan i seáang` dsea` jmi` fí` jmi`güi` la, jalé` e júu` e caguia` i dsea` i café` cuaiñ` quíá'- Fidiéé` jogui e júu` quíá' ta` quíá'- Fidiéé` do, jalé` e jo lico` jmita` dsíi` e Fidiéé` iin` nicár` nifí` quíá'- lajaang` lajaang` dsea` jmi`güi`. ¹⁴ Jo song` `nú` iing`na' ni`íng`na' e júu` jo, joba` i Juan do líiñ` laco` Líi` i café` cuaiñ` quíá'- Fidiéé` malii`gui eáang` i sí`í` nijáa`tu` calé` catú`-. ¹⁵ Jo jaléng` `nú`, dsea` sea` loguá`na', náa`na' jalé` e júu` e nicafá`-a na.

¹⁶ Jo lana nifá`^duu` jial líng` jaléng` i dsea` seeng` jmi` na, cò` jaléng` í` líiñ` la líng` jiuung` i táang` tacóo` fí` `móo`~, jo mi` niti`áng` rúñi` fé`r` lala: ¹⁷ “Cajiúu` jnea`^ lúu`, dsu` `nú` ja` cadseeng`na'; jogui ca`ø`naa` e ø` dsea` lí` ráang` `lii`~, dsu` `nú` ja` caquíi`na!” ¹⁸ Cò` lalab cafée` `nú` mi` cajá`- i Juan i seáang` dsea` jmi` do, ca`eeng`na`r e iuung`- i `ling`^ dsíi`r` dsu` uíi` e ja` `leáang`-gø`r` jogui jii`^ capí`^ méé` ja` í`r`. ¹⁹ Jogui mi` cagüéng` jnea` fí` jmi`güi` la, jnea` dsea` i jáa` fí` ñifí`- e lín`n jaang` dsea` jmi`güi` e gø`baa` jii`^ laco` gø` dsea`, jo uíi` e lajob` líi`, joba` jaléng` `nú` ca`eeng`na` jnea` e lín`n jaang` dsea` cúng` i gø` contòøng` jogui e lín`n jaang` dsea` íng` i ngí` còo`~ jaléng` dsea` i ga` fé` dsea` uii` quíá'r`-osi còo`~ jaléng` `ná`^ nodsicuu`- i jmóo` ta` mí` cuu`- e catíng`- dseata` quíá'- Roma é. Jo dsu` còo`~ jalé` e jmóo` Fidiéé` jmi`jnéeieñ` jial tíi` tiiñ` ngáiñ`.

Dsea` i ja`já`- calíng`-júu` quíá'- Dsea` Jmáang`

(Lc. 10:13-15)

²⁰ Jo ie` jo, canaang` Jesús `gaam`bre quíá'- jaléng` dsea` i seeng` fí` fii` lí` nicajméer` jalé` e quíá'r` jmi` e dsigá` dsíi` dsea`, cò` jaléng` i dsea` í` ja` caquí` jíng` yaaiñ` fí` quini` Fidiéé`. Jo lalab cajíng`- Jesús ie` jo:

21 —Je ngi~ fii^b^ 'nú', dsea` seeng`na' fi' Corazín cóo~gui 'nú' dsea` seeng`na' fi' Betsaida, cofa' mi~ fi' Tiro cóo~gui fi' Sidón cajmé~ e lajalé' e guiá~ e quí~i jmi~ laco'gui jii~ e nicajmé~ e jee~ 'nú', joba' i dsea` í ladsifi' lajo caquí~ jing' yaaiñ~ fi' quini~ Fidié~ faco' mi~ lajo, jo catíng~ e nineáaiñ~ fi' íb^ uii~ quiá~ jalé' e dsee~ e nicarøøiñ! 22 Joba' fii~i 'nú', dsea` seeng`na' fi' Corazín cóo~gui fi' Betsaida, ie~ mi~ nití~ í' e niquidsí Fidié~ í' quiá~ lajaang` lajaang` dsea` jmi~güí, eáang`gui nicuø'r~ 'nú' iihuú' laco'gui e iihuú' e ni'íng' dsea` i seeng` fi' Tiro cóo~gui fi' Sidón. 23 Jogui jaléng' 'nú', dsea` seeng`na' fi' Capernaum, ¿su líng~na' e 'nú'bing' i nisáng' cartí yá^gui jee~ jaléng' dsea? Jo o' lajo, co' 'nú'bing' i nijgiáang`ti' lí~ 'lí^ mi~ nití~ í' lajo. Cofa' mi~ fi' fii~ Sodoma calí~ lajalé' e quí~i jmi~ laco'gui jii~ e nicajmé~ e jee~ 'nú', joba' ja` ca'íng~ e fii~ jo, jo siji~bi latí lana. 24 Joba' fii~túu 'nú', dsea` i seeng` fi' Capernaum, e mi~ nití~ í' e niquidsí Fidié~ í' quiá~ lajaang` lajaang` dsea` jmi~güí, eáang`gui b ni'íng~ 'nú' iihuú' laco'gui jii~ iihuú' e ca'íng' jaléng' i dsea` i seeng` fi' Sodoma.

*Jaléng' dsea` i óo' fi'í^ dsí 'né~ nijaquíeíñ' fi' quini~ Jesús
(Lc. 10:21-22)*

25 Jo lalab cajíng'~gui Jesús ie~ jo:

—Teaa~, lana jmi'fén' 'n' 'nú', dsea` Fii~ ñifi~ cóo~gui jmi~güí la, dsuco' lana nicajmee~ e ngám' jaléng' dsea` dsee~ dsea` quí~ jalé' júu^ quí~i~, jogui cajmee~ba' e ja` cangáng' júu^ quí~i~ jaléng' dsea` i tíng` eáang` i jmicøøng~ yaang` fi' jee~ jaléng' dsea` rúng'. 26 E jáb~, lajob lí, Teaa~, co' lajob nicalí'íng~ 'nú' e calí~.

27 Jo mi~ cangí jo, lalab casí~ Jesús dsea` quiá~r~:

—Tiquié~ e Fidiéeb~ dsea` nicacuø'r~ jnea~ e néé~ nii~ lajalé' e sea` fi' la'úng~ fi' jmi~güí. Jo jii~ jaang` dsea` dseáng'~ mí cuiñ` jnea~, dsea` lán'n Jóo' Fidié~ camíng'~, co' lajii~ Tiquié~baa dsea` cuiñ` jnea~; jogui jii~ jaang` dsea` dseáng'~ mí cuiñ` Tiquié~ e dsea` guíng~ ñifi~, co' lajii~ jneab~ dsea` cuín`nre cóo~gui lajaléng' dsea` i nisi'íng^ quíe~ e e nilicuíñ` dsea` do. 28 Jo jaléng' 'nú', dsea` i óo' fi'í^, cóo~gui jaléng' 'nú', dsea` dsingíng~na' iihuú', quí~ jing' yaang~na' fi' quini~, co' jneab~ dsea` quí~i jmi~ nijmee~ e e nití~i áa'na' quiá~ jalé' e jo. 29 Jogui íng'na' jalé' júu^ quíe~ e e guíaa~ jee~ 'nú', jogui ee~ba' guiá~ laco'gui jnea~, dsea` lán'n jaang` dsea` féng' dsí cóo~gui doñí ií jogui e ja` jmi'féng' 'ñiá'a' cajo. Jo song nijmee~na' lajo, joba' nilí'ba' jóng e nití~i áa'na' uii~ quiá~ jalé' e dsingíng~na' do. 30 Co' song ií dsea` i íng~ nijmitíng` júu^ quíe~ e jogui nijmitir~ lajii~ júu^ quí~i ta~ quíe~ e, ja` huíng' quiá~r~ e nijmér~ lajo, co' ja` ií e ta` jo.

12

*Mi~ ca'éeng~ dsea` quiá~ Jesús láa' quiá~ cui'íee`
(Mr. 2:23-28; Lc. 6:1-5)*

1 Jo ie~ jo, cóo~gui jmi~ lajee~ e tíng` dsea` Israel e jmi'íñ', cangíng` Jesús colíng~ cóo~gui dsea` guitúung` quiá~r~ fi' cóo~gui guóo' uó^ lí sijnea~ cui'íee`. Jo lajee~ ngíiñ' fi' jo, cadseá~ jmi'aang~ i dsea` quiá~r~ do, jo canaaiñ' do éem~bre láa' quiá~ cui'íee' e sea` do jo canaaiñ' gø'bre mí^ quiá~. 2 Jo ie~ jo, co' quiá~ do nitaang~ cóo~gui tú~ míng' dsea` Israel i líng' dsea` fariseo jo cangá~bre e ca'éeng~ i dsea` quiá~ Jesús do cui'íee', joba' lalab casí~r~ Jesús:

—Ja` catíng~ jme~ i dsea` quí~i na lana lajee~ jmi~ e jmi'íng'naa', jneaa~aa' dsea` lííi' dsea` Israel!

3 Jo lalab cañí~ Jesús quiá~ i dsea` do:

—Téé' óo'na' e nicalí'ba' fi' ni~ jii~ quiá~ Fidié~ lí fé' jial cajmée` dseata~ Daví^ mí cadseá~ jmi'aaiñ~ colíng~ cóo~gui jaléng' dsea` quiá~r~. 4 Co' ie~ jo cangíiñ' cartí dsí sinúu^ guá~, jo cagø'r~ iñí^ e güeang' quiá~ Fidié~ e jii~ jmidsea'bing' sí^ cuøøng` dø', dsu' cagø'bre colíng~ cóo~gui i dsea` quiá~r~ do. 5 Jogui téé' óo'na' cajo jial fé' fi' ni~ jii~ quiá~ Fidié~ e cajme' Moí, co' fi' ni~ jo fé' e ja` dsee~ ée' jaléng' jmidsea` nañí fa' jmóor` ta' fi'

dsíí sináú^ guá^- fé^ lajee^ jmíi~ e jmi'íng' jneaa~aa', dsea` lííí' dsea` Israel. ⁶ Jò dsu' jnea~ fíi^-i 'nú' e niing^-gui júu^ quié^- e laco'gui e guá^- do. ⁷ Dsu' latí' lana ja` mí' cangám'bi' 'nú' e~ guøng' lajii'~ e fé' fí' ní' jì' quiá^- Fidiéé^ lí' fé' lala: "Jnea~ Fidiéé^ iin~n e nilí' fíi^- líng^- rúng'na', jò o' e cuø'na' feá^- fí' quinií^-."

Jò casí^-gui Jesús i dsea` fariseo do:

—Facò' mí' cangáng'na' e júu^ jò latí' mí' uuing~, jòba' ja` e ta~ e cuó'^na' dsee^- jaang` dsea` i ja` mí' ca'lée' jii'~ coo`. ⁸ Jò dsu' e já^- , jnea~ dsea` cagá^- a fí' jmigüí' la e lín'n jaang` dsea` jmigüí', oo~baa ta~ e niquíá'^u ta~ mí' jmíi~ e jmi'íng' jneaa~aa', dsea` líí'naa' dsea` Israel.

Mí' cajmi'leáang^- Jesús jaang` dsea` i caang` guoo`

(Mr. 3:1-6; Lc. 6:6-11)

⁹ Jò mí' cangí' jò, cangó^- Jesús fí' coo` dsíí' sináú^ guá^- quiá^- dsea` góor` dsea` Israel. ¹⁰ Jò mí' caguiér^- fí' jò, dob ni'iuung^- jaang` dseañu' i caang` coo` guoo`. Jò ie~ jò, dob niteáang^- coo` tú^- máng'~ dsea` Israel i líng' dsea` fariseo e síteeíñ^ Jesús e iin~ ninír` su nijmi'leáang^- dsea` do i dsea` i caang` guoo` do 'ñia' ie~ jmíi~ e jmi'íng' dsea` Israel, jò lajòba' e niguié'r' jial e ni'níiñ^- dsea` do fí' quini' dseata~. Jòba' cajmingí'r^- Jesús lala:

—¿Su seab' fí' e nijmi'leáang^- jaang` dsea` dsée'^ lajee^ mí' jmíi~ e jmi'íng'naa'?

¹¹ Jòba' cañí' Jesús quiáiñ^- do jò casí^-reiñ' lala:

—Facò' 'nú' aang^-na' jo'se' jò calingüing^-na' e catøng' jaang` fí' dsíí' íí' 'ñia' ie~ jmíi~ e jmi'íng'naa', ja` lí'^ dsii^-fa' lí'^ niseáang~na're' lajò, co' nigüiseáam'^ba're'. ¹² Jòba' fíi^-i 'nú', jial tíí' laniing^-gui quíng' jaang` dsea` fí' quini' Fidiéé^ laco'gui jaang` jo'se'. Jò lajòb líí', seab' fí' e jmé'^naa' coo` e guiá^- 'ñia' mí' jmíi~ e jmi'íng'naa'.

¹³ Jòba' lalab casí^- Jesús i dsea` caang` guoo` do:

—Níí'~ guóo', dseañu'.

Jò lajòb cajmée^- i dsea` do, jò ladsifí' lanab ca'lóo^- guóor` jò caliguiúb^- e guóor` do líí' laco'gui e coo` do. ¹⁴ Jò mí' tí' lí' ca'uøøng` jaléng' i dsea` fariseo do e fí' dsíí' sináú^ guá^- do, jò canaaíñ^ sáiiñ^ quiá^- jial niguié'r' e nijngáiñ^- Jesús.

Júu^ e cajme' Saíi^ cuaiñ^ quiá^- Jesús

¹⁵ Jò mí' calilí'^ Jesús e jò, cagüí'íí'bre e fí' jò, jò cangóor^- fí' lí' jíé', jò fíim' dsea` cangolíng^- cóo'r' ie~ jò. Jò laco' ngolíiñ^- teáaiñ^- fí' lado, jmi'leáam^- dsea` do jaléng' dsea` dsée'^, ¹⁶ jogui quiu'r' ta~ quiá^- jaléng' i dsea` i jmi'leáaiñ^- do e ja` niguiáiñ^- do júu^ quiá^- jalé' e quíi'~ dsea` do jmíi~ jmóor'. ¹⁷ Jò cajméer' jalé' e jò e laco' caliti~ lajii'~ júu^ quiá^- Fidiéé^ e cajme' Saíi^, jaang` dsea` i café' cuaiñ^ quiá^- Fidiéé^ malíi~gui eáang' mí' cajíiñ^- lala:

¹⁸ I lab i dsea` i nicaguín'^n,

i jmóo' lajii'~ e iin~n,

jò eáam' 'neáan'nre jogui iáang` dsii^- cóo'r'.

Jogui eáam' nilí'gøíñ'

la'eáang' cóo'^ Jmiguí' quié^- e e nicuøø^-øre,

jogui niguiár^- júu^ jee~ jaléng' dsea` jmigüí'

e dseáng' røøb' ní'í'r^- í' quiá^- lajaang' lajaang' dsea`.

¹⁹ Dsu' ja` nijmér^- ta~ jíng' o'gui ta~ ta' mii'~;

jò jii'~ jaang` dsea` ja` ii' ninú^- júu^ quiá'r^- jee~ 'núú' e jmiféng' 'ñia'r'.

²⁰ Jò nijmicóo'^bre jaléng' dsea`

i í' dsíí' e ja` seeng' ii' nijmicóo'^ quiá'r^-.

Jogui nijmicóo'^bir cajò jaléng' dsea`

i í' dsíí' e ja` niquíi'r^- jmíi~.

Jogui niguiár^- júu^ jee~ jaléng' dsea`

car` nilita` dsíiñ' e dseáng' røøb' íí' quiá^- lajaang' lajaang' dsea`.

²¹ Jò la'eáang' íb' nijá^- líng'

jaléng' dsea` jmigüi` júu` quiá'- Fidiée`.
Jo lanab cajíng'- Saíi` ie` malii` gui do.

*Mi` cacuø' dsea` dsee` Jesús e jmóor` ta` la'eáang' cóo' i` 'ling'`
(Mr. 3:20-30; Lc. 11:14-23; 12:10)*

²² Jo mi` cangí jo, cangojéeng` dsea` fí quini` Jesús jaang` dsea` tiuung` jogui i ja` fé' cajo. Jo i` 'lim'` jmóo` e nilíng` i` dsea` do lado. Jo dsu' Jesús cajmi'leáam` bre i` dsea` do, jo calijnéb' tuiñ' do jogui café' tuiñ' cajo. ²³ Jo jaléng' dsea` i` teáang` do ie` jo, eáang` cangogá` dsíir` jo canaaiñ` sí' rúíñ' lajee` yaaiñ` jo fé'r` lala:

—Jangám` song Jóo' dseata` dsea` féng' Davi'` i` na.

²⁴ Jo ie` jo, dob niteáang` cóo` tú` mung'` dsea` Israel i` líng'` dsea` fariseo. Jo mi` canúur` síng` i` dsea` do lado, joba' cajíñ'`:

—La'eáang' cóo'` bí quiá'- Beelzebú i` líng'` fii` jaléng'` i` 'ling'`, la'eáang' í'bing'` tiiing` i` dseañu'` na e uøøiñ` i` 'ling'` i` teáang'` dsíi'` dsea`.

²⁵ Jo có'` ñib` Jesús lajii'` e í` dsíi'` i` dsea` fariseo do, joba' cajíñ'` casí'` reiñ'`:

—Fa' cóo'` fii` jo jaléng'` dsea` i` seeng` fí jo` 'ní'` níng` rúíñ', joba' si'ím` e fii` jo` jóng, có'` ja` seeiñ` røø. Jo lajobi` cajo fa' cóo'` fii` pí'` osi cóo'` sinúu` lí` 'ní'` níng` rúng'` dsea`, si'ím` cajo. ²⁶ Jo lajob lí'` cajo cóo'` Satanás i` líng'` fii` i` 'ling'` do, song nijmihuíñ` i` 'ling'` quiá'r`, joba' nilí` e 'ní'` níim` rúíñ'` jo lajoba' ni'ím` bí quiá'r`. ²⁷ Jo 'nú'` gui fó'` na' e jnea` tiiñ` jmihuín` ñ jaléng'` i` 'ling'` i` teáang'` dsíi'` dsea` la'eáang' cóo'` bí quiá'- fii` i` 'ling'` i` sii` Beelzebú; có'` faco'` lajo, ¿i` i` í` óo'` na' i` jmicóo'` quiá'- jaléng'` dsea` i` ngí` cóo'` 'nú'` e tiiim` bre jmóor` lajo faco'` lajo? Có'` Fidiée` bing'` i` jmicóo'` quiá'- i` dsea` í` e tiiñ` jmóor` lajo. Joba' lajii'` e tiiñ` do cuø` lí` e ja` dseeng` laco'` jii'` e í` áa'` na'. ²⁸ Có'` lajii'` e jmóo'` jnea` e jmihuín` ñ jaléng'` i` 'ling'` i` teáang'` dsíi'` dsea`, la'eáang' cóo'` Jmiguí` quiá'- Fidiée` ba' e jmóo'` lajo. Jo e jo` cuø` lí` e nicatib` í'` e Fidiée` nicár` nífi` quií` na' lajaang` lajaang` na'.

²⁹ Jo jíng'` gui Jesús:

—Jo ja` nilí'` jaang` dsea` ni'ír` fí dsíi'` cóo'` sinúu` quiá'- jaang` dsea` i` bí` gui dsíi'` laco'` ír` e ni'` uø'r` jalé'` e sea` quiáiñ'`, dsuco'` la'` uii` jang'` 'né'` ni'` ñúm'` bre i` dsea` bí` dsíi'` do, jo lajoguiba' cuøøng` e nijmér` lajo.

³⁰ Jo ii` dsea` i` ja` sing'` uii` quié` e, joba' 'ní'` níim` bre jnea`; jogui ii` i` ja` jmicóo'` jnea` e laco'` nilicuíng` dsea` jnea`, joba' ja` siñ'` uii` quié` e cajo.

³¹ Joba' fii` i` 'nú'` e íim` bi` Fidiée` dsee` quiá'- jaléng'` dsea` jmigüi` mi` ee` go júu` ga` fé'r` uii` quiá'- dsea` do, osi lí'` doñí` ee` dsee` e éeiñ'` é; dsu'` jo` ni'` íiñ` dsee` fíng` song ii` café'` ga` uii` quiá'- Jmiguí` quiá'r`. ³² Joba' fii` túu` 'nú'` e Fidiée` íim` bir` dsee` quiá'- jaléng'` dsea` jmigüi` mi` ee` go ga` fé'r` uii` quié` e, jnea` dsea` gáa` a` fí` ñifí` e lín` ñ jaang` dsea` jmigüi`; dsu'` song ii` gui café'` ga` uii` quiá'- Jmiguí` quiá'- Fidiée`, joba' jo` tóo` jmii` fa' ni'` líng` dsea` do dsee` quiá'- i` dsea` í` lata` seeiñ` fí` jmigüi` la` o'` gui fí` jmigüi` cóo'` cajo.

*Jalé'` ma` ofii` cuíi` dsea` la'eáang' cóo'` ofii` e` ñb`
(Lc. 6:43-45)*

³³ Jo lalab cajíng'` gui Jesús e éeiñ` i` dsea` teáang` do ie` jo:

—Fa' 'nú'` ta'` na' o'` fí` í'` 'ma'` ofii` quií` na', joba' jlob'` ofii` nicuø` ; jo song ja` jmoo'` na' lajo, joba' ja'` goo'` ofii` nicuø`. Có'` jaléb'` 'ma'` ofii` cuíi` dsea` la'eáang' cóo'` ofii` e` ñb`. ³⁴ Jóo'` mi'` guíim` 'nú'`! Ja` cuøøng` e nifo'` na'` jmang'` juguiá`, có'` jmang'` jalé'` e ga` ba' í` áa'` na'. Dsuco'` lajii'` e í` dsíib'` dsea`, jii'` joba' fé'r`. ³⁵ Jo jaang` dsea` i` guiúng`, jmang'` júu` guiáb` fé'r`, có'` jmang'` e guiá` ba' í` dsíir`; jogui jaang` dsea` i` soo'` dsíi', jmang'` júu` gab` fé'r`, có'` jmang'` e ga` ba' í` dsíir`. ³⁶ Joba' fii` i` 'nú'` e mi` niguiéé` jmii` e niquidsí` Fidiée` í'` quiá'- lajaang` lajaang` dsea` jmigüi`, ie` job` mi` niguiéé` dsea` júu` fí` quini` dsea` do jalé'` e ja` íng` ta` e café'r` lajee` cateáiñ` fí` jmigüi` la. ³⁷ Jo cóo'` lajii'` júu` e café'` dsea`, cóo'` jii'` job` nija'` í'` su` røøiñ` dsee` osi ja` røøiñ` é` mi` tí` lí` nití` í'` e nitidsí` í'` quiá'r`.

Mi camí' dsea Jesús e nijmér- coo' li e quí' r~ jmí' e dsigá' dsí' dsea'
(Mr. 8:12-13; Lc. 11:29-32)

³⁸ Jo mi~ cangí' jo, coo' tú~ máng'~ tifa' quiá'- júu^ quiu' ta~ quiá'- dsea' Israel cóo'~gui coo' tú~ máng'~ dsea' Israel i líng' dsea' fariseo cangoquíeíñ' fí' lí' sing' Jesús jo casí' r~ dsea' do lala:

—Tifa', ii~naa' ne~naa' e nijme'^ coo' li e quí' r~ jmí' e dsigá' dsí' dsea'.

³⁹ Joba' cañí' Jesús quiá'- i dsea' do:

—Jaléng' dsea' seeng' jmí' na dsíng'~ nirøøíñ' dsee~ jogui ja' jmitir~ júu^ quiá'- Fidié', co' lico' mi' r' jnea~ e nijmee~ e coo' e lí' e quí' r~ jmí' e dsigá' dsí' dsea'. Dsu' ja' nijmee~ e jii' coo' e jo fí' quinir', co' nicaliseáb' e jo lamí' jeéng' gui e cangongíng' Jonás, jaang' dsea' i café' cuaiñ' quiá'- Fidié' malí' gui eáang'. ⁴⁰ Jo laco' ca' í' Jonás 'n'í' jmí' jogui 'n'í' uóø' fí' dsí' tu' jaang' 'ñu' dsée~, lajob jnea~ cajo, dsea' cagá' a fí' ñiff' e lán' n' jaang' dsea' jmígüí', ni'ú'u 'n'í' jmí' jogui 'n'í' uóø' fí' ná' uóø'. ⁴¹ Jo mi~ nití' jmí' e niquidsí' Fidié' í' quiá'- lajaang' lajaang' dsea' jmígüí', i dsea' seeng' fí' fí' Nínive do nicuó' r~ dsee~ jaléng' dsea' i seeng' jmí' na; co' mi~ canúu~ i dsea' í' júu^ e cagua' Jonás, dsifí' lajob caquí' jíng' yaaiñ' fí' quini' Fidié' uí' jalé' dsee~ quiá' r~. Dsu' jnea~ gui fá' a e jnea~ niing' gui laco' gui i Jonás do. ⁴² Lajobi cajo ie~ malí' do caliséng' jaang' reina i caquiá' ta~ fí' lí' huí', jo cajar~ cajanúu' jalé' júu^ e tíng' jaang' dseata~ dsea' féng' i sii' Salomón. Jo lajob lí', i dseamí' í' nicuó' bre dsee~ cajo jaléng' i dsea' seeng' jmí' na mi~ nití' jmí' e niquidsí' Fidié' í' quiá'- lajaang' lajaang' dsea' jmígüí'. Dsu' júu^ quié' e niing' gui laco' gui júu^ quiá'- i dseata~ Salomón do.

Jial lí' mi~ dsitáang' tu i 'líng' fí' dsí' dsea'
(Lc. 11:24-26)

⁴³ Jo mi~ calí' cajíng' Jesús lana, jo casí'~ guir jaléng' i dsea' do jo cajíñ'~:

—Mi' güí' h' jaang' i 'líng' i iuung' dsí' jaang' dsea', ngir' fí' lí' quiu' e 'nó' r' fí' lí' nijmi' íñ'. Jo song ja' niguié' r' lí' nijmi' íñ', joba' í' dsí' r': ⁴⁴ “Níním' túu fí' dsí' dsea' e lí' cajú' u do, co' ja' lí' sea' lí' nijmi' íñ' n.” Jo mi~ niguieng' tur dsí' i dsea' do, niguié' íñ' lafa' coo' sínúu' lí' joo' jogui siquiáang' jogui silí' jlo'. ⁴⁵ Jo mi~ ninír' e dsíng' jlo' dsí' e lí' niguié' íñ' do, joba' nidsér' nidsitéer' guiáang' i 'líng' gui laco' í' e nidsitáaiñ' fí' dsí' i dsea' do, joba' ga' gui nilíng' i dsea' do laco' gui lamí' iuung' jaang' i 'líng' do fí' dsí' r'. Jo lajob nidsingíng' jaléng' i dsea' i røøng' dsee~ i seeng' jmí' na.

Mi' cajíng' Jesús i niquiá' r' jogui i jaléng' rúíñ'
(Mr. 3:31-35; Lc. 8:19-21)

⁴⁶ Jo lajee' gui' nang' sím' bi Jesús cóo'~ jaléng' i dsea' teáang' do ie~ jo, mi~ caguié' niquiá' r' cóo'~ gui jaléng' rúíñ', co' iíñ' nisíñ' cóo'~ dsea' do. Dsu' ja' cangíñ' do cartí' lí' iuung' dsea' do. ⁴⁷ Jo jaang' dsea' jiém' bing' cangojmée' júu^ Jesús e niteáang' i dsea' sínúu' quiá' r' do fí' caluu', jo lalab júu^ quié' i dsea' do:

—Nab nicagüéng' niquí' cóo'~ gui jaléng' rún' e iíñ' síñ' cóo'~ 'nu', jo nab teáaiñ' fí' caluu' lana.

⁴⁸ Jo lalab cañí' Jesús quiá'- i dsea' quié' júu^ do:

—Jneab~ nifí' i 'nu' i~ niquié' e jogui i~ jaléng' rún' n.

⁴⁹ Jo dsifí' b' ca' éeíñ' i dsea' quiá' r' do jo cajíñ'~:

—I dsea' nab niquié' e cóo'~ gui jaléng' rún' n. ⁵⁰ Co' doñí' ii' dsea' i jmiti~ lajii' e iing' Tiquié' e dsea' guíng' ñiff', jaléng' dsea' í' bing' líng' rún' n jogui dsea' í' bing' líng' niquié' e cajo.

13

Coo' júu^ já' e lafa' júu^ cuento quiá'- mi' bí' dsea' mijú'
(Mr. 4:1-9; Lc. 8:4-8)

¹ Jò 'ñia' ie~ jmii~ jò cagüi'üüb Jesús fí jò, jò cangór~ cangogüear' fí 'ni' guieé Galilea. ² Jò cò' i 'leáam~bì dsea' caseáng' fí jò, jòba' Jesús cajgóor~ fí yú' cò' móo' e nisi' e fí 'ni' e guieé do jò fí jòb caguár'. Jò dob teáng~ jaléng' dsea' fí 'ni' jmii~ lajee~ jò. ³ Jò catí jòb canaang' e' Jesús jaléng' i dsea' do jmiguiüüb jalé' júu' quiá'r~, jò casí~reiñ' cò' júu' já'~ e lafa' júu' cuento jò cajíñ'~:

⁴—Cò' nées' jaang' dsea' cangór~ cangobíir~ mijú' quiá'r~. Jò mi~ tí lí~ canaaíñ' bír' e mijú' do, e liing'~ do cajiú' lí~ ngúing' fí, jò tab' cagó' jalé' e jò. ⁵ Dsü' e liing'~gui e mijú' do cangotóo'~ jee~ cüü~ fí lí~ ja' 'leáang~ guóo'~ néé, jò e mijú' jò lajmináb~ ca'iaang', cò' nib~ guóo'~ uó' cangotóo'~. ⁶ Jò dsü' mi~ tí lí~ cangíng~ iee, lajmináb~ caliquiú', cò' ja' a' cangotóo'~ jmó' quiá'~. ⁷ Jò e liing'~gui e mijú' do cangotóo'~ jee~ mijú' 'matóo', jò dsü' mi~ cacuáng~ e mijú' 'matóo' do cajmées' niúm' quiá'~ e mijú' e guiá' do. ⁸ Jò e liing'~gui e mijú' do cajiú' lí~ jlo' uó' jò jlob' cacuø' e mijú' do mi~ cacuáng~; jò e liing'~ e mijú' do cacuø' lí' lí' cien mí' lacamí', ⁹ jogui e liing'~gui do cacuø' jüi'~ sesenta, jò e liing'~gui jüi'~ treinta. Jòba' fí~ i 'nú' jaléng' na' e iü' 'nú' dsea' sea' loguá' na', i'núu~ na' jalé' júu' quié' e!

E~ uiing' e cajíng'~ Jesús jalé' e júu' do

(Mr. 4:10-12; Lc. 8:9-10)

¹⁰ Jò mi~ cató' e café' Jesús jalé' e júu' na, jò cangoquiéeng' i dsea' quiá'r~ do fí lí~ guiiñ' jò cajmingí'r~ dsea' do lala:

—Jialí' fí' jaléng' i dsea' i caseáng' na cò'~ jalé' júu' já'~ e lafa' júu' cuento?

¹¹ Jò lalab cañí' Jesús quiá'~ i dsea' quiá'r~ do jò casí~reiñ':

—Jò 'nú' nicangíng' na' quiá'~ Fidiées' e ngáng' na' jalé' e ja' mí' ñí' dsea' jéeng' gui e dsea' î iñ' cár' nifí' quiá'~ lajaang' lajaang' dsea' jmigüü', jò dsü' jaléng' i dsea' na ja' cangüiñ' e ngáiñ' e jò. ¹² Cò' i dsea' i nicangíng' e ngáng' jüür júu' quié' e jmiguiü'guiü' niñíñ' e ningáiñ' e jò, jòba' lalím' nilisea' quiá'r~; jò dsü' i dsea' i ja' niñíng' e ngáiñ' jüi'~ capí' e jò, jòba' nigüéab' lajüi'~ capí' e ngáiñ' e ngáiñ' do. ¹³ Jò uii~ e lajòb lí', jòba' fí~ i jaléng' i dsea' na cò'~ júu' já'~ e lafa' júu' cuento; cò' jaléng' i dsea' na lím~bre e jné'bre, dsü' ja' jné'r'; jogui lím~bre e núu'bre, dsü' ja' núur' o'gui ngáiñ' cajo. ¹⁴ Jò cò'~ i dsea' na lití' laco' jüi'~ júu' e cajíng'~ Saí', jaang' i café' cuaiñ' quiá'~ Fidiées' malí' gui eáang' mi~ cajíñ'~ lala:

Jial fa' jialgui la núur' dsü' ja' e ningáiñ',

jogui fa' jialgui la jòør~ dsü' ja' e ninír'.

¹⁵ Dsü' cò' jmang'~ e ja' dseem'ba' í dsí' i dsea' seeng' fí la;

jogui jnii'bre loguar~ cò' ja' iñ' ninúr~,

jogui jnii'bre jminir~ cajo cò' ja' iñ' nijòør~,

jò lajòbi ja' cuøøng' ningáiñ' jüi'~ cò',

jò lajòbi cajo ja' niquí'~ jíng' yaaiñ' fí quinií~

e laco' jnea~ nijmi'leáan' nre.

¹⁶ Jòba' fí~ i 'nú', dsea' nilíng' na' dsea' quié' e, juguiá~ jüü' qui' na', cò' seab' jminí' na' cò'~ e cuøøng' jòø' na', jogui seab' loguá' na' cò'~ e cuøøng' núu' na'. ¹⁷ Jogui jnea~ jmitaa' óo' na' e fíim' dsea' i café' cuaiñ' quiá'~ Fidiées' malí' gui eáang' cò'~ gui jaléng' dsea' i ée' guiá' cali' iñ' ninír' lajüi'~ e cangíng' 'nú' e móo' na' jmii~ na, dsü' ja' cangár~; jogui cali' iñ' e ninúr' lajüi'~ e núu' 'nú' lana, dsü' ja' canúur~ cajo.

Mí' cajíng'~ Jesús e' guóng' e júu' quiá'~ i dsea' bí' mijú' do

(Mr. 4:13-20; Lc. 8:11-15)

¹⁸ Núu' na' júu' quié' e, lana nijmées'~ duu' 'nú' júu' e' guóng' e júu' quiá'~ i dsea' bí' mijú' do. ¹⁹ Jaléng' dsea' i núu' jalé' júu' quiá'~ jial quie' Fidiées' nifí' quiá'~ dsea' jò dsü' ja' ngáiñ' e júu' jò, jòba' jaléng' i dsea' í'bing' i líng' laco' e mijú' e ca' líng' fí' guiá' fí' do; cò' dsifí' lanab guieé' fí' i 'líng' jò ím~bre lajüi'~ e nicangáng' i dsea' do. ²⁰ Jogui e mijú' e cajiú' fí' jee~ cüü~ do guóng' quiá'~ jaléng' dsea' i tí' dsí' núu' júu' quiá'~ Fidiées' jogui

tí dsíir' íñ' cajo; ²¹ jo dsu' laco' e mijú' do ja' lí' sea' lí' nisó' jmó' quíá' jmguiá', joba' lajob lí' cóo' i dsea' í, cateá'ba' e té'r' e siñ' teá' cóo' e júu' jo; jo dsu' mi' dsingíñ' e huíng' uí' e já' líñ' e júu' do, joba' ladsifí lanab tá'tur e já' líñ' e júu' jo. ²² Jogui e mijú' e cajiá' fí' jee' mijú' 'matóo' do guóng' quíá' jaléng' dsea' i núu' júu' quíá' Fidié', jo dsu' eáang'gui guing' dsíir' jalé' ta' lí' cuu' fí' jmgüi' la, jogui eáam' jmgóo' e cuu' do quíá'r'. Jo có' lajob líñ', joba' íim' dsíir' lajii' e júu' do; jo lajoba' íim' quíá'r', có' ja' cuør' fí' fa' e nidsicuáng' e júu' do quíá'r' e laco' teá'gui nisíñ' fí' guíá' cóo' Fidié'. ²³ Jo dsu' e mijú' e cangotóo' lí' jlo' uó' do guóng' quíá' jaléng' dsea' i núu' júu' quíá' Fidié' jogui ngám'bre jalé' e júu' jo, joba' eáam' dsicuáng' quíá'r' cóo' e júu' jo. Jo i líng' i dsea' í líñ' laco' e mijú' e cacuø' laji' cien mí' lacamí' do, jogui i líng'gui i dsea' do líñ' laco' e mijú' e cacuø' jii' sesenta mí' lacamí', jogui i líng'gui líng' laco' e mijú' e cacuø' jii' treinta mí' lacamí'.

Coo' júu' já' e lafa' júu' cuento quíá' onuu' guí'

²⁴ Jo mi' cangí jo, cajíng' gui Jesús casí'r' jaléng' i dsea' ngí cóo'r' do cóo'gui júu' já' e lafa' júu' cuento jo cajíñ':

—Lalab lí' mi' Fidié' quier' nifí' quíá' dsea': Jo e jo lí' laco' jaang' dseañu' i cangojní micui'iee' jlo' fí' lí' nicajír'; ²⁵ jo dsu' lajee' uøøb' caguié' jaang' i 'ní' ní' quíá' i dseañu' í jo cangoteár' mijú' onuu' guí' fí' jee' mijú' cui'iee' quíá' i dsea' do, jo mi' cangí jo caquim' tur. ²⁶ Jo mi' tí' lí' canaang' cacuáng' e mijú' cui'iee' do jo canaang' ca'ia' láa' quíá', jo mifíng' cajném' bi cajo e onuu' guí' do. ²⁷ Joba' i dsea' jmóo' ta' quíá' e cui'iee' do caguijmée'bre júu' i dsea' fii' do cuaiñ' quíá' e onuu' guí' e nica'iaang' do, jo lalab casí'reiñ' do: “Fí'ii', jmang' mijú' jlob' e caguijni' 'na' fí' ní' guóo' uø' quí' do. Joba' ¿jie' lí' cajá' jú' quíá' e onuu' guí' e nica'iaang' do?” ²⁸ Jo lalab cañí' i dsea' fii' do quíá' i dsea' 'léeng' quíá'r' do: “Dsea' i 'ní' ní' quíé'baa, íb' lí' dsii' i cajmée' lajo.” Joba' cañí'tu i dsea' 'léeng' do quíá' fii' jo casí'reiñ': “Cuø' 'na' júu', fí'ii', e nidsisé'naa' jalé' e onuu' guí' do.” ²⁹ Joba' cañí'tu i dsea' fii' do quíá' i dsea' 'léeng' quíá'r' do: “U', có' fíng' song cagüitøø' e onuu' do, jo la quie' tí' e cui'iee' dob dseáang' nigüitøø' jóng. ³⁰ Joba' guíá'gui güisée' lado jo güicuaang' colíng' cartí' mi' nití' í' e nihuí' e cui'iee' do; jo i dsea' i nisín' n i nisítíng' e jo, nifí'ire e nisø'r' la'uii' e onuu' guí' do jo niguiár' tá' có' nibøø' jo ngí jo nitó'r' jí; jo mi' níngí, joguiba' nisítíñ' e cui'iee' do jo nitá'r' éé' quíá'.”

Coo' júu' já' e lafa' júu' cuento quíá' coo' mijú' e sii' mostáa'

(Mr. 4:30-32; Lc. 13:18-19)

³¹ Jo casí'gui Jesús jaléng' i dsea' quíá'r' do cóo' e júu' lajob cajo jo cajíñ':

—Lalab lí' mi' Fidié' quier' nifí' quíá' dsea': Jo e jo lí' la lí' cóo' mijú' e pí' eáang' e sii' mostáa' e jní' dsea' fí' guóo' uø' quíá'r'. ³² Jo e já' e mijú' jo pí'gui eáang' lajee' lajalé' mijú', jo dsu' mi' nicuáng', latí' cóo' 'ma' féb' tí', jo cuø' quíá' jaléng' ta' e jmo're' si' re' fí' lacaang' guo' quíá'.

Coo' júu' já' e lafa' júu' cuento quíá' quie' íñ'

(Lc. 13:20-21)

³³ Jo casí'gui Jesús jaléng' i dsea' quíá'r' do cóo' e júu' lajob cajo jo cajíñ':

—Jo lalab lí' mi' Fidié' quier' nifí' quíá' dsea': Jo e jo lí' la lí' quie' e cáng' jaang' dseamí' fí' jee' ca' íñ' quíá'r'. Jo cóo' jii' capí' e quie' dob jmóo' e róo' jalé' e ca' íñ' do.

E uíng' e café' Jesús cóo' júu' já' e lafa' júu' cuento

(Mr. 4:33-34)

³⁴ Jo jmang' cóo' júu' lanab caféng' Jesús jaléng' i dsea' i ngí cóo'r' do, jo jii' cóo' júu' quíá'r' fa' ja' café'r' cóo' e júu' lajo. ³⁵ Jo e júu' na caliti' lí' laco'gui la júu' e caguia' Saí' malí'gui eáang', jaang' dsea' i café' cuaiñ' quíá' Fidié' mi' cajíñ' lala:

Nifá'a j Mang' júu^ já' e lafa' júu^ cuento,
 jogui nijmijnéem' baa jalé' júu^ e si' maang' lamí' jéeng' gui
 latí' jii' ie~ mi~ cajmée' Fidiée' jmigüí'.

Mi~ cajing' Jesús e guóng' e júu^ já' e lafa' júu^ cuento quiá' e onuu' guí' do

³⁶ Jo mi~ cang' jo, ca' h' Jesús júu^ jaléng' i dsea' ngí' cóo'r~ do jo ca' r' fí' cóo' dsí' sinúu^.
 Jo fí' job cangoquiéeng' i dsea' guitúung' do quiá'r~ jo casí'r~ dsea' do e fa' nijméiñ' do júu^
 e~ guóng' e júu^ e cajíñ' do cuaiñ~ quiá' e onuu' guí' e cajní' dsea' fí' lí' líng' ee' sijnéé' dsea'.

³⁷ Jo lalab cañí' Jesús quiá' i dsea' quiá'r~ do:

—I dsea' i jni' e mijú' jlo' do, íb' i dsea' i jáa' fí' ñí' e líiñ' jaang' dsea' jmigüí', ³⁸ jo e
 fí' ní' guóo' uó' do guóng' lafa' fí' jmigüí'. Jo e mijú' e jlo' do guóng' lafa' jaléng' dsea' i
 núu' jalé' ta~ quiu' Fidiée', jogui e onuu' guí' do guóng' lafa' jaléng' dsea' i líng' dsea'
 quiá' fí' i 'líng' i 'ní' níng' Fidiée'. ³⁹ Jogui i fí' i 'líng' i 'ní' níng' Fidiée' do, íb' i cajní'
 e onuu' guí' do. Jogui cuaiñ~ quiá' e sitíng' lajii' e cangojneá' do guóng' lafa' mi~ tí'
 lí' ní' líng' jmigüí'. Jogui jaléng' i sitíng' lajii' e caroo' do, íb' jaléng' ángeles i líng' guotí'
 Fidiée'. ⁴⁰ Jogui lí' laco' sitíng' e onuu' guí' do jo nidsitoo' fí' ní' jì e nicó', lajob cajo
 nidsijéé' mi~ tí' lí' ní' líng' jmigüí'. ⁴¹ Co' jnea~, dsea' i cagüéng' fí' jmigüí' la e lín' n jaang'
 dsea' jmigüí', nisín' n jaléng' ángeles quié' e jee~ jaléng' dsea' i quiá' ta~ quiá' e laco'
 nisitíiñ' do jaléng' i dsea' i jmóo' e niténg' jaléng' dsea' rúng' fí' ní' dsee~ jogui jaléng' gui
 i quí' t'íng' jmóo' jalé' e ja' dseeng'. ⁴² Jo jaléng' i dsea' í' nitáiñ' fí' lí' coo' jì e ja' tóo' jmí'
 yu' jo fí' job ní' iñ' iihu' e eáang' cartí' niquí'r~ jogui nitár~ majar~. ⁴³ Jo dsu' jaléng' gui
 dsea' i núu' jalé' ta~ quiu' Fidiée', dob ninír' e guí' fí' lí' guíng' Tiquí' i' Fidiée' i quiu'
 ta' fí' la' úng' fí' jmigüí'. Jo jaléng' i dsea' í', mi~ niguilíiñ' fí' jo, nilijíiñ' lí' laco' gui la jing'
 iee'. Joba' fí' i 'nú', jaléng' na' dsea' sea' loguá' na', i núu' na' júu^ quié' e!

Coo' júu^ já' e lafa' júu^ cuento quiá' coo' e 'mo' eáang' e si' ma'

⁴⁴ Jo casí' gui Jesús jaléng' i dsea' quiá'r~ do coo' gui júu^ já' e lafa' júu^ cuento jo cajíñ' lala:

—Jo mi~ Fidiée' quier' ní' quiá' dsea', lí' lafa' coo' e 'mo' eáang' e si' ma' lí' nú' uó'.
 Jo fíng' jaang' dsea' cadsé'r' e si' ma' do, jo mi~ cadsé'r' e jo, ní' dsí'r' e dob ni' meá' tur
 calé' catú' dseáng' e lí' cadsé'r' do; jo co' dseáng' eáam' calí' iáang' dsí'r' dsu' e cadsé'r'
 do, joba' mi~ niguieíñ' fí' quiá'r~, ní' ní' bre lajalé' e sea' quiá'r~, jo nilár' e uó' lí' cadsé'r'
 e 'mo' eáang' e si' ma' do.

Coo' júu^ já' e lafa' júu^ cuento quiá' coo' cuu' e 'mo' eáang'

⁴⁵ Jo casí' gui Jesús jaléng' dsea' quiá'r~ coo' gui júu^ lajo jo cajíñ' lala:

—Jo mi~ Fidiée' quier' ní' quiá' dsea', lí' lafa' jaang' dsea' i jmóo' ta~ láa' jogui ta' 'ní'
 cuu' e jlo' jogui e 'mo'. ⁴⁶ Joba' mi~ tí' lí' ní' jiiñ' coo' cuu' e jlo' jogui e 'mo' eáang', joba'
 nidsíiñ' nidsi' ní' bre lajalé' e sea' quiá'r~, jo lajoba' nilí'r' cuu' e nilár' e cuu' do.

Coo' júu^ já' e lafa' júu^ cuento quiá' coo' 'máa' e sáng' 'ñu'

⁴⁷ Lalab lí' cajo mi~ Fidiée' quier' ní' quiá' dsea': Jo e jo lí' laco' coo' 'máa' e sáng'
 'ñu' e bí' dsea' fí' é' jmí' jo lí'r' langíng' íng' 'ñu'. ⁴⁸ Jo mi~ caróng' e 'máa' do e teáang'
 'ñu', joba' i dsea' jmóo' ta~ sáng' 'ñu' do ní' óm' bre e 'máa' do fí' 'ní' jmí', jo fí' job ní' uó'iñ'
 jaléng' i 'ñu' i calí'r~ do jo nitáiñ' fí' dsí' 'matá' la lí' i guíng' gui jogui nibíim' bre jaléng'
 i ja' dseeng'. ⁴⁹ Jo lajob nidsijéé' cajo mi~ tí' lí' ní' í' e ní' líng' jmigüí'; co' ie~ jo nisíng'
 Fidiée' jaléng' ángeles i líng' guotí' e laco' ní' náíñ' ca' jaléng' i dsea' i ca' ée' ga' i seeng'
 jee~ jaléng' i dsea' i ca' ée' guí'. ⁵⁰ Jo jaléng' i dsea' i ca' ée' ga' do nitáiñ' fí' dsí' lí' coo' jì
 e ja' tóo' jmí' yu', jo fí' job ní' iñ' iihu' cartí' niquí'r~ jogui cartí' nitár~ majar~ uí' jalé'
 e nidsíng' iñ' do.

Júu' e 'mí' jogui júu' e yu'

51 Jo cajmingí' gui Jesús jaléng' i dsea` quiá'r- do jo casí'- reiñ' lala:

—¿Su nicangáng' 'nú' jalé' e júu^ e fii- i 'nú' na?

Joba' cañí' i dsea` do:

—iNgám' baa', Fii'ii'!

52 Jo cajíng' gui Jesús jo casí'- reiñ':

—Mi~ jaang` tifa' quiá'- júu^ quiu' ta~ quiá'- dsea` Israel jmitíiñ e quiá'- mi~ Fidiéé` quiér' nifí' quiá'- dsea`, joba' íb` tifa' i líng' laco' jaang` dsea` fii~ coo' 'núu' e guiar' líng' langúng- íng' e dsér' e fí' sinúu^ quiá'r- do, doñí' si 'míi- osi yúu' é, co' dseáng' sití' bre lajalé'.

Mi~ caguiéng'-tu Jesús fí' góor` e sii` Nazaret

(Mr. 6:1-6; Lc. 4:16-30)

53 Jo mi~ catáng' Jesús e fé'r` jalé' e júu^ já'- do e lí' lafa' júu^ cuento, joba' cagüi'í' bre fí' jo, 54 jo caquim'- tur fí' góor` lí' sii` Nazaret, jo fí' job canaang` tur e'r` jaléng' dsea` júu^ quiá'- Fidiéé` fí' dsí' sinúu^ guá'- quiá'- dsea` góor` dsea` Israel e si' fí' jo. Jo lajalém' i dsea` i núu' e júu^ quiá'r- do, eáam` dsigá` dsíiñ' jo fé'r` lala cuaiñ~ quiá'- dsea` do:

—¿Jie~ fí' lí' cajmitúng' i dseañu' na lajalé' e tíiñ` na? ¿Jial tíiñ` jmóor` jalé' e lí' e quí' r~ jmíi~ e dsigá` dsí' dsea'? 55 Jo ¿su o' i nabi jóo' Sé^ i líng' t'ima' i seeng` fí' la, jogui niquiá'r^ sii` Yá^? Jogui i nabi rúng' Tiáa~ cóo' gui Sé^ jogui Simón cóo' gui Judas, 56 jogui labi neáng' i rúñ' dseamí do jee~ jneaa~ aa' cajo. Jo i dseañu' na ja` ní' jial jmóor` e tá'- tíng' lir.

57 Jo jaléng' dsea` i teáng- do lajob fé'r`, joba' ja` iñ~ fa' já'- calíiñ- dsea` do. Jo dsu' Jesús cajíñ'- casí'- reiñ' lala:

—Doñí' jiéb' jmi' gó' dsea` jaang` dsea` i fé' cuaiñ~ quiá'- Fidiéé`, dsu' fíng catí' fii' góor`, jii' jaang` jo` iñ` jmi' gó' ír` jogui lajobi fíng catí' fí' quiá'r- cajo.

58 Jo e fí' jo ja` leáng- jalé' lí' e quí' r~ jmíi~ e dsigá` dsí' dsea` cajmée` Jesús, dsuco' ja` já'- calíng- dsea` ír`.

14

Mi~ cajúng- Juan i seáng` dsea` jmíi`

(Mr. 6:14-29; Lc. 9:7-9)

1 Jo ie~ jo niseeng` jaang` dseata~ dsea` féng' i sii` Herodes i quiu' ta~ latøøng- lí' se' Galilea. Jo i dseata~ í', mi~ caliñir' lajii' júu^ e fé' dsea` quiá'- Jesús, 2 joba' lalab casí'r- i dsea` i jmóo' ta~ quiá'r- do ie~ jo:

—Jangám- i nabi Juan i lami~ seáng` dsea` jmíi` jo e nicajíb' tur calé' catú'. Joba' eáam' quí' r~ jmíi~ cóo' jalé' e lí' e dsigá` dsí' dsea` e jmóor`.

3-4 Jo ie~ lami~ jéeng' gui do i dseata~ Herodes do 'nuñí' b^ cataiñ'- i Juan do. Jo caquiur' ta~ e cañung' dsea` do cóo' ní' cadena fí' dsí' 'nuñí' uí' i dseamí i sii` Herodías i calí- dseamí quiá'- Lii' rúng' dsea` ngáang' cóo' i dseata~ Herodes do. Co' ie~ jo i Juan do cajíim- bre dseata~ Herodes jo casí'r- e ja` catúng- e jmóor` e jeeiñ` lafa' dseamí quiá'r- oo~ dseañu' rúñ' i ngáang' cóo'r- i sii` Lii' do.

5 Jo mi~ canúu- dseata~ Herodes e júu^ jo, joba' dseáng'- lami~ iñ~ nijngám'- bre i Juan do, jo dsu' ja` cajmээр` lajo co' 'góm' bre jaléng' dsea` fii; co' lajim` dsea` já'- líiñ` e i Juan do líiñ` jaang` dsea` i fé' cuaiñ~ quiá'- Fidiéé`. 6 Jo jo` huøø- ngó- mi~ ngí jo mi~ catí' jmíi~ quiá'- dseata~ Herodes e cadsí'r- jii'. Jo i Herodías do niseeng` jaang` simí' quiá'r-, jo i simí' í' cagüi'í' e cadséiñ` dseáng' fí' quini' lí' neáng' i dsea` simíng' do. Jo co' eáam' catí' dsí' i dseata~ Herodes do lajii' e cajmée` i simí' do, 7 joba' casí'- reiñ' do e dseáng'- nicuø' bre lí' doñí' e mí- biñ' do. 8 Jo i simí' do, co' niteáaiñ' júu^ quiá'- niquiá'r^, joba' casí'r- i dseata~ Herodes do lala:

—Cuøø' jnea~ mogui~ Juan i seáng` dsea` jmíi` e iu~ fí' dsí' coo' huí'.

9 Jò dsu' i dseata Herodes do fi'íb^ eáang' caliñ~ mi~ canúur~ e júu^ jò lifa' jo` ñir' e~ jmé~bre, co' jéem' nicacuør' júu^ quiá'r~ fi' quini' i dseamf do jogui fi' quini' i dsea` simíng~ do e nicuó~breiñ' do lí^ doñí ee` mí~biñ'. Jòba' jo` e míf caliseá quiá'r~ jò jji~ lajòb cajméer'. 10 Jò caquiur' ta~ dsea` quiá'r~ e caquiur'biñ' mogui~ i Juan do catí' lí~ iuuiñ~ dsí' 'nuñí'; 11 jò iu~ fi' coo` dsí' huñb` cacór~ jò cacuør' i dseamf do, jò íguib cangñng` fi' jaguó` niquiá'r^ e huñ do.

12 Jò mi~ cangf jo, caguilíng~ jaléng' dsea` quiá'- i Juan do e fi' jò, jò cató~bre i 'lii~ do e cango'áang~neiñ'. Jò mi~ cangf e ca'áaiñ~ dsea` do, jò cangolíim^bre cangojmée'r~ júu^ Jesús quiá'- lajji~ e nicalí~ do.

Mi~ cahéng' Jesús ñiá` mil dsea`

(Mr. 6:30-44; Lc. 9:10-17; Jn. 6:1-14)

13 Jò mi~ caliñí Jesús e nicajngam' dsea` Juan i seáang` dsea` jmiñ do, jòba' cagüi'f'bre 'ñia'r' e fi' lí~ táaiñ do jò cangór~ fi' coo` lí~ ja` jii` 'ga' lí dsea` seeng` e iuuiñ~ fi' dsí' coo` móo'. Jò dsu' mi~ caliñí jaléng' dsea` i seeng` có~ quiá'- do e ñingóo' Jesús, jòba' dsifib' cangolíiñ~ fi' lí^ lí~ ngóo' dsea` do lifa' la tóo` guoo~ uób~. 14 Jò mi~ tí lí~ cagüi'f' Jesús e fi' dsí' móo' do, dob niteáang~ i dsea` leáang~ do, jò calí~ fñ~ lím~bre jaléng' i dsea` do jò cajmi'leáam~bre lajaléng' dsea` dsée~ i jéeiñ' do. 15 Jò co' ie~ jò ñingóo' canuub~, jòba' i dsea` quiá'- Jesús do cangoquiéiñ' fi' lí~ sing' dsea` do jò lalab casí~reiñ':

—Fíi'ii', nicanuub` la, jò jji~ jaang` dsea` neáaiñ` có~ quiá'- la, fa' ni'í^ba' júu^ jaléng' i dsea` na e güiguilíiñ~ fi' lí~ lí~ neáang` dsea` jò fi' jòb nidsileáar' capí^ e nidó'r~, co' ja` e sea` fi' la.

16 Dsu' mi~ canúu~ Jesús lajò, lalab cañír' quiá'- i dsea` quiá'r~ do:

—Ja` 'né` dsilíng~ i dsea` na e nidsi'néer~ e dó'r~, co' 'núb` 'né` cuó^na'r e jò.

17 Jòba' cañí i dsea` quiá'r~ do lala:

—Jji~ 'ñiá` iñí^ cóo~gui gáng~ 'ñu, jji~ jòba' sea` qui~naa' lana.

18 Jòba' lalab cañí tu Jesús quiáiñ' do:

—Cuóø~du' jnea~ e jò fi' la.

19 Jòba' caquiur' Jesús ta~ i dsea` fíng' do e nigüeáiñ` tá'- có` nibøø` fi' jee~ ñii'. Jò mi~ cangf jo, catíng~ Jesús laji` 'ñiá` e iñí^ do cóo~gui laji` huáang~ i 'ñu` do jò cajóør~ fi' yá^ jmigüi, jò lajòb cacuør'~ gui'máang' Fidiée~ quiá'- jalé' e do. Jò ngf jò, cafíim~bre e iñí^ do jò cacuør' i dsea` quiá'r~ do, jò íguib cajméé` guiéé` jee~ jaléng' i dsea` i fíng' do. 20 Jò lajiim` i dsea` do cagø'r` guiá~ ie~ jò car` calitaaiñ~. Jò mi~ calí~ gø'r, caseám~bi guitu'gui 'matá^ jalé' 'ná^ iñí^ cóo~gui jalé' 'náng^ i 'ñu` do. 21 Jò lajee~ lajiing` dsea` i cagø` do ie~ jò tíir' 'ñiá` mil yaang~ dseañu', jò ja` lí'íng^ dseamf cóo~gui jaléng' jiuung~.

Mi~ cangf Jesús fi' ni~ jmiñ`

(Mr. 6:45-52; Jn. 6:16-21)

22 Jò mi~ cangf jo, caquiur' Jesús ta~ i dsea` quiá'r~ do e cangotáaiñ~ do fi' dsí' móo' jò nicuá'r~ e guiéé` do jéeng'guir laco' dsea` do, lajee~ e táaiñ` e i'r' júu^ jaléng' i dsea` i caseáng' do ie~ jò. 23 Jò mi~ catáiñ' e i'r' júu^ jaléng' i dsea` do, joguiba' cajgóor~ fi' coo` yá^ mó' 'ñia'r' lado e cangoféiñ~ Fidiée~. Jò coob` mi~ tí lí~ ca'í~ nuu^, jò dobi táaiñ` 'ñia'r' e fi' yá^ mó' do, 24 jogui e móo' e lí~ teáang~ i dsea` quiá'r~ do ñingo' huim~ laco'gui 'ni' guoo~ uób~. Jò lajee~ jò, dsíng'~ niróo~ jmiñ jogui ni'lea' jmiñ e móo' do, co' lí^ lí~ jiéb' í' guí laco' la ngóo' e móo' do. 25 Jò ñingóo' nijneáb` mi~ cangoquiéeng` Jesús fi' ni~ jmiñ` fi' lí~ ñingo' e móo' e lí~ teáang~ i dsea` quiá'r~ do jò e ngíbre cangáiñ' e fi' ni~ jmiñ do. 26 Jò mi~ tí lí~ cangá~ i dsea` do e ngí Jesús ni~ jmiñ, jòba' ladsifí lanab ca'óor` e cafóíñ' jò cajíñ'~:

—jjaang` dsea` guib` do!

27 Dsu' Jesús cañír' quiá'- i dsea` quiá'r~ do jò casí~reiñ':

—iTeá` teáang` óo'na', co' jneab~ la, jò ja` føøng~na'!

28 Jòba' cañí Tã` Simón quiá'- dsea` do jò cajíñ'~:

—Fíi, song já' e 'nua, joba' síi~ jnea~ e ningi~ fí' ni~ jmi~ cartí' nijín' n 'nua'.

²⁹ Joba' cañí' Jesús quiá' dsea` do:

—Nea~ fí' la jo.

Jo lajob cajmée` Tú` Simón, jo cajgám~ bre li~ dsíi~ fí' yá' e móo' do jo cangoquiéiñ' fí' li~ sing' Jesús. ³⁰ Jo dsu' lajee~ ngóor' ngir' ni~ jmi~ mi~ calilí' r' e dsing' bing~ guí' e í' do, joba' cafóm' bre; jo mifíng` ninaang` dsi'am' bre jóng, joba' ca'óor' jo cajíñ'~:

—¡Leaang~ jnea~, Fíi'!

³¹ Jo dsifí' lanab catíng~ Jesús guoo` Tú` Simón e laco' ja` nidsi'aiñ' do jo casí'~ reiñ':

—¡Jiali' dseáng'~ ja` 'ga' lí' já' lín' júu^ quié~e, jogui jiali' tú~ ca'í' o'!

³² Joba' mi~ tí' li~ cajgóor~ laji' huáaiñ~ do e fí' yá' móo' do, ladsifí' lanab ca'uaang~ e í' guí'. ³³ Jo jaléng' dsea` quiá' Jesús i caguaaang~ do i teáng' dsíi' e móo' do canaaiñ' sí'r' uó~ jnir~ fí' quini~ dsea` do e jmiféng' neiñ' jo cajíñ'~:

—Dseáng'~ e jáb' e 'nua' lín' i Joo' Fidié~ dsea` guing~ ñifí'.

*Mi~ cajmi'leáng~ Jesús jaléng' dsea` dsée' fí' Genesaret
(Mr. 6:53-56)*

³⁴ Jo cacua'bre e guiéé' do e teáng'~ tur fí' dsíi' móo', jo caguiliñ~ fí' coo` li~ sií' Genesaret. ³⁵ Jo mi~ calilí' jaléng' dsea` i seeng' fí' jo e dob táang' Jesús, dsifí' lanab cani'r' júu^ fí' la'úng~ fí' li~ se' e fí' jo jalé' e júu^ jo. Jo jaléng' i dsea` i cangoliñ~ cangojéiñ' jaléng' dsea` dsée' i seeng' quiá'r~ fí' li~ táang' Jesús, ³⁶ jo cami'r' dsea` do fí' e fa' capí' 'ni' sib' dsea` do nigüi'r~; jo jaléng' i dsea` i lí' güi' fa' capí' 'ni' sí' dsea` do, dseáng'~ 'láam~ bre lajii'~ jmohuí' e líiñ'.

15

*Jial lí' mi~ jmíróng' dsea` dsee~ yaaiñ~
(Mr. 7:1-23)*

¹ Jo mi~ cangí' jo, cangoquiéeng' fí' li~ sing' Jesús coo` tú~ máng' dsea` Israel i líng' dsea` fariseo cóo'~ gui tú~ 'ni' máng'~ tifa' quiá'~ júu^ quiu' ta~ quiá'~ dsea` Israel, jo jaléiñ' do jalíiñ~ fí' Jerusalén, jo cajming'~ r' dsea` do lala:

² —¡Jiali' jaléng' dsea` quií'~ ja` ru'r' guóor' laco' qui'~ tíng' 'li~ dsea` áang' qui'~ naa' mi~ ná'~ gui e nidó'r~ ir~?

³ Jogui Jesús cajming'~ r' i dsea` do lala:

—Jo ¡jiali' 'ná' cajo ja' jmi'goo'na' lajii'~ ta~ quiu' Fidié~, co' lico' jmití'~ na' lajii'~ e qui'~ tíng'na' yaam~ba'? ⁴ Co' lalab jing'~ Fidié~: “Jmi'goo' tiquí'~ cóo'~ gui niquí'~”, jogui “I dsea` i cuo' júu^ 'li' tiquiá'~ osi niquiá'~ é, ni'~ í' e 'né~ nijúum~ i dsea` í'.” ⁵ Jo dsu' 'nú' fó'na' e jaang' dsea` cuóom' nis'r' tiquiá'r^ osi niquiá'r^ é: “Ja` cuóong' lí' jmicóo'~ o' 'nua' lana, co' lajib' e sea` quié~e nicacuóo'~ Fidié~”; ⁶ jogui fó'na' cajo e lí' doñí' i i café' e júu^ la jo` catíng~ fa' e nijmicóo'~ guir tiquiá'r^ osi niquiá'r^ é. Jo lajob lí' cóo'~ 'ná', co' jo` jí'~ na' fa' jmití'~ guí' lajii'~ júu^ quiá'~ Fidié~ e cajme' dsea` malí'~ gui, jo jíi'~ e qui'~ tíng'na' yaam~ba' jmití'~ na'. ⁷ i jmicang'~ i la 'nú' cóo'~ jalé' e fó'na'! Co' jáb' laco' jii'~ júu^ e café' Saíi', jaang' i café' cuaiñ~ quiá'~ Fidié~ malí'~ gui eáang' mi~ café'r' uii' quií'na' lala:

⁸ Jaléng' i dsea` na lico' fé'bre e jmi'gór' jnea~ jii'~ cóo'~ layaang~ júu^ quiá'~ bre, dsu' huím~ seeng' jalé' e í' dsíir' do e jmi'gór' jnea~.

⁹ Jo dsu' jíi'~ coo' ja' e ta~ íng' quiá'r~ jial e jmiféiñ' jnea~, co' lajii'~ ta~ quiu' dsea` jmigüi'ba' jmóor'.

¹⁰ Jo mi~ cangí' jo, cató'~ Jesús jaléng' i dsea` i siseáng' do jo casí'~ reiñ' lala:

—Núu^{na} jogui jmee^{na} úung^e ningáng^{na} e júu^{la}: ¹¹ Jíi^{coo} e í^{gø} dsea^{ja} cuóøng^{lí} jmé^e e nili^{liiñ} fí^{quini} Fidiée^{co}, co^{lajíi} júu^e uøø^{fí} mo'oob^{dsea}, jíi^e e joba^{cuóøng} lí^{jmé} e nili^{liiñ} fí^{quini} Fidiée^e.

¹² Jo cangoquiéengⁱ dsea^{quíá} Jesús do fí^{lí} sing^{dsea} do jo cajmingí^{reñ} lala:

—Fíi^{naa}, ¿ní^e e ní^{catíng} dsea^{fariseo} e júu^e e café^{na} 'micú'?

¹³ Joba^{cañí} Jesús quiáⁱ dsea^{quíá} do jo cajíi^{lala}:

—Lí^{doñí} ee^{onuu} e sea^{fí} guóo^{uø} e o^{Tiquié} dsea^{guiing} ñí^{cajnír}, nigüitøøb^e e jo catí^{jmó} quiá^e. ¹⁴ Joba^{fí} 'nú', ja^{jmijíng} jaléngⁱ dsea^{fariseo} do; coⁱ dsea^í líiñ^{lafa} dsea^{tiuung} i jeeng^{jaang} gui dsea^{tiuung}. Jo ja^{lí} jíi^{jaang} dsea^{tiuung} nijéiñ^{jaang} gui dsea^{tiuung}, co^{fíng} song cajméer^{lajo}, joba^{lají} huáam^{bre} dseáng^{nijiú} fí^í jóng.

¹⁵ Jo mi^{cangí} jo, cajíng^{Tú} Simón casí^r Jesús:

—Fíiⁱ, ¿já^{jié} o^{jmé} jnea^{júu} e guóng^e e júu^e e café^{na} 'micú'?

¹⁶ Joba^{cañí} Jesús quiá^{Tú} Simón:

—Jo ¿su o^{gui} 'nú' mí^{ngám} bí^{júu} quié^e cajo? ¹⁷ ¿Su ja^{ñí} na^e lajalé^e e í^{gø} dsea^{ngíng} fí^{dsí} tu^r, jo mi^{jo} ee^{ta} íng^e, joba^{uøøb} jóng^{fí} lí^{caluu}? ¹⁸ Jo dsu^{jalé} júu^e e uøø^{fí} mo'oo^{dsea}, fí^{dsí} b^{dsea} lí^{jalí} jalé^e e jo, jo e joba^{jmóo} e jmí^{røng} dsee^{yaang} dsea^e. ¹⁹ Co^{fí} dsí^{dsea} lí^{jalí} jalé^e e ga^e e í^{dsí} r, jo e jo quiéeng^e e jngang^{dsea} rúíñ^e, osi e lee^{dsea} e güiñ^{cóo} dseaⁱ o^{quíá} r, osi e jmóo^{dsea} jalé^e e ja^{tí} ta^e e lí^{dsí} ngúu^{táiñ}, osi jmóor^í é, osi ngír^{ta} quié^{júu} e o^{já}, osi jmí^{neaiñ} dsea^{rúíñ} é. ²⁰ Jo jalé^e e lí^{lanab} e jmóo^e e jmí^{røng} dsee^{yaang} dsea^e, jo o^{uí} e ja^{jmitir} lajíi^e e quí^{tíng} dsea^e e ru^r guóor^{ná} gui e nidø^r ir, co^e jo ja^{jmóo} e lí^{røng} dsea^{dsee}.

Mí^{já} calíng^{jaang} dseamíⁱ ja^{líng} dsea^{Israel} júu^{quíá} Jesús

(Mr. 7:24-30)

²¹ Jo mi^{cangí} jo, cagüi^{íb} Jesús fí^{jo}, jo cangór^{fí} lí^{se} Tiro cóo^{gui} fí^{lí} se^{Sidón}.

²² Jo mi^{caguiér} fí^{jo}, jaang^{dseamí} cananea i niguiing^{fí} jo cangoquiéeiñ^{fí} lí^{sing} dsea^{do} e áiñ^{teá} lala:

—Fíiⁱ, sí^{ju} dseata^{dsea} féng^{Daví}, fí^{güilín} jnea^{jo} jmí^{leáng} i sí^{mí} quié^e, co^{jaang} i líng^{iuung} dsí^r!

²³ Jo dsu^{jíi} camí^{júu} ja^e cañí^{Jesús} quiáⁱ dseamí^{do}. Jo i dsea^{quíá} r do b cangoquiéeng^{fí} lí^{siñ} jo camí^r dsea^{do} jmí^{ee} jo casí^r dsea^{do} lala:

—Fíi^{naa}, sí^{gø} i dseamí^{na} güiguiéiñ^e, co^{jáar} ta^{óo} lí^{caluu} naa^e.

²⁴ Joba^{cañí} Jesús quiáⁱ dsea^{quíá} do jo casí^{reñ}:

—Lajíi^{ta} e casíng^{Fidiée} jnea^{fí} jmí^{gü} la e quiá^{nilaan} jaléng^{dsea} góo^{dsea} Israel jee^{jalé} dsee^{quíá} r, co^í líiñ^{lafa} jo^{se} i sí^{íng}.

²⁵ Jo dsu^{mi} canúuⁱ dseamí^{do} lado, dsifí^{lajob} cangór^{cangosí} uø^{jnr} fí^{quini} Jesús jo casí^r dsea^{do} lala:

—Fíiⁱ, jíé^o jmí^{cóo} jnea^e!

²⁶ Joba^{cañí} Jesús quiáⁱ dseamí^{do} lala:

—Ja^{dseeng} e niguí^{dsea} íñí^e e gø^{jiuung} quiá^r jo nicuø^r jaléng^{dsii}.

²⁷ Joba^{cañí} tu i dseamí^{do} quiá^{Jesús}:

—Jáb^e, Fíi^{naa}, lajob^{lí}; dsu^e e já^{cajo} e jí^{gui} dsii^{sítíng} ne^{jalé} e cuí^{íñ} e sojiú^{fí} ná^{mes} quiá^{fí} re^e.

²⁸ Joba^{cañí} tu Jesús quiáⁱ dseamí^{do} jo casí^{reñ}:

—iDseamí^e, dseáng^{lajam} já^{lín} júu^{quíé} e! Jo güilíb^{jíi} laco^{fó} na.

Jo dsifí^{lajob} ca^{láang} i jóoⁱ dseamí^{do}.

Mí^{cajmí} leáng^{Jesús} í^{fíng} dsea^{dsé}

²⁹ Jo mi^{cangí} jo, cagüi^{íb} Jesús fí^{jo}, jo caguiér^{fí} 'ní^{guié} Galilea jo fí^{job} cajgóor^{fí} coo^{yú} mó^e, jo fí^{job} caguár. ³⁰ Jo lajee^{jo}, i fíng^{dsea} caseáng^e e fí^{lí} guiñ^{do} e jéiñ

jaléng' dsea`dsée' quiá'r- i lúng' doñí ee`jmohuí; do dsea`jlúung'~, do dsea`tiuung'~, do dsea`bóong'~ cóo'~gui jaléng' dsea` i ja` lí fé', jogui quiém'bi i lúng' lí' doñí ee`jmohuí e jíe'gui, jo`dob cajmi'leáng- Jesús lajaléng' í. ³¹ Joba' dseáng'- lajím dsea`cangogá dsír' ie~ jo`mí~cangár- e caféb' jaléng' dsea` i ja` lamí~ fé', jogui jaléng' dsea` bóong'~ ca'láam-bre, jogui jaléng' dsea`jlúung'~ cangi'bre, jogui jaléng' dsea`tiuung'~ calijné'bre. Jo`lajím'bing' do canaaíñ`jmiféiñ' Fidiée` quiá'- dsea` Israel.

*Mi`cahéng' Jesús quiá' mil dsea`
(Mr. 8:1-10)*

³² Jo`mí~cangá jo, cató'- Jesús dsea` quiá'r- jo`casí'-reiñ':

—Eáam' fíi- lán-n jaléng' i dsea`la, có' na`ningóo' 'ní`jmíib~ e taaíñ`fí`la cóo'~ jnea`jo` ja` sea` jii'~ cóo' e nidó'r-. Jo`ja`iin~n fa` lí' niguiéen'~nre lajo`fí` quiá'r- e ja`mí`gór', có' dseáam'~fing ca'uó'r' guiá'^ fí.

³³ Joba' lalab cañíi` dsea` quiá'- Jesús jo`casí'r- dsea` do lala:

—Jo`¿jial nijmó'oo' jóng? ¿jie` lí` nidsilé'ee' e nidó'r- i dsea` fíing' na? Có' tí` lab la ja` ií` dsea` seeng' có- quiá'- la fa` i` ní'ní-.

³⁴ Joba' cajmingí'- Jesús i dsea` quiá'r- do lala:

—¿jó' jii'~ tí' e iñí'^ e si'mang' 'ná' na?

Joba' cañíi` i dsea` quiá'r- do:

—Jii'~ guiéb- iñí'^ tí', jogui jii'~ cóo' tú- máng'~ 'ñab`.

³⁵ Jo` Jesús caquiá'r' ta` i dsea` fíing' do e caguáíñ' do fí` ní` uó'. ³⁶ Jo` mifíing' catíiñ- casá'r- e guié- iñí'^ do cóo'~gui i cóo' tú- máng'~ 'ñá` do jo` mifíing' cacuó'r' gui'máng'~ Fidiée`. Jo` lí- jo` caffim'bre e iñí'^ do jo` cangáíñ' fí` jaguó' i dsea` quiá'r- do, jo` í`guib cajmée` guiéé` jee` lajaléng' i dsea` do. ³⁷ Jo` lajím i dsea` do cagó'r' ie~ jo` car` calitaaíñ` guiá-. Jo` caróm-bi guié-gui'matá^ mí~cangá jo` e téé'~ 'ná'^ e caseáng-. ³⁸ Jo` jaléng' i dseañá' i cagó' ie~ jo` tí'bre la quiá' mil, jo` ja` lí'ling^ dseamí cóo'~gui jaléng' jiuung'. ³⁹ Jo` mí~cangá jo, ca'íb' Jesús júu^ jaléng' i dsea` i caseáng' do, jogui mifíing' ca'í'r- fí` dsí' móo' jo` cangó'r- fí` guóo'~ uó' lí` se' Magdala.

16

*Mi`calí'íing' dsea` Israel e Jesús nijmér- cóo' e lí` quí'r~ jmí~
(Mr. 8:11-13; Lc. 12:54-56)*

¹ Jo` mí~cangá jo, cóo' jmí~cangolíng^ jaléng' dsea` Israel i lúng' dsea` fariseo cóo'~gui i lúng' dsea` saduceo fí` lí` táang' Jesús, có' iíñ` e niguié'r' jial e ní'níiñ- dsea` do fí` quini` dseata~. Joba' camí'r' dsea` do e fa' nijméiñ- cóo' e lí` e quí'r~ jmí~, jo` lajoba' nicuó'- lí` e Fidiéeb' dsea` i casí' quiá'r-.

² Jo` dsá' lalab cañíi` Jesús quiá'- i dsea` do:

—Mi` nica'lóo- lalab fó' 'nú': “Lana ja` jmí' nitú, có' coo` jní' fí` yá'^ jmigüi”; ³ jogui mí~ la'ee' fó'na' lala: “Náguíjia jmíib' nitú, có' eáng' nuu` jní' téé' fí` yá'^ jmigüi.” Jo` song ngám'ba' guiá- lajii'~ e lí' fí` yá'^ jmigüi, joba' ¿jialí' ja` ngáng'na' e~ nidsijée' jmí~ na?

⁴ Jo` jaléng' dsea` seeng' jmí~ na dsíng'- nirøoiñ` dsee- jogui ja` jmitir- júu^ quiá'- Fidiée~, jogui mí'r' jnea` e nijmee` e jalé' e lí` e quí'i` i jmí~; dsá' ja` nijmee` e jii'~ cóo' e jo` fí` quinir', có' nicaliseáb` e jo` lamí~ jéeng'gui e cangongíng- Jonás, jaang' dsea` i café' cuaiñ` quiá'- Fidiée` malí` gui eáng'.

Jo`dob caseáaiñ` i dsea` do, jo` fí` lí` jieb' cangó'r-.

*Jial lúng' dsea` fariseo
(Mr. 8:14-21)*

⁵ Jo` mí~catáng- Jesús cóo' i dsea` quiá'r- do lí' lí' 'ngóo'~ cataang' e guiéé' do, jo` cadseng'- dsí' i dsea` quiá'r- do e ja` iñí'^ quier'. ⁶ Jo` casí'- Jesús i dsea` quiá'r- do lala:

—Ñiing~ óo'na' cóo'~ jalé' e e' dsea` Israel i líng' dsea` fariseo cóo'~gui i líng' dsea` saduceo, có' jalé' e e' i dsea` í lí' lafa' quie'~ iní'.

⁷ Joba' canaang` i dsea` quiá'- Jesús do sáin~ lajee` la'ó' yaain~ jo sí' rúin~:

—Uí'~ e ja` iní'~ léé'naa', joba' jing'- Fí'naa' lana.

⁸ Jo có' calilí'~ Jesús lajii'~ e sáing` i dsea` quiá'r- do, joba' casí'- rein~ lala:

—¿Jialí' fó'na' e ja` iní'~ quie'na'? ¿Su dseáng'- ja` já'- mí' lím'bi' jalé' e quí'~ i jmií' jmóo'o? ⁹ Jo ¿su latí' lana ja` mí' cangám'bi' 'nú' o'gui tóo' óo'na' cajo quiá'- e 'ñiá' iní'~ e cajmítaan`n lajii' 'ñiá' mil dsea`, jogui e jmigui'bi' 'matá' caseáng- e téé'~ 'ná'~ quiá'- e jo? ¹⁰ Jo ¿su ja` tóo' óo'na' cajo quiá'- e quie' iní'~ e cafiin-, jo cagó' quiá' mil dsea`, jogui e jmigui'bi' caseáng- ie~ jo? ¹¹ ¿Su dseáng'- ja` cuante ca'ba' e o' cuain~ quiá'- iní'~ e júu' e fá'a na? Joba' fí'~ i 'nú' e jmeáng'- í' yaang~na' cóo'~ jalé' e e' dsea` fariseo cóo'~gui dsea` saduceo, có' jalé' e jo lí' lafa' quie'~ quiá'- iní'.

¹² Joguib mi~ calilí' i dsea` quiá'- Jesús do lajii'~ e guóng' e júu' e café' dsea` do quiá'- quie'~ iní'~, có' e laba' sí' Jesús i dsea` quiá'r- do e nijméin~ do í' yaain~ e ja` niligóin~ cóo'~ jalé' júu' e e' dsea` fariseo cóo'~gui dsea` saduceo.

Mí' cajíng'- Tú' Simón e Jesús líin~ i dsea` i sijeeng` dsea` Israel i nicá' nifí' quiá'r-

(Mr. 8:27-30; Lc. 9:18-21)

¹³ Jo mi~ tí' lí' caguié- Jesús fí' lí' se' Cesarea quiá'- Filipo, lalab cajmingi'r i dsea` quiá'r- do jo cajíin~:

—¿E' fé' dsea` uii' quie' jnea~, dsea` i cajá- fí' ñiff- jo cagüén- n fí' jmigüi' la e lín'n jaang` dsea` jmigüi'?

¹⁴ Joba' cañí' i dsea` quiá'r- do jo cajíin~ lala:

—I líng~ dsea` fé'r e i Juan i lami~ seáng` dsea` jmiib' 'nú', jo i líng~gui fé' e Lí' 'nú', jogui i líng~gui dsea` éein~ 'nú' e Jeremías osi lí'~ jaang`gui lajee` dsea` i café' cuain~ quiá'- Fidiéé' mali~gui eáang'.

Jo ngí jo, joba' cajmingi' Jesús i dsea` quiá'r- do jo cajíin~:

¹⁵ —Jogui 'nú', ¿i~ fó'na' e lín'n?

¹⁶ Joba' cañí' i Tú' Simón do lala:

—'Nub` i dsea` i sijeeng` jnea', dsea` Israel, i nicá' nifí' quí'naa', jogui 'nub` cajo lín' i jóo' camíng'~ quiá'- Fidiéé' i seeng` lata~ do.

¹⁷ Joba' cañí' tu Jesús quiá'- Tú' Simón jo cajíin~ casí'- rein~:

—Juguiá' jia quí'~, Tú' Simón, jóo' jaang`gui dseañu' i sií' Jonás, dsuco' jii'~ jaang` dsea` jmigüi' ja` ii' mí' ca'e' 'nú' e júu' na, có' Tiquié'e dsea` guing~ ñiff-bing' i nica'e' 'nú' e na.

¹⁸ Jo jnea` fí'~ i 'nú' e cuu~ guóng' e sií' 'nú' cajo, jogui 'nub` dsea` i nilíng- lafa' cóo' cuu~ quiá'- tí' fí' quiá'- guá'- quie'-e. Jo e guá'- e ni'uíng- do quie'-e lí' lafa' jaléng' dsea` i ni'uíng- dsea` quie'-e, jo ja` sea' bí' quiá'- 'mó- fa' nijmé- e ni'íng- e jo. ¹⁹ Jo jneab~ nicuó'ó' 'nú', Tú' Simón, cóo' lafa' joñí' quiá'- ñiff- fí' lí' guing` Fidiéé' i quiá' ta~ quiá'- lajaang` lajaang` dsea` quiá'- . Joba' jalé' e ja` nicuó' fí' jee~ jaléng' dsea` quie'-e fí' jmigüi' la, ja` nicuó' Fidiéé' fí' quiá'- e jo cajo. Jogui lajalé' e nicuó' 'nú' fí' jee~ jaléng' dsea` quie'-e fí' jmigüi' la, joba' nicuó' b- Fidiéé' fí' quiá'- e jo cajo.

²⁰ Jo mi~ cangí jo, caquiá' Jesús ta~ i dsea` quiá'r- do e ja` ii' nisáin~ do jii'~ jaang` e íbre líin~ i dsea` i sijeeng` dsea` góor` dsea` Israel i nicá' nifí' quiá'r-.

Mí' cajméé' Jesús júu' e tí' lí' nijngáng'- dsea` ír`

(Mr. 8:31-9:1; Lc. 9:22-27)

²¹ Jo latí' ie~ job canaang` Jesús jma'r júu' jaléng' i dsea` quiá'r- do e fí' Jerusalén 'né- dséng'- tur calé' catú-, jo fí' job jaléng' i dsea` cóong'~ i quiá' ta~ quiá'- dsea` góor` dsea` Israel cóo'~gui jaléng' fí'~ jmidsea` quiá'r- cóo'~gui jaléng' tífa' quiá'- júu' quiá' ta~ quiá'r-, jo jaléng' í'bing' i nicuó'~ ír' iihuí' e eáang' cartí' nijngáin~ dsea` do. Jo dsu' mi~

nidsing- 'ní jmi~ e cajúin-, nijib'tur calé' catú-. ²² Joba' Tú^ Simón cajéeiñ` dsea` do lí` coo` yaaiñ~ jo cajím` jiar dsea` do jo casí'r-:

—Ja` güi'ing~ dsí' Fidié~ e nilí lajo, Fí'naa! Ja` catíng- 'na` e nilín'- lajo!

²³ Jo Jesús cangoquiéeiñ` calé' catú- fí` quini` Tú^ Simón jo casí'-reiñ' do:

—Jéeng- cáan`n, Satanás! Ja` jnín'- jnea` fí'. Co' 'na` ja` ngáng' laco' jii~ e í` dsí' Fidié~, co' lajii~ e lí' quiá'- dsea` jmigüi'ba' ní^ 'na`.

²⁴ Jo mi~ cangí` jo, casí'- tu Jesús jaléng' i dsea` quiá'r- do lala:

—Songii` dsea` iing~ ni'uúing- dsea` quié- e, joba' güitár` jalé' e lí` dsír' 'ña'r' jo güiseaiñ' lafa' crúu^ quiá'r- e laco' cuo' lí' e guia` dsír' e nidsingíin- jalé' e huíng' uí' e líin' dsea` quié- e, jo lajoguiba' ningír- coo'~ jnea` jóng. ²⁵ Co' lí'^ doñí` ii` dsea` i í` dsí' e lí' bre nileáng- 'ña'r' jee~ jalé' dsee- quiá'r-, joba' i dsea` í` conguiab' nibíin^ fí' lí' 'lí'^; jogui lí'^ doñí` ii` dsea` i nijúung- uí' e líin' dsea` quié- e, joba' i dsea` í` nitíim'-bre fí` quini` Fidié~ jóng. ²⁶ Jo jii~ coo` ja` ee` ta` íng^ quiá'- dsea` jmigüi' e silí'r^ latøng- jmigüi' song ja` gui cuiñ` jnea~, co' ni'ím- quiá'r- mi` tí' lí' nití- í' e nijúuiñ-, jogui ja` cuoøng` lí` quir- cuu- e laco' nitíin'- fí` quini` Fidié~. ²⁷ Dsaco' jnea~, i Jóo' Fidié~ i cagüéng- fí` jmigüi' la e lín'n jaang` dsea` jmigüi', nigáab'túu e niniing- 'gøng' quiá'- Tiquié^ e colíng~ gui coo'~ jaléng' ángeles i líng' guotír- mi~ tí' lí' nití- e í' jo. Jo ie` job mi~ nicuoøø dsea` lajii~ e catíng- lajaang` lajaaiñ` lí'^ jialco' jii~ lí' ta` e nicajméer' fí` jmigüi' la. ²⁸ Jo fíi- i 'nú' lana e i líng- 'nú' la'ó' teáng- na' la jmi~ na ja` mí` júung- na' cartí` nimó^ na' e nigáa' jnea~, i dsea` i cagüéng- fí` jmigüi' la e lín'n jaang` dsea` jmigüi', e nilín'n jaang` dseata` dsea` féng' i quiá' ta`.

17

Mi~ calisíng- jial jnéeng- Jesús

(Mr. 9:2-13; Lc. 9:28-36)

¹ Jo mi~ cangí` jñuu- jmi~ lajo, cató'- Jesús Tú^ Simón coo'~ gui Tiáa~ jogui Juan i líng' rúng' Tiáa~, jo lajee` la'ó' yaam~bre cangoliñ^ fí` coo` yá'^ mó' e níí' eáang'. ² Jo lajee` teáaiñ- fí` jo, i dsea` do cangár- jial calisíng- jial jnéeng- Jesús. Jo cangár- e jíng' jii' ni~ dsea` do lafa' jii' iee, jogui si'r^ dseáng'- calité' lafa' jii' e tee` jlo'^. ³ Jo lajee` job cangáiñ- Moi~ coo'~ gui Líi^ e teáaiñ- síin` colíng~ coo'~ dsea` do. ⁴ Joba' lalab cajíng'- Tú^ Simón e casí'r- Jesús:

—Fíi', juguiá- o' e taang~naa' colíng~ fí' la, fa' na nijméé' e 'ní' 'nú' jii coo'~ má' 'ma~, coo` quié- 'na, coo'gui quiá'- Moi~ jogui coo` quiá'- Líi^.

⁵ Jo lajee` gui'ná'^ fé'bi Tú^ Simón lado, mi~ cajgó- cabøø~ jníí' e jii' jlo'^ fí' lí' teáang- dsea` do, jo fí' jee~ e jníí' do guicaná' e líng~ ii` guicafé' jo guicajíñ'-:

—I lab Jóo' o' i 'neáan`n eáang' jo eáam` íaang` dsii- coo'r-. Jmee-na' náu-na' júu^ quiá'r-.

⁶ Jo mi~ canúu- i dsea` gaang` quiá'- Jesús do lajo, dsifí' lanab casijníir^ fí' ni~ uó^ jogui catú' guir~, co' eáam` cafóin'. ⁷ Jo cangoquiéeng' Jesús fí' lí' sijníi^ i dsea` quiá'r- do jo caquidsir' guoor` quiáiñ'- do jo casí'-reiñ':

—Ráang-na'; ja` føøng'-na'.

⁸ Jo mi~ casée' i dsea` quiá'- Jesús do nir~, jii~ jaang` i dsea` gáng- do jo ii` seeng` e fí' do; 'ñiab' Jesús sing' guir.

⁹ Jo ngí` jo cajgám- bre e fí' yá'^ mó' do. Jo lajee` jo caquiá' Jesús ta~ quiá'- i dsea` quiá'r- do jo casí'-reiñ' lala:

—Ja` fí'na' jii~ jaang` lajii~ e cañii-na' e fí' yá'^ mó' la cartí' mi~ nití- í' e nijí'tu jnea~, dsea` cagá- a fí' ñiff- e lín'n jaang` dsea` jmigüi'.

¹⁰ Jo mi~ cangí` jo, cajmingíi` i dsea` quiá'- Jesús do cajmingí'r- dsea` do jo cajíñ'-:

—Fí'naa', ¿jiali' fé' i tifa' quiá'- júu^ quiá' ta~ qui-ii' dsea` Israel e Líi'bing' i nijáa' nifi'gui?

¹¹ Joba' cañii' Jesús quiáiñ'- do lala:

—E jáb' e Lí'bing' i nijáa' nifí, jò í'bing' i niguiá' guiá' lajalé'. ¹² Jò dsu' jnea' gui fí' i 'ná' e nicajáb' Lí', dsu' ja' calijí' dsea' ír', jò cajméeb' dsea' la tí' e já' dsíir' cóo' dsea' do. Jò lajòb' jnea' cajo, i dsea' i caguéng' fí' jmigüí' la e lín'n jaang' dsea' jmigüí', niñim'baa iihuí' cajo e nicuó' jaléng' i dsea' í'.

¹³ Jòb' mi' calilí' i dsea' quiá' Jesús do e dsea' do fé'r' uii' quiá' i Juan i lami' seáng' dsea' jmí'.

Mi' cajmi'leáng' Jesús jaang' siming' i iuung' i 'ling' dsí'

(Mr. 9:14-29; Lc. 9:37-43)

¹⁴ Jò mi' caguéng' Jesús cóo' i dsea' quiá'r' do fí' lí' teáng' dsea' fíng', jò fí' jòb' cangoquiéng' jaang' dseañu' fí' quini' Jesús jò casí'r' uó' jnir' fí' quini' dsea' do ¹⁵ jò casí' reiñ' do lala:

—Fí'i, fí' güilín' jòo'o, có' contøom' dsea' e joñiñ', jò seab' mi' quiiñ' fí' ni' jì' osi fí' ni' jmí' é, jò dseáng' eáam' íñ' iihuí'. ¹⁶ Jò nicagajéem' baa'r fí' quini' dsea' quií', dsu' ja' mí' calí' í' fa' e nicajmi'leáng' neiñ'.

¹⁷ Jòba' cañí' Jesús jò cajíñ':

—Dsíng' ja' já' líng'na' júu' quié' e, jò jmang' fí' gab' iing'na' cá'na'. ¿Jial nité' lí'i e niliseen' cóo' 'ná'? Nijéng'na' i siming' do fí' la.

¹⁸ Jò mi' caguilíñ' fí' lí' sing' Jesús, jòba' cajíng' dsea' do i 'ling' i iuung' dsí' i siming' do jò lajòb' cangohuíng' i 'ling' do ladsifí' lana, jò ca'láam' i siming' do. ¹⁹ Jò mi' cangí' jò, i dsea' quiá' Jesús do casíiñ' cóo' dsea' do lajee' la'ó' yaaiñ' jò casí'r' dsea' do lala:

—¿E' uiiing' quiá' e ja' calí' jnea' fa' e cajmihuíng'naa' i 'ling' i lami' iuung' dsí' i siming' do?

²⁰ Jòba' cañí' Jesús quiáíñ' do:

—Cò' ja' leáng' já' líng' 'ná' júu' quié' e, jò uí' e jòba' e ja' calí'na' cajmee'na' lajò; jò dsu' jnea' jmítaa' ó'na' e fa' capí'ba' já' líng'na' júu' quié' e fa' laco' jii' e tí' cóo' mijú' mostáa', jòba' cuóøm' lí' quiá'na' ta' cóo' mó' e nilisíng' éé' quiá' lí' sí', jò nidsisíng' 'ña' fí' lí' jié' faco' lajò. Jò song' lajò, jòba' doñí' eeb' quí'na' jmí' jmee'na' jóng. ²¹ Cò' la'eáng' cóo' e féng' dsea' Fidiéé' jògui jmóor' ayuno, quí' jmí' e ni'uóng' i 'ling' lado.

Mi' cajméetu Jesús júu' e nijnga' dsea' quiá'r'

(Mr. 9:30-32; Lc. 9:43-45)

²² Jò mi' cangí' jò, lajee' e ngí' Jesús colíng' cóo' dsea' quiá'r' fí' lí' se' Galilea, lalab cajíñ' casí'r' i dsea' quiá'r' do:

—Tí' lí' niguiéeb' í' e jnea', dsea' i cajá' fí' ñifí' e lín'n jaang' dsea' jmigüí', tí' lí' nitén'n fí' jaguó' dsea' jmigüí' ²³ jò cartí' nijngám' bre jnea'. Jò dsu' mi' nití' 'ní' jmí' lajò nijíb'túu calé' catú'.

Jò mi' canúu' i dsea' quiá' Jesús do lajò, jòba' dsíng' fí' í' calíñ'.

Mi' caquí' Jesús cuu' e catíng' guá'

²⁴ Jò mi' cangí' jò, cagué' tu Jesús fí' Capernaum colíng' cóo' i dsea' quiá'r' do. Jò i dsea' i jmóo' ta' mí' cuu' e catíng' guá' caguilíñ' fí' lí' sing' Tú' Simón jò cajmingí'r' dsea' do jò cajíñ':

—¿Su ja' quí' tifa' quií' lajii' cuu' e catíng' niquí' fí' guá'?

²⁵ —Quí' dsea' do e jò —cañí' Tú' Simón.

Jò mi' tí' lí' ca'í' Tú' Simón fí' dsí' sináa', cuóøng' Jesúsbi canaaíñ' sí'r' dsea' do jò cajíñ':

—Janú', Tú' Simón, ¿jial í' o' cuaiñ' quiá' e júu' la? Jò jee' jaléng' dseata' i quiu' ta' fí' jmigüí' la, ¿i' quiá' jaléng' catíng' nicár' cuu' e 'né' qui' dsea' jògui e cuu' e íng' dsea'? ¿Su quiá' jaléng' dsea' góor' osi quiá' jaléng' dsea' i jalíng' fí' caluub' é?

²⁶ Jòba' cañí' Tú' Simón jò cajíñ':

—Mó' quiá' jaléng' dsea' i jalíng' fí' caluub'.

Joba' cañí'tu Jesús quiá' dsea` do jo cajíñ':

—Joba' lajii~ e catíng' 'nù', ja` 'né' quiá' jii~ coo`. ²⁷ Jo lico' ja` í' dsí' i dsea` do ga` uii~ quiá'ii', gua` fí' lí' néé' guiéé', jo güibí' 'máa' quií' jo guiing~ i la'uii~ 'ñu' i nilí'; jo fí' mo'oo~ i 'ñu' í' nisicú' coo` cuu~, jo cóo'~ jii~ e job nitíng' guiá' quiá' e nigüiquí' quií'ii' quiá' lajii~ cuu~ e catí'naa' niquí'ii' quiá' guá'; joba' quie' e cuu~ do jo güiquí' jóng.

18

¿I' i niing-gui fí' quini' Fidié'?

(Mr. 9:33-37; Lc. 9:46-48)

¹ Jo ie~ job cajo jaléng' dsea` quiá' Jesús cangoquiééiñ' fí' lí' sing' dsea` do jo cajmingí'r lala:

—Fí'naa', ¿i' líng' 'nù' i niing-gui mi' Fidié' quier' nifí' quiá' dsea` jmigüí'?

² Joba' Jesús cató'r jaang` jiuung~ jo casíñ' i jiuung~ do fí' guiá' jóo` laco' la teáng' i dsea` quiá'r do ³ jo casí' reiñ' do lala:

—E jáb' e fí' 'nú' e song ja` nijmisíng^na' lajii~ e í' óo'na' jogui song ja` ni'uíng-na' laco'gui la líng' jiuung~, joba' ja` nilí'na' jóng e Fidié' nicár' nifí' quií'na'. ⁴ Jo lalab fí' 'nú'; i dsea` i ja` jmiféng' 'ñia' jogui ni'uíng tur laco'gui la líng' i jiuung~ i sing' la, joba' í'bing' i niing-gui mi' Fidié' quier' nifí' quiá' dsea`. ⁵ Jo i dsea` i íng' i dsea` i líng' laco' i jiuung~ la la'eáang' cóo'~ jnea~, joba' güilíñir' guiá' e jneab~ íñ' cajo.

Jial dseáang' e nijiúng' dsea` fí' ni' dsee'

(Mr. 9:42-48; Lc. 17:1-2)

⁶ Jo fí' guí' 'nú' e doñí' i dsea` i nijmé' e niténg' fí' ni' dsee~ jaang` jiuung~ i nijá' líng' júu^ quié'e, joba' guiá' gui quiá' i dsea` í' e nidsibíng' 'ñia'r' fí' é' jmiñí' e guineaang' coo` cuu~ 'loo' fí' moluur~ e laco' nineaíñ' cartí' uii~. ⁷ Jo gab' lí' quiá' jaléng' dsea` jmigüí' e sea` cóo'~ jalé' e jmirøng' yaaiñ~ dsee~, co' cóo'~ jalé' e job e tóíñ' fí' ni' dsee~. Jo dsu' e ngí' fí' i dsea` i jmóo' e niténg' dsea` rúíñ' fí' ni' dsee~.

⁸ Joba' fí' 'nú' e doñí' si guóo' osi tí'~ nijmé' e nitén' fí' ni' dsee~, joba' jmeáng-gui quií' e niquí'ba' jo nigüibi' cartí' lí' huí'. Co' guiá' gui quií' e niguøñ' fí' lí' guiá' e ja` sea' guóo' osi tí' é e laco'gui niguøñ' e la'ieb' guotí'~ fí' lí' coo' jì e ja` tóo' jmi' yu'. ⁹ Jogui song jminí'~ nijmé' e nitén' fí' ni' dsee~, joba' jmeáng-gui quií' e niguí'ba' jo nigüibi' cartí' lí' huí'. Co' guiá' gui quií' e niguøñ' fí' lí' guiá' e coo' jminí' e laco'gui niguøñ' cóo'~ lajì tús' jminí' fí' lí' coo' jì e ja` tóo' jmi' yu'.

Coo' júu^ já' e lafa' júu^ cuento quiá' jaang' jo'se' i sí'ling'

(Lc. 15:3-7)

¹⁰ Joba' fí' guí' 'nú' e ja` jmi'uøng'na' jii~ jaang` i jiuung~ na. Co' jnea~ fí' 'nú' e fí' ñifí' seeng` ángeles quiá'r i neáang' colíng' cóo' Tiquié'e dsea` guiing~ fí' jo. ¹¹ Co' jnea~, i dsea` i cajá' fí' ñifí' e lán'n jaang` dsea` jmigüí', cagá'a e laco' nilaan~ jaléng' dsea` i sí'ling^ uí' dsee~ quiá'r.

¹² Jogui ¿jial líng' 'nú' e júu^ la? Faco' jaang` dsea` áaiñ` cien jo'se', jo calíngíiñ~ e cango'íng' jaang` i jo'se' do quiá'r fí' jee~ mó', ¿su ja` nitiúung~ tear i noventa y nueve do cateá' lajee~ nidsér' e nidsi'neíñ' i jaang` i cango'íng' do quiá'r? ¹³ Jo song cadséiñ' í', joba' eáang'gui nilí'íáang' dsíir' uii~ quiá' i jo'se' i cadséiñ' do laco'gui quiá' i noventa y nueve i caseaíñ' do. ¹⁴ Jo lajob cajo, co' Tiquí'ii' dsea` guiing~ ñifí' ja` iíñ' fa' e nidsi'íng' jii~ jaang` i jiuung~ na.

Jial 'né' íng' dsea` dsee~ quiá' jaang` dsea` rúíñ'

(Lc. 17:3)

¹⁵ Jo fí' guí' 'nú', song jaang` dsea` rúng'na' calíngíiñ~ e cajmeaíñ' 'nú' ga, joba' guiá' gui e síng'na' røð lajee~ co' gáng'na', jo nifí'na're e uíng~ quiá' e cajméer' e ga' do quií'na'. Jo song canáab' júuiñ^ quiá' lajii~ e cajméer' do, joba' røðb' niliseeng'tu'

cóo'r~. ¹⁶ Jogui dsu' song ja`ni'í júuiñ^ lajii~ e nifi'`re do, joba' nitó'`na' jóng gáng~ gaang` dsea` jiéng^ i tíi ni~ i nija'` júu^ røø` quiá'~ lajii~ e nisiing~na' do. ¹⁷ Jogui song la lám`bre líiñ' e ja`ni'í júuiñ^ cóo'~ i dsea` í, joba' cóo'~ dsea` quiá'~ Dsea` Jmáam~ 'né~ ngíng~ e júu^ jo. Jogui song o' cóo'~ dsea` í ni'í' júuiñ^, joba' 'né~ e nita~ óo'na' e i dsea` í ja` cuíiñ` Fidiéé~ jogui líiñ' laco' jaang` dsea` i jmóo` ta~ mí' cuu~ e catíng~ dseata~ guíng~ fí' Roma.

¹⁸ Joba' jnea~ jmitaa^ óo'na' e jalé' e ja` nicuó~na' fí' jee~ jaléng^ dsea` quié~ e fí' jmigüi' la, ja` nicuó~ Fidiéé~ fí' fí' ñiff~ cajo. Jogui lajalé' e nicuó~na' fí' jee~ jaléng^ dsea` quié~ e fí' jmigüi' la, joba' nicuó~ Fidiéé~ fí' cajo.

¹⁹ 'Lalab fíi~ guíi' 'nú' cajo, fa' gám~ 'nú' fí' jmigüi' la nisiing~na' røø` quiá'~ lajii~ e nimí'~na' Fidiéé~, joba' Tiquié'e dsea` guíng~ ñiff~ nicuó'~bre 'nú' lajii~ e nimí'~na' r do.

²⁰ Cofa' gáng~ osi gaang` dsea` siseáiñ' e jnea~ quíe~ nifi' quiá'r~, joba' dob seeng` jnea~ jee~ ír' fí' lí' siseáiñ' do cajo.

²¹ Jo ie~ jo cangoquíéng' Tú^ Simón fí' lí' sing' Jesús jo cajmingí'r~ dsea` do:

—Fíi'i, ¿jó' ya' 'né' íin~n dsee~ quiá'~ jaang` dsea` rún'n song cajmeáiñ' jnea~ ga'? ¿Su jii~ guié~ néeb'~ jii'~?

²² Joba' cañi' Jesús quiá'~ Tú^ Simón jo casí'~reiñ':

—Ja' fíi' i 'nú', Tú^ Simón, e jii~ guié~ née'~, co' cartí' setenta ya' siete née' 'né' íin'~ dsee~ quiá'~ i dsea` rún' do song lí' 'né' lajo.

Coo` júu^ ja' e lafa' júu^ cuento quiá'~ jaang` dsea` 'léeng'~

²³ Jo cajíng'~gui Jesús casí'r~ i dsea` quiá'r~ do e júu^ la:

—Jo mi~ Fidiéé~ quier' nifi' quiá'~ dsea~, líi' laco' mi~ jaang` dseata~ dsea` féng' i niseeng` dsea` 'léeng'~ i nirøøng` quiá'r~. Jo mi~ catí' í' e camíi' i dseata~ do cuu~ quiá'r~ lajii~ e nirøøng` i dsea` 'léeng'~ quiá'r~ do, ²⁴ joba' i dseata~ dsea` féng' do cató'r~ jaléng' i dsea` 'léeng'~ i nirøøng` quiá'r~ do e laco' nidsicóoiñ' do lajii~ e røøiñ'. Jo la'uii' cató'r~ i dsea` 'léeng'~ i nirøøng` jmiguii' cuu~ quiá'r~. ²⁵ Jo co' ja' ee' cuu~ sea'gui quiá'~ i dsea` 'léeng'~ do fa' e nija'r' i fii' do, joba' i fii' do caquiur' ta~ e nidsi'nim~ i dsea` 'léeng'~ do colíng` cóo'~ dseamí' quiá'r~ cóo'~gui jaléng' jóor' cóo'~gui lajalé' e sea` quiá'r~ e laco' niquír~ lajii~ e røøiñ' do. ²⁶ Jo dsu' i dsea` 'léeng'~ do dsifi' lanab casí'r' uó~ jnir~ fí' quini' i fii' do jo camí'r' dsea` do jmi'ee' jo casí'r~ dsea` do lala: “Fíi'i, míi' i jmi'ee' 'nú' e nijmée' féng' a' uii' quié~ e ja` mí' seeng` quié~ e lana e cuu~ e røøñ~ quií', dsu' niquí'baa lajalé' e røøñ~ do quií' mi~ niliseeng` quié~ e.” ²⁷ Jo i fii' do calí~ fíi' líiñ' i dsea` 'léeng'~ i røøng` quiá'r~ do, joba' jo camí'guir cuu~ quiá'r~ jo caleám`breiñ' do cóo'~ júu^ røø'.

²⁸ Jo cangám'~ i dsea` 'léeng'~ do, jo lajee~ ngaiñ' guiá'~ fib' mi~ cajíiñ' jaang`gui dsea` 'léeng'~ rúiiñ' la'ó' røø' nijmóor' ta~ quiá'~ fii'~, jo i dseañu' í' nirøøng` capi'~ cuu~ quiá'r~. Jo casam'~bre dsea` do jo canaaíñ' güi'r' luuiñ'~ jo casí'r~ dsea` do lala: “¿Quií' quié~ e lajii~ e røøñ'!” ²⁹ Jo i dsea` 'léeng'~ rúiiñ' do casí'r' uó~ jnir~ fí' quiniñ' do jo camí'r' dsea` do jmi'ee' jo casí'r~ lala: “Fa' nijmée'ba' féng' o' e røøm`bíi cateá' quií', dsu' niquí'baa lajalé' mi~ niliseeng` quié~ e.” ³⁰ Jo dsu' i dsea` 'léeng'~ i cajmi'øø' cuu~ do jo e canáui' júuiñ' jii~ cóo', jo 'núñib^ cangojéeiñ' i dsea` 'léeng'~ rúiiñ' i carøøng` quiá'r~ do cartí' caquiñ'~ do e cuu~ do. ³¹ Jo mi~ caliñi' i dsea` 'léeng'~ rúiiñ' i caguiaang~gui do e júu^ jo, joba' cangosí'~bre fii'~ lajii~ e cajmeáng' i dsea` 'léeng'~ rúiiñ' i jaang`gui do. ³² Jo ée^ jo iing` i fii' do mi~ caliñir' e júu^ jo, joba' caquiur' ta~ e calitéb' i dsea` i ca'lée' do jo lalab casí'~reiñ' do: “¡'Nú' lín' jaang` dsea` 'léeng'~ i soo` dsíi'! Jo jnea~ jo` camíi' i lajii~ e røøñ' quié~ e do dsu' uii' e camíi'~ jnea~ jmi'ee'. ³³ Jo lajob catíng~ fa' mi~ cajmee' cóo'~ i dseañu' rún' do mi~ camí'r' 'nú' jmi'ee' lí' laco'gui cajmé~ jnea~ cóo'~ 'nú'.” ³⁴ Jo dseáng'~ la huím' eáang` caliguíng~ i dsea` fii' do quiá'~ i dsea` 'léeng'~ quiá'r~ i cajmée' ga' do co' jii'gui cartí' caquiur' ta~ e cangíiñ' do ilhuí' cartí' caquiir' lajii~ e røøiñ' do.

³⁵ Jo cajíng'~gui Jesús casí'r~ jaléng' i dsea` quiá'r~ do:

—Lanab cajo nijmé˘ Tiquié˘ e dsea` guing˘ ñiff˘ cóo˘ jaléng˘ 'nú˘' song ja` ni'ling˘ na' dsee˘ dseáng˘ lajang˘ uii˘ quiá˘ jaang˘ dsea` rúng˘ na'.

19

Mi˘ ca'e˘ Jesús quiá˘ mi˘ tiúung˘ dsea` rúíñ˘

(Mr. 10:1-12; Lc. 16:18)

¹ Jo mi˘ cang˘ e cajíng˘ Jesús jalé˘ e júu˘ na, jo cagüi˘ h˘ bre fí li˘ se˘ Galilea jo caguié˘ tur fí li˘ se˘ Judea e néé˘ lí˘ 'ngóo˘ cataang˘ laco˘ iu˘ gua˘ Jordán. ² Jo i˘ leáam˘ dsea` ngolíng˘ laco˘ ngóor˘, jogui cajmi˘ leáam˘ bre jaléng˘ dsea` dsée˘ ie˘ jo.

³ Jo lajee˘ táang˘ Jesús fí jo, cangoquiéng˘ fí li˘ siñ˘ cóo˘ tú˘ múnng˘ dsea` Israel i˘ líng˘ dsea` fariseo e lico˘ iíñ˘ do e niténg˘ dsea` do fí ni˘ dsee˘, joba˘ cajming˘ r˘ dsea` do lala:

—¿Su cuóøm˘ quiá˘ jaang˘ dseañu˘ e nitiúuñ˘ dseam˘ quiá˘ r˘ fíng˘ lí˘ doñi˘ eé˘ cajmiquíng˘ jiu˘ dsí˘ rúíñ˘?

⁴ Joba˘ cañi˘ Jesús quiá˘ i˘ dsea` fariseo do lala:

—Nica˘ íb˘ 'nú˘' fí ni˘ jì quiá˘ Fidié˘ lí˘ fé˘ lala: “Jíi˘ latí˘ mi˘ uing˘ cajmeáang˘ Fidié˘ dseañu˘ jogui dseam˘.” ⁵ Jogui fé˘ cajo: “Uíi˘ e cúng˘ dseañu˘ guóor˘, joba˘ 'naaiñ˘ quiá˘ tiquiá˘ niquíá˘ r˘ e laco˘ niliseeiñ˘ colíng˘ cóo˘ dseam˘ quiá˘ r˘, jo lajoba˘ lafa˘ jaam˘ bre ni˘ uíiñ˘ lajee˘ laji˘ huáaiñ˘ do.” ⁶ Jo lajob fí i˘ 'nú˘', jo tíguir gáíñ˘, co˘ lafa˘ jaam˘ bre nica˘ uíiñ˘. Co˘ Fidié˘ bing˘ caguiá˘ uing˘ e cúng˘ dsea` guóor˘, joba˘ jo˘ cuóøng˘ fa˘ e nitiúung˘ gui dsea` rúíñ˘ mi˘ cang˘ gui e cacúíñ˘ guóor˘.

⁷ Jo cajming˘ r˘ tu˘ i˘ dsea` fariseo do Jesús:

—Jo ¿jialí˘ caquiá˘ Moí˘ ta˘ e cuóøm˘ tiúung˘ dsea` rúíñ˘ song caráang˘ cóo˘ mají˘ lí˘ fé˘ lajo, jo lajoba˘ dseáng˘ e cuóøng˘ e tiúung˘ i˘ dseañu˘ do dseam˘ quiá˘ r˘?

⁸ Jo cañi˘ tu˘ Jesús quiáíñ˘ do:

—Jo i˘ Moí˘ do cacuø˘ fí e catiúung˘ na˘ dseam˘ quiá˘ na˘ dsu˘ uíi˘ e 'nú˘' dseáng˘ e eám˘ ue˘ óo˘ na˘. Co˘ jíi˘ latí˘ mi˘ uing˘ ja˘ lajo cali˘ iing˘ Fidié˘ e nilí˘. ⁹ Jo jnea˘ gui fí i˘ 'nú˘' e doñi˘ i˘ i˘ tiúung˘ dseam˘ quiá˘ e jíi˘ ja˘ ca˘ léé˘ i˘ dseam˘ quiá˘ r˘ do e güiñ˘ cóo˘ dseañu˘ jíéng˘, jogui e nicúng˘ tur guóor˘ cóo˘ jaang˘ gui dseam˘ jíéng˘, joba˘ dseeb˘ éer˘ jóng˘ fí quini˘ Fidié˘.

¹⁰ Jogui i˘ dsea` quiá˘ Jesús do casí˘ r˘ dsea` do lala:

—Song lajob lí˘ quiá˘ jaléng˘ dseañu˘ cóo˘ gui dseam˘ quiá˘ r˘, joba˘ guiá˘ gui líng˘ jnea˘ e ja˘ nicúíñ˘ guóor˘.

¹¹ Joba˘ cañi˘ tu˘ Jesús quiáíñ˘ do:

—Ja˘ lajüng˘ dsea` catíiñ˘ e ngáiñ˘ jalé˘ e júu˘ na, co˘ lajii˘ dsea` i˘ nicangüng˘ quiá˘ Fidié˘, jíi˘ íbing˘ i˘ ngáng˘ e jo. ¹² Jo jmiguiab˘ uing˘ sea˘ e jmóo˘ huíng˘ quiá˘ jaléng˘ dseañu˘ e ja˘ cuóøng˘ e nicúíñ˘ guóor˘: co˘ seem˘ dseañu˘ e latí˘ mi˘ ngáam˘ bre ja˘ si˘ iñ˘ fa˘ e nicúíñ˘ guóor˘, jogui seem˘ bi˘ cajo e dseañu˘ rúm˘ bre nicajmi˘ léng˘ ír˘, jogui seem˘ bi˘ i˘ ja˘ cuø˘ fí yaang˘ fa˘ e nicúíñ˘ guóor˘ dsu˘ uíi˘ e Fidié˘ quié˘ nifí quiá˘ r˘. Jo jaléng˘ dsea` i˘ quíi˘ jmí˘ nijmé˘ lajo, joba˘ güijmée˘ bre lajo.

Mi˘ cajmigüeang˘ Jesús jaléng˘ jiuung˘

(Mr. 10:13-16; Lc. 18:15-17)

¹³ Jo mi˘ cang˘ jo, caguilíng˘ jaléng˘ dsea` e jéeiñ˘ jiuung˘ quiá˘ r˘ fí lí˘ sing˘ Jesús e laco˘ niquidsí˘ dsea` do guóor˘ fí yá˘ mogui˘ lajaang˘ lajaang˘ i˘ jiuung˘ do jogui e niféiñ˘ Fidié˘ uii˘ quiáíñ˘ do, jo lajoba˘ niligüeaiñ˘ do. Jo dsu˘ i˘ dsea` quiá˘ Jesús do cajníim˘ bre quiá˘ jaléng˘ sejmii˘ i˘ jiuung˘ do jogui cajíim˘ breiñ˘ do cajo. ¹⁴ Joba˘ cajíng˘ Jesús casí˘ r˘ i˘ dsea` quiá˘ r˘ do:

—Cuóø˘ na˘ fí jaléng˘ i˘ jiuung˘ na güijalíiñ˘ fí la jo ja˘ jni˘ na˘ quiá˘ r˘, co˘ jaléng˘ dsea` i˘ líng˘ laco˘ i˘ jiuung˘ la, íbing˘ catíng˘ e Fidié˘ quié˘ nifí quiá˘ r˘.

15 Jo caquidsib' Jesús guóor' fí yá' mogui~ lajaang` lajaang` i jiuung~ do, jo ngf jo, cagüi'f'bre fí jo.

Mi~ casang~ Jesús cóo'~ jaang` siming` i sea` cuu~
(Mr. 10:17-31; Lc. 18:18-30)

16 Jo mi~ cangf jo, cagüé~ jaang` siming` fí lí~ sing' Jesús jo cajmingí'r~ dsea` do:
—Tifa' i guiá~ dsíí, ¿e~ e guiá~ 'né~ jmee~ jnea~ e laco' nilí'i e niliseen~ cøøng` cóo'~ Fidiéé` car` ngongf jmií~?

17 Jöba' cañíi' Jesús quiá'~ i siming` do:
—¿Jialí' jnea~ jmingí'~ cuaiñ~ quiá'~ jalé' e guiá'? Co' jaam` i guiúng~ seeng` jo jii'~ Fidiéé` bing' líng` lajo. Jo dsu' song 'nua` gui iin'~ e niliseen' cøøng` cóo'~ Fidiéé` car` ngongf jmií~, jöba' 'né~ nijmití'ba' lajalé' júu^ quiá' ta~ quiá'~ Fidiéé` jóng.

18 Jöba' cañíi' i siming` do quiá'~ Jesús:
—¿E~ gui e júu^ 'né~ liti~ do jóng?
Jo cañíi'tu Jesús quiá'~ do jo casí'r~ lala:
—Lalab lí' jalé' e júu^ 'né~ liti~ do: Ja` jngán' jii'~ jaang` dsea` rún'; jogui ja` 'lee' e nigüín' cóo'~ dseañu' dseamf i o' quií'; jogui ja` jmoo' ii; o'gui cuø' dsea` dsee~ e ja` uuing~ sea; 19 jogui jmi'goo' tiquíi' cóo'~ gui niquíi'; jogui jmi'neáan' jaléng' dsea` rún' lí' laco'gui jmi'neáan' uø'.

20 Jöba' cañíi'tu i siming` do quiá'~ Jesús jo casí'r~ dsea` do:
—Lajib` e júu^ e fó'na' nicajmitii~; jöba' ¿e~ jii'~ e 'né~ nijmiti'guíí?
21 Jöba' cañíi'tu Jesús quiá'~ do jo cajíi'~:
—Song 'nua` iin'~ e niliguiún' laco' sí'í' fí quini' Fidiéé~, jöba' guóng' fí quií'~ jo güi'nii~ lajalé' e sea` quií'~, jo jalé' e cuu~ e nilí' quiá'~ e jo jmee~ guiéé` jee~ jaléng' dsea` tiñíng~, jo lajoguiba' nilí' e nilisea` juguiá~ quií'~ fí ñiff~ fí lí~ guing~ Fidiéé`. Jo mi~ ningf jo, nea~ cóo'~ jnea~ jóng.

22 Jo dsu' mi~ canúu~ i siming` do jalé' júu^ e cajíng'~ Jesús, jöba' fí'í'b^ cangáiñ'~, co' eáam' sea` cuu~ quiá'r~.

23 Jöba' casí'r~ Jesús i dsea` quiá'r~ do jo cajíi'~ lala:
—E já' e fíi' i 'nú' e huím' lí' quiá'~ jaang` dsea` sea` cuu~ e nijáng' 'ñia'r' fí quini' Fidiéé` e laco' dsea` do nicá` nifi' quiá'r~. 24 Jogui fíi'~ túu 'nú' calé' catú' e ja` gui huíng' quiá'~ jaang` jó' camello e ningíng~ ne' fí dsíí' too' jmini' mocuu~ e laco'gui jaang` dsea` sea` cuu~ nijáng' 'ñia'r' fí quini' Fidiéé` e laco' dsea` do nicá` nifi' quiá'r~.

25 Jo mi~ tí' lí' canúu~ i dsea` quiá'~ Jesús do lajo, jöba' eáang'guib cangogá` dsíir' jóng, jo canaaiñ` jmingí' rúíi'~:

—Jo song lajob lí', jöba' ¿i~ nilí'~ nijmé~ e nileáiñ` jee~ jalé' dsee~ quiá'r'?

26 Jo lico' cajøøm~ Jesús i dsea` quiá'r~ do, jo cañíir' quiá'~ do lala jo cajíi'~:
—Jii'~ jaang` dsea` jmigüí' quiá'r~ jmií~ nileáng~ 'ñia'r' jee~ jalé' dsee~ quiá'r~, co' jii'~ Fidiéé` bing' quíi'~ jmií~ jmé~ lajo.

27 Jöba' cañíi' Tá' Simón quiá'~ Jesús jo casí'r~ dsea` do lala:
—Fí'ii', jnea'^ nicatá'baa' lajalé' e sea` qui'naa' jo cóo'~ 'nub` ningí'naa' lana. Jöba' ¿e~ jii'~ e catí'naa' ni'íng'~naa'?

28 Jöba' lalab cañíi' Jesús e casí'r~ i dsea` quiá'r~ do jo cajíi'~:
—E laba' jmitaa^ óóna' e mi~ nití' í' e nilí'míi'~ tu latøøng~ jmigüí', job mi~ nimáang~na' jnea~, dsea` i cajá' fí ñiff~ e lín'n jaang` dsea` jmigüí', e niní'i e niquíi'^u ta~ fí éé' lí~ níing~ jlo^ quié' e e sea` fí ñiff~. Jo ie~ jo jaléng' 'nú', dsea` líng'na' dsea` quié' e, niliseab` cajo guitu' éé' quií'na' fí jo lí~ niní'na' colíng~ cóo'~ jnea~ e laco' niquidsi'na' í' quiá'~ laji' guitu' 'lé' dsea` góo'naa' dsea` Israel. 29 Jogui jaléng' dsea` i nilíng' dsea` quié' e, jo uíi' e jo nicatár` jalé' 'nur~, osi nica'naaiñ` quiá'~ jaléng' rúíi'~ é, osi nica'naaiñ` quiá'~ tiquíi'~ niquíi'~ é, osi quiá'~ jöo'bir é, osi nicatár` uø' quiá'r~ é, jöba' jaléng' í'bing' i niñíng' cien

ya' e jmguiá'gui e laco' e catár` do jogui niñím`bir cajo e niliseeñ` cøøng` cóo'~ Fidié` car` ngongú` jmí~. ³⁰ Jo i líng` dsea` i líng` e niñ` eáang` fí` jmgüí` la, dsu' í'bing' jíí~ capí' ja` ee` niñ` mí` nití` e í' jo; jo dsu' i líng` dsea` i líng` e ja` ee` niñ` jíí~ capí' fí` jmgüí` la, joba' í'bing' i eáang`gui niliniing` mí` nití` e í' jo.

20

Coo` júu`já' e lafa' júu` cuento quiá' dsea` jmóo` ta` quiá' mí' huñg` jó'

¹ Jo café'gui Jesús coo`gui júu`já' e lafa' júu` cuento jo cajíñ' lala:

—Jo mí` Fidié` quié` nifí` quiá' dsea, lí' laco' mí` jaang` dsea` fí~ coo` uó` lí` sijnea` mí' huñg` jó', jo i dsea` í` cagüí'fir' coo` ya' e la'ee' e cango`néeiñ` dsea` 'léeng' i nijmé` ta` quiá' e mí' huñg` jó' do. ² Jo casí'-reiñ' do e niquí`bre e 'léeiñ' do quiá' coo` jmí~ ta`. Jo mí` cangí` jo, casím`breiñ' do fí` jee` ta`. ³ Jo i fí~ do calé' catú` cagüí'fir' fí` jee` 'núu` mí` catí` la jí` níu` e la'ee' jo cangáñ` jíéng'gui dsea` i neáang` jøøng` e ja` ta` jmóor'. ⁴ Jo lalab casí'r` í: “Song ja` ta` sea` jmée` 'nú', güilíng`na' güijmee`na' ta` quiá' mí' huñg` jó' quié` e, jo niquí`baa qui`na' laco' sí'í.” Jo cangolím` i dsea` do cangojmée` ta`.

⁵ Jo mí` catí` guieñí', cagüí'ñb`tu i dsea` fí~ do fí` jee` 'núu` e ngojmée`guir quijí` dsea` i nijmé` ta` quiá'r`, jo caléb` catú` cagüí'fir' mí` catí` la jí` 'ní' e ca'lóo` cajo. ⁶ Jo coob` mí` catí` la jí` 'ñiá' e ca'lóo`, jo caléb` catú` cagüí'fir' jo cangór` fí` 'móo', jo fí` job cangár` e neáang` jíéng'gui dsea` i ja` ta` sea` jmé`, joba' cajmingí'r` dsea` do: “¿Jialí' ngñg` 'nú' jmí~ qui`na' fí` la e ja` ta` jmoo`na'?” ⁷ Joba' cañí' i dsea` do quiá' i fí~ do: “Co' jíí' jaang` dsea` ja` mí` cali'neaiñ` jnea` ta`.” Joba' cajíng' i fí~ do casí'-reiñ': “Güilíng` 'nú' güijmee`na' ta` cajo fí` lí` sea` mí' huñg` jó' quié` e.”

⁸ Jo mí` tí` lí` canuu, i fí~ do caquiá'r` ta` i dsea` née` ní` dsea` 'léeng' do e nitøø` jaléng' i dsea` jmóo` ta` do jo casí'-reiñ' do lala: “Tee` lajaang` lajaang` i dsea` 'léeng' na jo quiá' quiá'r`, dsu' la'uii` ningíng` i dsea` i cangotáang' jee` ta` la jí` 'ñiá' e ca'lóo` do jo lajob cartí` i cangotáang' la'ee` do.” ⁹ Jo lajob cajmée` i dsea` do; jo la'uii` cangñg` i dsea` i cangotáang' la jí` 'ñiá' e ca'lóo`, jo lajaang` lajaam` i dsea` í` ca'íñ' e 'léeiñ' quiá' latøøng` jmí~. ¹⁰ Jo mí` cató' quiá' í, joguiba' cangñg` i dsea` i cangotáang' la'ee'gui do, jo i dsea` í` ca'í` dsíir' e jmguiá'gui nilí'r` e 'léeiñ'. Jo dsu' o' lajo, co' røøb` ca'íñ' cóo' i nifí'gui do cajo. ¹¹ Jo mí` tí` lí` cangí` e ca'íñ' do e 'léeiñ', joba' canaiñ` fé'r` ga` uii` quiá' i dsea` fí~ do ¹² jo casí'-reiñ' do lala: “I dsea` 'léeng' quiá' i cagüilíng` cøøng`gui na, jíí~ coo` oor`ba' cajmée` ta`; jogui røøb` caquí' quiá' dsea` do laco'gui jnea', dsea` cataang`naa' lajee` latøøng` jmí~ e guí` iee.” ¹³ Jo dsu' i fí~ do cañíir' quiá' jaang` lajee` i dsea` 'léeng' do jo casí'-reiñ': “Ruu', ofa' jnea` jmóo`o` jløn`n cóo' 'nu`. ¿Su ofa' casí'naa' røø` jial tí' 'léeng' dsea` laco` jmí~? ¹⁴ Joba' fí` i 'nu` lana, nab róo` e 'léen' jo nicuøøm` guón'. Jo song jnea`gui iin`n quí` quiá' i dsea` 'léeng' i ca'í` cajmée` ta` cøøng`gui do røø` laco' jíí~ e nicaquí` quiá', ¹⁵ joba' cuøøm` lí` jmee` e lajo, co' cuu` quié`baa e cacuøø`øre do, o' cuu` quiá' dsea` jíéng'. ¿Ofa' dsihuím`ba' é dsu' uí' e cajmé` e e guíá` cóo' i dsea` í?”

¹⁶ Jo cajíng'gui Jesús lala:

—Jo i líng` dsea` i líng` e niñ` eáang` fí` jmgüí` la, dsu' í'bing' e jíí~ capí' ja` ee` niing` mí` nití` e í' jo. Jo dsu' i líng` dsea` i líng` e ja` ee` niñ` jíí~ capí' fí` jmgüí` la, joba' í'bing' i eáang`gui niliniing` mí` nití` e í' jo.

Mí` cajmée` Jesús júu` e catí` 'ní` ya' e tí` lí` nijngám' dsea` ír`

(Mr. 10:32-34; Lc. 18:31-34)

¹⁷ Jo coo` jmí~, lajee` e ni'iuung` Jesús fí` ngaiñ' fí` Jerusalén, jo cató'r` i dsea` guitúung` quiá'r` do coo` lico' yaaiñ` jo casí'-reiñ' do:

¹⁸ —Jo lí' laco' jíí~ e móo` 'nú' jmí~ na, lana ningóo`naa' fí` Jerusalén, jo fí` job lí` nisáng' dsea` jnea~, dsea` i cajá` fí` ñifí` e lín`n jaang` dsea` jmgüí`. Jo nijáñ' jnea` fí` jaguó` jaléng' fí~ jmidsea` quiá' dsea` góo`naa' dsea` Israel cóo'gui jaléng' tifa' i e` júu`

quiá' ta~ qui~naa' cajo. Jo jaléng' i dsea` íb' i nicuø` júu^ quiá'- e nijúung~ jnea~. ¹⁹ Jogui nijáin' jnea~ fí jaguó' jaléng' dsea` i ja` cuíng' Fidiéé', jo jaléng' íb' i niløø` quié~e, jogui nijmihuáin' jnea~ cajo jo jiguí cartí niteáin' jnea~ fí dse' crúu^, jo fí job nijúun~n; dsu' mi~ nití~ 'n' jmi~ lajo, nijíb'túu calé^ catú~.

*Lajíi' e camí' niquiá'^ Tíaa~ cóo'~gui Juan e camí'r' Jesús
(Mr. 10:35-45)*

²⁰ Jo mi~ cangí jo, i dseamí quiá'- jaang` dseañu' i sií Zebedeo cajaquíeíñ' fí lí~ sing' Jesús, colíng~ cóo'~ gáng~ jóor', jaang` i sií Tíaa~ jogui jaang` i sií Juan, jo lajì huáain' do quiñ'~ jee~ dsea` guitúung` quiá'- Jesús, jo casí'r' uø` jnir~ fí quiniñ'~, có' iin' líng~ ee` nimí'-bre dsea` do. ²¹ Jöba' cajmingí'- Jesús i dseamí do jo casí'-reiñ':

—¿E~ iin'~?

Jöba' cañíi' i dseamí do quiá'- Jesús jo casí'r' dsea` do:

—Jíeé' o' e nicuø' fí e lajì gáng~ i jóo`o la nigüear` cóo'~ 'nu' fí lí~ quiá' ta~ mi~ nigüing~tu' fí jo, jo jaain' la nigüear` lí^ lí dsée' jogui jaang`guir lí^ lí tuung~.

²² Jöba' cañíi' Jesús quiáin'~ do lala:

—'Nú' júi'~ ja' ñí'na' lajii'~ e mi'na' na. ¿Su líng~na' e nité'na' lajii'~ iihuá' e nijaquíeéng' quié~ jnea~?

Jöba' cañíi' i jóo` i dseamí do jo cajín'~:

—Nité' lí'baa'.

²³ Jo cañíi'tu Jesús quiá'- i dsea` do:

—E jáb'- e 'nú' nimó'ba' iihuá' cajo lí^ laco'gui nimoo~ jnea~; jo dsu' e nigüea` dsea` lí^ lí dsée' osi lí^ lí tuung~ é laco' guiin~n, ja' jnea~ catín~n e jo fa' e nicuøø~, có' lajii'~ dsea` i nicaguíng' Tiquié'e, jii'~ íbing' i catíng~ e jo.

²⁴ Jo mi~ tí lí canúu~ i dsea` quiá'- Jesús i guíng~gui do lajii'~ e júu^ jo, jöba' caligüim~bre quiá'- i gáng~ do. ²⁵ Jo dsu' Jesús cató'r' jaléng' i dsea` guitúung` do quiá'r' jo casí'r' lala:

—Niñí^ 'nú' guíá~ e jee~ jaléng' dsea` i ja` cuíng' Fidiéé' seeng' jaléng' dseata~ i quiá' ta~ quiá'- jaléng' dsea', jo jaléng' i dsea` i quiá' ta~ do eáam' silí'r' cóo'~ e ta~ líin' do. Jo lajob lí' cajo cóo'~ jaléng' dseata~ dsea` féng' i quíe' nifí quiá'- jaléng' dsea', có' laguidseam^ quiá'r' ta~ quiáin'~ do. ²⁶ Jo dsu' ja` cuøøng` e nidsijéé' lajo jee~ 'nú', có' ii' i iing~ i nicá' nifí jee~ 'nú', íbing' i 'né' nijmé~ ta' jmicóo'~ quiá'- i caguiaang~gui. ²⁷ Jogui ii' i iing~ i nijmé~ e niing~guir jee~ 'nú', íbing' i 'né' jmé~ jalé' ta' huí' jee~ jaléng' i caguiaang~gui e ja' jmiféng' 'ñia'r'. ²⁸ Jo lajob 'né' jmér~, có' lajob ta~ cagá~ jnea~ cajo, jnea~ dsea` cagá~ a fí ñifí~ e lín'n jaang` dsea` jmigüí. Có' jnea~ ja' cagá~ a fa' e jmóo' dsea` ta~ fí quinií~, có' jnea~ cagá~ a e laco' nijmicóo'~o jaléng' dsea` jmigüí jogui e nijáng' 'ñiá'a e nijúun~n e laco' nileáng` fíng' dsea` jmigüí jee~ jalé' dsee~ quiá'r~.

*Mí~ cajmi'leáng~ Jesús gáng~ dsea` tiuung~
(Mr. 10:46-52; Lc. 18:35-43)*

²⁹ Jo mi~ cangí jo, mi~ tí lí ca'uøøng` Jesús cóo'~ jaléng' dsea` quiá'r' fí Jericó, eáam' cango'leáng' dsea` laco' ngóor'. ³⁰ Jo lajee' laco' teáain'~ fí lado, cóob' mi~ cangüin' lí~ neáng' gáng~ dsea` tiuung~ i neáng' 'ni' fí. Jo mi~ tí lí calilí^ i dsea` tiuung~ do e cangíng' Jesús fí jo, jöba' ca'áin' dsea` do lala:

—¡Fí'ii', siju~ dseata~ Daví'^, fí~ güilín' jnea'!

³¹ Jo dsu' jaléng' i dsea` i ngolíng~ cóo'~ Jesús do ca'gaam~bre quiáin'~ do e laco' jo` áng'guin' do dsea` do. Jo dsu' lí^ lí teá'gui canaang` óo` i dsea` tiuung~ do e áin' dsea` do jo fé'tur lala:

—¡Fí'ii', siju~ dseata~ Daví'^, fí~ güilín' jnea'!

³² Jöba' cajeab' Jesús laco' fí iuuiñ~ do jo cató'r' i dsea` tiuung~ do jo cajmingí'-reiñ' do:

—¿E~ iing~na' e nijmee~e quií~na'?

³³ Jöba' cañíi' i dsea` tiuung~ do quiá'- Jesús lala:

—Fí'ii', ii~naa' e nijméé' e nilijnéb'túu'.

³⁴ Jòba' calí' fii' lîm- Jesús ì dsea` tiuung- do jò lico' cagüi'r' jmini'biñ' do lajaang` lajaañ`. Jò dsifí' lajòb ca'láang- ì dsea` tiuung- do, jò calijné'bre. Jò mi~ cangf jò, cangolím^bre cóo'~ Jesús.

21

Mi~ ca'í' Jesús fí' jee~ fii' Jerusalén

(Mr. 11:1-11; Lc. 19:28-40; Jn. 12 :12-19)

¹ Jò lajee` ná'~ gui e niguieng' Jesús fí' Jerusalén colîing~ cóo'~ jaléng' dsea` ì ngí' cóo'r~ do, jò caguiliñ' fí' cóo' fii' e sii' Betfagé e néé' quiá'~ cóo' mó' e sii' Olivos. Jò tí' jòb caguíéng' Jesús gáng- lajee` ì dsea` quiá'r- do e jéeng'guiñ' ² jò casí'~ reiñ' do lala:

—Güilíng~na' e fí' fii' jii e néé' quini` na, jò fí' jòb niguiéng'na' jaang` bú' iee` ì 'ñúung~ colîing~ cóo'~ jaang` yuu` quiáa`re'. Jò síng'~na're' jogui tee`na're' fí' la. ³ Jò song`ii' casí'~ 'ná' jialí' jmoona' lana, jòba' nifí'~na'r lala: “Lana 'neáng- fí'ii' ì bú' la. Dsu' mi~ ningf jò nijajeaam`túure'.”

⁴ Jò cangojéé' e na e laco' caliti~ jii'~ laco' júu^ e cajíng'~ jaang` dsea` ì café' cuaiñ~ quiá'~ Fidiéé' malii~ gui eáng' mi~ cajme'r' lala:

⁵ Síi'~na' jaléng' dsea` ì seeng` fí' Sión:

“Lab nijáa' ì dseata~ dsea` féng' ì quie' nifí' qui`ii',

jò jaang` dsea` ì ja' jmiféng' 'ñiab' líiñ',

jogui guiiñ' fí' mocóo'~ jaang` bú' jiuung~.”

⁶ Jò mi~ cangf jò, cangolím^ ì dsea` gáng- quiá'~ Jesús do jò cajmiti~bre laco' jii'~ ta~ caqui' dsea` do quiá'r-. ⁷ Jò cató-bre ì bú' iee` do colîing~ cóo'~ yuu` quiáa`re' do fí' lí' síng' Jesús, jò canaañ` sífir' sí'r^ fí' mocóo'~ ì bú' jiuung` do jò mifíng` caguáb` Jesús fí' mocóo'~ ì jó' do. ⁸ Jò fíim' dsea` ni'r' jalé' sí'r^ lacuee' guiá' fí' lí' cangíng' Jesús; jò ì líng~gui dsea` tã'r' guo' 'ma' e tiì jò guiar' fí' guiá' fí' lí' ningíng- dsea` do cajo. ⁹ Jò jaléng' ì dsea` ì ngolíng- nifí' cóo'~ gui ì jalíng- catí' cøøng` óor` lala:

—ì Majmiféng'naa' ì jòo' dseata~ dsea` féng' Daví'! jJogui juguiá~jii quiá'~ ì dsea` ì casíng` Fidiéé' fí' jmigüí' la cuaiñ~ quiá'r'! jJò majmiféng'naa' Fidiéé' dsea` guing~ ñifí'!

¹⁰ Jò mi~ tí' lí' ca'í' Jesús fí' dsí' fii' Jerusalén, lajiiim` dsea` canaañ` ta'r' mii'~ jò jmíng'~ rúñ'~:

—¿I~gui ì dsea` na?

¹¹ Jò ì líng~ ì dsea` do ngíur`:

—Mó'~ Jesús ì dsea` ì fé' cuaiñ~ quiá'~ Fidiéeb` na, ì nabi ì seeng` fí' Nazaret do fí' lí' se' Galilea.

Mi~ ca'uóøng` Jesús jaléng' dsea` ì jmóo' ta' 'nii' fí' dsí' guá'~

(Mr. 11:15-19; Lc. 19:45-48; Jn. 2 :13-22)

¹² Jò mi~ cangf jò, jò cangó- Jesús fí' dsí' guá'~ fé' quiá'~ dsea` góor` dsea` Israel e si' fí' Jerusalén do. Jò mi~ cangár- e lafa' 'móob' lí' e fí' jò, có' teáng'~ dsea` ta' 'nii' jogui ta' láa', jòba' cajmiquím'~ dsí' Jesús mi~ cangár- lajò, jò canaañ` jiiim`bre jalé' mes` quiá'~ ì dsea` ì jmóo' ta' jmísiing- cuu- jogui jalé' 'masii~ quiá'~ ì dsea` ì jmóo' ta' 'níng' jaléng' mee'. ¹³ Jò cajíñ'~ casí'r- jaléng' ì dsea` do lala:

—Lalab fé' Fidiéé' fí' ni~ jì quiá'r-: “E 'nii' la nilisií' 'núu' lí' nisíng- dsea` cóo'~ jnea~”; jò dsu' 'nú' nicajmi'uúing`na' cóo' 'núu' lí' teáng'~ jaléng' ii'.

¹⁴ Jò lajee` táang` Jesús e fí' dsí' guá'~ do, jòb caguilíng- jaléng' dsea` tiuung- cóo'~ gui jaléng' dsea` jlúung'~, jò cajmi'leáng- Jesús jaléng' ì dsea` í. ¹⁵ Jò mi~ tí' lí' cangá- jaléng' fii' jmidsea` quiá'~ dsea` Israel cóo'~ gui jaléng' tifa' quiá'~ júu^ quiá' ta' quiá'r- lajii'~ e quí'~ Jesús jmii~ jmóor` e dsigá' dsí' dsea` jogui canúu-~ guir e óo' jaléng' jiuung` e fí' guá'~

do lala: “¡Güijmiféng' jaléng' dsea`jmigüi` i Joo` dseata` dsea` féng' Davi'!”, joba' jaléng' i dsea` í eáam' caligüiñ` 16 jō casí'r` Jesús:

—¡Nuu' lajii' e fé' jaléng' i jiuung` na!

Joba' cañi' Jesús quiáin' do:

—Núu'baa, jogui ¿su ja` mí ca'í 'nú' lajii' e tōo` fí ni` ji` quiá' Fidié` li` fé' lala?: 'Nu', Fidié`, nicajmee'

e cóo' jalé' e ø` jaléng' jiuung` cóo' gui jaléng' yuu` nijmiféiñ' 'nu'.

17 Jō mí calí` casí' Jesús i dsea` do lala, jō cagüi'bre fí fi' Jerusalén jō cangó`tur fí cóo` fi' li` sii` Betania, jō fí job cangongüiñ` e uøø` jō.

Mi` caliquiú` cóo` 'ma` güiñi'`

(Mr. 11:12-14, 20-26)

18 Jō mí cangí jō, cóo` e la'ee` lajee` e ni'iuung` Jesús fí e ningáin' fí Jerusalén, cadseá` jmiaaiñ`. 19 Jō cóo` cangá`bre e gui` cóo` 'ma` güiñi'` ca' fí lana, jō cangoquiéiñ' fí li` gui` do, dsu' cadsé'r` e jii' cóo` güiñi'` ja` íi', dseáng'` yaang` má' quiáb'` dsí`. Joba' lalab casí'r` e 'ma` güiñi'` do:

—jō` nicuó`gui` jii' cóo` güiñi'` latí lana!

Jō ladsifí lanab caliquiú` e 'ma` güiñi'` do. 20 Jō mí tí li` cangá` i dsea` quiá'r` do e calí` lado, joba' eáam' cango'gá` dsír' jō cajmingí'r` dsea` do lala:

—Fí'naa', ¿e` uing` quiá' e caliquiú` ladsifí lana e 'ma` güiñi'` na?

21 Joba' cañi' Jesús quiáin' do:

—E já' e fi` i 'nú' e song dseáng'` já' líng'na' e quí'`baa jmii` jmee` lí' doñi' ee` jō ja` jmitúng` áa'na', jō o' jii' e na niquí'`na' jmii` nijmee`na' jóng lí' laco'gui` jii' e cajmé` jnea` cóo' e 'ma` güiñi'` na. Co' song dseáng'` já' líng'na' e quí'`baa jmii` jmee` lí' doñi' ee`, joba' cuøøm` lí quiu'`na' ta` e mó' si' la e nijéng'` ñia' li` si' jō nidsisíng'` ñia' fí 'ni' jmiñi'`, joba' lajob nilí jóng. 22 Joba' fi` i 'nú' lajiing'na' na e mí fóng'na' Fidié`, mí'ba're car` ngocáng` óo'na' jogui já' líng'na' e quí'`baa dsea` do jmii` nijmér` lí' doñi' ee', joba' nicuó'`bre 'nú' jóng lajii' e mi'na' do.

I` quiu'` ta` Jesús e jmóor` jalé' e jmóor`

(Mr. 11:27-33; Lc. 20:1-8)

23 Jō mí cangí e cajíng'` Jesús lajō, jō ca'í`bre fí dsí' sinúu` guá'` fé' e er' júu` quiá'` Fidié`. Jō lajee` iuiñ` fí job, mí cangoquiéeng'` jaléng'` fi' jmidsea` quiá'` dsea` góor` dsea` Israel fí li` siñ' colíng` cóo' jaléng'` dsea` cóøng'` quiá'r` cajo, jō cajmingí'r` dsea` do lala:

—¿I` i quiu'` ta` qui'` e jmoo'` jalé' e na? Jō ¿i` i cacuø'` 'nu' fí e cuøøng'` jmee'` jalé' e na?

24-25 Joba' cañi' Jesús quiáin' do jō casí`-reiñ':

—Jnea` cajo seab` cóo` e nijmingí'` i 'nú'. ¿I` casí'` quiá'` Juan e niseáiñ` dsea` jmii'? ¿Su Fidié` ofa' dsea` jmigüi'`b` é? Jō song nijméé'`na' jnea` júu` i casí'` quiá'r`, joba' nijméé'` jnea` 'nú' júu` i` quiu'` jnea` ta` e jmóo'`o` lajalé' e la.

Jō i dsea` do canaaiñ` sñiñ` lajee` la'ó' yaaiñ` jō sí'` rúñi'` lala:

—Song nisí'`naa'r e Fidiéeb` dsea` casí'` quiá'` i Juan do, joba' nijíñ'` nisí'r` jnea`aa': “¿Jialí' ja` já' calíng`na' i dsea` í jóng?” 26 Jō ja` cuøøng` nisí'`naa'r e dsea` jmigüi'`b` casí'` quiá'` i Juan do, co' fíng song casí'`naa'r lajō, dseáam'` fíng ee` cajmeáng'` dsea` jnea`aa'; co' lajii'm` dsea` ñir` e i Juan do café'r` cuaiñ` quiá'` Fidié`.

27 Joba' cañi' quiá'` Jesús lala:

—Ja` ne`naa' jii' cóo`.

Jogui Jesús casí'` tur i dsea` do jō cajíñ'`:

—O'gui jnea` cuøøng'` jmée'` e 'nú' júu` cajo i` i quiu'` jnea` ta` e jmóo'`o` jalé' e la.

Coo` júu` já' e lafa' júu` cuento quiá'` gáng` joo` dsea`

28 Jo cajmingí' gui Jesús jaléng' i dsea` do lala:

—¿E' í' óo' 'nú' cuaiñ' quiá' e júu' la? Coo` née' nicaliséng' jaang` dseañu', jo i dseañu' í' nicaliséng' gáng' jóor'. Jo coo` née' casí'r- i jóor' la'uii' do: “Jóo'o, fa' gíeé' o' güijmée' coo` jmí' ta' fí' lí' síjnea' mí' huíng' jó' qui' ii' do.” 29 Joba' cañí' i jóor' do: “iU~, dseáng' fím' baa nii' i!” Jo dsu' mí' cangí'guijia lajo, ca'íb- dsíir' cangór-. 30 Jo dsu' ngí' jo i jóor' i catí' tú- gui do casí' tiquiá'r^ laco' casí'r- i jóor' la'uii' do; joba' i jóor' í' cañí' bre ladsifí' quiá' tiquiá'r^ jo cajíñ'- e nidsé' bre. Dsu' mí' ngoyúung' jo ja' cangór-.

31 Joba' cajmingí' Jesús i dsea` do:

—¿I' lajee' laj' gáng' i jóor' do líng' 'nú' i calinúu' júu' quiá' tiquiá'r'?

Joba' cañí' i dsea` do quiá' Jesús jo cajíñ'-:

—I jóor' la'uii' do, í'bing' i calinúu'.

Jo Jesús casí'r- i dsea` do lala:

—E já' e fíi' 'nú' e jaléng' i dsea` i jmóo' ta' mí' cuu- e catíng' dseata' dsea` féng' i guíng' fí' Roma jogui jaléng' dseamí' i jmóo' ta' 'núng' yaang~, jéeng' guir nijáng' yaaiñ' laco'gui 'nú' fí' jaguó' Fidiéé' e laco' dsea` do nicár' nifí' quiáíñ'- . 32 Co' mí' cajá' Juan i caseáng' dsea' jmí' jo ca'e'r' 'nú' jial niliguiúng'-na' fí' quini' Fidiéé', dsu' ja' já' calíng' 'nú' jalé' e jo ie~ jo. Jo dsu' jaléng'gui i dsea` i jmóo' ta' mí' cuu- cóo'gui jaléng' dseamí' i jmóo' ta' 'núng' yaang~ jáb'- calíñ'- ie~ jo. Jo dsu' 'nú'gui, nañí' fa' cañí' ba' jalé' e jo, dsu' ja' caquí' jíng' yaang~na' fí' quini' Fidiéé', jogui dseáng'- ja' já' calím'-ba' júu' quiá' Fidiéé'.

Coo'gui júu' já' e lafa' júu' cuento quiá' dsea' léeng' i soo' dsí'

(Mr. 12:1-12; Lc. 20:9-19)

33 Jo mí' cangí' jo, cajíng' gui Jesús e júu' la:

—Núu'-na', la nifí' 'nú' coo'gui júu' já' e lafa' júu' cuento: Coo` née' jaang` dseañu' ni'óor' coo` uó- jo nicajme'r' iá' lacúng' e uó- quiá'r- do, jo cajnír' mí' huíng' jó' fí' dsí'. Jo cajmilíiñ' coo' lí' ni'uó'r- jmí', jogui caséer' coo' 'núu' ní' fí' quiá' jo e laco' cuóøng' tí' nir' fí' la'úng- e fí' ní' guóo' uó- quiá'r- do lí' síjnea' mí' huíng' jó'.

'Jo mí' cangí'guijia lajo, ca'náaiñ' coo' tú- máng' dsea` i nijmé- ta' uó- quiá'r-. Jo mí' cangí' jo, cagüí'bre cangór- fí' lí' huí'. 34 Jo mí' tí' lí' catí' í' e caroo' e mí' huíng' jó' do, jo caguiém' i dsea' fíi' uó- do coo' tú- máng' dsea' 'léeng' quiá'r- i cangoquiéé' lajii' e catíiñ'- do. 35 Dsu' mí' tí' lí' caguilíng- i dsea' 'léeng' do fí' lí' taang~ i dsea' jmóo' ta' uó- do, dsíng'- ga' cacóøiñ' e caquié' i dsea' i jmóo' ta' uó- do; i líng' cacóøng' cóo' cuu~, jogui i líng'gui dseáng'- cajngam'bre. 36 Jo mí' cangí' jo, i fíng'gui dsea' 'léeng' caguiéng' tu i fíi' do laco'gui i caguiéiñ' lamí' uii' do. Jo dsu' lajob cajmée' tu i dsea' i jmóo' ta' uó- do, cajmeám' tur jaléng' i dsea' 'léeng' i caguiéng' i dsea' fíi' uó' do.

37 Jo mí' cangí' jo, jóo'gui i dsea' fíi' uó- do caguiéiñ', co' ca'f' dsíir' e í'guib fíng' nijmí' gó' i dsea' jmóo' ta' uó- do. 38 Jo mí' tí' lí' cangáng- i dsea' jmóo' ta' uó- do i jóo' i dsea' fíi' uó- do jo canaaiñ' síiñ' lajee' yaaiñ': “I síming' nabíng' i nijmé'- guiáa' e uó- la mí' tí' lí' nijúung- tiquiá'r'; majngáang' naa're lajminá-, jo jneaa' aa' nilí' naa' nijé'ee' cóo' e uó- la.” 39 Jo røøb' casíng- i dsea' jmóo' ta' uó- do e nijmér- lajo, jo cangojéiñ' i síming' do catí' 'ni' guiee' lí' síjnea' e mí' huíng' jó' do jo fí' job cajngang' neiñ' do.

40 Jo cajíng' gui Jesús casí'r- i dsea` do:

—Joba' fíi' 'nú' e mí' niguiéé' i fíi' uó' do, ¿e' líng' 'nú' e nijmeáiñ' i dsea' jmóo' ta' uó- i ca'lee' do?

41 Joba' cañí' i dsea` do:

—E nijngám'- i fíi' uó- do lajaléng' i dsea' jmóo' ta' uó- do, jogui dsea' jiem' nitáiñ' i nijmé- ta' e uó- do lali' i lí' dsíir' i nija' lajii' e catíiñ' quiá' e niró' do quiá'r-.

42 Joba' cañí' Jesús quiá' i dsea` do:

—¿Su ja' mí' ca'f' 'nú' fí' ní' jì' quiá' Fidiéé' lí' fé' lala? E cuu~ e ja' calijí' dsea' jmígü' quiá' tíi' fíi' quiá' 'nú'~,

lanagui dseáng'~ cū~ laniim~ nica'uíng~ quiá'^ 'núu'.
 Jo 'ñiab' Fíi'naa' dsea` cajméer` e la,
 joba' dseáng'~ eáam' dsi'gó' dsi'naa' lana.

43 Jo uíi'~ joba' fíi'~ i 'nú' jmií~ na e nigüeáb' lajii'~ e si'í' niñíng'na' e Fidiée' nicár' nifi' quií'~ na' jo dsea` jiém'~ niñíng' e jo, co' í'bing' já'~ nilíng' jogui ni'é~ røø' fí' quini' dsea` do. 44 Jogui doñi' i' dsea` i nititaang' fí' ni' e cū~ e julí' na, dseáng'~ túub'~ niliíñ'~; jogui song i' dsea` cajlíng' e cū~ do, dseáng'~ conguaí' 'leeb' niliíñ'.

45 Joba' mi' tí' lí' canúu~ i fii' jmidsea` quiá'~ dsea` Israel do cóo'~ gui jaléng' dsea` i líng' dsea` fariseo lajii'~ e júu' e cajíng'~ Jesús do, joba' calilí'r' e jaléng' í'bre ééng' dsea` do cóo'~ e júu' quiá'r' do. 46 Joba' ie' jo lami' iíñ'~ nisám'bre Jesús, dsu' ja' cateá' dsíir' fa' cajméer' lajo, co' fíim' dsea` teáang' i já'~ líng' e dsea` do líiíñ' jaang' i fé' cuaiñ' quiá'~ Fidiée'.

22

*Coo' júu' já' e lafa' júu' cuento quiá'~ mi' cung' guó' dsea`
 (Lc. 14:15-24)*

1 Jo mi' cangí' jo, jo cóo'~ júu' lanab canaang'tu Jesús si'r' jaléng' i dsea` do jo casí'~ reiñ':
 2 —Jo lalab lí' mi' Fidiée' quier' nifi' quiá'~ dsea`. Co' e jo lí' laco' mi' jaang' dseata` dsea` féng' cajméer' coo' jmií' fe' quiá'~ e nicúng' guó' jóor'. 3 Jo mi' tí' lí' ninéé' guiá'~ e jmií' do, joba' i dseata` do casíñ' jaléng' dsea` 'léeng'~ quiá'r' i cangoté' jaléng' dsea` simíng' e laco' nidó'r' colíng'. Dsu' i dsea` simíng' do ja' cali'íiñ' fa' cangolíñ'. 4 Jo mi' cangí' jo, i jiéng'gui dsea` 'léeng'~ quiá'~ i dseata` do casíñ' i cangoté' i dsea` nisimíng' do jo casí'~ reiñ' do jial júu' nicáiñ' do jo cajíñ' lala: “Güijméel'na' júu' i dsea` nisimíng' do e ninéeb' guiá'~ lajaléb' e niquiee'naa', co' nicaquiú'~ ta' e nicajngam' dsea` güitá' quié' e cóo'~ gui jaléng' jó' caguiaang'~ gui i jlo' úung', jo lajib' ninéé' guiá'~ lana. Síi'gor güijalíñ', co' lana nidsitoo'~ jmií' quiá'~ e nicúng' guó' jóo'baa.” 5 Dsu' dseáng'~ ja' cajmijíib' i dsea` simíng' do lajii'~ júu' quie' i dsea` 'léeng'~ do. Jo jaaiñ' do cajíñ': “Síi'go fíi' e ja' lí' nii' i lana, co' nabi' 'né' nii' i ni'é'e uøø' quié'e.” Jo jaang'gui do cajíñ': “Síi'go fíi' e ja' lí' nii' i lana, co' nabi' 'né' nijøøø' lajii'~ e 'nú'baa.” 6 Jogui i dsea` simíng' caguiaang'~ gui do caquiém'bre i dsea` 'léeng'~ quiá'~ i dseata` do cartí' cajngam'breiñ' do. 7 Job mi' caligúing' i dseata` do e eáang' jo caquiur' ta' 'lée' quiá'r' e cangojngáam'biñ' do jaléng' dsea` i calíe' do jogui cajíbre fíi' góoiñ' do cajo. 8 Jo mi' cangí' jo, i dseata` dsea` féng' do casí'r' i dsea` 'léeng'~ quiá'r' caguiaang'~ gui do jo cajíñ': “Lana ninéé' guiá'~ lajii'~ jmiíñ' e niquiee'naa', dsu' i dsea` i lami' si'í' simíng' do ja' catíiñ' fa' e nijalíñ' e niquiee'naa' colíng' cóo'r'. 9 Jo lanagui fíi' i 'nú' e güilíng'na' lacaang' jee' 'núu' fí' jalé' fí' e laniing' jo güite'na' lí' doñi' i' dsea` i nijíng'na' jee' 'núu' do jo síi'na' e niquiee'naa' colíng' cóo'r', co' i dsea` i lami' si'í' simíng' do ja' cali'íiñ' fa' cajalíñ'.” 10 Joba' ca'uøøm' i dsea` 'léeng'~ quiá'~ i dseata` dsea` féng' do e cajmitir' laco' jii' ta' caquiur' fiir', jo i fíim' i dsea` do cató'r', do i guiúng' jogui dogui i soo' dsíi'; lifa' dseáng'~ caró'm' dsíi' sinúu' quiá'~ i dseata` do e catang'~ jaléng' i dsea` í'.

11 Jo mi' tí' lí' calí' i dseata` do fí' lí' niteáang' i dsea` fíng' do, job cangáiñ' jaang' dseañu' i niquíng'~ jee' do i ja' qui' si'í' laco' catíng'~ quiá'~ mi' tí' jmií' e cung' guó' dsea'. 12 Joba' i dseata` do casí'r' i dsea' í': “Ruu', ¿jial calí' o' ca'u' fí' la ja'gui si'í' quií'~ quiá'~ lí' cung' guó' dsea'?” Jo tiib' cajé' i dsea` i ja' quie' si'í' laco' si'í' do. 13 Joba' i dseata` do casí'r' jaléng' i dsea` 'léeng'~ i guia' guiá'~ mes' do: “'Ñu'na' guotií' i dseañu' na jo güibíng'na' cartí' lí' nuu' só' fí' caluu', jo fí' job lí' nijmér' ta' qui' jogui ta' tu' maja'.” 14 Dsuo' tó' Fidiée' i fíim' dsea' e nijáng' yaaiñ' fí' jaguór', lifa' jii' tú' 'ní' míng'bing' i guiíñ'.

*Mi' cajmíng' dsea` Jesús cuaiñ' quiá'~ e catíng' dseata`
 (Mr. 12:13-17; Lc. 20:20-26)*

15 Jo mi~ cangf e la, caseang' coo` tú- m'ing' dsea` Israel i líng' dsea` fariseo jo casíng-tur røø jial laco' nicuø'r- Jesús dsee- fí quini~ dseata~. 16 Jo casím'biñ' do fí lí- táang' Jesús coo` tú- m'ing' dsea` i la'ó' ír' cõo' gui dsea` quiá'- dseata~ Herodes, jo lalab júu^ quieñ' do quiá'- Jesús jo casí'r-:

—Tifa', ne~baa' guiá- e jmang'- júu^ já'-ba' fó' 'nu` jogui e dseang'- lajam'^ba' já'- e e' jialco' iing~ Fidiée' e see~naa'. Jogui ne~bñ' cajo e ja' 'gó' 'nu` cõo' jalé' e í dsí' dsea` osi jalé' e fé' dsea` uii~ quií' é, co' ja' jøø- 'nu` júi~ jialco' líng' dsea` lí'^ caluu'. 17 Joba' ii~naa' nijm'ingh' 'nu` e~ nifo'^ cuaiñ~ quiá'- e júu^ la: ¿Su' né- niquí'naa' cuu- e catíng- dseata~ i guing~ fí Roma osi ja' 'né- qui'naa' é?

18 Jo dsu' Jesús calilí'bre lajúi~ e ga' e í dsí' i dsea` do, joba' cajíñ'- casí'- reiñ':

—i jmicaang~ i la 'nú'! ¿jialí' 'nó'na' e iing~na' niguié'na' jial e ni'níng~na' jnea~ fí quini~ dseata~? 19 Ée'na' jnea~ e cuu- e 'né- niquí' quiá'- i dseata~ do.

Joba' i dsea` fariseo do cacuø'r' dsea` do coo` cuu- lajo. 20 Jogui Jesús casí'- reiñ' do lala:

—¿i i táang' fí ni~ e cuu- la jogui jial siir'?

21 Joba' cañí' i dsea` fariseo do quiá'- Jesús:

—Dseata~ dsea` guing~ fí Roma táang' fí na.

Joba' cañí'tu Jesús quiáñ'- do jo casí'- reiñ':

—Cuøø'na' dseata~ i guing~ fí Roma lajúi~ e catíng- í, jogui lajobi cajo cuøø'na' Fidiée' lajúi~ e catíng- Fidiée'.

22 Joba' mi~ tí lí canúuiñ'- do lajo, eám' cangogá' dsír' e júi~ o' ñir' e niñí'guir. Jo cangolím'bre mi~ cangf lajo, jo 'ñiab' Jesús cajé'guir.

Mi~ cajm'ingh' dsea` jial lí' mi~ nijí'tu dsea` calé' catú-
(Mr. 12:18-27; Lc. 20:27-40)

23 Jo 'ñia' ie~ jmñ~ jo caguilíng- coo` tú- m'ing' dsea` Israel i líng' dsea` saduceo fí lí- táang' Jesús. Jo co' jaléng' i dsea` saduceo do ja' já'- líñ' e jí'tu 'lí~, joba' ca'f dsír' e cangojm'ingh'r- Jesús jo casí'r- dsea` do lala:

24 —Tifa', lalab cajíng'- Moi~ malñ~gui eáang' e song cajúng- jaang' dseañu' e júi~ ja' jóor' caliséng', joba' i rúng' dsea` ngáang~ cõo' i 'lí~ dob' né- nicúñ' guóor' cõo' i dseamí quiá'- i 'lí~ do e laco' niliseeng' jóor' cõo' ír'. Joba' lafa' jóob' i dseañu' la'uii~ do ni'uíng- i jiuung~ i niliseeng' do. 25 Jo lalab calí- jee~ jnea'^; coo` née' caliséng' guiáng- dseañu' i la'ó' rúng'. Jo i dseañu' la'uii~ do cacúm' guóor', jo ja' huøø- ngó- cajúm-bre, lifa' júi~ jaang' jóor' ja' caliséng' cõo' dseamí quiá'r-. Joba' i dseañu' rúñ' i catí tú- do cacúm'bre guóor' cõo' i dseamí í, 26 jo dsu' lajob calí-tu, cajúm-biñ' do jo ja' jóor' caliséng' cajo. Jo lajob i rúñ' i catí 'ní do cajo, cacúm'bre guóor' cõo' i dseamí í, dsu' lajobtu ca'uíng- quiá'r-, cajúm-bre e júi~ ja' jóor' caliséng'. Jo lajob calíng- lajì guiáng- i dseañu' do, cajúm-bre e júi~ ja' jóor' caliséng' cõo' i dseamí do. 27 Jo ja' huøø- ngó- jo cajúm- i dseamí do cajo. 28 Joba' jm'ingh' jnea'^ 'nu` lana e mi~ nití- í' e nijí'tu dsea', ¿i dseáng' i dseañu' do lajee~ lajì guiáñ- nicúng' guóor' cõo' i dseamí do? Co' lajalém'bre cacúñ' guóor' lajee~ seeñ' fí jmigü' la.

29 Joba' cañí' Jesús quiáñ'- do:

—Sijgiém' áa' 'nú', co' ja' ñí'na' jial laco' fé' fí ni~ jì quiá'- Fidiée', jogui dseáng'- ja' ñí'ba' cajo jial tí' 'gøng' dsea` do. 30 Co' ie~ jo, mi~ nití- í' e nijí'tu jaléng' 'lí~, jaléng' dseañu' cõo' gui jaléng' dseamí jo' tóo' jmñ~ fa' e nicúng'-gui guóor', dsaco' lafa' ángeles quiá'- Fidiée' i neáang' fí ñifb- nillíñ- ie~ jo. 31 Jogui 'nú' jm'ingh'na' su jí'tu jaléng' dsea` mi~ ningf e júuiñ-, jo ¿su ja' mí ca'í 'nú' lí- tóo' lajúi~ júu^ quiá'- Fidiée' e cajíñ'- malñ~gui mi~ café'r lala?: 32 “Jneab- lín'n Fidiée' quiá'- Abraham cõo' gui quiá'- Isáa' jogui quiá'- Jacóo'.” Joba' fñ- i 'nú' lana e Fidiée' ja' líñ' Fidiée' quiá'- jaléng' 'lí~, co' Fidiée' quiá'- jaléng' dsea` jib' líñ'.

³³ Jo mĩ tí lí canúũ jaléng' ì dsea` do lajiĩ~ júu` e cajíng'~ Jesús, jòba' dsíng'~ cango'gá' dsír' jò cangolímbre jóng.

*E lab júu` quiu' ta` e laniing`gui quiá'~ Fidiéé`
(Mr. 12:28-34)*

³⁴ Jo mĩ tí lí cangí e casíng~ Jesús cóo'~ dsea` saduceo, jò caseám' rúng' dsea` fariseo mĩ tí lí caliñir' e cateá lanab cañi' Jesús lajiĩ~ júu` e cajmingí' ì dsea` saduceo do. Jo ì dsea` î cangolímbre fí lí táang' Jesús. ³⁵ Jo jaang' lajee` la'ó' ír' ì líng' tifa' quiá'~ júu` quiu' ta` quiá'~ dsea` góor' dsea` Israel e lí' laco' iiñ e niténg' Jesús fí nĩ dsee~, jòba' cajmingí'r~ dsea` do lala:

³⁶ —Tifa', ¿e` e júu` quiu' ta` quiá'~ Fidiéé` e niing`gui?

³⁷ Jòba' cañi' Jesús quiá'~ ì dsea` do:

—E lab e júu` e niing`gui do: “Jmi'neáang' Fíi' Fidiéé` car` ngocáng` o' jògui cóo'~ jalé' bí seeng` jmiguí quií'~ jògui cóo'~ jalé' e í' o'.” ³⁸ Jo e lab e júu` e laniing`gui jògui e la'uiĩ do cajo jee` lajalé' júu` quiu' ta`. ³⁹ Jògui e júu` quiu' ta` e catí tú~ do røøb`jiá lí' cóo'~ e la, jò lalab fé': “Jmi'neáang' jaléng' dsea` rún' lí' laco'gui jmi'neáan' uø'.” ⁴⁰ Jo cóo'~ e tú~ júu` quiu' ta` nab lí' júu` tí~ fí quiá'~ lajalé' e caguiee`gui júu` quiu' ta` quiá'~ Fidiéé` jògui lajalé' júu` e ca'e' ì dsea` ì café' cuaiñ` quiá'~ Fidiéé` mali'gui eáang'.

*I` dsea` siju` líng' Dsea` Jmáang`~
(Mr. 12:35-37; Lc. 20:41-44)*

⁴¹ Jo lajee` e teáam`bi jaléng' ì dsea` fariseo fí do, ⁴² mĩ cajmingí'~ Jesús ír' lala:

—Jo ¿e` í' óo' 'nú' cuaiñ` quiá'~ ì dsea` ì sijeeng`na' do ì nicá' nifi' quií'~na' do? ¿jial laco' jáa' siju'?

Jòba' cañi' ì dsea` do quiá'~ Jesús jò cajíñ':

—Dsea` siju` dseata` dsea` féng' Daví' í'.

⁴³ Jòba' cañi' Jesús quiá'~ do:

—Jo ¿jial lí' jóng? Co'ie` lamí cateáang` dseata` Daví' fí jmiguí la, cajíñ'~ la'eáang' cóo'~ Jmiguí quiá'~ Fidiéé` e Dsea` Jmáang` líng' Fiir~, co' lalab cajíñ'~ ie` jò:

⁴⁴ Lalab cajíng'~ Fidiéé` casí'r~ Fíi':

“Ní lí' lí dsée' laco' guiin`n

cartí nijmee` e e jaléng' dsea` ì 'ní' níng` 'nú' nisí'r` uø` jnir` fí quini' e laco' nijmi'gór` 'nú'.”

⁴⁵ Jo cajíng'~gui Jesús e júu` la:

—Jo song 'ñia'bi dseata` Daví' sír' Fíi' ì dsea` ì sijeeng`na' do ì nicá' nifi' quií'~na' do, jòba' ¿jial cuøøng` e í' líiñ` dsea` siju` dseata` Daví' jóng?

⁴⁶ Jo jaléng' ì dsea` ì teáang` do ie` jò jiĩ~ camí' júu` ja` cadsé'r' fa' cañir` quiá'~ Jesús, jò latí ie` jòb jiĩ~ jaang` dsea` fa' cateá`gui dsír' ee` nijmingí'r~ dsea` do.

23

*Mĩ cajíng'~ Jesús jalé' e ga' e jmóo` jaléng' dsea` fariseo
(Mr. 12:38-40; Lc. 11:37-54; 20:45-47)*

¹ Jo mĩ cangí e jò, casí'~ Jesús jaléng' dsea` ì teáang` do ie` jò cóo'~gui jaléng' dsea` quiá'r~ jò cajíñ'~ casí'~reiñ':

² —Jaléng' tifa' quiá'~ júu` quiu' ta` quiá'~ dsea` góo'naa' dsea` Israel cóo'~gui jaléng' dsea` góo'naa' ì líng' dsea` fariseo óor` ta` e er' e` guøng' lajiĩ~ júu` quiu' ta` quiá'~ Fidiéé`.

³ Jòba' fíi' ì 'nú', jmee`ba' náu'~na' lajiĩ~ júu` quiá'r~ jògui jmití'ba' lajiĩ~ e sír' 'nú', jò dsu' jie` mí jmoo'na' laco'gui la jmóor', dsuco' ì dsea` í' ja` jmitir` lajiĩ~ e júu` quiá'r~ do.

⁴ Dsuco' ì dsea` í' lico' tiiñ` jmér` lafa' léé` dsea` cóo'~ jalé' e jíñ' e 'né` nijmiti` dsea` e jiĩ~ ja` quií' dsea` jmiĩ` jmitir~, jò dsu' ja` jmico'or` dsea` jiĩ~ cóo'~ camí' niguóor` e laco' niróo` e lee` do. ⁵ Jo lajiĩ~ e jmóor` do lico' iiñ e jøø` jaléng' dsea` jiém'. Jògui tí dsír'

e quier' li' tóo' júu' quiá' Fidié' fí' guiaquí' osi fí' dse' cuéer' é, jo e jo tóo' cóo' júu' e liing' guiá' laco' jnéeng' huí'. Jo lacaang' fí' dse' s'i' r' tí' dsíir' e i' r' lo' e cuee'. ⁶ Jo tí' dsíir' e guár' fí' li' jlo' gui' fíng dsilíin' lacaang' lí' tí' jmií' osi lí' niing' gui' é fíng dsilíin' fí' sinúu' guá' quiá' dsea' góo' naa'. ⁷ Jogui' iin' e jmi' gó' dsea' ír' m' jín' rúin' jee' 'núu', jogui' tí' dsíir' e fa' jalém' dsea' s'i' ír' tifa'.

⁸ Jo dsu' 'nú' ja' catíng' na' fa' e nisí' dsea' 'nú' tifa', dsuco' jaam' tifa' i' dseáng' seeng' quí' na', jogui' lajaléng' 'nú' líng' na' laco' rúm' ba'. ⁹ Jogui' 'nú', ja' catíng' na' e nifí' na' tea' jii' jaang' dsea' fí' jmi' gú' la, dsuco' jaam' Tiquí' na' i' seeng', jo íb' Fidié' i' guiing' fí' ñifí'; ¹⁰ o' gui' catíng' na' fa' e nisí' dsea' 'nú' fí', co' jaam' Fii' na' seeng', jo íb' i' dsea' i' sijeeng' na' do i' nicá' nifí' quí' na'. ¹¹ Jogui' song' i' lajee' la' o' 'nú' líin' e niing' guí, joba' í'bing' i' 'né' nijmé' ta' jmicóo' jee' jaléng' 'nú'. ¹² Co' doñi' i' dsea' i' jmiféng' 'ña' jee' jaléng' dsea', joba' i' dsea' í' eáam' nijgiáaiñ' m' nití' í' lajo. Jo doñi' i' dsea' i' ja' jmiféng' 'ña' jee' jaléng' dsea' rúng', joba' í'bing' i' eáang' gui' niliniing' m' nití' í' lajo.

¹³ i' E ngí' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui' jaléng' 'nú', dsea' Israel i' líng' dsea' fariseo, co' jmang' i' jmicaam' 'nú'! Co' jni' ba' fí' e laco' dsea' jíéng' ja' nijáng' yaaiñ' fí' jaguó' Fidié' e laco' dsea' do nicá' nifí' quiá' r'. Jogui' jii' 'nú' ja' jaang' yaang' na' fí' jaguó' Fidié' o' gui' cuo' na' fí' jaléng' dsea' i' iing' nijmé' lajo.

¹⁴ i' E ngí' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui' jaléng' 'nú', dsea' Israel i' líng' dsea' fariseo, co' jmang' i' jmicaam' 'nú'! Co' jmoo' na' i' 'nú' jaléng' dseam' 'nú' i' tíning', jogui' jmicaang' na' e ja' lí' lajo, jogui' jmoo' na' e cuee' fa' quí' na' m' güilíng' na' fí' guá'. Jo uí' e lajob' jmoo' na', joba' 'nú'bing' i' ga' gui' eáang' ni' íng' iihu' m' nití' í' lajo.

¹⁵ i' E ngí' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui' jaléng' 'nú', dsea' Israel i' líng' dsea' fariseo, co' jmang' i' jmicaam' 'nú'! Co' jmoo' na' ta' ngí' lacaang' fí' ni' guóo' uó' quiú' cóo' gui' lacaang' fí' ni' jmi' ní' e laco' nilí' na' jaang' dsea' i' nidsitáang' cóo' 'nú'. Jogui' m' tí' lí' calí' na' i' dsea' í', dseáng' lico' síng' guina' r e catíin' tú' née' fí' lí' lí' laco' gui' la líng' 'nú' yaang' na'.

¹⁶ i' E ngí' fíib' 'nú', dsea' líng' na' lafa' dsea' tiuung' i' jéeng' jaang' gui' dsea' tiuung'! Co' 'nú' fó' na' e m' jmoo' dsea' promes e éeiñ' guá' fé', ja' 'né' nijmitir' e jo; jo dsu' 'nú' fó' na' e m' éeng' dsea' e cuné' e sea' fí' guá' do, joba' dseáng' 'né' e jmiti' bre jóng. ¹⁷ i' 'Nú' líng' na' lafa' dsea' tiuung' i' i'! ¿E' e quíng' gui' quí' na' eáang' líng' na'? ¿Su cuné' o' fa' e guá' e jmi' güeang' e cuné' dob' é? ¹⁸ Jogui' fó' bi' 'nú' cajo e doñi' i' dsea' i' jmoo' promes e éeiñ' fí' nife', ja' catíng' fa' e nijmitir' lajii' e ca' éeiñ' do. Jo dsu' 'nú' fó' na' e song' ca' éeng' dsea' lajii' e tíng' dsea' e cuo' r' Fidié' fí' nife', joba' dseáng' 'né' e nijmiti' bre jóng lajii' e ca' éeiñ' do. ¹⁹ i' 'Nú' líng' na' lafa' dsea' tiuung'! ¿E' e quíng' gui' quí' na' eáang' líng' na'? ¿Su lajii' e tíng' na' cuo' na' Fidié' fí' nife' do o' fa' e nife' e lí' ligüeang' dob' é? ²⁰ Jo dsu' jnea' gui' fá' a e i' dsea' i' éeng' e nife' do, o' jii' quiá' e jo jmoo' lajo, co' lajob' jmoo' cajo quiá' lajalé' e sea' e fí' ni' do. ²¹ Jogui' i' dsea' i' éeng' guá' fé', o' jii' quiá' e guá' do jmoo' lajo, co' lajob' jmoo' cajo cóo' Fidié' i' seeng' fí' jo. ²² Jogui' i' dsea' i' éeng' ñifí', lajob' éeiñ' 'ña' Fidié' cajo jogui' fí' lí' lí' ée' quiá' dsea' do fí' jo.

²³ i' E ngí' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui' jaléng' 'nú', dsea' Israel i' líng' dsea' fariseo, co' jmang' i' jmicaam' 'nú'! Co' cuo' na' Fidié' cóo' lajee' guí' lajii' e catíin' quiá' jalé' e ro' na' do fa' jalé' oo' quiá' jmi' ñi' jogui' jalé' e jíé', jo dsu' ja' jmiti' na' e júu' quiu' ta' quiá' Fidié' e niing' gui' e quiá' jial ni' é' dsea' røø' cóo' dsea' rúin' jogui' jial nilí' fí' líng' dsea' jaléng' dsea' rúin' jogui' jial dseáng' nijmitir' jalé' e iing' Fidié'. Jo jalé' e nab e laniing' gui' e 'né' nijmiti' na' lifa' ja' 'naang' na' ca' jalé' e catíng' Fidié' e nicuo' na' re do. ²⁴ i' 'Nú' gui' líng' na' lafa' dsea' tiuung' i' jéeng' jaang' gui' dsea' tiuung'! Jo tím' ba' ngí' na' jalé' e ú' na' e laco' ja' nini'ng' na' lu' ping' e, jo dsu' ním' ba' i' jó' féng' i' si' camello!

25 'iE ngi~ fñib^ 'nú', jaléng' tifa' quiá'- júu^ quiu' ta~ quiá'- dsea` Israel cóo'~gui jaléng' 'nú', dsea` Israel i líng' dsea` fariseo, có' j mang' i j micaam~ 'nú'! Có' 'nú' lí' i ru' guiá- jalé' cuéé' huñ' quiá'- jii' lí' caluu', jo dsu' e téé' dsí' do j mang' jalé' e nicajmee~na' i cóo'~gui jalé' e lí' óo'na' e sea' fí' jmigüí. 26 i tñu~ 'nú', dsea` fariseo! Có' la'uii~ jang' rúu'~na' lí' lí' dsíib' jalé' cuéé' huñ' quií~na' do, jo lajoguiba' nijé~ tee' fí' caluu' cajo.

27 'iE ngi~ fñib^ 'nú', jaléng' tifa' quiá'- júu^ quiu' ta~ quiá'- dsea` Israel cóo'~gui jaléng' 'nú', dsea` Israel i líng' dsea` fariseo, có' j mang' i j micaam~ 'nú'! Có' 'nú' líng'na' laco'gui la lí' lí' si'aang~ 'lii~ e jlo'~jiu tee' lí' caluu', jo dsu' lí' lí' dsí' layaang~ móo' 'lii~ba' téé' cóo'~gui jalé' e 'lí' e jíé'. 28 Jo dseáng'~ lajob líng' 'nú' cajo, có' guiúm~ba' jnéng~na' jòøng~ dsea` 'nú' lí' caluu', jo dsu' dseáng'~ lico' j micaam~ba' cóo'~ jalé' e fó'na' jogui j mang' e 'lib' i áa'na'.

29 'iE ngi~ fñib^ 'nú', jaléng' tifa' quiá'- júu^ quiu' ta~ quiá'- dsea` Israel cóo'~gui jaléng' 'nú', dsea` Israel i líng' dsea` fariseo, có' j mang' i j micaam~ 'nú'! Có' jmo'na' lí' si'aang~ jaléng' dsea` i café' cuaiñ~ quiá'- Fidié~ malii~gui eáang' jogui jmoona' e silii~ jlo' lí' si'aang~ jaléng' dsea` i caléé' guiá- cóo'~ Fidiéé', 30 jogui fó'na' lala: "Facó' jnea' calisé'naa' lajee' e caliséng' 'lii~ dsea` áang' qui'naa', joba' ja' cajmicóo'~naa' jóng e cajnga' dsea' quiá'- i dsea' i café' cuaiñ~ quiá'- Fidiéé~ malii~gui eáang' do." 31 Jo cóo'~ jii' e júu^ nab cuø'na' lí' e dsea' sijú'ba' líng' i dsea' i cajngang' i dsea' i café' cuaiñ~ quiá'- Fidiéé~ malii~gui do. 32 Jo có' lajob líí, joba' 'nú' jmité'na' náng lajii' e nicanaang' 'lii~ dsea' cóøng'~ quií'na' cajméer'.

33 'i'Nú' líng'na' jóo' mi' guíng'~! Jial nilí'na' e nileáng'na' lajii'~ iihuí' e ni'íng'~na' fí' lí' 'lí'? 34 Joba' fñi~i 'nú' e jnea~ nisín^ n jee' 'nú' jaléng' dsea' i fé' cuaiñ~ quiá'- Fidiéé~ jogui jaléng' dsea' i tñng' eáang' cóo'~gui jaléng' dsea' i e' jalé' júu^ quiá'- dsea' góo'naa' dsea' Israel; lifa' 'nú', nijngám'~ba' jogui nitáang~na' fí' dse' crúub' i líng' i dsea' í, jogui i líng'~guiiñ' do nibøøng'na'r fí' dsí' sináú' guá'- jogui ni'øøng'na'r fí' laco' fñi' lí' guiliiñ'. 35 Jo lajoba' iihuí' e eáam' ni'íng'~na' e jáa' quiá'- Fidiéé~ uii~ quiá'- jalé' jmi'øøng' i dsea' i guiúng' e nicatuu' fí' ni' guóo'~ uø' la. Jo e jo canaang' mi~ catuu' jmi~ Abel i líng' jaang' dsea' guiúng' fí' quini' Fidiéé~ jo cartí' mi~ catuu' jmi~ Zacarías, jóo' jaang' dseañu' i calisí' Berequías, có' i dsea' íb' i cajngang' 'nú' cáang' nife' quiá'- siguí' guá'- fé' e si' fí' Jerusalén. 36 Jo dseáng'~ e jáb' e fñi~i 'nú' e i dsea' i seeng' jmi~ na, íbing' i ni'íng' iihuí' uii~ quiá'- lajalé' e jo.

*Mi~ caqui' Jesús uii~ quiá'- dsea' seeng' fí' fñi' Jerusalén
(Lc. 13:34-35)*

37 Jo mi~ cangí jo, cajíng'~gui Jesús e júu^ la:

—iFñib^ 'nú', dsea' seeng'na' fí' Jerusalén, fñib^ 'nú', dsea' seeng'na' fí' Jerusalén! Có' 'nú' i seeng' e fí' fñi' lab i cajngang' jaléng' dsea' i café' cuaiñ~ quiá'- Fidiéé~, jogui cuub~ casí'lóo'~na' cajo jaléng' dsea' i casíng' dsea' do i guiá' júu^ quiá'r~ jee' 'nú'. Jo ja' ñii' jó'gui néé'~ cali'iin~n e nito' fñin~n 'nú' lí' laco'gui to' fñng' jaang' tui'iee' jaléng' tuyuu' quiáa~re' fí' ná' cuéé're', jo dsu' ja' cali'iing~na' lajo. 38 Joba' latí' lana jo' i niliseeng'gui fí' guá'- quií~na' la. 39 Joba' fñi~i 'nú' e jo' nimáang~gui' jnea~ cartí'mi~ nifo'na' lala: "Juguiá'~jiu quiá'- i dsea' i casíng' Fidiéé~ fí' jmigüí la cuaiñ~ quiá'r'!"

24

*Mi~ cajíng'~ Jesús e ni'íng'~ guá'- fé' e si' fí' Jerusalén
(Mr. 13:1-2; Lc. 21:5-6)*

1 Jo mi~ cangí jo, mi~ tí' lí' cagüi'í' Jesús fí' dsí' sináú' guá'- jo mifñng' ni'iuuiñ~ fí' ngam'bre, mi~ tí' lí' cangoquiéeng' i dsea' quiá'r~ do fí' lí' ngóor' jo canaañ' do jòør~ la'úung' e guá'- fé' do. 2 Joba' lalab casí'~ Jesús i dsea' í:

—¿Su jóø 'nú' jial jlo^ e guá'- si' na? Jo dsu' e já'-ba' e fñ-í 'nú' e jii~ coo` cuu~ jo` nijé~ sifñng`gui rúng` quiá'- e guá'- e móo~na' si' na lana; co' lajib`ni'ling~ jo` jii~ coo` jo` e nijé~gui.

Jalé' e li~ mi~ tí li~ ná'-gui e ni'ling~ jmigüi'

(Mr. 13:3-23; Lc. 21:7-24; 17:22-24)

³ Jo mi~ cangí jo, cangób~ Jesús fí yá^ mó' e sii` Olivos colñing~ cóo~ dsea` quiá'r~. Jo mi~ caguilñiñ~ fí jo, job caguá` Jesús, jo lajee` job cangoquiéeng` i dsea` quiá'r~ do fí li~ guiiñ~ do li~ coo` yaaiñ~, jo cajíñ~ casí'r~ dsea` do lala:

—Ii~naa' fa' 'nú' nijméé~ jnea^ júu^ ¿li~ nidsijéé` lajalé' e la? ¿E~ jalé' e nilili~ jéeng`gui mi~ tí li~ ná'-gui niñí'tu 'nú' fí jmigüi' la jogui mi~ tí li~ nití- í' e ni'ling~ jmigüi'?

⁴ Joba' cañí` Jesús quiá'- i dsea` quiá'r~ do jo casí' reiñ':

—Jii~ e laba' fñ-í 'nú'; jmiñiing` óo'na' e jii~ jaang` dsea` ja` güijmigóoñ` 'nú'. ⁵ Co' fñm`bing' i nijalíng~ i nijmigóo` jo` nijíñ~: “Jneab~ i dsea` i sijeeng`na' do i nicá` nifi` quií~na'”; jo fñm` dsea` nilí'r~ i niligøøng`. ⁶ Jo 'nú' ninúu^na' júu^ e sea` 'nií' fí la fí na; jo dsu' ja' føøng~na' mi~ nití- í' lajo, co' jobi uing~ jogui co' dseáng~ 'né~ e nidsijéeb` lajalé' e jo; dsu' o' ie~ jo nití- í' e ni'ling~. ⁷ Co' ie~ jo jaléng` dsea` nitíñ~ cóo~ dsea` rúíñ~, jogui coo` fñ nitíng~ cóo~ coo`gui fñ, jogui nilisea` oo~ fí la fí na, jogui jmiguiab` li~ nijø` uø` e eáang` cajo. ⁸ Jo jobi li^ uim~bi jóng mi~ nimó^na' e nidsijéé` jalé' e iihuí` jo.

⁹ Jo job mi~ nitøø` jaléng` 'nú' e laco' nijmihuñiñ` 'nú' cartí` nijngáñ~ 'nú'. Jo ie~ jo lajñm` dsea` jmigüi` nilí` 'ní' níñ~ 'nú' uí~ jnea~. ¹⁰ Jo ie~ jo fñm` dsea` nitá`bre e já'- lñiñ` júu^ quié~ e jogui nilí` 'ní' níng~ rúng` dsea` jogui ni'nñiñ~ lajee` la'ó` rúíñ` cajo. ¹¹ Jo fñm` dsea` nijalíñ~ mi~ tí li~ jo e nijmigóo` e fé'r` cuaiñ~ quiá'- Fidiéé~, jo fñm` dsea` nilí'r~ i niligøøng`. ¹² Jo ie~ jo dseáng~ jmang~ jalé' e li^ba' nijmé~ dsea`, joba' fñm` dsea` nitá`bre e jmi'neáañ` jaléng` dsea` rúíñ'. ¹³ Jo dsu' i dsea` i nité' e siñ` teá' fí guiá~ lata~ cóo~ jnea~, joba' í'bing' i nileáng`jee~ dsee~ quiá'- mi~ tí li~ jo. ¹⁴ Jo e júu^ la quiá'- jial quié` Fidiéé` nifi` quiá'- dsea` nini~ fí la'úng~ fí jmigüi' e laco' nilicuí` dsea` e júu^ jo; jo joguib` mi~ nití- í' e ni'ling~ jmigüi' jóng.

¹⁵ Jo malñ`gui eáang` i dsea` i café` cuaiñ~ quiá'- Fidiéé` i calisí` Daniel cajme'r` fí ni~ jii` quiá'r~ cuaiñ~ quiá'- coo` e li^ eáang` e nisi` dsea` fí dsí' guá'- fé' e si' fí Jerusalén fí li~ lí' e guá'- güeang` quiá'- Fidiéé`. Jo mi~ nimó^na' e jo e fí li~ güeang` quiá'- Fidiéé` do —jaléng` 'nú' i í' e jii` la 'né~ ningám`ba'—, ¹⁶ joba' mi~ nití- e í' jo, jaléng` dsea` i neáang` fí li~ se' Judea güicuí`bre fí jee~ mó' jóng. ¹⁷ Jogui i dsea` i dsiing~ yá^ 'núu` mi~ tí li~ jo, ja` güí'í` dsí'r` fa' e nijgiáang`guir e laco' nidsi'uøø'r~ jalé' e sea` quiá'r~. ¹⁸ Jogui i dsea` i taang~ fí jee~ mó' e jmóor` ta~, joba' ja` güí'í` dsí'r` fa' e niqing~`guir fí quiá'r~ e faco' dsiquiéer` si'r~. ¹⁹ Joba' í'ñib~ eáang` jaléng` dseam` i quiéeng` yuu` ie~ jo osi i jéeng` yuu` i cu' tá' é! ²⁰ Jo mñ~na' Fidiéé` e ja` nidsitíng` e ni'uøøng`na' e cuí`na' lajee` jii` güí~ osi lajee` jmñ~ e jmi'ing` dsea` góo`na' é; ²¹ dsuco' ie~ jo gab` eáang` nilisea` iihuí` e ja` mi` canga` dsea` lajii~ mi~ catiroo` jmigüi' o'gui fa' niní`guir calé` catú~ cajo. ²² Jogui faco' Fidiéé` nijmér~ e nili'ñ` eáang` e nidsijéé` jalé' e jo, joba' jii~ jaang` jo` ii` nileáng`gui jóng faco' lajo. Jo dsu' ja` nijmi'ñiñ~ e jo uí~ e fñ- lñiñ~ jaléng` dsea` quiá'r~ i nicaguíñ` do.

²³ Jo song ie~ jo nijmigøøng` dsea` 'nú' jo nijíñ~: “Jóø~, i lab i dsea` i sijeeng`na' do i nicá` nifi` quií~na'”, osi “Jóø~, dob nisiñ` é”, jo dsu' ja` já'- güilíng`na' jóng. ²⁴ Co' ie~ jo fñm` dsea` nijalíñ~ jo` nijmigóo` e lñiñ` i dsea` í, jogui seem`bi i nijmigóo` e lñiñ` dsea` i fé' cuaiñ~ quiá'- Fidiéé` cajo; jogui eám` nijmér~ jalé' e li~ jogui jalé' e quí'r~ jmñ~ e dsigá` dsí' dsea`. Jo nijmér~ lajo e lico' nijmigóo`bre jo quiáb` jñ nijmigóoñ` la quié`gui i dsea` i nicaguíng` Fidiéé` do, dsu' ja` lí' jmér~ lajo. ²⁵ Jo quié`na' cuente røø` quiá'- jalé' júu^ e nicafá'-a na lana quiá'- jalé' e nidsijéé` cøøng`gui. ²⁶ Joba' ie~ jo, ja` güiligøøng`na' mi~ nisi' dsea` 'nú' lala: “Jóø`-na', e dob táang` i dsea` i sijeeng`na' do fí ni~ guóo~ uø~ quié~”, jo dsu' ja` güilíng`na' fa' e nigüi`néng`na'r; osi nisi`bi dsea` 'nú' lala é: “E lab si'maang`”

i dseá í", jo dsu' ja` já' güilíng`na' e jo. ²⁷ Dsaco' lí' laco' lí' mi' lijí' güí'ñiá' e jnéeng` fí' yá' jmigüí' e jòø` dseá' lajiiñ', lajob lí' cajo mi' nigáa'tu jnea~, dseá' lín'n jaang` dseá' jmigüí' i já' fí' ñiff'. ²⁸ Co' e já'`ba' fá'a, e jié' lí' ráang' jó'` líi', fí' job seáng' jaléng' tujlí'.

Jial mi' nijáa'tu i dseá' jmigüí' i jáa' fí' ñiff'

(Mr. 13:24-37; Lc. 21:25-33; 17:26-30, 34-36)

²⁹ Jo cajíng'`gui Jesús e júu` la:

—Jo mi' tí' lí' casúung` e iihuí' jo, joba' jo` jí' iee` nilísea`gui o'gui si' cajo fa' nicuó'`guir jir~, jogui jaléng'`nú' nijiúñ'` cartí' guóo'`uó~, jogui Fidiéé` nijmér` e niguiá'` jalé' e sea' fí' yá' jmigüí'. ³⁰ Jo ie` jmíi` job mi' nilísea' lí' fí' yá' jmigüí' e tí' lí' nigáa'túu fí' jmigüí' la, jnea~ dseá' lín'n jaang` dseá' jmigüí', jo lajiiñ` dseá' seeng` fí' la'úng` fí' jmigüí' niquí'r` uí' e 'gó'r', jo joguiba' mi' nimáang`na' jnea~, dseá' lín'n jaang` dseá' jmigüí' i jáa' fí' ñiff', e nigáa'a e niquiin'`n jee` cabøø` jní' cóo'` e niing` jí' e 'gøng'` quiá'` Fidiéé'. ³¹ Jogui nisíng` Fidiéé` jaléng'` ángeles i líng'` guotiir` e nijiúñ'` do teá' lúu' trompé'` fí' yá' jmigüí' e laco' lajiiñg` dseá' jmigüí' i nilíng'` dseá' quiá'r` niseáiñ'` colíng` mi' nití' e í' jo.

³² Jo cajíng'`gui Jesús e júu` la:

—Lanagui ní'ée' e 'nú'` cóo'` júu` quiá'` 'ma` güí'ñiá': Co' mi' ninaang` iée' jalé'` guo'` quiá'`, jo mifíng` canaang` e iáb' jalé'` má'` quiá'` cajo, joba' nilí'` 'nú' e nijaquíém'` jii' jmí' jóng. ³³ Jogui lajob lí' e júu` la cajo, co' mi' tí' lí' nidsijéé' lajalé' e nicafá'` a na, joba' níñi'`ba' jóng e quiáb'` nijaquíéeng` e nigáa' jnea~, dseá' i líng'` jaang` dseá' jmigüí' i jáa' fí' ñiff'. ³⁴ Co' dseáng'` já'`ba' fá'a e dseáng'` nidsijéeb'` jalé' e jo ná'`gui e nijúung` jaléng'` dseá' i seeng` lajee` lana. ³⁵ Jo tóob'` jmíi` ní'íng` la'úng` yá' jmigüí' cóo'`gui la'úng` guóo'` uó~, lífa' júu` quié' e ja' tóo'` jmíi' fa' e ja` nilití'.

³⁶ Jo jii'` jaang` dseá' jmigüí' ñir' e` jmíi` jogui e` oor` e nidsijéé' e jo, co' jii'`gui jaléng'` ángeles quiá'` Fidiéé` dseá' guíng` ñiff' ja' ñi' e jo, o'gui jnea~ ñii' cajo. Co' dseáng'` lajii'` Tiquí'`ii' dseá' guíng` ñiff', jii'` í'bing'` dseáng'` ñi' e jo.

³⁷ Jo mi' tí' lí' nití'` í' e nigáa'túu fí' jmigüí' la, jnea~ dseá' lín'n jaang` dseá' jmigüí' i jáa' fí' ñiff', nilí' lí' laco'gui calí' ie` lamí' cateáng` Noé fí' jmigüí' la. ³⁸ Co' ie` jo, lajee` e nú'`gui e calá'` jmíi' fí' la'úng` fí' guóo'`uó~, í'` gøb'` dseá' laco' sí'í', jogui cúñ'` guóor` cajo, lí'` cóob'` mi' catí'` í' e calí'` Noé fí' dsí' cóo'` móo' e dséé` cóo'` jaléng'` dseá' sinúu'` quiá'r`; ³⁹ jo dsu' lajee` e ja' ñiing` dsíib'` dseá', mi' catí'` í' e calá'` jmíi' fí' la'úng` fí' guóo'` uó~, jo job lí' cajúng` lajaléng'` dseá' lí'` cóo'` gui'ná'` i seeng` fí' jmigüí'. Jo dseáng'` lajob dseáng'` nidsijéé'tu calé'` catú'` mi' tí' lí' nigáa'túu fí' jmigüí' la, jnea~ dseá' lín'n jaang` dseá' jmigüí' i jáa' fí' ñiff'. ⁴⁰ Co' ie` jo gáng` dseá' taang` jmóo' ta` quiá'` fí' jee` mó': jo jaaiñ'` do nidsém'`bre, jogui jaang`guiñ'` do nijé`bre. ⁴¹ Jogui lajobi cajo gáng` dseamí` teáng'` ta` dsí': jo jaaiñ'` do nidsém'`bre, jogui i jaang`gui do nijé`bre.

⁴² Joba' fii'` i 'nú', ñiing` áa'na' contøøng`, co' cóo'` lajee` ja` lí'na', lanab mi' nigüéeng`-túu. ⁴³ Jo e laba' iin`n e ñi'na', faco' jaang` dseá' niñir' e` í'` nigüíéé' jaang` ñi' fí' quiá'r`, joba' nigüéa`bre e jmóor'` í'` 'nær~, jo ja` nilí'` i ñi'` do fa' ni'uó'r` jalé' e sea' quiá'` i dseá' do. ⁴⁴ Joba' lajob cajo, dseáng'` contøøm` 'né` e siñiim` áa' 'nú'; co' jii'` lajee` ja' ñiing` áa'na', lanab mi' nigüéeng`-túu fí' Jmigüí' la, jnea~ dseá' i jáa' fí' ñiff' e lín'n jaang` dseá' jmigüí'.

Jaang` dseá' 'léeng'` i guíung` cóo'`gui jaang`gui dseá' 'léeng'` i soo` dsí'

(Lc. 12:41-48)

⁴⁵ Jo mi' cangí' e jo, cajíng'`gui Jesús e júu` la:

—Lalab lí' quiá'` jaang` dseá' 'léeng'` i núu'` jalé' ta` quiu'` fir~ jogui i guíung` cóo'` jaléng'` dseá' 'léeng'` rúñ'` i caguaang`gui. Co' mi' cagüí'` i fir~ do e nidsér` fí' lí' jié', caguiar'` ni` i dseá' 'léeng'` i núu'` do lajaléng'` i seeng` quiá'r` e laco' nicuó'`-reiñ'` do e nidóñ'` mi' nití'` í' lajo. ⁴⁶ Joba' juguiú`-jii' quiá'` i dseá' 'léeng'` i jmóo' ta` laco' catíng` mi' niguieng'` fir~ e car` cuente. ⁴⁷ Joba' jmitaa'` óo'na' e i fir~ do dsíng'` guíu'` nijmér` jo

nicuó¹-reiñ¹ do e nine¹-niñ¹-latøøm⁻ sinúu[^] quiá^{-r} cóo¹-gui jalé¹ e sea¹ fí¹ jo. ⁴⁸ Jøgui dsu¹ song¹ i dsea¹ 'léeng¹ do lúñ¹ jaang¹ dsea¹ 'léeng¹ i soo¹ dsí¹ jo í dsír¹ e ja¹ mí¹ guieng¹ fiir¹ lajee¹ jo, ⁴⁹ joba¹ nináiñ¹ e nijmeáiñ¹ ga¹ jaléng¹ i dsea¹ 'léeng¹ rúñ¹ i caguaang⁻gui do, jogui e niseáiñ¹ rúñ¹ cóo¹-jaléng¹ dsea¹ jmóo¹ ta¹ í¹ e laco¹ ni¹ nidó¹-r coling¹, ⁵⁰ jo dsu¹ cóo¹ lajee¹ e ja¹ ñiing¹ dsír¹, lanab mi¹ nití¹ í¹ e niguieng¹ tu¹ i dsea¹ fiir¹ do; ⁵¹ joba¹ i dsea¹ do iihuá¹ nicuó¹-r i dsea¹ 'léeng¹ do, co¹ nibíim⁻breiñ¹ do jee¹ jaléng¹ dsea¹ i jmicaang¹ e jmóor¹ jalé¹ e iing¹ Fidiée¹ fí¹ lí¹ nijmér⁻ ta¹ qui¹ jogui ta¹ tu¹ maja¹ uí¹ jalé¹ iihuá¹ e ni¹ñ¹ do.

25

Coo¹ júu[^] já⁻ e lafa¹ júu[^] cuento quiá⁻ guíng⁻ simí[^]

¹ Jø cajíng¹-gui Jesús e júu[^] la:

—Lab nifá¹-duu jial lí¹ mí¹ tí¹ lí¹ jo, mí¹ Fidiée¹ nicár¹ nifí¹ quiá⁻ dsea¹ jmígüí¹. Co¹ e jo lí¹ laco¹ guíng⁻ simí[^] i ca¹uøøng⁻ quie¹ jmacó¹ jì¹ candí¹ e cango¹íñ¹ dseañu¹ i cung¹ guó¹. ² Jø dsu¹ 'ñíng⁻ lajee¹ i simí[^] do ñiing¹ dsír¹ jogui i ñíng⁻gui do ja¹ ñiing¹ dsír¹. ³ Jøba¹ i simí[^] i ja¹ ñiing¹ dsí¹ do ca¹uøøng⁻bre quier¹ jì¹ candí¹ quiá⁻ e cango¹íñ¹ i dseañu¹ i cung¹ guó¹ do, jo dsu¹ jii¹ jmícoo¹ e a¹ dsí¹ candí¹ quiá⁻bre quier¹ co¹ jo quie¹ guir¹ fa¹ e seáang⁻gui; ⁴ jo dsu¹ i simí[^] 'ñíng⁻ i ñiing¹ dsí¹ do ca¹uøøng⁻bre cajo e quier¹ jì¹ candí¹ quiá⁻ jo lifa¹ quie¹ bir cóo¹ sí¹gui e co¹ quier¹ e a¹ jmícoo¹. ⁵ Jø co¹ cali¹im⁻ i dsea¹ cung¹ guó¹ do e ja¹ niguiéñ¹, joba¹ lajím¹ i simí[^] do nicaquiáiñ¹ lajee¹ jo. ⁶ Jø coob¹, mí¹ catí¹ la ii⁻ guitu¹ guienúu¹, jo guicatá¹-mí¹ lí⁻ caluu¹ jo guicafé¹ dsea¹: “Jmijnée¹ áa¹na¹, co¹ nab nijang¹ i dsea¹ cung¹ guó¹ do; jogui ñilíng⁻na¹ e niñi¹ling⁻na¹re!” ⁷ Jø lajím¹ i simí[^] do caráaiñ⁻ jo caguiar¹ guíá⁻ jì¹ candí¹ quiá⁻ lajaang¹ lajaaiñ¹. ⁸ Jøba¹ i simí[^] i ja¹ ñiing¹ dsí¹ do casí¹-r i simí[^] i ñiing¹ dsí¹ do: “Fa¹ jgiée¹ óo¹ 'nú¹ fa¹ nijmi¹øøng¹ jiu¹ jnea¹ jmícoo¹ qui⁻na¹, dsuco¹ cadseáb⁻ jmícoo¹ quiá⁻ candí¹ qui⁻naa¹ jo jø iing¹ nicó¹.” ⁹ Jø dsu¹ cañí¹ i simí[^] i ñiing¹ dsí¹ do: “U¹, ja¹ nijmi¹øøng¹naa¹ 'nú¹ co¹ ja¹ nilíng¹ qui⁻naa¹ o¹gui qui⁻na¹ cajo. Co¹ guíá⁻gui qui⁻na¹ e nigüilíng¹ na¹ fí¹ teen¹ e nigüileáa¹na¹ e jmícoo¹ e 'né⁻na¹ do.” ¹⁰ Jø lajee¹ cangolíng⁻ i simí[^] i ja¹ ñiing¹ dsí¹ do fí¹ teen¹ e cangoleáar¹ jmícoo¹ quiá⁻r, lajee¹ job¹ mí¹ caguiéng¹ i dseañu¹ i cung¹ guó¹ do, jo i simí[^] i ñiing¹ dsí¹ do cangotáam⁻bre jmí¹ coling¹ cóo¹ i dsea¹ cung¹ guó¹ do, jo cajní¹bre 'núu¹. ¹¹ Jø mí¹ming⁻guijia¹ lajo caguilíim¹ tu¹ i simí[^] i ja¹ ñiing¹ dsí¹ do i cangolíng⁻ fí¹ teen¹ do, jo guicatór⁻ caluu¹ 'núu¹ jo guicajíñ¹: “iFí¹ii¹, fí¹ii¹, fa¹ jgiée¹ o¹ e ná¹go 'núu¹!” ¹² Jø dsu¹ guicañí¹ i dseañu¹ do jo cajíñ¹: “E já⁻ba¹ e fí⁻i 'nú¹, simí[^], ja¹ cuín¹ 'nú¹.”

¹³ Jø cajíng¹-gui Jesús:

—Jø co¹ lajob¹ lí¹, joba¹ fí⁻i 'nú¹ e jmiñiing¹ áa¹na¹, co¹ ja¹ ñí¹na¹ e jmí¹ jogui e oor¹ e nigüéeng⁻ jnea¹, dsea¹ lín¹na¹ jaang¹ dsea¹ jmígüí¹ i jáa¹ fí¹ ñifí⁻.

Coo¹ júu[^] já⁻ e lafa¹ júu[^] cuento quiá⁻ dsea¹ 'léeng¹ i ca¹íng¹ cuu⁻

(Lc. 19:11-27)

¹⁴ Jø mí¹ cangí¹ jo, cajíng¹-gui Jesús e júu[^] la:

—Jø mí¹ Fidiée¹ quier¹ nifí¹ quiá⁻ dsea¹, jo e jo lí¹ laco¹ jaang¹ dseañu¹ i cagüi¹hí¹ cangó⁻ fí¹ lí¹ huí¹. Jø dsu¹ lajee¹ e nú⁻gui e nigüi¹hí¹ nidsér⁻, jo cató¹-r jaléng¹ i dsea¹ jmóo¹ ta¹ quiá⁻r do, jo cacuó¹-reiñ¹ do cuu⁻ e laco¹ nijméiñ⁻ do ta¹ e nilisea¹gui e dsí¹ quiá⁻ e cuu⁻ do. ¹⁵ Jø jaang¹ i dsea¹ 'léeng¹ quiá⁻r do cacuó¹-r 'ñiá¹ mil cuu⁻, jogui jaang¹ cacuó¹-r tú⁻ mil cuu⁻ lajo, jogui i jaang¹gui do cacuó¹-r coob¹ mil cuu⁻, jo laj¹ gaam¹biñ¹ do cangüíñ¹ cuu⁻ lí¹ jialco¹ jii¹ bí¹ seem¹bre. Jø ngí¹ joguiba¹, cagüi¹hí¹ i dseañu¹ do e cangór⁻ fí¹ lí¹ huí¹. ¹⁶ Jø i dsea¹ 'léeng¹ i cangíng¹ 'ñiá¹ mil cuu⁻ do, eám¹ guíá⁻ cajméer⁻ ta¹ cóo¹ e cuu⁻ do, jo calí¹-bre jié¹gui 'ñiá¹ mil lajo. ¹⁷ Lajobi cajo i dsea¹ 'léeng¹ i ca¹íng¹ tú⁻ mil e cuu⁻ do cajmée¹bre ta¹ cóo¹ do, jo calí¹-bre jié¹gui tú⁻ mil e cuu⁻ do cajo. ¹⁸ Jø dsu¹ i dsea¹ 'léeng¹ i cangíng¹ cóo¹ mil e cuu⁻ do, cango¹mea¹bre fí¹ nú¹-uó⁻.

19 'Jo mi~ cangí'gui lajo, caguiém'~tu i fiir~ do, jo casí'r~ lajaang` lajaang` i dsea` 'léeng'~ quiá'r~ do e niguiéieñ'~ do cuente lajii~ e nicajméer` cóo'~ cuu~ e cangíiñ' do. 20 Jo la'uii~ caguié~ i dsea` 'léeng'~ i cangíng` 'ñiá' mil e cuu~ do, jo cajá'r' fiir~ 'ñiá'gui mil lajo e calí'r~, jo casí'r~ dsea` do: “Fí'i, 'nua` cacuóø'~ jnea~ 'ñiá' mil cuu~, jo nicajmé~baa ta~ cóo'~ e jo, joba' lana nicalí'~ i 'ñiá'gui mil lajo e dsí'.” 21 Joba' cañi' i fiir~ do: “'Nub` jaang` dsea` 'léeng' i guiúng~, co' cajmee~ba' ta~ røø` cóo'~ lajii~ capí'^ cuu~ e cangín'. Joba' lana jmiguiab` jalé' e sea` quié~ e e nicuóøø` 'nua` e nine'^ ní^, jo lana røøb` nijmi'iaang` dsi'naa' náng.” 22 Jo jo` huóø` li'hi~ i dsea` 'léeng'~ i ca'íng' tú~ mil e cuu~ do caguiér~ jo casí'r' fiir~: “Fí'i, 'nua` cacuóø'~ jnea~ tú~ mil cuu~, jo cajmé~baa ta~ cóo'~ e jo, jo lana nicalí'~ i tú~gui mil e cuu~ do e dsí'.” 23 Joba' cañi' i fiir~ do: “'Nub` jaang` dsea` 'léeng' i guiúng~ cajo, co' tii'm'ba' jmée'^ ta~ røø` cóo'~ capí'^ cuu~, joba' jmiguiab` jalé' e sea` quié~ e e nicuóøø` 'nua` e nine'^ ní^, jo lana røøb` nijmi'iaang` dsi'naa' náng.” 24 Jo jo` huóø` li'hi~ guié~ i dsea` 'léeng'~ jaang`gui do i cangíng` cóo' mil e cuu~ do, jo lalab casí'r' fiir~: “Fí'i, ñi'baa guiá~ e jaang` dseañu' i ue' dsí' líng' 'nua` e lí'^ tii'n' sitíin' lajii~ ta~ cajmée` dsea` jjiém', jogui e ú' có' jalé' ta~ jmóo` dsea` jjiéng' cajo. 25 Joba' cafóm'baa 'nua, jo fí' ná' uób~ ca'meáa` e cuu~ e cacuóø'~ jnea~ do. Jo lana lab quiee~ e lajii~ e cuu~ jo.” 26 Joba' cañi' i fiir~ do quiá'~ i dsea` 'léeng'~ quiá'r~ do: “'Nua` lin' jaang` dsea` 'léeng' i soo' dsí' jogui i fi', jo song niñi'ba' guiá~ e jnea~ sitíin' lajii~ ta~ cajmée` dsea` jjiéng' jogui e gú' gó'ø` jalé' ta~ jmóo` dsea` jjiéng', 27 joba' zjalí' ja` calí' o' fa' mi~ caguite' cuu~ quié~ e fí' banco? Joba' mi~ cagüean'~n, ca'íim'baa lajii~ cuu~ quié~ e jogui e dsí' quiá'~ cajo.” 28 Joba' casí'r~ jaléng'gui i dsea` i teáang~ do ie` jo, jo cajíñ'~: “Gui'na' e cóo' mil cuu~ quiá'~ i dsea` 'léeng'~ fi' na, jo cuóø'~na' i dsea` 'léeng'~ i quie' guí~ mil e cuu~ na. 29 Dsaco' i dsea` i sea` quiá'~, jmiguiab`gui niñiñ' e nilisea, joba' lalim` nilisea` quiá'r~. Jo dsu' i dsea` i ja` sea` quiá'~, nigüeáb` lajii~ e capí'~jiu e sea` quiá'r~ do. 30 Jogui i dsea` 'léeng'~ fi' na guing~na'r fí' caluu' fí' li~ nuu` sò', jo fí' job niquí'r~ jogui nitár~ majar~ cajo.”

Jial nilí' mi~ nitídsí' í' quiá'~ dsea` jmigüü'

31 Jo cajíng'~gui Jesús e júu^ la:

—Jo mi~ tí' li~ nití' í' e nigáa' jnea~, dsea` lín'n jaang` dsea` jmigüü' i jáa' fí' ñiñí', nigáa'túu dsu' e niquíin'~n jee~ jalé' e jlo'^ e niing~ 'gøng' quiá'~ Fidiéé` jogui colíng` cóo'~ jaléng' ángeles i líng' guotii~ Fidiéé', jo joguib mi~ nini' i fí' ée^ quié~ e li~ niing~ jlo'^ quiá'~ Fidiéé'. 32 Jo lajiiim` dsea` seeng` fí' la'úng~ fí' jmigüü' niseáiñ' fí' quinií~, jo jneab~ dsea` ni'naan~ dsea` jie~ fí' li~ catíiñ~ lajaang` lajaaiñ' lí'^ laco'gui la jmóo` jaang` dsea` i jmóo' í' jo'se' mi~ 'náaiñ' jaléng' jo'se' jee~ jaléng' jo'chí'^. 33 Jogui jaléng' i dsea` i líng' lafa' i jo'se' do niguién'~n lí' lí' dséé' laco' guiin~n, jogui jaléng' i dsea` i líng' lafa' i jo'chí'^ do niguién'~n lí' lí' tuung~ laco' guiin~n. 34 Joba' jnea~, dsea` lín'n i dseata~ dsea` féng' do, niñi' i jaléng' dsea` i neáang` lí'^ lí' dséé' laco' guiin~n jo nifá'a: “Jaléng' 'nua', ñilíng~na' fí' la, co' 'nú'bing' i nicajmigüeang'^ Tiquié` e dsea` guing~ ñiñí', joba' íng'~na' lajalé' e catíng~na', co' lajob nisi'íng'na' quiá'r~ lajii~ latí' mi~ caguiar` uing~ jmigüü'. 35 Dsaco' lajee` cataan~n cóo'~ 'nú' fí' jmigüü', mi~ cadseá~ jmi'aan~, jogui 'nú' cacuóø'~ba' jnea~ e cagó'ø; jogui mi~ cadseá~ jmi'jmiin~, cacuóø'~ba' jnea~ jmi' cagú'~u; jogui cangí'bi cajo laco' ngí' jaang` dsea` i jáa' fí' caluu', jo dsu' cacuóø'~ba' jnea~ li~ cajmi'íin'~n. 36 Jogui cali'né~bii s'í' i, jo cacuóø'~ba' jnea~; jogui casá'bi e calidsée'~e, jo cato' fii'm'ba' jnea~; jogui ca'ú'bi 'nuñí', jo dsu' cagui'ee~ba' jnea~ cajo.” 37 Joba' jaléng' i dsea` í' i cajmée` jalé' e iing~ Tiquié` e dsea` guing~ ñiñí'~ nijmingír` lala jo nijíñ'~: “Fí'i, ¿li~ caneeng~naa' 'nua` e jmi'aan', jo cacuóø'~baa' 'nua` e caquié'? Jogui ¿li~ caneeng~naa' 'nua` e jmi'jmiin', jo cacuóø'~baa' 'nua` jmi' e ca'í'? 38-39 Jogui ¿li~ caneeng~naa' 'nua` e lin' lafa' jaang` dsea` i jáa' fí' caluu', jo cacuóø'~baa' 'nua` cajo li~ cajmi'íin'~? Jogui ¿li~ caneeng~naa' 'nua` e cali'né'~ s'í', jo cacuóø'~baa' 'nua` e jo cajo; jogui e dséé'~ osi e iuun~ fí' 'nuñí' é, jo cango'ee~ba' 'nua` cajo?” 40 Joba' ie~ jo jnea~, dsea` lín'n dseata~ dsea` féng', lalab ningii~ quiá'r~: “E já' e

fii i 'nú' e lajalé' e cajmicóo' na' i dsea` i líng' lafa' rún'n i dseáng' ja` niing` jii' capí', joba' lajaléb' e jo quié` jneab` cajmee` na' cajo."

41 'Jogui jnea` i líng' dseata` dsea` féng' do nifí' i jaléng' i dsea` i neáng' lí' lí' tuung` laco' guiin` n: "Do güilíng' 'nú' lí' do, co' Fidié` nicabím` bre 'nú', jo dob catíng' 'nú' fí' ní' jì lí' coo' jì e jo` tóo' jmíi` yu' fí' lí' nicajme' Fidié` lí' catíng' fii' i 'ling' colíng` cóo' jaléng' ángeles i 'ling' quiá'r` cajo. 42 Co' cadseáb` jmí'aang` jnea` lajee` cataan` n cóo' 'nú' fí' jmigüi' la, jo dsu' ja` cacuóo' na' jnea` e cagó'o; jogui cadseá' bi jmijmíin` cajo, dsu' 'nú' ja` cacuóo' na' jnea` jmíi` e cagú' u; 43 jogui cangí' bii laco' gui jaang` dsea` i jáa' fí' caluu`, dsu' 'nú' ja` cacuóo' na' jnea` lí' cajmí' íin` n; jogui cali' né' bí' sí' i, dsu' 'nú' ja` cacuóo' na' jnea` sí' i; jogui calidsé' bí' jogui ca' uu' u' nuñí' cajo, dsu' 'nú' ja` cagui' ee' na' jnea`." 44 Joba' i dsea` i neáng' lí' lí' tuung` do nijmingíur` lala: "Fí' i' i, ¿lí' caneeng` naa' 'na' e cadseá' jmí'aan'`, osi e cadseá' jmijmíin'` é, osi e lin' laco' jaang` dsea` i jáa' fí' caluu`, osi e 'né' sí' é, osi e dsé' osi e iuun'` fí' 'nuñí' bí' é, jo ja` cajmicóo' naa' 'na'?" 45 Joba' ie` jo lalab ningíi` quiá'r`, jnea` dsea` lín'n dseata` dsea` féng': "E já' e fii' i 'nú' e jalé' e ja` cajmíe` na' cóo' jaang` dsea` i líng' lafa' rún'n i ja` niing` jii' capí', joba' lajob cajo ja` cajmee` na' cóo' jnea`." 46 Joba' jaléng' i dsea` í' fí' lí' 'lib' nidsilíin' fí' lí' ní' íin' iihuí' e ja` tóo' jmíi` nité'. Jo dsu' jaléng' gui dsea` i ja` dsee` røong' fí' quini' Fidié`, í'bing' i nidsigüeá' car` ngongíi` jmíi` cóo' dsea` do fí' ñí' fí'.

26

Mí' casíng' jaléng' dsea` jial e nisáin' Jesús

(Mr. 14:1-2; Lc. 22:1-2; Jn. 11:45-53)

1 Jo mí' cangí' e cajíng' Jesús jalé' e júu` na, lalab casí'r` i dsea` quiá'r` do:

2 —Jii' laco' ñí' 'nú' e tú' jmíi` ba' 'né' gui e nití' e jmíi` Pascua. Jo ie` jmíi` job mí' nijáng' dsea` jnea`, dsea` cagá' a fí' ñí' fí' e lín'n jaang` dsea` jmigüi', jo niteáin' jnea` fí' dse' crúu` cartí' nijngáin' jnea`.

3 Jo ie` job cajo, jaléng' fii' jmidsea` quiá' dsea` Israel cóo' gui jaléng' dsea` cóong' quiá'r` caseáng' rúin' fí' lí' guing` fii' jmidsea` laniing` i sii' Caifás quiu'r` ta, 4 jo casíin' cuain' quiá' jial nilí'r` e nijmigóo'in' Jesús e laco' nisáin' dsea` do jo lajoba' nijngáng' neiñ'. 5 Jo dsu' síin' e iin' jmér` lajo lajee` e o' e jmíi` jo, dsuco' jial fíng nitá' dsea` mí'.

Mí' ca'ée' jaang` dseamí' jmíi' jmeafí' fí' mogui` Jesús

(Mr. 14:3-9; Jn. 12:1-8)

6 Jo lajee` job cangó' tu Jesús fí' coo' fii' e sii' Betania; jo lajee` táain' fí' jo, dob dsitíin' fí' quiá' jaang` dseañu' i sii' Simón i nínicalíng` jmohuí' 'lí' fí' ngúu' táang` lamí' jéeng' gui. 7 Jo lajee` guing` Jesús fí' job mí' tí' lí' cangoquiéeng' jaang` dseamí' fí' lí' guíin', jo quiéin' do coo' sí' lí' a` jmíi' jmeafí' e 'mo' eáang'. Jo lajee` e guing` Jesús gø'bre mí' ca'ée' i dseamí' do e jmíi' jmeafí' e quier' do fí' mogui' dsea` do. 8 Jo mí' tí' lí' cangá' i dsea` quiá'r` do e cajmíe' i dseamí' do lajo, eám' caligüin' jo cajín':

—¿Jialí' jmíi' i dseamí' na e jmíi' jmeafí' e 'mo' eáang' na? 9 Cofa' mí' ja` cajmíe' lana, jmiguiab' cuu` nicóng' na faco' e cango'ni', jo e cuu` jo nilí' íing' ta` e nilicóo' jiu jaléng' dsea` tí' íing'.

10 Jo dsuco' Jesús lí' bre lajii' e síng' i dsea` do, joba' casí' reiñ' do lala:

—¿Jialí' fí' 'nú' 'leáng' i dseamí' la? Co' coo' e guí' ba' nicajmíe'in' na quié' e. 11 Co' contóom` niliseeng' jaléng' dsea` tí' íing' jee` 'nú', dsu' jnea` gui cateá' ba' caga' ee` nii' fí' jee` 'nú'. 12 Co' e jmíi' jmeafí' e ca'ée' i dseamí' la fí' ngúu' táan' n lí' lafa' e nicasúuin' jnea` e jmeafí' quiá' mí' ní' ú' u' fí' dsí' tó' ée'. 13 Co' e já' e fii' i 'nú' e doñí' jíe' fí' ní' guóo' uó' fí' jmigüi' lí' niguiá' dsea` júu` quiá' jial laang` dsea` jee` jalé' dsee` quiá'r`, ninib' júu` cajo quiá' lajii' e cajmíe' i dseamí' na cóo' jnea`, joba' lajob niguiéng' dsí' dsea` ír'.

Mi camí Judas Iscariote cuu e quiá nijaíñ Jesús

(Mr. 14:10-11; Lc. 22:3-6)

14 Jo ie jo jaang lajee dsea guitúung quiá Jesús i sii Judas Iscariote cangór fí lí neáang jaléng fii jmidsea quiá dsea góor dsea Israel, 15 jo cangosi reiñ do lala:

—¿Jial tíí cuu guía óóna e nicuó na jnea jo nijmee e úung e nijóon Jesús fí jaguóna?

Joba cañí i fii jmidsea do jial tíí niquír jo cajíñ:

—Niquí baa quíí guigui cutee.

16 Jo latí ie jo canaang i Judas do e 'nó'r jial laco nicuó quiá r e nijaíñ Jesús fí jaguó jaléng i dsea do.

Mi cagó Jesús lí canuu cóo dsea guitúung quiá r

(Mr. 14:12-25; Lc. 22:7-23; Jn. 13:21-30; 1 Co. 11:23-26)

17 Jo ie jmí la'uii quiá e jmí e gø' dsea Israel iñí e ja' quie quiéeng do, cangoquiéeng i dsea guitúung do fí lí sing' Jesús jo cajming' r dsea do:

—Fííí, ¿jie fí lí iing 'na e nidsiguiá naa guíá e niquiee ee coling e quiá e jmí Pascua?

18 Joba cañí dsea do quiá i dsea quiá r do jo casí reiñ:

—Güilíng na fí e fí la, jo mí niguilíng na fí quiá i dseañ la, síí na're lala: “Lalab jing Tifa' quí naa: Nijaquiém e nití í quié e, joba' ngóó fí sinúu quíí jo fí job lí nijmee e jmí Pascua coling cóo jaléng dsea guitúung quié e.”

19 Joba' cajméeb i dsea guitúung do laco jii ta caquiá Jesús e nijmér, jo cagua bre guíá lajii e nidø r do quiá lajii e jmí e nijaquiéeng do.

20 Jo mí tí lí canuu e jmí jo, cangim' Jesús fí mes coling cóo i dsea guitúung quiá r do. 21 Jo lajee e nineáaiñ gø bre mí tí lí cajíng' Jesús lala e sí r i dsea quiá r do:

—E já e fí i 'nú e jaang lajee 'nú nijáng jnea fí jaguó dsea i 'ní níng jnea.

22 Jo mí canuu i dsea guitúung quiá r do lajo, dsíng fí' calíñ, jo canaaiñ casí r dsea do i lajee ír nijmé ta jo, jo lalab cajíng' lajaang lajaaiñ:

—Fííí, ¿su o' jnea, faa aa'?

23 Joba' cañí Jesús quiáíñ do:

—Lí jaang i gø cóo jnea fí coo cuéé huí, íb nijáng jnea do. 24 Co' dseáng' nisi'í ba' e lajo nidsingín n jnea, dsea i cajá fí níí e lán n jaang dsea jmigüí, lí laco' guí la fé' fí ní jí quiá Fidié. Jo dsu' je ngí fí b i dsea i nijáng jnea do! Co' guíá guíb quiá i dsea í fa' mí ja' caliséíñ.

25 Jo i Judas i niguía guíá e nijaíñ dsea do, jo 'ña' biñ do cajíñ casí r Jesús lala:

—Fííí, ¿su o' jnea, faa aa', i nijmé lajo?

Joba' cañí Jesús quiáíñ do:

—'Nub nicafee' guí lajo.

26 Jo lajee e neáaiñ gø r í bre mí catíng Jesús coo iñí, jo cacuø r' guí máang' Fidié, jo lí jo cajméer' má' ca' ná' quiá lajaang lajaang i dsea guitúung quiá r do jo cajíñ casí reiñ:

—Quié na' e na, co' e nab ngúú tán n.

27 Jo ngí jo catíñ coo cóo e a' jmí' mí' huíng' jó', jo mí cangí e cacuø r' guí máang' Fidié, jo joguiba' cacuø r' lajaang lajaang i dsea guitúung quiá r do jo casí reiñ do:

—Í na' lajii na' e la, 28 co' e lab jmí øon e nitú mí nitán n fí dse' crúu e laco' ní íng dsee quiá lajaléng dsea jmigüí. Jo e jo lí júu tigua e 'mí e jmí ø Fidié cóo dsea jmigüí. 29 Dsu' e já' e fí i 'nú e jo nidúu guí jmí' mí' huíng' jó' cartí mí ní né' túu coling e jmí' mí' huíng' jó' e 'mí mí nití í e Tiquié e Fidié nicár níí quiá lajaang lajaang dsea.

*Mi~ cajmée` Jesús júu` e nijng'` Tú` Simón e ja` cuiñ` dsea` do
(Mr. 14:26-31; Lc. 22:31-34; Jn. 13 :36-38)*

³⁰ Jō mi~ cangf̄ jō, ca'ør' quiá'~ e jmiféiñ' Fidiée~, jō ca'uøøm`bre jō cangolíng`tur fí' mó' Olivos. ³¹ Jōba' cajíng'~ Jesús casí'r~ i dsea` quiá'r~ do lala:

—Lajim` 'nú' nitiúum`ba' jnea~ e uøø` na; cō' lalab tōo' fí' ni~ jì' quiá'~ Fidiée~ lí' fé' lala: “Nijngám'~ dsea` i fi~ i néé' ni~ jo'se", jōgui jaléng' jo'se" quiá'r~ lí' nisojøm`bre'.”

³² Jō cajíng'~ gui Jesús lala:

—Dsá' mi~ tí' lí' ningf̄ e nijí'`túu jee~ jaléng'` lí'~, jō jéem`baa ninii`i fí' lí' se' Galilea jō fí' jōb nijí'`tú rú'naa' calé'` catú'~.

³³ Jō cañíi` Tú` Simón quiá'~ Jesús:

—Dsá' song i caguaiang~ do nitiúuiñ` 'nú, Fí'i, dsá' jnea~ ja` nijmee~ e lajō.

Jōba' cañíi`tú Jesús quiá'ñ'~ do:

³⁴ —E laba' jmitaa` o', Tú` Simón, e uøø` na, nú'~gui e niquí'~ tuidsée~, 'nú` nifo'` 'ní' ya' e ja` cuiñ'` jnea~.

³⁵ Jōba' cañíi` Tú` Simón quiá'~ Jesús:

—Fí'i, nañí' fa' nijngáng'~ dsea` jnea~ uii~ 'nú, dsá' ja` nijmee~ e lajō.

Jō lajōb fé' i dsea` quiá'~ Jesús i caguaiang~ gui do cajo.

*Mi~ caféng'` Jesús Fidiée` fí' cōo` lí' sii` Getsemaní
(Mr. 14:32-42; Lc. 22:39-46)*

³⁶ Jō mi~ cangf̄ jō, cangób~ Jesús colíing~ cōo'~ dsea` quiá'r~ fí' cōo` lí' sii` Getsemaní e néé' fí' mó' Olivos, jō lalab casí'r~ i dsea` do mi~ caguiliñ` fí' jō:

—Lab nijá'` 'nú' la lajee~ ninii` jnea~ niføn'`n Tiquié`e Fidiée~.

³⁷ Jō júi~ Tú` Simómbing' jéiñ` cōo'~gui lajì` gáng~ i jōo' jaang` dseañu' i sii` Zebedeo, jō mi~ catí' fí' jō, canaang` e fi'lb` líing' Jesús jōgui lijjuung~ dsíir' cajo, ³⁸ jō casí'r~ i dsea` gaang` do lala:

—Dsíng'~ lí'`i e fi'í'` lín'n dseáng'~ lafa' jo` seem`baa fí' jmigüi` la lín`n. Jō lab nijá'` 'nú' lajee~ jō, jō ja` jmigüing` yaang`na' jō e sijnéeb` áa'na' cōo'~ jnea~.

³⁹ Jō cangób~ Jesús cartí' dogui capí'` laco' caje' i dsea` quiá'r~ do, jō fí' jōb catúuiñ` cartí' cajnúu~ nir~ fí' ni~ uø^ jō canaaiñ` féiñ' Fidiée~ lala:

—Teaa~, leaang~ jnea~ lajii'~ iihuí' e nijaquíéeng' quié`e; jō dsá' ja` güilí' laco' iing~ jnea~, cō' güilíb` dseáng'~ laco' iing~ 'nú e nilí'.

⁴⁰ Jō mi~ cangf̄ jō, caquim'~ tur lí' caseáaiñ` i dsea` quiá'r~ do, jō cadséng'`neiñ' do e teiñ'` güim`bre. Jōba' cajíng'~ Jesús casí'r~ Tú` Simón:

—¿Su dseáng'~ ja` téb'` 'nú' fa' e ja` nigüing`na' e neáang`jiu' e sijnéé` áa'na' cōo'~ jnea~ jii'` cōo` oor~? ⁴¹ ¿Jialí'` güing` 'nú'? Jminá~ ráang`na' jō féeng`na' Fidiée~ dsea` guing~ ñifí' uii~ quií'na' yaang`na', jō lajōba' ja` dseáng'~ e nijjúng'na' fí' ni~ dsee~. Cō' eáam' iing`na' e nité'na' e sijnéé` áa'na', dsá' ngúu' táang`na' ja` cuø' fí' e nijmee`na' lajō.

⁴² Jō mi`míng~ guijiu lajō cangób~tú Jesús e fí' jō e catí' tú` ya' e féiñ' Fidiée~ jō cajíñ'~ lala:

—Teaa~, song ja` niquí'~ jmí' fa' e nileán`n jee~ jalé' iihuí' e nijaquíéeng' quié`e, jōba' lí'` güilíb` laco' iing~ 'nú e nilí'.

⁴³ Jō mi~ tí' lí' caquing'~ tur fí' lí' caseáaiñ` i dsea` quiá'r~ do, cadséng'`neiñ' e güim`tuiñ' do, cō' dseáng'~ eáam' ja` lí' güiñ`. ⁴⁴ Jō cangób~tur e catí' 'ní' ya' e cangoféiñ' Fidiée~, jō dob caseáaiñ` i dsea` quiá'r~ do e güiñ', jō camí'`tur Fidiée~ laco' nicajíñ'~ lami~ jéeng`gui do. ⁴⁵ Jō mi~ cangf̄ jō, caquim'~ tur fí' lí' caseáaiñ` i dsea` quiá'r~ do jō lalab casí'`reiñ' do:

—¿Su dseáng'~ mí' 'noo`bi teng'` 'nú' e jmi'íng'na'? Jōba' fí' i 'nú' e lanab catí' í' e nijáng' dsea` jnea~ fí' jaguó' jaléng' dsea` dsee~ dsea` qui', jnea~ dsea` i cajá' fí' ñifí' e lín'n jaang` dsea` jmigüi'. ⁴⁶ Jō jminá~ ráang`na' jō má'aa', cō' nijaquíéem' i dsea` i nijáng' jnea~ do.

*Mi casáng' dsea Jesús**(Mr. 14:43-50; Lc. 22:47-53; Jn. 18 :2-11)*

⁴⁷ Jo lajee' gui'ná' sing' Jesús fé'r', job mi' caguié' Judas Iscariote, jaang' lajee' i dsea' guitúung' quiá' Jesús, jo caguié' coling' cóo' i fíng' dsea' i quie' jalé' ñisú' cóo' gui jalé' 'ma'. Jo jaléin' do ngoliiñ' lajii' ta' quiú' jaléng' fi' jmidsea' quiá' dsea' Israel cóo' gui jaléng' yúu' dsea' cóong' quiá'r'. ⁴⁸ Co' i Judas do jéem' nicajmea'r' júu' i dsea' ngolíng' cóo'r' do jo casí' reiñ' lala:

—Ii' nimáang' 'nú' i nichú' u ni~, íb' Jesús; jo séng' na're ladsifí'.

⁴⁹ Jo lajob cajmée' Judas, cangoquiéem' bre fi' lí' sing' Jesús mi' caguié' jo casí'r' dsea' do:

—iCá', Tifa'!

Jo mifíng' cachu'r' ni' dsea' do.

⁵⁰ Joba' cañi' Jesús quiá' dsea' do:

—Ruu', jmeeb' lajii' ta' cañi'.

Jo ladsifí' lanab cangoquiéeng' i dsea' caguiaang' gui do, jo casam' bre dsea' do jogui cató'r'.

⁵¹ Jo lajee' jo, jaang' lajee' dsea' quiá' Jesús caguir' ñisú' quiá'r' jo caquiú'r' cataang' logua' i dsea' léeng' quiá' i jmidsea' laniing' do. ⁵² Joba' cajíng' Jesús casí' reiñ':

—Te'tu ñisú' qui' ée' quiá', dsuco' i dsea' i títng' cóo' ñisú', cóo' e job nijúuiñ' cajo.

⁵³ ¿Su ja' ñi' 'nu' e cuóom' fi' jnea' Tiquié'e, jo nimín' nre lí' gui guitúung' 'lé' 'lée' i líng' ángeles i líng' guotíir', jo ladsifí' lanab nisíñ'? ⁵⁴ Jo dsu' faco' lajo, ¿jial niliti' jóng lajii' e fé' fi' ni' jì quiá' Fidiée'? Co' lajaléb' e jo dseáng' 'né' e nidsijéeb' dseáng'.

⁵⁵ Jo mi'míng' guijiú lajo cajmíng' Jesús i dsea' i caguilíng' do jo casí' reiñ':

—¿Jiali' cañilíng' 'nú' e quié' na' jalé' ñisú' jogui jalé' 'ma' e cañiséng' na' jnea'? Co' cañilíng' na' e lafa' jnea' lín'n jaang' ii'. Dsu' laco' jmíib' ie' lami' jéeng' gui do táang' jnea' e ee' fi' guá' fé', jo ja' cateá' óo' na' fa' caséng' na' jnea' ie' jo. ⁵⁶ Jo dsu' lajalé' e na nidsijéeb' jmí' na e lí' laco' niliti' laco' fé' fi' ni' jì quiá' Fidiée' e cajme' dsea' i café' cuaiñ' quiá'r' malii' gui eáang'.

Jo ie' jo jaléng' i dsea' quiá'r' do cacuí' bre, jo 'ñiab' Jesús caseáang' guir do.

*Mi caguiéng' Jesús fi' quini' jaléng' dsea cóong'**(Mr. 14:53-65; Lc. 22:54-55, 63-71; Jn. 18 :12-14, 19-24)*

⁵⁷ Jo catób' i dsea' do Jesús jo cangojeáaiñ' dsea' do fi' quini' i jmidsea' laniing' quiá' dsea' Israel i sii' Caifás, co' fi' job nisiseáng' jaléng' tifa' quiá' júu' quiú' ta' quiá' dsea' Israel cóo' gui jaléng' yúu' dsea' cóong' quiá'r' cajo. ⁵⁸ Jo cangám' Tú' Simón t'leáaiñ' laco' cangoliiñ' téer' Jesús cartí' caguiliiñ' fi' siguí' quiá' e 'núu' lí' guing' i jmidsea' laniing' do. Jo dob jii' cajé' Tú' Simón e fi' siguí' do coling' cóo' jaléng' i jmóo' í' guá' e sijeeiñ' lajii' júu' nitigua' quiá' i jmidsea' laniing' do cóo' Jesús.

⁵⁹ Jo jaléng' fi' jmidsea' cóo' gui lajii'ng' i dsea' cóong' i quiú' ta' quiá' dsea' Israel do 'nó'r' jial e laco' niguié'r' e ni'niñ' Jesús cóo' júu' e o' já', jo lajoba' nilí'r' e nijngáin' dsea' do. ⁶⁰ Jo dsu' ja' cadsé'r' jial laco' nijmér' lajo, nañi' fa' fíim' dsea' caguilíng' e 'niñ' Jesús cóo' e júu' lajo cajo. Jo mi'míng' guijiú lajo caguilíng' gáng' gui dsea' jiéng' ⁶¹ jo cajíng' í':

—I nabi i dseañu' i cajíng' e tím' bre quí'r' guá' quiá' Fidiée', jogui nijmé' tur calé' catú' cóo' 'ní' jmí'.

⁶² Jo caróo' i jmidsea' laniing' do jo cajmíng'r' Jesús lala:

—¿Jiali' ja' ngii' jii' cóo'? ¿E' fío' lajii' e júu' e fé' i dsea' na uii' qui'?

⁶³ Dsu' Jesús tiib' cajér', ja' e cañiir' jii' cóo'. Joba' cajíng' tu' i jmidsea' laniing' do:

—La'eáang' cóo' Fidiée' dsea' jii', lana quiú' ta' e nijméé' júu' já' su 'nu' i líng' i jóo' Fidiée' camíng' do i nisíng' Fidiée' i nicá' nifi' qui' ii'.

⁶⁴ Joba' cañi' Jesús quiáin' do:

—'Nub`nicaféé'~gui'. Jo fíi`i`'nú' lana e nimáam~ba' jnea~, i líng' i dsea` i jáa' fí`ñifí` e lín'n jaang` dsea` jmigüí, e guin`n lí'` lí` dsée' laco' guing` Fidiéé` dsea` féng' dsea` ñíng' i`'gøng' eáang', jogu` nimáam~ba' jnea` cajo mi` nigáa'túu' fí` jmigüí e quín'`n jee` cabøø` jníí'.

⁶⁵ Jo mi` canúu` i` jmidsea` laniing` do lajo, lico' casíiñ` sí'`bre e cuø' li` e liguíim`bre jo cajíiñ'`:

—Lajíi'` júu` e nicafé'` i` dseañu'` na gab` fé'r` uíi'` quiá'`- Fidiéé`, jo jo` i` 'neáng`guí'` fa' i` ni'ning`gui`r', co' 'núb'` nicanúu`-gui'` lajii'` júu` ga` e nicafé'r'. ⁶⁶ Jøba'` çjial` í` óo'` 'nú'` cuaiñ` quiá'`- e júu` jo?

Jøba'` cañíi'` i` dsea` 'leáang` do:

—E jáb'` e óo`bing'` na dsee`, jøba'` dseáng'` 'né` e nijúum`bre.

⁶⁷ Jo canaaiñ` 'ñíim`bre dsea` do jogu` jmihuim`breiñ'` cajo, jogu` i` líng`gui` dsea` bár` moni` dsea` do ⁶⁸ jo sí'r` lala:

—Song`já'` e 'nu` lín'` i` dsea` i` sijeeng`naa'` do i` nicá'` nifí'` quí'`naa', jøba'` ijmee` júu` lana i` cabøøng` 'nu'`!

Mi` cajíng'` Tú` Simón e ja` cuíiñ` Jesús

(Mr. 14:66-72; Lc. 22:56-62; Jn. 18:15-18, 25-27)

⁶⁹ Jo lajee` jo, dob guing` Tú` Simón fí` siguí'` fí` lí` sí'` 'nu` i` jmidsea` laniing` do fí` lí` quiu'r'` ta`. Jo lajee` jo jaang` dseamí` i` nijmóo'` ta` e fí` jo cangoquiéeiñ'` fí` lí` guing` Tú` Simón jo casí'`-reiñ':

—'Nu` cangi`ba'` cajo cóo'`~ Jesús i` seeng` fí` Galilea, çjá` leáa'`?

⁷⁰ Jo Tú` Simón cañíi'r` quiá'`- i` dseamí` do jo cajíiñ'` casí'`-reiñ':

—Ja` ñii` ee` e fí'` jnea` na, dseamí`.

⁷¹ Jo mi`míng`guijiu` lajo cangoquiéeng` Tú` Simón fí'` o'ná'` quiá'`- e 'núu'` lí` guing` i` jmidsea` laniing` do e quiu'r'` ta`, jo fí'` job` jíeng`gui` jaang` dseamí` cangá'` quiá'r', jo cajmea'r'` júu` jaléng'` i` dsea` caguiaang`gui` do jo casí'`-reiñ':

—I` dseañu'` na cangi`bre cóo'`~ Jesús i` seeng` fí'` Nazaret cajo.

⁷² Jo caleáb` catú'` cañíi'` Tú` Simón jo cajíiñ'`:

—Ní` fii` ja` i` dseañu'` do cuíng` jnea` la, dseamí`.

⁷³ Jo mi`míng`guijiu` lajo i` dsea` i` neáang` quiá'`- dogu` cangoquiéeiñ'` fí'` lí` sing'` Tú` Simón jo casí'`-reiñ'` do:

—'Nu` dseañu'` e jáb'`-ba'` e ngí'` cóo'`~ Jesús cajo, co'` cóo'` lajii'` jial` fó', nabi` nicuø'` lí`.

⁷⁴ Jøba'` cañíi'tu` Tú` Simón jo casí'`-reiñ'` do:

—i`Dseáng'`- e jáb'`- ní` fii` e ja` i` dseañu'` do cuíng` jnea` la!

Jo ladsifí` lanab`caqui'` jaang` tuidsee`. ⁷⁵ Jo jogu`ib` mi` cadse'`- dsí'` Tú` Simón e lajob` cajíng'`- Jesús lami` jéeng`gui` mi` cajíiñ'` casí'r`- dsea` do lala: "Lajee` e ná'`gui` e niquí'` jaang` tuidsee`, 'nu` nifo'` 'ní` ya'` e ja` cuín'` jnea`." Jo cagüi'`ib` Tú` Simón fí'` caluu`, jo caqui'r'` dseáng'`- e ngocáng` dsíi'r'` uíi'` e calíiñ`- fí'` eáang`.

27

Mi` caguiéng'` Jesús fí` quini` dseata` Pilato

(Mr. 15:1; Lc. 23:1-2; Jn. 18:28-32)

¹ Jo mi` tí` lí` cajneá` e jmíi` jo, lajaléng'` fii` jmidsea` cóo'`-gui` lajaléng'` yúu'` dsea` cóøng'` quiá'`- dsea` Israel casíiñ`- røø` quiá'`- jial` laco'` niguié'r'` e nijngáiñ'`- Jesús. ² Jo catø`-bre dsea` do e 'núuiñ'` jo cangojeáaiñ'` fí'` quini` jaang` dsea` i` sií` Pilato i` líng'` jaang` dseata` romano.

Mi` cajúng` Judas Iscariote

³ Jo i` dseañu'` i` sií` Judas Iscariote, i` dsea` i` cajáng'` Jesús fí'` jaguó'` jaléng'` i` dsea` do, mi` cangár`- e jaléng'` i` dsea` í` tí` lí` nijngám'`-bre Jesús, jøba'` job` mi` tí` lí` calilí'r'` lajii'` dsee`

e ca'éeer` do, jogui cajo'` dsíir` cóo'` lajii'` e nicajméer` do, joba' cajáb'tur i fi' jmidsea` do cóo'` gui jaléng'` i yáa'` dsea` cóong'` quiá'` dsea` Israel do lajii'` e guigui' í' cutee` e ca'íñ'` quiá'` e cajáíñ'` Jesús do, ⁴ jo lalab cajíñ'` casí'` reiñ':

—Nica'ee` baa dsee` e nicajáan'` n fi' ni'` mó'` jaang` dseañu'` i ja` røong` dsee` jii'` capi'`.

Joba' i dsea` do cañíir` quiáíñ'`:

—¿E` cuaiñ` quí` jnea'` e cajmee` 'nu` lajo? ¿Cuaiñ` quíib` 'nu` e jo!

⁵ Jo i Judas do fi' dob cabír` e cuu` do fi' dsíi'` sinúu'` guá'` fé'` jo cagüi'` ñ'bre jo cangote'r` si` luur` e cangojngáang'` 'ñia'r`.

⁶ Jo jaléng'` i fi' jmidsea` do casitím'bre e cuu` do jo cajíñ'`:

—E cuu` la nisi'` lí'` cóo'` jmi'` øong` dsea`, jo ja` cuøong` fa' e nidsitoo'` gui fi' dsíi'` guoo'` lí'` dsi'ma` cuu` quiá'` guá'`.

⁷ Jo job mi'` casííñ` røø` e nilár` coo` uø` cóo'` e cuu` do; jo e uø` jo sii` Uø` lí'` uø'` Dsea` Guoo'` quiá'` e Jmóor` Tu'. Jo job lí'` cajme'r` coo` codsii'` lí'` ni'` áaiñ` jaléng'` dsea` i jalíng` fi' caluu` i lingüng` júung` fi' fi' do. ⁸ Joba' e uø` do sii'` bi cajo latí` lana Uø` lí'` Catuu` Jmi'` øong`. ⁹ Jo job caliti` laco'` jii'` e cajíng'` i dsea` i calisí` Jeremías, jaang` i café'` cuaiñ` quiá'` Fidié` mali'` gui eáang', mi'` cajíñ'` lala: “Cacá` bre laji'` guigui'` cutee` lí'` laco'` gui lajii'` 'moo'` cacuø` dsea` Israel, ¹⁰ jo cóo'` e cuu` job calár` e guoo'` uø` e sii'` Uø` lí'` uø'` dsea` Guoo'` quiá'` e Jmoo'` Tu', lí'` laco'` gui ta` e caqui'` Fíi'.”

Mí` caguiéng'` Jesús fi' quini'` dseata` Pilato

(Mr. 15:2-5; Lc. 23:3-5; Jn. 18:33-38)

¹¹ Jo mi'` caguiéng'` Jesús fi' quini'` i dseata` i sii'` Pilato do, jo í' cajmingí'r` Jesús:

—¿Su e já'` ba' e 'nu` lin'` dseata` dsea` féng'` i quie'` nifi'` quiá'` jaléng'` dsea` góo'` dsea` Israel?

—'Nu'` nicafée'` gui'` —cañíi'` Jesús.

¹² Jo lajee` e teáang` i fi' jmidsea` do cóo'` gui jaléng'` yáa'` dsea` cóong'` e jmóor` dsee` quiá'` Jesús, dsu'` dsea` do ja` e ngíir` jii'` coo'` quiá'` i dsea` í'. ¹³ Jo uíi'` joba' cajmingí'r` dseata` Pilato cajmingí'r` Jesús jo cajíñ'`:

—¿Su ja` nuu'` lajii'` dsee` e cuø'` i dsea` na 'nu`?

¹⁴ Jo dsu'` Jesús ja` cañíir` jii'` camí'` júu` quiá'` dseata` do; joba' i dseata` do eáam` cangogá` dsíir` jo jo` ñir` e` nijmé` guir.

Mí` cahu'` ta` e nijúung` Jesús

(Mr. 15:6-20; Lc. 23:13-25; Jn. 18:38-19:16)

¹⁵ Jo lajee` e jmi'` e gø'` dsea` Israel iñí'` e ja` quie'` quiéng` jo tíng` i dseata` do e láaiñ` jaang` dsea` sijñüng` 'nu'` í'` lí'` doñí'` i i` niguíng'` dsea` fi'`. ¹⁶ Jo ie` jo ni'` iuung` jaang` dsea` i ninica'` léé` eáang` i sii'` Jesús Barrabás. ¹⁷ Joba' cajíng'` i dseata` do cajmingí'r` dsea` fi'`:

—¿I` dsea` iing` 'nú'` e nilaan`? ¿Su Jesús Barrabás ofa'` Jesús i sii'` Dsea` Jmáang` dob é?

¹⁸ Jo dsu'` calilí'` i dseata` do e cajáng'` i dsea` do Jesús uíi'` e dsihuim'bre quiá'` dsea` do.

¹⁹ Jo lajee` guíng` i dseata` Pilato do fi' lí'` qui'`r` ta`, lajee` job caguié` júu` quiá'` i dseamí` quiá'`r` do jo sí'` reiñ': “Ja` e jmoo'` jii'` coo'` cóo'` i dseañu'` i ja` dsee` røong` na, dsu'` dsi'` lóo'` bi gab` caqu'`i uíi'` quiá'`r`.”

²⁰ Jo dsu'` jaléng'` i fi' jmidsea` do cóo'` gui jaléng'` yáa'` dsea` cóong'` cacøoiñ` dsíi'` jaléng'` dsea` fi'` e laco'` nileáang` i Barrabás do jogui e nijúum` Jesús. ²¹ Jo dsu'` i dseata` Pilato do cajmingí'r` tur calé'` catú` dsea` fi'` jo cajíñ'`:

—¿I` lajee` i dseañu'` gáang` la iing` 'nú'` e nilaan`? ¿Su Jesús ofa'` Barrabás?

Joba' i dsea` fi'` do cañíir` jo cajíñ'`:

—¿Leaang` Barrabás!

²² Jo caleá'` catú` cajmingí'r` tu` dseata` Pilato jo cajíñ'`:

—Jo ¿e` gui nijmee` jnea` jóng` cóo'` Jesús i sii'` Dsea` Jmáang` la?

Joba' lajüm` i dsea` fi` do cañir` jò cajíñ`-:

—;Güitáin` fí dse` crúu`!

23 Joba' cañir` dseata` Pilato quiá`- i dsea` fi` do jò cajíñ`- casí`- reiñ`:

—¿E`gui e ga` e nicajméer` e catáin` lajo?

Jò dsu` caleáb`tu cacuø` i dsea` fi` do 'goo` jò cajíñ`-:

—;Güitáin` fí dse` crúu`!

24 Jò coob` mi` jo` ñi` dseata` Pilato e` nijmé`-guir, co` dseáng`- gab` ta` i dsea` do mii` e mir` e nitáng` Jesús fí dse` crúu`, joba' caquiur` ta` dsea` quiá`r` e cangoquiein` jmii` jò caru`r` guoor` fí quini` jaléng` dsea` fi` jò cajíñ`-:

—Ja` dsee` quié` e lajii`- 'mó` nitíng` i dseañu` la, co` cuaiñ` quií`- 'nú` yaam`ba` na.

25 Joba' lajüm` dsea` fi` cañir`:

—;Jneab` coling` cóo`- jaléng` jóo`naa` nine`- ni`naa` lajii`- 'mó` quiá`- i dseañu` na!

26 Jò dseata` Pilato caleám`bre Barrabás; jò caquiur` ta` e cabøom` Jesús, jò mifing` cajám`bre dsea` do e quiá`- nitáin`- do fí dse` crúu`.

27 Jò jaléng` 'lée`- quiá`- i dseata` do catø`-bre Jesús fí 'nuñ` jò casíñ` yaaiñ` lacúng` lajéng`- lacø` sing` dsea` do. 28 Jò i 'lée`- do ca'uø`bre si` Jesús jò ca'iañ` dsea` do coo` jmáang`- 'mi` e nú`. 29 Jogui` catá`r`- coo` lí` corona e líi` cóo`- layaang`- tóo` fí mogui` dsea` do, jogui` coo`- si`- cacuø`r` dsea` do jò casaiñ`- do fí guoor` dsée`. Jò mi` cangí` jò, casí`r` uø`- jnir` fí quini` dsea` do jò lóøiñ`- dsea` do jò sí`r` lala:

—;Majmiféng`naa` dseata` dsea` féng` quiá`- dsea` Israel!

30 Jogui` ñiim`bir dsea` do cajo, jò cóo`- e si`- e cacuø`r` dsea` do, cóo`- e job canaiñ` bár` fí mogui` dsea` do. 31 Jò mi` cangí` e jmóor` ta` lóøng`- dsea` do, cajéb`tur e jmáang`- 'mi` do jò caquíng`tur dsea` do siñ` e lami` qui`r`, jò cajéem`bre dsea` do fí lí` nitáin` fí dse` crúu`.

Mi` catáng` Jesús fí dse` crúu`

(Mr. 15:21-32; Lc. 23:26-43; Jn. 19:17-27)

32 Jò lajee` e ningoliñ`- jéein` dsea` do, cajíñ` jaang` dseañu` guiá` fí i si` Simón i niseeng` fí coo` fi` e si` Cirene; jò caquiur` i dsea` i jéeng` Jesús do ta` i dseañu` í e cajéein` do crúu` quiá`- Jesús.

33 Jò mi` caguiliñ` fí coo` lí` si` Gólgota e guøng` Cuø` Mogui` 'Lii`, 34 jò fí job cacuø`r` Jesús jmí` mi` huing` jø` e tí` e sicáang` cóo`- jmí` dsi` e gui`-; jò coo` ni`ba` cali`ing` dsea` do ca`r`- , jò jò cali`ing` guir fa` ca`r`- guir.

35 Joba' mi` tí` lí` nicateáaiñ` Jesús fí dse` crúu`, i 'lée`- do canaiñ` cóor` e lacø` nigüéang` i` nilí` i nicóo` e si` dsea` do. 36 Jò mi` cangí` jò, dob caguár` e jmóor` í Jesús lajee` táang` dsea` do fí dse` crúu`. 37 Jò fí yá` gui` dsea` do catéer` coo` lí` tóo` júu` e fé` e` uing` quiá`- e jmáng` dsea` í` lado, jò lalab tóo`-: “I lab Jesús, dseata` dsea` féng` quiá`- dsea` Israel.”

38 Jò gáng`- ii` catáng` fí dse` crúu` coling` cóo`- Jesús cajo, jmá`- jáng` crúu` la jaaiñ` do, jaaiñ` do táaiñ` lí` lí` dsée` jò jaang`guiñ` do lí` lí` tuung`. 39 Jò jaléng` dsea` i ngíng` fí lí` táang` Jesús fí dse` crúu` do, gab` fé`r` uii` quiá`- dsea` do jò licø` guiá`r` mogui` bre jøøiñ` dsea` do jò fé`r`:

40 —'Nu` dsea` fó` e niqui` guá`- jò nijméé`tu` calé` catú`- cóo`- 'ni` jmii`. Jò song` já` e 'nu` lin` Joo` Fidiéé` i camíng` do, joba' ileaang` uø` lí` táan` na jóng!

41 Jò lajobi` jaléng` fii` jmidsea` cajo cóo`-gui jaléng` tifa` quiá`- júu` quiu` ta` quiá`- dsea` Israel cóo`-gui jaléng` yáa` dsea` cóøng`- quiá`r`- lóøm`bre dsea` do jò fé`r`:

42 —Caleám`bre jaléng` dsea` jiéng` jò lajo güileáang` 'ña`r` lana. Jò song` já`- e líiñ` dseata` dsea` féng` quiá`- dsea` Israel, joba' güijgiáang` 'ña`r` lí` táaiñ` fí dse` crúu` na jò lajoguiba` já`- nilí`iil` jóng e líiñ` i Joo` Fidiéé` camíng` do. 43 Jò song` dseáng`- já`- líiñ` e Fidiéé` seeng` cóo`r`- , joba' íb` catíng`- nileáng` í` lana song` dseáng`- já`- e iing`-neiñ`-; co` nicajím`- bir e líiñ` i Joo` Fidiéé` camíng` do, ¿já` leáa`-?

44 Jo jì'gui jaléng' i ìi i táang cáang Jesús do, gab' fé'r uii' quíá' dsea' do cajo.

Mi' cajúng- Jesús

(Mr. 15:33-41; Lc. 23:44-49; Jn. 19:28-30)

45 Jo mi' tí' lí' catí' guieñí' jo cartí' la ìi 'ni' e ca'lóo' dseáng' canuu' sób' fí' e guóo' uó' jo. 46 Jo lajee' job mi' ca'óo' Jesús e teá' jo cajíñ'':

—Elí, Elí, ¿lama sabactani? —e guóng': Fidiée' quíe' e, Fidiée' quíe' e, ¿jali' nicatiun' jnea'?

47 Jo i lüing' i dsea' i teáng' do ie' jo canúur' e cajíng' Jesús lajo, joba' cajíñ'':

—I Líí' tó' i dsea' na, jaang' dsea' i café' cuaiñ' quíá' Fidiée' malü' gui eáang'.

48 Jo ladsifí' lanab jaang' lajee' i dsea' do cangór' güi'í' jo cangoquier' coo' joo' jo cajmi'lear' cóo' jmi' m' huüing' jó' e tí' jo caquidsir' fí' coo' yá' sñ' jo ca'úuiñ' fí' mo'oo' dsea' do e laco' niyúñ''. 49 Jo dsu' i dsea' caguiaang' gui do cajíñ'':

—Jéeng' gui cateá', ne' duu' su nigüéeng' i Líí' do i nileáng' ír'.

50 Jo Jesús caléb' catú' ca'óor' teá' lado, jo ngí' jo cajúm' bre. 51 Jo ladsifí' lajob calí' tú' dseá' jóo' e 'mi' e í' guíá' jóo' guá' fé' e si' fí' Jerusalén, co' casíng' catí' yá' jogui cartí' uii'. Jogui cajo cajó' uó' jogui cañing' jalé' cuu' cóo', 52 jogui jalé' ée' lí' teáng' 'li' canab'; jogui fñm' jaléng' dsea' quíá' Fidiée' i nicajúng' lamí' jéeng' gui cajíb'tur. 53 Jo mi' cangí' e cají'tu Jesús, jo jaléng' i dsea' i cají'tu do cangolíñ' fí' Jerusalén fí' lí' lí' fñ güeang' quíá' Fidiée', jo fñm' dsea' i cangáng' ír' fí' jo.

54 Jo mi' cangá' i fii' 'léé' do cóo' gui jaléng' i dsea' i teáng' cóo'r' do i jmóo' í' Jesús jial cajó' uó' jogui cóo' jalé' e calí' gui do, joba' eám' cafóñ' jóng' jo cajíñ'':

—E nijáb' e i dseañu' na líñ' i Jóo' Fidiée' camíng' do.

55 Jo ie' jo dob teáng' i fíing' dseamí' i jóo' catí' huí' i nicajalíng' cóo' Jesús catí' lí' se' Galilea jogui i nicajmicóo' quíá' r' cajo. 56 Jo jee' jaléng' i dseamí' í' quíéeng' Yá' i seeng' fí' Magdala, jogui Yá' niquíá' Tiáa' cóo' Sé', jogui niquíá' jaléng' jóo' yá' Zebedeo cajo.

Mi' ca'áng- Jesús

(Mr. 15:42-47; Lc. 23:50-56; Jn. 19:38-42)

57 Jo mi' tí' lí' ngóo' calí' núu', caguié' jaang' dseañu' i sea' cuu' eáang' i sii' Sé' i seeng' fí' coo' fñ' e sii' Arimatea, jo í' cangí' bre cóo' Jesús lamí' jéeng' gui cajo. 58 Jo i dseañu' í' cangó' bre fí' lí' guíng' dseata' Pilato jo cangomír' fí' e fa' ni' áam' bre Jesús. Joba' cacuøb' i dseata' Pilato do fí' lajo. 59 Jo cangojgiám' i Sé' do Jesús fí' lí' táaiñ' fí' dse' crúu', jo caquiñ' dsea' do cóo' cóo' 'mi' té' e niguo', 60 jo cango' áam' bre dsea' do fí' coo' dsí' tó' lí' ja' i' m' áang' jii' jaang'; jo uó' quíá' bre lí' lí' ca' áaiñ' dsea' do, jo ja' m' ngóo' eáang' caquiur' ta' e calí' e too' ée' do. Jo mi' tí' lí' calí', caquiéer' coo' cuu' e dsée' e otoo' ée' do jo cangám' bre jóng. 61 Dsu' i Yá' i seeng' fí' Magdala do cóo' gui i Yá' jaang' gui do, dob cajer' fí' quini' e too' ée' e lí' ca'áng' Jesús.

Mi' cajméé' dsea' í' oo' ée' quíá' Jesús

62 Jo mi' tí' lí' cajneá' e jmi' coo' gui do, jo ie' jo cangotíng' jmi' e jmi' íng' jaléng' dsea' Israel, job mi' cangolíng' jaléng' fii' jmidsea' quíá' dsea' Israel colíng' cóo' jaléng' dsea' Israel i lüing' dsea' fariseo fí' lí' guíng' dseata' Pilato jo casí' reiñ' do:

63 —Dseata' quí' ii', tóob' dsí' naa' e ie' lamí' seeng' gui i dsea' i jmigóo' do cajíñ' e mi' ningí' 'ni' jmi' e cajúñ', nijíb'tur calé' catú'. 64 Jo uíng' e joba' sí' naa' 'nu' e nijmé' dsea' íb' e lí' ca'áng' dsea' do lajee' 'ni' jmi', co' jial fíng' lajee' dsea' quíá' bre nijalíng' e uóo' jo niguím' bre dsea' do, jo mi' nilicøøng' gui lajo nijmigóor' e nicajíb'tu dsea' do. Jogui song' nilí' lajo, joba' eáang' guib' ga' nilí' jóng' laco' gui latí' mi' uii' do.

65 Joba' cañí' dseata' Pilato jo cajíñ'':

—Lab teáng' 'léé' i cuøøng' lí' jmeáang' na' ta' i nijmé' í' oo' ée'. Jo güilíng' na' colíng' cóo'r' jo güijmee' na' í' car' jié' jii' lí' quí' jmi' fí' jo.

⁶⁶ Jo cangolím[^]biñ' do cóo[~] i 'lée⁻ do jo cajméer[^] li[~] fi' e cuu[~] fé' e jni' e oo⁻ ée[^] do e laco' ja i[~] cuøng[^] nineá⁻; jo dob caseáañ' 'lée⁻ i caguá[^] cajmée[^] í' e fi' jo.

28

Mi[~] cají[^]tu Jesús

(Mr. 16:1-8; Lc. 24:1-12; Jn. 20:1-10)

¹ Jo mi[~] tí[^] li[~] cangí[^] e jmiñ[~] e jmi'ing[^] jaléng[^] dsea[^] Israel e lí[^] lí[^] ngóo[^] nijneá[^] e jmiñ[~] la'uii[~] quiá⁻ seamaan[~], jo cangojóø[^] Yá[^] i seeng[^] fi' Magdala cóo[^]gui i Yá[^] jaang[^]gui do fi' li[~] ca'áng⁻ Jesús. ² Jo lajee[^] job mi[~] cajó[^] uó⁻ e eáang[^], có[^] jaang[^] ángel i líng[^] guotñ[~] Fidiée[^] cajgáng⁻ fi' yá[^] jmigüí[^] ie[~] jo, jo cangoquiéiñ[^] fi' oo⁻ ée[^] quiá⁻ Jesús, jo cajé[^]r e cuu[~] fé' e jni' e oo⁻ ée[^] do, jo fi' ni[~] job caguár[^]. ³ Jo dseáng⁻ jlo[^] jing[^] i ángel do lí[^] laco'gui la jnéeng⁻ jñ[~] mi[~] jmijneá[^] güi[^]ñiá[^] jñ[~]re[^], jogui jlo[^] tee[^] sñ[^]r cajo dseáng⁻ lí[^] laco' la tee[^] joo[^]b dseáng⁻. ⁴ Jo i 'lée⁻ i teáang⁻ jmóo[^] í' e oo⁻ ée[^] do dsíng⁻ cajléiñ⁻ dsu[^] uí[^] e 'gó[^]r jo jñ[~]gui cartí[^] ca'íng⁻ dsí[^]r. ⁵ Jo i ángel do casí[^]r i dseam[^] do jo cajíñ⁻:

—Ja fòong[^]na' jñ[~] cóo[^], có[^] ñi[^]baa guiá⁻ e Jesús dsea[^] 'náng[^]na' i cajúng⁻ fi' dse[^] crúu[^] do. ⁶ Jo dsu[^] jo iuuiñ⁻ fi' la lana, có[^] nicají[^]bre lí[^] laco'gui cajíñ⁻ ie[~] lami[~] cangir[^] cóo[^] 'nú[^] do. Ñilíng⁻na' ñijóø⁻na' fi' lí[~] ca'áang⁻ dsea[^] í[^]r. ⁷ Joba' fi[~] i 'nú[^] lana, güilíng[^]tu[^] lajminá⁻ jo güijmee⁻na' júu[^] jaléng[^] dsea[^] quiá⁻ e nicají[^]bre tur jo jéeng[^] guir nidsér⁻ fi' lí[~] se[^] Galilea laco'gui 'nú[^], jo fi' job nimáang⁻na're. Jo jñ[~] lanab júu[^] quiee⁻ qui⁻na' lana.

⁸ Joba' i dseam[^] do caquim⁻bre lajminá⁻ e fi' oo⁻ ée[^] do, jo lajee[^] jo dseáng⁻ 'gó[^]bre jogui dseáng⁻ dsíng⁻ iáang[^] dsí[^]r cajo. Jo jmináb⁻ cangolíñ[^] e cangocóor[^] e júu[^] do fi' quini[^] jaléng[^] i dsea[^] quiá⁻ Jesús do. ⁹ Jo jo huóø⁻ li[~]ñ[~] lajo, cóo[^] mi[~] cajmijnéeng[^] 'ñia[^] Jesús fi' quini[^] i dseam[^] do jo caféng[^]neñ[^] do. Jo cangoquiém[^]bi i dseam[^] do cajo fi' lí[~] sing[^] dsea[^] do jo canaaiñ[^] do rñ[^]ñ[^] dsea[^] do jo lajee[^] jo jmiféng[^]neñ[^]. ¹⁰ Joba' cajíng⁻ Jesús casí[^]r i dseam[^] do:

—Ja fòong[^]na' jñ[~] cóo[^], jo güilíng[^]na' lana jo güisí[^]na' jaléng[^] dsea[^] quié⁻ e líng[^] laco' rún[^]na' e güidsilíñ[^] fi' lí[~] se[^] Galilea lajminá⁻, jo fi' job nijí[^] rú[^]naa' cóo[^]r.

Lají[^] júu[^] quiá⁻ 'lée⁻ e casí[^]r fi' jmidsea[^]

¹¹ Jo lajee[^] e ngolíng[^] i dseam[^] do, i líng[^] i 'lée⁻ i teáang⁻ jmóo[^] í' do caguilíñ[^] fi' jee[~] fi[~] jo casí[^]r jaléng[^] i fi[~] jmidsea[^] do laj[^] e calí⁻ do. ¹² Joba' i fi[~] jmidsea[^] do cangolíñ⁻bre e cangosiñ[^] cóo[^] jaléng[^] yá[^] dsea[^] cóøng[^] quiá⁻ dsea[^] Israel cuaiñ[^] quiá⁻ lají[^] júu[^] e nisea[^] quiá⁻ Jesús do. Joba' casí[^]ñ⁻ e cacuø[^]r jmgui[^] cuu⁻ i 'lée⁻ do ¹³ jo casí[^]reñ[^] do lala:

—Lalab júu[^] nijmitíng[^]na', e lajee[^] uóø⁻ e teng[^]na' güim[^]ba', caguilíng⁻ i dsea[^] quiá⁻ Jesús do jo caguim⁻bre dsea[^] do fi' dsí[^] tó[^] ée[^]. ¹⁴ Jogui song nilíñ[^] dseata[^] lají[^] e júu[^] jo, joba' jneab[^] nine[~]naa' jial laco' nisíng[~]naa' cóo[^]r e laco' ja[^] ni'uíng⁻ huíng[^] qui⁻na'.

¹⁵ Jo ca'ím[^] i 'lée[^] do e cuu⁻ do jo cajmée[^]bre lají[^] júu[^] e nisínú[^]r. Jo lajob jñ[~] lí[^] júu[^] e ngí[^] cartí[^] jmiñ[~] na[^] jee[~] jaléng[^] dsea[^] Israel.

Lají[^] júu[^] e ca[^]ñ⁻ Jesús quiá⁻ dsea[^] quiá⁻r

(Mr. 16:14-18; Lc. 24:36-49; Jn. 20:19-23)

¹⁶ Joba' lajob cajmée[^] i dsea[^] guíang[^] quiá⁻ Jesús do, cangolíñ⁻bre fi' lí[~] se[^] Galilea jo cangolíñ[^] fi' cóo[^] yá[^] mó[^] fi' lí[~] caqui[^] Jesús ta[^]. ¹⁷ Jo mi[~] tí[^] lí[~] cangáñ⁻ Jesús, eám[^] cajmiféiñ[^] dsea[^] do, jo dsu[^] seem[^]bi i líng[^] cajo i ja[^] já⁻ líng[^] e dsea[^] do Jesús. ¹⁸ Jo cangoquiém[^] Jesús fi' quiá⁻gui laco' teáañ⁻ do jo casí[^]r dsea[^] do lala:

—Fidiée[^] nicacuø[^]r jnea[^] e niquí[^]ta[^] fi' latøng⁻ fi' ñif⁻ jogui fi' ni[~] guóo[^] uó⁻ la. ¹⁹ Joba' güilíng⁻na' fi' jalé[^] fi[~] e sea[^] fi' jmgüí[^], jo jmee⁻na' e niquí[^] jing[^] yaang[~] dsea[^] e laco' ni'uíñ⁻ dsea[^] quié⁻e; jogui mifíng[^] seaang⁻na'r jmiñ[~] la'eáang[^] cóo[^] júu[^] quiá⁻ Tiquié[^] e Fidiée[^] jogui la'eáang[^] cóo[^] jnea[^], i Jóor[^] camíng[^] do, jogui la'eáang[^] cóo[^] jmgüí[^] quiá⁻ Fidiée[^] cajo, ²⁰ jogui ée[^]na'r jial laco' nijmitir⁻ lajalé[^] e júu[^] quiá⁻ Fidiée[^] e nicafñ[^] i

'ná' e nijmití'na'. J_ogui güliñí'na' guiá' e seem'baa cóo' 'ná' laco_o`jmí~ laco_o`jmí~, j_odseáng' laj_ob nilí' car`ngongí' jmí~.

J_o laj_ob nilí'.

J_o lanab jí' lí' júu' quiá' Fidié' e cajme' Mateo.

E lab júu^ quiá'- Dsea` Jmáang- e cajme' MARCOS

*Mi~ cajá- Juan i seáang` dsea` jmii`
(Mt. 3:1-12; Lc. 3:1-9, 15-17; Jn. 1 :19-28)*

¹ Lalab mi~ canaang` cani'- juguiá- quiá'- Dsea` Jmáang- i líng' Joo' camíng' quiá'- Fidiéé` dsea` guing~ ñiff-.

² Jo lajii~ mali'gui eáang' jaang` dsea` i café' cuaiñ~ quiá'- Fidiéé` i calisí Saíí^ catéer` fí ni~ jì quiá'r- lala:

Lalab fé' Fidiéé` e casí'r- Dsea` Jmáang-:

Nisín^ n jaang` dsea` i niguiá- júu^ quié- e ná'- gui e niguo'^ fí jmigüi`
e laco' niguiar' guiá- fí lí~ ningí'^.

³ Jo fí jee~ uó^ quiú` do guicaná' coo` luu~ dsea` e fé' teá' lala:

“Jmeáang~ na' guiá- fí, co' tí lí~ nijáab' Fí'naa';

jogui nea~ na' condsée', co' 'né- e nilirøøb' fí.”

Jo jalé' e jo cajíng'- Saíí^ fí ni~ jì quiá'- Fidiéé`.

⁴ Jo lajob lí' mi~ cajá- jaang` dsea` i sií Juan e fí jee~ uó^ quiú` do; jo ie~ jo, i Juan do caseáaiñ` jmii` jaléng' dsea`, jo sí'reiñ' e 'né- qui' jíng' yaaiñ~ do fí quini` Fidiéé` jogui e nisáaiñ' do jmii`, jo lajoba' cuøøng` e íng- Fidiéé` lajalé' dsee- quiáaiñ'- . ⁵ Jo fíim' dsea` dsilíiñ- e dsinúur- júu^ e guia' i Juan do; dsilíng- jaléng' dsea` i seeng` fí Jerusalén jogui jaléng' i seeng` fí fíi` jié' lí~ se' Judea e laco' jmóoiñ' do júu^ lajii~ dsee- e nica'éer`. Jo mi~ ningí jo, i Juan do seáang` neiñ' jmii` fí dsí' gua` Jordán.

⁶ Jo i Juan do qui'r' 'mi' e lí' cóo~ jñá^ loo` jó' camello jogui 'ñúú tu'r' cóo~ coo` lo'ñutu' e lí' cóo~ loo` jó', jogui jmítaang~ 'ñia'r' cóo~ jaléng' siní' i cóøng', jogui í'r' jalé' jmí'^ ta' e dsé'r' fí jee~ mó'. ⁷ Jo lalab lí' e júu^ e guiar' jee~ jaléng' dsea` i dsilíng- dsinúur- júu^ quiá'r- do:

—Mi~ nisóong- jnea~, nijáa' jaang` i 'gøng'gui laco' jnea~; joba' jnea~ quini` i dsea` í ja` e quín'n e co' tuun` n e sáí~ i 'nií~ ñí' 'ñúú lomíir-. ⁸ Co' jnea~ nicaseán- n jaléng' 'nú' jmii` cóo~ layaang~ jmii` e laco' cuø li~ e nicaquí'- jíng' yaang~ na' fí quini` Fidiéé`; dsu' ír' mi~ nigüéeiñ-, niseáaiñ- 'nú' jmii` cóo~ Jmiguí quiá'- Fidiéé` e laco' cuø li~ e nicangíng' na' Jmiguí quiá'- dsea` do.

*Mi~ cajgáang- Jesús jmii`
(Mt. 3:13-17; Lc. 3:21-22)*

⁹ Jo ie~ jo cagüi'fí Jesús fí Nazaret e née' fí lí~ se' Galilea, jo cangór- e fí gua` Jordán e née' fí lí~ se' Judea; jo fí dsí' gua` job caseáang` i Juan do jmii` ír'. ¹⁰ Jo dsifí mi~ cagüi'fí Jesús fí dsí' jmí, cangár- e cana' cateá' fí yá'^ jmigüi'; jo lajee~ jo cajgó- Jmiguí quiá'- Fidiéé` fí yá'^ moguir~ e líng' jaang` mee~. ¹¹ Jo guicaná' coo` luu~ e jáa' fí yá'^ jmigüi` e guicajíng'- lala:

—'Nub` Joo`o i 'neáan`n eáang'; jo eáam' íaang` dsii- cóo~ 'nu`.

*Mi~ cangó- Jesús fí jee~ uó^ quiú`
(Mt. 4:1-11; Lc. 4:1-13)*

¹² Jo dsifí mi~ cangí jo, cajmée` Jmiguí quiá'- Fidiéé` e cangó- Jesús fí jee~ uó^ quiú`. ¹³ Jo fí job cajer` lajee~ tuló- jmii` fí lí~ ngí jaléng' jó' nuu'; jo lajee~ jo lamí iing` i fi' i 'líng'^ i sií Satanás e niténg' Jesús fí ni~ dsee-, dsu' ja' calí'r- fa' cajméer` lajo. Jo mi~ cangí job mi~ caguilíng- jaléng' ángeles i líng' guotíi- Fidiéé` i cangoto' fíng` dsea` do.

*Mi~ canaang` Jesús jmóor` ta~ quiá'r- fí lí~ se' Galilea
(Mt. 4:12-17; Lc. 4:14-15)*

14 Jo mi~ cangâgui lajo, mi~ nicatang' dsea` Juan i seáang` dsea` jmi~ fí dsí' 'nañí, joba' cangáng' tu Jesús fí lí se' Galilea e cangoguiar` júu` quiá'- Fidiéé` fí jo, 15 jo lalab fé'r':
—Lanab catí í' e nijaquíéeng` e nicá' Fidiéé` nifi' quiá'- lajaang` lajaang` dsea` jmi~güí'. Jo nab tí'gui e quí' jing` yaang`na' fí quini` Fidiéé` jogui íng`na' e ngocáng` ó'na' júu` quiá'r'.

*Mi~ cató'- Jesús quiúung` dsea` i jmóo` ta~ sáng` 'ñu`
(Mt. 4:18-22; Lc. 5:1-11)*

16 Jo mi~ cangâ lajo, cangó- Jesús fí lí` née' cõo` guiéé' e sii` Galilea. Jo mi~ caguiér- fí jo, lajee` e ngir' fí lí' lí' 'ni' e guiéé' do, joba' cangáin` jaang` dseañu' i sii` Tú` Simón cõo`gui jaang` rúin` do i sii` Dí'. Jo dob táain` do laji` huáain` e jmóor` ta` bí' 'máa' fí é' guiéé' e quiá'- e sáin` 'ñu'. 17 Joba' casí'- Jesús i dsea` do lala:

—'Nú' ñilíng`na' cõo` jnea~, jo latí' lana nicuøø`ø`nú' ta` e guiá'na' júu` quiá'- Fidiéé` fí jee` dsea` jmi~güí', jo líb`jiu e ta` jo la lí' ta` sáng` 'ñu'.

18 Jo dsifí mi~ canúu- i dsea` gáng- do e júu` e cajíng'- Jesús do, ladsifí lanab catúr` e 'máa' quiá'r- do jo cangolím`bre cõo` dsea` do.

19 Jo ja` huí- mi` ngolím`bir mi~ cangáng- Jesús jaang` dseañu' i sii` Tiáa` cõo`gui jaang` rúin` do i sii` Juan, jo laji` huáain` do líin` jóo` jaang` dseañu' i sii` Zebedeo, jo teáain` do fí cõo` dsí' móo' e niguiar` guiá- 'máa' quiá'r- e quiá'- nisáin` 'ñu'. 20 Jo dsifib` cató'- Jesús i dsea` do e cangolín` do cõo'r', jo ladsifí lanab cangolíng` i dsea` do cõo` Jesús; jo dob caseáain` do tiquiá'r` fí dsí' e móo' do colíng` cõo` jaléng` i dsea` i jmicõo`gui quiá'r'.

*Jaang` dseañu' i iuung` i 'ling` dsí'
(Lc. 4:31-37)*

21 Jo mi~ cangâ jo, cangolín` fí cõo` fí lí' sii` Capernaum. Jo fí jo mi~ catí e jmi~ e jmi'íng` dsea` Israel, jo Jesús ca'ír- fí dsí' guá'- quiá'- i dsea` góor` do, jo canaain` e'r` jaléng` dsea` i teáang` do ie` jo. 22 Jo dsíng'- dsí'gó` dsí' jaléng` i dsea` do dsu' e núur` jalé' e júu` e guiá' Jesús do, cõ' er' laco' jaang` dsea` i quie` nifi' e ja` 'gór', jo ja` er' laco' e jaléng` tifa' i e jalé' júu` quiu' ta` quiá'- dsea` Israel. 23 Jo ie` jo e fí dsí' guá'- dob ni'iuung` jaang` dseañu' i ni'iuung` i 'ling` dsí'. Joba' mi~ tí' lí' cangáng- i dsea` do Jesús, dsifí ladob i 'ling` do cajméer` e ca'óo' i dseañu' do jo cajín'- do lala:

24 —¿Jialí' ñijmiguín` jnea`, Jesús, dsea` seen' fí Nazaret? ¿Su cañí' e ni'íin` jnea`? Cuím`baa' 'nu, joba' ne`naa' e lin' dsea` güeang` quiá'- Fidiéé` dsea` guíng` ñifí'.

25 Joba' mi~ canúu- Jesús lajo, dsifí lanab cajín` i 'ling` i ni'iuung` dsí' i dseañu' do jo cajín'- casí'- rein` lala:

—¿Catí- í` moní', jo tiúung` i dseañu' la!

26 Jo dsifí lajob cajméé` i 'ling` do e cadseá- joñíng` i dseañu' do, jo teáb` ca'óoiñ` do mi~ cagüí' i 'ling` i ni'iuung` dsír' do. 27 Jo jaléng` dsea` i cangá- e jo ie` jo, eámam` cafóin` jo canaain` jmingí'- rúin`:

—¿I` i dsea` na? ¿Cõ' fé'r` júu` e ja` mí' ne`naa' jogui ja` 'gór' fé'r' lí' laco' jaang` dsea` i quie` nifi', jo la quie`gui jaléng` i 'ling` i teáang` dsí' dsea` náur` júu` quiá'- dsea` na!

28 Jo mi~ cangâ jo, eámam` caní'- júu` quiá'- Jesús cõo` jalé' e guiá- e jmóor` do fí latøng` lí' se' Galilea.

*Mi~ cajmi'leáang` Jesús iemisé` Tú` Simón
(Mt. 8:14-15; Lc. 4:38-39)*

29 Jo mi~ tí' lí' ca'uøøin` e fí dsí' guá'- e si' fí Capernaum do, dsifí lajob cangó- Jesús cõo` Tiáa` cõo`gui Juan fí quiá'- Tú` Simón cõo`gui Dí'. 30 Jo mi~ caguilín` fí quiáin` do, dob ráang` iemisé` Tú` Simón e iu` guím`bre, jo casí'- i dsea` do Jesús e` calí- cõo` i dseamí do. 31 Joba' Jesús cangoquíéin` fí quiá'- lí' ráang` i dsea` dséé` do, jo catíin` guóoiñ` do jo caseáang` neiñ'; jo mifíng` caráam`-biñ' do, jo ladsifí lanab caguá- e iu` guíin` jo canaain` do guiar` guiá- e quiá'- nihéin` Jesús cõo`gui i dsea` i ngí' cõo` dsea` do.

*Mi~ cajmi'leáang~ Jesús i fñing' dsea` dsée'~
(Mt. 8:16-17; Lc. 4:40-41)*

³² Jo mi~ canu~ e jmi~ jo e lico' nicadseá~ ié', cangojéeng' dsea` i fñing' dsea` dsée'~ i seeng' quiá'r~ fí' quini' Jesús, jo do quiéeng' jaléng' dsea` i teáang'~ i 'ling'^ dsí'. ³³ Jo dseáng'~ latøng~ fiib` caseáng' e o'nú^ lí~ iuung~ Jesús ie~ jo. ³⁴ Jo fñim' dsea` cajmi'leáang~ Jesús ie~ jo lí^ doñí' ee` jmohu~ e líng' dsea`, jogui fñim' bi jaléng' dsea` i niteáang'~ i 'ling'^ dsí' cajmi'leáam~ Jesús cajo; dsu' ja` cacuø'r' fí' i 'ling'^ do fa' e niféiñ' do e nijmér~ júu^ i~ i dsea` do, co' ñib` i 'ling'^ do guiá~ i~ líng' dsea` do.

*Mi~ caguiá' Jesús júu^ quiá'- Fidiéé' fí' lí~ se' Galilea
(Lc. 4:42-44)*

³⁵ Jo ná' gui e ngóo' nijneá' e uøø' jo, caróob~ Jesús jo cagüi' fi' bre e fi~ jo, jo cangór~ cangoféiñ' Ti quiá'r^ Fidiéé' fí' coo' lí~ ja' 'ga' lí' dsiling~ dsea`. ³⁶ Jo Tú^ Simón coling~ cóo'~ jaléng' dsea` i la'ó' ngí' cóo'~ Jesús cangoliñ^ cango'néem' bre dsea` do, ³⁷ jo mi~ cadséiñ' dsea` do jo casí'r~:

—Fí'naa', lajím` dsea` ngír' 'náíñ' 'nu` lana.

³⁸ Dsu' Jesús cañír' quiá'~ i dsea` do jo casí'~ reiñ' lala:

—Má~aa' fí' jalé' fi~ e néé' fí' quiá'~ gui la, jo fí' job nidsiguiá'naa' júu^ quiá'~ Fidiéé', dsuco' ta~ joba' e cagá~ jnea~ fí' jmigü' la.

³⁹ Jo lacaam` lí~ se' Galilea ngí' Jesús e guiar' júu^ quiá'~ Fidiéé' lí^ lacaang' lí~ téé~ guá'~ quiá'~ dsea` góor' dsea` Israel, jogui jmóo' bir e túu~ jaléng' i 'ling'^ i teáang'~ dsí' dsea`.

*Mi~ cajmi'leáang~ Jesús jaang' dsea` i líng' jmohu~ 'lí^
(Mt. 8:1-4; Lc. 5:12-16)*

⁴⁰ Jo lajee~ e ngí' Jesús fí' lí~ se' Galilea, cangoquiéeng' jaang' dseañu' fí' lí~ ngóor' i nilíng' jmohu~ 'lí^ fí' ngúu' táaiñ'. Jo mi~ caguiér~ quiá'~ lí~ ngóo' Jesús, joba' casí' uø~ jnir~ jo casí'r~ dsea` do lala:

—Fí'i, cuøøm` lí' jmi'leaan'^ jnea~ lajii'~ jmohu~ e lín'n song iin'~ lajo.

⁴¹ Jo Jesús calí' fí' lím~ bre i dseañu' do, joba' cagüiñ' dsea` do jo cajíñ'~:

—Iim~baa jmi'leáan^n 'nu`. jo lana ca'láam~ba' lajii'~ jmohu~ e lin'!

⁴² Jo dsifí' lajob ca'láang~ i dseañu' do, jo jo' e líiñ' jii'~ coo' jóng. ⁴³ Jo mi~ cangí' jo, ca'fiib~ Jesús júu^ i dseañu' do e nidséiñ'~, jo eáam' ca'fir~ 'goo' quiáíñ'~ do jo lalab casí'r~:

⁴⁴ —Fí' i 'nu` e jii'~ jaang' dsea` ja' ii' nifí' lajalé' e calí' na; lico' güjjeaang~ uø' fí' quini' jmidsea' lí^ laco' tñng' dsea` góo'oo' dsea` Israel, jogui líng~ ee` nigüicá'^ quiá'~ e ca'láam~ba' lí^ laco'gui ta~ caqui~' Moi~ malí~gui eáang', jo lajoba' niliñí' dsea` e nica'láam~ba' lajii'~ jmohu~ e lami~ lin'.

⁴⁵ Jo cangám'~ i dseañu' do, dsu' cajmea'bre júu^ lajím` dsea` lajii'~ e calí' do. Joba' Jesús jo lí'r' fa' ngí' guir dseáng'~ fí' lí~ teáang' dsea` eáang', jo fí' caluub' fi~ jii'~ ja'guir fí' lí~ ja' ii' 'ga' lí' dsea` jøø~ quiá'r~; dsu' car' jii'~ jo dseáng'~ dsilíim~bi dsea` i 'nó' quiá'r~.

2

*Mi~ cajmi'leáang~ Jesús jaang' dseañu' i caang~ tñ~
(Mt. 9:1-8; Lc. 5:17-26)*

¹ Jo mi~ cangí'gui tú~ 'ní' jmi~ lajo, cangám'~ tu Jesús fí' Capernaum. Jo mi~ caliñí' jaléng' dsea` e líng' jié' fí' lí~ nitáang' dsea` do, ² joba' ladsifí' lanab caseáng' fñing' dsea` e fí' 'núu' lí~ iuung~ Jesús e guiar' júu^ quiá'~ Fidiéé', jo jii'~ jo íng' gui dsea` fí' o'nú^ quiá'~ e 'núu' do, co' i 'leáam~ dsea` teáang'~ e fí' dsí' jo. ³ Jo lajee~ jo caguilíng~ quiúung~ dseañu' i dsíng' jaang'gui dseañu' i caang~ tñ~. ⁴ Jo dsuco' eáam' fñing' dsea` i teáang'~ do ie~ jo, joba' ja' cuøøng' fa' e nidsijéiñ' i dsea` dsée'~ do catí' quini' Jesús. Joba' caneáar' capí' fí' yú' 'núu' dseáng'~ e lí~ iuung~ Jesús cóo'~ jaléng' i dsea` do, jo fí' job cajgiéer~ e 'ma' lí~ dsíng' i dsea`

dsée' do cartí quini' laco' sing' Jesús. ⁵ Jo dsifí mi' calilí' Jesús jial dseáng' já' líng' jaléng' i dsea' do júu' quiá'r', joba' cajíñ' casí'r' i dsea' dsée' do lala:

—Jóo, nica'ím-baa dsee' quíi'.

⁶ Jo mi' cajíng' Jesús lajo, joba' i líng' tifa' quiá' júu' quiu' ta' quiá' dsea' Israel i teáng' do ie' jo canaaiñ' í dsír': ⁷ “¿Jial teá' dsí' i dseañu' na e fé'r' lana? Co' jalé' e fé'r' na, júu' gab' lí' fí' quini' Fidié', dsuco' dseáng' lajii' Fidié'bing' cuøng' lí' íng' dsee' quiá' dsea'.” ⁸ Jo dsu' dsifí lajob calilí' Jesús lajii' e í dsí' i dsea' do, joba' casí'-reiñ' do lala:

—¿Jiali' í áa' 'nú' lana? ⁹ ¿E' e líng' 'nú' e ja'gui huíng' nifii' i dsea' caang' tí' na? ¿Su nifii' ire: “Nica'ím-baa dsee' quíi'”, osi nifii' ire é: “Ráan' jo ngí', jo quié' uø' e 'ma' lí' dsín' na”? ¹⁰ Jo dsu' lana jnea' ni'é'e 'nú' e jneab' cagá'a fí' ñifí' e lán'n jaang' dsea' jmigüi' e oo-baa ta' fí' jmigüi' la e ni'íin'n dsee' quiá' dsea'.

Jo mi' cangí' e cajíñ' lajo, joba' casí'r' i dsea' caang' tí' do lala:

¹¹ —Jnea' fii' i 'nu', ráan' jo quié' e 'ma' lí' dsín' na jo guøng' fí' quíi'.

¹² Joba' dsifí ladob caráang' i dsea' caang' tí' do, jo cacór' e 'ma' lí' lami' dsíiñ' do la ní' jaléng' i dsea' i teáng' do ie' jo. Jo mi' cangá' jaléng' i dsea' do lajii' e calí' do, joba' lajii'm'bre cango'gó' dsír' jo canaaiñ' jmiféiñ' Fidié' jo fé'r':

—Dseáng' jii' coo' ya' ja' mí' cane'naa' lajii' e nicalí' jmii' na.

Mí' cató' Jesús jaang' dseañu' i sii' Leví
(Mt. 9:9-13; Lc. 5:27-32)

¹³ Jo mi' cangí' lajo, cangób-tu Jesús fí' 'ni' guié' e néé' fí' Galilea do. Jo lajee' táaiñ' fí' jo, dseáng' eám' dsilíng' dsea', joba' e'bre jaléng' dsea' i guilíng' do júu' quiá' Fidié'. ¹⁴ Jo lajee' e iuung' Jesús fí' ngóor' fí' lí' jié', cangáñ' jaang' dseañu' i sii' Leví, jóo' jaang' dseañu' i sii' Alfeo, e guíiñ' do fí' coo' lí' mir' cuu' e catíng' dseata' i guíng' fí' Roma, co' líiñ' do nodsicuu'. Joba' casí' Jesús i dseañu' do lala:

—Leví, má'aa' cóo' jnea'.

Jo dsifí ladob caróo' Leví jo cangó-bre cóo' Jesús.

¹⁵ Jo mi' cangí' jo, Leví cató'r' Jesús e nidsé' dsea' do e nidsihér' fí' quiáñ'. Jo fí' jo niguiing' dsea' do gø'r' colíng' cóo' jaléng' dsea' i ngí' cóo'r' jogui cóo' i fíng' dsea' i mí' cuu' quiá' dseata' guíng' fí' Roma jogui cóo' jaléng' dsea' i jíng' gui i sea' júu' i røøng' dsee' cajo. ¹⁶ Jo mi' cangá' jaléng' dsea' Israel i líng' dsea' fariseo cóo' gui jaléng' tifa' quiá' júu' quiu' ta' quiá'r' e Jesús guíiñ' gø'r' colíng' cóo' jaléng' i dsea' do, joba' cajmíng'r' i dsea' quiá' Jesús do jo casí'-reiñ' do lala:

—¿Jiali' gø' tifa' quíi' na' colíng' cóo' jaléng' 'ná' nodsicuu' cóo' gui jaléng' dsea' caguiaang' gui i sea' júu' i røøng' dsee'?

¹⁷ Jo mi' canúu' Jesús lado, joba' cañír' quiá' i dsea' do lala:

—Jaléng' dsea' i guíung' ja' 'neáiñ' tímí', dsu' jaléng' dsea' dsée'bing' i 'neáng' í. Jo jnea' ja' cagá'a fí' jmigüi' la fa' e caga'nén'n jaléng' dsea' i ée' guíu', dsu' jaléng' dsea' dsee' dsea' qui'bing' i caga'nén'n.

Mí' cajmíng' dsea' Jesús uii' quiá' jalé' ayuno
(Mt. 9:14-17; Lc. 5:33-39)

¹⁸ Jo coo' néé' cajmée' ayuno jaléng' i dsea' i ngí' cóo' Juan i seáng' dsea' jmii' cóo' gui jaléng' i dsea' i líng' dsea' fariseo. Jo lajee' jo, caguilíng' i líng' dsea' fí' lí' táang' Jesús jo cajmíng'r' dsea' do lala:

—Jaléng' i dsea' quiá' Juan i seáng' dsea' jmii' cóo' gui jaléng' dsea' fariseo jmóo'bre ayuno, jo ¿jiali' jaléng' dsea' quíi' 'nu' ja' jmóor' lajo?

¹⁹ Joba' cañí' Jesús quiá' i dsea' do lala:

—Ja' cuøng' nijmé' ayuno jaléng' dsea' i simíng' quiá' coo' lí' cung' guoo' dsea' lajee' seeng' i simíng' i cung' guo' do cóo'r'; co' lajee' siseáng' i simíng' do cóo' i dsea' simíng'

do, ja`cuøng`fa' nijmé` i dsea`simíng` do ayuno. ²⁰ Jo dsu' coob` mi` nití` í` e nisáin' i simíng` i cung' guó` do, jo joguib mi` niguiéé` jmí` e nijmé` dsea` ayuno.

²¹ Jo jíi` jaang` dsea` to'r coo` 'mi' e yúu` cóo` ca'ná' 'mi' e 'mí', dsuco' song cajméer` lajo, joba' nijóm' e 'mi' e 'mí' do jogui ni'guí'bi e 'mi' e yúu` do cajo, joba' lí' lí' jmiguiú'gui ni'guí'b` jóng. ²² Jo lajobi cajo, ja` guié' dsea` méé' e laco' gui'ná' có' fí' coo` dsí' loo` jó' e yúu`; dsuco' song cajméer` lajo, joba' ni'guí'ba' do jo nidsi'íb' e méé' do jogui ni'ím` e loo` jó' do cajo. Jo co' lajob líi', joba' guiá'gui e niguié' dsea` e méé' laco' gui'ná' có' do fí' coo` dsí' loo` jó' e 'míib`, jo lajoba' ja` dseáng` fa' e ni'guí' e loo` jó' do o'gui fa' e nidsi'íb' e méé' do cajo.

Mi` ca'éeng` dsea` quiá'` Jesús láa' quiá'` cui'iee`

(Mt. 12:1-8; Lc. 6:1-5)

²³ Jo coo` ya' ie` jmí` e jmi'íng' dsea` góo` Jesús dsea` Israel, jo caguié` dsea` do colíng` cóo` jaléng` dsea` quiá'r` fí' coo` guiee` lí' síjnea` cui'iee`. Jo jaléng` i dsea` quiá'r` do mi` cangíin' fí' jo, canaain' éeiñ` láa' quiá'` e cui'iee` e sea` do ie` jo. ²⁴ Joba' jaléng` dsea` Israel i líng` dsea` fariseo cajmíng'í'r` Jesús lala:

—Janú', ¿jialí' jmóo` dsea` quiá'` lana?, co' ja` cuøng` jmé` dsea` Israel e lana mi` jmí` e jmi'íng'naa'.

²⁵ Joba' cañí' Jesús quiá'` i dsea` do lala:

—¿Su jíi` coo` ya' ja` mí' ca'í' 'ná' fí' ni` jì' quiá'` Fidiéé` lí' fé' e` cajméé` dseata` Daví' ie` malí` do coo` ya' lajee` e jmi'aang` dsea` do cóo` dsea` quiá'r`? ²⁶ Jo ie` jo jaang` dsea` i sii` Abiatar líiñ` jmidsea` laniing`, dsu' i dseata` Daví' do ca'í` bre fí' dsí' 'n` Fidiéé` jo cagó'bre e íñí' güeang` quiá'` Fidiéé` e si'í' dseáng` lajíi` jmidsea`bing' cuøng` lí' dó'; jogui cacuø'bir cajo jaléng` i dsea` i ngolíng` gui cóo'r` do e cagóin' do.

²⁷ Jo cajíng` gui Jesús cajo:

—E jmí` e jmi'íng' dsea` cajméé` Fidiéé` e laco' nijmicóo'r` dsea` jmigüíb`, jo o' yaang` dsea` jmigüí' cagui'r` e jmí` jo e laco' nijmi'íñ'. ²⁸ Jo uí' lajoba' e jnea`, i cagüéng` fí' jmigüí' la e gá'a fí' ñiff` e lín'n jaang` dsea` jmigüí', seab` fí' quié` e e quiá'` ta` lajee` e jmí` e jmi'íng' dsea` góo` dsea` Israel.

3

Mi` cajmi'leáng` Jesús jaang` dsea` i caang` guoo`

(Mt. 12:9-14; Lc. 6:6-11)

¹ Jo mi` cangí' jo, coo` jmí` ca'íb` tu Jesús fí' coo` dsí' guá'` quiá'` dsea` góor` dsea` Israel, jo fí' job ni'iuung` jaang` dseañu' i caang` coo` guoo`. ² Jo ie` jo i fím' dsea` siteeiñ` Jesús fí' e guá'` jo e lí' laco' nijóor` su nijmi'leáng` dsea` do i dsea` dséé' do 'ña' ie` jmí` e jmi'íng' jaléng` dsea` góor` dsea` Israel, co' fíng` cajméé` dsea` do lajo, lajoba' líiñ` e nilí'r` e ni'níng` neiñ' fí' quini` dseata`. ³ Jo mi` cangáng` Jesús i dseañu' i caang` guoo` do, dsifí' lajob casí'` reiñ' do lala:

—Ráan' jo síng'` uø' e guiá'` jóo` do.

⁴ Jo mifíng` cajmíng'í'r` jaléng` i dsea` i teáng` do ie` jo, jo casí'` reiñ' do lala:

—¿E` í' óo' 'ná' e cuøng` líl' mi` jmí` e jmi'íng' jneaa`aa', dsea` Israel? ¿Su e guiá'` ofa' e ja` dseem` é? ¿Su 'né` e nijmi'leáng`naa' jaang` dsea` rú'naa' jee` jmohuí', osi e nibiing`naa'r`?

Dsu' jaléng` i dsea` do tiib` cajer'. ⁵ Jo lí' cajóom` Jesús jaléng` i dsea` i teáng` lacúng' lajíng` do, jo caligüim`bre quiáin'` do, jogui fi'í'bi cajer` cajo, co' dseáng'` ja` iing` jaléng` i dsea` do níngám'bre. Joba' lalab casí'r` i dseañu' i caang` guoo` do:

—Ní'` guoo', dseañu'.

Joba' cani'biñ' do guóor` e caang` do, jo ladsifí' lanab ca'lóo`. ⁶ Jo mi` cangá` jaléng` i dsea` Israel i líng` dsea` fariseo i teáng` do ie` jo jalé' e calí' do, dsifí' mi` tí' lí' ca'uøøíñ`

fí jo, jo canaaiñ` sáiiñ` cóo~ jaléng` dsea` quiá~ dseata` Herodes e quiá~ jial nijmér` e laco` nijngáiñ` Jesús.

Mi` caseáng` i fñng` dsea` fí` 'ni` guíeé` Galilea

⁷ Jo mi` cangí jo, cangób` tu Jesús colíng` cóo~ jaléng` dsea` quiá~ r` fí` 'ni` guíeé` Galilea, jogui i fñm` dsea` seeng` lacaang` fñ` lí` se` Galilea ngolíiñ` laco` ngóo` dsea` do. ⁸ Jo mi` caliñi` jaléng` dsea` quiá~ jalé` e guiá~ e jmóo` Jesús, i fñm` dsea` cajaliñ` cajajóoiñ` dsea` do; cajalíng` jaléng` dsea` i seeng` fí` Jerusalén, jogui lacaang` fñ` jié` lí` se` Judea, jogui lí` se` Idumea, jogui jaléng` dsea` i neáang` lí` lí` guíeé~ laco` i u` gua` Jordán, jogui jaléng` dsea` i seeng` fí` fñ` Tiro cóo~ gui fí` fñ` Sidón. ⁹ Jo casí~ Jesús i dsea` quiá~ r` do e nijméiñ` do quiji~ cóo` móo` e ni`ír` e lí` laco` ja` nicúíñ` eáang` fí` jee` i dsea` leáang` do; ¹⁰ dsuco` Jesús dseáng` i leáam` dsea` dsée~ i nicajmi`leáaiñ`, joba` jaléng` dsea` dsée~ dseáng` dsiquíeéiñ` e güim` bre dsea` do. ¹¹ Jogui jaléng` i dsea` dsée~ i jée` i ling` quiá~ laco` mi` níiñ` Jesús, dsifí` lajob` sí`r` uó~ jnir` fí` quini` dsea` do jo oor` teá` jo fé`r` lala:

—Nu` lin` i jóo` Fidiéé` camñng` do.

¹² Jo Jesús cajmi`leáam` bre i dsea` dsée~ do, jo jíim` bre i ling` do jogui quiu`reiñ` ta` e ja` niféiñ` do cuaiñ` quiá~ r` `ñia`r` fí` quini` dsea`.

*Mi` caguíng` Jesús dsea` guitúung` quiá~ r`
(Mt. 10:1-4; Lc. 6:12-16)*

¹³ Jo mi` cangí gui lajo, cajgóo` Jesús fí` cóo` yá~ móo`, jo fí` job` cató`r` i fñng` dsea` e laco` niguiñ` i jaléng` ni`uúing` dsea` quiá~ r`. Jo lajee` e nicaseáiñ` lajñiñ` e fí` yá~ móo` do, ¹⁴ caguíñ` lajee` jaléng` i dsea` i teáang` do ie` jo guitúung` dsea` i nisiñ` cuaiñ` quiá~ r` e laco` nidsiguiaiñ` do júu` quiá~ Fidiéé` jee` jaléng` dsea` jmigüi; joba` i dsea` í` calisír` dsea` apóo~, e guóng` dsea` si`neaang` quiá~ Fidiéé` i quie` júu` quiá~ r`. ¹⁵ Jogui cacuó`reiñ` do ta` e quí`r` jmi~ e ni`uóíñ` jaléng` i ling` i jée` quiá~ dsea`. ¹⁶ Jo lalab` sii` i dsea` guitúung` i ca`naaiñ` do: jaang` i sii` Simón, jo mi` cangir` cóo~ Jesús calisír` Tú~; ¹⁷ jaang` gui i sii` Tiáa` cóo~ gui jaang` rúíñ` do i sii` Juan, jo laji` huáaiñ` do líiñ` jóo` jaang` dseañu` i sii` Zebedeo, jo mi` cangir` cóo~ Jesús laji` huáaiñ` do calisír` Boanerges, e guóng` jóo` Ji` Güi`ñiá~; ¹⁸ jaang` gui i sii` Dí~, jaang` gui i sii` Lií~, jo jaang` gui i sii` Bartolomé cóo~ jaang` gui i sii` Mateo, jogui jaang` gui i sii` Mó~, jo jaang` gui i sii` Tiáa~, jóo` jaang` dseañu` i sii` Alfeo, jogui jaang` gui i sii` Tadeo cóo~ jaang` gui i sii` Simón i líng` dsea` celote, ¹⁹ jo catí` lí` cadséng` gui Judas Iscariote i cajáng` Jesús fí` jaguó` dsea` i cajnga` quiá~ r`.

*Mi` cacuó` dsea` dsee` Jesús e jmóor` ta` la`eáang` cóo~ fii` i ling`
(Mt. 12:22-32; Lc. 11:14-23; 12:10)*

²⁰ Jo mi` cangí gui lajo, calí` tu Jesús fí` cóo` dsíi` sinúu~, jo dsifí` lajob` caseáng` tu dsea` i leáang` e júi` o` cuó` fí` dó~ gui dsea` do colíng` cóo~ dsea` guitúung` quiá~ r`. ²¹ Jo mi` caliñi` i dsea` rúng` Jesús e jo, joba` cangolíiñ` e cangotéer` dsea` do ladsifí` lado, có` fé`r` e ningaam` biñ`.

²² Jogui lajobi` cajo, lalab` fé` jaléng` tifa` quiá~ júu` quiu` ta` quiá~ dsea` Israel i jalíng` catí` Jerusalén jo cajíñ`:

—La`eáang` cóo~ bí` quiá~ Beelzebú i líng` fii` jaléng` i ling`, la`eáang` í`bing` tíng` i dseañu` na e uóoiñ` i ling` i teáang` dsíi` dsea`.

²³ Joba` cató`b` Jesús jaléng` i dsea` do, jo casí~ reiñ` do cóo` júu` já~ e lafa` júu` cuento jo lalab` cajíñ`:

—¿Jial` lí` Satanás niguiñ` `ñia`r`? ²⁴ Jogui fa` dsea` i seeng` fí` cóo` fñ, jo nilí` e `ni` níng` rúíñ` lajee` la`ó` yaaiñ~, joba` ja` huóó` nité` e seeng` dsea` e fí` fñ` jo, ¿já` já~? ²⁵ Jogui lajobi` fa` cóo` sinúu` quiá~ dsea` lí` seeiñ` mí~, ja` cuó` fí` fa` e seeiñ` juguiú` fí` jo, ¿já` já~? ²⁶ Lajobi` lí` cóo~ Satanás i líng` fii` i ling` do; cofa` caliséiñ` mí~ jogui catíiñ` cóo~ i ling` i líng` la`ó` `ñia`r` do, joba` ja` røø` nigüi`ñng` quiá~ r`, có` ni`íim` bre congua` jóng, ¿já` já~?

27 Jɔgʊi lajɔbɪ cajo jɪiːˊ jaangˋ dseəˋ lɪˊr ɪrˋ fɪˊ dsɪiˊ sɪnʉuˋ e nidsɪjméerˋ ɪ̄ quiáˊˋ jaangˋgui dseəˋ ɪ bɪˋgui dsɪiˊ lacɔˊ ɪrˋ; cɔˊ laˋuuiˋ jangˋˊˋ nɛˋ e nɪˋñúmˋˊbre ɪ dseəˋ ɪ̄, jɔ jɔgʊibaˋ nɪlɪˊr e nɪjmérˋ ɪ̄ jóng.

28 Jɔ jneaˋ jmitaaˋ óoˋnaˋ e cuóømˋ lɪˋlíngˋ Fidiééˋ dseeˋ quiáˊˋ jaléngˋˊ dseəˋ uuiˋˋ quiáˊˋ jaléˋ e nɪcafjméerˋ cɔoˋˊˋgui jaléˋ e nɪcaféˊrˋ, 29 dsuˋ song ɪ̄ˋgui féˋ gaˋ uuiˋˋ quiáˊˋ Jmɪgʊí quiáˊˋ Fidiééˋ, jɔbaˋ dseángˋˊ joˋ nɪˋíimˋ Fidiééˋ dseeˋ quiáˊˋ ɪ dseəˋ ɪ̄, cɔˊ latabˋ nɪrɔiñˋ dseeˋ jóng.

30 Jɔ lanab jɪiːˊ lɪˋ júuˋ e casíˊˋ Jesús ɪ dseəˋ do ɪeˋ jɔ uíˋˋ e féiñˋˋ do e jéeˋ ɪ ˊlíngˋˋ quiáˊˋrˋ.

Miˋ cajíngˋˊ Jesús ɪ̄ niquiáˊˋrˋ jogui ɪ̄ rúíñˋˋ

(Mt. 12:46-50; Lc. 8:19-21)

31 Jɔ mɪˋ cangɪˋ jɔ, jɔ lajeeˋ e iuumˋˋbɪ Jesús fɪˊ dsɪiˊ e sɪnʉuˋ do, mɪˋ caguiéˋ niquiáˊˋrˋ cɔoˋˊˋgui jaléngˋˊ rúíñˋˋ. Dsuˋ jɪiːˊ caluubˋˋ cajéiñˋˋ do, cɔˊ eámáˋ fíngˋ dseəˋ teángˋˊ dsɪiˊ e sɪnʉuˋ jɔ ɪeˋ jɔ. Jɔbaˋ casíiñˋˋ jaangˋ dseəˋ ɪ sɪˋíˋ cangoteˊˋ Jesús. 32 Jɔ ɪ dseəˋ ɪ neángˋˊ lacúngˋˊ lajíngˋˊ lɪˋ síngˋˊ Jesús casíˊˋrˋ dseəˋ do lala:

—Nab nɪcagüéngˋˊ niquíˋˋ cɔoˋˊˋgui jaléngˋˊ rúnˋˋ dseañuˋˋ cɔoˋˊˋgui rúnˋˋ dseamɪˋ e ˋnáiñˋˋ ˋnuˋ, jɔ nab teáaiñˋˋ caluuˋˋ lana.

33 Jɔbaˋ cañíˋˋ Jesús quiáˊˋ ɪ dseəˋ do lala:

—¿ɪˋ língˋˋ ˋnúˋ ɪ língˋˋ niquiéˋˋ e jogui jaléngˋˊ rúnˋˋn?

34 Jogui cajóøiñˋˋ ɪ dseəˋ ɪ neángˋˊ lacúngˋˊ lajíngˋˊ lɪˋ guíiñˋˋ do jɔ cajíñˋˋˊ:

35 —Cɔˊ lɪˋˋ doñíˋˋ ɪ̄ dseəˋ ɪ jmóoˋ dseángˋˊ lajíˋˋ taˋ e ɪngˋˋ Fidiééˋ, jɔbaˋ ɪ dseəˋ ɪ̄bingˋˊ ɪ língˋˋ rúnˋˋn jogui ɪ̄bingˋˊ ɪ língˋˋ niquiéˋˋ e cajo.

4

Cɔoˋˊˋjúuˋˋjáˋˋ lafaˋˋ júuˋˋ cuento quiáˊˋˋ miˋˋ bɪˋ dseəˋˋ mɪjúˋˋ

(Mt. 13:1-9; Lc. 8:4-8)

1 Jɔ cɔoˋˊˋgui nééˋˋ canaangˋˊtu Jesús e eˊr dseəˋ júuˋˋ quiáˊˋˋ Fidiééˋˋ fɪˋ ˋniˋˋ e guiééˋˋ do. Jɔ dsuˋcɔˊ ɪ fíimˋˋ dseəˋ caseángˋˊtu e fɪˋ jɔ, jɔbaˋ lajeeˋ jɔ caˋlɪbˋˋtu Jesús fɪˋ dsɪiˊ cɔoˋˊˋ móoˋˋ e sɪˋ e ˋniˋˋ e guiééˋˋ do, jɔ fɪˋ jɔb caguárˋˋ lajeeˋ e jaléngˋˊ ɪ dseəˋ caguiaangˋˊ do teáaiñˋˋ fɪˋ ˋniˋˋ e guiééˋˋ do e núurˋ júuˋˋ quiáˊˋˋ do. 2 Jɔ fɪˋ jɔb canaangˋˊ Jesús caˋeˊr jaléngˋˊ ɪ dseəˋ do jmɪgʊiˋ júuˋˋ jáˋˋ lafaˋˋ júuˋˋ cuento, jɔ lalab féˊr e sɪˋr ɪ dseəˋ do:

3 —Janúˋˋ, nʉuˋˋnaˋˋ jaléˋ e nɪfáˋˋa la: Cɔoˋˊˋ yaˋˋ cagüiˋˋfɪˋ jaangˋ dseəˋ quíeˋ mɪjúˋˋ e ngojñirˋ jmaˋˋ. 4 Jɔ lajeeˋ ngóorˋ jnirˋ jmaˋˋ quiáˊˋrˋ, e língˋˋ e mɪjúˋˋ do cajíáˋˋ fɪˋ lɪˋ ngóoˋˋ fɪˋ, jɔ jɪabˋˋ cøøngˋˋ lajɔ caguilíngˋˋ taˋˋ jɔ cagóˋˋbreˋ e mɪjúˋˋ do. 5 Jogui seaˋˋbɪ e mɪjúˋˋ do e cajíáˋˋ fɪˋ jeeˋ cuuˋˋ fɪˋ lɪˋ jaˋˋ ˋleángˋˋ guóoˋˋˋ nééˋˋ; jɔ e mɪjúˋˋ jɔ lajminábˋˋ caˋiáangˋˋ, cɔˊ jaˋˋ ˋleángˋˋ ˋmɪˋˋ nééˋˋ guóoˋˋˋ; 6 jɔ dsuˋ mɪˋ cangángˋˋ ɪeéˋ, cacámˋˋ jɔ caliQuiúˋˋbˋ, cɔˊ jaˋˋ ˋgaˋˋ lɪˋ jmóˋˋ seaˋˋ quiáˊˋˋ. 7 Jɔ e língˋˋgui e mɪjúˋˋ do cajíáˋˋ fɪˋ jeeˋ ˋmatóoˋˋ, jɔ cɔˊ eáangˋˊgui cacuángˋˋ e ˋmatóoˋˋ do jɔ níúmˋˋ caˋuúingˋˋ quiáˊˋˋ e mɪjúˋˋ e caˋiáangˋˋ do, jɔbaˋ e mɪjúˋˋ do dseángˋˊ jaˋˋ e cacuøˋˋ. 8 Jogui e língˋˋgui e mɪjúˋˋ do cajíáˋˋ fɪˋ lɪˋ jloˋˋ uóˋˋ, jɔbaˋ jlobˋˋˋ cacuángˋˋ; jɔ e língˋˋ cacuøˋˋ lɪˋgui treinta lacamɪˋˋ, jogui e língˋˋgui cacuøˋˋ lɪˋgui sesenta lacamɪˋˋ, jogui e língˋˋgui cajo cacuøˋˋ latíˋˋ cien mɪˋˋ lacamɪˋˋ do.

9 Jɔ cajíngˋˊˋgui Jesús casíˊˋrˋ ɪ dseəˋ do:

—Jaléngˋˊ ˋnúˋ, dseəˋ seaˋˋ loguáˋˋnaˋ, nʉuˋˋnaˋ e júuˋˋ na.

Eˋ uíngˋˋ e cacuøˋˋ Jesús jaléˋˋ júuˋˋjáˋˋ lafaˋˋ júuˋˋ cuento

(Mt. 13:10-17; Lc. 8:9-10)

10 Jɔ mɪˋ cangɪˋ jɔ, mɪˋ cajéˋ Jesús ˋñiaˋrˋ, jɔ jaléngˋˊ ɪ dseəˋ ɪ neángˋˊ cáangˋˊ lacɔˊ guíiñˋˋ do colíngˋˋ cɔoˋˊˋ jaléngˋˊ dseəˋ guitúungˋˋ quiáˊˋrˋ cajmíngˋˊrˋ dseəˋ do e guøngˋˋ e júuˋˋ e cajíñˋˋˊ do e lɪˋ lafaˋˋ júuˋˋ cuento. 11 Jɔbaˋ cañíˋˋ Jesús quiáˊˋˋ lajaléiñˋˋ do jɔ lalab casíˊˋˋ reiñˋˋ:

—Ngámˋˋ ˋnúˋ e cuøˋ Fidiééˋ e ñíˋˋnaˋ jialcɔˊ quíeˋ Fidiééˋ nɪfɪˋ quiáˊˋˋ dseəˋ e jaˋˋ mɪˋ ñíˋ dseəˋ jmɪgʊí lamɪˋˋ jééngˋˊgui; dsuˋ jaléngˋˊgui dseəˋ ɪ jaˋˋ mɪˋ íngˋˊ júuˋˋ quiáˊˋˋ Fidiééˋ, núurˋ e júuˋˋ do

la'eáang' cóo' júu^ e lí' lafa' júu^ cuento. ¹² Co' lajob fé' fí' ní' jì' quiá'- Fidiée' cuaiñ' quiá'- jaléng' i dsea' í':

Jò dsu' nañí' fa' jialgui la jóør-, dsu' ja` ninír`,
jogui nañí' fa' jialgui la núur, dsu' ja` ningáañ',
e laco' i dsea' la'í' ja` niquí'- jíng' yaaiñ' fí' quinií-,
jò o'gui jnea~ ni'ín~n dsee- quiá'r^ cajo.

Mi~ cajíng'- Jesús e guóng' e júu^ quiá'- i dsea' bí' mijú` do
(Mt. 13:18-23; Lc. 8:11-15)

¹³ Jò cajíng'- gui Jesús casí'r- jaléng' i dsea` do:

—¿Su ja` ngáng' 'nú' e júu^ já'- e lí' lafa' júu^ cuento la? Jò ¿jial ningáng'na' e caguiee-gui do song ja` ngáng'na' e la? ¹⁴ Jò lalab guóng' e júu^ la: I dsea` i jní' e mijú` do líiñ' lafa' jaang` dsea` i jmóo` ta` guíá' júu^ quiá'- Fidiée' cuaiñ' quiá'- Dsea` Jmáang-. ¹⁵ Jò i líng~ dsea` líiñ' laco' lí' e mijú` e cajiá' fí' guíá' fí' do, co' núur` e júu^ jò, jò mi~ ningí' jò, dsifí' lajob guíeé' Satanás, jò íb` jmóo` e íim~ tu dsír' lajii' e júu^ e nicanúur- do. ¹⁶ Jò i líng~gui dsea` líiñ' laco' la lí' e mijú` e cajiá' fí' jee~ cuu~ lí' ja' 'ga' lí' guóo'~ sea', co' i dsea' í' núur` e júu^ quiá'- Fidiée' do, jò ladsifí' íaam` dsír' e íñ' e júu^ jò. ¹⁷ Jò dsuco' ja` mí' ca'íng'guir dseáng'- e ngocáng` dsír' e júu^ jò, joba' ja` huóø- té'r e já'- líiñ'; jò mi~ dsingíiñ- ee'go e huíng' osi e 'ní' ní- dsea` quiá'r- é uí' e cuíñ' Dsea` Jmáang-, joba' jgiéem- dsír' cóo'~ e júu^ jò. ¹⁸⁻¹⁹ Jogui i líng~gui dsea` líiñ' laco' lí' e mijú` e cajiá' fí' jee~ 'matóo' do, co' lico' núur` e júu^ quiá'- Fidiée' do, jò dsu' eáang'gui guíng~ dsír' jial nilí'r' jalé' e 'né-, jogui eáam` jmigóøiñ' yaaiñ' e dsináaiñ' cuu- cóo'~gui jalé' e sea' fí' jmigü' la. Jò lajaléb' e jò jmóo` e táb'tur e júu^ jò, jò ja` ee' ta` íng^ quiá'r- e já'- caliñ- e júu^ jò co' ja` ee' dsicuáng` quiá'r-. ²⁰ Dsu' i líng~gui dsea` núur` e júu^ quiá'- Fidiée' do, jò jáb' líiñ' e júu^ jò, jò guíub- uíng- quiá'r-, jò i dsea' la'í'bing' líng' laco' lí' e mijú` e cajiá' fí' lí' jlo' uó- do. Jogui i líng~gui i dsea' la'í' líiñ' laco' e mijú` e cacuo' treinta lacamí'^ do, jò i líng~gui líng' laco' e mijú` e cacuo' lí'gui sesenta lacamí'^, jogui i líng~gui líng' laco' e mijú` e cacuo' laji' cien lacamí'^ do.

Coo'gui júu^ já'- lafa' júu^ cuento quiá'- jial mi~ jmijneá' dsea' jì'
(Lc. 8:16-18)

²¹ Jogui fí' biguú' 'nú' cajo: Ja` ee' uíng~ sea' e sí' dsea` coo' candí' mi~ canuu' fí' dsír' coo' cajo osi fí' coo' lí' cóøng'~ é, dsuco' coo' lí' níib' 'né' sí' do e laco' cuóøng' jneá' guíá- fí' latøøng- sinúú'. ²² Jogui lajob lí', co' jii' coo' sea' e sí'maang' fa' e ja' tóo' jmí~ niliñí' dsea', o'gui jii' coo' júu^ e ja' mí' ní' dsea' jéeng'gui fa' ja' tóo' jmí~ e niliñír'. ²³ Joba' fí' i 'nú', i' 'nú' dsea' sea' loguá'na', núu-na' jalé' e júu^ na.

²⁴ Jò mi~ cangí' jò, lalab cajíng'- gui Jesús casí'r- i dsea` do jò cajíñ'-:

—Quié'na' cuante lajii' e nuu'na'; co' lafa' cóo'~ e guíá' 'nú' í', cóo'~ e job cajo e niguiá- Fidiée' í' ee'go nicuó'r- 'nú' jò car` jii' lí'bi lajò nicuó'r- 'nú'. ²⁵ Dsuco' i dsea' i sea' quiá'-, jmigui'guib niliñí' e nilisea', joba' lalím' nilisea' quiá'r-; jò dsu'gui i dsea' i ja' sea' quiá'-, nigüeáb' lajii' capí'^ji e sea' quiá'r- do.

Coo'gui júu^ já'- lafa' júu^ cuento quiá'- mijú` e cuaang`

²⁶ Jò cajím'-bigui Jesús cajo:

—Mí' quíe' Fidiée' nifí' quiá'- dsea', lí' la lí' quiá'- jaang` dsea' i ta' mijú' fí' nú- uó-. ²⁷ Jò mi~ ningí' e cajní'r` e mijú` do, jò nidsém'-bre fí' quiá'r-. Jò mi~ nití' tú- 'ní' jmí~ lajò, nidsí'ee-tur fí' lí' cató'r` e mijú` do, jò lacoo' jmí~ jneá' jogui lacoo' jmí~ nuu' cuaam'ba' do, dsu' i dsea' i cajní' do ja' ní'r' jial e cuaang', ²⁸ co' 'ñiab' guóo'~ uó- e jmóo` e cuaang` do: co' la'uii~ nijnéng` sá' quiá'-, jò mi~ ningí' jò nijáa' lí' quiá'-, jò mi~ cangí' joguiba' nicuó- ofí'. ²⁹ Jò mi~ lí' e nicaroo' e ofí' do, joba' nidsicu-bre, co' lí'r^ e nicatí' í' e nisítím'ba' do.

Coo'gui júu^já^- lafa' júu^ cuento quiá'- coo' mijú' e sii' mostáa^
 (Mt. 13:31-32; Lc. 13:18-19)

³⁰ Jo cajíng' gui Jesús:

—¿Jial líng-na' e lí' mi~ jaang` dsea` quie' Fidiée' nifi' quiá'r-? Jogui ¿e~ cóo'~ cuóøng` nicøøng`naa'? ³¹ Jo mi~ quie' Fidiée' nifi' quiá'- dsea, lí' lafa' e mijú' e sii' mostáa^ e jní' dsea. Jo e mijú' jo dseáng'- pí'gui lajee' lajalé' mijú' e sea' fí' jmigüü, ³² dsu' fing cajní' dsea, dseáng'- féb' eéang' cuaang', co' fé'gui eéang' lajee' lajalé' onuu', jogui cóob' guo' quiá'- uíng' cajo e cuóøng' guia' jaléng' ta' sii-re' fí' yá' jee' i'^ quiá'-.

E~ uiing~ e cajíng'- Jesús e júu^já^- do e lí' lafa' júu^ cuento
 (Mt. 13:34-35)

³³ Jo lajob ca'e' Jesús jaléng' dsea` júu^ quiá'- Fidiée' e quijgeéang` jalé' júu^ já'- e lí' lafa' júu^ cuento lí'^ cartí' califíng'- mogui~ dsea` e jo` ningáng' guir guiá'. ³⁴ Jo dseáng'- ja' e'bre dsea` júu^ quiá'- Fidiée' e ja' quiéeng' e júu^ lajo. Dsu' lajaléb' e guøng' e júu^ do jma'bre júu^ condsée' i' dsea` guitúung` quiá'r- do mi~ neáaiñ' colíing' lí' ja' seeng' dsea` jíéng'.

Mi~ cajmée` Jesús e ca'uáang- e í' gui' jogui e ca'uáang- e róo- jmii`
 (Mt. 8:23-27; Lc. 8:22-25)

³⁵ Jo 'ñaia' ie~ jmii~ jo, mi~ tí' lí' ca'í- núu^, casí'- Jesús jaléng' i' dsea` guitúung` quiá'r- do lala:

—Má-aa' fí' lí'^ lí' 'ngóo'~ cataang` e guiéé' la.

³⁶ Joba' lajob cajmээр: caseám'bre i' fíing' dsea` jo cangó-bre cóo'~ i' dsea` quiá'r- do, jo cangotáaiñ' fí' dsí' coo' móo' e nisi' do, jogui cangotáam' bigui dsea` jíéng' fí' dsí' tú- 'ní' móo' e jíe'gui, jo cangolíim'biñ' do cóo'~ cajo. ³⁷ Jo lajee' ningolíiñ- ni~ jmii'b' mi~ canaang` í' gui' e teá' eéang' jogui canaang` róo- jmii' cajo, jo catí' dsí' móob' nicanaang` dsí'a~ jmii'. ³⁸ Jo lajee' jo güim` Jesús ngóor' lí'- to'mii- e móo' do e sijnuuiñ' dse' coo' to'mi' dsíng' gui~. Joba' cangoñiñ^ dsea` do ladsifí' lado jo casí'-reiñ' lala:

—¿Tifa'! ¿Su ja' dsi'gó' o' e nicanaang` dsi'am'baa'?

³⁹ Joba' caróo- Jesús jo caquiá'r' ta~ e gui' do jo cajíñ'-:

—¿Catii'!

Jogui caquiá'r' ta~ e jmii' do jo cajíñ'-:

—¿Jmii'uáang^ uø'!

Jo ladsifí' ladob ca'uáang- e í' gui' cóo'~ gui e róo- jmii', jo tiib- ca'í' jóng.

⁴⁰ Jo mi~ cangí' jo, lalab cajíng'- Jesús casí'r- i' dsea` guitúung` quiá'r- do:

—¿Jiali' eéang' 'gó'na'? ¿Su ja' já'- mí' calím'-bi' lajúi'~ júu^ quié'e?

⁴¹ Jo mi~ canúu- i' dsea` guitúung` do lajo cafóm'bre, co' ja' ñir' jiali' cajíng'- dsea` do lado, jo canaaiñ' jmingí'- rúñ' lajee' yaaiñ' jo fé'r':

—¿I~ i' dseañu' la e la quie'gui tí' gui' cóo'~ jmii' núu'~ júu^ quiá'r-?

5

Jaang` dseañu' i' teáang' i' 'ling' dsí'
 (Mt. 8:28-34; Lc. 8:26-39)

¹ Jo mi~ cangí' jo, caguié- Jesús cóo'~ i' dsea` quiá'r- do fí' lí'^ lí' 'ngóo'~ cataang` e guiéé' do e fí' ni~ guóo'~ uø- lí' se' Gerasa. ² Jo mifíing' mi~ tí' lí' cajgáng- Jesús e fí' yá' e móo' do, cangoquiéeng' fí' lí' siñ' jaang` dseañu' i' teáang' i' 'ling' dsí'. Jo i' dseañu' do lí'^ nijar' fí' codsiib', ³ co' fí' job fí' lí' guiiñ-. Jo júi'~ jaang` dsea` ja' iì' mí' cali' fa' e nicasang'-neiñ' o'gui iì' mí' cali' fa' ni'ñúng'neiñ' cóo'~ ní' cadena cajo. ⁴ Jo jmiguiab' ya' ninicajmée' dsea` quijí- e ni'ñá'r' guotíiñ'- do cóo'~ e ní' jo, dsu' dsifí' lado fíiñ' do jo dseáng'- júi'~ jaang' ja' iì' mí' catée' quiá'r-. ⁵ Jo i' dseañu' do uøø' jmii'b' ngir' fí' lacaang' jee' mó' jogui lacaang' fí' lí' si'aang' jaléng' 'líi' e óor' jogui e jmihuíng' 'ñaia'r' cóo'~ cuu'. ⁶ Dsu' mi~ tí'

li~ cangáin~ Jesús e huím~bi, dsifí lajob cacuír, jo cangoquíeíñ' fí lí~ sing' dsea` do jo casí'r uó~ jnir~ e jmiféin' dsea` do, ⁷ jo lalab casí'r~ rein' e dsíng'~ teá' óor`:

—Jesús, Jó' Fidié~ dsea` guing~ ñifí~, ja' jmiguín'^ jnea'; jo mñ'~i 'nñ' jmi'ee~ fí quini~ Fidié~ e ja' jmihuín'^ jnea'^!

⁸ Jo cajíng'~ i dseañu'~ i iuung~ i 'ling'^ dsí' do lado, co' Jesús nicanaaiñ` quiu'r ta~ i 'ling'^ do jo cajíñ'~ lala:

—i 'ling'^, júu' lí~ iuun'~ fí dsí' i dseañu' na!

⁹ Jo casí'~ gui Jesús i 'ling'^ do:

—¿Jial sii'?

Jo cañí' i 'ling'^ i teáang'~ dsí' i dseañu' do:

—Legióm sii~, co' fí'baa'.

¹⁰ Jo i 'ling'^ do, eám' m'r Jesús jmi'ee~ e laco' ja' nisíng~ dsea` do jaléng' í fí lí~ huí~.

¹¹ Jo co' quiá'~ do nisi' coo` mó', jo e fí jo nitaang~ i fíng' cú^ e 'nó're' e gø're', ¹² joba' i 'ling'^ do camí'r Jesús fí e nidsitáaiñ'~ fí dsí' i cú^ do, jo casí'r~ dsea` do lala:

—Siing~ jnea' fí dsí' i cú^ do, jo cuø' jnea' fí e nidsitoo'~naa' fí dsí're'.

¹³ Jo cacuøb' Jesús fí jaléng' i 'ling'^ do e nijméiñ'~ do lajo, joba' ca'uøøm~biñ' do fí dsí' i dseañu' do, jo fí dsí' i cú^ i taang~ dob cangotáaiñ'~. Jo dsifí lajob canaang~ i cú^ do cuí're' fí lí~ quia~, jo cajiúng'ne' jiaá' car` catisíng'ne' fí'é' coo' guíeé', jo fí job cajgó're' jmñ' jo cajúm~bre' jaléng'ne'. Jo túb' i cú^ i taang~ do la tú~ mil.

¹⁴ Jo jaléng' i dsea` i táang' jmóo' í^ i cú^ do cacuíbre cajo, jo cangolíñ' fí lí~ neáaiñ' e ngoguiar~ júu^ quiá'~ lajii'~ e calí~ do, jogui s'bir cajo jaléng' dsea` i táang' jmóo' ta~ lacaang' lí~ cangáin'. Jo lajím' dsea` cangolíñ' cangojóør^ fí lí~ cangojéé' jalé' e jo. ¹⁵ Jo mñ' tí lí~ caguilíng~ i dsea` do fí lí~ sing' Jesús, dob niguiing~ i dseañu' i lami~ teáang'~ jaléng' i 'ling'^ dsí' do e jo e líiñ' jii'~ coo', jo nilí'bre co' nica'uøøm` lajaléng' i 'ling'^ i lami~ teáang'~ dsí' do; joba' eám' cafóng' jaléng' i dsea` do. ¹⁶ Jo jaléng' i dsea` i cangá~ jalé' e calí~ do quiá'~ e ca'uøøng' i 'ling'^ do dsí' i dseañu' do jo cangotáaiñ'~ dsí' i cú^ do, lajib' e jo cajmea'r júu^ jaléng' dsea` caguiaang~ gui. ¹⁷ Joba' jaléng' i dsea` do canaiñ' m'r jmi'ee~ Jesús e nijmihuím~ ñia'r e fí lí~ táaiñ' do.

¹⁸ Jo mñ' tí lí~ caquing'~ Jesús e ni'f'ur fí dsí' móo' e nidséiñ'~, i dseañu' i lami~ teáang'~ i 'ling'^ dsí' do camí'r Jesús fí e nidsér~ coo'~ dsea` do. ¹⁹ Jo dsu' Jesús ja' cacuø'reiñ' do fí lajo, jo lí' casí'~ reiñ' do e nidséiñ'~ fí quiá'~ bre jogui e nisí'r jaléng' dsea` sinúu^ quiá'r~ lajalé' e nicajmée' Fí'naa' coo'~ ír, jogui jial calí~ fí' líiñ' dsea` do cajo.

²⁰ Jo cangám'~ i dseañu' do i lami~ teáang'~ i 'ling'^ dsí', jo canaiñ' guiar júu^ jo s'f'r jaléng' dsea` seeng' fí lí~ se' Decápolis jalé' e guíu~ e cajmée' Jesús coo'r~. Joba' lajím' i dsea` i núu` jalé' e jo, eám' dsigá' dsí'.

Mí' cajmi'leáng~ Jesús jóo' Jairo

(Mt. 9:18-26; Lc. 8:40-56)

²¹ Jo mñ' caquing'~ tu Jesús fí lí'~ 'ngóo'~ cataang' e guíeé' do e iuiñ' dsí' móo', jo i 'leám~ dsea` i caguilíng~ tu fí lí~ siñ', jo dob caje' Jesús e fí 'ni' e guíeé' do. ²² Jo lajee' job caguié~ jaang' dseañu' i sii' Jairo i nées ni~ e guá'~ quiá'~ dsea' Israel. Jo mñ' tí lí~ cangáin~ Jesús, catúuiñ' cartí' uii' tñ' dsea` do, ²³ jo lalab casí'r~ dsea` do e m'r jmi'ee~:

—Jesús, dob ráang' Mí' quíe~ e e jñ' jii'bre, jo fa' nijgiéé' o' jnea~ niguo'^ e güquidsi' guóo' fí moguir~ e laco' ni'leáaiñ'~, jo lajoba' ja' nijúuiñ'~.

²⁴ Joba' cangób~ Jesús coo'~ dsea` do, dsu' eám' fíng' dsea` i ti'leáng' laco' ngóor' dseáng'~ e 'leng' rúm' dsea'. ²⁵ Jo jee~ i dsea` i ningolíng~ do, niquíeeng' jaang' dseamí' i nidsée'~ ningóo' m' guitu' jii' e nilíiñ' jmohuí' e tuuiñ' jmí'. ²⁶ Jo eám' nicaajmée' quiijí~ coo'~ jaléng' timí' fa' e ni'leáaiñ'~, jo eám' nica'íiñ'~ cuu~ lí' laji jii'~ e nisea' capí'^ quiá'r~, dsu' ja' e ta' íng' jii'~ coo', co' lí' lí' ngóo' fí'guib e líiñ' do. ²⁷ Jo mñ' canúur~ jial tí' 'gøng' Jesús, joba' cangoquíeíñ' fí lí'~ caluu' dsea` do lí~ ngolíng' dsea` i 'leáng' do, jo catíiñ'~

capí' sî' dsea` do, ²⁸ co' í dsíir' e fa' capíb' sî' dsea` do catíin̄, joba' ni'leáam̄ bre lajii' e jmohuí' e líiin̄. ²⁹ Jo dseáng' lajee' e guiang' e catíin̄ sî' dsea` do, joba' caquium' e tuuín̄ jmi' do, jo dsifí' lajob calilí'r' e ca'láam̄ bre lajii' e jmohuí' e lamí' líiin̄ do. ³⁰ Jo dsifí' lajob calilí' Jesús e cajmeáiñ' ta' capí' e 'gøng' quiá'r', co' lîm̄ ii' cajmilleáiñ'; joba' caji'r' nir' lí' lacaang' lí' jalíng' jaléng' dsea` do, jo lalab cajíñ' cajmingí'r' jaléng' i dsea` do:

—¿I' i catíng' capí' sî'?

³¹ Jo cañí' i dsea` guitúung' do quiá'r' lala:

—¿Jialí' jmingí' lajo, Tifa'? Ne' bî' e dseáng' sicúum' baa' ngó'naa' la, jo jmingí' bî': “¿I' i catíng' capí' sî'?”

³² Jo dsu' Jesús jî'r' nir' jii' ngó' catoo' e jóør' i' i cagüi' capí' sî'r'. ³³ Jo i dseamî' i catíng' sî'r' do ñi'bre guiá' jalé' e calí' do, joba' dseáng' e jléeiñ' eám' e 'gó'r', jo cangosí'r' uó' jnir' fí' quini' dsea` do, jo job casí'-reiñ' e dseáng' e calí' cóo'r'. ³⁴ Joba' casí' Jesús i dseamî' do lala:

—Jóo'o, uí' e jáb' calín' júu' quié' e, joba' nica'láam̄ ba' lajii' jmohuí' e lamí' lin'. Jo lana guóng' cóo' e guiá' fí' quí', co' jo' lin' e jmohuí' e lamí' lin' do.

³⁵ Jo lajee' fé' bî' Jesús e jo mi' caguilíng' cóo' tú' máng' dsea` i jalíng' fí' quiá' i dsea` i née' ni' guá' quiá' dsea` Israel do e ngojmée'r' júu' tiquiá' i simí' jiuung' i nidsée' do lala:

—Jmóo'naa' júu' 'nua' e nicajúm' jóo', jo jo' né' fa' fí' gui' i tifa' na e nidsé' guir' fí' quí'.

³⁶ Jo dsu' Jesús ja' cajmí' gó'r' lajii' e cajíng' i dsea` do, jo lalab casí'r' i fii' i née' ni' e guá' do:

—Ja' fòøn', Jairo, lico' já' güilín' júu' quié' e.

³⁷ Jo jo' cacuó' guir' fí' i fíng' dsea` i jiéng' i cangolíng' cóo'r', jo jii' Tú' Simón cóo' gui' Tiáa' jogui Juan, rúng' i Tiáa' do, jii' í'bing' i cangolíng' cóo'r'. ³⁸ Jo mi' caguilíñ' fí' quiá' i Jairo do, jo canúur' e ninéé' mí' e teáng' dsea` ta' qui' óo' dsu' e nicajúng' i jiuung' simí' do. ³⁹ Joba' casí' Jesús i dsea` do lala:

—¿Jialí' eáng' ta' na' mí' jogui jialí' jmoo'na' ta' qui'? Co' ja' sijúung' i jiuung' simí' na, co' lico' güim̄ bre.

⁴⁰ Jo dsu' mi' canúu' dsea` e cajíng' Jesús lajo, lico' cangím̄ bre dsea` do, co' ñi'bre guiá' e nicajúm̄ biñ' do. Joba' Jesús lico' cajéeiñ' jii' tiquiáb' i jiuung' simí' do cóo' gui' niquiáñ' cóo' gui' i dsea` quiá'r' i cóo'r' do, jo cangotáam̄ bre e fí' dsí' lí' ráang' i jiuung' simí' i lí' do. ⁴¹ Jo catíng' Jesús guoo' i simí' jiuung' i lí' do jo casí'-reiñ' lala:

—Talita cum — e guóng': Mí', jnea' fí' i 'nua' e niráan'.

⁴² Jo dsifí' mi' cajíng' Jesús lado, caróob' i jiuung' simí' do, jo canaaiñ' ngí'bre co' nicají' bre. Jo jaléng' i dsea` i cangá' jalé' e jo, dseáng' eám' cango'gó' dsíir'. ⁴³ Jo Jesús caquiur' ta' lahuíng' quiá' jaléng' i dsea` do e ja' ii' nisíñ' jii' jaang'. Jo mi' cangí' jo, caquiur' ta' e cangíng' i jiuung' simí' do e cagó'r'. Jo i jiuung' simí' do niningóor' guitú' jii'.

6

Mi' cangáng' tu Jesús fí' Nazaret (Mt. 13:53-58; Lc. 4:16-30)

¹ Jo mi' cangí' jo, cangám' tu Jesús fí' góor' fí' lí' cacuáñ' fí' lí' sii' Nazaret, jo cóo' bre jaléng' dsea` guitúung' quiá'r'. ² Jo mi' catí' jmí' e jmi'íng' dsea` góo' Jesús dsea` Israel, jo canaaiñ' e'r' jaléng' dsea` jalé' júu' quiá' Fidiée' e fí' dsí' guá' e si' fí' jo. Jo dseáng' i 'leáam̄ bi' dsea` i núu' júu' e guiar' do, jo eám' dsigá' dsí' dsea', joba' lalab naaiñ' síiñ' lajee' yaaiñ':

—¿Jie' fí' lí' cajmitíng' i dseañu' na jalé' e tiiñ' na? ¿Jie' lí' caguir' e tá' tíng' lir cóo' gui' jalé' e lí' e 'gøng' e jmóor' e dsigá' dsí' dsea'? ³ ¿Su' o' i nabi i líng' tí'ma' do, jóo' Yá' jogui

rúinñ' Tiáa' cóo'gui Sé' jogui Judas cóo' Simón? Jogui ¿su o' labi neáang' jaléng' rúinñ' dseam' cajo jee' jneaa'aa' la?

Jō uí' e joba' e ja' 'ga' lí iing' dsea' fa' dseáng' e cajmí'gór' dsea' do. ⁴Jōba' lalab casí' Jesús jaléng' i dsea' do jō cajíñ' :

—Doñí' jiéb' jmi'gó' dsea' jaang' dsea' i fé' cuaiñ' quíá' Fidié', lifa' ja' jmi'gór' dsea' do fí' lí' lí' góoiñ' fí' lí' caliséiñ' fí' lí' neáang' jaléng' rúinñ' o'si jaléng' dsea' sinúu' quíá'r' é.

⁵Jōba' ja' 'ga' lí cajmíe' Jesús jí' cōo' e 'gøng' e dsigá' dsí' i dsea' góor' do, cō' lico' caquidsir' guóor' fí' moguí' tú' 'ní' máng' dsea' dsé' jō lají' í'bing' i cajmí'leáaiñ'. ⁶Jō eáam' cangogá' dsí' Jesús quíá' jaléng' i dsea' góor' do, cō' dseáng' ja' já' lám'biñ' do lají' júu' quíá'r'. Jō mĩ' cang' jō, dséeb' Jesús lacaang' jalé' fí' pí' e néé' có' quíá' do e dsí'e'r' dsea' júu' quíá' Fidié'.

Mĩ' casíng' Jesús dsea' guitúung' quíá'r' e nidsiguiain' do júu' quíá' Fidié'
(Mt. 10:5-15; Lc. 9:1-6)

⁷Jō lajee' job cató'r' i dsea' guitúung' quíá'r' do jō canaiñ' s'ing'neiñ' do tá' la gáin' e nidsí'éeiñ' do dsea' júu' quíá' Fidié', jogui cacuø'bireiñ' e quí'r' jmi' cajo e quí'r' ta' quíá' jaléng' i 'ling'. ⁸Jō caqui' Jesús ta' quíá' i dsea' guitúung' quíá'r' do e ja' nicáin' do jí' cōo' fí' lí' nidsilíñ'; jí' cōo' 'ma'u'ba' 'né' só'r', jō ja' 'né' fa' nicár' nosúu' quíá'r' o'gui ir' e nidó'r' o'gui cuu' cajo. ⁹Jō jí' lomí' e ó'bre 'né' cár', cō' ja' 'né' fa' e nicá'guir' e jié' o'gui sí'r' e cō' quí'guir'. ¹⁰Jō lalab casí'r' i dsea' guitúung' quíá'r' do:

—Mĩ' nigütáang' na' fí' quíá' dsea' lí' nigüilíng' na', fí' job nijá' na' carta' nilí' lají' ta' güilíng' na'. ¹¹Jō song caguilíng' na' cōo' quíá' dsea' lí' ja' íñ' 'nú' o'gui iin' ninúr' júu' e quíe' na', joba' uøøm'ba' ladsifí' lado quíá' i dsea' í', jō bó'na' 'lee' toø' tí' na' e laco' cuø' lí' e Fidié' nicuø'r' dsea' do iihu' uí' e jō.

¹²Jō lajob' cajmíe' i dsea' guitúung' quíá'r' do, cangoguia'bre júu' jee' jaléng' dsea' e quíá' e niquí' nijíng' yaaiñ' fí' quini' Fidié'. ¹³Jōgui ca'uøøm'bir jaléng' i 'ling' i teáang' dsí' dsea' lacaang' lí' guilíñ', jogui cajmí'leáam'bir i fíng' dsea' dsé' e lico' éer' capí' aceite fí' moguíñ' do.

Mĩ' cajúng' Juan i seáang' dsea' jmí'
(Mt. 14:1-12; Lc. 9:7-9)

¹⁴Jō eáam' caní' júu' quíá' jalé' e eáang' 'gøng' e dsigá' dsí' dsea' e jmóo' Jesús. Jō mĩ' caliñí' dseata' Herodes jalé' e guíá' e jmóo' dsea' do, joba' lalab cajíñ' :

—Jangám' i nab' i Juan i lamí' seáang' dsea' jmí' i nicají'tu' jee' jaléng' 'lí', joba' eáang' tíiñ' e jmóor' jalé' e dsigá' dsí' dsea'.

¹⁵Jō i líng'gui dsea' fé'r' lala:

—Líb' i na' i café' cuaiñ' quíá' Fidié' malí'gui eáang'.

Jō i líng'gui dsea' fé'r' lala:

—Jaang'gui dsea' i fé' cuaiñ' quíá' Fidiéeb' i na, lí' laco'gui i nicajalíng' lamí' jéeng'gui.

¹⁶Dsa' mĩ' canúu' dseata' Herodes e júu' la, joba' lalab cajíñ' :

—Juan i lamí' seáang' dsea' jmí'b' i na, dsea' i nicaquí' ta' e cahuí' moguir', jō lifa' lanagui e nicají'tur' jee' jaléng' 'lí'.

¹⁷Cō' lamí' jéeng'gui do i dseata' Herodes do caqui' ta' e catáng' i Juan i seáang' dsea' jmí' do jō ca'ñúng'neiñ' cóo' ní' cadena fí' dsí' 'nú' uí' jaang' dseam' i sí' Herodías; jō i dseam' la líiñ' dseam' quíá' Lí', i rúng' dsea' ngáang' cóo' dseata' Herodes do. Jō dseata' Herodes nicajmíe'r' lafa' dseam' quíá'bre i dseam' quíá' i Lí' do. ¹⁸Jōba' lamí' jéeng'gui nicajíng' i Juan i seáang' dsea' jmí' do e casí'r' i dseata' Herodes do lala:

—Ja' dseeng' e jmé' lafa' dseam' quí' i oo' dseañu' rún' dsea' ngáang' cóo'.

19 Jo mi~ canúu~ i dseamî i sii Herodías do lado, joba' 'nib' cangáin~ i Juan do jóng, jo dseáng' iin~ nijngám'-brein' do, dsu' huim'jiu e nili'r lajo, 20 co' ñib' dseata~ Herodes guiá~ e jaang` dsea` güeang`^ líng' i Juan do jogui dseáng' røø` ír` í'` quiá'~ jaléng' dsea` cajo. Jo uí'~ joba' ja` fí' cuø` i dseata~ Herodes do fa' ee` nijmeáng' dsea` i Juan i seáng` dsea` jmî do. Jo nañi' fa' ja` 'ga' lí' ngáng' dseata~ Herodes laji'~ júu^ quiáin' do, dsu' tib' dsír' e núur` jalé' e júu^ jo e iáang` dsír'. 21 Dsu' coob` mi` tí' lí' calí'~ i dseamî i sii Herodías do mi` tí' lí' catí' coo` jmî e quiá'~ cadsí' dseata~ Herodes jii, jo cajméer` coo` jmî fé' jo cató'r~ i fíing` dsea` laniing~ i seeng` fí' lí' se' Galilea colíng` coo'~ jaléng' fii' 'lée-. 22 Jo lajee` e teáaiñ' e jmî do, calí'~ i simí' quiá'~ i Herodías do fí' dsí' sinúu^ e lí' teáng'~ jaléng' i dseañu' do e gø'r` jo cadséiñ, jo dseáng' eám' catí' dsí' i dseata~ Herodes do colíng` coo'~ jaléng' dseañu' i caguiaang`gui do e cadséeng` i simí' do. Joba' cajíng' dseata~ Herodes casí'r~ i simí' do lala:

—Mîi' jnea` lí' doñi' ee` iin'~, jo nicuø`baa.

23 Jo dseáng' cacuø`bre júu^ quiá'r~ i simí' do e nicuø`brein' do lí' doñi' ee` iin'~ do nañi' fa' condseá' uø` lí' quiu'r` ta~. 24 Joba' mi~ canúu~ i simí' do lado, jo cagüi'í'bre jo cangám'-bre fí' lí' guing` niquiá'r^ jo lalab cajming'i'r~ dsea` do:

—¿E~ nimí' i i dseata~ do, Neaa~?

Joba' cañi' i niquiá'r^ do jo lalab casí'~ rein':

—Mîi'r~ mogui~ Juan i seáng` dsea` jmî do.

25 Jo i simí' do dsifí' ladob ngó`tur güi'í' fí' lí' guing` dseata~ Herodes, jo mi~ caguiér~ fí' jo lalab casí'~ rein':

—Lana iin`n e nicuø`^ jnea~ mogui~ Juan i seáng` dsea` jmî fí' coo` dsí' huí'.

26 Jo mi~ canúu~ dseata~ Herodes lado, eám' fí' calíñ~, jo dsuco' jéem' nicacuø`guir júu^ quiá'r~ fí' quini' jaléng' i dsea` niing~ i cagó' colíng` coo'r~ do e nicuø`bre i simí' do lí' doñi' ee` iin~, joba' lajob 'né~ jmér-. 27 Joba' dsifí' ladob casíñ` jaang` 'lée- fí' lí' iuung~ i Juan do fí' dsí' 'nañi', jo caqui'u'r` ta` i 'lée- do e niquiáin'~ mogui~ i Juan do. 28 Joba' cangób~ i 'lée- do fí' dsí' 'nañi', jo cangoquiúu'bre mogui~ i Juan do, jo cacór~ e iu` fí' coo` dsí' huí', jo cajá'bre i simí' do, jo i simí' dogui cajá'r` niquiá'r^'. 29 Jo mi~ caliñi' jaléng' i dsea` i ngí' coo'~ Juan i seáng` dsea` jmî do e nicalí' lado, joba' dsifí' lajob camir' fí' e nitø`bre i 'lii' do e quiá'~ e ni'áang`neiñ'.

Mi~ cahéng' Jesús 'ñiá` mil dseañu'

(Mt. 14:13-21; Lc. 9:10-17; Jn. 6:1-14)

30 Jo mi~ cangí' jalé' e jo, caquim'tu jaléng' i dsea` guitúung` do fí' lí' cangolíñ~ e cangoguiar~ e júu^ do, jo caseám'tur coo'~ Jesús jo cajú'r` júu^ fí' quini' dsea` do cuaiñ~ quiá'~ jalé' e nicajméer` coo'~ gui jalé' e nica'er` do. 31 Jo co' dseáng' eám' seeng` dsea` fí' jo e jii' ja` jøøng` Jesús coo'~ i dsea` quiá'r~ do e co' dór~ ir~, joba' lalab casí'~ Jesús i dsea` quiá'r~ do:

—Ñilíng`na', má`aa' yee`naa' e nijmi'íng'naa' cateá' fí' coo` lí' ja` ii' 'ga' lí' dsea` ngí'.

32 Joba' calí'b~ Jesús colíng` coo'~ i dsea` guitúung` quiá'r~ do fí' coo` dsí' móo' jo cangolíñ` fí' coo` lí' ja` 'ga' lí' dsea` ngí'. 33 Jo dsu' fíim' dsea` cangáng` ír' e cangolíñ~, jo calicuim'bre dsea` do, joba' lajim' dsea` i seeng` co~ quiá'~ do cangolíñ` fí' jo, jo jéeng`guib i dsea` i caguiliñ~ laco'gui Jesús. 34 Jo mi~ tí' lí' cagüi'í' Jesús e fí' dsí' e móo' do, jo cangáin~ dseáng' i 'leám` dsea` i caseáng' fí' jo, joba' calí' fí' líim`brein' do dsuco' teáaiñ' do la teáng` jo'se" i ja` seeng` i to' fíing` í're'. Joba' canaam`bre e'r` i dsea` do jalé' júu^ quiá'r~. 35 Jo mi~ tí' lí' calóo~ e jmî jo cangoquiéeng` i dsea` guitúung` do fí' lí' sing' Jesús jo casí'r~ dsea` do lala:

—Fíi'naa', nica'lóob` la, jo e fí' lí' taang`naa' la ja` ii' dsea` seeng`. 36 I' júu^ jaléng' i dsea` na, jo güidsiliñ` lacaang` fí'jiu e née` co~ quiá'~ na e laco' nidsileáa'jiur e nidó'r~.

37 Jo lalab cañi' Jesús quiá'~ i dsea` quiá'r~ do:

—Cuøø'~ 'ná' jaléng' i dsea`na e nidó'r~.

Joba' cañí' i dsea`quíar~ do lala:

—¿ling~ 'nu' e nidsileá'naa' iñí'~ cóo'~ doscientos cuu~ denario jo nicuøø'~naa' jaléng' i dsea`na e nidó'r~?

³⁸ Jo cañí'tu Jesús quiá'~ i dsea`guitúung` quiá'r~ do jo casí'~reiñ' lala:

—¿jó' iñí'~ sí'má'~ 'ná'? Güijøø~na' jóo'~ tí'.

Jo mi~ caguijøø^ i dsea`guitúung` do jóo'~ iñí'~ tí', joba' caguo'~ júu^ e lajii'~ 'ñiáb' iñí'~ tí' cóo'~gui jii'~ gáng'~ 'ñu'.

³⁹ Jo mi~ canúu~ Jesús e jo, caquiur' ta~ i dsea`guitúung` quiá'r~ do e niguiéiñ'~ jaléng' i dsea` do tá'~ có' nibøø' fí' ni~ ñii'. ⁴⁰ Jo lajob cajméiñ' do, caguá'bre tá'~ cien cóo'~gui tá'~ cincuenta. ⁴¹ Jo mi~ nineáang' i dsea` do røø' tá'~ có' nibøø', joba' Jesús catíiñ'~ laji' 'ñiá' e iñí'~ do cóo'~gui laji' gáng'~ i 'ñu' do jo cajøør~ fí' yá'~ jmigüi', jo lajoba' cacuo'r' gui'máang'~ Fidiéé' quiá'~ jalé' e jo. Jo mi~ calí' jo, cafiim'bre e iñí'~ do jo cacuo'r' i dsea`guitúung` do quiá'r~ e laco' í'gui nijmé~ guiéé' jee~ jaléng' i dsea` do. Jogui lajobi i 'ñu' do cajo, cacuo'bre e laco' nijméiñ'~ do guiéé' cajo. ⁴² Jo lajim' i dsea` do cagó'r' ie~ jo car' calitaañ'~ guiá'. ⁴³ Jo mi~ calí' gó'r', lajiiñ' do caseáam~bi guitu'gui 'matá' e røøng' téé'~ 'ná' iñí'~ cóo'~gui 'náng' i 'ñu' do. ⁴⁴ Jo lajee' lajüng' i dsea` i cagó' do ie~ jo, tí'bre la 'ñiá' mil dseañu'.

Mi~ cangi' Jesús fí' ni~ jmii'
(Mt. 14:22-27; Jn. 6:16-21)

⁴⁵ Jo mi~ cangí lajo, caquiur' Jesús ta~ jaléng' i dsea`guitúung` quiá'r~ do e nidsitáang'~tuiñ' do fí' dsí' móo' e quiá'~ nicuóiñ'~ do e guiéé' do jéeng'guijiar laco' ír' jo niguiiñ'~ fí' cóo' fii' li~ sii' Betsaida lajee' e ii' Jesús júu^ jaléng' i dsea`caguiaang~gui do. ⁴⁶ Jo mi~ nica'fir~ júu^ jaléng' i dsea` do, cajgóo~bre fí' cóo' yá'~ mó' 'ñia'r' e quiá'~ nidsiféiñ' Fidiéé'. ⁴⁷ Jo mi~ tí' li~ canuu' e jmii' jo, catí' guiá'~ jóob' e guiéé' do ningóo' e móo' li~ teáang'~ i dsea`guitúung` quiá'r~ do. Jo fí' ni~ guóo'~ uø' quiú'bi sing' Jesús 'ñia'r'. ⁴⁸ Jo job mi~ cangár~ e jo nidsijeng' fí' røø' e móo' do, dsuco' lí' lí' cøøm' 'lea' guí. Jo mi~ tí' li~ ningóo' nijneá' cangoquiéem' Jesús fí' li~ ngóo' e móo' do li~ teáang'~ i dsea`guitúung` quiá'r~ do, jo cangíiñ' e ngí'bre fí' ni~ jmii'. Jo mi~ tí' li~ catáaiñ'~ e móo' do, cajméer' lafa' e cangím'bre. ⁴⁹ Jo mi~ tí' li~ cangá' i dsea`guitúung` do quiá'~ e ngóor' ngir' fí' ni~ jmii', joba' ca'fí' dsíiñ' do e jaang' dsea`guíb' do, joba' ca'óor' teá', ⁵⁰ co' lajim'bre cangáiñ' dsea` do, joba' eáam' cafóíñ'. Dsu' ladsifib' cañí' Jesús jo casí'r~ i dsea`guitúung` do lala:

—¡Teá' teáang' óo'na'; jneab~ la, ja' føøng'~na'!

⁵¹ Joba' ladsifí lajob cajgóor~ dsí' e móo' do, jo ladsifí ladob ca'uaang~ e í' guí cajo. Jo dseáng'~ eáam' cangogá' dsí' i dsea`guitúung` do, ⁵² co' ja' mí' cangám'~biñ' do e~ guøng' e li~ e quí'~ jmii' e cajméé' dsea` do cóo'~ e iñí'~ do, dsuco' dseáng'~ sijniab' moguiñ'~ do, jo uí'~ joba' e ja' ngáiñ'.

Mi~ cajmi'leáang~ Jesús jaléng' dsea`dséé' fí' Genesaret
(Mt. 14:34-36)

⁵³ Jo cacuo'bre cóo'~ dsea`guitúung` quiá'r~ calé'~ catú' e guiéé' do, jo caguiliñ'~ fí' guóo'~ uø' li~ se' Genesaret, jo fí' jo li~ ca'ñú'r' e móo' do fí' 'ni' e guiéé' do. ⁵⁴ Jo ladsifí mi~ tí' li~ cajgáiñ'~ e móo' do, dsifí' calicuíng' jaléng' i dsea` i seeng' do Jesús. ⁵⁵ Joba' cangi' jaléng' i dsea` do fí' la'úng' fí' li~ se' Genesaret, jo canaañ'~ jéiñ' jaléng' dsea`dséé'~ quiá'r~ i dsiing'~ ni~ 'ma' fí' li~ ñir' e táang' Jesús. ⁵⁶ Jo doñí' jié' li~ dséé' Jesús, si lacaang' fii' pí'~ osi lacaang' fii' cóo'~ osi lacaang' jenuu' é, jo dsijéeng' dsea` jaléng' dsea`dséé'~ quiá'r~ fí' jee'~ 'núu', jo mi' dsea` do jmi'ee' Jesús e fa' capí'b' sí'~bre nigüi'~ i dsea`dséé'~ do. Jo lajüng' i dsea`dséé'~ i güi' capí'~ 'ni' sí'~ dsea` do, ladsifí ladob 'láaiñ'.

7

*Jial lí' mi' jmiróng' dsea' dsee' yaaiñ~
(Mt. 15:1-20)*

¹ Jo mi' cangí jo, coo' tú' máng' dsea' Israel i líng' dsea' fariseo cóo' gui tú' 'ní' máng' tifa' quiá' júu' quiá' ta' quiá' dsea' Israel, jo jaléiñ' do jalíiñ' fí Jerusalén jo cangoquiéiñ' fí lí' sing' Jesús. ² Jo mi' cangá jaléng' i dsea' do e i líng' lajee' dsea' guitúung' quiá' Jesús gø'r e ja' mí' cajmitir~ e ru'r guóor lí' laco' qui' títng' dsea' góor' dsea' Israel, jo uí' joba' canaang' i dsea' do fé'r ga' uii' quiá' i dsea' i ngí cóo' Jesús do. ³ Co' jaléng' i dsea' fariseo do cóo' gui jaléng' dsea' Israel i caguaang' gui mí' 'noo'bi jmitir~ laco' qui' títng' 'lí' dsea' áang' quiá'r e ja' mí' dø'r ir~ fing song ja' mí' cajmitir~ e ru'r guóor' dseáng' laco' sí'í. ⁴ Jogui cajo mi' niquiñ' e dsileáar' jalé' e gø'r fí 'móo', ja' cuøng' dø'r fing song ja' mí' cajmitir~ e ru'r guóor' laco' qui' títng'. Jo jmigui'bi jalé' e qui' títng' e je' gui e 'né' nijmitir~ dseáng' laco' sí'í, fa' la e 'né' ru'r jalé' vas cóo' gui jalé' dsu' cóo' gui jalé' e jmáin' ta' e lí' ní' jogui lajobi ni' lí' güññ' cajo. ⁵ Jo uí' joba' jaléng' dsea' Israel i líng' dsea' fariseo cóo' gui jaléng' i tifa' do cajmingí'r Jesús jo casí'r dsea' do lala:

—¿Jialí' jaléng' dsea' qui' ja' náu'r fa' e jmitir~ lajii' e qui' títng' 'lí' dsea' áang' qui' naa', dsea' Israel, co' ja' ru'r guóor' laco' sí'í ná' gui e nidø'r ir~?

⁶ Joba' cañi' Jesús quiá' i dsea' do lala:

—E jáb' laco' café' jaang' dsea' i café' cuaiñ' quiá' Fidié' malí' gui eáang' i calisí Saí' mi' café'r uii' qui' 'ná' e líng' na' dsea' i jmicaang' cóo' jalé' e fó' na', co' lalab cajme' dsea' do ie' jo:

Jaléng' i dsea' na lico' fé'bre e jmi'gór' jnea' jii' cóo' layaang' júu' quiá'bre, dsu' huim' seeng' jalé' e í' dsír' do e jmi'gór' jnea'.

⁷ Dsu' ja' ee' ta' líng' quiá'r jii' coo' jialco' jmiféiñ' jnea', co' lico' jmitir~ lajii' ta' qui' dsea' jmi'güñ'.

⁸ Co' 'ná' tiuum'ba' lajii' júu' quiá' ta' quiá' Fidié' jo lí' jmití'na' dseáng' lajii' e qui' títng' la'ó' dsea' jmi'güñ'.

⁹ Jogui casí' biguir i dsea' do lala:

—'Ná', lico' jmití'na' laco' qui' títng' 'lí' yáu' qui'ba' jo dsu' ja' jmi'goo'na' laco' catíng' júu' quiá' ta' quiá' Fidié'. ¹⁰ Co' lalab cajíng' Moí' malí' gui eáang': "Jmi'goo' tiquí' cóo' niquí' ", jogui cajíng' guir: "I dsea' i cuø' júu' lí' tiquíá' osi niquíá' é, joba' í' Fidié' í' e 'né' nijúung' i dsea' la'í'." ¹¹ Jo dsu' 'ná' fó' na' e jaang' dsea' cuøom' nisí'r' tiquíá'r osi niquíá'r é: "Ja' cuøng' lí' jmicóo' o' 'nu' lana, co' lajaléb' e sea' quié' e e lí' Corbán" (jo e la guóng' e nicacuøøø Fidié'); ¹² jogui fó'bi 'ná' cajo e i dsea' i fé' lajo jo' 'né' fa' e nijmicóo' guir tiquíá'r osi niquíá'r é. ¹³ Jo mi' jmoo' 'ná' e jo e jmití'na' jalé' e júu' e casé' dsea' mí' áang' qui'na', joba' íim'ba' lajii' e júu' quiá' ta' quiá' Fidié'. Jo jmigui'bi jalé' e je' e ja' dseeng' e cuøng'jiu' røø' laco' e la e jmoo'gui 'ná'.

¹⁴ Jo mi' cangí' gui lajo, cató' tu' Jesús lajii'ng' i dsea' do jo casí'r lala:

—Ná'na' júu' quié' e lajii'ng'na', jo jmee'na' úung' e ningáng'na': ¹⁵ Jii' coo' e í' gø' dsea' cuøng' lí' jmé' e nili'liñ' fí' quini' Fidié'. Co' lí' lí' lajii' e ga' e í' dsíb' dsea', e job e jmoo' e lí'liñ' fí' quini' Fidié' jóng. ¹⁶ Joba' fii' 'ná', jaléng' 'ná' i dsi' loguá', ná'na' jalé' e júu' quié' e la.

¹⁷ Jo mi' cangí' jo, ca'í' Jesús júu' jaléng' i dsea' do, jo ca'í'r fí' dsí' sináa' cóo' lajii' dsea' guitúung' quiá'r, jo fí' jo i dsea' quiá'r do cajmingí'r reiñ' cuaiñ' quiá' e júu' na.

¹⁸ Jo lalab cañi' dsea' do quiá' i dsea' quiá'r do:

—¿Su o'gui 'ná' mí' ngám'bi' lajii' e júu' la cajo? ¿Su ja' mí' ní'na' e jii' coo' e jáa' fí' calu' cuøng' sea' lí' jmé' e nisó' dsea' fí' ga' jo e nijmi'ling' yaaiñ' fí' quini' Fidié'? ¹⁹ Dsu'co' jalé' e jo ja' dsitoo' fí' dsí' dsea', co' lajii' fí' dsí' tub' dsea' lí' ngíng' e jo, jo mi' ningí' jo, joguiba' e uøø' fí' calu'.

Jō cajíñ' lajō e laco' jmóor' júu^ e guiáb' lajaléb' e gø' dsea, jō ja' e si'li^ fí quini' Fidiée'. ²⁰ Jōgui cajím' biguir cajo lala:

—Jalé' e í dsí' dsea, jalé' e joba' uíng' e jmí'ling'^ yaaiñ' fí quini' Fidiée' dsuco' fí gab' cār'. ²¹ Dsuco' fí dsí' dsea' lí' uíng' e í dsír' jalé' e ga' fa' jalé' e la: e 'léé' dsea' e güññ' cóo' dseañu' osi dseam' i o' catíññ', jōgui jmóor' ta' jngang' dsea' rúng', jōgui jmóor' ñ' quiá' jaléng' dsea' rúññ' cajo, ²² jōgui suuiñ' jalé' e sea' quiá' dsea' rúññ', jōgui jmóor' jalé' e 'li^ e ja' dseeng', jōgui jmóor' ta' jmígoo', jōgui jmóor' jalé' ta' ja' dseeng' e sea' fí jmígüi', jōgui eáang' dsihuññ' quiá' dsea' rúññ', jōgui eáang' tí dsír' fé'r' jalé' júu^ ta' júu^, jōgui eáang' jmí'ljong'^ yaaiñ', jōgui ja' mí' ca'í' dsír' røø' cóo' jalé' e jmóor'. ²³ Jō jalé' e ja' dseeng' laba' e uøø' fí dsí' dsea, jō e joba' e jmóo' e cār' fí ga' e laco' jmí'ling'^ yaaiñ' fí quini' Fidiée'. Jō e jōb' júu^ quié'e.

*Mí' já' calíng' jaang' dseam' i ja' lñng' dsea' Israel júu^ quiá' Jesús
(Mt. 15:21-28)*

²⁴ Jō mí' cangí' jō, jō cagüi'ññ' Jesús fí jō, jō cangór' fí lí' se' Tiro cóo' lí' se' Sidón. Jō mí' caguiér' fí jō, ca'ír' fí cóo' dsí' sinúu' co' ja' iññ' e caliñ' jüi' jaang' dsea' jie' fí táaiñ'; dsu' ja' calí'r' fa' ca'méiñ', ²⁵ co' ladsifí' ladob caliñ' niquiá'^ jaang' simí' i ni'iuung' i 'ling'^ dsí' jie' fí lí' táang' Jesús. Jōba' ladsifí' ladob cangór' fí quini' dsea' do jō casí'r' uó' jñir' fí uii' tññ' do. ²⁶ Jō i niquiá'^ i simí' do seeñ' fí lí' huí'^, fí cóo' fñ' jié' laco' góo' Jesús, fí cóo' lí' sií' Sirofenicia. Jō mí' cangoquiéiñ' fí lí' sing' Jesús, jō camí'r' dsea' do fa' niguññ' i 'ling'^ i iuung' dsí' i simí' quiá'r' do. ²⁷ Jō cañí' Jesús quiá' i dseam' do lala:

—Cuø' fí e cuøøng' jaléng' jōo'bi dsea' nidó' la'uii', dsuco' ja' dseeng' e niguí' dsea' e iñí' e gø' jiuung' quiá'r' jō nicuó'r' jaléng' dsii'.

²⁸ Jōba' cañí' i dseam' do quiá' Jesús lala:

—Jáb', Fí'i, lajōb' lí', dsu' e jáb' cajo e jaléng' dsii' i teáang' uii' mes' sitím'bre' jalé' cuí' iñí' e sojiá' quiá' jōo' dsea'.

²⁹ Jōba' cañí' tu Jesús quiá' i dseam' do:

—Jáb' quií', dseam', nicuóøm' guøn'^ fí quií' lana, co' lana nicagüi'ññ' i 'ling'^ i lamí' iuung' dsí' i simí' quií' do.

³⁰ Jō cangám' i dseam' do fí quiá'r', jō mí' caguiéiñ' fí jō, cadséiñ' i simí' quiá'r' do fí ní' co'ma' e niguíum'biñ' do, co' nicagüi'ññ' i 'ling'^ i lamí' iuung' fí dsír' do.

Mí' cajmi'leáang' Jesús jaang' dsea' güñng' jōgui i ja' lí' fé'

³¹ Jō mí' cangí'gui lajō, cagüi'ññ' Jesús e fí guóo' uó' lí' se' Tiro, jō cangüññ' fí lí' se' Sidón cóo' gui jalé' fñ' e néé' fí lí' se' Decápolis, jō caguié'tur e fí lí' néé' e guiéé' Galilea do. ³² Jō fí jōb' caguíling' dsea' i jéeng' jaang' dseañu' i güñng' jōgui i ja' lí' fé'. Jō camí' jaléng' i dsea' do e fa' Jesús niquidsir' guóor' fí mogui' i dsea' dsée' do. ³³ Jōba' cajéeng' Jesús i dseañu' do fí lí' lacaang' lí' siñ' fí lí' ja' teáang' dsea' jiéng', jō catá'r' niguóor' fí dsí' tó' logua' i dseañu' do, jōgui ca'ñí'r' capí' jō cóo' capí' jme'e'r' cagüi'r' nisñ' i dseañu' do. ³⁴ Jō mí' cangí' jō, caséer' nir' fí yú' jmígüi' jō caseáang' dsír' casí'r' i dseañu' do:

—¡Efata! —e guøng': ¡Güineab' loguá'!

³⁵ Jō dsifí' mí' café'r' lajō, ladsifí' lanab cana' logua' i dseañu' do jōgui canaang' fé'bir' guiá' cajo. ³⁶ Jō caquiá' Jesús ta' jaléng' i dsea' do e ja' iñ' nisúññ' jüi' jaang'. Dsu' fa' jmigui'gui ya' e quiá' Jesús ta' e ja' niguiá' jaléng' i dsea' do júu^, eáang' gui'guiá' i dsea' do. ³⁷ Jō eáam' dsigá' dsí' jaléng' i dsea' i cangá' jalé' e jō, jō lalab' fé'r':

—Lajaléb' e jmóo' i dsea' na eáam' guiá', co' lí'bre' jmér' e ninú' tu jaléng' dsea' güñng' jōgui jmér' cajo e nifé' tu jaléng' dsea' i ja' lí' fé'.

8

*Mi~ cahéng' Jesús quiá mil dsea`
(Mt. 15:32-39)*

¹ Jò mi~ cangí jò, jò cò jmi~ caseáng' tu dsea` calé' catú' fí lí táang` Jesús, jò cò ja` sea` e nidó' guiñ' do, jòba' cató' Jesús i dsea` guitúung` quiá'r- do jò casí' reiñ' lala:

² —Eáam' fí lín` n jaléng' i dsea` na, cò' lana catí' 'ní jmi~ e taaiñ` la có' jnea~ aa' jò jji~ cò ja` e sea` dór'; ³ jogui song jnea~ niguiéen' nre fí quiá'r- e nidsihé'r` ir~, dseáam' ni'uó'r` guiá' fí, cò' seem' biñ' na e jaliñ` lí huí`.

⁴ Jò cañí i dsea` guitúung` quiá'r- do lala:

—¿Jial í óo' 'nú', Fí'naa', e cuóøng` nihéng' naa' i dsea` na? cò' fí la ja` seeng` dsea` i 'ní e gø' dsea`.

⁵ Jò cajmingí' Jesús i dsea` guitúung` quiá'r- do lala:

—¿Jó' iñí' sí'mang' 'nú'?

Jò cañí i dsea` quiá'r- do:

—E guié' ba' sea`.

⁶ Jòba' caquiá' Jesús ta~ e nigüea` jaléng' i dsea` do tá' có nibøø' fí ní uó', jogui mifíng` casá' bre laji` guié' e iñí' do jò cajóø' fí yá' e cuø'r` gui'máang' Fidié'. Jò ngí jò, cañí e iñí' do jò mifíng` cacuø'r` i dsea` guitúung` quiá'r- do, jò í guib cajmée` guié' e do jee` jaléng' i dsea` do, ⁷ jogui nisi'mam' bir jaang` gáng' 'ñu' cajo. Jòba' lajòb cajmée` Jesús cóo'iñ' do cajo, jang' cacuø'r` gui'máang' Fidié', joguiba' caquiá'r ta~ dsea` quiá'r- e nijméiñ' do guié' jee` jaléng' dsea`. ⁸ Jòba' lajim` bre cagó'r` ie~ jò car` calitaañ` guiá', jò casé' bi guié' gui' matá' e téé' jalé' 'ná' e casé' gui do. ⁹ Jò jaléng' i dsea` i cagó' ie~ jò tí' bre jiu~ ja` quiá' mil. Jò mi~ cangí e cagó'iñ' do, ca'ib` Jesús júu' e dsilíñ' do. ¹⁰ Jò ngí jò, cajgóob` Jesús calé' catú' fí ní móo' colíng` có' jaléng' dsea` guitúung` quiá'r- jò cangolíñ' fí lí se' Dalmanuta.

*Mi~ camí dsea` fariseo cò e lí e quí' jmi~
(Mt. 16:1-4; Lc. 12:54-56)*

¹¹ Jò lajee' e nitáang` Jesús fí ní guóo' uó' jò, jòba' mi~ caguilíng` dsea` góor` i líng' dsea` fariseo e canaañ` dsihuíng` júu' quiá'r- cóo' dsea` do. Jò laco' niguié'r` jial ni'níñ` dsea` do fí quini` dseata~, jòba' camí'r` dsea` do e fa' nijméiñ' do cò e lí e quí'r` jmi~, jò lajòba' nicuó' lí e Fidiéeb` dsea` casí' quiá'r-. ¹² Jòba' caseáng` dsí' Jesús e lajang', jò ngí jò cajíñ':

—¿Jialí' mñ' na' jnea~ e nijmee~ e cò lí e quí' i jmi~, cò' jnea~ dseáng' fá' baa condsee' e jji~ cò' gui lajò nijmee' e fí quini' na'?

¹³ Jò dob caseáañ` i dsea` do jò ca'ib` tur fí dsí' móo' jò cangór- lí lí 'ngóo' cataang` e guié' do.

*Jial líng' dsea` fariseo
(Mt. 16:5-12)*

¹⁴ Jò ie~ jò nica'ím` dsí' dsea` quiá'r- fa' e nicár` e nidó'r-, jò la nitíng' cò iñí' ba' niquié' guir fí dsí' e móo' do. ¹⁵ Jò cajíng' Jesús casí'r- i dsea` guitúung` quiá'r- do:

—Ñiing` óo' na' có' jalé' e e' dsea` Israel i líng' dsea` fariseo có' gui jalé' e e' dseata~ Herodes, cò' jalé' e e' jaléng' i dsea` í lí' lafa' quie' iñí'.

¹⁶ Jò i dsea` guitúung` do lí' cajer' síiñ` lajee' la'ó' yaam` bre cuaiñ` quiá' e ja` quier' iñí', ¹⁷ dsu' calilí' Jesús lajii~ e síng' i dsea` do, jòba' casí' reiñ' do lala:

—¿Jialí' fó' 'nú' e ja` iñí' quié' na'? ¿Su ja` mí cangám' bi' o' gui mí calilí' bi'? ¿Su dseáng' eáam' sijní' moguí' na'? ¹⁸ Cò' téeb' jminí' 'nú', dsu' ja` jné' na'; jogui dsí' bi' loguá' na' cajo, dsu' ja` nuu' na'. ¿Su ja` tóo' óo' na'? ¹⁹ ¿Jóo' matá' e røøng' téé' 'ná' e caseáng' gui jò casitíng' 'nú' ie~ mi~ cafiing` jnea~ 'niá' iñí' e cagó' 'niá' mil dseañu'?

Jò cañí i dsea` guitúung` do:

—Tíib' guitú do.

²⁰—Jogui mi~ cangíng jnea e guié iní^ do e cagó' laji quiá mil dsea, ¿jóo' gui 'matá e røøng téé' 'ná^ casití'na'?

Jø cañi'tu i dsea do:

—Tíib' guié'.

²¹Joba' casí' tureiñ' lala:

—¿Su ja' mí ngám'bi' latí' lana jóng?

Mi~ cajmi'leáng Jesús jaang dsea tiuung fi Betsaida

²² Jø mi~ cangíng lajò, caguiling Jesús cóo' dsea quiá'r- fi Betsaida. Jø lajee e nitaaiñ fi jø, caguiling dsea jéiñ jaang dsea tiuung fi quini Jesús, jø mi'r dsea do fa' e nigüiñ' capí' i dsea tiuung do. ²³ Joba' catíng Jesús guoo' i dsea tiuung do jø cangojéiñ fi lí' 'ni' fi. Jø cajmijmí'r^ jmini dsea do cóo' jme'e'r', jø ngí jø caquidsir guoor fi moguiñ'; jø mi~ calí jø, cajmingí'-reiñ su nilí jøø'r capí'. ²⁴ Joba' cajíng i dsea tiuung do e nicuøøm'jiá lí jøø'r jø cajíñ':

—Nimáam'baa jaléng' dsea. Jøø-ø e jnéeng lafa' 'ma' e ngí'.

²⁵ Joba' caléb' catú caquidsi Jesús guoor fi ni jmini i dsea do, jø ladsifí lanab calijné' i dsea do jø ca'laam bre, jø dseáng' røøb' nijøø'r jóng. ²⁶ Jø caquiá' Jesús ta e cangám' biñ' do fi quiá'r- jø casí'-reiñ' do lala:

—Ja' güiguiá' júu^, melé^, cóo' jalé' e cajmé' e cóo' 'nu'.

Mi~ cajíng' Tá^ e Jesús líiñ' Dsea Jmáang

(Mt. 16:13-20; Lc. 9:18-21)

²⁷ Jø mi~ cangíng lajò, Jesús colíng cóo' jaléng' dsea guitúung quiá'r- cangolíñ' lacaang jalé' fi'jiá e néé' lí se' Cesarea quiá' Filipino. Jø lajee ngolíñ' e teáiñ' fi', cajmingí' Jesús i dsea guitúung quiá'r- do lala:

—¿I' í dsí' dsea e líng' jnea'?

²⁸ Joba' cañi' i dsea guitúung do lala:

—I líng' dsea fé'r' e lin' Juan i lamí seáng' dsea jmí, jogui i líng' gui fé' e lin' Líí, jogui i líng' gui fé' e lin' jaang' gui dsea i café' cuaiñ' quiá' Fidié' malí' gui.

²⁹—Jogui 'nú', ¿i' fó'na' e líng' jnea'?

Jø cañi' Tá^ Simón quiá' Jesús lala:

—'Nub' dsea i líng' Dsea Jmáang i casíng Fidié' cuaiñ' quiá'r- e lacò' nilaan' dsea jmígüí'.

³⁰ Jø caquiá' Jesús ta i dsea quiá'r- do e ja' nifé' dsea do júu^ uii' quiá'r- fa' nisí'r dsea jíéng'.

Mi~ cajmé' Jesús júu^ e tí' nijngáng' dsea ír'

(Mt. 16:21-28; Lc. 9:22-27)

³¹ Jø coøb' mi~ canaang Jesús e'r' jaléng' dsea guitúung quiá'r- e dseáng' nisí'ím bre e ni'íñ' iihuí' dseáng' e eáng', íb' dsea i cajár fi' ñí' e líiñ' jaang dsea jmígüí', jogui e jaléng' yúu' dsea cóøng' i teáng' nifí quiá' dsea góor dsea Israel cóo' gui jaléng' fi' jmidsea quiá'r- cóo' gui jaléng' tifa' quiá' júu^ quiá' ta' quiá'r- nilí 'ni' níim bre dsea do. Jogui casí' guir i dsea quiá'r- do e nijngám' dsea ír'; jø dsu' mi~ nití' 'ni' jmí lajò, nijíb' tur calé' catú'. ³² Jø dseáng' júu^ røøb' cajmea'r i dsea guitúung quiá'r- do. Jø mi~ canúu' Tá^ Simón lajò, cajéiñ' Jesús fi' coø' lí' ja' i' núu, jø canaaiñ' jím bre dsea do. ³³ Dsu' caji'tu Jesús nir' fi' lí' caseáiñ' dsea quiá'r- i caguiaang gui do jø cajøøng neiñ', jogui cajiñ' Tá^ Simón jø casí'r lala:

—Jéeng' cáan'n, Satanás! Ja' jnín' jnea' fi', co' 'nu' ja' ngáng' lacò' jí' e í dsí' Fidié', co' lají' e lí' quiá' dsea jmígüí'ba' ní' 'nu'.

³⁴ Jø mi~ cangí jø, cató' Jesús dsea guitúung quiá'r- cóo' gui jaléng' dsea caguiaang gui jø casí'-reiñ' do lala:

—Song iì dsea` iing~ ni'uíng~ dsea` quié~ e, güitär` jalé` e lí dsír` 'ñia'r` jò güiseaiñ` lafa` crúu` quiá'r~ e laco' cuø` lí~ e guia` dsír` e nidsinghiñ` jalé` e huíng` uíi~ e líiñ` dsea` quié~ e, jò lajoguiba' ningír~ cóo'~ jnea` jóng. ³⁵ Co' lí^ doñí` iì dsea` i' dsír` e lí` bre nileáng~ 'ñia'r` jee~ jalé` dsee~ quiá'r~, jò dsu' i dsea` í conguiab` nibíiñ` fí lí~ 'lí^; jogui doñí` iì dsea` nijúuiñ~ uíi~ e líiñ` dsea` quié~ e jogui uíi~ e ni'r` júu` quiá'- jial laang` dsea` jee~ jalé` dsee~ quiá'r~, joba' i dsea` í nitíim~ bre fí quini` Fidiéé` jóng. ³⁶ Co' ¿e~ ta` íng` quiá'- jaléng` dsea` jmigüi` e seeiñ` e silí'r` jmiguiá' fí jmigüi` la song si'naam` bre lata~ cóo'~ jnea~ mi~ nijúuiñ~? ³⁷ Osi ¿jial tíí cuøng` sea` lí qui` jaang` dsea` e laco' nilí'r` nitíiñ` fí quini` Fidiéé` é? ³⁸ Co' song jaang` dsea` jmóor` i' líiñ~ uii~ quié~ e jogui uíi~ quiá'- jalé` júu` quié~ e e guiaa~ fí quini` jaléng` dsea` dsee~ dsea` qui` i ja` já'- líng` e júu` jò, joba' lajòb` jnea~ cajo, dsea` lín` n jaang` dsea` jmigüi` i jáa' fí ñifí~, nijmee~ baa` i' lín` n quiá'- i dsea` í mi` tí lí` nití` í' e nigáa` túu` calé` catú~ fí jmigüi` la e gáa` a jee~ e niing~ jì' niguó' quiá'- Fidiéé` colíng` cóo'~ jaléng` ángeles quiá'r~.

9

¹ Jogui casí'- bigui Jesús cajo jaléng` i dsea` quiá'r~ do:

—E laba' jmitaa~ óo'na' e i líng` 'nú' la'ó' teáng~ na' la jmí~ na ja` mí nijúung~ na' cartí` mi~ cangí` cangíng` na' jial nicá^ Fidiéé` nifí` quiá'- dsea` la'eáng` cóo'~ e laniing~ 'gøiñ` do.

*Mi~ calisíng~ jial jnéeng~ Jesús
(Mt. 17:1-13; Lc. 9:28-36)*

² Jò mi~ cangí`gui jñúu~ jmí~ lajò, cangó~ Jesús fí cóo` yá^ mó' e ñí', jò lajii~ Tú^ Simómbing' jéeiñ` cóo'~ gui Tiáa~ jogui Juan. Jò lajee~ e niteáaiñ~ e fí yá^ mó' do, canaang` calisíng~ jial jnéeng~ Jesús. ³ Jò calisíng~ jial lí' sí'r^ jò dseáng~ cajnéng~ e jì' jogui e tee` eáng` e jii~ jaang` dsea` ja` lí'r` sér~ tee` lado mi~ ru'r'. ⁴ Jogui cangáiñ~ Líí^ cóo'~ gui Moí~ e teáaiñ~ sáiñ` cóo'~ Jesús. ⁵ Jogui lalab cajíng~ Tú^ Simón casí'r~ Jesús:

—Tifa', jeám` iáng` dsii~ e taang~ naa' colíng` fí la! Jò majmóo'~ naa' 'ní' 'nú' jia` lí~ nitaang~ na': cóo` quií', cóo'~ gui quiá'- Moí~ jogui cóo'~ gui quiá'- Líí^.

⁶ Jò cajíng~ Tú^ Simón lajò cóo' ja` ñí'guir e~ nijíñ~, cóo' dseáng~ eám` cafóíñ` lajì` gaaiñ` do, Tú^ Simón jogui Tiáa~ cóo'~ Juan. ⁷ Jò lajee~ jòb` mi~ cajgó~ cabøø` jní' fí yá^ jmigüi', jò jee~ jòb` caquíñ` lajaléiñ` do. Jò fí jee~ e jní' do guicaná' e guicafé` dsea` lala:

—I lab Jóo'ò` i 'neáan`n eáng', jò núu~ na' lajii~ júu` quiá'r~.

⁸ Jò mi~ tí lí~ cajøø~ i dsea` gaang` do lacúng' lajíng` e lí teáaiñ` do, jii~ jaang` i dsea` gáng` do jò iì cangáng~ guir cáang` Jesús, jò jii~ 'ñiab` dsea` do cajé` guir.

⁹ Jò lajee~ cajgáiñ~ e fí yá^ mó' do, caquiá' Jesús ta~ quiá'- i dsea` gaang` do quiá'r~ e ja` niguiáiñ` do júu` lajii~ e nicangár~ do, cóo' cartí` mi~ ningí` e nijí'tu` i dsea` i jáa' fí ñifí~ i líng` dsea` jmigüi', joba' nicuøng` e nijméesiñ` do júu` quiá'- jalé` e jò. ¹⁰ Joba' lajòb` cajmée` i dsea` gaang` do, ja` caguiar` e júu` jò nañí` fa' jmingí~ bre rúíñ` lajee` la'ó' yaaiñ~ e~ guóng` e jíng~ dsea` do e nijí'tur calé` catú~. ¹¹ Jò lalab cajmingí~ i dsea` gaang` do Jesús:

—¿Jialí' fé' jaléng` tifa' quiá'- júu` quiá' ta~ quií`-ii', dsea` Israel, e Líí^bing' 'né~ nijáa` tur nifí` fí jmigüi` la?

¹² Joba' cañí' Jesús quiá'- i dsea` quiá'r~ do, jò lalab casí'- reiñ` do:

—E jáb~ e nifí` nijáa` tu Líí^, jò íb` dsea` i niguiá~ guiá~ lajalé`. Jò ¿jialí' fé' fí ni~ jì` quiá'- Fidiéé` e jnea~, dsea` lín` n jaang` dsea` jmigüi` i jáa' fí ñifí~, guím` ba' 'né~ e nicaa~ iihuí` e eáng` cartí` nijngáng~ dsea` jnea~? ¹³ Dsu' jnea` fá` a e fí~ i 'nú' e nicajáb~ Líí^, jò cajméeb` dsea` la tíí` e já~ dsír` cóo'~ dsea` do lí^ laco'gui la fé' fí ni~ jì` quiá'- Fidiéé` e nisisí` e nidsingíng~ dsea` do.

*Mi~ cajmi'leáng- Jesús jaang` siming` i iuung- i 'ling` dsí`
(Mt. 17:14-21; Lc. 9:37-43)*

14 Jo mi~ cangá jo, caquing`- Jesús cóo~ Tú^ Simón jogui Tiáa~ cóo~gui Juan fí lí táang` jaléng` dsea` guitúung` quiá'r- i caguiaang`-gui do, jo cadséiñ` dsea` do jee~ cabøø~ jaléng` dsea` jiéng`, jogui i liing` tifa' quiá'- júu^ quiu' ta~ quiá'- dsea` Israel teáaiñ` sáíñ` cóo~ jaléng` i dsea` do. 15 Jo mi~ tí lí~ cangáng- jaléng` i dsea` do Jesús, ladsifí ladob cangojmijíñ` dsea` do e féng` neiñ` jogui dseáng`- eáam` dsigá` dsíur' cajo. 16 Joba' lalab cajmingí`- Jesús i dsea` quiá'r- do:

—¿E~ teáang` 'nú' jmoo`na' cuee` júu^ cóo~ jaléng` i dsea` do?

17 Joba' cañíi' jaang` lajee` i dsea` fíing` do lala:

—Tifa', lab niseen` jaang` jóo`o, jo i 'lím` iuung` dsíur', jo nicajméiñ` do e ja` lí fé' jóo`o, 18 jo doñí' jié' sim' jóo`o, jmoo` i 'ling` i iuung` dsíur' do e quiñ' fí ni~ uó^; jogui uøø` ja' fí mo'oor-, jogui tur` majar-, jo dseáng`- i' teá` guotír-. Joba' nicamí` i i dsea` quií'- na fa' e niguíñ` i 'ling` na, dsu' ja' mí' cali'r'.

19 Joba' cañíi' Jesús quiáiñ`- do lala:

—iDseáng`- ja` ja`- lím` 'nú' júu^ quié`-e! ¿Lí~ jmí~ e nilínú~na' dseáng`- lajang`- júu^ quié`-e? Jogui ¿lí` tí` jmí~ nijmee` e té' e cóo~ 'nú'? Nijéng`na' fí la i siming` na.

20 Joba' cangojéeng` i dsea` do i siming` i dsée` do fí quini` Jesús. Dsu' mi~ tí` lí~ cangáng` i 'ling` i iuung` dsíur' i siming` do Jesús, dsifí ladob cajméiñ` do e cadseá`-tu joñíng` i siming` do, jo caquím`-biñ' do fí ni~ uó^ e beár-, jogui e uøø` ja' fí mo'oor-. 21 Joba' cajmingí`- Jesús tiquiá' i siming` do:

—¿Lí` lajii`- líng` i siming` quií'- e la?

Joba' cañíi' i tiquiáiñ` do quiá'- Jesús:

—Latí' jii`- mi~ jiuum`-biñ` líiñ` lana; 22 jo jmiguiab` ya' nicajméiñ` e nicabíng`-neiñ` fí ni~ j` jogui fí dsíur` jmí` e laco' nilí'r` nijngáng`-neiñ`. Joba' mí`-naa' 'na` jmí'ee` fa' 'na` bí` nilí' nijmi'leáan`-re, fí~ güilín` jnea` jo jmicóo`- jnea`.

23 Joba' cañíi' Jesús quiá'- i dsea` do lala:

—¿E lí~ song lí`baa fó' 'na`? ¿Cò' lajib` cuøøng` sea` lí` jmee` jnea` quiá'- i dsea` i ja`- líng` júu^ quié`-e!

24 Joba' cañíi' tiquiá' i siming` i dsée` do e teá`:

—jáb`- líng` jnea` júu^ quií'-, Fíi'naa', jogui jmicóo`- jnea` e laco' ja`-gui nilín`n e jo!

25 Jo mi~ cangá- Jesús e eáam` ngóo` seáng` dsea` fí jo, joba' cajíiñ` i 'ling` i iuung` dsíur' i siming` do jo casí'r- lala:

—Dsea` 'ling` i jmoo` e ja` lí` fé' jogui ja` lí` nú` i siming` na, jnea` quiá'`-na` ta~ e nijúu` lí` iuun`- dsíur' i siming` na, jogui e jo` quí'- jmí~ fa' e ni`ú`-tu' calé' catú`.

26 Jo dsifí lajob ca'oo` teá` i 'ling` do, jo cajméiñ` do e cadseáb`-tu joñíng` i siming` do. Jo mi~ cangá joguiba' cagüi`-hiñ` do fí lí` iuuiñ`-, dsu' i 'ling` do caseáaiñ` i siming` do dseáng`- lafa' 'lím`-biñ` e lí` laco' lajüng` dsea` do nifé'r` e cajúm`-biñ' do. 27 Dsu' Jesús ladsifí ladob catíiñ` guoo` i siming` do, jo caseang`-neiñ`; jo caráam` i siming` do jo casím`-bre.

28 Jo mi~ cangá jo, ca'í- Jesús fí dsíur' sinúu^ cóo~ dsea` guitúung` quiá'r-, jo fí jo i dsea` quiá'r- do cajmingí'r- dsea` do lajee` la'ó` yaaíñ`:

—¿Jiali' jnea` ja` cali'-naa' fa' caguíng`-naa' i 'ling` i iuung` dsíur' i siming` do?

29 Joba' cañíi' Jesús quiáiñ`- do jo cajíiñ`-:

—I 'ling` i lado líb` ni`uóíñ`- dsu' la'eáang` cóo~ e féng` dsea` Fidié` jogui jmóor` ayuno.

*Mi~ cajmé`-tu Jesús júu^ e nijnga'- dsea` quiá'r`
(Mt. 17:22-23; Lc. 9:43-45)*

30 Jo mi~ ca'uøøiñ` e fí jo, cangám`-tur fí lí~ se' Galilea. Jo dsu' Jesús dseáng`- ja` iim`-bre fa' e caliñí' jii`- jaang` dsea` jie` fí lí~ táaiñ`, 31 cò' iíñ` e e'r' lajii`- i dsea` guitúung` quiá'-bre. Jo lajee` táaiñ` fí jo, lalab sí'r` jaléng` i dsea` quiá'r- do:

—E laba' fñi' i 'nú' e jnea~ i cagüéng' fí jmiügüi' la i jáa' fí ñifi' e lín'n jaang' dsea' jmiügüi', jo 'né'ba' e nijám' dsea' jnea' fí quini' dsea' i 'ní' ní' quié' e cartí' nijngáin' jnea~; jo dsu' mi' ningf' 'ní' jmiü~ lajo, nijib'túu calé' catú'.

³² Dsu' ja' cangáng' i dsea' guitúung' do e uing' e cajíng' Jesús lado, jogui 'gó'bir cajo fa' e nijmingi'r' dsea' do.

¿I' i laniing-gui fí quini' Fidié'?

(Mt. 18:1-5; Lc. 9:46-48)

³³ Jo mi' cangf' jo, jo mi' tí' lí' caguiling' tur fí Capernaum, jo cangñiñ' fí dsí' sinúu'. Jo mi' niteáaiñ' fí jo, lalab cajmingi'r' Jesús i dsea' guitúung' quiá'r' do:

—¿E' e ñilíng' 'nú' jüing' na' lacue' guiá' fí?

³⁴ Jo mi' canúu' i dsea' guitúung' quiá'r' do lado, lí' cajer' tiib', dsuco' lajee' teáaiñ' do fí e jalíñ' sáiñ' e i' i laniing-gui lajee' la'ó' yaaiñ'. ³⁵ Joba' caguáb' Jesús jo cató'r' i dsea' guitúung' do quiá'r' jo casí' reiñ' do lala:

—Song i' dsea' iin' e líñ' dsea' laniing-gui, joba' güi'í' dsí' e íb' i dsea' i catí' lí' dséng-gui, jogui íb' dsea' cajo i nijmé' jalé' ta' quiu' jaléng' dsea' jiéng' e 'né' jmér'.

³⁶ Jo mi' cangf' jo, casíng' Jesús jaang' jiuung' pi' fí guiá' jóo' lí' teáaiñ' do, jo casaiñ' i jiuung' do jo cataiñ' cuéer', jo casí'r' i dsea' quiá'r' do lala:

³⁷ —I dsea' i íng' i jiuung' la la'eéang' cóo' jnea~, lajob cajo íñ' jnea~; jogui i dsea' i íng' jnea~, güiñi'bre guiá' e o' jii' jnea' íñ', co' lajob cajo íñ' Tiquié' e dsea' guing' ñifi', dsea' casíñ' jnea' fí jmiügüi' la.

I dsea' i ja' 'ní' nung' jneaa'aa' sitáam'bre cóo' jneaa'aa'

(Lc. 9:49-50; Mt. 10:42)

³⁸ Jo mi' cangf' jo, e lab cajíng' Juan casí'r' Jesús:

—Tifa', jnea' nicanem'baa' jaang' dseañu' i jmóo' ta' uøøng' jaléng' i 'ling' la'eéang' cóo' 'na', jo co' ja' ngi'guir colíing' cóo' jneaa'aa', joba' nicajníim'baa' quiá'r' e nijmér' lajo.

³⁹ Joba' lalab cañi' Jesús quiá' i dsea' quiá'r' do:

—Ja' jñing' na' quiá' i dsea' do, co' ja' seeng' jii' jaang' dsea' i nijmé' coo' e lí' e dsigá' dsí' dsea' la'eéang' cóo' jnea~, jo mi' nilicøøng'gui lajo nifé'r' ga' uii' quié' e. ⁴⁰ Co' i dsea' i ja' fé' ga' uii' qui' i', joba' cóo' jneaa'aa' sitáaiñ'. ⁴¹ Jogui i' dsea' i cuø' 'nú' fa' lab coo' vas jmiü' uii' e 'nú' líng' na' dsea' quié' e, joba' jnea' jmitaa' óo' na' e seab' guié' quiá'r' mi' nitá' fí jmiügüi' coo'.

Jial dseéang' e nijiuung' dsea' fí ni' dsee'

(Mt. 18:6-9; Lc. 17:1-2)

⁴² Jogui song i' dsea' jmóor' jial e niténg' fí ni' dsee' doñi' i' i jiuung' lala i nijá' líng' júu' quié' e, joba' guiá' guib' ni'uíng' quiá' i dsea' í' e nidsibíng' 'ñia'r' fí é' jmiü' e guinee' coo' cuu' 'loo' fí moluur'. ⁴³ Jo song guóo' nijmé' e nitén' fí ni' dsee', joba' quiúu' jóng; co' guiá' gui qui' e nitáang' fí jmiügüi' la cóo' coob' guóo', jo ja' guien' fí lí' 'lí' fí lí' coo' jì cóo' lajì tú' guóo' mi' nitá' oor' qui'. ⁴⁴ Co' e fí jo jo' tóo' jmiü' fa' e nijúung' gui jaléng' jóo' o' gui fa' e niyu' gui jì. ⁴⁵ Jogui song tii' nijmé' e nitén' fí ni' dsee', joba' quiúu' jóng; co' guiá' gui qui' e nitáang' fí jmiügüi' e jlúun' e laco'gui e niguøn' cóo' lajì tú' tii' fí lí' 'lí' ⁴⁶ fí lí' teáang' jóo' i ja' tóo' jmiü' nijúung' jogui fí lí' coo' jì e jo' tóo' jmiü' yu'. ⁴⁷ Jogui song jminí' jmóo' e nitén' fí ni' dsee', joba' gui jóng; co' guiá' gui qui' e Fidié' quier' nifí qui' e ja' sea' coo' jminí' e laco'gui téeb' lajì tú' jminí' niguøn' fí lí' 'lí' ⁴⁸ fí lí' teáang' jóo' i ja' 'mó' sea' quiá' jogui fí lí' coo' jì e ja' tóo' jmiü' yu'.

⁴⁹ Jo ligüeang' jaléng' dsea' quié' e la'eéang' cóo' jalé' e huíng' e dsingñiñ' lí' laco'gui ligüeang' jalé' feá' la'eéang' cóo' ñi' jogui jì. ⁵⁰ Jo eám' íng' ta' jalé' ñi', jo dsu' song ca'íng' lajii' e ñi' do, joba' ¿jial nili' 'nú' nijmee' na' e niliñi' tu calé' catú'? Joba' fñi' i

'ná' e güi'uíng-na' laco' lí' ñi~ e guiá- do, jo güiliseeng-na' juguiá- júu^ røø` lajee` la'ó' rúng-na'.

10

Mi~ ca'e' Jesús quiá'- mi~ tiúung- dsea` rúin'

(Mt. 19:1-12; Lc. 16:18)

¹ Jo mi~ cangí jo, cagüi'íb' Jesús fí Capernaum jo cangó-tur fí guóo'~ uó- li~ se' Judea jogui e fí guóo'~ uó- e née' lí' lí' guié~ laco' iu~ gua' Jordán. Jo fí job caseáng'tu jaléng' dsea, jo canaain' e'r jaléng' i dsea` do júu^ quiá'- Fidié~ lí' laco' litíin' do. ² Jo lajee` jo cangoquiéeng' jaang` gáng- dsea' Israel i líng' dsea' fariseo fí lí' sing' Jesús e lí' laco' niguié'r' jial ni'níin' dsea` do fí quini` dseata~. Joba' cajmingí'r- dsea` do e su seab` fí e nitiúung- dseañu' dseamí quiá'r- . ³ Joba' lalab cañi' Jesús quiá'- i dsea` do:

—¿E~ ta~ caquiú' Moi~ e nijmee-na' quiá'- e jo?

⁴ Jo jaléng' i dsea` do cañi'r lala:

—Moi~ cacuøbre e líb' jaang` dseañu' nitiúuin' dseamí quiá'r- lífa' 'né- seáin' coo` mají li~ fé' lajo.

⁵ Joba' cañi' Jesús quiá'- i dsea` do lala:

—Moi~ cacuø' e júu^ jo, co' ñir' e dseáng'- eáang' ue' óo' 'ná'. ⁶ Jo dsu' lajii'~ ie~ mi~ catiroo` jmigüí, “Fidié~ cajmeáain' dseañu' cóo'~ gui dseamí”. ⁷ “Jo uí'~ e joba' e cúng' dseañu' guóor' jo 'naain' quiá'- sejmii'r' e laco' niliseeiñ' colíng' cóo'~ dseamí quiá'r- . ⁸ Jo lajì huáain' do lafa' jaam`bre nica'uíin' jóng.” Joba' jo` tí'guir gáng- dsea, co' lafa' jaam` dsea' ca'uíin' . ⁹ Co' Fidié~'bing' caguiá' uing~ e nicúng' dsea' guóor', joba' jo` cuøng` fa' e nitiúung- gui dsea' rúin' mi~ nicangí e cacúng' guóor'.

¹⁰ Jo mi~ cangí jo, jo ca'íb-tu Jesús fí dsí' sinúu' colíng' cóo'~ dsea' guitúung` quiá'r- , jo lajee` jo calé' catú- cajmingí i dsea' quiá'r- do cuaiñ' quiá'- e júu^ e ngóo' do. ¹¹ Joba' Jesús cañi'r quiá'- i dsea` do lala:

—Ii` dseañu' i tiúung- dseamí quiá'- jo cúin' guór' cóo'~ dseamí i jiéng', joba' ée`bre dsee- fí quini' Fidié~ uii~ quiá'- i dseamí la'uii~ do; ¹² jogui song jaang` dseamí catiúuin' dseañu' quiá'r- jo cacúin' guóor' cóo'~ jaang` gui dseañu', joba' ée`bre dsee- cajo fí quini' Fidié~.

Mi~ cajmigüeang' Jesús jaléng' jiuung~

(Mt. 19:13-15; Lc. 18:15-17)

¹³ Jo lajee` jo fíim' dsea' cangojéin' jiuung~ quiá'r- fí lí' táang` Jesús e laco' niquidsi' dsea` do guóor' fí moguiñ' e laco' niligüeain' do, dsu' i dsea' guitúung` quiá'- Jesús do canaain' jím-bre jaléng' i dsea' i dsijéng' jiuung~ quiá'r- fí do. ¹⁴ Jo mi~ cangá' Jesús e jo, eámam' caliguiñ- jo lalab casí'r- i dsea' quiá'r- do:

—Cuøø'na' fí e jalíng- jaléng' i jiuung~ na fí quini- jo ja` jnáng'~na' quiá'r- , dsuco' Fidié~'bing' i quie' nifí quiá'- jaléng' i dsea' i líng' laco' i jiuung~ la. ¹⁵ Jo dseáng'- fá'baa e ii` ja` iing~ ni'íng' e Fidié~ nicá' nifí quiá'r- laco' gui íng' jaang' jiuung~, joba' ja` too` jmí e Fidié~ nicá' nifí quiá'r- cajo.

¹⁶ Jo mi~ cangí jo, casáng' Jesús lajaang` lajaang` i jiuung~ do, jo catain' güea' lajaléin' do e lico' caquidsir' guóor' fí moguiñ'.

Mi~ casíng- jaang` dseañu' i sea` cuu- cóo' Jesús

(Mt. 19:16-30; Lc. 18:18-30)

¹⁷ Jo mi~ cangí jo, lajee` e ná' gui ni'í Jesús fí e nidsér- fí iuuiñ- , ladsifí ladob caguié- jaang` dseañu' i cuíi, jo casí'r- uó- jnir~ fí quini` dsea` do jo cajmingí'r- dsea` do lala:

—Tífa' i guiá- dsí', ¿e~ 'né- nijmee~ jnea~ e laco' nilí' i e niliseen- cøng` cóo'~ Fidié~ car` ngongí jmí?

¹⁸ Jo cañi' Jesús quiá'- i dseañu' do lala:

—¿Jialí' fi' jnea~ e guiá~ dsii~? E jáb~ dseáng~ jaam` dsea` guiúng~ i seeng~, jo íb` Fidié~. ¹⁹ Jo niñi' lajii' júu` quiu' ta' quiá~ Fidié~: “Ja` jngan' dsea` rún~; ja` lee' e nigüñ' cóo~ dseañu' osi dseamf` i o' quií~; ja` jmée' ñ; ja` cá' júu` e o' já' e en' jaléng' dsea` rún~; ja` jmigóon' dsea` rún~; jogui jmi'goo' tiquí' cóo~ niquí'.”

²⁰ Jo cajíng' i dseañu' do lala:

—Tifa', lajaléb' e jo nicajmiti~baa latí' jii' mi~ simím'baa.

²¹ Jöba' cajóøng` Jesús i dseañu' do e íang` dsíir', jo cañír` quiáin' do lala:

—Coo'gui sea` e 'né` fñ` i 'nu` e 'né` quií~: guóng' jo güi'ñi~ lajalé' e sea` quií~, jo e nilí' do nijmée' guié` jee~ jaléng' dsea` tiñíng~. Jo lajoba' nilisea` juguiá` quií~ fi' ñifí~ mi~ nití~ fi' jmigüi' cóo'. Jo mi~ ningf` e nijme' e nicafñ` i 'nu` na, jöba' nea~ jo ningí' cóo~ jnea~.

²² Jo dsu' mi~ canúu~ i dseañu' do lado, eáam' fi'í' calíin~; jo jo` íang` dsíir' cangáin' fi' quiá'r~, co' líiin' jaang` dsea` i eáam' sea` cuu~.

²³ Jo mi~ cangf` jo, cajóø` Jesús lacúng' lí` siñ', jo casí'r~ i dsea` guitúung` quiá'r~ do lala:

—Eáam' huíng' lí' quiá~ jaléng' dsea` sea` cuu~ e nijáng' yaaiñ~ fi' quini~ Fidié~ e laco' dsea` do nicá` nifí' quiá'r~!

²⁴ Jo mi~ canúu~ i dsea` guitúung` do lala, eáam' cangogá` dsíir'. Jo dsu' caléb'tu casí'r` Jesús i dsea` quiá'r~ do lala:

—Joo'o, jeáam' huíng' e ni'ing' dsea` e Fidié~ nicá` nifí' quiá'r~! ²⁵ Co' ja'gui huíng' quiá~ jaang` jó' camello e ningíng` ne' fi' dsí' tó' jmini~ quiá~ mocuu~ 'mí' 'mi' e laco'gui jaang` dsea` sea` cuu~ nilí'r' e ni'ín' e Fidié~ nicá` nifí' quiá'r~.

²⁶ Jo mi~ canúu~ dsea` guitúung` quiá'r~ e jo, eáang'gui b cangogá` dsíir', jo canaaiñ` jmíngí' rúin' lajee' la'ó' yaaiñ~ lala:

—Jo ¿i' i nilí' e nileáin' jee~ jalé' dsee~ quiá'r~?

²⁷ Jöba' cajóøng` Jesús i dsea` do, jo cañír` quiáin' lala:

—Huím' lí' quiá~ jaléng' dsea` jmigüi', dsu' ja' lí' lajo quiá~ Fidié~, co' lajib` quií~ dsea` do jmíi' lí' jmér~.

²⁸ Jo mi~ cangf` jo, Tú` Simóngui canaaiñ` s'í'r` dsea` do lala:

—Fí'naa', jnea' nicatú'baa' lajaléb' e sea` quií'naa', jo joguiba' cangí'naa' cóo' 'nu'.

²⁹ Jöba' cañíi' Jesús quiáin' do:

—Dseáng' e já' e fñ` i 'nú' e doñí' i i` i catú' jalé' e sea` quiá~ osi góor` osi ca'naaiñ` quiá~ jaléng' rúin' osi quiá~ tiquí'r` niquí'r` osi quiá~ jaléng' jóor` osi catúr' jalé' uó~ quiá'r~ dsu' uíi' e ca'ín' jnea~ jogui uíi' e ni'r' júu` quiá~ jial laang` dsea` jee~ jalé' dsee~ quiá'r~, ³⁰ jöba' i dsea` í' ni'ím'bre fi' jmigüi' la cien née'gui e jmiguiá' quiá~ jalé' e catúr' do, nañí' fa' gab` jmáng' dsea` ír'; jogui mi~ nití~ fi' jmigüi' cóo', ni'ím'bre e seein' cóøng` cóo~ Fidié~ lata~ cajo. ³¹ Jo i líing~ dsea` i líing~ e niin~ eáang' fi' jmigüi' la, jo dsu' í'bing' jii' capí' ja' ee` niing~ mi~ nití~ e í' jo. Jo dsu' i líing~ dsea` i líing~ e ja' ee` niin~ jii' capí' fi' jmigüi' la, jo í'bing' i eáang'gui nilíniing~ mi~ nití~ e í' jo.

Mí' catí' 'ní'ya' e cajíng' Jesús e nijnga' dsea` quiá'r~

(Mt. 20:17-19; Lc. 18:31-34)

³² Jo mi~ cangf` jo, iuung~ Jesús fi' e ngóor' fi' Jerusalén colíng~ cóo~ dsea` quiá'r~, jo 'ñiab' Jesús ngóor' nifí' ie~ jo, jo caluu'gui lajo ngolíng~ dsea` guitúung` quiá'r~, jo i dsea` la eáam' dsigá` dsíir'. Jo caluu' i dsea` guitúung` do ngolíng~ dsea` quiá'r~ caguiaang~gui, jo i dsea` la dseáng' 'gó'bre. Jo Jesús ca'naam'bre calé' catú~ cóo~ i dsea` guitúung` quiá'r~ do jo casí'r` reiñ' do lajii' e nidsijéé' cóo'r~ jo lalab cajíin':

³³ —Jo lí' laco' jii' e la móo~ 'nú' jmíi~ na, lana ningóo'naa' fi' Jerusalén, jo fi' fñ` jöb lí' nijáng' dsea` jnea~, dsea` cagá~ a fi' ñifí' e líin'n jaang` dsea` jmigüi', jo fi' jaguó' jaléng' fii~ jmidsea` quiá~ dsea` góo'baa' cóo'gui fi' jaguó' jaléng' tifa' quiá~ júu` quiu' ta' quií'baa' lí~ nijáin' jnea~ jo nicuó'r~ jnea~ dsee~ e dseáng' 'né~ nijúum'baa; jo nijáin' jnea~ fi'

jaguó`dsea`i ja`línɡ`dsea`góo`naa`dsea`Israel, ³⁴jə`nilóøm`bre`jnea~, jə`gʊi`ni`ñíñ`jnea~, jə`gʊi`nijmihuñíñ`jnea~ cartí`nijngám`bre`jnea~; dsə`mí`nisúung`ni`jmí`lajə, nijíb`túu`calé`catú`.

Mí`camí`Tiáa`cə`Juan`cə`jmí`ee`

(Mt. 20:20-28)

³⁵Jə`mí`cangí`jə, cangoquiéeng`Tiáa`cə`gʊi`Juan`fí`lí`sing`Jesús, jə`lají`huáaiñ`do`líiñ`jóo`jaang`dseañu`i`sií`Zebedeo, jə`lalab`cajínɡ`i`dsea`do`casí`r`Jesús:

—Tífa`, ií`naa`e`nijmití`cə`jmí`ee`lají`e`nimí`naa`'nu`.

³⁶Jə`ba`cañí`dsea`do:

—¿E`iing`na`e`nijmicə`o`'nú`?

³⁷Jə`ba`cañí`i`dsea`gáng`do`quíá`Jesús:

—Cuøø`jnea`e`nití`naa`fí`ñífi`quí`mí`niguiing`tu`fí`jə`e`ni`ié`naa`jaang`lí`lí`dséé`jə`gʊi`jaang`lí`lí`tuung`.

³⁸Jə`ba`cañí`Jesús`quíaiñ`do`lala:

—'Nú`jii`ja`ñí`na`lají`e`mí`na`na. ¿Su`línɡ`na`e`nité`na`lají`e`iihuí`e`nijaquiéeng`quíé`e`jə`gʊi`e`nité`na`e`nijmeáng`dsea`'nú`ga`lí`laco`gʊi`nidsingíng`jnea`?

³⁹Jə`ba`cañí`i`dsea`gáng`do`quíá`Jesús`lala:

—Lí`baa`.

Jə`ba`cajínɡ`tu`Jesús`casí`reiñ`:

—E`jáb`e`'nú`nimó`na`iihuí`cajə`lí`laco`gʊi`nimoo`jnea~, jə`gʊi`e`gab`nijmeáng`dsea`'nú`lí`laco`gʊi`nijmeáng`dsea`jnea~; ⁴⁰jə`dsə`e`nigüéá`dsea`lí`lí`dséé`osi`lí`lí`tuung`é`laco`gʊi`n, ja`jnea`catín`n`fa`e`nicuøø`e`jə, cə`nigüéá`fí`jə`jaléng`i`dsea`i`nisi`línɡ`i`niñíng`e`jə.

⁴¹Jə`mí`tí`lí`canúu`i`dsea`quíá`Jesús`i`gúing`gʊi`do`e`cajméé`Tiáa`cə`gʊi`Juan`lajə, jə`ba`eám`caliguiñ`quíaiñ`do. ⁴²Jə`dsə`Jesús`cató`bre`jaléng`i`dsea`guitúung`do`quíá`r`jə`casí`reiñ`lala:

—Niñí`'nú`gʊiá`e`jee`jaléng`dsea`i`ja`cuíng`Fidiéé`seeng`jaléng`dseata`i`quíu`ta`quíá`jaléng`dsea`, jə`jaléng`i`dsea`i`quíu`ta`do`eám`sili`r`cə`e`ta`líiñ`do. Jə`lajəb`lí`cajə`cə`jaléng`dseata`dsea`féng`i`quíé`nifí`quíá`jaléng`dsea`, cə`laguidseam`quíu`r`ta`quíaiñ`do. ⁴³Jə`dsə`ja`cuøøng`e`nidsijéé`lajə`jee`'nú`, cə`ii`i`iing`i`nicá`nifí`jee`'nú`, í`bing`i`'né`nijmé`ta`jmí`cə`quíá`i`caguiang`gʊi; ⁴⁴jə`gʊi`ii`i`iing`i`nijmé`e`niing`gʊi`jee`'nú`, í`bing`i`'né`jmé`jalé`ta`huí`jee`jaléng`i`caguiang`gʊi`e`ja`jmiféng`'ñia`r'. ⁴⁵Jə`lajəb`'né`jmér`, cə`lajəb`ta`cagá`jnea`cajə, jnea`dsea`cagá`a`fí`ñífi`e`lín`n`jaang`dsea`jmigüí; cə`jnea`ja`cagá`a`fa`e`jmóo`dsea`ta`fí`quinií`, cə`jnea`cagá`a`e`laco`nijmicə`o`jaléng`dsea`jmigüí`jə`gʊi`e`laco`nijáang`'ñia`a`e`nijúun`n`e`laco`nileáng`fíng`dsea`jmigüí`jee`jalé`dsee`quíá`r`.

Mí`cajmi`leáng`Jesús`jaang`dsea`tiuung`i`sií`Bartimeo

(Mt. 20:29-34; Lc. 18:35-43)

⁴⁶Jə`mí`cangí`jə, caguié`Jesús`cə`dsea`quíá`r`fí`Jericó. Jə`lajee`e`uøøiñ`e`fí`jee`fii`jə`colíng`cə`dsea`quíá`r`cə`gʊi`i`fíng`gʊi`dsea`i`jiéng`cajə, jə`jaang`dsea`tiuung`i`sií`Bartimeo, jóo`jaang`dseañu`i`sií`Timeo, gʊiñ`'ni`fí`e`jmóor`ta`mí`cuu`. ⁴⁷Jə`ba`mí`tí`lí`calilí`i`dsea`tiuung`do`e`quíá`ningóo`Jesús`dsea`seeng`fí`Nazaret, jə`ba`canaaiñ`óo`bre`jə`fé`r`lala:

—Jesús, dsea`siju`dseata`Daví`, fii`güilín`jnea`!

⁴⁸Jə`i`fíim`dsea`cajiiñ`i`dsea`tiuung`do`e`laco`jə`nifé`gʊiñ`do`lado, jə`dsə`i`dsea`tiuung`do`lí`lí`teá`gʊi`canaaiñ`ám`bre`dsea`do`jə`café`tur`lala:

—Jesús, dsea`siju`dseata`Daví`, fii`güilín`jnea`!

⁴⁹Jə`ba`Jesús`caquium`bre`fí`iuuiñ`jə`cajín`:

—Jéeng`na're fí la.

Joba' catób' jaléng` i dsea` i ngolíng` cóo` Jesús i dsea` tiuung` do jo casí` reiñ' do lala:

—Cuøø` bí uø' jo ráan`, co' dob tø` Jesús 'næ`.

⁵⁰ Joba' cab' caquiéer` e 'mi' jlíiñ` do, jo lico' ca'ím`bre jo caguiéer` catí` quini` Jesús.

⁵¹ Joba' cajmingí` Jesús i dsea` tiuung` do lala:

—¿E` iing` 'næ` e nijmee` e quíi`?

Joba' cañí` i dsea` tiuung` do quiá` Jesús lala:

—Tifa`, iin`n e nijmée` e nilijné`baa.

⁵² Joba' cañí` Jesús quiá` i dsea` tiuung` do lala:

—Nícuøøm` guøñ` náng, co' nica`láam`ba' uíi` e jáb` calín` júu` quié`e.

Jo ladsifí` lado calijné` i dsea` do, jo cango`leáam`bre laco' ngóo' Jesús lajii` fí iuung` dsea` do.

11

Mi` ca'í` Jesús fí jee` fi` Jerusalén

(Mt. 21:1-11; Lc. 19:28-40; Jn. 12 :12-19)

¹ Jo mi` cangí` jo, mi` tí lí` niteaaiñ` quiá` jee` fi` Jerusalén jo e fí lí` née` e fi` e sii` Betfagé cóo` gui e fi` e sii` Betania, quiá` fí mó` e sii` Olivos, jo fí jo casíng` Jesús gáng` lajee` dsea` guitúung` quiá`r`, ² jo lalab casí`r` i dsea` do:

—Güiling`na' e fí fi` pí` e née` quini` na, jo mi` nigüitáang`na' fí jee` fi`, nimáang`na' jaang` bú` iee` i sing'` 'ñúung` e jii` jaang` dsea` ja` ii` mí` caguá` fí mocóo`re'. Jo síng`na're' jo tee`na're' fí la. ³ Jo song` ii` dsea` jín` sí`r` 'nú` jiali'` jmoo`na' lana, joba' síi`na're' e ta` quíi` Fíi`baa', co' 'neám`bre i jó` la cateá`, jo mi` ningí` jo, nijajeaam`ture' calé` catú` fí ée` quiáa`re'.

⁴ Joba' lajob` cajmée` i dsea` gáng` quiá` Jesús do; cangolíim`bre, jo mi` cangotáaiñ` fí jee` fi`, cangáin` jaang` bú` i sing'` 'ñúung` fí jee` 'núu` cáang` o'nú` quiá` cóo` 'núu`, joba' casim`bre i bú` do lí` laco' ta` sinú`r` quiá` Jesús.

⁵ Jo i líng` dsea` i cangá` mi` casing'` i dsea` do i bú` do cajíñ`:

—¿E` gui jmoo` 'nú', dsea`? ¿Jiali'` síng`na' i bú` na?

⁶ Joba' cañí` i dsea` gáng` do jo casí`reiñ' lajii` júu` e nicasí` Jesús ír` lamí` jéeng`gui; joba' calí`bre catø`r` i bú` do. ⁷ Jo catø`bre i bú` do fí lí` sing'` Jesús jo caguiar` sí`r` fí mocóo` i bú` do, jo mifíng` caguáb` Jesús. ⁸ Jo fíim` dsea` cani`r` sí`r` lacuee` guiá` fí, jogui seem`bi dsea` caquiú`r` guo'` 'ma` e jia` jo caguiar` guiá` fí cajø. ⁹ Jo jaléng` dsea` i ngolíng` nífi` cóo` gui i jalíng` cøøng` canaaiñ` óor` teá` jo fé`r` lala:

—¡Majmifém`baa` i dsea` güeang`na` i jáa` fí ñíff` cuaiñ` quiá` Tiquí`ii` dsea` guíng` fí jo! ¹⁰ Co' nica`tí` í` e nijáa` i dsea` síju` quiá` dsea` áang` quí`ii` i calisí` Daví` do i sílíng` e níquiá` ta` quiá` dsea` jmígüí. ¡Majmiféng`naa' jogui majmi`goo`naa' Fidié` dsea` guíng` ñíff`!

¹¹ Jo mi` caguié` Jesús fí jee` fi` Jerusalén, cangó`r` fí dsí` sinúu` guá` fé` quiá` dsea` góor` dsea` Israel e sí` fí jo; jo cajøø`r` fí la fí na e fí jo, jo mi` cangí` jo, cangó`tur` fí Betania colíng` cóo` i dsea` guitúung` quiá`r` do, co' nica`lóob` iee` jo.

Coo` 'ma` güiñí` e ja` dsi` güiñí` quiá`

(Mt. 21:18-19)

¹² Jo mi` cajneá` e jmíi` jo, mi` tí lí` ca'uøøiñ` fí Betania, cadseá` jmi`aang` Jesús.

¹³ Jo lajee` e teáaiñ` fí, huíim`bi cangá` Jesús e gui` cóo` 'ma` güiñí` e dsi` má`; joba' cangojóø`r` catí` quiá` su dsi` güiñí` quiá` e 'ma` do, dsu` ja` ee` cadsé`r` jii` cóo` mi` tí lí` caguiéer`, dseáng` lajii` má`ba' dsi`, co' o' jii` e dsi` güiñí` iee` jo. ¹⁴ Joba' café` Jesús quiá` e 'ma` güiñí` do lala:

—Jii` jaang` dsea` jo` nidø` guir` güiñí` quií`.

Jo canúub` dsea` guitúung` quiá` Jesús e café`r` lajo.

*Mi' ca'uóøng` Jesús jaléng` dsea` i jmóo` ta` 'n#í` fí` dsí' guá'-
(Mt. 21:12-17; Lc. 19:45-48; Jn. 2 :13-22)*

15 Jo mi' cangí e caguiling` tur fí` Jerusalén, job mi' ca'í` tu Jesús fí` dsí' sinúu` guá'- fé'` quiá'- dsea` góor` dsea` Israel, jo canaaín` uóøm` bre jaléng` dsea` i niteáng` ta` 'n#í` jogui` ta` láa' e fí` dsí' sinúu` guá'- do, jogui` canaaín` jím` bre jalé'` mes` quiá'- jaléng` i dsea` i neáng` ta` jmifíing` cuu` quiá'- jaléng` dsea` jogui` mes` quiá'- jaléng` dsea` i neáng` ta` 'n#íng` mee` cajo. 16 Jo dseáng`- jo` cacuø'r` fí` júi` jaang` dsea` fa' e nidsica` guí` dsea` fí` dsí' sinúu` guá'- júi` coo` e 'n#ír'. 17 Jo lalab canaaín` e'r` jaléng` i dsea` do ie` jo:

—Lalab fé'` Fidié` fí` ni` jì` quiá'r` : “Fí` dsí' sinúu` quié` e la íng` ta` e jmiféng` dsea` jnea` lí'` lajaléng` dsea` i seeng` fí` la'úng` fí` jmigüí'”; dsu'` 'nú'` guí` nicajmee` na' e 'núu` la lafa' too` lí` neáng` jaléng` íb`.

18 Jo jaléng` fii` jmidsea` quiá'- jaléng` dsea` Israel cóo` guí` jaléng` tifa'` quiá'- júu` quiu'` ta` quiá'- dsea` Israel canúu` bre júu` quiá'- Jesús, jogui` canaaín` 'nó'r` jial` nijngáín` dsea` do, co'` góm` bre dsea` do, co'` dseáng`- eám` dsi'` gó` dsí' jaléng` dsea` quiá'- lajúi` e e'` dsea` do. 19 Jo mi' tí` lí` ca'í` núu`, cagüí` íb` Jesús colíing` cóo` dsea` quiá'r` e fí` jee` fii` jo.

*Mi' caliquiá' e 'ma` güñí'` do
(Mt. 21:20-22)*

20 Jo mi' cajneá` e jmü` coo` guí` do e la'ee`, cangíng` tu Jesús cóo` dsea` quiá'r` fí` lí` guí` e 'ma` güñí'` do, joba' cangár` e nicaliquiá'` ba' do catí` jmó` quiá'- . 21 Jo job mi' tí` lí` cadseng` dsí'` Tú` Simón, joba' casí'r` Jesús lala:

—Tifa', íng` na` jøø` e 'ma` güñí'` e café'` ga` uii` quiá'- lado guíe` : Nicaliquiá'` lana.

22 Joba' cañí` Jesús quiá'- Tú` Simón:

—Já'` güiling` na' lajúi` júu` quiá'- Fidié`. 23 Dseáng`- e já'` ba' fí` i` 'nú` e doñí` ii` i` nijíng`- e nisi'` e mó'` la: “jéeng`- 'nú` fí` na` jo güiteáng` uø'` fí` 'ni'` jmiñí'`”, jo song coo` ba' í` dsí'r` jogui` já'` líiñ` e lajúi` e nicafé'r` do dseáng`- nilitib~, joba' lajob` nilí` jóng. 24 Joba' fá'` guí` e fí` i` 'nú'` e lajalé'` e mi'` 'nú'` lajee` e føng` na' Fidié`, jo song já'` líng` na' e nica'ím` ba' e jo, joba' lajob` nilí` jóng. 25 Jogui` mi'` føng` na' Fidié` cajo, song ja` guí` seeng` na' cóo` i` líng` dsea` rúng` na', íng` na' dsee` uii` quiá'- i` dsea` í, jo lajoba' Tiquí'` na' dsea` guíng` ñifí` ni'ím` bre dsee` qui` na' cajo. 26 Jogui` song 'nú'` ja` íng` na' dsee` quiá'- dsea` rúng` na', joba' lajob` nijmé` Tiquí'` na' dsea` guíng` ñifí` cóo` 'nú'` cajo, ja` ni'íiñ` dsee` quií` na'.

*I` quiu'` ta` Jesús e jmóor` jalé'` e jmóor`
(Mt. 21:23-27; Lc. 20:1-8)*

27 Jo mi' cangí` guí` lajo, caquim` tur fí` Jerusalén. Jo lajee` e ngí` Jesús fí` sinúu` guá'- fé', jo cangoquiéeng` fí` lí` siñ'` jaléng` fii` jmidsea` quiá'- dsea` góor` dsea` Israel cóo` guí` jaléng` tifa'` quiá'- júu` quiu'` ta` quiá'r` cóo` guí` jaléng` dsea` cóøng` quiá'r` cajo, 28 jo lalab cajming` r` dsea` do:

—¿I` i` quiu'` ta` quií` e jmoo'` jalé'` e na? ¿I` i` cacuø'` 'nú` fí` e cuóøng` jme'` jalé'` e na?

29 Jo lalab cañí` Jesús quiá'- i` dsea` do:

—Jo jnea` iim` baa` jmee` e camí'` júu` cóo` 'nú'` cajo, jo e laba' iin` n` jmingí'` i` 'nú'`: 30 ¿I` i` caqui'` ta` quiá'- Juan i` caseáng` dsea` jmü` do? ¿Su` Fidié` osi` dsea` jmigüí'` b` é? Jo song nilí'` na' ningí` na' quié` e lana, joba' jnea` nifí'` i` 'nú'` i` i` quiu'` ta` quié` e e jmóo` o` jalé'` e na.

31 Jo lí'` canaang` i` dsea` do síiñ` lajee` la'ó'` yaam` bre jo sí'` rúíñ` lala:

—Song nifé'` naa' e Fidié` casí'` quiá'r`, joba' lalab niñír` qui` naa': “¿Jialí'` ja` já'` calíng` na' lajúi` júu` quiá'- i` dsea` í?” 32 ¿Osi` nisi'` b` re é e dsea` jmigüí'` bing` caqui'` ta` quiá'r` e jmóor` lajo?

Jo co'` góm` bre jaléng` dsea`, dsuco'` lajalém` dsea` já'` líiñ` e i` Juan do dseáng`- já'` ba' e fé'r` cuaiñ` quiá'- Fidié`, 33 joba' lalab cañí` i` dsea` do quiá'- Jesús:

—Ja` ne`naa' jii` coo`.

Joba' cañi' Jesús quiáin' do:

—Q'gui jnea` cuøng` lí fii` i` 'nú' i` i` quiu' ta` quié` e e jmóo`o jalé` e la.

12

Coo` júu` já` lafa' júu` cuento quiá'` dsea` 'léeng` i` soo` dsí'
(Mt. 21:33-46; Lc. 20:9-19)

¹ Jo lajee` e táam`bi Jesús fí Jerusalén, jo canaaiñ` féiñ' jaléng` dsea` cóo` jalé` júu` já` e lí' lafa' júu` cuento jo lalab casí`-reiñ' do:

—Coo` néé` caliséng` jaang` dseañu` malii`gui i` cajni` jmang` huñg` jó` fí` ni` guóo` uó` quiá'r` ; jo cajme'r` coo` iá, jogui cajme'r` coo` fí` lí` niniúung` e nicuó` jmí` e mí` huñg` jó` do, jogui cajme'r` bir coo` lí` nigüear` e quiá`-nijmér` í`. Jo mi` cangí` jo, cacuø'r` dsea` i` cajmée` ta` e uó` quiá'r` do, jo cagüi`'bre 'ñia'r` cangór` fí` lí` huí`. ²⁻³ Jo mi` tí` lí` catí` í` e nisitúng`, co' nicaroo` lajii` e cajni` do, joba' casíng` i` dsea` fii` uó` do jaang` dsea` 'léeng` quiá'r` e nidsimíiñ` lajii` e catíng` i` dsea` do quiá`-jalé` e caroo` e ni` guóo` uó` quiá'r` do. Jo mi` tí` lí` caguié` i` dsea` 'léeng` do quiá'r`, i` dsea` i` jmáng` ta` uó` do cajmihuim`bre i` dsea` 'léeng` do, jo caguiém` tureiñ' e ja` quíeeiñ' do jii` coo`. ⁴ Job mi` casíng` i` dsea` fii` uó` do jaang`gui dsea` 'léeng` quiá'r` e quiá`-nidsimíiñ` do lajii` e catíiñ`, dsu' cuub` catéé` i` dsea` jmóo` ta` uó` do mogui` í` cajo, jo júu` 'léb` casí`-reiñ' do. ⁵ Jo mi` cangí` í, i` dsea` fii` uó` do casíiñ` jiéng`gui jaang` dsea` 'léeng` quiá'r`. Jo mi` tí` lí` caguié` í, cajúm`-bre, co' cajngab` i` dsea` jmáng` ta` uó` do quiá'r`. Jo mi` cangí`gui lajo, i` dsea` fii` uó` do i` fii`m`bi dsea` 'léeng` quiá'r` casíiñ; jo i` líng` lí` calihuim`bre, jogui i` líng` dseáng`-cajngab` i` dsea` do quiá'r`.

⁶ Jo coob` mi` jaang` jóob` i` dsea` fii` uó` do seáng`-gui, jo íb` i` dseáng` i` 'neáaiñ` eáng`. Jo ca'í` dsíir` e i` jóor` dob nisiñ`, co' líiñ` e i` jóor` doguibing` i` nijmi`gó` jaléng` i` dsea` do. ⁷ Dsu' i` dsea` jmáng` ta` uó` do casíiñ` lajee` yaaiñ: “I` jóor` nab i` nine` ni` latøng` e guóo` uó` na; joba' guiá`-gui e nijngáam`-baa're, jo lajoba' jnea`-aab' dsea` nilí`-naa' e guóo` uó` la.” ⁸ Joba' casam`-bre i` jóo` i` dsea` fii` uó` do, jo cajngam`-breiñ' do, jo cangojéeng`neiñ' do fí` lí` caluub` e guóo` uó` quiáin' do.

⁹ Jo mi` cangí` e fé` Jesús e júu` jo, jo cajming`-r` jaléng` i` dsea` do lala:

—¿E` líng`-nú` e nijmé` i` dsea` fii` guóo` uó` do? E jáb`-nidsé`-bre jo nidsijngáam`-bre jaléng` i` dsea` jmóo` ta` uó` quiá'r` do, jo i` jiém` nitáin' i` nijmé` ta` e fí` ni` guóo` uó` quiá'r` do.

Joba' cajíng`-gui Jesús lala:

¹⁰ —¿Su ja` mí` ca'í` 'nú` lajii` e too` fí` ni` jii` quiá`-Fidié` lí` fé` lala?:

E cuu` e ja` calijii` jaléng` dsea` jmo` 'núu', lanagui dseáng` cuu` laniim` nica'uíng` quiá`-núu'.

¹¹ Jo 'ñiab` Fí`-naa' dsea` cajmée` e la,

joba' dseáng`-eám` dsigá` dsí`-naa'.

Jo lanab too` fí` ni` jii` quiá`-Fidié`.

¹² Jo job mi` cajmée` quijí` jaléng` fii` jmidsea` quiá`-dsea` Israel jogui jaléng` tifa' quiá'r` cóo`-gui jaléng` dsea` cøng` quiá'r` jial e nisáin' dsea` do, co' calilí`-bre e caféiñ' do e éeiñ` jaléng` íb`. Jo dsuco' 'góm`-bir jaléng` dsea` i` núu` júu` quiá`-dsea` do, joba' catiúum`-bre dsea` do jo cangolíim`-bre jóng.

Mi` cajming`-dsea` Jesús cuaiñ` quiá`-e catíng`-dseata`
(Mt. 22:15-22; Lc. 20:20-26)

¹³ Jo mi` cangí`gui lajo, i` dsea` i` quie` nifí` quiá`-dsea` Israel casíiñ` fí` lí` táang` Jesús coo` tú`-míng`-dsea` fariseo cóo`-gui coo` tú`-míng`-dsea` quiá`-Herodes e laco' ní`-nóin' do

jial nisí'r Jesús e laco' niguié'r' jial ni'níñ dsea` do fí' quini` dseata`. ¹⁴ Jo mi` caguiliñ` fí' lí' sing' dsea` do lalab casí'` reiñ':

—Tifa', ne`naa' e jman'g' júu` já'`ba' fó'` 'na', jogui e ja` 'gó'` cóo'` jalé' e í' dsí'` dsea` jogui jalé' e fé'r' uí'` quií'`, jogui dseáng' e já'`ba' e røøb` ñ' 'na' í'` quiá'` jaléng' dsea`, có'` ja` jøø` 'na' jii'` jialco'` líng' dsea` lí'` caluu`, jogui e e'` jial e niliseeng` dsea` dseáng'` laco'` iing` Fidiéé`. Joba' jming'`naa' 'na' e júu` la: ¿Su 'né` qui'`naa' cuu` e catíng` dseata` i` guing` fí' Roma osi ja` 'né` qui'`naa' é?

¹⁵ Jo có'` calilí'` Jesús lajii'` e iing` i` dsea` do jmicaaiñ`, joba' casí'r` dsea` do lala:

—¿Jialí'` 'nó'`na' e iing`na' niguié'`na' jial e ni'níng`na' jnea` fí' quini` dseata`? Fing na cuøø'`na' jnea` cóo'` cuu` jo nijøø`ø.

¹⁶ Joba' ca'e'bi` i` dsea` do cóo'` cuu`, jo cajøøb` Jesús, jo mi` cangí'` jo cajming'í'r` jaléng' i` dsea` do lala:

—¿Í'` moní` tóo` e ni` cuu` la?, jogui ¿e` júu` e silí'` fí' ni` la?

Joba' cañí' i` dsea` do lala quiá'` Jesús:

—Ni` dseata` dsea` guing` fí' Romab tóo`.

¹⁷ Joba' cañí'tu Jesús quiá'` jaléng' i` dsea` do:

—Cuøø'`na' dseata` dsea` guing` fí' Roma lajii'` e catíng` í', jogui cuøø'`na' Fidiéé` cajo lajii'` e catíng` Fidiéé`.

Jo eáam'` cangogá'` dsí'` jaléng' i` dsea` do mi` canúur` lajii'` e júu` e cañí'` Jesús do.

Mi` cajming'` dsea` jial lí'` mi` nijí'tu dsea` calé'` catú'`

(Mt. 22:23-33; Lc. 20:27-40)

¹⁸ Jo mi` cangí'`gui lajo, cangolíng` cóo'` tú` m'ng'` dsea` Israel i` líng' dsea` saduceo fí' lí' táang` Jesús. Jo i` dsea` do fé'r' e jo` jí'tu jaléng'` 'lí'`, joba' e job e iñ` nijming'í'r` Jesús jo casí'r` dsea` do lala:

¹⁹ —Tifa', Moi` caséer' e tóo` fí' ni` jì` quiá'r` e song cajúng` jaang` dseañu', jo caseáaiñ` dseamí` quiá'r` e ja` mí' seeng` jóor', joba' rúng' i` dseañu' do 'né` nicúng'` guór` cóo'` i` dseamí` 'ní' i` caseáng` do; jo mi` caliseeng` jóor` cóo'` í', joba' lafa' jóob' i` dseañu' quiá'r` mi` uii` do nilíng` i` jiuung` do. ²⁰ Jo lafa' e já'`, cóo'` ya'` caliséng` guiáng` dseañu' i` la'ó'` rúng', jo i` dseañu' la'uii` do cacúm'` guóor', dsu' jo` huøø` ngó` cajúm` bre la ja` mí' seem`bi` jóor'. ²¹ Joba' i` dseañu' i` catí` tú` do cacúm'` guóor` cóo'` i` dseamí` 'ní' do, jo lajob cajo cajúm`bre jo jii'` camíng'` jóor' ja` mí' lí' sém`bi; jo lajob calí` cóo'` i` dseañu' i` catí` 'ní' do cajo. ²² Jo lajob lajì` guiám` i` dseañu' do cacúng'` guóor` cóo'` i` dseamí` do, dsu' jii'` jaaiñ' do fa' caliséng` jiuung` quiá'r`. Jo mi` lí' cóng`guijiu lajo, cajúm` i` dseamí` do 'ñia'r' cajo. ²³ Joba' mi` tí' lí' nijí'tu jaléng' i` dsea` do calé'` catú'` fí' ñi` cóo', ¿í' lajee` lajì` guiáng` i` dseañu' do ni'uíng` dseáng'` dseañu' quiá'` i` dseamí` do?

²⁴ Joba' cañí'` Jesús quiá'ñ'` do lala:

—Sijgiém` áá' 'ná', dsuco'` ja` ñí'`na' jial laco'` fé'` fí' ni` jì` quiá'` Fidiéé`, o'gui ñí'`na' jial tí'` 'gøng' dsea` do cajo. ²⁵ Dsuco'` mi` nijí'tu jaléng'` 'lí'` fí' jmigüi` cóo', jo` nicúng'`gui guoo` dseañu' o'gui dseamí`, lí'` laco'` dsingíng` jaléng'` ángeles quiá'` Fidiéé` i` seeng` fí' ñifí'. ²⁶ Jogui e cuaiñ` quiá'` e fing jí'tu jaléng'` 'lí'` do, ¿su ja` mí' ca'í'` 'ná'` jalé' e tóo` fí' ni` jì` quiá'` Moi` jial mi` caféng'` Fidiéé` ír` catí` lí'` sí'` cóo'` 'matóo'` e ia` jì? Jo lalab casí'` reiñ' do ie` jo: “Jneab` lín'n Fidiéé` i` jmiféng'` Abraham cóo'`gui Isáa'` jogui Jacóo` cajo.” ²⁷ Jo Fidiéé` ja` líiñ` Fidiéé` quiá'` jaléng'` 'lí'`, có'` Fidiéé` quiá'` dsea` jib'` líiñ'; joba' sijgiém` jalé' e í' óo'` 'ná'.

E lab e júu` laniing`gui quiá'` Fidiéé`

(Mt. 22:34-40)

²⁸ Jo lajee` jo caguié`gui jaang` lajee` la'ó'` tifa' quiá'` júu` quiu'` ta` quiá'` dsea` Israel, jo mi` calilí'r` e cañib` Jesús røø` lajii'` e júu` do, joba' i` dsea` í' cangoquiéiñ` cáang` Jesús jo cajming'í'r` dsea` do lala:

—¿E` e júu` laniing`gui lajee` lajalé' e júu` quiá'` Fidiéé`?

29 Joba' cañí' Jesús quiáin' do:

—E lab e júu^ e laniing- gui do quiá'- lajee^ lajalé' e júu^ jo, jo lalab fé': "Núu- na' dsea` Israel e Fii~naa' Fidiéé^ jii~ íb` dseáng'- i líng' Fii~naa'. 30 Jmi'neáng` Fii' Fidiéé^ car` ngocáng` o' jogui cóo'~ laji` jmiguí^ quií'- jogui cóo'~ laji` e í a' jogui cóo'~ laji` bí seen'." Jogui e nab e júu^ laniing- do. 31 Jogui e lab e júu^ laniing- e catí tú- do: "Jmi'neáng` jaléng` dsea` rún' lí^ lacó'gui jmi'neáan' uø'." Jo e nab e júu^ quiá'- Fidiéé^ e laniing- gui eéang' do lajee^ lajalé'.

32 Joba' lalab cañí' i tifa' do jo cajíin' -:

—Eám' guiá- lajo, Tifa', dseáng'- jáb'- júu^ quií'- e já'-ba' e jaam` Fidiéé^ seeng`, jo ja` seeng` i jiéng'gui. 33 Jogui e jáb'- e 'né- e nijmi'neáng`naa' Fidiéé^ dseáng'- e ngocáng` dsi'naa' jogui cóo'~ laji` e í dsi'naa' jogui cóo'~ laji` bí see~naa', jogui e jmi'neáng`naa' jaléng` dsea` rú'naa' lacó'gui i~naa' e nijmi'neáng` dsea` jneaa~aa', jo lajalé' e la eéang'gui quíng' lacó'gui lajalé' feá'- e cuø- naa' Fidiéé^, fa' la mi~ jngang'naa' jó' fí quinir` osi mi~ ee go e ju'naa' fí nife' é.

34 Jo mi~ calilí'- Jesús e guiáb- cañí' i dsea` do, joba' casí'- reiñ' do lala:

—Na jaquiéem- e tí lí~ nicá` Fidiéé^ nifí quií'-.

Jo mi~ cangí jo, jii~ jaang'gui i dsea` do fa' cateá- gui dsír' ee` nijmingí'- guir Jesús.

I` dsea` siju~ líng' Dsea` Jmáang-

(Mt. 22:41-46; Lc. 20:41-44)

35 Jo lajee^ e iuung- Jesús fí guá'- fé' quiá'- dsea` góor` e si' fí Jerusalén e e'r` dsea` júu^ quiá'- Fidiéé^, jo lalab cajmingí'- jaléng` i dsea` i teáng'- do:

—¿Jial lí' quiá'- i tifa' quiá'- júu^ quiá' ta` quií'-ii', dsea` Israel, e fé'r` e Dsea` Jmáang- líiin' siju` dseata~ Daví'? 36 Co' 'ñiab' dseata~ Daví'^ cajíin' - la'eéang' cóo'~ Jmiguí^ quiá'- Fidiéé^ lala:

Lalab cajíng'- Fidiéé^ casí'r- Fíi':

"Ní lí^ lí dsée' lacó' guiin~n

cartí nijmee~e e jaléng` dsea` i 'ní' níng- 'næ` nisí'r` uø- jnir~ fí quini'^ e lacó' nijmi'gór` 'næ'."

37 Jo cajíng'- gui Jesús e júu^ la:

—Jo song` 'ñia'bi dseata~ Daví'^ sí'r` Dsea` Jmáang- Fíi', joba' ¿jial cuøong` e Dsea` Jmáang- líiin' dsea` siju` dseata~ Daví'^ jóng?

Jo lajaléng` i dsea` fíng` i teáng- núu` do eám' iáang` dsír' e núur` jalé' júu^ e fé' Jesús.

Jalé' e ga` e jmóo` jaléng' tifa' quiá'- júu^ quiá' ta` quiá'- dsea` Israel

(Mt. 23:1-36; Lc. 11:37-54; 20:45-47)

38 Jo mi~ cangí jo, lalab café' Jesús jeeng~ júu^ quiá'- e er' do:

—Ñiing~ óona' cóo'~ jaléng' tifa' quiá'- júu^ quiá' ta` quií'-ii', dsea` Israel, co' lí^ tí dsír' e ngír' e jlo^ silim~bre, jogui eéang' iin~ i~ nijmi'gó' ír` lacaang` jee~ 'núu' lí~ ngír', 39 jogui iin~ güeár` ni~ 'masii~ e jlo'^gui fí lacaang` dsí' guá'- quiá'-r-, jogui iin~ e nigüeár` cajo dseáng'- la jmang'- lí~ jlo'^gui fíng` catí e nidó'r-, 40 jogui gui'bre 'næ~ jaléng` dseamí i 'nhi~, jogui jmicaaiñ~ e fé'r` fa' e cuee' fí quini~ dsea`. Dsæ' jaléng' i dsea` la'íb' ni'íng' iihuí' e eéang'gui mi~ nití- í' lajo.

Jaang` dseamí 'nhi~ i catá'- cuu- fí dsí' guóo' quiá'- guá'-

(Lc. 21:1-4)

41 Jo mi~ cangí jo, cóo' ya' guiing~ Jesús fí ca' guóo' lí' ta' dsea` cuu- quiá'- guá'- e si' fí Jerusalén, jo jøør- jial dsitea' dsea` cuu- fí jo. Jo lajee^ jo jaléng` dsea` sea` cuu- eám' dsitea'r' cuu- fí jo. 42 Jo cóo' caguiéb- jaang` dseamí i 'nhi~ i tiñíng- eéang', jo catá'-r- e fí dsí' guóo' do tú- cuu- e ja' ee' 'ga' lí' quíng'. 43 Joba' cató'- Jesús i dsea` guitúung` quiá'-r- do jo casí'- reiñ' do lala:

—Dseáng' e já' e fíi' i 'nú' e i dseam' 'n' la nicató'r' jmgui'gui cuu' e fí' dsí' guó' quiá' guá' la laco'gui dsea' caguaang'gui; ⁴⁴ co' jaléng' dsea' sea' cuu' cuór' lajii' e seáng' quiá' bre; dsu' i dseam' 'n' la lajib' lajii' e sea' quiá'r' e 'nér' nicatá'r' e fí' dsí' guó' la.

13

Mi' cajíng' Jesús e ni'íng' guá' fé' e si' fí' Jerusalén

(Mt. 24:1-2; Lc. 21:5-6)

¹ Jo lajee' ni'iuung' Jesús fí' e güi'ír' fí' dsí' guá' fé' quiá' dsea' góor' dsea' Israel e si' fí' Jerusalén, jo jaang' lajee' dsea' guitúung' quiá'r' casí'r' dsea' do lala:

—i Tifa', fíng na jøø' jalé' cuu' cóo' e niguo' e silí' e guá' la!

² Jo cañi' Jesús quiá' i dsea' quiá'r' do:

—Jøø' jial jlo' cóo' e silí' e guá' na. Dsu' latøøng' e guá' na jii' coo' cuu' jo' e nijé' gui sifíng' quiá' rúng', co' dseáng' lajib' ni'íng' mi' nití' í' lajo.

Jial nilí' mi' nijaquíéng' e tí' lí' ni'íng' jmgüi'

(Mt. 24:3-28; Lc. 21:7-24; 17:22-24)

³ Jo mi' cang' jo, cangób' Jesús cóo' dsea' guitúung' quiá'r' fí' yá' mó' e sii' Olivos e si' fí' lí' quini' laco' si' e guá' do. Jo lajee' e taang' Jesús e fí' yá' mó' do, jo job mi' cangoquíéng' Tú' Simón cóo' gui Tiáa' jogui Juan cóo' Dá' fí' lí' guíng' dsea' do, jo casí' reiñ' lala coo' yaaiñ':

⁴ —Ii' naa' e jmée' jnea' júu', Tifa', lí' e nidsijé' jalé' e fío' 'n' na. Jo ze' e nicuó' lí' quiá' e jo' huóø' róo' jmgüi' jogui e nijaquíéng' e tí' lí' nidsijé' jalé' e jo?

⁵ Joba' cañi' Jesús quiá' do lala:

—Ñiing' áa' na' e jii' jaang' ja' ii' nijmgøøng' 'nú'. ⁶ Dsüco' fíim'bing' i nijalíng' i jmgóo' e jii' e íbre líiñ' dsea' Jmaang' jo nifé'r': "Jneab' i dsea' í"; jo fíim' dsea' niligøøiñ' jo jáb' niliñ' e júu' e o' já' do mi' niguié' e jmi' jo.

⁷ Jo mi' ninúu' 'nú' júu' quiá' e niné' 'ni' fí' la fí' na, ja' føøng' na' jóng, co' lajob nisi'í' quiá' Fidié' e nidsijé'; dsu' lí' uiim' bi jóng ja' mí' tí' lí' ím' bi. ⁸ Dsüco' mi' nú' gui e ni'íng' jmgüi', eám' nitíng' dsea' lajee' la'ó' rúñ'; co' nitíng' coo' fí' cóo' jé' gui coo' fí', jogui lajobi coo' góo' dsea' cóo' jé' gui coo' góo' dsea'; jogui jmguiab' lí' nijø' uó' e eáang', jogui jmguiab' lí' nijáa' jii' oo' cajo. Jo dsu' lí' uiim' bi jóng mi' tí' lí' nidsijé' jalé' e ihu'í' na.

⁹ Dsu' eáang' 'né' ñiing' áa' 'nú' mi' nití' í' lajo, co' nijáng' dsea' 'nú' fí' quini' dseata', jogui nijmihuñ' 'nú' fí' lacaang' dsí' sinúu' guá'. Jo uii' e já' líng' na' júu' quié' e, joba' nidsijeaiñ' 'nú' fí' lacaang' quini' dseata' dsea' cóøng' cóo' gui fí' quini' jaléng' dsea' féng'. Jo mi' nijmér' lajo, joba' cuóøng' e niguiá' 'nú' júu' quié' e fí' quini' jaléng' i dseata' do. ¹⁰ Dsüco' nú' gui e tí' lí' ni'íng' jmgüi', dseáng' 'néb' e nini' júu' quié' e jee' jaléng' dsea' fí' la'úng' fí' jmgüi' e quiá' jial nileáng' dsea' jee' jalé' dsee' quiá'r'.

¹¹ Jo mi' tí' lí' nitøø' 'nú' fí' quini' dseata' e nijáñ' 'nú', jo ja' jmee' na' fí' í' fa' ja' ñí' na' ee' ningñ' na' quiá'r', co' dseáng' ja' 'né' í' áa' na' lajo, dsüco' Fidiéeb' dsea' nijmicóo' qui' na' e ningñ' na' quiá'r' mi' nití' í' lajo; dsüco' o' dseáng' 'nú' i nifé' mi' nití' í' lajo, co' 'ñiab' Jmgüi' quiá' Fidié' nifé', jo eám' nijmicóo' 'nú' jóng. ¹² Dsüco' mi' nití' í' lajo, jaléng' dsea' ni' lé' bre quiá' rúñ' e nijáng' neiñ' quiá' e nijúuiñ', jogui lajo cajo jaléng' tiquiá' dsea' nijám' bre jaléng' jóor' e nijúuiñ'; jogui jaléng' jóo' dsea' nitíng' nijíñ' cóo' jaléng' sejmiir' jo cartí' nijngám' breiñ'. ¹³ Jogui jaléng' dsea' jmgüi' nilí' 'ní' níñ' 'nú' uí' e já' líng' na' júu' quié' e; jo dsu' ii' i teáang' teá' cóo' júu' quié' e carta' seeiñ' fí' jmgüi' la, joba' nileám' bre jee' jalé' dsee' quiá'r'.

¹⁴ Jo 'nú', mi' nimó' na' coo' e ga' eáang' e nijmé' dsea' fí' dsí' guá' fé' e si' fí' Jerusalén fí' lí' lí' e guá' güeang' quiá' Fidié' lí' laco' cajme' jaang' i café' cuaiñ' quiá' Fidié'

malii~gui eáang' i calisi Daniel —güingáng'na' e júu^ la, 'nú', dsea`i'na' e la—, jo mi~ nití- e í' jo, jaléng' dsea`i neáang' fí' lí' se' Judea güicuüi~bre fí' jee~ mó'. 15 Jogui song ii` dsea` dsíiñ- fí' yá'^ 'núu' mi~ nití- e í' jo, ja` güijgiáaiñ' fa' e nidsi'uóø'r~ jalé' e sea` quiá'r-, co' 'né- cuí- bre; 16 jogui song ii` dsea` taang~ jmoó' ta~ fí' jee~ mó', joba' ja` güi'í' dsíir' fa' e niqing'-guir fí' quiá'r- e fa' e nidsiquiéer` jalé' si'r^'. 17 ¡Lí' e ngi~ fíi^ jaléng' dseamí i jobi quiéeng` yuu` mi~ tí' lí' jo osi dseamí i jobi cuø' yuu` tú' é! 18 Jo nab tí'gui e mii~na' Fidiéé` e ja` dsijéé' jalé' e la dseáng'- lajee` jii` güií-, 19 dsuco' ie~ jo dseáng'- eámam` iihuú' ni'ing' jaléng' dsea` e ja` mí' cangongüiñ- jii~ coo` ya' latí' mi~ catiroo` jmigüí, o'gui nidsingüiñ- mi~ ningí jo. 20 Jo faco' Fí'naa' nijmi~üiñ- eáang' e nidsijéé' jalé' e jo, joba' jii~ jaang` jo` ii` nileáng` jóng faco' lajo; dsu' nicajmitiñ- jalé' e jo uí' e 'neáaiñ` jaléng' dsea` quiá'-bre i nicaguiñ' lami` jéeng`gui.

21 'Jo ie~ jo, song ii` dsea` nijmigóøng` 'nú' jo nisir' 'nú' lala: “I lab i dsea` i sijeeng`na' do”, osi “Dob siñ'” é, dsu' ja` já'- güilíng'na' jii~ coo`, co' o' já'- e lajo. 22 Co' fíim'bing' nijalíng- i nijmigóo` e nijmicaaiñ- e líiñ' Dsea` Jmáang-, osi nijmigóor` e líiñ' dsea` i fé' cuaiñ- quiá'- Fidiéé` é; jo nijmé- bre jalé' lí' e quí'r~ jmii~ e dsigá` dsí' dsea` e lí' laco' iñ- e niligøøng` dsea`, jo dseámam` e niligøøng` la quié'gui i dsea` i nicaguing' Fidiéé` i nilíng' dsea` quiá'r-. 23 Jo lana fíi- i 'nú', 'né- e eámam` siñiing` óo'na', co' nicaliúum~baa 'nú' e júu^ la lami` jéeng`gui.

*Jial mi~ nijáa'tu i dsea` i jáa' fí' ñifí- i lüng' dsea` jmigüí`
(Mt. 24:29-35,42-44; Lc. 21:25-36)*

24 'Jo mi~ nití- e jmii~ jo, mi~ nisóong- jalé' e iihuú' e nijáa' do, jo jo` nicuø- gui iee` jir~, o'gui si' nicuø- guir jir~ cajo. 25 Jogui nijjúum' jaléng' náu' i sitøng'- fí' yá'^ jmigüí, jogui niguiá'- fí' yá'^ jmigüí. 26 Jo joguib mi~ nití- í' e nigáa'tu jnea~ fí' jmigüí la, dsea` lín'n jaang` dsea` jmigüí i jáa' fí' ñifí-, jo nigáa'a fí' jee~ cabøø` jní' cóo'-gui jalé' e 'gøng' jogui e ji' laniing- güea' ji' niguo' quiá'- Fidiéé`. 27 Jo job mi~ nití- í' e nisíng- Fidiéé` jaléng' ángeles quiá'r-; jo i ángeles do niseáiñ' jaléng' dsea` i nicaguing' Fidiéé` lami` jéeng`gui fí' laji` quiá' quiúung' jmigüí, catí' lí' huíi- gui quiá'- guóo' uø- jogui catí' lí' huíi- gui quiá'- yá'^ jmigüí cajo.

28 'Jo téé' óo'na' la'eáang` cóo' e júu^ quiá'- 'ma` güiñí': Mi~ nidsi~ guo' e sí' quiá'-, jogui ni'ia' má' e sí' quiá'- cajo, joba' niñí' 'nú' e quiáb'- nijaquiéeng` jii` jmii` jóng. 29 Jo lajob lí' cóo' e júu^ la; co' mi~ nimóo- 'nú' e nidsijéé' jalé' e jo, joba' nicuø' lí' jóng e quiáb'- nigáa'a, jnea~ dsea` lín'n dsea` jmigüí i jáa' fí' ñifí-. 30 Co' dseáng'- já'-ba' fá'a e dseáng'- 'né- e nidsijéé' jalé' e jo nú'-gui e nijúung- jaléng' dsea` i seeng` lajee` lana. 31 Co' ni'ím- fí' la'úng- jmigüí jogui lajobi la'úng- fí' yá'^ jmigüí cajo, dsu' ja` tóo' jmii~ fa' e ja` niliti` jalé' júu^ quié-e.

32 'Jo dsu' jii~ jaang` dsea` ja` ii` ñí' e júu^ jo jéeng`gui cuaiñ- quiá'- e~ jmii~ jogui e` í' e nidsijéé' jalé' e jo, jo jiguí latí' jaléng' ángeles quiá'- Fidiéé` ja` ñir' e jo, o'gui jnea~ cajo, dsea` lín'n i Jóo' Fidiéé` camíng'- do, ja` ñii-, co' dseáng'- lajii~ Tiquí'ii' Fidiéé` dsea` guíng~ ñifí- bing' ñí' e jo.

33 'Joba' fíi- i 'nú' e dseáng'- 'né- e ñiing` óo'na' contøøm- e sijeeng`na' jalé' e jo, jogui féeng'-na' Fidiéé`, co' ja` ñí'na' røø' lí' dseáng'- e nidsijéé' jalé' e jo. 34 Co' e la lí' lafa' jaang` dsea` i ni'í' fí' dsé- fí' lí' huíi-, jo lajee` e ná'-gui nigüi'íir' fí' quiá'r-, jo caseáiñ' dsea` 'léeng'- quiá'r-, jo cacuø'r' ta~ lajaang` lajaaiñ' do, jogui caseáiñ' jaang` dsea` i jmóo` í' jaléng' i dsea` jmóo' ta~ do. 35 Joba' lalab cajíng'- i dsea` i néé' ni~ dsea` 'léeng'- do casí'r- jaléng' i dsea` jmóo' ta~ do: Jmiñiing` óo' 'nú', melé, co' ja` ñí'na' lí' e nigüeáng'tu i dsea` fii~ 'núu' la, su milí' na osi uøø' guié- náub' é, osi téé- ogóo' mi~ niquí- tú' é, osi dsa'ee'guib é; 36 co' jial fíng lajee` teng' 'nú' güim'ba' nigüeáiñ'. 37 Jo lajii~ e fíi- i 'nú' la, lajob lí' júu^ quié-e cóo'- dsea` jiéng'gui cajo: ¡Lí' 'né'-ba' e jmiñiing` óo'na'!

14

Mi casang dsea e nisaiñ Jesús
(Mt. 26:1-5; Lc. 22:1-2; Jn. 11 :45-53)

¹ Jo tú jmi ba' jmóogui e nití cō jmi quía' dsea Israel e sii Pascua e gø'r iñí e ja' quie' quiéeng. Jo jaléng' fii jmidsea cō'gui jaléng' tifa' quía' júu' quiu' ta' quía' dsea Israel canaiñ 'nó'r' jial niguié'r e nisaiñ' Jesús e nijmigøøiñ dsea do e laco' nilí'r' nijngáng' neiñ'. ² Jo lalab sning i ling:

—Ja' nijmó'oo' e jo lajee' jmi Pascua e laco' ja' dseáng' quí'ii' e nitá' dsea mí'.

Mi ca'ée jaang dseam jmi jmeafí fí mogui Jesús
(Mt. 26:6-13; Jn. 12 :1-8)

³ Jo mi cangí jo, Jesús cangór cō' dsea quía'r' fí Betania fí quía' jaang dseañ' i sii Simón, jaang dsea i lamí ling jmohuí' lí' fí ngúu táang. Jo mi caguié Jesús fí jo, lajee' e guiiñ fí 'ni' mes e gø'r ir, caguié jaang dseam i quie' cō' s' e lí' cō' cō' cuu' niguó' e sii alabastro e a' jmi jmeafí e lí' cō' layaang nardo e 'mo' eáang. Jo i dseam do cafiim bre e s' do jo ca'éer e jmi jmeafí do fí mogui Jesús. ⁴ Jo i ling dsea i cangá e cajmée i dseam do lajo caliguim bre eáang, jo canaiñ s' lajee' la'ó' yaaiñ:

—Jiali' nicango' e jmi jmeafí na? ⁵ Co' jmaang'gui fa' mi i ca'ní, jo jmigui'gui laco' trescientos cuu' denario nilí'r' jóng e laco' sea'ju e nilicō' jaléng' dsea tiñing.

Joba' i dsea i teáang do ie' jo gab' fé'r' uii' quía' i dseam do.

⁶ Jo dsu' lalab cañí Jesús quía' i dsea do:

—Jiali' jmiguíng'na' i dseam na? ja' e fí'na'r' jii' cō'! Co' lajii' e nicajmée' quie' e na eám' guí'. ⁷ Jo jaléng' dsea tiñing nab ní' 'ná' ee' cajmee'na' cō'r', co' cuøøm lí' jmee'na' e guí' cō'r' lí' iing'na', dsu' jnea'gui ja' contøng seen' jee' 'ná'. ⁸ Co' i dseam na nicajmée'bre lajii' e tiñ: jo nicasú'bre jmi jmeafí ngúu' tán'n ná' gui e ni'áang dsea' jnea'. ⁹ Co' jnea' jmitaa' ó'na' e doñí' jé' fí lí' niguiá dsea' júu' quía' jial nileáng' dsea' jee' jalé' dsee' quía'r', niliseab' júu' cajo lajii' e cajmée' i dseam na, jo lajoba' niguiéng' dsí' dsea' i dseam na.

Mi ca'nang Judas Iscariote Jesús fí quini jaléng' jmidsea'
(Mt. 26:14-16; Lc. 22:3-6)

¹⁰ Jo mi cangí jo, Judas Iscariote, jaang dsea' i quíng' jee' dsea' guitúung' quía' Dsea' Jmaang', cangór cangosiiñ cō' jaléng' fii jmidsea' quía' dsea' Israel e laco' nisaiñ røø' jial nijaiñ' Jesús fí jaguó' dsea' do. ¹¹ Joba' mi tí lí' canú' i dsea' í, eám' cali'iaang' dsí'r', jo casí'r' Judas e nicuó' reiñ' cuu'. Job mi canaang' Judas 'nó'r' jialco' cuøøng' nijaiñ' Jesús fí jaguó' i dsea' do.

Mi cagø' Jesús í' canu' cō' dsea' guitúung' quía'r'
(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi cangí jo, canaang' la'uii' jmi e quía' gø' dsea' Israel iñí e ja' quie' quiéeng, jogui e jngang' dsea' Israel jaléng' jo'se' jiuung' quía' e jmi jo. Joba' lalab cajming' i dsea' guitúung' quía' Jesús cajming'r' dsea' do jo cajíñ':

—Fí'naa', jje' fí' fó' 'nu' e nidsé'naa' nidsiguiá'naa' guí' quía' e niquiee'naa' í' canu' quía' jmi Pascua?

¹³ Joba' casíng' Jesús gáng' i dsea' guitúung' quía'r' do jo casí' reiñ' do lala:

—Güilíng'na' fí fí' Jerusalén, jo fí' job niguiéng'na' jaang dseañ' i quie' cō' dsu' e a' jmi; jo nigüilíng'na' laco' ngang' i dsea' do. ¹⁴ Jo mi nigüilíng'na' fí lí' ni'ír', sí'na' i fí' 'nú' jo: “Lalab jing' Tifa' quí'naa': jje' fí' lí' si' 'nú' lí' nidøø'ø' í' canu' quía' jmi Pascua colíng' cō' dsea' quie' e?” ¹⁵ Jo joguib' ni'é' i dsea' do cō' 'nú' yá' e nisilíng' guí', jo fí' job niguiá'na' guí' e niquiee'naa' do.

16 Jo mi~ cangî jo, ca'uøøm` i dsea` gáng- do cangolíñ` fí fii` jo, jo cadsém` bre i dseañu` do dseáng`- lí` laco` nicajíng`- Jesús e nicasí`- reiñ` do; joba' fí` job cagua` i dsea` gáng- do guiá- quíá`- e nidø`r- lajaléiñ` do í` canuu` colíng` cóo`~ Jesús ie` jmii` Pascua do.

17 Joba' mi~ canuu` e jmii` jo, caguiéb- Jesús colíng` cóo`~ dsea` guitúung` quíá`r- fí` jo.

18 Jo lajee` mi~ nineáaiñ` fí` 'ni` mes` e ninaaiñ` gø`r', lalab cajíng`- Jesús casí`- reiñ` do:

—Dseáng`- e já`- e fii` i 'nú` e jaang` lajee` la'ó` 'nú` i neáang` gø` cóo`~ jnea` lana, íb` i nijáng` jnea` fí` jaguó` dsea` i 'ní` ní`- quíé`-e.

19 Jo mi~ canúu` i dsea` guitúung` do lado, eáam` fí` í` calíñ`-, jo canaaiñ` jmingí`r- dsea` do lajaang` lajaaíñ`:

—¿Su jneab~, faa`aa`?

Jo jíéng` gui jaang` cañí`:

—¿Si jneab` é?

20 Joba' cañí` Jesús:

—Lí` jaang` 'nú` la'ó` guitúung` na' na, jaang` i gø` cóo`~ jnea` fí` cóo` cuéé`~ huí, íb` i ni`lé` do. 21 Co` jáb`- e jnea~, dsea` lín`n jaang` dsea` jmigüi` i cajá` fí` ñífi`-, dseáng`- 'né` e nidsingim`- baa lí` laco` gui la fé` fí` ni` jì` quíá`- Fidiéé`~; dsu' jnea` fá`a, je ngi` fii`b` i dsea` i ni`lé` do! Co` guiá`- guib quíá`- i dseañu` í` fa' mí` ja` caliséiñ`.

22 Jo lajee` e neáaiñ` gø`bre, catíng`- Jesús cóo` iñí`^ jo cacuø`r` gui'máang`~ Fidiéé`~, jo mi~ cangî e jo, cafiim`bre jo cajméer` guíéé` quíá`- i dsea` quíá`r- do, jo casí`- reiñ` do lala:

—Quié`na' e iñí`^ la, co` ngúu` táam`baa la.

23 Jo mi~ cangî jo, catíñ` cóo` cóo`^ e a~ jmí`^ mí`^ huíng` jø`^, jo cacuø`r` gui'máang`~ Fidiéé`~ cajo mifíng` cajméer` guíéé`^, joba' lajim`bre ca'í`r- e a~ dsí` e cóo`^ do. 24 Jo casí`r- i dsea` quíá`r- do lala:

—E lab e jmi`øøñ` e laco` nicuø` lí` quíá`- júu` tigua` e 'mí`-, jo fii`m` dsea` nijmicóo`~ quíá`r- lajíi`~ e jmi`øøñ` e nitú`. 25 Co` dseáng`- já`-ba' e fii` i 'nú` e jo` nidúu`~ guí e jmí`^ mí`^ huíng` jø`^ la cartí` mi~ nití`- jmii` e nidúu`~ u jmí`^ mí`^ huíng` jø`^ e 'mí`- mi~ nití`- í` e niquíá`- Fidiéé`~ ta` fí` la'úng` fí` jmigüi`.

Mi~ cajmée` Jesús júu` e nijíng`- Tú` Simón e ja` cuíñ` dsea` do

(Mt. 26:30-35; Lc. 22:31-34; Jn. 13 :36-38)

26 Jo mi~ cangî e ca'ø`r` e jmiféiñ` Fidiéé`~, jo cangolíñ` tur fí` mó` Olivos. 27 Jo fí` job casí`- Jesús i dsea` quíá`r- do lala:

—Lajim` 'nú` nitiúung` na' jnea` e uøø` na lí` laco` gui la fé` fí` ni` jì` quíá`- Fidiéé`~: “Nijngám`- dsea` i fii` i jmóo` í` jo`se`, jogui jaléng` jo`se` quíá`r- lí` nisojøm`-bre.” 28 Dsu' mi~ ningî e nijí` túu, fí` lí` se` Galileab ninii` i calé` catú`- jééng` gui laco` 'nú`.

29 Joba' cañí` Tú` Simón quíá`- dsea` do lala:

—Nañí` fa' lajim` nitiúung` 'nu', Fí`i, dsu' jnea` ja` nijmee` e lajo.

30 Joba' cañí` Jesús quíá`- Tú` Simón:

—Dseáng`- e já`- e fii` i 'nu', Tú` Simón, e 'ñia` e uøø` na e ná`-gui e niquí`- tuidséé` tú`- ya', 'nu` nifo`^ 'ní` ya` e ja` cuín` jnea`.

31 Jo cuø`bi Tú` Simón 'goo` dsea` do jo sí` reiñ` lala:

—Nañí` fa' nijúum`-baa colíng` cóo`~ 'nu', dsu' ja` ní`fá`^ a e ja` cuín` n` 'nu`.

Jo lajob cajíng`- lajíng` i dsea` quíá`r- caguaang` gui do cajo.

Mi~ caféng` Jesús Fidiéé` fí` cóo` lí` sii` Getsemaní

(Mt. 26:36-46; Lc. 22:39-46)

32 Jo mi~ cangî jo, jo cangó`- Jesús colíng` cóo`~ dsea` quíá`r- fí` cóo` lí` sii` Getsemaní e née` fí` mó` Olivos, jo fí` jo casí`r- i dsea` quíá`r- do lala:

—Ní`na' e la lajee` nii` jnea` nisiin`n cóo`~ Tiquiéé` e Fidiéé`~.

33 Jo jíi` Tú` Simón cóo`~ gui Tiáa` jogui Juan, jíi` í`bing` cajéiñ`, jo Jesús mifíng` e ninaang` e líiñ` fí` í` e eáang` jogui e jiuung` dsí`r` cajo. 34 Jo lalab cajíñ`-:

—Dsíng' lí'í e fí'í lín'n dseáng' lafa' jo` jmigüü' la seem`baa lín'n. Jo lab nijá' 'nú' lajee` jo, jo ja` jmigüüng` yaang`na'.

³⁵ Jöba' Jesús cangór` catí doguijü, jo catúuiñ' cartí cajnúu` dsequír' fí' ni` uó^, jo camí'r Fidiéé` fa' ja` ni'íñ' iihuú' lajüí' e nisijéé` quiá'r` mi` nití` í' lajo. ³⁶ Jo lalab caféiñ' Fidiéé` ie` jo:

—Teaa~, lajib` cuøøng` sea` lí` jmée` 'nú', jöba' mii`i 'nú' e jmiü` lana e nilaang` jnea` jee` e iihuú' e eáang` e nijaquíeeng` quié`e, dsu' ja` güilí laco' iing` jnea~, co' iin`n e nilí dseáng' laco' iing` 'nú'.

³⁷ Jo mi` caquing' tu Jesús fí' lí` caseáaiñ' i dsea` gaang` do, jo cadséng` neiñ' do e teiñ' güümbre, jöba' casí'r` Tú` Simón lala:

—Simón, ¿su güümba'? ¿Su dseáng' ja` té'ba' fa' e sijnéé` o' jüí' coo` oor`? ³⁸ Jmijnée` óó'na', jogui mii`na' Fidiéé` e laco' ja` nijjúng`na' fí' ni` dsee`. Dseáng' e jáb'` íáam` óó'na' e jmée`na' jalé' e guiú', dsu' ngúu` táang`na' ja` cuø` fí' e nijmée`na' lajo.

³⁹ Jögui cangób` tu Jesús calé' catú` cangoféiñ' Fidiéé` laco'gui nicangoféiñ' lamí` jéeng`gui do. ⁴⁰ Jo mi` tí' lí` caquing' tur` fí' lí` neáang` i dsea` gaang` quiá'r` do, jo caléb' catú` cadséng` türeiñ' do e güümbiñ', co' dseáng' eám` jo` téiñ' do e jaligüüñ'. Jöba' ja` ñir` e` niñir` quiá'` dsea` do. ⁴¹ Jo caquim` tu Jesús e catí` 'ní' ya' jo lalab casí'` reiñ' do:

—¿Su mí' 'noo` güümbi` 'nú' jogui jmi'ing`na'? Dsu' nitéb' jüí' lana, co' dseáng' lanab catí` í' e fí' jaguó` dsea` dsee` dsea` quib' nijáng` dsea` jnea~, i dsea` i cagüéng` fí' jmigüü' la e lín'n jaang` dsea` jmigüü'. ⁴² Jminá` ráang`na' na, jo má`aa', co' nab nijáa' i dsea` i nijáng` jnea` fí' jaguó` jaléng` dsea` i` 'ní' ní' quié`e.

Mi` casang' dsea` Jesús

(Mt. 26:47-56; Lc. 22:47-53; Jn. 18 :2-11)

⁴³ Jo lajee` e fé'bi Jesús, mi` tí' lí` caguié` Judas Iscariote i quíng' jee` dsea` guitúung` quiá'r`, jo i fím` dsea` cóo'r` i quie` ñisü' cóo'gui jalé' 'ma', co' ta` quü' jaléng` fii` jmidsea`ba' e ngolíng` i dsea` do cóo'gui jaléng` tifa' quiá'` júu` quü' ta` quiá'` dsea` Israel cóo'gui jaléng` dsea` cóøng' quiá'r` cajo. ⁴⁴ Jo Judas Iscariote lamí` jéeng`gui, lalab casí'r` jaléng` i dsea` i jéiñ' do e nijmér` coo` lí', jo nijíñ' jnang` i sií` Jesús, co' cajíñ' ie` jo:

—Ji` i nimó` 'nú' i nichú'ü ni~, íb` Jesús, jöba' séng`na're jóng, jo tee`na're e 'ñúuiñ' guiú'.

⁴⁵ Jo mi` tí' lí` cangáiñ` Jesús, jo cangoquíeéiñ' fí' quini` dsea` do jo casí'r` lala:

—i Tifa'!

Jo mifüing` cachu'r` ni` dsea` do. ⁴⁶ Jo casam' jaléng` i dsea` do Jesús ladsifí` lado jo e 'ñúung`biñ' do catór`.

⁴⁷ Dsu' jaang` lajee` la'ó' dsea` quiá'` Jesús caguir` ñisü' quiá'r`, jo caquiü'r` dseáng' logua` jaang` dsea` i jmóo` ta` quiá'` i jmidsea` i laniing`. ⁴⁸ Jo Jesús cajming' r` jaléng` i dsea` do lala:

—¿Jialí' nicañilíng`na' e quié`na' jalé' ñisü' cóo'gui jalé' 'ma' e laco' nitøø`na' jnea` e 'ñúun`n laco'gui la cáng` dsea` jaang` ü? ⁴⁹ Co' laco` jmiü` nicang` jnea` jee` 'nú' e ée` e 'nú' júu` quiá'` Fidiéé` fí' dsí' sinüü` guá'` fé'` quí`ii', dsu' ja` ca'í` óó'na' fa' lajüí' ie` jo caséng`na' jnea`. Dsu' lanagui nilitib` náng laco'gui la fé'` fí' ni` jì` quiá'` Fidiéé`.

⁵⁰ Jöba' lajüim` i dsea` quiá'` Jesús do catiúum`bre dsea` do jo cacuí`bre. ⁵¹ Jo dsu' jaang` siming` cangó`bre tí'leáaiñ' laco' cangáng' Jesús, jo lico' íaiñ' coo` jmóo'` 'mi' lajób. Jo casam'`bre i siming` do cajo; ⁵² dsu' i siming` do catú`bre e jmóo'` 'mi' do jo cacuí`bre la ringúuiñ' lado.

Mi` cagüéng' Jesús fí' quini` jaléng' dsea` cóøng`

(Mt. 26:57-68; Lc. 22:54-55, 63-71; Jn. 18 :12-14, 19-24)

53 Jo cató-bre Jesús fí quini fí laniing- quiá'- jaléng' jmidsea` quiá'- dsea` góor` dsea` Israel; jo fí job caseáng' jaléng' fí jmidsea` quiá'- cóo' gui jaléng' dsea` cóong' quiá'- jogui jaléng' tifa' quiá'- júu` quiá' ta` quiá'- dsea` Israel cajo. 54 Jo dsu' cangób- Tú` Simón jjub` cõoiñ` laco' cangó- Jesús cartí caguiliñ- e fí siguí fí lí` guing- i jmidsea` laniing- do, dsu' fí caluub` caje' Tú` Simón coling- cóo' i dsea` i neé` ni` e guá'- fé' quiá'- dsea` Israel i neáng` jmiguiáng' fí ca' lí` coo` jì.

55 Jo jaléng' fí jmidsea` quiá'- dsea` Israel cóo' gui lajaléng' dsea` cóong' i quiá' ta` quiá'- canaaiñ` 'nór' e` jalé' dsee- sea` quiá'- Jesús e laco' nilí'r' e nijngaiñ- dsea` do, jo dsu' ja` cadsé' i dsea` do jíi' coo'. 56 Jo fim' dsea` 'niiñ` Jesús cóo' júu` e o' já', dsu' jmaquíim' júu` fé'r' lajaang` lajaañ` jo jíi' jaaiñ` ja` cuó'- júu` rúñ'. 57 Jo caróo`-bi jaang` gáng- dsea` e 'niiñ` Jesús cóo' júu` e o' já'- jo cajíñ'- lala:

58 —Jnea` caná'naa' e cajíng'- dsea` na lala: “Jo ni'lim`baa guá'- fé' qui-ii' e si' fí Jerusalén e cajme' jaléng' dsea`, jogui lajee` 'ní` jmii` lajob nijmée'-túu` coo'gui e ja` nitaan`n` jíi' jaang` dsea` jmigüi e jme'r-.”

59 Jo dsu' dseáng'- ja` cuøb' júu` rúng' jíi' jaang` i dsea` do cóo' lajíi' e síiñ` do.

60 Joba' caróo` i jmidsea` laniing- do jee` jaléng' i dsea` do, jo lalab cajmingí'r- Jesús: —¿Su jíi' coo` ja` iin'` ngii'-? ¿E` e fé' jaléng' i dsea` na e 'niiñ` 'nu`?

61 Dsu' jíi' coo` ja` ee` cañi' Jesús quiáiñ'- do, jo lí' cajer' tiib-. Joba' caleáb`tu` cajmingí' i jmidsea` laniing- do jo cajmingí'r- dsea` do lala:

—¿Su já'-ba' e 'nub` lin' Dsea` Jmaang- i nisíng- Fidiée` i nicá` nifi` qui- jnea`, jogui lin' i Jóo' Fidiée` camíng'- i dseáng'- i güeang' do?

62 Joba' cañi' Jesús quiáiñ'- do lala:

—E jáb'-, jneab` í, jogui 'nú' nimáam`ba' jnea~, i dsea` jmigüi i jáa' fí ñifi-, e guiin`n` lí' dséé' laco'gui la guing- Fidiée` i quii` jmii` jmé- lí' doñi' ee', jogui e nigáa'a fí yá' jmigüi fí jee` cabøø` jnií.

63 Job mi` i jmidsea` laniing- do canaaiñ` síiñ` sí'r` dsu' e guíñ- jo cajíñ'- lala:

—¿E`gui e güijeeng`guíi' e niline`guíi'? 64 Nab nicanáa`na' jial nicafé'r' júu` ga` uíi' quiá'- Fidiée`. ¿Jial í óo' 'nú' cóo' jalé' e nicafé'r' na?

Jo lajim` i dsea` do casíñ- røø` e røøm` dsea` do dsee-, joba' 'né- e nijúum`-bre.

65 Jo i ling- i dsea` do canaaiñ` 'ñiim`bre Jesús, jogui qui'r' ni` dsea` do jogui naaiñ` jnóor` moniñ` jo jmingí'r- dsea` do lala:

—¿Ne`duu' su já'- quií'- ñí' i` i cabá` moní'!

Jogui jaléng' i jmóo' í e guá'- fé' do canaaiñ` jnóor` moni` dsea` do cajo.

Mi` cajíng'- Tú` Simón e ja` cuíñ` Jesús

(Mt. 26:69-75; Lc. 22:56-62; Jn. 18:15-18, 25-29)

66 Jo co' dobi guing- Tú` Simón e fí siguí do ie` jo, jo lajee` jo mi` tí lí` caguié- jaang` dseamí i jmóo' ta` quiá'- i jmidsea` laniing- do. 67 Jo mi` cangaiñ- Tú` Simón e dob guíñ- do 'ni' jì jmiguiáñ', lí' cajer' jøøm`-bre dsea` do jo casí'r- lala:

—Cangíb` já'- 'nu` cóo' Jesús i seeng` fí Nazaret do, ¿já` já'-?

68 Dsu' Tú` Simón cañiir` quiá'- i dseamí do lala:

—Ja` cúing` jnea` i dsea` í, dseamí. Ja` ñii- e`gui e fó' na.

Jo cagüi`íi` Tú` Simón fí lí' o'ná`, jo job mi` caqui' jaang` tuidsée`. 69 Joba' cajøøng`-tu` i dseamí do ír, jo mifíng` canaaiñ` sí'r` i dsea` teáng- do ie` jo:

—I cangi' cóo' Jesús i dseañu' la cajo.

70 Dsu' Tú` Simón cajíñ'- calé' catú- e ja` cuíñ` dsea` do. Jo mi`míng- guíjia lajo cajíng'- i teáng- do cajo casí'r- Tú` Simón lala:

—E jáb'- dseáng'- 'nub` i cangi' cóo' Jesús do, ¿já` já'-?, co' dsea` Galileab lin'.

71 Joba' Tú` Simón canaaiñ` jmi'lim'` 'ñia'r' e jíñ'- e dseáng'- ja` ñir', jo casí'r- dsea` do:

—Ni` fii-. Dseáng'- ja` cuíim`baa i dseañu' i éeng` 'nú' na.

⁷² Jo mi~ tí lí~ caqui' tuidsee^ e catí tú~ ya', jo joguib cadseng'~ dsíí Tú^ Simón cajo e cajím'~ Jesús la nú'~ gui do lala: "Nú'~ gui e níquí'~ tuidsee^ e nití~ tú~ ya', 'nə̀ nifo'^ 'ní ya' e ja` cuín" jnea~."

Jo mi~ cadseng'~ dsíir' guiá~ e jo, canaaín` qui'bre jóng dseáng'~ e ngocáng` dsíir'.

15

Mi~ caguiéng'~ Jesús fí' quini~ dseata~ Pilato

(Mt. 27:1-2, 11-14; Lc. 23:1-5; Jn. 18:28-38)

¹ Jo mi~ cajneá~ e jmíi~ jo, jaléng'~ fii~ jmidsea` quiá'~ dsea` Israel caseáng'~ yaaiñ` cóo'~ jaléng'~ dsea` cóøng'~ quiá'r~ cóo'~ gui tifa' quiá'~ júu^ quiu' ta~ quiá'~ dsea` Israel, lí^ lajüing` i dsea` Israel i quie' nifí' i quiu' ta~, jo cató~ bre Jesús e 'ñúuñ'~ fí' quini~ dseata~ Pilato. ² Jo mi~ caguilíng~ jaléng'~ i dsea` í fí' jo, jo dseata~ Pilato cajming'~ r~ Jesús lala:

—¿Su já'~ ba' e 'nub` i líng' dseata~ dsea` féng' quiá'~ dsea` Israel?

Jo Jesús cañíir`:

—E jáb'~. Lajob líí lí^ laco'gui la nicafée'~ na.

³ Jo có' jmiguiab' dsee~ cuø' jaléng'~ i fii~ jmidsea` do Jesús, ⁴ joba' cajming'~ t~ tu dseata~ Pilato Jesús lala:

—¿Su jíi'~ cóo' ja` e iin'~ ngíi'~? Có' dseáng'~ jmiguiab' dsee~ jmóo' jaléng'~ i dsea` la quií'~.

⁵ Dsu' Jesús caleáb` tu ja` ee` cañíir` jíi'~ cóo'; joba' eáam' dsigá` dsíí dseata~ Pilato.

Mi~ cahuí' ta~ e nijúung~ Jesús

(Mt. 27:15-31; Lc. 23:13-25; Jn. 18:38-19:16)

⁶ Jo lajee~ e tí e jmíi~ jo, nitíng` dseata~ Pilato e láaiñ` jaang` dsea` i sijnúng` lí^ doñí' ií i ming` dsea` fii'. ⁷ Jo ie~ jo ni'iuung~ jaang` i sijnúng` i sii` Barrabás colíng` cóo'~ jaléng'~ i nijmóo' ta~ jngang'~ jaléng'~ dsea` fí' jee~ mí'~. ⁸ Jo mi~ casimó' dsea', jo camí'r' dseata~ Pilato e nijmé~ dsea` do lajo, e nileaiñ` jaang` i dsea` sijnúng` do laco'gui jíi'~ e qui'~ tiiñ`.

⁹ Joba' cañíi' dseata~ Pilato quiá'~ jaléng'~ i dsea` do lala:

—¿Su iing` 'nú' e nilaan` i dseata~ dsea` féng' quiá'~ dsea` góo'na' dsea` Israel?

¹⁰ Jo có' calilíb'^ i dseata~ do jéeng'gui e lí^ uí'~ e dsihuím' jaléng'~ i fii~ jmidsea` do quiá'~ Jesús, joba' cajáng'~ neiñ'. ¹¹ Dsu' jaléng'~ i fii~ jmidsea` do canaaín` ta'r' mii'~ jo canaaín` sí'r' jaléng'~ dsea` jíéng'gui e guiá~ gui e nileáng` Barrabás. ¹² Joba' cajming'~ t~ tu dseata~ Pilato lala:

—Jo ¿e~ iing` 'nú' e nijmee~ e cóo'~ i dsea` i fí' 'nú' dseata~ dsea` féng' quiá'~ dsea` góo'na' dsea` Israel?

¹³ Jo cañíi' tu jaléng'~ i dsea` do cóo'~ júu^ teá:

—¿Güitáiñ` fí' dse' crúu^!

¹⁴ Jo cañíi' tu dseata~ Pilato:

—¿E~ gui e ga` e nicajmée` i dseañu' na?

Dsu' i dsea` do caleáb` tu canaaín` ta'r' mii'~ jo fé'r`:

—¿Güitáiñ` fí' dse' crúu^!

¹⁵ Jo có' i dseata~ Pilato do contøøm~ iin~ e seeiñ` guiá~ cóo'~ jaléng'~ dsea', joba' caguím'bre i Barrabás do dsíí 'nuañí'; jo mi~ cangí e jo, caquiur' ta~ e calíhuíng` Jesús cóo'~ 'nii~ jo cajáng'~ neiñ' do e quiá'~ nitáng~ dsea` do fí' dse' crúub^ jóng.

¹⁶ Jo jaléng'~ i 'lée~ do cajéem`bre dsea` do fí' ní' 'núu' jo fí' jo caseaiñ' lajüing` 'lée~. ¹⁷ Jo caquíng' neiñ' do cóo' 'mí' e nú', jogui catá'r~ fí' moguí~ dsea` do cóo' lí^ corona e líí cóo'~ layaang` 'matóo'. ¹⁸ Jo mi~ cangí jo, canaaín` fé'r' teá lala e lóøng~ neiñ':

—¿Güiliseem` dseata~ dsea` féng' quiá'~ dsea` Israel!

¹⁹ Jo bár' sii~ moguí~ dsea` do, joguí 'ñíiñ' dsea` do, joguí jmicaaiñ~ e jmiféiñ' dsea` do e sí'r' uó~ jnir~ fí' quiniñ'. ²⁰ Jo mi~ cangí e lóøiñ` dsea` do lajo, cajé'bre e 'mí' nú' do, jo caquíng' tur dsea` do siiñ'^ e lamí~ quiñ'. Jo mi~ cangí jo, caguím'bre dsea` do e quiá'~ niteaiñ` fí' dse' crúu^.

*Mi catáng Jesús fi dse' crúu'**(Mt. 27:32-44; Lc. 23:26-43; Jn. 19:17-27)*

²¹ Jo lajee e teáaiñ fi, cajíñ jaang dseañu' i sii Simón i seeng fi Cirene, tiquiá^ jaang i sii Jaang cóo~gui jaang i sii Rufo, jo nijaiñ do fi jenuu fi li jmóor ta, jo jaléng i dseá i ngolíng do cajmeaiñ 'goo i Simón do e nijéñ crúu' quíá^- Jesús.

²² Jo cajém bre Jesús fi cóo li sii Gólgota e guóng Cuo Mogui 'Lí. ²³ Jo cacuør Jesús jmí^ jmíi huíng jó^ e sicáang cóo cóo o e sii mirra e si'í ni'í^- dseá do, dsu Jesús ja cali'iñ fa' e ca'í^- e jo. ²⁴ Jo job mi cateáaiñ dseá do fi dse' crúu'; jo jaléng i 'lée do canaaiñ cóor quíá^- e nijmér guié^ si'^ Jesús, jo ne duu e nilí^- nicóor lajaang lajaañ.

²⁵ Jo ngóo'jia la ii ñú^- e la'ee mi cateáaiñ dseá do fi dse' crúu'. ²⁶ Jo catéer cóo 'majmá'jia fi yá^ gui dseá do e tóo e uing e jmaíñ^- dseá do lado, jo lalab tóo: "I lab dseata dseá féng' quíá^- dseá Israel." ²⁷ Jo cateáang guir gáng i colíng cóo^- Jesús, jmá^- jáng crúu' lajaañ do, jaang la cataang cáang dseá do. ²⁸ Jo lajob caliti laco' la fé' fi ni jì quíá^- Fidié li fé' lala: "Cali'iñ^ jee jaléng' dseá i 'lée."

²⁹ Jo jaléng' dseá i ngíng lajee e táang Jesús fi dse' crúu' lico' guia'r gui bre e jóoiñ^- dseá do jo fé'r lala:

—jaa! ¿Su o' 'na'bi i fé' i lí' qui' guá^- fé' quíá^- dseá góo', jogui cóo^- 'ni' jmí^- lajo lí' jméé^- tu'? ³⁰ Jo lana leaang uø', jo güíng fi li táan' fi dse' crúu' na.

³¹ Jo lajob jaléng' fi jmidseá quíá^- dseá Israel cóo^-gui jaléng' tifa' quíá^- júu quíu' ta quíá^- dseáng^- lóom bre dseá do, jogui síiñ lajee yaaiñ lala:

—Caleám bre jaléng' dseá jéng', dsu 'ña'r jo quí^- jmí^- fa' e nileáng^- gui ñia'r náng. ³² Song nine'naa' e nijgiáaiñ fi dse' crúu' fi li táaiñ, joguiba' já^- nilí'naa' jóng e í bre líiñ Dseá Jmáang, i dseá i sijeeng'naa' i nicá^- nifí quí^- il', jogui i nilíng^- dseata dseá féng' quí^- il' cajo.

Jo jì gui cartí i i taang cáaiñ do, gab fé'r uí^- quíá^- dseá do cajo.

*Mi cajúng Jesús**(Mt. 27:45-56; Lc. 23:44-49; Jn. 19:28-30)*

³³ Jo mi catí guieñí^- e jmí^- jo, dseáng^- latøng^- e fi jo calinú^- congua', jo lajob lí cartí la ii 'ni' calóo-. ³⁴ Jo e í job mi ca'óo^- Jesús teá jo cajíñ^- lala:

—Eloi, Eloi, ¿lama sabactani? —e guóng': Fidié^- quíé^- e, Fidié^- quíé^- e, ¿jali' niatricun' jnea^-?

³⁵ Jo i líng^- dseá i teáng^- do ie^- jo canúur^- e jo, jo cajíñ^-:

—Fing na núu^- na', lana tó'r i café^- cuaiñ quíá^- Fidié^- mali^- gui eáng i calisí Líí^-.

³⁶ Joba' ladsifí ladob cangó^- jaang i dseá do, jo cangoquier cóo^- joo e nisíyá^- jmí^- jmí huíng jó^ e tí', jo caquíñ^- e joo do fi cóo^- yá^- tá jo caséer^- e laco' niyá^- Jesús jo cajíñ^- lala:

—Ja ee cang'na're, majeeng duu' su nijáa i Líí^- do e nijajgiáaiñ^- dseá na.

³⁷ Job mi ca'óo^- Jesús e teá eáng jo cajúm^- bre. ³⁸ Jo mifíng^- job cajo casím^- e 'mi' fé' e í fi sinúu^- guá^- fé' quíá^- dseá Israel e si' fi Jerusalén jo calí^- tú^- fío^- catí yá^- jogui catí uii-. ³⁹ Jo mi calilí^- i fi 'lée^- romano i sing' jmóo^- í cáang^- Jesús e nicajúm^- dseá do, joba' cajíñ^- lala:

—Dseáng^- e já^- ba' e i dseañu' na líiñ i jóo^- Fidié^- camíng^- do.

⁴⁰ Jogui huí^- bijia teáng^- cóo^- tú^- míng^- dseam^- e jóø^- fi jo; jo jee í quíng^- Yá^- i seeng fi Magdala, jogui Salomé, jogui Yá^, niquíá^- Tiáa^- i jiuung^- do jogui niquíá^- Sé^- cajo. ⁴¹ Jo jaléng' i dseam^- na cangi bre e jmicoor^- cóo^- li ee go 'né^- Jesús ie^- lamí^- cateáaiñ fi li se^- Galilea. Jogui i fímb'igui dseam^- i jéng^- i teáng^- do ie^- jo cajo i cajalíng^- fi Jerusalén cóo^- dseá do.

*Mi ca'áng Jesús**(Mt. 27:57-61; Lc. 23:50-56; Jn. 19:38-42)*

⁴² Jo jaquíeng' e tí lí~ ni'í núa' ie~ guati'ló~ jmí~ e guía' dsea' Israel guíá~ e nití~ jmí~ e jmi'íñ'. ⁴³ Jo ie~ job mí~ caguié~ jaang' dseañ' i sii' Sé~ i seeng' fí' coo' fi' e sii' Arimatea, jo i dsea' la líiñ' jaang' i niing~ quía'~ jaléng' dsea' cóong' i quíá' ta~ quía'~ dsea' Israel, jo sijeem~bre cajo e Fidié~ nicá' nifí' quía'r~; jo dseáng'~ teáb' táang' dsí' cangór~ fí' lí~ guing~ dseata~ Pilato, jo camir' fí' e nidsi'áaiñ' Jesús. ⁴⁴ Jo cangogáb' dsí' dseata~ Pilato e nicajúm~ Jesús, joba' cató'r~ i fi' 'léé~ e quía'~ nijmingi'~reiñ' do jial tí' ningóo' e cajúng~ dsea' do. ⁴⁵ Jo mí~ cajmea' i fi' 'léé~ do júu' i dseata~ do, joba' dseata~ Pilato cacuø'bre fí' i Sé~ do e nidsi'áaiñ' Jesús. ⁴⁶ Jo i Sé~ do calár~ coo' 'mí' e niguo' eáang' e quía'~ niquiñ' Jesús. Jo cangojéem~bre dsea' do fí' lí~ ni'áaiñ' fí' coo' dsí' too' jiáa', jo cajlír~ e ni' do cóo'~ coo' cuu~ e fe'. ⁴⁷ Jogui Yá' i seeng' fí' Magdala cóo' Yá' niquiá' Sé~ i jaang'gui do cangá~bre jie~ lí~ ca'áaiñ' dsea' do.

16

Mí~ cají'tu Jesús

(Mt. 28:1-10; Lc. 24:1-12; Jn. 20:1-10)

¹ Jo mí~ nicasúung~ e jmí~ e jmi'íng' dsea' Israel, i Yá' i seeng' fí' Magdala jogui Salomé cóo'~gui Yá', niquiá' Tiáa~, calár~ jmí~ jmeafi~ e quía'~ e nidsisuiñ' Jesús fí' lí~ iuung~ dsea' do. ² Jo eeb' e jmí~ la'uii~ quía'~ semaan~ cangolíñ' fí' lí~ ca'áng~ Jesús, jo caguiliñ' e lico' nicaguá' i ee~, ³ jo sáiñ' lajee' yaaiñ' lala:

—¿I~ nijé' e cuu~ e jlí' fí' otoo' ée' lí~ ca'áaiñ' do?

⁴ Dsu' mí~ cangár~ røø', e cuu~ e cajlír~ ni~ otoo' quía'~ e ée' do jo' røø' ée' quía'~. ⁵ Jo cangotáam~bre e fí' dsí' tó' ée' do, jo fí' job cangáiñ' jaang' siming' i guing~ lí' lí' dsée' i qui' coo' 'mí' té' e cuee'. Jo eáam' cafóng' i dseamí' do, ⁶ dsu' i siming' do cañír' lala:

—Ja' fòøng'~na' jii' coo'; co' ñi'baa e 'náng'~na' Jesús i seeng' fí' Nazaret i cajúng~ fí' dse' crúu' do, dsu' lanagui nicajíb'tur, jo jo' iuuiñ' fí' la lana. Fí' na jøø'~na' e fí' lí~ catiraiñ' do, jo ii' seeng' jii' jaang'. ⁷ Güilíng'~na' jo güijmée'~na' júu' dsea' guijáng' quía'r~, jo jee~ jo quíng'~ Tá' Simón cajo, jo sí'~na'r lala: “Jéeng'~gui nidsé~ Jesús fí' lí' se' Galilea laco'gui 'ná', jo fí' job nimáang'~na're lí' laco'gui jii' e cajíñ'~ ie~ lamí~ ná'~gui e nijngáng'~ dsea' ír.”

⁸ Jo mí~ cangí' e jo, ca'uøøm' i dseamí' do e cuíir' e fí' lí~ ca'áng~ dsea' do, co' dseáng'~ eáam' jléeiñ' e 'gó'r'. Jo jii' jaang' ja' ii' cajmea' i dseamí' do júu', co' dseáng'~ 'gó'bre.

Mí~ cajmijnéeng' ñia' Jesús fí' quini' i Yá' i seeng' fí' Magdala

(Jn. 20:11-18)

⁹ Jo mí~ nicangí' e nicají' Jesús, mí~ cajneá' e jmí~ la'uii~ quía'~ semaan~ do, jo la'uii~ cajmijnéeng' ñia'r' fí' quini' i Yá' i seeng' fí' Magdala, i dseamí' i ca'uøøng' guíang~ i 'líng' fí' dsí' lamí~ jéeng'gui. ¹⁰ Jo i Yá' do ladsifí' cangojmée'r' júu' jaléng' i dsea' i cangí' cóo' Jesús do; jo jaléng' i dsea' í' dseáng'~ eáam' fi'í' líiñ' jogui neáaiñ' ta~ qui'. ¹¹ Jo mí~ canúu~ i dsea' do e nicajíb'tu Jesús jogui e nicangám~ i Yá' do, jo dsu' ja' já' calíng~ i dsea' do ladsifí' lado.

Mí~ cajmijnéeng' ñia' Jesús fí' quini' gáng~ i dsea' quía'r~ do

(Lc. 24:13-35)

¹² Jo mí~ cangí' e jo, cajmijnéem' ñia' Jesús fí' quini' gáng~ lajee' i dsea' quía'r~ do lajee' ngolíñ' e teáaiñ' fí' fí' jee~ mó'. ¹³ Joba' ladsifí' ladob caquim'~tu i dsea' gáng~ do, jo cangojmée'r' júu' i caguiaang'~gui do; jo dsu' ja' já' calíñ' do cajo ladsifí' lado.

E ta~ e cacuø' Jesús jaléng' dsea' quía'r~

(Mt. 28:16-20; Lc. 24:36-49; Jn. 20:19-23)

¹⁴ Jo mí~ cangí'gui lajo, lajee' e neáang' i dsea' guijáng' quía'r~ e gø'r' fí' 'ni' mes~, jo lajee' jo mí~ cajmijnéeng' ñia' Jesús fí' quini' jaléng' i dsea' do, jo cajím~breiñ' do, co' dseáng'~ ja' já' mí' lím'biñ' do e nicajíb'tur; jogui co' eáam' ue' moguiñ' cajo, joba' ja' já' calíñ'~

do ladsifí lado mi~ cajíng' i dsea`i cangá- quiá'r- e nicají'tur. ¹⁵ Jo casí'- Jesús i dsea` do lala:

—Güiling-na' fí la'úng- fí jmiǵüî, jogui güiguia-na' júu^ jee~ jaléng' dsea` jmiǵüî jial nileáng` dsea` jee~ jalé' dsee- quiá'r-. ¹⁶ Jo jaléng' i dsea` i já'- nilíng` júu^ quié-e jogui e nisáin` jmiî e laco' cuø' li~ e nica'uíin` dsea` quié-e, joba' i dsea` í nileám`bre jóng jee~ jalé' dsee- quiá'r-; dsu' i dsea`gui i ja`já'- nilíng` júu^ quié-e, joba' i dsea` í latab` ni'naaiñ` quiá'- Fidiéé. ¹⁷ Jogui niñim` jaléng' i dsea` i já'- líng` júu^ quié-e e nilí'bre uóin` i 'ling'^ i teáng' dsí' dsea` la'eáang' cóo' júu^ quié-e; jogui niñim`bir cajo e nifé'r` jmií' e ja` mí' ñir' jéeng`gui; ¹⁸ jogui nilí'bir e sáin' mi' i guíng- cajo e ja` nicúin' do quiá'r-, jogui song ni'í'r` lafa' oguí-, ja` ni'lé- quiá'r- jíi' cóo; jogui niñim`bir e nilí'r` jmi'leáaiñ- jaléng' dsea` dsée' cajo e lico' niquidsir' guóor` fí yá'^ moguiñ-, jo ni'leáam-biñ' do jóng.

Mi~ cangáng'-tu Jesús fí ñifí-

(Lc. 24:50-53)

¹⁹ Jo mi~ cangá' e casí'- Fí'naa' Jesús jaléng' i dsea` quiá'r- do lajo, joba' cajgóo`bre fí yá'^ jmiǵüî jóng, jo cangám'-tur fí ñifí- fí li~ cajár-, jo cangogüea`tur lí'^ lí' dsée' laco'gui la guíng` Tiquiá'r^ Fidiéé. ²⁰ Jo mi~ cangá' jo, ca'uøøm` jaléng' i dsea` do fí la'úng- fí jmiǵüî e cangoguiar~ júu^ quiá'- jial laang` dsea` jee~ jalé' dsee- quiá'r-, jo 'ñiab' Fí'naa' jmicóo'r` i dsea` í e guiaiñ' do júu^ quiá'r-, jogui ca'e'bir dsea` jmiǵüî e dseáng'- e já'- júu^ quiá'r-, co' jaléng' i dsea` do jmóor` jalé' e dsigá' dsí' dsea` la'eáang' cóo' güea'^ quiá'- Fí'naa'.

Jo lajob nilí'.

Jo lanab jíi' lí' júu^ quiá'- Fidiéé e cajme' Marcos.

E lab júu[^] quiá' - Dsea` Jmáang - e cajme' LUCAS

E uing` e cajme' Lucas e jì la

¹ Teófilo, niñib[^] 'nu` e fñim` dsea` cajme'r fí ni` jì jalé' e nicalí` jee` jneaa`aa', ² jo cajme'r laco' júu[^] e cajmée` jaléng' i dsea` i cangá` jial calí` lamí` cagüéng` Jesús fí` jmigüi` la, jo i dsea` íb` i ca'e` jalé' júu[^] quiá' - Jesús cajo. ³ Jo nica'nób'` jnea` cajo, jo nicalidseám` dsii` jalé' e já' - e calí` latí` mi` uing` jo latí` lana, joba' nijmée'` e 'nu` júu[^] jial calí` lamí` cateáng` Jesús fí` jmigüi` la, ⁴ jo lajoba' dseáng' - lajang' - niliñi` jalé' e júu[^] e nica'e'` dsea` 'nu`.

Jaang` ángel cajméer` júu[^] e niliseeng` Juan i seáng` dsea` jmii`

⁵ Jo lajee` líng` Herodes dseata` dsea` féng' quiá' - Judea, jo seeng` jaang` jmidsea` quiá' - dsea` Israel i sii` Zacarías, i líng` dsea` quiá' - jaang` jmidsea` i sii` Abías. Jo i dseamí` quiá' - i Zacarías do siir` Elisabet, siju` jaang` jmidsea` i calisí` Aarón. ⁶ Jo laji` huáam` bre núu'r` jalé' ta` quiu' Fidiée`, jo eám' guiúin` fí` quini` dsea` do cajo e laco' jii` jaang` dsea` ja` cuóong` cuó' - reiñ' do dsee`. ⁷ Jo dsu' ja` i jóor` seeng`, co' i dseamí` do ja` cuóong` nidsiquieeiñ` yuu, jogui dsím' - nidseáaiñ` laji` huáaiñ` do cajo.

⁸⁻⁹ Jo coo` jmii` catíng` jaléng' jmidsea` e lí` quíng' Zacarías do e nijmiféiñ' Fidiée` fí` dsíi' guá' - fé' e si' fí` Jerusalén, jo nitíng` lajee` la'ó' jmidsea` e guíng' yaaiñ` i` i nitíng` e nijír` su` fí` nife', jo Zacaríasbing' catíng` ie` jo. ¹⁰ Jo 'ñiab' Zacarías ca'ír` tí` nife' ie` jo e quier` e su` do. Jo lajee` coo` e su` do, lajalém' dsea` teáaiñ` fí` caluu` e jmiféiñ' Fidiée`. ¹¹ Jo lajee` iuung` Zacarías fí` nife' do, jo coo` cajném` jaang` ángel quiá' - Fidiée` lí' lí` dsée' e nife' e lí` iuuin` jir` e su` do. ¹² Jo mi` cangáng` Zacarías i ángel do, dsíng' - cafóin' jii` ja` ñir` e` nijmér`. ¹³ Jo cajíng' - i ángel do casí'r` Zacarías:

—Ja` fóøñ', Zacarías, co' nicanúub` Fidiée` lajii` júu[^] e nicamí` na'r do, jo lana dseamí` quiá' - nidsiquieeiñ` jaang` yuu` siñuu` i nitó' e nilisii` Juan mi` niliseeiñ'. ¹⁴ Jo fñim` dsea` nili'íang` dsíir` jogui dsíng' - nili'íang` óo' 'nú' e niliseeng` i yuu` qui` na' do cajo, ¹⁵ co' mi` nicuáin', dsíng' - niliféiñ' fí` quini` Fidiée`. Jo ja` méé` ni'í'r` carta` niteáin` fí` jmigüi', jogui ná' gui e niliseeiñ', ni'íñ' Jmiguí quiá' - Fidiée` e nijmicóo' quiá'r` lajii` ta` e nijmér` fí` jmigüi` la. ¹⁶ Jogui nijmér` e niqú' - jing' yaang` fñim` dsea` Israel fí` quini` Fidiée`. ¹⁷ Jo i Juan do ni'íñ' Jmiguí quiá' - Fidiée` laco' ca'íng' jaang` dseañu' i calí'gøng' eáang' i calisí` Lí', jaang` i café' cuaiñ` quiá' - Fidiée` malí` gui eáang'. Joba' i Juan na niguiár` júu[^] mi` nijaquíéng' e nijáa` Dsea` Jmáang` e laco' røøb` nisíng` tu` jaléng' jóo' dsea` cóo' - jaléng' sejmiir', jogui e laco' jaléng' dsea` i jo` náu' júu[^] quiá' - Fidiée` niqú' - jing' yaaiñ` mi` ninúr` jalé' júu[^] e niguiá` i dsea` í. Jo lajoba' nijmér` e niguiéng` guiá` yaang` dsea` e nijmicuúin` Dsea` Jmáang`.

¹⁸ Jo mi` cató' e fé' i ángel do jalé' júu[^] quiá' - Fidiée`, jo cajmingi' Zacarías i ángel do:

—Jial nilita` dsí` jnea` jalé' e jo, co' nidseáam` baa' eáang' cóo' - dseamí` quié` e?

¹⁹ Jo cañi` i ángel do:

—Jneab` i ángel Gabriel, jo jmóo`o` jalé' ta` e iing` Fidiée`, jo íb` dsea` casíñ` jnea` e cagajmée'` e 'nu` jalé' e juguiá` e nifá' - a na. ²⁰ Jo dsu' uíi' e ja` já' calín' - jalé' júu[^] quié` e, joba' latí` lana nijá' e jo` lí` fo' jii` camí' júu[^] cartí` niliti` lajii` júu[^] e nifá' - a na, jo joguib nifo' tu' jóng.

²¹ Jo lajee` síng` Zacarías cóo' - i ángel do, jo caluu` guá' - féb' teáang` jaléng' i dsea` i sijeeng` ír` do. Jo lajaléng' i dsea` do ninaang` í` dsíir` jiali' calí'íng` Zacarías eáang' fí` lí` cangór` fí` nife' do. ²² Jo dsu' mi` cagüi'ñ' Zacarías fí` jo, jo` lí` fé'r'. Joba' dsifí` lajob calíi' jaléng' i dsea` i teáang` caluu` do e liim`ba' e cangáin' do e fí` dsíi' guá' do. Jo dsifí`

ladob canaang` Zacarías e jmóor` li` cóo`~ guóor` quiá'- jial e cangár- do, jo cangoca`bi e líiñ` lado.

²³ Jo mi` cangá jo, mi` catí í' e cadsíng- lajii~ jmii~ e catíng- Zacarías e iuuiñ- fí sinúu` guá'- do, jo cangám'-bre fí quiá'r-. ²⁴ Jo mi` calicóng`gui lajo, yuub` cacóng- dseamf` quiá'r-. Jo lajee` ñíng- si' jo` cagüi'í' i dseamf` do sinúu` quiá'r-, jo lajee` jo í dsír': ²⁵ "Gui'máam` Fidiée` quiá'- e guiá- e jmóor` cóo`~ jnea~ e laco' jo` nífé` dsea` ga` uii~ quié-e."

Mi` cajmée` i ángel do júu` e niliseeng` Dsea` Jmáang`

²⁶ Jo mi` cadsíng- jñúung- si' lajo, cóo` jmi~ casíng` Fidiée` i ángel Gabriel do fí cóo` fii` lí sií Nazaret e née' fí lí se' Galilea. ²⁷ Jo casíñ` dsea` do fí quiá'- jaang` simf` i sii` Yá^ i ninée` júu` quiá'- cóo`~ jaang` siming` sijü` Daví^ i sii` Sé^ . ²⁸ Jo mi` caguié- i ángel do fí quiá'- i simf` do jo casí'-reiñ':

—Juguiá- o` quií'-, simf`, co' 'nua`bing' i nicaguíng' Fidiée` lajee` lajaléng' dsea` i seeng` fí jmigüi', jo Fidiéeb` nijmicóo`~ 'nua`.

²⁹ Jo mi` canúu- i simf` do júu` quiá'- i ángel do, dsíng'- cangogá` dsír' jo ca'f` dsír' e` uiing~ e cajíng'- dsea` do lado.

³⁰ Jo cajíng'- tu i ángel do:

—Ja` fõøn` jii~ cóo`, co' íáam` dsíí Fidiée` cóo`~ 'nua', ³¹ jogui lana nigüiquiéen` jaang` yuub` siñuu`, jo mi` niliseeiñ`, nitó`na' e nilisiir` Jesús. ³²⁻³³ Jo mi` nicuáiñ`, nijmé- Fidiée` e niliiñ- jaang` dsea` féng' laco' calíng- i sijur` Daví^ do. Jogui i yuub` do quií'- latab` niquiá'r- ta` quiá'- lajaléng' dsea` Israel, jogui niquiá'r- ta` cajo fí la'úng- fí jmigüi', jogui nilisiir` Jóo' Fidiée` dsea` guing` ñiff-.

³⁴ Joba' cajmingi' Yá^ i ángel do:

—Jial cuóøng` nilí lajo? Ja`gui cóo`~ o` dseañua`.

³⁵ Joba' cañi i ángel Gabriel do:

—Fidiée` dsea` guing` ñiff- nijmér- cóo`~ güea` 'gøng' quiá'r- e niquin'- lafa' jee~ cabøø` jnií, jo lajee` joba' nicuó'r- 'nua` Jmiguí quiá'r-, jo joguiba' nigüiquiéen` i yuub` güeang` i líng' Jóo' Fidiée` do. ³⁶ Jogui i nií' i sii` Elisabet, jaang` dseamf` i niyúng' eáang', jñúung- si' ningóo' e quíeeiñ` jaang` yuub` siñuu`. Jo i dseamf` do i nica'éeng` dsea` eáang` e ja` jiuung` nicóøiñ-, yuub` niquíeeiñ` lana, ³⁷ co' jaléb` tíng` Fidiée` jmér-.

³⁸ Joba' cañi Yá^:

—I quiá'- Fidiéeb` jnea~. Güijméeb` Fidiée` cóo`~ jnea~ laco' nicafee` na.

Jo mi` calí- sñiñ` lado, jo cangám'- tu i ángel do fí lí` cajár-.

Mi` cangó- Yá^ e cango'er` Elisabet

³⁹⁻⁴¹ Jo dsifí mi` cangá lajo, cangó- Yá^ fí cóo` fii` e née' fí jee~ mó' lí se' Judea e cango'er` i nír` Elisabet i cóo`~ Zacarías do.

Jo mi` caguié- fí jo, jo cangoféeiñ` dsea` do. Jo mi` cató- Yá^ cató'r- Elisabet, dsifí ladob cajóng' i yuub` i iuung- dsíí tu' Elisabet, jogui dsifí ladob ca'íng' Elisabet Jmiguí quiá'- Fidiée`. ⁴² Joba' cajíng'- i Elisabet do casí'r- Yá^ e ngocáng` dsír' jo cajíñ'-:

—'Nua`bing' i nicajmigüeang` Fidiée` lajee` lajaléng' dseamf` i seeng` fí jmigüi', jogui nicajmigüeaiñ` yuub` quií'- cajo. ⁴³ ¿I` jnea~ e nija`ee` niquiá' Fíi` jnea~? ⁴⁴ Co' mi` canú-u e cate' jnea~, dsifí ladob cajóng' yuub` quié-e lí iuuiñ- fí dsíí tú'u e íaang` dsír'. ⁴⁵ Joba' eáam` juguiá- quií'-, co' jáb'- calín'- e niliti~ jalé' júu` quiá'- Fidiée` e cacuó'r' 'nua'. ⁴⁶ Joba' cajíng'- Yá^:

Dsíng'- jmifén' jnea~ Fidiée`,

⁴⁷ jogui dsíng'- íaang` dsii- cóo`r~ cajo,

co' íbre dsea` caleáaiñ` jnea~ jee~ dsee- quié-e.

⁴⁸ Dsa' jnea~ lín'n jaang` dsea` quiá'- Fidiée`

i ja` jmiféng' ñia', jo sí'ím' Fidiée` jnea~,

jō latí lana jō cartí rōo` jmīgüî nifé' jaléng' dsea` jmīgüî juguiá- uii~ quié-e.

49 Co' Fidiéeb` dsea` 'gøiñ' fí' la'úng- fí' jmīgüî,
jōgui jmīgüiab' jalé' e nicajméer` cōo'~ jnea~ cajo,
cō' íbre dsea` güeaiñ' fí' latøøng- fí' jmīgüî.

50 Jōgui contøøm- nilí fí' líiñ- jaléng' dsea` i nijmi'gó' ír'.

51 Jō íbre tñiñ` jmér- lí' doñí' ee',
jōgui cajméer` e cajgiém- jalé' e í dsíí dsea` i jmicøøng'~ yaang~.

52 Jōgui cajgiám- bre uó- jaléng' dsea` i óo` ta~ ñíí,
jōgui yúb' caseaiñ' jaléng' dsea` i ja` jmicøøng'~ yaang~.

53 Jōgui juguiáb- cacuø'r` jaléng' dsea` i ja` 'ga' lí' sea` quiá'-,
jōgui cajmilím- bre guoo` jaléng' dsea` sea` cuu-.

54-55 Jōgui cajmicōo'r~ jaléng' dsea` góor` dsea` Israel
i caguíñ' lamí~ jéeng'gui i nilíng- dsea` quiá'r- ,
cō' lajob júu` caséer' cōo'~ 'lí~ yúu'~ quí'ii' i sií Abraham e nilí fí' líng- Fidiéé`
jneaa~aa',

jōgui nijmicōo'r~ jneaa~aa' lata~.
Jō jalé' e júu` na cajíng'- Yá' ie~ jō.

56 Jō cajeb' Yá' gaang' si' cōo'~ i Elisabet do. Jō mi~ cangí jō, jōguiba' cangáng'-tur fí' quiá'r-.

Mí caliséng` Juan i seáang` dsea` jmíi`

57 Jō mi~ cangí jō, cadsím- jmíi~ e niliseeng` yuu` quiá'- Elisabet, jō jaang` yuu` siñuub` caliséng` quiá'r-. 58 Jō dsíng'- cali'íang` dsíí jaléng' rúíñ' cōo'~ jaléng' dsea` i neáang' lacúng' lajíng' lí' neáaiñ', cō' calilí'r` e dsíng'- guíá- e cajmée` Fidiéé` cōo'~ i Elisabet do.

59 Jō mi~ cadsí'- i yuu` quiá'- Elisabet do jñiá- jmíi~, jōba' cangojéeng'neiñ' e nitó- lí' fí' ngúu` táaiñ` laco' e quí'- tñng` dsea` Israel. Jō mi~ cajméer` lajō, si'í nilisií i yuu` do laco' sií tiquiá'r` Zacarías. 60 Dsu' i Elisabet do cañír` jō casí'r- jaléng' i dsea` do:

—U~, Juam 'né- nilisiíñ' na.

61 Jōba' cajíng'- i dsea` caguiaang- do casí'r- Elisabet:

—Jō ¿jialí' nilisiir` lajō? Jíí~ jaang'gui dsea` sinúu` quí'- ja` siir` lajō.

62 Jōba' cajmingí'- i dsea` caguiaang- do Zacarías e jmóor` lí' cōo'~ guóor`:

—Jō ¿jial nilisií i yuu` la, fó' 'nu'?

63 Jō Zacarías camir` cōo' lí' nijmé'r- jial iñ~ e nilisií i yuu` do, jōba' cajme'r` e Juam nilisiíñ' do. Jō dsíng'- cangogá` dsíí jaléng' i dsea` do e calisí i yuu` do Juan. 64 Jō dsifí' ladob cana` oo- luu` Zacarías jō canaiñ` jmiféiñ' Fidiéé`.

65 Jōgui jaléng' dsea` i neáang' lacúng' lajíng' lí' guíng~ Zacarías eáam' cangogá` dsír' quiá'- jalé' e calí- do, jō lajobi lacaang` jee~ mó' lí' se' Judea eáam' caliseá' e júu` jō. 66 Jō lajíng` dsea` i caliñí' jalé' e calí- do cajmingí' rúíñ':

—¿E~ sí'ling` i yuu` la mi~ nicuaiñ'? Dsucō' eáam' lí' e jmicōo'~ Fidiéé` quiá'r-.

Jalé' e ca'ø' Zacarías quiá'- Fidiéé`

67 Jō mi~ cana` oo- luu` Zacarías, dsifí' lajob ca'íñ' Jmígüî quiá'- Fidiéé` jō canaiñ` fé'r' jalé' júu` e cangúíñ` cacuø' Fidiéé` ladsifí' lado jō cajíñ':

68 Güijmifém' jaléng' dsea` Fí'naa' Fidiéé` quiá'- dsea` Israel, dsucō' nicajár- jee~ jneaa~aa', dsea` lí'naa' dsea` quiá'r-, jō nicaleáam` bre jneaa~aa' jee~ jalé' dsee- quí'naa'.

69 Jō caguíñ' lajee` lajaléng' síju` dseata~
dsea` féng' Daví' i jmóo` ta~ quiu' Fidiéé` do jaang` i 'gøng'gui eáang'
e quiá'- nileáiñ- jneaa~aa' jee~ jalé' dsee- quí'ii'.

70-71 Co' lajob júu` cacuø' Fidiéé` jaléng' dsea` quiá'r- i nicafé' cuaiñ~ quiá'r- mali'gui eáang'

e nileáiñ jneaa~aa' jee~ jaléng' i 'ní' níng~ jneaa~aa'

jogui jee~ jaléng' i guíng~ quí~naa' cajo,

⁷² jogui nilí' fí' lím~bre jaléng' 'lí' dsea` cóong~ quí~naa',

co' ja' ni'íng~ dsír' lajii' júu^ e cajmirór'

cóo' 'lí' yúu~ quí~ii' Abraham lajii' mali'gui eáang'.

⁷³ Jo e lab júu^ e cacuø' Fidié~ i Abraham do ie~ jo:

⁷⁴ e nileáiñ jneaa~aa' jee~ jaléng' i 'ní' níng~ jneaa~aa',

joba' jneaa~aa' nijmó^naa' e ngocáng' dsi'naa' lí' dseáng'~ laco' iing~ Fidié~,

jo jo' e 'gøng'naa' jii' cóo' i dsea' i 'ní' ní~ quí~ii' do jóng.

⁷⁵ Jogui lata~ see~naa' fí' jmigüí' la,

ni see~naa' e lí'naa' dsea` güeang'^ quíá'~ Fidié~ jogui dsea' i ée` røø' laco' si'í' fí' quini~ Fidié~.

⁷⁶ Jo mi~ calí~ e jo, jo lalab casí'~ Zacarías i yuu' do:

Jogui 'nu', yuu' quí~ii', nilisii' dsea' i caguíng' Fidié~ dsea` guíng~ ñifí~ i nífé' cuaiñ~ quíá'r~;

co' 'nab` dsea` niguiéen'~ dsea` guíá~,

co' lana nijaquíéng' e tí' lí' nijáa' Fí'naa' Dsea` Jmáang~.

⁷⁷ Jo nijméé~ dsea` júu^ jial nileáng~ Fidié~ jaléng' dsea` jmigüí' e ni'íng~ dsee~ quíá'r~.

⁷⁸ Jo Fidié~ nijmér~ jalé' e jo, co' dsíng'~ 'neáaiñ jneaa~aa', jogui eáam' fí' líiñ~ jneaa~aa' cajo.

Joba' nicacuø'r' jneaa~aa' e lafa' nijneá` cóo' jì e jlo'^ níng~ 'gøng' fí' lí' see~naa' lana,

⁷⁹ jo e joba' nijmicóo'~ quíá'~ jaléng' dsea' i seeng' lafa' sijúung~ lí' nuu' só'.

Jo Fidié~ ni'é'r^ jneaa~aa' fí' guíá~ quíá'r~ e laco'

nilisee~naa' juguíá~ júu^ røø'.

Jo jalé' e júu^ na café' Zacarías ie~ jo.

⁸⁰ Jo cuaam' i yuu' quíá'r~ do laco' ngóo' jmíi~. Jo lajee~ cuaaiñ~, eáang' ngóo' licuíiñ~ Fidié~ jogui eáang' ngóo' liguíiñ~ la'eáang' cóo'~ Jmiguí' quíá'~ dsea' do. Jo mi~ 'lé' cacuíiñ~, jo cangór~ fí' cóo' jee~ mó', jo job cateáiñ~ cartí' mi~ caguié~ jmíi~ e nilicuíi' dsea' Israel quíá'r~.

2

Mi~ caliséng' Jesús

(Mt. 1:18-25)

¹⁻² Jo ie~ jo seeng' jaang' dseata~ dsea` féng' i sii' Augusto i quíu' ta~ ie~ jo, jo seeng' jaang' dseata~ dsea` nu'luu~ quíá'r~ i sii' Cirenio i guíng~ líng' ta~ fí' lí' se' Siria. Jo ie~ jo caquíu' i Augusto do ta~ e nilí'íng' jaléng' dsea'. ³ Jo jaléng' dsea' i taang' fí' lí' jíe' 'né' nidsilíiñ' fí' góo`bre, jo fí' job nilí'íiñ'.

⁴ Jo mi~ cahuí' ta~ lajo, joba' cagüi'í' i Sé^ do fí' lí' guíiñ' fí' fii' Nazaret lí' se' Galilea, jo cangáiñ'~ fí' góor' fí' lí' se' Judea fí' cóo' fii' e sii' Belén fí' lí' caliséng' i dseata~ dsea` féng' i sii' Daví'^ do, jaang' dsea' siju' Sé^ i caliséng' mali'gui eáang'. ⁵ Jo mi~ cangáng'~ Sé^ fí' góor', tée`bre Yá^, co' ninéé' júu^ quíá'r~ cóoiñ' do, jogui yuu'b` niquíéeiñ' do cajo.

⁶⁻⁷ Jo mi~ caguíiñ' fí' Belén, job catí' í' e niliseeng' yuu' quíá'~ Yá^, dsu' ja' lí' calí'r~ lí' nijér~, co' dsíng'~ fíng' jaléng' dsea' i caseáng' e fí' fii' do ie~ jo. Jo lí' güíng' jaléng' cuea~ güitáb^ cajer', jo job caliséng' i yuu' do. Jo íb' la'uii~ jóo' Yá^ i caliséng'. Jo mi~ cangí' jo, caquíiñ'~ cóo' 'mi', jo catiráaiñ' dsí' cóo' ni'náuu' lí' gø' jó', dsuco' ja' lí' sea' lí' guíá' fa' niquíér'.

Mi~ cajnéng' ángeles fí' lí' taang~ dsea` jmóo' í' jo'se'

⁸ Jo mi~ canuu' e jmíi~ jo, jo nicaje' cóo' tú~ máng' dsea' i jmóo' í' jo'se' quíá'~ fí' lí' caluu' fii' Belén. ⁹ Jo lajee~ neáaiñ' e canuu' e jmíi~ jo, cóo' cajném~ jaang' ángel i casíng'

Fidiéé' fí' lí' neáaiñ', jò dsíng' jlo' cajneá' e güea' quíá' Fidiéé' do lacúng' lajíng' lí' neáang' i dsea' do, jò dsíng' cafóin'. ¹⁰ Jò cajíng' i ángel do casí'r' jaléng' i dsea' do:

—Ja' fòøng' na' jii' coo', dsuco' juguiáb' quiee' quí' na', jò fím' dsea' nili'iaang' dsíir' uii' e júu' jò. ¹¹ Co' fí' lab góo' dseata' dsea' féng' Daví', jò lana fí' lab nicaliséng' Dsea' Jmáang', dsea' nileáin' 'ná' jee' jalé' dsee' quí' na'. ¹² Jò niñí'ba' e mi' nigüi'néng' na'r jò niguiéng' na'r quíin' coo' 'mi' jò ráaiñ' dsí' coo' ni'núu' lí' gø' jó'.

¹³ Jò mi' cató' e café' i ángel do lado, coo' cajném' ángeles i fíng'gui fí' lí' neáang' i dsea' do, jò lajalém' i ángeles do canaañ' e jmiféin' Fidiéé' lajaléin' do jogui canaañ' do ør' lala:

¹⁴ jMajmiféng' naa' Fidiéé' dsea' guíng' ñifí', jogui jaléng' dsea' jmigüi' i seeng' guíá' coo'r' güiliseem' bre juguiá' júu' røø' coo' dsea' do!

¹⁵ Jò mi' cató' e ca'ø' i ángeles do, cangolím' tur fí' lí' jalíin'. Jò i dsea' i jmóo' í' jo'se' do canaañ' síin' lajee' la'ó' yaaiñ' jò sí' rúin' lala:

—Má' aa' fí' Belén. Mane' duu' jalé' e nicajíng' Fí' naa' Fidiéé' quíá' jalé' e nicalí' jmii' na.

¹⁶ Jò catam' i dsea' do fí' lajminá', jò mi' caguilíin' fí' Belén, cadséin' Yá' coo' Sé' jogui i yuu' do e ráaiñ' dsí' coo' ni'núu' lí' gø' jó'. ¹⁷ Jò mi' cangí' e cangáin' i yuu' do, jò canaam' bre ni'r' júu' lajii' e cajíng' i ángel do cuaiñ' quíaiñ' do. ¹⁸ Jò jaléng' dsea' i canúu' e júu' jò dsíng' cangogá' dsíir'. ¹⁹ Jò dsíng' ca'f' dsí' Yá' quíá' jalé' e calí' ie' jò, jogui ca'mea' bir e júu' jò fí' dsí' moguir'.

²⁰ Jò mi' cangí' jò, caquim' tu' i dsea' jmóo' í' jo'se' do. Jò lajee' ngolíin' jò ør' quíá' Fidiéé' jò dsíng' jmiféin' Fidiéé', co' calitib' lajii' júu' e quie' i ángel do ie' jò.

Mi' cangojéin' Jesús fí' guá' fé' e si' fí' Jerusalén

²¹ Jò mi' cadsí' i yuu' do jñiá' jmii', jò cangojéeng' neiñ' e cató' lí' fí' ngúu' táaiñ' laco' quí' títng' dsea' Israel. Jò dsifí' ladob catéer' e calisín' do Jesús lí' laco'gui cajíng' i ángel do casí'r' Yá' lajii' mi' ná' gui e nidsiquiéin' i yuu' do.

²² Jò mi' cangí' jò, mi' cadsí' Yá' tuló' jmii' e caliséng' i yuu' do, cajmiti' bre lajii' júu' e casé' Moi' e 'né' nilí', joguiba' cangolíin' cangojéeng' neiñ' fí' guá' fé' e si' fí' Jerusalén e laco' nidsijeáang' neiñ' fí' quini' Fidiéé'. ²³⁻²⁴ Jò mi' nití' í' e nidsilíng' dsea' Israel sinúu' guá' coo' yuu' siñuu' la'uii' i liseeng' quíá'r', 'né' jéeng' sejmii' i yuu' do gáng' bøsi' osi gáng' mee' quíá' e nijgáng' jmidsea' fí' nife' quíá' e sinúu' guá' do. Jò jalé' e jò cajmée' i Sé' do coo' i Yá' do ie' jò, co' lalab ta' caquiá' Fidiéé' malii'gui eáang': "Song ii' caliséng' yuu' siñuu' la'uii' quíá', í'bing' i nijmé' ta' lí' lajii' e iing' Fidiéé'."

²⁵ Jò ie' jò seeng' jaang' dseañu' fí' Jerusalén i sií' Simeón, jaang' dseañu' i guiúng' eáang', jò dsíng' jmiféin' Fidiéé', jogui sijeein' i nisíng' Fidiéé' i nileáang' dsea' góor' dsea' Israel jee' jalé' dsee' quíaiñ'. Jò jéeb' Jmiguí' quíá' Fidiéé' quíá' i Simeón do, ²⁶ jò la'eáang' coo' e joba' caliñir' lajii' lamii' jéeng'gui e ja' nijúuin' e ja' mí' cangáaiñ' Dsea' Jmáang', dsea' i nisíng' Fidiéé' do. ²⁷ Jò ie' jò cajmée' Jmiguí' quíá' Fidiéé' e cangó' Simeón fí' guá' fé' e si' fí' Jerusalén. Jò mi' caguier' e fí' guá' jò, fí' job nitaang' Yá' coo'gui Sé' e jéein' i yuu' Jesús do e jmóor' jalé' ta' e caquiá' Fidiéé' e 'né' lí'. ²⁸ Jò mi' cangáng' Simeón i yuu' do jò casang' neiñ' jò canaañ' jmiféin' Fidiéé' jò cajíin':

²⁹ Gui'máam'ba' Fí' naa' Fidiéé', co' nicalitib' lajii' júu' quí' e cajmée' jnea' jéeng'gui. Jòba' dsíng' iáang' dsii' lana, jò nicuøøm' nitøø' jnea' fí' ñifí' quí', jnea' dsea' i jmóo' lajii' e iing' 'nu';

³⁰⁻³¹ co' nicamám' baa i yuu' la, dsea' i nileáang' jnea' jee' jalé' dsee' quí' ii', dsea' se'e' naa' fí' jmigüi' la.

³² Co' i lab dsea' i líng' e jì' e jneá' jee' jaléng' dsea' jmigüi', jogui la'eáang' i lab cajo e nijmi'gó' dsea' jaléng' dsea' quí' dsea' Israel.

³³ Jo dsíng' cangogá` dsí' Yá^ cóo'~gui Sé^ quiá' jalé' e cajíng' i Simeón do uii~ quiá' i yuu` do. ³⁴ Jo mi~ calí' e café' Simeón lajo, jo cataiñ' güea' i yuu` do cóo'~ sejmiiñ' jogui cajíñ' casí'r Yá^:

—I yuu` la nisi'íin^ mi~ nicuáiñ' e niguiár~ júu^ jial nijmicuíng` dsea` Fidiéé', joba' fím' dsea` jmigüi' niquí' jíng' yaaiñ' fí' quini' Fidiéé'. Dsu' seem` dsea` i ja` ni'íng' jalé' júu^ e niguiáiñ' do, co' ja` nití' dsíir', ³⁵ co' niguiéeb' jmiñ' mi~ nilidseáng' dsí' jial' í' dsí' lajaang' lajaang' dsea` jmigüi'. Jogui 'na` dsíng'~ nilijiuung` o' mi~ nijmeáng' dsea` i yuu` la quí'~ mi~ níféiñ'.

³⁶ Jo mi~ calí' e fé' Simeón lajo, jo cajám'bre i yuu` do cóo'~ sejmiiñ'. Jo dsifí' ladob cangoquíéng' jaang' dseamí' i sií' Aa~ fí' lí' sing' Yá^ cóo'~gui Sé^ e jéeiñ' i yuu` do, jo fé' i dseamí' i sií' Aa~ do cuaiñ' quiá'~ Fidiéé' cajo, jo i dseamí' í' líiñ' jóo' jaang' dseañu' i sií' Fanuel i líng' dsea` siju' jaang' dsea` i calisí' Aser. Jo i dseamí' do eám' niyúin'; ochenta y cuatro jii' níngoo' e 'niiñ' jo le'eám'bir eáang' mi~ cacúng'~ guór', jo guié' jii' mi~ cangí'gui lajo, cajúm' dseañu' quiá'r'. ³⁷ Jo contøøm~ iuuiñ' sinúu^ guá' e jmitir~ lajii' e iing' Fidiéé' e jmiféiñ' dsea` do jogui e jmóor' ayuno cajo. ³⁸ Jo mi~ cangáin' i yuu` Jesús do, jo cacuø'r' gui'máang' Fidiéé' uii~ quiáiñ'. Jo mifíng' canaiñ' jma'r' júu^ jaléng' i dsea` i sijeeng' i dsea` i nisíng' Fidiéé' e quiá'~ nileáiñ' dsea` jee~ dsee~ quiá'r' jo cajíñ' casí'~ reiñ': “I lab i yuu` i cajíng' Fidiéé' i nisíñ' i ni'íng' dsee~ quí'naa'.”

Mi~ cangolíng tu Yá^ cóo'~ Sé' fí' Nazaret

³⁹ Jo mi~ cangí' e cajmiti~ sejmii' Jesús jalé' e ta~ huí' fí' ni~ jii' quiá'~ Fidiéé' do, cangolíim tur cóo'~ i yuu` do fí' Nazaret fí' lí' se' Galilea. ⁴⁰ Jo cuaam' Jesús lajee' jo laco' ngóor' jmiñ', jo dsíng'~ ngóo' litíiñ', jo eám' jmigüeang' Fidiéé' ír'.

Mi~ caje' Jesús fí' dsí' guá'~ fé' e si' fí' Jerusalén

⁴¹ Jo lacoo' jii' mi~ tí' jmiñ' Pascua quiá'~ dsea` Israel, nitíng' sejmii' Jesús e dsilíiñ' fí' Jerusalén. ⁴² Jo ie~ mi~ cadsí'~ i jiuung'~ do guitu' jii', jo fí' job cangór' cóo'~ sejmii'r' cóo'~ jaléng' dsea` sinúu^ quiá'r' jogui cóo'~ jaléng' dsea` i neáang' fí' Nazaret. Jo fí' job caje' lajaléng' i dsea` do lajee' catí' e jmiñ' do. ⁴³ Jo mi~ cadséng' e jmiñ' do, jo cangolíim tur lajaléiñ' do fí' Nazaret, ⁴⁴ dsu' dob nicaje' i jiuung' Jesús do fí' Jerusalén. Jo ja` nicalilí' sejmii'r' e nicajer', co' líiñ' e jee' i dsea` caguiaang' dob ngaiñ'. Jo catam'~bre fí' lajaléiñ' do lajee' coo' jmiñ'. ⁴⁵ Jo mi~ caníuín' guiá' fí', jo ca'naiñ' Jesús jee~ jaléng' i dsea` caguiaang' do, dsu' jo lí' cadséng'neiñ' do. Joba' caquim'~tur fí' Jerusalén e cango'néeiñ' i jiuung' do.

⁴⁶ Jo mi~ caguilíng'~tur fí' Jerusalén, jo ja` cadséng'neiñ' dsifí' lado car' mi~ cadsíng'~ 'ní' jmiñ' gui lajo, joguiba' cadséng'neiñ'. Dsu' fí' guáb'~ guiiñ' do e núur' e síng' jaléng' tifa' quiá'~ júu^ quiu' ta~ quiá'~ dsea` Israel, jogui jmguiab' jalé' e jmingí'~ rúng' Jesús cóo'~ jaléng' i dsea` í'. ⁴⁷ Jo jaléng' dsea` i teáang' núu' jial ngí' i jiuung' Jesús do dsíng'~ dsigá' dsíir', co' tíim'biñ' eáang'. ⁴⁸ Jo mi~ cangá'~ sejmii' Jesús e dob guiiñ', jo dsíng'~ cango'gó' dsíir' jo cajíng'~ niquiá'r^ casí'~ reiñ':

—Yuu` quí'~ii', ¿jialí' cajmeáan'~ jnea'~ lana? Dsíng'~ nicajmó'oo' fí' í' cóo'~ tiquí'~, jo dsíng'~ nica'néeng'~naa' 'na`.

⁴⁹ Joba' cañi' Jesús quiá'~ niquiá'r^ jo casí'~ reiñ':

—¿Jialí' ngí'na' 'náng'na' jnea'? ¿Su ja` ní'na' e~ ta~ nisi'íin^ n e nijmee' e quiá'~ Tiquié' e dsea` guing'~ ní'fí'?

⁵⁰ Dsu' i sejmii'r' do ja` cangáin' jialí' cajíng'~ i jiuung' Jesús do lado.

⁵¹ Jo mi~ calí' síiñ' e jo, jo cangolíim tur laji' gaaiñ' do fí' Nazaret. Jo dsíng'~ guiúng' Jesús cóo'~ sejmii'r', jo dsíng'~ núur' cajo. Jo eám' íaang' dsí' niquiá'r^ mi~ ca'í' dsíir' quiá'~ jalé' e cangojéé' ie~ jmiñ' jo. ⁵² Jo lajee' jo cuaam' Jesús, jo ngóo' litíing' guir lacoo' jmiñ', jo dsíng'~ íaang' dsí' jaléng' dsea` cóo'r', jogui lajobi Fidiéé' cóo'~ ír' cajo.

3

*Mi canaang`Juan i se`ang`dsea`jm# e guiar`juu`quia`-Fidié`
(Mt. 3:1-12; Mr. 1:1-8; Jn. 1:19-28)*

¹ Jo ie~ jo ningoo` gui`nia` jing` e ling` Tiberio dseata` dsea` féng` quia`- fi` la`ung` fi` jmigüi`. Jo seeng` quiúung` dseata` dsea` na`luu` quia`r~, jaang` i` sii` Poncio Pilato i` guing` ling` ta` fi` Judea, jo jaang` i` sii` Herodes i` ling` ta` fi` Galilea, jo seeng` jaang` rúng` dsea` ngáang`~ cóo`~ Herodes i` sii` Lii` i` guing` ling` ta` fi` Iturea cóo`~ cóo` li` sii` Traconite, jogui` jaang` i` sii` Lisanías i` guing` fi` cóo` li` sii` Abilinia. ² Jo ie~ jo seeng` gáng` jmidsea` laniing`, jaang` i` sii` Anás cóo`~ gui` jaang` i` sii` Caifás. Jo ie~ jo cajo i` Juan do i` ling` jóo` Zacarías guiin` fi` jee` uo`~ qui` mi` café` Fidié` caféng` neiñ` e nicatb` í` e ninaiñ` do e niguiar` juu` quia`- Fidié` fi` jee` dsea` jmigüi`. ³ Jo mi` cahui` ta` lajo, jo dsifi` lajob cangó` i` Juan do fi` gua` Jordán, jo fi` job canaaiñ` e guiar` juu` quia`- Fidié` fi` quini` dsea` i` caseang` fi` lacuee` e gua` do ie~ jo. Jo fi` job e`r` jaléng` dsea` i` guiling` do, jo sí` reiñ` e `né` niqui` jing` yaaiñ` fi` quini` Fidié`, jo lajoguiba` e nisaiñ` jm# e laco` cuo` li` e cajmée` dsea` do lajo. ⁴ Jo e jo cangojée` lí` laco` fé` fi` ni` jì` quia`- Fidié` e cajme` Saí` mali` gui` eáang`, jaang` dsea` i` café` cuaiñ` quia`- Fidié`, li` fé` lala: Ngí` jaang` dsea` i` fé` teá` fi` ni` guoo`~ uo`~ qui` jo fé`r` lala:

“Jmeáang`na` guiá`- fi`,

jogui` nea`na` condsée`,
co` lana` tí` li` nijáab` Fí`naa`.

⁵ Jo jmiróo`na` lacaang` guiá`- fi`,
jo jmiróo`na` lacaang` li` jung`,
jo jmee`na` condsée` fi` lacaang` li` tu` fi`,
jo jaléb` fi` nilí` røø`.

⁶ Jo jalém` dsea` jmigüi` nilí`r` jial e nileaiñ` jee` jalé` dsee` quia`r`- la`eáang` cóo`~ i` dsea` í`.”
Jo jalé` e na` cajing`- Saí` fi` ni` jì` quia`- Fidié`.

⁷ Jo mi` caguiling` dsea` i` iing` nisáng` jm# e fi` gua` li` táang` i` Juan i` se`ang` dsea` jm# do, jo casí`- i` Juan do lajaang` lajaang` i` dsea` i` caguiling` do ie~ jo:

—Jóo` jaléng` mi` guing`- `nú`! ¿i` cajme` `nú` juu` e lala cuóøng` nileáng`na` lajii` iihu# e nijaquíéeng` jm# na? ⁸ `Né` nijmiling` yaang`na` e laco` nilí` jaléng` dsea` rúng`na` e dseáng`- e já`-ba` nicaqui`- jing` yaang`na` fi` quini` Fidié`. Jo ja` jmigóøng` yaang`na` e nileáng`na` jee` dsee` quí`na` dsu` uí` e Abraham líiñ` `lii` yuu` quí`na`, co` e já`- e fi` i` `nú` e cuóøm` jmé` Fidié` siju` Abraham jalé` cuu` e né` la faco` iin` lajo. ⁹ Cofa` jaléng` dsea` i` ja` quí`- jing` yaang` fi` quini` Fidié` líiñ` laco` e `ma` ofi# e ja` dseeng` ofi# e cuo`, joba` hu# e `ma` do jo dsitoo`- fi` ni` jì` lafa` cuib~, co` ja` ee` ta` íng` jii` cóo`.

¹⁰ Jo mi` canuu` jaléng` i` dsea` do jalé` e café` i` Juan i` se`ang` dsea` jm# do, joba` cajmingi`- reiñ` do lala:

—¿Jial`ni`ee` jnea`^ guiá` cóo`~ Fidié`?

¹¹ Joba` cañi` i` Juan do jo casí`r`- i` dsea` do:

—E laba` `né` nijmee`na`: li` `nú` oo`na` tú`- `mi`quí`na`, `né` nicuó`na` cóo` jaang` dsea` i` ja` sea` quia`-; jogui` i` `nú` sea` e co`na`, `né` nicó`na` jmá`-jiu` cóo`~ jaléng` i` ja` sea` e dó`-.

¹² Jo lajee` sng` Juan i` se`ang` dsea` jm# do cóo`~ i` dsea` do, job caguiling` cóo` tú` ming`~ nodsicuu` i` iing` nisáng` jm#, jo cajmingi`r` i` Juan do jo cajii`-:

—Tifa`, ¿e` `né` jmó` jnea`^ e laco` ni`ee`naa` guiá` cóo`~ Fidié`?

¹³ Joba` cañi` i` Juan do quia`- i` nodsicuu` do jo casí`-reiñ`:

—E laba` `né` nijmée` `nú`-: Jo` mí`na` cuu` quia`- dsea` e jmigui`gui` laco` ta` quiu` fi` ni` jì` quia`- dseata`.

14 Jo lajee` sáing` i Juan do cóo` i nodsicuu` do, caguiling` coo` tú` máing` 'lée` fi` li` táaiñ` jo cajmingi` reiñ`:

—Jogui jnea`^, ¿e` 'né` nijmó`naa` e laco` ni`ee`naa` guiá` cóo`~ Fidié`?

Joba` cañi` i Juan do jo casí`r` i 'lée` do:

—E laba` 'né` nijmiti` 'nú`^: Ja` ee` uóø`~na` quiá`~ dsea` laguidseaang`^, o`gui fong`na` dsea`, o`gui jmoo`na` dsee` quiá`~ dsea` e ngii`gui, o`gui ni`ning`na` dsea` e ja` ee` mí` cajméer` jii`~ coo`^; jo güili`iáang` óo`na` cóo`~ lajii`~ e 'léeng`na`.

15 Jo lajee` fé` i Juan do e júu` na, jo jaléng` i dsea` caguiaang` do i dsír` e` nil` jogui` i dsír` su Dsea` Jmáam` i Juan i seáang` dsea` jmii` do. 16 Jo mi` calilí` i Juan do e i dsír` i dsea` do lajo, joba` casí`~ reiñ` jo cajíñ`~:

—E já`~, jnea`~ seáan`n` 'nú`^ jmii` cóo`~ layaang`~ jmii`, jo dsu` nabi` nijáa` jaang`gui dsea` i niseáng`~ 'nú`^ jmii` cóo`~ Jmiguí` quiá`~ Fidié`~ jogui` cóo`~ jí`. Jo i dsea` i` 'gøng`guir laco` jnea` e jii`~ jnea` ja` catiñ`~n` fa` nisí`~i` capí`~ ñi` 'ñuu` lomii`~. Co` jnea` nicaseán`~n` jaléng`~ 'nú`^ jmii` cóo`~ layaang`~ jmii` e laco` cuø` li` e nicaquí`~ jing`~ yaang`na` fi` quini`~ Fidié`~; dsu` ír` mi` nigüéeiñ`~ niseáiñ`~ 'nú`^ jmii` cóo`~ Jmiguí` quiá`~ Fidié`~ e laco` cuø` li` e nicangíng`na` Jmiguí` quiá`~ dsea` do. 17 Jo quieb` dsea` do e jmáiñ`~ ta` quiá`~ e nisíñ`~ micui`iee`, jo nisér` ca` e qui` quiá`~ do. Jo dsu` e micui`iee` do ni`meár` fi` dsí` sinúu`^, jogui` e qui` quiá`~ nijí`~bre` fi` li` coo` jí` e ja` tóo`~ jmii` yu`.

18 Jo jmang`~ cóo`~ júu` lanaba` caféng` i Juan do jaléng` i dsea` do, jo ca`e`reiñ` jalé` júu` quiá`~ Fidié`~ quiá`~ jial` laang` dsea` jee` jalé` dsee` quiá`r`~. 19 Jogui` caféng` i Juan do jaléng` dsea` e ja` dseeng` laco` jmoo` i dseata` Herodes do e jéeiñ` lafa` dseamí` quiá`r`~ oo` dseañu` rúíñ` dsea` ngáang`~ cóo`r` i sii` Lii`~, jogui` cajíñ`~ dseata` Herodes cóo`~ jalé` e ga` e jmooiñ` do. 20 Jo mi` caliñi` i dseata` do lajii`~ e júu` e fé` i Juan do uí`~ quiá`r`~, joba` dsíng`~ caliguiñ`~ jogui` cajméer` coo`~gui` e ga`, co` caquiá`r` ta` e catam` i Juan do, jo 'ñañi`b` catang`~neiñ` do.

Mi` cajgáang` Jesús jmii`

(Mt. 3:13-17; Mr. 1:9-11)

21 Jo dsu` nú`~gui` e ni`i` i Juan do 'ñañi`^, lajee` cateáaiñ` fi` gua` Jordán e seáaiñ` dsea` jmii`, jo coo`~ jmii` caguíe` Jesús fi` jo, jo cajgáaiñ`~ jmii` cajo. Jo dsifí` mi` cangí` e jo, jo caféng` Jesús Fidié`~ dsea` guing`~ ñifi`~, jo lajee` jo cana` cateá` fi` ñifi`~, 22 jo fi` job` cajgó` Jmiguí` quiá`~ Fidié`~ e ling`~ jaang` mee` fi` yá`^ mogui` Jesús, jo caná` e ling`~ ii` guicafé` fi` yá`^ jmigüí` jo guicajíñ`~:

—'Nu`b` Jóo`o` i 'neáan`n` eáang`, jo dsíng`~ iáang` dsii` cóo`~ 'nu`.

Jaléng`~ 'li`~ yáa`~ quiá`~ Jesús

(Mt. 1:1-17)

23 Jo guigui` jii` ningóo` Jesús mi` canaaiñ` jmóor` ta` e si`liñ`^. Jo jaléng` dsea` líiiñ` e i Sé` do tiquiá`^ Jesús. Jo tiyáa`~ quiá`~ Jesús siir` Elí, 24 jo tiquiá`^ Elí siir` Matat, jo tiquiá`^ Matat calisí` Leví, jo tiquiá`^ Leví calisí` Melqui, jo tiquiá`^ Melqui calisí` Jana, jo tiquiá`^ Jana calisí` Sé`, 25 jo tiquiá`^ Sé` calisí` Matatías, jo tiquiá`^ Matatías calisí` Amós, jo tiquiá`^ Amós calisí` Nahum, jo tiquiá`^ Nahum calisí` Esli, jo tiquiá`^ Esli calisí` Nagai, jo tiquiá`^ Nagai calisí` Maat, 26 jo tiquiá`^ Maat calisí` Matatías, jo tiquiá`^ Matatías calisí` Semei, jo tiquiá`^ Semei calisí` Sec, jo tiquiá`^ Sec calisí` Judá, 27 jo tiquiá`^ Judá calisí` Joanán, jo tiquiá`^ Joanán calisí` Resa, jo tiquiá`^ Resa calisí` Zorobabel, jo tiquiá`^ Zorobabel calisí` Salatiel, jo tiquiá`^ Salatiel calisí` Neri, 28 jo tiquiá`^ Neri calisí` Melqui, jo tiquiá`^ Melqui calisí` Adi, jo tiquiá`^ Adi calisí` Cosam, jo tiquiá`^ Cosam calisí` Elmodam, jo tiquiá`^ Elmodam calisí` Er, 29 jo tiquiá`^ Er calisí` Josué, jo tiquiá`^ Josué calisí` Eliezer, jo tiquiá`^ Eliezer calisí` Jorim, jo tiquiá`^ Jorim calisí` Matat, 30 jo tiquiá`^ Matat calisí` Leví, jo tiquiá`^ Leví calisí` Simeón, jo tiquiá`^ Simeón calisí` Judá, jo tiquiá`^ Judá calisí` Sé`, jo tiquiá`^ Sé` calisí` Jonám, jo tiquiá`^ Jonám

calisír` Eliaquim, ³¹ jo tiquiá'^ Eliaquim calisír` Melea, jo tiquiá'^ Melea calisír` Mainán, jo tiquiá'^ Mainán calisír` Matata, jo tiquiá'^ Matata calisír` Natán, ³² jo tiquiá'^ Natán calisír` Daví'^, jo tiquiá'^ Daví'^ calisír` Isai, jo tiquiá'^ Isai calisír` Obed, jo tiquiá'^ Obed calisír` Booz, jo tiquiá'^ Booz calisír` Salmón, jo tiquiá'^ Salmón calisír` Naasón, jo tiquiá'^ Naasón calisír` Aminadab, ³³ jo tiquiá'^ Aminadab calisír` Aram, jo tiquiá'^ Aram calisír` Esrom, jo tiquiá'^ Esrom calisír` Fares, jo tiquiá'^ Fares calisír` Judá, ³⁴ jo tiquiá'^ Judá calisír` Jacóó^, jo tiquiá'^ Jacóó^ calisír` Isáa', jo tiquiá'^ Isáa' calisír` Abraham, jo tiquiá'^ Abraham calisír` Taré, jo tiquiá'^ Taré calisír` Nacor, ³⁵ jo tiquiá'^ Nacor calisír` Serug, jo tiquiá'^ Serug calisír` Ragau, jo tiquiá'^ Ragau calisír` Peleg, jo tiquiá'^ Peleg calisír` Heber, jo tiquiá'^ Heber calisír` Sala, ³⁶ jo tiquiá'^ Sala calisír` Cainán, jo tiquiá'^ Cainán calisír` Arfaxad, jo tiquiá'^ Arfaxad calisír` Sem, jo tiquiá'^ Sem calisír` Noé, jo tiquiá'^ Noé calisír` Lamec, ³⁷ jo tiquiá'^ Lamec calisír` Matusalén, jo tiquiá'^ Matusalén calisír` Enoc, jo tiquiá'^ Enoc calisír` Jared, jo tiquiá'^ Jared calisír` Mahalaleel, jo tiquiá'^ Mahalaleel calisír` Cainán, jo tiquiá'^ Cainán calisír` Enós, ³⁸ jo tiquiá'^ Enós calisír` Set, jo tiquiá'^ Set calisír` Adán, jo tiquiá'^ Adán 'ñia' Fidiée`.

4

*Mi~ cajmée` fi~ i 'ling'^ quijí~ jial niróng` Jesús dsee`
(Mt. 4:1-11; Mr. 1:12-13)*

¹ Jo ie~ jo, mi~ cangî e cangîng` Jesús Jmiguî quiá'^ Fidiée`, jo e Jmiguî do cangojéeng` ír` fí` jee~ uø~ quiú~, ² jo fí` job cajer` lajee` tuló~ jmü~. Jo lajee` jo ja` e cagó`r` jíí~ capiá'. Jo lajee` táaiñ` fí` jo, jo caguié~ fi~ i 'ling'^, jo cajméeer` quijí~ jial e niróng` dsea` do dsee~. Jo mi~ cangî e tuló~ jmü~ do, joguiba' cadseá~ jmí'aang~ Jesús jóng. ³ Jo dsifí` lajob cajíng` fi~ i 'ling'^ casí`r~ dsea` do:

—¡Song já!~ e 'nu` lin' i Jóó' Fidiée` camíng` do, joba' jmee~ e ni'uíng~ iñí'^ e cuu~ née` la!

⁴ Joba' cañí` Jesús quiá'^ fi~ i 'ling'^ do jo casí`-reiñ':

—Lalab fé' fí` ni~ jì` quiá'^ Fidiée`: “Ja` niliseeng` jaléng` dsea` jmigüî` juguiá~ e lico' ni'í' nidó`r~ jalé` e sea` fí` jmigüî`. Co' 'né~ nijmiti` bre jalé` ta~ quiu' fí` ni~ jì` quiá'^ Fidiée`, jo lajoguiba' e niliseeiñ` juguiá~ jóng.”

⁵ Joba' cajmée` tu fi~ i 'ling'^ quijí~ jial e niróng` dsea` do dsee~, jo cangojéeiñ` dsea` do fí` coo` yá'^ mó` e ñíí` eáang', jo ca'e`reiñ` jalé` fí` e sea` fí` la'úng~ fí` jmigüî` dseáng` lajee` cateá`. ⁶ Jo cajíñ` casí`r~ dsea` do:

⁷ —Jalé` e la nicuøø~ quií~ cóo~ jalé`gui e jlo` e sea` fí` jo song nisi'^ uø~ jní'^ jo nijmifén' jnea~, co' e quié~baa lajalé` e na, jo jneab~ cuóøng` jmee~ e guiéé` jo cuóøm` cuóø^ø` doñí` jì` i iin~n.

⁸ Dsu' dsifí` ladob cañí` tu Jesús quiá'^ fi~ i 'ling'^ do jo casí`-reiñ':

—Güihuíng~ cáan`n, Satanás, dsuco' lalab fé`gui fí` ni~ jì` quiá'^ Fidiée` cajo: “Jíí~ Fidiée` dsea` guíng~ ñíff`-bing' nijmifén', jo jíí~ ta~ quiu' í`bre e nijmití` cajo.”

⁹ Jo mi~ cangî jo, cajmée` tu fi~ i 'ling'^ quijí~ jial niróng` Jesús dsee~, jo cangojéeiñ` dsea` do fí` yá'^ guá'^ fé` e sí' fí` Jerusalén jo cajíñ` casí`r~ dsea` do:

—Song já!~ e 'nu` lin' i Jóó' Fidiée` camíng` do, laco' tée~ ee' tí` yá'^ la bíng` uø' cartí` uii~, ¹⁰ co' lalab fé' fí` ni~ jì` quiá'^ Fidiée`:

Fidiée` niquiá`r~ ta~ jaléng` ángeles quiá`r~ e nijmér~ í` 'nu`,

¹¹ jo nisaiñ` 'nu` cóo~ guóor` lajee` guiáang` guo' guiá'^ güí, jo lajoba' ja` nilihuín` mi~ nititáan` fí` ni~ uø~.

¹² Dsu' Jesús cañí` tur quiá'^ fi~ i 'ling'^ do jo casí`-reiñ':

—Dsu' lalab fé`gui cajo fí` ni~ jì` quiá'^ Fidiée`: “Ja` jmoo' jial ni'é` Fíí' Fidiée` dsee~.”

13 Jo cóo' e job catí 'ní' née' e jmóo' fi' i 'ling' quijí' jial e niróng' Jesús dsee-, dsu' jíi' cóo' née' ja' calí'r- lajo. Jo mi' cangí' jo, mi' jo' ní' fi' i 'ling' jial nijmér- e niróng' Jesús dsee-, joba' catiúum-bre dsea` do, jo cangohuíim-bre lajee' cateá'.

Mi' canaang' Jesús jmóor' ta' quiá'r- fi' li' se' Galilea
(Mt. 4:12-17; Mr. 1:14-15)

14 Jo mi' cangí' jo, cangám'-tu Jesús fi' li' se' Galilea, jo la'eáang' cóo' jalé' bí' 'gøng' quiá'- Jmiguí' quiá'- Fidié' canaang' ni' júu' quiá'r- fi' laco' fi' e née' fi' la'úng- li' se' fi' jo. 15 Jo mi' niguiéer' laco' fi' li' dséer', dsifí' ladob ír' fi' dsí' guá'- quiá'- dsea' góor' dsea' Israel, jo fi' job e'r' jaléng' dsea' i dsilíng- fi' guá'- do jalé' júu' quiá'- Fidié'. Jo jaléng' dsea' i núu' júu' quiá'r- e eám' jmiféiñ' dsea' do.

Mi' cangáng'-tu Jesús fi' Nazaret
(Mt. 13:53-58; Mr. 6:1-6)

16 Jo ie' jo, lajee' ngí' Jesús fi' li' se' Galilea, jo caguiéng'-tur fi' Nazaret fi' li' cacuaiñ-. Jo mi' jmí' e jmi'íng' jaléng' dsea' góor' dsea' Israel, dséer' fi' Sinúu' guá'- laco' jíi' e tñiñ' 'ñia'r'. Jo lajee' táaiñ' fi' e sinúu' guá'- do, jo casíng' 'ñia'r' jee' jaléng' dsea' góor', 17 jo ca'íñ' cóo' jì' e ca'ír' li' tóo' jalé' júu' quiá'- Fidié' e cajme' Saií', jaang' dsea' i café' cuaiñ' quiá'- Fidié' mali'gui eáang'. Jo mi' caneáar' e jì' do, joba' cadsé'r' li' tóo' lala jo ca'ír': 18-19 E Jmiguí' quiá'- Fii' Fidié' baa' e jéeng' jnea~, co' caguíng' Fidié' jnea~ e laco' niguiáa' jalé' juguiá- quiá'r- fi' jee' jaléng' dsea' tiñíng-: jogui nicasíñ' jnea~ cajo e laco' niguiáa' juguiá- quiá'- e nileáang' jaléng' i dsea' i lafa' 'ñúung' cóo' dsee- quiá'-, jogui e nijmee~ e nilijné'-tu jaléng' dsea' tiuung-, jogui e nilaan- jaléng' dsea' i íng' iihuí' quiá'- dsea' rúng', jogui e nijmées' e júu' e nicalít' í' e nijmé- Fidié' e ni'uíng- guíá- quiá'- dsea' jmiguí'. Jo lanab jíi' lí' júu' e fé' fi' ni' jì' quiá'- Fidié'.

20 Jo mi' calí- e í' Jesús e júu' do, jo cajníb'tur e jì' do jo cajá'r' i dsea' née' ni' e guá'- do, jo caguáb'tur. Jo jalém' i dsea' teáang' sinúu' guá'- do teáaiñ- jòøiñ- Jesús. 21 Joba' canaang' Jesús sí'r' jaléng' i dsea' do jo cajíñ'-:

—E jmí' na nicalít' jalé' e nicanúu- 'nú' e tóo' e fi' ni' jì' la.

22 Jo jaléng' dsea' i teáang' dsí' e guá'- do dsíng'- dsigá' dsíir' jalé' júu' quiá'- Jesús, jogui jmang'- juguiáb- fé'r' quiá'- dsea' do, jogui jming'- rúíñ' la'ó' yaaiñ-:

—¿Su o' i nabi jóo' Sé' i guíng' fi' fi' la?

23 Joba' cañí' Jesús casí'r- jaléng' i dsea' do jo cajíñ'-:

—Ja' ngám- nísí' 'nú' jnea~ jíi' laco' júu' róo': “Timí', jmee- mí' quií' uø'”; osi nifo' b'í' é: “¿Jialí' ja' jmées' fi' góo'- la lajalé' e nicajmee'- fi' Capernaum?”

24 Jo cajíng'-gui Jesús casí'r- jaléng' i dsea' do:

—Jo jnea~ jmítáa- óóna' e jíi' jaang' dsea' i fé' cuaiñ' quiá'- Fidié' ja' íng' dsea' góor' ír'. 25 ¿Já' tóo' óóna' jalé' e fé' fi' ni' jì' quiá'- Fidié' e calí- mali'gui eáang' mi' cajá- Líí' i café' cuaiñ' quiá'- Fidié'? Co' ie' jo ja' catuu' jmí' fi' Israel lajee' 'ní' jìng' dsí' ca'ná', jogui dsíng'- cajá- oo- cajo. 26 Jo dsu' ie' jo ja' caquiú' Fidié' ta' fa' e cajmées' Líí' e guíá- quiá'- i dseamí' dsea' góor' i 'nhi-, co' caquiú' dsea' do ta' e cajmées' i Líí' do e guíá- dsu' quiá'- jaang' dseamí' i 'nhi- i guíng' fi' li' huíi' eáang' fi' cóo' li' sii' Sarepta quiá'- li' née' fi' Sidón. 27 Jo lajob calí- cajo ie' mali'gui eáang' mi' cajá- Cheey~, jaang' dsea' i café' cuaiñ' quiá'- Fidié'. Co' fíim' dsea' Israel dsea' góo' Cheey~, calidsée'r- e cacár- jmohuí' 'li' fi' ngúu' táaiñ' ie' jo, dsu' jíi' jaang' i dsea' góor' fa' cajmi'leáaiñ-. Co' camíng'- dsea' i sii' Naamán i guíng' tí' li' huíi' eáang', tí' li' se' Siria, jíi' í'bing' i ca'láang-, co' lajob ta' caquiú' Fidié'.

28 Jo mi' canúu- jaléng' i dsea' i teáang' dsí' sinúu' guá'- do jalé' júu' quiá'- Jesús jo dsíng'- caliguiñ-. 29 Joba' caguíim-bre dsea' do sinúu' guá', jo ca'øøng'neiñ' catí' guíeé'~

fi, jogui cangojéeng`neiñ' cartí coo` yá^ jiáa'. Jo fí job li~ lamí~ iin~ nibíin~ dsea` do, co' í dsír' e nijngám'-breiñ'. ³⁰ Jo mi~ caguiliñ- tí e yá^ jiáa' do e li~ í dsír' e nibíin~ dsea` do, jo dsu' Jesús caquim'-tur jo cangáin' jee~ jaléng' i dsea` do, jo jíi~ coo` jo ee` cajméeiñ' do quiá'r-.

*Jaang`dseañu' i jée' i 'ling' quiá'-
(Mr. 1:21-28)*

³¹ Jo mi~ cangí jo, jo cangób-tu Jesús fí Capernaum fí li~ se' Galilea. Jo mi~ caguiér- e fí jo, jo ca'ír- fí dsír' sinúu^ guá'- quiá'- dsea` góor` dsea` Israel, jo fí job canaañ' e'r' jaléng' i dsea` í jalé' júu^ quiá'- Fidié~ lajee~ jmi~ e jmi'ing' jaléin' do. ³² Jo dsing'- dsigá` dsír' jaléng' dsea` i núu` júu^ quiá'r-, co' fé'r' lí^ laco' jaang` dsea` i óo` ta~.

³³ Jo e fí guá'- do e li~ caguié- Jesús e cango'éer~ dsea` júu^ quiá'- Fidié~, jo fí job nising' jaang`dseañu' i jée' i 'ling' quiá'- . Jo cajméé` i 'ling' do e ca'óo` i dseañu' do ga` eáang', jogui café'r' jo cajíñ'- lala:

³⁴ —Jéeng' na, Jesús, dsea` seeng` fí Nazaret. ¿Jialí' ñijmiguín'^ jnea'^? ¿Su cañí'- e ni'ín~ jnea'^? Cuím'baa' 'na, joba' ne~naa' e lin' dsea` güeang' quiá'- Fidié~ dsea` guing~ ñiff-.

³⁵ Joba' cajíng- Jesús i 'ling' do jo casí'- reiñ':

—iTií- í' moní'^, jo tiúung' i dseañu' na lana!

Jo mi~ cajíng'- Jesús lajo, jo dsifí ladob cajméé` i 'ling' do e caquing' i dseañu' do fí quini~ jaléng' i dsea` teáang' dsír' sinúu^ guá'- do. Jo joguiba' catiúung- i 'ling' do i dsea` do, jo jíi~ coo` jo ee` cajméaiñ' i dseañu' do. ³⁶ Jo dsing'- cafong' jaléng' dsea` jo jmingi' rúin' lala:

—¿i~ i dsea` na, faa~aa', e quiar' ta~ laco' jaang` dsea` i óo` ta~, jogui quí~bre jmi~ e jmihuiñ- jaléng' i 'ling' i jée' quiá'- dsea`, jo dsifí lajob dsihuing- jaléng' i 'ling' do?

³⁷ Jo mi~ calí- lado, dsing'- cani'- júu^ la'úng- fí li~ se' Galilea quiá'- jalé' e guiá- e jmóo` Jesús fí Capernaum.

*Mi~ cajmi'leáang- Jesús iemisé` Tú` Simón
(Mt. 8:14-15; Mr. 1:29-31)*

³⁸ Jo mi~ cangí jo, jo cagüi'ib' Jesús li~ iuuiñ- fí dsír' guá'- quiá'- dsea` góor` i seeng` fí Capernaum, jo cangór- fí quiá'- Tú` Simón. Jo mi~ caguiér- fí jo, nidséeb~ iemisé` Tú` Simón e dsing'- iu~ guíin'. Jo coo` tú- máng' dsea` i teáang' e sinúu^ do camí'r' Jesús jmi'ee' fa' e nijmi'leáaiñ- i dseam' do. ³⁹ Joba' cangó- Jesús fí li~ ráang' i dsea` dsée~ do. Jo mi~ caguiér- li~ ráaiñ' do, jo cajíñ- e jmohuí' e líng' i dsea` do. Jo dsifí ladob ca'láang- i dseam' do, jo cajém' e iu~ guíin' do. Jo mi~ cangí lado, jo caróo~-bre jo cajméer` e cagó' Jesús cóo' i dsea` caguiaang-gui do.

*Mi~ cajmi'leáang- Jesús fñng' dsea` dsée'
(Mt. 8:16-17; Mr. 1:32-34)*

⁴⁰ Jo mi~ canuu` e jmi~ jo, jo fñm' dsea` caguiliñ- e 'náiñ' Jesús, jo jéeiñ` jaléng' dsea` dsée~ quiá'r- e laco' nijmi'leáang- dsea` do. Jo mi~ caguiliñ- fí li~ guing~ Jesús, jo camí'r' dsea` do jmi'ee~ lajii~ ta~ ngolíñ-; joba' lí- jo caquidsí Jesús guóor` fí mogui~ lajaang` lajaang` i dsea` dsée~ do, jo dsifí ladob 'láaiñ'- . ⁴¹ Jo jee~ i dsea` dsée~ do niquiéeng` dsea` i jée' i 'ling' quiá'- . Jo laco' ngóo' Jesús e jmi'leáaiñ- lajaang` lajaang` i dsea` do, jo lajob dsihuing- jaléng' i 'ling' do, jo sóong` oor` tí'aiñ' Jesús jo fé'r':

—'Nub` dsea` lin' Dsea` Jmáang- i Joo' Fidié~ camíng'.

Jo dsifí mi~ canuu- Jesús e fé' i 'ling' i jée' quiá'- i dsea` do lado, dsifib' ca'gaañ' quiáin'- jo jo` cacuø'r' fí fa' ee` café'guiñ' do, co' líb'^ i 'ling' do e Jesús líiñ' Dsea` Jmáang- i cajíng'- Fidié~ i nisíñ- fí jmi'guí' la lajii~ lamalí'gui eáang'.

*Mi~ caguia' Jesús júu^ quiá'- Fidié~ fí li~ se' Galilea
(Mr. 1:35-39)*

⁴² Jo mi~ cajneá~ e jmi~ e cajmi'leáang~ Jesús jaléng' i dsea` dsée' do, cagüi'ñib' Jesús e fi~ do, jo cangór~ fí' coo' li~ cateaaiñ' ñia'r'. Dsa' dsifí' ladob caguilíng~ jaléng' dsea' e 'náin' dsea` do calé' catú~, jo jnáiñ' dsea` do e laco' ja' nidséin' fí' li~ jié'. ⁴³ Jöba' cajíng' Jesús casí'r~ jaléng' i dsea` do:

—'Né~ ninii~ i laco' laco' fi~ e niguiaa^ júu^ quiá'~ jial íng~ Fidiée~ dsee~ quiá'~ dsea` e laco' cuøong` nicár` nifí' quiáiñ'~.

⁴⁴ Jöba' canaaiñ' ngir' laco' fi~ e guiar' e júu^ jo fí' laco' guá'~ quiá'~ dsea` góor` dsea` Israel e téé~ fí' la'úng~ fí' li~ neáang' dsea` do.

5

Mi~ cajmée` Jesús e calí'~ Tú^ Simón` ñu` i lí' eáang'

(Mt. 4:18-22; Mr. 1:16-20)

¹ Jo coo' jmi~ cangó~ Jesús fí' 'ni' coo' guiée' fé' e sii' Genesaret, jogui sii' bi' guiée' Galilea cajo, jo caguilíng~ fíng' dsea` e iñ~ ninúr~ jalé' júu^ quiá'~ Fidiée~ e' dsea` do. Jo dsíng'~ fíng' i dsea` i caguilíng~ do, jöba' dsíng'~ sicúung' Jesús jee~ jaléng' i dsea` do. ² Jo lajee~ jo, cangá~ Jesús tú~ móo' e téé~ quiá'~ 'ni' jmi~, jo i dsea` fi~ e móo' do nínica'uøom` bre dsíí, jo dob nitaaiñ' ru'r' 'máa' quiá'r~ 'ni' e guiée' do. ³ Jöba' camí' Jesús fí' e cajgóor~ dsíí' coo' e móo' do e quiá'~ Tú^ Simón, jo caguá' bre fí' dsíí, jo casí'r~ i dsea` do fa' e nidsihuíng~ guijju e móo' do fí' 'ni' uø~ quiá'. Jo mi~ caje' e móo' do ni~ jmi~, jo tí' job ca'e' Jesús jaléng' i dsea` i teáang~ 'ni' jmi~ do jalé' júu^ quiá'~ Fidiée'. ⁴ Jo mi~ cató' e e' Jesús jaléng' i dsea` do jalé' júu^ quiá'~ Fidiée~, jo casí'r~ i Tú^ Simón do jo cajíñ'~:

—Jmee~ e nidsé~ e móo' la tí' dóo~ tí' li~ ni'a'gui quiá'~ e guiée' la. Jo mi~ niguiée' li~ ni'a'gui, nibí'na' 'máa' quiá'na' jo nijmang'na' 'ñu'.

⁵ Jöba' cañí' Tú^ Simón jo casí'r~ Jesús:

—Tífa', lata~ uøøb` nicataang~naa' jmoo~naa' ta~ bí' 'máa', jo jíí~ jaang` 'ñu' ja` mí' cali'naa'. Dsa' 'nu'gui quiá' ta~ lana, jöba' nibí'baa' 'máa' quié~e.

⁶ Jöba' cangolíñ' cartí' li~ ni'a'gui quiá'~ e guiée' do, jo job cabír' 'máa' quiá'r~ fí' li~ ca'e' Jesús, jo i lí' ñu' calí'r~. Jo mi~ canaaiñ' øøin' e 'máa' do, jo canaang` 'gui'ba' do, co' dsíng'~ fíng' i jó' do nicangotáang'ne' fí' dsíí' e 'máa' do. ⁷ Jöba' cató'r~ i dsea` la'ó' jmoo' ta~ coo'r~ i teáang~ dsíí' e móo' e coo'gui do, jo íb' cangolíng' e cangojmicóo' quiá'r~ e quiá'~ e caguá~ e 'máa' do. Jo mi~ caguír' e 'máa' do, jo canaaiñ' uøøin' i 'ñu' do, jo catáng'neiñ' do fí' dsíí' e móo' do car` caróng~ laji' tú~. Jo ju~ ja` cango'ang' e móo' do, co' dsíng'~ fíng' i 'ñu' do calí'r~. ⁸ Jo mi~ cangá~ Tú^ Simón jalé' e do, dsifí' lajob casí'r' uø~ jnir~ fí' quini' Jesús laco' teáaiñ' dsíí' e móo' do, jo casí'r~ dsea` do jo cajíñ'~:

—Fí'i, ja` catín'~ sin' cáan'n, co' jaang` dsea` dsee~ dsea` quib' líng' jnea~.

⁹ Jo cajíng'~ Tú^ Simón lajo, co' dsíng'~ cangogá' dsíí' colíng~ coo'~ jaléng' i dsea` caguiaang~ gui do dsa' e calí'r~ jaléng' i 'ñu' do ie~ jmi~ jo. ¹⁰ Jo jee~ i dsea` í' nitaang~ gáng~ dseañu' i jmoo' ta~ colíng~ coo'~ Tú^ Simón, jaaiñ' do siir` Tiáa~ jo jaang'gui i sii' Juan, jo laji' huáaiñ' do líiñ' jóo' jaang` dseañu' i sii' Zebedeo. Jöba' cajíng'~ Jesús casí'r~ Tú^ Simón:

—Ja` føøn'~, Tú^ Simón, co' latí' lana nitá' e ta~ jmoo' na, jogui nicuøø' 'nu' coo'gui ta~ e líb'jiu la lí' e ta~ na cajo, co' nijmée' ta~ guía' júu^ quié~e jee~ jaléng' dsea` jmigüí'.

¹¹ Jo mi~ cangí' jo, cangolíng' túr fí' 'ni' uø~ quiá' coo'~ laji' tú~ e móo' do, jo job catú' i dsea` do laji' tú~ e móo' do coo'~ lajalé' e sea` quiá'r~, jo cangolíng' bre coo'~ Jesús.

Mi~ cajmi'leáang~ Jesús jaang` dsea` i líng' jmohu' 'li'

(Mt. 8:1-4; Mr. 1:40-45)

¹² Jo mi~ cangí' jo, jo lajee~ táang' Jesús fí' coo' fi~ li~ se' Galilea, jo caguíe~ jaang` dseañu' i líng' jmohu' 'li' fí' ngúu' táang'. Jo mi~ caguíe~ quiá'~ li~ sing' Jesús, jo casí'r' uø~ jnir~ jo catúuiñ' cartí' ni~ uø~ jo camí'r' jmi'ee~ dsea` do jo cajíñ'~ casí'~ reiñ'~:

—Fí'naa', cuøom` lí' jmi'leáan' jnea~ song iin' lajo.

13 Jōba' cagüing' Jesús i dsea`dsée' do jō cajíñ' casí' reiñ':

—Íim`baa jmi'leáan`n`na. Jōba' latí`lanab ni'leáan`-lajíi` jmohuí' e lin'.

Jō dsifí`mí`cajín' Jesús lajō, cajém' e jmohuí' e líng' i dsea`dsée' do, jō jíi' capí' jo`ee`líng'guir e jmohuí'`li' do. 14 Jōba' caquiá' Jesús ta` i dseañu' do e ja`ií`nisí'r`jíi' jaang`lajíi' e calí` do, jō casí'`reiñ' do jō cajíñ'`lala:

—Gua`jō güijáang'`uø' fí`quini`jmidsea`quí`ii', jōgui`né`líng`ee`coo`nigüicá'`e`quíá'`e`nicuø'`gui'máang'`Fidiée`lí'`laco'gui`ta`caquiá'`Moi`. Jōba' i`jmidsea`do`nijíñ'`e`nica'láam`ba'`lajíi'`jmohuí' e lin', jō lajōb`jaléng'`dsea`ninír' e jo`lin'`jíi'`coo`.

15 Jō dsu' dsifí`ladob`cani'`júu`e`dsíng'`'gøng'`Jesús. Jō dsíng'`fíng'`dsea`cangolíng'`e`'náíñ'`dsea`do`e`iíñ`ninúr`jalé'`júu`quíá'`Fidiée`, jōgui`iíñ`e`nijmi'leáang`dsea`do`lajíi'`jmohuí' e líiñ'`do. 16 Jō dsu'`tá'`co'`jeeng`jmi'nám'`ñia'`Jesús, jō`'nó'r`lí'`ja`ií`dsea`seeng', jō fí`jōb`dséer'`dsisiñ'`cōo'`Fidiée`.

Mí`cajmi'leáang`Jesús`jaang`dseañu'`i`caang`tí`

(Mt. 9:1-8; Mr. 2:1-12)

17 Jō mí`cangí`jō, coo`jmíi`lajee`e'`Jesús`jaléng'`dsea`jalé'`júu`quíá'`Fidiée`, jō fí`jōb`neáng'`coo`tú`míng'`dsea`Israel`i`líng'`dsea`fariseo`colíng`cōo'`tifa'`quíá'`júu`quíu'`ta`quíá'`dsea`Israel. Jō`i`dsea`do, seeíñ'`do`jaliñ'`fí`Jerusalén`cōo'`gui`jalé'`fí`e`néé'`quíá'`lí`se'`Galilea`cōo'`gui`lí`se'`Judea. Jō dsíng'`lí`e`jmicōo'`quíá'`Jesús`e`güea'`'gøng'`quíá'`Fidiée`, co'`dsíng'`tíiñ'`e`jmi'leáaiñ`jaléng'`dsea`dsée'. 18 Jō lajee`jō`caguilíng`-tú`-ni`míng'`dseañu'`fí`lí`táang'`Jesús`e`dsíñ'`jaang`dseañu'`i`caang`tí, co'`iíñ`nidsijeeíñ`i`dsea`dsée'`do`fí`quini`Jesús. 19 Dsu'`ja`lí`cadsé'`i`dsea`do`fí`lí`ningíñ`, co'`dsíng'`fíng'`dsea`i`teáng'`e`sinúu'`do`ie`jō. Jōba'`cajgōo`i`dsea`jéeng'`i`dsea`dsée'`do`fí`yá'`'núu`lí`røø. Jō mí`caguilíñ`fí`jō, jō`ca'ø'r`coo`too', jō fí`jōb`cangíiñ`i`dsea`dsée'`do`laco'`dsíñ'`do`e`fí`ni`lí`ráaiñ', jō`cajgiáang`neiñ'`do`jee`jaléng'`i`dsea`i`teáng'`e`dsí'`sinúu'`do`dseáng'`fí`quini`Jesús. 20 Jō mí`catisíng'`i`dsea`dsée'`do`cartí`ni`uø', dsifí`ladob`calilí'`Jesús`e`jáb'`líng'`i`dsea`dsée'`do`cōo'`i`dsea`dsí'`quíá'r`do`e`quíib'`dsea`do`jmíi`e`nijmi'leáaiñ`jaléng'`dsea`dsée'. Jōba'`casí'r`i`dsea`dsée'`do`jō`cajíñ'`:

—Ni'íim`baa`dsee`quí'`, Ruu'.

21 Jō mí`canúu`jaléng'`tifa'`quíá'`júu`quíu'`ta`quíá'`dsea`Israel`cōo'`gui`jaléng'`i`dsea`fariseo`do`e`cajín'`Jesús`lajō, jō`canaaiñ`í`dsír'`jō`síiñ'`la'ó'`yaaíñ': “¿Í`i`dseañu'`la`e`jafée'r`jalé'`júu`e`jíi'`Fidiéeb'`dsea`catíiñ`fé'r? Co'`jíi'`Fidiée`dsea`güing`ñifí`catíiñ`ni'íiñ`dsee`quí'naa'.”

22 Dsu'`Jesús`calilí'`bre`jalé'`e`í`dsí'`i`dsea`do, jōba'`casí'`reiñ'`jō`cajmingí'`reiñ'`lala:

—¿Jialí'`í`óo'`na'`lana? 23 ¿E`e`líng`-na'`e`ja`gui`huíng'`e`nifé'`naa': su`e`“Ni'íim`baa`dsee`quí'”, o'si`e`nifé'`naa'`é: “Ráan'`jō`ngí'”? 24 Dsu'`lana`jneá'`ni'ée'`e`'nú'`e`jneá',`i`cajá'`fí`ñifí`e`lí'n`jaang`dsea`jmigüí, oo`baa`ta`e`ni'íin`n`dsee`quíá'`jaléng'`dsea`jmigüí.

Jōba'`casí'`Jesús`i`dsea`i`caang`tí`do`jō`cajíñ'`:

—Ráan', Ruu', jō`uøø'`ba'`nicó'`e`lí`dsín'`na, jō`guóng'`fí`quí'`náng.

25 Jō mí`café'`Jesús`lado, dsifí`ladob`caróo`i`dsea`caang`tí`do`jee`jaléng'`i`dsea`i`teáng`do, jō`case'r`e`lí`dsíñ'`do, jō`cangáiñ`fí`quíá'r`. Jō lajee`ngaiñ'`jō`jmiféiñ'`Fidiée`dsu'`uí'`e`ca'láaiñ`. 26 Jō`lajalém'`i`dsea`i`teáng`do`dsíng'`cangogá`dsír', jō`canaaiñ`cuø'r`gui'máang'`Fidiée`jōgui`jmiféiñ'`dsea`do`cajō`dsu'`e`ca'láang`i`dseañu'`i`caang`tí`do, jō`síiñ`lajee`yaaíñ`:

—Jíi'`coo`néé'`ja`mí`cane'naa'`e`guiú'`e`la`jmóo'`i`dseañu'`na.

Mí`cató'`Jesús`jaang`dseañu'`i`síi`Leví

(Mt. 9:9-13; Mr. 2:13-17)

27 Jō mí`cangí`jō, jō`cagüi'`b'`Jesús`lí`iuuiñ`do, jō`cangór`fí`lí`jié'. Jō lajee`iuuiñ`fí`ngóor', cangáiñ`jaang`nodsicuu`i`síi`Leví`i`güing`fí`lí`mír'`cuu`e`catíng`dseata`i`güing`fí`Roma. Jō`cató'`Jesús`i`dsea`do`jō`casí'`reiñ':

—Leví, má-aa' cóo' jnea~.

²⁸ Jo mi~ canúu~ Leví e tó' Jesús, jo dsifí' ladob catúr' ta~ jmóor' cóo' jalé' e sea' quiá'r~ jo cangó-bre cóo' Jesús.

²⁹ Jo mi~ cangí' jo, fí' quiá'- Leví cajméer' cóo' jmíi' fe' e quiá'- e jmi'gór' Jesús, jogui' cató'r~ jaléng' gui' nodsicuu~ i' cuiñ' e cagó'r' colíing~, jogui' fíim'bi' dsea' jiénng' i' caseáng' fí' jo ie~ jo. ³⁰ Jo lajee' jo, dob neáang' jaléng' dsea' fariseo cóo' jaléng' tifa' quiá'- júu^ quiá' ta~ quiá'- dsea' Israel. Jo mi~ cangár' e gø' Jesús cóo' jaléng' nodsicuu~ cóo' gui' jaléng' dsea' i' sea' júu^ e dsíng' røøiñ' dsee~, joba' canaañ' éeiñ' Jesús jo casí'r~ i' dsea' i' caguíling~ cóo' dsea' do:

—¿Jialí' í' gø' tifa' quií' na' cóo' jaléng' nodsicuu~ cóo' gui' jaléng' dsea' i' sea' júu^ e dsíng' røøiñ' dsee'?

³¹ Jo mi~ canúu~ Jesús e fé' i' dsea' do lado, jo cañíir' quiáñ' jo casí'-reiñ':

—Jaléng' dsea' guiúng~ ja' 'neáiñ' tímí', có' lajii' dsea' dséé'bing' i' 'neáng~ tímí'. ³² Jo jnea~ ja' cagá~ a fí' jmigúí' la e caga'nén'n jaléng' dsea' i' guiúng~, có' jaléng' dsea' dsee~ dsea' qui'bing' i' caga'nén'n e laco' niquí' nijíng' yaaiñ' fí' quini' Fidiée' dsea' guiing~ ñíff~.

*Mi~ cajmingí' dsea' Jesús cuaiñ' quiá'- ayuno
(Mt. 9:14-17; Mr. 2:18-22)*

³³ Jo mi~ cangí' e cajíng' Jesús lajo, jo caleáb' catú' cajmingí'tu i' dsea' Israel i' líng' dsea' fariseo do jo cajíñ' lala e cajmingí'r~ Jesús:

—Jaléng' dsea' i' ngí' cóo' Juan i' seáang' dsea' jmíi' cóo' gui' jaléng' jnea^, dsea' lí'naa' dsea' fariseo, dsíng' jmoo~naa' ayuno jogui' dsíng' fé'naa' fa', jo ¿jialí' jaléng' dsea' i' ngí' cóo' 'na' laco' jmíib~ í' gø'r', jo ja' jmóor' ayuno laco' jnea'^?

³⁴ Joba' cañí'tu Jesús quiá'- i' dsea' do jo cajíñ' casí'-reiñ':

—Fa' mi~ jmoo' 'ná' jmíi' e cung' guoo' dsea', joba' ja' cuøøng' e niseáang~na' jaléng' i' dsea' simíng~ do e nijmér~ ayuno lajee' neáaiñ' cóo' i' simíng' i' nicúng' guó' do. ³⁵ Jo dsu' niguiéeb' jmíi' mi~ nitøø' dsea' i' simíng' do, jo ie~ jo mi~ nijmé~ ayuno i' dsea' simíng~ do.

³⁶ Jogui' ca'e'gui' Jesús jaléng' i' dsea' do jalé' júu^ já'- e lafa' júu^ cuento jo cajíñ':

—Mí' 'né' te' dsea' cóo' 'mí', ja' jmóor' fa' e quiá'r' ca'ná'^ 'mí'qui' e 'mí' jo nite'r~ cóo' cóo' 'mí'qui' e yúu~. Có' song cajméer' lajo, ni'ím~ e 'mí'qui' e 'mí' do, jogui' ni'ím~ e 'mí'qui' e yúu~ do cajo, có' mi~ nijgí~, nijóm' e 'mí' 'mí' e sito' do, jo nilife'gui' e lí' sí'guí' do. Jo mi~ niliquíu' jo jo' ee' ta~ íng' jíí' capí'^ jóng.

³⁷ Jogui' cajíng' gui' Jesús casí'r~ jaléng' i' dsea' do:

—Jo lajobi' cajo, ja' guié' dsea' jmí'^ mí'^ huíng' jó'^ e laco' gui'ná'^ có' fí' cóo' dsí' loo~ jó' e yúu~, dsuco' song cajméer' lajo, joba' ni'guí'ba' do jo nidsi'íib' e jmí'^ do jogui' ni'ím~ e loo~ jó' do cajo. Jo có' lajob' líí', ³⁸ joba' guiá'gui' e niguié' dsea' e jmí'^ mí'^ huíng' jó'^ do laco' gui'ná'^ có' fí' cóo' dsí' loo~ jó' e 'míib~, jo lajoba' ja' dseáang' fa' e ni'guí' e loo~ jó' do o'gui' fa' e nidsi'í' e jmí'^ do cajo. ³⁹ Jogui' jíí' jaang' dsea', mi~ nicangoyúung' e ca'í'r~ jmí'^ mí'^ huíng' jó'^ e nicó', iing~guir' fa' ni'í'r' jmí'^ e ja' mí' lí' lajo, có' jalém' dsea' fé'r': "Eáang'gui' jlo'^ jmí'^ mí'^ huíng' jó'^ e nicó' laco'gui' jmí'^ e ja' lí' lajo."

Jo jalé' e júu^ na ca'e' Jesús jaléng' i' dsea' do ie~ jo.

6

*Mi~ ca'éeng~ dsea' quiá'- Jesús láa' quiá'- cui'iee'
(Mt. 12:1-8; Mr. 2:23-28)*

¹ Jo mi~ cangí' jo, cóo' jmíi' lajee' e jmi'íng' jaléng' dsea' Israel, cangíng' Jesús cóo' jaléng' dsea' quiá'r~ fí' 'ni' lí' sijnea~ cui'iee'. Jo lajee' teáaiñ' fí' lado, jaléng' i' dsea' do canaañ' éeiñ' láa' quiá'- cui'iee', jo guiár' fí' jaguór' jo jíuar~ qui' quiá', jo cu'r' e micui'iee'

do. ²Jo dob ngolíng- tú- 'ní m'íng' dsea`Israel i líng' dsea`fariseo. Jo mi~ cangár- e éeng` jaléng' i dsea` do láa' quiá'- cui'iee', jo dsifí ladob cajmíngi' reiñ' jo cajíñ'- lala:

—¿Jialí' jmoo' 'nú' cōō' e ja' catíng- nijmé- dsea` mi~ jmí~ e jmi'íng'naa', dsea` lí'naa' dsea` Israel?

³Joba' cañí' Jesús quiá'- i dsea` do jo casí'- reiñ' jo cajíñ'-:

—¿Su ja' m'í ca'í' 'nú' f'í ni~ jì quiá'- Fidiée' lí' fé' jial cajmée` dseata~ dsea` féng' Daví' cōō'~ jaléng' dsea` quiá'r- mi~ cadseá- jmi'aaíñ-? ⁴Cō' ie~ jo i dseata~ Daví' do ca'í'- f'í dsí' sínúu^ guá'- quiá'- dsea` góor` dsea` Israel, jo camí'r' jmidsea` i néé' ni~ guá'- do iñí' e güeang' e tíng' dsea` e cuø'r' Fidiée', jo cagó'r' cōō'~ jaléng' i dsea` i cōō'r- do. Jo niñí' 'nú' e ja' cuøng` dō' lí' doñí' i dsea` e iñí' do, cō' lajii'~ jmidsea'bing' cuøng` lí' dō'- e jo. Dsu' cangám' i dseata~ dsea` féng' Daví' do e cagó'r' e iñí' do ie~ jo colíng` cōō'~ jaléng' dsea` quiá'r-.

⁵Jo lalab cajíng'- gui Jesús:

—Jo jnea~, i cagüéng- f'í jmigüí' la e gáa'a f'í ñíí' e lín'n jaang` dsea` jmigüí', seab' f'í quié- e e quiá'~ ta~ lajee' e jmí~ e jmi'íng' dsea` góo'o dsea` Israel.

*Mí' cajmi'leáng- Jesús jaang` dseañu' i caang~ guoo`
(Mt. 12:9-14; Mr. 3:1-6)*

⁶Jo mi~ cangí jo, mi~ cagüé- cōō'gui jmí~ e jmi'íng' jaléng' dsea` Israel, jo ca'í'- Jesús f'í dsí' cōō' guá'- quiá'- dsea` góor` dsea` Israel, jo canaaíñ' e'r' jaléng' dsea` jalé' júu^ quiá'- Fidiée'. Jo job nitáang` jaang` dseañu' i nicaang~ guoo` dsée'. ⁷Jo jaléng' tifa' quiá'- júu^ quiá' ta~ quiá'- dsea` Israel cōō'~ gui jaléng' dsea` Israel i líng' dsea` fariseo dob ngí' e téieñ' Jesús, jo iñí~ e nijøø- su nijmi'leáng- dsea` do i dsea` dsée' do lajee' mi~ jmí~ e jmi'íng' jaléng' dsea` Israel; jo facō' lajo, nigüié'r' jial e ni'níñ- dsea` do. ⁸Jo dsu' Jesús lí'bre jalé' e í dsí' jaléng' i dsea` do, jo casí'r- i dseañu' i caang~ guoo` do jo cajíñ'-:

—Ráan'- jo ñising' uø' f'í quini' jaléng' i dsea` la.

Jo dsifí ladob caróo- i dseañu' i caang~ guoo` do, jo cangór- f'í lí' cajíng'- Jesús. ⁹Jo mi~ cagüé- f'í lí' e' dsea` do, joba' cajíng'- Jesús casí'r- jaléng' i dsea` i teáng'- dsí' e sínúu^ guá'- do:

—Sea` cōō' e nijmíngí' i 'nú' jaléng'na' na. ¿E~ ta~ quiá' f'í ni~ jì quiá'- Moí' e cuøng` jmó'oo' mi~ jmí~ e jmi'íng'naa', su jalé' e ga' ofa' jalé' e guiáb- é? ¿Su e jngáang'naa' jaléng' dsea` dsée' ofa' e jmi'leáam^baa'r é?

¹⁰Jo mi~ calí- e fé' Jesús lajo, jo cajøøíñ- jaléng' i dsea` i teáng'~ dsí' e sínúu^ guá'- do, jo casí'r- i dsea` caang~ guoo` do jo cajíñ'-:

—Ní'~ guóo', dseañu'.

Jo mi~ cani' i dsea` do guóor` e caang~ do, dsifí ladob ca'lóo-, jo jí' cōō' jo` ee' lí'.

¹¹Jo mi~ cangá- jaléng' i tifa' quiá'- júu^ quiá' ta~ quiá'- dsea` Israel cōō'~ gui jaléng' dsea` Israel i líng' dsea` fariseo e cajmi'leáam- Jesús i dsea` dsée' do, dsíng'- caligüíñ- jo canaaíñ' sñíñ' lajee' yaaiñ' jial laco' cuøng` e nijmeáiñ' dsea` do.

*Mí' cagüíng' Jesús dsea` gütúung` quiá'r-
(Mt. 10:1-4; Mr. 3:13-19)*

¹²Jo mi~ cangí jo, cōō' jmí~ cangó- Jesús f'í cōō' yú' mó', jo f'í job cateáaiñ` lata~ uøø' e sñíñ' cōō'~ Fidiée' dsea` güíng~ ñíí'. ¹³Jo mi~ cajnéa- e uøø' jo, jo cató'r- jaléng' dsea` i ngí' cōō'r- do. Jo mi~ cagüíñ'- do f'í lí' siñ', jo cagüíñ' gütúung' i dsea` do i ni'uíng- dsea` apóo^ i nijmé- ta~ ni' júu^ quiá'r-. ¹⁴Jo lalab sii' i dsea` gütúung' do: jaang' i sii' Simón, jo mi~ canaaíñ' ngí' cōō'~ Jesús jo calísir` Tú'; jaang'gui i sii' Dí', rúng' dsea` ngáang'~ cōō'~ i Simón do; jaang'gui i sii' Tiáa~, jaang'gui i sii' Juan, jaang'gui i sii' Lii~, jo jaang'gui i sii' Bartolomé, ¹⁵ jaang'gui i sii' Mateo, jaang'gui i sii' Mó^, jaang'gui i sii' Tiáa~, joo' jaang' dseañu' i sii' Alfeo; jaang'gui i sii' Simón i líng' dsea` celote; ¹⁶ jaang'gui i sii' Judas, rúng'

dsea`ngáang` cōo` i Tiáa` do; jō lī` cadséng`gui jaang`gui i siī` Judas Iscariote, dsea` i cajáng` Dsea` Jmáang` fí` jaguó` jaléng` dsea` cōøng` quíá`- dsea` Israel.

Mi` ca'e` Jesús fñng` dsea` jalé` júu` quíá`- Fidié`
(Mt. 4:23-25)

¹⁷ Jō mi` cangī` jō, cajgám` tu Jesús fí` e yá`^ mó` do colīng` cōo` dsea` quíá`r` jō catisiīn` cōo` lī` iā` cōo` mí`^ røø, jō fí` jōb` cajer` e ca'e`reiñ` do jalé` júu` quíá`- Fidié`. Jō lajee` jō caguiliing` jaléng` dsea` i jalīng` fí` Jerusalén cōo` jalé`gui fí` jíe` e tée` lī` se` Judea cōo` jaléng` dsea` i neáang` fí` 'ni` jmiñí`^ fí` Tiro cōo`gui fí` Sidón. Jō jaléng` i dsea` do caguiliñ` 'náiñ` Jesús, cō` iīñ` e ninúr` jalé` júu` quíá`- Fidié` e e` dsea` do. Jōgui fñm`biñ` do jéeiñ` jaléng` dsea` dsée`~, cō` niñir` e jmi`leáam` Jesús jaléng` i dsea` la`í` lí`^ doñí` ee` jmohuí` e líiñ`. ¹⁸ Jōgui jaléng` dsea` i jée` i 'ling`^ quíá`- cajmihuim` Jesús i 'ling`^ do, jō lajōba` ca`láam` jaléng` i dsea` do. ¹⁹ Jō jalém` dsea` ie` jō iīñ` nidsiliñ` cáang` Jesús, jō iīñ` nigüí`r` fa` capí`^ sīb`^ dsea` do, jō lajōba` ni`leáaiñ` lí`^ doñí` ee` jmohuí` e líiñ` la`eáang` cōo` gūea`^ 'gøng` quíá`- dsea` do.

I` jaléng` i seeng`juguiá`
(Mt. 5:1-12)

²⁰ Jō lajee` sing` Jesús colīng` cōo` i dsea` quíá`r` do, jō cajøøng`neiñ` jō casí`r` dsea` do lala:

—Juguiá` jīa` quíí` 'nú`, ja` e lí` jialgui la tiñīng`-na', cō` Fidiéeb` dsea` ni`quie` nifí` quíí`-na' lana.

²¹ Juguiá` jīa` quíí`-na', 'nú` dsea` móo`-na' oo`, cō` Fidiéeb` nicuø`- 'nú` lalīng` mi` nití` í` lajō.

Juguiá` jīa` quíí`-na', 'nú` dsea` jiuung` óo`na' car` quí`na', cō` 'nú`bing` i ningí`- mi` niguiéé` jmī`.

²² Juguiá` jīa` quíí`-na' mi` 'ní` níng` jaléng` dsea` 'nú` uii` quíe` jnea~, o`si mi` øøiñ` 'nú` fí` caluu` fñ` lí` seeng`na', o`si mi` jmineaiñ`^ 'nú`, o`si mi` nijíng` jaléng` dsea` e 'lim`^ba` dsu` uí` e náu`-na' jalé` júu` quíe`-e, dsea` i casīng` Fidié` fí` jmīgüí` la e lín`n` jaang` dsea` jmīgüí`. ²³ Jō e jmī` e mi` nijmeáng` dsea` 'nú` jalé` e ga` lajō, güli`iáang` óo`na' dsuco` niliseab` guíeé` quíí`-na' mi` nití` fí` ñifí`. Dsuco` lajōb` cajmée` jaléng` i 'lí` yúu` quíá`- jaléng` i dsea` i 'ní` níng` 'nú` do ie` lamí` cajmeaiñ` ga` jaléng` i dsea` i café` cuaiñ` quíá`- Fidié` malí`gui eáang`.

Jō mi` calí` e ca'e` Jesús jalé` e júu` na, jō lalab` cajíng`-guir:

²⁴ —E ngí` fñ` 'nú`, jaléng` dsea` sea` cuu`, cō` nicañí`-ba` e siī` juguiá`.

²⁵ 'E ngí` fñ` 'nú`, dsea` sea` e øø`-na' lalīng` lana, cō` niguiéé` jmī` mi` nimó`-na' oo`.

'E ngí` fñ` 'nú`, dsea` jmi`iáang` óo`na' cōo` jalé` e sea` fí` jmīgüí` la, cō` niguiéeb` jmī` mi` nilījuung` óo`na' car` ni`quí`-na' uii` quíá`- jalé` e jō.

²⁶ 'E ngí` fñ` 'nú` mi` fé` jaléng` dsea` jmang`- e guíá` uii` quíí`-na', cō` lajōb` cajmée` 'lí` yúu` quíá`r` cōo` jaléng` dsea` i cajmicaang` e café`r` cuaiñ` quíá`- Fidié` malí`gui eáang`.

'Né` nijmi`neáang`naa` jaléng` i 'ní` níng` jneaa`aa`
(Mt. 5:38-48; 7:12)

²⁷ Jō mi` calí` e cajíng`- Jesús lajō, jō caféng`-guir jaléng` i dsea` do jō cajíñ`- casí`-reiñ`:

—Núu`-na' jalé` júu` quíe`-e: 'Né` nijmi`neáam`ba' jaléng` i 'ní` níng` 'nú`, jōgui jmee`-na' jmang`- e guíá` cōo` jaléng` dsea` i 'lée` quíí`-na', ²⁸ jōgui féeng`-na' Fidié` uii` quíá`- jaléng` i cuø` 'nú` júu` 'lí`, jōgui mí`-na' Fidié` jalé` e guíá` uii` quíá`- jaléng` i jmineang`^ 'nú`. ²⁹ Song` iī` caquiúu` cataang` moní`-na', jōba` cuøø`-na'r e cataang`gui do güiquiúu` jóng. Jō song` iī` caguí` 'mi`guíeé` quíí`-na', jōba` cuøø`-na'r la quíe` 'mi`quíí`-na' cajo. ³⁰ Cuøø`-na' jaléng` i mi` 'nú` lí`^ doñí` ee` mir`, jō song` iī` cacá`- ee`gō e sea` quíí`-na',

jo`güimí~na'r. ³¹ Jmicóo~na' jaléng' dsea, jo jmee~na' jmang'- e guiá~ cóo'r lí^ laco'gui iing~na' e nijmér~ cóo~ 'nú'.

³² Jo song 'nú' 'neáang'na' lajii~ i 'neáang' 'nú', joba' ja`güi'f' óo'na' e jmoo'na' e guiá~, co' lajob jmoo`cajo jaléng' dsea`dsee~ dsea`quí. ³³ Jogui song jmicóo~na' lajii~ dsea` i jmicóo~ 'nú', joba' ja`güi'f' óo'na' fa' e jmoo'na' e guiá~, co' lajob jmoo`cajo jaléng' dsea`dsee~ dsea`quí. ³⁴ Jogui mi~ ee'go jmi'ðong` rúng'na' jo jmoo'na' lajo cóo~ i dsea` i líng~na' i niquí~ e dsí`quí~na', joba' ja`güi'f' óo'na' jóng fa' e jmoo'na' e guiá~, co' lajob jmoo`cajo jaléng' dsea`dsee~ dsea`quí, jo jmoo'r lajo uí~ líng~ ee` sijear~ e ni'íñ` quíá~ dsea` rúñ`.

³⁵ Dsu' 'nú' 'né~ nijmi'neáang'na' jaléng' i 'ní' níng~ 'nú', jogui jmang'- e guiá~ 'né~ nijmee~na' cóo~ lajaléng' dsea. Jogui jaléng' dsea` i líng~ ee'go jmi'ðong` 'nú', ja`güi'f' óo'na' fa' dseáng'- e niquí~tur quí~na'. Jo song nijmití'na' jalé' e nicafá~a na, joba' dseáng'- niliseab` guíeé` quí~na', jo lajoguiba' nilíng~na' jóo' Fidiéé` dsea` guíng~ ñiff~, co' jii~ íb` dsea` guíung~ cóo~ jaléng' dsea` doñí' fa' soo` dsír` osi ja` cuø'r` gui'máang~ dsea` do é mi~ ee'go íñ`. ³⁶ Jo jmee~ba' fii~ líng~ rúng'na' laco'gui Tiquí'ii' dsea` guíng~ ñiff~ fii~ líñ` 'nú'.

Ja`cuø'na' dsee~ dsea`rúng'na'

(Mt. 7:1-5)

³⁷ Jo ja`cuø'na' dsee~ dsea`rúng'na', jo lajoba' Fidiéé` ja` nicuø'r~ 'nú' dsee~ cajo. Jo ja`fó'na' júu` ga` quíá~ dsea`rúng'na', joba' Fidiéé` ja` nijmér~ lajo cóo~ 'nú'. Íng'na' dsee~ quíá~ jaléng' dsea, jo lajob ni'íng~ Fidiéé` dsee~ quí~na' cajo. ³⁸ Cuø'na' jaléng' dsea` ee'go e 'né~, jo lajob ni'íng'na' quíá~ Fidiéé` cajo; jo nijmér~ lajo cóo~ 'nú' lafa' mi~ cuø'na' dsea` micuúí` e néé' í` cóo~ 'ma' í` cuii, jo mi~ nidsitoo~, 'né~ e ni'léng' e 'ma' í` cuii` do, jo mi~ caróng~ 'né~ e nidsitoo~` teá, jo mi~ calí~ jo, 'né~ e nilí` guisó` guíá~. Jo Fidiéé` nijmér~ cóo~ 'nú' lí^ laco'gui la jmoo'na' cóo~ jaléng' dsea`rúng'na'.

³⁹ Jo mi~ calí~ e cajíng'~ Jesús jalé' e júu` na, jo ca'e'guir jaléng' i dsea` do jo casí~`reñ` lala jo cajíñ`~:

—Song jaang` dsea` tiuung~ nijéiñ~ jaang`gui dsea` tiuung~, joba' dseáng'~ fí` íb` nijjúiñ` laji` huáaiñ` do. ⁴⁰ Jogui jii~ jaang` dsea` i jmitíng`, tíng`guir laco' tifa' quíá'r~ lajee` e jmitíñ`. Dsu' mi~ ca'e' i tifa' do lajalé' e tíñ, joguiba' røøb` nilitíñ` jóng.

⁴¹ Jo çjali'` ca` cuente lajii~ quí` iá~ jmini` jaang` dsea` rún', jo dsu' ja` ca` cuente uø' e jie` ja` latøong~ cóo` 'mab` iá~ jminí'`? ⁴² Jo song ja` lí` cá` cuente uø' jial tí' fe' e iá~ jminí', joba' çjal niteá` o' e nifí` jaang` dsea` rún' lala: “Rú'uu', nea`du ne`ee', jo nigui`duu e quí` iá~ jminí'`”? i jmiccaang~ 'nú! Jáng'~ gui`du e 'ma' e iá~ jminí'` uø', jo lajoguiba' nicuøong` jøø' guíá~ e nigui` e quí` e iá~ jminí` i dsea` rún' do.

Jalé'`ma`ofií` cuí` dsea` la'eáang` cóo~ ofii` e íb`

(Mt. 7:17-20; 12:34-35)

⁴³ Jo mi~ calí~ jo, jo cajíng'~ gui Jesús casí'r~ jaléng' i dsea` do:

—Ja` sea` 'ma`ofií` e guiá~ e cuø`ofií` e ja` dseeng`, o'gui sea` 'ma`ofií` e ja` dseeng` fa' e cuø`ofií` e guiá~. ⁴⁴ Co' jalé'` 'ma`ofií`, mi~ cacuø`ofií` quíá', joguiba' nililí` dsea` su guiá~ osi ja` dseeng` e 'ma`ofií` do. Co' ja` cuø`güiñí` yá^ 'matóo', o'gui mi^ huíng` jøí` í` yá^ 'matóo` fí'. ⁴⁵ Jo jaang` dsea` i guíung~ fé'r` jalé' e guiá~, co' jmang'~ e guiáb~ í` dsír'. Jogui jaang` dsea` i soo` dsí' jmang'~ e gab` fé'r', co' jmang'~ e gab` í` dsír'. Co' dseáng'~ lajii~ e í` dsíib` dsea` e fé'r`.

Jial lí' mi~ núu~ dsea` júu` quíá~ Fidiéé`

(Mt. 7:24-27)

⁴⁶ çjali'` fí'na' jnea~, “Fí'i, Fí'i”, song ja`gui núu~na' jalé' ta` quíá`u? ⁴⁷ Nifá`duu i líng` la líng` jaang` dsea` i núu~ júu` quíé~ e jogui jmitir~ jalé' e fá'a: ⁴⁸ i dsea` í` líñ` la líng` jaang` dsea` i cajme' cóo` 'núu. Jo i dsea` í, núu` gui e nijmér~ e 'núu` do, catá'r~ tí~

fī e a' jogui caséer` cóo'~ cuu~ e cóo'~ eáang, joguiba' cajme'r' e 'núu' do. Jo mi~ cajá~ jmí' dsiing~, dsing'~ ca'í~ jmí' e tíi~ e 'núu' do, jo dsu' jii'~ cóo' ja' ee' caling~, co' teáb' eáang' si'.
 49 Jogui i dsea i ja' núu'~ jalé' júu^ quié~ e o'gui jmitir~ jalé' e fá'a, i dsea í líiñ' la líng' jaang' dsea i cajme' cóo' 'núu', jo ja' catá'r~ tíi~ fī. Jo mi~ cajá~ jmí' dsiing~, eáang' ca'í~ jmí' tíi~ e 'núu' do, jo ca'ím~ba' do co' caquib'~.

Jo jalé' e júu^ na ca'e' Jesús jaléng' i dsea` do e fí e míi^ røø` do ie~ jo.

7

Mi~ cajmi'leáang~ Jesús jaang' dsea' léeng'~ quía'~ jaang' fi'~ 'lée~ romano (Mt. 8:5-13)

1 Jo mi~ cató' e caféng' Jesús jaléng' i dsea` do, jo cangám'~tũr cóo'~ dsea` quía'r~ fí Capernaum. 2 Jo e fí fī Capernaum do nitáang' jaang' fi'~ 'lée~ i niseeng' fí Roma. Jo niseeng' jaang' dsea' léeng'~ quía'r~ i iñ' dsing'~, jo i dsea' í niráaiñ' dsée'r~, jo dseáng'~ tí lí~ nijúum~bre co' eáam' líiñ'. 3 Jo mi~ caliñ' i fi'~ 'lée~ do e caguiéng'~ Jesús fí Capernaum, jo dsifí ladob casíiñ' tú~ 'ní máng'~ dsea` cóong'~ quía'~ dsea` Israel e cangoféiñ'~ Jesús fa' e nidsér~ e nidsijmi'leáaiñ' i dsea` dsée'~ do. 4-5 Jo mi~ caguilíng~ i dsea` cóong'~ do fí lí~ sing' Jesús, jo camí'r' dsea` do jmi'ee' lajii'~ ta' ngolíiñ~ jo cajíiñ'~:

—I fi'~ 'lée~ i casíi' quí'naa' do, dsing'~ guiúiñ~ cóo'~ jaléng' dsea` góo'naa' dsea` Israel, co' íbre caquiur' ta' e calí~ guá'~ quí'naa', joba' ií'naa' e nijmicóo'~re lana.

6 Jo mi~ canúu~ Jesús jalé' e cajíng'~ i dsea` do, jo cangó~bre cóoiñ'~ do. Dsu' nú'gui e niguiéé Jesús fí quía'~ i dsea` do, cajíiñ' tú~ 'ní máng'~ dsea` i casíng' i fi'~ 'lée~ do i quie' júu^ quía'r~, jo cajíiñ'~ casí'r~ Jesús lala:

—Lalab jíng'~ fi'naa': 7 “Fí'i, ja' jmée'~ fí'í' fa' ñi' tí quié~ e, co' ja' catáin'~ fa' e ni'úun'~ sinúu^ quié~ e, co' dsea' 'gøm'~ 'nu', o'gui fa' e cateá~ dsii~ e caga'nén'~n 'nu' 'ñiá'a, co' dsea' fém'~ 'nu'. Jo líco' fée'~ e ni'leáang~ dsea' dsée'~ quié~ e, jo ni'leáam~bre jóng. 8 Dsucó' jnea~ seem' dsea' i quíu' ta' quié~ e, jogui seem' dsea' i quíu' ta' cajo. Jo mi~ fi'~ i jaang' dsea' quié~ e e gua~, joba' dsifí lajob dsée'r; jogui mi~ fi'~ guí i jíéng' e nea', joba' dsifí lajob jáar' cajo; osi mi~ fi'~ i jaang' dsea' 'léeng'~ quié~ e e jmee~ e la, joba' dsifí lajob jmóor' cajo; jo jalém' dsea' quié~ e núu'r~ júu^ quié~ e.”

Jo jaléb' e júu^ na quie' i dsea` i cangojmijíng' Jesús do.

9 Jo mi~ canúu~ Jesús lado, jo dsíng'~ cangogá' dsíir' jo caji'r' nir~ cajóøiñ~ jaléng' i dsea` i cóo'r~ do jo casí'~reiñ' jo cajíiñ'~ lala:

—Lajee' lajaléng' dsea' góo'naa' dsea' Israel ja' mí cajín'~n jii'~ jaang' i dseáng'~ lajang'~ já' líng' júu^ quié~ e laco'gui i dsea` romano la.

10 Jo cangolíim~tũ i dsea` do fí quía'~ i fi'~ 'lée~ do. Jo mi~ caguilíiñ', jo ee' líng' i dsea` dsée'~ do jii'~ cóo', co' nínica'láam~bre.

Mi~ cajmée' Jesús e cají'tu joo' jaang' dseam' i 'nii'

11 Jo mi~ cangí jo, cangó~ Jesús fí cóo' fī e si' Naín cóo'~ dsea' guitúung' quía'r~, jo dsíng'~ fīng' dsea' i ngolíng~ cóo'r~ ie~ jo. 12 Jo mi~ caguiér~ quía'~ e fī do, jo cajíiñ' cabøø~ dsea' i jéng' jaang' 'líi~, jo teáaiñ'~ do fí e nngolíiñ~ fí codsii'. Jo dsíng'~ quí'~ níquía'~ i 'líi~ do, co' jii'~ dob jóor' i niseeng', jo jii'~ jaang' jo i seeng' quía'r~, co' nínicajúm~ dseañu' quía'r~ cajo. 13 Jo mi~ calilí' Jesús e jo i seeng' quía'~ i dseam' 'nii' do, jo dsíng'~ calí~ fī líng~neiñ', jo casí'r~ i dseam' do lala:

—Jo` qui'.

14 Jo mi~ cajíiñ'~ lado, jo cangoquiéeiñ' quía'~ lí~ ngóo' e guóo' e iuung~ i 'líi~ do, jo cagüi'r' e dse' guóo' do. Jo i dsea' i jée' quía'~ i 'líi~ do, dsifí ladob cajer'. Jo cajíng'~ Jesús caféiñ' i 'líi~ do:

—Simíng', jnea~ tóø~ø 'nu': iRáan'~ na!

15 Jo dsifí ladob cají' i 'lii~ do, jogui caguár` jo canaaíñ` fé'r`. Jo Jesús cajáiñ` i siming` do cóo'~ niquiaíñ`^ . 16 Jo mi~ cangá~ jaléng` i dsea` do e cají' i 'lii~ do, joba' dsíng'~ cangogá` dsíir` jogui dsíng'~ cafóíñ` cajo. Jo canaaíñ` jmféíñ` Fidiéé` jo sáiñ` lajee` yaaiñ`:

—Jaang` dsea` i 'gøng' eáang` i fé' cuaiñ` quía'~ Fidiéé` nicagüéíñ` jee` jneaa`aa' lana. Jogui fé'`guir cajo lala:

—Fidiéeb` nicagüéíñ` e nijmicóo'r`~ jaléng` dsea` góor`.

17 Jo jalém` dsea` i seeng` fí` jalé` fii` e née` fí` lí` se` Judea cóo'` gui fí` lacúng'` jo, caliñir` e júu` jo lajii`~ e cajmée` Jesús do.

*Mi~ casíng` Juan i seáang` dsea` jmiñ` dsea` quía'r` fí` lí` táang` Jesús
(Mt. 11:2-19)*

18 Jo lajee` jo caliñi` Juan i seáang` dsea` jmiñ` do jalé` e jmóo` Jesús, co' e júu` jo cajmée` i dsea` quía'~ i Juan do. 19 Joba' cató'~ i Juan do gáng` dsea` quía'r`~ , jo casíng` neiñ` fí` lí` táang` Jesús e cangojmingí'r`~ dsea` do su í`bing' i cajíng'~ Fidiéé` i nigüéeng` fí` jmigüí` la, osi` 'né` e nijém` bir jaang`gui i jiéng` é. 20-21 Jo mi~ caguilíng` i dsea` quía'~ i Juan do fí` lí` táang` Jesús, jo gui'nang`~ jmóo` dsea` do mii` quía'~ jaléng` dsea` dsée'~ i líng` doñi` ee` jmohuí` : seeng` dsea` tiuung` jogui seeng` dsea` i jee` i 'ling'` quía'~ . Joba' cangáb` i dsea` gáng` do mi~ cajmi'leáang` Jesús jaléng` i dsea` dsée'~ do. Jo cangoquíéng` i dsea` quía'~ i Juan do fí` lí` sing'` Jesús jo cajmingi'r` dsea` do:

—I Juan i seáang` dsea` jmiñ` do casíñ` jnea` e cajajmingí`naa'` 'na, ¿su` 'nab` dsea` i cajíng'~ Fidiéé` i nigüéeng` fí` jmigüí` la, osi` 'né` e nijeem`baa'` jaang` i jiéng`gui é?

22 Joba' cañi` Jesús casí'r` i dsea` do:

—Güilíng`na` güijmée`na` i Juan do júu` jalé` e nicañi`na` jogui jalé` e nicanáa`na` na: güijmée`na`r` júu` jial lijné`tu` jaléng` dsea` tiuung` , jogui jial ngi`tu` jaléng` dsea` jlúung` , jogui jial linúub`tu` jaléng` dsea` güiing` , jogui jial 'láang`tu` jaléng` dsea` líng` jmohuí` 'li` fí` ngúu` táang` , jogui jial jí`tu` jaléng` 'lii` , jogui jial guiaa` júu` cajo quía'~ jial nileáang` jaléng` dsea` dsee` dsea` quí` jee` jalé` dsee` quía'r` . 23 Jo juguiá` jia` quía'~ jaléng` dsea` i ja` litúng` dsíi` cóo'~ jalé` júu` quie`e.

24 Jo mi~ calí` e fé'` Jesús lado, jo cangolíim`tu` i dsea` quía'~ i Juan i seáang` dsea` jmiñ` do, jo Jesús canaaíñ` sá'r` jaléng` i dsea` i taang` cóo'r`~ do jalé` juguiá` uii` quía'~ i Juan do, jo casí` reiñ` do jo cajíñ`~ lala:

—¿E` caguijøø` 'ná` mi~ canáa`na` e ningi` i Juan i seáang` dsea` jmiñ` do fí` guóo'~ uó` quíu`? ¿Já` leaa`~?, ja` caguijøøng` 'ná` jaang` dsea` i uaang` júu` quía'~ i jmóo` lí` doñi` ee` ta` quíu` dsea` jiéng` i líng` la lí` coo` cuiñi`^ e dsée` cataang` lí` doñi` jíe'` fí` lí` í` guí` , 25 o'gui caguijøøng`na` jaang` dseañu` i jlo` sí` i seeng` juguiá` , co' niñíb` 'ná` e i dsea` la'f` neaaíñ` quía'~ dseata` dsea` féng' . 26 Jo ¿i` í` óo`na` i caguijøøng`na`? Jo e já' , 'ná` caguijøøng`na` jaang` dsea` i laniing`-gui laco'gui i dsea` caguiaang` i café` cuaiñ` quía'~ Fidiéé` malí`gui eáang` . 27 Jo nab` nicaliti` laco' fé'` Fidiéé` fí` ni` jì` quía'r` cuaiñ` quía'~ i Juan i seáang` dsea` jmiñ` do mi~ cajíñ`~ lala:

Nisín`n` jaang` dsea` i niguiá` júu` quie` e ná`-gui e niguó` fí` jmigüí` e laco' niguiár` guíu` fí` lí` ningi`^ .

Jo lanab` fé'` fí` ni` jì` quía'~ Fidiéé` uii` quía'~ i Juan do.

28 Jo casí`-gui Jesús jaléng` i dsea` do jo cajíñ`~ lala:

—Lajee` lajaléng` dsea` i nicafé` cuaiñ` quía'~ Fidiéé` , ja` mí` caliséng` jaang` i niing`-gui ta` quía'~ laco' i Juan i seáang` dsea` jmiñ` do. Jo dsu` i dsea` i ja` niing` fí` jmigüí` la, dsu` Fidiéé` bing` i quie` nifí` quía'r` , joba' í`bing' i niing`-gui laco' i Juan do.

29 Jo jaléng` dsea` i canáa` júu` quía'~ i Juan do ie` jo cajgáam`-bre jmiñ` , jogui lajob` cajmée` cajo jì`gui jaléng` nodsicuu` i jmóo` ta` quía'~ dseata` quía'~ Roma, co' calilí'r` e Fidiéé` bing` i ée` røø` laco' catíng` . 30 Dsu` jaléng` i dsea` Israel i líng` dsea` fariseo cóo'~

jaléng' i tifa' quiá' júu quiá' ta quiá' dsea Israel ja cali' iññ' fa' cajgáaiñ' jmiñ' miñ' cajá' i Juan do, co' ja' cali' iññ' lajii' e lamí' si' iññ' ni' iññ' quiá' Fidiée'.

³¹ Jo cajíng' gui Jesús:

—¿Iñ nifá' a i líng' la líng' jaléng' i dsea i seeng' lana? ³² Co' jaléng' i líññ' la líng' jiuung' i taang' tacóo' fí' 'móo', jo miñ' niti' áng' rúin' jo fé'r lala: “Jnea' cajiiu' naa' lúu', dsu' ja' cadseeng' na'; jo ca' ó' naa' jalé' e ø' dsea' lí' ráang' 'liñ', dsu' ja' caquí' na'.” ³³ Co' lalab café' 'nú' miñ' cajá' i Juan i seáng' dsea' jmiñ' do, co' ca'eeng' na'r e jée' i 'ling' quiá'r' dsu' uii' e ja' 'leáng' gø'r' jogui jii' capí' jmi' m' huñng' jø' ja' í'r'. ³⁴ Jogui cagá' jnea' fí' jmi' güi' la e lín'n jaang' dsea' jmi' güi' e gø' baa jii' laco' gø' dsea', jo dsu' jaléng' 'nú' ca'eeng' na' jnea' e lín'n jaang' dsea' cúnng' i gø' contøng', jogui e lín'n jaang' dsea' íng' i ngí' cóo' jaléng' dsea' i sea' júu' e dsíng' røøiñ' dsee', osi cóo' jaléng' 'ná' nodsicuu' é' i jmóo' ta' miñ' cuu' e catíng' dseata' quiá' Roma é. ³⁵ Jo dsu' cóo' jalé' e jmóo' Fidiée', jmiñ' nee' iññ' jial tí' tiiñ' ngáiñ'.

Miñ' cagó' Jesús fí' quiá' jaang' dsea' fariseo i sii' Simón.

³⁶⁻³⁷ Jo miñ' cangí' jo, jaang' dsea' fariseo i sii' Simón catø'r' Jesús fí' quiá'r' e cagó'r' í' i' e jmiñ' jo. Jo e fí' góo' i Simón do niseeng' jaang' dseamí' i nijmóo' ta' 'ñíng' 'ñia'. Jo miñ' nicaliñí' i dseamí' do e nidsé' Jesús fí' quiá' i dsea' fariseo do, jo cangó' bre cajo. Jo lajee' guing' Jesús e gø'r' cóo' jaléng' i dsea' do, calí' i dseamí' do fí' lí' guing' Jesús jo quier' cóo' s'í' e a' jmiñ' jmeafí' e 'mo' eáang'. ³⁸ Jo miñ' cagüé' i dseamí' do tí' lí' guing' Jesús, jo casí'r' uó' jnir', jo canaaiñ' qui'r'. Jo laco' qui'r', jalé' jmiñ' e í' jminir' do tí' fí' tii' Jesús, jo cóo' e jmiñ' jo canaaiñ' ru'r' tii' dsea' do, jogui cajmiquiur' tii' dsea' do cóo' jñuguir'. Jo miñ' calí' lajo, jo cachu'r' tii' dsea' do, jo casúur' e jmiñ' jmeafí' e quier' do fí' tii' dsea' do. ³⁹ Jo miñ' cangá' i dsea' fariseo do i catø' Jesús fí' quiá'r' do jalé' e cajmée' i dseamí' do quiá' Jesús, joba' canaaiñ' í' dsír': “Faco' já' i fé' cuaiñ' quiá' Fidiée' i dseañ' la, joba' nilí' bre jóng' e jalé' dsee' røøng' i dseamí' i güi' tii' na.” ⁴⁰ Joba' Jesús casí'r' i dsea' do jo cajíñ' :

—Simón, sea' cóo' e 'né' nifí' i 'nu'.

Joba' cañí' i dsea' fariseo i sii' Simón do jo cajíñ' :

—¿Eñ nifo', Tifa'?

⁴¹ Joba' cajíng' Jesús casí' reiñ' :

—Coo' nee' caliséng' gáng' dsea' i røøng' cuu' quiá' jaang' dseañ' i jmóo' ta' jmi' øø' cuu'. Jo jaaiñ' do røøiñ' 'ñiá' ciento cutee', jo jaang' guiiñ' do røøiñ' jii' cincuenta cutee'. ⁴² Jo miñ' camí' i dsea' do cuu' quiá'r', jii' jaang' i dsea' do ja' ee' sea' qui'r' quiáiñ' . Joba' jo' ee' camí' i dsea' fii' cuu' do cuu' quiá'r', jo caláam' i dsea' do, jo jo' ee' caquí'r' jii' cóo' 'ñiá'. Fé'e' du 'nu' ne' du': ¿Iñ lajee' laji' huáng' i dsea' do eáang' gui' neáang' i dsea' cacuø' cuu' do?

⁴³ Joba' cañí' i Simón do jo cajíñ' :

—Jnea' lín' n e i dsea' i carøøng' jmi' guiu' gui do.

Joba' cañí' Jesús quiáiñ' do jo cajíñ' :

—E uii', jáb' qui' , lajob lí'.

⁴⁴ Joba' cajøøng' Jesús i dseamí' i guing' uii' tii' do, jo casí'r' Simón jo cajíñ' :

—¿Jøøng' i dseamí' la? Miñ' ca' úu' u sinúu' qui' , ja' cacuøø' jnea' jmiñ' fa' e carúu' u tii' laco' títng' jneaa' aa' fí' la; dsu' i dseamí' la, dsea' i co' jáab' la, nicaru' bre tii' cóo' jmiñ' í' jminir' jogui nicajmiquiur' cóo' jñuguir'. ⁴⁵ Jogui ja' cachu' 'nu' nii' laco' títng' jneaa' aa' fí' la miñ' neeng' rú' naa'; dsu' i dseamí' la ja' mí' caquiuiñ' e chu'r' tii' laco' miñ' ca' úu' u sinúu' qui' . ⁴⁶ Jogui ja' casúu' jmiñ' jmeafí' mogui' laco' títng' jneaa' aa' fí' la; dsu' i dseamí' la cagüéiñ' quier' cóo' s'í' e a' jmiñ' jmeafí' e 'mo' eáang', jo nicasúur' tii'. ⁴⁷ Dsu' jnea' nifí' i 'nu' e já' i dseamí' la dsíng' nicarøøiñ' dsee', dsu' jnea' nicalím' baa jalé' e dsee' jo quiá'r', joba' dsíng' jmi' neaaiñ' jnea' lana; dsu' jaléng' gui' i dsea' i líng' e ja' 'ga' lí' dsee' røøiñ' e laco' jnea' ni' iññ' jalé' e jo, joba' ja' 'ga' lí' jmi' neaaiñ' jnea' jóng.

48 Jōba' cajíng' Jesús casí'r i dseamî do:

—Nica'ím baa jalé' dsee quí'.

49 Jō jaléng' i dsea i neáng'gui do cóo' Jesús canaaiñ` siiiñ` lajee` yaaiñ`:

—¿I i dseañu' la e iñ` dsee quíá' jaléng' dsea'?

50 Dsu' Jesús casí' guir i dseamî do jō cajíñ':

—Jnea` nica'ín` n jalé' dsee quí' dsucō' jáb' calín' jalé' júu` quíe`e; jōba' lana guóng' cóo' e guiá' fí quí'.

8

Jaléng' dseamî i cajmicóo' quíá' Jesús

1 Jō mi` cangî jō, cangó' Jesús lacoō' fiî e cóo' cóo' jalé' fiî e pí' quíá' e guiar' jalé' júu` quíá' Fidiéé` e quíá' jial quíe' dsea` do nifí quíá' jaléng' dsea`. 2-3 Jō cóo' bre jaléng' i dsea` guitúung` do quíá'r, jōgui ngolíim` bi cajo jaléng' dseamî i nicajmi'leáng` Jesús lí' doñí` ee` jmohuí' líiñ', fa' jaléng' i jée' i 'líng' quíá' lamí` jéeng'gui. Jō jee` jō quíéng` jaang` dseamî i sii` Yá' i seeng` fí Magdala i ca'uøøng` guiáng` i 'líng' quíá'; jō jaang`gui dseamî i sii` Sihuoo` i líng' oo` jaang` dseañu' i sii` Chuza i jmóo' ta` laniing` quíá' dseata` Herodes; jō jaang`gui i sii` Susana, jō fíim` bi jaléng' dseamî i jiéng'gui i ngolíng` ie` jō, jō jmícóo'r` Jesús cóo' jalé' e sea` capí' quíá'r.

Mi` ca'e' Jesús coo' júu` já' e lafa' júu` cuento quíá' mi` bí' dsea` mijú'
(Mt. 13:1-9; Mr. 4:1-9)

4 Jō cóo' jmíi` ie` jō, mi` caliñí' jaléng' dsea` jie` fí lí' táang` Jesús, jō ca'uøøiñ` cango'néeiñ` dsea` do; jō dsíng' fíng' dsea` caseaiñ' ie` jō, jōba' ca'e' Jesús jaléng' i dsea` do cóo' júu` já' e lafa' júu` cuento jō casí'r dsea` do lala:

5 —Jaang` dseañu' cangór` cangobíir` mijú' quíá'r fí lí' nicajír`. Jō mi` cabír` e mijú' do, sea` e cajiú' lí' ngíng' fí. Jō mi` cangíng' jaléng' dsea`, caso'øm' bre jalé' e mijú' do, jō e líng`gui cagó' ta' cajo. 6 Dsu' sea` bi e cajiú' ní' cuu` lí' ja' leáng` guoo' néé'; jōba' mi` ca'íáng', dsifib' caliquíú' cō' ja' sea` lí' nisó' jmó' quíá' lí' güí', jōba' ca'ím` cajo. 7 Jōgui sea` bi e mijú' do e cajiú' jee` mijú' 'matóo'; jō mi` ca'íáng' e mijú' do, jéeng'gui e mijú' 'matóo' do cacuáng` jō ca'ím` e mijú' e cabí' i dsea` do jee` e mijú' 'matóo' do. 8 Dsu' seab` e mijú' do e cajiú' lí' jlo' uó'; jō mi` cacuáng` jō jlob' cacuø'; sea` e cacuø' lajì cien mí' lacami' mijú'.

Jō mi` calí' fé' Jesús jalé' e júu` na, jō casí' guir jaléng' i dsea` do, jō café'r` laco' ninú' i dsea` do røø' jō cajíñ':

—Ii` 'nú' sea` loguá'na', núu` na' jalé' júu` quíe`e.

E uiing` e ca'e' Jesús jalé' júu` já' e lafa' júu` cuento
(Mt. 13:10-17; Mr. 4:10-12)

9 Jō mi` cangî jō, jō cajmíngí' i dsea` guitúung` do cajmíngí'r` Jesús e` guóng' e júu` e ca'er' do. 10 Jōba' cajíng' Jesús casí'r i dsea` guitúung` do:

—Quíá' Fidiéé` nicangíng' 'nú' e ngáng'na' jalé' e ja` mí` ñí' dsea` jéeng'gui, e dsea` í` iñ` cār` nifí quíá' lajaang` lajaang` dsea` jmígüí'. Dsu' jnea` ée` e jaléng' i dsea` na cóo' júu` já' e lafa' júu` cuento e laco' mi` ninír', nijér` lafa' ja' ee` cangá` bre, jōgui mi` ninúr`, nijér` lafa' ja' ee` canúu` bre cajo.

Mi` cajmíe' Jesús júu` e` guóng' e júu` quíá' i dsea` bí' mijú' do
(Mt. 13:18-23; Mr. 4:13-20)

11 Jōba' cajíng' Jesús casí'r i dsea` guitúung` do:

—Lalab guóng' e júu` e ca'é'e na 'micú': E mijú' do lí' lafa' júu` quíá' Fidiéé`. 12 Jō e cajiú' lí' ngíng' fí do lí' lafa' i dsea` i núu` e júu` do, jō dsu' lajmináb` güéeng` fiî i 'líng', jō dsifí lajōb` jmóor` e ja' já' líng' i dsea` do e júu` jō, jō lajōba' ja' nileáiñ' do jee` jalé' dsee` quíá'r. 13 Jōgui e mijú' e cajiú' fí ní' cuu` do lí' lafa' jaléng' dsea` i íáng' dsí' íng'

jalé' e júu^ jo, jo dsu' ja' huóø ee e já' líiñ, co' mi~ hu'ng' dsijéé' quiá'r- uí' e já' líiñ júu^ quiá'- Fidiéé', joba' dsifí' lajob tá'tur e júu^ jo, jo i dsea' í'bing' i líng' la lí' e mijú' e ja' 'leáng- jmó' sea' do. ¹⁴ Jo e mijú' e cajiá' jee~ mijú' 'matóo' do lí' lafa' jaléng' dsea' i núu' júu^ quiá'- Fidiéé' jo ca'ím'bre e júu^ jo, jo dsu' laco' ngóo' jmíng~, eáang'gui guíng~ dsíir' jalé' fí'í' dsíir' sea' quiá'r- jogui quiá'- jalé' ta' lí' cuu' jogui cajo e quiá'- jial nijmi'íáang' dsíir' cóo'~ jalé' e sea' fí' jmigüü. Jo co' lajob líiñ, joba' ja' cuó' fí' quiá'r- fa' e nidsicuáng'gui e júu^ quiá'- Fidiéé' e já' líiñ do. ¹⁵ Jogui e mijú' e cajiá' lí' jlo' uó- do lí' lafa' jaléng' dsea' i dsíng'- íáang' dsíir' íñ' júu^ quiá'- Fidiéé', jogui eáam' jmóor' náur~ jalé' júu^ quiá'- dsea' do, co' ja' litúng- dsíir' jalé' e jo. Jo i dsea' í'bing' i teáang- teá' cóo'~ júu^ quiá'- Dsea' Jmáang-, jogui eáam' dsicuáng' e júu^ jo quiá'r-.

Coo' júu^ já' e lafa' júu^ cuento quiá'- jial mi~ jmijneá' dsea' jí'
(Mr. 4:21-25)

¹⁶ Jo mi~ calí- e fé' Jesús júu^ quiá'- mi~ bí' dsea' mijú', jo cajíng'- guir casí'r- jaléng' i dsea' do:

—Jíi' jaang' dsea' ja' 'gui'r' cajlíi' quí' e mi~ nicoo' jo nijlír- o'gui nisí'r' cóo' lí' cóong'~, co' iñ e jneá' fí' la'úng- sináa' quiá'-bre. Co' 'né- niquidsir' e quí' do cóo' lí' ní' e laco' jneá' mi~ dsitáaiñ', jo lajoba' jné' jaléng' dsea' i dsitáang' e sináa' do. ¹⁷ Jo lajob lí' cóo'~ júu^ quié- e: Ja' sea' jalé' júu^ quié- e fa' e si'ma' e ja' niní' dsea', o'gui sea' jalé' júu^ quié- e fa' e ja' tóo' jmi~ nilíñ' dsea' jaléiñ'. ¹⁸ Joba' fí' jnea' 'nú', náa' na' júu^ quié- e; co' jaléng' dsea' i nináa'~ júu^ quié- e, jmigui'gui niñíñ' e ngáíñ', jo dsu' jaléng' dsea' i ja' náa'~ júu^ quié- e, joba' ni'ím- lajii' e ni'í' dsíir' e ngáíñ' do.

Mi~ cajá' niquiá' Jesús cóo' jaléng' rúíñ'
(Mt. 12:46-50; Mr. 3:31-35)

¹⁹ Jo lajee' táang' Jesús e e'r' jaléng' i dsea' do, caguié- niquiá'r' cóo'~ jaléng' rúíñ' e 'náíñ' dsea' do. Jo co' ja' cuóong'gui fa' e nidsiquiéiñ' do tí' quiá'- lí' sing' dsea' do, co' dsíng'- fíng' dsea', ²⁰ joba' jaang' i dsea' do cajmea'r' Jesús júu^ jo casí'r- dsea' do jo cajíñ'- lala:

—Na nicagüéng- niquí' cóo'~ gui jaléng' rún' e 'náíñ' 'na', jo nab teáaiñ' caluu' lana.

²¹ Dsu' Jesús cañíir' jo casí'r- i dsea' do jo cajíñ'-:

—Jaléng' dsea' i núu' júu^ quiá'- Fidiéé' jo jmitir~ e júu^ jo, jaléng' i dsea' í'bing' líng' niquié' e jogui rún' n.

Mi~ cajméé' Jesús e ca'úang- e í' guí' jogui ca'úang- e róo- jmí'
(Mt. 8:23-27; Mr. 4:35-41)

²² Jo mi~ cangí' jo, lajee' e táang' Jesús fí' Galilea, jo cóo' jmi~ ca'ír- fí' dsíir' cóo' móo' cóo'~ i dsea' guitúung' quiá'r- do jo casí'- reiñ':

—Má- aa' lí' 'ngóo' cataang' e guiéé' la.

Jo dsifí' ladob cangolíñ- fí' lí' e Jesús. ²³ Jo lajee' ngolíñ- ni~ jmí' jo caquiam'- Jesús. Jo lajee' güíng' dsea' do, jo dsíng'- canaang' í' guí', jo mífíng' canaang' dsi'a' jmí' dsíir' e móo' do, jo cafóm' i dsea' guitúung' do, co' fø' nidsi'am' e móo' lí' teáaiñ' do. ²⁴ Joba' cangoñíñ' Jesús jo cajíñ'- casí'r- dsea' do:

—¡Tifa'! ¡Tifa', nicanaang' dsi'am'baa'!

Jo caróo- Jesús, jo caquiur' ta' e guí' do cóo'~ e jmí' do. Jo dsifí' ladob cahuíng' e í' guí' jo cahuím' e róo- jmí' cajo, jo tiib- ca'í'. ²⁵ Jo casí'- Jesús i dsea' do jo cajíñ'- lala:

—¿Jna' gui e fó' na' e já' líng' na' júu^ quié- e?

Dsu' i dsea' guitúung' do dsíng'- cafóíñ' jo cangogá' dsíir' jo cajmingi' rúíñ':

—¿I' i dseañu' la e quiur' ta' jo náa'~ jalé' guí' cóo'~ jalé' jmí' júu^ quiá'r'?

Jaang' dseañu' i seeng' fí' Gadara i nijéé' i 'líng' quiá'-
(Mt. 8:28-34; Mr. 5:1-20)

26 Jo miñ caguié- Jesús cóo- dsea` quiá-r- fí lí- 'ngóo- cataang` e guiéé do, jo caguiliñ- fí cóo- fí lí- sii` Gadara. 27 Jo miñ cajgáñ- e móo- do, jo cangoquiéeng` jaang` dseañu` i niseeng` e fí do i nijéé i fíing` i 'ling`^ quiá- lajii- maliib`-jiu eáang`. Jo ja` ee` sír`^ qui`r`, o`gui guiiñ- fí quiá-r-, jo jii- fí lí- áang` 'lib`- güiiñ-. 28 Jo miñ cangáng- i dsea` do Jesús, jo cangoquiéeiñ- fí quiniñ dsea` do jo casí-r` uó- jnir-, jo canaaiñ- fé-r` teá jo sí-r` dsea` do lala:

—Jesús, Jóo- dsea` guing`- ñifí-, ja` jmiguín`^ jnea`! Jo mí- i 'nu` jmi`ee` fa` nijiéé` o` e ja` nijmeáan`- jnea` ga`!

29 Jo i 'ling`^ i jée` quiá- i dsea` do café-r` lado, có- Jesús nicanaaiñ- quiu`r` ta` i 'ling`^ do e nitiúuiñ- do i dsea` do. Có- lamí- jéeng`gui, eáang` jmiguíu`- née- nicajmée` i 'ling`^ i jée` quiá- i dseañu` do e ga` eáang`; jo nañi` fa` jaléng` dsea` nicasaiñ- i dseañu` do, jo nica`ñu`r` guoo` tiiñ- cóo- ñi` cadena e laco- jo` nijméiñ- ga`, dsu` dsifí ladob fiiñ- do jalé` ñi` cadena, jo jmoo` i 'ling`^ do e dsée` i dseañu` do fí lí- ja` ii- dsea` seeng`. 30 Jo lalab cajíng`- Jesús cajmingí-` reiñ-:

—¿Jial sii`?

Joba` cañi` i 'ling`^ i jée` quiá- i dseañu` do:

—Legióm sii`-naa`!

Jo cajíng`- i 'ling`^ do lado, có- dsíng`- fíiñ- jéer` quiá- i dsea` do. 31 Jo jaléng` i 'ling`^ do camí-r` Jesús e ja` niquiá- dsea` do ta` e nidsiliñ- do fí lí- 'li`^ . 32 Jo có- dsíng`- fíing` cú- nitaang`-ne` gø`re` nuu` fí dse- cóo` mó- quiá- lí- táang` Jesús, joba` camí i 'ling`^ do jmi`ee` camí-r` dsea` do e nicuór- fí e nidsitáaiñ- do dsí- jaléng` i cú- do. Joba` cacuø` Jesús jaléng` i 'ling`^ do fí lajo. 33 Jo dsifí ladob catiúung`- jaléng` i 'ling`^ do i dsea` do, jo cangotáaiñ- dsí- jaléng` i cú- do. Jo miñ cangotáang`- i 'ling`^ do fí dsí- jaléng` i jó- do, jo dsifí ladob cacuí-re`, jo cabíng`- yaang`-ne` fí 'ni`- jiáa`, jo cajiúng`-ne` fí dsí- jmí, jo cajgó`-bre` jmi` jóng.

34 Jo miñ cangá- jaléng` i dsea` i jmoo` í- i cú- do lajii- e calí- do, dsifí ladob cacuí-` cangoliñ- fí fí, jo caguiar` júu` lajii- e calí- cóo- i cú- do, jogui cajmea-r` júu` jaléng` dsea` i cajíñ-` guíá- fí cóo- fí jee` mó- laco- ngoliñ-. 35 Jo miñ caliñi` jaléng` i dsea` seeng` fí jo jalé- e calí- e jmi`- jo, jo dsifí ladob cangoliñ- fí lí- táang` Jesús. Jo miñ caguiliñ- fí lí- táang` dsea` do, jo cangár- e dob niguiing`- i dsea` i lamí- jée` i 'ling`^ quiá- do colíng`- cóo- Jesús, jo niqui`-bre` sír`^, jo jo` ee` líiñ- jii- cóo-. Jo dsíng`- cafóng`- jaléng` i dsea` i caguiliñ- do. 36 Jo jaléng` dsea` i cangá- jial ca`láang`- i dseañu` i lamí- jée` i 'ling`^ quiá- do, dsifí ladob caguiar` júu` jial calí-. 37 Jo miñ calí- lado, jaléng` i dsea` i seeng` fí Gadara do camí-r` jmi`ee` Jesús e nigüi`-hib` dsea` do e fí lí- táaiñ- do, có- dsíng`- 'gó- jaléng` i dsea` do. Jo miñ cajíng`- i dsea` do lado, jo dsifí ladob calí- tu Jesús dsí- e móo- do, jo ca`í-r` fí e nidsém-`-tur fí Galilea. 38 Jo i dseañu` i lamí- jée` i 'ling`^ quiá- do camí-r` Jesús jmi`ee` e nidsér- cóo- dsea` do, dsu` ja` cacuø` Jesús fí lajo. Jo caquiá-r` ta` i dseañu` do e cangáñ- do fí quiá-r-, jo casí-`-reiñ- jo cajíñ-`-:

39 —Guóng` fí quí-`, jo güiguia` júu` jalé- e guíá- e nicajmée` Fidiéé` cóo- 'nu`.

Jo cangám- i dseañu` do, jo cajmiti`-bre` jalé- ta` e caquiá- Jesús, jo caguia`-bre` júu` jalé- e guíá- e cajmée` dsea` do cóo-r`.

*Mí- cajmi`leáang`- Jesús jóo` Jairo
(Mt. 9:18-26; Mr. 5:21-43)*

40 Jo miñ caguiéng`- tu Jesús fí Galilea, jo dsíng`- fíing` dsea` i niteáang`- güijéé` quiá-r-. Jo dsíng`- iáang` dsí- jaléng` i dsea` do dsu` caguiéng`- tu Jesús fí do. 41 Jo lajee` jo, caguié- jaang` dseañu` i sii` Jairo i líng`- fí- féng` quiá- guá- quiá- dsea` Israel. Jo miñ caguié- fí quiniñ Jesús, jo casí-r` uó- jnir- fí quiniñ dsea` do jo camí-r` jmi`ee` fa` e nidsé- dsea` do fí quiá-r-, có- seeng` camíng`- simí- jiuung`- quiá-r- i ñingóo` guitu` jii- jo niráaiñ- do dsée-r` eáang` e dseáng`- tí lí- nijúum`-bre. 42 Jo lajee` ngóo` Jesús fí quiá- Jairo, dsíng`- fíing` dsea` ngoliñ-, jo dsíng`- sicúung`- Jesús jee` jaléng` i dsea` do.

43 Jo jee jaléng' i dsea i jée' quíá'- Jesús ningóo' jaang' dseam' i nilíng' jmohuí' e tuuíñ' lajii' ningóo' mi' guitu' jii'. Jo lamí' jéeng' dsíng' nica'íiñ' cuu' quíá'r' cóo' jaléng' timí', jo jii' jaang' ja' ii' mi' cali' fa' i nicajmi'leáang' ír'. 44 Jo guidseam' calí' i dseam' do cangíiñ' jee' jaléng' i dsea' do, jo cangoquíeeiñ' fí' lí' caluu' Jesús jo catíiñ' capí' 'ni' sí' dsea' do, jo dsifí' ladob ca'láaiñ', jo jii' capí' jmi' jo' e tuuíñ' jóng. 45 Jo Jesús dsifí' ladob cajmingí'r' jaléng' i dsea' i cóo'r' do jo cajíiñ':

—¿I' i catíng' capí' sí'?

Jo có' jaléng' i dsea' do cañír' e jii' jaang' ja' ii' cajmée' lajo, joba' cañíi' Tú' Simón:

—Tífa', ¿jialí' jmingí' i' catíng' capí' sí'? Co' jalém' dsea' 'leng' rúíñ' fí' la fí' na.

46 Joba' cañíi' tu Jesús jo cajíiñ':

—Lím'bing' ii' cagüi' sí', co' 'niá' a calilí' i e lím'bing' i nicajmi'leáan' cóo' e 'gøn'n.

47 Jo i dseam' do, mi' canúur' e calilíb' Jesús e líng' ii' catíng' sí'r', joba' dsíng' cafóíñ' jo dsíng' jléeiñ' cangór' fí' quini' Jesús, jo casí'r' uó' jnir' fí' quini' dsea' do. Joba' cajmээр' júu' fí' quini' jaléng' i dsea' do jialí' cagüi'r' sí' Jesús, jo jial ca'láaiñ' ladsifí' lado e jmohuí' e lamí' líiñ'.

48 Joba' cajíng' Jesús casí'r' i dseam' do:

—Jóo'o, uí' e jáb' calín' júu' quíe' e, joba' nica'láam' ba' lajii' jmohuí' e lamí' lin'. Joba' lana guóng' cóo' e guíá' fí' quíi'.

49 Jo laco' gui'nam' bi' síng' Jesús cóo' i dseam' do, mi' caguié' jaang' dsea' sinúu' quíá' Jairo e quier' júu' cuaiñ' quíá' i simí' do, jo lalab casí'r' dsea' do:

—Jo' taan' i tífa' na e dsér' fí' quíi', co' nicajúm' simí' jiuung' quíi'.

50 Dsa' mi' canúu' Jesús lado, dsifí' ladob casí'r' Jairo:

—Ja' fòon' jii' cóo', lico' 'né' e jáb' nilín' e quí' baa' jmi' nijmee' e ni'leáang' i simí' jiuung' quíi', jo lajob nilí'.

Jo mi' cajíng' Jesús lado, dsifí' cangór' fí' quíá' Jairo.

51 Jo mi' caguié' Jesús fí' quíá' dsea' do, jo ja' cacuór' fí' fa' e cangotáang' dsea' jíéng' gui, jii' Tú' Simón cóo' Tiáa' cóo' Juan cóo' sejmii' i simí' jiuung' do, jii' í'bing' i cangíng' fí' e cangotáang' fí' dsí' sinúu' e lí' ráang' i 'líi' do. 52 Jo jaléng' i dsea' sinúu' quíá' Jairo dsíng' quí'r' jogui dsíng' jiuung' dsíir' dsa' e nicajúng' i jiuung' simí' do. Joba' cajíng' Jesús casí'r' jaléng' i dsea' do:

—Ja' quí' na', co' ja' síjúng' i jiuung' na co' lico' güim'bre.

53 Dsa' jaléng' i dsea' do lí' cangím'bre Jesús mi' cajíng' dsea' do lado, co' ní'bre e nicajúm' i jiuung' do. 54 Jo lajee' e jmóo' i dsea' do lajo, jo Jesús catíiñ' guoo' i jiuung' do, jo cató' reiñ' la'úung' jo casí' reiñ' lala:

—¡Ráan' na, Mí'!

55 Jo mi' cajíng' Jesús lado, dsifí' ladob cají'tu i simí' do jo caróo'bre. Jo dsifí' caquiá' Jesús ta' e cangíiñ' do e cagó'r'. 56 Jo mi' cangá' sejmii' i jiuung' do e cajíb' tuiñ' do, joba' dsíng' cangogá' dsíiñ'; dsa' Jesús caquiá'r' ta' sejmii' i simí' do e ja' ii' nisíiñ' do jii' jaang' lajii' e cajmээр' e sinúu' do ie' jmi' jo.

9

Mi' casíng' Jesús dsea' guitúung' quíá'r' e niguiáíñ' do júu' quíá' Fidiée'
(Mt. 10:5-15; Mr. 6:7-13)

1-2 Jo mi' cangí' jo, caseáng' Jesús jaléng' dsea' guitúung' quíá'r', jo caquiá' reiñ' ta' e nidsiguiáaiñ' do júu' quíá' jial iing' Fidiée' e nicár' nifí' quíá' dsea', jogui cacuó' reiñ' do bí' e quíiñ' do jmi' e ni' uóíñ' jaléng' i 'líng' i jée' quíá' dsea', jogui e nijmi'leáaiñ' do jaléng' dsea' dsée' i líng' doñí' ee' jmohuí'. 3 Jo lalab casí' Jesús i dsea' guitúung' do quíá'r' jo cajíiñ':

—Nigüilíng' na' jo ja' ee' 'né' cá' na' jii' cóo' quíá' guíá' fí': ja' 'né' cá' na' 'ma' u' o' gui nosúu' o' gui í' o' gui nínée'. Jogui jii' sí' na' e quí' ba' nicá' na', co' ja' 'né' fa' cá' na' tú'

neáang' sí'na'. ⁴ Jo mi~ niguilíng-na' fí' coo' fií, jo 'né- ni'no'^na' coo' 'nú' lí~ nijá'na' carta~ taang~na' e fií jo, jo ja' jmisíng^na' lí~ já'na'. ⁵ Jo jíé'go fií lí~ niguilíng-na' lí~ ja' ni'íng' dsea' 'nú', joba' uøøng'na' e fií jo, jo mi~ niteáang-na' 'ni' e fií do, bó'na' 'lee' e too' tíi~na' laco' cuø' lí~ e ja' ca'ée' i dsea' do guiá~ cóo' 'nú'.

Jo jalé' e ta~ na caquiá' Jesús quiá'- jaléng' i dsea' guitúung' do.

⁶ Jo ca'uøøm' i dsea' guitúung' do mi~ cangoyúung' e ca'íñ' jalé' ta~ nijmér-, jo cangolíim^bre fí' jalé' fií e guiar' jalé' júu^ quiá'- Fidié' quiá'- jial laang' dsea' jee~ jalé' dsee- quiá'r-, jogui jmi'leáam~bir cajo jaléng' dsea' i líng' doñí' ee' jmohuí'.

Mi~ cangogá' dsí' Herodes jial fé' dsea' uii~ quiá'- Jesús

(Mt. 14:1-12; Mr. 6:14-29)

⁷⁻⁸ Jo ie~ jo nicanúu- dseata~ Herodes jalé' e síng' dsea' quiá'- jalé' e guiá- e jmóo' Jesús, jo jíí' ja' ñí' i dseata~ do e~ nijmér-, co' seeng' dsea' dsicóor' júu^ e nicají'tu jaang' lajee' lajaléng' dsea' i café' cuaiñ~ quiá'- Fidié' mali~ gui eáang', jogui seeng' dsea' fé'r' e nicajném-tu Líí', jaang' dsea' i café' cuaiñ~ quiá'- Fidié' mali'gui eáang' cajo, dsu' seem'bi dsea' i fé' e Juan i seáang' dsea' jmí'bing' i nicají'tu calé' catú-. ⁹ Jo mi~ canúu- i dseata~ do e fé' dsea' e nicají'b'tu i Juan i seáang' dsea' jmí' do, joba' eáam' cangogá' dsíir' jo cajíñ' :

—Jneab~ dsea' caquiá'- e ta~ e cahuí' moluu~ i Juan do. Jo ¿i~ i éeng' jaléng' dsea' i ngí' jmóo' jalé' e guiá- jogui quí'r~ jmí~ e jmóor' lí'^ doñí' ee'?

Joba' lajíí' ie~ job cajmí'úung' dseata~ Herodes e 'nó'r' jial niníñ- Jesús.

Mi~ cahéng' Jesús ñiá' mil dseañu'

(Mt. 14:13-21; Mr. 6:30-44; Jn. 6:1-14)

¹⁰ Jo mi~ calicøng'gui lajo, caguilíim'tu i dsea' guitúung' do e cangocóor' júu^ fí' quini' Jesús jalé' e guiá- e cajméer' lacoø' fií lí~ cangolííñ-. Jo mi~ calí- féng' rúíñ', jo cajéem' Jesús i dsea' guitúung' do fí' coo' lí~ ja' jí' 'ga' lí' dsea' ngí', quiá'- coo' fií lí~ síi' Betsaida. ¹¹ Jo mi~ caliñí' jaléng' i dsea' i seeng' e fií jo jie~ fí' lí~ nitáang' Jesús, joba' fíim' dsea' cangolííñ^ fí' lí~ táang' dsea' do. Jo Jesús ca'ím'bre jaléng' i dsea' do mi~ caguilííñ-, jo canaaiñ' e'r' júu^ quiá'- jial iing~ Fidié' nicár' nifí' quiá'- jaléng' dsea', jogui cajmí'leáam~bir jaléng' dsea' dsée' i quiéeng' jee~ i dsea' do cajo.

¹² Jo mi~ ñingóo' ca'lóo- e jmí~ jo, cangoquiéeng' i dsea' guitúung' do fí' lí~ sing' Jesús jo casí'r- dsea' do jo cajíñ' :

—I' júu^ jogui síí~ jaléng' i dsea' na güigüilíñ' jo güigüijméer- quijí- lí~ nijér- cóo' gui jalé' e nidó'r- jíé' fí' lí' lí'r^ e tee- 'nú', co' fí' lí' taang~naa' la ja' ee' sea' e niquiee~naa' cóo'r~.

¹³ Joba' cañí' Jesús casí'r- i dsea' guitúung' do:

—'Núb' 'né- cuø'na' e nidó'- jaléng' i dsea' la.

Jo cañí'tu i dsea' guitúung' do:

—¿Jial nilí'gui jo? Co' jíí' 'ñiá' iñí'^ba' sea' cóo'~gui gáng- 'ñu', jo fíng ja' 'né- dsé'baa' e dsileá'naa' e nidó'- jaléng' i dsea' na.

¹⁴ Co' dsíng'- fíng' jaléng' i dsea' do; tí'bre la 'ñiá' mil jíí' dseañu' jo ja' íng^ jaléng' dseamí' o'gui jaléng' jiuung~ cajo.

Dsu' Jesús casí'r- jaléng' i dsea' quiá'r- do:

—Síí'na' jaléng' dsea' güigüear' tá'- có' nibøø~ tá'- cincuenta dsea'.

¹⁵ Jo lajob cajmée' i dsea' guitúung' do, jo caguáb' i dsea' do laco' ta~ caquiá' Jesús. ¹⁶ Jo mi~ calí- caguá' jaléng' i dsea' do tá'- có' nibøø~ lacúng' lajíng' lí~ sing' Jesús, joba' catíng- dsea' do lají' 'ñiá' e iñí'^ do cóo'~gui lají' huáang- i 'ñu' do, jo cajøør- fí' yá'^ jmígüí, jo lajoba' cacuø'r' guí'máang' Fidié' quiá'- e do. Jo mi~ calí- jo, cajméer' jmá'~jiu e do jee~ jaléng' i dsea' guitúung' do, joba' í'guib cajmée' guiéé' jee~ lajaléng' i dsea' fíng' do. ¹⁷ Jo

jalém' i dsea` do cagó'r` car` calitaaĩñ` guiú'. Jo mi` calí` gó'r` lajiiñ` do, caseám` bi guitu` 'matá'gui e røong` tée` 'ná` iñi`^ cõo`~gui 'náng`^ i` ñu` do.

Mi` cajíng`- Tú` Simón e Jesús láiiñ` Dsea` Jmáang`

(Mt. 16:13-19; Mr. 8:27-29)

18 Jo mi` cangí` jo, cõo` jmi` taang` Jesús e féiñ` Fidié`, jo cõo`~bre i dsea` guitúung` quiá'r` do. Jo lajee` jo cajmingí`- Jesús jaléng` i dsea` quiá'r` do jo cajíñ`-:

—¿i` jnea` fé` jaléng` dsea`?

19 Joba' cañi` jaléng` i dsea` guitúung` do:

—Seeng` dsea` dsicueáaiñ` 'nu` cõo`~ i Juan i seáang` dsea` jmi` do, jo seeng`gui dsea` dsicueáaiñ` 'nu` cõo`~ Líi` i café` cuaiñ` quiá'- Fidié` malii`gui eáang`, jogui seem`bi dsea` dsicueáaiñ` 'nu` e lin` jaang`gui i nicafé` cuaiñ` quiá'- Fidié` jogui e nicají`tur lana.

20 Joba' cajmingí`tu Jesús i dsea` guitúung` do jo cajíñ`-:

—Jogui 'nú', ¿i` fó`na' e lín`n?

Joba' cañi` Tú` Simón quiá'- Jesús:

—'Nub` dsea` i líng` Dsea` Jmáang` i casíng` Fidié` dsea` guing` ñifi` cuaiñ` quiá'r`.

21 Dsu' Jesús ca'ír` 'goo` quiá'- jaléng` i dsea` guitúung` do e ja` ii` nisíñ` do jíi` jaang` e íbre láiiñ` Dsea` Jmáang`.

Mi` cajmée` Jesús júu` e tí` nijngáng`- dsea` ír`

(Mt. 16:20-28; Mr. 8:30-9:1)

22 Jo mi` calí` cajíñ`- lado, jo casí`-guir i dsea` guitúung` do lala:

—E jáb`- e jnea` lín`n i dsea` i cajá`-fí` ñifi` e lín`n jaang` dsea` jmigüí. Jo dsíng`- 'né` nimoo`o` iihuí` e eáang`, cõ' jaléng` dsea` cøong`~ quiá'- dsea` góo`o` dsea` Israel nilí` 'ní` níim`-bre jnea`, jogui lajob nijmé` jaléng` dsea` quie` nifí` quiá'- jaléng` jmidsea` quí`ii` cõo`~gui jaléng` tifa` quiá'- júu` quiu` ta` quí`ii`. Jo jaléng` íbing` i nijngáng`- jnea`; jo dsu' mi` nití`- 'ní` jmi` lajo, nijíb`'túu` calé` catú`.

23 Jo mi` calí` jo, cangób`-tur cõo`~ i dsea` guitúung` do fí` lí` teáang` jaléng` i dsea` fíng` do jo casí`-reiñ`:

—Song`ii` dsea` iing`- ni`uúing`- dsea` quie`-e, joba' güitár` jalé` e lí` dsír` 'ñia`r', jogui laco` jmi` güiseaiñ` lafa` crúu` quiá'r` e laco` cuø` lí` e guía` dsír` e nidsing`iiñ` jalé` e huíng` uíi` e láiiñ` dsea` quie`-e, jo lajoguiba` ningír`- cõo`~ jnea` jóng. 24 Cõ' ii` dsea` i` í` dsíi` e lí`bre nileáang`- 'ñia`r` jee` jalé` dsee` quiá'r`, joba' i dsea` í` conguiab` nibíñ` fí` lí` 'lí`^; jo dsu' ii` dsea` nijúuiñ`- uíi` e láiiñ` dsea` quie`-e osi uíi` e ni`r` júu` quiá'- jial niliseeng` dsea` cøong` cõo`~ Fidié`, joba' i dsea` í` nitím`-bre fí` quini` Fidié` jóng. 25 Jo ja` ee` ta` íng` quiá'- jaang` dsea` e silí`r` jalé` e sea` fí` jmigüí` song` ja`gui cuiñ` jnea`, cõ' fí` lí` 'lib`^ nidséiñ`- mi` nití`- í` e nijúuiñ`, jo doguib` lí` ninír` iihuí` lata`. 26 Jogui song` ii` i` 'gó` nifé` e láiiñ` dsea` quie`-e, osi i` láiiñ` e nifé`r` e já`- láiiñ` júu` quie`-e e, joba' lajob nijmee` jnea` cõo`~ i dsea` í` cajo, jnea` dsea` gáa`a` fí` ñifi` e lín`n jaang` dsea` jmigüí; cõ' lajob nijmee` e mi` nigáa`túu` fí` jmigüí` e niniing`- 'gøiñ` quiá'- Tiquié` e Fidié` jogui cõo`~ jaléng` ángeles i güeang`^ cajo. 27 E já`- e fíi` i` 'nú` e i líng` lajee` i dsea` i teáang` la ja` mí` júuiñ` cartí` ninír` jial líi` mi` nicá` Fidié` nifí` quiá'- lajaang` lajaang` dsea` jmigüí.

Jo jalé` e júu` na cajíng`- Jesús casí`r` jaléng` i dsea` do ie` jo.

Mi` calisíng`- jial jnéeng`- Jesús

(Mt. 17:1-8; Mr. 9:2-8)

28 Jo mi` cangí` jñiá`- jmi` e cajíng`- Jesús lajo, jo cajgóor`- fí` cõo` yú`^ mó` e cangoféeiñ` Fidié`, jo cõo`~bre Tú` Simón cõo`~ Tiáa` jogui Juan. 29 Jo lajee` táang` Jesús e féiñ` Fidié`, tá`- jia` ladob jnéeng` calisíng`- jial jnéeng`- nir` jogui calisíng`- sí`r` cajo, jo cajnéng`- e tee` jlo`^ lafa` joo, jogui calijíñ` laco` jing` iee`. 30-31 Jo lajee` jo cajnéng`- gáng`- dseañu` i síng` cõo`r`, jo ni` Moib` do cõo`~gui ni` Líi`, jo laji` huáaiñ`- do láiiñ` dsea` i café` cuaiñ` quiá'- Fidié` malii`gui eáang`, jo jlob`^ jing` i dseañu` do cajo, jo síiñ` quiá'- jalé` iihuí` e nicá`

Jesús fí Jerusalén mi~ nití- í' e nijngáng'- dsea`ír'. ³² Jo dsu' laji` gaang` i dsea` quiá'- Jesús i jéeiñ` do dsíng'- cajá- e jaligüiñ` dsu' caje`bre e sijnéè` dsíur', joba' cangár- e jlo` jing` Jesús jo la quie`gui i dsea` gáng- do jiiñ` cajo. ³³ Jo mi~ cangá- Tú` Simón e catang` fí i dsea` gáng- i teáng- cóo~ Jesús do, joba' dsifí lala casí'r- Jesús jo cajíñ`-:

—Tifa', ¡dsíng'- juguiá- dsu' taang~naa' cóo~ i dsea` na fí la! Fa' na nijmée~naa' 'ní 'núu`jiu cóo~ má' 'ma~, cóo` quíi' jogui cóo` quiá'- Moi` jogui cóo` quiá'- Líi` cajo.

Dsu' jii~ ja` calilí` Tú` Simón e café'r` lado. ³⁴ Jo lajee` gui'nang` fé`bir mi~ cajgó- cabøø` jnií', jo caquiñ`- lajee` teáaiñ` fí e yá'` mó' do, jo dsíng'- cafóng` Tú` Simón cóo~ Tiáa~ cóo~ gui Juan. ³⁵ Jo lajee` teáaiñ` jee` e jnií' do, guicaná` cóo` luu~ dsea` fí yá'` jmigüi` jo guicajíng`-:

—I lab joo`o i camíng` i 'neáan`n eáang`. Jmee`na' núu`na' jalé' ta~ quia'r'.

³⁶ Jo mi~ cangoyúung` e caná' e luu~ dsea` do, cangá- i dsea` gaang` do e jo` jnéeng`-gui Moi` o`gui Líi` fí do, jo 'ñiab` Jesús sing`guir. Jo mi~ cangá jo, jii~ jaang` dsea` ja` iú` cajmea'r` júu` jalé' e cangár- e fí yá'` mó' do ie~ jmii~ jo.

Mi~ cajmi`leáng` Jesús jaang` siming` i iuung` i 'ling` dsí`
(Mt. 17:14-21; Mr. 9:14-29)

³⁷ Jo mi~ cajneá- cóo`gui jmii~, jo cajgám`-bre e fí yá'` mó' do. Jo dsíng'- fíing` dsea` cajíñ` i ngolíng- ngo`née` quiá'r-. ³⁸ Jo jaang` dseañu` lajee` lajaléng` i dsea` fíing` do cató'r- Jesús e teá` eáang` jo cajíñ`-:

—Tifa', ¿já` jmée` uí` dié~ fa' ñijmee~ mii` quiá'- joo`o? có' camíng` siming` labing` i seeng` quie` e; ³⁹ jo jaang` i 'ling` jée` quiá'r-, jo yejib` jmóoiñ` do e dsea` joñiñ`, jo óor` teá` jogui iéng` jalé' ja` fí mo'oor- lajee` jo, jo dsíng'- jmihuíng` neiñ`, jo ja` iñ` do nitúur-.

⁴⁰ Jo nicamii` baa` jmi'ee` dsea` quíi'- fa' e nijmihuiñ` i 'ling` do, dsu' ja` mí` cali'r'.

⁴¹ Joba' lalab casí'- Jesús jaléng` i dsea` do jo cajíñ`-:

—Dsíng'- ja` já'- líng`na' jnea~, jo jmang` fí gab` iing`na' cá`na! ¿jial nité' lí'i e niliseen` cóo~ 'ná'? Ñijéeng` i siming` quíi'- do fí la.

Jo dsifí ladob cangojéeng` i dseañu` do i dsea` dsée~ quiá'r- do.

⁴² Jo mi~ cangoquiéeng` i dsea` dsée~ do quiá' li~ sing` Jesús, dsifí ladob cabíi- i 'ling` do cabíiñ` i siming` do fí ni` uó~, jo cajmээр` e cadseá-tu joñiñ` do. Jo dsifí ladob ca'gaang` Jesús cajíiñ` i 'ling` do, jo ngohuíim`-biñ` do quiá' i siming` do, jo ca`láam`-biñ` do. Jo ngá` joguiba' cajáng` Jesús i siming` do cóo~ tiquiá'r`. ⁴³ Jo dsíng'- cangogá` dsí' jaléng` dsea` i cangá- e jo ie~ jo, có' dsíng'- 'gøng` Jesús lacó' 'gøng` Tiquiá'r` dsea` guing` ñiff`.

Mi~ cajmée`tu Jesús júu` e nijnga'- dsea` quiá'r-
(Mt. 17:22-23; Mr. 9:30-32)

Jo lajee` teáng- jaléng` i dsea` do e dsigá` dsíur` quiá'- jalé' e cajmée` Jesús cóo~ i siming` do, jo lajee` jo cajíng`- Jesús casí'r- jaléng` dsea` quiá'r-:

⁴⁴ —Núu`na' røø` jalé' e nifá`a la lana, jo ja` güi`ling` óo`na' lata~ taang`na' fí jmigüi`; có' lana tí li~ niguiéé` jmii~ e nisáng` dsea` jnea~, dsea` gáa'a fí ñiff` e lán`n jaang` dsea` jmigüi`.

⁴⁵ Dsu' mi~ canúu- jaléng` i dsea` guitúung` do jalé' e cajíng`- Jesús, jii~ jaaiñ` do ja` cangáiñ` jii~ camí` júu` jiali' cajíng`- dsea` do lado, có' ja` mí` cangáiñ` fa' nicacuø` Fidiéé` e ningáiñ` e júu` jo, jogui ja` teá` dsíur` fa' e nijming`ir` jiali' cajíng`- dsea` do lado.

¿I` i niing`-gui fí` quini` Fidiéé`?
(Mt. 18:1-5; Mr. 9:33-37)

⁴⁶ Jo mi~ cangá jo, cóo` jmii~ canaang` i dsea` guitúung` do e guíng` rúíñ` i i niing`-gui lajee` lajaléiñ` do. ⁴⁷ Jo dsu' calilí` Jesús jalé' e síng` dsea` quiá'r-, joba' dsifí ladob cató'r- jaang` jiuung` jo casíng` neiñ` cáaiñ`, ⁴⁸ jo casí'r- jaléng` i dsea` quiá'r- do jo cajíñ`-:

—Doñi' i' i' íng' dsea' i' líng' laco' líng' i' jiuung' la la'eáng' cóo' jnea~, joba' güiliñir' jóng e jneab' ín'; jo i' dsea' i' íng' jnea' güiliñir' e ím'bre Fidié' dsea' guing' ñifi', dsea' casíñ' jnea' fí' jmigüí' la. Jogui doñi' i' i' ja' jmiféng' 'ña' jee' jaléng' dsea' rúng', í'bing' i' niing' gui lajee' lajaléng'.

Doñi' i' dsea' i' ja' fé' ga' uii' quí' ii', joba' uí' quí' baa' siñ'
(Mr. 9:38-40)

⁴⁹ Joba' cajíng' Juan casí'r' Jesús:

—Tifa', jnea'^ nicaneem'baa' jaang' dseañu' i' jmóo' ta' uóøng' jaléng' i' 'ling'^ la'eáng' cóo' 'nu', jo co' ja' ngí'guir colíng' cóo' jneaa'aa', joba' nicajníim'baa' quiá'r' e nijmér' lajo.

⁵⁰ Joba' lalab cañi' Jesús quiá' i' dsea' quiá'r' do:

—Ja' jn'íng' na' quiá' i' dsea' do, co' ja' seeng' jii' jaang' dsea' i' nijmé' coo' e li' e dsigá' dsí' dsea' la'eáng' cóo' jnea~, jo mi' nilicøøng' gui lajo, nifé'r' ga' uii' quie'e. Co' i' dsea' i' ja' fé' ga' uii' quí' ii', joba' uii' quí' baa' siñ'.

Mi' ca'gaang' Jesús quiá' Tiáa' cóo' gui quiá' Juan

⁵¹ Jo mi' cangí' jo, nijaquíéng' jmii' e nidséng' tu' Jesús fí' ñifi', jo teáb' née' dsí'r' cangór' fí' Jerusalén, co' niñi'bre e fí' job' nijngáng' dsea' ír'. ⁵² Jo nifib' casíñ' dsea' quiá'r' i' cangojmée' quijí' li' nijér' lajee' uóø. Jo cangolíng' i' dsea' do fí' coo' fi' pí' e née' fí' li' se' Samaria. ⁵³ Jo mi' caguilíng' i' dsea' quiá' Jesús do fí' jo, ja' ca'íng' neiñ' do o'gui cacuør' li' nijéñ' do, co' calilí'r' e iuung' Jesús fí' e ngóor' fí' Jerusalén. ⁵⁴ Jo mi' canúu' Tiáa' cóo' gui Juan e ja' li' cangüñ' do li' nijér' fí' jo, joba' casí'r' Jesús:

—Tifa', ¿su iin' e niquíá' naa' ta' e nijia' j' fí' yá' jmigüí' jo nicáng' jaléng' i' dsea' do laco' gui cajmée' Lí' malii' gui eáng'?

⁵⁵ Jo mi' canúu' Jesús e cajíng' i' dsea' quiá'r' do lado, dsifí' ladob cajíng' 'ña'r' jo ca'gaañ' quiáñ' do jo casí' reiñ':

—¿i' júu' quiá' jmití' 'nú'? ⁵⁶ Co' ja' cagá' jnea' fí' jmigüí' la e lín'n jaang' dsea' jmigüí' fa' e nijngán'n jaléng' dsea' jmigüí', co' jnea' cagá' a e lí' laco' nilaan' re jee' jalé' dsee' quiá' bre.

Jo mi' calí' cajíng' Jesús lado, jo fí' li' jieb' cangolíñ' e ngojméer' quijí' li' cajer' e uóø' jo.

Jaléng' dsea' i' iing' nidsilíng' cóo' Jesús
(Mt. 8:19-22)

⁵⁷ Jo lajee' iuung' Jesús fí' cóo' dsea' quiá'r' e ngóor' fí' Jerusalén, jaang' dseañu' cangoquíeeñ' fí' li' ngóo' dsea' do, jo casí' reiñ' lala jo cajíñ':

—Tifa', iim' jnea' nii' cóo' 'nu' doñi' jé' fí' li' guó'.

⁵⁸ Joba' cañi' Jesús quiá' i' dseañu' do jo casí' reiñ':

—Jaléng' güí' seab' too' li' güíng'ne', jogui jaléng' ta' seab' sii' re', jo dsu' jnea~, dsea' gáa' fí' ñifi' e lín'n jaang' dsea' jmigüí', jii' li' quiee' e moguii' ja' sea'.

⁵⁹ Jo malii' guijiu lajo cajíng' Jesús e sí'r' jaang' gui dsea' lala:

—Nea' cóo' jnea' lana.

Jo dsu' i' dsea' do cañi'r' quiá' Jesús jo cajíñ' lala:

—Fí'i, cuóø' jnea' fí' e jang' ni'áan'n tiquié'e, jo mi' ningí' jo, joguiba' nini'i cóo' 'nu'.

⁶⁰ Jo dsu' Jesús cañi'r' quiá' i' dsea' do jo casí' reiñ':

—Lí' 'nu' gua' lajminá' güigua' júu' quiá' jial iing' Fidié' nicár' nifi' quiá' dsea', jo cuó' fí' e jaléng' i' dsea' i' líng' lafa' líng' ni'áañ' tiquí' mi' nití' oor' quiá'r'.

⁶¹ Jo ngí' jo jaang' gui dsea' casí'r' dsea' do jo cajíñ':

—Fí'i, iim' jnea' nini'i cóo' 'nu', dsu' lifa' la'uii' cuóø' jnea' fí' e jang' ni'í' júu' jaléng' dsea' sinúu' quie'e.

62 Jōba' cañí' Jesús quiá' i dseá do jō casí' reiñ':

—Jō i dseá i já' nicalíng jūu' quiá' Fidié, jō dsu' mī 'noo'bi guing dsír' jalé' e sea' fí jmi'güí, jōba' i dseá i ja' ta' íng' e nicá' Fidié nifí quiá'r'. Jō e la lí' lafa' mī jñ' dseá cóo' güitá', co' ja' cuóøng' fa' e nijóør' fí lí' caluu' lajee' e jñr'.

10

Mí casíng Jesús setenta dseá quiá'r i cangogüia' jūu' quiá' Fidié

1 Jō mī cangí jō, caguíng' Jesús setenta dseá lajee' lajaléng' dseá i ngí cóo'r', jō caqui' ta' e cangoliñ' do tá' gáñ' nifí gui laco' ngóor' ñia'r' e cangogüiañ' do jūu' e nijaquiém'ba' e ningí' dseá do laco' laco' fñ'. 2 Jō mī cató' e caguíng' Jesús jaléng' i dseá do jō cajíñ' casí' reiñ':

—E já' e dsíng' fíng' jaléng' dseá i iing' nijmicuíng' jnea', dsu' ja' i' 'ga' lí' dseá seeng' i niguiá' jalé' jūu' quié' e. Jōba' 'né' nimí' 'nú' Fidié' e nicuóøng' guir dseá i niguiá' jalé' jūu' quié' e. Co' lí' la lí' fa' mī caroo' jalé' e cajní' jaang' dseá, jō jō i' 'ga' lí' dseá seeng' i nijmicóo' e nisítíng', jōba' 'né' nimíñ' i fíng' gui dseá i nijmicóo' quiá'r' e ni' ta' do. 3 Jō lana nigüilíng' na', jō quié' na' cuente e nisín' 'nú' lafa' sín' n jaang' jo'se' jee' jaléng' ie'dsinúu'. 4 Jō ja' 'né' cá' na' jalé' nosúu' o'gui ñiné' o'gui 'né' cá' na' tú' neáng' lomí' na', jōgui jñ' sí' na' e quií' ba' cá' na'. Jōgui ja' jmi'íng' yaang' na' e sñng' na' cóo' doñí' i' dseá i nijíng' na' guiá' fí'. 5 Jō mī niguilíng' na' quiá' dseá laco' fñ' lí' nisín' 'nú', jōba' sí' na' re ladsifí lala: "Güiliseem'ba' juguiá' jūu' røø'."

6 Jō song guíab' ní'íng' i dseá lí' niguilíng' na' do 'nú', jōba' juguiá' niliseeíñ; jō dsu' song ja' ní'íñ' 'nú' cóo' juguiá', jōba' lajōb' ja' juguiá' niliseeíñ' yaaiñ' cajo. 7 Jō mī niguilíng' na' lí' nicuó' dseá 'nú', jō jōb' nijá' na' carta' taang' na' e fñ' jō, jōgui jalé' e i' gø' i dseá do e jōba' ni' u' nicø' na' cajo; dsu' co' lafa' jaang' dseá i jmóo' ta' ngím'bre e 'léeiñ', jō lajōb' 'nú' cajo. Jō ja' 'né' ngí' na' la gui' 'nú'. 8 Jō mī niguilíng' na' cóo' fñ' lí' iing' dseá 'nú', quié' na' doñí' ee' gø' cacuø' i dseá do 'nú'. 9 Jōgui jmi'leáng' na' jaléng' dseá dsé' i seeng' fí jō, jō sí' na' jaléng' i dseá do lala: "Lana nijaquiéng' e nicá' Fidié' nifí quiá' lajaang' lajaang' 'nú'." 10 Dsu' fíng' caguilíng' na' cóo' fñ' lí' ja' íng' dseá 'nú', dsifí uøøng' na' e fñ' do, jō lajee' jō nifí' na' jaléng' dseá i nijíng' na' e jee' fñ' do: 11 "Lana nicabó' naa' lee' quiá' jee' fñ' góo' na' e nicaséng' lomí' naa'. Jō latí' lana nilíng' jaléng' dseá i seeng' e fñ' la e ja' íñ' jalé' jūu' quiá' Fidié', dsu' güilíñ' na' guiá' e nijaquiém'ba' e nicá' Fidié' nifí quiá' lajaang' lajaang' dseá jmi'güí." 12 Jō lana fñ' guí' 'nú' e mī nijá' jmi' e nicá' dseá iihuí' uii' quiá' jalé' dsee' quiá'r', eáang' gui iihuí' nicá' i dseá seeng' e fñ' lí' ja' ca' íñ' 'nú' laco' gui iihuí' e cacá' jaléng' dseá i caliséng' fí Sodoma mali' gui eáang'.

Dseá i ja' já' calíng' jūu' quiá' Dseá Jmáang'

(Mt. 11:20-24)

13 Jō mī calí' jō, jō canaang' Jesús e jñíñ' jaléng' dseá i seeng' fí fñ' lí' seeng' jaléng' dseá i ja' já' calíng' jalé' jūu' quiá'r' jō cajíñ':

—i' fñ' jaléng' 'nú', dseá seeng' na' fí Corazín cóo' jaléng' 'nú' dseá seeng' na' fí Betsaida! Cofa' mī cajmé' e cóo' jaléng' dseá seeng' fí Tiro cóo' gui fí Sidón lajalé' e guiá' e quií' i jmi' e nicajmé' e cóo' 'nú', jōba' dsifí lajōb' caqui' jñg' yaaiñ' fí quini' Fidié' facó' mī lajō, jō catíng' e nineáaiñ' fí' eáang' uii' quiá' jalé' dsee' e nicarøøíñ'.

14 Jōba' fñ' 'nú', dseá seeng' na' fí Corazín cóo' gui fí Betsaida, ie' mī nití' í' e niquidsí' Fidié' í' quiá' lajaang' lajaang' dseá jmi'güí, eáang' gui nicuø'r' 'nú' iihuí' laco' gui e iihuí' e ní'íng' dseá i seeng' fí Tiro cóo' gui fí Sidón. 15 Jōgui jaléng' 'nú', dseá seeng' na' fí Capernaum, ¿su líng' na' e 'nú' bing' i nisáng' cartí' yá' gui jee' jaléng' dseá? U', o' lajō, co' 'nú' bing' i nijgiáang' tí' lí' 'lí' mī nití' e í' jō. Cofa' mī fí fñ' Sodoma calí' lajalé'

e quíi'~ jmi'~ laco'gui jii'~ e nicajmé~ e jee' 'ná', joba' ja' ca'íng~ e fi' jo, jo siji'~bi jaléng' i dsea` do latí' lana.

Jo cóo'~ júu^ lanab cajíng~ Jesús jaléng' dsea` i ja` ja' calíng~ júu^ quiá'r~.

Jo mi' calí~ jo, jo casí'~ guir jaléng' i dsea` setenta do lajee' ná'~gui e ni'uóñ' do e nidsilíñ~ e nidsiguiar~ júu^ quiá'~ Fidiéé' jo cajíñ'~:

16 —Ii' dsea` i ja' canúu~ júu^ quiá'~na', jáb'~ ninúr~ júu^ quié~ jnea~ cajo; jogui jaléng' dsea` i ja' íng' 'ná', ja' íñ' jnea~ cajo colíng~ cóo'~ Fidiéé' dsea` guíng~ ñifi', dsea` i casíng' jnea~ fí' jmi'gü' la.

Jo mi' calí~ e cajíng'~ Jesús lajo, jo cangolím~ jaléng' i dsea` setenta do laco' ta' cahuí' ie' jo.

Mi' caguilíng' tu jaléng' i dsea` setenta do

17 Jo mi' lí' cóng'gui lajo, caguilím tu i dsea` setenta do fí' lí' táang' Jesús, jo dsíng'~ iáang' dsír' mi' caguilíñ', jo casí'r~ dsea` do jo cajíñ'~:

—Tifa', dsíng'~ iáang' dsí'naa' jó'naa' lana, co' j'gui jaléng' i 'ling'^ i jée' quiá'~ dsea` calinúu'r~ jalé' júu^ qui'naa' mi' casí'naa'r e ngóona' lafa' guóo' 'na'.

18 Joba' cañi' Jesús casí'r~ i dsea` setenta do jo cajíñ'~:

—Lajob lí', jo camób~ jnea~ mi' catóng' fii' i 'ling'^ fí' lí' lami' guíñ' fí' ñifi', jo catóñ' lafa' mi' casí'~ cóo' j' güi'ñiá'. 19 Jogui jnea~ nicacuøø~ø 'ná' e niquí'na' jmi' jogui e nilí'ba' jaléng' i 'ling'^ mi' jmáñ' jaléng' dsea` jmi'gü', jogui ja' ee' nilíng'na' nañi' fa' nicúng' jaléng' mi' guíng~ 'ná' osi ni'íng' jaléng' tacú' 'ná' é. 20 Jo dsu' ja' güili'iaang' óona' e lico' nilí'na' uøøng'na' i 'ling'^ i jée' quiá'~ dsea', co' güili'iaang'gui óona' e niteáang'na' fí' ni' j' quiá'~ Fidiéé' fí' lí' niteáang' jaléng' dsea` quiá'r~ i nidsilíng' fí' ñifi'.

Mi' cali'iaang' dsí' Jesús

(Mt. 11:25-27; 13:16-17)

21 Jo ie' jo, dsíng'~ cali'iaang' dsí' Jesús la'eáang' cóo'~ Jmiguí' quiá'~ Fidiéé', jo cajíñ'~ casí'r~ Tiquiá'r' dsea` guíng~ ñifi':

—Teaa~, lana jmi'fén'n 'na', dsea` Fii' guóo'~ uø~ jmi'gü' la, dsuco' lana nicajmee' e ngám' jaléng' dsea` dsee~ dsea` qui' jalé' júu^ quií'~, jogui cajmee~ba' e ja' cangáng' júu^ quií'~ jaléng' dsea` i tíng' eáang' i jmicóøng'~ yaang~ fí' jee' jaléng' dsea` rúng'. Jo lajob lí', Teaa~, co' lajob cali'iaang' o' e nilí'.

22 Jo mi' calí~ cajíng'~ Jesús jalé' e júu^ na, jo cajíng'~ guir casí'r~ jaléng' dsea` i teáang' cóo'r~ do ie' jo:

—Nicacuø' Tiquié' e jnea~ e née' nii~ jalé' e sea' fí' la'úng~ fí' jmi'gü'. Jo jii'~ jaang' dsea` dseáng'~ mí' cuiñ' jnea~, dsea` lín'n Joo' Fidiéé' camíng'~, co' lajii'~ Tiquié'baa dsea` cuiñ' jnea~; jogui jii'~ jaang' dsea` dseáng'~ mí' cuiñ' Tiquié' e dsea` guíng~ ñifi', co' lajii'~ jneab~ dsea` cuiñ'nre cóo'~ gui lajaléng' dsea` i nisi'íng' quié~ e e nilicuiñ' dsea` do.

23 Jo mi' calí~ cajíng'~ Jesús lana, jo cajóøñ'~ lajii'~ dsea` quiá'r~ jo casí'~ reiñ':

—Juguiá~ jii' quií' 'ná', dsea` máang'na' jnea~ jogui calicuíng'na' jnea~, co' cangíng'na' e ngám' jii' júu^ quié~ e. 24 Dsuco' dsíng'~ cali'íng~ jaléng' dsea` i café' cuiñ' quiá'~ Fidiéé' malí'gui eáang' cóo'~ jaléng' dseata~ dsea` cóøng'~ fa' mi' cangár~ jalé' e móo' 'ná' jmi' ná, dsu' ja' cangár~; jogui eám' cali'íñ' fa' mi' canúur~ jalé' júu^ quié~ e, dsu' ja' canúur~.

Mi' ca'e' Jesús jial nijmi'neáang' dsea` rúñ'

25 Jo mi' calí~ caféng' Jesús jaléng' dsea` quiá'r~, jo cangoquiéeng' fí' lí' siñ' jaang' tifa' quiá'~ júu^ quií' ta' quiá'~ dsea` góor' dsea' Israel, co' iíñ' do e niguié'r' jial ni'náñ' dsea` do cóo'~ lajii'~ júu^ e eiñ', jo cajmíng'~ dsea` do jo cajíñ'~:

—Tifa', ¿e' 'né~ nijmee~ e laco' niñín' e niliseen~ cóo'~ Fidiéé' lata'?

26 Joba' cañi' Jesús quiá'~ i tifa' do jo casí'~ reiñ':

—¿E' jalé' e fé' fí' ni' j' quiá'~ Fidiéé' jo jial ngán'?

27 Jōba' cañíi ì tifa' do jō casí'r- Jesús:

—“Né- jmi'neáng'naa' Fidiée' qui-ii' car`ngocáng` dsi'baa' jogui cóo'~ jalé' bí seeng` jmiguí' qui-naa' jogui cóo'~ jalé' bí see-naa' jogui cóo'~ jalé' e í dsi'naa'; jogui 'né- jmi'neáng'naa' jaléng` dsea` rú'naa' lî^ laco'gui jmi'neáng` yee-naa'.”

28 Jōba' cañíi Jesús quiá'- ì dsea` do jō cajíñ'-:

—Lajōb lî' laco' fó' na. Jō song nicajmití' jalé' e jō, jōba' niñín' e niliseen' cøøng` cóo'~ Fidiée' lata~.

29 Jō dsu' ì tifa' do iin~ e ninî jaléng` ì dsea` do e íbre tîng`guir laco' Jesús, jōba' casí'r- dsea` do jō cajíñ'-:

—¿I~ dsea` ì 'né- nijmi'neáan`n jóng, Tifa'?

30 Jōba' cañíi Jesús quiá'- ì dsea` do jō casí'r-reiñ':

—Coo` née' jaang` dsea` Israel cagüí'ír' fí Jerusalén jō cangór- fí Jericó. Jō lajee` ngóor' guiá'^ fí, catóo'~ h` quiá'r- ì ca'uø' jalé' e quier', jō jî'gui sî'^ ì dsea` do ca'uø'r', jō caquiéng`neiñ' jō jiu` ja` cajngam`bre ì dsea` do. Jō mi~ calí- jō, jō cangolíim`bre, jō dob caseáaiñ' ì dsea` sihuíng` do 'ni' fí. 31 Jō co'ná'- lajōb cangotíng` cangúng` jaang` jmidsea` quiá'- dsea` Israel fí lî` ráang` ì dsea` sihuíng` do. Jō mi~ caguiér- fí lî` ráaiñ' do, cajméer` lafa' ja` cangám`breiñ', jō cangám`bre; ja` ee` cajmicóo'r~ ì dsea` sihuíng` do.

32 Jō mi'múng`guijiu lajō cangúng` jaang` dsea` levita. Jō mi~ caguiér- lî` ráang` ì dsea` sihuíng` do, cajméer` lafa' ja` cangám`breiñ' do cajo, jō cangám`bre; ja` ee` cajmicóo'r~ ì dsea` do cajo. 33 Jō dsu' mi'múng`guijiu lajō caguié- jaang` dseañu' ì seeng` fí Samaria ì la'ó' 'ní' níng- rúng' cóo'~ dsea` Israel. Jō mi~ cangáin~ ì dsea` sihuíng` do, dsíng'- calí- fí' lúng`neiñ'. 34 Jō cangoquiéeiñ' fí lî` ráaiñ' do. Jō mi~ cangár- e sihuím` ì dsea` do, jō dsifí lajōb cajméer` mî' quiáin'-, jō ca'nú'r lacaang` lî` sihuíng` quiáin'- do. Jō mi~ calí- e cajméer` mî' quiá'- ì dsea` do, jō caseáng`neiñ' fí mocóo'~ bú'^ quiá'r-, jō cató-reiñ' fí lî` seeng` dsea` fí lî` cajméer` í' ì dsea` do, jō jōb cajer' cóo'in~ do ie~ canu e jmî jō. 35 Jō mi~ cajneá- e jmî jō, mi~ caguia` ì dsea` seeng` fí Samaria do guiá- e nidséin'-, caguir' cuu- quiá'r- jō caquiér' quiá'- ì dsea` lî` cajer' do quiá'- e nito' fíin~ do ì dsea` sihuíng` do. Jō casí'r- ì dsea` fii' 'núu' do jō cajíñ'-: “Jmee- í' ì dseañu' la, jō song ca'íng`gui' cuu- quií'- cóo'~ jalé' mî' quiá'r-, jneab~ niquí' quií'- mi~ nigüéeng`túu calé' catú-.”

36 Jō mi~ calí- e cajíng'- Jesús lajō, jō cajmingí'r- ì tifa' do jō cajíñ'-:

—¿I~ lajee` lajî gaang` ì dsea` do ì lín' ì cajmi'neáng` ì dsea` sihuíng` do?

37 Jōba' cañíi ì tifa' do jō casí'r- Jesús:

—I dsea` ì calí- fí' lúng- ír', íbing' cajmi'née` quiá'r-.

Jōba' cañíi Jesús jō casí'r- ì dsea` do:

—Guóng' jō güijmi'neáng` jaléng` dsea` laco' cajmée` ì dsea` seeng` fí Samaria do cóo'~ ì dsea` sihuíng` do.

Mi~ caguié- Jesús fí quiá'- Marta cóo'~ gui Yá^

38 Jō mi~ cangí jō, jō cangób-tu Jesús laco' iuuiñ- fí e ngóor' fí Jerusalén. Jō lajee` ngolíin~ fí jō, caguilíin~ fí cóo' fii' lî` niseeng` jaang` dseamf` ì sii` Marta cóo'~ jaang` rúin~ dsea` ngáang` cóo'r~ ì sii` Yá^ . Jō mi~ caliñi` ì dseamf` do e caguilíng- Jesús cóo'~ dsea` quiá'r- fí jō, dsifí lajōb cató'r- dsea` do fí quiá'r- . 39 Jō mi~ caguié- Jesús fí jō, dob caguá Yá^ quiá'- lî` guíng~ Jesús e núur` jalé' júu^ e e' dsea` do. 40 Jō lajee` jō iuung- Marta e ja` dsiñíin~ e guiar' guiá- jalé' e nidó'- Jesús cóo'~ jaléng` dsea` quiá'r- . Jōba' cangoquiéeiñ' lî` guíng~ Jesús, jō casí'r- dsea` do jō cajíñ'-:

—Tifa', ¿su ja` cuø' fí'í^ uø' e nijngáng' lî'niá'a e ni~ ta~ la? Co' nab guíng~ ì rún'n na ja` ee` jmijíir- fa' e nijmicóo'r~ jnea~ cóo'~ jalé' e jmóo' la. Jié' o' sí' gōr güijmicóo'r~ jnea~ lana.

41 Jōba' cañíi Jesús casí'r- ì dseamf` do jō cajíñ'-:

—Marta, Marta, dsíng' guing' o' dsuco' ja` nidsiñin' e nijmée' jalé' e lí' quí'-. ⁴²Dsu' sea` coo` e niing` gui eáang' e 'né` ninúu'^, jo Yá` rún' nicagui'bre e` e niing` gui e 'né` jmér-, jo jii' jaang` jo` ii` cuóøng` lí` jníng` quiá'r-.

Jo lanab cajíng'- Jesús casí'r- i dseamî gáng- do ie` jo.

11

Mi` ca'e' Jesús jial nisii`naa' cóo` Fidiée`
(Mt. 6:9-15; 7:7-11)

¹Jo coo` jmií~, mi` cangî e caféng' Jesús Fidiée`, cangoquiéeng' jaang` dsea` quiá'r- fí' lí` siñ' jo casí'r- dsea` do jo cajíñ'-:

—Tifa', mi` cateáang` i Juan i caseáang` dsea` jmií` do fí' jmigüü' la, ca'e'r' jaléng' dsea` quiá'r- jial nisiiñ` cóo` Fidiée`. Jo ¿su ja` é'^ 'nu` jnea'^ cajo?

²Joba' cajíng'- Jesús casí'r- jaléng' i dsea` do:

—Mi` iing`na' siing`na' cóo` Fidiée`, lalab 'né` naang`na' fo'^na':

Tiquí'ii', dsea` guiin` ñiff-,

güijmifém' jaléng' dsea` jmigüü' 'nu`, co' 'nub` dsea` fén' fí' la'úng- fí' jmigüü'.

Jogui güijáng' yaang` dsea` fí' quini'^ e laco' niquiá'^ ta` quiá'r- lajaang` lajaaíñ'.

Jogui güijmitib` jaléng' dsea` jmigüü' jalé' e iing` 'nu' fí' jmigüü' la

lí'^ laco'gui liti` fí' ñiff- quiá'r-.

³Jogui cuóø' jnea'^ jalé' e 'né` niquiee`naa' e jmií` lana.

⁴Jogui íing` dsee- uii` quí'naa' quiá'- jalé' e ja` dseeng` e nicajmó'naa',

lí'^ laco'gui jnea'^ íing`naa' dsee- quiá'- jaléng' dsea` rú'naa' dsea` jmigüü' mi` ee`go nica'léer' quí'naa'.

Jogui jmee- í' jnea'^ lacaang` lí` ngí'naa' e laco' ja` nijíu'naa' fí' ni` dsee-,

jogui jmee- í' jnea'^ cajo e laco' ja` nijmeáng' jaléng' i 'ling'^ jnea'^.

Jo lanab ca'e' Jesús ie` jo jial féeng`naa' Fidiée`.

⁵Jo mi` calí- jo, Jesús casí'- guir jaléng' i dsea` do jo cajíñ'-:

—Majmó'naa' cuente e jaang` 'nú' seeng` jaang` cabóo~ quí'na', jo i cabóo~ do niguiéer' e tó'r' 'nú' fí' quí'na' e guiáang' uóø` guienúu` jo nijíñ'-: “Cabóo~, ¿su ja` jíe` o' fa' jmi'óø'n' jnea` 'ní' íí', ⁶co' dob nicaguié- i cabóo~ quie- e do fí' quie- e i iuung- fí' jang' fí' lí' huí' e eáang', jo ja` ee` sea` cuóø`øre e nidó'r-?” ⁷Jogui jii' jaang` 'nú' ja` ningii` na' quiá'- i cabóo~ quí'na' do jo nífi'^na'r: “Ja` ñijmiguí'^, cabóo~, co' uóøb` eáang', jogui lanabi guiáang' güiing` jaléng' jiuung` quie- e, jo dsíng'- fín'- n niráan` n nicuóø`ø 'nu' jalé' e fó' na.” ⁸Dsu' jnea` fii` i 'nú' e doñí' fa' ja` ráang`na' uii' e líng' i dsea` do cabóo~ quí'na', dsu' niráan` ba' nicuóø'na'r e mi'r' 'nú' do e laco' jo` siñ' jmigüüíñ` 'nú'. ⁹Jo lajob fii` i 'nú': Mii'na' Fidiée` jalé' e 'né`na' jo nicuóø`bre; jogui mi` 'nó'na' e 'né`na', niguié'ba' jalé' e 'nó'na' do; jogui mi` tó'na' fí' o'nú', joba' nineab' e 'núu' do. ¹⁰Dsuco' ii` dsea` i mi' Fidiée` jalé' e 'né`-, ngim`bre; jogui ii` dsea` i 'nó', niguié'bre e 'nó'r' do; jogui ii` dsea` i tó' fí' o'nú', nineab' e 'núu' do.

¹¹Jo ja` lí' dsii- e seeng` jaang` 'nú', dsea` aang`na' jaléng' jiuung~, e mi` nimí'r- 'nú' ir~, jo nicuóø'^na'r cuu~, osi mi` mi'r' 'nú' capí'^ ngúu' 'ñu, jo nicuóøng'^na'r mi', ¹²osi nicuóøng'^na'r jaang` tacú' mi` nimí'r- 'nú' coo` motu. ¹³Jo co' 'nú', dsea` sí'ling'^na' fí' quini` Fidiée`, tii'm`ba' cuóø'na' jaléng' jóo'na' jalé' e guiá-, jo dsu' eáang`gui jlo'^ nicuóø` Tiquí'ii' dsea` guing` ñiff- mi` nimí'na'r, co' nicuóø'-bre 'nú' Jmiguí' quiá'r-.

Mi` cacuø' dsea` dsee- Jesús e jmóor` ta` la'eáang` cóo` i 'ling'^
(Mt. 12:22-30; Mr. 3:19-27)

¹⁴Jo mi` cangî jo, coo` jmií` caguíng` Jesús jaang` i 'ling'^ i jée' quiá'- jaang` dseañu', jo i 'ling'^ do ninicajméer' e ja` lí' fé' i dseañu' do jii' camí'^ júu'. Dsu' mi` caguíng` Jesús

ī 'ling'⁠ i jée' quiá'⁠ i dseá' do, dsifí' ladob canaang' fé' tuiñ' do. Jo dsíng'⁠ cangogá' dsí' jaléng'⁠ i dseá' i teáang'⁠ do mi' calí' lado, ¹⁵ dsu' i líng'⁠ i dseá' do cajíñ'⁠ ca'éeiñ' Jesús:

—La'eáang' cóo'⁠ bí' quiá'⁠ Beelzebú' i líng' fii' jaléng'⁠ i 'ling'⁠, la'eáang' í'bing' tiiing'⁠ i dseañu' na e uó'oiñ' i 'ling'⁠ i teáang'⁠ dsí' dseá'.

¹⁶ Jogui i líng'⁠ guí' i dseá' do e laco' niguié'r' jial ni'núñ'⁠ Jesús fí' quini' dseata', joba' camí'r' dseá' do e fa' nijméiñ'⁠ cóo' e lí' e quí'⁠ r' jmi'⁠, jo lajoba' nicuó'⁠ lí' e Fidiéeb' dseá' casí' quiá'r'⁠. ¹⁷ Jo dsifí' ladob calilí'⁠ Jesús jalé' e í' dsí' i dseá' do, joba' cajíñ'⁠ casí'⁠ reiñ'.

—Niñí'⁠ 'nú' jialco' lí' cóo' fii' lí' ja' síng' dseá' røø', co' seeng' jmaquíng' dseá' i quiá'⁠ ta' quiá'r'⁠, jo ja' ee' juguiá'⁠ seeng' jaléng'⁠ i dseá' do. Jogui niñí'⁠ bí' cajo jialco' lí' quiá'⁠ dseá' i seeng' cóo' sínúu' i teáang'⁠ ta' jiiing', ja' ee' juguiá'⁠ seeiñ', co' ja' røø' síiñ'. ¹⁸ Jo song lajob lí' cóo'⁠ fii' i 'ling'⁠ i sií' Satanás e quiá'r' ta' condseá'⁠ dseá' quiá'r'⁠ e nijmeáiñ'⁠ dseá' ga', jogui condseá'⁠ guí' dseá' do e nijmicóo'r'⁠ dseá', joba' ja' e ta' íng'⁠ quiá'r'⁠ song cajméer' lajo, co' ni'íim'⁠ laj' tū' e ta' do, jo jo' ee' bí' seeiñ' jii'⁠ cóo' jóng. Joba' nicafí'⁠ i 'nú' jalé' e na, co' fiiing'⁠ 'nú' fó'na' e la'eáang' fii' i 'lim'⁠ ba' e tiiñ' uøøñ' jaléng'⁠ i 'ling'⁠ i jée' quiá'⁠ dseá'; ¹⁹ dsu' fa'jia e jmicóo'⁠ fii' i 'ling'⁠ quié' e laco' fó'na' na, joba' jii' i líng'⁠ na' i jmicóo'⁠ quiá'⁠ jaléng'⁠ dseá' góo'na' i nica'uóøng' jaléng'⁠ i 'ling'⁠ i jée' quiá'⁠ dseá'? Co' i dseá' í' e'r' 'nú' e o' lajo e í' óo'na'. ²⁰ Dsu' song jnea' tiiñ' uøøñ' jaléng'⁠ i 'ling'⁠ i jée' quiá'⁠ dseá' la'eáang' cóo'⁠ güea'⁠ quiá'⁠ Fidiéé' dseá' guing'⁠ ñifí', joba' nicatí'⁠ í' jóng e nijáang'⁠ yaang'⁠ na' fí' quini' Fidiéé' e laco' nicár'⁠ nifí' qui'⁠ na' lajaang' lajaang'⁠ na'.

Jo mi' calí' e cajíng'⁠ Jesús lana, jo casí'⁠ guir jaléng'⁠ i dseá' do jo cajíñ'⁠:

²¹ —Jo mi' seeng' jaang' dseañu' i 'gøng' jogui óor' jalé' e cóo'⁠ nijmi'øng'⁠ ñia'r' mi' jmi'ø'r' jalé' e sea' quiá'r'⁠, jo líiñ' e jo' ií' qui'⁠ jmi'⁠ nicó' quiá'r'⁠. ²² Jo dsu' fíng caguié' jaang'⁠ guí' dseá' i 'gøng'⁠ guí' eáang', jo nilí' bre tíñ' cóo'⁠ i dseá' jaang'⁠ guí' do, joba' ni'uó'⁠ bre jalé' e sea' quiáiñ'⁠ do.

²³ Joba' fii' i 'nú' e ií' i ja' sing' uii' quié' e, joba' 'ní' níim' bre jnea' jóng, jogui ií' i ja' jmicóo'⁠ jnea' e laco' nilicuíng' dseá' jnea', joba' ja' siñ' uii' quié' e cajo.

Jial lí' mi' dsitáang'⁠ tu' i 'ling'⁠ fí' dsí' dseá'

(Mt. 12:43-45)

²⁴ Jo mi' calí' cajíng'⁠ Jesús lana, jo casí'⁠ guir jaléng'⁠ i dseá' do jo cajíñ'⁠:

—Mi' güí'⁠ hí' jaang' i 'ling'⁠ i iuung'⁠ dsí' jaang' dseá', ngir' fí' lí' quiá'⁠ e 'nó'r' fí' lí' nijmi'íñ'. Jo mi' ngir' e ja' niguié'r' lí' nijmi'íñ', joba' í' dsí'r': “Ním'⁠ túu' fí' dsí' dseá' e lí' cajú' u do, co' ja' lí' sea' lí' nijmi'ín' n.” ²⁵ Jo mi' niguieng'⁠ tur dsí' i dseá' do, niguiéiñ'⁠ lafa' cóo' sínúu' lí' siquiáang'⁠ guí'⁠ jo silí' jlo'⁠. ²⁶ Jo mi' ninír' e dsíng'⁠ jlo'⁠ dsí' i dseá' do lí' ní' fí' tur, jo nidsér' nidsitéer' guíang'⁠ i 'ling'⁠ guí' laco' í'r' e nidsitáaiñ'⁠ dsí' i dseá' do. Joba' ga' guib nilíng'⁠ i dseá' do jóng laco' guí' lami' iuung'⁠ jaang' i 'ling'⁠ do fí' dsí'r'.

Jial lí' mi' dseáng'⁠ e já' e íaang'⁠ dsí' dseá'

²⁷ Jo lajee'⁠ guí' nang'⁠ e fé'⁠ bí' Jesús e júu' na mi' tí' lí' guicafé'⁠ jaang' dseamí' e teá' eáang' jee' jaléng'⁠ i dseá' do jo guicajíñ'⁠:

—Juguiá'⁠ o' quiá'⁠ niquí'⁠, dseá' cangoquieeiñ'⁠ 'nu' jogui cajmicuáaiñ'⁠ 'nu' cajo!

²⁸ Jo dsu' Jesús cañír' quiá'⁠ i dseamí' do jogui casí'r' jaléng'⁠ i dseá' do jo cajíñ'⁠:

—Jo dsu' juguiá'⁠ guí' quiá'⁠ jaléng'⁠ i dseá' i núu' jalé' júu' quiá'⁠ Fidiéé' jogui jmitir' jalé' e jo cajo!

Mí' camí'⁠ dseá' Jesús e nijmé' dseá' do lí' e já' ba' e tiiñ'

(Mt. 12:38-42; Mr. 8:12)

²⁹ Jo lajee'⁠ jo, dsíng'⁠ guí' caguilíng'⁠ dseá' fí' lí' táang' Jesús, joba' canaang'⁠ tu' dseá' do e e' guireiñ' jo cajíñ'⁠:

—Jaléng'⁠ dseá' i seeng' jmi'⁠ na dsíng'⁠ ni'røøiñ' dsee', joba' mi'r' jnea' e nijmee' e lí' e já' ba' e tiiñ', dsu' nicaliseáb' jalé' e lajo lami' jéeng'⁠ guí'. Téé' óo'na' mi' cajá'⁠ Jonás, jaang' dseá' i café' cuaiñ' quiá'⁠ Fidiéé' malí' guí' eáang'. ³⁰ Jo laco' Fidiéé' casí'ñ' i Jonás do e

niguiáin^h do júu^h quiá^h dsea^h do jee^h jaléng^h dsea^h i caliséng^h fí Nínive, jo laj^o cajo casíng^h Fidié^h jnea^h, dsea^h i cajá^h fí ñifí^h e lín^h n jaang^h dsea^h jmigüí^h, e niguiaa^h júu^h quiá^h r^h jee^h jaléng^h 'nú^h'. ³¹ Jo mali^h gui eáang^h cajo caliséng^h jaang^h dseam^h i ca'ée^h co^o ta^h fé^h fí lí huí^h eáang^h. Jo ie^h jo seeng^h jaang^h dseata^h dsea^h féng^h fí Israel i calisí Salomón i tting^h eáang^h. Jo i dseam^h do cangór^h cangonúur^h e júu^h quiá^h i dseata^h Salomón do. Jo dsu^h mi^h niguiéé^h jmí^h e niquidsí Fidié^h i^h quiá^h jaléng^h dsea^h uí^h jalé^h dsee^h quiá^h r^h, joba^h i dseam^h do nicuó^h r^h 'nú^h dsee^h, co^o ja^h nú^h na^h jalé^h júu^h quié^h e. ³² Dsu^h co^o mi^h cajá^h i Jonás do e caguiar^h júu^h quiá^h Fidié^h fí Nínive, lajalém^h i dsea^h seeng^h e fí jo dsifí laj^o cajuí^h jing^h yaaiñ^h fí quini^h Fidié^h, joba^h i dsea^h íbing^h nijmé^h gui dsee^h quí^h na^h mi^h niguiéé^h jmí^h e niquidsí Fidié^h i^h quiá^h jaléng^h dsea^h jmigüí^h. Jo dsu^h jnea^h niing^h gui laco^h i Jonás do.

Mi^h ca'e Jesús jial lí^h mi^h jmijneá^h dsea^h jì^h
(Mt. 5:15; 6:22-23)

³³ Jo mi^h calí^h jo, jo canaang^h Jesús co^o 'lé^h gui júu^h quiá^h r^h jo cajíñ^h:

—Mi^h jmijneá^h jaang^h dsea^h co^o candí^h quiá^h r^h, 'né^h nisí^h r^h co^o lí^h ñí^h, joba^h nijneá^h fí la'úng^h sinú^h quiá^h r^h. Jo ja^h jmijneár^h e jì^h do e laco^h nisí^h r^h fí co^o dsí^h cajo o'gui e ni'meár^h fí co^o lí^h ja^h jnéng^h, co^o iñ^h e jné^h jaléng^h dsea^h i dsitáang^h fí dsí^h sinú^h quiá^h r^h. ³⁴ Jo jalé^h jmini^h dsea^h íng^h ta^h e jné^h r^h laco^h gui ta^h íng^h e candí^h do e jneá^h mi^h canú^h. Jogui jaléng^h dsea^h i guiá^h jmini^h, jlo^h gui jné^h r^h lacaang^h fí lí^h ngír^h laco^h gui jaang^h dsea^h i jo 'ga^h lí dseeng^h jmini^h, co^o i dsea^h i jo 'ga^h lí rø^h jné^h r^h lacaang^h fí lí^h ngír^h. ³⁵ Jo laj^o lí^h có^o 'nú^h mi^h já^h líng^h na^h jalé^h júu^h quié^h e quiá^h jial laang^h Fidié^h dsea^h jee^h jalé^h dsee^h quiá^h r^h, co^o e jo lí^h lafa^h mi^h jneá^h co^o jì^h dsí^h co^o sinú^h e nu^h. ³⁶ Joba^h 'né^h ñiing^h ó^o 'nú^h jie^h mí^h jmee^h na^h e ja^h já^h líng^h na^h e júu^h quié^h e do, co^o e jo lí^h lafa^h mi^h ja^h jneá^h jì^h dsí^h co^o sinú^h e nu^h eáang^h.

Mi^h cajíng^h Jesús jaléng^h dsea^h fariseo có^o jaléng^h tifa^h quiá^h júu^h quiá^h ta^h quiá^h dsea^h Israel
(Mt. 23:1-36; Mr. 12:38-40; Lc. 20:45-47)

³⁷ Jo mi^h cangí^h e cajíng^h Jesús lado, jaang^h dsea^h Israel i líng^h dsea^h fariseo cató^h r^h Jesús fí quiá^h r^h e nidó^h r^h. Jo mi^h caguié^h dsea^h do fí quiá^h i dsea^h fariseo do, jo cangí^h m'bre dsí^h sinú^h jo cangí^h ñí^h caguár^h lí^h nidó^h r^h. ³⁸ Jo i dsea^h fariseo do dsíng^h cangogá^h dsí^h r^h mi^h cangár^h e ja^h cajmití^h Jesús fa^h caru^h r^h guó^o r^h laco^h tting^h jaléng^h dsea^h Israel. ³⁹ Joba^h cajíng^h Jesús casí^h r^h i dsea^h fariseo do:

—Jaléng^h 'nú^h, dsea^h fariseo, rú^h na^h jalé^h cué^h huí^h quí^h na^h jí^h lí^h caluu^h, jo dsu^h eáam^h 'lí^h lí^h dsí^h. Jo laj^o líng^h 'nú^h yaang^h na^h cajo, co^o guiáb^h tting^h na^h rú^h na^h ní^h na^h jee^h jaléng^h dsea^h mi^h ja^h lí^h dsea^h jial tí^h jmoo^h na^h í^h quiá^h r^h jo ee^h gui jalé^h 'lí^h rúng^h na^h jmoo^h na^h có^o jaléng^h dsea^h. ⁴⁰ ¿Dsinó^h 'nú^h! ¿E^h ta^h íng^h quí^h na^h e jmoo^h na^h laj^o? Co^o fí quini^h Fidié^h 'né^h e tee^h laj^o tú^h taam^h. ⁴¹ Jo mi^h líng^h e cuó^h na^h jaléng^h dsea^h i ja^h sea^h e 'né^h quiá^h, joba^h 'né^h jmee^h na^h laj^o e ngocáng^h ó^o ba^h, jo laj^o joba^h ni'uíng^h guiá^h quí^h na^h fí quini^h Fidié^h.

⁴² ¿E^h ngí^h fí^h b^h 'nú^h, jaléng^h dsea^h fariseo! Co^o dsíng^h guíng^h ó^o na^h e nicuó^h na^h Fidié^h dseáng^h ca'íng^h lajee^h guí^h íng^h lajalé^h oo^h quiá^h jmiñí^h e ro^h na^h, jo dsu^h ja^h e guíng^h ó^o na^h fa^h e ni'í^h na^h i^h rø^h quiá^h jaléng^h dsea^h rúng^h na^h o'gui e jmi'neáang^h na^h Fidié^h. Co^o lajalé^h e joba^h 'né^h nijmití^h na^h có^o gui jalé^h e caguiée^h gui do cajo.

⁴³ ¿E^h ngí^h fí^h b^h 'nú^h, jaléng^h dsea^h fariseo! Co^o iing^h na^h ní^h na^h jí^h 'masii^h e jlo^h quiá^h dsea^h laniing^h mi^h nití^h fí^h guá^h, jogui jmoo^h na^h e 'nú^h bing^h i niing^h gui mi^h nití^h fí^h jo cajo. Jogui laj^o bi mi^h jing^h na^h jaléng^h dsea^h guiá^h fí^h, jmoo^h na^h e jmiféiñ^h 'nú^h lafa^h jí^h 'nú^h bing^h i có^o ng^h gui fí^h la'úng^h jmigüí^h.

44 'iE ngi~ fñib~ 'nú', jaléng'na' dsea` fariseo! Co' dsíng'~ jmiǵóøng'na' jaléng' dsea` cóo'~ jalé' e jmoo'na'. Co' 'nú' líng'na' la lí' lí' si'aang'~ 'lii', co' dsíng'~ jlo'~ jíng' tee' lí' lí' ni~, jo dsu' lí' lí' dsí' jolíng'~ tée'~ ngúu' jmé' e teáng'~ jóo'~.

45 Jo mi~ canúu~ i tifa' quiá'~ júu^ quiu' ta~ quiá'~ dsea` Israel e cajíng'~ Jesús lado, joba' dsifí' ladob 'ní' catíiñ'~ júu^ quiá'~ dsea` do, jo cañír' quiá'~ Jesús jo cajíñ'~:

—Tifa', mi~ fól' lana la quié'~ jneab'~ jminean'~ cajo.

46 Joba' cañír' Jesús quiá'~ i dsea` do jo cajíñ'~ casí'~ reiñ':

—iE ngi~ fñib~ 'nú' cajo, jaléng' tifa' quiá'~ júu^ quiu' ta~ quiá'~ dsea` Israel! Co' cuø'na' lee~ laguidseaang' jaléng' dsea` jiéng' e jíi' jaang' ja' iñ' quí'~ jmíi~ niró', jogui jíi'~ yaang'na' ja' iing'na' fa' taang'na' guóo'na' e niróo' e lee~ do.

47 'iE ngi~ fñib~ 'nú' jaléng'na', co' jmo'na' jlo'~ lí' si'aang' jaléng' dsea` i café' cuaiñ'~ quiá'~ Fidiéé', jo jaléng' dsea` íb' i cajngang'~ 'lii' dsea` cóøng'~ quií'na' ie~ malí'gui do!

48 Dsu' jalé' e jmoo'na' do guóng' e lafa' røøb' sñing'na' cóo'~ jaléng' 'lii' dsea` cóøng'~ quií'na' jo e lafa' 'núb' cajngang'na' jaléng' i dsea` do cajo.

49 'Jo co' lajob lí', joba' Fidiéé' dsea` eáang' tñiñ' cajíñ'~ lala: “Nisín'~n jaléng' dsea` i fé' cuaiñ'~ quié' e cóo'~gui jaléng' dsea` apóo' i si'íng' e ni' júu^ quié' e jee~ 'nú', jo dsu' 'nú', seem'biñ' do i nijmeáang'~na' la tí' e já' óo'na', jogui seem'biñ' do cajo i nijíung' fí' jaguóo'na' cartí' nijngám'~ba'r.” 50 Jo dsu' Fidiéé' nijmér' e niquí' jaléng' dsea` seeng' jmíi~ na jalé' e cangongñing'~ jaléng' dsea` i café' cuaiñ'~ quiá'r~ i nicaliséng' lajíi'~ mi' catiroo' jmiǵú' jo latí' lana 51 jo latí' mi' cajnga' dsea` quiá'~ Abel jogui cartí' mi' cajnga' dsea` quiá'~ Zacarías fí' jeeng'~ lí' guia' jaléng' dsea` jalé' e cuø'r' Fidiéé'. Joba' fñi' i 'nú' e nijméb' Fidiéé' e niquí' jaléng' dsea` seeng' jmíi~ na jalé' e cangongñing'~ i dsea` do.

52 'iE ngi~ fñib~ 'nú', jaléng' tifa' quiá'~ júu^ quiu' ta~ quiá'~ dsea` Israel! Co' 'núb' dsea` quié'na' jalé' jì' lí' too' jalé' júu^ quiá'~ Fidiéé', jo dsu' ja' iing'~ 'nú' jmití'na' laco' fé' e fí' ni' jì' do, o'gui cuø'na' fí' e nijmiti' jaléng' dsea` i iing'~ jmé' lajo.

53 Jo mi~ cató' e cajíng'~ Jesús jaléng' i dsea` fariseo cóo'~ jaléng' i tifa' do, jo jaléng' i dsea` do canaaiñ'~ jmiquí'm'~ dsíir' cóo'~ jalé' júu^ e cajíng'~ Jesús, jo jmiǵuiab' jalé' e canaaiñ'~ jmingñir' laco' e nijmiguíiñ'~ dsea` do; 54 co' jaléng' i dsea` fariseo do cóo'~ jaléng' i tifa' do 'nó'r' jial ni'níiñ'~ Jesús fí' quini' jaléng' dseata~ quiá'r~ cóo'~ jalé' e fé' dsea` do.

12

Mi' ca'e' Jesús e ja' dseeng' jmiǵløng' yee'naa' jee' jaléng' dsea'

1 Jo lajee' e fé' Jesús jalé' e júu^ na, caseáng' lí' lí' tú' 'ní' mil dsea`. Jo laco' ngóo' seáng' jaléng' i dsea` do, dsíng'~ ninaaiñ' 'leng' rú'iñ', co' lajalém'bre iñ'~ ninúr' jalé' júu^ e e' Jesús. Jo lajee' jo canaang' Jesús féiñ' jaléng' dsea` guitúung' quiá'r~ jo casí'~ reiñ':

—Ñiing'~ óo'na' cóo'~ jalé' e fé' jaléng' dsea` Israel i líng' dsea` fariseo, co' jíi'~ yaaiñ'~ ja' já'~ líiñ' jalé' e fé'r', jo jalé' e jo íng' ta~ quiá'r~ e lico' jmiǵløng' yaam'bre fí' quini' jaléng' dsea` fñi'. 2 Dsuo' ja' sea' cóo' e sñi' jneaa'aa' e ñng' e ja' tóo' jmíi~ niliñí' jaléng' dsea', o'gui cóo' e si'má'naa' e ja' tóo' jmíi~ niní' jaléng' dsea` cajo. 3 Joba' jalé' e nicafee'~ 'nú' e ñng', niliñib' jaléng' dsea'; jogui lajobi jalé' e nicafee'~na' fí' sináa' quií'na', niliseab' júu^ latøøng' fñi' cajo.

I' i catñng' e 'góng'naa'

(Mt. 10:28-31)

4 'Jo lala fñi' i jaléng' 'nú', dsea` rú'naa'; ja' fóøng'~na' jaléng' i iing'~ jngáng'~ 'nú', co' jíi'~ e joba' tñiñ'~ jmér'. 5 Dsu' lana nijméé' e 'nú' júu^ i' i catñng' i niféng'na': güiféng'na' i dsea` i niquiú'~ ta~ lí' nijúung'na' jogui quí'r'~ jmíi~ e guiéiñ' dsea` fí' lí' 'lí'. Joba' fñi' i 'nú' jgüiféng'na' i dsea` í'!

6 'Jo niñí'~ 'nú' e 'ñim' dsea` tá'~ la 'ñíng'~ ta' cóo'~ tú' 'ní' í' cuu'. Dsu' e já'~ba' e jíi'~ camñng' i ta' do ni'íng'~ dsí' Fidiéé' laco'gui ja' ni'íng'~ dsíir' jíi'~ jaang' 'nú' cajo. 7 Jo

ji'gui jalé' jñu'guí' 'nú' sí'í' Fidié' tá' camí'. Jòba' fñ' i 'nú' e ja' fòøng' na' mi' iing' dsea' nijngáin' 'nú', cò' eáang'gui quíng' 'nú' laco'gui fñng' ta'.

Jaléng' dsea' i ja' i' lñng' e cuiñ' Dsea' Jmáang'

(Mt. 10:32-33; 12:32; 10:19-20)

⁸ Jògui jaléng' 'nú', dsea' i ja' i' lñng' na' e nijmée' na' dsea' júu' e cuíng' na' jnea' fí' jmigüí' la, jòba' jnea', dsea' cagá' a fí' ñiff' e lñn' n jaang' dsea' jmigüí', lajòb' nijmee' e cajo' fí' quini' jaléng' ángeles quiá' Fidié' mi' niguilíng' 'nú' fí' jò. ⁹ Dsü' jaléng' dsea' i nijíng' e ja' cuiñ' jnea' jee' jaléng' dsea' jmigüí', jòba' lajòb' nifá' a fí' quini' jaléng' ángeles quiá' Fidié' e ja' cuín' nre cajo'.

¹⁰ Jògui doñí' i' i' ní' níng' jnea', dsea' gáa' a fí' ñiff' e lñn' n jaang' dsea' jmigüí', ni' íim' Fidié' dsee' quiá' r'; jò dsü' i' i' café' ga' uii' quiá' Jmiguí' quiá' Fidié', jòba' jò' quí' jmí' fa' e ni' íing' gui Fidié' dsee' quiá' r'.

¹¹ Jò jaléng' 'nú', song' cajiúng' na' fí' jaguó' dseata' quiá' guá' qui' naa' osi' fí' jaguó' dsea' i' quidsí' í' osi' dseata' bi' é, jòba' ja' fòøng' na' fa' e ja' ñí' na' jial' nijmi' óng' yaang' na' o'gui' jial' ningü' na' quiá' r' mi' nijmingí' r' 'nú'. ¹² Cò' mi' niteáang' na' fí' quini' jaléng' i' dseata' do, dsifí' lajòb' nijmé' Jmiguí' quiá' Fidié' jial' ningü' na' quiá' r' mi' nijmingí' r' 'nú'.

Eáam' dseáang' mi' óo' dsea' cuu' eáang'

¹³ Jò mi' cangí' e cajíng' Jesús jalé' e júu' na, jò jee' jaléng' i' dsea' i' teáang' núu' jalé' e júu' jò guicató' jaang' dseañu' jò guicajíñ' casí' r' Jesús:

—Tifa', sí'í' go' rún' n dsea' ngáang' cò' o' güicúø' r' jnea' guié' quié' e jalé' e casé' 'ñí' tiquié' e mi' cajúñ'.

¹⁴ Jòba' cañí' Jesús quiá' i' dseañu' do jò casí' reiñ':

—Ja' casíng' Fidié' jnea' jee' 'nú' fa' e lñn' n dseata' i' cajajmée' jmá' jiu' jalé' e sea' qui' na'.

¹⁵ Jògui casí' guir' jaléng' i' dsea' teáang' do jò cajíñ':

—Ñiing' óo' na' jò ja' jmee' na' e dsináang' na' jalé' cuu' o'gui' doñí' ee' e sea' fí' jmigüí', cò' jii' jaang' dsea' ja' quí' jmí' e niquir' quiá' e niteáang' guir' huøø' fí' jmigüí' la fa' jialgui' la sea' quiá' r'.

¹⁶ Jòba' ca'e' Jesús jaléng' i' dsea' do cò' júu' já' e lafa' júu' cuento e fé' lala jò cajíñ':

—Cò' née' caliséng' jaang' dseañu' i' sea' cuu' eáang' jò óor' uø' e jlo' eáang' cajo, jò catáin' dsea' léng' quiá' r' i' cajmée' ta' e uø' do. Jò mi' caroo' jalé' e cajnir' do, dsíng' jlo' cacuø' e uø' do, jò dsü' jò' lí' sea' gui' e ni'meá' i' dsea' sea' cuu' do jalé' e caror'. ¹⁷ Jòba' canaain' i' dsíir': “¿E' nijmee' e cò' jalé' e caró' o e jii' lana? Cò' ja' sea' lí' ni'meaa' jalé' e jò.” ¹⁸ Jò cò' b' mi' ca' óng' dsíir' jial' nijmér', jòba' cajíñ': “Nica' óm' dsii' jial' nijmee' e. Nijiéem' baa' 'nú' quiá' cuí' quié' e e tee' lana, jò nijmée' e e cò' gui' eáang', jò jòb' ni'meaa' jalé' e caró' o do cò' laji' e sea' quié' e. ¹⁹ Jò mi' ni' iéng' e 'nuu' do jògui' mi' nitée' lñng' jalé' e sea' quié' e, dsíng' juguiá' niliseen' jò jii' cò' fí' jò' ee' nijáa' quié' e jóng. Jògui' ba' nijmi' ín' teáa' tú' 'ni' jiiing', jò lajee' jò nidúu' nidóø' ø' jalé' e sea' quié' e jò dsíng' nijmi' iáang' dsii' lajee' jò.” ²⁰ Jò dsü' uøø' jòb' cajíng' Fidié' casí' r' i' dseañu' do: “Dsea' tuung', náb' nití' í' e nijúun', jò ¿e' ta' íng' qui' jalé' e oo' lana mi' niguøng' fí' jmigüí' cò'?” ²¹ Jò lanab' dsingüng' jaléng' dsea' i' silí' li' cuu', cò' o' cò' e jò nitíñ' fí' quini' Fidié' mi' nití' oor' quiá' r'.

To' fñm' Fidié' jaléng' dsea' quiá' r'

(Mt. 6:25-34)

²² Jò mi' cangí' jò, jò caféng' gui' Jesús jaléng' dsea' guitúung' quiá' r' jò casí' reiñ':

—Lala fñ' i 'nú': ja' jmee' na' fí' í' quiá' jalé' e nicø' na' o'gui' jmee' na' fí' í' quiá' jalé' sí' na'. ²³ Cò' eáang'gui' laniing' 'né' e jmíta' óo' na' e nigüilím' ba' fí' lí' guiá' mi' nití' fñ' cò' e laco'gui' e nijmee' na' fí' í' quiá' jalé' e nicø' na' cò' gui' quiá' jalé' sí' na'.

24 Jo quie`na' cuente quiá'- jaléng' quiee; ja` jié' jh`re' o'gui`jié' téé' jalé' e gø're' o'gui`mea're' jalé' e nidø'-re', dsu' Fidiéé` ñi`bre e` héin' jaléng' i`jó' do quiá'r-. jø eáang`gui`quíng' 'nú' fí`quini` Fidiéé` laco'gui`lajee` fíng' ta` i`seeng` fí`jmigüi! 25 Jo ¿i` jaang` 'nú' niquí`- jmii` nijmee`-na' e nicuáng`guina' ca'ná' metro laco'gui`jii` tí'na' lana? 26 Jo song ja` quí`-na' jmii` jmee`-na' e capí' lajo, joba' ¿jiali'` guing` óo'na' jalé' e lí' seeng`na'?

27 Jo quie`na' cuente jial`jlo` jalé' lí' e sea` fí`jmigüi, jogui`ja` ee`ta` jmóo` o'gui`quie` fí'`jial`ni`uíng` e jlo`. Jo dsu' car` jii` dseata` Salomón` cõo` jalé' e jlo` e calisea` quiá'r- ja` casíng' 'ña'r e jlo` lí' laco'gui` la` jnéeng` cõo` lí'. 28 Cõfa' jlob` cajmée` Fidiéé` e jnéeng` jalé' lí' e ja` huøø` té', dsu' jaléng`gui` 'nú', dsea` i` ja` mí` teáang` teá` cõo` júu` quie`-e, jmigui`gui`niñíng`na' quiá'- Fidiéé` jalé' e 'né'-na'. 29-30 Joba' fii`-i` 'nú' lana, ja` jmée`na' fí'` quiá'- jalé' e ni'u`nicø`na', dsu`cõo` lajõb` jmóo` jaléng` dsea` jmigüi` i` ja` cúing` Fidiéé`. Jo dsu' 'nú' seem` jaang` Tiquí`na' dsea` guing` ñifí` i` niñi` jalé' e 'né'-na' laco` jmii` laco` jmii`. 31 Jo fii`guí` 'nú' lana e 'né`-nijmi`úung`na' e Fidiéé` dsea` nicá` nifí` quí`-na', jø lajõba' niñíng`na' jalé' e 'né'-na' laco` jmii`.

Jalé' e catíng` dsea` quiá'- Fidiéé` fí` jmigüi` cõo`
(Mt. 6:19-21)

32 Jo ja` jmee` 'nú' fí'`, dsea` i` ja` fíng` mí` cúing` jnea~, co' Tiquí`na' dsea` guing` ñifí` i` quie` nifí` quí`-na' nica`f` dsír' e nicuø`r` 'nú' lajii` e catíng`na' e iáang` dsír'. 33 Joba' 'né` e 'nii`na' jalé' e sea` quí`-na' jø nijmicõo`na' jaléng` dsea` i` lí' 'né` quiá'- lajo; cõo` ja` ee` ta` íng` qui`-na' fíng` tá' ca'meá` lí' cuu` cõo` jalé' e sea` fí`jmigüi` la, cõo` dsíng` fø` nicá` jaléng` ñi` jalé' e sea` quí`-na' osi`nidø` jaléng` guisí` i` 'léé' é. Cõo` guí`-guib` e nijmee`-na' e nilisea` quí`-na' fí` ñifí` jalé' e jlo`, dsu`cõo` fí` jø` seeng` ñi` o'gui` fa` dseáang` e ni`lé`-gui` guisí'. 34 Cõo` lí` sea` jalé' e lí` a' do, e jõbi` guing` a' jóng.

Dseáang` 'né` e siñíng` dsí`naa'

35-36 Joba' fii`-i` 'nú' e 'né` neáang`na' laco' guing` jaang` dsea` 'léeng` i` guing` fí` quiá'- fii` e güjeeeñ` e nineár` 'núu` mí` niguieng` fii` i` ngí` fí` lí` cung` guoo` dsea, jø 'né` sijeeng` i` dsea` 'léeng` do e jnea` jib` guiiñ~, joba' dsifib` nineár` 'núu` mí` niguieng` fii` e nitør`. 37 Jo juguiá`-jiu` quiá'- jaléng` dsea` 'léeng` i` sijnéé` dsí' mí` niguieng` fii`. Cõo` jnea` jmitaa` óo'na' e dsíng`-nili`iáang` dsí' i` fii` do jø nitøø` jaléng` i` dsea` 'léeng` i` sijnéé` dsí' do e nidø`r` colíng` cõo`iñ` do e uøø` jø. 38 Jo juguiá`-jiu` quiá'- jaléng` i` dsea` 'léeng` i` sijnéé` dsí' do mí` niguieng` fii~, nañi` fa' niguiéñ` do guien` osi` téé` ogóo` é. 39 Jogui` cajo` fa' jaang` dsea` niñir` e oor` niguiéé` jaang` ñi` fí` quiá'r-, nijé`-bre e jø` nigüiñ` e uøø` jø, jø lajõba' ja` nicuø`r` fí' e ni'uø` i` ñi` do jalé' e sea` quiá'r-. 40 Joba' lajõb` 'né` neáang` 'nú' e siñíng` óo`ba'; cõo` jnea~, dsea` i` cajá` fí` ñifí` e lín`n` jaang` dsea` jmigüi, nigáa`túu` calé` catú` fí` jmigüi` la lajee` e ja` ñiing` óo'na'.

Jaang` dsea` 'léeng` i` guíng` cõo` jaang`gui` dsea` 'léeng` i` soo` dsí'
(Mt. 24:45-51)

41 Jo dsifí` mí` cató' e ca'e` Jesús jalé' e júu` na, jø dsifí` lajõb` cajmingí` Tú` Simón` cajmingí`r` Jesús jø cajíñ`-:

—Tifa', jalé' e júu` e nica'é` na, ¿su` ca'éé` jii` jnea` dsea` guitúung`naa' o'fa' quiá'- lajím` dsea` é?

42 Jo lalab` cañi` Jesús:

—Lalab` lí' quiá'- jaang` dsea` i` née` ni` jaléng` dsea` 'léeng` i` núu`-gui` jalé' ta` quiu` fii~, jø guíng`-guir` cõo` jaléng` dsea` 'léeng`, jogui`nicuø`-reiñ` do e nidøiñ`-mí` nití` oor` e gø` dsea. Jo mí` cagüi` i` fii` do e nidsér` fí` lí` jié', caséer` jalé' ta` quiá'r- jø caguiar` ni` i` dsea` i` née` ni` jaléng` dsea` 'léeng` do, jø joguiba' cangór` jóng. 43 Jo mí` niguieng`tu` i` fii` do, juguiá`-o` quiá'- i` dsea` i` née` ni` dsea` 'léeng` do song` nicató' jalé' ta` e caséé` fii`-mí` cagüi`-cangór-. 44 Jo já`-ba' fii`-i` 'nú' e dsíng`-nili`iáang` dsí' i` fii` do, cõo` calitib` jalé' ta` e caséer` cõo` i` dsea` née` ni` jaléng` dsea` 'léeng` quiá'r- do, jø

joguiba' nicuó'-reih' do e nine'-niñ' do jalé' e sea' quiá'r'. ⁴⁵ Jo dsu' fíng song ja' cajmiti' i dsea' née' ni' i dsea' 'léeng' do lajii' ta' caquiá' fíir, co' calí' dsír' e ja' mí' niguieng' fíir' lajminá', jo lajee' jo cajméer' soo' dsír' cóo' jaléng' dsea' 'léeng' i née' nir, jogui canáih' í' gø'r' jalé' e sea', jogui cajméer' ta' í' méé'; ⁴⁶ jo dsu' lajee' jmóo' i dsea' née' ni' i dsea' 'léeng' do jalé' e jo, lajee' job caguiéng' fíir, jo dsíng' nicaliguih' do, jo iihuí' nicuó'-reih' do lí' laco' catíng' e niñíng' jaang' dsea' i ja' náu' jalé' júu' quiá' fíir.

⁴⁷ Jo i dsea' 'léeng' i ní' jial lí' jalé' e iing' fíir' e nilí' jo dsu' ja' caguiar' guiá' o'gui calinú'r' e nijmér' jalé' ta' caquiá' fíir, joba' dsíng' niñíh' iihuí' jóng. ⁴⁸ Jo dsu' i dsea' 'léeng' i ja' ní' jalé' e nijmér' jo eáam' ca'léer' quiá' fíir, joba' i dsea' i ja' gui niñíh' iihuí' laco'gui i jaang' do. Jo i dsea' i cangíng' jmiguiá', jmiguiá'gui catíng' niguiéer' cuente mí' nití' í' lajo; jogui i dsea' i éé' guiá' cóo' lajii' ta' e cangíh' e née' nir, joba' eáang' gui guiá' 'né' guiér' cuente mí' nití' í' lajo.

*Nijng' dsea' lajee' la'ó' rúih' uí' Jesús
(Mt. 10:34-36)*

⁴⁹ Jo mí' calí' e cajíng' Jesús jalé' e júu' na, jo casí' guir jaléng' i dsea' do jo cajíh':

—Jnea' cagá' a lafa' e caga'uun' jí' fí' jmigú' la; jo dsíng' lí' dsii' fa' jia' nicoo' lana!

⁵⁰ Co' ná' bi' nicaa' iihuí' e eáang', jo dsíng' lí' jiuung' dsii' cartí' niliti' lajalé' e jo! ⁵¹ Jo dsu' jaléng' i ná' í' óo' na' e cagá' a fí' jmigú' la e gajméé' e e liseeng' na' juguiá' júu' røø, dsu' o' lajo; co' uí' jnea' ná' bi' nijmé' dsea' mii' cóo' dsea' rúih'. ⁵² Co' latí' lana gaang' dsea' nijíh' cóo' gáng' dsea' la'ó' dsea' sinúu' quiá'r'. ⁵³ Co' tiquiá' dsea' nijíh' cóo' jóor' dseañu', jo jaléng' jóo' dsea' dseañu' nijíh' cóo' tiquiá'r'; jogui niquiá' dsea' nijíh' cóo' jóor' dseamí, jo jaléng' jóo' dsea' dseamí nijíh' cóo' niquiá'r'; jogui iemisé' dsea' nijíh' cóo' dsea' mii'oo' quiá'r', jogui jaléng' dsea' mii'oo' quiá' dsea' nijíh' cóo' iemisér', co' ja' nisíh' røø' uí' quié' jnea' cóo' jalé' júu' quié' e.

*'Né' óng' dsí' dsea' e' jalé' dsijéé' jmí' na
(Mt. 16:1-4; Mr. 8:11-13)*

⁵⁴ Jo casí' gui Jesús jaléng' i dsea' do jo cajíh':

—Mí' móo' 'ná' e ta' jní' nuu' fí' yá' jmigú', joba' dsifí' lajob fó' na' e nitú' jmí', jo lajob dsitíng' jóng. ⁵⁵ Jogui mí' móo' 'ná' e í' guí' quiá', dsifí' lajob fó' na' e ja' nitú' jmí', jo lajob dsitíng' cajo. ⁵⁶ i' jmicaang' 'ná'! Co' ní' ba' jalé' e dsijéé' fí' yá' jmigú' jogui fí' guóo' uó'; joba' çjialí' ja' ní' na' e uíng' quiá' jalé' e dsijéé' jee' 'ná' lana?

*Jmí'úung' na' e niliseeng' na' juguiá' cóo' jaléng' dsea' i 'ní' níng' 'ná'
(Mt. 5:25-26)*

⁵⁷ Jo mí' cangí' jo, cajíng' gui Jesús e júu' la:

—Jo çjialí' ja' lí' na' guí' na' jnang' e guiá' jogui jnang' e ja' dseeng' e dsijéé' qui' na'?

⁵⁸ Co' song i' dsea' i 'ní' níng' 'ná' cangojéeh' 'ná' fí' quini' dseata', joba' jmí'úung' na' e nisíng' tu' røø' cóo' r' lajee' ná' gui e niguilíng' na' fí' quini' i dseata' do. Dsaco' song caguilíng' na' fí' lí' guíh', joba' niquiá'r' ta' jaléng' í' quiá'r' e nisáih' 'ná' jo nitáih' 'ná' dsí' 'nuhí' jóng. ⁵⁹ Joba' fí' i 'ná' e ja' nijúu' na' e fí' dsí' 'nuhí' do cartí' niquí' na' jalé' cuu' e nimír', co' lajob lí' fíng' catí' fí' quini' dseata'.

13

Dsíng' 'né' e niquí' jíng' yaang' dsea' fí' quini' Fidiéé'

¹ Jo ie' jo caguilíng' cóo' tú' máng' dsea' fí' lí' táang' Jesús i jmóo' júu' jalé' e ga' e cajméé' dseata' Pilato cóo' dsea' Israel, co' caquiá'r' ta' e cajúng' cóo' tú' máng' dsea' Israel i seeng' fí' Galilea, jo e jmí'øøng' i dsea' Israel i cajngaiñ' do cacáih' cóo' jmí' jó' i cajngaiñ' fí' nife' quiá' guá' e si' fí' Jerusalén do. ² Joba' cañí' Jesús casí'r' jaléng' i dsea' do jo cajíh':

—Ja` í` óóna' e calíng` jaléng` i dsea` do jalé' e fóna' na dsu' uí' e røøng`guir dsee` lajee` lajaléng` dsea` jmi'güi, ³ co' o' lajo; jo song` 'nú' ja` niqúí'` jíng`~ yaang`na' fí` quini` Fidiéé, joba' fí' lí' 'lib'` nigüilíng`na' dsifí' mi` nijúung`na'. ⁴ Jo ¿su ja` tóo` óóna' mi` cajlíng` guijñíng` dsea` coo` 'nú' e ñí' eáang` quiá'` ojmí' Siloé e si' fí' dsí' fí' Jerusalén? Ja` í` óóna' e cajúng` jaléng` i dsea` do dsu' uí' e røøng`guir dsee` eáang` lajee` lajaléng` dsea` seeng` fí' Jerusalén, ⁵ co' o' lajo. Jo 'nú', song` ja` niqúí'` jíng`~ yaang`na' fí` quini` Fidiéé, joba' fí' lí' 'lib'` nigüilíng`na' dsifí' mi` nití` oor` quí'na'.

Mi` ca'e' Jesús quiá'` 'ma` güiñí'` e ja` ee` cuó'

⁶ Jo casí'` gui Jesús jaléng` i dsea` do coo` júu` já' e lafa' júu` cuento jo cajíñ'`:

—Coo` née'` jaang` dseañu'` nicajní'` coo` 'ma` güiñí'` fí' uó` quiá'r`. Jo mi` catí'` í' e líiñ` e ni'ñí, jo cangojòø`bre su ni'í'` ofí' quiá'` e 'ma` güiñí'` do. ⁷ Jo mi` caguiér`, jo casí'r` i dsea` née'` ni` e uó` quiá'r` do jo cajíñ'`: “Lajee` 'ni` jii` ñingóo' e gaa` coo` née'` lacoo` jii` e gajòø`ø` fa' ni'ñí` ofí' quiá'` e 'ma` la, dsu' jii'` coo` ja` mí` cadsé'e. Joba' fí' i` 'nu' e ni`né` nihuí'b`, co' ja` tá'` jmóo` jii'` quiá'` e ni` uó` la.” ⁸ Jo dsu' i` dsea` i` jmóo` í' e uó` do cajíñ'` casí'r` fíir`: “Fí'i, güigui`gui cateá' lajee` jii` lana, jo lajee` jo nijlén`n i' jo nitá'`a o'”. ⁹ Jo ne`duu' fíng` lajogu' ni'í'` ofí' quiá'`; jo song` ja` ee` lí' ni'í', joguiba' nihuí'` jóng.”

Mi` cajmi'leáang` Jesús jaang` dseamí` i tu'` cogui`

¹⁰ Jo mi` cangí` jo, coo` jmiñ` lajee` e jmi'íng` dsea` Israel, ca'e'` Jesús jaléng` dsea` do júu` quiá'r` fí' dsí' coo` guá'` quiá'` dsea` góor` dsea` Israel. ¹¹ Jo jee` jaléng` i dsea` i teáang` fí' guá'` do niqúíéeng` jaang` dseamí` i nijéé` i 'líng` quiá'`, jo ñingóo' mí' guijñia' jii` e nicajmée` i 'líng` do e calitú'` cogui` i dseamí` do, jo jii'` capí'` ja` e lí' niñ'` do. ¹² Jo mi` cangáng` Jesús i dseamí` do, dsifí' ladob catò'`reíñ' fí' lí' siñ'` jo casí'`reíñ'`:

—Dseamí` rú'`uu', jmiñ` na ni'leáan'` lajii'` jmohuí'` e quié'` na.

¹³ Jo caquidsir` guóor` fí' mogui` i dseamí` do, jo dsifí' ladob cangohuíng` i 'líng` do, jo canim'` i dseamí` do, jo canaaíñ` jmiféiñ'` Fidiéé` jóng. ¹⁴ Jo dsu' dsíng'` caliguíng` i dsea` i née'` ni` e guá'` do dsu' e cajmi'leáang` Jesús i dseamí` do lajee` jmiñ` e jmi'íng` jaléng` dsea` góor` dsea` Israel. Joba' casí'` i dsea` i née'` ni` guá'` do jaléng` dsea` i teáang` do ie` jo, jo cajíñ'`:

—Lacoo` semaan` sea` jñu` jmiñ` e jmóo` dsea` ta`, jo lajee` joba' e catíng` e ñilíng`na' e nilí` mí' quí'na', jo dsu' ja` ñilíng`na' mi` jmiñ` e jmi'íng`naa'.

¹⁵ Jo mi` cajíng` i dsea` née'` ni` guá'` do lado, joba' dsifí' lajob cañí'` Jesús casí'`reíñ'` jo cajíñ'`:

—i` jmicang` 'nú'! ¿Su ja` güilíng`na' e güilíng`na' güitá` quí'na' jmiñ` osi` bú' quí'na' é lacoo` jmiñ` mi` catíng` e jmi'íng`naa'? ¹⁶ Dsu' i` dseamí` la líiñ'` siju` Abraham, jo ñingóo' guijñia' jii` e cajmée` Satanás e calidsée'r` jo cajer` tuiñ'. Jo laco'` güijéeng` 'nú'` jó' quí'na' e dsí'`re'` jmiñ` mi` jmiñ` e jmi'íng`naa', lajob catíng` e nilaang` jnea` i dseamí` la fí' jaguó` Satanás mi` jmiñ` e jmi'íng`naa' cajo.

¹⁷ Jo mi` cajíng` Jesús lado, dsíng'` calí'` i' líng` jaléng` i dsea` i 'ní'` ní'` quiá'r` do. Jo dsu' lajaléng` i dsea` caguiaang`gui do dsíng'` calí'`iáang` dsíir` dsu' e cangár` jalé' e jlo'` e cajmée` Jesús ie` jmiñ` jo.

Mi` ca'e' Jesús quiá'` coo` mijú'` 'ma` e sii` mostáa`

(Mt. 13:31-32; Mr. 4:30-32)

¹⁸ Jo mi` calí'` jo, jo cajíng` Jesús:

—¿Jial líng`na' e lí' mi` quie' Fidiéé` nifí' quiá'` jaang` dsea'? Jogu' ¿e` cóo'` cuóøng` nicøøng`naa'? ¹⁹ Co' e jo lí' la lí' camí'` mijú'` 'ma` e sii` mostáa`; jo e mijú'` quiá'` e 'ma` do pí'`gui lajee` lajalé'` mijú'` 'ma` e sea' fí' jmi'güi. Jo dsu' mi` nijní` dsea` e mijú'` do, féb'` cuaang` lafa' coo` 'ma', jo fí' yá'` e 'ma` do dsilíng` jaléng` ta' e jmo're'` sii`re'.

Mi~ ca'e Jesús quiá'~ quie'^ iñí'^
(Mt. 13:33)

²⁰ Jøgui cajíng'~ gui Jesús casí'r~ jaléng' i dsea` do:

—Jø ʒe~ cõo'~ cuøøng` lí cøøng`naa' mi~ quie' Fidiéé~ nifí' quiá'~ jaang` dsea`? ²¹ Cõ' e jø lí' la lí' capí'^ quie'^ iñí'^ e cáng' dsea` jee~ fi~ iñí'^ quiá'r~ e laco' niróo~ jalé' e ca~ iñí'^ do, jø jii'~ ja` ñí' dsea` jiali' calí~ lajõ. Jø dseáng'~ lajõb lí' cajo mi~ Fidiéé~ quier' nifí' quiá'~ dsea`.

Cõo` o'nú^ e dsuü`
(Mt. 7:13-14, 21-23)

²² Jø mi~ cangí jø, lajee~ iuung~ Jesús fí' e ngóor' fí' Jerusalén, ja`bre e e'r' jaléng' dsea` jalé' júu^ quiá'r~ mi~ ngüiñ' jalé' fi~ pí'^ õsi jalé' fi~ cõo' é. ²³ Jø cõo' fi~ lí' caguiér~, cangoquiéeng' jaang` dsea` fí' lí' cajer', jø cajmingí' i dsea` do ír' jø cajíñ'~:

—Fí'i, ʒsu jii'~ tú~ 'ní' m#m'~ tí' dsea` i laang` jee~ jalé' dsee~ quiá'~?

Jõba' cañí' Jesús quiá'~ i dsea` do jø casí'~ reiñ':

²⁴ —Jmi'úung'na' e nigüitäang'~na' fí' o'nú^ e dsuü, dsuõ' dsíng'~ fíng' dsea` nijmér~ quijí' e nidsitáaiñ'~ fí' jø, dsu' jii'~ tú~ 'ní' máng'~bing' i nilí'^. ²⁵ Cõ' mi~ nití~ oor~ e nijní~ i dsea` fii~ do e o'nú^ do, jaléng' 'nú', dsea` nijá'na' fí' caluu~, nitó'na'r jø nifí'na'r lala: “Janú', Éé, jmee~ uí^ diéé~ nea`go e o'nú^ la.” Jø dsu' lalab niñí~ i dsea` fii~ e o'nú^ do jø nijíñ'~: “Ja` cuín'n 'nú'.” ²⁶ Jø mi~ ninúu'na' e nijíñ'~ lajõ, jø ninaan~ 'nú' nifí'na'r: “Coliim~ nica'ie'ee' e nica'nee'^ caquiee~ee', jøgui 'nub` dsea` nica'é'^ fí' jee~ fi~ góo'naa'.” ²⁷ Jõba' niñí~ i dsea` fii~ e o'nú^ do calé' catú': “Nícafá'baa e ja` cuín'n 'nú'. iDo güilíng'na' lí' do jaléng' 'nú', dsea` i sitíng' 'léé'!” ²⁸ Jø jõb mi~ niqui'^ 'nú' jø dsíng'~ nilijiuung~ óo'na' jøgui nitú'na' majá'na' mi~ nimáang'na' Abraham cõo' Isáa' cõo'~ Jacóo' cõo'~ jaléng' dsea` i café' cuaiñ~ quiá'~ Fidiéé~ mali~gui eáang'; cõ' jaléng' i dsea` la nineáaiñ' colíng~ cõo'~ Fidiéé~ fí' ñifí' lana, jø dsu' 'nú' fí' caluub~ ni'øøng'na'. ²⁹ Jø nijalíng' jaléng' dsea` quiá'~ Dsea` Jmáang~ fí' la'úng~ fí' jmigüi' e nigüear~ e nidó'r~ ír~ colíng~ cõo'~ Fidiéé~ fí' ñifí'. ³⁰ Jø i líng~ dsea` i líng~ e niñ~ eáang' fí' jmigüi' la, dsu' í'bing' i jii'~ capí'^ ja` ee` niing~ mi~ nití' í' jø. Jø dsu' i líng~ dsea` i líng~ e ja` ee` niñ~ jii'~ capí'^ fí' jmigüi' la, jø í'bing' i eáang'gui niliniing~ mi~ nití' e í' jø.

Mi~ caqui' Jesús uii~ quiá'~ dsea` i seeng' fí' Jerusalén
(Mt. 23:37-39)

³¹ Jø e jmü~ jø caguilíng~ cõo' tú~ máng'~ dsea` Israel i líng' dsea` fariseo fí' lí' táang' Jesús jø casí'r~ dsea` do lala jø cajíñ'~:

—'Né~ niguó' fí' lí' jié', cõ' lana niguiá' dseata~ Herodes guiá~ e nijngáiñ'~ 'na'.

³² Jõba' cañí' Jesús quiá'~ i dsea` do jø casí'~ reiñ':

—Güilíng'na' güisí'na' i 'ná'^ dsinóo' í: “Lajee~ jmü~ e sea`gui la 'né~ nijmité'e lajii'~ ta~ cagá~a fí' jmigüi' la e nijmi'leáan^n jaléng' dsea` dsée'~ jøgui nijmihuín^n jaléng' i 'líng'^ i jee' quiá'~ dsea'.” ³³ Dsu' lajee~ jø 'né~ niguiéé'e lajii'~ lí' iuun~ fí' ngóo'õ, cõ' ja` catíng~ jaang' i fé' cuaiñ~ quiá'~ Fidiéé~ e nijúuiñ' fí' caluu' fi~ Jerusalén.

³⁴ Jø dsíng'~ fi~ lín~n jaléng' 'nú', dsea` seeng'na' fí' Jerusalén, cõ' 'nub` dsea` nicajngang'na' jaléng' dsea` i café' cuaiñ~ quiá'~ Fidiéé~ jøgui nicasi'lóo'na' cuü~ jaléng' i cajmicóo'~ quiá'~ jaléng' i dsea` í' cajo. Jø jnea~, ja` ñü~ jó'gui néé'~ cali'iin~n e nito' fí'n'n 'nú' laco' to' fíng' jaang' tui'iee' jaléng' tuyüü' quiaa`re' fí' nú'~ cuée're', jø dsu' ja` cali'iing'na' lajõ. ³⁵ Jø lana tí' lí' ni'nám'baa jee~ 'nú', jø jø`nimáang'gui' jnea~ cartí' niguiéé' oor~ e nifo'na' lala: “iJuguiá~ o' quiá'~ i dsea` i casíng' Fidiéé~ fí' jmigüi' la cuaiñ~ quiá'r'!”

14

Mi~ cajmi'leáang~ Jesús jaang` dseañü' i yaang`

¹ Jo mi~ cangî jo, coo` jmi~ lajee e jmi'ing' dsea` Israel, catø` jaang` fi~ quiá'- jaléng' dsea` Israel i líng' dsea` fariseo catø'r- Jesús e nidø'- dsea` do í' fí' quiá'r-. Jo lajee` jo, dob teáng'~ jaléng' dsea` Israel i líng' dsea` fariseo i caguaang- do coo`~ tifa' quiá'- júu^ quiu' ta~ quiá'r- e téeiñ Jesús lajee` jo. ² Jo jee~ jaléng' i dsea` teáng- do niquiéeng` jaang` dseañu' i nilíng' jmohuí' e yaaiñ. ³ Jo mi~ cangáng- Jesús i dsea` dsée'- do, dsifí' lajob cajmingi'r' jaléng' i dsea` neáang` do jo casí'- reiñ':

—¿Su cuóong` e nijmi'leáan`n jaang` dsea` dsée'- lajee` jmi~ e jmi'ing'naa' ofa' ja` cuóong` é?

⁴ Dsu' tiib- cajé' jaléng' i dsea` do, jii~ camí'^ júu^ ja` ee` cañír. Jo dsifí' lajob catíng- Jesús i dsea` dsée'- do, jo ca'láam-biñ' do lajii~ e jmohuí' e lamí~ líiñ'. Joba' caquiú' Jesús ta~ e cangám'- biñ' do. ⁵ Jogui dsifí' ladob casí'- Jesús jaléng' i dsea` i teáng- do jo cajíñ'-:

—¿Já` já'-? jii~ jaang` 'nú' ja` niseáang`na' jóo`na' osi jó' núu^ quií'na' song calíngiing`na' e catøiñ' osi catøng`ne' fí' coo` dsí' fí' lajee` jmi~ e jmi'ing'naa'.

⁶ Dsu' caléb'tu jii~ jaang` i dsea` do ja` ee` cañír jii~ camí'^ júu^ quiá'- Jesús.

Jaléng' dsea` máng` quiá'- dsea` cung' guó`

⁷ Jo lajee` jo cajíng'- i dsea` fii~ jaléng' dsea` Israel i líng' dsea` fariseo do e nigüea` dsea` e nidø'r-, jo jalém' i dsea` do cagui'r' lí~ niing-gui nigüear`. Jo mi~ cangá- Jesús e cajmee` jaléng' i dsea` do lado, joba' ca'e' reiñ' e júu^ la jo cajíñ'-:

⁸ —Mi~ jaang` dsea` i cung' guó` tó'r' 'nu' fí' quiá'r-, jo mi~ niguie' quiá'- i dsea` í, ja` jmee'- fa' ningiñ' e niní'^ lí~ niing-gui, co' jialfa' caguié- jaang` dsea` máng` i niing-gui laco' 'nu' fí' quiá'- i dsea` do. ⁹ Jo song 'nu' niguiin' lí~ niing-gui, joba' i dsea` catø' 'nu' do 'né- nisí'r' 'nu' e nijéen' lí~ niguiin' do, jo nigüea` i dsea` jaang` do, jo job lí~ nicá' 'nu' fí' mi~ nijéen' e lí~ niguiin' do, jo nigüiní' cartí' cøong`gui fí' lí~ neáang` dsea` i ja` niing-.

¹⁰ Dsu' mi~ tó' i dsea` do 'nu' fí' lí~ née' júu^, 'né- niní'^ cartí' cøong`gui lí~ neáang` dsea` i ja` niing- mi~ niguie' quiá'- i dsea` í. Joba' mi~ niníñ' 'nu', nitø'r' 'nu' jo nijíñ'-: “Fí' la ngíng-, co' fí' lab lí' gua` dsea` i niing-gui.” Joba' niní'^ lí~ niing-gui jee~ jaléng' dsea` i máng` i nineáang` quiá'r- do. ¹¹ Dsaco' jaléng' dsea` i jmicøong` yaang` jee~ jaléng' dsea` rúng', í'bing' i nicá' fí' i, jo jaléng' dsea` i ja` jmicøong` yaang` jii~ capí', í'bing' i niing-gui lajee` lajaléng' dsea` jmigüí.

¹² Jogui casí'- Jesús i dsea` i catø' quiá'r- do jo cajíñ'-:

—Mi~ jmoo' 'nu' jmi~ jo iin'~ nihéen'~ jaléng' dsea`, ja` 'né- nitø'^ jaléng' i cuín' o'gui jaléng' rún' o'gui jaléng' i sea` cuu-. Dsaco' song cajmee'- lajo, joba' lajob nitø'tu jaléng' i dsea` do 'nu' mi~ nijmér- jmi~ lajaang` lajaaiñ' fí' quiá'r-. ¹³ Co' guiú-gui e mi~ nijmée^ 'nu' jmi~, nitø'^ jaléng' dsea` i ja` cuín' jogui jaléng' dsea` tiñíng- coo'~ jaléng' dsea` i ja` lí' ngí- coo'~ jaléng' dsea` bøøng` jogui jaléng' dsea` tiuung-. ¹⁴ Jo joguiba' dsíng'- nili'íáang` o' jóng dsaco' ja` lí' niquí'^ jaléng' i dsea` do táa' quií'- fa' nicuø'r- 'nu' laco' cacuøø're. Jo dsu' Fidiée` dsea` guíng` ñiff-, íb` dsea` i nicuø'- 'nu' mi~ niguiee' oor~ e nijí'tu calé' catú- jaléng' dsea` i nisiguiúng` fí' quini` Fidiée`.

Mi~ jaang` dsea` cahéiñ' fíng` dsea` fí' quiá'r-

¹⁵ Jo mi~ canúu- jaléng' i dsea` do jalé' júu^ quiá'- Jesús, jaang` i dsea` la'ó' neáaiñ' gø'r' do cajíñ'- casí'r- Jesús:

—Juguiú- o' quiá'- jaléng' i nitíng- nidø'- colíng- coo'~ Fidiée` fí' ñiff- mi~ nití- oor~ quiá'r-.

¹⁶ Joba' casí'- gui Jesús jaléng' i dsea` do jo cajíñ'-:

—Coo` née'~ cagua' jaang` dseañu' guiú- e nidø'- fíng` dsea` i máng` fí' quiá'r-. ¹⁷ Jo mi~ catí oor~ e nidø'r-, jo casíñ' jaléng' dsea` 'léeng'~ quiá'r- e cangotéer` jaléng' i dsea` nisimíng` do. Jo mi~ caguié- i dsea` 'léeng'~ do fí' quiá'- lajaang` lajaang` i dsea` nisimíng` do, jo casí'- reiñ': “Güilíng`na' lajminá-, co' dob nigüijee` fí'i e nicø'^na' colíng- coo'r-.”

¹⁸ Jo dsu' jii~ jaang` i dsea` do jo calí'iñ' fa' cangolíñ-. Jo i la'uii- do cajíñ'-: “Síi~ go

fii' güijmée'gor féng' dsír' e ja` nilí` nii`i, co' nabi nicalá'a coo` jmaang` uó^, jo jobi`né` nijóø`ø` lajminá`." 19 Jo jaang`gui cajíng`-: "Síi`go fii' güijmée'gor féng' dsír' e ja` nilí` nii`i, co' nabi nicalón`n`'ñiá` jming` güitá` quié`e, jo í`bi`'né` nimoo`o` jial`jír'e." 20 Jogui` jaang`gui cajíng`-: "Güisíi`go fii' e ja` nilí` nii`i, co' la` güeam`-b# e ngocúun`-n` guóo`o, jo güijmée'gor féng' dsír' uui` quié`e." 21 Jo mi` caguiéng`- i` dsea` 'léeng` do fi' li` guing` fii` e cangocóor` júu^ e jii` jaang` i` dsea` do ja` nilí` guiliñ`-, joba' dsíng`- caliguiéng` i` fii` do mi` canúur` lajo, jo caquiá'r` ta` i` dsea` 'léeng` do quiá'r` jo casí`-reiñ': "Gua` güingí` lajminá` lacaang` jee` 'núu, jo güite` jaléng` dsea` tiñing` cóo`- jaléng` dsea` i` ja` lí` ngí` cóo`- jaléng` dsea` tiuung` cóo`- jaléng` dsea` bøøng`-, jo güijaliñ` e nidó'r` fi' quié`e." 22 Jo cangób` i` dsea` 'léeng` do cangojméer` laco' ta` caquiá' fii`. Jo mali`gui lajo caguiém`-tur fi' li` guing` fii` jo casí`-reiñ' do lala: "Ní`cangotée`-baa jaléng` i` dsea` i` café` do 'm#-, jo nab`nineáaiñ` lana, dsu` joo`bi` li` nigüeá`gui dsea`." 23 Joba' cajíng`- i` fii` do jo casí`-reiñ': "Gua` güingí`gui la`úng` lacaang` li` ja` mí` caguié`-, jo güite`gui jaléng` dsea, jo güijaliñ`- liing` güirøøng` sinúu^ quié`e. 24 Dsúco' jii` jaang` i` dsea` i` catóø`ø` la`uui` do jo`nidó'r`- jii` capí`^ fi' quié`e."

'Né`- í` dsíi` dsea` røø` song` iñ`- nijmicuíñ` Dsea` Jmaang`

25 Jo mi` cangí` jo, dsíng`- fíing` jaléng` dsea` ngoliñ`- fi' li` ngóo` Jesús. Joba' cajer` jo casí`r`- jaléng` i` dsea` do jo cajíñ`-:

26 —Song` i` iing`- ni`uúing`- dsea` quié`e, 'né`- nili`iing`-guir` jnea` laco`gui` tiquiá'r`^ osi` niquiá'r`^ osi` jaléng` rúin`^ osi` dseam` quiá'r`- osi` dseañu` quiá'r`- é` osi` jaléng` jóor`, jogui` 'né`- nili`iing`-guir` jnea` laco`gui` 'ñia'r` cajo. 27 Jo song` i` dsea` i` ja` niseáng` lafa' crúu^ quiá'r`- e laco' cuø` li` e guiá' dsír' e nidsingíñ` e huíng` uíi` e líiñ` dsea` quié`e jogui` ja` ningír` cóo`- jnea`-, joba' i` dsea` í` ja` quí`- jmi` e niliñ` dsea` quié`e. 28 Fa' jaang` 'nú` iing`-na' nijmée`-na' coo` 'núu, 'né`- nijmée`-na' cuante quíi`-na' su seab` cuu` quiá`- e ninaang`-na' e nijmée`-na' e 'núu` do car` nité`. 29 Dsúco' fa' lí`^ canaang` e líi` e 'núu` do lajo e ja` mí` calíi` cuante røø` jial` tíi` cuu`- nili`né`-, jo jialfa' ja` cató', jo dsíng`- ningíng`- dsea` i` dsea` fii` e 'núu` e gui`ná`^ líi` do 30 jo nijíñ`-: "I` dseañu` do ní`cajmícaaiñ` e cajme'r` 'nar` ofa' nisea` cuu`- e nijmité'r` car` ca`ieeng`." 31 Osi` jaang` dseata` iñ`- nijmér`- m#` cóo`- jaang`gui` dseata` i` jiéng`, joba' 'né`- ni`í`- dsír' su niquí`- jmi` e nitíñ` cóo`- i` dseata` do song` i` dseata` í` jéeiñ` tú` 'lé`gui` dsea` laco`gui` 'ñia'r`. 32 Jo song` calilí` i` dseata` do e ja` niquíi` dsea` quiá'r`- jmi` e nitíñ` cóo`- i` fíing`gui` do, joba' 'né`- nisíñ` dsea` quiá'r`- e nidsimiñ` do jmi`ee` e jo` nitíñ` cóo`- i` dseata` i` jaang`gui` do. 33 Jo lajob` líi`, doñi` i` 'nú` i` ja` ni`náng` ca' lajalé` e lí` dsír' e sea` fi' jmi`güi` la, joba' ja` quí`- jmi` jóng` e niliñ` dsea` quié`e.

Jial` mi` jo` dseeng` ñi` (Mt. 5:13; Mr. 9:50)

34-35 Jo cajíng`-gui` Jesús casí`r`- jaléng` i` dsea` do lala:

—Dsíng`- íing` ta` jalé` ñi~, jo dsu` song` ca`íng`- lajii` e ñii` do, joba' jo` ee` ta` íing` jii` coo` jóng, jo líco' nibíb` dsea, dsúco' ja` m#` sea` quiá`- fa' e niliñii`-tu. Joba' f#`- i` 'nú` e i` 'nú` sea` loguá`-na', núu`-na' jalé` júu^ quié`e.

15

Mí` ca'e` Jesús júu^ quiá`- jaang` jo`se` i` sí`ling` (Mt. 18:10-14)

1 Jo ie` jo dsíng`- fíing` jaléng`- nodsicuu`- quiá`- Roma cóo`-gui` jaléng` dsea` i` sea` júu^ e dsíng`- røøiñ` dsee`- ngoliñ`- fi' li` sing` Jesús e núur` jalé` júu^ quiá`- dsea` do. 2 Jo mi` cangá`- jaléng` dsea` Israel` i` líng` dsea` fariseo cóo`-gui` jaléng` tifa' quiá`- júu^ quiu` ta` quiá'r`- e ngoliing`- jaléng` i` dsea` do fi' li` sing` Jesús, joba' canaaiñ` do éeiñ` Jesús jo fé'r`- —I` dseañu` na` colíim`- ngír` jogui` gø'r` cóo`- jaléng` dsea` sea` júu^ e dsíng`- røøiñ` dsee`-.

³ Jo mi~ canúu~ Jesús e fé' jaléng' i dsea` do lado, joba' ca'e'reiñ' júu^ já^- e lafa' júu^ cuento jo cajíñ'~:

⁴ —Faco' jaang` 'nú' aang~na' cien jo'se', jo calingüing~na' cango'ling' jaang` lajee` taang~na' e móo~na're', 'né~ nitiúung~tea' i caguaang~gui do lajee` nigüi'néng'na' i cango'ling' do cartí' niguiéng'na're'. ⁵ Jo mi~ niguiéng'na're', dsíng'- nili'iaang` óo'na' jo nitøø~na're' e dsíng~ne' yá'^ 'ná'na'. ⁶ Jo mi~ niguilíng'na' fí' quíi~na', niseáang~na' jaléng' dsea` cúing'na' jo nifi'^na'r: “Lana nijmi'iaang` dsi'naa', co' cadsém"baa jaang` jo'se" quíe~ e i calingüin~n cango'ling'.” ⁷ Jo laco' li'iaang` óo' 'nú' mi~ dséng'na' jaang` jo'se" i dsi'ling' quíi~na', joba' lajob li'iaang` dsíi' Fidiée` coling~ cóo' jaléng' i neáang' fí' ñiff~ quíá'r~ mi~ caquí'~ jíng' 'ña' jaang` dsea` i calilí'^ e líiñ' dsea` dsee~ dsea` quí' fí' quini~ Fidiée` laco'gui noventa y nueve dsea` i líng~ e ja líiñ' lajo fí' quini~ Fidiée`.

Mi~ ca'e' Jesús júu^ quíá^- coo` cuu~ e si'ling`

⁸ Joba' cajíng'-gui Jesús casí'r~ jaléng' i dsea` do:

—Fa' jaang` dseamí i óo' guí~ cunée~, jo calingüiñ~ e cango'ling' coo` e cuu~ do fí' dsíi' sinúu^ quíá'r~. Joba' dsifib' nijmijneár' coo` jì jo ni'ir' niquiáañ~ røø' la'úng~ e sinúu^ do, jo ni'nór' e cuu~ do car` niguié'r'. ⁹ Jo mi~ niguié'r' e cuu~ do, jo nitó'r' jaléng' dsea` i cuíñ' jo nisí'reiñ': “Lana nijmi'iaang` dsi'naa', co' cadsé"baa coo` cunée` quíe~ e e calingüin~n cango'ling'.” ¹⁰ Jo laco' li'iaang` dsíi' jaang` dsea` i dsé' cuu~ quíá'~, joba' lajob li'iaang` dsíi' jaléng' ángeles quíá'~ Fidiée` mi~ caquí'~ jíng' 'ña' jaang` dsea` i calilí'^ e líiñ' dsea` dsee~ dsea` quí' fí' quini~ Fidiée`.

Mi~ ca'e' Jesús quíá^- jaang` dseañu' i ca'íng~ dsee~ quíá^- jaang` jóor'

¹¹ Jo mi~ calí~ jo, jo ca'e'gui Jesús jaléng' i dsea` do coo'gui júu^ já^- e lafa' júu^ cuento jo cajíñ'~:

—Coo` née'~ caliséng' jaang` dseañu', jo caliséng' gáng~ jóor' dseañu'. ¹² Jo i jiuung~gui do coo` née'~ casí'r~ tiquiá'r^ jo cajíñ'~: “Teaa~, mi~ nijúung~ 'nu', 'né~ nilí' jmá'-jiu røø' jalé' e sea` quíi~ lana. Joba' fíi~ 'nu' fa' jmée'ba' jmá'-jiu jalé' e jo na la seeng'gui.” Jo dsifí' lajob cacuø` i tiquiá'r^ do lajúi~ e catíiñ'~ do. ¹³ Jo mi~ cangí' tú~ 'ní' jmiñ' lajo, ca'níb' i siming' do jalé' e nicangüiñ' cacuø` tiquiá'r^, jo cóo'~ jalé' e cuu~ e calí'r~ do cagüi'í'bre góor' jo cangór~ fí' lí' huíi^ eáang', jo fí' job ca'íiñ~ jalé' e cuu~ quíá'r~ do, jo cajmirøng` dsee~ 'ña'rá' cóo'~ jalé' e 'lí' e sea` fí' jmigüi'. ¹⁴ Jo dsu' mi~ cangí' e cadseá'r~ jalé' e cuu~ quíá'r~ do, lajee` job cali'øøng` jalé' e gø' dsea` e fí' lí' táaiñ' do, jo coo` mi~ cangir' e jo` ee` sea` dør~. ¹⁵ Jo joguiba' cajméer` quijí~ ta~ nijmér~ cóo'~ jaang` dseañu' i seeng' e fí' lí' táaiñ' do, jo cangüiñ' coo` ta~ e jmóor' í' cú^ . ¹⁶ Jo dsíng'- lí' dsíir' fa' nidø'~ bjiur jalé' e gø' i cú^ do lacoø` jmiñ~, co' ja' ee' 'ga' lí' ngüiñ' e nidø'r~ 'ña'rá'. ¹⁷ Jo lajee` jo dsíng'- cajo'~ dsíir' quíá'~ jalé' e cajméer` lamí~ jéeng'gui do jo ca'í' dsíir': “Ja' ñí' jøng'gui dsea` jmóo' ta~ quíá'~ tiquié'e jo seab` e gø'r' lalíng' lana, jo dsu' jnea~ lab táan` nijúun~n oo'! ¹⁸ Joba' ním'~túu fí' góo'o jo ni'ném'~túu tiquié'e jo nifi'ire: Teaa~, dsíng'- nicajmirøng` dsee~ 'ña'rá' fí' quini~ Fidiée` jogui fí' quini'~ cajo. ¹⁹ Jo lana gán'n e iin~n nijmée'~ e ta~ lafa' jaang` dsea` 'léeng' quíi'ba', jo jo' jmée'~ cuente e jóo' jnea~.” ²⁰ Jo mi~ cangí' e ca'í' dsíir' lado, dsifí' lajob cangáng'~ tur fí' góor', jo cango'néng'~tur tiquiá'r^.

'Jo jaquíém' niguieñ' quíá'r~ mi~ tí' lí' cangá~ tiquiá'r^ e ñingaiñ'. Jo dsíng'- calí' fíi~ líng~ i dseañu' do i jóor' do, jo e cuíi'bre cangojmijíng'neiñ' jo carøøng` rúñ'. ²¹ Joba' cajíng'- i siming' do casí'r~ tiquiá'r^: “Teaa~, dsíng'- nica'lee~ e fí' quini~ Fidiée` jogui nica'lee~baa fí' quini'~ cajo, jo jo' jmée'~ cuente e jóo' jnea~.” ²² Dsu' i tiquiá'r^ do dsifí' lajob caquiá'r' ta~ dsea` 'léeng'~ i née' ni~ sinúu^ quíá'r~ jo casí'~ reiñ': “Güiquie`du' 'mi' e jlo'gui lajee` lajalé' e sea` jo niquí' i jóo'o la, jogui güiquie`na' coo` ñí' iu~ niguoo` jo ñicuøø'~na'r, jogui cuøø'~na'r caneáang' miloo` e 'míi~ e ni'ø'r~. ²³ Jogui güitee~na' jaang` güitá' jiuung~ i ni'úung'~gui lajee` lajaléng'ne', jo nijngáang'~na're' jo nilíng~ne' jmiñi~. ¡Ná nijmó'oo' coo' jmiñ' jo ni'né'^ niquiee~naa' lajalé'naa'! ²⁴ Dsaco' i jóo'o la huíi~ eáang`

nicangór- jogui huóob- eáang' nicango'íiñ'; jo lajee' jo ca'f dsii- e nicajúm-bre, jo lana lín-n e lafa' nicají'tur e nisiñ' la." Jo lajalém' i dsea' do canaaiñ' guiar' guiá- e cajmeáiñ' jmí- i siming' i caguiéng' do.

²⁵ Jo lajee' jo dob nitáang' i rúin' dsea' féng' do fí lí- jmóor' ta~ quiá'- tiquiá'r. Jo mí- cangoquíeeiñ' fí quiá'r- mí- tí lí- canuu, jo canúur- e ii- lúu' jo ninaang' e néé' tadséeng' fí quiá'r-. ²⁶ Jo mí- caguiéiñ'- quiá'- o'ná^ quiá'r-, job sing' jaang' dsea' 'léeng', jo cajmingí'r- i dsea' do jo casí'- reiñ': "¿E~gui' jmoo'na' teáang'~na' na?" ²⁷ Joba' cañí' i dsea' 'léeng' do jo cajíñ'-: "Mí- cagüeang' i siming' rún' i tá'- cangongi' do. Joba' dsing'- cali'íáang' dsí' tiquí'^, jo caquiur' ta~ e cajúng- jaang' güitá^ jiuung~ i niguang'^gui lajee' lajaléng' i seeng' quí'-, joba' jmóor' jmí- lana." ²⁸ Jo dsu' mí- canúu- i siming' do lado sóong' caliguiñ-, jo jo' cali'íiñ- fa' ca'í- guir e sinuu^ lí- néé' jmí- do. Jo mí- calilí' tiquiá'r e táang' i jóor' do caluu', dsifí' lajob cagüi'fir' jo caguité-reiñ'. ²⁹ Joba' cajíng'- i siming' do casí'r- tiquiá'r: "Contøom- nicajmé- e ta~ quí'^ jo jii~ coo' néé'~ ja' mí- cajmé- e fa' e ja' núu~u jalé' ta~ quiá', dsu' jii~ coo' néé'~ ja' mí- cajmeáan'~ jnea~ jmí-, o'gui mí- cacuóon'~ jnea~ fa' jaam' jo'chí'^ quí'- e laco' nijmeáang'~ 'ñiá'a jmí- cóo'~ jaléng' dsea' cuín'n. ³⁰ Jo dsu' lanagui e nicagüeang'-tu i rún'n na, dsea' nica'íiñ- jalé' cuu- quí'- cóo'~ jalé' e 'lí^ e sea' fí' jmigüí', jo 'nu' nicajngang' jaang' güitá^ jiuung~ i niguo'^gui lajee' lajaléng' i seeng' quí'-ii'."

³¹ Joba' cañí' tiquiá'r^ jo casí'- reiñ': "Yuu' quí'-ii', contøom- guing' 'nu' cóo'~ jnea~, jo jalé' e sea' quíe- e e quí'-ba' cajo. ³² Jo dsu' lana e nicagüeang'- i rún' na dsí- í' e nijmeáang'~naa'r jmí- jo nijmi'íáang' dsi'naa' jalé'naa'. Co' huóob- nicango'íiñ', jo lajee' jo nica'f dsi'naa' e nicajúm-bre; jo dsu' lanagui e nicagüeang'-tur, lí' e lafa' nicajíb'tur."

16

Mí- ca'e' Jesús quiá'- jaang' dsea' 'léeng' i ja' cajmé'e ta~ røø' quiá'- fir~

¹ Jo mí- cangf jo, jo ca'e'gui Jesús jaléng' dsea' i núu' jalé' júu' quiá'r- coo'gui júu' já'- e lafa' júu' cuento jo casí'-reiñ':

—Coo' néé'~ caliséng' jaang' dseañu' i sea' cuu-, jo seeng' jaang' dseañu' i jmóo' ta~ contøong- quiá'r- i néé' ní- jalé' e sea' quiá'r-. Jo coo' jmí- caguilí' dsee- quiá'- i dsea' 'léeng' do e lí^ nicadseá'r- nica'íiñ- lajo jalé' e sea' quiá'- fir-. ² Jo dsifí' lajob cató- i dsea' sea' cuu- do cató'r- i dsea' 'léeng' quiá'r- do jo casí'-reiñ': "¿Su' jáb'^ jalé' dsee- e nicajmé'e jaléng' dsea' uii- quí'-? Lana nijáa~ jnea~ cuente quiá'- jalé' e sea' quíe- e, co' latí' lanab jo' nijmé'e^ ta~ cóo'~ jnea~ co' jo' 'neán-n 'nu'." ³ Jo mí- cangf jo, mí- caguiéng'- i dsea' 'léeng' do fí quiá'r-, jo canaaiñ' í' dsíir': "¿E~gui' nijmee~ e náng? Ná la catúun' e jo' ee' ta~ cuo' dsea' jnea~. Dsing'- fín'-n nijmee~ e ta~ jenuu', jogui dsing'- i' lín-n nimí' cuu- fí' jee~ 'núu'. ⁴ Dsu' nica'óm' dsii- e~ nijmee~ e e laco' niliseeng' dsea' i niliguiúng- cóo'~ jnea~ mí- níngí' e jo' ta~ sea' jmee~ e." ⁵ Joba' canaaiñ' tó'r' lajaang' lajaang' i nirøong' quiá'- fir-. Jo mí- caguié- la'uii- i dsea' i nirøong' do jo cajmingí'-reiñ': "¿Jial' tí' røong' 'nu' quiá'- fí'i?" ⁶ Joba' cañí' i dsea' do: "Cien sít e a~ aceite røon- quiá'r-." Jo dsifí' lajob cajíng'- i dsea' 'léeng' do casí'r- i dsea' do: "Lab róo' jì lí- táan' e røon'. Téé' lana e røon' jii~ cincuenta sít." ⁷ Jo mí- cangf lajo, cajmingí'r- jaang'gui i dsea' i røong' do jo casí'-reiñ': "Jogui 'nu' ¿jial' tí' røon'?" Joba' cañí' i dsea' do: "Cien cuéé'~ micu'íee'." Joba' casí'- i dsea' do jo cajíñ'-: "Lab róo' jì lí- táan' e røon', jo téé' e røon' jii~ ochenta." ⁸ Joba' calilí'^ i fíi' quiá'- i dsea' 'léeng' do e ja' ca'éeiñ' do røø' cóo'~ ta~ quiá'r-, jo lifa' eáam'bre lí'r^ cóo'~ jalé' e cajméer' do. Jo lajob lí' cajo cóo'~ jaléng' i dsea' i ja' cúing' Fidiéé', eáang'gui lí'r^ jmóor' jalé' e jmigóoiñ' dsea' rúin' laco'gui i dsea' i nilíng' dsea' quiá'- Fidiéé'.

⁹ Joba' liúun'~n 'nú' e jméaang'~na' ta~ jalé' e sea' e fí' jmigüí' lí- seeng' dsea' dsee- dsea' quí' e laco' nilí'na' jaléng' dsea' i niliseeng' guiá- cóo'~ 'nú'. Jo lajoba' mí- niguiá' jalé' e sea' quí'-na' fí' jmigüí', niliseem'bing' i nilíng' 'nú' mí- nití- fí' fíi' coo' jóng.

10 'Jo ii i ca'ée' j mang' e guiá' cóo' capí' e sea' quiá'r', joba' lajob ni'é'r mi' nisea' jmiguiá' quiá'r' cajo. Jo ii i ja' jmoo' e guiá' cóo' capí' e sea' quiá'r', joba' lajob ja' jmér' e guiá' fa' jialgui la jmiguiá' e sea' quiá'r'. 11 Jo song ja' jmoo'na' e guiá' cóo' jalé' e sea' quí'na' fi' jmigüí' lí' seeng' dsea' dsee' dsea' qui', joba' lajob ja' nicuó' Fidiée' 'nú' lajii' e catiing'na', dsea' líng'na' dsea' quiá'r'. 12 Jo song ja' ee'na' røø' cóo' jalé' e sea' quiá'r' dsea' jiéng', joba' ¿i' i nicuó' 'nú' jalé' e catiing'na' do jóng?

13 Jo cajíng' gui Jesús e júu' la:

—Jii' jaang' dsea' 'léeng' ja' quí' jmii' fa' nijmér' ta' fi' quini' gáng' fiir' colíng', dsuco' song cajméer' lajo, joba' nilí' 'ní' níim' bre jaang' jogui nijmiti' bre ta' e níquiá' i jaang'gui do. Jo co' lajob líí', joba' ja' quí' jmii' fa' e nijmiti'na' jalé' ta' quiá' Fidiée' jogui e nijmiti'na' cajo jalé' ta' seáng' jmiguiá' cuu' fi' jmigüí'.

14 Jo mi' canúu' jaléng' dsea' Israel i líng' dsea' fariseo e cajíng' Jesús jalé' e júu' na, joba' dsifí' lajob canaaiñ' e lóøiñ' dsea' do, co' eáam' lí' dsíiñ' jalé' cuu' quiá'r'. 15 Jo lalab cajíng' Jesús casí'r' jaléng' i dsea' do:

—'Nú'bing' i tí' dsíí' i ngí' jmijlóng' yaang' e ee'na' røø' fi' quini' jaléng' dsea' jmigüí', jo dsu' Fidiée' dsea' guíng' ñifí' níñi' bre guiá' jial líng'na' lajaang' lajaang'na'. Jo jalé' e jmí'gó' dsea' eáang' fi' jmigüí' la, dseáng' 'ní' níim' Fidiée' jalé' e jo.

Eáam' niing' jalé' júu' quiá' ta' quiá' Moi'

16 Jo mi' cangí' e cajíng' Jesús lajo, jo casí' guir jaléng' i dsea' do jo cajíñ' lala:

—Mi' cajá' Juan i seáang' dsea' jmii', lajii' júu' quiá' ta' quiá' Moi' ba' mí' sea' cóo' gui jalé' júu' e café' i dsea' i café' cuaiñ' quiá' Fidiée' malii' gui eáang'. Jo latí' ie' job' jaa' e guia' dsea' júu' quiá' Fidiée' quiá' jial líng' dsea' do dsee' quiá' dsea' jmigüí' jogui jial iñ' nicár' nífi' quiá' lajaang' lajaang' dsea'. Jo latí' ie' job' cuø' bí' yaang' dsea' e nitíiñ' fi' quini' Fidiée'.

17 'Jo eáang'gui ja' huíng' e ní'ling' guóo' uø' jmigüí' e laco'gui ja' niliti' fa' camí' júu' quiá' ta' quiá' Moi'.

Mí' ca'e' Jesús e ja' cuøøng' e nitiúung' rúng' dsea' i nisicúng' guó'

(Mt. 19:1-12; Mr. 10:1-12)

18 Jo mi' cangí' e cajíng' Jesús lajo, jo casí' guir jaléng' i dsea' do jo cajíñ' lala:

—Song jaang' dseañu' catiúuiñ' dseamí' quiá'r' jo nicúng' tur guóor' cóo' jaang'gui dseamí' i jiéng', joba' 'lée'bre jóng' fi' quini' Fidiée', co' dseeb' éer'. Jogui i dseañu' i cúng' guoo' cóo' jaang' dseamí' i catiúung' dseañu' quiá'r', joba' 'lée'bre cajo, co' dseeb' éer' fi' quini' Fidiée'.

Jaang' dseañu' i sea' cuu' cóo' jaang' dseañu' i tiñíng'

19 Jo mi' cangí' e cajíng' Jesús jalé' e júu' na, jo casí' guir jaléng' i dsea' do jo cajíñ' lala:

—Coo' née' caliséng' jaang' dseañu' i sea' cuu' eáang', jo dsíng' jlo' jalé' sí'r' e quier', jogui lacoø' jmii' b' jmáng' jmii' 'ñia'r'. 20 Jogui cajo seeng' jaang' dseañu' dsea' dsée' i sií' Lázaro i tiñíng' eáang' i líng' 'mi' latøøng'. Jo lacoø' jmii' gua' i dsea' dsée' do fi' o'nú' quiá' i dsea' sea' cuu' do 21 e güijer' fa' niñiñ' nidø'r' jalé' e sojiá' 'ni' mes' quiá' i dsea' sea' cuu' do lajee' guiiñ' e gø'r'; jo jiguí' jaléng' dsii' dsilíng'ne' e 'lu're' lacaang' lí' lí' 'mi' quiá' i dsea' dsée' do. 22 Jo coo' mi' caguié' jmii' e cajúm' i dsea' dsée' do, jo casíng' Fidiée' jaléng' ángeles quiá'r' jo catø' reiñ' do fi' lí' guíng' Abraham fi' ñifí'. Jo jo' huøø' ngó' mi' cajúng' Lázaro jo cajúm' i dsea' sea' cuu' do cajo. Jo jaléng' dsea' rúíñ' cangojéng' neiñ' do fi' codsii' jo ca'áam' breiñ' do.

23 'Jo mi' cajné' dsíí' i dsea' sea' cuu' do fi' jmigüí' coo', joba' fi' lí' 'lib' ni'iuuiñ' jóng, jo nicár' jalé' iihuí'. Jo lajee' jo caséer' nir' fi' yú' jo cangaiñ' Abraham cóo' Lázaro e neáaiñ' do colíng' fi' ñifí'. 24 Joba' canaang' i dsea' sea' cuu' do áíñ' i dsea' do jo casí' reiñ': "Tea' Abraham, fi' güilín' jnea' jo síng'go Lázaro fa' nicuó'r' jnea' capí' jmii', co' nili'lea' nisi'i, co' dsíng' quíee' iihuí' e fi' ní' jì' la." 25 Joba' cañi' Abraham

quíá' i dseá sea` cuu` do jo casí'`reíñ': "Jóo`o, téé' o', eáam' juguíá` cateaang` 'nà' fí' jmígúí', jógui Lázaro eáam' cangár` iihuú' lajee` jo. Jo lanaguíba' niní' Lázaro juguíá`, dsu' 'nà' nabi nicatí' í' e nimó'` jalé' iihuú'. ²⁶ Jógui jíí'` jaang` jneaa`aa' ja` cuóong` ngíing`naa' lacataang` cataang`, co' coo' 'ni' e a' eáam' lí' jee` laco' teáang`na' jógui laco' néé' jnea'^, jo ja` cuóong` fa' i dseá` neáang` la ningíñ' fí' na o'gui i dseá` teáang` na cuóong` jalíñ' fí' la."

²⁷⁻²⁸ Joba' cañí' i dseá sea` cuu` do quiá'` Abraham jo casí'`reíñ': "Su ja` jíé' o', Teaa` Abraham, fa' niguiéen` Lázaro fí' jmígúí' fí' lí' neáang` 'ñíing` rún`n dseá` ngáang` cóo'`o e nidsijméé'`reíñ' júu` jial niteáíñ' fí' jmígúí', jo lajoba' nitíñ' fí' lí' guiá' mĩ' nijúuín', jo ja` nijalíñ' fí' lí' iuun` lana e quíee` jalé' iihuú'." ²⁹ Joba' cañí' Abraham quiá'` i dseá sea` cuu` do jo casí'`reíñ': "Dob sea` jalé' jì' lí' fé' jalé' júu` quiá'` Moi` cóo'`gui jalé' júu` quiá'` jaléng` dseá` i café'` cuaiñ` quiá'` Fidiéé` malí'gui eáang`, jo gúijmitir` jalé' e jo." ³⁰ Jo cañí' tu i dseá sea` cuu` do jo casí'`r` Abraham: "Lajob lí', Teaa` Abraham. Dsu' eáang`gui ja` huíng` niquí'` nijíng` yaaiñ` fí' quini` Fidiéé` fíng song caguiéng` jaang` 'lí' jo niguiár` júu` e` jalé' iihuú' e cá' dseá' fí' la." ³¹ Joba' cañí' tu Abraham quiá'` i dseá sea` cuu` do jo casí'`reíñ': "Song ja` jí' r` o'gui já'` líñ' jalé' júu` quiá'` Moi` cóo'`gui jalé' júu` quiá'` jaléng` dseá` i café'` cuaiñ` quiá'` Fidiéé` malí'gui eáang`, joba' lajob ja` nilíjír` o'gui já'` nilíñ' cajo nañí' fa' jaang` 'lí' nijí' r` jo niguieng` tur fí' jmígúí' calé'` catú'`."

17

*Jial dseáang` e nijiúng` dseá' fí' ni` dsee`
(Mt. 18:6-7, 21-22; Mr. 9:42)*

¹ Coo` néé'` cajíng` Jesús casí'`r` jaléng` dseá` quiá'`r`:

—Contøom` nilísea` jalé' e sea` fí' jmígúí' e nijmé' e nijiúng` dseá' fí' ni` dsee`, jo dsu' e ngí' fí' i dseá` i nijmé' e niténg` jaang`gui dseá` rúíñ' fí' ni` dsee`. ² Jo i dseá` i nijmé' lajo, guiá'gui ni'uíng` quiá'`r` e ni'ñá' dseá' fí' moluur` coo` cuu` fé' jo nidsibíñ' fí' é'` jmíñí' e laco'gui e nijmér` e niténg` fí' ni` dsee` jaang` dseá` i ja` mí' ngóo' eáang` já'` líng` júu` quié' e. ³ Joba' dsíng` 'né' ñíing` óo'na' cóo'` jalé' e jmoo'na'. Jo song jaang` dseá` rúng`na' ca'éer` dsee`, joba' sí'na'r e ja` dseeng` e jmér` lajo. Jógui song caquí'` jíng` 'ñia'r` fí' quini` Fidiéé` uí' e dsee` do, joba' íng`na' dsee` uii` quiá'`r` jóng. ⁴ Jo doñí' fa' ca'léer` quií'na' guié'` néé'` lajee` coo` jmíñ', jógui guié'` néé'` cajár` cajasí'`r` 'nà': "Íng` dsee` uii` quié' e quiá'` jalé' e nicajmeáan`n 'nà', dsu' lana jo` nijmee`guí', joba' 'ná' 'né' íim`ba' dsee` uii` quiá'`r` lacoo` néé'` e já'`r` jamí'`r` 'ná'` jmí'ee'.

Jial 'gøng` mĩ' já'` líng` dseá' jalé'` júu` quiá'` Fidiéé`

⁵ Jo mĩ' cangí' jo, cajíng` i dseá` guitúng` do casí'`r` Jesús:

—Jmee` e já'` nilíng`guí' jalé'` júu` quií'`.

⁶ Joba' cañí' Jesús casí'`r` i dseá` quiá'`r` do:

—U, fa' cóo'` capí'`ba' e já'` líng`na' júu` quié' e, joba' cuóom` nifí'na' e 'ma' fé'` si'` la e niráang` 'ñia'` catí'` jmó'` jo nidsisíng` 'ñia'` fí' ni` jmíñí', jo dsifí' lajob nilítí` jalé' e ta` e niquíá'na' do.

E` jalé' e catíng` e nijmé' jaang` dseá' 'léeng`

⁷ Jo mĩ' cangí' jo, jo cajíng`gui Jesús e júu` la:

—Fa' 'ná' seeng` jaang` dseá' 'léeng` quií'na' i jmóo' jalé' ta` caluu` cóo'` jalé' ta` sinúu` quií'na', jo lacoo` jmíñ' mĩ' niniúíñ' ta` jí' osi ta` ní' gúitá' é, ja` nitøø`na'r e ni'í'` nidø'r` cóo'` 'ná', ⁸ co' niquíá'na're ta` jo nifí'na'r: "Guiá' guiá' e nidøø'`ø jo ningín' fí' quinií` jalé' e jo. Jo mĩ' níngí' jógui'ba' ni'u'` nicø'` 'nà' uø'." ⁹ Jo mĩ' cató' e jmóor` jalé' e jo, ja` ngííñ' gui'máang` quiá'` fíir, co' jíí' do ta` quiá'`bre. ¹⁰ Jo lajob catíng` nijméé'` 'ná' cajo mĩ' níngí' e jmití'na' jalé' ta` quiá'` Fidiéé', co' 'né' fo'na': "Jíí' dseá' 'léeng`

lí' jnea', co' ja` caquí'~naa' jmi~ e nijmó'naa' lí'gui, co' lico' nicajmó'naa' jí'~ laco' catíim~baa'."

Mi~ cajmi'leáng~ Jesús guíng~ dsea` i lúng' jmohu' 'li'`

11 Jo mi~ cangí jo, lajee` iuung~ Jesús fí' e ngóor' fí' Jerusalén, cangíiñ' jee~ uó~ lí' iáng' Samaria cóo' Galilea. 12 Jo mi~ cangíiñ' cóo' 'ni' fí', job ca'uóøng` guíng~ dsea` dsée' i lúng' jmohu' 'li'` fí' ngúu' táang`. Jo mi~ cangíiñ' Jesús, huíib~ cajer' e áiñ' dsea` do 13 jo casí'r~:

—iTifa' Jesús, fí' güilín' jnea' e lí'naa' lala!

14 Jo mi~ canúu~ Jesús e tó' i dsea` do, dsifí' ladob casí'~reiñ':

—Güilíng'na' güijeaang~ yaang'na' fí' quini~ jmidsea` lí' laco' ta~ quiu' fí' ni~ jí' quiá'~ Moi~.

Jo dsifí' ladob caquing'~ laji' guíng~ i dsea` dsée' do e nijmitir~ laji'~ ta~ caqui' Jesús. Jo lajee` teáiñ' fí', ladob ca'láaiñ~ laji'~ jmohu' e líiñ' do. 15 Jo dsifí' mi~ calilí' jaang` i dsea` dsée' do e ca'láaiñ~, dsifí' lajob caquing'~ tur fí' lí' sing' Jesús jo canaiñ' jmfíeñ' Fidiée' e ngocáng` dsíir'. 16 Jogui casí'r' uó' jnir~ fí' quini~ Jesús, jo catúuiñ' car` cajnúu~ nir~ tí' ni~ uó~, jo lajob cacuø'r' guí'máang' dsea` do e cajmi'leáng~ neiñ'. Jo i dseañu' do seeiñ' fí' Samaria, dsea` i 'ní' níng~ rúng' cóo' dsea` Israel. 17 Joba' cajíng'~ Jesús casí'r~ i dseañu' do:

—¿Su o' guíng~ 'nú' tí'na' dsea` ca'láang~na' laji'~ jmohu' e lami~ lúng'na'? Jo ¿jnang` guí' i níng~ guí' do? 18 ¿Su jí'~ 'nub` dsea` seen' fí' Samaria dsea` cañijmiféng' Fidiée' dsea` guíng~ nífi'?

19 Joba' cajíng'~ Jesús casí'~guir i dsea` do:

—Ráan'~ jo guóng' fí' quiá'~, co' nica'láam~ba' laji'~ jmohu' e lami~ lin', co' jáb'~ calín'~ laji'~ júu'~ quié'~ e.

Jial mi~ nijáa'tu Dsea` Jmáang~ fí' jmigü' la

(Mt. 24:23-28, 36-41)

20 Jo cajmingü'tu dsea` Israel i lúng' dsea` fariseo cajmingí'r~ Jesús jo cajíñ'~:

—¿Lí' nináng' e nicá' Fidiée' nífi' quiá'~ jaléng' dsea` jmigü'?

Joba' cañi' Jesús quiá'~ i dsea` do jo casí'~reiñ':

—Mi~ nináng' e jo jee~ jaléng' dsea` jmigü', ja' lí' la lí' cóo' e cuóøng` lí' jóø'na'; 21 o'gui cuóøng` nijíng'~ dsea': "Lab canaang'", o'si "Dob canaang' é"; co' latí' lanab ninaang' e quié' Fidiée' nífi' jee~ 'nú'.

22 Jogui canaang' Jesús s'í'r' jaléng' i dsea` quiá'r~ do jo cajíñ'~:

—Niguiéé' jmi~ mi~ nili'ing~na' e nimáang~gui' jnea~, dsea` i jáa' fí' nífi' e lín'n jaang` dsea` jmigü', jo dsu' jo' quí'~ jmi~ fa' e nimáang~gui' jnea~, co' jo' seen~ fí' jmigü' la ie~ jo. 23 Jogui fíng' dsea` nijmigóor' jo nijíñ'~: "Fí' lab táaiñ'", o'si: "Fí' dob táaiñ' é", dsu' ja' já' güilíng'na', o'gui güilíng~na' fí' lí' nitó'r' 'nú'. 24 Dsaco' la jnéeng~ fí' yú' jmigü' mi~ jmijneá' güi'niá' jre', lajob nilí' mi~ nigáa'túu' fí' jmigü' la, jnea~ dsea` lín'n jaang` dsea` jmigü' i jáa' fí' nífi'. 25 Jo dsu' ná'~gui e nidsijéé' jalé' e jo, 'né' nicaa~ jalé' iihuí', jo fím' dsea` jmigü' nilí' 'ní' níñ'~ jnea~. 26 Jo laco' calí' mi~ cateáang' Noé fí' jmigü' la malí'gui eáang', lajob nijmé' dsea` jmigü' cajo lajee' ná'~gui e nigáa' jnea~ calé' catú' fí' jmigü', jnea~ dsea` lín'n jaang` dsea` jmigü' i jáa' fí' nífi'. 27 Co' ie~ jo cajmée' dsea' e jo' e guíng~ dsíir' e jié', co' lico' guíng~ dsíir' quiá'~ jí'~ e ní'~ nidó'~bre jogui quiá'~ e nicúng'~ guó' jóor'; jo lajob cajméer' cartí' mi~ caqui' Fidiée' ta~ quiá'~ Noé e ní'í'r' cóo' dsea` sinúu' quiá'r~ fí' dsí' e móo' e nicajme'r' do. Jo lajee' jo catí' í' e tuu' jmi' jo ca'á' jmi' la'úng' fí' jmigü', jo jalém' dsea` jmigü' cajúñ'~ ie~ jo. Jo dseáng'~ jí'~ Noé cóo' dsea` sinúu' quiá'~bre caláaiñ'~ ie~ jo. 28 Jo lajob cajmée' dsea' cajo mi~ cateáang' jaang` i calisí' Lot fí' jmigü' la; jo ee' guíng~ dsíir' e jié', co' lico' guíng~ dsíir' jí'~ e ní'~ nidó'~bre cajo, jogui e teáiñ'~ ta~ 'ní' jogui ta~ láa' jalé' e sea' fí' jmigü', jogui jmóor' ta~ jní' jalé' e sea' jogui ta~ jmo' jalé' 'núu' e jlo' cajo. 29 Jo coob' mi~ caqui' Fidiée' ta~ e cagü'í' Lot fí' fí' Sodomá,

jo jm̄i job cajméer e cajiá' j̄i e quiéng` azufre fí yá' jm̄igüü, jo lajoba' ca'ím̄ conguaí' lajaléng' i dsea i neáng' fí f̄i Sodomá ie~ jo. ³⁰ Jo laco' cajmée' dsea' ie~ jo, lajob nijmé-tu dsea' jm̄igüü mi' tí' lí~ nijaquíéng' e nigáa'túu fí jm̄igüü la, jnea dsea' lín'n jaang' dsea' jm̄igüü i jaa' fí ñifí'.

³¹ Jo mi' niguiéé' e jm̄i jo, i dsea i taang' fí caluu' osi fí yá' 'nú' é, øng-gui quiá'r- güicuü' bre jo ja' güi'f' dsír' fa' e niqumiñ' e nidsi'uøø'r- jalé' e sea' quiá'r-. Jogui i dsea i táang' fí lí~ jmóor ta~ quiá'r-, øng-gui quiá'r- güicuü' bre jo ja' güi'f' dsír' fa' e nidséng'-guir fí quiá'r-. ³² Jo téé' ó'na' jial cangongáng' dseam' quiá'- Lot mi' cajøø'r- jial sojiá' j̄i jee' f̄i Sodomá. ³³ Jo jaléng' dsea i líng- e qui' bre jm̄i e nileáng- yaaiñ~, joba' íbing' i nijúung- mi' nití- í' lajo. Jogui jaléng' dsea i lí' e ja' qui'r- jm̄i e nileáng- yaaiñ~, joba' íbing' nitíng' fí quini' Fidiéé' mi' nití- í' lajo.

³⁴ Joba' f̄i i 'nú' lana, mi' niguiéé' e oor~ jo, gáng- dsea' teiñ' jmi'íñ' fí ni' co'ma; jo jaaiñ' do nijér-, jogui jaang'guir nidséiñ'- cóo' jnea' fí ñifí'. ³⁵ Jo gáng- dseam' i teáng' dsí colíng-; jaaiñ' do nijér-, jogui i jaang'gui do nidséiñ'- cóo' jnea'. ³⁶ Jo gáng- dseañu' taaiñ~ colíng- e jmóor ta~ quiá'r-; jaaiñ' do nijér-, jogui i jaang'gui do nidséiñ'- cóo' jnea'.

³⁷ Jo mi' canúu- jaléng' i dsea' do e cajíng'- Jesús lado, joba' cajmingi'r- dsea' do lala:

—Fí'i, ¿jie' fí lí~ nidsijéé' jalé' e jo, faa'aa'?

Joba' cañi' Jesús quiá'- jaléng' i dsea' do jo cajíñ'-:

—Jié' lí' rōo' ngúu' jmé', fí job lí' niseáng' jaléng' tujlí'.

18

Mi' ca'e' Jesús quiá'- jaang' dseam' i 'nú'

¹ Jo mi' cang' jo, canaang' Jesús e'r' jaléng' i dsea' do cóo' júu' já'- e lafa' júu' cuento, jo ca'e'reiñ' e 'né' féiñ' Fidiéé' contøøng- e ngocáng' dsír', ² jo lalab casí'r-:

—Coo' née' caliséng' jaang' dsea i quidsí' í' fí cóo' f̄i, jo i dsea' do ja' ee' jmiféiñ' Fidiéé' j̄i' capí' o'gui jmi'gór' jaléng' dsea' rúñ'. ³ Jo fí job niseeng' jaang' dseam' i 'nú-, jo ninicajméer' má' cóo' jaang' dsea' góor'. Joba' i dseam' do contøøm- dséer' fí quiá'- i dsea' i quidsí' í' do e dsimá' reiñ' fa' e niquidsiñ' do í' laj̄i' e lí' seeiñ'. ⁴ Jo huøøb- jiu cangocá' ja' ee' jmijíi- i dsea' i quidsí' í' do laj̄i' júu' quiá'- i dseam' do, jo dsu' coob' mi' ca'f' dsír': “Ja' iing~ jnea' jmifén'n Fidiéé' o'gui jmi'goo- j̄i' jaang' dsea' jm̄igüü, ⁵ dsu' ná'-gui e niguiá' féng' dsii- cóo' i dseam' 'nú' la, nijmi'øm' baar e laco' jo' ningí' guir ta~ jmiguíng- jnea' laco' jm̄i.”

⁶ Jo mi' calí- e cajíng'- Jesús e júu' na, jo casí'r- jaléng' i dsea' do jo cajíñ'-:

—Lanab j̄i' lí' e cajíng'- i dsea' i ja' quidsí' í' laco' catíng- do. ⁷ Jo dsu' eáng'gui jmi'øng' Fidiéé' jaléng' dsea' quiá'r- i féng' ír' uøø' jm̄i. ⁸ Co' f̄i i 'nú' e ja' nijmi'ñiñ~ laj̄i' jmi'ee' e nilimí'r'. Dsu' mi' nigáa'tu jnea' calé' catú-, jnea' dsea' lín'n jaang' dsea' jm̄igüü i jaa' fí ñifí', ne~duu' su niguiéng'guí cóo' tú- m̄ing' dsea' i já'- líng' júu' quié-e.

Mi' ca'e' Jesús júu' quiá'- jaang' dsea' fariseo cóo' jaang' nodsicuu'

⁹ Jo mi' cang' jo, ca'e'gui Jesús cóo'gui júu' e catíng- jaléng' i dsea' i jmóo' ta~ jmicøøng' yaang~ jogui e gøøm' níñ- dsea' caguiaang-, jo lalab casí'r- i dsea' í':

¹⁰ —Coo' née' cangolíng- gáng- dseañu' e cangoféiñ' Fidiéé' fí guá': jo jaaiñ' do líñ' dsea' Israel i líng' dsea' fariseo, jo i jaang' do jmóor ta~ mí' cuu- e catíng- dseata~ seeng' fí Roma. ¹¹ Jo laco' sim' i dsea' Israel i líng' dsea' fariseo do mi' canaañ' fé'r' fa' quiá'r- jo cajíñ'- lala: “Fidiéé' qui' ii', gui'máam' ba' 'leáng- co' ja' líng' jnea' laco' líng' dsea' caguiaang-; co' seeng' dsea' i jmóo' i jogui seeng' dsea' i soo' dsí' jogui seeng' dsea' i ngí' 'léé' e güñiñ' cóo' dseañu' osi dseam' i o' quiá'r-. Jogui ja' lín'n j̄i' capí' laco' líng' 'ná' nodsicuu- i sing' do. ¹² Co' jnea' jmóo' ayuno tú- née' laco' seamaan~, jogui cuøø' baa' 'nú' laj̄i' e sea' jiu quié-e laco'gui ta' hu' fí ni' j̄i' quiá'- Moi'.” ¹³ Jo lajee' fé' i

dsea` Israel i líng' dsea` fariseo do lado, huím` jiá caje' i nodsicuu` do, jo ja` cateá- dsír' fa' caséer` nir` fí' yá'^, jo lico' catú' gui`bre jo canaaín' quiáur` nidsír' jo lajee` jo fé'r': "¡Fíi' Fidiéé` dsea` guin'~ ñifí', íng' dsee- uii~ quié-e, co' dsea` dsee- dsea` quib' lín'n!"

14 Jo lalab cajíng' gui Jesús:

—Lala fíi` i 'nú' e iáam` dsíi' i nodsicuu` do mi~ cangáin'~ fí' quiá'r-, co' nica'ím- Fidiéé` dsee- quiá'r-, jo dsu' ja` ca'íng` re'r dsee- quiá'- i dsea` fariseo do. Jo lajob nidsing'ing- jaléng' dsea` i jmicøøng'~ yaang~, co' í'bing' i nicá' fí'i', jo dsu' jaléng' dsea` i ja` jmicøøng'~ yaang~ jii~ capí'^, í'bing' i nilíniing`-gui fí' quini` Fidiéé` mi~ nití- í' lajo.

Mi~ cajmigüeang` Jesús jaléng' jiuung`

(Mt. 19:13-15; Mr. 10:13-16)

15 Jo mi~ cangá jo, fíing' dsea` caguilíin` e jéeiñ` jaléng' jiuung~ quiá'r- fí' lí- táang` Jesús e iin~ e nijmigüeang` dsea` do jaléng' i jiuung~ do. Jo mi~ cangá- i dsea` guitúung` do e jmóo` dsea` lajo, joba' canaaín' 'gaam`bre quiá'- jaléng' i sejmií i jiuung~ do. 16 Jo dsu' dsifí' ladob catø' Jesús jaléng' i dsea` quiá'r- do jo casí'-reiñ':

—Cuøø`na' fí' jaléng' i jiuung~ na güijalíin` fí' la, jo ja` jnñing`na' quiá'r-. Dsaco' jaléng' dsea` i líng' laco' la líng' i jiuung~ na, í'bing' i catíng` e Fidiéé` quié' nifí' quiá'r-. 17 Jo jnea~ jmitaa- óo`na' e dseáng'- ii` i ja` iing~ ni'íng' e Fidiéé` nicár` nifí' quiá'r- laco'gui íng' jaang` jiuung~, joba' ja` toø` jmñ~ e ni'íng' Fidiéé` dsea` do cajo.

Mi~ casñng` Jesús cóo` jaang` dseañu` i sea` cuu`

(Mt. 19:16-30; Mr. 10:17-31)

18 Jo mi~ cangá jo, cangoquiéeng' fí' lí- táang` Jesús jaang` dseañu` i líng' jaang` fí' quiá'- jaléng' dsea` i née' ni` guá'- quiá'- dsea` Israel, jo cajmingí'r- dsea` do jo cajíin`-:

—Tífa' i guíá- dsíi', ¿e~ 'né- nijmee- e laco' nilí' i e niliseen- cøøng` cóo` Fidiéé` car` ngongñ` jmñ~?

19 Joba' cañí' Jesús quiá'- i dseañu` do jo casí'-reiñ':

—¿Jialí' fí' jnea~ e guíá- dsii'? Co' jii~ Fidiéeb` dsea` guing~ ñifí'-bing' i líng' lajo. 20 Jo niñib` 'nu` jalé' júu^ quiá' ta~ quiá'- Fidiéé` e fé' lala: "Ja` 'lee' e güín' cóo` dseamí` osi dseañu` i o' quií'-; ja` jngán' dsea` rún'; ja` jmée'^ ii; ja` cá'^ júu^ e o' já'-; joguá jmi'goo` tiquíi'^ cóo` niquíi'^."

21 Jo dsifí' ladob cañí' i dseañu` do quiá'- Jesús jo casí'r- dsea` do:

—Lajaléb' e jo nicajmé- e núu'^u latí' jii~ mi~ simim`baa.

22 Jo mi~ canúu- Jesús e cajíng'- i dseañu` do lado, jo dsifí' ladob cañí'tur quiáin' do jo casí'-reiñ':

—Coo`gui 'né- e nijmití': guóng' fí' quií'- jo güi'nñ~ lajalé' e sea` quií'-, jo e nilí' quiá'- e jo güijmee- guíeé` jee~ jaléng' dsea` tiñíng-, jo joguiba' nilisea` juguía- quií'- mi~ nití' fí' jmigüí` coø. Jo mi~ calí- e nijmé'^ lajo, joguiba' niñi' jo dsé'ee' cóo` jnea~ jóng.

23 Dsu' mi~ canúu- i dseañu` do e cajíng'- Jesús lado, dsíng'- calí- jiuung~ dsír', co' dsíng'- sea` cuu- quiá'r-. 24 Jo mi~ cangá- Jesús e calí- jiuung~ dsíi' i dseañu` do dsu' canúur- lado, joba' dsifí' ladob casí'r- jaléng' i dsea` i teáng- do jo cajíin`-:

—¡Dsíng'- huíng' lí' quiá'- jaléng' dsea` sea` cuu- e nijáng' yaain` fí' jaguó` Fidiéé` e laco' dsea` do nicá' nifí' quiá'r-! 25 Jo eáang'gui ja` huíng' e jaang` jó' camello ningíng`ne' fí' dsíi' too` jmini` mocuu- e laco'gui jaang` dsea` sea` cuu- nijáng' 'ñia'r' fí' jaguó` Fidiéé` e laco' dsea` do nicá' nifí' quiá'r-.

26 Jo mi~ canúu- jaléng' i dsea` i teáng- do e cajíng'- Jesús lado, dsifí' ladob cajmingí'r' dsea` do jo cajíin`-:

—Jo ¿i~ jaléng' i nitíng'~ fí' quini` Fidiéé` jóng song lajobi nilí'?

27 Joba' cañí' Jesús quiá'- jaléng' i dsea` do jo casí'-reiñ':

—Jalé' e ja` quíi~ dsea` jmigüí` jmñ~ nijmér-, lajib` cuøøng` lí' jmé- Fidiéé` dsea` guing~ ñifí'-.

28 Jo mi~ canúu~ i Tú^ Simón do e cajíng' Jesús lado, jo dsifí' ladob casí'r~ dsea` do jo cajíñ'~:

—Fíi'i, jnea'^, dsea` ngí'naa' contøøng~ cóo'~ 'næ', nicatú'baa' lajalé' e sea` quí'naa', co' ii~naa' e ngí'naa' cóo'~ 'næ' latab~.

29 Joba' cañíi' Jesús quiá'~ i Tú^ Simón do jo casí'~reñ':

—E já'~ e fíi'~i 'ná', doñí' ii' 'ná' catúu'na' 'ná'na', osi ca'naang'na' quiá'~ tiquíi'na' osi niquíi'na' osi jaléng' rúng'na' osi dseamí' quíi'na' osi jaléng' jóo'na' é dsu' uíi' e nicajáang'~ yaang'na' fí' jaguó' Fidié' e laco' quier' nifí' quí'na', jo ii' dsea` i nijmé~ lajo, 30 í'bing' i niñíng' jalé' e 'né' fí' jmígüi' la; jo mi~ nití' fí' jmígüi' cóo', niñíiñ' e niliseeiñ' cøøng' cóo'~ dsea` do lata~.

Mi~ cajmée tu Jesús júu^ e nijngáng'~ dsea` ír'

(Mt. 20:17-19; Mr. 10:32-34)

31 Jo mi~ cangí' jo, lajee' iuung~ Jesús fí' e ngóor' fí' Jerusalén cóo'~ jaléng' dsea` i ngolíng~ cóo'r~, jo lajee' jo co' cató'~bre i dsea` guitúung' quiá'r~ do jo casí'~reñ':

—Lana ningóo' fí' Jerusalén fí' lí' nilítí~ jalé' júu^ e cajíng'~ uii' quíe~ e jaléng' i dsea` i café' cuaiñ~ quiá'~ Fidié' mali'gui eáang', jnea~ dsea` gáa'a fí' ñífi' e lán'n jaang' dsea` jmígüi'. 32 Jo fí' job lí' nijáng' jaléng' dsea` góo'naa' jnea~ fí' jaguó' jaléng' dsea` i ja' cuíng' Fidié'. Jo jaléng' i dsea` í' nilóøiñ~ jnea~ jogui nijmineaiñ'^ jnea~ jogui ni'ñíñ~ jnea~ 33 jo nijmihuñíñ~ jnea~ la tí' e já' dsíir' cartí' nijngáiñ'~ jnea~; jo dsu' mi~ nití' 'ní' jmíi~ lajo e nijngáng'~ dsea` do jnea~, joba' nijíb'túu calé' catú'.

34 Jo mi~ canúu~ i dsea` guitúung' do e cajíng'~ Jesús lado, jíi'~ camí'^ júu^ ja' cangáiñ' o'gui ñir' e~ uuing~ quiá'~ e café' dsea` do lado.

Mi~ cajmi'leáang~ Jesús jaang' dsea` tiuung~ fí' Jericó

(Mt. 20:29-34; Mr. 10:46-52)

35 Jo mi~ cangí' e casíng~ Jesús cóo'~ i dsea` guitúung' do, catam'~tur fí' teáaiñ'~ jo caguiliñ~ quiá'~ cóo' fíi' lí' sii' Jericó. Jo 'ní' fí' niguiing~ jaang' dsea` tiuung~ e mir' jalé' e 'né' cóo'~ jaléng' dsea` i ngíng' e fí' lí' guiiñ~ do. 36 Jo mi~ canúu~ i dsea` tiuung~ do e dsíng'~ fíng' dsea` guijalíng~ fí' lí' guiiñ~, jo cajmingí'r~ i dsea` i ngíng' quiá'~ do e~gui' calí' e jalíng~ fíng' dsea'. 37 Joba' cajme' dsea` júu^ i dsea` tiuung~ do e Jesús dsea` seeng' fí' Nazaret gui'ná'^ ngíiñ' fí' do cóo'~ dsea` quiá'r~. 38 Jo mi~ canúu~ i dsea` tiuung~ do lado, jo canaaiñ' áiñ' Jesús jo casí'r~ dsea` do:

—Jesús, siju' dseata~ Daví'^, fíi'~ güilín' jnea~!

39 Jo dsu' mi~ canúu~ i dsea` ngolíng~ nifí' do e canaang' i dsea` tiuung~ do e áiñ' Jesús, joba' canaaiñ' 'gaam'bre quiáiñ'~ do e laco' jo' nifé' guiiñ' lajo. Jo dsu' i dsea` tiuung~ do lí' lí' teá'gui canaaiñ' ám'bre dsea` do jo fé'tur lala:

—Jesús, siju' dseata~ Daví'^, fíi'~ güilín' jnea~!

40 Jo dsifí' mi~ canúu~ Jesús e tó' i dsea` tiuung~ do, dsifí' ladob cajer', jo caquiur' ta~ e cangotée' dsea` i dsea` tiuung~ do jo cangojéeng'neiñ' tí' quiá'~ lí' sing' Jesús. Jo mi~ caguieiñ'~ do quiá'~, jo cajmingí'r~reñ':

41 —¿E~ iin'~ e nijmee~ e quíi'~?

Joba' cañíi' i dsea` tiuung~ do jo casí'r~ Jesús:

—Fíi'i, iin'~ e nijmée'^ e nilijné'^baa.

42 Joba' cañíi' Jesús casí'r~ i dsea` tiuung~ do:

—¿Güilijné' jo! Jo nica'láam~ba', co' jáb'~ nicalín'~ júu^ quíe~e.

43 Jo dsifí' lajob calijné' i dsea` tiuung~ do, jo canaaiñ' jmiféiñ' Fidié' lajee' e ngóor' cóo'~ Jesús. Jo jaléng' dsea` i cangá' e cajmée' Jesús ie~ jo, cajmifém'bre Fidié' cajo.

19

Jesús cóo'~ jaang' nodsicuu~ i sii' Zaqueo

1 Jo mi~ cangî jo, caguiéb- Jesús fí Jericó. Jo mi~ cangíiñ' jee~ fiñ, dsíng' fíng' dsea` caseáin'. 2 Jo e fí jo niseeng' jaang' fi~ jaléng' nodsicuu- i sii' Zaqueo i sea` cuu- eáang', 3 jogui eáam' iin~ do nijmicuíñ' Jesús, dsu' ja' lí'r' niníiñ- dsea` do co' dsíng' fíng' dsea` caseáin' ie~ jo, jogui Zaqueo líiñ' jaang' dseañu' i ja' 'ga' lí' féng'. 4 Jo mi~ calilí'r^ e ja' tñiñ- fa' niníiñ- Jesús, jo cangojéem' bre quiá'- jaléng' i dsea` do, jo cajgóor- fí coo` yá'^ 'ma' e sii' sicómoro, co' calilí'r^ e fí job cuóøng' niníiñ- dsea` do. 5 Jo jo` huóø- lí'hi~ cangíng' Jesús uii~ e 'ma' lí' dsíng- Zaqueo do, jo cajóøng- neiñ' do lí' dsíiñ'- jo casí'- reiñ':

—Jminá- güíng' lí' dsíin'^ na, Zaqueo, co' lana 'né- nijaa- fí quií'-.

6 Jo mi~ canúu- Zaqueo lajo, guiáb- jmóor', jo dsifí' ladob cajgáin~ e cango'íiñ' Jesús, jo colíim~ cangáin'- cóo~ dsea` do fí quiá'r-. 7 Jo mi~ cangá- jaléng' dsea` e cangó- Jesús fí quiá'- i nodsicuu- i sii' Zaqueo do, dsifí' lajo canaaiñ' éeiñ' Jesús, jo fé'r' e dsea` do cangojer~ fí quiá'- jaang' dsea` i røøng' dsee- eáang'. 8 Jo mi~ nineáaiñ' fí quiá'- Zaqueo, lalab cajíñ'- do casí'r- Fíi'naa' Jesús:

—Janú', Fíi', lana nicuó^ø jaléng' dsea` tiñíng- condseá'- jalé' e sea` quié'-e, jo quiá'- lajaang' lajaang' dsea` i nicajmé'-e ñi~ quiá'-, lana nijáa~ are quiú' 'lé'gui laco' jii~ e nicacá-a quiá'r- do.

9 Jo mi~ canúu- Jesús lajo, lalab casí'r- dsea` do:

—Jmí~ na niseeng' dsea` e fí dsí' sinúu~ la i nicaláang- jee~ jalé' dsee- quiá'-, co' i dseañu' na nicajmilir~ e líim'bre siju~ 'líi~ yáa~ Abraham cajo. 10 Co' jnea~, dsea` i jáa' fí ñiff- e lín'n jaang' dsea` jmigüí, cagá-a e lí' laco' caga'nén'n jogui e cagaleaan^ jaléng' dsea` i røøng' dsee- fí quini~ Fidié~.

Mi~ ca'e' Jesús e ta' e cajmée` dsea` cóo~ cuu- quiá'- dseata~

11 Jo mi~ cangî jo, lajee~ iuung- Jesús fí e ngóor' cóo~ dsea` quiá'r- fí Jerusalén, jo ca'e'r' jaléng' dsea` do coo` júu^ já'- e lafa' júu^ cuento, dsuco' nijaquíéem' e niguillíiñ- fí Jerusalén, jo fí job í dsí' jaléng' dsea` e Jesús niquiá'r- ta~ jee~ jaléng' dsea` góor' dsea` Israel lí' laco'gui la jmóo' jaang' dseata~ dsea` féng' i seeng' fí jmigüí la. 12 Jo lalab casí'r- jaléng' i dsea` do:

—Coo` née~ caliséng' jaang' dsea` 'goo', jo cali'íiñ~ e nilíiñ- dseata~ dsea` féng' fí coo` fiñ lí' huíí'. Jo mi~ ca'íiñ' e ta~ do, 'né- niquim'- tur fí góor', co' fí job lí' nilíiñ- dseata~ dsea` féng'. 13 Dsu' nú'- gui e nigüi'íir' lí' nidsi'íiñ' e ta~ do, cató'r- güíng- dsea` 'léeng' quiá'r-, jo cacuø'reiñ' do jmá'- có' cuu- e 'mo'^ eáang' lajaang' lajaaíñ' jo cajíñ'- casí'-reiñ': “Jmee-na' ta~ cóo~ e cuu- la lajee~ ninii~ i jo cartí' nigüeáang' túu.” 14 Jo dsu' jaléng' dsea` góo' i dseata~ dsea` féng' do ja' iin~ e nilíiñ'- do e ta~ jo, co' dsíng' 'ní' níng- neiñ', joba' casíiñ' do nifí'gui tú- 'ní' máng' dsea` i caguijmée' júu^ i dsea` nija'- ta~ do e ja' jii'r~ i dsea` góor' do fa' e i do nilíng- dseata~ dsea` féng' quiá'r-.

15 'Jo dsu' ja' lí' cacóng', co' calím- i dsea` do dseata~ dsea` féng' lajii~ laco' ta~ cahuí'. Jo mi~ cangoyúung' jo, cangám'- tur fí góor'. Jo mi~ caguiéiñ'- fí quiá'r-, jo caquiur' ta~ e calité'^ i dsea` güíng- i cacuø'r' cuu- do lami~ ná'-gui e nigüi'íir' nidsér-, co' cali'íiñ~ e calidseáang' dsír' jial tíí' cuu- nicalíiñ'- do lajaang' lajaaíñ'. 16 Jo mi~ caguié- i la'uii~ do, joba' cajíñ'- casí'r- i dseata~ dsea` féng' do: “Fíi', cajmé-baa ta~ cóo~ e cuu- e casee'~ cóo~ jnea~ do, jo nicalí'-baa guí- 'lé'gui e laco' jii~ e casee'~ do.” 17 Joba' cajíng'- i dseata~ dsea` féng' do casí'r- i dsea` 'léeng' quiá'r- do: “Eáam' guiú- lajo, 'nub' jaang' dsea` 'léeng' i guiúng-, co' tím'ba' jmé'^ ta~ cóo~ capí' cuu-, jo lana nicuóø^ø 'nu' e nilíin'- jaang' dseata~ quiá'- guí' fiñ.” 18 Jo mi~ cangî jo, caguié- jaang'gui i dsea` 'léeng' do, jo casí'r- i dseata~ dsea` féng' do jo cajíñ'-: “Fíi', cajmé-baa ta~ cóo~ e cuu- e casee'~ cóo~ jnea~ do, jo lana nicalí'- i 'ñiá' 'lé'gui lajo.” 19 Joba' cañí' i dseata~ dsea` féng' do quiá'- i dsea` 'léeng' quiá'r- do jo casí'-reiñ': “Nicuóø^baa 'nu' e nilíin'- dseata~ quiá'- 'ñiá' fiñ cajo.” 20 Jo mi~ cangî jo, caguié- jaang'gui i dsea` 'léeng' do, jo casí'r- i dseata~ dsea` féng' do jo cajíñ'-: “Fíi', lab quiee~ e cuu- quií'- e casee'~ cóo~ jnea~ do. Ca'meá'baa laco' mi~

ca'íin'~n do, ²¹ co' 'góm'baa 'nə, co' lí' tí' o' e sitíng' jalé' ta' jmóo`dsea`jiém'." ²² Joba' cañíi' i dseata`dsea`féng' do quiá'- i dsea`léeng' quiá'r- do jo casí'-reiñ': "Nəb`jaang`dsea`léeng' i fi' i soo`dsíi', jo lana nijmiti`baa lajii' e nicafée' na. ²³ Song niñi'bi' e sitíin'~n cuu- quiá'- jalé' ta' jmóo`jaléng' dsea`jiéng', joba' jiali' ja`caguite` e cuu- quié- e do fi' banco e laco' sea`ba' e dsí' mi' cagüean'-n?" ²⁴ Joba' caqui' i dseata`dsea`féng' do ta' quiá'- jaléng' i dsea`i teáang- do jo casí'-reiñ': "Gui'na' cuu- e quier' na, jo cuøø'na' i dsea`i quie' jmigui'gui na." ²⁵ Jo mi' canúu- jaléng' i dsea`do e cajíng'- i dseata`dsea`féng' do lado, jo cañíir`lajaléiñ' do jo cajíñ'-: "Fíi'naa', jiali' e i na niñiñ', co' gui'gui cuu- niquier'." ²⁶ Joba' cañíi' i dseata`dsea`féng' do quiá'- i dsea`do jo casí'-reiñ': "Niñib`'nú' e jaléng' dsea`i sea`quiá', jmigui'gui nilisea`quiá'r-; dsu' jaléng' dsea`i ja`sea`quiá'-, conguiab`ni'íng- e capí' e sea`quiá'r'. ²⁷ Jo lana niñijéng`du' jaléng' dsea`i ja`cali'íng- e nilíin'~n dseata`dsea`féng', jo nijngáng'na'r fi' quini- la lana."

Mi' ca'í' Jesús fi' jee' fi' Jerusalén

(Mt. 21:1-11; Mr. 11:1-11; Jn. 12:12-19)

²⁸ Jo mi' cangf e ca'e' Jesús jaléng' i dsea`do e júu`na, joba' ca'ib`tur fi' iuuiñ- e ngóor' fi' Jerusalén. ²⁹ Jo mi' nijaquíéng' e niguiéer' fi' quiá'- coo`fi' e sii' Betania coo'gui fi' e sii' Betfagé, fi' e née' tíi- mó' e sii' Olivos quiá'- fi' Jerusalén, jo fi' job casíiñ`gáng- i dsea`guitúung`quiá'r- do ³⁰ jo cajíñ'- casí'-reiñ':

—Güilíng`du' e fi' e née' quiá'-gui na, jo mi' niguilíng`na' fi' jo, jo nimáang`na' jaang`bú' i sing'`ñúung' i ja`ii' mí' caguá' jii' jaang`. Jo síng'na're' jo ñijéng`na're' fi' la. ³¹ Jo song ii' jming'`nú' jiali' síng'na're', joba' nifi'na'r: "E Fíi'baa' neáng`tear i bú' la lana."

³² Jo mi' cangoyúung' e canúu- i dsea`gáng- do lado, jo cangolíim`bre jóng. Jo mi' caguilíiñ- e fi' do, job caliti`jii' laco' cajíng'- Jesús lamí`jéng`gui do. ³³ Jo lajee' e taaiñ- e si'r lí'`ñúu' quiá'- i bú' do, dob caguilíng`dsea`fi' i jó' do, jo casí'r- i dsea`gáng- do jo cajíñ'-:

—Jiali' síng'na' bú' qui'naa'?

³⁴ Joba' cañíi' i dsea`gáng- do quiá'- i dsea`fi' bú' do jo casí'-reiñ':

—Co' lana neáng`tea Fíi'naa' i bú' la, joba' síng'na're'.

³⁵ Jo catób- i dsea`gáng- do i jó' do, jo casífr`tú- 'ni' si'r`fi' mocóoiñ` do. Jo mi' caguilíiñ`fi' lí' táang`Jesús, mifíng`caguiéem`bre dsea`do. ³⁶ Jo laco' iuung- Jesús fi' e ngóor' fi' Jerusalén, lajaléng' dsea`i ngolíng`cáo'r- do canaaiñ`ni'r`jalé' si'r`guiá' fi' fi' lí' ningíng`dsea`do. ³⁷ Jo mi' canaang`jgáang`lajaléng' i dsea`do fi' dse' mó' Olivos, canaaiñ`ti'aiñ`Fidiée' e íaang`dsíir`jogu' jmiféiñ' dsea`do quiá'- jalé' e quí'`jmí' e nicajméè`dsea`do e dsigá`dsíi' dsea'. ³⁸ Jo jalém' i dsea`do canaaiñ`fé'r`jo cajíñ'-:

—iMajmiféng'naa' i dseata`dsea`féng' i güeang' i jáa' cuaiñ`quiá'- Fidiée'! Jo lana juguiá`jiu quiá'- dsea`fi' ñiff-, jo güijmi'goo`baa' Fidiée' dsea`guiing`fi' jo!

³⁹ Jo mi' canúu- jaléng' dsea`Israel i líng' dsea`fariseo i ngolíng- do e fé' jaléng' i dsea`do lado, joba' casí'r- Jesús lala jo cajíñ'-:

—Tifa', jíng`jaléng' dsea`quí' laco' jo güijmiféng'li'r`nə.

⁴⁰ Dsu' Jesús cañíir`quiá'- i dsea`Israel i líng' dsea`fariseo do jo casí'-reiñ' jo cajíñ'-:

—Lí' jii' laba' lí', co' fíng`song jo`jmiféng' jaléng' i dsea`la jnea~, joba' jalé' cuub`niróo- jóng jo nifé' e jmiféng' jnea~.

⁴¹ Jo malí'`guijiu lajo, mi' caguilíiñ- quiá'- Jerusalén fi' lí' nijnéeng- e fi' jo, jo canaang`Jesús qui'bre uii- quiá'- jaléng' dsea`i neáang`fi' jo ⁴² jo cajíñ'-:

—iFa'jiu e já- líng`nú', dsea`neáang`na' fi' na, jalé' júu`quié-e, joba' latí`lanab jóng niliseeng`na' juguiá- júu`røø`cáo' Fidiée'! Jo dsu' lana ja`qu'`jmí' ningáng`na' jalé' júu`quié-e, co' ja`íing`na' núu`na'. ⁴³ Jo dsu' niguiéeb`jmí' mi' nidsing`ng`na' iihu'`mi' tí' lí' nirí- jaléng' dsea`i 'ní' níng- 'nú' lacúng' lajíng' e fi' la, jo nijmér- mí'`cáo'`nú',

⁴⁴ Jo nijngáin' jaléng' 'ná'. Jo lí' jo, niqur' jalé' 'ná'na' catí' tii' fií, jo jíi' coo' cuu' jo nisér' fa' e sifing' gui e quie' gui eáang' 'ná'na', dsuco' ja' calicuing' na' jnea' e lán'n Dsea' Jmáang' mi' cataan' n jee' 'ná' fi' jmigüí' la.

Mi' ca'uøng' Jesús jaléng' dsea' i jmóo' ta' 'nii' fi' dsí' guá'
(Mt. 21:12-17; Mr. 11:15-19; Jn. 2:13-22)

⁴⁵ Jo mi' cangí' jo, mi' caguié' Jesús fi' Jerusalén, dsifí' ladob ca'ír' fi' dsí' sinúu' guá' quía' dsea' góor' dsea' Israel. Jo mi' cangáin' jaléng' dsea' i teáang' ta' jmóo' 'móo' coo' jalé' e 'nii', jo dsifí' ladob ca'øng' neiñ' ⁴⁶ jo cajín' casí' reiñ':

—Lalab fé' fi' ni' jì quía' Fidié': “E fi' dsí' sinúu' guá' quie' e la íng' ta' e jmiféng' dsea' jneab'”; jo dsu' 'ná' nicajmee' na' lí' cúng' seáng' jaléng' i coo' jalé' e jmoo' na' lana.

⁴⁷ Jo mi' cangí' jo, lacoo' jmiib' dsée' Jesús e dsí' ée' r' jaléng' dsea' jalé' júu' quía' Fidié' e fi' guá' do. Jo lajee' jo jaléng' fi' jmidsea' coo' gui jaléng' tifa' quía' júu' quia' ta' quía' dsea' Israel coo' gui jaléng' dseata' i seeng' fi' Jerusalén jmóor' quijí' quía' jial nijngáin' dsea' do, ⁴⁸ jo dsu' ja' liing' niguié' r' jial nijmér' lajo, co' jalém' i dsea' teáang' núu' do tib' dsí' e núur' jalé' júu' e e' dsea' do.

20

I' quia' ta' quía' Jesús e jmóor' jalé' e jmóor'
(Mt. 21:23-27; Mr. 11:27-33)

¹ Jo coo' jmií' mi' cangí' e jo, lajee' e táang' Jesús fi' guá' e er' jogui' guiar' júu' quía' Fidié' jee' jaléng' dsea' quía' jial nileáng' dsea' jee' jalé' dsee' quía' r', jo lajee' job caguiling' jaléng' fi' jmidsea' coo' gui jaléng' tifa' quía' júu' quia' ta' quía' dsea' góor' dsea' Israel coo' gui jaléng' yuu' dsea' cøng' quía' e guá' do, ² jo casí' r' Jesús lala jo cajín':

—Jmee' júu' i' quia' ta' quí' e jmoo' jalé' e jmoo' na. Jo ¿i' cacuø' 'nii' e ta' na?

³ Joba' cañi' Jesús quía' jaléng' i dsea' do jo casí' reiñ':

—Sea' bi coo' e 'né' nijmingí' jnea' 'ná' cajo. Nii' na' quie' e lana. ⁴ ¿i' i caquia' ta' quía' i Juan e caseáaiñ' dsea' jmií'? ¿Su Fidié' ofa' dsea' jmigüib' é?

⁵ Jo mi' canúu' jaléng' i dsea' do e cajíng' Jesús lado, jo lajee' yaam' bre canaaiñ' sñiñ' jo sí' rúin':

—¿Jial nisí' naa' r, faa' aa'? Song casí' naa' r e Fidiéeb' casíng' dsea' do, joba' nijíñ' nisí' r' jneaa' aa' jóng: “¿Jialí' ja' já' calíng' na' jalé' júu' quía' r'?” ⁶ Jo song nisí' na' r e dsea' jmigüib' caquia' ta' quía' i Juan do, joba' jaléng' i dsea' la fø' nijngám' bre jneaa' aa' jóng coo' jmang' cuu', co' ñi' bre guia' e cajú' i Juan do e fé' r' cuaiñ' quía' Fidié'.

⁷ Jo jíi' jaang' i dsea' do ja' cateá' dsí' r' fa' ee' cañi' r' quía' Jesús cuaiñ' quía' i Juan do, jo lí' casí' r' dsea' do e ja' ñi' bre. ⁸ Joba' cañi' Jesús quía' i dsea' do jo casí' reiñ':

—O'gui' jnea' nijmé' 'ná' júu' cajo i' i quia' ta' quie' e e' jmoo' o' jalé' e jmoo' o' la lana.

Júu' quía' dsea' léng' i soo' dsí'
(Mt. 21:33-44; Mr. 12:1-11)

⁹ Jo dsifí' mi' cangí' jo, jo canaang' Jesús e e' r' jaléng' i dsea' do coo' júu' já' e lafa' júu' cuento, jo casí' reiñ' do lala jo cajín':

—Coo' née' nicaliséng' jaang' dseañu' jo nicajní' jmang' huíng' jó' latøng' fi' ni' uø' quía' r'. Jo mi' cató' e caguiar' guia' lajalé' e do, jo catáin' dsea' léng' i cane' ni' latøng' e uø' do i nijmé' ta' jmá' jia. Jo mi' calí' jo, jo cagüi' bre jo cangór' fi' lí' huí'.

¹⁰ Jo mi' catí' í' e caroo' e mí' huíng' jó' do, jo caguié' i' jaang' dsea' quía' r' e tí' lí' táaiñ' do i cangomi' lajii' guie' quía' r' e catáin' quía' e ta' jmá' jia e jmoo' i dsea' do fi' ni' guoo' uø' quía' r'. Jo dsu' mi' caguiéng' i dsea' quía' r' do e lí' taang' i dsea' jmoo' ta' e

uó̄ do, caquié'biñ' do quiá'r- e lafa' e nicuó̄'reiñ' do lajii' guiéé' quiá'- i dsea' fii' uó̄ do, jo caguiém'breiñ' do calé' catú' fí' lí' cajar-, jo ja' ee' cacuø'reiñ' do jii' coo'. ¹¹ Jo mi' caliñi' i dsea' fii' uó̄ do e calí' lado, dsifí' ladob caguiéiñ' jaang'gui dsea' quiá'r- i cangomñi' guiéé' quiá'r- quiá'- lajii' ta~ jmóo' uó̄ quiá'r-. Jo dsu' mi' caguiéng'- i dsea' quiá'r- do fí' lí' taang~ i dsea' jmóo' ta~ do, cacøøm'bre cajo lí' lacog'gui cangong'ng- i dsea' la'uii' do, jo jii' coo' ja' ee' cacuø'reiñ' do cajo. ¹² Jo mi' caliñi'tu i dsea' fii' do e calí' lado, jo caguiém'bre jaang'gui dsea' quiá'r-. Jo dsu' gab' cajmée' i dsea' jmóo' ta~ do cóo' i dsea' do cajo, co' caquiém'breiñ' jogui cacuing'neiñ', jo ja' ee' cacuø'reiñ' do jii' coo' cajo, jo ca'øøm'breiñ' do.

¹³ Jo mi' cangí' jo, jo ca'f' dsí' i dsea' fii' uó̄ do: “¿E~ nijmee~ e náng? Jo seem' camíng' joo'o i 'neáan'n eáang', jo íb' niguiéen'n lana, jo jangám- í'guib i nijmi'gór.” ¹⁴ Jo dsu' mi' caguiéng'- i siming' do lí' taang~ i dsea' jmóo' ta~ do, jo dsifí' ladob canaaiñ' do síiñ' lajee' yaaiñ': “Jii' i nabing' i seeng' i nilíng- fii' e uó̄ la mi' nijúung- tiquiá'r^ . Joba' majngáang'naa'r lana, ná la cagüéiñ- fí' la, jo jnea'^ dsea' nilí-ii' fii' latøng- e uó̄ la.” ¹⁵ Jo mi' cangoyúung'- e casíng- i dsea' do røø' lado, jo caguíim'bre i siming' do jee~ e uó̄ e lí' sijnea~ e huñi' huñing' jó'^ do jo fí' job' cajngang'neiñ'.

Jo mi' cató' e jmóo' Jesús e júu^ na, jo cajmingi'r' lajaléng' i dsea' i teáang- do jo casí'-reiñ' lala jo cajíñ'-:

—¿E~ líng-na' e nijmé- i dsea' fii' e uó̄ do mi' niliñir' e nicajngam' jaléng' i dsea' 'léeng' do jóor'? ¹⁶ Co' nidsém'-bre, jo mi' niguiéiñ' nijngám'-bre lajaléng' i dsea' 'léeng' do, jo i jiém' nitaiñ' i nijmé- ta~ e uó̄ quiá'r- do.

Jo mi' canúu- jaléng' i dsea' i teáang- do e cajíng' Jesús lado, lajalém'bre cañir' jo cajíñ'-:

—Ja' güilí'ing~ dsí' Fidiéé' e nilí' lajo.

¹⁷ Jo mi' canúu- Jesús e cajíng'- jaléng' i dsea' do lado, jo lí' cajøøm'-breiñ' do, jo lí' jo casí'-reiñ' do lala jo cajíñ'-:

—¿E~ e líng-na' e guøng' e tóo' fí' ni' jì' quiá'- Fidiéé' lí' fé' lala?:

E cuu~ e ja' calijí' i dsea' i jmo' 'núu',

lana nilí' coo' cuu~ e niing'-gui quiá'- tñ- fii'.

¹⁸ Jo doñi' i i' catitaang~ e fí' ni' e cuu~ do, joba' cuib'^ niliñ- jóng. Jogui fíng song e cuu~ do cató' jo cajíng- jaang' dsea', joba' congua' túb' niliñ- jóng.

Mi' cajmingi'- dsea' Jesús cuaiñ~ quiá'- e catíng- dseata~

(Mt. 21:45-46, 22:15-22; Mr. 12:13-17)

¹⁹ Jo mi' canúu- jaléng' fii' jmidsea' cóo' jaléng' tifa' quiá'- júu^ quiu' ta~ quiá'- dsea' Israel e cajíng'- Jesús lado, joba' lajmináb- lamí' iññ' nisaiñ' dsea' do, co' calilí'r^ e uii' quiá'-bre café' dsea' do. Jo dsu' jii' coo' ja' ee' cateá- dsí'r' fa' ee' cajmeaiñ' dsea' do, co' 'góm'bre jaléng' dsea' fii' i tí' dsí' núu' jalé' júu^ quiá'- Jesús.

²⁰ Jo mi' cangí' jo, jaléng' i tifa' do cóo' gui jaléng' jmidsea' casíiñ- lajee' la'ó' yaaiñ~ e casíiñ- coo' tú- m'íng' dsea' i nijmé- lafa' dsea' guiá- dsí' cóo' Jesús, jo cajméer' lajo quiá'- e nijméiñ'- do quijí- jial nifé' dsea' do júu^ guí-, co' í' dsí'r' e fa' lajo nilí'r' e nitisiing' dsea' do fí' quini' dseata~. ²¹ Joba' mi' caguilíiñ'- do fí' lí' táang' Jesús, jo cajmingi'r' dsea' do lala jo cajíñ'-:

—Tifa', nineb~ jnea'^ røø' e jmang'- júu^ jáb'- jalé' e e' 'nu', jogui ja' jøø- 'nu' cajo jial líng' dsea' lí' caluu~, jogui 'nu' e' jnea'^ jial dseáng'- lacog' iing~ Fidiéé' e see'naa'. ²² Joba' cajajmingiñ'naa' 'nu': ¿Su 'né' niquí'naa' cuu- e catíng- dseata~ dsea' féng' i guíng' fí' Roma osi ja' 'né- qui'naa' é?

²³ Jo dsu' dsifí' ladob calilí' Jesús e iing~ i dsea' do nijmigøøng'neiñ', joba' cajíñ'- casí'-reiñ'!

²⁴ —Ée'na' jnea~ coo' cuu-. Joba' ne' duu' jial lí', jo ¿i~ dsea' i táang' fí' ni' la jogui jial siir'?

Joba' cañíi' i dsea` do casí'r- Jesús jò cajíiñ'-:

—Dseata` dsea` féng' i guíng' fí Romab táang' fí na.

²⁵ Joba' cañíi'tu Jesús jò casí'r- i dsea` do:

—Lajíi' e catíng- dseata` dsea` féng', cuøø'na' dseata` dsea` féng'; jogui lajii' e catíng- Fidié', cuøø'na' Fidié' cajo.

²⁶ Jò dsíng'- cangogá` dsíi' i dsea` i téng' Jesús do mi` cañíi' dsea` do lado fí quini' jaléng' i dsea` i teáng- do, cò' lí' lí' cango'gò'gui dsíi'bre lajii' e cañíi' dsea` do, jò tiib- cajer' lajiiñ' do.

*Mi` cajmingi' dsea` jial lí' mi` nijí'tu dsea` calé' catú`
(Mt. 22:23-33; Mr. 12:18-27)*

²⁷ Jò mi` cangí jò, caguilíng- còò' tú- máng' dsea` Israel i líng' dsea` saduceo fí lí' táang' Jesús. Jò jaléng' i dsea` saduceo do ja` já'- líiñ' e nijí'tu jaléng' 'líi'. Joba' cangojmingi'r- dsea` do jò cajíiñ'-:

²⁸ —Tifa', Moi` cajme'r' fí ni` jì quiá'r- e song cajúng- jaang` dseañu' jò ja` jóor' caliséng' cóo' dseamí quiá'r-, joba' 'né- nicúng'- guó' i dseamí 'nii' do cóo' rúng' dsea` ngáang' cóo' i 'líi' do. Jò i yuu' la'uii' i niliseeng' quiá'r- cóo' i dseañu' do, 'né- nijmér- e lafa' jóob' i dseañu' quiá'r- lamí- uii' do, cò' lanab fé' fí ni` jì quiá'- Moi'. ²⁹ Joba' síi'na' 'nu' e júu' la: Coo' ya' caliséng' guiáng- dseañu' la'ó' rúñi', jò i dsea` nifí do cacúm' guoor', jò ja' e huøø- cateáaiñ' fí jmigüi' la cò' cajúm-bre, jò jíi' jaang' jóor' ja` ii' caliséng'. ³⁰ Jò mi` cangí e cajúng- i dseañu' do, jò cacúm' guoo' i dseamí 'nii' do cóo' rúng' i 'líi' dseañu' quiá'r- i catí gáng- do. Jò dsu' lajòb cangongíiñ- cajo, cò' cajúm-bre, jò jíi' jaang' jóor' ja` ii' caliséng'. ³¹ Jò mi` cangí jò, cacúm'tu guoo' i dseamí do cóo' i rúng' i 'líi' dseañu' quiá'r- i catí gaang' do, jò ja' huøø- cangó- jò cajúm-bre cajo, jò jíi' jaang' jóor' ja` ii' caliséng'. Jò lajòb cangongíiñ- lajaléiñ' do. Jò còob' mi` cató' júuiñ- lajì guiáaiñ- do, jò jíi' jaang' jóor' ja` ii' caliséng'. ³² Jò dsu' jò huøø- ngó- mi` cangí jò, jò cajúm- i dseamí do cajo. ³³ Joba' jmingi'naa' 'nu' lana jial lí' mi` nití' fí còò'. ¿i' dseáng'- dseamí quiá'- nilíng' i dseamí do lajee' lajì guiáng- i dseañu' do? Cò' lajì guiám-bre cacúng'- guoor' cóo' i dseamí do fí jmigüi' la.

³⁴ Joba' cañíi' Jesús quiá'- i dsea` saduceo do jò cajíiñ'- casí'-reiñ':

—Cum' guoo' jaléng' dseañu' dseamí fí jmigüi' la. ³⁵ Jò dsu' jaléng' dsea` i niñíng' e nijí'tu calé' catú- jee- jaléng' 'líi' fí jmigüi' còò' jò nicúng'-gui guoor' fí jò, ³⁶ jogui ja` quí- jmii' fa' e nijúung- guir, cò' lajòb líng' jaléng' ángeles quiá'- Fidié' fí nífi-, ja` cúng' guoor' o'gui júuiñ-; jogui jóo' Fidié' nilíng- jaléng' i dsea` do uí' e nicají'tu calé' catú-.

³⁷ Jò jìgui Moi` cajme'r' fí ni` jì quiá'- Fidié' e nijí'b'tu 'líi', cò' ie' lamí cangár- e gui' còò' 'matóo' e gui' jì, jò jee' e jì do café' Fíi'naa' jò cajmér' júu' e íbre líiñ' Fidié' quiá'- Abraham cóo'gui Isáa' jogui Jacóo'. ³⁸ Dsucò' Fidié' líiñ' Fidié' quiá'- jaléng' dsea` jí', jò ja' líiñ' Fidié' quiá'- jaléng' 'líi', cò' jmang' dsea` jí'bing' i seeng' cøøng' cóo' Fidié'.

³⁹ Jò mi` canúu- i líng' tifa' quiá'- júu' quiu' ta' quiá'- dsea` Israel do e cajíng'- Jesús lado, joba' dsifí ladob cañíi' quiá'- Jesús jò casí'r- dsea` do lala jò cajíiñ'-:

—Eáam' guiá- laco' café' na, Tifa'.

⁴⁰ Jò mi` cangí jò, jíi' jaaiñ' do jò ee' cateá- gui dsíi' fa' ee' cajmingi' guir Jesús.

¿i' dsea` siju' líng' Dsea` Jmáang'?
(Mt. 22:41-46; Mr. 12:35-37)

⁴¹ Jò mi` cangí jò, jò cajmingi' Jesús jaléng' i dsea` do jò cajíiñ'- casí'-reiñ':

—¿jiali' fé' dsea` e siju' dseata` Daví'b' líng' Dsea` Jmáang'-? ⁴² Cò' lalab cajíng'- dseata` Daví' fí ni` jì quiá'- Fidié':

Lalab cajíng'- Fidié' casí'r- Fíi':

“Ní lí' lí' dsée' laco' guin' n

⁴³ cartí mi` nijmee' e jaléng' dsea` i 'ní' níng- 'nu'

nisí'r` uó` jnir` fí` quini`^ e laco' nijmi'gór` 'nu`.”

44 Jôba' jmingiî` jnea` e song` 'ñia'bi dseata` Daví`^ sí'r` Dsea` Jmáang` Fíi', jôba' çjial cuóøng` e Dsea` Jmáang` líiîñ` dsea` siju` dseata` Daví`^ jóng?

Jalé` e ga` e jmóo` jaléng` tifa'` quiá'- júu` quiu` ta` quiá'- dsea` Israel

(Mt. 23:1-36; Mr. 12:38-40; Lc. 11:37-54)

45 Jô lajee` jô, fíim` dsea` teáaiñ` e núur` jalé` júu` quiá'- Jesús, jô cajíng`- dsea` do casí'r` jaléng` dsea` i` ngí` cóo`r` do lala:

46 —Ñiing` óo`na' cóo`r` jaléng` tifa'` quiá'- júu` quiu` ta` quiá'- dsea` góo`naa' dsea` Israel, có' jaléng` í` tí` dsíir` e ngír` quier` jalé` sí`^ dsea` 'goo', jogui` dsíng`- iîñ` e nijmiféng` dsea` ír` mi` jie` jîñ` dsea` lacaang` fí` jee` 'núu', jô mir` 'masiî` e niing`-gui` mi` dsilíiñ` fí` sinúu` guá'-, jogui` mi` tí` jmî` e ngíiñ` e gø'r`, mir` lali` lí` jlo`^gui` e nigüear`, jô lajôba' e jlo`^gui` jnéeiñ` fí` quini` jaléng` dsea` rúîñ`. 47 Jogui` uø'r` jalé` e sea` quiá'- jaléng` dseamî` i` 'nîi`, jogui` jmicaaiñ` e fé'r` fa' e cuee` eáang` fí` quini` dsea`. Jô có' dseáng`- lajôb` líiîñ`, jôba' íbing` i` eáang`gui` ni'íng` iihu` mi` nití` í` lajô.

21

Mi` cacuø` jaang` dseamî` i` 'nîi` cuu` quiá'r` fí` guá'-

(Mr. 12:41-44)

1 Jô mi` cangí` jô, lajee` táang` Jesús fí` sinúu` guá'-, jô cangár` e dsitea'` dsea` sea` cuu` jmiguiú` cuu` quiá'r` fí` dsíi` guóo` quiá'- guá'-. 2 Jô dsu' lajee` jôb` mi` cangáiñ` jaang` dseamî` i` 'nîi` i` tiñíng`- eáang` i` catá'- dsíi` e guóo` do tú` cuu` e jiáang` eáang` e quíng` cóo` ñinée`. 3 Jô mi` cangá- Jesús e calí` lado, jô casí'r` jaléng` i` dsea` i` teáang` do jô cajíñ`-:

—Dseáng`- e já'- e fíi` i` 'nú' e i` dseamî` 'nîi` nabíng` i` nicacuø` jmiguiú`gui` cuu` lajee` lajaléng` i` dsea` sea` cuu` i` níngíng` na. 4 Có' jaléng` i` dsea` sea` cuu` na nicacuø`r` jalé` e niseáng`- quiá'-bre, jô dsu' i` dseamî` 'nîi` na nicacuø`r` jalé` e sea` quiá'r` jô cóo`r` e naba' sí'í` nilár` capí` e ni'í` nidó'r`.

Mi` cajíng` Jesús e ni'ím`- guá'- fé` e sí' fí` Jerusalén

(Mt. 24:1-2; Mr. 13:1-2)

5 Jô mi` cangí` jô, fíim` dsea` i` la'ó` ngí` cóo`r` Jesús teáaiñ`- sîiñ` cuaiñ` quiá'- e guá'- fé` e sí' fí` Jerusalén jogui` dsigá` dsíir` e dsíng`- jlo`^ e guá'- do, có' dsíng`- níguo`^ jalé` cuu` cóo`r` e sí'ieeng` e guá'- do, jogui` sîim`bir` cajo` quiá'- jalé` e jlo`^ e nicacuø` dsea` quiá'- e silíi` e guá'- do. Jô mi` canúu` Jesús e síng` jaléng` i` dsea` do lado, jôba' cajíñ`- casí'-reiñ`:

6 —Niguiéeb` jmî` mi` niqúí`- jalé` e móo`- 'nú' e téé`- na, jô jíi`- cóo`r` cuu` jô` níjé`- fa' e sífíng`-gui` rúng` lí`^ laco' jlo`^ jnéeng`- e na lana.

Jial nilí` mi` nijaquíéeng` e tí` lí` ni'íng`- jmigüi`

(Mt. 24:3-28; Mr. 13:3-23)

7 Jô mi` canúu` jaléng` i` dsea` do e cajíng`- Jesús lado, jô cajmingi'r` dsea` do jô cajíñ`-:

—Tifa', çlí` nilí` jalé` e fó` na? çjial nilíi` mi` nijaquíéeng` e nidsijéé` jalé` e jô?

8 Jôba' cañiî` Jesús quiá'- i` dsea` do jô cajíñ`- casí'-reiñ`:

—Dsíng`- 'né` ñiing` óo` 'nú' jô ja` güiligøøng`na', có' fíim` dsea` nijalíng`- jô nijíñ`-: “Jneab` Dsea` Jmáang`”, jogui` níjng`-guir: “Lanab` nicaguié` oor` e ni'íng`- jmigüi`.” Jô dsu' ja` jmijíng`na'r` jíi`- cóo`, jô jie` mi` ligøøng`na'. 9 Jogui` mi` ninúu`na' e nijáa` mí` jô ninéé` ta` tíng`, ja` føøng`na' jíi`- cóo`, có' jalé` e jô 'né`- nilitib` lajee` ná`-gui` e ni'íng`- jmigüi`.

10 Jogui` cajíng`-gui` Jesús casí'r` jaléng` i` dsea` do:

—Jaléng` dsea` i` neáang` cóo` fíi` nitíñ` cóo`r` cóo`gui` fíi`, jogui` cóo` 'lé` dsea` nitíñ` cóo`r` cóo`gui` 'lé` dsea` cajo. 11 Jogui` eáang` teá` nijø` uó` fí` la fí` na, jogui` nijáa` oo`, jogui` nilisea` jmiguiú` íng`- jmohuí` la'úng`- fí` jmigüi`, jogui` jmiguiú` íim` jalé` e nijnéng` fí` yú`^ jmigüi`, jô dsíng`- níféng` jaléng` dsea` mi` ninír` jalé` e jô.

12 'Jo dsu' ná'gui e nidsijéé' jalé' e nifá'-a na, fñing' dsea' nili'ní' níñ' 'nú', dsea' cuíng'na' jnea~, jo dsíng'- ga' nijmeáñ' 'nú' uí'~ jnea~. Jo nidsijééñ' 'nú' fí' sinúú' guá'- e laco' ni'níñ' 'nú' fí' quini' jaléng' dsea', jogui nitáñ' 'nú' fí' dsí' 'nuñí', jo lí- jo nidsijééñ' 'nú' fí' quini' jaléng' dseata~ dsea' cóong' uí'~ e líng'na' dsea' quié'-e. 13 Jo mi~ nidsingñing'-na' jalé' e na, job mi~ nilí'na' nifóng'na' jaléng' i dsea' do jial ca'uíng'-na' dsea' quié'-e. 14 Jo ja' jmee'-na' fi'í' fa' e ja' ní'na' jial ningñ'-na' quiá'- jaléng' i dsea' do mi~ nijmingí'r- 'nú' quiá'- jalé' dsee- e niñíng'na'. 15 Co' jneab~ nijmee~ e e nilíñ'na' jial ningñ'-na' quiá'r-, jogui nijmee~ e e tiing'na' eáang', jo jíí'~ jaang' i dsea' i 'ní' níng' 'nú' do ja' niquí'r~ jmí' fa' e niñír- quií'na'. 16 Jo dsíng'- niliseeng' i 'ní' níng' 'nú', co' j'gui jaléng' tiquí'na' jogui niquí'na' jogui jaléng' rúng'na' jogui jaléng' i cuíng' 'nú' nijmér- lajo cóo'~ 'nú' jo j'gui cartí' nijngáñ' i líng' 'nú'. 17 Jo lajalém' dsea' jmigüi' nili'ní' níñ' 'nú' uí'~ e líng'na' dsea' quié'-e. 18 Jo dsu' jíí'~ camí'^ jñugú'na' ja' nidsi'íng'. 19 Jo jie~ mí' litúng- áa'na' e fí' niteáang'-na' cóo'~ jnea~, co' lajoba' e cuóong' e nitíng'-na' fí' quini' Fidiéé' mi~ nití' í' lajo.

20 'Jo mi~ nimó'na' e nijalíng- jaléng' 'lée- e nirí'r- latøong- fñi' Jerusalén, joba' güiliñí'na' jóng e jo' huøø- róo' e fñi' jo, co' tí' lí' ni'íim-. 21 Jo co' lajob nilí, joba' dsifí' lajob 'né- uóng' jaléng' dsea' i neáang' jee~ fñi' Jerusalén e nicuí'r- fí' jee~ mó' ná'gui e nirí'- jaléng' 'lée- lacúng' lajíng' e fñi' jo. Jo jaléng' dsea' i taang' jmóo' ta' fí' caluu' fñi' jo' güi'í' dsíir' fa' e niquing'-guir' fí' jee~ fñi', co' lí' güicuú' bre cajo. Jogui jaléng' dsea' i neáang' latøong- lí' se' Judea 'né- nicuí' bre cajo e laco' cuóong' nijmi'óng' yaaiñ'. 22 Co' ie~ job mi~ ni'íng' dsea' iihuí', jo lajoguib e niliti' jíí'~ laco' fé' fí' ni~ jì' quiá'- Fidiéé'. 23 Jo dsu' dsíng'- fñi' jaléng' dseamí' i ngí' quiéeng' yuu' osi i ngí' jéeng' yuu' cu' tú' ie~ jo! Co' dsíng'- nicá' dsea' iihuí' la'úng- fí' jmigüí', jo dsu' eáang'guib nicá' i dsea' i seeng' fí' Jerusalén la iihuí' lajee~ lajaléng' dsea' jmigüí'. 24 Jo fñim' dsea' nijúuiñ' fí' jee~ mí'~, jogui fñim' dsea' niteíñ' jo nidsilíñ' 'nuñí' fí' fñi' lí' jíé'; jo jaléng' dsea' i jalíng- fí' lí' huí' i ja' cuíng' Fidiéé' nijaso'óom' bre fñi' Jerusalén cartí' mi~ nidsíng- e í' e nisi'í' quiá'-.

Jial mi~ nijáa'tu Dsea' Jmáang'

(Mt. 24:29-35, 42-44; Mr. 13:24-37)

25 'Jo dsíng'- nilisíng- jial jnéeng- iee' cóo'~gui si' cóo'~gui jaléng' núú'. Jogui dsíng'- nidsigá' dsíí' dsea' jogui niféíñ' cajo uí'~ e ga' niróo- jmiñí' jogui ga' nitá'- mí'~. 26 Jo dsíng'- niféng' dsea' jo fñim' dsea' ni'íng- dsíir' cóo'~ jalé' e fò' do mi~ ni'í' dsíir' jalé' e nilí' ie~ jo, co' j'gui jalé' e sea' fí' yá' jmigüí' nijó' lafa' mi~ jò' uó'. 27 Jo joguiba' mi~ nimáang'-na' jnea~, dsea' lín'n jaang' dsea' jmigüí' i jaa' fí' ñíí', e nigáa'a niquíin'-n jee~ cabøø- jní' cóo'~ e níng- jì' e 'gøng' quiá'- Fidiéé'. 28 Jo mi~ nináng' e nidsijéé' jalé' e nicafá'-a na, joba' cuóø'~ bí' yaang'-na' jóng, jogui jòø'-na' yejí' fí' yá' jmigüí', co' nijaquiéem'ba' e nileáang'-na' conguaí' jee~ jalé' dsee- quií'na'.

29 Jo lí- jo casí'- Jesús jaléng' i dsea' do cóo'~gui júu' jo cajíñ'- casí'-reiñ':

—Quié'na' cuente jial lí' jalé' 'ma' güiñí' osi lí' doñi' ee' 'ma' é. 30 Jo mi~ móo- 'nú' e ninaang' iée' jalé' má' e sí' quiá'-, 'nú' niñí'na' e jíí' jmíib' nijaquiéeng' jóng. 31 Jo mi~ canaang' lití' jalé' e nicafá'-a na, joba' güiliñí'na' guíá- e nijaquiéem'ba' e nicá' Fidiéé' nifí' quiá'- lajaang' lajaang' dsea' jmigüí'.

32 'Jo e já' e fñi' i 'nú' e jalé' e na 'né- nilitib~ ná'gui e nijúung- jaléng' dsea' i seeng' jmíi' na. 33 Jo ni'íim- la'úng- jmigüí' la cóo'~gui la'úng- yá' jmigüí', jo dsu' jalé' júu' quié'-e ja' tóo' jmíi' fa' e ja' niliti' lajalé' e jo.

34-35 'Jo co' lajob nilí, joba' fñi' i 'nú' e dsíng'- 'né- ñíng' óo'na' jo ja' cuó' fí' yaang'-na' jíí' capí' e nirøng'na' dsee- cóo'~ jalé' e 'lí' e sea' fí' jmigüí'. Jo ja' jmoo'na' ta' í' méé' o'gui ngí'na' e eáang'gui guíng' óo'na' jial niliseeng'na' fí' jmigüí' la, jo lajoba' ja' nidsingñing'-na' la dsingñing- jaang' nóo' i guíéé' lí' róo' cóo' leá'. Co' jaléb' e jo nilí' mi~ niguiéé' e jmíi' jo jee~ jaléng' dsea' i seeng' fí' la'úng- fí' jmigüí'. 36 Joba' líuun'-n 'nú' e

dseáng' la guím'ba' 'né e neáang'na' e neé' guiá' quí'na' contøng', jo contøng' 'né mii'na' jmi'ee' Fidié' uii' quí'na' e laco' ja' güiting'na' jalé' e nilí' ie' jo jogui e laco' cuøng' nigüiquiéeng'na' fí' quinií', jnea' dsea' lín'n jaang' dsea' jmi'güf' i' jaa' fí' ñiff'.

Jo jalé' e júu' na ca'e' Jesús ca'e'r' jaléng' i' dsea' do ie' jmi' jo.

³⁷ Jo mi' cang' jo, laco' jmi' dsi'é' Jesús jaléng' dsea' jalé' júu' quía' Fidié' fí' guá' fé' e si' fí' Jerusalén. Jo laco' 'löö' dséer' dsijer' fí' co' yá' cuo' e sii' Olivos e fí' 'ni' fii' Jerusalén do. ³⁸ Jo lajalém' dsea' dsiliñ' e fí' guá' do laca'ee' e dsinúur' jalé' júu' e guía' Jesús.

22

Mi' casang' jaléng' dsea' jial e nisaiñ' Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

¹ Jo ie' jo nijaquiéeng' co' jmi' e sii' Pascua quía' jaléng' dsea' Israel, jo ie' jmi' jo gø'r' iñí' e ja' quie' quiéeng'. ² Jo lajee' jo canaang' jaléng' fii' jmidsea' cóo' gui jaléng' tifa' quía' júu' quia' ta' quía' dsea' Israel e siiiñ' jial niguié'r' e nijngaiñ' Jesús, jo dsu' ja' teá' dsíur' e nijmér' jalé' e 'li' e í' dsíur' do, co' dsíng' 'góiñ' jaléng' dsea' i' seáng' fí' Jerusalén lajee' e jmi' jo.

³ Jo lajee' jo calí' fii' i' ling' i' sii' Satanás fí' dsí' Judas Iscariote, jaang' lajee' dsea' guitúung' quía' Jesús. ⁴ Jo dsifí' lajob cangór' cangosiñ' cóo' jaléng' fii' jmidsea' cóo' gui jaléng' dseata' quía' guá' quía' dsea' Israel quía' jial nilí'r' nisaiñ' Jesús e laco' nijaiñ' dsea' do fí' quini' i' dsea' í'. ⁵ Jo dsíng' cali'iaang' dsí' jaléng' i' dsea' do mi' canúur' e júu' jo, jogui cacuør' júu' quía'r' e nicuør' Judas Iscariote cuu' e 'léeiñ' do e quía' e nijaiñ' Jesús. ⁶ Jo calí'b' dsíur' quía' rúñ' e nijmér' lajo, jo mifíng' canaang' Judas e 'nó'r' jial e nijaiñ' Jesús fí' jaguó' jaléng' i' dsea' do.

Mi' cagó' Jesús í' canuu' cóo' dsea' guitúung' quía'r'

(Mt. 26:17-29; Mr. 14:12-25; Jn. 13 :21-30; 1 Co. 11 :23-26)

⁷ Jo mi' cang' jo, 'ña' ie' jmi' e gø'r' jaléng' dsea' Israel iñí' e ja' quie' quié' , jogui ie' job cajo 'né e nijngaiñ' jaang' jo'se' jiuung' laco' sinúu' quía'r' e nijmér' e jmi' Pascua do, ⁸ jo 'ña' ie' jmi' jo caquia' Jesús ta' quía' Tú' Simón cóo' gui Juan jo cajíñ' casí' reiñ'.

—Güilíng'na' jo güigua'na' guiá' lí' nijmó'naa' jmi' Pascua, jo fí' job niquiee'naa' colíng' canuu' na.

⁹ Joba' cajmingí' i' dsea' gáng' do Jesús jo casí'r' dsea' do:

—¿Jie' fí' lí' iing' 'nú' e nidsiguiá'naa' guiá' jalé' e jo?

¹⁰ Joba' cañí' Jesús quía' i' dsea' do jo casí' reiñ'.

—Mi' nigüitáng'na' jee' fii' Jerusalén, job nimáang'na' jaang' dseañu' i' ngang' quie' co' dsuu' e a' jmi', jo nigüilím'ba' laco' ngaiñ', jo e 'nú' lí' ni'ír' do, job nigüitáng'na' cajo. ¹¹ Jo nifí'na' i' dsea' fii' e 'nú' do: “Lalab jíng' tifa' quí'ii': ¿Jie' sinúu' lí' nijmee' e jmi' Pascua cóo' jaléng' dsea' guitúung' quie' e?” ¹² Jo ni'é'r' 'nú' co' 'nú' yá' lí' nisiliing' guiá', jo fí' job niguiá'na' guiá' quía' e niquiee'naa' do.

¹³ Jo cangolíim' i' dsea' gáng' do mi' cangoyúung' e cajíng' Jesús lajo, jo cadsém'bre i' dsea' do, jo calitib' laco' cajíng' Jesús jéeng'gui do. Jo fí' job caguiar' guiá' e nidø'r' ie' canuu' jo.

¹⁴ Jo mi' nijaquiéeng' oor' e nidø'r', jo cangolíim' Jesús cóo' i' dsea' guitúung' do fí' lí' niné' guiá' e nidø'r'. Jo mi' caguiliñ' jo caguá'bre mes' lajaléiñ' do, ¹⁵ jo canaang' Jesús sí' reiñ' do lala:

—iDsíng' cali'iin' e nijmee' e jmi' Pascua la cóo' 'nú' ná' gui e nijúun' n! ¹⁶ Co' jo' nijmee' e jmi' jo cóo' 'nú' cartí' mi' nití' í' e nijí'tu' rú'naa' fí' ñiff' quie' e.

¹⁷ Jo lí' jo catíiñ' co' cóo' e a' jmi' mi' huíng' jø' jo cacuør' gui'máang' Fidié', jo lí' jo casí'r' jaléng' i' dsea' quía'r' do jo cajíñ' :

—Jó' o e cóo^ la, jo jmee~na' jmá~jiu e a~ dsí' lajee~ lajaléng'na' na. ¹⁸ Dsaco' jo nidúu~u e jmí' mí' huíng' jó' la cartí' nijí'tu rú'naa' fí' ñíff' quié~e.

¹⁹ Jo mi~ cangf jo, jo casá'r~ coo' iñí'^ jo cacuø'r' gui'máng' Fidié~. Jo mi~ cangoyúung' jo, jo cajméer' jmá~jiu e iñí'^ do lajee~ lajaléng' i dsea` guitúung` do. Jo lí~ jo casí'~ reiñ' jo cajíñ'~:

—Quié'na' e iñí'^ la, co' e la lí' e nguú' táan'n la, dsea` nijúun~n uii~ quiá'~ jaléng' dsea` jmigüí. Jo jalé' e la 'né~ nijmee~na' e laco' niguiéng' óo'na' jnea~.

²⁰ Jo mi~ cangoyúung' e cagø'r' e iñí'^ do, jo catíng~tur e cóo^ e lí~ a~ jmí' mí' huíng' jó' do jo cajíñ'~:

—E a~ dsí' e cóo^ la lí' coo' júu^ 'mí' e jmirø' Fidié~ coo'~ dsea` jmigüí. Jo e júu^ jo niliti~ mi~ nitú' jmi'øon~ uí'~ dsee~ quiá'~ jaléng' dsea` jmigüí. ²¹ Jo dsu' lana, lab guíng~ i dsea` i ni'níng~ jnea~ fí' quini~ jaléng' dsea` i 'ní' ní~ quié~e. ²² Dsaco' lana jnea~, dsea` lín'n jaang` dsea` jmigüí i jáa' fí' ñíff', 'né~ nidsing'ñ~n lí' laco' la fé' fí' ni~ jì' quiá'~ Fidié~. Jo dsu' e ngí' fí' i dsea` i ni'níng~ jnea~ fí' quini~ jaléng' i dsea` í'!

²³ Jo mi~ canúu~ i dsea` guitúung` do e cajíng'~ Jesús lado, jo canaaíñ` jmingí' rúíñ':

—¿I' jaang` jneaa'aa', faa~aa', dsea` née'ee' la i ni'níng~naa' Fí'naa' Jesús?

I' i niing~gui

²⁴ Jo mi~ cangoyúung' e cagø'r', jo canaang` i dsea` guitúung` do jmiquí'm'~ dsíir' quiá'~ uí'~ e sáíñ' quiá'~ i i niing~gui lajee~ la'ó' ír'.

²⁵ Jöba' cañí' Jesús quiáíñ'~ do jo casí'~ reiñ':

—Jaléng' dseata~ i quiu' ta~ quiá'~ jaléng' dsea` i ja` cuíng' Fidié~ jmóor` laguidseang` e jmiti~ dsea` jalé' ta~ e quiu'r'. Jo jalém' i dsea` do 'né~ fé'r' e eáam' guiú~ jögui e eáam' jlo'^ laco' ta~ quiu' dseata~ quiá'r'. ²⁶ Jo dsu' 'nú', dsea` líng'na' dsea` quié~e, ja` cuøøng` fa' e líng'na' lajo. Co' i' 'nú' i iing~ i nilíniing~gui, 'né~ nijmee~na' laco' jmóo' jaang` dsea` i ja` niing~; jögui i 'nú' iing~ i niquíú'~ ta~, 'né~ nijmee~na' lajii'~ ta~ e iing~ dsea` rúm'ba'. ²⁷ Co' e já' e í' dsí' dsea` e eáang'gui niing~ i dsea` i guíng~ gø' laco'gui i dsea` i caguié' e jmiñi' do. Dsu' jnea~ sín'n lajee~ 'nú' lí' laco' jaang` dsea` i jmóo' lajii'~ e iing~ dsea` rúng'.

²⁸ Jo co' nicangí'ba' coo'~ jnea~ contøøng~ lajee~ nicangong'ñ~n jalé' iihuí' fí' jmigüí la, ²⁹ jo uí'~ e lajob' nicajmee~na', jöba' nicuøø' 'nú' e niquíú'^na' ta~ colíng~ coo'~ jnea~ fí' ñíff' lí' laco'gui la nicangíng' jnea~ quiá'~ Tiquié' e Fidié~ dsea` guíng~ ñíff' e niquíú'^u ta~ cajo. ³⁰ Jo colíim~ ni'né'^ niquiee~naa' coo'~ jnea~ fí' jo, jögui røøb` niquidsi'naa' í' cajo quiá'~ lajì' guitu' 'lé' dsea` Israel.

Mí' cajméé' Jesús júu^ e nijíng'~ Tú^ Simón e ja` cuíñ` dsea` do (Mt. 26:31-35; Mr. 14:27-31; Jn. 13 :36-38)

³¹ Jo mi~ calí~ jo, cajíng'~gui Jesús casí'r~ Tú^ Simón:

—Simón, Simón, lana nicamíng` Satanás 'nú' e niguia` jir' 'nú' lafa' mi~ jì' dsea` qui' cui'íee'. ³² Jo dsu' jnea~ nicamí' i Tiquié' e dsea` guíng~ ñíff' uii~ quií'~ e laco' ja` güilín' e nilitúng~ a' júu^ quié~e. Jo 'nu', mi~ nifo'^tu' calé' catú~ e lin' dsea` quié~e, jöba' jmicóo'~ jóng jaléng' dsea` rún' e laco' teá'gui nisíñ'~ coo'~ júu^ quié~e.

³³ Jöba' cañí' Tú^ Simón jo casí'r~ Jesús jo cajíñ'~:

—Fí'i, teáb` dsí' jnea~ e ninii' i coo'~ 'nu' fí' 'nuñí' fíng song casáng' dsea` 'nu', jögui colíim~ nijúu~naa' fíng cali'né~ lajo.

³⁴ Jöba' cañí' Jesús quiá'~ Tú^ Simón jo casí'~ reiñ':

—Tú^ Simón, e laba' fí' i 'nu', e dsa'ó' góo' na, ná' gui e niquí'~ tuidsee', 'nu' nifo'^ 'ni' née' e ja` cuín' jnea~.

Mí' nijaquíéng' oor~ e nidsing'ng~ Jesús jalé' iihuí'

³⁵ Jo lí~ jo, cajmingí'~ Jesús jaléng' i dsea` quiá'r~ do jo cajíñ'~ casí'~ reiñ':

—Mi~ casín~n 'nú' e ja` quié`na' nosúú` quií~na' o'gui cuu~, jogui júi~ lomí~na' e ó'ba', joba' júi~ coo` ja` ee` cali`né`gui', ¿já` leáa'~?

Joba' cañí' i dsea` do jo casí'r~ Jesús:

—Dseáng'~ lajob lí', Fí'ii'.

³⁶ Joba' cajíng'~ tu Jesús casí'r~ jaléng' i dsea` do:

—Jo dsu' lana fíi~i 'nú', jaléng' 'nú' i sea` nosúú` quiá'- cóo'~gui lí` téé'~ cuu~ quií~na', joba' quié`na' jalé' e jo; jogui i~ 'nú' i ja` sea` ñisú' quiá'-, joba' 'nii~na' coo` 'mi'guiéé~ quií~na' jo leáa'na' coo` e ñí` jo. ³⁷ Dsaco' lana tí` niliti~ jalé' e fé' fí' ni` jì` quiá'- Fidiéé` lí' fé' lala uii~ quié`e: “Jo jee~ jaléng' dsea` i soo` dsí' cali'íiñ^”. Dsaco' lajalé' e fé' fí' ni` jì` quiá'- Fidiéé` uii~ quié`e, dseáng'~ 'né~ nilitib~ e jo.

³⁸ Joba' cañí' i dsea` do quiá'- Jesús jo cajíñ'~:

—Fí'i, lab sea` tú~ ñisú'.

Joba' cañí' tu Jesús jo cajíñ'~:

—Nitéb' júi~ lana.

Mi~ casíng'~ Jesús cóo'~ Fidiéé` fí' mó'~ Olivos

(Mt. 26:36-46; Mr. 14:32-42)

³⁹ Jo mi~ cangí' e cajíng'~ Jesús e júu^ jo, dsifí' ladob cagüi'íir' jo cangó~ tur fí' mó'~ Olivos lí' laco'gui júi~ e quií~ tiiñ` e jmóor`. Jo cangolíim~ jaléng' i dsea` quiá'r~ do cajo tí'leáaiñ` laco' cangó~ dsea` do. ⁴⁰ Jo mi~ caguiliñ` e fí' mó'~ jo, job cajíng'~ Jesús casí'r~ i dsea` quiá'r~ do:

—Féeng'~na' Fidiéé`, jo lajoba' ja` dseáng'~ e nijíung'~na' fí' ni` dsee~.

⁴¹ Jo lí~ jo, dob catiúung~ tear i dsea` quiá'r~ do, jo 'ñia'bre cangór~ tí' doguijia lí' laco' í' e tí' coo` cuu~ e bí dsea` cóo'~ guóor`. Jo casí'r~ uó~ jnir~ jo canaaiñ` féiñ' Fidiéé` jo cajíñ'~:

⁴² —Teaa~, song iin~ joba' cuøm` lí' laan~ jnea~ jee~ jalé' iihuú' e tí' lí~ nidsingíin~n; jo dsu' ja` güilí' laco' iing~ jnea~, co' güilitib~ jial dseáng'~ júi~ iing~ 'na' e niliti~.

⁴³ Jo mi~ cajíng'~ Jesús lajo, jo dsifí' lajob cajnéng~ jaang` ángel i casíng` Fidiéé`, jo cacuø'r` dsea` do bí e quiá'- e nité'r` cóo'~ jalé' iihuú' e tí' lí~ nidsingíiñ`. ⁴⁴ Jo lajee` jo eáang'gui canaang` Jesús jmiféiñ' Tiquiá'r^, jo canaang` sojiúíñ' jmiguiee` e lí' la lí' jmi'øøiñ` cartí' ni` uó^.

⁴⁵ Jo mi~ calí~ e féiñ' Tiquiá'r^, jo cangám'~ tur fí' lí~ caseáaiñ` i dsea` quiá'r~ do, jo cadséng'neiñ` do e güim`biñ' do lajaléiñ', co' dsíng'~ nicalijiuung~ dsíir'. ⁴⁶ Joba' cató'~ Jesús i dsea` do jo casí'~ reiñ' lala jo cajíñ'~:

—¿Jialí' güiing` 'nú'? Jminá~ ráang~na' jo féeng'~na' Fidiéé` dsea` guing~ ñiff~ uii~ quií~na' yaang~na', jo lajoba' ja` dseáng'~ e nijíung'~na' fí' ni` dsee~.

Mi~ casang'~ dsea` Jesús

(Mt. 26:47-56; Mr. 14:43-50; Jn. 18 :2-11)

⁴⁷ Jo laco' gui'nang' e fé'bi Jesús e júu^ na, mi~ canaang` guilíng~ fíng' dsea`. Jo jaang` lajee` lajaléng' i dsea` guitúung` do i sii` Judas Iscariote, í'bing' i quié' nifí' quiá'- i dsea` do. Jo cangoquíeeiñ` fí' lí~ sing' Jesús jo cachu'r` ni` dsea` do. ⁴⁸ Jo dsu' lalab cañí' Jesús quiáíñ'~ do:

—Judas, ¿su cóo'~ e chu' ni`baa e nijáan~ jnea~ fí' jaguó` jaléng' i 'ní' níng~ jnea~, dsea` i jáa' fí' ñiff~ i líng' jaang` dsea` jmigüí'?

⁴⁹ Jo mi~ cangá~ dsea` guitúung` quiá'- Jesús e calí~ lado, jo cajmíngi'r' Jesús jo cajíñ'~:

—Fí'naa', ¿su nití~naa' cóo'~ ñisú'?

⁵⁰ Jo jaang` i dsea` guitúung` do caguir` ní^ quiá'r~, jo caquiur' logua~ dsée' quiá'- jaang` dsea` i jmóo' ta~ quiá'- i jmidsea` i laniing~ do. ⁵¹ Jo dsifí' lajob cajíng'~ Jesús casí'r~ i dsea` quiá'r~ do:

—Jo e cang'~na'r júi~ coo`; nilí' júi~ lana.

Jō dsifí lajōb cagüi' Jesús e lí 'ná' quiá' i dsea` sícuíng' do, jō ladsifí lanab ca'lóo` loguaiñ` do. ⁵² Jō lí jō, casí' Jesús jaléng' fii` jmidsea` cóo' jaléng' i neé' ni` guá' cóo' gui jaléng' dsea` cóong' quiá' guá' quiá' dsea` góor` dsea` Israel, có' lajalém' i dsea` í caguiliñ` e nitóør` Jesús, jō cajíñ' casí'r` i dsea` do:

—Lana cagüilíng` 'nú' e quié'na' jalé' ñisú' cóo' gui jalé' 'ma' e nijmang'na' jnea` lafa' jaang` ñ. ⁵³ Jō lacoō` jmii` lacoō` jmii` ca'ée` e 'nú' júu` quiá' Fidiéé' fí guá' qui'naa', jō dsu' ja' cateá' óo'na' fa' e caséng'na' jnea` lajee` jō; jō dsu' lanagui cagüéá` oor` e güijé' 'nú', có' Fidiéeb` dsea` nicacuør` fí lajō e i 'lim' niquí'r` ta` e uóø` lana.

Mi` cajíng' Tú` Simón e ja` cuiñ` Jesús

(Mt. 26:57-58, 69-75; Mr. 14:53-54, 66-72; Jn. 18:12-18, 25-27)

⁵⁴ Jō dsifí lajōb casaiñ' Jesús, jō catóor` dsea` do fí quiá' i jmidsea` laniing` quiá' dsea` Israel. Jō huím` ngang' Tú` Simón e tí'leáaiñ' laco' ngolíng` i dsea` do e téer` Jesús. ⁵⁵ Jō mi` caguiliñ` fí jō, jō canaang` i dsea` i casó' quiá' Jesús do e jì'r` jì fí guiá' joo` siguí', jō caguár` lacúng' lajíng` e jì do mi` cacóo`. Jō dob caguá' Tú` Simón cajo jee` jaléng' i dsea` do. ⁵⁶ Jō mi` cangá' jaang` dseamí` i jmóo` ta` quiá' i jmidsea` do e dob guíng` Tú` Simón jee` jaléng' i dsea` i neáang` do, jō canaañ` jmicuíng`neñ' jō casí'reñ':

—Jaa`, cangib` i dseañu' la cóo' Jesús cajo.

⁵⁷ Jō mi` canúu` Tú` Simón lado, jō dsifí lajōb cajíñ' casí'r` i dseamí` do:

—Ja` cúíng`jneaiñ' do, dseamí`.

⁵⁸ Jō mi`míng` guijíu lajō, jíéng'gui calicuí` quiá'r` jō cajíñ':

—Dsea` quiá' Jesús líng'gui 'nu` cajo.

Jō mi` canúu` tu Tú` Simón lado, jō dsifí ladob cañí'tur jō cajíñ':

—Ja` jee` i do quíng' jnea`, dseañu'.

⁵⁹ Jō mi` cangí cóo` oor` lajō, jíéng'gui jaang` dsea` cajíñ':

—E já'ba' líng' i dseañu' la dsea` quiá' Jesús, có' i seeng' fí Galileab la cajo.

⁶⁰ Jōba' cañí'tu Tú` Simón jō casí'r` i dsea` do jō cajíñ':

—Ja` ñii` ee` e fó' na, dseañu'.

Jō ja` mí cató'bi e fé' i Tú` Simón do lajō mi` tí lí caqui' jaang` tuidsee`. ⁶¹ Jō jōb mi` cají' Jesús nir` jō cajóøñ` Tú` Simón tí lí siñ', jō dsifí lajōb cadseng' dsí' i Tú` Simón do e cajíng' Jesús lamí` neáaiñ` gø'r` do: "Dsa'ó' góo' na, ná' gui e níquí' tuidsee`, 'nu` nifo' 'ní nee' e ja` cuiñ' jnea`." ⁶² Jō mi` cadseng' dsí' i Tú` Simón do e cajíng' Jesús lajō, jō dsíng' calijiuung` dsíir', jō dsifí lajōb cagüi'fir` jō dsíng' canaañ` qui'r` jóng.

Mi` cajmeáng' dsea` Jesús

(Mt. 26:67-68; Mr. 14:65)

⁶³ Jō mi` cangí jō, jaléng' i dsea` i jée' quiá' Jesús canaañ` lóøiñ` dsea` do jōgui bóøng`neñ', ⁶⁴ jō cajnír' jmini` dsea` do jō cabár` moniñ` jō cajmíngi'reñ' lala jō cajíñ':

—¿I` i cabóøng` 'nu'? ¡Jmee` júu`, ne'ee'!

⁶⁵ Jō jmigui'bi jalé' e fé'r` e jmineaiñ` dsea` do lajee` jō.

Mi` cangojéiñ` Jesús fí lí síseáng' jaléng' dsea` cóong' quiá' guá'

(Mt. 26:59-66; Mr. 14:55-64; Jn. 18:19-24)

⁶⁶ Jō mi` cajneá' e jmii` jō, jō caseáng' jaléng' dsea` cóong' quiá' dsea` Israel cóo' jaléng' fii` jmidsea` cóo' gui jaléng' tifa' quiá'r`, jō catóor` Jesús fí lí nisiseáiñ' do, jō cajmíngi'r` dsea` do lala jō cajíñ':

⁶⁷ —Jmee` júu`, ne'ee', ¿su 'nu' Dsea` Jmáang`?

Jōba' cañí' Jesús quiá' jaléng' i dsea` do jō cajíñ':

—Song nijmee` jnea` júu` røø, ja` já' nilíng' 'nú' júu` quié` e jóng. ⁶⁸ Jōgui song ee` nijmíngí' 'nú', ja` e ñí'na' níngí'na' quié` e cajo. ⁶⁹ Jō dsu' latí' lana jnea`, dsea` cagá'a fí ñíff` e lín'n jaang` dsea` jmígüi', niní' í lí' lí dsé' laco' guíng` Fidiéé' dsea` guíng` ñíff`, dsea` i 'gøng' eáang' la'úng` fí jmígüi'.

⁷⁰ Jo mi~ canúu~ jaléng' i dsea` do e cajíng' Jesús lado, jo lajalém`bre cajmingi'r' dsea` do jo cajíñ'~:

—Jo ¿su 'nub` Jóo' Fidiée` dsea` guing` ñifi` liya?

Joba' cañi'tu Jesús quiá'~ jaléng' i dsea` do jo cajíñ'~:

—Dseáng'~ lajob lí' lí'^ laco' la nicafée'~na' na.

⁷¹ Jo mi~ canúu~ jaléng' i dsea` do e cajíng' Jesús lajo, jo casíñ~ lajee` lajaléñ' do jo cajíñ'~:

—¿E`gui ta` e 'neáng`guí' jaléng' dsea` i tí' ni? Co' yee`baa' nicaná`uu' náng jial laco' lí' júu` quiá'r~.

23

Mi~ caguiéng'~ Jesús fi' quini` dseata` dsea` féng' i sii` Pilato
(Mt. 27:1-2, 11-14; Mr. 15:1-5; Jn. 18 :28-38)

¹ Jo mi~ cangí jo, lajalém' i dsea` do cangojéiñ` Jesús fi' quini` jaang` dseata` dsea` féng' i sii` Pilato. ² Jo mi~ caguiliñ'~ do fi' do, jo canaañ` jmóor` dsee` quiá'~ dsea` do jo cajíñ'~:

—I dseañu' la ngir` lacaang` jee` 'núu' ta` jmiguíng` jaléng' dsea` i seeng` fi' lí' quiá' 'nu' ta`. Jogui ngir` fé'r' e ja` 'né` niquí`naa' cuu` quiá'~ i dseata` dsea` féng' i guing` fi' Roma, jogui fé'bir cajo e íbre líiñ` Dsea` Jmaang` i nisíng` Fidiée` i nicá` nifi' quiá'~ jaléng' dsea` góo`naa' dsea` Israel.

³ Jo mi~ canúu~ i dseata` Pilato do lado, jo cajmingi'r' Jesús jo cajíñ'~:

—¿Su 'nub` dsea` i quie' nifi' quiá'~ dsea` Israel?

Joba' cañi' Jesús jo cajíñ'~:

—Dseáng'~ lajob lí' lí'^ laco' la nicafée'~ 'nu' na.

⁴ Jo mi~ canúu~ Pilato e cajíng'~ Jesús lajo, jo casí'r~ jaléng' i fii` jmidsea` do cóo'`gui jaléng' i dsea` i teáng'~ do jo cajíñ'~:

—Ja` niguié'` jnea` jii'` cóo` dsee` e sea` quiá'~ i dseañu' la.

⁵ Jo mi~ canúu~ jaléng' i dsea` do lado, jo eáang`gui canaañ` jmóor` dsee` quiá'~ Jesús jo cajíñ'~:

—I dseañu' na eáang` ngir` ta` jmiguíng` dsea` cóo'~ jalé' e er'. Jo canaañ` jmóor` lajo catí' lí' se' Galilea cartí' cagüéiñ` fi' la, fi' lí' se' Judea, e jmóor` lajo.

Mi~ cangojéiñ` Jesús fi' quini` jaang` dseata` i sii` Herodes

⁶ Jo mi~ canúu~ Pilato e café' dsea` lajo, jo cajmingi'r` su fi' lí' se' Galileab seeng` Jesús.

⁷ Jo mi~ cajíng'~ dsea` e fi' job seeiñ`, joba' casíñ` dsea` do cóo'~ jaang` dseata` i sii` Herodes i líng` dseata` dsea` féng' quiá'~ Galilea, co' ie` jo dob nitáang` i dseata` do fi' Jerusalén.

⁸ Jo mi~ cangá~ Herodes e cangaiñ` Jesús, dsíng'~ cali'iaang` dsíir', co' líib` nicajá~ e iíñ` e niníñ` dsea` do, co' fíim` dsea` dsicóor` júu` quiá'~ jalé' e guiú` e nicajmée` dsea` do, jogui güijer` fa' ee` nijmé` dsea` do e lí'.

⁹ Jo jmiguíab` jalé' e cajmingi'r' dsea` do, dsu' jii'~ camí'^ júu` ja` ee` cañi' Jesús quiá'ñ'~ do. ¹⁰ Jo lajee` jo, dob teáang` jaléng' fii` jmidsea` quiá'~ dsea` Israel cóo'~ jaléng' tifa' quiá'r~, jo dseáng'~ eáam` teaañ'~ do jmóor` dsee` quiá'~ Jesús.

¹¹ Jo mi~ cangá~ Herodes e ja` ee` ngí' Jesús, joba' cajmicóo'~ rúñ' cóo'~ jaléng' `lée` quiá'r~ e canaañ` lóoiñ` dsea` do, jo caquiñ' dsea` do caneáang` sí'^ dseata` dsea` féng'. Jo lí' jo, i dseata` do caguiéng'`tur Jesús fi' lí' guing` dseata` Pilato calé' catú'. ¹² Jo ie` jmí~ jo røøb` casíng`~tu dseata` Herodes cóo'~ dseata` Pilato, co' lamí~ jéeng`gui` níb' nicangáng` rúñ'.

Mi~ cahuí' ta` e nijúung` Jesús

(Mt. 27:15-26; Mr. 15:6-15; Jn. 18 :39-19 :16)

¹³ Jo mi~ caguiéng'~tu Jesús fi' lí' guing` dseata` Pilato, jo caquiñ'~ do ta` e caseáng' jaléng' fii` jmidsea` cóo'~gui jaléng' dseata` jogui cóo'~ jaléng' dsea` fíi'. ¹⁴ Jo mi~ caseáng' jaléng' i dsea` í, jo lalab cajíñ'~ casí'~ reiñ'.

—'Nú' cañijéeng`na' i dseañu` la fí' la e jmoo`na' dsee` quiá'r` e ngir` jmiguíñ` jaléng` dsea` fí; jō jnea` nicajmingí'r` jalé' e júu` jō fí' quiní` 'nú' lajaléng`na' na, jō dsu' jii` coo` dsee` ja` mí' cadsé'e e røøiñ` lí' laco' jii` e 'náng`na're. ¹⁵ Jogui nicasím` bír fí' lí' guing` dseata` Herodes, dsu' o'gui i dseata` í` líng` ee` dsee` cadsé'r` quiá'` dsea` la, jōba' fí' lab nicaguiéng`tureiñ'. Jō niñí`ba' e jii` coo` ja` ee` mí' cajméer` fa' cuøøng` e nijngáang`naa'r, ¹⁶ jō dsu' nicuøø`baar iihuí', jō lí` jō nilaam`tur calé` catú`.

¹⁷ Jō lajee` e jmí` jō títng` dseata` Pilato e jmi'iaaiñ` dsí' jaléng` dsea` fí` jō láaiñ` camíng` dsea` i iuung` fí' dsí' 'nuñí'. ¹⁸ Jō dsu' jaléng` i dsea` fí` do canaaiñ` oor` teá` jō fé'r` e éeiñ` Jesús:

—j`a` laan` i dseañu` ná! ¡Leaang` Barrabás!

¹⁹ Jō i Barrabás do nica'ír` 'nuñí` dsu' uí' e 'ní' níiñ` jaléng` dseata` jogui e nicajngaiñ` dsea` cajo. ²⁰ Jō dsu' dseata` Pilato eáang`gui iñ` e nileáiñ` Jesús laco'gui i Barrabás do, jōba' casí`tur dsea` fí` calé` catú`. ²¹ Jō dsu' jéeng`gui i dsea` fí` do canaaiñ` fé'r` cóo` júu` teá'gui jō cajíñ` e éeiñ` Jesús:

—¡Fí' dse` crúu` teáaiñ` na! ¡Fí' dse` crúu` teáaiñ` na!

²² Jō lí` jō, catí` 'ní' née` cajíng`-tu dseata` Pilato casí'r` jaléng` dsea` fí`:

—Jō ¿e`gui dseáng` e ga` nicajméer`? Ja`gui ee` dsee` niguié' jnea` e røøiñ` fa' e cuøøng` e nijúuiñ`. Dsu' lifa' nicuøø`baar iihuí', jō lí` jō, nilaam`tur calé` catú`.

²³ Jō dsu' jaléng` dsea` fí` cóo`gui jaléng` fí` jmidsea` eáang`gui canaaiñ` ta'r` mí' e mí'tur e nitáng` Jesús fí' dse` crúu`, jō lajōb`cajméer` cartí` calí'r` lajii` e mir` do. ²⁴ Jō lajōb`cajméer` dseata` Pilato lí' laco' jii` e mí' i dsea` i teáang` do, ²⁵ jō caleám`bre i Barrabás do, dsea` i 'ní' níng` jaléng` dseata` jogui nicajngaiñ` dsea`, co' uiing` quiá'` e jōba' e iuiñ` 'nuñí', jō cajám`bre Jesús fí' jaguó` jaléng` dsea` i 'ní' níng` dsea` do; jō cajméer` lajō cóo` jaléng` dsea` fí`, co' lajōb` calí'íiñ` do.

Mí` catáng` Jesús fí' dse` crúu`

(Mt. 27:32-44; Mr. 15:21-32; Jn. 19 :17-27)

²⁶ Jō mí` cangí` jō, jō cangojéem`bre Jesús fí' lí' nitáiñ` fí' dse` crúu`. Jō lajee` teáaiñ` do fí' e ngoliñ`, cajíñ` jaang` dseañu` i laco' nijang` jee` ta` quiá'` i sii` Simón i seeng` fí' coo` fí' e sii` Cirene, jō caquiur` ta` e cajéeng` i dseañu` do crúu` quiá'` Jesús laguidseaang`; jō cangór` calu` laco' ngóo` dsea` do.

²⁷ Jō fíim` dsea` i ngolíng` laco' ngóo` Jesús, jogui dsíng` fíng` dseamí` i ngolíng` qui'` jō tí'oor` e lijuiung` dsí'r` uii` quiá'` Jesús. ²⁸ Dsu' Jesús caji'` nir` cajøøiñ` jaléng` i dseamí` do jō cajíñ` casí` reiñ`:

—Dseamí` i seeng` fí' Jerusalén, ja` qui`na' uii` jnea`, dsu' quií`na' uii` quií`na' yaang`na' jogui uii` quiá'` joo`na'. ²⁹ Co' niguiéeb` jmí` mí' nífé` jaléng` dsea`: “Juguiá` jiu` quiá'` jaléng` dseamí` i ja` cuøøng` nidsiquieeng` yuu, jō ja` ii` caliséng` quiá'r` i cacuø'r` tá’.” ³⁰ Jō ie` jōb` mí` nináng` jaléng` dsea` e nimí'r` jalé` mó' jō nijíñ` : “Líng` güijíá'` sñ` lí` née`naa’”; jogui nisí'r` jalé` mó’ : “Meeng` jnea` lajminá’.” ³¹ Co' song lanab cuø`na' jnea` iihuí', dsea` ja` dsee` røøñ`, jōba' jial` tí'gui nidsingíng` 'nú', dsea` røøng`na' dsee`.

³² Jō jaléng` i dsea` i ngolíng` do jéeiñ` gáng` íi` i nidsijngáaiñ` colíng` cóo` Jesús. ³³ Jō mí` caguiliñ` coo` cuo` lí` sii` Cuo` Mogui` 'Líi, jō fí' jōb` cateáaiñ` Jesús fí' dse` crúu` cóo` lajì` gáng` i íi` do, jmá'` jáng` crúu` lajaaiñ` do: jō jmá'` jáng` i íi` do catáiñ` lacataang` cáang` Jesús, jaang` lí' lí` dsée' jogui jaang` lí' lí' tuung`. ³⁴ Jō lajee` gui`ná` e táang` Jesús fí' dse` crúu` cajíñ`:

—Teaa`, íng` dsee` uii` quiá'` jaléng` i dsea` na, co' e ja` lí'`biñ` na jalé` e jmóor`.

Jō mí` calí` e cateáaiñ` dsea` do fí' dse` crúu`, jaléng` i 'lée` do canaaiñ` cóor` quiá'` i nilí' lajee` lajaléiñ` do i nicóo` sí' Jesús fí' quiá'r`. ³⁵ Jō lajalém` dsea` teáaiñ` e jøør` jalé` e calí`, jō jaléng` i dseata` do canaaiñ` løøiñ` Jesús jō sí'r` dsea` do lala jō fé'r`:

—Caleáam`bre jaléng` dsea` jiéng`, joba` güileáang` `ñia`r` náng, song dseáng`- já`- e `bre líiñ` Dsea` Jmáang`-, dsea` i casíng` Fidiéé` fí` jmigüi` la.

³⁶ Jo jaléng` i `léé`- do lóøm`-bre dsea` do cajo, jo dsiquiéeiñ` quiá`- li` táang` dsea` do fí` dse` crúu`, jo cuø`r` dsea` do jmi`^ mi`^ huíng` jó`^ e tí`. ³⁷ Jogui` s`r` dsea` do lala jo fé`r`:

—Leaang`- uø` náng song dseáng`- já`- e `nu` lin` i dsea` i quie` nifi` quiá`- dsea` Israel.

³⁸ Jogui` tóo` cõo` `majmá` yá`^ gui` crúu` li` táaiñ` li` silí` cõo`- jalé` jmi` griego cõo`-gui` jmi` latín jogui` cõo`- jmi` hebreo, jo lalab guøng`: “I lab i dsea` i quie` nifi` quiá`- dsea` Israel.”

³⁹ Jo jaang` i ñi` i taang` fí` dse` crúu` do gab` fé`r` uii` quiá`- Jesús cajo, jo s`r` dsea` do lala:

—Song dseáng`- já`- e `nu` lin` Dsea` Jmáang`-, joba` leaang`- uø` jóng jogui` leaang`- jnea`^.

⁴⁰ Jo dsu` i ñi` i jaang`gui` do ca`gaam`bre quiá`- i ñi` rúíñ` do jo cajíñ`- casí`-reiñ`:

—¿Su ja` jáa` qui`- fa` e `gøng` Fidiéé` dsea` guing` ñifi`-, `nu` dsea` tán` fí` dse` crúu` la cajo? ⁴¹ E líng`- uim`ba` e taang`- jnea`^ la, cõo` laguib` qui`naa` quiá`- jalé` e nica`lee`naa`, dsu` i dseañu` la jii`- cõo` ja` ee` mí` ca`léer`.

⁴² Joba` cajíñ`- casí`r` Jesús:

—Jesús, güiguiéng` o` jnea` mi` ninaan`- niquiá`^ ta` la`úng`- fí` jmigüi`.

⁴³ Joba` cañi` Jesús quiá`- i dseañu` i jo cajíñ`- casí`-reiñ`:

—E já`- e fi` i `nu`, dseañu`, e náb` nidsi`ié`ee` cõo`- jnea` fí` ñifi`- li` guing`- Tiquié`e.

Mi` cajúng` Jesús

(Mt. 27:45-56; Mr. 15:33-41; Jn. 19 :28-30)

⁴⁴ Jo lajee` táang` Jesús fí` dse` crúu` mi` catí` guieñi`- joo`, job` mi` ca`i`- nuu` fí` guoo`- uø` jo, jo cateá`- cartí` la ñi`- `ni` e ca`lloo`. ⁴⁵ Jo cajlíng`- iee`, jo lajee` jo casing`- tú`- dseá`- joo` e `mi` e í` guiá`^ joo` guá`- e si` fí` Jerusalén. ⁴⁶ Job` mi` ca`oo` Jesús jo cajíñ`-:

—Teaa`, fí` jaguoo`ba` nisée` e jmiguí` quie`- e náng.

Jo dsifi` mi` cajíñ`- lajo, jo cajúm`- bre.

⁴⁷ Jo mi` cangá`- fi` `léé`- quiá`- dsea` romano e calí`- lado, joguiba` cajmiféiñ` Fidiéé` jo cajíñ`-:

—Dseáng`- já`-ba` e ja` dsee`- nirøøng` i dseañu` na.

⁴⁸ Jo jaléng` i dsea` i teáng`- do cangá`-bre jalé` e calí`- do, jo mi` caquiñ`- e ngoliñ`, joba` canaaiñ` bár` fí` nidsi`r`, cõo` fi`ib` eáang` calíñ`. ⁴⁹ Dsu` jaléng` dsea` i cangi` cõo`- Jesús cõo`-gui` jaléng` dseam` i cajalíng`- cõo`- dsea` do catí` li` se` Galilea, huíib`- cajer` jøø`r` jalé` e calí`- do ie` jo.

Mi` ca`áng` Jesús

(Mt. 27:57-61; Mr. 15:42-47; Jn. 19 :38-42)

⁵⁰ Jo ie` jo seeng` jaang` dseañu` i guíung`- eáang` i sii` Sé` i caliséng` fí` cõo` fi` li` sii` Arimatea fí` li` se` Judea. Jo líiñ` do jaang` dsea` féng` i quiu` ta` quiá`- dsea` Israel. ⁵¹ Jo i dseañu` do güije`-bre e nicá` Fidiéé` nifi` quiá`- lajaang` lajaang` dsea` jmigüi`, jogui` ja` calijí`r` cajo dsu` e cahuí` ta` e nijúung`- Jesús lí` laco`gui` casing`- i dseata` caguiaang`- rúíñ` do. ⁵² Joba` mi` cajúng`- Jesús, cangó`- i Sé` do fí` quini` dseata` Pilato, jo camir` fí` e ni`áaiñ` Jesús, jo cacuø`bi` i dseata` i fi` e nijmé`- Sé` lajo. ⁵³ Jo dsifi` lajob` cangó`r` fí` li` táang` Jesús fí` dse` crúu`, jo cajgiáaiñ`- dsea` do, jo caquiñ` cõo` `mi` té` e niguo`, jo cangojéeiñ` dsea` do e ca`áiñ` fí` dsí` cõo` too` jáa`, cõo` lajob` qui`- t`ng` jaléng` dsea` Israel e áaiñ`- `li` quiá`r`. Jo e fí` jo jii`- jaang` `li` ja` mí` ca`áng`- lamí` jéeng`gui. ⁵⁴ Jo ie` jmí` jo nilí` e guati`lõ`- jmí` e jmi`ing` jaléng` dsea` Israel.

⁵⁵ Jo jaléng` i dseam` i cajalíng`- cõo`- Jesús catí` li` se` Galilea cangolíim`-bre cajo, joba` cangá`-bre jie` li` ca`áng`- Jesús jogui` jial` caquiee` dsea` do dsí` e too` do. ⁵⁶ Jo mi` calita` dsí` i dseam` do jie` li` ca`áng`- Jesús, joba` cangolíim`-bre jóng fí` li` neáiñ` fí` Jerusalén,

jō cangoguiar~ guiá~ jalé' jmī jmeafī cōo'~gui jalé' noo~ jmeafī e nidsisuiñ~ dsea` do mī ningí jmī e jmi'ing' jaléng' dsea` Israel, co' lajōb qui' t̄ing' jaléng' dsea` ie~ jō cōo'~ jaléng' 'lī quiá'r-. Jō cajmi'im' i dseam̄ do mī catí í' lajō lí' laco'gui ta~ quiá' fí n̄ j̄i quiá'- Fidié~.

24

Mī cají'tu Jesús

(Mt. 28:1-10; Mr. 16:1-8; Jn. 20:1-10)

¹ Jō mī cangí e jmī e jmi'ing' jaléng' dsea` Israel, jō jmī la'uii~ quiá'- seaman~ la'ee' eáang' jaléng' i dseam̄ i cajaling' cōo'~ Jesús catí Galilea do caleáb' catú~ cangoliñ' fí lí' si'aang' Jesús, jō quier' jalé' jmī jmeafī cōo'~gui jalé' noo~ jmeafī e nicaguiar' guiá~ lamí jéeng'gui do quiá'- e si'í' nisúuiñ~ dsea` do. ² Jō mī caguliñ~ e too' jiáa' lí' ca'áng~ Jesús, jō cangár~ e nisinab' e oo' ée' do, jō cab' nirōo' e cuu~ e cajní~ mī ca'áng~ dsea` do. ³ Jō cangotáam'~bre fí dsí' e ée' do, dsu' jō cadséiñ' Jesús fí dsí' jō. ⁴ Jō mī cangá~ i dseam̄ do lajō, jō dsíng'~ cafóin' j̄i' jō ñir' e~ nijmér-. Jō lajee' jō cōo' cangá~bre e cajnéng' gáng~ dseañu' quiá'- laco' teáaiñ', jō i dseañu' do qui'r' 'mi' té' e j̄i' jlo'^. ⁵ Jō dsíng'~ cafóng' i dseam̄ do mī tí lí' cangáin' i dseañu' do, jō catúuiñ' cartí ni' uó' dsu' e cafóin' dsea` do. Jōguiba' café' i dseañu' do e caféin' i dseam̄ do jō cajíñ'-:

—¿Jialí' ngi'na' 'náng'na' jee~ jaléng' 'lī i dsea` i j̄i' lana? ⁶ Co' nicajib'tur calé' catú~, jōba' jō i seeng' fí la. Téé' óo'na' jial cajíñ'~ lamí cateáaiñ' cōo'~ 'nú' fí Galilea, ⁷ mī cajíñ'~ e ír', dsea` cagüéiñ' fí j̄m̄igüi' e jáar' fí ñifí' e líiñ' jaang' dsea` j̄m̄igüi', dseáng'~ 'néb~ e nijáng' dsea` ír' fí jaguó' jaléng' dsea` dsee~ dsea` qui' cartí nijnga'~ dsea` do quiá'r' fí dse' crúu^, jō dsu' mī nidsíng'~ 'ní jmī lajō, nijib'tur calé' catú~.

⁸ Jō mī canúu~ i dseam̄ do e júu^ na, jōguiba' cadseng'~ dsír' jalé' júu^ quiá'- Jesús. ⁹ Jō dsifí lajōb caquing'~tur, jō cangojméer' júu^ i dsea` guijáng' quiá'- Jesús cōo'~gui jaléng' i dsea` caguiaang'~gui do. ¹⁰ Jō jaléng' i dseam̄ i caguicōo' júu^ do siir' Yá' i seeng' fí Magdala, jaang'gui i sii' Sihuoo~, jaang'gui i sii' Yá' niquiá'^ Tiáa~, jōgui quíim'~bi dseam̄ i caguiaang'~gui cajo. ¹¹ Jō mī canúu~ i dsea` guijáng' do lado, ca'f' dsír' e ngaam' i dseam̄ do, jō ja' ee' já'~ calíñ'~ laj̄i' júu^ e quiéeiñ' do.

¹² Jō dsu' Tú' Simón dsifib' cangór~ güi'í' e cangojōor^ e fí too' ée' do. Jō mī caguiér' fí jō, jō catúuiñ' cajōor~ jō cangár~ e j̄i'~ e 'mi' e caquing'~ dsea` doba' néé'gui. Jō dsifí ladob cangáng'~tur, jō dsíng'~ cangogá' dsír' quiá'- jalé' e cangár~ do.

Mī cangolíng' gáng~ dsea` quiá'- Jesús fí Emaús

(Mr. 16:12-13)

¹³ Jō e jmī jō, gáng~ lajee' la'ó' i dsea` i cangí cōo'~ Jesús do cataiñ'~ fí e cangoliñ' fí cōo' f̄i' lí' sii' Emaús e néé' guicō' kilómetro lí' lí' caluu' f̄i' Jerusalén. ¹⁴ Jō lajee' teáng'~ i dsea` do fí, jō ngolíñ'~ s̄iñ' quiá'- jalé' e nicalí' fí Jerusalén lajee' e jmī jō. ¹⁵ Jō lajee' ngolíñ'~, cangoquiéeng' Jesús, jō canaaiñ' ngir' coling'~ cōoiñ'~ do. ¹⁶ Jō jōom~ i dsea` gáng~ do Jesús, dsu' ja' cangáin' fa' e calicúin' dsea` do ladsifí lado. ¹⁷ Jō cajmingí' Jesús i dsea` gáng~ do jō casí'~reiñ' jō cajíñ'-:

—¿E~ jalé' e siing'~ 'nú' lajee' teáng'~na' fí? ¿Jialí' líng'na' fí'í'?

¹⁸ Jō jaang' i dseañu' do i nisii' Cleofas cañir' quiá'- Jesús, jō casí'r' dsea` do jō cajíñ'-:

—Lajim' dsea` ñiñir' jalé' e nicalí' fí Jerusalén lajee' e jmī e cangíng' na. Jō ¿su j̄i'~ 'nub' dsea` guiin'~ fí Jerusalén e ja' ní'^ jalé' e nicalí' fí jō?

¹⁹ Jōba' cajmingí'tu Jesús quiá'- i dsea` do jō cajíñ'~ casí'~reiñ':

—¿E~ jalé' e nicalí' fí jō?

Jōba' cañí' i dsea` gáng~ do jō cajíñ'-:

—Mó'^ jáa'naa' siñ'naa' jalé' e calíng' Jesús i seeng' fí Nazaret, jaang' dsea` 'gong' i café' cuaiñ'~ quiá'- Fidié~, jō cajmээр' jalé' e qui'r' jmī e dsigá' dsí' dsea`, jōgui eáang'

'gøng' jalé' júu^ e café'r` cajo; ²⁰ jogui sîi~naa' jial cajmée` jaléng' fii~ jmidsea` cóo'~gui jaléng' dseata` qui`ii' mi~ cajáin' dsea` do fí jaguó` jaléng' dsea` fii` e laco' niteáin` dsea` do fí dse` crúu^ cartí nijngáng'-neiñ'. ²¹ Jo jnea'^ nisita` dsinaa' e íbre dsea` i nileáng- jnea'^, dsea` lí'naa' dsea` góor` dsea` Israel. Jo dsu' lana ningóo' 'ní jmi~ e cangojée' jalé' e jo. ²² Jo cóo` tú- mîng'~ dseamî i quíng'~ jee~ jnea'^ nicaguiliñ` 'ma'ee' e fóiñ' jnea'^, có' nicangoliñ` e ja` mí jnea' røø` fí lí ca'áng- dsea` do, ²³ jo dsu' jo` seeng` i líi~ do e too` lí ca'ír- do mi~ caguiliñ-. Joba' mi~ caquing'-tur, quiéer` júu^ e cangáin` ángeles quiá'- Fidiée` i cajíng'- e nicajíb'tu Jesús calé' catú-. ²⁴ Jo lí- jo, cangolíng- fí jo cóo` tú- mîng'~ dsea` i la'ó` ngí cóo'~naa' e fí do, jo cangá-bre cajo dseáng'- jíi~ laco' júu^ e quiée` i dseamî do, jo dsu' ja` cangáin` Jesús.

²⁵ Joba' cajíng'- Jesús casí'r- i dsea` gáng- do:

—iSóong- ja` iing- 'nú' e ningáng'na' jalé' ee' líi', jogui dsíng'- jmi'íing~na' e já'- nilíng'na' jalé' júu^ e caguaí` jaléng' dsea` i café' cuaiñ` quiá'- Fidiée` malí'gui eáang'! ²⁶ Co' dseáng'- 'né-ba' e cangongúng- Dsea` Jmáang- jalé' e jo ná'-gui e nidséng'-tur calé' catú- fí ñífi~ quiá'r-.

²⁷ Jo dsifí` ladob canaang` Jesús e sí'r` i dsea` gáng- do jalé' júu^ e fé' uii~ quiá'r- fí ní` jì` quiá'- Fidiée`, jo canaaiñ` catí` júu^ quiá'- Moi~ cóo'~gui jalé' júu^ caguiee` gui e cajme' i dsea` i café' cuaiñ` quiá'- Fidiée`.

²⁸ Jo malí~gui lajo, mi~ caguilíng- i dsea` gáng- do e fii` lí` ngolíñ- do, jo cajmée` Jesús e lafa' e ngóo`bir tí lí` huíi`gui, ²⁹ dsu' i dsea` gáng- do cajméer` e cajeb' Jesús e fii` do jo casí'-reiñ' do:

—La jē` cóo'~ jnea'^, có' nica'lóob- eáang` jo tí lí` ní'í` náub`.

Jo mi~ cajíng'- i dsea` do lado, jo cajeb' Jesús fí lí` cajé` i dsea` gáng- do. ³⁰ Jo mi~ tí lí` caguár` e nidó'r- ir~ e canuu, jo catúng- Jesús cóo` iñí'` jo cacuø'r` gui'máang' Fidiée`, jo lí- jo cafiñ` e iñí'` do jo cacuø'r` i dsea` gáng- do. ³¹ Jo mi~ cajmée` Jesús lado, job mi~ calilí' i dsea` gáng- do e ní` dseáng'- Jesús i dsea` do. Jo dsu' dsifí` ladob cango'íing` dsea` do e laco' gui'ná'` jøøm`bir. ³² Jo dsifí` ladob canaang` i dsea` gáng- do sí'` rúin':

—Lado 'míi~, lajee` tée'naa' fí, dsíng'- calí'iaang` dsinaa' mi~ cajmea'r` jneaa~aa' júu^ jalé' e fé' fí ní` jì` quiá'- Fidiée` uii~ quiá'r-, dsea` líiñ` Dsea` Jmáang-, ¿já` já'-?

³³ Jo jo` cajmi'íing~ yaang~ i dsea` gáng- do, có' dsifí` ladob caquing'-tur cangolíñ` fí` Jerusalén fí lí` caseáng'tur cóo'~ jaléng' i dsea` guijáng` do cóo'~gui dsea` caguaiang- i ngí cóo'r` do. ³⁴ Jo dsifí` mi~ cangáng- rúin', jo lalab cajíng'- i dsea` fíng` do jo casí'-reiñ':

—E já'-ba' e nicají'tu Fí'naa', có' Tú` Simón nicangá- quiá'r-.

³⁵ Jo joguiba' cajmée` i dsea` gáng- do júu^ jalé' e calíñ- guiá' fí, jo jial calicuíñ` Jesús mi~ tí lí` cafiing` dsea` do iñí'` e nidó'r-.

Mi~ cajmijnéng- 'ñia'` Jesús fí` quini` dsea` quiá'r-

(Mt. 28:16-20; Mr. 16:14-18; Jn. 20 :19-23)

³⁶ Jo lajee` gui'ná'` sîm`bi i dsea` do jalé' e júu^ na, cóo` cajném- Jesús jo casíng' 'ñia'r' jee~ jaléng' i dsea` do jo casí'-reiñ' do lala:

—Güiliseem` 'nú'` juguíá- júu^ røø`.

³⁷ Jo mi~ cangáng- i dsea` do Jesús, dsíng'- cafóin'` jo canaaiñ` í` dsír' e jøøiñ- jaang` dsea` guí`.

³⁸ Joba' cajíng'- Jesús casí'r- jaléng' i dsea` do:

—¿Jialí'` 'gó'na'? Jo ¿jialí'` jmoo'na' e ja` já'- líng'na' e jnea'? ³⁹ Fíng na jøø`du' guóo`o cóo'~gui tíi`i, có' dseáng'- jneab~ la. Güing'na' jnea~ jogui jøøng~na' jnea~, có' jaang` dsea` guí` ja` teáaiñ` móo` o'gui sea` loo` táaiñ` laco' móo- 'nú' e sea` quié- e lana.

⁴⁰ Jo mi~ cajíng'- Jesús lado, jo ca'e'r` jaléng' i dsea` do lajì` tú- guóor` cóo'~gui tíir-. ⁴¹ Jo dsu' i dsea` do ja` já'- calím`bir uíi' e dsíng'- dsigá` dsír' jogui e íaang` dsír' cajo. Joba' cajíng'- Jesús casí'r- jaléng' i dsea` do:

—¿Su ja` ee` sea` cuó`jiu` dóø`ø` lana?

⁴² J_oba' i dsea` do cacuø'r' Jesús ca'náang' 'ñu` i cuíng` cóo`'gui ca'ná` mi' e a` ta'.
⁴³ J_o ca'ím' Jesús e do, j_o cagó`bre do fí` quini` jaléng' i dsea` do. ⁴⁴ J_o mi` cangoyúung' e cagó`r', j_o casí`r- jaléng' i dsea` do j_o cajíñ'-:

—Lajalé' e nicalín`-n, e j_ob e cafi`-i 'nú' lami` cangí`naa' colíng` e dseáng'- 'né` e nilitib` jalé' e fé' uii` quié` e fí` ni` jì` quiá'- Fidié` e cajme' Moí` j_ogui fí` ni` jì` e cajme' dsea` i café' cuaiñ` quiá'- Fidié` j_ogui e fé' fí` ni` jì` e siú` salmos.

⁴⁵ J_o lí` j_o, cajmée` Jesús e cangáng' jaléng' i dsea` do jalé' e fé' fí` ni` jì` j_o uii` quiá'r-. J_o lí` j_o casí`-reiñ' lala j_o cajíñ'-:

⁴⁶ —Laj_ob t_oq` fí` ni` jì` quiá'- Fidié` e dseáng'- nisi'í`ba' e cajún`-n, jnea` dsea` lín`n Dsea` Jmáang` i casíng` Fidié` fí` jmíguí` la, j_o mi` catí` 'ní` jmí` laj_o, cají`b`'tú` calé' catú`-; ⁴⁷ j_ogui 'né` e nini'- dsea` júu` quié` e lacoq` fi` fí` la'úng` fí` jmíguí`, j_o 'né` nináng` e j_o catí` Jerusalén e laco' niquí`- jíng' yaang` dsea` fí` quini` Fidié`, j_o laj_oguiba' quí`- jmí` e ni'íng` dsee` quiá'r-. ⁴⁸ J_o 'náb' nicañí`-na' jalé' e nicalín`-n. ⁴⁹ J_o jnea` nicuóø`ø` 'nú' e cajíng'- Tiquié` e lami` jééng`gui e nicuó`r- 'nú', dsu' fí` Jerusalén labi 'né` já`na' cartí` ni'íng`-na' e Jmíguí` 'gøng' quiá'- Fidié` e jáa' fí` ñifí-, j_o e j_ob e nijmicóo`- 'nú' lata`.

Mi` cangáng'- Jesús fí` ñifí`

(Mr. 16:19-20)

⁵⁰ J_o mi` cangí` j_o, cajééng` Jesús i dsea` quiá'r- do fí` caluu` fi` Jerusalén, j_o cangolíñ` fí` coq` lí` sii` Betania. J_o mi` caguilíñ` fí` j_o, j_o casé` Jesús guóor` fí` yá` j_o laj_ob cataíñ`- güea` i dsea` quiá'r- do. ⁵¹ J_o lajee` gui'ná`bi táíñ' güea` i dsea` quiá'r- do, mi` canaaíñ` soor` fí` yá` e cangáiñ`- fí` ñifí-. ⁵² J_o dsu' lajaléng' i dsea` guiáng` do caquim`-t_ur fí` Jerusalén mi` cangoyúung' e cajmiféíñ' dsea` do, j_o dsíng'- íáang` dsír' cangolíñ`. ⁵³ J_o mi` cangí` j_o, sojiéb' niteáaiñ` fí` dsí` sinúu` guá'- e jmiféíñ' Fidié`.

J_o laj_ob nilí`.

J_o lanab jíi`- lí` júu` e cajme' Lucas.

E lab júu^ quiá'- Dsea` Jmáang- e cajme' JUAN

Lajíi' mi~ ná'-gui e nitiroo`jmigüi'ba' e niseeng`Dsea`Jmáang`

¹ Jo júi' lati' mi~ uim~ nisea' e sií' Júu^ do, jo e jo líng' Jóo' Fidié'; jo cøøm` seeng` cóo' Fidié', có' íb` dseáng' Fidié' cajo. ² Jo colim~ seeng' e Júu^ do cóo' Fidié' lajii' lati' mi~ uing~. ³ Jo la'eáang' cóo' e Júu^ dob cajmé' Fidié' lajalé' e sea' fí' jmigüi'; joba' lajalé' e sea' fí' jmigüi' cajmé' Fidié' coling~ cóo' e Júu^ do. ⁴ Jo la'eáang' cóo' e Júu^ do ba' cuø' e see~ naa' fí' jmigüi', jogui íb` cajo i líng' i Jing' quiá'- Fidié' i cuø' e ting` ngáng' jaléng' dsea' jmigüi'. ⁵ Jo i Jing' quiá'- Fidié' do jmoo' e lijneá' lacaang' lí' nua' só', jogui e nua' só' do ja' mí' caquí' jmi' fa' nijmé' e niyung' i Jing' quiá'- Fidié' do.

⁶⁻⁷ Jo malii'gui caliséng' jaang' dseañu' i calisi' Juan i seáang' dsea' jmi'; jo Fidié' caguíng' ír' jogui casíng' neiñ' e laco' dsea' do nini'r- júu^ quiá'- i Jing' quiá'- Fidié' do, jogui e laco' ninu' jogui e já'- nilíng' jaléng' dsea' lajii' júu^ e niguiá' dsea' do. ⁸ Jo dsu' i Juan i seáang' dsea' jmi' do ja' líiñ' dseáng' i Jing' quiá'- Fidié' do, có' líiñ' jaang' dsea' i casíng' Fidié' e laco' nini'r- júu^ quiá'- i Jing' do jee~ jaléng' dsea' góor' dsea' Israel. ⁹ Jo cagüéng- i dseáng'- já'- Jing' quiá'- Fidié' do fí' jee~ dsea' jmigüi' e laco' nijmér- jial e niliseeng' dsea' fí' lí' jneá' jì.

¹⁰ Jo i dsea' i líng' Júu^ quiá'- Fidié' do niseem`bre lajii' lati' mi~ uing~; jo nañí' fa' la'eáang' cóo' íbre cajmé' Fidié' lajalé' e sea' fí' jmigüi', jo dsu' jaléng' dsea' jmigüi' ja' já'- calíñ- júu^ quiá'- dsea' do. ¹¹ Jogui dseáng'- fí' góo'bre cagüéñ- cajo, dsu' ja' calíng' dsea' góor' ír'. ¹² Jo dsu' jaléng' i dsea' i calíng' ír' jogui i já'- calíng- júu^ quiá'-, joba' cacuø' reiñ' fí' e ca'uíñ'- do jóo' Fidié'. ¹³ Jogui líiñ' do jóo' Fidié' dsu' o' uí' e caliséñ' fí' jmigüi' la, o'gui fa' líng~ i' quiu' ta~ quiá'-r- e ca'uíñ'- lajo, dsuco' líiñ' do lajo uí' e 'ñiab' Fidié' cajméer' e ca'uíñ'- do jóor'.

¹⁴ Jo e Júu^ do ca'uíng- dseáng'- jaang' dsea' jmigüi', jo caliséng' jee~ jneaa~aa' fí' jmigüi' la, jogui dsíng'- jmi'neáang' jneaa~aa', jogui jmang'- júu^ já'- quie'. Jo mi~ calicuíng'naa' e Júu^ do i líng' Jóo' Fidié' i camíng'- do, joba' calíne'baa' jóng' jial dseáng'- jlo' niñ-, jo dsu' e jo catíiñ- jii' dseáng'- 'ñia'bre e cacuø' Tiquiá'r' ír', có' dseáng'- eáam' 'née' dsea' do quiá'-r-. ¹⁵ Jo lalab cajíng'- Juan i seáang' dsea' jmi' do cuaiñ- quiá'- dsea' do mi~ cajíñ'- lala:

—Jo i lab i dsea' i éeng' jnea~ do ie~ lamí~ cafa'-a lala: “Jo i dsea' i nijaa' cøong'guijia laco'gui cagüéng- jnea~ fí' jmigüi' la niing- guir eáang' laco' jnea~, dsuco' lajii' mi~ ná'-gui eáang' e niliseeng' jnea~ba' e niseeiñ'.”

¹⁶ Jo có' eáam' guiung- dsea' do cóo' jneaa~aa', joba' cuø'r' jneaa~aa' jalé' güea'^ quiá'-r- cóo'gui jalé'gui e 'né- quí-ii' dseáng'- lalíng' e jii' ja' catí-naa' lajo. ¹⁷ Jo la'eáang' cóo' Moí' cacuø' Fidié' jneaa~aa' júu^ quiu' ta~ quiá'-r-; jo dsu' la'eáang' cóo' Dsea' Jmáam-ba' e nicalíne-naa' jial tí' 'neáang' Fidié' jneaa~aa' jogui la'eáang' cóo' íb` cajo e lití' júu^ quiá'- Fidié'. ¹⁸ Jo júi' jaang' dsea' jmigüi' ja' mí' cangáaiñ' dseáng'- 'ñia' Fidié', dsu' júi' i jóor' camíng'- do i líng' Fidié' cajo, júi' íbing' i nicajmijneeng' jial líng' Tiquiá'r' Fidié' uí' e dseáng'- cøøm' seeiñ' cóo' dsea' do.

Mí' café' Juan i seáang' dsea' jmi' cuaiñ- quiá'- Dsea' Jmáang-

(Mt. 3:11-12; Mr. 1:7-8; Lc. 3:15-17)

¹⁹ Jo cóo' jmi' jaléng' i dsea' i quie' nifi' quiá'- jaléng' dsea' Israel i seeng' fí' Jerusalén casíñ' cóo' tú- máng' jmidsea' quiá'-r- cóo'gui jaang' gáng- dsea' levita fí' lí' táang' i Juan i seáang' dsea' jmi' do e cangojmíng' dsea' do lala:

—¿I' dsea' lin'?

²⁰ Joba' cañí' i Juan do dseáng'- la lí' jo casí'- reiñ' do lala:

—O' jnea~ i Dsea` Jmaang~ i í áána' i nisíng~ Fidiéé~ i nicá` nifí` quií`-na'.

²¹ Jo cajmingí'-tu i dsea` do i Juan do calé` catú`- jo cajíñ'-:

—Jo ¿i~ dseáng'- líng' 'nu` jóng? ¿Su Lí' i café` cuaiñ~ quiá'- Fidiéé~ mali`gui eáang'?

Joba' cañí'tu i Juan do jo cajíñ'-:

—U~, o' í jnea~.

Joba' calé` catú`- cajmingí'-tu i dsea` do jo cajíñ'- lala:

—¿Osi 'nu`bi i dsea` i caguíng' Fidiéé~ i nifé` cuaiñ~ quiá'r- i sijeeng`naa' fí` jmigüí` la?

Joba' cañí'tu i Juan do quiáiñ'- do jo cajíñ'-:

—U~, o' í jnea~ cajo.

²² Joba' i dsea` do caléb' catú`- cajmingí'-r- i Juan do jo cajíñ'-:

—Jo song o' lajogui, joba' ¿i~ gui dseáng'- líng' 'nu` jóng? Jo co' dseáng'- la guím` 'né` lé`naa' júu` i~ dseáng'- líng' 'nu` quiá'- i dsea` i casíng` jnea` do, joba' ¿e` fót' 'nu` uø' e lin'?

²³ Joba' cañí'tu i Juan do quiáiñ'- do:

—Jnea~ lín`n jaang` i fé` i cagüéng`- fí` ní` guóo`- uø` quiú`, jo quíee` júu` quiá'- Fidiéé~ e catíng`- 'nú` e fé` lala: “Nea`na' condsée` coo` fí`, co' tí` lí` nijáab` Fíi`naa'” —lí` lacó' cajíng'- Fidiéé~ fí` ní` jì` quiá'r- e cajme` Saíi`, jaang` dsea` i café` cuaiñ~ quiá'- Fidiéé~ ie` mali`gui eáang'.

²⁴ Joba' i dsea` i casíng` dsea` fariseo fí` lí` táang` i Juan i seáang` dsea` jmí` do cangosiñ~ cóo`- dsea` do ²⁵ jo cajmingí'-tureiñ':

—Jo song ja` líng`gui' i Dsea` Jmaang~ i nisíng~ Fidiéé~ fí` la i nicá` nifí` quií`-naa' o'gui Líi` o'gui i dsea` i fé` cuaiñ~ quiá'- Fidiéé~, joba' ¿jali'` jmoo` ta~ seáang` dsea` jmí` jóng?

²⁶ Joba' cañí'tu i Juan do quiáiñ'- do jo cajíñ'-:

—Jnea~ seán`n dsea` jmí` jii~ cóo`- layaang` jmí`; jo dsu' jee` 'nú` niseem` jaang` i ja` mí` cuíng`na'. ²⁷ Jo lana tí` lí` nilicuím`ba' i dsea` í, co' tí` lí` ninám`bre ta~ quiá'r-. Jo jnea~ fí` quini` í` ja` ee` quín`n, co' jì`gui co' nisíi`- ní` 'ñúu` lomíir- ja` quín`n.

²⁸ Jo jalé` e la cangojée` fí` coo` fii` lí` sii` Betania e néé` lí` lí` 'ngóo`- gua` Jordán, co' fí` job` lí` táang` i Juan i seáang` dsea` jmí` do ie` jo.

Jesús líiñ` i Jo'se` Jiuung` quiá'- Fidiéé~

²⁹ Jo mí` cajneá`- coo`gui jmí` lajo, i Juan do cangár- e nijaquíéng` Jesús fí` lí` siñ'. Joba' café'r- uii~ quiá'- dsea` do, jo casí'r- jaléng' i dsea` i teáang` cóo`r- do lala:

—Fíng na` jóø`-na', dob nijáa` i líng` i Jo'se` Jiuung` quiá'- Fidiéé~ i líng` jalé` dsee` e røøng` dsea` jmigüí`. ³⁰ Jo i dsea` lab i ééng` jnea~ do ie` lamí~ cafá'-a lala: “Mí~ nisóong` jnea~, nijáa` jaang` i niing`-gui eáang` lacó' jnea~, dsuco' i dsea` í` lajii~ mí` ná`gui eáang` e niliseeng` jnea`ba' e niseeiñ`.” ³¹ Jo jii~ jnea~ ja` mí` caliñi`bii` i~ dseáng'- dsea` do, jo dsu' cagá'-a fí` jmigüí` la e gaseán`n dsea` jmí` e lacó' jaléng' dsea` góo`o dsea` Israel nilicuíñ` dsea` do.

³² Jo cajíng'-gui i Juan do lala cajo:

—Coo` jmí~ camó`- jnea~ Jmiguí` quiá'- Fidiéé~ e cajgó` fí` ñifí`- jo cajé` fí` yú`^ gui` Jesús e líng` jaang` mee~. ³³ Jo lajee` e nu`-gui lajo ja` mí` ní` jnea~ i~ líng` dsea` do, jo dsu' Fidiéé~ i casíi` quié` e e cagaseán`n dsea` jmí` casí'r- jnea~ lala: “Í` dsea` i nimáan` i nijgiéé` Jmiguí` quié` e fí` yú`^ gui~, i dsea` í`bing' i niseáang` dsea` jmí` cóo`- Jmiguí` quié` e.” ³⁴ Jo camób` jnea~ mí` cangojée` jalé` e jo, joba' dseáng'- lajam` nita` dsii` e Jesús líiñ` dseáng'- i Jóo` Fidiéé~ camíng' do.

La'uii` dsea` i ca'uíng` dsea` quiá'- Jesús

³⁵ Jo mí` cajneá`- coo`gui jmí` lajo, i Juan i seáang` dsea` jmí` do táaiñ` colíng` cóo`- gáng` dseañu` i nilíng` dsea` quiá'r-. ³⁶ Jo lajee` job` cangár- e cangíng` Jesús, joba' cajíñ'- casí'r- i dsea` quiá'r- do e fé'r- uii~ quiá'- dsea` i cangíng` do jo cajíñ'-:

—Fing na jóø-na', i dsea`ngóo' dob i líng' i Jo'se' Jiuung` quiá'- Fidié' i íng' jalé' dsee` e røøng` dsea` jmiçüí'.

³⁷ Jo dsifí' mi~ canúu- i dsea`gáng- do lajii~ e cajíng'- i Juan do, joba' lajmináb- cangoliñ- t'leáaiñ' laco' ngóo' Jesús. ³⁸ Jo mi~ calilí' Jesús e líng' i' ngolíng- caluur', joba' dsifib' cají'r' nir~ e cajóøiñ- i dsea` do jo cajmingí'- reiñ':

—¿I~ ñilíng-na' 'náng'-na'?

Joba' cañí' i dsea` do quiá'- Jesús jo cajíñ'-:

—Tifa', ¿jie~ fí' quií'-?

³⁹ Joba' cañí' Jesús quiá'- i dsea` do jo casí'-reiñ':

—Má-aa' cóo~ jnea~, jo lajob niliñí'-na'.

Jo colim~ cangoliñ' cangojmiñir' jie~ quiá'- Jesús, jo fí' job cajer' colüing~ lata~ e jmi~ jo, co' la i~ quiá' e cal'loob- ñingóo' ie~ jo.

⁴⁰ Jo jaang' lajee' i dsea`gáng- i canúu- júu^ quiá'- Juan i seáang' dsea` jmi~ do siir' Dí' i nilíng' dsea` ngáang~ cóo~ jaang'gui dseañu' i sii' Simón, jo íb' i cangotáang- cóo~ Jesús do. ⁴¹ Jo dsifí' lajob cangó- Dí' e cango'neeiñ' i rúíñ' i sii' Simón do, jo mi~ cadséng'neiñ' do lalab casí'r':

—Janú', Simón, lana nicalicuim'baa i dsea` i cajíng'- Fidié' i nisíñ- fí' jmiçüí' la i sii' Dsea` Jmáang- i nicá' nifí' quií'-ii' do.

⁴² Jo dsifí' lajob i Dí' do cangojéeiñ' i rúíñ' i sii' Simón do fí' lí' guíng~ Jesús; jo mi~ tí' lí' cangá- dsea` do quiá'- Simón lalab cajíñ'- casí'-reiñ':

—Jo 'nub' i sii' Simón, jo lin' jóo' jaang'gui i sii' Juan, jo dsu' latí' lana nilisii' Cefas osi Tú' cóo~ jmi' griego é.

Mi~ cató'- Jesús Lii~ cóo~ Natanael

⁴³ Jo mi~ cajneá- cóo'gui jmi~ lajo, ca'í' dsí' Jesús e cangó-tur fí' lí' se' Galilea, jo fí' job cajíng' rúíñ' cóo~ jaang' dseañu' i sii' Lii~, jo lalab casí'-reiñ' do:

—Má-aa' cóo~ jnea~.

⁴⁴ Jo i Lii~ do niseeiñ' fí' cóo' fii' e sii' Betsaida, jo dsea` góo-bre nilíng' i Dí' do cóo'gui Tú' Simón, co' coob' fii' lí' seeiñ'. ⁴⁵ Jo dsifí' lajob cangó- Lii~ e cango'neeiñ' jaang'gui dseañu' i sii' Natanael, jo mi~ cajíng'neiñ' do, lala casí'-reiñ':

—Lanab nicalicuíng'naa' i dsea` i ca'éeng' Moi' fí' ní' jì quiá'r- malii~ gui eáang', jogui cajo i ca'éeng' jaléng' dsea` i café' cuaiñ~ quiá'- Fidié' lí' laco'gui cajme'r' fí' ní' jì malii~ gui eáang'. Jo i dsea` íb' i sii' Jesús i seeng' fí' Nazaret i líng' jóo' Sé'.

⁴⁶ Jo mi~ canúu- Natanael e júu^ jo, joba' cajíñ'- lala:

—Ja' lí' dsii- e fí' Nazaret nigüí'í' jaang' i ní'é- guiá- cóo~ dsea` rúng'.

Joba' cañí' Lii~ quiá'- i dsea` do jo cajíñ'-:

—Má-aa' fí' lí' guíñ~, jo lajoba' nilicuín' dsea` do.

⁴⁷ Jo mi~ cangá- Jesús e nijaquíéng' dsea` do fí' lí' siñ', joba' cajíñ'- lala e café'r' uii~ quiá'- Natanael:

—I nab dseáng'- lajang'^ jaang' dsea` góo'naa' dsea` Israel i ja' quie' júu^ ta~ júu^.

⁴⁸ Jo mi~ canúu- Natanael e jo, joba' cañí'r' quiá'- Jesús jo cajmingí'r- dsea` do lala:

—Jo ¿jial nicuín' jnea~ jial lín'n?

Joba' cañí' Jesús quiáíñ'- do jo cajíñ'-:

—Co' lajii~ ná'-gui e nitó' Lii~ 'nu', jéem' nicamáng- jnea~ 'nu' e guíñ~ uii~ 'ma' güíñí'.

⁴⁹ Joba' cañí'tu Natanael quiá'- Jesús jo casí'r- dsea` do lala:

—Tifa', 'nub' dseáng'- i líng' jóo' Fidié', jogui 'nub' cajo dsea` lin' dseata~ dsea` féng' quiá'- jaléng' jnea~aa', dsea` lí'í' dsea` Israel.

⁵⁰ Joba' cañí'tu Jesús quiá'- i dsea` do calé' catú- jo casí'-reiñ':

—¿Su já'- lín' lana dsu' uí' e fá'a e camán-n 'nu' e guíñ~ uii~ 'ma' güíñí'? Jo dsu' jnea~ fii~ i 'nu' e nábi nimó' jalé' e ñing-gui eáang' e tññ- jmee'e.

⁵¹ Jo lalab cajíng'- gui Jesús cajo e casí'r- lajaléíñ' do:

—Jò lalab jmítaa^ óo'na' cajo e nimó'ba' jial jnéeng^ fí ñiffí fí lí~ guing~ Fidiée^, jògui jial soo^ jògui jgáang^ jaléng^ ángeles quiá^- Fidiée^ fí lí~ sín'n, jnea~ dsea^ gáa'a fí ñiffí e lín'n jaang^ dsea^ jmigüí.

2

Mi~ cajmée` Jesús la'uii~ e quí'r~ jmí~

¹ Jò mi~ cangí^ 'n'í jmí~ lajo, jò ie~ jò caliseá^ coo^ jmí~ e cung^ guó^ dsea^ fí coo^ fi~jiu e sii^ Caná e née^ lí~ se^ Galilea. Jò ie~ jò dob táang^ Yá^, niquiá'^ Jesús, ² jò Jesús cóo^~gui i dsea^ quiá'r^- do líiñ^ dsea^ i simíng^ quiá^- e jmí~ e tí do, jòba' fí dob quijgeáiñ^ cajo. ³ Jò lajee^ e teáiñí~ e jmí~ do, coob^ mi~ cadseá^- e jmí'^ mí'^ huíng^ jó'^ e jmáiñ^ ta~ do, jòba' niquiá'^ Jesús cajíñ^- casí'r^- dsea^ do lala:

—Ngóó^ cadseáb^- e jmí'^ mí'^ huíng^ jó'^ e jmáang^ ta~ do.

⁴ Jòba' cañí^ Jesús quiá^- i niquiá'r^- do jò cajíñ^- casí'r^- dsea^ do lala:

—Neaa~, ¿jialí' fí' jnea~ lana? Co' lana ja' mí^ catí'bi í' e nijmee~ e lajjií~ ta~ e sí'ín^n do.

⁵ Jòba' cajíng^~tu niquiá'^ Jesús e sí'r^- i dsea^ i jmóo^ ta~ jmícoo^~ e sínúu^ do:

—Jmee~na' lajaléb^ ta~ quiu~ i Jesús na.

⁶ Jò ie~ jò nitée^- jñúu^- tu' cóo^~ e lí' cóo^~ layaang^ cuu~, jò e jò íng^ ta~ e a~ jmí~ e jmáng^ dsea^ Israel ta~ e laco^ jmiguiúng^ yaaiñ^ fí quini^ Fidiée^, co' lajòb quií^- tñiñ^ e jmóor^ . Jò lacoo^ e dsíí^ tu' cuu~ do ab~jiu la cincuenta si la setenta litro jmí~. ⁷ Jògui Jesús casí'r^- jaléng^ i dsea^ i jmóo^ ta~ e sínúu^ do lala:

—Jmiróong^na' jmí~ lacoo^ lacoo^ e tu' na.

Jòba' dsifí^ lajòb cajmiróong^ i dsea^ do dseáng^- la có' e tu' do. ⁸ Jò mi~ cangí^ jò, cajíng^~tu Jesús casí^- reiñ^:

—Lana fí~ i 'ná' güiseáang^~jiu' e nicaguiée'^na' dsíí^ e tu' do, jò güica~na' quiá^- i dsea^ née^ ni~ e jmí~ la.

Jòba' lajòb cajméeiñ^ do.

⁹ Jò i dsea^ i quie' nifí^ quiá^- e jmí~ do ca'í^-bre capí'^ e do, jò dsu' jmí'^ mí'^ huíng^ jó'^ nica'uíng^- do, jò jíí~ ja' ñir^ jial ca'uíng^- do lajo. Jò jíí~ i dsea^ jmóo^ ta~ sínúu^ dobing^ i ñí^ jial ca'uíng^- jmí'^ mí'^ huíng^ jó'^ e jmí~ do, dsuco^ yaam~bre cajmiróoiñ^ jmí~ e dsíí^ tu' do. Jò mi~ ca'í^- i dsea^ quie' nifí^ e jmí~ e ca'uíng^- jmí'^ mí'^ huíng^ jó'^ do, jòba' dsifí^ lanab cató'r^- i simíng^ i cacúng^- guó^ do ¹⁰ jò casí^- reiñ^:

—Lajim^ dsea^ cuor^ la'uii~ e jmí'^ mí'^ huíng^ jó'^ e jlo'^gui, jòba' mi~ tí lí~ nica'í^- i dsea^ simíng^ do jmiguiúung^~jiu e jmí'^ e jlo'^ do, jòguiba' e niguié'r^ e jmí'^ mí'^ huíng^ jó'^ e uóng^-gui do quiá^- i dsea^ simíng^ do. Jò dsu' 'nu~ nica'meá^ba' e jmí'^ mí'^ huíng^ jó'^ e jlo'^gui do quiá^- tí lí~ ningóó^ dséng^- jmí~.

¹¹ Jò e la cajmée^ Jesús fí^ e fi~ e sii^ Caná e née^ lí~ se^ Galilea. Jò e lab la'uii~ e quí'r~ jmí~ e dsigá^ dsíí^ dsea^ e cajméer^ fí^ jmigüí la, jò lajòba' cajmijnéeiñ^ jial tíí^ 'göiñ^'. Jò jaléng^ dsea^ quiá'r^- jáb^- calíñ^- júu^ quiá^- dsea^ do.

¹² Jò mi~ cangí^ jò, Jesús cangór^- fí^ coo^ fi~ e sii^ Capernaum colíng^ cóo^~ niquiá'r^- cóo^~gui jaléng^ rúíñ^ jògui cóo^~ jaléng^ dsea^ quiá'r^- cajo; jò fí jòb cajer^ coo^ tú^- jmí~ lajo.

Mi~ ca'uóong^ Jesús jaléng^ dsea^ i jmóo^ ta~ 'n'í fí guá^-

(Mt. 21:12-13; Mr. 11:15-18; Lc. 19:45-46)

¹³ Jò mi~ cangí^gui lajo, co' nijaquíem^bi e jmí~ quiá^- dsea^ Israel e sii^ Pascua, jòba' Jesús cagüí'fir^ fí Capernaum jò cangór^- fí Jerusalén. ¹⁴ Jò mi~ tí lí~ caguié^- fí jò, dsifib^ cangór^- fí guá^- fé^ e sí^ fí jò, jò fí siguí^ jòb cadseíñ^ jaléng^ dsea^ i teáang^ ta~ 'níng^ jaléng^ güitá^ cóo^~gui jaléng^ jo'se^ jògui jaléng^ mee~. Jògui cangáiñ^- cajo jaléng^ i neáang^ ta~ jmísiñg^- cuu^- e 'né^ jaléng^ dsea^ i dsitáang^ fí^ e guá^- fé^ do. ¹⁵ Jòba' mi~ tí lí~ cangáng^- Jesús jaléng^ i dsea^ í, dsifí lalab casá'r^- coo^ tú^- 'nií^ jò catáiñ^ 'máang^~

jo cóo~ e job ca'uóøiñ` i dsea` do coling~ cóo~ i jó` núu^ i jéeiñ` do e 'niiñ`. Jogui cajím` Jesús jalé` mes~ quíá~ jaléng` i dsea` i neáng` ta~ jmising~ cuu~ do, jo caguiáb~ e cuu~ do fí` ni~ uó`. ¹⁶ Jogui lalab casí~ Jesús jaléng` i dsea` i jmóo` ta~ 'níng` jaléng` mee~ do jo cajíñ~:

—Uøøng~na' jaléng` i mee~ na, jo ja` jmoo`na' 'móo~ fí` guá~ lí~ jmiféng` dsea` Tiquié`e Fidiéé`!

¹⁷ Jo dsifí` lajob cadseng~ dsí~ i dsea` quíá~r~ do lajii~ e tóo` fí` ni~ jì` quíá~ Fidiéé` lí~ fé` lala: “Liguím~ jnea~ mi~ ja` jmí`gó` dsea` guá~ lí~ jmiféng` dsea` Tiquié`e.”

¹⁸ Joba' i dsea` Israel i quíe` nifí` do cañíir` quíá~ Jesús jo casí~reiñ` do lala:

—¿E~ quíi~ jmi~ nijmée`^ e laco` nilita~ dsí`naa' e cangáñ` fí` e cajmee~ lajalé` e ná?

¹⁹ Joba' cañíi`tu Jesús quíá~ i dsea` do:

—Íng`na' e guá~ fé` e si' la, jo jnea~gui quíi~baa jmi~ e nijmilíng`túu cóo~ 'ní` jmi~.

²⁰ Joba' cañíi`tu i dsea` Israel do quíá~ Jesús:

—Jial lí` e lajo, co` tuló~ dsí` jñúu~ jii` cali`i~ jnea` e cali~ e guá~ fé` na, jogui 'nu` fó` lana e cóo~ 'ní` jmi~b~ lí` nijmilíng`tu'.

²¹ Jo dsu' café` Jesús lajo e éeng` ñia`r` cóo~ ngúu` táam`bre mi~ cajíñ~ cuaiñ` quíá~ e guá~ fé` do. ²² Jo dsu' cartí` mi~ cangí` e cají`tu Jesús, jo lajoguiba' e cadseng~ dsí~ i dsea` quíá~r~ do lajii~ júu^ e cajíng~ dsea` do ie~ jo, ie~ lami~ cajíñ~ e cóo~ 'ní` jmi~b~ nilí`r` e nijmilíng`tur e guá~ fé` do. Jo joguiba' dseáng~ já~ calíng~ i dsea` quíá~ Jesús do lajii~ júu^ e silí` fí` ni~ jì` quíá~ Fidiéé` cóo~gui jalé` júu^ e cajíng~ dsea` do lajee` cateáiñ` fí` jmigüí` la.

Niñib` Jesús jial líng` dsea` lajiiñ`

²³ Jo lajee` táam`bi Jesús fí` Jerusalén, lajee` jmi~ e quí~ títng` dsea` Israel e jmóor` jmi~ e sii` Pascua do, jo lajee` jo jmiguiab` jalé` e quíi~ Jesús jmi~ cajmээр` fí` quini~ jaléng` i dsea` i siseáng` do ie~ jo, joba' i fíim` i dsea` í` já~ calíng~ júu^ quíá~ dsea` do. ²⁴ Jo dsu' Jesús ja` ta~ dsíir` cóo~ i dsea` do co` nicuíim`breiñ` do guíu~ jial líiñ` do lajiiñ`. ²⁵ Jo co` niñi`bre ñia`r` guíu~ jial líng` dsea` jmigüí, joba' ja` 'neáiñ` dsea` jiéng` i nijmeá~ júu^ ír` jial í` dsí~ dsea` jmigüí.

3

Mí` casíng~ Nicodemo cóo~ Jesús

¹ Jo mi~ cangí`jia lajo, lajee` e táam`bi Jesús fí` Jerusalén, jo ie~ jo nitáang` fí` jo jaang` dsea` Israel i sii` Nicodemo i nilíng` dsea` fariseo, jo i dsea` í` líiñ` jaang` dsea` i laniing~ jee~ jaléng` dsea` góor` dsea` Israel. ² Jo cóo` lajee` e uóø` cangór~ e cango`eer` Jesús, jo mi~ caguiér~ fí` jo lalab casí`r~ dsea` do:

—Tifa`, nineb~ jnea`^ røø` e Fidiéeb~ dsea` casíiñ` 'nu` fí` jmigüí` la e cañi`ée~ jnea`^, dsuco` jii~ jaang` dsea` jmigüí` ja` quí`r~ jmi~ fa' líng~ ee` lí~ nijmér~ e dsigá` dsí~ dsea` jii~ laco` quíi~ 'nu` jmi~ e jmoo` fíng` song` ja` jmicóo~ Fidiéé` quíá~r~.

³ Joba' cañíi` Jesús quíáiñ~ do jo cajíñ~:

—E laba' jmítaa` o', e doñi` ii` dsea` i ja` niníng`tu calé` catú~ e ni`uúñ~ jaang` dsea` i 'míng~ la'eáng` cóo~ Fidiéé~, joba' ja` quí~ jmi~ jóng` fa' e dsea` do nicá` nifí` quíá~r~.

⁴ Joba' cajmíngí`tu Nicodemo e cajmíngí`r~ Jesús jo cajíñ~:

—¿Jial quí~ jmi~ e jaang` dsea` yúu~ niqing~tur fí` dsí~ tu' niquíá~r` jo niníng~tur calé` catú`?

⁵ Joba' cañíi`tu Jesús quíá~ Nicodemo jo cajíñ~ casí~reiñ~:

—E laba' jmíta`guí` o' cajo, e doñi` ii` dsea` i ja` ngáang~ la'eáng` cóo~ jmi~ jogui cóo~ Jmiguí` quíá~ Fidiéé~, joba' ja` quí~ jmi~ fa' e nilí`r` e Fidiéé` nicá` nifí` quíá~r~. ⁶ Co' doñi` ii` dsea` i níng~ quíá~ tiquíá` niquíá`, joba' jii~ dsea` jmigüí` líiñ`; jo dsu' jaléng` i dsea` i liseeng` la'eáng` cóo~ Jmiguí` quíá~ Fidiéé~, joba' Jmiguí` job` jée` quíá~r~. ⁷ Jo ja` güidsigá`

o' dsu' uíi' e fíi' i 'nu' na, e lajím` dsea` 'né` e niliseeng`tur e laco' ni'uíiñ` dsea` 'máing` la'eáang` cóo'~ Fidiée`. 8 Cofa' guí' fí' la fí' nab íí', jo lico' nuu`baa' e ii` dsu' ja` jnéeng` e jòø`naa' jie` fí' ngóo' osi jie` fí' jáa' é. Jo dseáng`- lajob lí' cajo cóo'~ i dsea` i uíing` dsea` 'máing` la'eáang` cóo'~ Jmiguí' quía'- Fidiée`, co' ja' lí' dsea` jòør` jial mi` uíing` dsea` lajo.

9 Joba' cajmingú'tu Nicodemo cajmingí'r` Jesús calé' catú` jo casí'r` dsea` do:

—¿Jial cuóøng` e nilí' e fól' na, Tifa'?

10 Joba' cañí'tu Jesús quía'- dsea` do jo cajíñ`- casí'- reiñ':

—¿Jaang` tifab' líng` 'nu' quía'- dsea` Israel, jo ja` ngám`bi' jalé' e fá'a la? 11 Jo jnea` jmitaa` o' e lajii` e neb` jnea`, jii` joba' fé'naa', jogui lajii` e nuu`naa' jogui ne'naa', lajii` e job júu` e guía'naa' jee` 'nú'; jo dsu' 'nú' ja` já` líng`na' lajii` júu` e fé'naa' do. 12 Jo song` 'nú' ja` já` líng`na' mi` fá'a júu` cuaiñ` quía'- fí' jmigüi' la, joba' ¿jial já`- nilíng`na' jóng mi` fá'a cuaiñ` quía'- fí' ñiff`?

13 Jo jii` jaang` dsea` ja` mi` cajgóor` fí' ñiff`, co' dseáng`- lajii` 'ñia'baa dsea` gáa'a fí' jo; jo cagüén`-n fí' jmigüi' la e lín'n jaang` dsea` jmigüi'. 14 Jo lí' laco' cajmée` Moi` ie` lamí` cajmeáañ` jaang` mi' cóo'~ layaang` ñí' jo cateáañ` fí' yá' coo` 'ma', jogui dseáng`- lajob 'né` nidsing`ing` jnea` cajo, jnea` dsea` gáa'a fí' ñiff` e lín'n jaang` dsea` jmigüi', co' niteáng` dsea` jnea` fí' coo` dse' 'ma` cajo 15 e laco' doñí' ii` dsea` i já`- nilíng` júu` quíe` e quí'` jmí` e niliseeiñ` cøøng` cóo'~ Fidiée` lata`.

Dsíng`- 'neáang` Fidiée` jaléng` dsea` jmigüi'

16 Jo co' eáam` 'neáang` Fidiée` jaléng` dsea` jmigüi', joba' cacuóøiñ` i Jóor` camíng` do e laco' cajúng` dsea` do cuaiñ` quía'- jaléng` dsea` jmigüi'; jo lajoba' jaléng` dsea` i jáng` yaang` fí' jaguó` dsea` do ja` quí'` jmí` fa' e ni'náiñ` quía'- Fidiée`, co' cøøm` niliseeiñ` cóo'~ dsea` do lata`. 17 Dsaco' Fidiée` ja` casíñ` i Jóor` do fí' jmigüi' la e laco' ni'í' dsea` do í' e nidsilíng` dsea` fí' lí' 'lí', co' casíñ` dsea` do fí' la e lí' laco' nileáañ` dsea` jee` jalé' dsee` quía'- biñ'.

18 Jo doñí' ii` dsea` i jáng` 'ñia' fí' jaguó` i Jóo' Fidiée` do, joba' i dsea` í' ja` ni'íñ` iihuí' uii` quía'- jalé' dsee` quía'r` mi` nití' í' lajo; jo dsu' i dsea` i ja` jáng` 'ñia' fí' jaguó` i Jóo' Fidiée` do, joba' i dsea` í' ni'ím`bre iihuí' uii` quía'- jalé' dsee` quía'r`, co' ja` mi' cajáng` 'ñia'r' fí' jaguó` i Jóo' Fidiée` camíng` do. 19 Joba' lajaléng` dsea` i ja` jáng` yaang` fí' jaguó` Fidiée`, nibíiñ` fí' lí' 'lí' uíi' e eáang`gui catí' dsír' e cajméer` jalé' e ja` dseeng`; co' ie` mi` cagüéng` fí' jmigüi' la i Jíng` quía'- Fidiée` do, ja` calijíi` jaléng` dsea` i dsea` í', co' e lí' nuu` sò'` dob cajmeáang`gui quía'r` e laco'gui i Jíng` quía'- Fidiée` do é. 20 Jo jaléng` dsea` i jmóo` jmang` e 'lí' 'ní' níim`bre i Jíng` quía'- Fidiée` do, jo jii` capi' ja` iíñ` nidsiquiéiñ` fí' cáang` dsea` do, co' ja` iíñ` e nililí' dsea` jmigüi' jalé' e 'lí' e jmóor` do. 21 Jogui dsu' jaléng` i dsea` i seeng` cøøng` cóo'~ júu` quía'- Fidiée` laco' catíng`, joba' tib` dsír' e dsiquiéiñ` fí' quini` i Jíng` quía'- Fidiée` do e laco' cuø` lí' quía'r` e jalé' e jmóor` do cøøm` røø` laco'gui jii` e iing` Fidiée` e nilí'.

Mí` café'tu Juan i seáang` dsea` jmí` do cuaiñ` quía'- Jesús

22 Jo mi` cangí'guijia lajo, cangób`-tu Jesús colíng` cóo'~ jaléng` dsea` quía'r` fí' lí' se' Judea, jo fí' job cajer` huóøm` jia e seáañ` jmí` jaléng` dsea` i guilíng` fí' do. 23 Jo ie` job cajo i Juan do táañ` ta` seáang` dsea` jmí` fí' quía'- coo' fí' lí' sii` Enón ca' lí' née' coo' fí' e sii' Salim, co' fí' job lí' sea` jmí` jmiguiúung`, jogui fíim` dsea` dsilíiñ` fí' jo e sáañ` jmí`. 24 Jo jalé' e la calí` lajee` ná'-gui e nitáañ` i Juan do fí' dsí' 'nuñí'.

25 Jo i líng` i dsea` i ngí' cóo'~ i Juan do canaaiñ` jiiñ` cóo'~ jaang`gui dsea` Israel cuaiñ` quía'- jalé' e quí'` tiiñ` jmóor` e laco' liguiúñ` fí' quini` Fidiée`. 26 Joba' cangolíim`bre e cangosí'r` i Juan do, jo lalab casí'r` dsea` do:

—Tifa', i dsea` i lamí` táang` cóo'~ 'nu' lí' lí' 'ngóo'~ gua` Jordán do i ca'eeng` 'nu' do jogui i nicafée' uii` quía'- do, lana dsea` í' dob nitáañ` seáañ` dsea` jmí', jo fíing`gui dsea` nidsiquí'r` í' laco'gui 'nu'.

²⁷ Joba' lalab cañi' Juan quiá' i dsea' do:

—Lajim' dsea' li'r jalé' e sea' quiá'r' dsu' uí' e Fidié'bing' i jmicó' quiá'r' e li'r jalé' e jo. ²⁸ Jo 'núb' dsea' nicanú' na' røø mi' café' a e o' jnea' Dsea' Jmáang', co' jnea' lín'n jaang' i casíng' Fidié' i cagüéng' jéeng'gui laco' dsea' do e laco' cagaguaa' guiá' fí' quiá' dsea' do. ²⁹ Cofa' co' li' cung' guó' dsea', jo i siming' do í'bing' i jée' quiá' i simí' i cacúng' guó' cóo'r' do, jogui i dsea' i ngóo' caluu' i siming' do eáam' li'iaang' dsír' mi' núur' e siiiñ' do. Jogui dseáng' lajob lí' quié' jnea' lana, co' dseáng' eáam' íaang' dsii' mi' núu'u lajo. ³⁰ Jo dsea' do eáang'gui ngóo' lniññ', jo dsu' jnea' lí' lí' ngóo' li'uóng' guí.

Dsea' i jáa' fí' ñifí'

³¹ Jo lalab cajíng' gui Juan:

—Jo i dsea' i jáa' fí' ñifí' niing' guir jee' jaléng' dsea' jmigüí'; jogui i dsea' i líng' dsea' jmigüí', jmang' júu' quiá' fí' jmigüí'ba' quié'r'. Jo i dsea' i jáa' fí' ñifí' do, niing' guir jee' jaléng' dsea' jmigüí'. ³² Jo íb' dsea' i fé' quiá' lajii' e nicangár' jogui lajii' e nicanúur' fí' lí' guing' Tiquiá'r' fí' ñifí', jo dsu' jii' jaang' dsea' ja' jí'r' lajii' júu' e fé' dsea' do. ³³ Jo dsu' doñi' i dsea' i já' líng' júu' quiá' dsea' do, joba' tí' nir' e jmang' júu' já'ba' fé' Fidié'. ³⁴ Jo i dsea' i nicasíng' Fidié' fí' jmigüí' la, jmang' júu' quiá' dsea' í'ba' fé'r', dsuco' Fidié'bing' i cuø' dsea' do lalíng' Jmiguí' quiá'r'. ³⁵ Jo Fidié' eáam' 'neáaiñ' i jóor' camíng' do, jogui cacuø'r' dsea' do e óoiñ' ta' e ninéé' niñ' lajalé' e sea' fí' jmigüí'. ³⁶ Jo doñi' i dsea' i jáng' yaang' fí' jaguó' i jóo' Fidié' do, joba' niliseeiñ' cøøng' cóo' dsea' do lata'; jo dsu' i dsea' i ja' iing' jáng' yaang' fí' jaguó' i jóo' Fidié' do, joba' ja' qui' jmi' fa' e niliseeiñ' cøøng' cóo' Fidié' lata', co' lí' lí' latab' niñiñ' iihu' eáang' e cuø' Fidié' jaléng' i dsea' la'í.

4

Mi' cangüng' Jesús fí' lí' se' Samaria

¹ Jo mi' cangü'gui lajo, lajee' e táam'bi Jesús fí' lí' se' Judea, calilí' jaléng' dsea' Israel i líng' dsea' fariseo e fíng'gui dsea' nidsiquí' quiá' Jesús e sáaiñ' jmi' laco'gui i dsea' i dsiquí' Juan i seáang' dsea' jmi' do. ² Jo dsu' e já', o' dseáng' Jesús dsea' i seáang' dsea' jmi' do, co' dsea' quiá'bre i jmóo' ta' lajo e júu' sinú'r' quiá' dsea' do. ³ Joba' mi' caliñi' Jesús lajii' e í' dsí' i dsea' Israel i líng' dsea' fariseo do uii' quiá'r', joba' cagüí'bre colíng' cóo' dsea' quiá'r' fí' lí' se' Judea, jo cangolíng' tur' fí' lí' se' Galilea.

⁴ Jo dseáng' la guím' 'né' ngüññ' fí' lí' se' Samaria lajee' e teáaiñ' fí' e ngolíññ' fí' lí' se' Galilea. ⁵ Jo lajob caguiliññ' fí' co' fii' e néé' dsí' lí' se' Samaria lí' sii' Sicar, fí' quiá' lí' rúo' guóo' uø' quiá' 'lii' yúu' Jacóo' e cangüññ' fí' jaguó' i jóor' i sii' Sé' do lajii' malí'. ⁶ Jo fí' job lí' lí' co' too' e a' eáang' lí' níng' jmi', jo fí' job lí' calí' ojmi' quiá' 'lii' yúu' Jacóo'. Jo nijaquíéng' guieñib' mi' caguié' Jesús colíng' cóo' dsea' quiá'r' e fí' ojmi' do, jo fí' job cajmi'íng' dsea' do co' eáam' nifiññ' e ngir', jo dob caguár' cáang' e too' a' jmi' do. ⁷⁻⁸ Jo lajee' jo i dsea' quiá'r' do cangolíññ' e cangoleáar' jalé' e nidó'r' e fí' fii' Sicar do. Jo e fí' ojmi' dob caje' Jesús 'ñia'r' lajee' jo, jo co'ná' lajob caguié' jaang' dseamí' i seeng' fí' lí' se' Samaria e fí' ojmi' do, joba' lalab casí' Jesús i dseamí' do:

—¿Já' cuø' jii' jnea' jmi' dúu' u'?

⁹ Jo co' jaléng' dsea' Israel dseáng' ja' røø seem'bre cóo' jaléng' dsea' i seeng' fí' lí' se' Samaria, joba' i dseamí' do cañi'r' quiá' Jesús lala:

—¿Jial cuøøng' fo' lajo? Co' jaang' dsea' Israel líng' 'nu', jo ja' litíng' 'nú' fa' líng' ee' mii'na' jnea', dsea' lí'naa' dsea' Samaria.

¹⁰ Joba' cañi'tu' Jesús quiá' i dseamí' do:

—Faco' jii' ní' 'nu' jalé' e guiá' e iing' Fidié' e cuø'r' 'nu', jogui faco' ní' cajo i jnea' dsea' i mí' i 'nu' jmi', joba' faco' lajo, 'nub' dsea' catín' e nimí' jnea' jmi' jóng, joba' jneab' nicuøøø' 'nu' e jmi' cóo' e cuø' e seeng' dsea' lata'.

11 Jōba' cañíi' i dseamî do quiá'- Jesús jō casí'r- dseá do lala:

—Fíi'i, jii' coo' ja' quié' 'nu' cóo' e nigui' jmi' fí dsí' e too' la, jō dsíng' a'. Jōba' ze' cóo' niquín' e jmi' e fó' e nicuó' jnea' do? 12 Jō 'li' yúu' qui'ii' Jacóo' caséer' e ojmí' la qui'ii', co' fí lab lí' cacár' jmi' e jmáin' ta' cajo, jōgui lajōbi jaléng' jōor' cóo' gui jaléng' jó' núu' i ca'eáaiñ', fí lab lí' ca'uó'r' jmi' e ca'íng' neiñ' do. Jō ¿su 'nu' í' o' e niing' gui' laco' i dseá í'?

13 Jōba' cañíi'tu Jesús quiá'- i dseamî do jō cajíin'-:

—Jaléng' dseá' i' jmi' e uøø' dsí' e too' la niguiáb'tu jmi'jmi'ñ- calé' catú'-; 14 jō dsu' i dseá' gui' i ni'í' e jmi' e nicuóøøre do, jōba' jō' tōo' jmi' fa' e niguiá' gui' jmi'jmi'ñ-. Dsaco' e jmi' jō lí' lafa' e contøøm- sea' jmi' fí dsí' tu'r cóo' e cuø' e seeiñ', jō e jō lí' e contøøm- seeiñ' cøøng' cóo' Fidiéé' lata'.

15 Jōba' cañíi'tu i dseamî do quiá'- Jesús jō casí'r- dseá do lala:

—Fíi'i, iim'baa nicuó' jnea' e jmi' e fó' na e laco' jō' niguiá' gui' jmi'jmi'ñ- o'gui' 'né' gui' fa' e gáa'a tí' la e gaquiee' jmi'.

16 Jōba' cajíng'- Jesús casí'r- i dseamî do:

—Guóng' cateá' jō güitee- dseañu' qui' jō ñilíng'-tu' fí' la.

17 Jōba' cañíi' i dseamî do quiá'- Jesús:

—Ja' cóo' o' dseáng'- dseañu' quié'-e.

Jōba' cañíi'tu Jesús quiá'- dseá do:

—Jáb'- laco' caféé' na, dseamî, e o' dseáng'- dseañu' qui' i cóo' lana; 18 dsaco' lamí' jééng' gui' ñíng'-gui' dseañu' i nicacúng'- guóo' cóo', jōba' i dseañu' i cóo' na lana ja' líiñ' dseáng'- dseañu' qui'.

19 Jō mi' tí' lí' canúu- i dseamî do e cajíng'- Jesús e júu' jō, jōba' cañíir' quiá'- dseá do lala:

—Fíi'i, lanab calilí' i e 'nu' lin' jaang' dseá i fé' cuaiñ' quiá'- Fidiéé'. 20 Jō jaléng' 'li' yúu' qui'ii', dseá Samaria, qui' tñiñ' e jmiféiñ' Fidiéé' fí' ni' e mó' la, jō dsu' jaléng' gui' 'ná', dseá Israel, fó' na' e jii' fí' Jerusalén lí' 'né' e nijmiféng' naa' Fidiéé'.

21 Jōba' cañíi'tu Jesús quiá'- i dseamî do jō casí'-reiñ':

—Já' güilín' júu' quié'-e, dseamî, e nijaquíém' e nití' í' e 'ná' nililí' na' e ja' 'né' nigüilíng'-na' fí' e yá' mó' na e güijmiféng' na' Tiquí'ii' Fidiéé', o'gui' 'né' fa' e nigüilíng'-na' cartí' Jerusalén cajo e laco' güijmiféng' na' dseá do. 22 Co' 'ná', jaléng' dseá Samaria, jii' ja' cuíng' na' i' i' jmiféng' na' do; jō dsu' jaléng' jnea', dseá lí' naa' dseá Israel, nicuím'baa' i' i' 'né' jmiféng' naa' do, co' jee' jnea', dseá lí'ii' dseá Israel, jōb lí' caguíng' Fidiéé' jaang' i nileáng' dseá jee' jalé' dsee' quiá'r-. 23 Jō catí' e í' jō, jō dseáng'- lanab líy, e jaléng' dseá i dseáng'- lajang'- júu' i jmiféng' Tiquí'ii' Fidiéé' 'né' nijmér- dseáng'- laco' sí'í' la'eáang' cóo' Jmiguí' quiá'- dseá do, dsaco' dseáng'- lajōb iing' Tiquí'ii' Fidiéé' e nijmé- jaléng' dseá i jmiféng' ír'. 24 Dsaco' Fidiéé' líiñ' Jmiguí', jōba' jaléng' dseá i jmiféng' ír', 'né' nijmér- lajō la'eáang' cóo' Jmiguí' quiáb'- dseá do dseáng'- laco' sí'í'.

25 Jōba' cañíi'tu i dseamî do quiá'- Jesús jō cajíin'-:

—Niñb' jnea' e tí' lí' nijáab' i cajíng'- Fidiéé' i nisíñ- do i líng' Dseá Jmáang- i nicá' nifi' qui'ii', jōba' mi' tí' lí' nigüéeng- dseá do fí' la, í'guib dseá i ni'é' jnea' jalé' e jō.

26 Jōba' cañíi'tu Jesús quiáin'- do jō cajíin'-:

—Dseá í'bi' jnea' i sing' síng' cóo' 'nú' lana.

27 Jō lajee' gui' nang' fé' Jesús e jōb, mi' caguilíng' i dseá quiá'r- do i cangolíng' e cangoleáa' e nidó'r-, jō mi' cangáin'- Jesús e táang' dseá do síiñ' cóo' jaang' dseamî, jōba' eám' cangogá' dsír' mi' cangár- lajō. Jō dsu' jii' jaang' dseá do ja' cateá- dsír' fa' ee' nijmíng' ír- Jesús uii' quiá'- i dseamî i sing' do, osi e' quiá'- e síiñ' do é. 28 Jō ngí' jō, jō dob caséé' i dseamî do e dsu- quiá'r- do e lí' sí'í' niguié'r' jmi' do, jō caquím'-tur fí' jee' fi'; jō mi' caguieíñ'- fí' jō, canaaiñ' guiar' júu' jee' jaléng' dseá góor' jō sí' reiñ' lala:

29 —Má⁻aa', jò majmicuíng⁻naa' jaang⁻ dseañu⁻ i nicamán⁻n i nicajmea' jnea⁻ júu⁻ quiá⁻ jalé⁻ba' e nicajmé⁻e jéeng⁻gui, jò jangám⁻ íb⁻ i dsea⁻ i cajíng⁻ Fidié⁻ i nisín⁻ fí jmgüí⁻ la i líng⁻ Dsea⁻ Jmáang⁻ i nicá⁻ nifí qui⁻ii'.

30 Jò mi⁻ canúu⁻ i dsea⁻ góor⁻ do e júu⁻ jò, dsifib⁻ ca'uøøiñ⁻ fí jee⁻ fi⁻ colíng⁻ cóo⁻ i dseamí⁻ do jò cangolíñ⁻ fí lí⁻ táang⁻ Jesús. 31 Jò dsu⁻ lajee⁻ ná⁻ gui e niguiliñ⁻ do fí lí⁻ táang⁻ Jesús, i dsea⁻ quiá⁻ Jesús do casí⁻r⁻ dsea⁻ do jò cajíñ⁻:

—Já⁻ cø⁻jia⁻ í⁻, Tifa⁻?

32 Jòba⁻ dsea⁻ do cañír⁻ lala:

—Seab⁻ coo⁻ e jié⁻gui e 'né⁻ nidøø⁻ø e jíí⁻ 'nú⁻ ja⁻ ñí⁻na' jial lí⁻.

33 Jò mi⁻ tí⁻ lí⁻ canúu⁻ i dsea⁻ quiá⁻r⁻ do e jò, jòba⁻ canaaiñ⁻ sáiñ⁻ lajee⁻ la'ó⁻ yaaiñ⁻ jò jmingí⁻ rúiñ⁻:

—Jangám⁻ song líng⁻ i⁻ nijaca⁻ e nicagó⁻r⁻.

34 Jòba⁻ cañír⁻ Jesús quiá⁻ i dsea⁻ quiá⁻r⁻ do jò casí⁻r⁻ reiñ⁻:

—'Né⁻ nijmee⁻ e lajíí⁻ e iing⁻ i dsea⁻ i casíng⁻ jnea⁻ do, jogui e nijmité⁻ e lajíí⁻ ta⁻ e cangíñ⁻n quiá⁻ dsea⁻ do, jòba⁻ e job e lí⁻ lafa⁻ mi⁻ gó⁻ø ii⁻ e litaan⁻n guiú⁻. 35 Jò dsu⁻ 'nú⁻ fó⁻na' lala: “'Né⁻ bi quiúung⁻ gui sí⁻ e nicuø⁻ lajíí⁻ e cangojne⁻ do”; jò dsu⁻ jnea⁻ gui fi⁻ i 'nú⁻ e 'né⁻ cá⁻na' cuente e lajíí⁻ e sijnea⁻ do nicalineáang⁻, jòba⁻ nicuø⁻ lí⁻ jóng e nicatí⁻b⁻ í⁻ e nisitíng⁻. 36 Dsaco⁻ i dsea⁻ i jmóo⁻ ta⁻ e sitíng⁻ lajíí⁻ e roo⁻ do, jòba⁻ ím⁻bre lajíí⁻ e catííñ⁻ quiá⁻ e ta⁻ e jmóor⁻ do. Co⁻ jalé⁻ e roo⁻ e sitííñ⁻ do lí⁻ laco⁻ jaléng⁻ dsea⁻ i liseeng⁻ cøøng⁻ cóo⁻ Fidié⁻ lata⁻. Jò co⁻ lajob lí⁻, jòba⁻ i dsea⁻ i jní⁻ do cóo⁻ gui i dsea⁻ i sitíng⁻ do, røøb⁻ nili'íáang⁻ dsíir⁻ laj⁻ tú⁻ íñ⁻ do mi⁻ caroo⁻ e cajnír⁻ do. 37 Co⁻ e jáb⁻ dseáng⁻ lajíí⁻ e júu⁻ róo⁻ e fé⁻ lala, “I jiém⁻ i dsea⁻ i jní⁻ do, jogui i jiém⁻ bi i nisití⁻ mi⁻ niró⁻.” 38 Jò jneab⁻ dsea⁻ casín⁻ n 'nú⁻ e caguisitíng⁻ na' lajíí⁻ e caroo⁻ do e jíí⁻ 'nú⁻ ja⁻ caquie⁻na' ta⁻ quiá⁻ jial cangojne⁻ jalé⁻ e jò, co⁻ i jiém⁻ i dsea⁻ i cajmé⁻e ta⁻ jò, jogui 'nú⁻b⁻ dsea⁻ i nicali⁻øøng⁻ lajíí⁻ ta⁻ e cajmé⁻e i dsea⁻ í.

39 Jò i fi⁻m⁻ dsea⁻ i seeng⁻ e fi⁻ Sicar do jáb⁻ caliñ⁻ júu⁻ quiá⁻ Jesús la'eáang⁻ cóo⁻ júu⁻ e cajmé⁻e i dseamí⁻ do ie⁻ mi⁻ cajíñ⁻ lala: “I dseañu⁻ do nicajmea⁻bre jnea⁻ júu⁻ quiá⁻ jalé⁻ba' e nicajmé⁻e jéeng⁻gui.” 40 Jò mi⁻ tí⁻ lí⁻ caguilíng⁻ i dsea⁻ góo⁻ i dseamí⁻ samaritana do fí lí⁻ táang⁻ Jesús, jòba⁻ camír⁻ jmi⁻lee⁻ fa' nijé⁻ bi dsea⁻ do cóo⁻ ír⁻. Jòba⁻ lajob cajmé⁻e dsea⁻ do, caje⁻bre cóoiñ⁻ do lajee⁻ tú⁻ jmi⁻, 41 jò i fi⁻m⁻ bi i dsea⁻ í cajáng⁻ yaaiñ⁻ fí jaguó⁻ Jesús mi⁻ canúur⁻ lajíí⁻ júu⁻ e fé⁻ dsea⁻ do. 42 Jò lalab casí⁻ i dsea⁻ do i dseamí⁻ dsea⁻ góor⁻ do:

—Jò lana dseáng⁻ lajang⁻ júu⁻ nijá⁻ lí⁻naa' júu⁻ quiá⁻ i dsea⁻ na, co⁻ dseáng⁻ nicanú⁻baa' yee⁻naa' jial lí⁻ júu⁻ quiá⁻r⁻, jò o⁻ jíí⁻ e júu⁻ e cajmé⁻e 'nú⁻ jnea⁻ do. Jòba⁻ nine⁻baa' jogui nita⁻ bi dsí⁻naa' cajo e dsea⁻ íb⁻ i láang⁻ dsea⁻ jmgüí⁻ jee⁻ jalé⁻ dsee⁻ quiáíñ⁻.

Mi⁻ cajmi⁻leáang⁻ Jesús jaang⁻ siming⁻ jiuung⁻

43 Jò mi⁻ cangí⁻ e tú⁻ jmi⁻ e caje⁻ Jesús cóo⁻ i dsea⁻ do, cagüi⁻fi⁻bre e fí guóo⁻ uó⁻ lí⁻ se⁻ Samaria do jò ca'íb⁻ tüt⁻ fí e ngóor⁻ fí lí⁻ se⁻ Galilea. 44 Dsaco⁻ lí⁻ laco⁻ gui jíí⁻ júu⁻ e tíng⁻ Jesús, e jíí⁻ jaang⁻ dsea⁻ i fé⁻ cuaiñ⁻ quiá⁻ Fidié⁻ fa' jmi⁻gó⁻ dsea⁻ góor⁻ ír⁻. 45 Jò dsu⁻ mi⁻ caguíeng⁻ Jesús fí góor⁻ fí lí⁻ se⁻ Galilea, jalém⁻ i dsea⁻ i seeng⁻ fí jò guiáb⁻ ca'íñ⁻ dsea⁻ do, co⁻ jaléng⁻ i dsea⁻ í cangolíñ⁻bre fí Jerusalén e catí⁻ jmi⁻ Pascua, jogui cangá⁻bre jalé⁻ e quí⁻ jmi⁻ e cajmé⁻e Jesús ie⁻ jò.

46 Jò lajee⁻ jò caquim⁻ tu Jesús fí e fi⁻ e sii⁻ Caná do e né⁻ lí⁻ se⁻ Galilea e fí lí⁻ cajmé⁻e e ca'uíng⁻ jmi⁻ mi⁻ huíng⁻ jó⁻ e jmi⁻ do. Jò fí job niseeng⁻ jaang⁻ dsea⁻ na'luu⁻ quiá⁻ jaang⁻ dseata⁻ dsea⁻ féng⁻, jò dsea⁻ í niseeng⁻ jaang⁻ siming⁻ jiuung⁻ quiá⁻r⁻ i niráang⁻ dsé⁻ fí e fi⁻ e sii⁻ Capernaum. 47 Jòba⁻ mi⁻ tí⁻ lí⁻ caliñí⁻ dsea⁻ do e nitáang⁻ Jesús e fí fi⁻ jò e jaiñ⁻ fí lí⁻ se⁻ Judea, jòba⁻ cangó⁻bre fí lí⁻ táang⁻ dsea⁻ do, jò camí⁻r⁻ dsea⁻ do jmi⁻ee⁻ fa' e nidséiñ⁻ do fí quiá⁻r⁻ e nidsijmi⁻leáiñ⁻ i siming⁻ jiuung⁻ quiá⁻r⁻ do, co⁻ ráaiñ⁻ do e tí⁻ lí⁻ nijúum⁻bre. 48 Jòba⁻ cañír⁻ Jesús quiá⁻ i dsea⁻ do jò cajíñ⁻:

—'Nú' ja`já' nilím`bi' fíng song ja`nimó`na' jalé' lí e quí' i jmi~ jmóo`.

49 Jōba' cañiitū i dseañu` do quiá' Jesús jō casí'r dseañu` do:

—Fíi, fa' jgié` o' e guó`ba' lajminá' fí quié` e ná`gui e nijúung` i jiuung` quié` e do.

50 Jōba' lalab cañiitū Jesús quiá' i dseañu` do jō casí`-reñ':

—Quíng`-tū fí quií', cō' nica'láam` jōo`.

Jōba' lajōb cajmé` i dseañu` do, caquim`-tur fí quiá'r, cō' jáb`-caliñ`-lajíi` júu` e casí`-Jesús ír. 51 Jō lajee` iuuiñ` fí e ngaiñ` fí quiá'-bre mi~ cajíñ' guiá' fí i dseañu` 'léeng' quiá'r i jalíng` fí jō, jō lalab cajíng` dseañu` do mi~ cajíñ':

—Nica'láam` jōo`.

52 Jō mi~ canúu` i dseañu` do e júu` jō, jōba' cajmingí`-reñ' do e í' dseáng` e ca'láang` i jōor` do.

Jōba' lalab cañiitū i dseañu` 'léeng` do quiá'r:

—Lado guié` la i~ cōo` e ca'lóob` caguá` iu~ guíñ` jō ca'láam`-bre.

53 Jō mi~ canúu` i tiquiá' i jiuung` do e júu` jō, jōba' dseáng`-calilí'r` e dseáng` e í' jōb mi~ casí`-Jesús ír e nica'láam` jōor`. Jōba' i dseañu` do colíng` cōo` jaléng` dseañu` sinúu` quiá'r cajám' yaaiñ` fí jaguó` Jesús ie` jō.

54 Jō cōo` e nab catí`-tū e lí e quí' Jesús jmi~ e cajméer` ie` mi~ caquing`-tur fí lí se' Galilea e jaiñ' fí lí se' Judea.

5

Mi~ cajmi'leáng` Jesús jaang` dseañu` i caang` tii`

1 Jō mi~ cangí`gui lajō, mi~ catí`-tū í' e jmóo` dseañu` Israel jmi~ fí Jerusalén, jōba' fí jōb caquing`-tū Jesús e ngotíñ` e jmi~ jō. 2 Jō ie` jō, e fí dsí' iá` cuu` e si' lacúng` Jerusalén do, quiéeng` cōo` o'nú' fí lí ngíng` jaléng` jō'se' jiuung` i tíng` dseañu` Israel jngaiñ' mi~ tí jmi~. Jō quiá' e o'nú' do silí cōo` lí a` jmi~ e fe' eáang` e si' Betzata cōo` jmí' hebreo. Jō e fí 'ni' e lí a` jmi~ do quiéeng` 'niá' ni'núu`-jiu, 3 jō fí jōb seeng` fíng` dseañu` dsé' e lí doñí` ee` jmohuí` líñ'; do i tiuung`, dogui` jluu`, dogui` i caang` tii` i teng' ni` uó`. Jō jaléng` í` sijeeñ` e nijó' e jmi~ do. 4 Cō' fé' dseañu` e seab` mi~ jgáang` jaang` ángel fí dsí' e jmi~ do, jōba' nijó'b` e jmi~ do mi~ nijgiáang` í; jō mi~ calí` jō, i dseañu` la'uii` i ni'í' fí dsí' e jmi~ do, jōba' ni'leáam`-bre jóng lí' doñí` ee` jmohuí` líñ'. 5 Jō jee` jaléng` i dseañu` dsé' do niquiéeng` jaang` dseañu` i nidsé' lajii`-ningóo` guigui` dsí' jniá' jii'. 6 Jō mi~ caguié` Jesús fí jō, cangáñ` i dseañu` i dsé' do e dob ráaiñ' jōgui caliñir` e lajii`-li`ba' nidsé' i dseañu` do, jōba' cajmingí`-reñ' do jō casí`-reñ':

—¿In' e ni'leáan`-lajii`-jmohuí` lin'?

7 Jōba' cañiitū i dseañu` dsé' do quiá' Jesús lala:

—Fíi, ja` i~ seeng` fa' i~ nijmicōo`-jneá` e ni'ú` fí dsí' e jmi~ do mi~ cangí` e nijó', jō cō' lacōo` ya' mi~ iin` ni'ú` fí jō, dseañu` jiem` dsijéeng` quié` e.

8 Jōba' cañiitū Jesús quiá' i dseañu` do:

—Ráan`, jō see` e 'ma` lí` dsíin` na jō guóng`.

9 Jō dsifí` lanab ca'láang` i dseañu` do, jō cacó`-bre e 'ma` lí` dsíin` do, jō canaaiñ` ngí`bre jóng. Jō ie` jō dseáng`-cangotíng` jmi~ e jmi'íng` dseañu` Israel. 10 Jōba' mi~ cangá' i dseañu` quié` nifí` quiá' dseañu` Israel e niquiéé` i dseañu` ca'láang` do e 'ma` lí` dsíin` do, jōba' lalab casí`-r dseañu` do:

—Jmi~ e jmi'ím' dseañu` lana, jōba' ja` cuóong` fa' e cō' e 'ma` na.

11 Jō dsu' lalab cañiitū i dseañu` i lamí` dsé' do quiá' i dseañu` góor` dseañu` Israel i casí`-ír lajō:

—Jō i dseañu` i cajmi'lee` quié` e do casí`-jneá` lala: "Ráan`, jō see` e 'ma` lí` dsíin` na jō guóng`."

12 Jōba' cajmingí`-tū i dseañu` Israel do i dseañu` do jō cajíñ':

—¿I`gui i dseañu` i casí`-nu` e nicó' e 'ma` lí` dsíin` do jōgui e niguón'?

13 Jo dsu' i dseañu' do jii' ja ñir' i i cajmi'leáng' ír' do, co' ladsifib' cango'íng'tu Jesús jee' i dseá' fíng' i siseáng' do ie' jo. 14 Jo mi' cangí' jo, dob cadséng'tu Jesús i dseá' i cajmi'leáañ' do fí' dsí' sinúu' guá' fé' e si' fí' Jerusalén jo lalab casí' reiñ' do:

—Janú', lana nica'láam-ba' lajii' jmoHu' e lamí' lin', jo jie' mí' ee-tu' dsee' calé' catú', dsuco' fíng song cajmee-tu' lajo, joba' huñg'guib nidsijéé' quií' jóng.

15 Jo ngí' jo, cangób' i dseañu' i lamí' dséé' do e cangojmea'r júu' jaléng' i dseá' i quie' nifi' quiá' dseá' Israel e Jesús sií' i dseá' i cajmi'leáng' ír' do. 16 Joba' jaléng' i dseá' Israel do ñingír' 'náañ' Jesús e laco' nijmeañ' dseá' do ga' uí' e cajmée' dseá' do e jo 'ña' ie' jmi' e jmi'íng' jaléng' dseá' góor' dseá' Israel. 17 Jo dsu' Jesús lalab casí'r' jaléng' i dseá' do:

—Tiquié' e ja' mí' catár' jii' cateá' ta' quiá'r', jogui lajob jmóo' jnea' cajo.

18 Jo mi' canúu' jaléng' i dseá' i quie' nifi' quiá' dseá' Israel do e cajíng' Jesús lajo, joba' eáang'guib ca'f' dsír' e nijngáañ' dseá' do, co' o' jii' e cajmi'leáañ' i dseá' dséé' do 'ña' ie' jmi' e jmi'íng' dseá' góor' dseá' Israel, co' lajob cajo fé'r' e røøb' líiñ' cóo' Fidiéé' mí' fé'r' e Fidiéeb' dseá' líng' Tiquiá'r'.

Ja' jmóo' i Jóo' Fidiéé' i camíng' do la tñiñ' 'ña'r'

19 Jo co' ñañib' Jesús jial' í' dsí' i dseá' do, joba' lalab casí'r' dseá' do:

—E laba' jmitaa' óo'na', e jii' cóo' cuøøng' lí' jmee' jnea' la tñiñ' 'ña'a, jnea' dseá' lín'n i Jóo' Fidiéé' camíng', co' dseáng' lajii' e móo'o e jmóo' Tiquí'ii', lajii' e joba' e jmóo'o cajo. Co' jalé' e móo' jnea' e jmóo' Tiquí'ii', joba' e job jmóo'o cajo. 20 Co' Tiquí'ii' eáam' 'neáañ' jnea', jogui e'bre jnea' jalé' e jmóor'; jogui ni'é' bir jnea' cajo jalé' e ñiing'gui e laco' nidsi'gó' óo' 'nú' eáang'gui. 21 Co' lí' laco' jmóo' Tiquí'ii' e jmi'í'tur jaléng' 'lí' jogui e cuø' e niliseeng'tuiñ', joba' lajobi jnea', dseá' lín'n Jóor', lajob jmóo'o cóo' jaléng' dseá' i iin'n jmee' cóo' lajo. 22 Jo Tiquí'ii' ja' quidsir' í' quiá' jii' jaang' dseá' uí' dsee' quiáañ', co' jneab' dseá' nicangín'n quiá'r' e ta' jo e catíñ'n nijmee' e lajo. 23 Jo cajmée' Tiquí'ii' lajo e lí' laco' lajñg' dseá' nijmi'gór' jnea' lí' laco'gui jmi'gó' dseá' ír'. Dsuco' i dseá' i ja' jmi'gó' jnea', dseá' lín'n Jóo' Fidiéé', joba' lajob cajo ja' jmi'gór' Tiquí'ii', dseá' i casíng' jnea' fí' jmi'gü' la.

24 Jo e laba' jmitaa' óo'na', e doñí' ii' dseá' i ja' líng' júu' quie' e jogui núu'r' júu' quiá' i dseá' i casíng' jnea' fí' jmi'gü' la, joba' jaléng' dseá' í' ñiñim'bre e seeiñ' cøøng' cóo' Fidiéé' lata' jo ja' nidsilíiñ' fí' lí' 'lí'; co' lí' lafa' lamí' sijúum-bre, jo dsu' lana lí' lafa' nicají'tur la'eáang' cóo' Fidiéé'. 25 Jogui dseáng' jmita'baa óo'na' e tí' lí' nití' í' jo dseáng' lanab liy e jaléng' dseá' i lafa' 'líng' uí' jalé' dsee' quiá'r' ninúr' júu' quie' e, dseá' lín'n Jóo' Fidiéé'; jogui jaléng' dseá' i ni'íng' e júu' jo, niliseem'bre la'eáang' cóo' jnea'. 26 Jo lí' laco' Tiquí'ii' Fidiéé' 'ña'bre dseá' cuø' e seeng' dseá', joba' lajob cajo dseá' í'bing' i nicacuø' jnea', dseá' lín'n Jóor', e laco' 'ña'baa dseá' cuøøø dseá' e seeiñ'. 27 Jogui nicacuø' bir jnea' e oo' ta' e niquidsii' í' quiá' jaléng' dseá' jmi'gü' uii' quiá' jalé' dsee' quiáañ', co' jneab' dseá' cagá'a fí' ñifí' e lín'n jaang' dseá' jmi'gü'. 28 Jo ja' güidsigá' óo'na' quiá' jalé' e fí' 'nú' la, co' niguiéeb' jmi' mí' jaléng' dseá' i ni'líng' ninúr' júu' quie' e 29 jo ni'uóañ' fí' dsí' éé' quiá'r'. Jo ie' jo jaléng' i dseá' i ca'ée' jman' e guiá' nijí'tur e laco' niliseeñ' cøøng' cóo' Fidiéé', jo dsu' jaléng' i dseá' i cajmée' jalé' e ja' dseeng' nijí'tur e lí' laco' ni'íñ' iihuí'.

Jie' fí' lí' jáa' fí' quiá' Jesús cóo' jalé' e jmóor'

30 Jo fí' túu' 'nú' e jii' cóo' cuøøng' lí' jmee' jnea' la ñiñ' 'ña'a. Co' jnea' mí' quidsii' í' quiá' jaléng' dseá', e jo jmóo'o laco' ta' quiá' Tiquí'ii' Fidiéeb', jogui dseáng' røøb' jalé' e jmóo'o do cajo. Jo ja' jmóo'o la tñiñ' 'ña'a jalé' e jo, co' lajii' e iing' Tiquí'baa' e jmóo'o, co' dseá' íb' i casíng' jnea' fí' jmi'gü' la. 31 Jo faco' jnea' fá'a juguiá' cuaiñ' quie' e 'ña'a, joba' ja' e quíng' jii' cóo' e júu' do fí' quini' 'nú' jóng. 32 Jo dsu' seem' jaang'gui i fé' guiá' uii' quie' e, jogui tab' dsii' e jalé' e júu' do quím' fí' quini' 'nú'. 33 Jo 'náb' dseá'

casíng`na' dsea`i cangojmingíi' i Juan i seáang`dsea`jmíi` do i` dseáng`- jnea~, jo tab` dsii` e jmang`- júu` jáb`- dseáng`- fé' i Juan do. ³⁴ Jo dsu' jnea` ja` 'neán`-n dsea` jiéng` i nijmé` júu` uii` quíe`-e i` dsea` líng` jnea~; jo fá'a e júu` la e lí' laco' 'nú' nilí'na' leáng`na' jee` jalé` dsee` quí'na'.

³⁵ Jo jalé` júu` e cagua' i Juan do lí' laco' cajlí'` quíi` e coo` e laco' e' dsea` fí'; jo 'nú' lajee` cateá'ba' cajmi'iaang` óo'na' cóo` jalé` e júu` e cagua' i Juan do. ³⁶ Jogui jalé` e jmóo` jnea` do eáang`gui cuo` lí` i` jnea~, jo eáang`guib niing`- laco' e júu` e cajíng`- i Juan do uii` quíe`-e; co' lajii'` e jmóo` jnea~, ta` job e cacuo' Tiquí'ii' Fidié` jnea` e nijmee`-e. Jo jalé` e jmóo` do cuo` lí` e Tiquí'ii' Fidiéeb` dsea` casíiñ` jnea` fí' jmigüi` la. ³⁷ Jo i Tiquí'ii' do, dsea` íb` i fé' juguiá` uii` quíe`-e. Jo dsu' 'nú' ja` mí canúu`-na' júu` quíá'r` o'gui mí cañíng`na're cajo, ³⁸ o'gui seeng`na' e jmití'na' júu` quíá`- dsea` do, co' ja` mí ca'íng`-na' jnea` dsea` casíiñ` fí' jmigüi` la. ³⁹ Jogui 'nú' dseáng`- tá`- camí'` júub` jmitíng`na' e fé' fí' ní` jì` quíá`- Fidié`, co' sijeeng`na' e fa' lajob niliñí'na' jial cuóong` e seeng`na' cøong` cóo`- dsea` do lata~; jo dsu' jalé` e júu` do lajii'` uii` quíe`-baa e fé'. ⁴⁰ Jo dsu' 'nú' ja` iing`na' fa' nijáang`- yaang`na' fí' jaguóo` e laco' niliseeng`na' cøong` cóo`- Fidié`.

⁴¹ Jo fíi`-guíi` 'nú', ja` e lí' quíe`- jnea` jial lí' jalé` e fé' dsea` jmigüi` uii` quíe`-e, ⁴² dsu' nicuíim` jnea` 'nú' guíá`- jial líng`na', jo niñi`baa guíá`- e ja` 'neáang`na' Fidié`. ⁴³ Jo jnea` cagá`-a fí' jmigüi` la cuaiñ` quíá`- Tiquíe` e, jo dsu' 'nú' ja` íng`-na' jnea`. Jogui faco' jaang`gui dsea` i nijáa` i ja` ii` seeng` i sñi` quíá'r`, jo dsu' ni'ím`-ba' i dsea` í. ⁴⁴ Jo ¿jial já`- nilíng` 'nú' júu` quíe`-e fíng song líco' jmiféng`- rúng`na' lajee` la'ó' yaang`na' jo dsu' ja` jmí'goo'na' 'ñia' Fidié` dsea` fé'r` guíá`- uii` quíi`-na'? ⁴⁵ Jo ja` í` óo'na' e jnea` ni'náan`-n 'nú' fí' quini` Tiquíe` e, co' líi` yáa`- quíi`-na' i sii` Moi` dsea` ca'náiiñ` 'nú' cóo`- júu` quíi' ta` e cajme'r` do, jo íb` i sijeeng` 'nú' i nijmicóo`- quíi`-na'. ⁴⁶ Cofa' 'nú' já`- calíng`-na' lajii'` júu` e cajme' i Moi` do fí' ní` jì` quíá'r`, joba' lajob já`- líng`na' jnea` cajo, co' e fí' ní` júu` jo cuaiñ` quíe`-baa e fé'. ⁴⁷ Jo song 'nú' ja` já`- líng`na' e júu` e cajme' í, joba' ¿jial cuóong` e já`- nilíng`na' lajii'` júu` e fíi` i 'nú' jóng?

Jo lanab jii'` lí' júu` quíá`- Jesús e casí'r`- dsea` i quíe' ní' quíá`- dsea` Israel ie` jo.

6

Mí` cahéng` Jesús` ñia` mil dseañu`

(Mt. 14:13-21; Mr. 6:30-44; Lc. 9:10-17)

¹ Jo mí` cangí` jo, coo` jmíi` cangó`- Jesús lí' lí' 'ngóo`- e guíeé` e sii` Galilea do, jogui sii`bi cajo Tiberias. ² Jo fíim` dsea` ngolíiñ`- fí' lí' 'ngóo` dsea` do, dsuco' jéeng`gui nicangár`- jalé` e lí` e quíi` dsea` do jmíi` e jmóor` mí` jmí'leáaiñ`- jaléng` dsea` dséé'-. ³ Jo mí` caguíe`- Jesús colíing` cóo`- dsea` quíá'r`- fí' lí' lí' 'ngóo`- e guíeé` do, jo cangolíiñ` fí' coo` yá'` mó', jo mí` caguíiñ`- fí' jo, dob caguár` colíing` cóoiñ`- do. ⁴ Jo nijaqueéng` jmíi` Pascua ie` jo e quí'`- tíng` dsea` Israel e jmóor` fí' Jerusalén.

⁵ Jo lajee` guíing`- Jesús e fí' yá'` mó' do, cangár`- e i fíng` dsea` nijalíng`- fí' lí' guíiñ~, joba' lalab casí'r`- jaang` lajee` i dsea` quíá'r`- do i sii` Lii` jo cajíiñ`-:

—¿Jie` fí' nidsileá`aa' jalé` e nidó`- i dsea` 'leáang`- i nicagüilíng`- la lana?

⁶ Dsu' cajíng`- Jesús e jo e lí' laco' niliñir`- e nijíng`- i Lii` do cuaiñ` quíá`- e jo, co' niñi`bre guíá`- 'ñia'r` quíá`- jial nijmér`- cuaiñ` quíá`- e do. ⁷ Jo lalab cañi` Lii` e casí'r`- Jesús:

—Nañi` fa' nili'lee'` cabøø`- iñi'` e nidsé`- laji` cuu`- e 'léeng`- dsea` lajee` guíang`- sí', dsu' ja` nilíim`bi quíá`- lajíng`- i dsea` na e nitíiñ`- jmá`- capí'` lajaang`- lajaaiñ`.

⁸ Jo mí` canúu`- e júu` jo i dsea` jaang`gui quíá`- Jesús i sii` Dí', i líng`- rúng`- Tú` Simón, joba' lalab casí'r`- Jesús:

⁹ —Lab síng`- jaang`- jiuung`- i quíe' 'ñia` iñi'` e lí' cóo`- mí'` cebada cóo`-gui gáng`- 'ñu` i nicuíng`, jo dsu' e la ja` jìé'` lí' nidsibó`- jee` i dsea` fíng`- na.

¹⁰ Joba' cañi`tu Jesús quíá`- i dsea` quíá'r`- do jo cajíiñ`-:

—Síi`-go' jaléng`- i dsea` na güi`né'r`- lí' nigüeár`- lajaang`- lajaaiñ`.

Jō e fí mó' jō ia' sea` nuu` rø', joba' fí jōb caguá` jaléng' i dsea` do, jō jee` i dsea` do quíng' jié' ja` ñia` mil dseañu'. ¹¹ Jō mi` cangf jō, ca'ím' Jesús e iñí' e se' i jiuung` do jō cacuø'r' gui'máang' Fidié'; jō mi` cangf jō, canaaiñ` jmóor` guiéé` jee` jaléng' i dsea` i caseáng' do ie` jō. Jō lajōb cajo cajméer` cóo' i ñu` do, cajméé`bre guiéé` jee` jaléng' i dsea` do car` jié' jii' iñ' do. ¹² Jōba' mi` tí' lí' calitaang` i dsea` do guiá', lalab cajíng' Jesús casí'r` i dsea` quiá'r` do:

—Sití' na' jalé' 'ná' e caseáng` gui na, jō tea' na' líng', co' jii' ca' ná' ja` 'né` nidsitøng'.

¹³ Jōba' lajōb cajméé` i dsea` do, casitím`bre jalé' e 'ná' e caseáng` gui do quiá' laji' ñia' e iñí' cebada do, jō guitu' 'matá'gui carøng` cóo' e 'ná' e caseáng` do. ¹⁴ Jō mi` tí' lí' cangá' i dsea` fíng' do e lí' e quí' Jesús jmí' e cajméer` do, jōba' canaaiñ` sáñ` lajee` yaañ` jō fé'r':

—I nab dseáng' dsea` i cajíng' Fidié` i nisíñ` fí` jmigü' la i nifé' cuaiñ` quiá'r`.

¹⁵ Jō niñib' Jesús e i dsea` i fíng' do iñ` nitø`bre ír' la'úung' e laco' nicár` nifí' quiáñ' do, jōba' cajmí'nám`tu' ñia'r' jee` i dsea` do, jō cajgóor` calé' catú' cartí' yú' e mó' do e laco' niliúng` ñia'r'.

Mí' cangí' Jesús fí' ní' jmí'
(Mt. 14:22-27; Mr. 6:45-52)

¹⁶ Jō mi` tí' lí' jaquíéng' e ní' núu' e jmí' do, i dsea` quiá' Jesús do catisím`bre fí' lí' néé' e guiéé' do. ¹⁷ Jō mi` caguiliñ` fí' 'ní' e guiéé' do, cangotáam`bre fí' dsí' cóo' móo', jō canaaiñ` cua'bre e guiéé' do e teáaiñ` fí' ngolíñ` fí' Capernaum. Jō cóob` mi' ca'í' núu', jō dsu' Jesús ja` mí' cajím`bi' rúñ' cóo' i dsea` quiá'r` do. ¹⁸ Jō lajee` ngolíng' i dsea` quiá' Jesús do e teáaiñ` fí' dsí' e móo' do, jō cóo' canaang' e í' guí' e teá' eáang', jōba' canaang' e róo` jmí'.

¹⁹ Jō lajee` ningolíñ` e fí' ní' jmí' do túb`jiu' la ñia` osi jñúu` kilómetro, jō cóo' cangám`bre Jesús e nijaquíéng' dsea` do fí' quiá' e móo' do e nijaiñ` ngír' fí' ní' jmí'. Jō mi` cangáng` i dsea` do Jesús e jang' dsea` do ngír' fí' ní' jmí', jōba' cajá' e 'gó'bre. ²⁰ Jōba' dsifí' lanab cajíng' Jesús casí'r` i dsea` do lala:

—jneab` la, jō ja` føøng' na'!

²¹ Jō i dsea` quiá'r` do e íaang` dsí'bre ca'íñ' dsea` do fí' dsí' e móo' lí' teáaiñ` do; jō dsu' lajee` jōb e jii' ja` lí' lanab catíñ' lajaléñ' do fí' uó' quiá' e fí' lí' sí'í' nitíñ' do.

Mí' canaang` i dsea` fíng' do 'náñ' Jesús

²² Jō mi` cajneá' e jmí' jō, jaléng' dsea` i sijeeng` Jesús lí' lí' 'ngóo' cataang' e guiéé' do calilí'r' e jaléng' i dsea` quiá' Jesús do nicangolíim`bre cóo' e móo' cóo' ñia' e sí' do jééng'gui, jō dsu' Jesús ja` mí' cangaiñ' cóo' i dsea` quiá'r` do. ²³ Jō lajee` jōb caguilíng` jíéng'gui dsea` i teáng' dsí' móo' i jalíng' fí' cóo' fí' e sí' Tiberias, jō caguiliñ` fí' guóo' uó' quiá' quiá' fí' lí' cagó' i dsea` i fíng' do mi' cangf e cacuø' Fí'naa' Jesús gui'máang' Fidié'. ²⁴ Jōba' mi' tí' lí' calilí' i dsea` fíng' do e jō` seeng` Jesús fí' do o'gui i dsea` quiá'r` do, jōba' cajgóo`bre fí' dsí' cóo' móo', jō cangolíñ` cango'néem`bre dsea` do fí' Capernaum.

Jesús láñ` laco' e iñí' e cuø' e seeng` dsea` lata`

²⁵ Jō mi' tí' lí' caguilíng' i dsea` fíng' do fí' lí' lí' 'ngóo' cataang' e guiéé' do, jōba' fí' jōb cajíñ' Jesús jō lalab cajmíng' dsea` do:

—Tífa', ¿lí' cañing' 'nu' fí' la?

²⁶ Jōba' cañí' Jesús quiá' jaléng' i dsea` do jō cajíñ':

—E laba' jmítaa' óóna' e 'ná' 'náng'tu' jnea` lana, dsuco' lado guiéé` caquíé'na' car` caróm`ba', jō dsu' ja` 'náng'na' jnea` uíing` quiá' e nicangáng'na' e` guøng' jalé' e lí' e quí' i jmí' e nicajmé` e do. ²⁷ Jōba' fí' i 'nú' ja` jmiquíng' lí' óóna' cuaiñ` quiá' jalé' e gø' dsea` e ja` huøø` ee, co' 'nú' lí' lí' 'né' e guíng` óóna' cuaiñ` quiá' jalé' e taang` dsea` e sea` contøøng`, co' e jōba' e cuø' e seeng` dsea` cøøng` cóo' Fidié' lata`. Jō e jōba' nicuøø`

jnea~ jaléng' dsea, jnea~ dsea gáa' a fí ñiff- e lín'n jaang' dsea jmigüi, co' ta~ joba' casíng' Tiquí'ii' Fidié~ jnea~ fí jmigüi' la.

²⁸ Joba' cajmingí' i dsea do Jesús, jo casí'r- dsea do lala:

—¿E~ 'né- nijmó' jnea' e laco' niliti~ jalé' e iing~ Fidié~ e nijmó'oo'?

²⁹ Joba' lalab cañi' Jesús quiá' dsea do:

—E lab e iing~ Fidié~ e 'né- nijmee- na', e ni'ling' na' jnea~, dsea i casíñ' fí jmigüi' la.

³⁰ Joba' cañi'tu i dsea do quiá' Jesús, jo casí'r- dsea do lala:

—Jogui 'na, ¿e~ li~ e quí~ jmi~ cuøøng' lí jméé' qui-naa' la e laco' já- nilí'naa' júu' quií'?, jogui ¿e~ jalé' jmoo' 'na? ³¹ Co' lalab júu' sea' quiá' 'li~ dsea' áang' quií'ii' e cangíiñ' e cagó'r' iñí' e sii' maná lajee' cangir' fí ni~ guóo' uó- quiú' malí~ gui lí' laco'gui la fé' fí ni~ jì quiá' Fidié~ lí fé': “Jo Fidié~ dsea' cacuø' jaléng' i dsea do iñí' e cagó'r' e jáa' fí ñiff-.”

³² Joba' lalab cañi' Jesús quiá' i dsea do jo cajíñ':

—E laba' iin~n jmitaa' óo'na', e o' Moi~ i cacuø' i dsea' áang' quií'na' do e iñí' e cajalí' fí ñiff- do, dsuco' 'ñiab' Tiquié' e Fidié~ dsea' cuø' e iñí' e já- e jáa' fí ñiff- do. ³³ Dsuco' jnea~, dsea' gáa' a fí ñiff-, lín'n laco' e iñí' e cuø' Tiquí'ii' Fidié~ do e laco' liseeng' dsea' cøøng' cóo'r' lata~.

³⁴ Joba' i dsea do camí'r' Jesús lala jo cajíñ':

—Fí'i, cuøø' jnea' contøøng' e iñí' jo.

³⁵ Joba' casí' Jesús jaléng' i dsea do jo cajíñ':

—Jneab~ dsea' lín'n e iñí' e cuø' e seeng' dsea' lata~; jogui i dsea' i já- líng' júu' quié' e jogui nicajáng' yaaiñ~ fí jaguóo'o, joba' jo' tóo' jmi~ fa' niguiá'gui jmi'aaíñ- o'gui jmi~jmiñ-. ³⁶ Jogui lí' laco' jíi~ e nicafí~ i 'ná', nañí' fa' nicañíim'ba' jnea~, dsu' ja' já- lím'bi' jnea~. ³⁷ Jo jaléng' dsea' i nicacuøng' Fidié~ jnea~, joba' jaléng' dsea' í' ím'bre jnea~; jogui jaléng' i dsea' í' ni'íim'baare cajo. ³⁸ Co' jnea~ ja' cagá' a fí ñiff- e cagajmée' e lajii~ e iin~n 'ñiá'a, co' cagá' a e lí' laco' cagajmée' e lajii~ e iing~ Tiquié' e e nijmee~baa, co' íb' dsea' i casíng' jnea~ fí jmigüi' la. ³⁹ Jo i dsea' i casíng' jnea~ fí jmigüi' la iñi~ e ja' ni'íing' jíi~ camíng' i dsea' i nicacuøñ' jnea~ do, co' lí' lí' iñi~ e nijmee~ e e nijí'tur mi~ tí lí' jo. ⁴⁰ Co' lajii~ e iing~ Tiquié' e Fidié~ e jaléng' dsea' i jáng' yaang~ fí jaguóo'o jogui já- líiñ' júu' quié' e, jnea~ dsea' lín'n Jóo' Fidié~, joba' iing~ Fidié~ 'ñia'r' e jaléng' i dsea' í' niñíim'bre e niliseeiñ' cøøng' cóo'r' lata~; jogui jnea~ nijmee~ e e nijí'tur mi~ tí lí' nití' í' lajo.

⁴¹ Jo mi~ tí lí' canúu~ i dsea' Israel do e júu' quiá' Jesús do, joba' canaaiñ' éeiñ' dsea' do lajee' la'ó' yaaiñ~, co' dsea' do fé'r' e íbre dsea' líiñ' e iñí' e cajgó- fí ñiff-. ⁴² Joba' canaaiñ' sí' rúíñ' lala:

—Jo ¿su o' i Jesús labi i líng' i jóo' Sé' do? Co' jneaa~aa' cuíim'baa' i~ niquiá'r' jogui i tiquiá'r', jo ja' ne~naa' jiali' fé'r' e jáar' fí ñiff-.

⁴³ Jo mi~ canúu~ Jesús e júu' jo, joba' casí' reiñ' do lala:

—Túu'na' e éeng'na' jnea~. ⁴⁴ Jo fíi~ i 'ná' e jíi~ jaang' dsea' cuøøng' lí' jáng' 'ñia'r' fí jaguóo'o fíng song Tiquí'ii' Fidié~ i casíng' jnea~ fí jmigüi' la ja' nijajéng' i dsea' í' fí quinií~; jogui jneab~ dsea' nijmée' e e nijí'tu jaléng' i dsea' í' mi~ tí lí' jo. ⁴⁵ Jo lalab fé' fí ni~ jì quiá' Fidié~ e cajme' i dsea' i café' cuaiñ~ quiá'r' malí~ gui eáang' ie~ lamí~ cajíñ' lala: “Fidiéeb~ dsea' ni'é'r- lajaang' lajaang' dsea'.” Joba' jaléng' dsea' i ninú- júu' quiá' Tiquí'ii' do jogui nilitíiñ' guiú- quiá' dsea' do, joba' cóo' jneab~ nijatáaiñ- jóng.

⁴⁶ Jo dsu' ofa' fá'a e seeng' dsea' i nicangáng- Tiquí'ii', co' lajii~ jnea~bing' i nicangáng- dsea' do, jo íb' dsea' i casíng' jnea~ fí jmigüi' la. ⁴⁷ Jo e laba' jmitaa' óo'na' e jaléng' dsea' i já- líng' júu' quié' e, joba' cøøng' liseeiñ' cóo' Fidié~ lata~.

⁴⁸ Jo dseáng' jneab~ lín'n e iñí' e cuø' e seeng' dsea' lata~. ⁴⁹ Jo jaléng' 'li~ yúu' quií' 'ná' cagó'bre e iñí' e sii' maná do ie~ lamí~ cangir' fí ni~ guóo' uó- quiú' do, jo dsu' nañí' fa' cagó'r' e jo co' cajúm-bre mi~ catí' í' quiá'r'; ⁵⁰ jo dsu' jnea~ gui fá'a quiá' e iñí' e jáa' fí

ñiff- do, co' iì dsea` i ni'ing` e nidó'- e jo, joba' ja` tóo` jmi~ fa' nijúuiñ-. ⁵¹ Jogui co' jneab` dsea` lín'n e iñí'^ e nicajá- fí ñiff- e laco' cuø' e seeng` dsea` lata~, joba' doñí' iì dsea` i ni'ing` e nidó'- e iñí'^ jo, joba' dseáng'- lata~ niliseeiñ` cøøng` cóo'~ Fidiée`. Jo e iñí'^ jo lí' ngúu' táam'baa, co' e joba' nijáa'^ a e laco' cøøng` niliseeng` dsea` cóo'~ Fidiée` lata~.

⁵² Jo mi~ tí' lí' canúu- i dsea` Israel do e júu^ jo, joba' canaaíñ` títng` júu^ quiá'r- lajee` la'ó' yaaiñ` uii~ quiá'- Jesús, jo jmingí'- rúíñ' lala:

—Jo ¿jal cuøøng` e i dseañu' na nicuør- ngúu' táaiñ` e lafa' niquiee~naa'?

⁵³ Joba' cañí'tu Jesús quiá'- i dsea` do jo casí'- reiñ':

—Dseáng'- e laba' jmitaa^ ó'na', e song 'nú' ja' ni'ing`-na' jnea~ laco'gui mi~ jmitaang` yaang~na' guiá- cóo'~ e iñí'^ do, o'gui ni'u'^na' jmi'øøñ-, jnea~ dsea` cagá-a fí ñiff- e lín'n jaang` dsea` jmigüí, joba' ja` quií~ jmi~ jóng e nilí'na' e niliseeng`na' cøøng` cóo'~ Fidiée` lata~. ⁵⁴ Co' i dsea` i ing` jnea~ lí'^ laco'gui mi~ jmitaang` yaaiñ` guiá- jogui i'r` jmi'øøñ-, joba' dsea` íb` i niñíng` e niliseeiñ` cøøng` cóo'~ Fidiée` lata~; jogui jneab` nijmee~ e e nijí'tu jaléng` í mi~ nití- í' lajo. ⁵⁵ Dsaco' mi~ ing` dsea` jnea~, lí' coo' e gø' dsea` e laniing` íng` ta~ quiá'r-, jogui e jmi'øøñ- do, lí' coo' e í' dsea` e laniim- cajo. ⁵⁶ Co' i dsea` i ing` jnea~ lí'^ laco'gui mi~ jmitaang` yaang` dsea` guiá- jogui i' jmi'øøñ- do, joba' cøøm` niliseeiñ` cóo'~ jnea~, jogui lajobi jnea~ cajo cøøm` niliseen- cóo'~ ír'.

⁵⁷ Jo Tiquí'ii' Fidiée` i casíng` jnea~ fí jmigüí la contøøm- seeiñ`, jogui la'eáang` íba' seeng` jnea~ cajo; jogui lajobi jaléng` i dsea` i ing` jnea~ laco'gui mi~ jmitaang` yaaiñ` guiá-, dseáng'- contøøm- niliseeiñ` la'eáang` cóo'~ jnea~. ⁵⁸ Jo fá'a e júu^ na cuaiñ` quiá'- e iñí'^ e cajgó- fí ñiff-, co' e iñí'^ la ja` lí' laco' e iñí'^ e sii` maná do e cagó' 'lí' yáa~ quií-na' lajee` cangir' fí ni` guóo' uó- quiá', co' nañí' fa' cagó'bre e jo, jo dsu' cajúm-bre mi~ catí' í' quiá'r-; dsu' jaléng` i dsea` i ing` jnea~ laco'gui mi~ jmitaang` yaaiñ` guiá- cóo'~ e iñí'^ do, joba' dseáng'- latab~ niliseeiñ` cøøng` cóo'~ Fidiée`.

⁵⁹ Jo lanab` jii~ lí' júu^ quiá'- Jesús e ca'e'r' jaléng` dsea` i caseáng' e fí sinúu^ guá'- quiá'- dsea` Israel e si' fí Capernaum.

Seem` dsea` i ja` ing` júu^ quiá'- Dsea` Jmáang`

⁶⁰ Joba' mi~ tí' lí' canúu- i dsea` do lajii~ e cajíng'- Jesús do, i fíim' jaléng` i dsea` do i lami~ ngí' cóo'r- do cajíñ'- lala:

—Dsíng'- huñg` e ni'ing`-naa' lajii~ e júu^ e fé'r' na, jo ja` lí' dsi'naa' e seeng` dsea` i ja' nilíng` lajii~ júu^ quiá'r-.

⁶¹ Jo co' niñib' Jesús lajii~ e ée' i dsea` do quiá'r-, joba' cajmingí'r- dsea` do lala:

—¿Su 'ní' máam' 'nú' e júu^ quié- e la? ⁶² ¿E~ ni'í' áa'na' fíng song nimáang~na' jnea~ e niníng` túu fí lí' lami~ guíin`n fí ñiff-, jnea~ dsea` cagá-a fí jo e lín'n jaang` dsea` jmigüí? ⁶³ Jo e Jmiguí quiá'- Fidiéeb` e cuø' e seeng` dsea` lata~, jo dsu' ja` quií~ dsea` jmigüí jmi~ fa' e nijmér- e niliseeng` dsea` lata~; jogui jalé' júu^ e nicafí-i 'nú' na lí' la'eáang` cóo'~ Jmiguí quiá'- Fidiée~, jogui cajo cuø' e liseeng` dsea` lata~. ⁶⁴ Jo dsu' seem` 'nú' i ja` mí' ca'ím'bi júu^ quié- e latí' lana.

Jo cajíng'- Jesús lajo co' ní'bre guiá- latí' mi~ uiiing` i~ jaléng` i dsea` do i dseáng'- ja` ni'ing` ír', jogui i~ i nijáng' ír' fí jaguó' jaléng` dsea` cøøng` e quiá'- e nijúuiñ-.

⁶⁵ Jogui lalab` cajíng'- guir:

—Jo uí' e lajob` lí', joba' nicafí-i 'nú' e jii~ jaang` dsea` cuøøng` lí' jáng' 'ña'r' fí jaguó'o' fíng song ja` nijajéng` Tiquí'ii' Fidiée` ír' fí quinií-.

⁶⁶ Jo latí' ie~ job, i fíim' dsea` i lami~ ngí' cóo'~ Jesús catiúum-bre dsea` do, jo caquium'bre e ngir' cóo'~ dsea` do. ⁶⁷ Jo co' calilíb'^ Jesús e jo, joba' cajmingí'r- i dsea` guitúung` quiá'r- do jo cajíñ'-:

—Jo ¿su la quié' 'núb' iing~na' nijmi'naang` yaang~na' quié- e cajo?

⁶⁸ Joba' cañí' Tá^ Simón quiá'- Jesús jo cajíñ'-:

—Fíinaa', dseáng' ja' í dsi'baa' e nidsitáang'naa' cóo' dseá' jiéng', co' jii' 'nub' dseá' cuo' júu' quiá' jial seeng' dseá' cøong' cóo' Fidié' lata'. ⁶⁹ Joba' jnea', nicajáang' yee'naa' fí' jaguóo', co' dseáng' nitab' dsi'naa' e 'nub' lin' dseá' i casíng' Fidié' fí' jmigú' la e lin' dseá' güeang' quiá'r'.

⁷⁰ Joba' lalab cañi' Jesús quiá' i dseá' quiá'r' do:

—Jneab' dseá' nicaguín' n' ná' e nilíng'na' dseá' guitúung' quié'e, jo dsu' jee' 'náb' quiigeáang' jaang' i nilíng' dseá' quiá' fii' i 'ling'.

⁷¹ Jo mi' cajíng' Jesús lajo, café'r' dsu' e éeíñ' i Judas i líng' jóo' Simón Iscariote, jo ja' e lí' e i Judas do quíim' bir jee' i dseá' guitúung' do, dsu' dseá' í'bing' i nijáng' Jesús fí' quini' dseá' cøong' e quiá' e nijúuiñ'.

7

Ji'gui jaléng' rúng' Jesús ja' ja' líiñ' júu' quiá' dseá' do

¹ Jo mi' cang'gui lajo, dob ngí' Jesús fí' jalé' fii' e té'e' lí' se' Galilea e jmóor' lajii' ta' siná'r'. Jo ie' jo ja' iñ' dsér' fí' lí' se' Judea, co' jaléng' dseá' góor' dseá' Israel i teáang' nifí' i seeng' fí' jo 'náiñ' dseá' do e iñ' nijngám' breiñ'. ² Dsu' ie' jo nijaquíéng' jmii' quiá' dseá' Israel e qui' t'iiñ' jmo'r' 'núu' má' 'ma' e laco' jmiguiéng' dsiir' jial mi' cangir' fí' ni' guóo' uo' quiú' malii' gui e eáang', ³ joba' lalab cajíng' jaléng' i rúng' Jesús do jo casí' reiñ':

—Ja' guíng' ja' fí' la, jo fí' lí' se' Judeab' guó', jo lajoba' jaléng' dseá' i tí' dsí' núu' júu' qui' i seeng' fí' jo nijøø' jalé' e qui' jmii' jmoo'. ⁴ Co' mi' jaang' dseá' iñ' e nilicuí' gui dseá' quiá'r', joba' fí' lí' jøø' dseab' 'né' jmér' jalé' e jmóor' do. Jo co' 'na' jmoo' jalé' e dsigá' dsí' dseá', joba' fí' quini' dseá' fíim' 'né' jmé' jalé' e jo.

⁵ Jo fé'r' lajo co' ji'gui jaléng' i rúng' Jesús do ja' ja' líiñ' júu' quiá' dseá' do. ⁶ Jo lalab cañi' Jesús quiá' i rúñ' do jo cajíñ':

—Ja'gui mí' catí' í' quié'e e nijmijnéeng' 'niá'a' fí' quini' fíing' dseá', jo dsu' qui' 'nú' doñi' ee' jmii' cuøong' lí' güilíng'na' jié' fí' lí' iing'na'. ⁷ Jo fii' i 'ná' e ja' ee' uíing' sea' quiá' jaléng' dseá' jiéng' e nilí' 'ní' níiñ' 'ná', jogui dsu' jnea' gui contøøm' 'ní' níng' dseá', co' jnea' jmóo' e líñi' dseá' røø' uii' quiá' jalé' e ga' e jmóor'. ⁸ Joba' fii' i 'ná' e cuøøm' lí' güilíng'na' e jmii' jo, jo dsu' ja' lí' nii' jnea' lajminá', co' nabi ja' mí' catí' í' quié'e e nijmee' e lajo.

⁹ Jo lanab casí' Jesús i rúñ' do, jo dob cajer' fí' lí' se' Galilea, jo i rúñ' do cangolíim' bre fí' lí' tí' jmii'.

Mi' cangotíng' Jesús jmii' quiá' 'núu' má' 'ma' fí' Jerusalén

¹⁰ Jo mi' cang' e cangolíng' i rúng' Jesús do fí' lí' catí' jmii', joguiba' cangó' Jesús fí' jo, jo ja' fíing' dseá' i ngolíng' cóo'r', co' ja' iñ' dsér' fí' jo jee' dseá' fíing'. ¹¹ Jo lajee' tí' e jmii' do, jaléng' dseá' quié' nifí' quiá' dseá' Israel ngir' ta' 'náng' Jesús, jo síiñ' lajee' la'ó' yaaiñ' jo fé'r' lala:

—¿Jie' fí' iuung' i dseañu' do?

¹² Jo eám' síing' jaléng' i dseá' Israel i siseáng' do cuaiñ' quiá' jalé' e jmóo' Jesús. Jo jee' do quiéng' i líng' dseá' i fé' lala: “Jaang' dseañu' i guiúm' líiñ' do”; jogui jee' do bi quiéng' dseá' i fé' cajo: “I dseañu' í' ja' dseeng' éer', jogui lico' ngir' ta' jmigøøng' jaléng' dseab'.”

¹³ Jo jee' jaléng' i dseá' do jii' jaaiñ' teá' dsiir' nifé'r' uii' quiá' Jesús, co' 'gó' bre fíng' ee' cajmée' i dseá' Israel i quié' nifí' do quiá'r' song canúur' jalé' e síiñ' do.

¹⁴ Jo níngóo' guiáam' e jmii' do mi' caguié' Jesús fí' dsí' sinúu' guá' fé' quiá' dseá' góor' dseá' Israel e sí' fí' Jerusalén, jo mifíng' canaiñ' e'bre dseá' mi' caguié' fí' jo. ¹⁵ Jo eám' dsigá' dsí' i dseá' quié' nifí' quiá' dseá' Israel do e núur' jalé' júu' 'goo' e guiá' dseá' do, jo lalab síiñ' lajee' yaaiñ' jo fé'r':

—¿Jial jmóo` i dseañu` na e tñiñ` ngáiñ` júu` quiá'- Fidiée`, jò ja` ne`ee' fa' jié` lí` nicajmítñiñ`?

16 Joba' lalab cañíi` Jesús quiá'- i dseá` do:

—O' dseáng'- júu` quié` e lajji` e ée` e 'nú' la, co' e júu` la jáa' quiá'- i dseá` i casíng` jnea` fí` jmigüi` lab. **17** Jò doñí` i` dseá` i guía' dsí' e nijmítir` laco' la iing` Fidiée`, joba' dseá` í`bing' i` nñi' su jáa' quiá'- Fidiée` jalé' e ee` do osi lí` fá'a e la tñiñ` 'ñiá'baa é. **18** Dsaco' i` dseá` i fé' la tñing` 'ñia' jmóor` lajò e lí` laco' nijmiféng' dseá` í`bre; jò dsu' i` dseá` i jmi'úung` e nijmiféiñ` i` dseá` i casí` quiá'r` do, joba' i` dseá` í` jmang'- júu` jáb'- quiér', jò jji` jaang` ja` i` cuøøng` lí` cuø` dsee` ír', co' ja` dsee` sea` quiá'r`.

19 Jò cajíng'- gui` Jesús:

—Jò e já'- e Moí`bing' cacuø' 'nú' e júu` quiu' ta` quiá'- Fidiée` do, jò dsu' jji` jaang` 'nú' ja` jmití`na' e júu` jò. Jò ¿jialí' e iing`na' nijngáng`na' jnea`?

20 Jò mi` canúu` i` dseá` do lajò, joba' cañíir` quiá'- Jesús jò cajíñ`-:

—i` 'lim`^ jée' quií` 'nu'! Co' jnea`^ ja` í` dsí`naa' fa' e nijngáng`naa' 'nu'.

21 Joba' cañíi`tu` Jesús quiá'- i` dseá` do jò casí`-reiñ`:

—Mí' 'noo` dsigá`bi` áa' 'nú' cóo` lajji` e cajmé` e do 'ñia' ie` jmí` e jmi'íng`naa', jneaa`aa' dseá` lí`i` dseá` Israel. **22** Jò ie` malí`gui` do Moí` caquiur` ta` e nitó` coo` e lí` fí` ngúu` táang` lajji` yuu` siñuu` lí` laco' quí` tñing`naa', jò dsu' e jò o' jji` quiá'- Moí` jáa', co' jáa' tí` quiá'- 'lí` yuu` quií`-ba'; jogui` 'nú' tóo`ba' e lí` do fí` ngúu` táang` jiuung` siñuu` quií`-na' mi` catí` í' quiá'r` lajò, jò ja` e lí` quií`-na' nañi' fa' 'ñia' ie` jmí` e jmi'íng`naa'. **23** Jogui` song` 'nú' tóo`na' e lí` do quiá'- jiuung` siñuu` quií`-na' dseáng'- 'ñia' ie` mi` jmí` e jmi'íng` jneaa`aa', dseá` Israel, co' dseáng'- ie` jmí` jò catí` í' e nijmé`na', jò jmoo`na' lajò e lí` laco' nijmítí`na' e júu` quiu' ta` quiá'- Moí`, joba' lana ja` e uing` sea` quií`-na' e jmiguíng` yaang`na' cóo` jnea` uí` e cajmi`leáan` i` dseañu` do 'ñia' ie` jmí` e jmi'íng`naa'. **24** Joba' fí`i` 'nú', ja` cuø`na' dsee` jaang` dseá` quiá'- lajji` e í` óo`na' e jmóor`, co' 'né` jang'- jmitá` óo`na' dseáng'- røøb` su dseeng` osi ja` dseeng` é lajji` e jmóo` i` dseá` í', jò lajoguiba' cuøøng` e ni`í`na' í' røø.

Mí` cajíng'- Jesús jie` fí` dseáng'- lí` jáar'

25 Jò mi` canúu` i` líing` dseá` i` neáng` fí` Jerusalén do júu` quiá'- Jesús, joba' canaaiñ` jmíngí`- rúíñ` jò jji`-:

—Jò ¿su o' i` dseañu` nabi i` ngí` dseá` 'náíñ' e quiá'- nijngáng'- neiñ'? **26** Jò jji` jaang` dseá` ja` i` jnáng` quiá'r`, co' dob` siñ' guiar` júu` quiá'- Fidiée` jee` dseá`. Jò jangám` í` dsí' jaléng` dseá` i` quié` nifí` quií`-ii' e dseáng'- já`-ba' e dseá` dob` i` Dseá` Jmáang` i` sijeeng`naa' i` nicá` nifí` quií`-ii'. **27** Jò jneaa`guí` ne`baa' røø` jie` fí` lí` jáa' i` dseañu` na, jò dsu' mi` nití` í' e nijjáa' i` dseá` i` sijeeng`naa' do, jji` jaang` dseá` ñir` jie` fí` lí` nijjáa' dseá` do.

28 Jò mi` tí` lí` canúu` Jesús lajji` e síng` i` dseá` do lajee` e iuuíñ` e'r` dseá` fí` sinúu` guá'- fé' e sí' fí` Jerusalén, joba' cañíir` teá' jò cajíñ`-:

—E já'- e nicuíim`ba' jnea`, jogui` niñi`bi' jie` fí` lí` gáa'a. Jò dsu' jnea` ja` cagá`-a fí` la e la ñii` 'ñiá'a, co' cagá`-baa dsu' júu` e sinú` quiá'- i` lajang` do e jji` 'nú' ja` cuíng`na' í'.

29 Jò dsu' jnea` cuíim`baare guíu`, co' cuaiñ` quiá'-bre e cagá`-a fí` jmigüi` la, jogui` dseá` í`bing' i` casíng` jnea` cajo.

30 Jò mi` canúu` jaléng` i` dseá` Israel do júu` quiá'- Jesús, joba' lamí` iíñ` nisám`bre dseá` do, jò dsu' ja` calí'r` fa' cajméer` lajò, co' ja` mí` catí` í' quiá'- dseá` do fa' e nidsing`ñiñ` lajò. **31** Jò lajee` jaléng` i` dseá` i` teáng` núu` júu` quiá'- Jesús do, fíim` i` dseá` í` já` calíñ` júu` quiá'- dseá` do ie` jò, jò lalab síiñ`:

—Mí` nigüéeng` i` Dseá` Jmáang` i` sijeeng`naa' i` nicá` nifí` quií`-ii', ja` lí` dsí`naa' e nijmér` jmigui`gui` jalé' e lí` e quí'r` jmí` laco'gui` la jmóo` i` dseañu` la lana.

Mí` cajméé` dseá` quií`- jial nisáiñ` Jesús

³² Jo mi~ canúu~ dsea` Israel i líng` dsea` fariseo lajii~ e s'ing` dsea` uii~ quia~ Jesús, joba' jaléng' i dsea` í cóo~gui jaléng' fii~ quia~ jmidsea` casíñ` jaang` gáng` íí~ quia~ guá~ e laco' nidsiséiñ~ Jesús e fí lí iuung~ dsea` do. ³³ Jo co' niñib' Jesús e í dsíí i dsea` do, joba' cajíñ~ casí'r~ jaléng' i dsea` teáang~ do ie~ jo:

—Ja` huøø~ eáang` nitaang~ jnea~ cóo~ 'nú' fí la, jo mi~ ningí jo, niním~túu cóo~ i casíng` jnea~ e cagá~a fí jmigúí la. ³⁴ Jo ie~ jo, fíim' 'nú' ni'nang~na' jnea~ jo dsu' jo niguiéng~na' jnea~, co' ja` quí~ jmií~ e nigüilíng~na' fí lí ninín~n.

³⁵ Jo mi~ canúu~ i dsea` i quie' nifí quia~ dsea` Israel e jo, jo ladsifí lanab canaaiñ` e jmingí~ rúíñ` lala jo fé'r:

—¿Jie` fí lí nidséng~ i dseañu` na e jo` quí~ jmií~ fa' e niguiéng~naa're? Jo jangám~ song nidsér~ fí guoo~ uø~ lí huí~ fí lí neáang` jaléng' dsea` góo~naa' dsea` Israel e nidsi'ée'r~ jaléng' dsea` i ja` líng` dsea` góo~naa' i neáang` fí jo. ³⁶ Jo ¿e~ guóng~ mi` fé' i dseañu` na e ni'náng` dsea` ír` jo dsu' ja` ii` niguié' quia~r~, jogui e ja` cuøøng` ii` nidsilíng` fí lí niguiéiñ` do?

Jo lanab casíng~ i dsea` quie' nifí quia~ dsea` Israel do ie~ jo.

Jial lí' mi` íng` dsea` Jmigui` quia~ Fidié~

³⁷ Jo 'ñia' ie~ ngóo' cadséng~ jmií~ e jmóo' dsea` Israel ie~ jo, jo dseáng~ ie~ jmií~ job e í dsíir' e niing~gui lajee' e jmií~ e jmóor' do. Jo ie~ job casíng' 'ñia' Jesús fí quini~ jaléng' dsea` jo café'r` teá` jo cajíñ~:

—Song ii` 'nú' lí~na' e jmií~na', joba' ñilíng~na' fí lí sín~n la, jo nilí'ba' jmií~ e u~na'. ³⁸ Jo lí~ laco'gui la fé' Fidié~ fí ni` jì quia~r~ lí fé'r` lala: “Jo mi` já~ líng` dsea` júu~ quie~ e, jo e jo lí~ lafa' niníng' jmií~ fí dsíir'; jo e jo cuø' e liseeiñ` cøøng` cóo~ Fidié~ lata~.”

³⁹ Jo cajíng~ Jesús lana uíi~ quia~r~ Jmigui` quia~ Fidié~ e ni'íng' jaléng' dsea` i nijá~ líng` júu~ quia~r~. Jo dsu' e Jmigui` do ja` mí cagüea~ jee~ ír', co' ja` mí casám~bi Jesús e nidséiñ~ fí lí cajár~ fí ñifí~ e ni'uíng~tur dsea` laniing~.

Mi` ca'naang` jaléng' dsea` quia~ rúíñ` uii~ Jesús

⁴⁰ Jo mi~ canúu~ i dsea` do júu~ quia~r~ Jesús, jo i líng` i dsea` í canaaiñ` s'íiñ` lala:

—Dseáng~ i dseañu` lab i sijeeng~naa' i nisíng~ Fidié~ i nifé' cuaiñ~ quia~r~.

⁴¹ Jogui i líng`gui i dsea` do fé'r:

—I lab Dsea` Jmáang~ i sijeeng~naa' do i nicá~ nifí quí~ii'.

Jo dsu' i líng`guiiñ` do fé'r:

—U~, o' Dsea` Jmáang~ i na, co' ja` cuøøng` e dsea` í nijáar' e líiñ` jaang` dsea` i seeng` fí lí se' Galilea. ⁴² Co' lalab fé' Fidié~ fí ni` jì quia~r~ e dseáng~ 'néb~ e Dsea` Jmáang~ líiñ` dsea` síju~ dseata~ Daví~, jogui 'né~ e niníñ~ fí Belén e fí lí calí~ góo~ dseata~ Daví~.

⁴³ Jo lajob jaléng' i dsea` do ca'naam~bre quia~ rúíñ` uíi~ Jesús. ⁴⁴ Jo lajee~ i dsea` í seem~biñ` do i lamí~ iing~ nitøø` Jesús e nijníñ~ dsea` do, jo dsu' ja` calí'r~ fa' cajméer~ lajo.

Jaléng' dsea` i quie' nifí quia~ dsea` Israel ja` íñ` Jesús

⁴⁵ Jo mi~ caguilíng~tu i íí~ quia~r~ guá~ i casíng` dsea` Israel i líng` dsea` fariseo do i lamí~ síí' nisáng' Jesús do, jo i dsea` fariseo do colíng` cóo~ jaléng' fii~ jmidsea` cajmingí'r~ dsea` do jo cajíñ~:

—¿Jialí' ja` catee~na're?

⁴⁶ Joba' cañíi` i íí~ do quia~iñ~ do lala:

—Jíi~ jaang` dsea` ja` mí calicuíng~naa' i fé' jlo~ laco' fé' i dsea` do.

⁴⁷ Joba' lalab cañíi` i dsea` Israel i líng` dsea` fariseo do quia~r~ i íí~ do:

—Jo ¿su la quie' 'núb~ cajo nicaligóng~na' júu~ quia~r~? ⁴⁸ Co' jíi~ jaang` dsea` quie' nifí quí~ii' o'gui dsea` Israel i líng` dsea` fariseo caguiaang~gui fa' já~ nicalíñ~ júu~ quia~r~ i dsea` do. ⁴⁹ Jo dsu' i dsea` i la 'nú' i ja` cuíi` júu~ quia~r~ ta~ quia~r~ dsea` Israel, fí lí 'lib~ catíng~na' quia~r~ Fidié~.

⁵⁰ Jo mi~ canúu~ i Nicodemo do, jaang` dsea` Israel i líng` dsea` fariseo i cangó~ cango`ee` Jesús coo` née~, joba' dsea` í lalab cañír` quiá~ dsea` do:

⁵¹ —Lí^ laco`gui la fé` fí` ni~ jì` quiá~ júu^ quiu` ta~ qui`-ii', e ja` cuøong` nicuóø^naa' dsee~ jaang` dsea` e jíi~ ja` mí` cane~ee' røø` jalé` e jmóor` do, su guiá~ osi ja` dseeng` é.

⁵² Joba' lalab cañíi` i dsea` do quiá~ Nicodemo:

—Jo ¿su dsea` Galileab líng` 'nua` cajo? Jo jminá~ jmitíng` júu^ quiá~ Fidiée~, jo lajoba' niliñí^ e jíi~ jaang` dsea` i fé` cuaiñ~ quiá~ Fidiée~ ja` mí` cajáar` fí` lí` se` Galilea.

⁵³ Jo mi~ cangí` jo, lajaléng` i dsea` do caquiñ~ cangolíñ` fí` quiá~r~.

8

Jaang` dseamí` i catáng` i iuung` ta` 'lée`

¹ Jo mi~ cangí` e cangolíng` jaléng` i dsea` do, ca'íb~ Jesús fí` e cangó~ fí` coo` yá^ mó` e sii` Olivos. ² Jo mi~ cajnea~ e jmí~ coo`gui do, joba' caquim~ tur fí` guá~ fé` e si' fí` Jerusalén, jo mi~ caguiéiñ~ fí` jo, fíam` dsea` i cangoquiéng` fí` lí~ siñ', joba' caguár` lana jo mifíng` canaaiñ` e'bre i dsea` do júu^ quiá~ Fidiée~.

³ Jo lajee~ e guing~ Jesús e e'r` i dsea` do, caguilíng` coo` tú~ míng` dsea` Israel i líng` dsea` fariseo colíng` cóo~ tifa' quiá~ júu^ quiu` ta~ quiá~ dsea` Israel, jo jéeiñ` jaang` dseamí` i nīcatóøiñ~ i iuung` ta` 'lée` cóo~ jaang` dseañu` i o' quiá~r~. Jo mi~ caguilíñ` fí` jo, dob casíñ` i dseamí` do jee~ i dsea` i teáng~ do ie~ jo, ⁴ jo lalab casí~r~ Jesús:

—Tifa', i dseamí` la nīcatóøng~naa're lajee~ e guiáang~ iuuiñ~ ta` 'lée` cóo~ jaang` dseañu` i o' quiá~r~. ⁵ Jo fí` ni~ júu^ quiu` ta~ e cajme' Moi` fé` e jaléng` i dseamí` i jmóo` lajo 'né~ nīquiúng~ dsea` ír` cuub~ cartí` nijúuiñ~. Jogui 'nua', ¿jial fó'?

⁶ Jo cajíng` i dsea` do lana e lí^ laco' 'nór` jial niguié'r` e nicuó'r~ Jesús dsee~ fí` quini~ dseata~. Jo dsu' Jesús dsifí` mi~ canúur~ e jo lico' catúum`bre, jo mifíng` canaaiñ` jmo'r` fí` jee~ 'lee` cóo~ nīguóor`. ⁷ Jo co' ja` quiung` i dsea` do e jmingí~ bir Jesús cuaiñ~ quiá~ e jo, joba' casíng`tu 'ñia' dsea` do jo cajíñ~ casí~r~ i dsea` do:

—Doñí` iñ` 'nú` e lí^ áa'na' e ja` ee` dsee~ røøng`na' jíi~ coo~, joba' teáng`na' i dseamí` na la'uii~ cuu~.

⁸ Jo mi~ cangí` e cajíñ~ lajo, caléb`tu catúuiñ` fí` ni~ uó~, jo canaaiñ` jmo'tur jee~ 'lee` cóo~ nīguóor`. ⁹ Jo dsifí` mi~ canúu~ i dsea` do lajíi~ e cajíng` Jesús, dsifí` lanab canaaiñ` dsiliñ` tá~ jáiñ~, jo la'uii~ canaang` ngolíng` jaléng` i nīyúu~ gui, jo cøøng`gui lajo cangolíng` jaléng` i le'eáang`gui, jo lajob` cajméer` car` cató' uøøiñ` lajiiñ~. Jo coob` mi~ calilí^ Jesús e 'ñia'bre catúung`guir cóo~ i dseamí` do, ¹⁰ joba' casíng`tu 'ñia'r', jo mifíng` cajmingí~r~ i dseamí` do jo cajíñ~:

—¿Jie~ fí` nīngotáang~ i dsea` i lamí~ 'náng` 'nua` do? Jo ¿su jíi~ jaaiñ` ja` ee` cajmeáiñ` 'nua'?

¹¹ Joba' cañíi` i dseamí` do quiá~ Jesús jo cajíñ~:

—U~, jíi~ jaaiñ` ja` ee` cajmeáiñ` jnea~, Fí`i.

Joba' cañíi`tu Jesús quiá~ i dseamí` do jo cajíñ~:

—O'gui jnea~ ee` nījmeáan`n 'nua` cajo, jo lana guóng` fí` quií~, jo jo` güibeáang`gui uø' dsee~ melé^.

Jesús láñ` e jì` e jnea` jee~ dsea` jmigüí`

¹² Jo mi~ cangí` jo, cangób~tu Jesús fí` lí~ siseáng` dsea`, jo lalab casí~r~ jaléng` dsea` do:

—Jnea~ lín`n e jì` e jnea` jee~ dsea` jmigüí~; joba' jaléng` dsea` i ngí` colíng` cóo~ jnea~, niliseab` e jì` do quiá~r~ co' e joba' e cuø` e seeng` dsea` lata~, jogui cajo jo` tóo~ jmí~ fa' niliseeng`guir fí` lí~ nua` só'.

¹³ Jo mi~ canúu~ dsea` Israel i líng` dsea` fariseo e júu^ jo, joba' lalab cañír` quiá~ Jesús:

—'Nua' lico' fó' jíi~ uii~ quiá~ jalé` e guiá~ e jmoo` uøø`ba', joba' jalé` e fó` do ja` e quíng` jíi~ coo`.

¹⁴ Joba' cañíi` Jesús quiáiñ~ do jo cajíñ~:

—Quím' jalé' e júu' e fá' jnea~, nañí' fa' 'ñiá' baa fá' a uii~ quié' e 'ñiá' a, co' ñi' baa guiá' jie~ fí' lí' cagá' a jogui jie~ fí' lí' niníng' ^túu cajo; jo dsu' 'nú' gui ja' ñi' na' jii~ coo' e jo. ¹⁵ Co' 'nú' ñi' na' í' quiá' jaléng' dsea' lí' laco' gui la' í' oo' na' yaam~ ba'. Jo dsu' jnea~ gui ja' jmóo' o lajo quiá' jii~ jaang' dsea' la ñii' 'ñiá' a. ¹⁶ Jo song jmóo' o lajo dsu' laco' catíim~ niqidsii' í', jo ja' 'ñiá' a niqidsii' í' cajo, co' Tiquí' ii' i casíng' jnea~ fí' jmigü' la, íb' i jmicóo' jnea~ e quidsii' í' quiá' dsea' laco' catíng'. ¹⁷ Jo fí' ní' júu' quiu' ta~ quí' 'nú' fé' e mi~ seeng' gáng' dsea' i tí' ní' røø' quiá' lajii' e calí' do, joba' quím' e júu' do laco' sí' í'. ¹⁸ Jo jnea~ lán' n jaang' i tí' ní' quiá' jalé' e jmóo' o do, jogui Tiquí' ii' dsea' i casíng' jnea~ fí' la lán' n jaang' gui dsea' i tí' ní' quiá' jalé' e jo cajo.

¹⁹ Joba' cajming' i dsea' do Jesús jo cajíñ' :

—Jo çjng' gui Tiquí' ^ jóng?

Joba' cañí' Jesús quiá' i dsea' do jo casí' reiñ' :

—'Nú' ja' cuíng' na' jnea~, o' gui cuíng' na' Tiquié' e cajo; co' faco' cuíng' na' jnea~, joba' cuím' ba' la quie' Tiquié' e cajo.

²⁰ Jo jalé' e júu' na cajíng' Jesús lajee' e iuuiñ' e' r' dsea' fí' dsí' sinúu' guá' fé' e sí' fí' Jerusalén ca' e fí' lí' téé' guóo' e ta' r' cuu' quiá' guá'. Jo dsu' jii~ jaang' dsea' ja' i cateá' dsí' fa' casaiñ' dsea' do lajee' jo, co' ja' mí' catí' bi' í' e nijmé' dsea' lajo.

“Ja' quí' jmí~ nigüilíng' na' fí' lí' niníng' ^ jnea~”

²¹ Jo mi~ cang' jo, lalab casí' tu Jesús i dsea' fíng' do:

—Jnea~, coob' mi~ nití' í' e ninín' n, jo 'nú' ni' nam' ba' jnea~, jo dsu' 'nú' nijúum' ba' jee~ jalé' dsee' quí' na'. Co' 'nú' ja' quí' jmí' fa' e nigüilíng' na' fí' lí' niníng' ^ jnea~.

²² Jo mi canúu' i dsea' Israel i teáang' do ie~ jo e júu' jo, joba' lalab cajíñ' :

—Jangám' song' í' dsí' i dsea' na e nijngáng' 'ñia' r', joba' jíñ' e ja' cuøøng' nidseá' naa' cóo' r' fí' lí' nidséiñ'.

²³ Jo mi~ calilí' Jesús e fé' i dsea' do lajo, joba' casí' r' dsea' do:

—'Nú' jii~ fí' lab jii~ lí' seeng' na', jo dsu' jnea~ fí' yúb' gáa' a; co' jii~ dsea' jmigü' lab lán'g' 'nú', jo dsu' jnea~ ja' lán' n jii~ dsea' jmigü'. ²⁴ Jo uing' lajoba' fí' i 'nú' e nijúum' ba' jee~ jalé' dsee' quí' na'; co' song' ja' já' lán'g' na' e jneab' dseáng' lán' n jii~ laco' fá' a e lán' n, joba' jee~ jalé' dsee' quí' ba' nijúung' na'.

²⁵ Joba' cañí' i dsea' do jo cajming' r' Jesús lala:

—Jo, çí' dseáng' lán'g' 'nu' jóng?

Joba' cañí' Jesús quiá' i dsea' do jo casí' reiñ' :

—Lí' laco' gui nicañí' i 'nú' lami~ jeeng' gui, íb' jnea~. ²⁶ Jo jmiguiub' jalé' e sea' e fí' i 'nú' jogui e niqidsii' í' quí' na' cajo. Jo dsu' i dsea' i casíng' jnea~ fí' jmigü' la jmang' e jáb' jalé' júu' quiá' r', jo lajii~ júu' e fá' jnea~ jee~ jaléng' dsea' jmigü' røøb' laco' jii~ júu' e núu' jnea~ e fé' i dsea' i dseáng' casíng' jnea~ fí' jmigü' la.

²⁷ Jo dsu' i dsea' do ja' cangáiñ' e Jesús fé' r' uii~ quiá' Tiquí' r'. ²⁸ Jo casí' Jesús i dsea' do lala:

—Jo mi~ nitáang' na' jnea~ fí' yá', jnea~ dsea' cagá' a fí' ñifí' e lán' n jaang' dsea' jmigü', joba' nililí' na' jóng e jneab' dseáng' lán' n jii~ laco' fá' a e lán' n, jogui jii~ coo' ja' e jmóo' o la ñii' 'ñiá' a, co' lico' fá' a lajii~ e nica' e' Tiquí' ii' jneab'. ²⁹ Jo i dsea' i casíng' jnea~ do, seem' bre cóo' jnea~ lana; jo ja' mí' catiúuiñ' jnea~ 'ñiá' a jii~ cateá', co' dseáng' contøøm' jmóo' o lajii~ e iñ' e nijmee' e.

³⁰ Jo mi~ tí' lí' cató' e fé' Jesús e júu' na, joba' fíim' dsea' já' calíñ' júu' quiá' dsea' do ie~ jo.

Mi' ca' e' Jesús jial lán'g' dsea' i silaang' jee~ dsee' quiá'

³¹ Jo mi~ cang' jo, casí' gui Jesús jaléng' i dsea' Israel i já' calíng' júu' quiá' r' do, jo cajíñ' casí' reiñ' :

—Song 'nú' nijmití'na' lí' laco' jii' e nica'ée' e 'nú' e nijmee'na', joba' dseáng' dsea' quié'baa ni'uíng'na' jóng; ³² jogui lajob niliñ'na' dseáng' la'uiing' jalé' júu' quié'e, jo lajoba' ni'uíng'na' dsea' i silaang' jee' jalé' dsee' quiá'.

³³ Joba' cañí' i dsea' do quiá' Jesús jo cajíñ':

—Jnea' lí'naa' dsea' siju' 'lii' yúu' Abraham, jo jii' coo' née' ja' mí calí'naa' dsea' 'léeng' quiá' dsea' jiéng'; joba' zjal lí' e fó' 'nú' e ni'uíng'naa' lafa' dsea' silaang'?

³⁴ Joba' lalab casí' Jesús i dsea' do:

—E laba' jmitaa' óo'na', e jaléng' dsea' i beáng' dsee' yaang' líiñ' lafa' dsea' 'léeng', co' e dsee' quiá'r' dob quiu' ta' ír'. ³⁵ Cofa' jaang' dsea' 'léeng' quiá' dsea' ja' catíñ' jalé' e sea' quiá' fiir', jo dsu' jaang' jóo' dsea' catim'bre lajalé' e jo. ³⁶ Jo lajob, song jnea' calaan' 'nú' jee' jalé' dsee' e nica'ee'na', joba' dseáng' lajang' júu'ba' e nileáng' 'nú' jee' jalé' e dsee' quié'na' do. ³⁷ Jo niñib' jnea' guiá' e dsea' siju' 'lii' yúu' Abraham líng' 'nú'; jo dsu' 'nú' iing'na' jngang'na' jnea', co' ja' iing'na' íng'na' júu' quié'e. ³⁸ Jo jnea' fá'a lajii' e nica'e' Tiquié' e jneab', jo dsu' 'nú' jmoo'na' lajii' e fé' tiquí'ba'.

³⁹ Joba' cañí' i dsea' do quiá' Jesús jo cajíñ':

—'Lii' yúu' Abrahambing' líng' dsea' mí áang' qui'naa'.

Jo dsu' Jesús cañí' quiá' i dsea' do jo casí' reiñ':

—Facó' já' e 'nú' líng'na' siju' 'lii' yúu' Abraham, joba' laco' cajmée' íb' catíng' e nijmee'na' jóng facó' lajo. ⁴⁰ Jo dsu' 'nú' iim'bi' e nijngang'na' jnea', nañí' fa' jmang' júu' jáb' fá' jnea' lí' laco'gui nica'e' Fidié' jnea'. Jogui 'lii' yúu' quié'na' Abraham dseáng' ja' cajmée'bre lajo. ⁴¹ Co' 'nú' dseáng' laco' jmoo' tiquí'ba' jmoo'na'.

Joba' cañí' i dsea' do quiá' Jesús, jo casí'r' dsea' do:

—Ja' lí' jnea' dsea' i ja' ñi' i' tiquíá'; co' jaam' Tiquí'naa' seeng', jo íb' Fidié'.

⁴² Joba' cañí' Jesús quiá' i dsea' do jo cajíñ':

—Facó' já' e Fidié' líng' Tiquí'na', joba' 'neáam' 'nú' jnea' facó' lajo, co' íb' dsea' i casíng' jnea' e cagá'a fí' jmigüi' la, jogui lab sín'n lana. Co' jnea' ja' cagá'a la ñii' 'niá'a, dsuco' dsea' íbing' i casíng' jnea' fí' la. ⁴³ Joba' fá' jnea' e ja' mí ngáng' 'nú' júu' quié'e lana, dsuco' ja' iing'na' núu'na' e jo. ⁴⁴ Jo fii' i 'lim' líng' tiquí' 'nú'; jogui co' dsea' quiá'bre líng'na', joba' jmoo'na' lajii' e iñ'. Jo latí' mí' uiim' e fii' i 'ling' jmóor' ta' jngang' dsea', jogui dseáng' jii' coo' e jmóor' do ja' cøong' coo' júu' quiá' Fidié', jogui dseáng' jmang' júu' e o' já'ba' quier'. Jo mí' fé'r' júu' e o' já', joba' dseáng' fé'r' laco' la líb' jóng, co' jaang' dsea' adseaam' líiñ', jogui líiñ' tiquíá' jalé' e júu' e o' já' do. ⁴⁵ Jo jnea'gui jmang' júu' já'ba' fá'a, dsu' ja' já' líng'na' júu' quié'e. ⁴⁶ Jo jii' jaang' 'nú' cuøong' lí' fo'na' e jnea' lín'n jaang' dsea' røong' dsee', co' jaang' dsea' i quié' jmang' júu' jáb' líng' jnea', joba' zjalí' ja' já' lím'bi' júu' quié'e? ⁴⁷ Jo jaléng' i dsea' i líng' dsea' quiá' Fidié' núu'bre jalé' júu' quiá' Fidié'; jo dsu' 'nú'gui ja' líng'na' dsea' quiá' Fidié', joba' ja' iing'na' núu'na' júu' quiá' dsea' do.

Niseem' Dsea' Jmáang' lajii' ná'gui e niliseeng' 'lii' yúu' Abraham

⁴⁸ Jo mí' canúu' dsea' Israel lajii' e cajíng' Jesús do, joba' casí'r' dsea' do lala:

—Nijáb' júu' qui'naa' e fé'naa' uii' quií', e 'nú' lin' jaang' dsea' samaritano jogui e iuung' i 'ling' a'.

⁴⁹ Joba' cañí' Jesús quiá' i dsea' do jo casí' reiñ':

—U', jii' jaang' i 'ling' ja' i iuung' dsii' la, co' lajii' e jmóo' e lico' jmi'goo' Tiquié' e Fidiéeb'; jo dsu' 'nú'gui ja' e jmi'goo'na' jnea' jii' capí'. ⁵⁰ Jo dsu' jnea' ja' fá'a e iin'n e nijmi'goo'na' jnea', jo dsu' seem' jaang' i iing' e 'nú' nijmi'goo'na' jnea', jo dsea' íb' i quidsí' í' laco' catíng'. ⁵¹ Joba' jmitaa' óo'na' e doñí' i' i' núa' júu' quié'e, joba' dsea' í' ja' tóo' jmii' fa' e nijúuñ'.

⁵² Joba' cañí' dsea' Israel quiá' dsea' do:

—Lanaguib dseáng' nicalita dsi'naa' e i 'lim' iuung' áa' 'nu'. Co' 'lii' yúu' Abraham cóo' gui jaléng' dsea' i café' cuaiñ' quiá' Fidié' malii' gui eáang' cajúm-bre, jogui dsu' 'nu' fó' e doñi' i dsea' i núu' júu' quií', joba' ja' tóo' jmi' fa' e nijúuiñ'. ⁵³ Jogui 'nu', ¿su í' a' e niing' gui' laco' gui i 'lii' yúu' Abraham do? Co' í' nicajúm-bre, jogui jaléng' dsea' i café' cuaiñ' quiá' Fidié' malii' gui eáang' cajúm-bre cajo. Jogui 'nu', ¿í' í' o' e lin'?

⁵⁴ Joba' cañi' Jesús quiá' i dsea' do jo casí'-reiñ':

—Facó' jnea' jmi'goo' 'ñiá'a, joba' ja' e quíng' jii' cóo' e jmó'o do facó' lajo. Jo dsu' Tiquié'e Fidiéeb' dsea' i jmi'gó' jnea', i dsea' i fó' na' i líng' Fidié' quií' na' cajo. ⁵⁵ Jo dsu' 'nú' ja' cuíng' na' dsea' í', dsu' jnea' gui guiáb' cuín'nre, jogui facó' jnea' fá'a e ja' cuín'nre, joba' dsea' adseaam' lín'n jóng' lí' laco' gui la líng' 'nú' facó' lajo. Jo dsu' jnea' gui guiáb' cuín'n dsea' do jogui jmiti'baa júu' quiá'r'. ⁵⁶ Jo i 'lii' yúu' quií' na' Abraham do, eám' cali'iaang' dsíir' m' cali'ir' jalé' e nidsing' jnea', jo co' dseáng' cangá-bre e jo, joba' eám' cali'iaang' dsíir'.

⁵⁷ Jo mi' canúu' i dsea' Israel do jalé' e casí' Jesús ír', joba' cañi' quiá' dsea' do:

—'Nu' ja' m' guóo' bi' cincuenta jii', jo fó' e cañim'ba' 'lii' yúu' Abraham.

⁵⁸ Joba' cañi' tu Jesús quiá' i dsea' do jo casí'-reiñ':

—E laba' iin'n jmitaa' óo' na' e niseem' jnea' lajii' m' ná' gui e niliseeng' 'lii' yúu' Abraham do.

⁵⁹ Jo mi' canúu' i dsea' do e júu' jo, joba' dsifí' lajob casitúin' cuu' cóo' e sí' í' nijngáin' Jesús; jo dsu' dsea' do ladsifib' ca'meein', jo cagüi'bre e fí' dsí' sinúu' guá' fé' do e sí' fí' Jerusalén.

9

Mi' cajmée' Jesús e calijné' jaang' dseañu' i tiuung'

¹ Jo mi' cangí' gui lajo, cóo' née' cangíng' Jesús colíng' cóo' i dsea' quiá'r' do fí' quiá' lí' guíng' jaang' dsea' i tiuung' latí' mi' cangáang'. ² Joba' i dsea' quiá' Jesús do cajmíng' reiñ' lala jo cajíñ':

—Tifa', ¿jali' cangáang' i dsea' na e tiuuiñ'? ¿Su caliñ' lana uí' dsee' quiá'r' ofa' uí' dsee' quiá' sejmi'bre é?

³ Joba' cañi' Jesús quiá' i dsea' quiá'r' do jo casí'-reiñ':

—Ja' lí' lajo e uí' dsee' quiá'r' caliñ' lana, o' gui uí' dsee' e óo' sejmiir'. Co' caliñ' lana e lí' laco' cuo' lí' e lajib' quí' Fidié' jmi' lí' jmér'. ⁴ Jo lajee' e jneá', 'né' jmó'baa' ta' lí' laco' gui jii' júu' e sinú' naa' quiá' dsea' i casíng' jnea' fí' jmigüí' la; dsuco' coob' m' ninú', joba' jii' jaang' dsea' jo' qui' jmi' fa' nijmé' guir ta'. ⁵ Jo lajee' e táam' b' fí' jmigüí' la, joba' jneab' lín'n e j' e cuo' e jné' dsea' jmigüí'.

⁶ Jo mi' cangí' e café' Jesús e júu' na, jo cañi' fí' ní' uó', jo cóo' e jme'e'r' do cacáin' jee' 'lee', jo cajmée' capí' jii', jo cóo' e job casúur' jminí' i dsea' tiuung' do. ⁷ Jo mi' cangí' jo, lalab casí'-reiñ' do jo cajíñ':

—Gua' jo güirúu' jminí' fí' dsí' guíé' síl'ng' e sii' Siloé —jo e Siloé do guóng' Jaang' i Casíng' Dsea'.

Joba' lajob cajmée' i dsea' tiuung' do, cangó-bre e cangorúu'r' jminir', jo nijné'bre m' tí' lí' caquiñ' fí' jo. ⁸ Jo jaléng' dsea' i neáang' jíng' laco' lí' guíiñ' do cóo' gui jaléng' dsea' jéng' i ní' quiá'r' lamí' jéng' gui e guíiñ' m' cuu', joba' jaléng' i dsea' í' jmíng' rúin' jo fé'r':

—¿Su o' i dseañu' nabi' i lamí' gua' ta' m' cuu' do?

⁹ Jo i líng' i dsea' do jíñ':

—Dsea' í' bi' na.

Jogui i líng' gui fé':

—U', o' í' na, lí' lajoiu' jnéem-bre.

Jo mi' calilí' i dsea' tiuung' do e síng' dsea' uii' quiá'r', joba' cañi' jo cajíñ':

—Jnea~bi dsea`î.

¹⁰ J_oba' cajmingí' i dsea`do i dsea`lami~ tiuung- do j_o casí'-reih':

—J_o ¿jial cajmee' e calijné'tu'?

¹¹ J_oba' cañi' i dsea`lami~ tiuung- do quiá'- i dsea`do j_o casí'-reih':

—I dseañu' i sii` Jesús dob cajmi'leáaih- jnea~ e lico' cajmées' capí'^ jí' cóo'~ jme'e'r', j_o cóo' e j_ob casúur- jminii-, jogui caquiur' ta~ jnea~ e nini' i nirúu'~u jminii- e fí' guieé' silíng' e sii` Siloé do, j_oba' laj_ob cajmé-e. J_o dsifí' mi~ calí- rúu'~u jminii-, ladsifí' lanab calijné'e.

¹² J_o mi~ cangí' j_o, cajmingí'-tu i dsea`do i dsea`lami~ tiuung- do j_o cajíñ'-:

—J_o ¿j_o nang' gui i dseañu' í lana?

J_oba' cañi' i dsea`lami~ tiuung- do j_o casí'-reih':

—Ja`ñii- jnaaiñ`.

Mi~ cajíng'- i dsea`tiuung- do i~ i cajmi'leáang- ír`

¹³⁻¹⁴ J_o 'ñia' ie~ jmii~ e cajmées' Jesús e jí' do cóo' e calijné' i dsea` i lami~ tiuung- do, ie~ j_o dseáng'- cangotíng' jmii~ e quí' títng' dsea` Israel e jmi'íñ'. J_oba' jaléng' dsea` i cuí' quiá'- i dsea` tiuung- do cató'-bre i dsea` í j_o cangojeáang'neih' fí' quini' dsea` Israel i líng' dsea` fariseo. ¹⁵ J_oba' mi~ caguieíñ'- do fí' j_o, i dsea` Israel i líng' dsea` fariseo do cajmingí'-reih' jial calí- e calijnéih'-. J_o dsea`do cañiir` quiá'- i dsea` Israel do j_o casí'-reih':

—Mó'^, jíib` casúu- dsea`do jminii-, j_o mi~ cangí' j_o, cangorúu'~u, j_o laj_oba' calijné'e.

¹⁶ J_o mi~ canúu- i dsea` Israel i líng' dsea` fariseo e júu^ j_o, j_oba' i líiñ'- do cajíñ'-:

—I dsea` i cajmées' e j_o ja` lí'^ dsi'naa' líiñ' dsea` quiá'- Fidié', c_o' ja` jmi'gór' e jmii~ e jmi'íng' jneaa'aa', dsea` líiñ' dsea` Israel.

Dsu' caguiaang'-gui i dsea` Israel i líng' dsea` fariseo do fé'r' j_o jíñ'-:

—J_o ¿jial quí' i dseañu' do jmii~ nijmér- jalé' e j_o song jaang' dsea` dsee- dsea` quib' líiñ'?

J_o e j_o ca'uíng- e lajee' la'ó' íbre canaiñ` e j_o siiiñ` røø. ¹⁷ J_o mi~ cangí' j_o, cajmingí'-tur i dsea` i lami~ tiuung- do j_o casí'-reih':

—J_o laco' fó' na e ca'láam-ba'. J_o ¿e' fó' uii~ quiá'- i dsea` i cajmi'leáang- 'nu' do?

J_oba' cañi' dsea`do quiá'- i dsea` Israel i líng' dsea` fariseo do j_o casí'-reih':

—Jnea~ lín-n e dsea` í líiñ' jaang' dsea` i fé' cuaiñ~ quiá'- Fidié'.

¹⁸ J_o dsu' jaléng' i dsea` Israel i líng' dsea` fariseo do ja` iih~ fa' já'- calíñ- e lami~ tiuung- i dsea` i nijné' lana j_oba' cató'r- sejmi' i dsea`do. ¹⁹ J_o mi~ caguilíñ'- do, j_oba' cajmingí'-reih' do j_o cajíñ'-:

—¿Su jóo'ba' líng' i dseañu' la? J_o jmées'na' jnea'^ júu^ røø, ¿su dseáng'- tiuuiñ- calisémb're? j_o song laj_o, ¿jial calí- e lana nijné'r'?

²⁰ J_oba' lalab cañi' sejmi' i dsea` i lami~ tiuung- do j_o cajíñ'-:

—Cuim` jnea'^ guiá- jóo'naa', jogui ne'baa' røø e tiuum-bre caliséih'; ²¹ j_o dsu' ja` ne'naa' jial e calijné'r', o'gui ne'naa' i~ i cajmées' e calijné'r' cajo; j_o nab cuóøng' nijmingí'na're 'ñia'r' c_o' nifém'bre, j_o 'ñia'bre cuóøng' lí' jmeá'r- 'nú' júu^ dseáng'- laco' calí-.

²² J_o cajíng'- i sejmiir` do laj_o, c_o' 'gó'bre fíng ee` cajmeáng' dsea` Israel i líng' dsea` fariseo ír'. C_o' i dsea` í, røøb` nicasíihñ- e song seeng' dsea` i jmicuíng' Jesús e líiñ' do Dsea` Jmáang- i sijeeng' dsea` Israel i nicá' nifí' quiá'r-, j_oba' jaléng' i dsea` i jmóo' laj_o, j_o' sea' fí' quiá'r- fa' e niquíng'guir jee~ dsea` Israel o'gui cuóøng' fa' e nidsilíng'-guir fí' guá'- quiá'- dsea`do cajo. ²³ J_o uíng~ laj_oba' cajíng'- sejmi' i dsea` i ca'láang- do e yaang~ i dsea` Israel i líng' dsea` fariseo do 'né- nijmingí'r- i jóoiñ' do c_o' nifém'biñ' do.

²⁴ J_o i dsea` Israel do calé' catú- cató'r- i dsea` i lami~ tiuung- do j_o lalab casí'-reih':

—Fé'~ júu^ já'- fí' quini' Fidié', c_o' nineb~ jnea'^ røø e i Jesús do líiñ' jaang' dsea` dsee- dsea` quib'.

25 J̄oba' lalab cañiñ' i dsea` lamĩ~ tiuung- do quiá'- dsea` do j̄o cajíñ'-:

—Ja` ñi` jnea~ su líiñ' dsea` r̄øng` dsee- osi o' laj̄o é, laj̄iñ' e ñiñ' quiá'r- e jnea~ lamĩ~ tiuum- baa, j̄ogui lana nicajméer' e nicalijné' baa.

26 J̄oba' i dsea` do cajmingí'- tur i dsea` i ca' láang- do j̄o cajíñ'-:

—¿E~ j̄iñ' e cajmée' i dsea` do quiá'- e calijné'?

27 J̄oba' cañiñ' do quiá'- i dsea` do j̄o casí'- reiñ':

—Nicañiñ' baa 'nú' laj̄iñ' e cajméer' quié- e do, j̄o dsu' 'nú' ja` já'- líng' na'. J̄oba' ¿jiali' iing' na' e nifá' túu calé' catú- e j̄o? Ofa' iim' ba' é e ni' uíng' na' dsea` quiá'r- cajo.

28 J̄o mi~ canúu- i dsea` Israel i líng' dsea` fariseo do lado, j̄oba' canaaiñ' s' r' i dsea` i ca' láang- do júu^ 'ní' j̄o s' reiñ':

—'Nu' lin' jaang' dsea` quiá'- i dsea` í, j̄o dsu' jnea' gui dsea` quiá'- 'liñ' yáa' Moi' lí' naa'. 29 Co' jnea' ne' baa' r̄ø e Fidiéeb' dsea` casñiñ' cóo' Moi'; j̄o dsu' i Jesús do j̄iñ' ja` ne' naa' jie' fí' lí' jáar'.

30 J̄oba' lalab cañiñ' tu i dseañu' i ca' láang- do quiá'- i dsea` do:

—Ee' bi júu^ j̄o, e ja` ñi' na' jie' fí' lí' jáar', dsu' jnea' gui, dsea` íbing' nicaacuø' jnea~ e calijné' e. 31 J̄o ne' baa' r̄ø e ja` núu' Fidiéé' júu^ quiá'- jaléng' dsea` r̄øng` dsee-; co' laj̄iñ' dsea` i jmiféng' íbre j̄ogui i jmóo' laj̄iñ' e iññ', j̄iñ' dsea` íbing' i núur' júu^ quiá'-.

32 J̄o ja` jié' lí' mí' canúu' júu^ e seeng' dsea` i quíñ' jmiñ' e nijmér- e nilijné' jaang' dsea` i tiuung- latí' mi~ caliséng'. 33 Cofa' i dsea` la ja` jáar' e casí' Fidiéé' quiá'r-, j̄oba' j̄iñ' cóo' ja` e quíñ' jmiñ' lí' jmér- jóng' faco' laj̄o.

34 J̄o mi~ canúu- i dsea` Israel i líng' dsea` fariseo e júu^ quiá'- i dsea` i ca' láang- do, j̄oba' cajíñ'- casí'- reiñ' lala:

—'Nu', dsea` cangáan' e eáang' silíñ' dsee- 'nu', j̄ogui lana, ¿jiali' 'nu' ni' iin' e ni' é' jnea' jial' né- jmó' oo'?

J̄oba' i dsea` Israel i líng' dsea` fariseo do caguíñ' i dsea` i lamĩ~ tiuung- do congua' e fí' dsí' sinúu^ guá'- quiá'r- do.

Lafa' tiuum- dsea` mi~ r̄øñ' dsee-

35 J̄o mi~ cangí' gui laj̄o, caliñí' Jesús e caguíim' dsea` Israel i líng' dsea` fariseo do fí' sinúu^ guá'- quiá'r- i dsea` i lamĩ~ tiuung- do, j̄o dseáng'- jo' íng' neiñ' do. J̄o mi~ cajíng' tu rúng' Jesús cóo' i dsea` i lamĩ~ tiuung- do, j̄oba' cajmingí'r- i dsea` do j̄o casí'- reiñ':

—¿Su já'- líng' 'nu' júu^ quiá'- i dsea` i jáa' fí' ñiñ' e líiñ' jaang' dsea` jmigüí'?

36 J̄oba' cañiñ' i dsea` do quiá'- Jesús j̄o cajíñ'-:

—Jméel' jnea~ júu^ i- i dsea` í, j̄o laj̄oba' já'- nilíin' n' júu^ quiá'r-.

37 J̄oba' cañiñ' Jesús quiáñ'- do j̄o casí'- reiñ':

—Nicañim' bi' dsea` í, jneab' í cóo' i sin' sñin' lana.

38 J̄oba' i dseañu' i ca' láang- do casí'r- uø- jnir' fí' quini' Jesús j̄o casí'r- dsea` do:

—Jáb'- lín' n' júu^ quiá'-, Fí' i.

39 J̄o mi~ cangí' j̄o, cajíng'- tu Jesús casí'- reiñ' j̄o cajíñ'-:

—Jnea~ cagá- a fí' jmigüí' la e lí' lacó' niquidsii- í' quiá'- jalé' dsee- quiá'- dsea` jmigüí', j̄o laj̄oba' jaléng' dsea` i lafa' tiuung- uíñ' dsee- quiá'r- ni' uíñ' dsea` i lafa' i jné' tu calé' catú-, j̄ogui i dsea` i fí' dsí' e jné'r-, j̄oba' ni' uíñ' dsea` i lafa' tiuung-.

40 J̄o mi~ tí' lí' canúu- e j̄o cóo' tú- míng' dsea` Israel i líng' dsea` fariseo i niteáang- cóo' Jesús ie~ j̄o, j̄oba' cajmingí'r- dsea` do j̄o cajíñ'-:

—J̄o, ¿su jnea' lí' naa' lafa' dsea` tiuum- jóng'?

41 J̄oba' cañiñ' Jesús quiáñ'- do calé' catú- j̄o casí'- reiñ':

—Faco' 'nú' líng' na' lafa' dsea` tiuung-, j̄oba' ja` e dsee- oo- na' quiá'- laj̄iñ' dsee- quiá'- na' jóng. J̄ogui dsuco' 'nú' í' óo' na' e lafa' jné' ba', j̄oba' seab' dsee- quiá'- na'.

10

Jaang`dsea`i`jmóo`í`guiá`jo`se`quíá`-

¹ Jo mi~ cangí jo, casí~ gui Jesús jaléng' i dsea` i caseáng' do jo cajíñ'~:

—Elaba' iin~n jmitaa` óo`na', e doñí` i dsea` i iing~ nicuá'~ iá` fí` lí` sijníng` jo`se` quié`-e jo ja` 'nó`r' e ningíñ` fí` o'ia` quiá'~ e iá` do, joba' i dsea` í` líñ` jaang` ð` i 'léé'. ² Jo dsu' i dsea`gui i í` fí` o'ia` quiá'~ e iá` do, joba' dsea` í` líñ` jaang` i jmóo` í` røø` jo`se` quiá'~. ³ Jogui i dsea` i jmóo` í` jnî` e lí` teáng'~ i jo`se` do, náa`bre o'ia` e laco' ningíng` i dsea` i jmóo` í` guiá` i jo`se` do. Jo i dsea` i jmóo` í` guiá` i jo`se` do nitø`r` lajaang` lajaang` i jo`se` do quiá'r` lí` laco' la siiñ` do, jo jaléng' i jo`se` do nicuí`bre' luu` i fi`re' do. Jo i fi`re' do uøø`m`bre i jo`se` do e laco' dsijéng`neñ` fí` jee` mó'. ⁴ Jo mi~ cató' e uøø`ñ` do lajaléng`ne', joba' 'ñiab` i dsea` do quier` nifi` quiá'~ i jó' quiá'r` do, jo lajob nidsilíng` i jo`se` do laco' ngóo` fi`re', co' guiáb` nicuí`m`bre' luu` dsea` do. ⁵ Jo dsu' jaléng' i jo`se` do ja` dsiqui`re' dsea` i ja` cuíng`ne', co' lí` lí` cuí`bre' mi~ níng`ne' i dsea` la'í, co' ja` cuí`re' luu` i dsea` la'í.

⁶ Jo Jesús casí`r` i dsea` do cóo`~ júu` lana, jo dsu' i dsea` do ja` cangáñ` e` guøng` e júu` e casí` Jesús i dsea` do ie` jo.

Jesús líñ` jaang`dsea`i`jmóo`í`guiá`jo`se`quíá`-

⁷ Jo lalab casí`~ gui Jesús i dsea` do jo cajíñ'~:

—Elaba' jmitaa` óo`na': Jnea` lín`n e jnî` quiá'~ e iá` e lí` dsitáng'~ i jo`se` do. ⁸ Jo jaléng' i dsea` i jmigóo` i nicajalíng` lajii`~ nú`~gui e nigáa` jnea` do, jaléng' i dsea` í` líñ` ð` i 'léé', jo dsu' jaléng' i dsea` i líng` lafa' jo`se` quié`-e ja` calijí`r` júu` quiá'~ dsea` do. ⁹ Jo jnea` fá` túu e lín`n e jnî` do, joba' jaléng' dsea` i íng` jnea` jogui ningíñ` fí` e jnî` quié`-e do, joba' dsea` í`bing` i nilí` nileáng` jee` jalé` dsee` quiá'~. Co' jaléng' i dsea` do líñ` lafa' jo`se` quié`-e i cuøøng` lí` dsitáng'~ jogui uøøng` jogui dsé`bre' e gø`re'.

¹⁰ 'Dsu' lajii`~ ta` quiá'~ jaléng' i ð` do lico' jmóor` ta` uøøng` jaléng' jo`se` quié`-e jogui jmóor` ta` íng`neñ` jogui jngang`neñ` cajo; jo dsu' jnea` gui cagüén` n fí` jmigü` la e lí` laco' niliseeng` dsea` cøøng` cóo`~ Fidié` lata` dseáng'~ lí` laco' si'í. ¹¹ Jo jnea` lín`n jaang` dsea` i jmóo` í` guiá` jo`se` quiá'~, jo cartí` jáam` 'ñiá`a e laco' ja` ní`íng` jii`~ jaang` i jo`se` quié`-e do. ¹² Jo dsu' i dsea`gui i ja` jii`~ e ta` jo, jo lico' lí` dsír' jii`~ e 'léem`bre, joba' fíng` caguié` jaang` ie`dsinúu` lajee` e nír` i jo`se` do jo cuí`bre jóng, jo dob tíuuiñ` i jo`se` do. Jo lajob jmóor`, co' ja` líñ` dseáng'~ i dsea` i ní` guiá` jo`se` jogui co' o' jo`se` quiá'~ guir` cajo. Joba' cuø`bre fí` i ie`dsinúu` do e nijmeáng`ne' jogui nicúng`ne' i jo`se` do jogui e nisojóng` i caguaang`gui do fí` la fí` na. ¹³ Jo tíuum` i dsea` do i jo`se` do, co' lico' lí` dsír' cuub`, jo ja` ee` fí` í` óor` quiá'~ i jó' i jeeñ` do.

¹⁴⁻¹⁵ 'Jo fii` túu` 'nú` e jnea` lín`n jaang` dsea` i jmóo` í` guiá` jo`se` quiá'~. Jo lí` laco' Tiquié` e guiáb` cuíñ` jnea~, joba' lajob jnea` cajo guiáb` cuín`re; jogui lajobi cajo guiáb` cuíng` jnea` jaléng' i líng` lafa' jo`se` quié`-e, joba' lajob cajo jaléng' í` guiáb` cuíng`re' jnea~. Jogui jnea~, cartí` jáam` 'ñiá`a e nijúun`n uí`~ jaléng' í` e laco' ja` ní`íng`ne'. ¹⁶ Jo dsu' seem`bi dsea` i nabi nilíng` lafa' jo`se` quié`-e i ngí` fí` caluu`bi lana. Jo co' ja` mí` líñ` dsea` quié`-e, joba' 'né` nitøø`baar cajo. Jo jaléng' i dsea` i nilíng` lafa' jo`se` quié`-e do nilínúu`bre júu` quié`-e, joba' coøb` 'lé` ní`uíñ` lajee` lajiiñ`, jo jii`~ jneab` dsea` nijmee` e í` ír`.

¹⁷ 'Jo Tiquí`ii` eáam` 'neáañ` jnea` co' nijáang'~ 'ñiá`a e nijúun`n e laco' nijí` túu` calé` catú`. ¹⁸ Jo jii`~ jaang` dsea` sea` fí` quiá'r` e nijngáñ`~ jnea~, co' 'ñiá`baa dsea` cuøø`ø` fí` 'ñiá`a e nilín`n lajo, co' seab` fí` quié`-e e nijáang'~ 'ñiá`a e nijúun`n jogui e nijmee` e e nijí` túu` cajo, co' lajob ta` caquiú` Tiquié`e.

¹⁹ Jo mi~ tí` lí` canúu` dsea` Israel lajii`~ júu` quiá'~ Jesús, caléb` catú` canaaiñ` e jo` sñiñ` røø` uí`~ e júu` e canúur` do. ²⁰ Joba' fñm`bre lajee` la'ó` ír` canaaiñ` sñiñ` jo` si` rúñ` lala:

—¿Jialí' já' nuu'na' júu^ quiá' i Jesús na? Co' i 'lim' iuung' dsíñ' na. ¡Jaang' dsea' ngaam' líñ' na!

²¹ Jo dsu' i líng' gui i dsea' do fé'r' jo jíñ'—

—Jíí' jaang' dsea' lí'r' fé'r' dseáng' laco' fé' i dseañu' na faco' já' e iuung' i 'ling' dsír'. Co' jíí' jaang' dsea' i iuung' i 'ling' dsí' lí'r' jmér' e nilijné' jaang' dsea' tiuung' laco' gui cajmée' i dseañu' na.

Ja' júí' dsea' Israel júu^ quiá' Jesús

²² Jo coo' néé' mi~ cang' gui lajo, coo' e jíí' güí' lajee' e jmóo' dsea' Israel jmí' e jmigüéng' dsír' e caligüéang' tu calé' catú' e guá' fé' quiá'r' e si' fí' Jerusalén, co' lamí' jéeng' gui gab' cajmée' dsea' fí' dsí' jo; ²³ jo ie~ jo, dob táang' Jesús fí' coo' ni'náú' quiá' e guá' fé' do, jo tá' coo' íng' ngír' e fí' coo' ni'náú' quiá' e guá' do, fí' lí' sii' ni'náú' quiá' 'lí' yúu' Salomón. ²⁴ Jo lajee' ngí' Jesús dob mi~ carí' dsea' Israel fí' lí' siñ', jo cajming' r' dsea' do lala:

—Jo ¿lí' catí' nijmée' júu^ røø' e su 'nu' dsea' i casíng' Fidiée' fí' la e lin' Dsea' Jmáang' i sijeeng' jnea' do i nicá' nifí' quí' ii'? Jo lana jmee' du júu^, ¿su 'nu' í'?

²⁵ Joba' cañí' Jesús quiá' i dsea' Israel do jo casí' reiñ':

—Nícafi' bñ' 'nú' e íb' jnea~, jo dsu' 'nú' ja' já' calíng' na' júu^ quié' e. Co' jaléb' e nicañí' 'nú' e nicajmé' e, jmóo' o' la'eáang' cóo' ta' huí' quiá' Tiquié' e, jo lajalé' e jo cuø' lí' e íb' dseáng' lín'n; ²⁶ jo dsu' 'nú' ja' já' líng' na' e íb' jnea~, co' ja' líng' na' lafa' jo'se' quié' e. ²⁷ Co' i dsea' i líng' lafa' jo'se' quié' e do nicuí' bre lúu'u, jogui jnea' nicuí'm' baare' cajo, joba' dsea' í' jneab' dsiquí' re'. ²⁸ Co' jnea~ cuøø' baa jaléng' i dsea' í' e seeíñ' cøøng' cóo' Fidiée' lata~, jo ja' tóo' jmí' fa' ni'náíñ' quiá' Fidiée' o' gui fa' quí' jmí' e i' nijéng' tu' jaléng' i dsea' í' fí' jaguóo'. ²⁹ Jo lajíí' e nicang' n' e nicacuø' Tiquié' e jnea~, e jo lí' e níng' gui eáang' lajee' lajalé', jo jíí' jaang' dsea' quí' r' jmí' fa' e níguí' guir e jo. ³⁰ Jo jnea~ cóo' gui Tiquié' e jaam' dsea' lí' naa'.

³¹ Jo mi~ canúu' dsea' Israel lajíí' e cajíng' Jesús, joba' casít' r' cuu' calé' catú' e lamí' iíñ' níquiúíñ' dsea' do cartí' nijngáng' neiñ'. ³² Jo lalab cajíng' Jesús quiá' i dsea' Israel do jo casí' reiñ':

—Jmigüí' b' jalé' e quí' i jmí' e nicajmé' e jee' 'nú' la'eáang' cóo' güea' quiá' Tiquié' e. Jo lajee' lajalé' e jo, ¿jñang' e catíng' e nijngáng' na' jnea~ cóo' layaang' cuu'?

³³ Joba' lalab cañí' dsea' Israel quiá' Jesús jo cajíñ'—

—Ja' í' dsí' jnea' e nijngáng' naa' 'nu' uíí' jalé' e guí' e nicajmee' do, co' nijmé' naa' lajo uíí' e gab' lí' e júu^ e fól' na fí' quini' Fidiée'. Co' 'nu' jíí' dsea' jmigüí' b' lin', jogui iin' jmée' e røøb' cøøn' cóo' Fidiée'.

³⁴ Joba' lalab cañí' Jesús quiá' i dsea' do jo casí' reiñ':

—Jo lalab fé' Fidiée' fí' ní' júu^ quiá' ta' quiá'r': "Jnea~ fá'a e 'nú' líng' na' laco' diée'." ³⁵ Jo níné' baa' røø' lajíí' e fé' e fí' ní' jì' quiá' Fidiée' do e ja' cuøøng' fé' naa' e o' já'; jo e fí' ní' e júu^ do quiá' Fidiée' fé' e jaléng' dsea' cóo' i casíng' Fidiée' júu^ quiá'r' líñ' laco' diée'. ³⁶ Jo co' Fidiée' b' dsea' caguíñ' jnea~ jogui casíñ' jnea~ fí' jmigüí' la, joba', ¿jial cuøøng' fo' 'nú' e jnea~ fá'a júu^ e ga' fí' quini' Fidiée' mi~ fá'a e Joo' dsea' íb' lín'n? ³⁷ Jo ja' já' güíling' na' jnea~ song jnea~ ja' jmóo' o' dseáng' laco' la jmóo' Tiquié' e. ³⁸ Jogui dsu' song jmóo' bñ' e quí' i jmí' do e nañí' fa' ja' já' líng' na' jnea~, joba' lí' já' güíling' na' cóo' jalé' e quí' i jmí' do e laco' nilíñ' na' e jaam' dsea' líng' jnea~ cóo' Tiquié' e, jogui lajobjí' r' cóo' jnea~ cajo.

³⁹ Jo mi~ canúu' dsea' Israel lajíí' e cajíng' Jesús do, joba' caléb' catú' lamí' iíñ' e nisáíñ' dsea' do, jo dsu' dsea' do dsifib' caleáang' 'ñia'r'.

⁴⁰ Jo mi~ cang' jo, caquím' tu' Jesús fí' lí' lí' ngóo' gua' Jordán, jo fí' dob cajer' e fí' lí' caseáang' Juan jmí' jaléng' dsea' lamí' jéeng' gui. ⁴¹ Jo lajee' táang' Jesús fí' jo, i fí'm' dsea' cangolíng' e iíñ' ninúr' júu^ quiá' dsea' do, jo lalab fé' i dsea' í':

—E jáb' e i Juan do ja` cajméer` jíi' coo` e li` e quí'r` jmi` lajee` cateáaiñ` fí` jmigüü` la, jo dsu' lajaléb' e cajíñ' uii' quiá' i dseañu' la, dseáng' jáb'.

⁴² Jōba' ie` jo i fím' dsea` i já' calng` júu` quiá' Jesús e fí` jo.

11

Mi` cajúng` jaang` dseañu' i sii` Lázaro

¹ Jo mi` cangf`gui lajo, lajee` e táam`bi Jesús fí` jo, jo ie` jo niseeng` jaang` dseañu' i sii` Lázaro cóo'`gui gáng`gui dseamf` rúñ'`, jaang` i sii` Yá` jogui jaang` i sii` Marta, jo laji` gaaiñ' do seeñ' fí` coo` fí` li` sii` Betania. Jo ie` jo guiáang'` ráang` Lázaro e dsée'r`. ² Jo i dseamf` i sii` Yá` i rúng'` Lázaro, íb` i ca'ée` jmi` jmeafí` tí` Jesús jogui cajmiquiá'r` cóo'` jñuguir` tí` dsea` do lami` jéeng`gui. ³ Jo co'` eáam` dsée'`gui Lázaro, jōba' i dseamf` rúñ'` i gáng` do casíñ'` júu` fí` li` táang` Jesús, jo lalab júu` quie'` i dsea` do quiá'` Jesús:

—E lab júu` quiee` , e i dsea` i seeng` røø` cóo'` do i eáam` 'neáan'` do i sii` Lázaro eáam` líñ'` lana.

⁴ Jo dsifí` mi` canúu` Jesús e jo, jōba' lalab cañír` quiá'` i dsea` do:

—Jo e jmohuí` e líñ'` do ja` nijéng` ír` fí` ni` 'mó` , co'` e jo nili'íng` ta` e lí'` laco'` niliñí` dsea` jial tí'` 'gøng'` Fidiée` , jogui laco'` niliñí` dsea` cajo jial tí'` 'gøng'` jnea` , dsea` lín`n` Jōo'` dsea` do.

⁵ Jo doñí` fa'` eáam` 'neáang` Jesús i dseamf` i sii` Marta do jogui i sii` Yá` jogui i dseañu' i sii` Lázaro do, ⁶ dsu' ja` cangór` dsifí` fí` quiáñ'` do mi` caliñír` e niráang` i Lázaro do dsée'r` , jo cajmi'ím`bi ñia'r` tú` jmi`gui e fí` li` táaiñ` do. ⁷ Jo mi` cangf` e tú` jmi` do, jōba' lalab casí'` Jesús i dsea` quiá'r` do:

—Má`túu' fí` li` se'` Judea.

⁸ Jōba' cañíi` i dsea` í` quiá'` Jesús, jo casí'r` dsea` do:

—Tífa' , ja` mí` ngóo`bi eáang` e jaléng'` dsea` Israel i seeng` fí` jo lami` iññ` nijngáiñ'` 'nu` cóo'` layaang` cuu` , jo 'nu` caléb'` catú` iin'` guó'` fí` jo.

⁹ Jōba' cañíi` Jesús quiá'` i dsea` quiá'r` do jo casí'` reiñ'`:

—E jáb' e sea` guitu` oor` lajee` e jmi` ; cofa' jaang` dsea` ngír` lajee` e jmi` do, jōba' ja` dseáang'` niquiúñ'` , co'` jneáb'` lí` ngír' ; ¹⁰ jo dsu' song jaang` dsea` ngír' fí` coo'` lí` nuu` , jōba' quiung'` guiáam`bre ngír' , co'` ja` sea` jí` cóo'` e cuø'` e jneá` lí` ngír'.

¹¹ Jo mi` cangf` e café'r` e júu` na, jo cajíng'` guir casí'r` i dsea` quiá'r` do:

—I dsea` rú'uu' i sii` Lázaro do nicaquiam'`bre, jo dsu' lana ninii`i e nijmijnée`túu` dsí'bre.

¹² Jōba' cañíi` i dsea` quiá'` Jesús do, jo cajíñ'` casí'r` dsea` do:

—Fíi`naa' , jo laco'` fó'` na e nicaquiam'` i dseañu'` í` , jōba' e jo cuø'` lí` e nitím'`tur.

¹³ Jo dsu' cajíng'` Jesús lado co'` e nicajúm` i Lázaro do, jogui i dsea` quiá'r` do í` dsír' e já'`ba' e lí'` güim` Lázaro lí'` laco'`gui jíi'` e nicajíng'` dsea` do. ¹⁴ Jōba' cajíng'` Jesús casí'r` i dsea` quiá'r` do dseáng'` lajang'` jo casí'` reiñ'`:

—Lana niráang` Lázaro 'lím`bre. ¹⁵ Jo guiá`gui quíi'` 'nú'` e ja` mí` ngóo'`o` fí` do latí` lana, co'` lajōba' e já'` gui nilíng`na' júu` quie'` e, jōba' eáam` íáang` dsii` . Jo lanaguiba' dsée'ee' fí` quiá'r` .

¹⁶ Jo i dsea` quiá'` Jesús i sii` Tomás i lineang'` dsea` suung` mi` canúur` lajúi'` e júu` jo, jōba' casí'r` i dsea` rúñ'` i caguiaang`gui do lala:

—Má`aa' jneaa`aa' cóo'r` cajo, jo song cajnga'` dsea` quiá'r` , jōba' la quie'` jneaa`aab' nijúu`naa' cóo'r` cajo.

Jesús i cuø'` e jí'tu` dsea` mi` ningí` e júuiñ`

¹⁷ Jo mi` caguie'` Jesús colíng` cóo'` dsea` quiá'r` e fí` Betania e fí` li` cajúng` i Lázaro do, jo níngóo'` quiú` jmi`b` e nica'áng` dsea` do mi` caguiliñ'` fí` jo. ¹⁸ Jo e fí` e sii` Betania do ja` huíi` néé' laco'`gui Jerusalén, co'` tíib`jiu` jíi'` la 'ní` kilómetro, ¹⁹ jōba' fím'` dsea` Israel i neáang` fí` jo cangoliñ'` e cango'eer` i Marta do cóo'`gui Yá` e laco'` ja` líñ'` do fí'` uii`

quia' e cajung i ruiñ i sii Lázaro do. ²⁰ Jo mi caliñi Marta e ningoo Jesús fi do, joba' cagüi'ir' e cangojmijíñ' dsea do; jogui i Yá ruiñ do, dob cajer' fi sinuu lajee jo. ²¹ Joba' mi cajing' i Marta do Jesús, lalab casir' dsea do jo cajíñ':

—Fa' jia' gui mi cagüén' jéeng'guijia fi la, joba' ja cajung i ruiñ do jóng faco' lajo. ²² Jo dsu' tab' dsii e quib' jmii e nijmicoo' Fidié' jnea song nimii'ire lajo, co' doñi' ee' e mii' 'nu' dsea do, dseáng' ngim'ba'.

²³ Joba' cañi' Jesús quia' i dseam' do jo casir' reiñ':

—Nijib'tu i ruiñ do.

²⁴ Joba' cañi' i dseam' do quia' Jesús jo cajíñ':

—Jáb', niñi'baa e jo e nijib'tu i ruiñ do mi nití' í' e nijí'tu jaléng' 'lii' mi tí' lí' jo.

²⁵ Jo mi cang' jo, lalab cañi'tu Jesús quia' i dseam' do jo casir' reiñ':

—Jneab' dsea i cuø' e jí' dsea, jogui e nijí'tur mi ning' e nijúuiñ'. Joba' jaléng' i dsea i já' líng' júu' quie' e, jo nañi' fa' júung' jí' ngúu' táaiñ, dsu' ja' tóo' jmii' fa' ni'naiñ' e seeiñ' cøøng' cóo' Fidié'; ²⁶ jogui jaléng' dsea i já' líng' júu' quie' e jogui e seem'bir mi tí' lí' jo, joba' ja' tóo' jmii' fa' ni'naiñ' e seeiñ' cøøng' cóo' Fidié' cajo. Joba' ¿su' já' lín' jalé' e júu' e fi' i 'nu' la?

²⁷ Joba' cañi' i dseam' do quia' Jesús jo casir' dsea do lala:

—Lajob' lí', Fii', dseáng' jáb' líng' jnea' e 'nub' lín' i Jóo' Fidié' camíng' i sijeeng' jnea' i nijáa' fi' jmigü' la i nicá' nif' quí' ii'.

Mi' caqui' Jesús ti' ée' quia' Lázaro

²⁸ Jo mi cang' e sáng' Marta cóo' Jesús, caquim' bre e cangotéer' i ruiñ i sii Yá do. Jo mi cagüeiñ' fi' quia'r', lalab casir' i ruiñ do lí' ja' núu' dsea jo cajíñ':

—Dob guing' i tifa' do, jo 'nub' tó'r' lana.

²⁹ Joba' dsifi' mi canúu' Yá' e júu' jo, ladsifi' lanab cagüi'ir' jo cangór' fi' lí' tó' Jesús ír'.

³⁰ Jo Jesús ja' mí' ca'í' bir e fi' jee' fi' do, co' dobi guiiñ' e fi' lí' cajing' ruiñ cóo' i Marta do. ³¹ Jo mi tí' lí' calilí' i dsea' Israel i caguilíng' cango'ee' ír' e laco' ja' liiñ' do fi'í', jo mi cangár' e cagüi'ir' i Yá' do lajminá' e fi' dsii' sinuu' quia'r' do, joba' cangolím' bre ti'leáaiñ' cajo laco' ngóo' i dseam' do, co' í' dsír' e ngóíñ' do ngoquí' bre e fi' lí' ca'áng' i 'lii' ruiñ' do.

³² Jo mi tí' lí' cagüé' i Yá' do fi' lí' sing' Jesús, ladsifi' lanab casir' uø' jnir' fi' quini' dsea do jo casir' dsea do lala jo cajíñ':

—Faco' mi' 'nu' cagüén' jéeng'guijia fi' la, joba' ja' cajung i 'lii' ruiñ do jóng faco' lajo.

³³ Jo mi tí' lí' cangá' Jesús e qui' i Yá' do cóo' gui jaléng' i dsea' Israel i caguilíng' cóo'r' do, joba' eáam' calicu' dsír' i dsea' do, jogui eáam' bi calijiuung' dsír' cajo, ³⁴ joba' cajming' r' jaléng' i dsea' do jo casir' reiñ':

—¿Jie' fi' lí' ca'áng' na' i dsea' do?

Joba' cajing' jaléng' i dsea' do casir' Jesús:

—Má' aa' jo madsijøø' naa' fi' jo.

³⁵ Jo canaang' Jesús qui' bre cajo. ³⁶ Jo mi calilí' i dsea' Israel do e qui' Jesús, joba' lalab cajíñ':

—Eáam' ni'neáng' i dseañu' na' i 'lii' na'

³⁷ Jo dsu' jee' i dsea' Israel do seem'bing' i fé' lala:

—I nabi' i dseañu' i cajmée' e calijné' i dsea' i lamí' tiuung' do, jo ja' i ñi' jiali' ja' cajméer' fa' e ja' cajung i dseañu' i nica'áng' na.

Mi' cají'tu Lázaro

³⁸ Jo fi' dsii' tó' cuub' ca'áaiñ' i 'lii' Lázaro do, jo o'nú' e ée' do cajnír' cóo' coo' 'loo' e fe'. Jo eáam' lijiuung' dsii' Jesús cangoquiéiñ' e fi' lí' ca'áng' i 'lii' do. ³⁹ Jo lalab cajíñ' casir' jaléng' i dsea' i teáng' do ie' jo:

—Je' na' e 'loo' e sijni' e o'nú' e ée' na.

Jō dsu' mi~ canúu~ i dseamf̄ i sii' Marta do i rúng' i 'lii~ do e cajíng' Jesús lado, jōba' lalab casí'r~ dseá do:

—Fii'naa', quiú~ jmi~ ningóó' e ca'áng~ i rún'n na, jō lana nisi'léb' ngúu' táaiñ, faa~aa'.

40 Jō lalab cañi' Jesús quiá'~ i dseamf̄ do:

—¿Já^ mí' cafi~ i 'nu' e song dseáng'~ já'~ lín' júu^ quié~e, jōba' nimó'ba' jóng jial tí' laniing~ 'gøng' Fidiéé'?

41 Jō mi~ cangf̄ jō, cajéb'~ i dseá do e cuu~ e sijni' fí' o'ná^ ée' quiá'~ i Lázaro do, jōgui Jesús dsifí' lanab cajøør~ fí' yá^ jmi~güi' jō cajíñ'~:

—Teaa~, lana cuøø~ø 'nu' gui'máang'~, co' jáb'~ canúu'~ júu^ quié~e. 42 Jōgui ñi'bñi' guiá~ cajo e contøøm~ já'~ nuu' 'nu' júu^ quié~e, jō dsu' fii' i 'nu' lana e lí^ laco' jaléng'~ i dseá i teáng~ la jmi~ na nijá'~ líiñ' e 'nub' dseá casín'~ jnea~ fí' jmi~güi' la.

43 Jō mi~ cangf̄ e cajíng'~ Jesús e júu^ na, jō café'r' teá jō cajíñ'~:

—júu' fí' lí' iuun'~ na, Lázaro!

44 Jō mi~ calí~ e café' Jesús lajō, jōba' dsifí' lanab cagüi'f̄ i dseá i lami~ 'liing~ do, jō laco' sibé'bi' mi' guotür~, jōgui nir~ sibé' coo' jmáang'~ 'mi'. Jō mi~ cangf̄ jō, lalab cajíng'~ Jesús casí'r~ i dseá i teáng~ do ie~ jō:

—Síi'~na' e 'mi' e sibeáng'~ i dseá i cají'tu na, jō lajōba' cuøøng' e ngír~.

Mi~ casñng~ dseá i quie' nifi' quiá'~ dseá Israel e nisáñ' Jesús

(Mt. 26:1-5; Mr. 14:1-2; Lc. 22:1-2)

45 Jō mi~ cangf̄ gui lajō, i fii'm' dseá Israel i cangolíng~ coo'~ Yá^ do já'~ caliñ~ júu^ quiá'~ Jesús, co' cangá~ bre jalé' e quí'~ dseá do jmi~ ie~ mi~ cajméer' e cají'tu i Lázaro do. 46 Jō dsu' i liing~ gui i dseá Israel i cangá~ e cajméé' Jesús do cangocóor' júu^ fí' quini' jaléng'~ dseá góor' i liing' dseá fariseo jalé' e cangár~ do. 47 Jō mi~ caliñi' i dseá fariseo do e jō, jōba' casñiñ~ coo'~ jaléng'~ fii' jmidsea' e laco' niseáng'~ i dseata~ i quie' nifi' quiá'~ dseá Israel e laco' nisiñ~ e~ nijmér~ coo'~ Jesús. Jō lalab jmingí'~ rúñ'~:

—¿E~ nijmó'oo' coo'~ i dseañu' do? Co' eám' jmi~guiu' jalé' e quí'r~ jmi~ jmóor' e dsigá' dsíi' dseá. 48 Jō song ja' nijniing~naa' quiá'r~, jōba' fii'm' dseá nidsitáaiñ~ coo'~ dseá do, jō dseám'~ e dseata~ i neáng' fí' Roma nija'ñiñ~ guá'~ quí~ii' osi lajaléng'~naa' dseá lí'naa' dseá Israel fíng song caliñi' jalé' e jō.

49 Jō jaang' lajee~ i fii' jmidsea' do nisiir' Caifás, jō líiñ' fii' quiá'~ jaléng'~ jmidsea' ie~ jō, jōba' lalab cajíñ'~ casí'r~ jaléng'~ i dseá rúñ'~ caguiaang~ gui do jō café'r':

—iDseáng'~ jii'~ coo' ja' ee' ñí' 'nú'! 50 Jō ja' í' óo'na' e guiá~gui quí~ii' e nijúung~ jaang' dseá góo'naa' cuaiñ~ quí~ii' lajalé'naa' e laco'gui e ni'íng~naa' lajaléng'~naa' dseá lí'naa' dseá Israel.

51 Jō i Caifás do ja' cajíñ'~ lajō uí'~ e la tñiñ' 'ñia'r', dsu' fii' jmidseab' líiñ' ie~ jō, jōba' Fidiéeb' cacuø' ír' e cajíñ'~ lajō e Jesús nijúuiñ~ cuaiñ~ quiá'~ jaléng'~ dseá góor' dseá Israel; 52 jō o' jii'~ e nijúung~ dseá do uii' quiá'~ jaléng'~ dseá góor', co' lajōb cajo nijúuiñ~ e laco' nitø'r' jaléng'~ dseá quiá'~ Fidiéé' i siguiáng'~ fí' la'úng~ fí' jmi~güi' e laco' ni'uíñ'~ do coob' 'lé' lajee~ lajaléiñ'. 53 Jōba' latí' ie~ jōb canaang' jaléng'~ i dseata~ quiá'~ dseá Israel do e 'nó'r' jial e nijngáiñ'~ Jesús.

54 Jō uing~ lajōba' jō 'ga' lí' jmi~néng'gui 'ñia' Jesús jee~ jaléng'~ dseá góor' dseá Israel, jō cagüi'f̄bre e fí' lami~ táaiñ' do e lí' se' Judea, jō fí' dob cangór~ fí' coo' fii' e sii' Efraín e néé' quiá'~ fí' guóo'~ uø^ quiú, jō fí' jōb cajer' coo'~ jaléng'~ dseá quiá'r~.

55 Jō mi~ cangf̄ gui lajō, lajee~ e nijaquíéng' jmi~ e quí'~ tñng' dseá Israel e jmóor' laco' jii' e sii' Pascua, jōba' quí'~ tñiñ' e dsilíñ' fí' Jerusalén ná'~ gui e jmi~ jō e laco' jmi~guiúng~ yaaiñ~ fí' quini' Fidiéé' jō dsiguiar~ guiá~ lajii'~ e quí'~ tñiñ' jmóor' do. 56 Jō mi~ caguiling~ i dseá Israel do fí' Jerusalén, jō seem'biñ' do ngír' ta~ 'náng' Jesús ie~ jō, jōgui jmingí'~ rúñ'~ lajaang' lajaaiñ' lajee~ e teáaiñ'~ fí' dsíi' sinúu' guá'~ fé' e sí' fí' jō, jō sñiñ'~:

—Jō ¿e~ fó' 'nú'? ¿Su nijáa'gui i dseá i fí' la lajee~ jmi~ osi ja' nijáar' é?

⁵⁷ Jo jaléng' dsea` Israel i líng' dsea` fariseo cóo'~gui jaléng' fi~ jmidsea` quiá'r~ nicangáíiñ` júu^ quiá'- jaléng' i dsea` i caguilíng~ e jmi~ do e song jaang` lajee` ír` nija'r` júu^ jie` fí` táang` Jesús, jo e güijmée`bre júu^ ladsifí, jo lajoba' e niteng' dsea` do.

12

*Mi~ ca'ée~ jaang` dseamí` jmí` jmeafí` tí` Jesús
(Mt. 26:6-13; Mr. 14:3-9)*

¹ Jo mi~ cangí`gui lajo, jñúu~ jmíib~ jmóo`gui e nití~ e jmi~ Pascua quiá'- dsea` Israel do, jo cangób~tu Jesús fí` Betania e cango'ee`tur Lázaro i cajméer` e cají'tu ie~ lamí` jéeng`gui do. ² Jo mi~ tí` lí` caguiér~ fí` quiá'- dsea` do, i dsea` seeng` fí` sínúu^ do cajméer` cóo` jmí~ e jmí'gór` Jesús, joba' cagó'r` colíng~ ie~ canúu e jmi~ jo; jo dob guíng~ Lázaro e gó'r` colíng~ cóo'~ i dsea` do cajo, jogui i rúíiñ' i sií` Marta do, íb` i jmóo` ta` ngúng` jmiñi` quiá'- jaléng' i dsea` i neáng` gó' do ie~ jo. ³ Jo lajee` guíng~ Jesús gó'r', cóo` caguiéb~ Yá^ i rúng' Lázaro fí` lí` guíng~ dsea` do, jo quier` cóo` dsuu~ niguó'^ e a` trescientos gramos jmí` jmeafí` e líí` cóo'~ layaang~ nardo e 'mo'^ eáng', jo cóo'~ e job ca'ée~ fí` tí~ Jesús lajee` e guíng~ dsea` do gó'r'; jo mi~ cangí` jo, cajmiquíu'r` cóo'~ jñguir~. Jo latøøm~ e fí` dsíí` sínúu^ do cajó~ jmeá' quiá'- e jmí` jmeafí` do ie~ jo. ⁴ Jo mi~ cangoyúung'~ e jo, jaang` lajee` dsea` guitúung` quiá'- Jesús i sií` Judas Iscariote i nisi'í' i ni'níng~ dsea` do, lalab cajíng'~ í` ie~ jo:

⁵ —¿Jialí' ja` mí` cango'ní~ e jmí` jmeafí` la cóo'~ 'ní` ciento cutee` e laco' nilísea` cuu~ e nilicóo'~ jaléng' dsea` tíñíng~?

⁶ Jo cajíng'~ Judas Iscariote e jo dsu' o' já'- dseáng'~ e fí~ líiñ~ jaléng' dsea` tíñíng~, có' jaang` íib` líiñ' do, có' ie~ jo íbre dsea` née` nir~ taloo` téé'~ cuu~ e líí` quiá'- Jesús colíng~gui cóo'~ i dsea` guitúung` quiá'- do; joba' i Judas Iscariote do guíbre e cuu~ do mi~ iñ~ 'ñia'r'. ⁷ Joba' lalab cañí' Jesús quiá'- i dsea` í':

—Ja` e fí' jii'~ cóo'~ i dseamí` na, có' lajii'~ e nicajméer` na e nicaguiar` guíá~ quié~ e mi~ nití~ í' e quiá'- ni'am~baa. ⁸ Jo contøøm~ cuøøng` lí` jmicóo'~ 'nú' jaléng' dsea` tíñíng~, jo dsu' jnea`gui ja` contøøng~ táan`n cóo'~ 'nú' fí` jmigüí` la.

Mi~ ca'í` dsíí` dsea` e nijngáíiñ' i Lázaro do

⁹ Jo mi~ cangí`guijiiu lajo, i fíim' dsea` Israel caliñir` e dobi táang` Jesús e fí` Betania do. Joba' cangolíiñ` cangojóø`bre fí` jo, jo dsu' o' jii'~ Jesús dseáng'~ i ngír` 'náiñ' do, có' lajob 'náiñ' Lázaro cajo i cajmée` Jesús e cají'tu calé' catú~. ¹⁰ Joba' i fi~ jmidsea` do casíiñ~ røø` e la quie` tí` Lázaro nijngáíiñ', ¹¹ có' fé' i dsea` Israel i quie` nifí` do e uí'~ íb` fíng' i dsea` góor` do ninaang` 'naaiñ` cóo'~ i dsea` rúíiñ' caguiaang`gui do, jo cóo'~ Jesús ninaaiñ` dsitáaiñ~.

*Mi~ ca'í` Jesús fí` jee` fí` Jerusalén
(Mt. 21:1-11; Mr. 11:1-11; Lc. 19:28-40)*

¹² Jo lajee` nú'~gui jmí~ Pascua e tí` fí` Jerusalén do, fíim' dsea` cangolíiñ` fí` jo e cangotíiñ' e jmí~ do; jo mi~ cajneá~ cóo'gui jmí~, job caliñí` dsea` e tí` niguiéé` Jesús fí` Jerusalén e quiá'- e jmí~ do. ¹³ Jo mi~ caliñí` i dsea` do e jo, joba' cangoquíu'r` moo` quiee~, jo cangolíiñ` cango'íiñ' Jesús catí` caluu` fí~ e quiá'- nijmiféiñ' dsea` do. Jo mi~ ca'íñ' dsea` do, lalab fé'r` teá' e iáang` dsíir':

—¿Majmifém'baa' i dsea` na! ¿Jogui juguíá~ jiiu quiá'- i dsea` na i casíng` Fidiéé` fí` jmigüí` la cuaiñ~ quiá'r~! ¿Jogui majmifém'baa'r cajo i dsea` na i líng' dsea` güeang' i quie` nifí` quiá'- jaléng' dsea` góo'naa' dsea` Israel!

¹⁴ Jo lajee` iuung~ Jesús fí', lado cadséiñ` jaang` bú'^, jo íb` caguár` lí'^ lacó'gui la fé' fí` ni~ jii` quiá'- Fidiéé` e cajme' dsea` mali~gui eáang` lí' fé' lala:

¹⁵ Ja` føøng'~na' jaléng' 'nú' i seeng` fí` fí` Sión;

jo jóø`na', lab nijáa' i dseata~ dsea` féng' quií~na' e guíiñ~ fí` mocóo'~ jaang` bú'^ jiuung~.

16 Jo dsu' la' uii~ ja` calilí' b'i dsea` guitúung` quiá'r- do e` guøng` jalé' e do; lí' mi~ cangf` gui lajo, mi~ cangf` e cangáng' tu Jesús fí' ñifí', joguib calilí' i dsea` do e jalé' e cajmée` Jesús do ninitóob` fí' ni~ jì' quiá'- Fidiée` e cajme' dsea` lajii~ mali~ gui eáang` lí' fé' uii~ quiá'- Jesús.

17 Jo ie~ jo, jaléng' i dsea` i cangá- mi~ cató'- Jesús i Lázaro do e nigüi' hiiñ' do fí' dsíí' ée` quiá'r- co' cajib` tur, joba' jaléng' i dsea` íb` i cani' e júu` jo jee~ jaléng' i dsea` caguaiang- gui do. 18 Jo lajob i fím' dsea` cangolíñ` e cangojmijíñ' Jesús, co' caliñi` bre jalé' e quí' dsea` do jmii~ e cajmées` e fí' do ie~ jo. 19 Jo i dsea` Israel i líng' dsea` fariseo do lalab síiñ` la' ó' yaaiñ`:

—Nab nimóo- 'ná', jii~ coo` ja` e quí' naa' jmii~ nijmó' oo' lana, co' jnéeng- ne` baa' e jia` ja` lajim` dsea` nisitáaiñ` cóo' i Jesús na lana.

Mi~ ca'nang'- dsea` griego Jesús

20 Jo jee~ jaléng' i dsea` i cangolíng` fí' Jerusalén e cangojmiféiñ' Fidiée` lajee` e jmii~ jo, jee~ i dsea` íb` niquiéeng` coo` tú- m'ing'- dsea` griego. 21 Jo i dsea` griego do cangoquiéiñ' fí' lí' sing' jaang` dsea` guitúung` quiá'- Jesús i sií' Lii~, jo í' seeiñ` fí' Betsaida e née' lí' se' Galilea, jogui i dsea` griego do camí'r' jmi' ee` i Lii~ do jo casí'- reiñ`:

—Dsíng'- ii~ jnea'^ e nilicuíng` naa' Jesús.

22 Joba' dsifí' mi~ canúu- Lii~ e jo, cangó- bre cangosí'r` Df` i líng' jaang` gui dsea` guitúung` rúíñ' cajo, joba' lajì' huáam- bre cangolíñ` e cangojmée'r` júu` Jesús lajii~ e jíng'- i dsea` griego do. 23 Joba' lalab cañi' Jesús quiáíñ'- do:

—Lana tí' nití' í' quié- e e ninín' túu fí' ñifí' fí' lí' cagá- a mi~ cagüén- n fí' la e lín' n jaang` dsea` jmigüí. 24 Jogui jnea~ jmitaa` óo' na' e fa' camí'^ micui' iee` e ja` mí' cató' fí' ní' uó` jo o' gui ní' cajo, joba' lamí~ líb' lí' e camíb'^ e mijú` do; jo dsu' song camí'^ gui e micui' iee` do catób' fí' ní' uó` jogui caníb'^, joba' jmiguiab` ni' uíng'- do mi~ niró'. 25 Cofa' i dsea` i eáang` gui guing~ dsíí' jalé' e dsijéé' fí' jmigüí la, joba' ni' íim- quiá' i dsea` í' mi~ tí' lí' jo; jo dsu' i dsea` i ja` guing~ dsíí' jalé' e dsijéé' fí' jmigüí la, joba' i dsea` í' guiáb- ni' uíng- quiá'r- mi~ tí' lí' jo, co' cøøm` niliseeiñ` cóo' Fidiée` lata'. 26 Jogui song jaang` dsea` i iñ~ e niliñ- jaang` dsea` i jmóo' lajii~ e iin~ n, joba' 'né- ngír- colím~ cóo' jneab~; jogui lacaang` jíé' fí' lí' seen-, joba' fí' job' 'né- seeiñ` cóo' jnea~ cajo. Jo song seeng` dsea` i jmóo' lajii~ e iin~ n, joba' Tiquié` e dsea` guing~ ñifí- nijmi' gó` bre i dsea` í' cajo.

Mi~ cajíng'- tu Jesús e nijngáng'- dsea` ír`

27 'Jo fá' guí' lana e dseáng'- dsíng'- nijáa' fí' í' quié- e; jo ¿e~ nijmee~ e? ¿Su nifá' a: "Tea~, leaang- jnea~ jee~ jalé' iihuí' e nidsing` n- n do"? U~, o' lajo, co' jnea~ cagá- a fí' jmigüí la e lí' laco' nidsing` n- n jalé' e jo. 28 Joba' fí' i 'na, Tea~, jmee- e laco' nijmi' gó` dsea' 'na.

Jo dsifí' mi~ cangf` e cajíng'- Jesús lajo, joba' guicaná' coo` luu~ fí' yá'^ jmigüí, jo guicajíng'- lala:

—Nicajmé- baa lajo, jo dsu' tí' lí' nijmee~ baa calé' catú-.

29 Jo jaléng' i dsea` i teáng- núu` do ie~ jo cajíñ'- e líng~ ee` guicangoo` fí' yá'^ jmigüí; dsu' i líng` gui i dsea` do fé'r`:

—Jaang` ángel i niguicafé' na.

30 Jo mi~ cangf` jo, jo cañi' Jesús quiá'- i dsea` do jo cajíñ'-:

—Ja` catíng- jnea~ e guicajíng'- e luu~ do, co' 'náb' dsea` catíng- na' e jo. 31 Jo lanab catí' í' e Fidiée` niquidsir' í' quiá'- jaléng' dsea` jmigüí uii~ quiá'- jalé' dsee- quiá'r-, jogui lanab cajo catí' í' e ni' líng- bí' quiá'- fii' i 'líng' i quia' ta~ fí' jmigüí la. 32 Jo dsu' mi~ níngf` e niteáng- dsea` jnea~ fí' dse' crúu` e laco' nijúun- n, jo lajoba' nitóø`ø` jaléng' dsea` e laco' ni' uíñ- dsea` quié- e.

33 Jo cajíng'- Jesús lana co' niñi` bre guiá- jial nijnga'- dsea` quiá'r-. 34 Jo mi~ tí' lí' canúu- jaléng' dsea` i teáng- do ie~ jo e júu` quiá'- Jesús do, joba' lalab cañi' quiá'- dsea` do:

—Nineb~ jnea^ røø e tóo` fí ni~ jì quiá^- Fidié~ e latab~ niliseeng` Dsea` Jmáang~, joba' çjiali' fól' 'nú' e ì dsea` ì jáa' fí ñifí~ e líiñ' jaang` dsea` jmigüi' 'né~ nisaiñ' fí yá^ mi~ nijnga'- dsea` quiá'r-? Jogui çí~ ì dsea` ì julf` na?

³⁵ Joba' lalab cañi' Jesús quiá^- ì dsea` do:

—Jnea~ bi e jì e jnea` jee~ 'nú' lajee~ lana, jò dsu' jo` huóø- e líng'guá lajò jee~ 'nú' fí la. Joba' jmi'úum`ba' e seem`ba' guiá~ lajee~ e seem`bá jee~ 'nú' fí la e laco' ja` nilí' e lí~ nuu` do 'nú'. Dsucò' jaléng' dsea` ì seeng` e fí lí~ nuu`, joba' jii'~ ja` ñir' jie~ fí lí~ seeiñ'.
³⁶ Joba' jáang'~ yaang`na' e fí lí~ jnea` jì do lajee~ e seem`bá jee~ 'nú' e laco' quí'~ jmí~ e niliseeng`na' contøøng~ fí lí~ jnea` jì.

Jò mi~ tí lí~ cangf` e cajíng'~ Jesús jalé' e júu^ na, joba' cangó~bre, jò ca'náam~ 'ña'r' jee~ ì dsea` do.

Jiali' ja` ja'- líng` dsea` Israel júu^ quiá^- Jesús

³⁷ Jò ie~ jo, ja` e lí' e Jesús cajméer` jalé' e lí~ laniing~ e quí'r~ jmí~ fí quini~ jaléng' dsea` góor` dsea` Israel, jò dsu' ja` ja'- lím`bi ì dsea` do júu^ quiá^- Jesús; ³⁸ jò lajoba' e caliti~ e cajme' Saí^, jaang` dsea` ì café' cuaiñ~ quiá^- Fidié~ malí~ gui eáang' ie~ lamí~ cajíñ'- lala: Fí'naa', çí~ ì já'- nicalíng~ júu^ quiá^- e guía'naa'?

Jogui çí~ ì nicalíñ' jial tí' 'gøñ', Fí'naa' Fidié~?

³⁹ Jò lajob jaléng' dsea` do jii'~ ja` lí'r` ningaiñ', co' lalab cajme' gui Saí^ cajo fí ni~ jì quiá^- Fidié~ lí' fé' lala:

Jnea~ Fidié~ jò fá'a e júu^ la:

⁴⁰ Nicajnf`baa jminir~ jogui nicajnf`baa moguir~ cajo

e laco' ja` cuóøng` niliñir' júu^ quié~ e

o'gui cuóøng` e ningaiñ' jial lí' cajo;

jò lajoba' ja` niquí'~ jíng' yaaiñ~ fí quini~,

jogui lajobi jnea~ ja` nijmi'leáan~nre cajo.

⁴¹ Jò cajíng'~ Saí^ lana, co' nicangá~bre jial tí' laniing~ 'gøng' Jesús, joba' fé'r` uii~ quiá^- dsea` do.

⁴² Jò nañ' fa' cajím'~ ì yáa~ Saí^ do e júu^ jò, dsu' fím' dsea` Israel já'- calíñ~ júu^ quiá^- Jesús ie~ jo, jogui fím' dseata~ dsea` Israel ì laniing~ já'- calíñ~ júu^ quiá^- dsea` do ie~ jò cajo. Jò dsu' ja` fé'r` lajò fí quini~ jaléng' dsea` jiéng', co' 'gøm'bre jaléng' dsea` Israel ì líng' dsea` fariseo e ni'uóøng~ neiñ' fí dsí' sináa~ guá^- quiá'r-, ⁴³ co' eáang' gui iñ~ e dsea` jmigüi'bing' nijm'gó' ír` laco'gui e nijmé~ 'ña' Fidié~ lajò cóo'r~.

Jial dseáng'~ 'né~ nijm'gó' dsea` júu^ quiá^- Jesús

⁴⁴ Jò mi~ cangf`gui lajò, lalab cajíng'~ Jesús cóo'~ júu^ teá':

—Jaléng' dsea` ì já'- líng' júu^ quié~ e, joba' ì dsea` í o' jii'~ júu^ quié~ e já'- líiñ, co' lajob já'- líiñ júu^ quiá^- Tiquí'ii' Fidié~ cajo, dsea` ì casíng' jnea~ fí jmigüi' la. ⁴⁵ Jò doñí' ii' dsea` ì níng~ jnea~, joba' níim~bre cajo ì dsea` ì casíng' jnea~ fí jmigüi' la. ⁴⁶ Jò jneab~ dsea` lín'n e jì do, jò cagá~ a fí jmigüi' la e lí^ laco' jaléng' dsea` ì já'- líng' júu^ quié~ e ja` niliseeiñ' fí lí~ nuu`. ⁴⁷ Jò ì dsea` ì lico' núu` jalé' júu^ quié~ e jò dsu' ja` jmóor` núu'r~ jalé' e jò, joba' o' jnea~ dsea` niquidsii- í' quiá^- ì dsea` í. Co' ja` cagá~ jnea~ fí jmigüi' la e laco' niquidsii- í' quiá^- jaléng' dsea`, co' jnea~ cagá~ a e lí^ laco' nilaan~re jee~ jalé' dsee~ quiá~-bre. ⁴⁸ Jò jaléng' ì dsea` ì ja` jii'~ jnea~ o'gui já'- líiñ júu^ quié~ e, joba' ì dsea` í niseem`bing' ì ni'í- í' quiá'r~ quiá^- jalé' e dsee~ e nica'éer` do; co' cóo'~ jalé' e júu^ e nicafá~-a na, cóo'~ jii'~ jò nitidsí' í' quiá'r~ mi~ tí lí~ jò. ⁴⁹ Co' jnea~ ja` fá'a la ñii- 'ña'a, dsucò' Tiquí'ii' ì casíng' jnea~ fí jmigüi' la, íb' ì nicaquiá' ta~ quié~ e lajii'~ e 'né~ e nifá^a. ⁵⁰ Jò lajob niñi jnea~, e jaléb' ta~ e quiá' Tiquié' do cuø' e liseeng' dsea` cøøng' cóo'~ Fidié~ lata~. Joba' lajob lí', jaléb' e fá' jnea~ dseáng' fá'a jii'~ laco' ta~ ca'lin'n quiá^- Tiquí'ii'.

13

Mi caru' Jesús tã dsea` guitúung` quiá'r`

¹ Jo mi~ cangf`gui lajo, lajee` e guati`lól` jmi~ Pascua e quí` tãng` dsea` Israel jmóor` fí Jerusalén, jo ie~ jo niñib` Jesús e nica`tib` í` quiá'r` e nitúr` fí jmigü` la jo nidséin` nidsigüea`tur cóo` Tiquí`ii' fí ñiff`. Jo lajee` cateáaiñ` fí jmigü` la, eáam` cajmi`neáaiñ` jaléng` dsea` i ca`uíng` dsea` quiá'r`, jo lajob` cajméer` cartí` cangáng`-tur fí ñiff`. ²⁻³ Jo ie~ jo, tí lí` ni`íb` fii` i` 'ling`^ fí dsí` Judas, jóo` jaang` dseañu` i sii` Simón Iscariote, jo i fii` i` 'ling`^ do cajméer` e ca`f` dsí` i Judas do e ni`niñ` Jesús fí quini` jaléng` dsea` i quie` nifi` quiá`- dsea` Israel. Jo Jesús niñi`bre guiá` e fí lí` guing` Fidiéé` jáar` mi~ cagüéiñ` fí jmigü` la, jogui e fí job` nidséng`-tur mi~ nití` í` quiá'r`. Jo i Tiquí`ii' dob i nica`cuø` ír` fí e neé` nir` lajalé`. ⁴ Jo ie~ job` cagó` Jesús í` canu` cóo` dsea` guitúung` quiá'r`, jo lajee` e neáaiñ` gø`r` dob mi~ caráaiñ` e fí lí` guin` do jo caguir` e si`r` e quier` lí` lí` ni~, jogui ca`ñú`r` cóo` jmáang`- 'mi' fí 'ñúin`. ⁵ Jo mi~ cangf` jo, caguié`r` jmi~ fí dsí` cóo` úu` e ja` a` eáang`, jo cóo` e job` canaaiñ` ru`r` tã` lajaang` lajaang` i dsea` guitúung` quiá'r` do, jo mi~ cali` jo, cajmiquiá`r` cóo` e 'mi' e ca`ñú`r` tu`r` do.

⁶ Jo mi~ tí lí` catãng` Tú` Simón e nijgí` tãr` e nirú` Jesús, joba` lalab cañir` quiá`- dsea` do:

—Fíi, ja` catãng`- 'nu` e nirú` tã`i.

⁷ Jo lalab cañi` Jesús quiá`- dsea` do:

—Ja` mi` ngáng`- 'nu` lana e` guóng`- lajii` e jmóo` la, jo dsu` lajee` lab ningán`.

⁸ Jo cañi`tu Tú` Simón quiá` Jesús jo casí`r` dsea` do:

—iDseáng`- ja` cuø`baa fí e 'nu` nirú` tã`i!

Joba` lalab cañi`tu Jesús quiá`- dsea` do:

—Lí` jii` e laba` lí`, e song ja` nirú`-u` tã`, joba` ja` quí` jmi~ jóng e líng`gui` dsea` quie` e.

⁹ Joba` cañi`tu Tú` Simón quiá`- dsea` do jo cajíñ`:

—Jo song lajob` nilí` Fíi, joba` guiá`-gui e nirú`-ba` la quie` guóo` cóo`-gui moguii` cajo.

¹⁰ Jo dsu` lalab cañi`tu Jesús quiá`- Tú` Simón jo cajíñ`:

—Doñi` ii` dsea` i lalí` calá`, joba` ja` 'né` lá`-tur ladsifí` lado, jo jii` tã`-bre 'né` nirú`-tur có` sijgám`-bre latø`iñ`. Jogui 'nú` lãim`ba` dsea` sijgãng`, nañi` fa` ja` lajaléng`-na` líng`-na` lajo.

¹¹ Jo cajíng`- Jesús lana e ja` lajãng` i dsea` do lãin` dsea` sijgãng`, có` niñi`bre guiá` i i dsea` i ni`ning`- ír` fí quini` dsea` i quie` nifi` quiá`- dsea` Israel.

¹² Jo mi~ tí lí` cató` e ru` Jesús tã` jaléng` i dsea` guitúung` do quiá'r`, joba` caquib`-tur e si`r` do, jogui caguáb`-tur e fí lí` guin` gø`r` do, jo mifãng` cajíñ`- lala:

—¿Su ñi` 'nú` e` guóng`- jalé` e nica`jmé` e qui`-na` na? ¹³ Có` 'nú` ca`íng`-na` jnea` e lãin` Fíi`na` jogui e lãin` Tifa` qui`-na`, jo e jáb`, lajob` lí`, có` lajob` dseáng`- lãin`. ¹⁴ Jo có` jnea`, dsea` lãin` Tifa` jogui Fii` qui`-na`, nica`ru`-baa tã`-na` lajaang` lajaang`-na`, joba` lajob` cajo 'né`-jmé`- 'nú`, 'né`-ru`-ba` tã`- dsea` rúng`-na`. ¹⁵ Jo jnea` nica`é`-baa 'nú` jial 'né`-nijmee`-na` e laco` 'nú`-nijmee`-na` røøb` laco`-gui jii` e nica`jmé`- jnea`. ¹⁶ Jo e laba` jmitaa` óo`-na`, e jii`- jaang` dsea` 'léng`-niing`-guir laco` fii~, jogui e jii`- jaang` dsea` i ngí` ta` quie` júu`-niing`-guir laco`-gui i dsea` i casíng`- ír` do. ¹⁷ Jo song ngám`-ba` jalé` e júu` na jogui jmiti`bi` e iáang` óo`-na` cajo, joba` juguiáb`- niliseeng`-na` jóng.

¹⁸ Jo dsu` e fá`a na ja` catãng`- 'nú` lajãng`-na`; có` ñi`baa guiá` i jaléng` i nica`guin`-n. Dsu` dseáng`- 'né`-litib` jii` laco` fé` fí ni` jii` quiá`- Fidiéé` e cajme` dsea` malii`-gui eáang` lí` fé` lala: “Jaang` lajee` dsea` i gø` colãng` cóo`-baa lana, ni`ni`-nim`-bre jnea`.” ¹⁹ Jo fii`- 'nú` e júu` na lana e lí` laco` niñi`ba` jéeng` mi~ tí lí` nidsijéé` jalé` e jo. Jo mi~ tí lí` nilí` lajo, joba` jáb`- nilíng`-na` jóng e jneab`- dseáng`- lãin` jii` laco` fá`a e lãin`. ²⁰ Jogui

e laba' jmitaa^ óóna', e doñí' iì dsea` i ni'íng' i dsea` i sín`n do, joba' ím`bre jnea~ cajo; jogui doñí' iì dsea` i íng' jnea~, joba' ím`bre i dsea` i casíng' jnea~ fí' jmígüi' la cajo.

Mi~ cajíng' Jesús e Judas Iscariotebing' i ni'níng' ír`

(Mt. 26:20-25; Mr. 14:17-21; Lc. 22:21-23)

²¹ Jo mi~ cangí e cajíng' Jesús lajo, joba' dseáng' eáam' fí'í' calíñ~, jo cajíng' casí'r` i dsea` guitúung` quiá'r` do jo casí' reiñ':

—E laba' jmitaa^ óóna', e jaang` lajee` la'ó' 'ná'bing' i ni'níng` jnea~ fí' quini` i dsea` quie' nifi' quiá' dsea` góónaa' dsea` Israel.

²² Jo mi~ canúu` i dsea` guitúung` do e júu^ jo, jo lico' cajóong` rúm`bre, jo dsu' ja` calilí'r` i dseáng' i éeng` Jesús do. ²³ Jo jaang` lajee` i dsea` guitúung` i iing` Jesús eáang` do dseáng' cáam` dsea` do guiiñ~, jo lajoba' cuóom` síiñ` cóo' dsea` do lajee` e neáiñ' gø'r`.

²⁴ Jo co' huím`bigui guing` Tú` Simón, joba' cajméer` li` cóo' guóor` quiá' i dsea` i guing` cáang` Jesús do e laco' dsea` í nijming'í'r` dsea` do i lajee` ír` i éeng` Jesús do. ²⁵ Jo i dsea` i guing` cáang` Jesús do cangoquieeñ` quiá' gui laco' guing` dsea` do, jo lalab cajming'í'r` dsea` do:

—Fí'i, ¿i` i dsea` i julí na?

²⁶ Joba' lalab cañi' Jesús quiá' dsea` do:

—Lana nijmi'leaa` coo` 'ná'jiu` iñí', jo iì i dsea` i nicuóøø e jo, íb` i fá'a na.

Jo dsifí mi~ café` Jesús e júu^ jo, joba' cajmi'leá`bre e iñí' do, jo i Judas i líng' jóo' Simón Iscariote, íb` i cacuø'r` e jo. ²⁷ Jo dsifí mi~ ca'íng' i Judas do e iñí' do, joba' dsifí lajob ca'í' fii` i líng' i sii` Satanás fí' dsír'. Joba' lalab casí' Jesús ír`:

—Lajíi' e nica'í' o' e nijméel', joba' jmeeb` lajminá`.

²⁸ Jo mi~ canúu` i dsea` i caguiaang` gui do lajii' e cajíng' Jesús do, ja` cangáñ' jiali' cajíng' dsea` do lajo. ²⁹ Jo co' ie~ jo i Judas Iscariote do líiñ' dsea` i sí'má' cuu` quiá' Jesús cóo' gui quiá' i dsea` guitúung` quiá'r`, joba' i líng' i dsea` do ca'í' dsír' e Jesús sí'r' i Judas do e líng` e e` nidsileáa' dsea` do quiá' e ni'nér` lajiiñ` lajee` jmí` osi quiá' e nicuø'r` jaléng' dsea` tiñíng` é.

³⁰ Jo dsifí mi~ ca'íng' Judas Iscariote e iñí' do, joba' cagüi'í'bre e fí' lí' neáiñ' do. Jo nicanuub`.

Júu^ laniing` quiá' Dsea` Jmáang`

³¹ Jo mi~ tí' lí' cangí e cagüi'í' i Judas Iscariote do, joba' lalab casí' Jesús i dsea` quiá'r` i caje'gui do:

—Jo lanab nicalilí' 'ná' jial tí' niguo' líng' Fidié` mi~ calilí' jial tí' niguo' líng' jnea~, dsea` cagá` a fí' ñifi' jo cagüén`n fí' jmígüi' la e lín`n jaang` dsea` jmígüi'. ³² Jo song lajob líí, e jnea~ dsea` cagüén`n fí' jmígüi' la lín`n jaang` dsea` jmígüi' e ni'ée` e 'ná' jial tí' niguo' líng' Fidié`, joba' Fidié` lajob nijmér` cóo' jnea~ cajo, jo lajee` tab` nijmér` lajo. ³³ Jogui 'ná', dsea` líng'na' jóo'o, e laba' fíi` i 'ná' e jo huøø` táang`guí cóo' 'ná' fí' la. Jogui 'ná' ni'nam'ba' jnea~ jo dsu' jo` niguiéng'na' jnea~; co' lí' laco' gui jii' e nica'í' i dsea` Israel caguiaang` gui ie~ lamí` jéeng`gui do, jo lajob fíi` i 'ná' lana cajo e ja` cuóong` nigüilíng'na' fí' lí' niníng'na' jnea~. ³⁴ Jo uing` e joba' e nicuóøø 'ná' e júu^ laniing` la e ja` mí' cafíi` i 'ná' lamí` jéeng`gui, jo e lab e jo: jmi'neáng'na' dsea` rúng'na'. Jo lí' laco' la 'neáng` jnea~ 'ná', lajob dseáng' 'né` jmi'neáng'na' dsea` rúng'na' cajo. ³⁵ Jo song lajob jmoo'na' e dseáng' jmi'neáng'na' dsea` rúng'na', joba' lajím` dsea` nililí'r` jóng e dseáng' dsea` quie`baa líng'na' song jmoo'ba' lajo.

Mi~ cajméel` Jesús júu^ e nijíng' Tú` Simón e ja` cuíñ` dsea` do

(Mt. 26:31-35; Mr. 14:27-31; Lc. 22:31-34)

³⁶ Jo mi~ canúu` Tú` Simón lajii' e cajíng' Jesús do, joba' cajming'í'r` dsea` do lala jo cajíñ':

—Fí'i, ¿jie` fí' lí' niguo'?

Joba' cañí' Jesús quiá' dsea` do jo casí' r- reiñ':

—Ja` cuóøng` niguøng` ^'na` lana e fí' lí` ninín` ^n, jo dsu' mi` nilicøøng` guíjia lajo, joguiba' e nicuøøng` guøn` ^ jóng.

³⁷ Joba' lalab cañí' Tú` Simón quiá' Jesús jo casí' r- dsea` do:

—Fí'i, ¿jiali' ja` cuóøng` e ninín` ^n cóo' ^'na` lana? ¿Co' guiab' dsii` e nijáang` ^'ñiá` ^a e nijúun` ^n e laco' nijmicóo' ^o` ^'na`!

³⁸ Joba' lalab cañí' Jesús quiá' ^ i Tú` Simón do jo casí' r- reiñ':

—¿Su dseáng` ^` já' ^ e nijmée' ^ e laco' fó' ^ na, Tú` Simón? Co' lana jmitaa` o' e lajee` e ná' ^` gui e niqúí' ^` jaang` tuidsee` ^, ^'na` nifo` ^` ní` ya' ^` e ja` cuín` ^` jnea` ^.

14

Jesús líiñ` e fí' cóo' ^` e guilíng` dsea` fí' lí` guíng` Tiquiá' r`

¹ Jo mi` cangí` e casíng` ^ Jesús cóo' ^` i Tú` Simón do, joba' lalab casí' r- guí` i dsea` quiá' r- do:

—Ja` jmáang` ^` yaang` ^na' fí' í' ^'ná' ^, dsea` já' ^` nicalíng` ^na' júu` ^ quiá' ^` Fidiée` ^, jogui ja` jmitúng` ^` óo` ^na' cóo' ^` júu` ^` quié` ^e, co' ^` né` ^ e jáb` ^` nilíng` ^na' cajo. ² Co' fí' lí` guíng` ^` Tiquié` ^ e fí' ñíff` ^, féb` ^` jóo` ^ e quiá' ^` nigüea` ^` jaléng` ^` dsea` quiá' r- ^; cofa' ja` lí' lajo, joba' ja` mí` cafí` ^` i ^'ná' ^` jóng e tí' lí` ^` ninín` ^` ^n e niguiaa` ^` guíá` ^` fí' lí` ^` nigüín` ^` ^na' cóo' ^` ^` jnea` ^` fí' lí` ^` guíng` ^` Tiquié` ^ e faco' lajo. ³ Jo mi` tí' lí` ^` cangí` ^` e niguiaa` ^` guíá` ^` e fí' lí` ^` nigüín` ^` ^na' do, joba' nigáab` ^` túu` ^` calé' ^` catú` ^` fí' la e laco' nitøø` ^` ^'ná' ^` e nigüilíng` ^` ^na' cóo' ^` ^` jnea` ^, jo fí' job nidsi' íe` ^` ee' colíng` ^` cóo' ^` ^` jnea` ^. ⁴ Co' niñí` b` ^` ^'ná' ^` jie` ^` fí' lí` ^` ninín` ^` ^n jogui nicuúí` ^` b' ^` cajo e fí' e dsijée` ^` fí' jo.

⁵ Jo mi` cangí` e cajíng` ^` Jesús e júu` ^` jo, joba' jaang` lajee` ^` i dsea` quiá' r- do i sii` Tomás lalab cañí' r- quiá' ^` dsea` do:

—Fí'i, ja` ne` ^` jnea` ^` jie` ^` fí' lí` ^` niguøng` ^` ^'na` ^, joba' ¿jial` lí` e nilicuúí` ^` naa' ^` jnang` ^` e fí' jo?

⁶ Joba' lalab cañí' Jesús quiá' ^` dsea` do:

—Jneab` ^` dsea` lí` n` ^` e fí' e laco' cuóøng` ^` niguilíng` ^` dsea` fí' ñíff` ^, jogui jneab` ^` dseáng` ^` ^` cuóø` ^` ^` ^'ná' ^` e líñí` ^` ^na' jalé' ^` júu` ^` quiá' ^` Fidiée` ^, jogui jíí` ^` ^` jnea` ^` b' ^` cuóø` ^` ^` ^'ná' ^` cajo e seeng` ^` ^na' cøøng` ^` cóo' ^` Fidiée` ^` lata` ^`. Jo jíí` ^` la'eáang` ^` cóo' ^` ^` jneab` ^` cuóøng` ^` e niguilíng` ^` dsea` fí' quini` ^` Tiquí` ^` ii' Fidiée` ^. ⁷ Jo song` nicuúim` ^` ^'ná' ^` guíá` ^` jnea` ^` lana, joba' nilicuúim` ^` ba' Tiquié` ^ e cajo; jo dsu' latí` lanab` ^` ninaang` ^` cuíng` ^` ^na' dsea` do, co' nicañíim` ^` ba' re.

⁸ Jo mi` calí` ^` fé' ^` Jesús e júu` ^` na, joba' lalab cañí' jaang` ^` gui dsea` quiá' r- ^` i sii` Lii` do jo casí' r- dsea` do:

—Fí'i, cuóø` ^` ^` jnea` ^` fí' e nineeng` ^` ^naa' Tiquí` ^` ii' dsea` guíng` ^` ^` ñíff` ^, jo jíí` ^` ^` joba' mí` ^` ^` naa' ^` ^'na` ^.

⁹ Joba' lalab cañí' Jesús quiá' ^` i Lii` do jo cajíñ` ^` ^`:

—Lii` ^, níngóob` ^` eéang` ^` e seen` ^` jee` ^` ^'ná' ^, jo ¿su ja` mí` calicuúim` ^` b' ^` jnea` ^`? Dsuco' jaléng` ^` dsea` ^` i níng` ^` ^` jnea` ^, joba' ^` dsea` ^` í` níim` ^` bre Tiquié` ^ e cajo; joba' ¿jiali' ^` mí` ^` ^` jnea` ^` fí' e laco' ^` nimáang` ^` ^na' Tiquí` ^` ii'? ¹⁰ Jo ¿su ja` já' ^` lí` n` ^` ^'na` ^ e jnea` ^` cøøm` ^` seeng` ^` cóo' ^` Tiquí` ^` ii' jogui e Tiquí` ^` ii' cøøm` ^` seeíñ` ^` cóo' ^` ^` jnea` ^` cajo? Co' jalé' ^` e fí` ^` i ^'ná' ^` na ja` fá` ^` ^a e la tñ` ^` ^` ^'ñiá` ^` ^a, co' Tiquí` ^` ii' ^` seeng` ^` cøøng` ^` cóo' ^` ^` jnea` ^` do, dsea` íb` ^` ^` i jmóo` ^` lajíí` ^` ^` ta` ^` quiá' ^`. ¹¹ Jo ^` né` ^` líñí` ^` ^` ba' e jnea` ^` cøøm` ^` seen` ^` cóo' ^` Tiquí` ^` ii', jogui lajob` ^` ír` seeíñ` ^` cøøng` ^` cóo' ^` ^` jnea` ^` cajo, jo song ja` já' ^` líng` ^` ^na' e júu` ^` jo, joba' líco' ^` já' ^` güilíng` ^` ^na' júu` ^` quié` ^` e mi` móo` ^` ^na' jalé' ^` e jmóo` ^` o. ¹² Jogui e laba' jmitaa` ^` óo` ^` ^na' cajo, e doñí` ^` í` ^` i já' ^` líng` ^` júu` ^` quié` ^` e, joba' nijmé` ^` bre jalé' ^` e quí` ^` ^` jmí` ^` lí` ^` laco' ^` guí` ^` jíí` ^` ^` la nicajmé` ^` ^` jnea` ^` cajo; jo dsu' sea` ^` ba' do e nijmér` ^` e niguó` ^` ^` guí` ^` eéang` ^, co' jnea` ^` ninín` ^` ^` ^n e nijaa` ^` cóo' ^` Tiquí` ^` ii' dsea` guíng` ^` ^` ñíff` ^. ¹³ Jo jalé' ^` e nimí` ^` ^` na' Fidiée` ^ la'eéang` ^` cóo' ^` ^` jnea` ^, joba' jneab` ^` nijmee` ^` e jalé' ^` e jo quí` ^` ^` na', jo lajoba' ^` nijmiféng` ^` dsea` Tiquié` ^ e Fidiée` ^ la'eéang` ^` cóo' ^` ^` jalé' ^` e jmóo` ^` jnea` ^` do. ¹⁴ Jo doñí` ^` eeb` ^` cuóøng` ^` lí` jmee` ^` jnea` ^` song camí` ^` ^` na' Fidiée` ^` lajo la'eéang` ^` cóo' ^` ^` jnea` ^.

Mí` cacuo` Jesús júu` ^` e níng` ^` Fidiée` ^` Jmíguí` ^` quiá' r-`

15 'Jo fñ-guá 'nú' e song dseáng' lajang' júu 'neáng'na' jnea~, joba' nijméé'ba' náu'na' júu' quié' e jóng. 16-17 Joba' jnea~ nimá' i Tiquí'ii' dsea' guiññ' e nisíñ' Jaang' i nijmicóo' 'nú', jo e job lí' Jmiguí' quiá' Fidié' cóo' e cuø' 'nú' e liñí'na' jalé' júu' quiá' Fidié'. Jo e Jmiguí' do contøom' niliseeng' cóo' 'nú'. Jo jaléng' dsea' i ja' mi' ca'ing' jnea~, joba' ja' quí' jmi' fa' e ni'íñ' e Jmiguí' do, co' ja' mi' cangár' o'gui cuír' cajo; jo dsu' 'nú'gui nicuú'ba' e Jmiguí' do, co' niseem' cóo' 'nú' lana, jogui tí' lí' nití' í' e niliseem' fí' áa'na' cajo.

18 'Jo fñ-guá 'nú' e ja' quí' jmi' fa' niseáan' 'nú' e lafa' 'náng'na', co' nigáab'túu' calé' catú' jo niliseem'túu' cóo' 'nú'. 19 Jo lajee' lab, jaléng' dsea' i ja' cuíng' jnea~ jo' niníng' guir' jnea~; jo dsu' 'nú' nimáam'tu' jnea~ jogui contøom' niliseeng'na' cóo' jnea~ cajo, co' seem' jnea~ cóo' 'nú' lata'. 20 Jo ie' job nililí'na' e jnea~ cøøm' seen' cóo' Tiquié'e, jogui 'nú' cøøm' seeng'na' cóo' jnea~, jogui jnea~ cøøm' seen' cóo' 'nú' cajo. 21 Jogui i dsea' i íng' júu' quié' e jogui jmóor' náu'r' jalé' e júu' jo, joba' i dsea' í' cuø' lí' e dseáng' lajam'ba' e 'neáaiñ' jnea~, jo lajob Tiquié'e e nijmi'neáam'bre i dsea' i jmi'neáang' jnea~ do, jogui jnea~ nijmi'neáam'baa i dsea' í' cajo, jogui ni'éé'baare jial dseáng' lín'n.

22 Joba' cañí' jaang'gui dsea' guitúung' quiá' Dsea' Jmáng' i sii' Judas, dsu' o' i Iscariote do, jo casí'r' dsea' do lala:

—Fí'í, ¿jialí' e ni'éeng' uø' fí' quini' jnea' jo o' fí' quini' jaléng' dsea' i ja' líng' dsea' góo'naa'?

23 Joba' cañí' Jesús quiá' i Judas do jo cajíñ'—:

—Jaléng' dsea' i jmi'neáang' jnea~, joba' jmóo'bre náu'r' jalé' júu' quié' e; jo Tiquié'e Fidié' nijmi'neáam'bre i dsea' í' cajo, jo lajob Tiquié'e colíng'gui cóo' jnea~ cøøm' nilisee'naa' cóo' i dsea' í'. 24 Jogui i dsea' i ja' 'neáang' jnea~, joba' ja' jmóor' náu'r' jalé' júu' quié' e. Jo jalé'b' e júu' e fá' jnea~ la, o' dseáng' júu' quié' e 'ñiá'a co' e quiá' Tiquí'baa', jo íb' dsea' i casíng' jnea~ fí' jmigüí' la.

25 'Jo fñ' i 'nú' jalé' e júu' la lajee' e táam'bñ' cóo' 'nú' fí' jmigüí' la; 26 jo dsu' mi' ninín'na' fí' ñifí' fí' lí' guíng' Tiquié'e, joba' dsea' íb' i nisíng' Jmiguí' quiá'r' cuaiñ' quié' e e laco' nijmicóo' 'nú', jo lajoba' niguiéng' áa'na' jalé' e júu' e nicafí' i 'nú' lajee' e nicataang'naa' colíng', jogui ni'é' 'nú' jalé' e 'né' ñí'na' cajo.

27 'Jo mi' tí' lí' nití' í' e ninín'na', joba' nisé'e cóo' 'nú' e niliseem'ba' juguiá' cóo' Fidié'. Jogui nicuøø'baa' 'nú' laco'gui la seeng' jnea~ juguiá' cóo' dsea' do, jo dsu' ja' nicuøø' e jo laco'gui la cuø' dsea' i ja' cuíng' Fidié'. Joba' fñ-guá 'nú' e ja' jmeáang' yaang'na' fí'í' uii' quiá' jalé' e nidsing'ing'na', o'gui føøng'na' cajo uii' quiá' jalé' e jo. 28 Jo nicanáa'ba' e nicafí' i 'nú' lamí' jéeng'gui e ninín'na' fí' lí' guíng' Tiquí'ii', jo dsu' nigáab'túu' jo niliseem'túu' cóo' 'nú' calé' catú'. Jo faco' dseáng' já' e 'nú' 'neáang'na' jnea~, joba' cali'íáam' óo'na' jóng' mi' caliñí'na' e ninín'na' fí' lí' guíng' Tiquí'ii' faco' lajo, co' íbre dsea' níng' guir' laco'gui jnea~. 29 Jo uíng' e joba' e fñ' i 'nú' jalé' e la e lí' laco' mi' nití' í' e nidsijéé' jalé' e jo, jo lajoguiba' e já' nilíng'na' jalé' e júu' quié' e do.

30 'Jo lana jo 'ga' lí' síng'guá cóo' 'nú', co' nijaquíém' i fí' i 'líng' i quiá' ta' fí' jmigüí' la, jo dsu' nañí' fa' ja' bí' óo' i fí' i 'líng' do e niquiú'r' jnea~ ta~, 31 dsu' lajob dseáng' nisí'í' e nidsijéé' e laco' niliñí' jaléng' dsea' jmigüí' e 'neáam'baa Tiquí'ii' jogui e jmóo' lajñí' ta' e nicaquiá'r' quié'baa.

Jo mi' cató' e fé' Jesús jalé' e júu' na, joba' cajíñ' casí'r' i dsea' guijáng' quiá'r' do lala:

—Ráang'na' na, jo ma'uøø' duu' la.

15

Jesús líiñ' e huíng' jó' e jlo' siní'

1 Jo mi' cang'gui lajo, lalab cajíng'gui Jesús casí'r' i dsea' guijáng' quiá'r' do:

—Jnea~ lín'n e huíng' jó' e jlo' siní', jogui Tiquié'e líiñ' laco' i dsea' jmáng' í' guíá' e huíng' jó' do. 2 Jo song cóo' guo' e huíng' jó' quié' e do ja' cuø' mí' huíng'

jó[^], joba' niquiáb⁻ Fidié[~] e guo[^] jo; jo dsu[^] song guiá⁻bi cuó[^] mí[^] huñg[^] jó[^], joba' Fidié[~] ni'íá⁻ bre jogui nisám⁻ bre guo[^] quiá⁻ e laco[^] ni'í⁻ jmiguiú[^]gui. ³ Jogui 'nú[^] lana nisiguiúm⁻ba' la'eáang[^] e nica'íing[^] na' lajú^í~ júu[^] e nica'fí⁻ i 'nú[^]. ⁴ Jo güiliseem⁻bi' cøong[^] colíing[~] cóo[^]~ jnea[~] lí[^] laco[^]gui la seeng[^] jnea[~] cøong[^] colíing[~] cóo[^]~ 'nú[^]. Cofa' coo[^] guáng[^] quiá⁻ mí[^] huñg[^] jó[^] ja' quí[^]~ jmí[~] ni'í⁻ 'ñia[^] song si'naam[^] e guáng[^] do quiá⁻ e huñg[^] quiá⁻; jo lajob lí[^]gui cóo[^]~ 'nú[^] cajo, ja' quí[^]~ jmí[~] nijmee⁻na' e guiá⁻ song ja' seeng[^]na' cøong[^] colíing[~] cóo[^]~ jnea[~].

⁵ Jo fí⁻túu 'nú[^] e jneab[~] lín[^]n e huñg[^] jó[^] do, jogui 'nú[^] líng[^]na' guáng[^] quiá⁻ e huñg[^] do. Jo doñí[^] jí[^] dsea[^] i seeng[^] cøong[^] cóo[^]~ jnea[~], joba' jnea[~] seem⁻baa cøong[^] cóo[^]~ ír[^] cajo, joba' eáam[^] íng[^] ta[~] jalé[^] e jmóor[^]; cofa' ja' seeíñ[^] cøong[^] cóo[^]~ jnea[~], joba' jí^í~ coo[^] e guiá⁻ ja' ee' quí[^]r[^] jmí[~] jmér[^] jóng. ⁶ Co[^] i dsea[^]gui i lítúng⁻ dsí[^] e seeíñ[^] cøong[^] cóo[^]~ jnea[~], joba' i dsea[^] í[^] ni'nám⁻bre cóo[^]~ jnea[~], joba' ni'íim⁻ quiá⁻r[^] lí[^] laco[^]gui mí[^] liquiú[^] e guáng[^] e si'naang[^] quiá⁻ e huñg[^] jó[^] do, jo sitím[^] jalé[^] e jo, jo niné⁻ fí[^] lí[^] nicób[^] jóng.

⁷ Jogui song 'nú[^] ja' tú[^]na' e seem⁻ba' cøong[^] colíing[~] cóo[^]~ jnea[~] jogui e teáb⁻ teáang[^]na' cóo[^]~ júu[^] quié⁻ e cajo, jo song lajob jmoo[^]na', joba' mí[^]na' jnea[~] ee' iing[^]na' jo lajob nilí[^]. ⁸ Jogui mí[^] 'nú[^] eáam[^] íng[^] ta[~] jalé[^] e jmoo[^]na', jo e joba' cuó[^] lí[^] e líng[^]na' dseáng[^] lajang[^] dsea[^] quié⁻ e, joba' nijmiféng[^] dsea[^] Tiquié[^] e Fidié[~] dsea[^] guiing[~] ñí[^]. ⁹ Jo jnea[~] eáam[^] 'neáan[^] 'nú[^] lí[^] laco[^]gui la 'neáang[^] Tiquí[^]ii' jnea[~]; joba' fí⁻i 'nú[^] e güiliseem⁻bi' e ñí[^]na' jial tí[^] e 'neáan[^] 'nú[^]. ¹⁰ Jo song 'nú[^] ná[^]ba' jalé[^] júu[^] quié⁻ e, joba' seem⁻ba' e 'neáam[^] bí[^] 'nú[^] jóng lí[^] laco[^]gui la jmoo[^] jnea[~] ná[^]ba' lajú^í~ júu[^] quiá⁻ Tiquié[^] e, joba' seem⁻baa e jmi'neáang[^] Tiquié[^] e jnea[~].

¹¹ Jo fón[^] 'nú[^] lana e lí[^] laco[^] nilí'íáang[^] áa[^]na' laco[^]gui e íáang[^] dsi[^] jnea[~], jogui e dseáng[^] la iéb[^] nilí'íáang[^] óo[^]na' cajo lí[^] laco[^] catíng⁻ e líng[^] dsea[^] quié⁻ e. ¹² Jogui fí⁻túu 'nú[^] e júu[^] quié⁻ e e 'né⁻ lí[^]ti do, jo e lab e júu[^] jo: 'né⁻ nijmi'neáam[^]ba' dsea[^] rúng[^]na' lí[^] laco[^]gui jnea[~] jmi'neáan[^] 'nú[^] lajaang[^] lajaang[^]na'. ¹³ Jo e jmi'neáang[^] dsea[^] rúñ[^] e laniing⁻gui eáang[^] lí[^] mí[^] jáng[^] 'ñia[^]r[^] e laco[^] nijmicóo[^]r[^] dsea[^] seeng[^] røø[^] cóo[^]r[^] nañí[^] song cajúñ[^] dsu[^] uí[^] e cajmér[^] lajo. ¹⁴ Jo song ná[^]ba' jalé[^] júu[^] quié⁻ e e nica'fí⁻ i 'nú[^] e 'né⁻ jmee⁻na', joba' dsea[^] seeng[^] røø[^] cóo[^]~ jneab[~] líng[^]na' jóng. ¹⁵ Jo lana jo líng[^]na' dsea[^] i lico[^] jmoo[^] ta[~] quié⁻ e, dsuco[^] i dsea[^] la'í jí^í~ ja' ñír[^] e uíing[^] e ta[~] e jmóor[^] quiá⁻ i fí[^]r do. Dsu[^] lana nilíng[^]na' dsea[^] seeng[^] røø[^] cóo[^]~baa, co[^] nica'cuóø⁻baa 'nú[^] e nicalíñ[^]na' jalé[^] e júu[^] e ca'íin[^]n quiá⁻ Tiquié[^] e. ¹⁶ Jogui o[^] 'nú[^] dsea[^] caguíng[^]na' jnea[~] e quíe⁻ ní[^]fí quií⁻na', dsuco[^] jneab[~] dsea[^] nica'guín[^]n 'nú[^] e laco[^] ni'uíing⁻na' dsea[^] quié⁻ e, jogui nica'cuóø⁻ø 'nú[^] ta[~] e nigüilíng⁻na' nigüijmee⁻na' jmang[^] e nilí'íng[^] ta[~] quií⁻na' lata[~]. Jo lajoba' Tiquí[^]ii' Fidié[~] nica'ó[^]bre 'nú[^] jalé[^] e nimí[^]na're la'eáang[^] cóo[^]~ jnea[~]. ¹⁷ Jo e lab e fí⁻túu 'nú[^] do calé[^] catú⁻ e 'né⁻ nijmee⁻na': nijmi'neáang[^]na' dsea[^] rúng[^]na'.

'Ní[^] níng⁻ dsea[^] Jesús cóo[^]~gui jaléng[^] dsea[^] quiá⁻r[^]

¹⁸ Jo fí⁻guá 'nú[^], dsea[^] quié⁻ e, e ja' güidsigá[^] óo[^]na' e 'ní[^] níng⁻ jaléng[^] dsea[^] jmigüí[^] 'nú[^], dsu[^] güilíñ[^]na' guiá⁻ e jnea[~]bing[^] la'uií[^] i calí⁻ 'ní[^] níng⁻ jaléng[^] dsea[^] do. ¹⁹ Co[^] faco[^] 'nú[^] líng[^]na' dsea[^] jmigüí[^] i ja' cuíng[^] jnea[~], joba' nijmi'neáam[^] jaléng[^] i dsea[^] í[^] 'nú[^] jóng lí[^] laco[^]gui la jmi'neáang[^] rúñ[^] la'ó[^] yaaiñ[^]. Jo dsuco[^] jneab[~] dsea[^] caguín[^]n 'nú[^] jee[^] jaléng[^] dsea[^] jmigüí[^] i ja' cuíng[^] jnea[~] e laco[^] ni'uíing⁻na' dsea[^] quié⁻ e, jo uí[^] e lajoba' e jaléng[^] i dsea[^] í[^] ni'ní[^] níñ[^] 'nú[^], co[^] 'nú[^] jo líng[^]na' laco[^] ír[^]. ²⁰ Jo té[^] áa[^]na' lajú^í~ e nica'fí⁻ i 'nú[^] do: "Jí^í~ jaang[^] dsea[^] jmoo[^] ta[~] niing⁻guír laco[^] fí[^]r." Jo quí[^]na' cuente e gab[^] nijmeáng[^] dsea[^] jnea[~], joba' lajob nijmeáng[^] dsea[^] 'nú[^] cajo; jogui song ja' mí[^] calinú[^]r[^] júu[^] quié⁻ e, joba' lajob ja' nilinú[^]r[^] júu[^] quií⁻na' cajo. ²¹ Jo jalé[^] e ga[^] na' nijmeáiñ[^] 'nú[^] uí[^] e líng[^]na' dsea[^] quié⁻ e, jo nijmér⁻ lajo co[^] ja' cuíñ[^] i dsea[^] i casíng[^] jnea[~] fí[^] jmigüí[^] la.

²² Jo faco[^] mí[^] jnea[~] ja' cagüén⁻n fí[^] jmigüí[^] la e caga[^]ée⁻ e dsea[^] jmigüí[^] júu[^] quiá⁻ Fidié[~], joba' ja' calilí[^]r[^] jóng e líñ[^] dsea[^] røøng[^] dsee⁻ faco[^] lajo; jo dsuco[^] lanagui nica'güém⁻baa fí[^] la e quíe⁻ júu[^] quiá⁻ Fidié[~], joba' jo' cuóøng[^] lí[^] fé[^]r[^] náng[^] e ja' dsee⁻

røøiñ, co' dseáng' lajob líiñ'. ²³ Jo jaléng' dsea` i 'ní' níng' jnea~, joba' la quie' Tiquié'e dsea` guing~ ñifi' 'ní' níñ' cajo. ²⁴ Jo ja` dsee- røøng' dsea` jmigüi' faco' mi~ jnea~ ja` cajmé-e jee~ ír' jalé' e quí' i jmi~ e cajmé-e e jii' jaang' dsea` jiéng' ja` quí'r' jmi~ mi~ cajméer'. Jo ja` ee' lí' e nicangáb- jaléng' i dsea` í' jalé' e quí' i jmi~ do, jo dsu' mí' 'noo'bi' 'ní' níñ' jnea~ jogui' 'ní' níñ' Tiquié'e cajo. ²⁵ Jo dsijé' jalé' e na, co' dseáng'- 'néb- liti~ lajii' laco' tóo' fí' ní' jì' quiá'- Fidié' e cajme' dsea` malii' gui eáang' lí' fé' lala: "Eáang' calí' 'ní' níng' dsea` jnea~ e jii' ja` uing~ sea`."

²⁶ Jo dsu' mi~ niguiéng'- túu' fí' ñiff-, joba' nisín- n e Jmiguí' quiá'- Tiquí'ii' Fidié' e siiiñ' e laco' nijmicóo' 'nú'; jo e Jmiguí' dob cajo e ní' e 'nú' jalé' e já' jogui e nifé' uii' quie- e jalé' e ní' e jmóo. ²⁷ Jogui' 'nú' cajo dsea` catíng'- na' e nifo' na' uii' quie- e fí' quini' dsea` jmigüi', co' conrøøb' nicalisé' naa' jii' ie~ latí' mi~ calicuíng' rú' naa' do.

16

¹ Jo fii' i 'nú' jalé' e júu^ la e lí' laco' ja` nilitúng- óo' na' e já'- líng' na' júu^ quie- e. ² Co' jaléng' dsea` góo' naa' dsea` Israel ni' uoiñ- 'nú' fí' dsí' guá'- quí- naa', jo jii' gui' niguié' jmi~ e doñi' ii' dsea` i nijngáng'- 'nú' ní' dsíir' e lajoba' e jmitir~ ta' fí' quini' Fidié' fíng song cajméer' lajo. ³ Jo nijmér- jalé' e na uí' e ja` mí' calicuím' bir jnea~ o' gui' mí' calicuíñ' Tiquí'ii' dsea` guing~ ñifi' cajo. ⁴ Jo fii' i 'nú' lana e lí' laco' mi~ nití' í' e nidsijé' jalé' e jo, joba' niguiéng' áa' na' e nicafii' baa 'nú' jééng' gui' e nilí' lajo.

Lajii' ta' óo' Jmiguí' quiá'- Fidié'

'Jo ja` mí' cafii' i 'nú' jalé' e na latí' mi~ uing~, co' lajee' jo táam' jnea~ cóo' 'nú'. ⁵ Jo dsu' lanagui' ngóo' catí' í' quie- e e ninín' túu' fí' ñiff- e nijaa' cóo' i dsea` i casíng' jnea~ fí' jmigüi' la, jo jii' jaang' 'nú' ja` mí' cajmingii' na' jnea~ jie~ fí' lí' ninín' n. ⁶ Jogui' 'nú' lí' lí' jmoo' na' fí' í' dsu' fii' i 'nú' jalé' e júu^ na. ⁷ Jo dsu' dseáng'- jáb'- júu^ e fii' i 'nú' la, e guiá' gui' ni' uíng- quí' na' e niním' baa. Co' fíng song ja` ninín' n, joba' ja` quí' jmi~ jóng e nigüéng- i nijmicóo' 'nú' fí' jmigüi' la, jo dsu' mi~ niguién' n fí' ñiff-, joba' jneab~ dsea` nisín' n i nijmicóo' 'nú' fí' jmigüi' la. ⁸ Jo mi~ nigüéng- í', joguib' nijmitar~ dsí' dsea` jmigüi' jalé' dsee- quíiñ' jogui' jial lí' e seeng' dsea' e ja' éer' dsee-, jogui' cajo jial ii' Fidié' í' laco' catíng-. ⁹ Jogui' e Jmiguí' do nijmita~ dsí' dsea' e líng' dsea' i røøng' dsee- uii' e ja' já'- líiñ' júu^ quie- e; ¹⁰ jogui' e Jmiguí' do cajo nijmita~ dsí' dsea' e jnea~ ja' røøñ- dsee- co' niníng' túu' cóo' Tiquí'ii' Fidié' jo jo' nimáang~ gui' jnea~ fí' jmigüi' la. ¹¹ Jogui' cajo e Jmiguí' quiá'- Fidié' doba' nijmita~ dsí' dsea' jmigüi' e nica' í' Fidié' í' laco' catíng- quiá'- fii' i 'líng' i quí' ta' fí' jmigüi' la, co' dseáng'- latab~ ni' iñ' iihuí'.

¹² Jo jmigui' bi' jalé' e sea' nifii' i 'nú', dsu' ja' nifii' i 'nú' jalé' e jo dseáng'- lana e lí' laco' ja' ni' uíng- jmigui' quí' na'. ¹³ Jo dsu' mi~ tí' lí' nigüéng- e Jmiguí' quiá'- Fidié' do jee' 'nú', joba' e job e nicá' jmang'- júu^ já'- quí' na', jogui' e job cajo e ní' e 'nú' jalé' e ja' mí' cafii' i 'nú' lana; co' ja' nifé' jii' laco' í' dsí' 'nia' e Jmiguí' do, co' lajii' júu^ e ní'ng' quiá'- Fidié', jii' joba' e nifé'; jogui' cajo ní' e 'nú' e jalé' e nidsijé' fí' jmigüi' lajee' lí' dsé' gui'. ¹⁴ Jo e Jmiguí' do nifé' gui' uii' quie- e, co' nicuó' 'nú' lajii' e ní'ng' quié- baa e laco' niliñ' na' jalé' e jo. ¹⁵ Jo lajib' jalé' e sea' quiá'- Tiquí'ii' e quie- baa lí' cajo, jo uii' e lajoba' e fá' a e lajalé' e júu^ e ní'ng' e Jmiguí' do jáa' fí' quie- baa, jo jaléb' e jo nicuó' 'nú' e ningáng' na'.

¹⁶ Jo fii' guí' 'nú' cajo e jo huóø- táang' guí' jee' 'nú', joba' jo' nimáang~ gui' jnea~; jo dsu' mi~ ningí' guí' jii' lajo, joba' nimáam' tu' jnea~ calé' catú-.

Cateá'ba' e calíng' dsea' guijáng' quiá'- Jesús fí' í'

¹⁷ Jo mi~ canúu- i dsea' guijáng' do lajii' júu^ e cajíng'- Jesús do, joba' canaaiñ' jmingí'- rúíñ' la' ó' yaaiñ' jo siiiñ':

—¿E' gui' guóng' e fé' i Fii' naa' na mi~ jiiñ' e jo huóø- dsé- e táang' guí' fí' jee~ jneaa~ aa', joba' jo' nineeng~ guí' re, jo dsu' mi~ ningí' guí' jii' lajo, joba' nineem' túu' re calé' catú-?

jogui ¿e~gui guóng' e jíñ' e nidséiñ' fí lí~ guing~ Tiquiá'r^ fí ñifí? ¹⁸ Jogui cajo, ¿e~gui guóng' e jíñ' e jo' huóø- dsé- e táang'guir jee~ jneaa'aa'? Jo lana dseáng'- jii' capí^ ja ngáng'naa' e~ guóng' jalé' e fé'r' na.

¹⁹ Jo dsifib' calilí^ Jesús e i dsea` quiá'r- do lîm~ ee' iin~ nijmingí'r- dsea` do, joba' lalab cañiir` quiá'- i dsea` quiá'r- do jo cajíñ'-:

—Jnea~ nicafí~i 'nú' e jo' huóø- dsé- e máang'gui' jnea~ fí jmigüí' la, jo dsu' mi~ ningí'guijia lajo, nimáam~tu' jnea~ calé' catú-. Jo ¿su e nab e iing~na' e ñí'na' do e~ guóng'? ²⁰ Jo dsu' jnea~ jmitaa^ óo'na' e mi~ tí lí~ nití- e í' jo, joba' eáam' fí'í' niling~na' jóng co' jiguí cartí' niquí^'ba', jogui ie~ jo jaléng' dsea' i ja' cuíng' jnea~ eáam' nijmi'íáang' dsíir'. Jo dsu' 'nú'gui cateá'ba' niling~na' fí'í' ie~ jo, co' cóo'~ e joba' nijmé- e nili'íáang' tu' óo'na'.

²¹ Co' e la lí' laco'gui mi~ jaang' dseam' íñ' iihuú' lajee' dsea' jmohú' quiá'r- e liseeng' jiuung~ quiá'r-; jo dsu' dsifí' mi~ caliséng' i yuu' do quiá'r-, joba' íim- dsíir' lajii'~ e iihuú' e ca'íñ' do, co' eáam' jmi'íáang' dsíir' dsu' uíi'~ e nicaliséng' i yuu' do quiá'r-. ²² Jo lajob líng' 'nú' fí'í' lana, jo dsu' mi~ nimáang~tu' jnea~ calé' catú-, joguiba' nili'íáang' áa'na' dseáng'- laco' sí'í', jo e jo jii'~ jaang' cuóøng' lí' jé'gui quíi'na' e íáang' óo'na' do.

²³ Jo ie~ jmi~ jo, jo' e nijmingí'gui' jnea~ jii'~ coo'; co' e já'-ba' e fí' i 'nú' e ie~ jo Tiquí'ii' nicuó'-bre 'nú' jalé' e nimí'na're la'eáang' cóo'~ jnea~. ²⁴ Jo dsu' latí' lana, jii'~ coo' ja' ee' mi' camí'na're la'eáang' cóo'~ jnea~; jo dsu' mí'na're joba' niñim'ba', jo lajoba' nili'íáang' óo'na' dseáng'- laco' sí'í'.

Jial laniing- 'gøng' Dsea' Jmáang-

²⁵ Jo nicafí~i 'nú' jalé' júu^ e huíng'jia ngáng'na', jo dsu' tí lí~ nití' í' e jo' nifóng'^guí 'nú' cóo'~ jalé' e júu^ jo, co' ie~ jo dseáng'- condséeb' nifí' i 'nú' cuaiñ~ quiá'- Tiquí'ii' dsea' guing~ ñifí-. ²⁶ Jo mi~ nití- e í' jo, 'nú' nimí'na're e nijmicóo'r' 'nú' la'eáang' cóo'~ jnea~; jo ja' fá' jnea~ e nimí' i Tiquí'ii' uíi' 'nú', ²⁷ co' 'ñiab' Tiquí'ii' 'neáaiñ' 'nú' cajo uíi' e 'neáam'ba' jnea~ jogui e já'- nilíng'na' e Fidié' dsea' casíiñ' jnea~ fí jmigüí' la cuaiñ~ quiá'r-. ²⁸ Co' fí lí~ guing~ Tiquí'baa' cajú-u mi~ cagüén-n fí jmigüí' la, jo dsu' lanagui nitú'baa fí la e laco' niníng'^túu fí lí~ guíiñ~ fí ñifí-.

²⁹ Jo mi~ cangí e cajíng'- Jesús lajo, joba' lalab cajíng'- i dsea` guijáng` quiá'r- do jo casí'r- dsea` do:

—Jo lanaguiba' fó' 'nú' condséé' dseáng'- laco' la ngáng'naa' náng. ³⁰ Jogui lana nine~baa' cajo e lajib' ní' 'nú', joba' jo' 'né- fa' ii' nijmingí'gui' 'nú', co' cóo'~ jii'~ e júu^ nab nijáb'- lí'naa' e Fidiéeb' dsea' casíiñ' 'nú' fí jmigüí' la cuaiñ~ quiá'r-.

³¹ Joba' cañi' Jesús quiá'- i dsea` quiá'r- do jo casí'-reiñ':

—Jo ¿su lanaguiba' já'- nilíng'na' lajii'~ júu^ e fí' i 'nú'? ³² Jo dsu' lana dseáng'- ngóo' catí' í' e nináng' sojóng-na' lajaang' lajaang'na' fí la fí na, joba' 'ñiá'baa nitiúung-guí. Jo dsu' e já'- e ja' 'ñiá'a seen- cajo, co' seem' Tiquí'ii' colíng~ cóo'~ jnea~ contøng-. ³³ Jo fí' i 'nú' jalé' e júu^ la e lí' laco' niliseeng'na' juguiú- júu^ røø' la'eáang' e seeng'na' cøøng' cóo'~ jnea~; jo 'nú' fí jmigüí' la ni'íng'na' iihuú', jo dsu' ja' jmitúng^ óo'na' uíi'~ e jo, co' jnea~ nicalí'baa fí i 'líng' i ngí' ta~ jmigøøng' dsea' fí jmigüí' la.

17

Mi~ camí' Jesús uii~ quiá'- dsea` quiá'r-

¹ Jo mi~ cangí e café' Jesús jalé' e júu^ jo fí quini' dsea` guijáng` quiá'r-, joba' caséer' nir~ fí yá'^ jmigüí' jo cajíñ'- lala:

—Teaa~, lanab catí' í' quié' e, joba' jmi'goo' jnea~ e lí' laco'gui jnea~ nijmi'goo' 'nú'. ² Co' 'nú' nicacuóø' jnea~ e oo- ta~ jee~ jaléng' dsea' jmigüí' e laco' jaléng' dsea' quíi' i nicacuóø'n~ jnea~, nicuóø'øre e niliseeiñ' cøøng' cóo'~ 'nú' lata~. ³ Jo niñiñ' e seeiñ' cøøng' cóo'~ 'nú' lata~ fíng song calicuíñ' 'nú' jogui caliñir' e jii'~ 'nab' dsea' lín' Fidié' i já', jogui fíng song calicuíñ' jnea~ cajo e lín'n Dsea' Jmáang- i casíng' 'nú' fí jmigüí' la.

4'Jo jnea~ nicajmí'goo~baa 'nu' jee~ jaléng' dsea`jmigüí, co' lana nicatám'baa lajüí~ ta~ quíe~ e e casín' jnea~ e cagajmée'e fí' jmigüí la. 5'Joba' fón'n 'nu' lana, Teaa~, e nijmí'góo' jnea~ mí~ niguién'~túu fí' cáan' na lí' laco'gui la jmi'goo' 'nu' jnea~ fí' ñiff' quíí'~ lajüí~ ie~ mí~ nú'~gui e catiroo'~ jmigüí.

6'Jo jaléng' dsea` i caguíng'~ 'nu' jee~ jaléng' dsea` jmigüí e laco' ca'uíñ~ dsea` quíe~ e, joba' nicajmé~baa e nicalíñir' i~ dseáng'~ líng' 'nu'. Jo lajüing' dsea` i cacuøon'~ jnea~ do, dsea` quíí'~ba' líññ, jogui lana nica'ím'bre jalé' júu^ quíí'-. 7'Joba' lana jaléng' i dsea` quíe~ e do ñíñir' e jalé' e nica'íng'~ jnea~, 'nu' dsea` nicacuøø'~ jnea~ e jo, 8'co' nicaníí'~baa jee~ jaléng' i dsea` quíe~ e la jalé' júu^ e ca'ín'~n quíí'~, jo nica'ím'bre jalé' e júu^ jo. Jo dsea` do nicalilí'~bre e dseáng'~ 'nu' dsea` casín' jnea~ fí' jmigüí la, jogui dseáng'~ jáb'~ líññ cajo e gáa' jnea~ fí' lí' guíng'~ 'nu' fí' ñiff'.

9'Jogui lana mñí'~i 'nu' uii~ quíá'~ jaléng' i dsea` í; jo dsu' ja' mñí'~i 'nu' uii~ quíá'~ jaléng' dsea` jmigüí i ja` líng' dsea` quíí'~, dsu' júí'~ dsea` i cacuøon'~ jnea~ dobing' i mñí'~ uii~ quíá'~, co' júí'~ í'bing' i líng' dsea` quíí'-. 10'Jo e quíib' 'nu' lajalé' e sea` quíe~ e jogui e quíeb' jnea~ lajalé' e sea` quíí'~, jogui la'eáang' i dsea` la nijnéng' jial tíí' niguo'~ lín'n.

11'Joba' fñí'~guí 'nu', Teaa~, jo`nija`gui jnea~ fí' jmigüí la, dsu' jaléng'gui i dsea` quíe~ e la nijé~bir fí' jmigüí la lajee' e niníng'~ jnea~ e nijaa^ cóo'~ 'nu'. Jo co' 'nu' dsea` güean'^, joba' mñí'~i 'nu' e nijmée'^ í' i dsea` quíe~ e la la'eáang' cóo'~ e 'gøñ' do lí' laco'gui e nicacuøø'~ jnea~ e 'gøñ'n cajo, jo lajoba' niliseeng' i dsea` quíe~ e la cøøng' cóo'~ jneaa~aa' lí' laco'gui la seeng' 'nu' cóo'~ jnea~ dseáng'~ conrøø. 12'Jo lajee' e nicataan'~n fí' jmigüí la cóo'~ jaléng' i dsea` quíe~ e la, nicaneb'~ nii~re jogui nicajmé~baare í' la'eáang' cóo'~ e 'gøng' quíí'~ lí' laco'gui e nicuøø'~ jnea~ e lín'n. Jo júí'~ jaang' i dsea` quíe~ e la ja` mí' ca'naaiñ' cóo'~ jnea~, dsu' dseáng'~ júí'~ i jaang' i nijáng' jnea~ fí' jaguó' jaléng' dsea` i 'ní' níng'~ jnea~, júí'~ í'bing' i nica'naang' conguaí', jo dsu' nicalí'~ lajo e lí' laco' nilití' lajüí'~ e too' fí' ní' jì' quí' ii' e cajme' dsea` malí'~gui eáang'.

13'Jo lanagui catí' í' e ninín'~n fí' lí' guíin'~; jo dsu' jalé' e júu^ e fá'a la, fá'a lajee' e táam'bñí' fí' jmigüí la e lí' laco' jaléng' i dsea` quíe~ e la nilí'íáang' dsíir' dseáng'~ laco' sí'í' lí' laco'gui la íáang' dsii' 'ñíá'a' cajo. 14'Jo jnea~ nicaníí'~baa júu^ quíí'~ jee~ i dsea` quíe~ e la, jo dsu' jaléng' dsea` jmigüí i ja` cuíng' 'nu' 'ní' níim'bre jaléng' dsea` quíe~ e la, co' jaléñ' la ja` jí'r~ jalé' e 'lí' e sea` fí' jmigüí la o'gui jnea~ jí'~i jalé' e jo cajo. 15'Jo dsu' ja' mñí'~i 'nu' e laco' ni'uøon'~ i dsea` quíe~ e fí' jmigüí la, co' lajüí'~ e mñí'~i 'nu' e nijmée'^ í' íbre e laco' ja' nijmigøøng' i 'líng'~ ír'. 16'Jo lí' laco'gui jnea~ ja' jí'r~i jalé' e 'lí' e sea` fí' jmigüí la, joba' lajob líng' i dsea` quíe~ e la cajo, co' ja' jí'r~ jalé' e jo. 17'Jo mñí'~guí 'nu' e nijmigüeang'~ i dsea` quíe~ e la e laco' nijmér'~ lajüí'~ ta~ e niquíá'^ quíá'~bre la'eáang' e nica'íñ'~ jalé' júu^ quíí'-. 18'Jo lí' laco'gui 'nu' casín' jnea~ jee~ jaléng' dsea` i ja` cuíng' 'nu' fí' jmigüí la, joba' lajob jnea~ cajo nisín'~n i dsea` quíe~ e la jee~ jaléng' dsea` i ja` cuíng' 'nu'. 19'Jo nijáang'~ 'ñíá'a' e nijmee'~ e lajüí'~ e iing'~ 'nu' e lí' laco' i dsea` quíe~ e na nijáng'~ yaaiñ' e nijmér'~ lajüí'~ e iing'~ 'nu'. Jo nilí'~ lajo la'eáang' cóo'~ e já' líng' i dsea` quíe~ e la jalé' júu^ quíí'.

20'Jo ja' mñí'~i 'nu' dseáng'~ júí'~ uii~ quíá'~ i dsea` quíe~ e la, co' lajob cajo mñí'~i 'nu' uii~ quíá'~ jaléng' i ná'~gui i nijá'~ líng' júu^ quíe~ e mí' tñí'~ ninúr' e júu^ e ní' i dsea` quíe~ e la. 21'Jo mñí'~i 'nu' e jaléng' i dsea` í niliseeíñ' dseáng'~ cøøng' lajee' la'ó' rúñ' e laco' ni'uíñ'~ lafa' jaang' dsea` la'eáang' e seeíñ' cøøng' cóo'~ jneaa~aa', Teaa~, lí' laco'gui seeng' 'nu' cøøng' cóo'~ jnea~ jogui jnea~ seen' cøøng' cóo'~ 'nu'. Jo mñí'~i 'nu' e güiliseem'bre cøøng' lajo la'ó' ír' lí' dseáng'~ laco' sí'í', jo lajoba' nilijá'~ líng' jaléng' dsea` jmigüí e 'nu' dsea` casín' jnea~ fí' jmigüí la. 22'Jogui nicacuøø'~baa jaléng' i dsea` quíe~ e la e niligüeaiñ'~ lí' laco'gui 'nu' nicacuøø'~ jnea~ e nicaligüean'~n, jo lajoba' i dsea` quíe~ e la ni'uíñ'~ lafa' jaam' dsea` lí' laco'gui la líng' jnea~ cóo'~ 'nu' e jaam' dsea` lí'í'~: 23'jogui niliseeng' jnea~ cøøng' cóo'~ ír' jogui 'nu' cøøng' cóo'~ jnea~, jo lajoba' ni'uíng'~ lajüíñ' do dseáng'~ lafa'

jaam`dsea`, jo lajoba' nililí` jaléng` dsea` jmiǵüi` e `nub` dsea` casín` jnea` fí` jmiǵüi` la, jogui e eáam` 'neáan`re cajo lí` laco`gui la 'neáang` 'nua` jnea`.

²⁴ Jo mí`guí` 'nua`, Teaa~, co' 'nub` dsea` cacuóon` jnea` jaléng` i` dsea` quié` e la, joba' iing` jnea` e seem`bre cøong` cóo` jnea` fí` lí` niní`i, jo lajoba' ninír` jial tí` niguó` lán`n, jo e job e cacuóo` 'nua` jnea` do. Co' lajii` lí`ba' e 'neáan` 'nua` jnea~, co' lajii` latí` mí` ná`-gui e catiroo` jmiǵüi`ba' e jmoo` lajo cóo` jnea`. ²⁵ Teaa~, dseáng` eáam` guiúng` 'nua`, jo fíim` dsea` i` seeng` fí` jmiǵüi` la ja` cuíin` 'nua`; jo dsu' jnea` dseáng`-lajam`-cuín`n 'nua`, jogui niñi`bi jaléng` i` dsea` quié` e la e 'nub` dsea` casín` jnea` fí` jmiǵüi` la. ²⁶ Jogui nicacuóo`-baar e caliñir` i` dseáng`-líng` 'nua`, jogui mí` 'noo`bi nifí`re lajo cajo e laco` nijmi`neáang` rúin` lí` laco`gui la 'neáang` 'nua` jnea`; jogui lajoba' niliseeng` jnea` cøong` cóo`-ír` cajo.

18

Mí` casang`-dsea` Jesús

(Mt. 26:47-56; Mr. 14:43-50; Lc. 22:47-53)

¹ Jo mí` cangí` e casíng` Jesús cóo` Tiquiá`r, joba' cagüi`í`bre colíng` cóo` i` dsea` guiáng` quiá`r` do e fí` dsíi` 'núu` tú` fíng` do, jo cangolín` lí` lí` 'ngóo` lí` iu` coo` íi` e sii` Cedrón. Jo mí` catáin` lí` lí` 'ngóo` e íi` do, jo caguilín` fí` coo` dsíi` iá`, jo fí` job caí` Jesús colíng` cóo` i` dsea` quiá`r` do. ² Jogui i` Judas Iscariote i` nicanaang` 'níng` Jesús do, guiáb`-cuír` e fí` dsíi` iá` jo, co' lamí` jéeng`gui jmiǵuiab` ya' caseáng` Jesús cóo` i` dsea` quiá`r` do e fí` jo. ³ Jo fí` job caguié` Judas Iscariote ie` jo, jo nijéiñ` i` fíng` 'léé`-quiá`-dsea` romano cóo`-gui coo` tú`-míng`-dsea` i` néé` ni` guá`-quiá`-dsea` Israel i` casíng` fíi` jmidsea` quiá`-dsea` do colíng` cóo` i` dsea` góor` i` líng` dsea` fariseo cajo. Jo jaléng` i` dsea` do quier` jalé`-ñisü` cóo`-gui jalé`-quí` e coo` e laco` cuo` jí` e jné`r. ⁴ Jo co' niñi`bi Jesús jalé` e tí` lí` nidsingíin` do, joba' mí` calilí`r` e caguilíng` i` dsea` do fí` jo, joba' casíng` 'ñia`r` tí` quini`gui laco` la teáang` i` dsea` quiá`r` do, jo lalab cajmingí`r` i` dsea` i` caguilíng` do jo cajín`-:

—¿Í` ñilíng`-na' 'náng`-na' fí` la?

⁵ Joba' cañi` i` dsea` do quiá`-Jesús jo cajín`-:

—Jesús i` seeng` fí` Nazaret 'néng`-naa'.

Joba' cañi` Jesús quiáin`- do jo casí`r` dsea` do:

—Jnea`-bi dsea` í`.

Jo ie` jo dob quíng`-Judas Iscariote jee` i` dsea` i` caguilíng`-tø` Jesús do. ⁶ Jo mí` tí` lí` cajíng`-Jesús e í`bre siir` lajo, joba' lajim` i` dsea` i` caguilíng`-do catø`-yaaiñ`-ladsifí`-lana cartí`-caneáin`-uø`. ⁷ Jo mí` cangí` jo, Jesús cajmingí`-tur i` dsea` do jo casí`-reiñ`:

—¿Íi` dseáng`-i` 'náng`-na' fó`-na'?

Joba' cañi`-tu` i` dsea` do quiá`-Jesús jo cajín`-:

—Jesús i` seeng` fí` Nazaret 'néng`-naa'.

⁸ Joba' Jesús cañi`-tur quiáin`- do calé`-catú`-jo casí`-reiñ`:

—Jo nicafí`-baa`-nua` e jneab`-dsea` í`, jo song`-jneab`-dsea` 'náng`-na', joba' cuoø`-ba' fí` i` dsea` quié` e la e nidsilíin`.

⁹ Jo café` Jesús e júu`-na e lí` laco` caliti`-lajii`-júu`-quiá`r` e café`r` lamí`-jéeng`gui mí`-cajín`-lala: “Teaa~, jaléng` i` dsea` quié`-i` cacuóon` jnea` do, jii`-jaang`-ja`-ii`-ca`naang` cóo` jnea`.” ¹⁰ Jo dsifí` lanab cagui` Tú` Simón ñisü` e quier` ie` jo, jo caquiur` cataang` logua`-dsée`-quiá`-jaang`-dseañu` i` sii` Malco i` nilíng`-dsea` 'léeng`-quiá`-i` jmidsea` i` laniing`-ie` jo. ¹¹ Jo mí` cangá` Jesús quiá`-lajii`-e calí`-do, joba' lalab casí`r`-Tú` Simón jo cajín`-:

—Tú`, te`-tu` ñisü`-quié`-eáang`-quiá`-, co' Tiquié`-baa` i` cuoø`-jneab` e iihuí`-la, joba' 'né`-ni`im`-baa`-jii`-laco` e nicuoø`-.

Mi cangojgeáaiñ Jesús fi quini jaang jmidsea i sii Anás

(Mt. 26:57-58; Mr. 14:53-54; Lc. 22:54)

¹² Jo mi cangf jo, jaléng' i 'léé do cóo' gui i fi quiá'r do coling' gui cóo' i dsea' Israel i néé ni guá' quiá'r, casam' bre Jesús jo cañá'r guoo' dsea' do. ¹³ Jo la'uii cangojgeáaiñ dsea' do fi quiá' jaang' jmidsea i sii Anás, co' í niliñ' ngoo' quiá' i jmidsea i sii Caifás ie jo, jo i Caifás do líiñ' jmidsea' laniing' quiá' dsea' Israel ie jii jo. ¹⁴ Jo i jmidsea' Caifás lab cajo, lami jéeng' gui casí'r dsea' i quie' nifi quiá' dsea' Israel e guiá' guib ni'uíng' quiá' jaléng' i dsea' í e nijúung' jaang' dseañ' cuaiñ' quiá' góor' laco' gui e nijúung' i fñng' i dsea' góor' do.

Mi cajíng' Tú Simón e ja' cuíñ' Jesús

(Mt. 26:69-70; Mr. 14:66-68; Lc. 22:55-57)

¹⁵ Jo mi catór' Jesús fi quiá' i jmidsea' Anás do, jo ti'leám' gáng' dsea' quiá' Jesús laco' cangáng' dsea' do, jaaiñ' do siir' Tú Simón, jogui i jaang' gui do cuim' rúñ' cóo' i jmidsea' laniing' do, joba' ca'í' biñ' do e fi dsí' lí' catór' Jesús, ¹⁶ dsu' i Tú Simón do fi caluu' o'nú' cajér'. Jo mi calilí' i dsea' quiá' Jesús i cuing' rúng' cóo' i jmidsea' laniing' do e caluub' cajé' Tú Simón, joba' cagü'í' bre fi caluu' jo casíñ' cóo' i dseam' i sing' jmóo' í e jn'í do e laco' nicuóñ' do fi e ningíng' Tú Simón fi dsí' siguí' quiá' e 'nú' do, joba' cacuø' biñ' do fi lajo. ¹⁷ Jogui i dseam' i jmóo' í e jn'í do, lalab cajming' r' Tú Simón jo cajíñ' :

—¿Su o' dsea' quiá' i dseañ' i ni'í' nabi 'nu'?

Joba' cañí' Tú Simón quiá' i dseam' do jo casí' reiñ' :

—U', o' í jnea' .

¹⁸ Jo co' ie jo eám' güí' , joba' jaléng' dsea' 'léeng' i jmóo' ta' sinú' quiá' i jmidsea' Caifás do cóo' gui jaléng' i néé ni guá' quiá' dsea' Israel nica'j' r' j' e siguí' do, jo fi dob neáaiñ' jmiguiáñ' ca' j'. Jo fi dob cajé' Tú Simón e jmiguiáñ' cóoñ' do cajo.

Mi caguiéng' Jesús fi quini fi jmidsea'

(Mt. 26:59-66; Mr. 14:55-64; Lc. 22:66-71)

¹⁹ Jo lajee' e teáng' i dsea' i jmiguiáng' e fi siguí' do, joba' dob iuung' Jesús cóo' gui i fi jmidsea' do e fi dsí' sinú' do. Jo lajee' jo i fi jmidsea' do canaiñ' jming' r' Jesús uii' quiá' dsea' quiáñ' do cóo' gui jalé' e nica'e'r' jaléng' i dsea' í cajo.

²⁰ Joba' lalab cañí' Jesús quiá' i dsea' do jo casí' reiñ' :

—Jnea' nica'ée' e jaléng' dsea' fi jee' dsea' fñm' ; jogui contøom' nica'ée' ere fi dsí' sinú' guá' jiu' osi fi guá' fé' quiá' dsea' góo' naa' dsea' Israel e si' fi Jerusalén e fi lí' seáñ' e laco' jmiféñ' Fidié' ; jo ja' mí caguiá' jalé' e júu' jo fa' coo' lí' ja' lí' nú' dsea' . ²¹ Joba' , ¿jiali' jnea' jming' e jo? Co' cuøom' güijming' jaléng' i dsea' i nicanúu' jalé' júu' quie' e e nica'guiá' do, joba' í'bing' i nijmeá' 'nú' júu' e jalé' e nica'fá' ire do. Co' niñib' jaléng' i dsea' í jalé' e júu' e nica'fá' a do.

²² Jo mi tí' lí' cañí' Jesús quiá' i fi jmidsea' do e júu' jo, joba' jaang' i dsea' i néé ni guá' quiá' dsea' Israel do cajnéer' moni' Jesús, jo mifñng' casí' r' dsea' do jo cajíñ' :

—¿Su lanab ngü' quiá' i fi jmidsea' na?

²³ Joba' cañí' tu Jesús quiá' i dsea' do jo casí' reiñ' :

—Song gab' lí' e júu' e nica'fá' a na, joba' iin' n' jmée' júu' jiali' e lí' lajo e nica'fá' a na; jogui song guiáb' lajii' e júu' e nica'fá' a na, joba' ¿jiali' caba' moni' ?

²⁴ Jo mi cangf jo, i fi jmidsea' Anás do caguiéñ' Jesús e 'ñúung' dsea' do fi quini i fi jmidsea' rúñ' i sii Caifás do.

Mi cajíng' tu Tú Simón e ja' cuíñ' Jesús

(Mt. 26:71-75; Mr. 14:69-72; Lc. 22:58-62)

²⁵ Jo lajee' jo, dobi sing' Tú Simón e jmiguiáñ' fi 'ni' j' e fi siguí' do, jo coo' cajming' r' i dsea' teáng' do ír' jo cajíñ' :

—¿Su o' quíim' bi' nu' jee' dsea' quiá' i dseañu' i iuung' do?
 Joba' cañi' Tú' Simón quiáiñ' do jo casí' reiñ':

—U', o' í' jnea'.

²⁶ Jo mi' cangí' jo, jaang'gui dsea' 'léeng' quiá' i jmidsea' laniing' do i líng' ee' i dseañu' i caqui' Tú' Simón logua' do, jo dsea' í' cajmingí'r' Tú' Simón lala jo cajíñ':

—¿Su o' 'nu' bi' i camán' n mi' cangoséng' naa' i Jesús na e fí' dsí' íá' do?

²⁷ Jogui calé' catú' cajíng' Tú' Simón e o' dsea' í' líiñ', joba' dsifí' mi' cangí' lajo mifíng' caqui' jaang' tuidsee' jóng.

Mi' cangojgeáiñ' Jesús fí' quini' dseata Pilato

(Mt. 27:1-2, 11-14; Mr. 15:1-5; Lc. 23:1-5)

²⁸ Jo mi' cangí' jo, caguim'bre Jesús fí' quiá' i jmidsea' Caifás do, jo cangojgeáiñ' dsea' do fí' quini' jaang' dseata' romano i sii' Pilato. Jo dsuco' ie' jo nijaquíéng' nijneáb', jogui guati' ló' jmiib' cajo, joba' ja' cangotáang' i dsea' Israel do fí' dsí' e 'nu' fí' do, co' faco' mi' cajméer' lajo, joba' ja' jmitir' jóng lajii' júu' quiu' ta' quiá'r' quiá' lajii' e qui' tiiñ' e jmóor' mi' tí' jmi' Pascua; jo co' ja' cangotáang' guir fí' dsí' jo, joba' cuóom' dó'r' e jmiñi' e silíng' e gó'r' ie' jmi' jo. ²⁹ Jo mi' tí' lí' cangá' dseata' Pilato e nitée' dsea' Jesús, joba' cagüi' í'r' jo casí'r' jaléng' i dsea' do lala:

—¿E' dsee' e cuó' na' i dseañu' na?

³⁰ Joba' cañi' dsea' Israel quiá' i dseata' Pilato do jo casí' reiñ':

—Fa' jii' gui' i dseañu' la ja' jmóor' ta' 'léé' jee' jaléng' dsea', joba' ja' jáang' naa' re jóng fí' quini' faco' lajo.

³¹ Joba' lalab cañi' dseata' Pilato quiá' i dsea' Israel do jo cajíñ':

—Tee' 'nú' yaang' na' i dseañu' góo' na' na jo quidsi' na' í' quiá'r' yaang' na' lí' laco' gui' la qui' tiiñ' na' cóo' júu' quiu' ta' qui' na', 'nú' dsea' líng' na' dsea' Israel.

Jo mi' canúu' i dsea' Israel do e júu' jo, joba' lalab cajíñ':

—Dsú' jnea', dsea' lí' naa' dsea' Israel, ja' sea' fí' qui' naa' quiá' dsea' romano e nicuóom' naa' iihu' lí' doñi' i dsea' cartí' nijúuiñ'.

³² Jo job caliti' lajii' júu' e cajíng' Jesús lamí' jéeng' gui' quiá' jial lí' 'mó' e nitiiñ'. ³³ Jo mi' cangí' jo, ca' íb' tu dseata' Pilato fí' dsí' 'nu' fí' quiá'r', jo cató'r' Jesús fí' lí' quidsir' í', jo cajmingí'r' dsea' do jo cajíñ':

—¿Su 'nu' i líng' dseata' dsea' féng' i quie' nifi' quiá' dsea' Israel?

³⁴ Joba' cañi' Jesús quiáiñ' do jo casí'r' dsea' do:

—¿Su uó' ba' iin' ñi' e jmingí' jnea' na, ofa' lí' canúu' e fé' dsea' jiém' é?

³⁵ Joba' lalab cañi' dseata' Pilato quiá' Jesús jo casí'r' dsea' do:

—Ja' dsea' Israel líng' jnea' la. Co' jaléng' dsea' góo' dsea' Israel colíng' gui' cóo' jaléng' fii' jmidsea' qui' na', dsea' í'bing' i nicajáng' 'nu' fí' quini' la lana. Jogui' 'nu', ¿e' dsee' sea' qui' quiá' e 'níng' dsea' 'nu'?

³⁶ Joba' lalab cañi' tu Jesús quiá' i dseata' do jo cajíñ':

—Ja' sí' íng' jnea' e niqui' u' ta' laco' gui' quiu' ta' jaang' dsea' jmigüí' fí' la, co' faco' lajo, joba' seem' dsea' quie' e i nijmeáan' n ta' e laco' ja' nijáng' dsea' jnea' fí' quini' dsea' góo' dsea' Israel faco' lajo. Co' lí' laco' fá' na, e ja' sí' ín' e niqui' u' ta' laco' jaang' dsea' jmigüí'.

³⁷ Joba' cañi' tu dseata' Pilato quiá' Jesús jo casí'r' dsea' do:

—Jo 'nu' dsea' lí' dseata' dsea' féng' i quie' nifi' quiá' dsea' Israel liya.

Joba' cañi' tu Jesús quiá' i dseata' do jo casí' reiñ':

—Lajob lí' lí' laco' gui' nicafée' na, e jneab' i dseata' dsea' féng' í'. Co' jnea' cagá' a fí' jmigüí' la mi' cangáan' n e laco' niguiaa' jalé' júu' já'. Jo jaléng' dsea' i já' líng' e júu' jo, joba' dsea' quie' baa' líiñ', co' núu' bre jalé' júu' quie' e.

³⁸ Jo mi' canúu' dseata' Pilato lajii' júu' quiá' Jesús, joba' cajmingí'r' dsea' do lala jo cajíñ':

—Jō ɷjnang̃ e júu^ já^- do?

Mi~ cahuí^ ta~ e nijúung̃ Jesús

(Mt. 27:15-31; Mr. 15:6-20; Lc. 23:13-25)

Jō mi~ cangí e cajmingí dseata~ Pilato e júu^ jō, jōba' cagüi'íb'tur calé^ catú^- fí lí~ teáng^ i dsea` Israel do e laco' nisíng̃-tur cóoĩñ~ do calé^ catú^-, jōba' lalab casí'r^- i dsea` do:

—Jíi~ coo` dsee- ja` niguié' jnea~ e nica'ée` i dseañu^ la. ³⁹ Jō co' 'nú^ quí^- t́ng`na' e laan^- jaang` dsea` góo`na' i sijning̃ lajee~ mi~ tí jmi~ quí^-na' e catí lana e sii` Pascua, jōba' jmingí~ i 'nú^ lana, ɷsu iing̃`na' e nilaan^- i dseata~ dsea` féng' quí^-na' i sing' la?

⁴⁰ Jō mi~ canúu^- jaléng' dsea` Israel i teáng^- do ie~ jō e júu^ quiá^- i dseata~ Pilato do, jōba' lajím`bre canaaiñ` ta'r' mii~ jō fé'r`:

—Ja` laan^- i dsea` na! Jō jleang^- Barrabás!

Jō i Barrabás i éeiñ` do sijniñ` do dsu' uí~ e jmóor` ta~ 'ní^ níng^- dseata~.

19

¹ Jō mi~ canúu^- dseata~ Pilato lajii~ júu^ e casí^- dsea` ír` do, jōba' caquiur` ta~ e nisám' i 'lée^- quiá'r^- do Jesús e laco' nibøng̃-neiñ` do cóo~ loo~ jó^ e lí^ 'nii~. ² Jō mi~ cangí jō, i 'lée^- do cajméer` coo` lí^ corona cóo~ layaang̃ tóo', jō e job catá'r^- fí mogui~ Jesús, jogui cajliñ` dsea` do cóo~ coo` 'mi' niung' e lí^ laco' e quie' dsea` niing^- i quíu^ ta~. ³ Jō mi~ cangí jō, cangoquiéeiñ` fí quiá^- lí~ sing' dsea` do, jō lalab canaaiñ` lóoĩñ^- dsea` do jō sí'r` lala:

—iGüiliseem` huóø^, dseata~ dsea` féng' quiá^- dsea` Israel!

Jō lajee~ jō jnóor` fí moni~ dsea` do.

⁴ Jō mi~ tí lí~ cagüi'ítu dseata~ Pilato e fí lí~ teáng^ i dsea` Israel do, jōba' lalab casí^-reiñ` do jō cajíñ`-:

—E laba' fí-i 'nú^, e lab nisín`n i dseañu^ la fí quini^na' e laco' niliñi^na' e jíi~ coo` dsee- ja` mí cadsé^ e quiá'r^-, co' lajib` nicajmingí~ ire.

⁵ Jō lajee~ job cagüi'ítu Jesús e ni'iu~ e lí^ corona e lí^ cóo~ yaang̃ tóo' do fí moguir~, jogui jlíiñ` e 'mi' e niung' huíng` do. Jō lajee~ nising' Jesús fí quini~ i dsea` do, lalab cajíng^- dseata~ Pilato e sí'r` jaléng' i dsea` teáng^- do ie~ jō:

—iLab nising' i dseañu^ la fí quini^na' náng!

⁶ Jō mi~ tí lí~ cangá^- jaléng' fii~ jmidsea` quiá^- dsea` Israel cóo~ gui jaléng' dsea` i née^ ni` guá^- quiá'r^- e nising' Jesús do, jōba' lalab canaaiñ` áiñ` i dseata~ do jō fé'r`:

—iFí dse^ crúu^ teáng^ i dsea` na!

Jōba' cañi~ dseata~ Pilato quiá^- i dsea` teáng^- do ie~ jō, jō casí^-reiñ`:

—Tee`ba're, jō yaam`ba' güiteáng`na're fí dse^ crúu^, co' jnea~ ja` mí cadsé^ e jíi~ coo` dsee- quiá'r^- quiá^- lajii~ e nicajmingí~ ire.

⁷ Jō dsu' lalab cañi~ i dsea` Israel i teáng^- do ie~ jō quiá^- dseata~ Pilato jō casí'r^- dsea` do:

—Seab` coo` júu^ quíu^ ta~ quí^- jnea^, dsea` líi~ dsea` Israel, jō lalab líi: Song jaang` dsea` fé'r` e røøb` cóoĩñ` cóo~ Fidiée~, jōba' 'né^- nijúum`bre jóng. Jō lajob líi cóo~ i dsea` na, jōba' dseáng^- 'né^- nijúum`bre.

⁸ Jōba' mi~ tí lí~ canúu^- dseata~ Pilato e júu^ jō, eáng`gui cafóĩñ` jóng. ⁹ Jō ca'íb-tur e fí lí~ quíu^ ta~ do colíng̃ cóo~ Jesús, jō fí job cajmingí'r^- dsea` do jō cajíñ`-:

—ɷJie~ fí lí~ níi^ 'nu?

Jō dsu' Jesús jíi~ coo` ja` e cañi~ quiá^- dsea` do. ¹⁰ Jōba' cañi~tu dseata~ Pilato jō casí'r^- Jesús jō cajíñ`-:

—ɷSu ja` iin~ ngii~ jíi~ coo` quie^- e jóng? ɷSu ja` ní^ 'nu e cuøøm` nifi~ i dsea` quie^- e e niteáiñ^- 'nu fí dse^ crúu^, jogui cuøøm`bi cajo e nifi~ ire e nileáiñ^- 'nu faco' lajo?

¹¹ Jōba' lalab cañi~ Jesús quiá^- i dseata~ do jō casí'r^- dsea` do:

—Jíi' cōo' bî ja' sea' quíi' e niquiá' ta' quíe' e faco' ja' Fidié' nicacuø'r' 'nua' e catín' lajo; joba' i dsea' i cajáng' jnea' fí jaguóo', eáang'gui b røøiñ' dsee' laco'gui 'nua'.

¹² Jo job mi' canaang' dseata' Pilato e 'nór' jial nileáiñ' Jesús, jo dsu' mi' calilí' i dsea' Israel do e jo, joba' canaaiñ' ta' guir mii' jo s'í'r' dsea' do lala:

—Song nilaan' i dsea' na, joba' lí' lafa' 'ní' máam'ba' jóng' i dseata' dsea' féng' i guing' fí Roma, co' lí' doñí' i dsea' i jing' e líiñ' jaang' dseata' dsea' féng', joba' lí' lafa' e 'ní' níim-bre i dseata' i guing' fí Roma do.

¹³ Jo mi' tí' lí' canúu' dseata' Pilato e cajíng' i dsea' Israel do lajo, joba' caquiur' ta' e niguim-biñ' do Jesús jo nidsijeeiñ' dsea' do dseáng' lí' quidsí' dseata' Pilato í' quíá' dsea' fí cōo' lí' sii' Gabata, jo cōo' jmi' hebreo guóng' Guiá' fí lí' Siníi' Cuu'. ¹⁴ Jo ie' jo dseáng' guati'ló' jmi' Pascua quíá' dsea' Israel, jo ná' guieñib' ningóo' mi' cajíng' dseata' Pilato e casí'r' i dsea' Israel do:

—i Lab sing' i dseata' dsea' féng' i quíe' nifi' quíi' na!

¹⁵ Jo dsu' jaléng' i dsea' do canaaiñ' ta' tur mii' jo fé'r':

—i Güijúung' i dseañu' na fí dse' crúu'!

Joba' cajmingí' dseata' Pilato jaléng' i dsea' do jo casí'r' reiñ':

—i Su jneab' catín' n nijngán' n jaang' dseata' dsea' féng' i quíe' nifi' quíi' na?

Joba' cañí' jaléng' fii' jmidsea' i teáng' do ie' jo, jo casí'r' i dseata' do lala:

—i Dseáng' jii' dseata' dsea' féng' i guing' fí Roma, jii' dseata' í'bing' i seeng' quí' naa'!

¹⁶ Joba' dseata' Pilato cajám' bre Jesús fí quini' jaléng' i dsea' do ie' jo, jo i dsea' do cangojéem' bre Jesús fí lí' nitáng' dsea' do fí dse' crúu'.

Mi' catáng' Jesús fí dse' crúu'

(Mt. 27:32-44; Mr. 15:21-32; Lc. 23:26-43)

¹⁷ Joba' ca'uøøm' i dsea' do jeeiñ' Jesús, jo 'ñiab' dsea' do dsíiñ' crúu' quíá'r' cangór' fí cōo' lí' sii' Cuø' Mogui' 'Lii' e sii' bi' Gólgota cōo' jmi' hebreo e fé' dsea' Israel. ¹⁸ Jo mi' caguiliñ' fí jo, joba' fí job cateáiñ' dsea' do fí dse' crúu', jo jaang'gui dsea' taang' la cataang' cáaiñ' fí dse' crúu' cajo. ¹⁹ Jo ie' jo i dseata' Pilato do caquiur' ta' e nitó' fí yá' gui' crúu' quíá' Jesús e júu' la: “Jesús i seeng' fí Nazaret, dseata' dsea' féng' quíá' dsea' Israel.” ²⁰ Jo e jo cató' cōo' 'ní' íing' jmi', jmi' latín cōo' jmi' hebreo jogui jmi' griego. Jo fii' dsea' Israel ca'í'r' e júu' jo ie' jo, co' e fí lí' catáng' Jesús do ja' huí' eáang' laco' la née' fii' Jerusalén. ²¹ Jo dsu' mi' cangá' fii' jmidsea' quíá' dsea' Israel lajii' júu' e toø' fí yá' crúu' quíá' Jesús, joba' lalab casí'r' i dseata' Pilato do jo cajíñ':

—Guiá' gui ja' nitó' e júu' na, jo güitó' lala: “Lab i jmigóo' e líiñ' dseata' dsea' féng' quíá' dsea' Israel.”

²² Jo mi' canúu' dseata' Pilato e júu' jo, joba' lalab cañí'r' quíá' i dsea' do jo casí'r' reiñ':

—Lajii' e júu' e nicaquiá' ta' e nicató' na, dseáng' lanab nijé'.

²³ Jo mi' tí' lí' cangí' e cateáng' i 'lée' do Jesús fí dse' crúu', joba' casitíiñ' sí' dsea' do jo cajméer' guíe' lajee' quiúuiñ' la'ó' líiñ' 'lée', jmacó' e 'mi' do quíá'r' lajaang' lajaaiñ'. Jo dsu' e sí' Jesús e cōo'gui do, 'mi' contøøm' lí' jo ja' sí'mí' cajo. ²⁴ Jo lajee' jo i 'lée' do canaaiñ' sñiñ' la'ó' yaaiñ' lala:

—Ja guing' nisiing' naa' e 'mi' na, jo macó'oo' ne' duu' i nilí' nicóo'.

Jo cōo' e nab caliti' jii' laco' la fé' fí ní' jii' quíá' Fidié' e cajme' dsea' mali'gui eáang' lí' fé' lala: “Cajméeb' dsea' guíe' jalé' sí' i jogui cacóor' quíá' i nilí' e sí' i e contøøng' do.” Jo lajob dseáng' cajmée' i 'lée' do cōo' sí' Jesús.

²⁵ Jo lajee' e táang' Jesús fí dse' crúu', dob teáng' quiúung' dseamí' e tíi' laco' sí' e crúu' do; jo jaaiñ' do líng' niquiá' Jesús, jogui jaang'gui rúng' dsea' ngáang' cōo' niquiá'r', jogui jaang'gui i sii' Yá' i líng' dseamí' quíá' jaang' dseañu' i sii' Cleofas, jo jaang'gui i sii' Yá' i seeng' fí Magdala. ²⁶ Jo lajee' job cangáng' Jesús niquiá'r', jo cáang' i niquiá'r' do

sing' jaang` dsea` quiá'- Jesús i eáang` 'neáaiñ', jo lajee` jo lalab casí'- Jesús i niquíá'r^ do e éeiñ` i dsea` quiá'r- i iñ~ eáang` do jo cajíñ'-:

—Janú', dseamí, nab sing' i líng' laco' jóo' do.

²⁷ Jo mi~ cangí e jíñ'- e jo, joba' casí'r- i dsea` i iñ~ eáang` do lala:

—Nab sing' i líng' laco' niquíá'-.

Joba' mi~ cajíng'- Jesús lajo, i dsea` i iñ~ eáang` do ca'ím'bre niquíá' dsea` do e líiñ' do laco' dsea` sináa^ quiá'r-.

Mi~ cajúng- Jesús

(Mt. 27:45-56; Mr. 15:33-41; Lc. 23:44-49)

²⁸ Jo mi'míng- guíjia lajo, jo co' niñib' Jesús e nicatób' jalé' ta~ quiá'r-, jogui e laco' niliti` jíi' laco' fé' fí ni~ jí' quiá'- Fidié` e cajme' dsea` malí~gui eáang`, joba' cajíñ'- lala:

—Dsíng'- jmíjmíñ-.

²⁹ Jo ie~ jo nisi' coo` dsuu- e røøng` a~ jmí'^ mí'^ huíng` jó'^ e níji'', joba' cayé' dsea` e jmí'^ mí'^ huíng` jó'^ do cóo'~ coo' joo', jo casiguír' fí coo' yá'^ sñ-, jo cóo' e job ca'úuiñ` fí mo'oo- Jesús. ³⁰ Jo cayub' Jesús e jmí'^ mí'^ huíng` jó'^ jí' do. Jo mi~ cangí jo, joba' cajíñ'-:

—Nab nicató' lajíi' ta~ cagá-a.

Jo co' cató' e café'r' e júu^ jo, jo cajgiéer- moguir~ jo mífíng` cajúm-bre jóng.

Mi~ ca'ia` jaang` 'lée- ñisú' fí mo'uóø' Jesús

³¹ Jo 'ñia' ie~ jmí~ e cajúng- Jesús do, lí' e guati'ló- jmí~ Pascua quiá'- dsea` Israel, jo co' ja` quí'- tíng` i dsea` í fa' e seáang- 'lí~ quiá'r- fí dse' crúu^ lajee` e jmí~ jo, co' dseáng'- jmí~ e laniim- quiá'r- ie~ jo, joba' cami' dsea` Israel fí i dseata~ Pilato do e nicuóñi'- do fí e nijér- tí- i dsea` taang` dse' crúu^ do e laco' nijúuiñ'- do jminá- gui, jo lajoba' cuóøng` e nijgiáaiñ` do e fí lí~ taaiñ'- do. ³² Joba' cangím` i 'lée- do fí e nidsilíñ- e nijér- tí- i dsea` gaang` i taang` dse' crúu^ do; jogui lajob cajméer, cajéebre tí- i dsea` la'uii- i táang` dse' crúu^ cáang` Jesús do; jo mi~ cangí jo, lajob cajméer` quiá'- i dsea` jaang`gui do i táang` dse' crúu^ cajo ca' dse' crúu^ lí~ táang` Jesús. ³³ Jo mi~ caguilíng- i 'lée- do fí lí~ táang` Jesús fí dse' crúu^, joba' calilí'r^ e ni'liim~ dsea` do, joba' jo` e cajmeáiñ` dsea` do fa' cajé`guir tíiñ'-.

³⁴ Jo nañí fa' e calilí'^ i 'lée- do e ni'liim~ Jesús, dsu' jaang` lajee` la'ó' ír' ca'iar' ñisú' fí dse' mo'uóø' dsea` do, jo ladsifí lanab catuu` jmí~ cóo'~gui jmí'øøñ-. ³⁵ Jo i dsea` i fé' e júu^ la, dseáng'- e já'-ba' e cangár- laco' calí-, joba' dseáng'- jáb'- júu^ e fé'r' do e laco' jaléng` 'nú' jáb'- nilíng`na' dseáng'- laco' calí-. ³⁶ Jo cangojéé' jalé' e la e lí' laco' caliti~ lajíi' júu^ quiá'- Fidié` e fé' fí ni~ jí' quiá'r- e cajme' dsea` malí~gui eáang` lí~ fé' lala: "Jíi' coo` móo` teáaiñ'- ja` nijé'." ³⁷ Jogui fé'bigui cajo lala e fí ni~ jí' jo: "Nimáam~baa' i dsea` i líng` ee' ca'ia` dsea` quiá'-."

Mi~ ca'áng- Jesús

(Mt. 27:57-61; Mr. 15:42-47; Lc. 23:50-56)

³⁸ Jo mi~ cangí e ca'léng- Jesús ñisú', joba' ie~ jo cangó- jaang` dseañu' i sii` Sé^ i niseeng` fí coo' fñ e sii` Arimatea, jo cangór- cangomí'r` dseata~ Pilato fí e nidsijgiáaiñ` Jesús fí lí~ táang` dsea` do fí dse' crúu^ jo nidsijéeng`neiñ' fí lí~ ni'áiñ-. Jo i Sé^ do nilíiñ` jaang` dsea` quiá'- Jesús, dsu' jíi' la ñir' 'ñia'bre, co' 'góm'bre jaléng' dsea` Israel fíng song caliñiñ' do e nilíiñ' lajo. Jo cacuøb' dseata~ Pilato fí lajo, jo cangób- Sé^ e cangojgiáaiñ` Jesús fí lí~ táang` dsea` do fí dse' crúu^, jo mífíng` cangojéeiñ` dsea` do fí lí~ ca'ám-biñ'. ³⁹ Jo jaang`gui i sii` Nicodemo cangór- cajo colíng` cóo' i Sé^ do fí lí~ sing' crúu^ fí lí~ táang` Jesús. Jo i Nicodemo do quier` jíé' ja` guigui kiil~ e jmeafí jlo'^ e sicáng' cóo'~ tú- íng'~ mí', coo' e sii` mirra jogui cóo'~gui e sii` áloe. Jo i Nicodemo la, íb i cangó- cangosiing` cóo' Jesús coo' née' e canuu-. ⁴⁰ Jo lajob i Sé^ do cóo'~gui Nicodemo cajgiám-bre Jesús fí dse' crúu^, jo mífíng` canaaiñ` súuiñ- dsea` do jalé' e jmeafí do jo caquíng`neiñ' cóo'~ coo' 'mi' té e síyá' e jmí~ jmeafí do, co' lajob quí'- tíng` jaléng' dsea` Israel e jmóor` cóo'~ jaléng' 'lí~

quiá'r- mi~ ni'áang-neiñ'. ⁴¹ Jo e fi' li~ cateáaiñ- Jesús fi' dse` crúu^, fi' job nilí' coo` dsí' iá, jo e fi' jo nisea` coo` too` ée` e 'mí- li~ jii~ jaang` ja` ii~ mí ca'áng-. ⁴² Jo e fi' dsí' e too` ée` do cangojéeiñ Jesús e ni'áiñ-, dsuco' quiáb'- li~ nilí' e too` ée` do, jogui co' nijaquíem' cajo e jmí e jmi'ing' dsea` Israel.

20

Mi~ cají'tu Jesús

(Mt. 28:1-10; Mr. 16:1-8; Lc. 24:1-12)

¹ Jo la'uui~ jmí~ quiá'- e seamaan~ mi~ cangí e jmí~ do, e ee'bi eáang' lajee` nú'-gui e nijneá, cangó- Yá^ i seeng` fi' Magdala fi' li~ ca'áng- Jesús; jo mi~ caguiér- fi' jo, joba' cangár- e nisijéb'^ e cuu~ e cajlí- e fi' oo- too` e li~ ca'áng- dsea` do. ² Jo mi~ tí' li~ calilí'r^ e jo` seeng` Jesús e fi' dsí' tó` ée` do, joba' caquim'- tur gü'í'í' e fi' li~ guing- Tú^ Simón colíing~gui cóo~ i dsea` quiá'- Jesús i 'neáaiñ` eáang' do. Joba' lalab cajíng'- i Yá^ i seeng` fi' Magdala do mi~ caguiéiñ'- jo casí'-reiñ':

—Ninicaguíim` dsea` Fí'naa' e fi' li~ ca'áiñ- do, jo ja` ne~naa' jíe` fi' li~ nicangojéeiñ`.

³ Jo mi~ canúu- Tú^ Simón cóo~gui i dsea` rúíñ' i jaang`gui do lajii~ júu^ e quié~ i Yá^ i seeng` fi' Magdala, joba' dsifib' ca'uøøiñ` e cangoliiñ^ lajminá- e fi' li~ ca'áng- Jesús do. ⁴ Jo laji huáam- bre ngoliiñ- cuíir, lifa' i jaang`gui do jminá-gui cangór- laco' Tú^ Simón, joba' jéeng`guibre caguiér- e fi' li~ ca'áng- Jesús do. ⁵ Jo mi~ caguiér- fi' jo, dsifib' catúuiñ' jo cajóør- fi' dsí' e too` ée` do, jo cangár- e 'mí' e cabeang'- dsea` do e laco' milíib' née, jo lifa' ja' ca'ír- e fi' dsí' too` ée` do. ⁶ Jo jia~b~ cøøng` lajo caguié- Tú^ Simón, jo condséeb' ca'ír- e fi' dsí' tó` ée` do mi~ caguiér-, joba' cangá-bre e 'mí' e cabeang'- dsea` do cajo e laco' milíib' née; ⁷ jogui cangá-bir cajo e dob róo` e 'mí' e calí'ing^ ta~ e quiá'- cabé` mogui~ dsea` do, jo cangár- e ja` róo` ca' laco' róo` e 'mí' e cabeang'- dsea` do, jo tí' doguijia~b~ róo` e sibéeng` ca' laco' róo` e jo. ⁸ Jo mi~ cangí jo, ca'í- i dsea` i jaang`gui do i caguié- la'uui~ e fi' too` ée` do, joba' cangá-bre jalé` e calí- e fi' dsí' tó` ée` do, jo dseáng'- jáb'- calíiñ-. ⁹ Jo dsu' i dsea` gáng- do dseáng'- ja` mí cangám'bir laco' la fé' fi' ni~ jì` quiá'- Fidié~ e cajme' dsea` mali~gui eáang' li` fé' e dseáng'- si'í'ba' e nijí'tu Jesús. ¹⁰ Jo mi~ cangí jo, caquim'-tu i dsea` quiá'- Jesús i gáng- do fi' quiá'r-.

Mi~ cajmijnéeng` ñia' Jesús fi' quini` Yá^ i seeng` fi' Magdala

(Mr. 16:9-11)

¹¹ Jo mi~ caguié-tu Yá^ e fi' li~ ca'áng- Jesús, joba' dob cajer' qui'r' fi' caluu` e too` ée` do. Jo lajee` siñ' qui'r' dob catúuiñ' e laco' nijóør- e fi' dsí' tó` ée` do, ¹² joba' cangár- e neáang' gáng- ángeles i qui' 'mí' té e fi' dsí' tó` ée` do, jo jaaiñ` do guiiñ` li~ catiroo` mogui~ Jesús jogui jaaiñ` do guiiñ` fi' li~ cané- tí- dsea` do. ¹³ Jo i ángeles do cajmingí'r- i dseamí do jo casí'-reiñ':

—Janú', dseamí, ¿jiali' sin' qui'?

Joba' cañí i dseamí do quiá'- i ángeles do jo casí'-reiñ':

—Qui'í dsuco' ja` ñii~ ii~ ninicaguíing` Fí'í i ca'áng- dsea` e fi' dsí' tó` na, jo ja` ñii~ jie~ nicangojéeiñ` lana.

¹⁴ Jo jobi lico' nicató' e jíñ'- e jo mi~ tí' li~ cajíng' 'ñia'r', jo cangáíñ- Jesús e dob nising' dsea` do cáaiñ`, jo dsu' jii~ ja` ñir' e íb` dsea` do. ¹⁵ Joba' cajíng'- Jesús casí'r- i dseamí do lala:

—Janú', dseamí, ¿jiali' sin' qui'? ¿i~ sin' 'nán' lana?

Dsu' i dseamí do í dsíir' e i dsea` i jmóo' í e dsí' iá` dob i sing' súng` cóo'r~ do, joba' lalab casí'r- dsea` do:

—Janú', ée~, song 'nab` nicaguiin~ i Fí'í do, joba' iin~n jmée~ jnea~ júu^ jie~ fi' li~ nicaguiéen`re, joba' fi' job ni'nén`nre.

¹⁶ Joba' cañí Jesús quiá'- i dseamí do lala jo casí'-reiñ':

—iYá^!

Joba' cajing' 'ñia' i Yá^ do jo cajíñ' cóo' jmi' hebreo lala:

—iRabuni! —e guóng' tifa'.

17 Joba' cañí'tu Jesús quiá' i dseam' do jo casí'-reiñ':

—Ja' gūin' jnea~, co' nabi ja' mí' cají'tu rú'naa' cóo' Tiquié'e. Joba' fí'i 'nu' lana e niguon' güijmée' júu^ jaléng' dsea' i nilíng' laco' rún'n e nijmijíng'tu rú'naa' cóo' i líng' Tiquié'e jogui í'bi i líng' Tiquí'na' cajo, jo íb' Fidié' quié' e jogui íb' Fidié' qui'na' cajo.

18 Jo mi~ cangí' jo, cangám' i Yá^ i seeng' fí' Magdala do jo cangojmeáa' bre júu^ jaléng' i dsea' quiá' Jesús do e nicangám' bre dsea' do jogui casí' bireiñ' cajo jalé' e júu^ e ca'íñ' quiá' dsea' do.

Mi~ cajmijnéeng' 'ñia' Jesús fí' quini' dsea' quiá'r'

(Mt. 28:16-20; Mr. 16:14-18; Lc. 24:36-49)

19 Jo mi~ ca'í' nuu' 'ñia' ie~ jmi~ jo, e jmi~ la'uii~ quiá' seamaan~ do, jo ie~ jo nincasitíng' rúng' i dsea' quiá' Jesús do fí' coo' dsí' 'núu' lí' jní' røø, co' 'góm' bre jaléng' dsea' góor' dsea' Israel fing song calilí' í' e niseáng'tu rúng' i dsea' do calé' catú'. Jo lajee~ neáng' i dsea' do, job mi~ tí' lí' ca'í' Jesús fí' jo, jo casíng' 'ñia'r' guiá'^ jóo' e lí' neáng' i dsea' quiá'r' do, jo lalab caféng' neiñ' do jo casí'-reiñ':

—iGüiliseem'ba' juguiá' júu^ røø!

20 Jo mi~ cangí' e cajíng' Jesús e júu^ na, joba' canaaiñ' e'r' i dsea' quiá'r' do fí' lí' cacuí' guotíir' cóo' gui mo'uóør'. Joba' i dsea' quiá'r' do eám' cali'íang' dsír' mi~ cangáng'tur i Fiir' do. 21 Jo mi~ cangí' jo, lalab cajíng'tu Jesús casí'r' i dsea' quiá'r' do:

—iGüiliseem'ba' juguiá' júu^ røø! Jo lí' laco'gui Tiquí'ii' casíñ' jnea' fí' jmi~ güi' la, joba' lajob cajo jnea' nisín'n 'nú' fí' jmi~ güi' la.

22 Jo mi~ cangí' jo, cajíuar' fí' lí' neáng' i dsea' quiá'r' do jo casí'-reiñ':

—Íng'na' Jmiguí' quiá' Fidié'. 23 Jogui doñí' ii' dsea' i ni'íng'na' dsee' quiá', joba' ni'ím' dsee' quiá' i dsea' í; jogui doñí' ii' dsea' i ja' ni'íng'na' dsee' quiá', joba' ja' ni'íng' dsee' quiá' i dsea' í cajo.

Mi~ já' calíng' Mó' e cají'tu Jesús

24 Jo jaang' dsea' guitúung' quiá' Jesús i sii' Mó^ dsea' suung~, íb' i ja' seeng' ie~ lamí' cajmijnéeng' 'ñia' Jesús jee~ i dsea' quiá'r' do. 25 Jo mi~ cangí' jo, lalab casí' i dsea' caguiaang' do Mó^ jo cajíñ':

—Nicanem'baa' Fí'naa'.

Jo dsu' Mó^ lalab cañí'r' quiá' i dsea' rúíñ' do jo casí'-reiñ':

—Ja' já' nilín'n e fól'na' na song ja' nimoo' o guóor' lí' ca'ía' mí' clavo, jogui song ja' nijnúu' u niguóo' lacaang' lí' sicuí' quiá'r', jogui song ja' nigüí' i mo'uóør' e lí' ca'ía' ñisu'.

26 Jo mi~ cangí' jñiá' jmi~ lajo, caseáng'tu rúng' i dsea' quiá' Jesús do calé' catú' fí' coo' sinúu' lí' sijní' røø, jo ie~ jo quím' Mó^ cóo' i dsea' rúíñ' caguiaang' gui do. Jo lajee~ job ca'í' tu Jesús fí' dsí' sinúu' e lí' neaaiñ' do jo casíng'tu 'ñia'r' guiá'^ jóo', jo lalab caféng'tureiñ' do jo cajíñ':

—iGüiliseem'ba' juguiá' júu^ røø!

27 Jo mi~ cangí' jo, lalab casí' Jesús i Mó^ do jo cajíñ':

—Jøø' guóo', jogui jnúu' niguóo' lí' sicuí' quié' e la, jogui jnúu' niguóo' e lí' sicuí' mo'uóø' la cajo. Ja' jmoo' e ja' já' lín' jo já' güilín' lana. jnea' bi la!

28 Jo mi~ canúu' Mó^ e jo, joba' cañí'r' quiá' Jesús jo cajíñ':

—iDseáng' e já' e 'nab' Fí'i jogui 'nab' Fidié' quié' e cajo!

29 Joba' cañí'tu Jesús quiá' Mó^ jo casí'r' dsea' do jo cajíñ':

—¿Su car' cañin' jnea~, jogui'ba' já' calín' e nicajíb'túu? Dsu' juguiá' gui quiá' i dsea' i já' calíng' e nicajíb'túu e jíi' ja' mí' cangám' bir jnea~.

E uiing' e cajme' Juan e jì' la

³⁰ Jo lajee˘ cateáang˘ Jesús fí˘ jmigüü˘ la, jmiguiab˘ jalé˘ e li˘ e quí˘r˘ jmí˘ cajmээр˘ fí˘ quini˘ jaléng˘ dsea˘ guitúung˘ quiá˘r˘, jo dsu˘ jmiguiab˘ jalé˘ e jo ja˘ silí˘ e fí˘ ni˘ jì˘ la. ³¹ Jo dsu˘ lajjí˘ e silí˘ e fí˘ ni˘ jì˘ la nicalí˘ e lí˘ laco˘ jà˘ nílíng˘ jaléng˘ dsea˘ e dseáng˘˘ Jesús lí˘iñ˘ i˘ Dsea˘ Jmáang˘ i˘ nicá˘ nifí˘ quiá˘r˘ dsea˘ Israel jogui˘ i˘ líng˘ i˘ Jóo˘ Fidiée˘ i˘ camíng˘˘ do, jo lajoba˘ jaléng˘ dsea˘ i˘ jà˘ nílíng˘ júu˘ quiá˘r˘ dsea˘ do quí˘r˘ jmí˘ e niliseeíñ˘ cøøng˘ cóo˘˘ Fidiée˘ lata˘.

21

Mí˘ cajmijnéeng˘ 'ñia˘' Jesús fí˘ lí˘ se˘ Galilea

¹ Jo mí˘ cangí˘gui lajo, cajmijnéem˘ 'ñia˘' Jesús calé˘ catú˘ fí˘ quini˘ guiáng˘ i˘ dsea˘ i˘ la'ó˘ quíng˘˘ jee˘ dsea˘ guitúung˘ quiá˘r˘ e fí˘ 'ni˘' cóo˘ guiée˘ lí˘ sii Tiberias e née˘ lí˘ se˘ Galilea. ² Jo i˘ lab jaléng˘ i˘ dsea˘ i˘ taang˘ do ie˘ jo: jaaíñ˘ do siir˘ Tú˘ Simón, jo jaang˘gui i˘ sii Mó˘ i˘ sii˘bi Dsea˘ Suung˘ cajo, jo jaang˘gui i˘ sii Natanael i˘ seeng˘ fí˘ cóo˘ fí˘ e sii Caná e née˘ lí˘ se˘ Galilea, jogui gáng˘gui i˘ líng˘ jóo˘ jaang˘ dseañu˘ i˘ sii Zebedeo, jogui gáng˘gui dsea˘ jíéng˘ i˘ quíng˘˘ jee˘ dsea˘ quiá˘r˘ Jesús. ³ Jo lajee˘ job cajíng˘˘ Tú˘ Simón e sí˘r˘ i˘ dsea˘ rúíñ˘ i˘ siseáng˘˘ e fí˘ 'ni˘' guiée˘ do ie˘ jo, jo cajíñ˘˘:

—Nii˘teáa ta˘ sáang˘˘ 'ñu˘.

Joba˘ cañí˘ i˘ dsea˘ do quiá˘r˘ Tú˘ Simón jo casí˘r˘ reiñ˘:

—Í˘baa˘ dséee˘ cóo˘˘ 'nu˘ cajo.

Joba˘ lajob cajmээр˘, jo cangotáam˘bre fí˘ cóo˘ dsí˘ móo˘ jo cangolíñ˘ fí˘ lí˘ ni'a˘gui quiá˘r˘ e jmí˘ do; jo fí˘ job canaaíñ˘ bí˘r˘ 'máa˘ quiá˘r˘ e nisáíñ˘ 'ñu˘, jo dsu˘ e uøø˘ jo dseáng˘˘ jí˘˘ camíng˘˘ 'ñu˘ ja˘ i˘ calí˘r˘. ⁴ Jo mí˘ ningóo˘ nijneá˘ e uøø˘ jo, jo cajmijnéeng˘ 'ñia˘' Jesús fí˘ quiá˘r˘ e guiée˘ do, jo dsu˘ mí˘ cangáng˘ i˘ dsea˘ quiá˘r˘ do í˘r˘, jí˘˘ ja˘ calicuíñ˘ dsea˘ do lajminá˘. ⁵ Joba˘ cajmíng˘˘ Jesús i˘ dsea˘ do jo cajíñ˘˘:

—Janú˘ simíng˘˘, ja˘ mí˘ lí˘na˘ 'ñu˘, ¿já˘ jà˘?

Joba˘ cañí˘ i˘ dsea˘ quiá˘r˘ do jo cajíñ˘˘ casí˘r˘ dsea˘ do:

—U˘, jí˘˘ jaang˘ ja˘ i˘ mí˘ cali˘naa˘.

⁶ Joba˘ cañí˘tu Jesús quiá˘r˘ i˘ dsea˘ quiá˘r˘ do jo cajíñ˘˘:

—Bí˘na˘ 'máa˘ quí˘na˘ fí˘ é˘ jmí˘ lí˘ lí˘ dsée˘ laco˘ ngóo˘ e móo˘ quí˘na˘ na, jo mó˘du˘ fa˘ ja˘ lí˘na˘ 'ñu˘.

Joba˘ lajob cajmээр˘ i˘ dsea˘ do, cabí˘bre e 'máa˘ quiá˘r˘ do fí˘ dsí˘ jmí˘; jo mí˘ cangí˘ jo, i˘ 'leáam˘ 'ñu˘ calí˘r˘ e jí˘˘ o˘ ró˘r˘ fa˘ ni'óng˘guir e 'máa˘ do dsu˘ e ni'ii˘ teáang˘˘ 'ñu˘. ⁷ Joba˘ i˘ dsea˘ quiá˘r˘ Jesús i˘ iñ˘ eáang˘ do lalab casí˘r˘ Tú˘ Simón jo cajíñ˘˘:

—Í˘fí˘baa˘ i˘ sing˘˘ dóo˘˘!

Jo dsifí˘ mí˘ calí˘lí˘ Tú˘ Simón e Fí˘bre i˘ sing˘˘ do, joba˘ lajmináb˘ caquí˘r˘ sí˘r˘ e ca'uø˘r˘ lajee˘ jmóor˘ ta˘, jo ngí˘ jo canaaíñ˘ bár˘ jmí˘ e nidsér˘ fí˘ lí˘ sing˘˘ dsea˘ do, joba˘ lajob cajmээр˘. ⁸ Jo i˘ dsea˘ caguiaang˘gui i˘ cóo˘˘ Tú˘ Simón do caguilím˘bre e fí˘ 'ni˘' jmí˘ do e teáaíñ˘˘ dsí˘ móo˘ e øøiñ˘ e 'máa˘ do, có˘ sí˘røøm˘ teáang˘˘ 'ñu˘, jo huíim˘jiu˘ lí˘ cangobí˘r˘ e 'máa˘ do laco˘gui 'ni˘' guiée˘, có˘ tíib˘jiu˘ la cien metros. ⁹ Jo mí˘ tí˘ lí˘ caquing˘˘ tur fí˘ uø˘ quiú˘, joba˘ cangár˘ cóo˘ lí˘ nínicají˘ dsea˘ jì˘, jo e fí˘ ni˘ jìto˘ quiá˘r˘ e jì˘ do niráang˘ jaang˘ 'ñu˘ cóo˘˘gui iñí˘. ¹⁰ Jo lalab cajíng˘˘ Jesús casí˘r˘ i˘ dsea˘ quiá˘r˘ do:

—Cuøøng˘˘ na˘ jaang˘ gáng˘˘ 'ñu˘ i˘ nicalí˘na˘ na.

¹¹ Jo mí˘ cajíng˘˘ Jesús lajo, joba˘ cajgóo˘ Tú˘ Simón fí˘ yú˘ e móo˘ do quiá˘r˘, jo ca'øøiñ˘ e 'máa˘ do dseáng˘˘ catí˘ ni˘ tóo˘˘ 'ni˘' jmí˘. Jo dseáng˘˘ eáam˘ ii˘ do, có˘ ciento cincuenta y tres 'ñu˘ calí˘r˘ ie˘ jo, jo jmaníng˘˘ i˘ cøøm˘˘ cajo; jo dsu˘ cateáb˘ e 'máa˘ do e ja˘ ca'guí˘ nañí˘ fa˘ fíim˘ i˘ 'ñu˘ do calí˘r˘. ¹² Jo mí˘ calí˘ e jo, lalab cajíng˘˘ Jesús casí˘r˘ i˘ dsea˘ quiá˘r˘ do:

—Nílíng˘˘ na˘ ñiquié˘na˘ í˘ ta'é˘.

Jo jí˘˘ jaang˘ i˘ dsea˘ quiá˘r˘ do ja˘ teá˘ dsí˘r˘ fa˘ ee˘ nijmíng˘˘ dsea˘ do i˘ dseáng˘˘ líng˘ dsea˘ do, có˘ ñí˘bre e dsea˘ dob líng˘ Fí˘r˘. ¹³ Jo mí˘ cangí˘ jo, cangoquíéng˘ Jesús fí˘ quini˘

ἰ dseá quiá'r- do jō casá'r- e iñí' do jōgui casaiñ'- ἰ ñu do cajo, jō canaiñ' jmóor` guíeé` jee` ἰ dseá quiá'r- do. Jō jalém`bre cagó'r` ie` jō.

14 Jō cóo'~ e lab catí 'ní ya' e cajmingéng` 'ñia' Jesús fí jee` dseá quiá'r- ie` mi` cangí e cají'tur calé' catú'.

Mi` casang` Jesús cóo'` Tú` Simón

15 Jō mi` tí lí~ cangí e cagó'r` e í' ta'é do, lalab cajmingí'- Jesús ἰ Tú` Simón do jō casí'r- dseá do lala:

—Tú` Simón, jōo' jaang` dseañu' ἰ sii Juan, ¿su eáang'gui 'neáan' jnea` laco'gui ἰ dseá quié` e ἰ caguaang` gui la?

Jōba' cañí' Tú` Simón quiá'- Jesús jō casí'r- dseá do lala:

—Lajob lí' Fí'i, co' ñí'b` 'nu` guíá- e 'neáam`baa 'nu'.

Jōba' cañí'tu Jesús quiá'- Tú` Simón jō cajíñ'-:

—Te' fíing` røø jaléng` dseá ἰ líng` lafa' jo'se' jiuung` quié` e.

16 Jō mi` cangí jō, caléb'tu cajmingí'- Jesús ἰ Tú` Simón do jō casí'-tur dseá do:

—Tú` Simón, jōo' jaang` dseañu' ἰ sii Juan, ¿su 'neáan' jnea'?

Jōba' cañí'tu Tú` Simón quiá'- Jesús jō cajíñ'-:

—Lajob lí' Fí'i, co' ní'ba' guíá- e 'neáam`baa 'nu'.

Jō ngí jō, caléb'tu cajíng'- Jesús casí'r- dseá do lala:

—Jmee` í' jaléng` dseá ἰ líng` lafa' jo'se' quié` e.

17 Jō cóo'~ e la catí 'ní ya' e jmingí'- Jesús ἰ Tú` Simón do jō cajíng'-tur calé' catú':

—Tú` Simón, jōo' jaang` dseañu' ἰ sii Juan, ¿su 'neáan' jnea'?

Jō mi` canúu` Tú` e júu` jō calé' catú', jōba' fí'ib` calíñ-, co' cóo'~ e la catí 'ní yab' e jmingí'- Jesús ír` su 'neáang` dseá do ír`.

Jōba' cañí'tu Tú` Simón quiá'- dseá do jō cajíñ'-:

—Fí'i, guíáb- dseáng'- ní' 'nu' lajalé', jōba' ní'ba' e 'neáam`baa 'nu'.

Jō ngí jō, calé' catú' cañí' Jesús quiá'- Tú` Simón jō casí'r- dseá do lala:

—Jmee` í' jaléng` dseá ἰ líng` lafa' jo'se' quié` e. 18 Jō e laba' jmitaa` o', e ie` lamí` bí'bi a', guía'ba' guíá- quí'- e guo' jíe' fí' lí' iin'-; jō dsu' mi` tí lí' nídseáan', niní' cué' jō dseá jíem' niguíá- guíá- quí', jōgui nijéiñ- 'nu' jíe' fí' lí' ja' iin' guó'.

19 Jō casí'- Jesús ἰ Tú` Simón do lana e lí' laco' jmóor` júu` jial nijúung- dseá do mi` nití' í' lajō, jōgui nidsingíñ- do lajō e lí' laco' nijmi'gó dseá Fidiéé` cóo' e 'mó- quiá'r- do. Jō mi` cangí jō, cajíng'-gui Jesús casí'r- Tú` Simón:

—Ja` güihuín'- cóo'~ jnea'!

ἰ dseá quiá'- Jesús ἰ iñ` eáang` do

20 Jō mi` cangí e cajíng'- Jesús e júu` na, jōba' cají'tu Tú` Simón nir` jō mifíng` cangáñ- ἰ dseá quiá'- Jesús ἰ eáang` 'neáaiñ` do e jáaiñ` do caluur~, jō ἰ dseá íb` cajo ἰ caguá` cáang` Jesús ie` mi` cagó'r` í' canu, jō cajmingí'r- dseá do e ἰ dseáng'- lajee` la'ó' ír` ἰ ni'ning- ír'. 21 Jō mi` tí lí~ cangáng-tu Tú` Simón ἰ dseá do, jōba' lalab cajmingí'r- Jesús jō cajíñ'-:

—Fí'i, jō ἰ dseañu' ἰ sing' la, ¿e` nidsingíñ-?

22 Jōba' cañí'tu Jesús calé' catú' quiá'- ἰ dseá do jō casí'-reiñ':

—Jō song jnea` iin`n e seem`bí ἰ dseañu' la cartí' mi` nigüéeng-túu fí' jmigüi' la calé' catú', jōba' ¿e` cuaiñ` quí- 'nu' uii` quiá'- ἰ dseañu' la? Lí' 'nu', ja` güihuín'- cóo'~ jnea'.

23 Jō jōb mi` canaang` e ngí júu` jee` jaléng` dseá quiá'- Dseá Jmáang- e ἰ dseá ἰ iing` Jesús eáang` do ja` nijúuiñ-. Jō dsu' ja' cajíng'- Jesús fa' dseáng'- e ja' nijúung- ἰ dseá do, co' lalaba' cajíñ'-: “Song jnea` iin`n e seeiñ` cartí' mi` nigüéeng-túu fí' jmigüi' la calé' catú', jōba' ¿e` cuaiñ` quí- 'nu' faco' lajō?”

24 Jō ἰ dseá ἰ iing` Jesús eáang` dob cajo, í'bing' ἰ tí' ní jalé' e cangojéé' do jōgui jmo'r` jalé' e júu` la. Jōgui ne`baa' røø` e jmang'- júu` já'-ba' fé'r'.

²⁵ Jō jmigui^ubi jalé^u e cajméé` Jesús jí^u laco^u e silí^u e fí^u ní^u jí^u la, jogui^u faco^u nilí^u fí^u ní^u jí^u dseáng^u lajalé^u e cajméer` do, jōba^u jí^u fí^u jmigü^u ja` ní^u jalé^u e jí^u jō^u faco^u lajō.
Jō lanab cadséng^u jalé^u júu^u quiá^u Dsea` Jmáang^u e cajme^u Juan.
Jō lajōb nilí^u.

Jalé' e cajmée` dsea` i óo` ta` quiá'- Fidiéé`

Mi` cacuø` Dsea` Jmáang` júu` quiá'r` e ni'íng` dsea` Jmiguí` quiá'- Fidiéé`

¹ Jnea` Lucas nicajmée` e la'uii` cōo` jì e catíng` 'nū, Teófilo, lí fé' jalé' e cajmée` Jesús jogui jalé' e ca'er` latí' mi` canaaiñ` jmóor` ta` quiá'r` ² cartí' mi` caguíe` jmii` e cangáin` fí' ñiff`. Dsua' lajee` ná'`gui e nidséiñ` do, caseáin` jaléng` i dsea` quiá'r` i caguíñ` i cangi` cóo'r` do, jo la'eáang` cóo` Jmiguí` quiá'- Fidiéé` casí'`reiñ' jalé' e 'né` nijméiñ` do fí' quini` jaléng` dsea`. ³ Jo dsua' lana nijmée` e jì la quiá'- mi` cangí'ba' e cajúng` Dsea` Jmáang` jogui cajíb'tur calé` catú` jo cajmijnéeng` 'ñia'r` jee` jaléng` i dsea` apóo` i óo` ta` quiá'- Fidiéé` do e laco' niliñi` dsea` do e lajam`-ba' e nicajíb'tur. Jo mi` cangí' jo, cateáang`guir` jii` tuló` jmii` fí' jmigüi` la, jo lajee` jo éeng` 'ñia'r` jee` jaléng` i dsea` do e dseáng`- nicajíb'tur, jogui lajee` jo ca'er` jaléng` i dsea` í jial iing` Fidiéé` cár` nifí' quiá'- dsea` jmigüi`.

⁴ Jo lajee` e táam`bi Jesús cóo` jaléng` i dsea` quiá'r` do, jo casí'r` jaléng` í e ja` mí' uóin` do lajminá` fí' Jerusalén, jogui casí`-guir` dsea` do cajo jo cajíñ`-:

—Nijøøm`-ba' fí' Jerusalén la cartí' niliti` lajii` e júu` e nicacuø` Tiquié`e 'nú' lamí` jéeng`gui, lí' laco'gui` jii` e nicafii`-i 'nú' jéeng`gui cajo. ⁵ Dsua' e já`-ba' e i Juan do caseáaiñ` dsea` jmii` cóo` jmii`, dsua' lajee` lajminá` jnea` nicuøø`ø` 'nú' e niñíng`na' Jmiguí` quiá'- Fidiéé`.

Mi` cangáng`- Jesús fí' ñiff`

⁶ Jo mi` cangí' jo, i dsea` quiá'- Jesús i teáang` cóo'r` do fí' mó' Olivos ie` jo cajmingí'r` dsea` do lala:

—Fí'ii', ¿su lana nicatí' í' e nijmée`tu' e ni'neeng`naa' dseata` quí'naa' yee`naa' fí' góo`naa'?

⁷ Joba' cañi` Jesús quiá'- i dsea` do jo cajíñ`-:

—Ja` 'né` ní'na' e` jmii` o'gui e` jii` nijmé` Tiquié`e Fidiéé` jalé' e nijmér`, co' jii` 'ñia`bre` ñir` jogui sea` fí' quiá'r` e nijmér` e jo. ⁸ Dsua' mi` niñíng`na' Jmiguí` quiá'- Fidiéé` lajaang` lajaang`na', job nilisea` bí' quí'na' e laco' nigüiguiá'na' júu` quié` e fí' la'úng` jee` fii` Jerusalén cóo`-gui latøøng` lí' se' Judea, jogui lajobi cajo fí' lí' se' Samaria, jogui fí' la'úng` fí' jmigüi`.

⁹ Jo mi` lí' casí'r` lajo, lajee` teáang` i dsea` quiá'r` do jøøm`-breiñ', canaang` Jesús soor` fí' yá'` jmigüi` cartí' caquiñiñ` jee` cabøø` jnií', jo jo` cangáng`-guir` dsea` do.

¹⁰ Jo lajee` teáang` i dsea` do jøø` fí' lí' cangáng`- Jesús, cōo` cajném` gáng` dseañu` i qui'` 'mi'` té' fí' lí' teáang` i dsea` do ¹¹ jo cajíñ`- casí'`reiñ`:

—Dsea` Israel i seeng` fí' Galilea, ¿jialí' teáang`na' jøø`-na' fí' yá'`? Co' Fidiéé` nicató'r` fí' ñiff` i Jesús i cangi` cóo`- 'nú' do, jo laco' cañi`na' jial cajgóor` fí' yá'` do, lajob nijáa'tur fí' jmigüi` la calé` catú` mi` nití' í' lajo.

Mi` caguíñ` Matí` e ni'í'r` cuaiñ` quiá'- Judas Iscariote

¹² Jo mi` cangí' jo, caquim` i dsea` cangi` cóo` Jesús e fí' mó' Olivos do, jo cangolíim`tur fí' Jerusalén, co' quiáb`- née' e fii` jo, jogui jii` jo cuøøng`ngí' dsea` Israel mi` jmii` e jmi'íñ`.

¹³ Jo mi` caguíñiñ` fí' jo, cangotáaiñ` fí' cōo` dsí' sinúu` e tú` fíng`, co' fí' job lí' nineáaiñ`. Jo i dsea` i caseáng` fí' jo siir` Tú` Simón jogui Jacóo` jogui Juan jogui Dí` jogui Lii` jogui Mó` jogui Bartolomé jogui Mateo jogui jaang`gui i sii` Jacóo` jóo` Alfeo, cóo`-gui jaang`gui i sii` Simón i líng` dsea` celote, jo cóo`- jaang`gui cajo i sii` Judas rúng` Jacóo`. ¹⁴ Jo jalém` i dsea` na seáin` contøøng` e féiñ` Fidiéé` colíng` cóo` jaléng` rúng` Jesús cóo`-gui Yá`, niquiá'` dsea` do, cóo`-gui jaléng` dseamí` caguiaang`gui.

15 Jo jaléng' dsea` i caseáng' fí jo tíbre ciento veinte. Jo nineáaiñ' lajim`bre mi` caráang` i Tú` Simón do jo café'r júu` quiá'r` jo casí'r` dsea` do:

16 —Dsea` rú`uu', ne`baa' e calitib` jalé' e cajíng' Jmiguí` quiá' Fidié` la'eáang' cóo' i dsea` áang' qui`ii' i sii` Davi' i caliséng` mali` eáang', jo catéer' fí ni` jì` quiá' Fidié` li` fé' uii` quiá' i Judas Iscariote do i cacá` nifí` quiá' i dsea` i 'ní' cangáng` Jesús mi` casaiñ' dsea` do. 17 Jo i Judas Iscariote do líiñ' jaang` dsea` i lamí` quíng' jee` jnea', dsea` líi' dsea` quiá' Jesús, jo seab` guiéé` quiá'r` cóo' jalé' ta` e jmoo`naa'. 18 Dsa' mi` cangf e ca'níiñ` dsea` do, jo cóo' e cuu` e calí'r` quiá' lajii` e 'li' e cajméer` do, calár` cóo` uó`, jo fí` job ca'ing' 'ñia'r' jo cajngang' 'ñia'r', jo e fí` ni` uó` dob catóin' jo cajná' moguir` jogui tu'r' ca'guib` jo cajúm`bre. 19 Jo mi` caliñi' jaléng' dsea` seeng' fí` Jerusalén e calí` lado, joba' catéer` e nilisii` Acéldama e uó` do e guóng' cóo' jmí` quiá'r` Uó` li` Catuu` Jmi'øng`.

20 Jo cajíng'`gui i Tú` Simón do uii` quiá' Judas Iscariote:

—Jo tóo` cóo' fí` ni` jì` quiá' Fidié` e sii` salmos lala:

'Né` e jøb` nijé` éé` quiá'r`;

jo jii` jaang` ja` ii` nigüea`.

Jogui tóo`gui cajo:

'Né` e jaang`gui i nijmé` ta` cuaiñ` quiá'r`.

Jo lajob`toó` fí` ni` jì` quiá' Fidié`.

21-22 'Joba' 'né` nigúing`naa' jaang`gui i ningí` cóo' jnea`aa' i ni'íng` cuaiñ` quiá' i Judas Iscariote do, jogui røøb` niguiá`naa' júu` jial mi` cají'tu` Jesús mi` cangf e cajúin`. Dsa' 'né` e líiñ' jaang` i cangí` cóo' jnea`aa' lata` catí` mi` casée` Juan jmi` quiá' Jesús jogui cartí` mi` cangáin' fí` ñifí`.

Jo lanab cajíng'` Tú` Simón casí'r` jaléng' i dsea` do ie` jo.

23 'Joba' cagúing' jaléng' i dsea` do gáng` dseañu': jaang` i sii` Sé` Barsabás jogui sii`bir Justo cajo, cóo' jaang`gui i sii` Matí`.

24-25 Jo mi` cangf jo, jaléng' i dsea` do camí'r' Fidié` lala jo cajíñ'`:

—Fíi`naa', 'nub` dsea` nicuí'` dsí' dsea` lajaang` lajaañ`. Míi`naa' 'nu` e nifí` jnea` i lajee` laji` huáang` i dsea` la nicaguín` e ningí'r` cóo' jnea`, dsea` guijáng`naa', dsea` ca'uíng`naa' dsea` quií', e ni'íiñ` cuaiñ` quiá' i Judas Iscariote do, dsea` nicangáin' fí` li` catíin` uii` e dsee` e ca'éer` do.

26 Jo mi` cangf jo, cacóor` e quiá' ii` nilí` lajee` laji` huáaiñ` do; joba' Matí`bing' calí', jo íb` ca'ing` cuaiñ` quiá' i Judas do, jo colim` canaañ` ngir` cóo' i dsea` apóo` guijáng` do ladsifí` lado.

2

Mi` ca'ing` dsea` quiá' Dsea` Jmáang` Jmiguí` quiá' Fidié`

1 Jo mi` cangf jo, jo cagüea` cóo` jmi` quiá' dsea` Israel e sii` Pentecostés quiá' mi` catí` cincuenta jmi` e canaang` roo` jalé' e jnir'. Jo ie` jo, dob nisiseáng' jaléng' dsea` quiá' Dsea` Jmáang` e fí` li` tíiñ` e seáin' do.

2 Jo lajee` teáaiñ` e fí` dsí' sinúu` jo, cóo` canúu`bre e ii` fí` yá' jmiguí` laco'gui ii` mi` íi` guí` e teá` eáang', jo cóob` mi` canaang` ii` fí` la'úng` e fí` dsí' sinúu` li` neáaiñ' do, 3 jo cajnéng` cóo` e lí'jiu la lí' mi` sóng' jì` fí` yá' gui` lajaang` lajaang` i dsea` do. Jo caje` cóo` e jo quiá' lajaang` lajaañ' do. 4 Jo lajob` ca'íñ' Jmiguí` quiá' Fidié`, jo lajaang` lajaam`bre canaañ` fé'r` jmí` e jie' e ja` mí` cuír` jéeng`gui lí' laco'gui ta` jmóo` e Jmiguí` do jee` ír`.

5 Jo ie` jo teáang` fíng` dsea` Israel fí` Jerusalén i jalíng` fí` la'úng` fí` jmiguí` e laco' nijmitir` lajii` e táng` dsea` do fí` jo e jmiféiñ' Fidié`. 6 Jo mi` canúur` e ii` do lafa' e íi` guí', jo casitíng` rúin' jogui caseáng' rúin' ladsifí` lado fí` jo, fí` li` neáang` dsea` quiá' Dsea` Jmáang`. Jo mi` caseáin' lajiiñ' do e fí` jo, ja` ñir` jialí' núur` e nifé' i dsea` do jmí` quiá'r` lajaang` lajaañ`.

⁷ Jo dsíng' cangogá' dsí' jaléng' i dsea` i caseáng' do ie` jo, co' ja' í dsí' e ninír` jalé' e jo, jo canaaiñ` sáiñ` lajee` yaaiñ` lala:

—iDsea` góo'naa' dsea` Israel i seeng` fí Galileabi lajüing` i fé' na! ⁸ Jo ¿jiali' nuu`naa' e fé'r` jmi' qui'naa'? ⁹ Jo jmaquíim`bi lí see`naa' lajaang` lajaang`naa', co' lab néeng`naa' lana dsea` góo'naa' dsea` Israel i seeng` fí Partia, jogui i seeng` fí Media, jogui dsea` Elam, cóo'~gui dsea` Mesopotamia, jogui cóo'~ dsea` i seeng` fí Judea, jogui i seeng` fí Capodocia, cóo'~gui dsea` seeng` fí Ponto, cóo'~gui dsea` seeng` fí Frigia cóo'~gui fí Panfilia lí se' Asia, ¹⁰ jogui cajo dsea` seeng` fí Egipto, cóo'~gui dsea` seeng` fí lí se' Libia quiá'~ laco' Cirene jogui quiém`bi dsea` cajo i jalíng` fí Roma ¹¹ i líng` dsea` Israel latí mi` cangáang`~, jogui i líng`~gui jobi nica'uíñ` laco'gui jnea`aa', dsea` Israel. Jogui quiim`~bi dsea` i jalíng` fí lí se' Creta cajo cóo'~gui fí lí se' Arabia. Jo lajaang` lajaam`baa' nuu`naa' e fé'r` jmi' qui'~ii' e quiá'~ jial laniing` 'gøng' Fidié` cóo'~ jalé' e jmóor` do jee` dsea`.

¹² Jo dsíng' dsigá' dsí' lajüiñ`, co' ja' ñir` jiali' calí` la do, jo sáiñ` lajee` yaaiñ`:
—¿E` uing` e calí` jalé' e lala, faa`aa'?

¹³ Dsu' i líng`~gui i dsea` i caseáng' do jmineam`breiñ` do jo fé'r`:
—iMéeb` nica'íñ` na! iE` ní'ím`biñ` na! Jöba' fé'r` lajo.

Jalé' e casí' Tú` Simón dsea` i teáang' do ie` jo

¹⁴ Jo mi` canúu` Tú` Simón e fé' i dsea` do lado, jöba' caráaiñ` café'r` uii` quiá'~ lajüiñ` la'ó' calíñ` dsea` ngí cóo'~ Jesús, jo lalab casí'~reiñ` do cóo'~ júu` teá':

—Dsea` rú'uu' dsea` Israel cóo'~gui jaléng` dsea` jiéng' i nineáang` fí Jerusalén la, núu`na' júu` e nifá' a la jogui quié'na' cuente røø. ¹⁵ Co' jnea` ja' íng`naa' laco'gui la í óo'na', co' ee'bi, nábi nití` la ii` ñá` la'ee'. ¹⁶ Jo ja' lí laco' la í óo'na', co' lanagui niliti` laco'gui cajíng' Joel i café' cuaiñ` quiá'~ Fidié` malí~gui mi` cajíñ` lala:

¹⁷ Lalab nidsijéé' mi` nijaquíéeng` e ní'íng` jmi'güi',
co' lalab cajíng'~ Fidié` malí~gui:

Nicuøø`ø` Jmi'guí quié` e laca'íng`~ dsea` jmi'güi';
jogui jaléng' joo'na' dseañu` dseam` niguiár` júu` e fé'r` cuaiñ` quié` e,
jogui jaléng' siming' ninír` laco'gui mi` quir` jalé' e nijmee` e,
jogui jaléng' dsea` yúu`~ niquir` jalé' e nidsijéé' cøøng`gui.

¹⁸ Jogui nicuøø`ø` jaléng' dseañu` dseam` i jmóo' lajüi` e iing` jnea` Jmi'guí quié` e,
jo lajõb niguiár` júu` cuaiñ` quié` e mi` nití` í' lajo.

¹⁹ Jogui fí yá'~ jmi'güi` nijmee` e jalé' e quí'~i jmi` e dsigá' dsí' dsea`,
jogui fí guóo'~ uø` la niní dsea` jmi'øøng` cóo'~gui jí e coo' jogui niróo` jmiñi` e 'ñuu`.

²⁰ Jo jo` nijneá'gui jí iee',
jogui sí' yúum`bre nijnéiñ` laco'gui la lí' jmi'øøng`.
Jo nidsijéé' jalé' e jo nú'~gui e jmi` laniing` 'gøng' do
mi` nijáa'tu Dsea` Jmáang` fí jmi'güi' la e niquidsir` í' quiá'~ dsea` jmi'güi'.

²¹ Jo jaléng' dsea` i mi' jnea` e nijmicóo'`ore,
dsea` íb` i nileáng` e ja` ní'íñ` iihu' mi` nití` í' lajo.
Jo lanab lí' júu` quiá'~ Fidié` e ca'íng' Joel malí'gui eáang'.

²² Jo lalab cajíng'~gui Tú` Simón casí'r` dsea` góor` dsea` Israel ie` jo:

—Núu`~gui jalé' e júu` e nifá' i 'nú' la. Lajüi`baa' nine`naa' guiá` jalé' e quí'~ Jesús i seeng` fí Nazaret jmi` jmóor`, jo dsigá' dsí' dsea` cóo'~ jalé' lí e quí'r` jmi` jmóor` la'eáang` cóo'~ Fidié`. Jöba' caline`naa' e dsea` íb` casíñ` dsea` do fí la. ²³ Jogui cajáng' dsea` Jesús fí jaguóo'na' lí' laco' nisi'í' quiá'~ Fidié` lami` jéeng`gui, co' lajõb nisi'íñ` quiá'~ dsea` do. Jogui 'nú' caséng`na're cartí cajngang`na're e cateáang`na'r fí dse` crúu` la'eáang` cóo'~ jaléng' dsea` soo` dsí' rúng`na'. ²⁴ Dsu' Fidié` cajméer` e cajlb'tu dsea` do, jogui caleáam`bre dsea` do ní' 'mó', dsuco' ja' cuøøng` e Jesús nijé`~guir e 'líñiñ`. ²⁵ Dsuco'

lalah cajíng' dseata qui'ii' Daví' malí'gui eáang' e fé'r' cuaiñ' quiá' Jesús mi' cajíñ' lala:

Contøøm- ñii' e Fí'i Fidié' quier' nifí' quié' e lacaang' fí' lí' ngíi',
jogui í'bi' i to' fíing' jnea' jié' fí' lí' seen',
joba' dseáng' ja' e fí' quié' e jí' cøø'.

²⁶ Jo dseáng' eáam' iáang' dsii' cartí' øø' quiá' e iáang' dsii' do,
jo contøøm' seen' e ta' dsii' e jéem' Fí'i jnea'.

²⁷ Co' ja' nicuø' Fidié' fí' e nija' jnea' fí' dsí' tó' ée',
o'gui nicuø'r' fí' fa' lí' nijgié' lajo ngúu' táan'n, dsea' güeán'^n i jmóo' lají' ta' e iing' ír'.

²⁸ Co' dsea' íb' dsea' ca'e' jnea' jial laco' niliseen' fí' jmigü' cøø'r',
jo lajoba' eáam' nili' iáang' dsii', co' colíim' niliseen' cøø'r'.

Jo lanab jí' lí' júu' quiá' dseata qui'ii' Daví' e café'r' cuaiñ' quiá' Jesús.

²⁹ Jo fí' guí' 'nú', dsea' rú'naa', cuøø'tea' jnea' fí' e nifón'^n 'nú' car' ngocáng' dsii' e i qui'ii' dseata Daví' do ja' fé'r' uii' quiá'r' 'ñia'r', co' e jal'ba' cajúm-bre jogui ca'am-bre cajo, jo e ée' quiá'r' do sijí'bi' latí' lana jee' jneaa'aa'. ³⁰ Dsa' i Daví' do calíñ' jaang' dsea' i café' cuaiñ' quiá' Fidié' malí'gui eáang', jogui ñi'bre guiá' e Fidié' cacuø'r' dseáng' júu' jal' quiá'r' e nicuø'iñ' jaang' lajee' i dsea' sijur' do i nilíng' dseata dsea' féng' qui'ii', dsea' lí' dsea' Israel. ³¹ Jo e lafa' nijøøb' i dseata Daví' do jo café'r' uii' quiá' Dsea' Jmáang', i dsea' i casing' Fidié' fí' jmigü' la e quiá' nijíb'tu dsea' do mi' ningí' e nijúuiñ' ie' mi' cajíñ' e ja' nijé' i dsea' na fí' dsí' tó' ée' quiá'r', o'gui nijgié' jalé' ngúu' táaiñ' fí' dsí' e too' ée' do. ³² Jo lajob lí', co' Fidié' cajméer' e cají'tu Jesús mi' cangí' e cajúñ', jo lajaléb' e calí' do neb' jneaa'aa' lají'naa'. ³³ Jogui mi' cangí' e cají'tur do, cangáñ' fí' lí' guíng' Fidié' fí' ñifí' e ngogüeár' lí' lí' dsée' laco' guíng' dsea' do. Jo fí' job ca'íng' dsea' do e Jmiguí' e cacuø' Tiquiá'r' Fidié' e laco' nicuø'r' jaléng' dsea' quiá'r' lí' laco'gui júu' e nicacuø'r' lamí' jéeng'gui. Jo e lab lají' e nicañí' 'nú' jogui e nicanúu'na' lajee' lana. ³⁴ Dsa'co' o' i 'lí' dseata Daví' i cangáng' fí' ñifí' la quie' ngúu' táaiñ' do laco'gui cangáng' Jesús, dsa'co' 'ñiab' i Daví' do cajíñ' lala ie' jo:

'Ñia' Fidié' casí'r' Fí'naa' jo cajíñ':

"Fí' lab niní' lí' lí' dsée' laco' guíng' n la

³⁵ cartí' nijmee' jnea' e nilinúu' jaléng' dsea' júu' quiá', jaléng' i 'ní' níng' 'nu'."

³⁶ Jo güiline'baa' guiá' jaléng' jneaa'aa', dsea' lí' dsea' Israel, e i Jesús i cateáng' 'nú' fí' dse' crúu' do, íbing' cacuøøng' Fidié' e líiñ' Fii' quiá' jaléng' dsea' jmigü', jogui caleáiñ' jneaa'aa' jee' dsee' qui'ii' cajo.

³⁷ Jo mi' canúu' jaléng' i dsea' i siseáng' do e júu' quiá' i Tú' Simón do, dsíng' calíñ' fí'í'. Joba' cajmíng' i Tú' Simón do cøø'gui i dsea' apóo' caguaang'gui do jo cajíñ' casí' reiñ':

—Dsea' rú'uu', ¿e' mí' sea' uii' quiá' jalé' dsee' e nica'ee'naa'?

³⁸ Jo cañí' Tú' Simón quiá' jaléng' i dsea' do jo cajíñ':

—'Né' quí' jíng' yaang'na' fí' quini' Fidié', jogui nisáng'na' jmí' lajaang' lajaang'na' laco' cuø' lí' e nilíng'na' dsea' quiá' Dsea' Jmáang', jo lajoba' ní'íng' Fidié' jalé' dsee' qui'na', jogui nicuø'r' 'nú' Jmiguí' quiá'r' cajo. ³⁹ Jo e Jmiguí' e niñíng'na' do quiá'r' catíim'ba' cøø'gui jaléng' jóo'na' cajo cøø'gui lajíng' jaléng' dsea' lí' doñí' jié' fí' seeiñ', lí' lajaléng' i nisi'íng' quiá' Fidié' i ni'uíng' dsea' quiá'r'.

⁴⁰ Jo cøø' e júu' lab jogui cøø' e jié'gui cajo e caliúng' Tú' Simón jaléng' i dsea' i caseáiñ' fí' Jerusalén ie' jo, jo lalah casí' reiñ':

—Jáang' yaang'na' fí' jaguó' Fidié' e laco' ja' nigüilíng'na' fí' lí' 'lí' lí' laco'gui dsilíng' jaléng' dsea' dsee' dsea' qui'!

⁴¹ Jo lajob jí' lí' júu' quiá' Tú' Simón e casí'r' i dsea' do. Jo lajob lí', jaléng' i dsea' i jal' calíng' lají' júu' quiá' i Tú' Simón do, cajgáam-bre jmí' e laco' cuø' lí' e ca'uíng' dsea' do dsea' quiá' Dsea' Jmáang'. Jo ie' jo 'ní' milgui dsea' i ca'uíng' dsea' quiá' Dsea'

Jmáang, jo caquim-bre cóo jaléng i dsea quía Dsea Jmáang caguaang-gui do ie jmí jo. ⁴² Jogui lajim i dsea do dseáng ja jmitúng dsír laji e júu e guía jaléng i dsea apó do, jogui røb jmóor jmá ji cóo jalé e sea quía r. Jogui lajobi cajo e feiñ Fidié jogui seáng rúñ lajiñ do e gø r ir coling e laco jmiguiéng dsír Dsea Jmáang.

Jalé e guía e ca'ée la'uii dsea i ja' caling júu quía Dsea Jmáang

⁴³ Jo ie jo lajalém dsea dsigá dsír jalé e li e quí jmí e jmóo jaléng i dsea apó do. ⁴⁴ Jo lajaléng i dsea i njá caling júu quía Dsea Jmáang, eám guía conrø seeiñ, jogui jmóor jmá ji laji e sea quía r lajaang lajaaiñ; ⁴⁵ co 'n bre jalé e sea quía r, jo e cuu e li r do jmóor jmá ji li jialco li 'né quía r lajaang lajaaiñ. ⁴⁶ Jo laco jmí seáng rúñ fi sinúu guá, jo fi quía la'ó rúñ eám iáng dsír gø r ir coling e ja jmijlóng yaaiñ, ⁴⁷ jogui jmifeiñ Fidié. Jo jaléng dsea eám guía fé r uii quíañ, jogui laco jmí laco jmí jmóo Fidié e fíng gui dsea ca'uiñ dsea quía Dsea Jmáang.

3

Mi ca'láang jaang dsea jlúung

¹ Jo co jmí i Tú Simón do cóo gui Juan cangoliñ fi guá fé quía dsea góor dsea Israel e si fi Jerusalén la ii 'ni e ca'lóo, co e oor jo títng dsea Israel e dsiféiñ Fidié.

² Jo e fi guá jo dsigüea jaang dsea i jlúung lati mi cangáng. Jo fi job dsijéeng dsea i dseañ jlúung do laco jmí, jo dsigüeeiñ fi co o'nú quía e guá do e si Li Niguo e laco mi r jaléng dsea i dsitáng fi jo jalé e 'né.

³ Dsa mi cangáng i dsea jlúung do Tú Simón cóo gui Juan e ti li nidsitaiñ fi dsí e sinúu guá do, joba cajíng i dsea jlúung do casí r i dsea gáng do:

—¿Já cuó jnea laji e iáng o'?

⁴ Jo lico cajøom Tú Simón cóo gui Juan i dsea jlúung do, jo cajíng Tú Simón casí reiñ:

—Jøng jnea.

⁵ Joba tiib cajeiñ do li eám cango'gó dsír, co líñ e ling ee nicuób i dsea do ír.

⁶ Joba casí Tú Simón i dsea jlúung do jo cajíñ:

—Ja oo cutee o'gui cunee fa e nicuøø 'na, dsa laji e cuøøng cuøø nicuøbaa: la'eáng cóo 'ña júu quía Dsea Jmáang, dsea seeiñ fi Nazaret, ráan jo ngí.

⁷ Jo mi calí fé Tú Simón lajo, catíñ guoo dsée quía i dsea jlúung do jo caseang neiñ; jo dsifí lajob catíng bí tí i dsea jlúung do cóo gui lutí. ⁸ Jo lico ca'ím i dsea jlúung do, jo dsifí lajob casíñ, jo canaiñ ngí bre jóng. Jo mi cangí jo, ca'í bre cóo i dsea gáng do fi dsí sinúu guá e ningí, jo cangáñ íñ fi dsí jo e jmifeiñ Fidié.

⁹ Jo mi cangá jaléng i dsea do e cangib i dsea jlúung do jogui e jmifeiñ Fidié, ¹⁰ joba eám cango'gó dsí i dsea do, jogui cafóm bir cajo mi cangá e ca'láam i dsea jlúung do, co niñib i dsea do e i dsea jlúung do i lamí gua e fi o'nú guá li si Li Niguo do e mir jalé e 'né.

Mi café Tú Simón júu güi quía r

¹¹ Jo mi cangí jo, i dsea jlúung i ca'láang do dseáng jo tiúum bre Tú Simón cóo gui Juan. Jogui lajim i dsea teáng fi do ie jo eám cango'gó dsír, jogui canaiñ e dsilíñ e fi siguí quía guá fé do fi li si Ni'nú quía dseata Salomón, co fi job taang i dsea gaang do. ¹² Jo mi cangá Tú Simón e guilíng jaléng i dsea do fi do, joba casí reiñ jo cajíñ:

—¿Jialí' dsi'gò' óo' 'nú', dsea' rú'naa' dsea' Israel, uí' e ca'láang' i dseañu' la? ¿Jialí' jøøng'na' jnea' gó'naa'? Co' o' jnea' dsea' cajmi'leáang'naa' i dseañu' la fa' cóo' la'eáang' e 'gøng'naa' o'gui la'eáang' e dsíng' jmféng'naa' Fidiée'. ¹³ Dsu' Fidiée' i cajmféng' 'lii' yáa' quí'ii' i sii' Abraham jogui Isáa' jogui Jacóo' cóo' jaléng'gui dsea' áang' quí'naa', íb' Fidiée' i caguiéng' yá'gui i Fii'naa' Jesús i jmóo' lajii' e iing' dsea' do. Dsu' 'nú' cajáang'na'r fí' quini' jaléng' dseata~, jogui caguieang'na'r fí' quini' dseata~ dsea' féng' i sii' Pilato. Jo i dseata' í' lami' iin' e nileám'bre Jesús, dsu' 'nú' ja' cacuó'na' fí' lajo fa' e caleáaiñ' dsea' do. ¹⁴ Jogui lafa' e nilaang'na're dsea' líiñ' jaang' dsea' güeang' jogui éer' røø, dsu' lí' riquib' cajmee'na'. Co' 'nú' cam'na' e caláang' jaang' dsea' i 'léé' i nicajngang' dsea' rúng' lafa' e nilaang'na' ír', ¹⁵ jogui lajobi cam' 'nú' e cajnga' dsea' quíá' i dsea' i cuø' jneaa'aa' e see'naa' cøøng' cóo' Fidiée' lata~. Dsu' Fidiée' cajmér' e cají'tu dsea' do calé' catú' jee' jaléng' 'lii', jo ne'baa' guiá' lajii'naa', dsea' líi' dsea' apóo', jalé' e jo. ¹⁶ Dsuo' e la'eáang' e jáb' calíng' i dsea' jlúung' i jøøng' máang'na' la e quí' Jesús jmí' e cajmi'leáaiñ' dsea' do, joba' nicalibím'tur jogui nica'láam'bre lana lí' laco'gui nicañi'na' na.

¹⁷ Jo niñi'baa' guiá~, dsea' rú'naa' dsea' Israel, e ja' ñib' 'nú' o'gui dsea' i quie' nifí' quí'ii' ñir' jalé' e cajmee'na' mi' cajngang'na' Jesús. ¹⁸ Dsu' mi' cajngang'na're, job dseáng' cajmiti' Fidiée' lajii' júu' e cacuø' lami' jéeng'gui e caguia' jaléng' dsea' i café' cuaiñ' quíá'r' mi' cajíñ' lala, e dseáng' nisí'í'ba' e nijnga' dsea' quíá' i dsea' i sijeeng'naa' fí' jmigüí' la i nisíng' Fidiée' i nileáang' jneaa'aa' jee' dsee' quí'ii'.

¹⁹ Joba' fí' i 'nú' e quí' jíng' yaang'na' fí' quini' Fidiée' jogui jáang' yaang'na' fí' jaguór', jo lajoba' ni'íiñ' dsee' quí'na'. Jo jangám' Fii'naa' Dsea' Jmáang' nijmér' e nili'íáang' óo'na' jogui e niliseeng'na' juguiá' júu' røø cóo'r'. ²⁰ Jo Fidiée' nisíng'tur Jesús fí' jmigüí' la, jo dsea' íb' cajo i caguíng' dsea' do latí' mi' uing' e laco' niliñ' dsea' quie' nifí' quí'ii', dsea' líi' dsea' Israel, lí' laco'gui nicajíñ' lami' jéeng'gui. ²¹ Dsu' lajee' lana, fí' ñiff'bi' 'né' seeiñ' cartí' mi' niguiá'tu Fidiée' guiá' lajalé' e sea' fí' jmigüí' laco'gui toø' fí' ni' jì' quíá'r' jogui laco'gui casí'r' dsea' quíá'r' i café' cuaiñ' quíá'r' mali'gui eáang', ²² lí' laco' cajíng' Moí' ie' jo ie' mi' casí'r' jaléng' 'lii' dsea' cøøng' quí'naa' lala: "Fii'naa' Fidiée'b' niguíng' jaang' dsea' lajee' dsea' góo'naa' i nifé' cuaiñ' quíá'r' lí' laco'gui caguíñ' jnea' e fá'a cuaiñ' quíá'r'. Jogui 'né' jmee'na' núu'ba' jalé' júu' quíá'r'. ²³ Dsuo' jaléng' dsea' i ja' nilijí' jalé' júu' quíá' dsea' do, ni'íim'bre jo ni'nám'bre congua' jee' jneaa'aa', dsea' líi' dsea' quíá' Fidiée'." Jo lanab cajíng' Moí' ie' jo.

²⁴ Jo lajii'm' dsea' i café' cuaiñ' quíá' Fidiée' mali'gui eáang', canaang' latí' cóo' Samuel cartí' lana, røøb' júu' caguia' quíá' jalé' e dsijéé' lajee' lana. ²⁵ Jogui 'nú'bi' cajo catíng'na' lajii' júu' e cacuø' Fidiée' lami' jéeng'gui la'eáang' cóo' dsea' i caguia' júu' quíá'r'. Jogui nicatím'bi' 'nú' cajo júu' e nisí' quíá' Fidiée' cóo' jaléng' 'lii' dsea' cøøng' quí'ii'. Dsuo' Fidiée' casí'r' Abraham ie' mali' do mi' cajíñ' lala: "Ni'ee' e guiá' cóo' lajii'ng' dsea' seeng' fí' la'úng' fí' jmigüí' la'eáang' cóo' jaang' dsea' sijú' i nijáa' mi' nití' í' lajo." Jo lajob cajíng' Fidiée' casí'r' Abraham ie' jo. ²⁶ Jo mi' cang' e cajmijí'tu Fidiée' i joor' Dsea' Jmáang' do, la'uii' casíñ' dsea' do jee' jneaa'aa', dsea' líi' dsea' Israel, e laco' ni'íing'naa' e ni'náng'naa' jee' jalé' e 'lí' e jmoo'naa' lajaang' lajaang'naa'. Jo lanab lí' jalé' júu' e caguia' Tú' Simón ie' jo.

4

Mi' caguiéng' Tú' Simón cóo'gui Juan fí' quini' dseata~

¹ Jo lagui'ná'bi' fé' Tú' Simón cóo'gui Juan júu' quíá'r' fí' quini' jaléng' dsea' e fí' guá' fé' quíá' dsea' góor' dsea' Israel do, mi' caguilíng' jmidsea' cóo'gui i fii' quíá' dsea' jmóo' í' guá' do jogui cóo'bir dsea' Israel i líng' dsea' saduceo cajo. ² Jo jaléng' i dsea' í' eáam' liguiñ' dsu' e Tú' Simón cóo'gui Juan ngir' ta' e' dsea' e quíá' jí'tu jaléng' dsea'

mi~ ningi e júuiñ- lí^ laco'gui calí- cóo~ Jesús. ³ Jo casam- bre i dsea` gáng- do dsifi lado uíi~ e jo, jo catáng' neiñ' 'nuiñi^ e laco' niquidsir' í^ quiáñ- do mi~ nijneá, co' nica'lóob- mi~ casang'- neiñ' do. ⁴ Dsu' fíim' jaléng' dsea` i nicanúu- e júu^ e guia' dsea` do nicajám' yaaiñ- fí jaguó Jesús, jo lajii~ dseañu' bi cadsíñ- jiu~ ja 'ñiá mil la'ó^ ca'uíñ- dsea` quiá'- Dsea` Jmáang- ie~ jo.

⁵ Jo mi~ cajneá- e jmii~ jo, caseáng' jaléng' dsea` quie' nifi' quiá'- dsea` Israel fí do fí Jerusalén cóo~gui jaléng' dsea` cóong~ quiá'- jogui jaléng' tifa' quiá'- júu^ quiu' ta~ quiá'- dsea` Israel. ⁶ Jo jee~ job quieeng' Anás i líng' dsea` mogui~ quiá'- jaléng' fii~ jmidsea` quiá'- dsea` Israel, jogui jmidsea` Caifás, jogui Juan, jogui Jaang-, lí^ lajaléng' dsea` sinúu^ caguaang- gui quiá'- i dsea` mogui~ quiá'- jaléng' fii~ jmidsea` do. ⁷ Jo jaléng' i dsea` í caquiur' ta~ e nitóør` Tú^ Simón cóo~gui Juan fí jee~ lí teáañi~, jo fí jee~ job casíñ- dsea` do, jo lalab cajmingi'r- dsea` do ie~ jo, jo cajíñ-:

—¿I~ nicacuø' 'nú' fí e cajmi'leáng-na' i dsea` na?, osi ¿i~ júu^ quiá'- é?

⁸ Jo co' Tú^ Simón eáang' jmicóo~ Jmiguí quiá'- Fidié~ quiá'-, joba' cañiir' quiá'- i dsea` góor` do jo cajíñ- casí'- reiñ':

—E laba' fii~ i 'nú', jaléng' dsea` teáang-na' nifi' quiá'-, cóo~gui jaléng' 'nú', dsea` cóong~ quiá'-, ⁹ co' 'nú' jmingi~na' quiá'- jalé' e guiá- e nicajmó'naa' cóo~ i dsea` lamí~ jlúung~ na e laco' niliñi~na' jial calí- e ca'láaiñ-. ¹⁰ Joba' nijmób^ jnea^ júu^ fí quini~ 'nú' e laco' niline~naa' cóo~gui dsea` Israel caguaang- gui e i dseañu' i sing' quini~naa' lajii~naa' la'ó' tee~naa' la ca'láaiñ- la'eáang' cóo~ Dsea` Jmáang- i seeng' fí Nazaret, i dsea` i cateáang' 'nú' fí dse~ crúu^ do, jogui i cajmijí~tu Fidié~ calé' catú-. ¹¹ Jo 'nú' i' óo'na' e i Jesús do líiñ' lafa' coo' cuu~ e ja ta~ íng' quiá'- tii~ fii~, dsu' o' já- e lajo, dsuco' dsea` do lanagui niliñi~ lafa' e cuu~ e niing- gui lajee~ lajalé'. ¹² Jo jíi~ i Jesús dob dsea` cuóong' nileaiñ- jneaa~aa' jee~ jalé' dsee- qui~naa', co' jo i seeng' i jiéng' gui fí la'úng- fí jmigüi' fa' e nicacuøong' Fidié~ i nileáng- jneaa~aa' jee~ dsee- quiá'-.

¹³ Dsu' mi~ cangá- jaléng' dsea` i teáang- nifi' quiá'- dsea` Israel do e eáang' ja 'gó' Tú^ Simón cóo~gui Juan e fé'r jalé' júu^ quiá'- Dsea` Jmáang-, joba' eáam' cangogá' dsii' i dsea` do mi~ canúur- jial tíng' Tú^ Simón fé'r, co' niñi~bre e ja 'ga' lí mí jmitíng' dsea` do, joba' calilí'r e dsea` cangí cóo~ Jesús líiñ' do laji huáaiñ-. ¹⁴ Jo jíi~ ja e bí sea' quiá'- i dsea` do fa' e nijmér- dsee- quiáñ- do, co' jee~ dob sing' i dsea` i nica'láang- do. ¹⁵ Joba' caquiur' i dsea` quie' nifi' do ta~ e ca'uøøm' Tú^ Simón cóo~gui Juan fí caluu' lajee~ cateá' fí quini~ i dsea` fíng' i siseáng' do. Jo mi~ cangí jo, jo canaang- i dsea` i siseáng' do siiiñ' lajee~ yaaiñ- jo sí' rúíñ':

¹⁶ —¿E~ nijmó'oo' cóo~ i dseañu' gáng- na? Co' lajii~ dsea` seeng' fí Jerusalén ñir' e nicajméesiñ- lí lajii~ e cangaiñ' e tiiñ', jo ja' cuóong' fé'naa' e o' já- e jo. ¹⁷ Jo e laco' jo' nini~gui lajii~ júu^ e guar' do jee~ jaléng' dsea`, joba' nité'baa' fø' quiá'- e laco' jo' ningí~guir guar' júu^ cuaiñ- quiá'- i Jesús do.

¹⁸ Jo lajob cajméer'; catób'-tureiñ' do e fí lí siseáng' i dsea` fíng' do, jo caquiur' ta~ quiáñ- do e jo ee' nifé'guiñ' o'gui ni'é-guiñ' do jíi~ coo' júu^ cuaiñ- quiá'- Jesús. ¹⁹ Dsu' i Tú^ Simón do cóo~gui Juan cañiir' quiá'- i dseata~ quiá'- do jo casí'-reiñ':

—Íi' óo' 'nú' yaang-na' jial e guiá-gui, ¿su guiá-gui e nijmití'naa' lajii~ ta~ quiá' 'nú' laco'gui e nijmití'naa' la'uii~ ta~ quiu' Fidié~? ²⁰ Co' ja' cuóong' e nitá' jnea^ e nifé'naa' lajii~ e nicane~naa' jogui lajii~ e nicaná'naa' quiá'- Jesús.

²¹ Jo mi~ canúu- jaléng' i dsea` i quie' nifi' do jalé' e júu^ jo, caleáb~tu casí'-reiñ' do e líng~ ee' nijmeáng' neiñ'; dsu' ja' cateá- dsii' fa' cajméer' lajo, jo catiúum-breiñ' do, co' ja' cadsé'r jial uing~ e nijmér- lajo, co' lajii~ dsea` i teáang- do ie~ jo jmiféiñ' Fidié~ quiá'- lajii~ e calí- do ie~ jmii~ jo. ²² Jo i dseañu' i ca'láang- la'eáang' cóo~ güea^ quiá'- Fidié~ do ningóor' lí'gui tuló- jíi~.

Mi~ cami' dsea` quiá'- Dsea` Jmáang- Fidié~ e nijmicóo' í quiá'-r-

²³ Jo mi~ ca'uøøng` Tú` Simón cóo~gui Juan e fí lí~ siseáng' dsea` do có' nisilaam~bre, joba' caseáng'tu rúin' cóo~ jaléng' i apóo` rúin' caguaiang~gui do, jo cajmea`reín' júu` jalé` e cajíng' jaléng' fii~ jmidsea` quiá~ dsea` góor` dsea` Israel cóo~gui jaléng' dsea` cóøng~ quiá'r~. ²⁴ Jo mi~ cató' jma' rúin' e júu` do, jo caféin' Fidiéé` congua' lajiiñ` do jo cajíñ`:

—Fí'ii', 'nub` dsea` cajmee'~ yá^ jmigüü` cóo~gui guóo'` uó` jogui jalé'` jmii` lí^ lajalé'` e sea` quiá~ laca'íng'~ laca'íng'~. ²⁵ Jo lalab casí~ 'nua` i dseata~ Daví^ i cajmée' lajii' e iing~ 'nua` do, jo la'eáang' cóo~ Jmiguü` quií~ cajme'r` lala:

Ja` dseeng` e niliguíng~ jaléng' dsea` jmigüü` quiá~ Fidiéé`.

Ja` e ta` íng^ e nijmé~ dsea` Israel e ní'í~ dsír' jalé' e ja` ta` íng^.

²⁶ Co' lajaléng' dseata~ dsea` féng' i quiu' ta~ fí` jmigüü` la jmicóøng~ yaaiñ~ fí` quini~ Fidiéé`,

jo coliiim~ cóo~ i dsea` quie' nifí` quií~ii' 'ní'` níin~ 'nua`, Fí'naa',

coliiing~gui cóo~ Dsea` Jmáang~ i nicaguín~ 'nua` do.

Jo lanab cajme' i dseata~ Daví^ do.

²⁷ Jo síi~naa' 'nua`, Fí'naa', e lajob calí~ mi~ dseata~ Herodes cóo~gui dseata~ Poncio Pilato caseáng' rúin' fí' la fí' Jerusalén cóo~ jaléng' dsea` i ja` líng' dsea` Israel cóo~gui jaléng' dsea` góo`naa' dsea` Israel, e cajméer' 'ní'` níin~ Jóo'` Jesús i güeang' i jmóo` lajii' e iing~ 'nua` do i caguín~ do.

²⁸ Jo jaléng' i dsea` do nicajméer` jalé' e na, có' lajob sí'í' quií~ 'nua` e nidsijéé` jalé' e na, jo nicalitib~ lana.

²⁹ Jogui lana, Fí'ii', 'nua`bi dsea` ninuu' jalé' e ga` e fé' i dsea` do uii~ quií~ii', joba' mii~naa' 'nua` e nicuó^ba' bí jaléng' jnea'^, dsea` jmoo~naa' lajii' e iin~, e niguiá^guü' júu` quií~ e ja` gó'naa'.

³⁰ Jogui jmicóo~ jnea'^ cóo~ güea'^ quií~ cajo e quii~naa' jmii~ nijmi'leáang^naa' jaléng' dsea` dsée' jogui e nijmó^naa' jalé' e lí~ jogui jalé' e quii~naa' jmii~ la'eáang' cóo~ Jóo'` Jesús i güeang'^ do.

Jo jii' lanab lí' júu` quiá~ i dsea` apóo^ do e caféin' Fidiéé` ie~ jo.

³¹ Jo mi~ cató' féng' i dsea` apóo^ do Fidiéé`, dsifí' ladob cajlé~ fí' lí~ siseáng' lajiiñ` do. Jo Jmiguü` quiá~ Fidiéé` eám~ jmicóo~ quiá'r~ lajiiñ` e laco' guiar' júu` quiá~ Fidiéé` fí' ní' fii` e ja` gó'r` jii' capí^.

Jalé' e sea` quiá~ dsea` quiá~ Dsea` Jmáang~ lí' e røøb` quiá'r~ lajiiñ`

³² Jo eám~ fiiing' jaléng' dsea` quiá~ Dsea` Jmáang~, jogui røøb` dseáng'~ síin` jogui røøb` éer` lajaléin' do. Jo jii' jaaiñ` do ja` jmóor` e lajii' e sea` quiá'r~ lí' quiá'r~ yaaiñ~, có' jalé' e jo røøb` quiá'r~ lajiiñ`.

³³ Jogui i dsea` apóo^ do eáang'gui nisea` bí quiá'r~ e guiar' júu` quiá~ jial mi~ cají'tu Fí'naa' Dsea` Jmáang~ mi~ cangí e cajúin~; jogui Fidiéé` eám~ jmicóo'r~ lajiiing' i dsea` do cóo~ güea'^ quiá'r~.

³⁴ Jo lajiiim` i dsea` do sea`ba' e 'nér~, có' jaléng' i óo` uó~ osi 'nua'r` é, joba' 'nii`bre e jo, jo e cuu~ e lí'r` do fí' jaguó` i dsea` apóo^ dob ngiiñ`.

³⁵ Jo íguib nijmé~ jmá~jiu lajee~ lajiiñ` do lí^ jialco' lí~ lí' quiá'r~ lajaang` lajaam`bre.

³⁶ Jo lajob cajo cajmée` jaang` dsea` Israel i líng' dsea` levita i sii` Sé^ i niseeng` fí' cóo` lí~ sii` Chipre. Jo i dsea` í calisír` quiá~ i dsea` apóo^ do Bernabé, e guøng' dsea` i jmicóo~ jaléng' dsea` rúng';

³⁷ jo i dseañu' la ni'óo`bre cóo` uó~, jo ca'nii`bre' do, jo e cuu~ e calí'r~ quiá~ e uó~ e ca'nii'r` do, fí' jaguó` i dsea` apóo^ dob caguiar' laji`.

5

Dsee~ e ca'ée` Ananías cóo~ Safira

¹ Jo mi~ cangígui lajo, ca'nii`b` jaang` dseañu' i sii` Ananías coliiing~ cóo~ dseamí quiá'r~ i sii` Safira cóo` uó~.

² Jo røøb` casiiing~ i dseañu' do cóo~ dseamí quiá'r~ e caje`bre cóo~ condseá~ e cuu~ e calí'r~ do, jo dsu' jii' condseá~ba' cacuø'r` i dsea` apóo^ do.

³ Joba' lalab casí~ Tú` Simón i Ananías do jo cajíñ`:

—Ananías, jjiálí' cacuøø' fí' uó' e calí' fii' i líng'^ i sii` Satanás fí' o' e cajmee'~ adsean' quiá~ Jmiguü` quiá~ Fidiéé`, jogui cajé'^ cóo~ condseá~ e cuu~ e calí' quiá~ uó~ e ca'nii~

do? ⁴ ¿Su o' quíi' e uó' do? Jogui mi~ cangí e ca'níi~, ¿su o' quíi' e cuu e calí' do? ¿Jialí' ca'í o' e cajmee' lajo? Jo o' jii' cóo' jnea', dsea' apóo', nicajmee' adseaan', co' cóo' Fidiéeb' dsea' nicajmee' lajo.

⁵⁻⁶ Jo mi~ calí' núu Ananías e júu^ jo, dsifí' lajob caquíiñ' jo cajúm-bre. Jo mi~ cangí jo, caguilíng- tú- 'ní m'ing' siming', jo caquíiñ' 'mi' i 'lii~ Ananías do jo cangojéeng' neiñ' fí' lí' ca'áam-breiñ' do. Jo jaléng' dsea' i caliñí' lajii' e calí' do ie~ jo dsíng' cafóñ'.

⁷ Jo mi~ cangí 'ní oor~ lajo, caguiéng' dseamí' quíá' Ananías fí' jo, jo jii' ja' ñir' jalé' e nicalí' do. ⁸ Jo cajmingí' Tú^ Simón i dseamí' quíá' 'lii~ Ananías do jo cajíiñ' :

—Jméé' jnea' júu^, ¿su ca'níi'ba' e uó' do cóo' jii' 'móo' e nicalíe' na' do?

Jo cañíi' i dseamí' do:

—E já', lajob calí', co' ca'níi'baa' cóo' jii' e 'móo' jo.

⁹ Joba' casí' Tú^ Simón i dseamí' do:

—¿Jialí' casiing' na' røø' cóo' dseañu' quíi' e cajmee' na' adseang' na' quíá' Jmiguí' quíá' Fidiéé'? Lana dob nijalíng' i siming' i cango'áang' dseañu' quíi' do, jogui 'nu'gui nijéiñ' e nidsi'áaiñ' lana.

¹⁰ Jo dsifí' lajob caquíng' i Safira do uii~ tíi~ Tú^ Simón e ni'liim~bre. Jo mi~ caguilíng' i siming' do, ni'liim~ i dseamí' do. Jo cangojéem-breiñ' do fí' lí' ca'áaiñ' jo cataiñ' cáang' e lí' ca'áng' i 'lii~ dseañu' quíá'r' do. ¹¹ Jo lajüng' dsea' quíá' Dsea' Jmáang' i teáang' do ie~ jo cóo' gui jaléng' dsea' i caliñí' jalé' e calí' do, eáam' cafóñ'.

Jalé' e lí' e quíi' dsea' apóo' jmíi' e cajméer'

¹² Jo mi~ cangí jo, jmiguiub' jalé' lí' e quíi' jmíi' cajméé' i dsea' apóo' do jee~ jaléng' dsea'. Jo lajüi' i dsea' quíá' Dsea' Jmáang' do seáiñ' fí' guá' fé' quíá' dsea' Israel lí' sii' Ni'núu' quíá' dseata' Salomón. ¹³ Dsu' jii' jaang' dsea' jiéng' ja' teá' dsíir' e nidsitáaiñ' cóo' i dsea' do doñí' fa' eáam' jmí'góreiñ' do. ¹⁴ Jo lajee~ jo ngóo' lí'fím' jaléng' dsea' i jáng' yaang' fí' jaguó' Dsea' Jmáang', do dseañu' jogui dseamí'. ¹⁵ Jo jaléng' dsea' uóøiñ' jaléng' dsea' dsée' quíá'r' e dsíiñ' ni' 'ma', jo dsijéeiñ' fí' jee' 'núu' e laco' mi~ ningíng' Tú^ Simón fí' jo, fa' jii' capi' i' quíá'-bre nití' lí' teng' jaang' gáng' i dsea' dsée' do, jo lajob ni'leáaiñ' do. ¹⁶ Jogui fím' dsea' i seeng' fí' jalé' fíi' e téé' quíá' Jerusalén dsilíiñ' fí' jo e jéeiñ' jaléng' dsea' dsée' quíá'r' cóo' gui jaléng' dsea' i jée' i 'líng' quíá'. Jo lajaléng' i dsea' do 'láam-bre.

Mí' cangotáang' tu' i dsea' apóo' do fí' dsíi' 'nuñí'

¹⁷ Jo i dsea' mogui~ quíá' jaléng' fíi~ jmidsea' quíá' dsea' Israel cóo' gui jaléng' dsea' Israel i líng' saduceo eáang' calí' dsihuíiñ' quíá' i dsea' apóo' do cóo' jalé' e jmóoiñ' do.

¹⁸ Joba' casam'-bre i dsea' apóo' do, jo catáng' neiñ' fí' dsíi' 'nuñí' quíá' fí'. ¹⁹ Dsu' lajee~ teáaiñ' e dsíi' 'nuñí' dob, casíng' Fidiéé' jaang' ángel quíá'r', jo íb' i caneáa' jní' quíá' e 'nuñí' do lajee~ uóø, jo ca'uóøm-bre i dsea' apóo' do, jo mifíng' casí' reiñ' do lala:

²⁰ —Güilíng-tu' fí' dsíi' guá' fé' do quíi' na', jo güisíi' tu' jaléng' dsea' fí' jo jial laco' niliseeiñ' cøøng' cóo' Fidiéé' lata~.

²¹ Joba' mi~ cajnéa' e jmíi' cóo' gui do, ee' gui cangolíng' i dsea' apóo' do fí' lí' si' e guá' fé' do quíá'r', jo cangotáaiñ' dsíi', jo canaaiñ' e'r' jaléng' i dsea' i caseáng' fí' jo lí' laco' gui ta~ caquiú' i ángel do.

Jo lajee~ jo, i dsea' mogui~ quíá' jaléng' fíi~ jmidsea' do cóo' gui jaléng' dsea' quíá'r' i teáang' gui do, cató'r' jaléng' dseata' i quíe' nifí' quíá' dsea' Israel. Jo mi~ nisiseáiñ' lajaléiñ' do, cahuí' ta~ e nidsitée' i néé' ni' guá' do i apóo' i teáang' dsíi' 'nuñí' do, jo nidsijgeáang' neiñ' e fí' lí' siseáng' dsea' do. ²² Dsu' mi~ caguilíng' i dsea' néé' ni' guá' i sí'í' ngotée' i dsea' apóo' i teáang' fí' dsíi' 'nuñí' do, jo mi~ caguilíiñ' fí' jo, jo i' cadseíiñ' jii' jaang'. Jo caquim'-bre e quíeer' e júu^ do fí' quini' i dsea' siseáng' do jo lalab casí' reiñ' :

²³ —Mí' caguié' naa', dseáng' jní' guiúb' jní' quíá' e 'nuñí' do, jogui i 'léé' i jmóo' í' do, dob teáaiñ' fí' quini' jní'; dsu' mi~ caneá' naa', jii' jaang' jo i' seeng' fí' dsíi' jo.

²⁴ Jo mi~ canúu~ i fi~ jmidsea` do cóo~gui dsea` mogui~ i fi~ i nées ni~ guá~ fé' do e júu^ jo, joba' canaaiñ` sáiiñ` e~ nidsijéé' quiá'r~ cóo~ i dsea` góor` do. ²⁵ Jo lajee' jo, cóo` caguiéb~ jaang` dsea` i quie' júu^ e fi' li~ siseáng' dsea` do, jo lalab casí'r~ dsea` í:

—I dsea` i cateáng' 'nú' 'nañí^ do, dob niteáaiñ~ fi' dsí' sinúu^ guá~ fé' qui~na' lana e e'tur.

²⁶ Joba' cangolíng^ i fi~ nées ni~ guá~ do cóo~gui jaléng' dsea` quiá'r~ e cango'néem' breiñ' do. Jo mi~ cadséng' neiñ' do, ja' ee' cajmeáiñ' jíi~ cóo, có' 'gó'bre fing casi'ló' i dsea` i teáng' do cuu~ ír'. ²⁷ Jo cató~breiñ' do fi' li~ siseáng' i dseata~ i quie' nifí' quiá~ dsea` Israel. Jo mi~ caguiliñ' fi' jo, lalab casí' jaléng' i dsea` mogui~ quiá~ jaléng' fi~ jmidsea` do ír':

²⁸ —Jnea'^ nicaté'baa' fò' qui~na' jéeng'gui e jo' ni'é'na' jaléng' dsea` cuaiñ~ quiá~ i dsea` góo'naa' i sii' Jesús do, jo jóø~na' lana e fi' latøøm~ fi' Jerusalén nicaguiá'na' e júu^ jo, jogui la quie'gui jnea'^ iing~na' cuó'na' dsee~ cuaiñ~ quiá~ e cajnga' dsea` quiá~ i Jesús do.

²⁹ Joba' cañí' Tú^ Simón cóo~ i apóo^ caguiaang~gui do, jo cajíñ~ casí'r~ i dsea` góor` i siseáng' do:

—Laniing~gui eáng' 'né~ e jmití'naa' jalé' ta~ quiu' Fidiéé' laco'gui e nijmití'naa' ta~ quiu' jaléng' dsea` jmigüí. ³⁰ Co' i Fidiéé' i jmiféng' 'lii~ dsea` cóøng' qui~naa' do, dsea` íbing' cajmée' e cají'tu Jesús, i dsea` góo'naa' i cajngang'na' fi' dse' crúu^ do. ³¹ Jogui Fidiéé' nicaseáng' neiñ' do, jogui nicaguiéiñ' lí' lí' dsée' laco' guiiñ' 'ñia'r', jogui nicacuø'reiñ' do ta~ e nicár' nifí' quiá~ dsea` jmigüí, jogui e leáiñ~ dsea` jee~ jalé' dsee~ quiáiñ~. Jogui cajmée' Fidiéé' lajo e laco' niqúí' jíng' yee~naa' fi' quinir~, jneaa~aa' dsea` lí' dsea` Israel, jo lajoba' ni'íiñ~ dsee~ qui~ii'. ³² Jo neb~ jnea'^ guíá~ la'uiing~ e júu^ jo lí' laco'gui la ní' Jmiguí quiá~ Fidiéé' cajo, jo e Jmiguí jo e nicacuø' Fidiéé' jaléng' dsea` i núu~ júu^ quiá'r~.

³³ Jo mi~ canúu~ i dsea` Israel i siseáng' do lajíi~ júu^ quiá~ i dsea` góor` Tú^ Simón do, dsifí' ladob caliguiñ~ jo cartí' mi~ iñ~ nijngám~breiñ' do. ³⁴ Dsu' jee~ i dseata~ i siseáng' do niqúiéeng' jaang' dsea` Israel i líng' dsea` fariseo i sii' Gamaliel, jo líiñ' jaang' tifa' quiá~ júu^ quiu' ta~ quiá~ dsea` góor', jo eámam' jmi'gó' jaléng' dsea` i tifa' do. Jo i tifa' do caróor~ lí' guiiñ~ jo caquiur' ta~ e ca'uøøng'tea i dsea` apóo^ do e lí' siseáiñ' do. ³⁵ Jo mi~ cangí jo, i tifa' fariseo do casí'r~ jaléng' i dsea` i siseáng' do ie~ jo, jo cajíñ~:

—Dsea` góo'naa' dsea` Israel, ñiing~ óo'na' cóo~ jalé' e í' óo'na' nijmee~na' cóo~ i dsea` góo'naa' na. ³⁶ Téé' óo'na' ie~ ningóo'jiu do caseáng' i dseañu' i sii' Teudas do teá' 'ñia'r' e jíñ~ e líiñ' jaang' dsea` laniing~, jo fíim' dsea` caligóñ' lí' lí' quiu' ciento dsea'bing' cangotáang~ cóo~r~ ie~ jo. Dsu' cajngam' dsea` i Teudas do mi~ cangí jo, jogui jaléng' dsea` quiá'r~ casojóm~bing' do, jo jíi~ jo cadséng~ quiá'r~. ³⁷ Jo mi~ cangígui lajo, cóo` jmíi~ e cali'íng^ dsea', caróo~ jaang' dseañu' i sii' Judas i seeng' fi' Galilea i cajíng' e líiñ' jaang' dsea` laniing~; jo fíim' dsea' calí'r~ i caligóng' ie~ jo. Dsu' mi~ cangígui lajo, dseab` cajnga' quiá'r~ cajo, jogui jaléng' i dsea` quiá'r~ do casojóm~biñ' do cajo. ³⁸ Joba' fíi~ jnea~ 'nú' e tiúung'na' jaléng' i dsea` na, jo ja' quíng'na' jíi~ cóo` cóo~r~. Co' faco' e júu^ la quiá~ lajíi~ yaang~ dsea` jmigüí, cuøøm'bi ningíng~. ³⁹ Dsu' song e júu^ la e quiá~ Fidiéé', joba' ja' qui' jmi~ nilí' 'nú' e ni'íng~na'. Joba' fíi~ i 'nú' e ñiim~ óo'na', jo jie' mi~ jmee~na' e teáng~na' ga' uii~ quiá~ Fidiéé'.

Jo mi~ calí~ e fé' i tifa' Gamaliel do e júu^ jo, ca'ím~ i dsea` do júu^ . ⁴⁰ Jo cató'b~tur i dsea` apóo^ do calé' catú~ fi' lí' siseáng' i dsea` fíing' do; jo mi~ niteáaiñ~ do, jo cabøøng~neiñ' jogui ca'íi~tur 'goo' quiáiñ~ do e jo' niguiá~guiiñ' do júu^ quiá~ i Jesús do. Jo mi~ cangí jo, joguiba' caleáng'neiñ' do. ⁴¹ Jo ca'uøøm~ i dsea` apóo^ do e fi' jo e iáang' dsíir', có' Fidiéé'bing' i nicacuø' ír' e laco' nidsing~iñ~ iihuí' uii~ Jesús. ⁴² Jo canaang~tu i dsea` apóo^ do e r' jaléng' dsea` júu^ quiá~ Jesús laco~ jmíi~, jogui guiar' jalé' e júu^ do fi' dsí' sinúu^

guá'- fé' quiá'- dsea` Israel e si' fí' Jerusalén jogui lajobi lacaang` fí' sináú` quiá'- dsea` cajo.

6

Mi` ca'náaiñ` guiáng` dsea` i nijmicóo` quiá'- e nilí` guié` jalé` e 'né`

¹ Jo ie~ jo, eáam` ngofíng` dsea` i jáng` yaang` fí' jaguó` Dsea` Jmáang`-; joba' i dsea` i fé' jmí' griego canaaiñ` jmiquíum'` dsír' quiá'- i dsea` Israel i fé' jmí' hebreo, jo fé'r` e jaléng` dseamí` griego i 'nái` ja` iñ` røø` lajii` e ngíiñ` e 'né`- lacoó` jmíi`. ² Joba' caseáng` i dsea` guitúung` do lajaléng` dsea` i nilíng` dsea` quiá'- Dsea` Jmáang`- jo casí'- reiñ' do jo cajíñ`-:

—Ja` dseeng` e jnea'` nitú`naa' e guia`naa' júu` quiá'- Fidié` e laco' nijmó`naa' guié` lajii` e si'í` niñíng`na'. ³ Joba' fíi`-i 'nú', dsea` rú`naa' dsea` quiá'- Dsea` Jmáang`-, 'néeng` rúng`na' lajee` la'ó' yaang`na' guiáng` dseañu` i la'ó' nicuíng` rúng`na' røø` cóo'~ jogui` níngáng`na' quiá'- rúng`na' jogui` i la'ó' nijmicóo'~ Jmiguí` quiá'- Fidié` qui`-na'. Joba' dsea` í'bing' niguiá`na' ni` e ta` jmóo` guié`- na. ⁴ Jo jnea'` nijmó`bái` ta` féng` Fidié` jogui` ta` guía` júu` quiá'- Dsea` Jmáang`- lajee` jo cajo.

⁵ Jo lajim` i dsea` do casíiñ` røø` ie~ jo. Joba' ca'náaiñ` Tée~, jaang` dseañu` Israel i já` líng` júu` quiá'- Dsea` Jmáang`- car` ngocáng` dsír' jogui` i jée` Jmiguí` quiá'- Fidié` quiá'-, cóo'~ gui Lií` cóo'~ gui Prócoro cóo'~ gui Nicanor cóo'~ gui Timón, jogui` Pármenes jogui` cóo'~ Nicolás, jaang` i niseeng` fí' Antioquía, jo i dsea` í` nicaquí`- jíng` 'ñia'r` e laco' nica'uíiñ` dsea` Israel. ⁶ Jo mi` cangí` jo, cangosíng` yaaiñ` fí' lí` teáng` dsea` apóo`, jo í`guibing` camí' Fidié` uii` quiáiñ`- do, jogui` mifíng` caquidsir` guóor` moguiñ`- lajaang` lajaaiñ` e laco' cuø` lí` e ca'íiñ` e ta` do.

⁷ Jo lajob` ngóo` ni' júu` quiá'- Fidié`, jogui` ngóo` dsifíim`bi` i dsea` i jáng` yaang` fí' jaguó` dsea` do fí' Jerusalén. Jo jí`gui` i fíim` jmidsea` Israel iñ` júu` quiá'- Dsea` Jmáang`- ie~ jo.

Mi` casaiñ`- Tée`

⁸ Jo co' eáam` 'gøng` i Tée` do la'eéang` cóo'~ güea'` 'gøng` quiá'- Fidié`, joba' jmóo`bre jalé` e quíi` jmíi` jogui` jalé` e lí` fí' jee` dsea` seeng` fí' jo. ⁹ Jo cóo` jmíi` fíim` dsea` Israel dsea` góo` i Tée` do canaang` jmiquíng`- dsír' cóoiñ`- do, jo i dsea` Israel i fíng` do quiéeng` i líng` dsea` i teáng`- jee` 'lé` e sií` Liberto colíng` cóo'~ dsea` i seeng` fí' Cirene cóo'~ gui fí' Alejandría, jogui` jaléng` dsea` seeng` lí` se' Cilicia cóo'~ gui lí` se' Asia cajo. ¹⁰ Jo jaléng` dsea` í'bing` canaang` jmiquíng`- dsí' cóo'~ i Tée` do, dsu' ja` lí'guir` fa' e røø` nicóng`- júu` quiá'r` cóo'~ i Tée` do, co' eáam` tiiñ` do la'eéang` cóo'~ Jmiguí` quiá'- Fidié`. ¹¹ Joba' i dsea` í` ca'náaiñ` dsea` 'léng`- i nijmé`- dsee`- uii` quiáiñ`- do e laco' nicuø'r` dsee` i Tée` do e féiñ` do jmang`- júu` ga` uii` quiá'- Moi` jogui` uii` quiá'- Fidié` cajo. ¹² Jo lajob` calí`, júu` job` teá` casá'- jaléng` dsea` Israel i seeng` fí' do colíng` cóo'~ jaléng` dsea` cóøng`- quiá'r` cóo'~ gui jaléng` tifa' quiá'- júu` quiu` ta` quiá'r`, jo jmang`- i calí` 'ní` níim`- i Tée` do. Jogui` jaléng` i dsea` Israel do casam`-bre Tée` jo caguíjeáiñ` fí' quini` jaléng` dseata` i quíe` nífi` quiá'r`. ¹³ Jo mi` caguíiñ` fí' jo, dob` niteáng` dsea` i nisi`neang` i nífé` ga` uii` quiá'- Tée~, ¹⁴ jo lalab` cajíng`- i dsea` do:

—Nicaná`naa' e fé' i Tée` do cuaiñ` quiá'- Jesús i seeng` fí' Nazaret e ní'ím`-bre guá' fé' qui`naa' e si' fí' Jerusalén, jogui` e nijmisíiñ` jalé` e qui'` tii`naa' jmoo`naa' e casé` Moi` do e 'né`- jmití`naa'.

¹⁵ Jo i dseata` Israel do cóo'~ gui i dsea` i neáng` do ie~ jo, mi` cajøoiñ` Tée~, jo cangáng`-neiñ` do e lí' niñ`- laco' lí' ni` jaang` ángel i casíng` Fidié`.

7

Mi` cajmi'óng` 'ñia'` Tée` cóo'~ layaang` júu`

1 Jo mi~ cangî jo, i dsea` mogui~ quiá'- jaléng' fi~ jmidsea` quiá'- dsea` Israel do cajmingí'r- i dsea` góor` Téé~ do song e jáb'- lajii' júu e nicanúur- fé' dsea` uii~ quiáin'- do. 2 Joba' cañii' Téé~ quiá'- i dsea` mogui~ fi~ jmidsea` do jo casí'- reiñ' lala:

—Núu-na' júu^ quié~e, dsea` cóong'~ qui~ii' jogui dsea` rú'naa' dsea` líi' dsea` Israel. Cajmijnéem` 'ñia' Fidiéé~ qui~ii' i laniing- 'gøng' do fí quini' 'líi~ yáa'~ qui~ii' Abraham malii~gui eáang' lajee~ e cateáang` 'líi~ yáa'~ do fí Mesopotamia lajee~ e ná'-gui nidsér- e nidsigüear` fí Harán. 3 Jo lalab casí'- Fidiéé~ dsea` í ie~ jo: “Túu' góo' cóo'~gui jaléng' dsea` sijú'^, jo niguó'^ fí guóo'~ uó~ li~ ni'éé~e 'na.”

4 Jo lajob cajméé` 'líi~ yáa'~ qui~ii' Abraham, cagüi'í'bre e fí Caldea do jo fí dob cangogüear` fí Harán. Jo mi~ cangî jo, cajúm- tiquiá'r^ . Jo Fidiéeb~ cató~ quiá'- i Abraham do fí Canaán fí li~ née` jneaa~aa' lana. 5 Dsu' ja` cacuø' Fidiéé~ dsea` í jii'~ coo' uó~ ie~ jo. Jo Fidiéé~ casí'r- 'líi~ yáa'~ Abraham e nicuø'-bre dsea` siju~ dsea` do e uó~ do, nañi' fa' jii'~ jaang` jóo' 'líi~ yáa'~ Abraham ja` mí seeng` ie~ jo. 6 Jogui casí'-bi Fidiéé~ i Abraham do e jaléng' dsea` Israel i líng' dsea` áang' qui~naa' nidsiliiñ- e nigüear` e líiñ' dsea` fi~ jié' fí coo' ni~ guóo'~ uó~ e née` huji~. Jo fí job nijméiñ'- do ta~ laco' dsea` si'nning~ jogui gab` nidsingüiñ- do lajee~ quiú' ciento jii'. 7 Jo casí'-bigui Fidiéé~ i Abraham do jo cajiiñ'-: “Jnea~ nicuøøø iihuí' jaléng' dsea` i nijmeáng' ta~ jaléng' dsea` quié~e e líiñ' do dsea` si'nning~. Jo mi~ ningî jo, ni'uóm` jaléng' i dsea` quié~e do fí jo, jo jaléng' í nijmér- lajii'~ e iim~baa e fí guóo'~ uó~ na.” Jo lanab casí'- Fidiéé~ i Abraham do ie~ jo.

8 Jo Fidiéé~ cacuø'r` júu^ 'líi~ yáa'~ Abraham, jo catigua` júu^ e tóo' li~ fí ngúu' táang` lajii'~ yuu~ siñuu^ e laco' cuø' li~ e Fidiéeb~ líng' Diéé~ quiá'r- , jo lajob ta~ caquiú' Fidiéé~ quiá'- 'líi~ yáa'~ Abraham e nijmiti~bre e jo. Joba' mi~ tí li~ caliséng` jaang` jiuung~ siñuu^ quiá'r- i calisí Isáa', jo catéé~bre li~ fí ngúu' táaiñ' do mi~ cadsíñ- jñiá- jmi~ lí' laco' ta~ cahuí' quiá'r- . Jogui lajob cajméé` i Isáa' do mi~ caliséng` jaang` jóor' siñuu^ i calisí Jacóo^, jogui lajob cajméé` Jacóo^ cajo cóo'~ laji` guitúung` jóor' siñuu^ i caliséng` quiá'r- . Jo i guitúung` dseañu' íb' líi' tiquiá' laji` guitu' 'lé' dsea` Israel i líng' dsea` áang' qui~ii' do.

9 Jo co' jaléng' i jóo' Jacóo^ i líng' dsea` áang' qui~ii' do calí` dsihuim~bre quiá'- i rúin' i sii` Sé do, joba' ca'nám~breiñ' do cóo'~ dsea` i seeng` fí Egipto, jo i dsea` í fí job cajéeng`neiñ'. Jo dsu' eáam` cajmicóo'~ Fidiéé~ quiá'- i Sé do, 10 jo caleáam~breiñ' do jee~ jalé' iihuí' e si'í' e nidsingüiñ'- do, jogui cacuø'reiñ' do e tím~biñ' eáang', jogui cajméer` e guiáb- ca'éé` i dseata~ dsea` féng' quiá'- Egipto cóo'r~, jogui cacuø'reiñ' coo' ta~ e líiñ' do dsea` nu'luu~ quiá'- dseata~ dsea` féng' e fí Egipto do, jogui e née` niñ' do fí 'na i dseata~ féng' do cóo'~gui jaléng' i dsea` i jmóo' ta~ fí jo.

11 Jo mi~ cangî jo, cajá- jii' oo- fí latøng- Egipto cóo'~gui fí Canaán, jo eáam` iihuí' cangongüing- dsea` cóong'~ qui~naa' co' jo` sea` e nidø'r-. 12 Dsu' mi~ caliñi' i Jacóo^ do e seab` micui'íee` fí Egipto, joba' fí job casíiñ` jaléng' jóor' i líng' dsea` áang' qui~ii' do. Jo e job la'uii~ ya' e cangolíiñ'^ do fí Egipto.

13 Jo mi~ cangolíng- tu i jóo' Jacóo^ fí Egipto e catí` tú- ya', jogui'ba' cajméé` Sé júu^ cóo'~ jaléng' i dsea` í e rúin' dsea` ngáang'~ cóo'~bre líiñ' do. Jo lajob caliñi' i dseata~ Egipto do e dsea` Israel líng' Sé` laco'gui jneaa~aa'. 14 Jo mi~ cangî jo, caquiú' Sé` ta~ e nidsé- tiquiá'r^ Jacóo^ colíing~ cóo'~ jaléng' dsea` siñuu^ quiá'r- fí lí' guing~ dsea` do fí Egipto. Jo lí' lajee~ lajiiñ' la'ó' cangolíiñ' fí jo tí'bre setenta y cinco.

15 Jo lajob cajméé` Jacóo^, cangogüea~bre fí Egipto cóo'~ jaléng' dsea` siñuu^ quiá'r- . Jo fí job cajúin~, jo fí jobi cajo cajúng- jaléng' dsea` áang' qui~naa'. 16 Jo jalé' móo' teáang' i Jacóo^ do cangocóor` fí Siquem lí' se' Canaán, jo ca'óor- fí dsí' tó' éé' lí' calá- 'líi~ yáa'~ Abraham quiá'- jaang` i calisí Hamor e fí Siquem do.

17 Jo mi~ nijaquiéeng` e nijmiti~ Fidiéé~ lajii'~ júu^ e cacuø'r' 'líi~ yáa'~ qui~ii' Abraham lamí` jéeng'gui eáang', jo eáam` nicangofüing- dsea` áang' qui~ii' dsea` Israel e fí Egipto do. 18 Jo ie~ jo mi~ caguá' jaang'gui dseata~ dsea` féng' i caquiú' ta~ e fí Egipto do, jo i dseata~ í jo` calicuíiñ` Sé^ . 19 Jo i dseata~ í, eáam` ga` ca'éer` cóo'~ jaléng' dsea` góo'naa' dsea` Israel,

jogui caquiñ' i dseata do ta e 'né nitiúuiñ' do jaléng' yññ siññ quiá'r e laco' nijúuiñ' do.

²⁰ Jo ie job cajo cangáang' i yññ siññ Moi do, jo eám' íaang' dsí' Fidié' cóo' i yññ do. Jo sejmii'biñ' do cajmicuóo' quiá'r lajee' gaang' si'. ²¹ Jo coob' mi' cat' í' e 'né nitiúuiñ' i yññ do quiá'r, joba' cangotiúum'bre. Jo jaang' simí' quiá' i dseata dsea' féng' Egipto do, íb' cadséng' i yññ do, jo cat' bre fí' quiá'r, jo cajmicuáang'neiñ' do lafa' jóo'bre. ²² Jo mi' cacuaiñ' do, calitím'bre lajii' e tñng' dsea' egipcio, jogui eám'bi' 'gõñ' cajo e tññ' jalé' júu' cóo' gui jalé' e jmóo' dsea' do cajo.

²³ Jo mi' cadsí' i Moi i líng' dsea' áang' qui'ii' do tuló' jii', ca'f' dsír' e nidsi'eer' dsea' góor' dsea' Israel i taam'bi' fí' Egipto do. ²⁴ Jo mi' caguiér' fí' jo, cangáñ' jaang' dsea' egipcio i táang' jmáng' jaang' dsea' góor' dsea' Israel. Jo cajmi'óm' Moi i dsea' góor' do, jogui cajngam'bre i dsea' egipcio do.

²⁵ Jo í' dsí' i Moi do e nililí' jaléng' i dsea' góor' dsea' Israel do e la'eáang' cóo' í'bre nileáng' Fidié' jaléñ' do, jo dsu' ja' calilí' i dsea' góor' do jalé' e jo. ²⁶ Jo mi' cajneá' lajo, ngó-tu' Moi' calé' catú' e cango'eer' dsea' góor' dsea' Israel. Jo mi' caguiér' fí' jo, cangáñ' gáng' la'ó' dsea' góor' i taang' ta' tñng', joba' calí'iiñ' e nisíng' tuiñ' do røø' jo casí' reiñ': “¿Jialí' taang' 'nú' ta' tñng' la'ó' rúng'na'?”

²⁷ Joba' i dsea' i jmáng' i jaang'gui do caliguím'bre quiá' Moi, jo ca'lem'breiñ' do jo casí' reiñ' lala: “¿I' caguíng' 'nu' e lín' jaang' fii' qui'ii' i quidsi' í' jee' jnea'”? ²⁸ ¿Su' í' o' e nijngan' jnea' laco'gui cajngan' i dsea' egipcio do lado guié'?”

²⁹ Jo mi' canúu' Moi e júu' jo, cagüi'í'bre fí' Egipto jo cangór' cangogüear' fí' coo' guóo' uó' e née' huí' e sii' Madián. Jo fí' job caguár' laco' jaang' dsea' i jaa' fí' lí' huí'. Jo fí' job caliséng' gáng' jóor' siññ.

³⁰ Jo mi' cang' tuló' jii' lajo, coo' jmii' lajee' e ngí' Moi fí' coo' guóo' uó' lí' ja' ii' 'ga' lí' dsea' seeng' fí' quiá' coo' mó' e sii' Sinaí, jo fí' job cangár' coo' 'matóo' e gui' ía' jì' dsu' ja' e coo'. Jo lajee' job cajmijnéeng' 'ñia' jaang' ángel quiá' Fidié' e fí' jee' jì' quiá' e 'ma' e gui' e ía' jì' do. ³¹ Jo eám' cango'gó' dsí' Moi mi' cangár' e jo. Jogui mi' cangoquiéeiñ' cartí' quiá'gui e laco' nijøør' guiá' e jo, jo canúur' luu' Fidié' e guicajíng' lala: ³² “Jneab' Fidié' i jmiféng' jaléng' 'liñ' dsea' cóøng' qui'na' i calisí' Abraham cóo'gui Isáa' jogui Jacóo'.”

Jo mi' canúu' Moi e júu' jo, eám' cafóñ' car' cajlém'bre, jo jii' jo' niteá' dsír' fa' nijøø'guir e lí' gui' 'matóo' e ía' jì' do. ³³ Jo guicaiñí'tu' Fidié' quiá' Moi jo casí' reiñ' do lala: “Uøø' lomii', Moi, dsuco' güeam' e ni' guóo' uó' lí' sí'ø' na' lana, co' quiáb' sín'n. ³⁴ Jo nicamó'baa guiá' jial tí' iihuí' e íng' dsea' quié'e, dsea' Israel, i taang' fí' Egipto, jogui nicanú' bñ' jalé' dsee' e jmóo' dsea' egipcio quiá'r. Joba' cagüén' n' 'ñia'a e laco' nijmicóo'baare e nileáñ'. Jo fñ' i 'nu' e lana nisín' n' 'nu' fí' Egipto e laco' nigüileaan' jaléng' dsea' quié'e.”

³⁵ Jo casí'gui Téé' i dsea' do e júu' la:

—Jo nañí' fa' ja' calí'íng' dsea' Israel e i Moi do nicár' nifí' quiá'r jogui casí'biguir lala cajo: “¿I' caguíng' 'nu' e lín' jaang' fii' qui'ii' i quidsi' í' jee' jnea'”? jo dsu' Fidié' casí'ñ' i Moi do jee' jaléng' dsea' quiá'r e niquiá'r ta' jaléng' dsea' góor' dsea' áang' qui'ii', jogui e nileáng'neiñ' jee' iihuí' e íñ' fí' Egipto. Jo calí'ñ' e ta' jo la'eáang' cóo' i ángel i cajnéng' fí' e lí' gui' 'matóo' e ía' jì' do jo dsu' ja' coo'. ³⁶ Jo i Moi dobing' ca'uóøng' jaléng' dsea' áang' qui'ii' dsea' Israel fí' Egipto, jo í'bing' lajee' tuló' jii' cajméer' jalé' e lí' jogui jalé' e quí'r' jmii' la'eáang' cóo' güea' quiá' Fidié' lajee' jeeiñ' dsea' áang' qui'ii' mi' cacuo'r' fí' mar Rojo jogui mi' cangír' fí' jee' uó' quiá'. ³⁷ Jogui i Moi dobi cajo i casí' jaléng' dsea' góor' dsea' Israel cóo' e júu' la: “Fidié' nijmér' e fí' jee' 'nú' nigüi'í' jaang' dsea' i nifé' cuaiñ' quiá' dsea' do laco'gui la jmóo' jnea'.” ³⁸ Jogui Moi'bi' cajo i calíng' júu' quiá' i ángel do fí' yá' mó' Sinaí; jo lí' jo cangáñ' quiá' 'liñ' dsea' áang' qui'ii' dsea' Israel lajee' e siseáñ' do fí' ni' guóo' uó' quiá'. Jo Moi'bi' cajo i calíng' e júu' quiá' Fidié'

cóo' e cuø e see~naa' cøøng` cóo' Fidiée` lata~, jo í'bi cajo dsea` cangíiñ' fí jaguóo`naa' e júu^ jo, dsea` líi'naa' dsea` góor` dsea` Israel.

39 'Dsu' ja` cali'ing~ jaléng' 'líi' dsea` áang' quí~naa' fa' calinúu'r~ júu^ quiá'- dsea` do o'gui calijí'r~ júu^ quiáíñ'- do cajo, co' cali'íiñ~ e niqum' tur calé' catú- fí Egipto. 40 Jo í dsea` Israel do casí'r- Aarón, jaang` rúng' dsea` ngáang' cóo' Moí do, jo casí'-reiñ' lala: "Jmilüing` diée~ quí~ii' i ni'é!- jneaa~aa' fí. Co' ja' ne~naa' e calí- cóo' i Moí do i ca'uøøng` jneaa~aa' fí Egipto, co' ja' mí cagüeam'bir e fí yú'^ mó' lí~ cangór- do". 41 Joba' cajmeáang` i dsea` Israel dsea` áang' quí~ii' do jaang` diée~ i líng' la líng' güitá' jiuung~ cóo' layaang~ cunée~. Jo mí cangí e cajmilüiñ~ i diée~ do, jo canaaiñ` jmifém'breiñ' do, jo jngaiñ' jaléng' jó' e cuøiñ' i diée~ do, jogui jmóor` jmí e jmiféiñ' i diée~ í cajo i cajmeáiñ` cóo' layaang~ guóor` do.

42 Jo uíi~ joba' ca'náam- 'ñia' Fidiée` cóo' jaléng' dsea` quiá'r- dsea` Israel dsea` áang' quí~ii', jo ja' cajnir' fí quiáíñ'- do e nijmiféiñ' jaléng' núu' i sitøng'- yú'^ jmigüi; co' lajob too~ fí ni` jì quiá'- Fidiée` e cajme' i dsea` i café' cuaiñ~ quiá'r- malí~gui eáang' mí cajíñ'- lala:

Dsea` Israel:

'Nú', lajee` tuló- jii` e cangí'na' fí ni~ guóo' uø- quiú, ja' cajmí'goo'na' jnea~ fa' cajngang'na' jó' i cacuøøng'na' jnea~.

43 Co' 'nú' ie~ jo cajmée'na' 'núu' lí~ cajmiféng'na' i diée~ i sii` Moloc cóo'gui núu' quiá'- i diée~ i sii` Refán.

Jo lajì huáang~ i diée~ í yaam~ 'nú' cajmeaang`na're.

Jo uíi~ joba' nisín^n 'nú' cartí coo` guóo' uø- lí huíi^ tí dogui laco' lí se' Babilonia. Lanab too~ e fí ni` jì do.

44 Jo café'bi Téé~ júu^ quiá'r- jo casí'-reiñ' jo cajíñ'-:

—Jo lajee` ngí jaléng' 'líi' dsea` cøøng~ quí~naa' fí jee~ guóo' uø- quiú, quier' coo' 'núu' e líi' cóo' layaang~ 'mí', jo fí dsí' job jmiguiéng' dsí' jalé' júu^ e cacuø' Fidiée` ír` lamí~ jééng'gui. Jo e 'núu' do calí- dseáng'- laco' ta~ caquiú' Fidiée` quiá'- Moí lí'^ laco'gui jii' í' e ca'íng' dsea` do quiá'- Fidiée` mí cangár- jalé' e jo. 45 Jo mí cangí jo, jaléng' dsea` áang' quí~naa' ca'ím'bre e 'núu' 'mí' do. Jo mí cagüilíiñ` cóo' Josué e fí guóo' uø' la, quíe~bre e 'núu' 'mí' do, jo quíe~bre cajo mí calí'r- jalé' uø- quiá'- jalé' fí e caguíe~gui e cacuø' Fidiée` jaléng' i dsea` í. Jo lajobi jmóor` latí mí catí í' e caquiú' dseata~ Daví'^ ta~. 46 Jo eám' cali'íáang` dsí' Fidiée` cóo' i dseata~ Daví'^ do, jogui Daví'^ cali'íiñ~ cajme'r' coo' 'núu' fí lí~ nijmiféng' dsea` i Fidiée` quí~ii' jogui i líng' Fidiée` quiá'- 'líi' yúu~ Jacóo^ cajo.

47 Jo dsu' i jóo' Daví'^ i sii` Salomón, í'bing' i cajme' e 'nu~ Fidiée` do. 48 Jo dsu' Fidiée` dsea` féng' dsea` ñíng' ja' seeiñ' fí dsí' 'núu' e jmo' dsea` jmigüi yaaiñ` lí'^ laco'gui cajíng'- i dsea` áang' quí~ii' i café' cuaiñ~ quiá'- Fidiée` malí~gui eáang' i calisí Saíi^ mí cajíñ'- lala:

49 Jnea~ Fidiée~, jo fí ñifb- lí~ guíi~n quiá'~ta~,

jogui fí guóo' uø- la lí jmi'íng' tíi.

Jogui 'nú', dsea` Israel, ¿e~ íng'~ 'núu' e nijmée'~ 'nú' quié-e?,

jogui, ¿jie~ fí lí~ nijmi'ín'n cajo?

50 Dsuo' 'ñiáb' jnea~ cajmé- e lajalé' e sea' fí la'úng- fí jmigüi.

Jo lanab jii' lí' júu^ quiá'- Fidiée` e cajme' Saíi^ fí ni` jì quiá'r- malí~gui eáang'.

51 Jo café'bi Téé~ júu^ quiá'r- jo cajíñ'-:

—Dsu' 'nú' quié'na' logua~ dsea` i ja' cúing' Fidiée` jogui dsí' dsea` i ja' cúing' dsea` do cajo, co' saam` áa'na' jmoo'na'. Jogui røøb' líng' 'nú' cóo' jaléng' 'líi' dsea` áang' quí~naa', co' contøøm- 'ní' máang'na' Jmiguí quiá'- Fidiée`. 52 Co' jaléng' i dsea` í'bing' eám' ga' cajmeáiñ' jaléng' dsea` i café' cuaiñ~ quiá'- Fidiée` malí~gui jo cajngam'bre jaléng' dsea` í mí caféiñ' cuaiñ~ quiá'- i dsea` i ja' røøng` dsee- i tí lí~ nijáa' do. Jogui lanagui nicagüém- fí jmigüi la i dsea` i ja' røøng` dsee- do, jo dsu' 'nú' 'níb' cañíng'na're cartí

canjngam'ba're. ⁵³ Jø nañí fa' e nica'ling' na' júu^ quiá' ta~ quiá'- Fidiéé' la'eáang' cóo' jaléng' ángeles quiá'r~, jø dsu' ja' cajmee' na' núu' na' e jø.

Mi~ cajnga' dsea` quiá'- Téé~ cóo' layaang` cuu~

⁵⁴ Jø mi~ canúu~ jaléng' i dsea` quie' nifí quiá'- dsea` Israel e júu^ quiá'- Téé~ do, dsíng' caliguiñ~ quiá'- dsea` do carjì tar' majar~. ⁵⁵ Dsu' i Téé~ do eám' jée' Jmiguí quiá'- Fidiéé' quiá'r~, jø caséer' nir~ fí yá' jmigüü jø cangár~ cateá' fí lí' laniing' 'gøng' quiá'- Fidiéé', jøgui cangáñ~ Jesús e sing' dsea` do lí' lí' dsée' cáang' Tiquiá'r^ Fidiéé'.

⁵⁶ Jø casí' Téé~ i dsea` siseáng' do:

—jðø~ na! Lana móo'o fí ñifí~, jø dob máan'n i dsea` i cajá' fí ñifí~ e líiñ' jaang` dsea` jmigüü; jø máan'nre e siñ' fí lí' lí' dsée' laco' guing~ Fidiéé'.

⁵⁷ Jø dsu' i dsea` i teáang~ do i 'nñng' Téé~ cajni'bre loguar~ jø canaaiñ' guiar' 'goo' lajñiñ' do e nisáiñ' Téé~ jø casam'~bre. ⁵⁸ Jø caguíng'neiñ' do fí caluu' e fi' jø, jø canaaiñ' táang'neiñ' cuu~; jø jaléng' i dsea` i 'ní' ní' quiá'r~ do caséer' sí'r^ cóo'~ jaang` siming' i sii' Saulo lajee' e táang'neiñ' do cuu~.

⁵⁹ Jø lajee' jø canaang' Téé~ e féiñ' Fidiéé' jø cajíñ'~:

—Fíi' Jesús, íin' jmigüü quie' e jmí~ na.

⁶⁰ Jø mi~ cangí' e café'r' e jø, casí'r' uø~ jnir~ jø canaaiñ' fé'r' teá':

—Fíi', ja' jmée'~ cuente e dsee~ e ca'ée' i dsea` la.

Jø mi~ calí' café'r' e júu^ na, jø cajúm~bre.

8

Mi~ cajmeáng' Saulo ga` jaléng' dsea` quiá'- Dsea` Jmáang~

¹ Jø røøb' casíng~ i Saulo do cóo'~ jaléng' i dsea` i cajnga' quiá'- i Téé~ do.

Jø 'ñia' ie~ jmí~ jø canaang' jaléng' i dsea` do jmáiñ' jaléng' dsea` quiá'- Dsea` Jmáang~ i neáang' fí Jerusalén. Jøba' casojøm~ jaléng' i dsea` í, jø cangolíñ' fí guóo'~ uø~ lí' se' Judea cóo'~gui lí' se' Samaria; jø jíi'~ i dsea` apóo'~ dobing' caje'gui fí jø. ² Jø cóo' tú~ máng'~ dsea` i jmí'gó' Fidiéé', íb' ca'áang~ i 'lí' Téé~ do, jø eám' calijiuung~ dsír' uii' quiáiñ'~ do cajo. ³ Jø lajee' jø i Saulo do ngir' lacoø' sínúu^ quiá'- jaléng' dsea` i cuíng' Dsea` Jmáang~ e jmáiñ' ga` jaléng' dsea` do jøgui tøør' laguidseaang^ jaléng' í jø dsijeáaiñ' fí dsí' 'nuñí'; jø do quiéeng' jaléng' dseañu' jøgui jaléng' dseamí.

Mi~ caguia' dsea` júu^ quiá'- Dsea` Jmáang~ fí lí' se' Samaria

⁴ Jø lajee' jø, jaléng' dsea` quiá'- Dsea` Jmáang~ i ca'uøøng' fí Jerusalén do naaiñ' guiar' júu^ quiá'- Dsea` Jmáang~ lacoø' fí lí' guilíñ' quiá'- jial nileáng' jaléng' dsea` jee~ jalé' dsee~ quiá'r~. ⁵ Jø jee~ i dsea` í quiéeng' jaang' i sii' Lii~, jø í cangór~ fí cóo' fi' laniing~ lí' se' Samaria, jø fí jøb' canaaiñ' e'r' jaléng' dsea` júu^ quiá'- Dsea` Jmáang~. ⁶ Jø fím' dsea` seáiñ' e fí lí' táang' i Lii~ do, jø lajñiñ' do eám' ngocáng' dsír' núur' júu^ quiá'- Dsea` Jmáang~ e guia' dsea` do, jøgui ní'bir' cajo jalé' lí' e quíi'~ jmí~ e jmóo' dsea` do. ⁷ Jø ie~ jø i fím' dsea` i jée' i 'ling' quiá'- cajmi'leáang~ i Lii~ do, jø jaléng' i 'ling' do dsíng'~ óor' mí' uøiñ' lí' teáaiñ'~ dsí' jaléng' i dsea` do. Jøgui ca'láam~bi jaléng' dsea` i caang~ tíi~ cóo'~gui jaléng' dsea` i ja' lí' ngí' jíi'~ capí'~. ⁸ Jø jaléng' i dsea` i seeng' fí jø eám' cali'iaang' dsír' cóo'~ jalé' e cajmée' i Lii~ do ie~ jø.

⁹ Dsu' e fí fi' jø niseeng' jaang' dseañu' i sii' Simón, jø nijmóor' ta~ dsea` láang' latí' malíib~; jø nincajar~ ta' jmigøøng' jaléng' dsea` i seeng' e fi' lí' se' Samaria do, jø fé'r' e jíi'~ íbre líiñ' jaang' dsea` i niing~gui lajee' lajiing'. ¹⁰ Jø jaléng' dsea` dseáng'~ cóo' gui'náb'~ núur' e ngocáng' dsír' lajii'~ júu^ e guia' i Simón do, jø lalab fé'r' cuaiñ' quiáiñ'~ do:

—I nab dseañu' i sii' i 'gøng' eáang' quiá'- Fidiéé'.

¹¹ Jø lajalém' i dsea` do já'~ líiñ' júu^ quiá'- i Simón do, có' la'eáang' cóo'~ e láaiñ' do nicalí'~bre nicajmigøøiñ' dsea' lajii'~ malíib~ eáang'. ¹² Jø dsu' mi~ já'~ calíng~ jaléng' i

dsea` î jalé` júu` e guia` i Lii` do quiá`- jial iing` Fidié` cár` nifi` quiá`- lajaang` lajaang` dsea` jmigüi, jogui cuaiñ` quiá`- Jesús i lîng` Dsea` Jmáang` i sijeeng` dsea` Israel, joba` dseañu` dseamib` jáng` yaaiñ` fí jaguó` Fidié` mi` núur` jalé` júu` e guia` i Lii` do, jo mifîng` casaam`bre jmî` e laco` cuø` li` e nilîiñ` dsea` quiá`- Dsea` Jmáang`. ¹³ Jo jîgui i Simón do já`- caliñ`- jalé` júu` e cagua` i Lii` do, jo cajgáam`bre jmî` cajo, jo canaaiñ` ngir` cóo` i Lii` do doñi` jié` fí li` ngiñ` do, jo sóong` dsigá` dsír` nír` jalé` e li` e quîiñ` do jmî` jmóor`.

¹⁴ Jo mi` caliñi` jaléng` i dsea` apóo` i neáang` fí Jerusalén do e ca`íng` jaléng` dsea` i seeng` fí li` se` Samaria jalé` júu` quiá`- Fidié`, joba` casîiñ` Tú` Simón fí jo cóo` gui Juan. ¹⁵ Jo mi` caguiliñ` do fí jo, canaaiñ` mi`r` Fidié` uii` quiá`- jaléng` dsea` quiá`- Dsea` Jmáang` i seeng` fí Samaria do e laco` ni`iñ` do Jmiguî quiá`- Fidié`, ¹⁶ co` lami` jéeng` gui jîi` jaang` ja` iî` mi` ca`íng` Jmiguî quiá`- dsea` do, co` lico` nicajgáaiñ` jmî`bi e laco` cuø` li` e nilîiñ` dsea` quiá`- Dsea` Jmáang`. ¹⁷ Jo Tú` Simón cóo` gui Juan caquidsir` guóor` fí mogui` lajaang` lajaang` i dsea` quiá`- Dsea` Jmáang` do, jo lajob` ca`iñ` do Jmiguî quiá`- Fidié` lajaang` lajaaiñ`.

¹⁸ Jo mi` calilí` i Simón do e ím` jaléng` i dsea` do Jmiguî quiá`- Fidié` e lico` quidsí` i dsea` apóo` do guóor` fí moguiñ`, joba` dsifí` lajob` casí`r` i dsea` do jo cajîñ`:

¹⁹ —Nicuøø`baa` 'nú` cuu` e nijmee`-na` e nilíb` jnea` cajo e nicuøø`ø` jaléng` dsea` Jmiguî quiá`- Fidié` e lico` niquidsii` guóo`o` moguir` laco`gui la jmoo` 'nú` na.

²⁰ Joba` cañi` Tú` Simón quiá`- i Simón do jo casí`-reiñ`:

—iNe`duu` e` 'li` niliin` cóo` cuu` qui`- , co` ca`í` o` e cóo` cuu` qui`-ba` nilí` lajîi` e ngúng` dsea` cuø` Fidié`! ²¹ Ja` ee` catúng` 'nu` jîi` capí` e ta` la, dsuco` ja` í` o` laco` catúng` fí quini` Fidié`. ²² Túu` lajîi` e 'li` e í` o` na, jo mí` Fidié` e ni`íng` guir` dsee` qui`- quiá`- lajîi` e ca`í` o`, jo ne`duu` su cuøøng`gui lajo quiá`r`. ²³ Co` nilí`baa` e dsíng`- dsihuin` laco` sin` na, jogui` dsee` qui`- jéeng` 'nu` lafa` 'núum`ba`.

²⁴ Jo cañi` i Simón do quiá`- Tú` Simón jo casí`-reiñ`:

—Féeng`-na` Fíi`naa` Fidié` uii` quié` e e laco` ja` güiguié` güilín`n` jalé` e nicafé`-na` na.

²⁵ Jo mi` cangî` jo, mi` cangoyúung` e cajmée` i dsea` apóo` do júu` quiá`- jalé` e guiá` e nicajmée` Fidié` cóo`r` jogui` caguiar` júu` quiá`- Fíi`naa` Jesús fí jo, jo lajee` e niteáaiñ` fí e ngolîiñ` fí Jerusalén canaaiñ` guiar` júu` quiá`- Fíi`naa` Jesús fí jmiguiab` jalé` fí pí` e té` li` se` Samaria cartí` caguiling`tur` fí Jerusalén.

Lii` cóo` jaang` dseañu` i seeng` fí Etiopía

²⁶ Jo mi` cangî` jo, casíng` Fidié` jaang` ángel i cajmijnéeng` 'ña` fí quini` i Lii` do, jo lalab` cajîñ`- casí`-reiñ`:

—Guiá` guiá` qui`- , jo gua` fí lí`- lí` uøø` laco` ngóo` fí Jerusalén e guié` cartí` fí Gaza; jo e fí jo ngúng` la tóo` ni` guóo` uø` quiú`.

²⁷ Jo lajob` cajmée` Lii`, caguíem` guiá` 'ña`r`, jo cangó`-bre fí li` caquiá` i ángel do ta`. Jo guiá` fib` cajíng` rúñ` cóo` jaang` dseañu` i niseeng` fí Etiopía i nilíng` jaang` dseata` dsea` féng` i jmóo` ta` 'mea` cuu` quiá`- reina Candace e fí góor` do. Jo i dseañu` do nicangór` fí Jerusalén e cangojmiféiñ` Fidié`, ²⁸ jo e ni`iuuiñ` fí e ngang`tur` fí góor` e guiiñ` fí cóo` ni` bøø` e jñu` cuea`. Jo lajee` jo, ngaiñ` ir` cóo` jî` e cajme` Saí`, jaang` dsea` i café` cuaiñ` quiá`- Fidié` malî`gui eáang`. ²⁹ Jo cajíng`- Jmiguî quiá`- Fidié` casí`r` i Lii` do:

—Gua` jo güiquiéeng` laco` ngo` e bøø` do.

³⁰ Jo mi` cangoquiéeng` Lii` fí jo, joba` canúur` e í` i dseañu` do e jî` e cajme` i Saí` do, joba` cajmingi`reiñ` do jo cajîñ`:

—¿Su ngám`ba` e í` na?

³¹ Jo cañi` i dseañu` do quiá`- Lii` jo cajîñ`:

—U`, ja` ngán`n, co` jîi` jaang` ja` iî` seeng` nijmeá`- jnea` júu` e` guøng` jalé` e too` la.

Jogui i dseañu' etiope do cató'r- Lii e caguaiñ' do ni e bóø' do coling' cóo'r-.

³² Jo lalab fé' e fí' ni' jì' lí' gui'ná' ir' do:

Cangojéeng' dsea' ir' fí' lí' nijúuiñ'

laco'gui la jéeng' dsea' jaang' jo'se' i dsijngáaiñ'~;

jo jí' capí' ja' ee' ca'óor' laco'gui ja' óo' jaang' jo'se' mi' sitíng' dsea' jñú're'.

³³ Jo gab' cajmeáng' dsea' ir', jo jí' jaang' ja' seeng' i quidsí' í' quiá'r- røø'.

Jo jí' jaang' jo' i' quí' jmi' nijmé- júu' cuaiñ' quiá'- jaléng' dsea' sijur' co' cajnga' dsea' quiá'r-,

joba' congua' cango'íiñ' fí' jmigüi' la.

Jo lanab lí' júu' e í' i dseata' etiope do.

³⁴ Jo mi' calí' ir' e jì' do, jo cajmingí'r i dseata' do cajmingí'r Lii jo cajíñ'-:

—Jmee' uii' diée', jmée' jnea' júu' i' cuaiñ' quiá'- fé' i Saí' do e fí' ni' jì' la. ¿Su quiá'r' ñia'r' ofa' quiá'- i jiem' é?

³⁵ Joba' canaang' Lii jma'r' júu' i dseañu' do e cuaiñ' quiá'- Jesús guóng' e fé' e fí' ni' jì' lí' iñ' do; jo ngí' jo casí'-reiñ' quiá'- jial láang' Jesús jaléng' dsea' jee' jalé' dsee' quiá'ñ'- . ³⁶ Jo lajee' teáiñ' fí' la do, coo' caguilím' bre lí' sea' jmi', joba' lalab cajíng'- i dseata' etiope do casí'r- Lii~:

—Lab sea' jmi' e la. ¿Já' cuóøng' nisán' jmi', faa' aa'?

³⁷ Joba' cañi' Lii quiá'- i dseañu' do jo casí'-reiñ':

—Song já'- lín' e ngocáng' o' júu' quiá'- Jesús, cuóøm' nisán' jmi'.

Joba' cañi' i dseata' do:

—Jáb'- lín' e i Jesús do líiñ' i Jóo' Fidiée' camíng' do.

³⁸ Jo dsifí' ladob caquiú' i dseata' do ta' e caje' e bóø' lí' dsíiñ' do; jo cajgáiñ' e fí' lí' sea' jmi' do, jo fí' job caseáng' Lii jmi' i dseata' do e laco' cuø' lí' e ca'uíiñ'- do dsea' quiá'- Dsea' Jmáang'- . ³⁹ Jo mi' calí' uøøiñ' fí' dsí' jmi', jo Jmiguí' quiá'- Fidiée' cacó' quiá'- Lii, jo jo' cangáng' gui i dseata' do ir'; jo ca'ib'-túiñ' do fí' iuiñ', jo dsíng'- íaang' dsír' cangáiñ'- fí' góor'. ⁴⁰ Jo catí' coo' fí' e sii' Azoto nicaguié' Lii, jo fí' job canaaiñ' ngir' fí' lacoo' lacoo' fí' e guiar' júu' quiá'- Dsea' Jmáang'- cartí' caguiér' fí' coo' fí' lí' sii' Cesarea.

9

*Mi' cajáng' ñia' Saulo fí' jaguó' Dsea' Jmáang'-
(Hch. 22:6-16; 26:12-18)*

¹⁻² Jo co' ie' jo ja' mí' caquiú' bi dsí' Saulo e í' dsír' e nijngáiñ'- jaléng' dsea' quiá'- Dsea' Jmáang'-, joba' cangór' fí' quini' dsea' mogui' quiá'- jaléng' fí' jmidsea' quiá'- dsea' Israel ie' jo e cangomir' fí' e nidsér' fí' lacoo' guá'- quiá'- dsea' góor' dsea' Israel e téé' fí' fí' Damasco e nidsiséiñ' jaléng' dseañu' dseamí' i já'- líng' júu' quiá'- Dsea' Jmáang'-, jo nitøø'reiñ' do e 'ñúuiñ' fí' dsí' 'nuí' e téé' fí' Jerusalén. ³ Jo cangíim' Saulo fí' e nijmér' lajo, joba' fí' Damasco cangór'. Jo dsu' mi' nijaquiéem' e niguiéer' e fí' jo, coo' cajneáb' coo' jì' e teá' eáang' lacúng' lajíng' e lí' ngóor' do, jo e jì' do jnéeng' jáa' catí' yú' jmigüi'. ⁴ Jo dsifí' lajob caquíng'- Saulo fí' ni' uøø', jo mifíng' canúur' e líng' i' guicafé' fí' yú' jmigüi' jo guicajíñ'- sí'r' Saulo:

—Saulo, Saulo, ¿jialí' jmáan' ga' jnea'?

⁵ Joba' cañi' Saulo quiá'- i guicafé' do jo cajíñ'-:

—¿I' 'nu', Fí'i?

Jo cañi' tu i guicafé' do jo cajíñ'-:

—Jneab' Jesús i ngí' 'nu' jmáan' ga' lana, jo ja' ta' líng' quí' e jmoo' lajo, co' lí' lí' eáang' gui jmáang' uøø'ba' e jmoo' lajo.

⁶ Jo dsíng'- cafóng' Saulo mi' canúur' lado, joba' cañi' jo cajíñ'-:

—Fí'i, ¿e' iin' e nijmee' e?

Joba' cañi' tu i guicafé' do jo cajíñ'-:

—Ráan¹⁻, jo gua[~] fi[~] Damasco, jo fi[~] job nihuí¹ ta[~] e[~] 'né⁻ nijmée¹.

⁷ Jo jaléng¹ dsea[~] i ngolíng⁻ gui cóo¹ Saulo ie[~] jo dsíng⁻ cafóin¹, co¹ canúu⁻ bre e luu[~] e guicafé¹ do, dsu¹ jí¹ jaang[~] ja[~] i[~] cangáiñ⁻. ⁸ Jo mi[~] caróo⁻ Saulo e li[~] caquíñ⁻ do, jo mi[~] née[~] júu[^] e cajóor⁻ dsu¹ jo[~] nijneá[~] jminir[~] jí¹ capi¹ co¹ nitium⁻ bre. Jo i[~] dsea[~] i ngolíng⁻ cóo¹ r[~] dob ca'méeng[~] ír[~] cartí[~] caguiér⁻ cartí[~] Damasco. ⁹ Jo fi[~] job cajer[~] 'ní[~] jmí[~] tóong⁻ e ja[~] jné¹ r[~] jí¹ capi¹ o¹ gui[~] i[~] gø¹ r[~] cajo.

¹⁰ Jo e fi[~] Damasco do niseeng[~] jaang[~] dseañu¹ i líng[~] dsea[~] quiá¹ Dsea[~] Jmáang⁻ i nisii[~] Ananías. Jo cóo[~] jmí[~] cajmijnéeng[~] 'ña¹ Dsea[~] Jmáang⁻ fi[~] quini[~] i dsea[~] í[~] lafa¹ mi[~] quir[~], jo casí¹ r⁻ dsea[~] do lala:

—¡Ananías!

Joba¹ cañi[~] Ananías quiá¹ dsea[~] do jo cajíñ⁻:

—Lab sín¹ n, Fíi¹.

¹¹ Jo cajíng¹ Fíi¹ naa¹ Dsea[~] Jmáang⁻ casí¹ r⁻ i Ananías do:

—Ráan¹⁻, jo gua[~] fi[~] cóo[~] jee[~] 'núu[~] li[~] sii[~] Derecha. Jo mi[~] niguie¹ quiá¹ jaang[~] dsea[~] i sii[~] Judas, jo nijmingín⁻ jaang[~] dseañu¹ i sii[~] Saulo i seeng[~] fi[~] Tarso, co¹ lana guiiñ[~] féiñ¹ jnea[~]. ¹² Jo jnea[~] nicajmé⁻ e e nicangáng⁻ Saulo 'nu[~] lafa¹ mi[~] quir[~] e guie¹ fi[~] li[~] guiiñ[~], jo niquidsi¹ guóo¹ fi[~] moguir[~], jo lajob nilijné¹ tur calé¹ catú⁻.

¹³ Jo mi[~] canúu⁻ Ananías e jo, lalab cañi[~] r[~] jo cajíñ⁻:

—Fíi¹, fím[~] dsea[~] nicajmea¹ r[~] jnea[~] júu[^] uii[~] quiá¹ i dseañu¹ í[~] quiá¹ jalé¹ e ga[~] e nicajmeáiñ¹ dsea[~] quií¹ fi[~] Jerusalén. ¹⁴ Jogui lana nijáar[~] fi[~] la e niquier[~] júu[^] quiá¹ jaléng¹ fíi[~] jmidsea[~] e nisaiñ¹ jaléng¹ dsea[~] quií¹ jo nidsiteáng¹ neiñ¹ fi[~] dsí¹ 'nuñí¹.

¹⁵ Joba¹ cañi[~] Fíi¹ naa¹ Dsea[~] Jmáang⁻ quiá¹ Ananías jo cajíñ⁻:

—Gua[~], jo güjmiti[~] lají¹ ta[~] quiá¹ u[~], co¹ jnea[~] nica'náan⁻ n i dseañu¹ do e niguiár⁻ jalé¹ júu[^] quié⁻ e jee[~] jaléng¹ dsea[~] i ja[~] líng[~] dsea[~] Israel cóo¹ gui jaléng¹ dseata[~] dsea[~] cóong¹ quiá¹ r⁻ jogui fi[~] quini[~] jaléng¹ dsea[~] Israel cajo. ¹⁶ Jo jnea[~] bi[~] ni'éé[^] e Saulo jial tí[~] iihu[~] 'né⁻ nidsingíñ[~] uii[~] quié⁻ e.

¹⁷ Jo dsifí[~] ladob cangó⁻ Ananías fi[~] li[~] niguiing[~] i Saulo do. Jo mi[~] caguiér⁻ fi[~] jo, ca'í⁻ bre fi[~] dsí¹ sinúu[^] li[~] guiiñ[~] do, jo caquidsir[~] guóor[~] moguiñ[~] do, jo cajíñ⁻ casí¹ reiñ¹:

—Saulo, rú¹ uu¹, i Fíi¹ naa¹ Jesús i cajmijnéeng[~] 'ña¹ lajee[~] iuun⁻ fi[~] e ñi¹ fi[~] la casíñ[~] jnea[~] lana e nijmee[~] e e nilijné¹ tu¹ calé¹ catú⁻ jogui e niñiñ[~] Jmiguí[~] quiá¹ Fidié[~].

¹⁸ Joba¹ caquidsí[~] Ananías guóor[~] fi[~] yá[~] mogui[~] Saulo, jo dsifí[~] lajob casojiú¹ e lí[~] la lí[~] hui¹ 'ñu[~] jmini[~] dsea[~] do, jo dsifí[~] ladob calijné¹ r[~]. Lí⁻ jo caróor⁻ jo mifíng[~] cajgáaiñ[~] jmí[~] e laco¹ cuø[~] li[~] e ca'uiñ[~] dsea[~] quiá¹ Dsea[~] Jmáang⁻. ¹⁹ Jo mi[~] cangí[~] jo, cagó¹ r[~] ir[~] jo catíim[~] tur bí[~] quiá¹ r⁻. Jo caje[~] bir cóo[~] tú⁻ jmí[~] mi[~] cangí[~] jo cóo¹ jaléng¹ dsea[~] quiá¹ Dsea[~] Jmáang⁻ i neáng[~] fi[~] Damasco.

Mi[~] caguiá[~] Saulo júu[^] quiá¹ Dsea[~] Jmáang⁻ fi[~] Damasco

²⁰ Jo lajee[~] job canaang[~] Saulo guiar[~] júu[^] quiá¹ Dsea[~] Jmáang⁻ lacoo[~] guá¹ quiá¹ dsea[~] góor[~] dsea[~] Israel e téé⁻ fi[~] Damasco, jo sí¹ r[~] jaléng¹ dsea[~] e i dsea[~] góor[~] Jesús do líng[~] i Joo¹ Fidié[~] camíng[~] do. ²¹ Jo jaléng¹ dsea[~] i núu[~] e júu[^] quiá¹ r⁻ do, sóong[^] dsigá[~] dsí¹ r[~] jo fé¹ r[~]:

—¿Su o¹ i nabi i dseañu¹ i ngí[~] jmáng[~] ga[~] jaléng¹ dsea[~] quiá¹ Dsea[~] Jmáang⁻ i neáng[~] fi[~] Jerusalén? Jo ¿su o¹ i nabi cajo i cagüéng⁻ fi[~] Damasco la e nitóor[~] e 'núung[~] jaléng¹ dsea[~] quiá¹ Dsea[~] Jmáang⁻ fi[~] quini[~] jaléng¹ fíi[~] jmidsea[~] quiá¹ dsea[~] Israel fi[~] Jerusalén?

²² Jo dsu¹ lajee[~] jo, eáng[~] gui cuø[~] bí[~] 'ña¹ Saulo e guiar[~] e júu[^] do. Jo jalém¹ i dsea[~] Israel i seeng[~] fi[~] Damasco do cajer[~] jí¹ ja[~] ñir[~] e[~] dseáng⁻ niñir⁻, co¹ i Saulo do guiar[~] júu[^] e dseáng¹ jáb⁻ e Jesús líiñ[~] Dsea[~] Jmáang⁻ i sijeeng[~] dsea[~] Israel.

Mi[~] caláang⁻ Saulo fi[~] jaguó[~] dsea[~] góor[~] dsea[~] Israel

²³ Jo mi[~] cangí[~] gui lajo, jaléng¹ dsea[~] Israel i seeng[~] fi[~] Damasco do canaaiñ[~] síiñ[~] røø[~] jial nijngáiñ[~] i Saulo i líng[~] dsea[~] góor[~] do. ²⁴ Jo dsu¹ ca'óm¹ Saulo júu[^] lají¹ e í[~] dsí¹ i dsea[~] do e nijmeáng[~] neiñ¹. Jo uøø[~] jmí[~] b[~] neáng[~] i dsea[~] i siteeng[~] ír[~] do fi[~] oo⁻ iá[~] cuu[~] e ñí[~] eáng[~]

li~ güi'ñing' jee~ fi~ Damasco e quiá'- siteeñ^ e nijngáng'- neiñ'. ²⁵ Dsu' cōo' uóø' jaléng' i dsea' quiá'- Dsea' Jmáang- i neáang' fí' Damasco do cataiñ'- Saulo fí' dsí' cōo' 'matá' e fe', jō cajgiáang'- neiñ' do fí' dse' e iá' cūu~ e si' lacúng' fí' do, jō lajōb caleáaiñ' dsea' do.

Mi~ caguiéng'-tu Saulo fí' Jerusalén

²⁶ Jō mi~ cangf' jō, caguiém'-tu Saulo fí' Jerusalén, jō cali'iiñ~ e niseáiñ' coling~ cōo'~ jaléng' dsea' quiá'- Dsea' Jmáang- i neáang' fí' jō; dsu' lajiiim' i dsea' do 'góm' breiñ', cō' ja' já'- líiñ' e nilíng' Saulo dsea' quiá'- Dsea' Jmáang-. ²⁷ Jō dsu' jaang' dseañu' i sii' Bernabé caguijéiñ' Saulo fí' quini' jaléng' dsea' apóo^ i neáang' fí' Jerusalén, jō cajmea' reiñ' júu^ jial cangáng- Saulo Fí'naa' Dsea' Jmáang- lajee' iuuiñ- fí' e ngóor' fí' Damasco, jōgui jalé' e caféng' Fí'naa' Dsea' Jmáang- ír, jōgui jial teá' dsíir' guiar' júu^ quiá'- Jesús e fí' Damasco do. ²⁸ Jō lajōb mi~ cajé' Saulo fí' Jerusalén, jō coliiim~ canaaiñ' ngir' cōo'~ dsea' quiá'- Dsea' Jmáang- i neáang' fí' jō. ²⁹ Jō dseáng'- ngocáng' dsí'bre guiar' jōgui sñiñ' júu^ quiá'- Dsea' Jmáang- jee~ jaléng' dsea' Israel i fé' jmí' griego. Jō dsu' lajaléng' i dsea' í' jmóor' úung' e nijngám'-bre Saulo. ³⁰ Jō mi~ calilí' i dsea' quiá'- Dsea' Jmáang- i caguiaang- do e í' dsí' i dsea' do lado, jōba' caguíim'bre Saulo fí' fi~ Jerusalén, jō cangojéeng'neiñ' do fí' Cesarea; jō mi~ cangf' jō, caguiéng'neiñ' do fí' góor' li~ sii' Tarso.

³¹ Jō jaléng' dsea' quiá'- Dsea' Jmáang- i seeng' fí' lacaang' li' se' Judea cōo'~ li' se' Galilea cōo'~ gui li' se' Samaria juguiá' júu^ røøb' niseeñ', jōgui eáang'gui ngóo' lijá'- líiñ' jalé' júu^ quiá'- Dsea' Jmáang- car' ngocáng' dsíir'. Jō lajalém'bre jmóor' úung' e jmiféiñ' Fí'naa' Dsea' Jmáang-, jō lajōb ngóo' lifíng' dsea' i jáng' yaang' fí' jaguó' Dsea' Jmáang- lacōo' jmii~ lacōo' jmii~ la'eáang' cōo'~ Jmiguí' quiá'- Fidié'.

Mi~ cajmi'leáang- Tú^ Simón jaang' dseañu' i caang' tii~

³² Jō lajee' jō ngí' i Tú^ Simón do e dsí'eer~ jaléng' dsea' quiá'- Dsea' Jmáang-, jō lajee' jō cangór- fí' cōo' fi~ li~ sii' Lida e cango'eer~ jaléng' dsea' íb' cajo i neáang' fí' jō. ³³ Jō mi~ caguiér- fí' jō, cadséiñ' jaang' dseañu' i caang' tii~ i sii' Eneas, jō ningóo' mí' jñiá' jii' e niráaiñ' do cōo' li' ráaiñ'. ³⁴ Jō lalab casí'- Tú^ Simón i dseañu' í' jō cajíñ'-:

—Eneas, Dsea' Jmáang- nijmi'leáaiñ- 'nu' jmii~ ná. Ráan'-, jō sée' li' ráan'.

Jō dsifí' lajōb caróo- Eneas e li' ráaiñ' do. ³⁵ Jō lajalém' dsea' seeng' fí' Lida cōo'~ gui fí' Sarón cangár- e caróob- i Eneas do, jōba' cajám' yaaiñ~ fí' jaguó' Dsea' Jmáang- ie~ jō.

Mi~ cajmijí'tu Tú^ Simón jaang' dseamí' i sii' Dorcas

³⁶ Jō ie~ jō niseeng' jaang' dseamí' i líng' dsea' quiá'- Dsea' Jmáang- fí' cōo' fi~ li~ sii' Jope. Jō i dseamí' do nisiir' Tabita, e guóng' Dorcas cōo'~ jmí' griego. Jō i dseamí' í' contøøm- jmóor' jalé' e guiá' jōgui jmicōo'r~ jaléng' dsea' i ja' sea' e 'né'. ³⁷ Jō ie~ jō nicalidséeb' i Dorcas do, jō cajúm-bre. Jō jaléng' dsea' i seeng' cōo'r~ do ie~ jō caláng'neiñ', jō caquiáang'neiñ' fí' dsí' sinúu^ 'núu' yú^'. ³⁸ Jō e fi~ Jope do quiáb'- néé' laco'gui néé' e fi~ Lida e fí' li' táang' i Tú^ Simón do. Jō cō' caliñib' jaléng' dsea' quiá'- Dsea' Jmáang- i neáang' fí' Jope e fí' Lidab táang' Tú^ Simón, jōba' dsifib' casíiñ' gáng' dseañu' fí' do; jō mi~ caguiliñ- fí' jō caguisí' reiñ' do lala:

—Tú^ Simón, má' aa' fí' Jope lajminá-.

³⁹ Jō cangób- Tú^ Simón cōo'~ i dsea' do fí' Jope. Jō mi~ caguiér- fí' jō, jō caguijéeng'neiñ' do fí' li' ráang' i dseamí' 'lii~ do. Jō jaléng' dseamí' 'nii~ i niteáang' li' ráang' i 'lii~ do dsíng'- qui'r' caríir' lacúng' lajíng' li' síng' Tú^ Simón mi~ caguié- dsea' do fí' do; jō ca'e' reiñ' jalé' mi'ñúung'~ cōo'~ gui jalé' 'mi' e jié' e nica'mí' i Dorcas do jōgui e nicangíiñ' cuø' dsea' do lamí~ seeiñ'. ⁴⁰ Jō ngí' jō, caquiú' Tú^ Simón ta~ e ca'uøøm' jaléng' i dsea' i teáang' e sinúu^ do fí' caluu'. Jō lí' jō, casí'r' uø- jnir~ jō canaaiñ' féiñ' Fidié', jō lí' jō, mifíng' cajøøiñ- i 'lii~ do jō cajíñ'- casí'-reiñ':

—iTabita, ráan'!

Jo dsifí ladob caneáa i dseamí do jminir, jo mi cangáin Tú Simón, caróo bre jo caguár. ⁴¹ Jo Tú Simón catáin guoo i dseamí do jo casíng'neiñ. Jo lí jo, cató' tur jaléng' dsea' quiá' Dsea' Jmáang i ca'uóoiñ e fí sinúu do cóo' gui jaléng' dseamí 'nii i teáng' do, jo ca'eiñ' jaléng' i dsea' do i dseamí do e nicají' biñ do. ⁴² Jo jalém' dsea' seeng' fí Jope caliñir' jalé' e calí' do ie jo, jo fíim' dsea' cajáng' yaaiñ fí jaguó' Dsea' Jmáang ie jo. ⁴³ Jo mi cangí jo, huóom bi cajé Tú Simón e fí fí jo fí quiá' jaang' dseañu i sii Simón i nijmóo ta jmi'ua loo jó'.

10

Tú Simón cóo' jaang' fí' 'lé' i sii' Cornelio

¹ Jo ie jo niseeng' jaang' dseañu i sii Cornelio fí cóo' fí lí sii Cesarea i nilíng' fí' quiá' cóo' 'lé' e sii italiano. ² Jo i Cornelio do colíng' cóo' jaléng' dsea' sinúu quiá'r, røøb eám' jmfíeñ' Fidié' jogui eám' núu'r jalé' júu quiá' dsea' do, jogui jmicóo' bir cóo' cuu jaléng' dsea' Israel i ja sea e 'né', jogui contøom féiñ' Fidié' cajo. ³ Jo cóo' jmí ngóo' jiu la ii 'ní e ca'lóo i Cornelio do líng' ee cangár lafa' mi quir', jo dseáng' røøb cangáin jaang' ángel i líng' guotí Fidié' i ca'í fí lí guíñ jo cajíng' dsea' do lala: —i Cornelio!

⁴ Jo dob cajé i Cornelio do jóoiñ i ángel do, jo eám' 'gó'r' cajmíng'í'r dsea' do lala:

—¿E' 'né' jme'e, Fí'i?

Jo cañi i ángel do quiá' Cornelio jo cajíñ':

—Ninúub Fidié' jalé' júu quiá' mi fón're, jogui ní bre jalé' e guí' e jmoo' e jmicóo' jaléng' dsea' i 'né' licóo'. ⁵ Jo lana nisín' dsea' quiá' fí Jope jo nidsite'r Simón i sii Tú cajo e nijaiñ' fí la. ⁶ Jo lana dob guíñ fí quiá' jaang' gui i sii Simón cajo, jaang' dseañu i guíng' fí 'ní' jmiñ' i jmóo ta jmi'ua loo jó'.

⁷ Jo mi cangoyúung' e cangáng' i ángel i café' quiá'r do, dsifí lanab cató' i Cornelio do gáng' dsea' 'léng' quiá'r cóo' gui jaang' 'lé' i nicuíñ' guí' jogui i eám' jmi'gó' Fidié' cajo. ⁸ Jo mi calí' jma'reiñ' do júu jalé' e cangár do cóo' gui e cajíng' i ángel do, jo casíim breiñ' do fí fí Jope.

⁹ Jo mi cajneá' e jmí jo, lajee' gui'nang' teáaiñ' do fí jo nijaquíem' niguilíñ' fí Jope, jo níngóo' guieñí' ie jo, jo lajee' job cajgóo i Tú Simón do fí yá' 'núu' e lí guíñ' do fí Jope e cangoféiñ' Fidié'. ¹⁰ Jo sóong' nijmi'aaíñ' lajee' jo, jo níiñ' dór' i bre. Jo lajee' guíñ' dob, lajee' e née' guí' e nidór', canaang' ní' jalé' e cacuø Fidié' e si'íñ' e níñ' lafa' mi qui' dsea'. ¹¹ Jo cangár' e caná' fí yá' jmigüí, jo jnéeng' cajgóo cóo' e lí' laco' cóo' 'mi' e fe', jo jnéeng' 'núu' laji quiú' quiúung'. ¹² Jo e dsí' 'mi' do jnéeng' teáng' langíng' íng' jó' nuu i dsí' tú' guoo' jogui tú' tí, jo quiéeng' gui cajo jaléng' mi cóo' jaléng' qui' jogui langíng' íng' ta'. ¹³ Jo canúur' e cajíng' jaang' i guicafé' jo guicajíñ' do:

—Ráan', Tú Simón, jngang' i jó' na jo quié'.

¹⁴ Jo Tú Simón cañir' jo cajíñ':

—U', Fí'i, jí' cóo' née' ja' mí cacún' n jaléng' i jó' na, co' lajo ta huí' fí ní júu quiu' ta qui'naa', jnea' dsea' lí'naa' dsea' Israel.

¹⁵ Joba' guicajíng' tu i guicafé' do:

—Jalé' e jíng' Fidié' e cuóom lí' cø', ja' e ta' e fo' 'nu' e ja' cuóong'.

¹⁶ Jo mi catí 'ní' née' e guicafé' i dsea' do e júu jo, cangób' tu e 'mi' do fí yá' jmigüí.

¹⁷ Jo cajé Tú Simón í dsír' e guóng' jalé' e cangár do. Jo lajee' jo caguilím i dsea' quiá' Cornelio do fí quiá' i Simón do e níng' cangír' jmíng'ír'. Jo mi caguilíñ' fí lí guíng' i Tú Simón do, ¹⁸ jo cajmíng'ír' cóo' júu teá' su dob lí guíng' jaang' dseañu i sii Simón i sii bi Tú cajo.

¹⁹ Jo lajee' jo, dobi sing' Tú Simón e í dsír' quiá' jalé' e cangár do mi tí lí café' Jmíguí quiá' Fidié' jo casí' ír' lala:

—Janú', Tú Simón, nab teáng` gaang` dseañu' i 'náng' 'nu'. ²⁰ Ráan' jō guó' cóo'r, jō ja' ee' í' o' jii' coo', co' jneab` dsea` casín` n i dsea` na fi' la.

²¹ Jō cajgám` i Tú Simón do li` dsíiñ, jō cango' iññ` i dsea` quía'` Cornelio do jō cajíñ'` casí'` reiñ':

—Jneab` i ngi'na' 'náng'na'. ¿E` júu` quié'na'?

²² Jō cañi' i dseañu' gaang` do jō cajíñ'`:

—Jáá'naa' ta` quía'` jaang` fii' 'lée` quí'naa' i sii` Cornelio, jaang` dseañu' i guiúng` eáang` jogui contøom` jmiféiñ' Fidié'. Jō jaléng' dsea` góo' dsea` Israel eáam' jmi'gór' dsea` do jogui 'neáañ` cajo. Jō jaang` ángel quía'` Fidié' casí'` ír' e nitó'r' 'nu' fi' quía'r` jō ninúr` lajii'` júu` quií'` e 'né` nifi'`re.

²³ Jō catób'` Tú Simón i dseañu' gaang` do fi' sinúu` li` guiiñ, jō dob cajer' colíng` e uóø` jō. Jō mi` cajneá` lajō, cangób` Tú Simón cóo'` i dsea` do fi' Cesarea, jogui cangolím` bi cóo'r` coo` tú` máng'` dsea` quía'` Dsea` Jmáang` i neáang` fi' Jope.

²⁴ Jō mi` cajneá` coo'gui jmiñ` lajō, joguiba' caguilíñ` cartí' Cesarea fi' li` niguiing` i Cornelio do sijeeng` ír' colíng` cóo'` jaléng' dsea` sinúu` quía'r` cóo'`gui jaléng' dsea` i cuiñ` eáang` i cató'r` fi' quía'r` e laco' ni'íñ` i Tú Simón do. ²⁵ Jō mi` caguié` i Tú Simón do fi' jō, dob nising' i Cornelio do o'ná' e nigüijeeng` neiñ'. Jō mi` cangáng` rúíñ', dsifi' ladob casí'` Cornelio uóø` jnir` fi' quini` i Tú Simón do e laco' nijmiféng' neiñ'. ²⁶ Dsu' Tú Simón dsifi' ladob caseang' neiñ' jō casí'` reiñ':

—Ráan'`, Cornelio, co' jnea` lín`n jaang` dsea` jmigüi' laco' 'nu'.

²⁷ Jō lajee` gui'ná'` sñiñ` ladob, calí'` Tú Simón fi' dsíi' sinúu`, jō fím' dsea` nisiseáng' fi' jō mi` cangotáañ'`. ²⁸ Jō lalab casí'` Tú Simón i dsea` do:

—Niñí'` 'nú' e jnea', dsea` lí'naa' dsea` Israel, ja` cuóøng` e dsitóo'`naa' dsíi' sinúu` quía'` dsea` la 'nú' i ja' líng' dsea` Israel, o'gui cuóøng` siing`naa' cóo'` dsea` la 'nú' cajo. Dsu' lana Fidié' nica'e'r' jnea` e jō` cuóøng` e nifá'a e dsea` la 'nú' i ja' líng' dsea` Israel fa' e uóøng`na'. ²⁹ Jōba' mi` caguilíng` dsea` quií'` e tó'r' jnea`, dsifib' cagá'a cóo'r, jō jii'` coo' ja' ee' dsee` casé'e. Jōba' iin`n dseáang` dsii'` e ta` cate'na' jnea`.

³⁰ Jōba' cañi'` Cornelio quía'` Tú Simón jō cajíñ'`:

—Ningóo'` quiú` jmiñ` lana, jō e í' laco' ngóo' lana, lab guin`n fi' sinúu` la e jmifén'`n Fidié' la ii'` 'ní' e ca'lóo'. Jō lajee` jō, coo' cajném` jaang` dseañu' i qui'` coo' 'mi' e ji'` eáang', ³¹ jō cajíñ'` casí'r` jnea`: “Cornelio, nicanúub` Fidié' jalé' júu` quií'`, jogui nicaliñi'bre jalé' e guiú' e nicajmee'` cóo'` jaléng' dsea` i ja' sea` jalé' e 'né'. ³² Quiúu'` ta` dsea` quií'` jō güiguilíñ` fi' Jope, jō güiguite'r' jaang` dseañu' i sii` Simón, sii'bir Tú cajo, i táang` fi' quía'` jaang`gui dseañu' i sii` Simón i guiiing` 'ni' jmiñi'` i jmóo' ta` jmi'ua` loo' jó'.” ³³ Jōba' dsifi' lajōb casín`n dsea` quíe'` e caguitéer` 'nu', jō eáam' guiú'` la nicajmee'` e nicañi'`ba'. Jogui lana lab nisee'`naa' lajii'`naa' fi' quini'` Fidié', jō eáam' ii'`naa' ná'naa' jalé' júu` e ca'ling'` 'nu' quía'` Dsea` Jmáang` e catí'`naa' e ninú'naa'.

Jalé' júu` quía'` Tú Simón e café'r` fi' quía'` Cornelio

³⁴ Jō mi` cató'` fé' i Cornelio do, jō canaang` Tú Simón fé'r' júu` quía'r` jee` jaléng' i dsea` i siseáng' fi' quía'` i Cornelio do jō cajíñ'`:

—Ná` guiba' ningán'`n røø` e doñi'` iib' dsea` íng' Fidié' ja' e lí' ii' dsea', ³⁵ co' ím' Fidié' dsea` i jmi'gór' ír' jogui i jmóo' e guiú' cóo'r` doñi'` jié' fi' li' seeiñ. ³⁶ Jō Fidié' cangñiñ` júu` quía'r` la'eáang` cóo'` jaléng' jnea', dsea` lí'naa' dsea` Israel, quía'` jial niliseeng` dsea` juguiú' júu` røø` la'eáang` cóo'` Dsea` Jmáang`, co' íb' Fii' jaléng' dsea` jmigüi'. ³⁷ Jō guiúb` ní' 'nú' jalé' e calí' ie` ja' mí' ngóo' eáang` fi' guóo'` uóø` quí'naa', jnea' dsea` lí'naa' dsea` Israel, jō canaang` jalé' e jō catí' Galilea mi` cangí' e caguia' Juan júu` quía'r` e 'né` nisáng` dsea` jmiñ` e laco' cuø` li' e qui'` jíng' yaaiñ` fi' quini'` Fidié'. ³⁸ Jō niñí'` 'nú' cajo jial cacuo'` Fidié' Jmiguí' quía'r` Jesús i cacuáng` fi' Nazaret, jō cóo'` e bí' jō cajmée' Jesús jmang'` e guiú', jogui cajmi'leáañ` jaléng' i íng'` iihu' uí' e fii' i 'líng'` quiu'` ta` quía'r`;

jo jalé' e jo calí'r- cajméer, co' seem` Fidiéé` contøøng` cóo'~ ír. ³⁹ Jo caneb` jnea'^ jalé' e guiá- e cajmée` Jesús ie` jo fí' Jerusalén, lí' latøøng` lí' se' Judea. Jo mi` lí' cøøng` lajo, cateáang` dsea` ír' fí' dse' crúu` jo fí' job cajúñ. ⁴⁰ Dsu' Fidiéé` cajméer` e cajíb'tu dsea` do mi` cadsíng` 'ní jmi~ lajo, jogui cajméer` e cajnéng` dsea` do jee` jnea'^. ⁴¹ Dsu' ja` cajmijnéeng` 'ñia'r' jee` lí' doñi' ii` dsea`, co' lajii~ jee` jneab'^ cajmijnéeng` 'ñia'r', dsea` i nicaguíng` Fidiéé` lajii~ lamí~ jéeng`gui quiá'- e nijmó'naa' júu` røø` jalé' e calí- cóo'~ Jesús. Jo jneab'^ dsea` ca'né'^ caquiee`naa' cóo'r` mi` cangí e cají'tur calé' catú-. ⁴² Jogui Jesús casíñ` jnea'^ e niguiá'naa' júu` quiá'r- jee` jaléng` dsea`, jogui e nijmó'naa' júu` røø` e Fidiéeb` dsea` casíñ` dsea` do e niquidsir' í' jee` jaléng` dsea` jmigüü` i jí'gui cóo'~gui jaléng` i ni'lüing` mi` catí í' lajo. ⁴³ Jo jaléng` dsea` i nicafé' cuaiñ` quiá'- Fidiéé` lajii~ mali' eáam` café'r` cuaiñ` quiá'- Jesús, jogui cajím'-bir cajo e doñi' ii` dsea` i jáng` yaang` fí' jaguó` Jesús ni'ím- dsee` quiá'r- la'eáang` cóo'~ dsea` do.

Mi` ca'íng` jaléng` dsea` i ja` lüing` dsea` Israel Jmiguü` quiá'- Fidiéé`

⁴⁴ Jo laco' gui'nang` sim' bi Tú` Simón e fé'r` jalé' júu` quiá'- Dsea` Jmáang` fí' jee` i dsea` i siseáng` do, mi` tí lí' cangíng` jaléng` i dsea` do Jmiguü` quiá'- Fidiéé`. ⁴⁵ Jo jaléng` i dsea` Israel i nilüing` dsea` quiá'- Dsea` Jmáang` i caguilíng` cóo'~ Tú` Simón fí' quiá'- i Cornelio do, eáam` cangogá` dsíir` mi` calilí'r` e cangím` jaléng` dsea` i ja` lüing` dsea` Israel Jmiguü` quiá'- Fidiéé` cajo, ⁴⁶ co' núur` síng` i dsea` do cóo'~ jmí' e jié'gui laco' jmí' quiá'r- jogui jmiféiñ' Fidiéé` cajo. ⁴⁷ Joba' cajíng` i Tú` Simón do casí'r- i dsea` do ladsifí' lado:

—Jii~ jaang` ja` ii` cuøøng` jníng` e nisáng` i dsea` la jmi e laco' cuø` lí' e nilüiñ` dsea` quiá'- Dsea` Jmáang`, co' nica'ím`bre Jmiguü` quiá'- Fidiéé` laco'gui nica'íng` jnea'^ cajo.

⁴⁸ Jo caquiü' Tú` Simón ta` e cajgáam` i dsea` do jmi e laco' cuø` lí' e nilüiñ` dsea` quiá'- Dsea` Jmáang`. Jo mi` cangí jo, jaléng` i dsea` do camí'r` Tú` Simón e fa' nijé`-bi dsea` do cóo' tú- jmi~ cóo'r` fí' jo.

11

E` uüing` e caguiar` júu` quiá'- Dsea` Jmáang` fí' jee` dsea` i ja` lüing` dsea` Israel

¹ Jo mi` cangí jo, jaléng` dsea` apóo` cóo'~gui jaléng` dsea` quiá'- Fidiéé` caguiaang`-gui i neáang` lacaang` lí' se' Judea, caliñir` júu` e jaléng` dsea` i ja` lüing` dsea` Israel nica'ím`bre cajo júu` quiá'- Dsea` Jmáang`. ² Jo mi` caguiéng`-tu i Tú` Simón do fí' Jerusalén, i lüing` dsea` Israel i lüing` dsea` quiá'- Dsea` Jmáang` canaañ` cuø'reiñ` dsee` ³ jo sí'reiñ`:

—¿Jialí' caguiéé' lacaang` quiá'- jaléng` dsea` i ja` lüing` dsea` Israel jo caguiquié' cóo'r`?

⁴ Jo canaang` Tú` Simón jma'reiñ` júu` latí' uüing` quiá'- jalé' e calí- do jo cajíñ`-:

⁵ —Lajee` táan`n fí' Jope, jo lajee` guiáang` e fón`n Fidiéé`, camó-o lüing` ee` camó-o lafa' mi` qui` dsea`; jo camó-o cajgó- fí' yá' jmigüü` cóo' 'mi' e fe' eáang`, jo 'ñüü' laji` quiü` quiúung`, jo catisí' fí' lí' sín`n. ⁶ Jo mi` cajøø-ø røø` dsí' e 'mi' do, jo camó-o e teáang` langíng` íng` jó' nuu` i dsí' tú- guoo` jogui tú- tí- cóo'~gui jaléng` mi' jogui jaléng` qui' cóo'~ langíng` íng` ta'. ⁷ Jo canú-u e lüing` ii` guicafé' jo guicajíñ`-: “Ráan`-na, Tú` Simón, jngan` i jó' na jo cun`re!” ⁸ Jo cafá'-a: “Ü~, Fí'i, jii~ cóo'~ néé` ja` mí' cacún`-n jaléng` i jó' na, co' lajo ta` huí' fí' ni` júu` quiü' ta` qui`naa', jnea'^ dsea` lí'naa' dsea` Israel.” ⁹ Joba' canú-tüu e luu` e guicafé' fí' guiá' güü` do jo casí'- jnea` lala: “Jalé' e jíng`- Fidiéé` e cuøøng` lí' cø'^, ja` ta` e fo'`'na e ja` cuøøng` jme'^ lajo.” ¹⁰ Jo 'ní' néé` catí e jgóo` e 'mi' do; jo mi` cangoyúung`, jo cajgóob`-tu fí' yá' jmigüü'. ¹¹ Jo lajee` guiáang` e móo'o jalé' e jo, caguilíng` gaang` dseañü` i 'náng` jnea` i jalíng` tí' Cesarea caguilíñ` fí' lí' guin`n do. ¹² Jo caquiü' Jmiguü` quiá'- Fidiéé` ta` jnea` e cangó-o cóo'~ i dsea` do e ja` caséé' e jii~ cóo' ta` uü' e ja` lüing` dsea` do dsea` Israel. Jo cóo'~baa` jñüung`-gui i dsea` quiá'- Dsea` Jmáang` la cangó-o. Jo mi` caguié- e fí' Cesarea, lajalé'baa' cangotóo'naa' fí' quiá'- jaang` dseañü` i sii` Cornelio. ¹³ Jo fí' jo cajmea'r` jnea'^ júu` jial cangáñ` jaang`

ángel i líng' guotiī Fidiéé' fí' quiá'r̄; jō cajíng' i ángel do casi'̄-reiñ' do lala: “Síng' dsea' quiá' fí' Joje, jō güiguite'r' jaang' dseañu' i sii' Simón, i sii'bi Tú^ cajo. ¹⁴ Jō í'bing' nijíng' jial cuøng' nileáng'na' jee' dsee' quiá'na' colíng' cōo' jaléng' i seeng' quiá'na'.” ¹⁵ Jō mi' canaang' e fón'nre, jōb mi' cangúñ Jmiguí' quiá' Fidiéé' lajaléiñ' do lí' laco'gui cangúng' jnea', dsea' lí'naa' dsea' Israel, latí' mi' uíng'. ¹⁶ Jō joguib cadseng' dsii' lajii' e cajíng' Fí'naa' Dsea' Jmáang' lamí' cateáaiñ' cōo' jnea' fí' jmiguí' la mi' cajíñ' lala: “E já'ba' e Juan caseáaiñ' dsea' jmí', dsu' 'nú' nisáng'na' jmí' cōo' Jmiguí' quiá' Fidiéé'.” ¹⁷ Jō song Fidiéé' cacuø'r' i dsea' i ja' líng' dsea' Israel Jmiguí' quiá'r' laco'gui cacuø'r' jnea', dsea' lí'naa' lajō mi' ca'íng'naa' júu' quiá' Fí'naa' Dsea' Jmáang', jōba' çí' jnea' e nijniñ' n lajii' ta' quiá' Fidiéé'?

¹⁸ Jō mi' canúu' jaléng' i dsea' Israel i líng' dsea' quiá' Dsea' Jmáang' jalé' júu' quiá' Tú^ Simón, dsifí' lajōb jō' e cañí'r' jii' cōo' quiá'iñ' do, jō canaaiñ' jmiféiñ' Fidiéé' jō fé'r': —E jáb' e nicacuø' Fidiéé' jaléng' dsea' i ja' líng' dsea' Israel e niquí' nijíng' yaaiñ' fí' quinir' laco' cacuø'r' jnea', jō lajōba' ni'uíñ' dsea' i catíng' seeng' cøng' cōo' Fidiéé' lata'.

Jaléng' dsea' quiá' Dsea' Jmáang' i seeng' fí' Antioquía

¹⁹ Jō ie' do, mi' cangí' e cajnga' dsea' quiá' i Téé' do, mi' canaang' jmáang' dsea' ga' jaléng' dsea' quiá' Dsea' Jmáang', jōba' i líng' i dsea' í' cangolíñ' cartí' lí' se' Fenicia jogui lí' se' Chipre cōo' Antioquía lí' se' Siria. Jō mi' caguiliñ' fí' jō, canaaiñ' e'r' jaléng' dsea' Israel júu' quiá' Fí'naa' Jesús, dsu' jii' dsea' í'bing' ca'e'r' jō ja' ca'e'r' dsea' jiéng'gui. ²⁰ Jō nañí' fa' e lajōb cajmér', dsu' cōo' tú' máng' dsea' i niseeng' fí' lí' se' Chipre cōo'gui fí' Cirene i nica'íng' Dsea' Jmáang' ie' do caguiliñ' fí' Antioquía, jō caguia'bre júu' quiá' Fí'naa' Jesús jee' jaléng' dsea' i ja' líng' dsea' Israel. ²¹ Jō eáam' cajmicōo' Jmiguí' quiá' Fidiéé' quiá' i dsea' do, jōba' fím' dsea' i ja' líng' dsea' Israel caquí' cajíng' yaaiñ' fí' quini' Fidiéé' ie' jō; jogui catú'bre jalé' e lamí' tiiñ' jmóor' jéeng'gui jogui ca'uíñ' dsea' quiá' Dsea' Jmáang'.

²² Jō mi' caliñí' i dsea' quiá' Dsea' Jmáang' i neáang' fí' Jerusalén do jalé' e calí' fí' Antioquía, jōba' casiiñ' i Bernabé do fí' jō. ²³ Jō mi' caguíé' í' fí' jō, cangár' e dseáng' já'ba' e nica'uíng' dsea' quiá' Dsea' Jmáang' jaléng' i dsea' i ja' líng' dsea' Israel i seeng' fí' jō. Jō eáam' cali'íáang' dsí' i Bernabé do ie' jō, jogui casí'r' jaléng' i dsea' do e ja' nitiúuiñ' do Dsea' Jmáang', jogui e nijmiti'bir e ngocáng' dsír' jalé' júu' quiá' dsea' do cajo. ²⁴ Jō i Bernabé do líiñ' jaang' dseañu' i guiúng' eáang', jō contøom' jée' Jmiguí' quiá' Fidiéé' quiá'r' cōo' jalé' e jmóor' do, jogui jáb' líiñ' júu' quiá' Dsea' Jmáang' car' ngocáng' dsír'; jō lajōb fím' dsea' ca'uíñ' dsea' quiá' Dsea' Jmáang' ie' jō.

²⁵⁻²⁶ Jō mi' cangí' jō, jō cangó' Bernabé fí' Tarso e cango'neeiñ' Saulo. Jō mi' cadséiñ' dsea' do, cajéem'breiñ' do fí' Antioquía. Jō fí' jōb cajer' lajì huáaiñ' do lajee' cōo' jii' tøng' e e'r' fíng' dsea' júu' quiá' Dsea' Jmáang'. Jō e fí' Antioquía dob lí' la'uii' calisí' dsea' quiá' Dsea' Jmáang' jaléng' i dsea' i cajáng' yaang' fí' jaguó' Jesús.

²⁷ Jō ie' jō, cōo' tú' máng' dsea' i jmóo' ta' e fé'r' cuaiñ' quiá' Fidiéé' ca'uøøiñ' fí' Jerusalén jō cangolíñ' fí' Antioquía. ²⁸ Jō mi' caguiliñ' fí' jō, jaaiñ' do i sii' Agabo casíng' 'ñia'r' fí' quini'gui, jō cajíñ' la'eáang' cōo' Jmiguí' quiá' Fidiéé' e tí' nijáa' jii' oo' fí' jō. Jō jalé' e jō cangojée' lajee' jii' quiá' jaang' dseata' dsea' féng' i calisí' Claudio. ²⁹ Jōba' jaléng' dsea' quiá' Dsea' Jmáang' i neáang' fí' Antioquía ca'í' dsír' e nisíñ' jalé' e nijmicōo'r' i dsea' quiá' Dsea' Jmáang' i neáang' fí' lí' se' Judea, lí' jíé' jii' lí' quí'r' jmí', ³⁰ jō lajōb cajmér'. Jō la'eáang' Bernabé jogui Saulo cangolí' jalé' e do quiá' jaléng' dsea' cøng' i neáang' fí' lí' se' Judea.

12

Mi' cajnga' dsea' quiá' Jacóo'

1-3 Jo lajee˘ jo, lajee˘ jmóo` dsea` Israel jmíi~ quiá'r- e gø'r' íñi'^ e ja` quie'^ quiéeng`, jo ie˘ jo canaang` Herodes Agripa, jaang` dseata~ dsea` féng' i quiu' ta~ fi' Jerusalén, jo canaaiñ` jmáíñ` ga` i liing~ dsea` quiá'- Dsea` Jmáang- i neáang' fi' jo. Jo lajee˘ jo, caquiur' ta~ e cajnga' dsea` quiá'- i Jacóo^ cóo'~ ñisu', jaang` dsea` i óo' ta~ quiá'- Fidiée˘; jo i dsea` í lhiñ` jaang` dsea` ngáang' cóo' i Juan do. Jo mi~ calilí'^ i dseata~ Herodes do e catí'b` dsíi' jaléng' dsea` Israel e cajnga' dsea` quiá'- i Jacóo^ do, joba' caquiur' ta~ e catám'^ i Tú^ Simón do cajo. 4 Jo mi~ catáiñ'^ dsea` do jo caquiur' ta~ e dsíi' 'nnañi^ ca'íñ'- do ladsifi' lado. Jogui mifíng` caquiur' ta~ guijñúung- 'lée- quiá'r- i nidsijmée- í i Tú^ Simón do, jogui e nijmér- dsiguiéeng' tá'- la quiúung- dsea` e laco' ja` sitúung; jo í dsíir' e mi~ ningí e jmíi~ doba' nisíñ` dsea` do fi' quini˘ jaléng' dsea` fií. 5 Jo e eáam'ba' jée' 'lée- quiá'- i Tú^ Simón do li~ iuuiñ- e laco' ja` dseáang~ niliúung- 'ñia'r'. Jo lajee˘ jo, lajalém' dsea` quiá'- Dsea` Jmáang- féiñ' Fidiée˘ uii~ quiá'- dsea` do e ngocáng` dsíir'.

Mi~ caguiing` jaang` ángel quiá'- Fidiée˘ Tú^ Simón fi' dsíi' 'nnañi'

6 Jo mi~ nijneá' e uóø` joba', si'í' e nidsijéeng` i dseata~ Herodes do Tú^ Simón fi' quini˘ jaléng' dsea` fií e niquidsir' í' quiáiñ'- do. Dsu' 'ñia' e uóø` jo, dob ráang` Tú^ Simón güñiñ` fi' dsíi' e 'nnañi^ do, jo 'ñúu~ guóor` cóo'~ ñi^ cadena, jogui teáang- jmá'- jáng' 'lée- i jmóo' í' í' lacataang` cáaiñ`, jogui jiéng' gui 'lée- i teáang- jmóo' í' e o'núá' 'nnañi^ do. 7 Jo lajee˘ jo, cóo' cajném- jaang` ángel i casíing` Fidiée˘ fi' li~ ráang` i Tú^ Simón do fi' dsíi' 'nnañi', jo jlo'^ cajneá- fi' latøong- e dsíi' jo. Jo i ángel do cangoquiéeiñ` li~ ráang` Tú^ Simón jo cagüi'r' mo'uóø' dsea` do; jo dsifi'bi cajné- dsíiñ' do li~ ráaiñ` güñiñ`, jo lalab casí'- i ángel do ír':

—Jminá- ráan'- na, Tú^ Simón.

Jo dsifi' lajob casojiá' e ñi^ cadena e 'ñúu~ guoo' Tú^ Simón do. 8 Jo cajíng'- i ángel do calé' catú- casí'r- dsea` do:

—Qui' sí' lajminá- jogui øø' lomíi'.

Joba' lajob cajmée' Tú^ Simón ladsifi' lado. Jo cajíng'- gui i ángel do casí'r- dsea` do lala:

—Te' 'mijñú' iá~ lúu' jo má-aa' cóo'~ jnea~.

9 Jo dsifi' lajob cango'leáang' i Tú^ Simón do laco' cagüi'í' i ángel do, jo jíi' ja` ñir' si já'- si ja` já'- lajii' e jíng'- i ángel do, có' nír' e do lafa' mi~ quíbre. 10 Jo cangüim'bre li~ teáang' i 'lée- do la'uui~, jo lí- jo, cangüiñ` li~ teáang- cóo' 'lé'gui. Jo mi~ tí li~ ningóo' uóñiñ` fi' cóo' o'núá' li~ lí' layaang~ ñi' e mifíng` ni'uóñiñ` cartí caluu', 'ñiab' e jní^ do cana', jo ca'uóøm'bre. Jo cueeb'jiu capí'^ li~ cangolíñ` e ngir' colíing~ lado. Jo mi~ cangoyúung' jo, catáub- i ángel do quiá'- i Tú^ Simón do, jo 'ñia'biñ' do cangáng'- guir.

11 Jo mi~ calilí'^ i Tú^ Simón do e dseáang'- jáb'- jalé' e cangongüiñ- do joba' cajíñ'-:

—Nab nicamó-o e dseáang'- já'-ba' nicasíing` Fidiée˘ i ángel do quiá'r- e cajaleaaiñ` jnea~ fi' jaguó' i dseata~ Herodes do e laco' ja' calí'r- cajmicóo'~ rúíñ' cóo'~ dsea` góoo' dsea` Israel fa' ee` cajmeáiñ` jnea~.

12 Jo mi~ cangí e calilí'r^ e jo, condséeb' cangáiñ'- fi' quiá'- jaang` dseamí i sii' Yá^, niquíá'^ jaang` dseañu' i sii' Juan, sii'bir Marcos cajo. Jo fím' dsea` quiá'- Dsea` Jmáang- siseáang' fi' jo e féiñ' Fidiée˘ lajee˘ jo. 13 Jo mi~ caguiéng'- i Tú^ Simón do fi' jo, dsifi' lajob cabár` jní^ o'núá' e tór' i dsea` teáang~ dsíi' do e laco' nineaiñ'- do 'núu'. Joba' cangó- jaang` simí' i jmóo' ta~ i sii' Rode e ngoñir' i i bá' e jní^ do. 14 Jo dsifi' mi~ calicuir' luu~ i Tú^ Simón do, sóong- cali'íáang` dsíir', jo lafa' e nineár- e 'núu' do e ningíng- Tú^ Simón, dsifi' lajob caguiing'- tur cangojmée'r' i teáang~ dsíi' do júu^ e Tú^ Simómbing' sing' bá' e jní^ do. 15 Jo cajíng'- i dsea` teáang~ do casí'r- i simí^ do:

—iNgaam` 'nu, simí'!

Dsu' i simí' do jíñ'- e já'-ba' e Tú^ Simómbing' guisíng'^ e tór' o'núá'.

Dsu' i dsea` caguiiang- do cañír':

—O' Tú^ Simón do. Jangám- i ángel i jmóo' í' quiá'-bre do.

16 Jo lajee˘ sɨng` i dsea` do lado, dob sing' Tú˘ Simón e bá˘bir jní˘ fí caluu˘. Jo lí˘ mi˘ caneáar' e jní˘ do, joguib calilí'r' e Tú˘ Simómbing' nising', jo sóong˘ cafóin' mi˘ cangáin˘ dsea` do. 17 Dsu' i Tú˘ Simón do cajméer' lí˘ cóo'˘ guóor' e laco' jo ta'li i dsea` do mí˘. Jo mi˘ ni'iuuiñ˘ dsí' sinúu˘, joguiba' cajmea'r' i dsea` do júu˘ la'uiing˘ lanú'˘ jial cajmicóo'˘ Fidié˘ quiá'r' e cagüi'úr' dsí' e 'nuñí˘ do jo cajíñ'˘ casí'˘reiñ'˘:

—Jmé˘na' júu˘ Jacóo˘ cóo'˘gui dsea` quiá'˘ Dsea` Jmáang˘ i caguaang˘gui do jalé' e guiá' e cajmé˘ Fidié˘ cóo'˘ jnea˘ fí dsí' 'nuñí'.

Jo mi˘ calí˘ sɨin˘ lado, jo cagüi'úr' bre jo fí lí˘ jiéb'˘ cangór˘.

18 Jo mi˘ cajneá˘ cóo'˘gui jmí˘, mi˘ cangá˘ jaléng' i 'lé˘ do e jo Tú˘ Simón seeng˘ fí dsí' 'nuñí˘, sóong˘ cangogá˘ dsír' lajaléin' do, co' jü'˘ ja ñir' e calí˘ cóo'in' do. 19 Jo mi˘ caliñí' i dseata˘ Herodes do e jo Tú˘ Simón seeng˘ fí dsí' 'nuñí˘, joba' caquiur' ta˘ e cali'ném'˘biñ' do, dsu' jo lí˘ cadséng' neiñ'; joba' cató'r' lajüing˘ 'lé˘ i sí'í˘ cajmé˘ í˘ quiá'˘ Tú˘ Simón do, jo caquiur' ta˘ e cajúm˘biñ' do lajüiñ˘ dsifí˘ lado uí'˘ e caláang˘ i Tú˘ Simón do. Jo mi˘ lí˘ cøøng˘gui lajo, cagüi'úr' dseata˘ Herodes lí˘ guiiñ˘ lí˘ se'˘ Judea, jo cangór˘ cangogüear' fí Cesarea.

Mi˘ cajung˘ i dseata˘ Herodes Agripa do

20 Dsu' ie˘ jo, sóong˘ nisigüing˘ i dseata˘ Herodes do quiá'˘ jaléng' dsea` i niseeng˘ fí Tiro cóo'˘ Sidón, dsu' i Herodes do i 'né˘ nicuó˘ fí e nilisea˘ jalé' e nidó'˘ i dsea` seeng˘ fí Tiro cóo'˘gui i dsea` i seeng˘ fí Sidón; joba' i dsea` seeng˘ fí laji˘ tú'˘ fí jo dseáng'˘ 'néb˘ e niliseeñ˘ røø' cóo'˘ i dseata˘ do e laco' nilisea˘ jalé' e gøiñ' do. Jo cali'˘bre jaang˘ dseañu' i líng' jaang˘ dsea˘ nu'luu˘ quiá'˘ i dseata˘ Herodes do i sii˘ Blasto, jo cacuø'˘reiñ' do cuu˘ e laco' niféiñ' do uii˘ quiáin'˘. Jo lajoguibá' calí'r' e sɨin˘ cóo'˘ i dseata˘ Herodes do. 21 Jo catéiñ' do cóo'˘ jmí˘ lí˘ e iin˘ nisíñ˘ cóo'˘ jaléng' i dsea` do. Jo e jmí˘ jo, dsea` seeng˘ fí Tiro cóo'˘gui fí Sidón caguiliñ˘ fí lí˘ guing˘ i dseata˘ Herodes do. Jo ie˘ jo i dseata˘ Herodes do caqui'r' sí'r' lali˘ e jlo'gui e sea˘ quiá'r'˘, jo caguár' ni˘ 'masii˘ quiá'r' lí˘ guar' mi˘ quidsir' í'˘, jo canaañ˘ bí'r' güi˘ quiá'r' jee˘ jaléng' i dsea` fí do. 22 Jo mi˘ canúu˘ jaléng' i dsea` do jalé' júu˘ quiá'˘ i dseata˘ Herodes do jo canaañ˘ fé'r' teá' lala:

—Jaang˘ dié˘ i fé'˘ na lana, o' dsea` jmigü'˘ na!

23 Jo dsifí˘ lajob jaang˘ ángel quiá'˘ Fidié˘ cajméer' e catóm' i dseata˘ Herodes do e dséer'˘ ladsifí˘ lado, co' cacuø'˘ fí e cajmiféng' dsea` í'r' laco' Fidié˘ 'ñia'r'. Jo cajúm˘ i dseata˘ Herodes do cóo'˘ jmohuí' e cacuø' i ángel do e cagó'˘ jóo'˘ í'r'.

24 Dsu' lajee˘ jo, eáang˘gui ngóo' ni' júu˘ quiá'˘ Fidié˘ jogui doñí' jiéb'˘ ninúu˘ dsea` e júu˘ jo.

25 Jo mi˘ tí˘ lí˘ cató' ta˘ quiá'˘ i Bernabé cóo'˘gui Saulo fí Jerusalén, jo cangolíim˘tur fí Antioquia, jo té˘bre Juan i sii'˘bi Marcos cajo.

13

Mi˘ canaang˘ Bernabé cóo'˘ Saulo e guiar' júu˘ quiá'˘ Fí'naa' Jesús lacaang˘ fí lí˘ jié'˘

1 Jo mi˘ caguiliñ˘ fí Antioquia caseáin' cóo'˘ jaléng' dsea` quiá'˘ Dsea` Jmáang˘ i nineáang˘ fí jo, jo jee˘ jo niquiéeng˘ jaléng' dsea` i fé'˘ cuaiñ˘ quiá'˘ Fidié˘ cóo'˘gui jaléng' tifa' quiá'˘ júu˘ quiá'˘ dsea` do; jaaiñ˘ do nisiir˘ Simón i sii˘ Simón Le'˘, jaang˘gui i sii˘ Lucio i caliséng' fí Cirene, jaang˘gui i sii˘ Manaén i cacuáng˘ colüing˘ cóo'˘ i dseata˘ Herodes do i calíng˘ dseata˘ dsea` féng' quiá'˘ Galilea, jogui Bernabé cóo'˘gui Saulo do. 2 Jo cóo'˘ jmí˘ lajee˘ guiáang'˘ teáang'˘ i dsea` do e jmiféiñ' Fí'naa' Fidié˘ jogui jmóor' ayuno e ja' gø'r' ír˘ lajee˘ jo, casí'˘ Jmiguí˘ quiá'˘ Fidié˘ í'r' lala jo cajíñ'˘:

—Cuøøng˘na' jnea˘ i Bernabé na cóo'˘gui Saulo quiá'˘ e nináin˘ jmér˘ lajüi'˘ ta˘ e nicatøø˘re na.

3-4 Jo mi˘ cangoyúung' e féiñ' Fidié˘ jogui cajméer' ayuno, dsifí˘ lajob caquidsí' i dsea` do guóor' fí mogui˘ Bernabé cóo'˘gui Saulo e laco' cuø' lí˘ quiá'˘ lajüi'˘ ta˘ nidsiliñ˘ do. Jo

mi~ cali~ jo, ca'f'breiñ' do júu^, jo cangolíim^biñ' do, jo cóo'~bre i Juan Marcos do i jmicóo'~ quiá'r~.

Mi~ caguia' gáng~ i dsea' óo' ta~ quiá'~ Fidiéé' júu^ quiá'~ Dsea' Jmáang~ fí' Chipre

⁵ Jo Jmiguí quiá'~ Fidiéeb' casí' quiá'~ i Bernabé do cóo'~gui Saulo fí' coo' oo~ jmii' e sii' Seleucia e née' 'ni' jmiñí'~. Jo mi~ caguiliñ' fí' jo, cangotáaiñ' fí' coo' dsí' móo' jo cangolíñ' fí' coo' oo~ jmii' li~ sii' Salamina e née' fí' lí' se' Chipre. Jo mi~ caguiliñ' fí' jo, jo cajgám~bre e móo' do, jo dsifí' lajob cangolíñ' fí' li~ téé' guá'~ quiá'~ dsea' góor' dsea' Israel jo canaaiñ' guiar' júu^ quiá'~ Fidiéé' fí' jo.

⁶ Jo mi~ cangí jo, cangíiñ' la'úm~ e ni~ uó' e née' ni~ jmiñí'~ do cartí' caguiliñ' fí' oo~ jmii' e sii' Pafos. Jo fí' job cajíñ' jaang' dsea' Israel i sii' Barjesús, jo cóo'~jmí' griego siir' Elimas. Jo i dseañu' do nilíiñ' jaang' dsea' láang' i ngí' ta~ jmigóong' jaléng' dsea', co' jín'~ e líiñ' jaang' i fé' cuaiñ' quiá'~ Fidiéé', dsu' o' já'~ e lajo. ⁷ Jo i dsea' láang' do nilíiñ' jaang' i jmóo' lajii'~ e iing' dseata~ dsea' féng' i sii' Sergio Paulo, jaang' dseañu' i tíng' eáang'. Jo mi~ caliñí' i dseata~ dsea' féng' do e fí' góo'bre nitáang' Bernabé cóo'~gui Saulo, joba' cató'~reiñ' co' iñ'~ ninúr~ júu^ quiá'~ Fidiéé' e guiaiñ' do. ⁸ Dsu' i dsea' láang' do cajníim'bre quiá'~ i dseata~ dsea' féng' do e laco' ja' já'~ nilíiñ' do júu^ quiá'~ Fidiéé' e guia' i Saulo do. ⁹ Jo eám' jéeng' Jmiguí quiá'~ Fidiéé' i Saulo do i sii' b'i Paa~ cajo, joba' cajóoiñ' i Elimas do la'úung' ¹⁰ jo casí'r~ dsea' do:

—'Nu' lin' jaang' adsee' féng' jogui jóo' fii' i ling'~; co' jni' fí' quiá'~ jaléng' dsea' i iing' jme' e guiá'~. ¿Jialí' jniñ' fí' quiá'~ jaléng' dsea' i iing' nisíng' yaang' fí' guiá' cóo'~ Dsea' Jmáang'~? ¹¹ Lana Fí'naa' Fidiéé' nicuó'r~ 'nu' coo' iihuí', jo nijá' e jo lí' jóo'~ jii'~ capí'~ cartí' mi~ niquiá'~ Fidiéé' ta~ e nilijné'tu' calé' catú'~.

Jo dsifí' lajob calinú' jmini' i Elimas do, jo canaaiñ' jmóor' quiji' i~ dsea' i nisó' 'ma'u' quiá'r~ co' jo lí' jóo'~ jii'~ capí'~. ¹² Jo mi~ cangá' i dseata~ dsea' féng' do e cali' lado, dsifí' lajob já' caliñ' júu^ quiá'~ Dsea' Jmáang' co' eám' dsigá' dsíir' jalé' júu^ quiá'~ dsea' do e e' i dsea' apóo' do.

Mi~ cangolíng' Paa~ cóo'~ Bernabé fí' Antioquía li~ se' Pisidia

¹³ Jo mi~ cali' ta~ quiá'~ i Paa~ do cóo'~gui Bernabé cóo'~gui Juan Marcos e fí' Pafos do, joba' ca'uóom'bre fí' jo e teáaiñ' fí' dsí' móo', jo cangolíñ' fí' Perge e née' fí' lí' lí' 'ngóo'~ jmiñí'~ li~ se' Panfilia. Dsu' i Juan Marcos do jo' cangó'~guir cóo'iñ' do, jo caquim'~tur fí' Jerusalén. ¹⁴ Jo mi~ cangí jo, ca'uóom' i Paa~ do cóo'~gui Bernabé fí' Perge, jo cangolíñ' fí' coo'~gui fii' li~ sii' Antioquía e née' lí' se' Pisidia. Jo mi~ caguiliñ' fí' jo, coo'~jmii' lajee' e tíng' dsea' góor' dsea' Israel e jmi'íñ', cangotáaiñ' fí' guá'~ quiá'~ dsea' do, jo fí' job caguár' jee' jaléng' dsea' i teáang'~ do ie' jo. ¹⁵ Jo mi~ cangoyúung'~ e ca'f' i dsea' do e júu^ quiu' ta~ quiá'~ Fidiéé' cóo'~gui e júu^ quiá'~ jaléng' dsea' i café' cuaiñ' quiá'~ Fidiéé' do malí'~gui eáang', jo mi~ cangí jo, i dsea' i née' ni' e guá'~ do casí'r~ i dsea' gáng' do jo cajíñ'~:

—Rú'uu', song sea' júu^ e iing'~na' fong'~na' jaléng' dsea' góo'na' la e laco' nijmicóo'~ quiá'r~, cuóom' fong'~na'r lana.

¹⁶ Jo dsifí' lajob caróo' i Paa~ do lí' guiiñ'~, jo cajméer' lí' cóo'~guóor' e laco' ninú' i dsea' do júu^ quiá'r~, jo lalab cajíñ'~ casí'r~ i dsea' do:

—Náun' na' júu^ quié' e jaléng' 'nú', dsea' góo'oo' dsea' Israel, jogui jaléng' 'nú' dsea' ja' líng'na' dsea' Israel i jmi'goo'na' Fidiéé' qui' jnea'~: ¹⁷ Lajii'~ malí' eáang' Fidiéé' caguíñ' 'lí' dsea' cóong'~ qui'~ii', jo lajee' e neáaiñ' fí' Egipto, cajmée' Fidiéé' e eám' cangofíiñ', doñí' fa' líiñ' dsea' seeng' fí' fii' li' o' góor'. Jo mi~ cangí jo, ca'uóom'bre i dsea' do fí' Egipto la'eáang' cóo'~ e 'göiñ' do. ¹⁸ Jo lajee' tuló' jii' e cangíiñ' do fí' ni~ guóo'~ uó' quié', cajméeb' Fidiéé' féng' dsíir' uii' quiá'iñ' do. ¹⁹ Jo mi~ caguiliñ' i dsea' cóong'~ qui'~ii' dsea' Israel do fí' lí' se' Canaán, ca'íim' Fidiéé' jaléng' dsea' i neáang' fí' jo; guié' fii' ca'íiñ' ie' jo e laco' caliseá' uó' e cacuø'r' 'lí' dsea' cóong'~ qui'~ii' e fí' lí' se' Canaán do. ²⁰ Jo mi~ cangí cuatrocientos cincuenta jii' e caguá' dsea' cóong'~ qui'~ii' dsea' Israel fí' Egipto,

joguib cacuøøng` Fidié` lajüing` dsea` î dsea` i cacá` nifí` quiá`- dsea` góor` i líng` dsea` cøøng`- qui`-ii' do. Jo dsea` góo`oo' i sii` Samuel i fé` cuaiñ` quiá`- Fidié`, í`bing' cacá` nifí` quiá`- dsea` áang` qui`-ii' do cartí` lí` cadséng`- . 21 Jo mi` cangí` joguiba' dsea` góo`oo' camíñ' Fidié` jaang` dseata` dsea` féng` i niquiá`- ta` quiá`r`- jee` la`ó' dsea` góo`oo' do. Joba' Fidié` cacuøøñ` jaang` dseata` dsea` féng` i calisí` Saúl, jóo' jaang` dseañu` i calisí` Cis, siju` Míng~, jaang` lajee` guitúung` 'lé' dsea` áang` qui`-ii' do; jo i Saúl dob caquiá' ta` quiá`- dsea` áang` qui`-ii' lajee` tuló`- jüi. 22 Jo mi` cangí` jo, caguím` Fidié` i dseata` Saúl do e líñ' ta~, jo caguiéñ` jaang` dseañu` i sii` Daví` i nilíng` dseata` dsea` féng` quiá`- dsea` Israel, jóo' jaang` dseañu` i sii` Isaí. Jo lalab cajíng`- Fidié` e éeiñ` i dseata` Daví` do ie` jo: "Eám` iáang` dsii` cóo`- Daví` i líng` jóo' Isaí, co' nijmiti`-bre lajüi` e iin`n." 23 Jo jaang` lajee` dsea` siju` i dseata` Daví` do, íb` dsea` góo`oo' Jesús i cajíng`- Fidié` lajüi` lamali`gui do i nisíñ`- fí` jmigüi` la e nileáiñ`- jneaa`aa' jee` dsee`- qui`-ii', dsea` líñ' dsea` Israel, lí` laco`gui jüi`- júu` e nicacuø`r` jéeng`gui. 24 Dsu` ná`-gui e cagüéng`- Jesús fí` jmigüi` la, cangí` jaang` dsea` góo`oo' i sii` Juan e ni`r` júu` jee`- jnea` dsea` Israel quiá`- jial` 'né`- niquí`- jíng` yaang` dsea` fí` quini` Fidié` jo lajoguiba' cuøøng` nisáiñ`- jmí. 25 Jo mi` nijaquiéem`ba' e nité` ta` quiá`- i Juan i seáang` dsea` jmí` do, cajíñ`- casí`r`- jaléng` dsea` lala: "Ja` í` óo`na' e jnea` i dsea` i sijeeng`na' do i jíng`- Fidié` i nisíñ`- fí` jmigüi` la, co' nabi` nijáa` dsea` í` cøøng`guijiu` na, jo fí` quini` í` ja` quíng` jnea` co' sí`-i capí`- ñi`-ñíu` lomíir`- ." 26 'Dsea` rú`uu', jaléng` jnea` dsea` Israel dsea` siju`- 'lí` yúu` qui`-ii' Abraham lí`naa', jogui jaléng` 'nú', dsea` ja` líng`na' dsea` Israel i jmí`gó` Fidié`, catí`m`-baa' lajalé`naa' e juguiá`- e guiaa`- la quiá`- jial` nileáang`naa' jee` dsee`- qui`-naa'. 27 Dsaco` jaléng` jnea` dsea` Israel i seeng` fí` Jerusalén cóo`- lajaléng` dsea` quie` nifí` qui`-ii' ja` calilí`r`- i`- dseáng`- Jesús i cajíng`- Fidié` i nisíñ`- fí` jmigüi` la e laco` nileáiñ`- jneaa`aa' jee` dsee`- qui`-ii', o`gui cangáiñ`- jalé` júu` quiá`- Fidié` e cajme` i dsea` i fé` cuaiñ` quiá`- dsea` do e í` dsea` fí` laco` fí` dsí` guá`- qui`-ii' mi` jmí` e jmi`íng`naa'. Dsu` mi` cateáaiñ` i Jesús do fí` dse` crúu`, e jüi`- yaaiñ`- ja` calilí`r` e joguib caliti`- jalé` e cajme` i dsea` i café` cuaiñ` quiá`- Fidié` fí` ni`- jì` quiá`r`- mali`-gui eáang`. 28 Jo nañi` fa' jüi`- coo` dsee`- ja` cadsé` dsea` góo`oo' dsea` Israel quiá`- dsea` góo`naa' Jesús e quiá`- nijngáiñ`- dsea` do, dsu` cangomí`-bre fí` dseata` Pilato e quiá`- niquiá`- dsea` do ta` e nijngáiñ`- Jesús. 29 Jo mi` cangoyúum`- e caliti`- jalé` e fé` fí` ni`- jì` quiá`- Fidié` uii` quiá`- Dsea` Jmáang`- latí` jüi`- mali`, jo cajgiáam`-bre dsea` do fí` dse` crúu` lí` cajúñ`, jo cango`áiñ` fí` dsí` coo`- too`- jiáa` laco` litíng` dsea` góo`oo'. 30 Jo dsu` Fidié` cajméer` e cají`b`-tu` dsea` do mi` cadsí`- 'ní` jmí`- lajo. 31 Jo lajee` jmiguiá`- jmí`- cajmijnéeng`- 'ña`r` jee` jaléng` dsea` i cangí` cóo`r`-, tí` lí` se` Galilea jo cartí` Jerusalén. Jo jaléng` dsea` íb` i ninaang`- guia` júu` quiá`- Fí`naa' Jesús jee` jaléng` dsea` jmigüi` lana colíng`- cóo`- jnea`.

32-33 'Jo jnea` cuøø`-naa' 'nú' lana e juguiá`- e cacuø` Fidié` dsea` cøøng`- qui`-ii' lajüi`- mali`, co' nicajmiti`-bre e júu` jo qui`-naa', dsea` lí`naa' dsea` sijur`, mi` casíñ`- jóo`r` fí` jmigüi` la lí` laco`gui la fé` fí` ni`- jì` salmo e catí` tú`- do lí` fé` lala: "Nub` jóo`o, jo jmí`- na nijmé`e e niliñi` dsea` e jneab`- lín`n Tiquí`-." 34-35 Jo Fidié` cajméer` e cají`b`-tu` Jesús mi` cangí` e cajúñ`, jogui jo`- nijúung`- tur` o`gui nijgié`- ngúu` táaiñ`; co' lalab café` Fidié` fí` ni`- jì` quiá`r`-: "Nijmiti`-baa` la`eáang` cóo`- 'nu` jalé` júu` jlo`- níguo`- jogui`- ja`- e cafí`- i dseata` Daví`". Jogui lalab café`-guir` cajjo: "Ja` cuøø`- fí` e lí`- nijgié`- lajo`- ngúu` táang`- 'nu`, dsea` güeang`- quié`- e i jmóo`- lajüi`- e iing`- jnea`-." 36 Jo o' quiá`- Daví` fé` e júu` la, co' mi` cajmiti`- i Daví` do lajüi`- e iing`- Fidié` e nijmér`-, joguiba' cajúñ`, jo fí` dob ca`áiñ`- fí` cáang`- lí`- sí`-aang`- 'lí`- tiquiá`r`-, jo ngúu` táaiñ`- cajgob` fí` nú`- uø`-. 37 Dsu` ngúu` táang` Jesús i cajmijí` Fidié` quiá`- do ja` cajgo`- lajo.

38 'Dsea` rú`naa', dseáng`- 'né`- ñí`b`- 'nú' e jüi`- la`eáang` cóo`- Jesúsba' e íng`- Fidié` jalé` dsee`- qui`-ii'. 39 Jogui doñi`- ii` i ja`- líng`- jalé` júu` quiá`- dsea` do, nileám`-bre jee` jalé` dsee`- quiá`r`- fí` quini` Fidié`; co' jüi`- jaang` dsea` jmigüi` caláaiñ`- jee` dsee`- quiá`r`- la`eáang` e jmitir`- júu` quiá' ta` e cajme`- Moi` do. 40 Ñíng`- óo`na' jaléng`- 'nú', dsea`

rú'naa', e ja`cuø' fí yaang`na' e güttíng`na' laco' cajíng' jaang`dsea`i café' cuaiñ`quíá'- Fidié` mali'gui eáang`mi` cajme'r` lala:

⁴¹ Quié'na' cuente jaléng`'nú' i ja`jíi` júu` quié` e o'gui jái` líng`na' e júu` jo.

Jo güidsigá` óo'na' jogui nijúum`ba',

co' jmiguiá` jalé' e nijmee` jnea` jee` 'nú'

jo jíi` capí' ja` jái` nilíng`na', fa' jialgui la jalíng` dsea` e jma'r` 'nú' júu` røø` quiá'- jalé' e jo.

Jo lanab cajíng'- Fidié` fí` ni` jì` quiá'r`.

⁴² Jo mi` calí` fé' i Paa` do jalé' júu` güi` quiá'r`, jo ca'uøøm`bre dsíi' e guá'- do. Jo fíim` dsea` i ja` líng` dsea` Israel cangolíñ` e cangomá'r` Paa` e niguiá`gui dsea` do júu` mi` nití` coo`gui jmíi` e jmi'íng' dsea` Israel. ⁴³ Jo lajee` ngolíñ` do, fíim` dsea` Israel cóo` jaléng` dsea` jíéng' i nica'uíng` dsea` Israel ngolíñ` colíng` cóo` Paa` cóo`gui Bernabé. Jo casí'r` jaléng' i dsea` do e ja` nijmitúng` dsíiñ' cóo` Fidié`, jogui e güi'lib` dsíir` røø` jalé' e guiá' e cajméé` Fidié` cóo'r` e cangáñ` e cacuø` dsea` do e iáang` dsíir`.

⁴⁴ Jo mi` catí` coo`gui semaan` do, coo` jmíi` e jmi'íng' dsea` Israel, fíing` dsea` i seeng` e fíi` do caguilíñ` e fí` guá'- quiá'- dsea` Israel do e caguináur` júu` quiá'- Fíi'naa' Fidié` e guiá' i Paa` do, jia` ja` latøøng` fíib` caguilíng` ie` jo. ⁴⁵ Dsá' mi` cangá` dsea` Israel i ja` jái` líng` júu` e guiá' i Paa` do jial tíi` fíing` jaléng' dsea` i caseáng' fí` dsíi' sináa` guá'- quiá'r` do, sóong` calí` dsihuñ` quiá'- dsea` do, jo canaaiñ` fé'r` e jmang' júu` e o' jái` ba' guiá' i Paa` do, jogui jmineam`bre dsea` do cajo. ⁴⁶ Joba' i Paa` do cóo`gui Bernabé jíi` capí' ja` 'gó'r` casí'r` jaléng' i dsea` góor` dsea` Israel do, jo cajíñ` casí`-reiñ`:

—E catíib` jnea` e 'né` guiá'naa' júu` quiá'- Fidié` la'uii` jee` 'nú'. Jo dsáco' 'nú' ja` iing`na' íng`na' e júu` do, jo lajoba' ja` catíng`na' e niliseeng`na' cøøng` cóo` Fidié` lata`, joba' jnea` fí` jee` dsea` i ja` líng` dsea` góo'oo' dsea` Israel canaang`naa' guiá'naa' júu` quiá'- Fidié` lana. ⁴⁷ Co' lajob ta` caquiá' Fíi'naa' Fidié` fí` ni` jì` quiá'r` mali`gui mi` cajíñ` lala:

Jnea` nisín`n` 'ná' fí` jee` laca'íng' dsea` i seeng` fí` jmigüi' e lin' lafa' jì` quié` e, jogui niguiá` jalé' júu` quiá'- jial nileáng` dsea` jee` jalé' dsee` quiá'r`.

⁴⁸ Jo mi` canúu` jaléng' i dsea` i ja` líng` dsea` Israel júu` quiá'- i Paa` do, sóong` cali'íáang` dsíir', jo canaaiñ` fé'r` e eáam`guiá' júu` quiá'- Fíi'naa' Fidié` e guiá' dsea` do, jo dsifí` lajob jái` calíng` e júu` jo lajii` dsea` i nisi'íng` i niliseeng` cøøng` cóo` Fidié` lata`.

⁴⁹ Jo lajob caní' júu` quiá'- Fíi'naa' Dsea` Jmáang` fí` la'úng` e guóo` uø` do. ⁵⁰ Jo dsá' i dsea` Israel do caguiféiñ` coo` tú` máng' dseam` dsea` Israel i jmi'gó' Fidié` jogui i sí'góng' e fí` jee` fíi` do, colíng` cóo` jaléng' dsea` quié` nifí` quiá'- e fíi` do cajo, jo casíñ` røø` e cajmeáñ` gab` Paa` cóo`gui Bernabé cartí' ca'uøøm`bre dsea` do cartí' caluu` lí` se' e fíi` do. ⁵¹ Joba' dsifí` lajob ca'uøøm` i Paa` do cóo`gui Bernabé cóo`gui jaléng' dsea` i jmicóo` quiá'r`. Jo mi` caguilíñ` 'ni' e fíi` do, job cabó'r` 'lee` toø` lomíir` laco' cuø` lí` e ja` íng' dsea` ír` e fí` fíi` e lí` ca'uøøiñ` do. Jo dsifí` lajob cangolíñ` fí` coo`gui fíi` lí` síi` Iconio. ⁵² Jo jaléng' dsea` i nilíng` dsea` quiá'- Dsea` Jmáang` i seeng` fí` Antioquía, eáam` iáang` dsíir` cajer', jogui eáam` jee` Jmiguí` quiá'- Fidié` quiá'r` cajo.

14

Lajee` taang` Paa` cóo` Bernabé fí` Iconio

¹ Jo mi` caguilíng` i Paa` do cóo`gui Bernabé fí` Iconio, cangotáaiñ` colíng` fí` dsíi' guá'- quiá'- dsea` góor` dsea` Israel e sí' fí` jo lí' laco'gui quiá'- tñiñ`. Jo co' guiar` jalé' júu` quiá'- Dsea` Jmáang` la'eáang` cóo` e 'gøng' quiá'- Jmiguí` quiá'- Fidié`, joba' fíim` dsea` Israel cóo`gui dsea` i ja` líng` dsea` Israel jái` calíñ` jalé' e júu` do ie` jo. ² Jo dsá' jaléng' dsea` Israel i ja` jái` líng` e júu` e guiá' i dsea` góor` i síi` Paa` do cóo`gui Bernabé, canaaiñ` jmigøøm`bre i dsea` i ja` líng` dsea` Israel e laco' dsea` í` nijmér` e 'ní' níñ` jaléng' i dsea`

quia' Dsea` Jmaang` do. ³ Joba' mi~ canaang` calí` lado, huøø` bi cajé` i Paa` do cóo` gui Bernabé fí` jo e guiar` júu` quia' Dsea` Jmaang` e ja` 'gó'r` jii~ coo, co' ta` dsíir` e eáam` jmicoo~ Fíinaa' Fidiée` quia'r`. Jo i Paa` do cóo` gui Bernabé cangaiñ` quia' Fidiée` e nijmér` jalé` e li` e quí~ jmi~. Jo cóo` jalé` e jo jmili` Fidiée` e ja'` e júu` e guia` i dsea` do quia'` jial` 'neáang` Fidiée` dsea` jmigüü. ⁴ Jo jaléng` dsea` i seeng` e fi~ Iconio do tú` 'lé` ca'uiñ` ; coo` 'lé` casíng` uii~ quia'` jaléng` dsea` Israel i ja` ca'íng` júu` e caguaia` dsea` do, jogui coo` 'lé` gui casíng` uii~ quia'` i dsea` apoo` do. ⁵ Jo jaléng` dsea` Israel i ja` ca'íng` e júu` do cóo` gui jaléng` dsea` i ja` líng` dsea` Israel casíiñ` røø` cóo` jaléng` dseata` e quia'` nijmeaiñ` ga` i dsea` apoo` do, jogui nijmihuúng` neiñ` cóo` layaang` cuu~. ⁶ Jo dsu' mi~ caliñi' Paa` cóo` gui Bernabé lajii~ e í` dsíi` i dsea` do e gab` nijmeáng` neiñ`, joba' cangoliñ` e sí'í` jmi'øng` yaaiñ` fí` Lистра cóo` gui fí` Derbe, coo` fi~ e néé` li` se' Licaonia, ⁷ jo fí` job` caguiar` júu` quia'` Dsea` Jmaang`.

Mi~ casí'ló` dsea` cuu` i Paa` do fí` Lистра

⁸ Jo mi~ caguiliñ` fí` Lистра, fí` jo niseeng` jaang` dseañu` i nicaang` tii~ latí` mi~ cangáaiñ~, jo ja` lí` ngír` jii~ capí` . ⁹ Jo dob` guiiñ` e núur` júu` e guia` i Paa` do. Jo mi~ cangáng` i Paa` do dsea` do, dsifí` lajob` calilí'r` e i dsea` do jáb` líiñ` e quí~b~ Fidiée` jmi~ e nijmi'leáang` ír`. ¹⁰ Jo dsifí` lajob` cajíng` i Paa` do casí'r` i dsea` jlúung` do e fé'r` teá` jo cajñ` :

—iRáan`, jo jmee` sín` røø`!

Jo dsifí` lajob` ca'íng` i dseañu` do, jo lajob` casíng` 'ñia'r` jo canaaiñ` ngí`bre. ¹¹ Jo mi~ cangá` jaléng` dsea` i teáang` do ie~ jo lajii~ e cajmée` Paa` cóo` i dsea` jlúung` do, dsifí` lajob` canaaiñ` fé'r` teá` cóo` jmi' quia'r` e éeiñ` i Paa` do cóo` gui Bernabé jo jiiñ` :

—Gáng` diée~ nicagüilíng` jee~ jneaa`aa` i líng` la líng` dsea` jmigüü.

¹² Jo lajalém`bre fé'r` e i Bernabé do líiñ` jaang` diée~ quia'r` i sii` Zeus jogui i Paa` do líiñ` jaang` gui diée~ quia'r` i sii` Hermes, co' í`bre dsea` quier` nifí` e guiar` e júu` do jee~ jaléng` dsea` do. ¹³ Jo e guá' fí` lí` jmiféng` dsea` i diée~ Zeus do, dob` nisi' dseáng` lí` í` jee~ fi~ do, jo i jmidsea` i jmoo` ta` e fí` guá' jo caguijéeiñ` jaléng` güitá` jogui caguicar` jalé` lí` fí` lí` neáang` i dsea` gáng` do, co' í` dsíir` e nijmifém`breiñ` do colíng` cóo` jaléng` dsea` i teáang` do ie~ jo lafa' jaang` diée~ quia'`bre; jogui lamí` í` dsíir` e nijngáiñ` i güitá` do fí` quini` i dsea` gáng` do e laco' nijmiféng`neiñ`. ¹⁴ Dsu' mi~ calilí` i Paa` do cóo` gui i Bernabé do lajii~ e lí` dsíi` i jmidsea` do cóo` gui jaléng` dsea` e nijmér` cóoiñ` do, dsifí` lajob` ca'guír` sí'r` jo cangotáaiñ` jee~ jaléng` i dsea` do, jo canaaiñ` sí'reiñ` cóo` júu` e teá`:

¹⁵ —¿Jialí' jmoo`na' lana? Co' o' diée~ jnea`, jnea` lí'naa' dsea` jmigüü laco'gui la líng` 'ná'. Jo cajá`naa' fí` la uing` job` cajo e cajasii`naa' 'ná' e 'né` nitá`ba' lajii~ e táng`na' jmoo`na' lí' laco'gui iing`na' jmee`na' lana cóo` jnea`, co' ja` ee` ta` íng` quí`na' jii~ capí` e jo, jo quí'` jíng` yaang`na' fí` quini` Fidiée` i dseáng` ja'` do, co' íb` dsea` cajmээр` jmigüü cóo` gui guoo` uø` cóo` gui jmiñí`, lí' lajalé` e sea` la'úng` fí` jmigüü. ¹⁶ Jo nañi' fa' lamí` jéeng`gui ja` cajníng` Fidiée` quia'` jaléng` dsea` e cajméeb` dsea` lí' doñi' ee` ja` dsíir`, ¹⁷ jo dsu' contøøm` nicajmээр` lí` e seem`bre jee~ jaléng` dsea` jmigüü cóo` jalé` e guiá` e jmoor`, co' í`bre dsea` jmoor` e sea` jalé` jmi', jogui e jlob` cuø` jalé` e dsijnea` fí` ni~ guoo` uø`, jogui e sea` lalíng` jalé` e quiee`naa', jogui í`bre cuø` e íaang` dsi`naa' cajo.

¹⁸ Dsu' mi~ cangí` e caféng` i Paa` do jaléng` i dsea` do, guidseam` calí'r` cajniñi' e ja` cajngang` i dsea` do jaléng` i jó' i sí'í` nijngáiñ` e nicuoiñ` i dsea` gáng` do e nijmiféng`neiñ` lafa' diée~.

¹⁹ Jo mi~ cangí` jo, caguilíng` cóo` tú` máng` dsea` Israel i jalíng` fí` Antioquia cóo` gui fí` Iconio. Jo i dsea` í` cajmээр` e calí` 'ní' ním` dsea` Lистра i Paa` do, jogui casíiñ` røø` e cuub` nisi'ló'r` dsea` do, jo lajob` cajmээр`. Jo mi~ cangí` e casí'ló'reiñ` do cuu~, jo cajñúung`neiñ` fí` caluu` fi~ co' líiñ` e cajngam`breiñ` do. ²⁰ Dsu' mi~ cangí` jo, caguilíng`

jaléng' dsea` quiá'- Dsea` Jmáang- fí lacúng' lí- ráang` i Paa- do fí caluu` e fii` do, jo dsifí lajob caróo- tuiñ' do, jo ca'ib- tur e fí jee` fii` do. Jo mi~ cajneá- e jmiñ` jo, ca'uøøm` i Paa- do cóo' gui Bernabé e fí jo, jo cangoliñ` fí cóo' fii` lí- sii` Derbe.

²¹ Jo mi~ caguiliñ` fí Derbe, fí job canaaiñ` guiar` júu` quiá'- Dsea` Jmáang-, jo fí jo fím' dsea` i já'- calíng- júu` e guia' dsea` do ie~ jo, jo dsea` quiá'- Dsea` Jmáam- ca'uiñ-. Jo mi~ cangí jo, caquim'- tu i Paa- do cóo' gui Bernabé fí Listra cóo' gui Iconio jogui Antioquía. ²² Jo jalé' e fii` na cangíng' tur calé' catú-, jo caféiñ' jaléng' dsea` quiá'- Dsea` Jmáang- i seeng' fí jo e ja` nitiúuiñ'- do lajii' fí guia- lí- niteáaiñ- cóo' Dsea` Jmáang-; jogui casí'- guireiñ' do cajo e jaléng' dsea` i iing- e Fidié` nicá' nifí quiá'r- 'né- nidsingíiñ- jalé' iihuí'. ²³ Jogui ca'náam- bir fí lacoó' fii` do cóo' tú- máng' dsea` cóøng' i nicá' nifí quiá'- jaléng' dsea` quiá'- Dsea` Jmáang- i seeng' lacoó' lacoó' e fii` do; jo mi~ calí- jo, cajméer` ayuno e laco' jøøng- guir caféiñ' Fidié` uii~ quiá'- i dsea` cóøng' do. Jogui caseáng' neiñ' do lajaléiñ' do fí jaguó' Fii'naa' Fidié`, có' jáb'- calíng- dsea` do júu` quiá'- dsea` í.

Mi~ cangolíng' tu Paa- cóo' Bernabé fí Antioquía lí- se' Siria

²⁴ Jo mi~ cangí e cataiñ'- fí, jo cangíiñ' fí guóo' uó- lí- se' Pisidia; jo mi~ cangí jo, caguilíng' tur fí Perge lí- se' Panfilia, ²⁵ jo fí job caguiar` júu` quiá'- Dsea` Jmáang-. Jo mi~ cangí jo, cangolíng' tur fí cóo' gui fii` lí- sii` Atalia. ²⁶ Jo fí job cangotáaiñ' fí cóo' dsifí móo' jo cangoliñ` la dsí ni~ jmiñ' car` caguilíng' tur calé' catú- fí Antioquía lí- se' Siria fí lí- cajáng' dsea` i Paa- do cóo' gui Bernabé fí jaguó' Fidié` quiá'- e cangoguiar` júu` quiá'- Dsea` Jmáang- fí jalé' e fii` do. Jo có' catób' e ta~ do quiá'r-, joba' caquim'- tur. ²⁷ Jo dsifí mi~ caguilíng' tu Paa- cóo' Bernabé e fí Antioquía do, dsifí lajob caseáiñ' jaléng' dsea` quiá'- Dsea` Jmáang- i neáang' e fí jo, jo cajmea'reiñ' júu` lajalé' e guia- e cajmée' Fidié` cóo'r- lacaang' lí- cangoliñ- do, jogui jial cacuø' Fidié` e ni'íng' jaléng' dsea` i ja` líng' dsea` Israel júu` quiá'- Dsea` Jmáang-. ²⁸ Jo mi~ cangí jo, huøø- bi caje' Paa- cóo' gui Bernabé fí Antioquía lí- se' Siria colíng' cóo' dsea` quiá'- Dsea` Jmáang- i neáang' fí jo.

15

Mi~ caseáng' rúng' jaléng' dsea` i quie' nifí quiá'- dsea` quiá'- Dsea` Jmáang- fí Jerusalén

¹ Jo ie~ jo ca'uøøng' cóo' tú- máng' dsea` Israel fí Judea jo cangoliñ` fí Antioquía lí- se' Siria. Jo mi~ caguiliñ` fí jo, canaaiñ' e'r' jaléng' dsea` quiá'- Dsea` Jmáang- i neáang' fí jo e quiá'- ja` nileáiñ' do jee~ jalé' dsee- quiá'r- fíng song ja` jmitir~ jalé' júu` quiu' ta~ quiá'- Fidié` e cajme' Moi' e nitó- lí- fí ngúu' táang' jiuung~ siñuu` quiá'r- lí' laco' la litíng' dsea` Israel. ² Jo mi~ caliñí' Paa- cóo' gui Bernabé quiá'- jalé' e ni'e' i dsea` do, joba' eáam' lahuíng' casíng- i Paa- do cóo' i dsea` í. Joba' Paa- cóo' Bernabé cali'íiñ` cóo' cóo' tú- máng' gui dsea` quiá'- Dsea` Jmáang- i jiéng' quiá'- e nidsisiñ- e júu` do fí Jerusalén.

³ Jo dsea` quiá'- Dsea` Jmáang- i neáang' fí Antioquíabing' caguie' quiá'r-. Jo mi~ cangíiñ' fí lí- se' Fenicia cóo' gui Samaria, cajmea'r` júu` jaléng' dsea` quiá'- Dsea` Jmáang- i neáang' fí jo jial nicatú' jaléng' dsea` i ja` líng' dsea` Israel e lami~ qui' tiiñ' e jmiféiñ' dié~ e laco' niteáaiñ- teá' fí guia- cóo' Fidié`. Jo jalém' i dsea` quiá'- Dsea` Jmáang- do cali'íáang' dsíir mi~ canúur- e júu` do.

⁴ Jo mi~ caguie'ng' Paa- cóo' Bernabé fí Jerusalén colíng' cóo' i dsea` caguiaang- gui do, joba' i dsea` quiá'- Dsea` Jmáang- i neáang' fí do cóo' gui jaléng' dsea` cóøng' quiá'r- cóo' gui jaléng' dsea` apóo' ca'íiñ' i Paa- do cóo' gui Bernabé cóo' gui i dsea` caguiaang- do fí jo. Jo Paa- cóo' gui dsea` caguiaang- gui do cajmea'r` júu` jaléng' i dsea` í jial cajmicóo' Fidié` quiá'r- quiá'- lajii' ta~ e cangoliñ' do. ⁵ Dsu' cóo' tú- máng' dsea` Israel i líng' dsea` fariseo i nijá'- calíng- júu` quiá'- Dsea` Jmáang- caróor- jo café'r` júu` quiá'r- jo cajíiñ'-:

—La guím 'né e jaléng' dsea i ja líng' dsea Israel i líng' dsea quiá'- Dsea Jmáang nitó li fí ngúú táang jaléng' jiuung siñuú quiá'r- lí' laco' litíng' jnea', dsea Israel. Jogui la guím 'né e nihuí' ta quiá'r- e nijmiti bre jalé' júu caguíee guí e quiá' ta quiá'- Fidié e cajme' Moi.

⁶ Jo caseám' yaang jaléng' i dsea apóo do cóo' gui jaléng' dsea cóong' quiá'- dsea quiá'- Dsea Jmáang i neáang' fí Jerusalén. Jo caseáñ' do e laco' casñíñ- la'uiing laná'- quiá'- e júu do. ⁷ Jo mi cangoyúung' e nicasñíñ- lahuíng', joba' caróo- Tú Simón jo café'r júu quiá'r- jo cajíñ'-:

—Dsea rú'uu', dsea quiá'- Dsea Jmáang-, niñb' 'nú' e ningóob' eáang' ca'náang' Fidié jnea jee 'nú' quiá'- e niguiaa jalé' juguiá- quiá'r- jee jaléng' dsea i ja líng' dsea Israel e quiá'- jial nileáñ' jee dsee quiá'r-, jo lajob dsea í ni'uiñ- dsea quiá'- Dsea Jmáang-. ⁸ Jo Fidié dsea cuír' dsí' lajaang' lajaang' dsea jmigüí, jo cajméer li e ím'bre i dsea i ja líng' dsea góo'oo' dsea Israel do, co' cacuø'reiñ' Jmiguí quiá'r- laco'gui nicacuø'r' jneaa'aa', dsea lí'ñ' dsea Israel, lajii' i ja líng' júu quiá'r-. ⁹ Jo jii' cóo' ja e' cagui' Fidié fa' jneaa'aa', dsea Israel, lí'naa' jmaquíng' cóo' jaléng' dsea i ja líng' dsea Israel, co' ca'ím-bre dsee quiáñ'- do laco'gui ca'íñ- dsee qui' jneaa'aa' la'eáang' e ja' lí'naa' jalé' júu quiá'r- e ngocáng' dsí'naa'. ¹⁰ Jo lana, zjalí' ja ja' líng' na' lajii' e nicajmé' Fidié quiá'- jial laang' dsea jee dsee quiá'r-? 'Nú' iing' na' cuø' na' i dsea i ja líng' dsea Israel i ja líng' júu quiá'- Dsea Jmáang- cóo' lee e jii' jneaa'aa', dsea Israel, o'gui lí' dsea cóong' qui' ii' caquí' naa' jmí' casé'ee' quiá'- e niliti jalé' e júu quiá' ta do. ¹¹ Jo nine'baa' e røb' nicaláang' naa' jee jalé' dsee qui' ii' uí' e eáam' guíung' Fí'naa' Jesús e jii' ja catí' naa' lajo, jo ja e lí' su lí'ñ' dsea Israel osi o' lajo é.

¹² Jo dsifí mi cangoyúung' e café' i Tú Simón do jalé' júu quiá'r-, tiib- caguá jaléng' i dsea do; jii' cóo' jo e' cañíir. Jo lajee jo cajmé' i Paa- do cóo' gui Bernabé júu quiá'- jalé' e guíá- jogui jalé' li e quí' jmí' cajméer' jee jaléng' dsea i ja líng' dsea Israel lajee cangir' lacaang' fí li jié'. ¹³ Jo dsifí mi cató' fé' i Paa- do cóo' gui Bernabé jalé' júu quiá'r-, dsifí lajob caróo- Tíaa~, jo café'r júu quiá'r- cajo jo cajíñ'-:

—Nú' na' jalé' júu quié' e, jaléng' 'nú', dsea rú'naa' dsea quiá'- Dsea Jmáang-. ¹⁴ Nab nicajmea' i Tú Simón na jneaa'aa' júu jial mi canaang' Fidié e 'neáañ' jaléng' dsea i ja líng' dsea Israel, jogui nicaguíñ' jee jaléng' dsea í e laco' ni'uiñ- dsea quiá'r-. ¹⁵ Jo lajaléb' e nicajíng' i Tú Simón na lana, røb' dseáng' lí' cóo' jalé' e cajme' jaléng' i dsea i café' cuaiñ' quiá'- Fidié lajii' lamali' gui eáang' lí' fé' lala:

¹⁶ Jo mi ningí e la, jnea Fidié nigáab'túu calé' catú- jogui nijmé' túu e 'nú' Daví' e nicaquí'-;

jogui nijmé' túu røb' jalé' cuí' fíng' quiá'-,

jogui nijmi'ieeng'tu røb'.

¹⁷ Jo nijmé' e jalé' e jo e laco' lajalém' dsea i ja líng' dsea Israel nijmicuíñ' jnea fí la'úng' fí jmigüí.

¹⁸ Jo jneab' Fidié i nicajmijnéeng' jalé' e na lajii' lamali' eáang', jo nicacuø'baa júu quié' e e jme' e jalé' e jo.

Jo lanab cajíng' Fidié fí ni' jii' quiá'r-.

¹⁹ Joba' fá' jnea e ja 'né nijmiguíng' naa' jaléng' dsea i ja líng' dsea Israel i nicatú jalé' e qui' tñíñ' lamí' jéeng' gui e jmiféiñ' lí' doñí' ee, jogui lana nijmiféiñ' i Fidié i ja do. ²⁰ Jo masíng' naa' cóo' jii' quiá'r- lí' niféng' naa'r e jo cuøng' e jmeáñ' ta jalé' e cacuø' dsea jíeng' i dié' i o' ja' i jmiféiñ' do, co' na 'lib' jalé' e jo, jogui e niquiúm'-bre e éer' dsee e güñíñ' cóo' dseañu' osi dseamí i o' quiá'r-, jogui e jo nidó' guí' jmí'øng' jó' o'gui ngu' jó' 'lí' i siyáang' jmí'øng-. ²¹ Co' jaléb' e júu quiá' ta na quiá'- Fidié e cajme' Moi nica'íb' jaléng' dsea quié' nifí quiá'- guá'- quiá'- dsea góo'oo' dsea Israel fí lacaang' sinúu' guá' qui' ii' e té' fí la'úng' jee fí laco' jmí' mi' tí' e jmi'íng' naa'.

22 Jo dsifí mi~ cató' e café' i Tiáa~ do júu^ quiá'r~, lajalém' i dsea` apóo^ do cóo'~gui jaléng' dsea` cóong'~ quiá'- dsea` quiá'- Dsea` Jmáang~, lí' lajaléng' dsea` quiá'- Dsea` Jmáang~, casíiñ~ røø' e ca'náaiñ~ cóo' tú~ máng'~ dsea` i nidsilíng~ fí' Antioquía cóo'~gui Bernabé e nidsicar' e jì lí~ too~ júu^ e casíiñ~ do. Jo caguíñ' jaang` dseañu' i sii' Judas Barsabás jogui jaang` i sii' Silas, gáng~ dseañu' i niing~ eáang' jee~ jaléng' dsea` quiá'- Dsea` Jmáang~. 23 Jo lalab fé' e jì e quie' i dsea` do mi~ cangolíiñ^:

“Lajalé' jnea'^, dsea` apóo^, cóo'~gui jaléng' dsea` cóong'~ quiá'- jaléng' dsea` quiá'- Dsea` Jmáang~ i neáang' fí' Jerusalén la, guicóo'~baa' jaléng' 'nú', dsea` rú'naa' dsea` quiá'- Dsea` Jmáang~, dsea` ja` líng'na' dsea` Israel jogui seeng'na' fí' Antioquía cóo'~gui laco' fí' lí~ se' Siria cóo'~gui lí~ se' Cilicia. 24 Nicalineb~ jnea'^ e nica'uøøng' cóo' tú~ máng'~ dsea` i seeng' fí' la latíiñ~ yaaiñ~, jo nicangolíiñ^ e nicangojmiguíiñ^ 'nú' fí' na cóo'~júu^ quiá'r~. Jogui nicajmigøøiñ^ 'nú' e dseáng'~ 'né' e catúm~ba' e nitó'na' lí' fí' ngúu' táang'na' lí' laco' litíng' dsea` góo'oo' dsea` Israel cóo'~júuung~ síñu^ quiá', jo dsu' ja` 'né' jmee~na' lajo; jogui nicajmigøøiñ^ 'nú' cajo e 'né' jmití'na' jalé' júu^ quiá' ta~ caguiee~gui e cajme' Moi'. 25-26 Joba' nicasiñ~naa' røø' lajalé'naa' la e nica'neáang'naa' jaang` gáng~ dsea` lajee~ la'ó' jnea'^ e nidsilíiñ~ nidsi'eer~ 'nú' fí' na. Jo nijalíiñ~ colíing~ cóo' i dsea` rú'naa' i 'neáang'naa' eáang' i sii' Paa~ cóo'~gui i sii' Bernabé, gáng~ dsea` rú'naa' i jiã' ja` mí' cajnga' dsea` quiá'r~ uí'~ e guiar' júu^ quiá'- Fí'naa' Dsea` Jmáang~. 27 Jo nisíng'naa' fí' na cajo i Judas Barsabás cóo'~gui Silas la, jo íb' nijmeá'~ 'nú' júu^ quiá'- jalé' e la cartí' quini'na' na. 28 Co' lajii'~ e iing~ Jmiguí' quiá'- Fidiéé' jogui jnea'^ cajo e nimí'naa' 'nú' e jo' nijmeé'gui' lajii'~ e ta' huí' e jíe' do: 29 Licó' 'né' e nitá'ba' e cø'na' ngu~ jó' i nicacuøøng' dsea` jaléng' i diéé' i o' já' i ja' quí'~ jmi~ jmé' jii'~ cóo', jo jo' cø'na' jmi'øøng~ jó' o'gui ngu~ jó' 'líi' i siyáang'~ jmi'øøng~, jogui jo' ee'na' dsee~ e güiing'na' cóo'~ dseañu' osi dseamí' i o' quií'na'. Jo song núu'~ba' jalé' e júu^ la, joba' guiáb~ ni'ee'na'. Jo lanab jii'~ lí' júu^ quií'~ii'. Jo güiliseem'ba' cóo'~ e guiá'~.”

30 Jo dsifí mi~ cali'íing^ i dsea` quiúung~ do, cangolíim~bre cóo'~ i Paa~ do cóo'~gui Bernabé fí' Antioquía, jo quie'bre e jì e casíing' i dsea` neáang' fí' Jerusalén do. Jo dsifí mi~ caguilíiñ~ fí' jo, dsifí lajob caseáiñ' jaléng' dsea` quiá'- Dsea` Jmáang~ i seeng' fí' jo, jo caja'bre i dsea` do e jì do. 31 Jo mi~ ca'í' jaléng' dsea` quiá'- Dsea` Jmáang~ e jì do, dsíng'~ cali'íáang' dsíir', co' jmang'~ juguiáb~ fé' e fí' ni~ jì do. 32 Jo co' i Judas Barsabás cóo'~ Silas do cangíiñ~ quiá'- Fidiéé' quiá'r~ e eáam' tíiñ~ guiar' júu^ quiá'- dsea` do jee~ jaléng' dsea`, joba' mi~ café'r' júu^ quiá'r~, cacuø'guireiñ' bí' e laco' já'~gui nilíiñ' júu^ quiá'- Dsea` Jmáang~. 33 Jo mi~ cangí' jo, jaléng' dsea` quiá'- Dsea` Jmáang~ juguiá' ca'í'r' júu^ i dsea` gáng~ do, dsu' jii'~ i Judas Barsabás do cangáng'~tur fí' Jerusalén, jo íb' quieé' juguiá' quiá'- jaléng' dsea` quiá'- Dsea` Jmáang~ i neáang' fí' Antioquía i caguieéng' ír' do. 34-35 Dsu' Silas cóo'~ Paa~ cóo'~ Bernabé dobi cajer' fí' Antioquía; jo fíim'bi dsea` quiá'- Dsea` Jmáang~ i jiéng' caje' cóo'r~ e guia'guir júu^ quiá'- Dsea` Jmáang~ jee~ jaléng' dsea` i seeng' fí' jo.

Mi~ catí' tú~ née' e cangí' Paa~ ta~ guia' júu^ quiá'- Dsea` Jmáang~

36 Jo mi~ lí~ cøøng'gui lajo, cóo' jmi~ cajíng'~ Paa~ lala casí'r~ Bernabé:

—Má~túu' calé' catú~, madsí'ee'naa' jaléng' dsea` rú'naa' dsea` quiá'- Dsea` Jmáang~ i neáang' fí' lajalé' fí' lí~ nicangí'naa' e e'naa' jalé' júu^ quiá'- Dsea` Jmáang~ lami~ jééng'gui, jo dsine~duu' jial seeiñ' lana.

37 Jo Bernabé lami~ iíñ~ nijéiñ~ calé' catú~ i Juan Marcos do. 38 Jo dsu' Paa~ jo' cali'íiñ~ fa' cajééng'neiñ' do, co' catúm~biñ' do quiá'r~ lami~ jééng'gui lami~ caguilíiñ~ fí' cóo' guóo'~ uø' lí~ se' Panflia, jo jo' ee' cajmicóo'~ i Juan Marcos do quiá'- Paa~ ni~ e ta~ do ie~ jo. 39 Jo lahuím'jiu eáang' casíng~ i Paa~ do cóo'~ Bernabé uii~ quiá'- i Juan Marcos do. Jo e jo cajmée' e casojóm~bre quiá'- rú'iñ', jo Bernabé cajéeiñ' i Juan Marcos do, jo cangotáaiñ~ dsí' cóo' móo', jo cangolíim~tur la tóo' ni~ jmiñ'í' cartí' lí~ se' Chipre. 40 Jogui

ἰ Paā do cató'r̄ ἰ Silas do ἰ cangó̄ cóo'r̄; jō mī̄ cangoyúung' jō jaléng' dsea` quíá' Dsea` Jmáanḡ caguiar' fí jaguó Fidié̄ lajiī e ta' e nidsiliñ' do, jō dsifí lajōb cataiñ' fí. ⁴¹ Jō cangolíng' tur lacoō̄ fiī lī se' Siria cóo' gui lī se' Cilicia e cuø'r̄ bî jaléng' dsea` quíá' Dsea` Jmáanḡ ἰ neáng' fí jō e laco' ja` nijmitúnḡ dsíiñ' lajiī fí guíá' lī niteáaiñ' cóo' Dsea` Jmáanḡ.

16

Mī̄ cajmicóo' Timoteo ἰ Paā do cóo' gui Silas

¹ Jō cagüi'ñb' Paā cóo' Silas fí Antioquía, jō caguiliñ' la'uiī fí Derbe. Jō mī̄ cangí jō, caguiliñ' fí cóo' gui fiī e siī Listra; jō fí jōb calicuiñ' jaang' dsea` ἰ nilíng' dsea` quíá' Dsea` Jmáanḡ ἰ siī Timoteo, jō jaang' dseamf̄ dsea` Israel ἰ líng' dsea` quíá' Dsea` Jmáam̄ cajo, jōgui tiquiáiñ' do dsea` griegob nilíiñ'. ² Jō jaléng' dsea` quíá' Dsea` Jmáanḡ ἰ seeng' fí Listra cóo' gui fí Iconio, guíáb' fé'r' uiī quíá' ἰ Timoteo do. ³ Jō cali'iing' Paā e nijéiñ' Timoteo fí lī dsiguiar' júu^ quíá' Dsea` Jmáanḡ, dsu' ná' gui lajō cajmitib̄ ἰ Timoteo do lajiī e táng' dsea` Israel e tóor' lī fí ngúu' táang' lajiī dseañu', jō cajméer' lajō e laco' ni'ím' dsea` Israel lajì gaang' dsea` do cóo' júu^ røø' fí lī niguiliñ', co' jalém' dsea` seeng' fí jō ñir' e dsea` griegob líng' tiquiá' ἰ Timoteo do.

⁴ Jō mī̄ cangí jō, catam' bre fí, jō lacoō̄ fiī e ngüiñ', sí'r' jaléng' dsea` quíá' Dsea` Jmáanḡ lajiī júu^ e quier' quíá' dsea` apóo' cóo' gui jaléng' dsea` cóøng' quíá' dsea` quíá' Dsea` Jmáanḡ ἰ neáng' fí Jerusalén. ⁵ Jō lajōb eáng' gui já' calíng' ἰ dsea` do júu^ quíá' Dsea` Jmáanḡ, jō lacoō̄ jm̄b̄ naang' dsifíiñ'.

Mī̄ cangáng' Paā jaang' dseañu' ἰ seeng' fí Macedonia lafa' mī̄ quir'

⁶ Jō mī̄ cangí jō, Paā cóo' ἰ dsea` gáng' gui do cangám' bre fí lī se' Frigia cóo' gui lī se' Galacia, co' Jmiguí quíá' Fidié̄ ja' cacuø' fí ír' fa' e niguiár' júu^ quíá' Dsea` Jmáanḡ fí lī se' Asia. ⁷ Jō caguiliñ' fí 'ni' lī iáng' cóo' Misia, co' fí jōb í dsír' e ningüiñ' fí lī se' Bitinia, dsu' calé' catú' Jmiguí quíá' Fidié̄ ja' cacuø' fí ír' e ningüiñ' fí jō. ⁸ Jō lajōb cangüiñ' lacuee' lī se' Misia cartí caguiliñ' fí cóo' oo' jm̄ lī siī Troas. ⁹ Jō fí jōb, cóo' uøø' ἰ Paā do cangáiñ' jaang' dseañu' ἰ seeng' lī se' Macedonia e lafa' mī̄ quir', jō ἰ dseañu' do siñ' fí quini' Paā e mir' jm̄' ee' jō jíñ': "Ngüing' fí Macedonia la, jō jm̄icóo' jnea'." ¹⁰ Jō mī̄ cangí e cangá' Paā e jō lafa' mī̄ quir', dsifí lajōb caguiá' naa' guíá' quí' naa', jnea' Lucas cóo' gui Silas cóo' gui Paā, jō cangó' naa' fí Macedonia, co' calitab̄ dsí' naa' e Fidié̄ bing' ἰ cató' quí' naa' do e nidsigua' naa' júu^ quíá' Dsea` Jmáanḡ fí jō.

Mī̄ cangolíng' Paā cóo' Silas fí Filipos

¹¹ Jō dsifí lajōb ca'uøø' naa' fí Troas e tée' naa' dsíí' móo', jō ngó' baa' condsée' fí cóo' guóo' uøø' lī se' Samotracia e née' guíá' joo' jm̄iñí'. Jō mī̄ cajneá' lajō, caguié' naa' fí cóo' oo' jm̄ lī siī Neápolis. ¹² Jō fí jōb ca'uøø' naa' dsíí' móo' cangó' naa' fí Filipos, cóo' fiī lī quíu' dsea` Roma ta', jōgui líí' cóo' fiī e laniing' quíá' lī se' Macedonia cajo. Jō fí jōb cajá' naa' tú' 'ni' jm̄iñ'.

¹³ Jō lajee' taang' naa' fí do, cóo' jm̄iñ' lajee' e táng' dsea` góo' naa' dsea` Israel e jmi'íñ', ca'uøø' naa' cangó' naa' fí 'ni' fiī do quíá' lī iu' cóo' gua, co' fí jōb í dsí' naa' e seáng' dsea` góo' naa' e féiñ' Fidié̄. Jō mī̄ caguié' naa' fí jō, dob ca'ié' naa', jō canaang' naa' é' naa' júu^ quíá' Dsea` Jmáanḡ jaléng' dseamf̄ ἰ caseáng' fí do iē jō. ¹⁴ Jō jaang' lajee' ἰ dseamf̄ caseáng' do iē jō nisiir' Lidia ἰ niseeng' fí cóo' fiī lī siī Tiatira, jō jmóor' ta' 'ni' 'mi' e jlo' eáang'. Jō ἰ dseamf̄ í eáang' jmiféiñ' Fidié̄, dsu' lajee' núur' júu^ e guíá' Paā, Fidié̄ cacuø'r̄ ἰ dseamf̄ do e cana' moguiñ' e laco' ni'íñ' lajiī e júu^ e guíá' ἰ Paā do. ¹⁵ Jō mī̄ calíng' ἰ dseamf̄ do júu^ quíá' Dsea` Jmáanḡ, jō cajgáam' bre jm̄iñ' cóo' gui jaléng' dsea` sinúu' quíá'r' e laco' cuø' lī e ca'uíñ' dsea` quíá' Dsea` Jmáanḡ. Jō mī̄ cangí jō, cajíng' ἰ dseamf̄ do sí'r' jnea'.

—Song 'nú' dseáng' já' líng'na' e jnea' lín'n dsea' quiá' Fí'naa' Dsea' Jmáang', ñilíng'na' fí' quié' e jo' fí' job' nijá'na'.

Jo' camir' jnea' jmi'ee' e cajé'baa' fí' quiá'r'.

Mi' cajnéng' Paa' cóo' Silas fí' dsí' 'nañí'

¹⁶ Jo' cóo' ya', lajee' ngóo'naa' fí' lí' seáng' dsea' góo'naa' e féiñ' Fidié' jo' lajee' ngóo'naa' fí' jo' cajnéng'naa' jaang' simí' i' jmóo' ta' quiá' fí' e ja' e 'léeiñ' jii' cóo'; jo' i' 'lím' nijéé' quiá' i' simí' do, jo' la'eáang' cóo' i' 'lín'g' dob' jmóor' jalé' e jmóor'. Jo' jmóo' i' 'lín'g' do e lí' i' simí' do gui'r' e' jalé' nilí' dsa'ó' iéé'. Jo' cóo' e job' lí' fí' i' simí' do jmiguiá' cuu'. ¹⁷ Jo' i' simí' i' canaaiñ' ti'leáam'bre caluu'naa' jo' fé'r' teá' jo' jii'':

—Jaléng' i' dseañ' la' líiñ' dsea' i' jmóo' lajii' e iing' Fidié' dsea' féng' dsea' ñíng', jogui' guiar' júu' sí'r' jaléng' 'nú' jial' nileáang' dsea' jee' jalé' dsee' quiá'r'.

¹⁸ Jo' yejib' dseáng' fé' i' simí' do lajo, jogui' lajee' jmiguiá' jmi' cajo' cartí' mi' ñingóo' guia' 'nib' dsí' Paa', joba' cajíñ' casí'r' i' 'lín'g' i' jéé' quiá' i' simí' do jo' cajíñ'':

—La'eáang' cóo' júu' quiá' Dsea' Jmáang' quiá' ta' e júu' lí' iuun' na.

Jo' dsifí' lajob' catúu' i' 'lín'g' do quiá' i' simí' do.

¹⁹ Jo' dsu' mi' cangá' i' fí' i' simí' do e jo' lí' nilí' guir' cuu' la'eáang' cóoiñ' do, joba' casam'bre Paa' cóo' gui' Silas, jo' cangojeáang'neiñ' fí' quini' dseata' dseáng' guiá' jóo' e fí' do. ²⁰ Jo' i' dseata' i' guib' cangojéeng'neiñ' fí' quini' i' dseata' i' quidsí' í', jo' lalab' cajnéng' i' fí' i' simí' do casí'r' i' dseata' quidsí' í' do:

—I' dsea' Israel la ngir' jmóor' ga' jee' fí', ²¹ jogui' er' jalé' e ja' cuóøng' ni'fíng'naa' o'gui' nijmití'naa', jneaa'aa' dsea' lí' dsea' romano.

²² Jo' canaang' dsea' fí' e iñ' nijmeám'breiñ' do, jogui' i' dseata' quidsí' í' do caquiá'r' ta' e ni'uóñ' do sí' i' dsea' do jogui' nibóøng'neiñ' do cóo' sí'. ²³ Jo' mi' cangí' e cabóøng'neiñ' do eáang', jo' fí' dsí' 'nañí' catáñ' dsea' do, jogui' caquiá'r' ta' i' dsea' i' jmóo' í' 'nañí' e nijméiñ' í' dseáng' røøb' i' dsea' sijnéng' do. ²⁴ Jo' mi' ca'íng' i' dsea' i' jmóo' í' e 'nañí' do e júu' jo, joba' catáñ' i' dsea' do cartí' a'gui' dsí' e 'nañí' do, jogui' tiiñ' do cacúñ' cóo' tú' 'ma' e dsí' too'.

²⁵ Jo' ie' uóø' guiená' job, lajee' e Paa' cóo' gui' Silas féiñ' Fidié' jogui' ør' e quiá' jmiféiñ' Fidié' cajo, jo' i' dsea' caguiaang' gui' i' sijnéng' do lico' núu'bre, ²⁶ jo' lajee' job, cóo' cajóob' uó' e teá' eáang' jo' canaang' sojá' tii' fí' quiá' e 'nañí' do. Jo' dsifí' lajob' cana' jalé' jni' quiá', jogui' casojiúb' jalé' ñí' cadena e 'ñúung' jaléng' i' dsea' sijnéng' do. ²⁷ Jo' mi' cajné' dsí' i' dsea' i' jmóo' í' 'nañí' do jogui' cangár' e 'níóob' jalé' jni' quiá' e 'nañí' do, joba' dsifí' lajob' caguir' ñisá' quiá'r' e sí' í' nijngáng' 'ña'r', co' í' dsí'r' e nicaláam' jaléng' i' dsea' sijnéng' do. ²⁸ Dsu' dsifí' lajob' guicafé' Paa' e teá' eáang' jo' guicajíñ'':

—Ja' e jmáang' uó' jii' cóo', co' lab' té'e'naa' lajii'naa'!

²⁹ Joba' i' dsea' jmóo' í' 'nañí' do camir' cóo' jii', jo' ca'ír' güi'fí' fí' dsí' e 'nañí' do e jléiñ' dsu' e 'gó'r', jo' mi' caguiér' lí' teáang' dsea' do jo' catúuiñ' uii' tii' i' Paa' do cóo' gui' Silas.

³⁰ Jo' mi' cangí' jo, ca'uóøm'breiñ' do fí' caluu' jo' cajmingí' reiñ':

—¿E' né' jmee' e laco' nileáan' jee' jalé' dsee' quié' e?

³¹ Joba' cañí' i' dsea' do:

—Já' güilín' júu' quiá' Fí'naa' Jesús jo' ni'ím' dsee' qui' cóo' gui' dsee' quiá' jaléng' dsea' siná' qui'.

³² Jo' canaaiñ' sí' guir' dsea' do cóo' gui' dsea' siná' quiá' júu' quiá' Fidié'. ³³ Jo' 'ña' ie' uóø' jo, i' dsea' jmóo' í' e 'nañí' do cajméer' mii' lí' sicu'f' quiá' i' Paa' do cóo' gui' Silas. Jo' lí' jo, cajgáang' i' dsea' jmóo' í' 'nañí' do jmi' colíng' cóo' dsea' siná' quiá'r' e laco' cuó' lí' e ca'uúing' jaléng' dsea' do dsea' quiá' Dsea' Jmáang'. ³⁴ Jo' mi' cangí' jo, cató'r' i' dsea' gáng' do fí' quiá'r' jo' cacuó'r' reiñ' e cagó'r'. Jo' i' dsea' i' colíng' cóo' dsea' siná' quiá'r' dsíng' cali'áang' dsí'r', co' jáb' caliñ' júu' quiá' Fidié'.

³⁵ Jo mi~ cajneá~ lajo, i dseata~ i quidsí í' do casíñ tú~ 'ní m'íng' í' quiá'r~ i quie' júu^ quiá'~ i dseá' jmóo' í' 'n'ñí' do e nileáíñ~ Paa~ cóo'~ gui Silas. ³⁶ Jo lalab casí'~ i dseá' jmóo' í' 'n'ñí' do Paa~:

—I dseata~ i quidsí í' do nicasíñ júu^ quie~ e e nilaam~ba' 'nú'. Jo nicuøom` güilíng`na' juguiá~.

³⁷ Joba' cañí' Paa~ quiá'~ i í'~ i quie' júu^ do:

—Caquiá' i dseata~ do ta~ e cabøong~ dseá' jnea'^, dseá' calisé'naa' fí' lí' quiá' dseá' Roma ta~, fí' jee~ dseá' fí' e jí'~ ja' mí' caquidsir' í' qui~naa', jogui catáíñ' jnea'^ 'n'ñí'; jogui lana iíñ~ leáíñ~ jnea'^ e íng', dsu' ja' uønaa' cartí' güilíñ~ yaaiñ~ e ni'uóíñ~ jnea'^ song lajo.

³⁸ Jo cangocóob` i í' do júu^ fí' lí' neáang' dseata~ i quidsí í' do. Jo mi~ canúur~ júu^ e quieé` i í' do, caføm'bre co' e canúur~ júu^ e dseá' i caliséng' fí' lí' quiá' dseá' Roma tab~ líng' i dseá' gáng~ do. ³⁹ Jo cangolíng` i dseata~ quidsí í' do e ngomir~ jmi'ee' fí' quini~ Paa~ cóo'~ Silas e nijméiñ~ do féng' dsír' quiá'~ jalé' e calí~ do. Jo mi~ cangí' jo, ca'uøom`bre jo camí'r' jmi'ee' dseá' do e ni'uøm`biñ' e fí' jee~ fí' do. ⁴⁰ Jo mi~ cangí' e ca'uøong` i Paa~ do cóo'~ gui Silas fí' dsí' 'n'ñí', cangolíng` tur fí' quiá'~ Lidia. Jo fí' job cajíng`tu rúíñ' cóo'~ jaléng` dseá' quiá'~ Dseá' Jmáang~, jogui cacuø'guir bí' dseá' do cajo. Jo ngí' jo, ca'uøom`bre e fí' do, jo fí' lí' jíéb` cangolíng`.

17

Mi~ cateáang` Paa~ fí' Tesalónica

¹ Jo lajee~ gui'nang' e teáang' Paa~ fí' cóo'~ gui Silas, cangíñ' fí' coo' fí' e sii` Anfípolis cóo'~ gui Apolonia. Jo mi~ cangí' jo, caguilíñ' fí' coo' fí' e sii` Tesalónica, jo fí' job sí' coo' guá'~ quiá'~ dseá' Israel lí' féiñ' Fidié'. ² Jo co' lají'~ e túng` Paa~ e dséer' fí' guá'~ quiá'~ dseá' góor` dseá' Israel lacoo' née'~ mí' tí' jmí' e jmi'íng' jaléng` dseá' í', jo lajee~ 'ní' seamaan~ casíñ~ cóo'~ jaléng` i dseá' i caseáng' do cuaiñ~ quiá'~ jalé' e fé' fí' ní' jí' quiá'~ Fidié' e cajme' dseá' mali~ gui eáang', jo sí'r' dseá' do ³ e dseáng'~ 'né~ba' e cajúng` i Dseá' Jmáang~ do; jo mi~ cangí' e cajúíñ~, dseáng'~ 'né~ e cajíb`tur. Jo casí'~ guir i dseá' do cajo jo cajíñ':

—I Jesús nab i líng' Dseá' Jmáang~, i dseá' i laang' jneaa~aa' jee~ dsee~ quí~ii', jo júu^ quiá'~ i nab e ngí' jnea~ guiaa~ jee~ 'nú'.

⁴ Jo i líng` dseá' Israel jáb'~ calíñ~ júu^ e guia' i Paa~ do cóo'~ gui Silas, jo røøb` canaiñ' ngír' cóo'~ dseá' do. Jogui fíim`bi dseá' griego i eáang' jmi'gó' Fidié' cóo'~ gui fíng' dseamí' i laniing~ quiá'~ e fí' do, jáb'~ calíñ~ e júu^ jo cajo.

⁵ Dsu' uí'~ e jo ca'uíng~ e jaléng' dseá' Israel í' ja' já' líng' e júu^ do, eáam' calí' dsihuíñ' jogui caliguíñ~ quiá'~ jaléng' i dseá' i calí' já' líng' e júu^ jo. Joba' caseáíñ' tú~ 'ní' m'íng'~ 'ná' fí' i tá'~ teáang~ jee~ 'nú' e lacoo' i dseá' í' nitá'r~ mí'~ jogui nijmiguíñ~ jaléng' dseá' i neáang' fí' fí' jo. Jogui lajobi caguilíñ~ fí' quiá'~ Jasón e 'náíñ' Paa~ cóo'~ gui Silas e lacoo' ni'uøng~neiñ' do jo nitø'reiñ' fí' quini~ dseá' fí'. ⁶ Jo co' ja' cadséng'guir i dseá' i sí'í' 'náíñ' do, joba' catø'r~ Jasón laguidseang` cóo'~ gui coo' tú~ m'íng'~ gui dseá' quiá'~ Dseá' Jmáang~ i nineáang' fí' jo ie~ jo, jo catø'reiñ' do fí' quini~ dseata~ e ta'r' mí'~ jo fé'r' lala:

—I dseañu` do nica'lée'bre la'úng~ fí' jmigüí' cóo'~ júu^ e guiar' do, jogui fí' lab nicagüilíñ~ lana e iíñ~ jmér~ lajo. ⁷ Jo i Jasón na nica'íng'neiñ' fí' sinúu^ quiá'r~, jo lajíim`bre ja' jmi'gór' lají'~ ta~ quiá' dseata~ dseá' féng' romano, co' fé'r' e seem` jaang'gui dseata~ dseá' féng' i sii` Jesús.

⁸ Jo mi~ canúur~ jaléng' dseá' fí' e júu^ do cóo'~ gui jaléng' dseá' quie' nifí' quiá'~ e fí' do, eáang'gui catø'r' mí'~. ⁹ Jo cuub~ caguia' i Jasón do cóo'~ gui i dseá' caguiaang~ do fí' quini~ dseata~ e lacoo' calí'r~ catúu~tu i dseá' do quiá'r~.

Mi~ caguilíng`gui Paa~ cóo'~ Silas fí' Berea

¹⁰ Jo mi~ canuu`ie~ jmii~ jo, jaléng` dsea` quiá'- Dsea` Jmáang- casiñ` Paa- cóo`~gui Silas lajminá- fí Berea. Jo dsifí mi~ caguiliñ- fí jo, cangoliñ- fí guá'- quiá'- dsea` góor` dsea` Israel lí^ laco`gui la litíiñ` jmóor`. ¹¹ Jo jaléng` i dsea` Israel i seeng` fí Berea eáang`gui iñ~ ninúr- júu^ guía` dsea` do laco`gui dsea` seeng` fí Tesalónica, jo lajmináb- ca'íñ` e júu^ jo, jogui laco` jmii~ cuør` bí e jmitíiñ` jalé' e júu^ toq~ fí ni` jì quiá'- Fidié~ e gui'r` su e jáb'- e júu^ e cagua' Paa- do. ¹² Jo lajee` i dsea` í, fíim`bre já'- calíñ- e júu^ jo, jogui lajobi fíim` dseañu` dseamf` griego i niing- i seeng` fí jo jáb'- calíñ'- do júu^ quiá'- Dsea` Jmáang- e guía' i Paa- do cóo`~gui Silas. ¹³ Dsu' mi~ caliñí` jaléng` dsea` Israel i seeng` fí Tesalónica e nitáang` Paa- e guiar` júu^ quiá'- Fidié~ fí Berea, joba' fí job cangoliñ- cangojméer` ga` cóo`~ jaléng` dsea` i seeng` fí jo. ¹⁴ Joba' dsea` quiá'- Dsea` Jmáang- i seeng` fí Berea cajméer` e lajmináb- cagui'fí Paa- fí jo, jo cangór- condsee' fí 'ni' jmiñí', dsu' fí Bereab cajé` Silas cóo`~gui Timoteo lajee` jo. ¹⁵ Jo jaléng` dsea` quiá'- Dsea` Jmáang- i cóo`~ Paa- cangolíim- bre cóoiñ`~ do cartí cóo` fí e sií` Atenas. Jo mi~ cangf` jo, caquim`- tur fí Berea jo niquiéer` júu^ quiá'- Paa- e Silas cóo`~gui Timoteo nidsiliñ- fí lí` táang` Paa- lajminá-.

Lajee` táang` i Paa- do fí` Atenas

¹⁶ Jo lajee` táang` i Paa- do fí` Atenas e sijeeiñ` Silas cóo`~ Timoteo, fi'íb^ eáang` calíñ-, có' i dsea` seeng` fí Atenas do jie~ ja` latøøng- fíib` jmiféiñ` jaléng` dié~ i o' já'- i ja` quí~ jmii~ jmé- jíi~ cóo`. ¹⁷ Joba' eáam` títng` júu^ quiá'r- cóo` i dsea` góor` dsea` Israel cóo`~gui jaléng` dsea` caguaiang- gui i jmi'gó` Fidié~ fí dsí' guá'- quiá'- dsea` Israel. Jo dseáng`- laco` jmii~ laco` jmii~ sñiñ` e júu^ do cajo cóo`~ jaléng` dsea` i seáng` fí guía'^ jóo` fí quiá'- fí Atenas. ¹⁸ Jogui lajobi i líing- dsea` i jmitíing` júu^ quiá'- Epicuro cóo`~gui dsea` estoico i jmitíing` júu^ quiá'- Zenón, canaañ` sí' rúñ` cóo`~ Paa- cajo, jo i líing- i dsea` do fé'r` jo sí' rúñ` lajee` yaaiñ` e éeiñ` Paa- jo fé'r`:

—¿E~ e fé' i dsea` cuee` mi'mí na?

Jogui fé'gui i caguaiang- gui do:

—Lí' dsea` seeng` lí` jiéb` i na, jogui iñ~ nijmigóøiñ` dsea` cóo`~ jalé' e fé'r` na e quiá'- jaléng` dié~ i 'míing-.

Jo fé'r` e jo có' uíi~ e guía' Paa- júu^ quiá'- Jesús, jogui jial mi~ cajméé` Fidié~ e cají' tu dsea` do jee~ jaléng` 'líi~. ¹⁹ Joba' cajéeiñ` Paa- fí cóo` yá'^ cuo` lí' sií` Areópago fí lí' títng` jaléng` dsea` Atenas e seáiñ` e sñiñ` jalé' júu^ quiá'r-. Jo mi~ caguíe- Paa- fí jo, jo cajmingí'- i dsea` do ír`:

—¿Já^ cuøøng` line` naa' e~ jalé' júu^ 'míing- e quié' 'na' e e' jnea'^? ²⁰ Co' fó' 'na' jmang`- júu^ jiéb` jia, joba' ií` naa' e nilínee' e~ guøøng` e júu^ jo.

²¹ Jo lajüing` i dsea` seeng` fí Atenas do cóo`~gui jaléng` dsea` i jalíng- fí lí' jié' i neáang` fí do, contøøm- tí dsíir` núur` jogui sñiñ` lajüi~ júu^ 'míi~ e quié' lí'- doñí` ii`.

²² Joba' caróo- Paa- jee~ jaléng` i dsea` i neáang` do e fí lí' sií` Areópago, jo cajíñ'- casí'r- jaléng` i dsea` do:

—Lalab fíi- i 'nú', dsea` seeng` na' fí la fí Atenas, e jalé' e móo`o qui- na' e líng` na' dsea` i eáang` jmiféng` fíing` dié~. ²³ Co' cangoyé~ e fí lí' seáng` 'nú' e jmiféng` na' jaléng` dié~ qui- na', jo fí job cadse' e cóo` nife' lí' toq~ júu^ e fé' lala: “Dié~ i ja` mí` cúing` dsea’.” E jáb'- e fó' 'nú' quiá'- jaang` Dié~ i ja` cúing` na', quiá'- íb` e nifí' gui jnea~ 'nú' lana.

²⁴ Jo dsea` íb` i cajméé` la'úng- jmigüi` cóo`~gui jalé' e sea' fí jo. Jogui íb` i líng` fii~ jaléng` i neáang` fí yá'^ jogui cóo`~ jaléng` i seeng` fí jmigüi` la, jogui ja` guíiñ` lí^ doñí` jié' sinúu^ guá'- e cajme' dsea` jmigüi', ²⁵ o'gui 'né- e dsea` jmigüi` nito' fíing` ír` osi i nijmicóo`~ ír` é, có' íbre cuør` jaléng` dsea` e jí'r` jogui guí e cá` dsea` cóo`~gui lajalé'gui e jié'.

²⁶ Co' cóo`~ jaang` dseañu~b` cajmeáañ` lajüing` dsea` i seeng` la'úng- fí jmigüi` e laco' nigüear` fí lacaang` guóo`~ uø~; jogui quiúr` ta~ jie~ jíi~ seeng` dsea` fí jmigüi', jogui jie~ fí lí' catíing- nigüear`. ²⁷ Jo cajmeáang` Fidié~ lajüing` jneaa~aa' e laco' ni' néeng` naa' dsea` do, jo nigüiem` baa're song ni' néng` na're. Dsaco' e jáb'- e ja` huíi~ seeng` Fidié~ cóo`~

lajaang` lajaang` jneaa~aa'. ²⁸ Co' la'eáang' Fidiée`ba' see~naa' jí'naa' jogui ngi'naa' lí' laco'gui cajíng' i líng` dsea` góo'na' mali' i jmo' júu` ie` mi` cajíñ' lala: "I siju` Fidiéeb` jnea`."

²⁹ Jo co' e já' e lí'na' dsea` siju` Fidiée`, joba' ja` cuóøng` e í` óo'na' e Fidiée` líiñ' laco' jaléng' diée` i jmáang` dsea` cóo'~ cunée` osi cóo'~ cutede` osi dsea` cuu` é, jo jmáang` dsea` jialco' iim~bre jaléng' í. ³⁰ Jo Fidiée` nicajmée`bre féng' dsíir' mali'gui eáang' cóo'~ jalé' e laang` dsea` cóo'r~, dsu' lana niquiu'r' ta` lajñing` dsea` i seeng` fí' la'úng` jmigüi' e niqui'~ jíng' yaaiñ` fí' quini'r~, jo nitúr' e jmóor' jalé' e ja` dseeng`, jo lajoba' ni'íng` Fidiée` dsee` quiá'r~. ³¹ Co' Fidiée` nicatée`bre cóo` jmñ` e niquidsir' í' laco' sí'í' quiá'~ jaléng' dsea` jmigüi' la'eáang' cóo'~ i dseañu' i caguíñ' 'ñia'r' do; jo Fidiée` nica'e'r' jaléng' dsea` e jo mi` cajmээр` e cají'tu Dsea` Jmáang` jee` jaléng' 'líi'.

³² Jo mi` canúu` i dsea` seeng` fí' Atenas do e fé' Paa` cuaiñ` quiá'~ e jíb'tu dsea` jee` jaléng' 'líi', i líng` i dsea` do lí' calóøm~bre Paa` jogui i líng`gui fé':

—Cuóøm` lí' nú'naa' e fó' na cóo'gui jmñ`.

³³ Jo lí' e jo, güi'íib' Paa` fí' do. ³⁴ Dsu' i líng`gui i dsea` do jáb'~ calíñ` júu` e guia' i Paa` do. Jo jee` í' quiéeng` jaang` dseañu' i sii` Dionisio i líng` jaang` dseata` quiá'~ Areópago, jogui jaang` dseamf` i sii` Dámaris, jogui dsea` i jíéng'gui cajo.

18

Lajee` táang` Paa` fí' Corinto

¹ Jo mi` cangf` jalé' e jo, cagüi'íib' Paa` fí' Atenas, jo cangór` fí' cóo` fñ' e sii` Corinto. ² Jo job calicuiñ` jaang` dseañu' i líng` dsea` Israel i sii` Aquila i niseeng` fí' cóo` fñ' lí' se' Ponto. Jo ie` jo ja` mi` ngóo' eáang` e nicagüilíng` i Aquila do cóo'~gui dseamf` quiá'r~ i sii` Priscila e jalíñ' fí' Italia. Jo ca'uóøiñ` fí' jo co' i dseata` quiá'~ Roma do i nisi' Claudio caquiur' ta` e 'né' uóm` jaléng' dsea` Israel fí' Roma lí' se' Italia. Jo cóo` jmñ` cangó' Paa` e cango'eer` i Aquila do cóo'~gui Priscila, ³ co' røøb` ta` óor` cóo'iñ` do e jmo'r' 'núu'jiu cóo'~ layaang` loo` jó' e laco' lí'r' e 'né'r~. Jo job cajé' Paa` cóo'~ i dsea` do e laco' nijmér` ta` colíng`. ⁴ Jo lacoó` jmñ` mi` tí' e jmi'íng' dsea` góor` dsea` Israel, dsée' Paa` fí' guá'~jiu lí' seáng' i dsea` í' e féiñ' Fidiée`. Jo fí' job féiñ' jaléng' dsea` Israel cóo'~gui jaléng' dsea` i ja` líng` dsea` Israel e laco' já'~ nilíng` dsea` do júu` quiá'~ Dsea` Jmáang` e guiar'.

⁵ Jo mi` caguilíng` Silas cóo'~ Timoteo fí' Corinto fí' lí' guing` Paa` cóo'~ Bernabé e jalíñ' fí' Macedonia, jo i Paa` do catú'bre e ta` jmóor' do, jo canaaiñ` e guiar' júu` quiá'~ Dsea` Jmáang` lacoó` jmñ` lacoó` jmñ~, jogui sí'r' jaléng' dsea` góor` dsea` Israel e dseáng'~ já'~ba' e Jesús líiñ' i dsea` i cajíng'~ Fidiée` i nisiñ` fí' jmigüi' la lajñi' mali'. ⁶ Dsu' i dsea` Israel do 'nib' cangáiñ` Paa`, jo canaaiñ` sí'reiñ' jmang' júu` ga'. Joba' Paa` cabó'r' 'lee` toó` sí'r' e laco' cuø` lí' e ja` jíi'~ dsea` ír', jo casí'r~ i dsea` i ja` jíi'~ ír' do lala:

—Dsee` qui'na' yaam~ba' e nigüilíng'na' fí' lí' 'lí', dsuco' jo` e cuaiñ` quié~e. Latí' lanab ni'i cóo'~ dsea` i ja` líng` dsea` góo' dsea` Israel e ni'ée`ere júu` quiá'~ Dsea` Jmáang`.

⁷ Jo mi` cangf` jo, cagüi'íib' Paa` fí' dsí' e guá'~jiu do, jo cangór` fí' quiá'~ jaang` dseañu' i sii` Ticio Justo i jmiféng' Fidiée` contøøng~, jo cáang` e guá'~ dob lí' quiá'r~. ⁸ Jo jaang` fñ' i néé' ni` e guá'~jiu do i sii` Crispo cóo'~ lajaléng' dsea` sinúu` quiá'r~ jáb'~ calíñ` júu` quiá'~ Fí'naa' Dsea` Jmáang`. Jogui lajobi fñm' dsea` i neáang' fí' Corinto, mi` canúur` júu` quiá'~ Dsea` Jmáang~, jáb'~ calíñ` joba' cajgáam~bre jmñ' e laco' cacuø` lí' e ca'uíñ` dsea` quiá'~ Dsea` Jmáang`.

⁹ Jo cóo' uóø` cajmijnéeng` 'ñia' Dsea` Jmáang` fí' quini' Paa`, jo e jo cangár` lafa' mi` quir', jo cajíng'~ Dsea` Jmáang` casí'r~ dsea` do:

—Ja` jmoo' 'gó' jíi'~ capí', jo guia'~gui júu` quié~e jee` jaléng' dsea` jo ja` quiun' e jmoo' lajo. ¹⁰ Co' jnea` seem~baa colíng` cóo'~ 'nu', joba' jíi'~ jaang` dsea` ja` ií' lí' nijmeáng' 'nu' ga'. Co' fñm'bi dsea` niseeng` e fí' fñ' la i ni'uíng` dsea` quié~e.

11 Jo fí Corintob cajé Paā cōō jiī dsī ca'ná' e e'r' i dseā seeng' fí jo jalé' júu' quíá' Fidié̄.

12 Jo cōō néé' lajeē jiī e calíng' jaang' dseañu' i siī Galión dseatā dseā féng' quíá' lí se' Acaya, jaléng' dseā Israel i neáng' fí do iē jo casíiñ̄ røø' e nijmér' dseē quíá' Paā. Joba' casang' neiñ' jo cangojeáaiñ' fí lí neáng' dseatā dseā quidsí í'. 13 Jo mí caguiliñ̄ fí jo, lalab casí'r' i dseatā do jo cajíñ':

—I dseañu' dseā góo'naa' la ngir' tā jmigóong' jaléng' dseā quíá' jial e 'né' niféng' dseā Fidié̄, dsu' ja' núu'r' lajiī júu' quíu' tā quí'ii'.

14 Jo si'í niñí' Paā e nisí'r' dseatā Galión lajiī e 'náng' i dseā do ír', dsu' jéeng'gui Galión cañír' quíá' i dseā Israel do jo cajíñ':

—Song dseáng' lahuíng' nica'éé' i dseā na osi líng' iī nicajngaiñ' é, joba' catíng' e niquidsiī í' fa' lajo. 15 Dsu' e na lí' lajiī júu' e catíng' na' yaam'ba' na quíá' lajiī júu' quíu' tā quí'na', joba' yaam'ba' catíng' na' niguí'na' e na, co' jneā ja' iin' n niquín' n e júu' na.

16 Jo caquiú' i dseatā do tā e cagüi'íb' Paā cōō jaléng' i dseā caguiaang'gui e fí lí quidsí i dseatā do í'. 17 Jo lajiīng' i dseā i jmóo' dseē quíá' Paā do casaiñ' jaang'gui dseañu' i siī Sóstenes i líng' fiī quíá' guá'jiu quíá' dseā Israel e si' fí do, jo job cabóoiñ̄ i dseā do fí quini' lí neáng' i dseatā dseā quidsí í' do, dsu' ja' e jíng' dseatā Galión jiī cōō quíá' jalé' e jmóo' i dseā do.

Mí canguíng' tu Paā fí Antioquía

18 Jo mí cangí jo, huóø-bi cajé Paā fí Corinto. Jo mí cangígui lajo, ca'í'bre júu' jaléng' dseā quíá' Dseā Jmáang' i neáng' fí do, jo cangoliiñ̄ fí cōō oo' jmiī e siī Cencrea. Jo lajeē e taam'bir fí jo, catu'r' cuo' moguir' laco' tíng' dseā góor' dseā Israel e laco' nilitī lajiī júu' nicacuø'r' Fidié̄ lamí jéeng'gui. Jo mí cangí jo, cangotáaiñ̄ fí dsí' móo' colíng' cōō Aquila cōō'gui dseamí quíá' í i siī Priscila jo colíim' cangoliiñ̄ fí lí se' Siria.

19 Jo mí caguiliñ̄ tur e oo' jmiī lí siī Éfeso do, job caseáng' Paā i Aquila do cōō'gui dseamí quíá' i siī Priscila, jo cangó-bre 'ñia'r' fí lí si' guá'jiu quíá' dseā góor' dseā Israel. Jo fí job casíiñ̄ cōō jaléng' dseā í i caseáng' fí do iē jo. 20 Jo i dseā i siseáng' fí guá'jiu do casí'r' Paā e fa' nijé-bir huóø cōoiñ̄ do, dsu' Paā jo calí'iiñ̄. 21 Jo ca'í'bre júu' i dseā do jo casí'r':

—'Né' e seem'baa fí Jerusalén e nití' jmiī e nijaquíéng' fí jo. Jo lí' jial tā niquiá' Fidié̄ quíé-baa e nigáátúu e ga'ee' e 'nú' fí la calé' catú'.

Jo mí cangí jo, cagüi'íb' Paā e fí Éfeso do e iuiiñ̄ fí dsí' móo', 22 jo cangób-tur fí Cesarea, jo fí job cajer' e laco' nicuø'r' guicóo' jaléng' dseā quíá' Dseā Jmáang' i neáng' fí jo. Jo mí cangí jo, cangám' tur fí Antioquía, jo fí job cajer' huóø-bi.

23 Jo mí lí cøong'gui lajo, cagüi'íb' tur calé' catú', jo cangí tur laco' laco' fiī e néé' fí lí se' Galacia cōō'gui lí se' Frigia e cuø'guir bí jaléng' dseā quíá' Dseā Jmáang' e laco' ja' nilitúng' dsíiñ' lajiī fí niteáaiñ̄ cōō Dseā Jmáang'.

Mí caguia' Apolos júu' quíá' Dseā Jmáang' fí Éfeso

24 Jo iē jo caguíé' jaang' dseañu' dseā Israel i siī Apolos fí Éfeso. Jo i dseañu' í niseeiñ̄ fí cōo' fiī e siī Alejandría e néé' lí se' Egipto. Jo dseā do eáam' jlo' tíiñ̄ guiar' júu' jogui eáam' cuír' jalé' e fé' fí ní jiī quíá' Fidié̄ e cajme' dseā malí'gui eáang'. 25 Jogui eáam' nicajmitíiñ̄ júu' quíá' Fí'naa' Fidié̄ e cajme' dseā í, jogui dseáng' e íáang' dsí'bre fé'r', jogui dseáng' røøb' er' e júu' quíá' Jesús do, doñí' fa' jiī e ñir' do e ca'e Juan e quíá' jial seáaiñ̄ dseā jmiī lajeē cateáaiñ̄ fí jmigüi' la, dsu' ja' ñir' e Jesús ca'er' e 'né' sáaiñ̄ dseā jmiī e laco' cuø' lí e líiñ̄ dseā quíá'r'. 26 Jo i Apolos do canaaiñ̄ guiar' júu' quíá' Dseā Jmáang' dseáng' fí dsí' guá' quíá' dseā Israel e jiī ja' jáa' quíá'r' fa' 'gó'r'. Dsu' mí canúu' i dseañu' Aquila cōō'gui dseamí quíá'r' i siī Priscila júu' e guia' i Apolos

do, joba' cajéem`breiñ' fí' lí' jíé' jò casí'`reiñ' dseáng'` laco' la líí' e fí' e 'né' cá' dsea` e laco' niliseeiñ' cøøng` còo'~ Fidiée'.

²⁷ Jò mi~ cangí' jò, cali'ing~ Apolos e ningíiñ' fí' lí' se' Acaya. Joba' jaléng' dsea` quiá'` Dsea` Jmáang` i seeng` fí' Éfeso do eáam' cajmicóo'`reiñ', jogui casíiñ' còo' jì quiá'` jaléng' dsea` quiá'` Dsea` Jmáang` i seeng` fí' Acaya do e laco' ní'ing'neiñ' còo'` júu` røø` juguiá'. Jò mi~ cangí' jò, cangó`bre fí' jò.

Jò mi~ caguié` Apolos fí' Acaya, eáang' cajmicóo'r~ jaléng' dsea` i calicuíng` Dsea` Jmáang` uíi' e eáang' guiúng` Fidiée' còo'` dsea` do. ²⁸ Co' fí' quini` jaléng' i dsea` i neáang' do sí'r' jaléng' i dsea` Israel e ja' í' dsíiñ' dseáng'` laco' catíng`, jogui se'r' tea' lajii' e fé' fí' ní' jì quiá'` Fidiée' e dseáng'` já'`ba' e Jesús líiñ' i dsea` i casíng` Fidiée' fí' jmigúí' la e laco' nileáng` dsea` jee` dsee` quiá'r`.

19

Mi~ caguiéng`tu Paa` fí' Éfeso

¹ Jò lajee` táang` i Apolos do fí' Corinto lí' se' Acaya, jò i Paa` do cangíiñ' fí' lí' líí' jee` mó', jò caguié` tur fí' Éfeso. Jò fí' job cajíiñ' i fíing` dsea` quiá'` Dsea` Jmáang`, ² jò lalab cajmingí'` Paa` i dsea` quiá'` Dsea` Jmáang` do jò cajíiñ'`:

—¿Su ca'íing'` 'nú' Jmiguí' quiá'` Fidiée' mi~ já'` calíng`na' júu` quiá'` Dsea` Jmáang`? Joba' cañí' i dsea` do jò cajíiñ'`:

—Ja` mí' ná' jnea'` jíi'` còo' ya' quiá'` e jò. ¿E`gui e jò?

³ Jò cajmingí'`tu Paa` i dsea` do jò casí'`reiñ'`:

—¿E` uíing` qui'`na' mi~ cajgáang`na' jmíi` jóng?

Joba' cañí' tu i dsea` do quiá'` Paa` jò casí'`reiñ'`:

—Jnea'` cajgáang`naa' jmíi` e casé' Juan e laco' cuø' lí' e caquí'` jíng' yee`naa' fí' quini` Fidiée'.

⁴ Joba' casí'`tu Paa` i dsea` do:

—Lajob líí', cò' i Juan do caseáaiñ` dsea` jmíi` lajii'` i caquí'` jíng' yaang` fí' quini` Fidiéeb'; jogui casí'`bir jaléng' dsea` í' cajo e 'né' ní'im'biñ' do i dsea` i nijáa' cøøng`gui do mi~ nisóong` ír'; jò dsea` íb' Jesús lana.

⁵ Jò mi~ canúu` jaléng' i dsea` i teáang` do lajò, dsifí' ladob cajgáaiñ` jmíi` e laco' cuø' lí' e ca'uíiñ` dsea` quiá'` Dsea` Jmáang`. ⁶ Jogui mi~ caquidsí' Paa` guóor` fí' mogui` i dsea` do, dsifí' ladob ca'íng' i dsea` do Jmiguí' quiá'` Fidiée', jò canaaiñ` fé'r' jmíi' e jíé'gui laco' jmíi' quiá'r`, jogui síiñ` jalé' júu` e íñ' e jáa' quiá'` Fidiée'. ⁷ Jò lajee` lajiiing` i dsea` do tíir' guitúuiñ` yaang` dseañu'.

⁸ Jò mi~ cangí' jò, lajee` gaang` sí', dséé' i Paa` do fí' guá'` quiá'` dsea` góor` dsea` Israel, jò fí' job guiar` júu` quiá'` Dsea` Jmáang` e ja' 'gó'r' jíi'` capí', jò sí'r' jaléng' i dsea` do jogui 'nó'r' jial laco' já'` nilíng` dsea` do e iing` Fidiéeb' quier` nifí' quiá'` jaléng' dsea`.

⁹ Dsu' i líng` i dsea` do ja' jíi'r` e júu` do o'gui iíñ` já'` nilíiñ` cajo. Jò canaaiñ` fé'r' fí' quini` jaléng' dsea` jíéng' e gab` jalé' e júu` do quiá'` jial cúing` dsea` Dsea` Jmáang`. Joba' Paa` cajmihuim` 'ñia'r' jee` i dsea` góor` do, jogui cajéem`bre jaléng' dsea` quiá'` Dsea` Jmáang` i caguiang` do, jò cangojéeng`neiñ' fí' còo'` escueel` quiá'` jaang` dseañu' i síi' Tirano, jò fí' job féiñ' i dsea` do júu` quiá'` Dsea` Jmáang` laco'` jmíi` laco'` jmíi`. ¹⁰ Jò lajob cajméer` lajee` tú` jiiing`, joba' jaléng' dsea` Israel còo'`gui jaléng' dsea` i ja' líng' dsea` Israel i neáang' fí' jalé' fíi' e téel' lí' se' Asia canúur` júu` quiá'` Fíi'naa' Dsea` Jmáang` e caguiá' i Paa` do.

¹¹ Jò lajee` jò i Paa` do jmóor` jalé' e quí'r` jmíi` la'eáang' còo'` güea' e cangíiñ` e cacuø' Fidiée'. ¹² Jò seem` dsea` quier` jalé' paay` quiá'r` osi jalé' sí'r' fí' quini` Paa` e fa' jíi'` capí'` nijnúng` dsea` do e 'mí' do, joba' i dsea` do nicóor` fí' quiá'r` fí' lí' seeng` i dsea`

dsée' do, jo cóo' e jo ni'leáam i dsea`dsée' do lajii' jmohuí' e líiñ'. Jogui lajobi jaléng' dsea i jée' i 'ling' quiá' dsihuim jaléng' i quiá'r jo 'láam bre.

¹³ Jo ie jo, i lüing dsea`Israel i ngi' lacoó' fii' e jmicaaiñ e iññ uóñ i 'ling' i jée' quiá' dsea, jo iññ nijóor su e já' e uóong i 'ling' i jée' quiá' dsea la'eáang cóo' júu quiá' Fí'naa' Jesús. Jo lalab canaaiñ sí'r jaléng' i 'ling' i jée' quiá' i dsea do:

—iLa'eáang cóo' júu quiá' Jesús e guía i Paa do quiá' ta e uóong na li teáang na!

¹⁴ Jo e jo cajmée laji' guiáng joo' jaang dseañu' Israel i sii' Esceva i nilüing jaang fi' jmidsea quiá' dsea`Israel. ¹⁵ Dsu' cóo' née' lajee' ngir ta jmoo' lajo, jo i 'ling' i jée' quiá' i dsea do cañir quiáñ do jo cajíñ':

—Cuim jnea Jesús, jogui ñi'bi i i sii' Paa do, dsu' ja ñii i 'nú'.

¹⁶ Jo dsif' ladob i dsea i jée' i 'ling' quiá' do canaaiñ quiém'bre lahuim jaléng' i joo' Esceva do, jo dseáng' lajim biñ' do calí'r caquiéñ' co' dsing' bíñ'. Jo cangolíim i dsea sihuing do f' quiá'r mi cangf jo, dsu' ringuum bre cangoliñ'.

¹⁷ Jo lajüing i dsea`Israel i neáang f' Éfeso cóo' gui jaléng' dsea i ja lüing dsea`Israel i neáang f' job cajo, caliñi'bre jalé' e calí' do ie jo, joba' eáam cafóñ'. Jo lajob ngoo' li'gong' júu quiá' Fí'naa' Jesús jee jaléng' dsea'.

¹⁸ Jogui füm'bi jaléng' dsea i já' calíng júu quiá' Dsea`Jmáang ie jo caguiliñ e róññ dsee quiá'r f' quini jaléng' dsea quiá' jalé' e ga e nicajmée' lami jéeng'gui.

¹⁹ Jogui füm'bi jaléng' dsea i nicajmée ta dsea lóang lami jéeng'gui cajo caguiliñ quier' j' quiá'r li too' jalé' e 'li' e jmitüññ, jo cajir f' quini jaléng' dsea i teáang do ie jo. Jo mi caguo' júu jial tí' 'moo' tée' e j' do, jmiguiab' eáang cagüi'ñing, lí' lí' cincuenta mil cuteeb'. ²⁰ Jo lajob naang ni'gui júu quiá' Fí'naa' Dsea`Jmáang f' la f' na, jogui jmoo' e liñ' dsea cajo jial tí' 'gong' Fidié'.

²¹ Jo mi cangf e cangojée jalé' e jo, joba' calí' dsí' i Paa do e nidsé'tur e nidsi'eer jaléng' dsea quiá' Dsea`Jmáang i neáang f' li se' Macedonia cóo' gui f' li se' Acaya, jo e mi ningf jo, ningññ tí' Jerusalén. Jogui fé'bir cajo e mi ningf e dsér f' Jerusalén, dseáng' 'né'ba' e dsér tí' Roma.

²² Jo casíñ gáng dsea quiá'r f' li se' Macedonia, i do i sii' Timoteo jo jaang'gui i sii' Erasto, jo laji' huáaiñ do jmoo' ta jmicoó' Paa. Jo Paa f' dobi cajer 'ñia'r lajee' jo f' li se' Asia.

Mi caliseá mii' f' Éfeso

²³ Jo ie jo, eáam cató' dsea mii' f' Éfeso uii' quiá' e füm' dsea ca'uüing dsea quiá' Dsea`Jmáang. ²⁴ Jo e mii' jo ca'uüing uii' jaang dseañu' i sii' Demetrio i nijmoo' ta cóo' layaang cutee. Jo i dsea i nijmoo' ta jmüing guá' jü e lí' cóo' cutee, jo e job guá' quiá' i diée i sii' Artemisa. Jo i Demetrio do jmiguiab' quier' e 'léeng' jaléng' i dsea i jmoo' ta cóo' do. ²⁵ Jo cóo' née' caseaiñ dsea i jmoo' ta cóo' r colüing gui cóo' jaléng' dsea i jmoo' ta e róob' jü cóo' e ta jmoo' ir do cajo, jo lalab casí'r jaléng' i dsea do:

—Dsea rú'uu', niñi' 'nú' guiá' e la'eáang e ta lab joba' guiáb' sea jalé' e 'né' qui'ii'.

²⁶ Dsu' laco'gui la júu sea jogui ne'naa' cajo i Paa do ngir fé'r e jaléng' i diée i jmáang dsea cóo' guoor ja líiñ dseáng' diée já'; jo lajob nicalí'r e nicaligóng jaléng' dsea i seeng' f' Éfeso la cóo' gui jaléng' dsea i seeng' jie ja latøom li se' Asia. ²⁷ Jo lajii' e júu e ngi i Paa do fé'r, dseáam qui'ii' fíng ca'íng lajii' ta qui'ii' e sea, jogui la quie'gui guá' quiá' i diée i sii' Artemisa do nitáb dsea e jmiciuir, jogui nitáb dsea e jmi'gór lajii' e 'gong' i diée i, dsuco' latøong li se' Asia jmiféng' dsea ir, jo jie ja latøong jmigüib' cajo.

²⁸ Jo mi canúu jaléng' i dsea i caseáng' f' do jalé' e jo, eáam caligüññ, jo canaaiñ oor teá jo fé'r:

—iEáang 'gong' diée Artemisa qui'ii' i jmiféng' jnea', dsea Éfeso!

²⁹ Jo eáam' cangogáang' dsea` cóo'~ jalé' e júu^ jo, jogui canaang' catá'r' mhi'~ latøong~ e fi' jo. Jo lajee~ jo, lajim'bre casam'~ i dseañu'~ i sii' Gayo cóo'~ Aristarco, gáng~ dseañu'~ i seeng' fi' Macedonia i nicóo'~ Paa~. Jo cajñuung'neih' do cartí' caguiliñ'~ fi' li' tuing' dsea' e seaiñ'~ coling~ mi' ee'go jmóor'.

³⁰ Jo i Paa~ do cali'iiñ'~ e ni'ir' e nifeiñ'~ i dsea' fñing' do, dsu' jaléng' dsea' quiá'~ Dsea' Jmáang~ ja` cacuør' fi' lajo. ³¹ Jo jee~ i dseata~ dsea' féng' quiá'~ li' se' Asia do niquiéeng' cóo' tú~ máng'~ dsea' i niseeng' røø' cóo'~ Paa~, jo casiiñ' júu^ e sí'reiñ' e guiá~ gui e ja' ni'í dsea' do e li' teáang'~ i dsea' fñing' do.

³² Jo lajee~ jo, jee~ i dsea' fi' do, i lñing~ dsea' fé'r' cóo' júu^ jogui i lñing~gui e jié'gui, jo dsíng'~ téé'~ mhi'~; jo fñim' i dsea' do jii'~ ja' ñir' e uuing~ e caseaiñ'~. ³³ Dsu' i lñing~ i dsea' do casí'r'~ jaang' dseañu'~ i sii' Jaang~ jalé' e calí' ie~ jo, jo íbing' casíng' dsea' Israel fi' quini'~ i dsea' fñing' do laguidseaang'. Jo mi' caguiér' fi' quini'~ i dsea' fñing' do, jo cajméer' li' cóo'~ guóor' e laco' nifé'r' uii'~ quiá'~ jaléng' dsea' Israel fi' quini'~ jaléng' i dsea' fñing' do. ³⁴ Dsu' mi' calilí'~ i dsea' fñing' do e i Jaang~ do lñiñ' dsea' Israel, dsíng'~ caliguiñ'~ jo canaiñ' óor' teá' lajee~ tú~ oor~ jo fé'r':

—iEáang' 'gøng' diée~ Artemisa quí'ii' i jmiféng' jnea'^, dsea' Éfeso!

³⁵ Jo mi' casóong~ jia e ta' dsea' mhi'~ do, i tiji' quiá'~ e fi' Éfeso do canaiñ' féiñ'~ jaléng' i dsea' do jo cajíñ'~:

—Dsea' rú'naa' i seeng' fi' Éfeso, jalém' dsea' seeng' fi' jmigüi' ñir' e i dsea' seeng' fi' la néé' nír' guá'~ quiá'~ i diée~ 'gøng' i sii' Artemisa la, jogui fi' yá'^ jmigüib' li' catóih'~ e lñiñ' dsea' cuu~ jo catisiiñ'~ fi' la. ³⁶ Jo jii'~ jaang' dsea' ja' cuøøng' lí' jiiñ'~ e o' lajo e na, joba' catii'na' jo ja' e jmoo'na' jii'~ cóo' e ja' mí' calí' óo'na' røø. ³⁷ Co' laji' gáng~ i dseañu'~ i nicajéeng' 'nú' fi' la ja' e mí' cajmeaiñ'~ jii'~ cóo' guá'~ quí'ii', o'gui mí' café'r' e ga' uii' quiá'~ i sengfi'~ quí'ii' do cajo. ³⁸ Jogui song i Demetrio do cóo'~ gui jaléng' dsea' i jmóo' ta' cóo'r' do nicadsé'r' dsee~ quiá'~ i dsea' na, dob neáang' jaléng' dsea' i quidsí' í' cóo'~ gui li' 'nñiñ' dsea' fñing' ee'go dsee~ røøng' dsea'; jo fi' job li' catíng~ e nijmér' dsee~ fi' quini'~ i dseata' í, jogui job li' catíng~ e nijmi'øng' yaaiñ'~ lajaang' lajaaiñ'. ³⁹ Jogui song sea'gui júu^ quié'na' e jié', dob cuøøng' lí' jmee'na' fi' ni' fi' mi' seáng' dsea' fñiñ'. ⁴⁰ Jogui cóo'~ jalé' e nicalí' na, eáam' dseáang'~ quí'ii' fñing' i' cajmée' dsee~ quí'ii' quiá'~ jalé' e nicajmó'oo', co' ja' e uuing~ sea' jii'~ cóo' e nijmi'øng' yee'naa' fñing' calíng'~ e uuing~ quiá'~ e nicató' dsea' mhi'~.

⁴¹ Jo mi' calí' fé' i tiji' do e júu^ na, jo calí'~bre júu^ quiá'~ jaléng' i dsea' siseáng' do jo cagüi'~bre.

20

Mi' cangó-tu Paa~ fi' Macedonia cóo'~ Grecia

¹ Jo mi' casóong~ e ta' dsea' mhi'~ do, cató'~ i Paa~ do jaléng' dsea' quiá'~ Dsea' Jmáang~ e laco' lñing~ ee' niféng'neih' do. Jo mi' cangí' jo, calí'~bre júu^ i dsea' í' jo cangób~tur fi' li' se' Macedonia. ² Jo laco' laco' fi' e téé' fi' jo cangór' e dsí'eer~ jaléng' dsea' quiá'~ Dsea' Jmáang~ i neáang' fi' jo, jo eáang' jmicóo'~ reiñ' cóo'~ jalé' júu^ quiá'~ Dsea' Jmáang~. Jo mi' cangí' jo caguiéb~tur fi' li' se' Grecia, ³ jo fi' job cajer' gaang' sí'.

Jo mi' cangí' jo, dseáng'~ ni'iuuiñ'~ fi' e nisó'r' móo' e nidsé~tur fi' li' se' Siria mi' caliñir' e jaléng' i dsea' góor' dsea' Israel do nicasiiñ'~ røø' e lñing~ ee' nijmeaiñ'~ i Paa~ do. Joba' calí' dsí' Paa~ e caquim'~tur fi' guóo'~ uø~ jo cangíng'~tur calé' catú'~ fi' Macedonia. ⁴ Jo cóo'~bre jaléng' i dsea' la: jaang' i sii' Sópater dsea' i seeng' fi' Berea, jóo' jaang' dsea' i sii' Pirro; jogui Aristarco, cóo'~ jaang'gui i sii' Segundo i seeng' fi' Tesalónica; jogui jaang'gui i sii' Gayo i seeng' fi' Derbe; jogui Timoteo, jogui lajobi Tíquico cóo'~ Trófimo, dsea' i seeng' fi' li' se' Asia. ⁵ Jo jaléng' i dsea' quiá'~ Dsea' Jmáang~ la jéem'bre cangolíñ'~, jo doguib' cajéiñ' jnea'^ cartí' oo~ jmii' li' sii' Troas. ⁶ Jogui jnea~, Lucas, cají'~ rú'naa' cóo'~ Paa~

fi' Filipos, jo fi' job ca'uøø-naa' cangó-naa' e téel-naa' dsí' móo' mi~ cangî jmî e gø' dsea' îñí' e ja' quie' quieeng'. Jo lajee' ñiá' jmî guiba' caguié-naa' cartí Troas, jo fi' job cataang-naa' guié' jmî; jogui fi' job cajo cají' rú'naa' cóo' i dsea' caguiaang' do.

Mi~ cateáng' Paa' fi' Troas

⁷ Jo e jmî la'uii' quíá' seamaan' caseáng' rú'naa' jaléng' dsea' quíá' Dsea' Jmáang' e quíá' niquiee-naa' i'naa' colíing' e laco' jmiguiéng' dsí'naa' Dsea' Jmáang'. Jo lajee' jo café' Paa' güí' quíá'r' fi' quini' dsea' i caseáng' e uøø' do. Jo co' iuung' Paa' fi' e nigüí'bre mi~ nijneá' e uøø' jo, joba' cueeb' júu' quíá'r' cajméer' cartí uøø' guienáub'. ⁸ Jo fi' job téel-naa' lajî-naa' fi' cóo' 'núu' yá', jo fi' job sea' jmiguiá' jî e jneá'. ⁹ Jo jee' jaléng' i dsea' do quieeng' jaang' siming' i sii' Eutico, jo i siming' í' dob guiñ' otoo' e núur' júu' guía' Paa'. Jo co' eáam' cuee' júu' quíá' Paa' e café'r', joba' cajá' jaligüing' i siming' do lajee' guiñ' do, jo caquiam' bre e éaang'. Jo lajee' guing' i siming' do e güiñ' lanab, cóo' catóm' bre cartí ni' uøø'. Jo e otoo' tí' lí' catóñ' do gui' tí' lí' catí' 'ní' fíng' e 'núu' do. Jo mi~ cangoseáng' neiñ' do n'liim' biñ' do. ¹⁰ Joba' cagáng' Paa' e li' iuuiñ' guiar' güí' do, jo cangoseáiñ' i siming' do, jo carøøng' neiñ' do jo cajíñ' casí'r' i dsea' quíá' Dsea' Jmáang' caguiaang' do:

—ja' føøng' na', dsea' rú'naa'! Co' jîb'tu i siming' la.

¹¹ Jo mi~ cangî e caseang' Paa' i siming' do, cagóob-tur fi' li' iuuiñ' guiar' júu' fi' lí' catí' 'ní' fíng' e 'núu' do. Jo fi' job cafiñ' îñí', jo caquiee-naa' colíing'. Jo mi~ calí' e jo, canaam tur fé'r' júu' quíá'r' cartí cajneá' e uøø' jo. Jo mi~ calí' e jo, jo ngî joguiba' ca'ír' fi' cangór'. ¹² Jo mi~ cató' dsea' sinúu' quíá' i siming' do fi' quíá'r' e nicajîb'tuiñ', joba' eáam' cali'íang' dsí' jaléng' i dsea' do.

Mi~ cagüí' Paa' fi' Troas jo cangór' fi' Mileto

¹³ Jo mi~ cangî jo, jneá' cóo' i dsea' caguiaang' gui do cangojém'baa' quíá' Paa' e téel-naa' dsí' móo' cartí caguié-naa' tí' cóo' fi' e sii' Aso. Jo fi' joguib' sí' e dsitee-naa' Paa' laco' nicasi-naa' røø' jéeng'gui, co' ñia'r' cali'iiñ' e cangór' e ngir' la tóo' ni' guóo' uøø'. ¹⁴ Jo mi~ cají' rú'naa' cóo'r' fi' Aso, jo ca'í-bre dsí' móo' lí' téel-naa', jo cangó-baa' fi' fi' li' sii' Mitilene.

¹⁵ Jo mi~ cangî jo, ca'uøø-baa' fi' Mitilene, jo mi~ cajneá' e jmî cóo'gui do, cangüing'naa' fi' quini' e fi' e sii' Quío. Jo mi~ catí' tú' jmî lajo, cangüing'naa' cóo' ni' guóo' uøø' jîu e néé' ni' jmiñí' e sii' Samos. Jo cóo'gui jmî cali'ii-naa' e téel-naa' fi', joguiba' caguié-naa' fi' Mileto.

¹⁶ Jo cajmó'naa' lajo, co' i Paa' do ja' cali'iiñ' ngór' fi' Éfeso ie' do lí' laco' ja' niquiñ' eáang' e dsér' fi' lí' se' Asia, dsuco' iñ' e niguieñ' lajmináb' fi' Jerusalén e nidsitiñ' jmî Pentecostés e tí' fi' jo.

Júu' güí' e cacuø' Paa' fi' quini' dsea' cóøng' i seeng' fi' Éfeso

¹⁷ Jo lajee' táang' Paa' fi' Mileto, cató'r' jaléng' dsea' cóøng' quíá' dsea' quíá' Dsea' Jmáang' i neáang' fi' Éfeso e nidsiliñ' do fi' lí' táaiñ' fi' Mileto. ¹⁸ Jo mi~ caguilíng' jaléng' i dsea' cóøng' do, jo casí'-reiñ' jo cajíñ':

—Ñíb' 'nú' guíá' jial guíá' nica'ee' cóo' jaléng' 'nú' latí' mi~ cagüén' n' fi' la' fi' lí' se' Asia. ¹⁹ Jogui contøøm' nicangî jee' 'nú' e jmóo' lajî' e iing' Fí'naa' Dsea' Jmáang', jogui e ja' jmiféng' ñiá'a, jogui e jiuung' dsí'baa' cóo' jalé' e lami' iing' dsea' góo' dsea' Israel nijmeáiñ' jneá' uí' e guiaa' júu' quíá' Dsea' Jmáang'. ²⁰ Dsú' ja' catá'u e guiaa' jalé' e júu' na, co' jmang' jalé' júu' e guíá' quí'ba' e nica'ee' e 'nú' lacaang' jee' dsea' jogui cajo lacaang' sinúu' quí'na'. ²¹ Jo eáang' nicafî i jaléng' 'nú', dsea' líng'na' dsea' góo' dsea' Israel, cóo'gui dsea' i ja' líng' dsea' Israel, e niquí' jíng' yaang'na' fi' quini' Fidié' jogui e já' nilíng'na' júu' quíá' Fí'naa' Dsea' Jmáang'. ²² Jogui lanagui nii' i fi' Jerusalén laco' ta' quíu' Jmiguí' quíá' Fidié' e jí' ja' ñii' ee' nisijé' quíe' e jogui ee'

nidsingün n fí jo. ²³ Jo lajii' e ñii' e laco' fii' li' ní'i, jmab' jnea' júu' Jmiguí' quiá' Fidié' e nisijé' 'nú' quié' e osi jalé' iihu' e jié'gui é. ²⁴ Dsu' ja' e lí' quié' e e seen' tá' e júun' n dsu' lifa' e jmiti'baa jalé' e ta' na e iáang' dsii', lajii' ta' e ca'ín' n quiá' Fí'naa' Jesús e nijmiti'baa car' cató' có' jalé' ta' guia' júu' e Fidié' dsea' nijmi'neáiñ' jneaa'aa' nañi' fa' ja' catí'naa' e jo.

²⁵ Jogui lana niñi'baa e jii' jaang' 'nú' jo' nimáang'gui' jnea' calé' catú' fí' jmigü' la, dsu' lajee' táan' n có' 'nú' nicanáa'na' júu' e guiaa' quiá' jial iing' Fidié' quier' nifi' quiá' jaléng' dsea' jmigü'. ²⁶ Joba' iin' n fii' 'nú' lana, jaléng' dsea' có'ong', e song seeng' 'nú' i ja' cajmicuíng' Dsea' Jmáang', joba' o' dsee' quié' e song lajo. ²⁷ Dsuo' lajib' júu' quiá' Dsea' Jmáang' e si'í' guiaa' jee' 'nú' nicajmiti'baa, jo jii' có' fa' cajmé' e ja' cajmitii'. ²⁸ Jo lajob eáang' 'né' ñiing' ó'na', jogui jmee' í' yaang'na' có'gui lajaléng' dsea' i líng' dsea' quiá' Dsea' Jmáang' lí' laco'gui ta' nicaqui' qui'na' Jmiguí' quiá' Fidié' e nilíng'na' laco' dsea' jmóo' í' guiá' jo'se' quiá'. Jo lajob 'né' nijmee'na' í' jaléng' dsea' quiá' Dsea' Jmáang', co' la'eáang' có' jmi'oiñ' 'ña'r' dob e ca'uíng'na' dsea' quiá'r'. ²⁹ Jo niñib' jnea' e mi' ning' e ninín' n do, nijalíng' dsea' jiéng'gui i iing' nijmigó'ng' 'nú', jo i dsea' í' líiñ' laco' ie'dsinúu' i ni' oo' i iing' nijmiguiéng' quiá' jaléng' dsea' e laco' nitiúung' dsea' Dsea' Jmáang'. ³⁰ Jo lajee' yaam'bi' nigüeáng' i líng' 'nú' i nié' júu' e o' já' e laco' nijmigó'ng'na' dsea' quiá' Dsea' Jmáang' e nijmitir' e júu' e o' já' do. ³¹ Joba' 'né' e siñiim' áa'na' contó'ng'; jogui té' ó'na' e lajee' 'ni' jii' e calisén' n có' 'nú', dseáng' ja' catú' e fón' n 'nú' jalé' juguiá' júu' røø cartí' qui'baa uii' qui'na' na.

³² Jogui lana, dsea' rú'naa', nijáan' n 'nú' fí' jaguó' Fidié' jogui có' jalé' júu' e iáang' dsii' quiá'r'. Co' jii' íb' dsea' lí'r' e jmicó'r' 'nú' e laco' nilicuíng'gui' Dsea' Jmáang', jogui nicuó'r' 'nú' jalé' e si'í' nicuó'r' 'nú', dsea' líng'na' dsea' güeang' quiá'r', lí' laco'gui jii' júu' e nicacuó'r' jéeng'gui. ³³ Dsu' ja' e mi' camí'i 'nú' jii' có', o'gui cuu' o'gui 'mi'. ³⁴ Jo ja' cajmé' e lajo, co' niñib' 'nú' guiá' e cajmé' e ta' có' layaang' guó'baa e laco' sea'ba' jalé' e 'né' quié' e có'gui jaléng' dsea' i ngí' có' o' cajo. ³⁵ Jo contó'm' nica'é' e 'nú' e lajob 'né' nijmee'na' ta', jogui e jmicó'na' jaléng' dsea' 'né' quiá' lajo, jo lajee' jo jmiguiéng' ó'na' lajii' júu' e cajíng' Fí'naa' Jesús lajee' táaiñ' fí' jmigü' la mi' cajíñ' lala: "Juguiá'gui quiá' i dsea' i líng' ee'go cuó'r' dsea' rú'ñ' laco'gui i dsea' i líng' ee'go íng' quiá' dsea' rú'ñ'."

³⁶ Jo mi' cang' e cajíng' Paa' jalé' e júu' na, jo casí'r' uó' jnir', jo caféiñ' Fidié' có' jaléng' i dsea' caguiaang' do. ³⁷ Jo lajii' i dsea' do calijiuung' dsí'r' jogui canaaiñ' røøiñ' Paa' jogui casá'r' guo' dsea' do, ³⁸ jogui eáam'bi' fí' lí' calíiñ' cajo, co' e cajíng' Paa' e jo niníng'gui rú'ñ' có'iñ' do. Jo mi' cang' jo, cangojeám' i dsea' do Paa' cartí' lí' ca'í' dsea' do fí' dsii' móo'.

21

Mi' cangáng' tu Paa' fí' Jerusalén

¹ Jo ie' jo, dob ca'í'naa' júu' jaléng' dsea' quiá' Dsea' Jmáang' i seeng' fí' jo, jogui jnea' cangó'baa' condsé' fí' có' guó' uó' jii' e né' ni' jmiñi' e sii' Cos e té'naa' fí' dsii' móo'. Jo mi' cajneá' lajo, caguié'naa' fí' Rodas. Jo fí' job ca'uøø'naa' e cangó'naa' fí' Pátara. ² Jo fí' job cajíng'naa' có' móo' e iu' fí' ngóo' fí' lí' se' Fenicia, joba' có' e job cangó'naa'. ³ Jo lajee' ngóo'naa' ladob cane'naa' Chipre e né' ni' jmiñi', jo cajé' lí' lí' guó'naa' tuung' mi' cangíng'naa' fí' jo. Jo cangó'baa' cartí' lí' se' Siria. Jo co' e móo' do ngóo' ngocá' lee' fí' có' oo' jmi' lí' sii' Tiro e né' lí' se' Fenicia, joba' có' e móo' job cangó'naa'.

⁴ Jo e fii' job cajíng' rú'naa' có' jaléng' dsea' quiá' Dsea' Jmáang' i neáang' fí' jo, jo có' íb' cajé'naa' lajee' guié' jmi'. Jo Jmiguí' quiá' Fidié' nicasí' i dsea' í' e laco' nijmeáiñ' do júu' Paa' e ja' nidsé' dsea' do fí' Jerusalén co' dseám' quiá'r'.

⁵ Jo mi~ casúung~ e guié~ jmi~ do, ca'uøø~baa' colíing~ cóo~ jaléng~ dsea` quiá~ Dsea` Jmáang~ i neáang~ fí jo, jo jéeiñ~ latøøng~ sinúu^ quiá~ bre cangojeáaiñ^ jnea^ fí 'ni' jmiñí^, dseañu^ cóo~ jaléng~ dseam^ quiá~r~ jogui jaléng~ jiuung~ quiá~r~, jo colíim~ ca'uøø~naa' catí 'ni' fi~ do. Jo mi~ caguié~naa' fí 'ni' jmiñí^, lajalé'naa' do casí'naa' uó~ jni'naa', jo caféeng~naa' Fidiéé. ⁶ Jo lí~ jo, ca'íi~ júu^ rú'naa', jo mifíing~ casó'baa' dsí' móo', jogui i dsea` do caquim~tur cangolíiñ~ fí quiá~r~.

⁷ Jo mi~ ca'uøø~naa' fí Tiro, jo caguié~naa' fí Tolemaida. Jo fí job cató' e ngi'naa' cóo~ móo'. Jo fí job cajo caféeng~naa' jaléng~ dsea` quiá~ Dsea` Jmáang~ i neáang~ fí jo, jo cajé'baa' cóo~r~ cóo~ jmi~.

⁸ Jo mi~ cajneá~ lajo, ca'uøø~baa' fí Tolemaida, jo caguié~naa' fí Cesarea. Jo mi~ caguié~naa' fí jo, cangó~naa' fí quiá~ i Lii~ do, dsea` i guía' júu^ quiá~ Dsea` Jmáang~ i quíing~ jee~ dsea' guiáng~ i jmicóo~ dsea` i oo~ ta~ quiá~ Fidiéé, jo fí job cajé'naa' cóo~r~. ⁹ Jo i Lii~ do niseeng~ quiúung~ jóor~ simí^ i nicangíng~ e jmóor~ ta~ fé~ cuaiñ~ quiá~ Fidiéé.

¹⁰ Jo ningóob~jiu jmi~ e taang~naa' fí do mi~ caguié~ jaang~ dsea` Israel i jáa' fí Judea i nisii' Agabo; jo i dseañu^ i ni'óor~ ta~ e fé'r~ cuaiñ~ quiá~ Fidiéé. ¹¹ Jo mi~ cangoquiéng~ i dsea` do fí quini'naa', jo catíiñ~ e 'mi' e 'ñúu' tu' Paa~, jo cóo~ e job ca'ñú'r' guóor~ cóo~ tii~r~ jo cajíiñ~:

—Lalab~nicajíng~ Jmiguí^ quiá~ Fidiéé e ni'ñúng~ dsea` góo'oo' dsea` Israel i fi~ quiá~ e 'mi' 'ñúu' tu' la, jogui nijaiñ~ dsea` do jaguó' jaléng~ dsea` i ja' líng~ dsea` Israel.

¹² Jo mi~ canú'naa' e júu^ na, jnea^ colíing~ cóo~ jaléng~ dsea` quiá~ Dsea` Jmáang~ i neáang~ fí Cesarea, jo camí'naa' Paa~ jmi'ee~ e laco' ja' ni'ír' fí e nidsér~ fí Jerusalén.

¹³ Dsu' Paa~ cañiir~ jo cajíiñ~:

—¿Jialí' jiuung~ oo' 'nú' uii~ quié~ jnea~, jogui jmáang~na' jnea~ e lín~ n fi'í? Co' ja' e lí' quié~ jnea~ e ni'ñúng~ dsea' jnea~, co' ja' 'gó'o e cartí jngám~ bre jnea~ fí Jerusalén song lajo uii~ e jmóo'o ta~ guía' júu^ quiá~ Fí'naa' Jesús.

¹⁴ Jo co' ja' calí'guí' e ca'í~ júung~ Paa~ fa' e ja' nidsér~ fí Jerusalén, jo jíi~ e laba' casí'guí'r:

—Gülib~lajíi~ e iing~ Fidiéé cóo~ 'nu'.

¹⁵ Jo mi~ cangí e jo, caguiá'baa' guiá~ qui~naa', jo cangó~baa' colíing~ cóo~ Paa~ fí Jerusalén. ¹⁶ Jo cangolíim~bi cóo~ jnea^ cóo~ tú~ míing~ dsea` quiá~ Dsea` Jmáang~ i neáang~ fí Cesarea.

Jo mi~ caguié~naa' fí Jerusalén, jo cangojé'naa' fí quiá~ jaang~ dseañu^ i nilíng~ dsea` quiá~ Dsea` Jmáang~ lajíi~ líi~, jo siir~ Mnasón, jaang~ dsea` i seeng~ fí lí' se' Chipre.

Mi~ cango'ee~ Paa~ i Tiáa~ do

¹⁷ Jo mi~ caguié~naa' fí Jerusalén, jaléng~ dsea` quiá~ Dsea` Jmáang~ i neáang~ fí jo ca'íiñ~ jnea^ e iáang~ dsíir'.

¹⁸ Jo mi~ cajneá~ lajo, cangób~ Paa~ cóo~ jnea^ e cango'ee~naa' i Tiáa~ i quie' nifi' quiá~ dsea` quiá~ Dsea` Jmáang~ fí Jerusalén. Jogui ie~ jo, fí job siseáng~ jaléng~ dsea` cóong~ quiá~ Dsea` Jmáang~ cajo. ¹⁹ Jo mi~ caguié~naa' quiá~ i dsea` do, cacuø' Paa~ guicóo~ jaléng~ i dsea' siseáng~ do. Jo mi~ cangí jo, casí' reiñ' la'uiing~ lanú' jalé' e cajmée' Fidiéé cóo~ ír' lajee~ e caguiar' júu^ quiá~ Dsea` Jmáang~ jee~ jaléng~ dsea` i ja' líng~ dsea` Israel. ²⁰ Jo mi~ canú~ Tiáa~ cóo~ jaléng~ dsea' cóong~ do jalé' e guiá~ e cajmée' Paa~ la'eáang~ cóo~ güea^ quiá~ Fidiéé jo canaaiñ~ jmiféiñ' Fidiéé. Joba' casí'r~ Paa~ jo cajíiñ~:

—Lajob líi', ruu'. Niñib^ 'nu' e lajee~ dsea` góo'oo' dsea` Israel, i lí' lí' milbing~ i nijá' calíng~ júu^ quiá~ Dsea` Jmáang~, jo lajím~ i dsea' í jmo'r' 'goo' jo fé'r' e dseáng~ guím'ba' 'né' e nijmití'bí' jalé' júu^ quiu' ta~ e casée' Moi'. ²¹ Jogui nicajmées~ i dsea' na júu^ e 'nu' nica'éé' jaléng~ dsea` Israel i seeng~ jee~ dsea` i ja' líng~ dsea` Israel e jo 'né' nijmitir~ lajíi~ júu^ quiu' ta~ quiá~ Fidiéé e cajme' Moi', jogui nicasí' re e ja' 'né' tér~ lí' fí ngúu'

táang` jiuung` siñuú` quiá'r` lí` laco' litíng` jaléng` jnea', dsea` lí`#i' dsea` Israel, o'gui` 'né` jmitir` jalé' e tñ`naa', dsea` lí`naa' dsea` Israel cajo. ²² Jo ¿e`gui` nijmó`oo' jóng? Co' niliñb' jaléng` dsea` góo`naa' la e nicagüén`- fí' la. ²³ Jo jji'` mñ' laba' sea` e 'né` jmée' lala: Lana seeng` quiúung` dseañu'` jee` jneaa`aa' e iñ` nijmitir` lajji'` júu` e cacuø'r` Fidiée` lami` jéeng`gui. ²⁴ Joba' gua` cóo'` i dsea` í` jo güijmee` jalé' e tñng` dsea` na laco' niliguiún`- fí' quini` Fidiée` colíng` cóo'r`. Jogui` qui` quiá'- jalé' e 'né` i dsea` quiúung` do e laco' niliti` lajji'` e si'í' fí' quini` Fidiée`, jo lajoba' cuøong` e niñu'` guir` e laco' cuø' li` e cajmitir` e júu` do fí' quini` Fidiée`; jo lajob niliñir` lajjiñ` e o'` já'- jalé' e nicajíng`- dsea` góo`oo' dsea` Israel uii` qui'` do, co'` nicaliñ`bre e 'nu` núu`ba' lajji'` júu` quiu'` ta` quiá'- Fidiée` e cajme'` Moi` do. ²⁵ Jogui` nicasiing`naa' júu` e nicasiñ`naa' røø` jalé'naa', dsea` téé`naa' nifí' quiá'- dsea` quiá'- Dsea` Jmáang`, jo caguiéng`naa' júu` quiá'- jaléng` dsea` i ja` líng` dsea` Israel i nijá'- calíng` júu` quiá'- Dsea` Jmáang` e fé' lala: Ja` cuøong` cø'na' ngúu' quiá'- jaléng` jó' i nicajíng` dsea` jíéng` fí' quini` diée` quiá'r`, o'gui` cuøong` cø'na' jmi'øong` jaléng` jó', o'gui` ngu` jaléng` jó' i nisiyáang` jmi'øong`, o'gui` cuøong` 'léer` e güiing` dseañu'` o'si dseamí` cóo'` dsea` i o'` quiá'r`.

Mí` casó`-tu` dsea` quiá'- Paa` fí` dsí'` guá'- fé'` e si'` fí' Jerusalén

²⁶ Jo lajob cajmée` Paa`, cangó`-bre cóo'` i dsea` quiúung` do mí` cajneá` lajo, jo cajméer` jalé' e caquiú'` Moi` ta` laco' cuøong` e niliguiúng` dsea` fí' quini` Fidiée`. Jo mí` cangí` jo, ca'í`bre e dsí'` sinúu` guá'- fé'` e si'` fí' Jerusalén do quiá'- e nijmér` júu` cóo'` i dsea` quié` nifí' quiá'- guá'- do lí` jmñ` e i dsea` quiúung` do nijmité'r` jalé' e ta` caquiú'` Moi` do e laco' cuøong` nidsicar` jalé' e si'í' e nicuø'r` Fidiée` lajaang` lajaañ`.

²⁷ Jo mí` nijaquíem`ba' e nidsíng` e jmñ` guié` do mí` cangá` i líng` dsea` Israel i seeng` fí' lí` se'` Asia e iuung` Paa` fí' dsí'` sinúu` guá'- do. Jo dsifí' lajob canaañ` ta'r` mñ'` jee` jaléng` i dsea` i teáang` do, jo casañ`- dsea` do, jo canaañ` fé'r` teá` jo cajíñ`-:

²⁸ —Jaléng` dsea` rú`uu' dsea` Israel ñilíng`na' ñijmicóo'`na' jnea'` fí' la, co'` lab sing'` i dseañu'` dsea` góo`oo'` i ngí' ta` guía' júu` e ja` cóong` røø` cóo'` lajji'` e tñ`#i' fí' góo`naa', o'gui` cóong` røø` cóo'` júu` quiu'` ta` quiá'- Fidiée` e cajme'` Moi` cóo'`gui` guá'- qui`-ii' cajo. Jo ja` mí` cajmí`gór` guá'- güeang` quí`-ii', co'` cajajéiñ` fí' dsí'` sinúu` guá'- qui`-ii' dsea` i ja` líng` dsea` góo`oo' dsea` Israel.

²⁹ Jo café'` i dsea` do lajo, co'` cangár` lami` jéeng`gui e ngí' jaang` dseañu'` i ja` líng` dsea` Israel i seeng` fí' Éfeso i si'` Tróximo cóo'` Paa` fí' Jerusalén, jo líñ` e caguijéng` i Paa` do i Tróximo do fí' dsí'` sinúu` guá'-, dsu'` o'` já'- e cajméer` lajo.

³⁰ Jo mí` canúu` jaléng` dsea` i caseáng'` ie` jo jalé' e fé'` i do uii` quiá'- Paa`, jo sóong` canaañ` ta'r` mñ'`. Jo dsifí' lajob caguilíng` dsea` cuíir` fí' lí` sing'` Paa` dsu'` núur` e téé` mñ'`, jo caseáng'` latøong` fñ` fí' lí` taang` i Paa` do. Jo jaléng` i dsea` do casam`-bre Paa` jo cajñúuñ` dsea` do cartí' caluu` e guá'- do, jogui` cajní'bre jñí' quiá'- e sinúu` guá'- do cajo. ³¹ Jo si'í' e tí` nijngám`-bre i Paa` do mí` caguié` júu` fí' quini` fii` féng'` quiá'- 'léé` romano e sóong` ta'` jaléng` i dsea` i seeng` fí' Jerusalén do mñ'`. ³² Jo dsifí' lajob cangolíñ` cuíir` cóo'` i 'léé` quiá'r` cóo'`gui` i quiu'` ta` jee` ír` fí' lí` ta'` i dsea` do mñ'`. Dsu'` mí` cangá` jaléng` i dsea` i siseáng'` fí' lí` sing'` Paa` do e ngolíng` i 'léé` romano do cóo'`gui` fiir`, jo caquium`bre e bøøiñ` i Paa` do dsifí' lado. ³³ Jo i fii` féng'` quiá'- i 'léé` do cangoquíeíñ` fí' lí` sing'` Paa` jo casang`-neiñ`, jo caquiú'r` ta` e niñúñ` Paa` cóo'` tú` ñí` cadena. Jo mí` calí` e cañúñ` i Paa` do, jo canaañ` jmingí'r` i dsea` siseáng'` do jo cajíñ`-:

—¿I`gui` i dsea` ná? ¿E`gui` e nicajméer`?

³⁴ Jo teá'gui` eáang` café'` jaléng` i dsea` do. Jo i líng` fé'` e jié', jogui` e jié'gui` fé'` i líng`, jo ja` calí'` i fii` 'léé` do fa' caliñir` e` uing` e ta'` i dsea` do mñ'`. Jo lí'` caquiú'r` ta` e cangáng'` i Paa` do fí' 'núu' quiá'- jaléng` i 'léé` do. ³⁵ Jo mí` caguilíng` i 'léé` i téé` Paa` do fí' lí` téé' jóo` lí` soo` dsea` e nidsitáañ` e fí' dsí'` sinúu` quiá'- jaléng` i 'léé` do, jo cadsím`bre i Paa` do fí' yú'` nar`, co'` dsíng`- ga` jmóo` jaléng` i dsea` i teáang` do e iñ` nijmeañ` ga` Paa`.

³⁶ Jo lajm̄m̄ i dsea` do ngoliñ- ti'leáañ' laco' ngang' i Paa- do e jée' i 'lée- do, jo ta'r' m̄h̄' jo fé'r':

—jngang'na' i dseañu' ná!

Mi~ cajmi'ðng' Paa- ñia'r' f' quini' jaléng' dsea' f̄h̄'

³⁷ Jo tí' l̄i' nitám' i 'lée- do Paa- f' dsí' sinúu^ quiá'- jaléng' 'lée- mi~ caféng' Paa- i fi~ 'lée- do cóo'~ jmí' griego jo casí'r-:

—¿Su cuøøng' nis̄ing~ teáa cóo'~ 'nu' cateá'?

Joba' cañi' i fi~ 'lée- do quiá'- Paa-:

—¿Su t̄im'ba' fo^ jmí' griego? ³⁸ ¿Su o' 'nu' i dsea' egipto i 'ní' níng- jaléng' dseata~ cóo'~ jaléng' dsea' ie~ ja' m̄ ngóo' na i calí' caseáng' quiá' mil dseañu' f' jee~ mó', jo cangir' ta~ jngang' dsea'?

³⁹ Jo cañi' i Paa- quiá'- i fi~ 'lée- do:

—U~, o' í' jnea~. Jnea~ l̄in'n jaang' dsea' Israel, jo calisén'n f' cóo' f̄h̄' niing- e sií' Tarso e née' l̄i' se' Cilicia. Jo car' uii~ dié~ cuøø' tea' jnea~ f' e nifón'n jaléng' dsea' f̄h̄' lana.

⁴⁰ Jo cacuøb' i fi~ 'lée- do f' e nifé' i Paa- do. Jogui dob nisiñ' cartí' yá' joo~ l̄i' teáng- dsea' f̄ing' do, jo cóo'~ guoo'bre cajméer' l̄i' e caquiung' i dsea' do e ta'r' m̄h̄'. Jo mi~ ca'h̄- tii~, joguiba' canaang' Paa- e féiñ' jaléng' i dsea' do cóo'~ jmí' hebreo jo cajíñ'- casí'- reiñ':

22

¹ —Dsea' rú'uu', dsea' góo'o dsea' Israel, cóo'~ gui jaléng' dsea' i l̄ing' dsea' mogui~ quí-ii', núu-na' júu^ quié- e e nifá'a quiá'- jalé' e nicajmé- e e laco' ningáng'na' e o' já'- jalé' dsee- e cuø'na' jnea~.

² Jo mi~ canúu- jaléng' i dsea' Israel i teáng- do e fé' Paa- cóo'~ jmí' quiáñ'- do, eáang'gui tii- cajer'. Jo café'gui Paa-:

³ —Jnea~ l̄in'n dsea' Israel laco' 'nú', jogui calisén'n f' cóo' f̄h̄' e sií' Tarso l̄i' se' Cilicia. Dsu' f' Jerusalén lab l̄i' cacuán- n, jogui cajmit̄in'n cóo'~ jaang' tifa' i niing- quí-ii' i sií' Gamaliel. Jo f' job cajmit̄in'n jalé' e t̄ing' dsea' góo'naa' e jmóor' lajii' tí' mal̄i~ jogui latí' lana. Jogui contøøm- nicajmi'úun' e nicajmitii- jalé' júu^ quiu' ta~ quiá'- Fidié~ car' ngocáng' dsii- laco'gui la jmoo' 'nú' lana cajo. ⁴ Jo lamí~ jéeng'gui gab' cajmeáan'n jaléng' dsea' teáng- f' guiá- cóo'~ Dsea' Jmáang-, jogui ca'ñún'nre, jogui catán'nre dsí' 'nuñi^ cóo' gui'náb^, dseañu' dseam̄b, jo seem' i l̄ing~ dsea' do cartí' cajúm-bre. ⁵ Jogui jaléng' i dsea' mogui~ quiá'- fi~ jmidsea' quí-ii' cóo'~ gui jaléng' dsea' cøøng'~ quí-naa' ñi'bre guiá- dseáng'- e jáb'- lajob cajmé- e. Dsuco' í'bing' i cacuø' jnea~ jalé' jì' e quiee- quiá'- dseata~ i neáang' f' Damasco e laco' nicuø'r- jnea~ f' e nijmán'^n dsea' quiá'- Dsea' Jmáang- i seeng' f' jo, jo nitøø- re f' Jerusalén, jogui nijmihuñ'nre f' jo cajo.

Mi~ cajíng'- Paa- jial calicúñ' Dsea' Jmáang-

(Hch. 9:1-19; 26:12-18)

⁶ Dsu' ie~ jo, lajee~ e iuun- f' ngóo'o f' Damasco, jo mi~ catí' í' e guieñi' joo', jo lajee~ e nijaquíeeiñ' niguiéé' f' Damasco, cóo' cajném- cóo' jì' e jì' eáang' e jáa' f' yá' jmigüi, jo dsíng'- cajneá- lacúng' lajíng' l̄i' ngóo'naa'. ⁷ Jo dsifí' lajob caquin'- n f' ni~ uø-, jo canú-u e l̄ing- i' guicafé' f' yá' jmigüi jo guicajíñ'- sí'r- jnea~: “Saulo, Saulo, ¿jialí' ngi' jmáan' jnea~ ga?” ⁸ Joba' cangii- quiá'- i guicafé' do jo cafá'- a: “¿I' 'nu', Fí'i?” Joba' cañi'tu i guicafé' do jo guicajíñ'-: “Jneab~ Jesús i caliséng' f' Nazaret i ngi' 'nu' jmáan' ga' lana.” ⁹ Jogui jaléng' dsea' i ngolíng- cóo'~ jnea~ ie~ jo cangá-bre e jì' do joba' eám' cafóñ', dsu' ja canúur- luu~ i guicafé' do i cató'- jnea~ do, jii' jneab~ dsea' canú-u. ¹⁰ Jo cangii- jnea~ quiá'- i guicafé' do jo cafá'- a: “¿E~ 'né- nijmee~ e, Fí'i?” Jo cañi'tu i guicafé' do jo guicajíñ'-: “Ráan'- jo gua~ f' iuun'- f' Damasco, jo f' job nilijmeá' júu^ jalé' e 'né- nijméé'.” ¹¹ Jogui dsuco' tiuum-baa cajá'a uí' e jì' e jì' e cajnéng- do, joba' i dsea' i ngolíng- cóo'~ o do, í'bing' i cajéng' jnea~ cartí' caguié- e tí' Damasco.

12 'Jo e fi' jo niseeng` jaang` dseañu' i nisii` Ananías i eáang` jmi'gó Fidiée` jogui eáam` núu'r` júu` quiu' ta` quiá'- Fidiée` e cajme' Moi`. Jo jaléng` dsea` góo'oo' i seeng` e fi' Damasco do guiúb` fé'r` uii` quiá'- i Ananías do. 13 Jo i Ananías do cangór` fi' li` cajá'a. Jo mi` caguiér` fi' jo, jo casí'r` jnea~: "Saulo ruu'", güilijnéb'tu' calé` catú`." Jo dsifi' lajob calijné'túu, jo nicuøøm` jøø`ø` calé` catú`. 14 Jo cajíng'-gui i Ananías do casí'r` jnea~: "Tiquí'ii' Fidiée` nica'náaiñ` 'nu' e laco' niliñí'^ jalé' e iing` Fidiée` e nijmée'^, jogui ca'náaiñ` 'nu' cajo e laco' nimáan` Dsea` Jmáang` i líng' Fidiée` i ja` dsee` óo` júi` coo` jogui ninúu'^ jalé' e fé'r` dseáng'- ñia'r'. 15 Co' 'nu'b` dsea` ni'uín'- dsea` quiá'r`, jogui nijmée` dsea` júu` la'úng` fi' jmi'güi' lajalé' e niñíi'- jogui lajalé' e ninúu'- cajo cuaiñ` quiá'- Dsea` Jmáang`. 16 Jogui lana, ¿e` e sijeeng` guí'? Sín'- jo nisán` jmi' e laco' cuø` li` e ca'uín'- dsea` quiá'- Dsea` Jmáang`, jogui mi' dsea` do e ni'íiñ` dsee` quií'."

Mi` cajmée` Paa` júu` jial mi` cango'eer` dsea` i ja` líng' dsea` Israel

17 'Jo mi` caquin`-n e cagüean`-n fi' la fi' Jerusalén, jo cangó` o fi' guá'` fé' e cangofón`-n Fidiée`. Jo lajee` jo camó` o líng` ee` camó` o lafa' mi` qui' dsea`. 18 Jo camán`-n Fii'naa' Dsea` Jmáang` e jiiñ` sí'r` jnea` lala: "Jmi'úung` quií'-, jo júu' lajminá` fi' na fi' Jerusalén co' ja` nijmijii` jaléng` i dsea` i seeng` fi' na lajii` júu` e guia'` quié`-e." 19 Jöba' jnea` lalab cangü` quiá'- dsea` na jo cafi`-ire: "Fí'i, ñib` i dsea` do guiú` e jnea` ngü` lacoo` lacoo` li` téé` guá'` quiá'- dsea` góo'oo' e jmán`-n jaléng` dsea` i cuíng` 'nu', jogui tøø`-re fi' 'nuñí' jogui jmi'huñ`-nre cajo. 20 Jogui ie` do mi` cajngang` dsea` i Téé` do, jaang` dsea` i cajmée` lajii` e iing` 'nu' jogui caguiar` júu` quií'- cajo, dob síng` jnea` ie` jo e cuøø` júu` quié`-e e cajnga'` dsea` quiá'- i Téé` do. Jogui jnea`-bi cajo dsea` cajmé`-e í` sí'^ i dsea` i cajnga'` quiá'- i dsea` do lajee` e cajngang`-neiñ'." 21 Jo dsu' cajíng'- Fí'i Dsea` Jmáang` casí'r` jnea~: "Teáng' fi' uø', dsuco' lana nisín`-n 'nu' fi' fi' li` huíi` li` seeng` dsea` i ja` líng' dsea` góo' dsea` Israel."

Mi` casüng` Paa` cóo'` jaang` fii` 'lée`

22 Jo júi` job júi` caquiuiñ' núur` júu` quiá'- Paa`, co' mi` canúur` e nidsé` dsea` do e niguiár` júu` quiá'- Dsea` Jmáang` jee` jaléng` dsea` i ja` líng' dsea` Israel, jöba' canaaiñ` óo'tur` jo fé'r': "Ja` 'né` e seeng` i dsea` na fi' jmi'güi' la! i jngang`-naiñ' na!" 23 Jogui ta` biguiar` mi' jogui bó'r` 'lee' toq` sí'r`, jogui bí'r` 'lee' fi' yá'^ cóo'` jaguór` co' dsíng'- guíiñ`.

24 Jöba' i fii` 'lée` do caquiur' ta` e nitáaiñ' Paa` fi' dsí' 'nu' jaléng` i 'lée` do. Jogui caquiur' ta` cajo e nibøøng` dsea` do cóo'` loo' e laco' dsea` do nijmér` júu` jiali' e ta' jaléng` dsea` mi' uii` quiá'r`. 25 Dsu' lajee` e ni'ñúum` Paa` røø` e lico' dsí'íng'gui e nibøøm`-breiñ' do, lajee` job cajmingí'- Paa` i dsea` nu'luu` quiá'- fii` 'lée` i sí'í' nijmeáng' ga` ír` do jo cajíñ'- casí'-reiñ':

—¿Su seab` fi' quií`-nú' e nijmi'huñg`-na' jaang` dsea` i caliséng` fi' li` quiu' dsea` romano ta` e júi` ja` mí` calita`-bi dsí' su dseáng'- óor` dsee`?

26 Jo mi` canúu` i dsea` nu'luu` quiá'- i fii` 'lée` do e cajíng'- i Paa` do lajo, jöba' dsifi' ladob cangáiñ'- e cangojmée'r` júu` i fii` 'lée` do quiá'r` jo casí'-reiñ':

—¿E` nijmée` 'nu' cóo'` i dseañu' do, co' dsea` caliséng` fi' li` quiu' dsea` romano tab` jiiñ` e líiñ`?

27 Jo dsifib` cangoquiéeng` i fii` 'lée` do fi' li` síng' Paa`, jo cajmingí'-reiñ' do jo cajíñ'-:

—¿Su jáb'- e dsea` romanob líng' 'nu'?

Jo cañí' Paa` quiá'- i fii` 'lée` do jo cajíñ'-:

—E jáb'-, íb` jnea`.

28 Jo cañí'tu` i fii` 'lée` do quiá'- Paa` jo cajíñ'-:

—Jial jnea` eáam` cacáng`-cuu` quié`-e e ca'uín`-n dsea` romano.

Jo cañí'tu` Paa` casí'r` i fii` 'lée` do:

—Dsu' jnea` líñ`-n dsea` romano latí' mi` cangáam`-baa.

²⁹ Jo jaléng' i dsea i sí'á nijmihu'ing i Paa do, caliúum yaaiñ' fí quini' dsea do. Jo jiguí i fii' 'lée do caliúum 'ñia'r cajo mi' caliñir' e dsea romanob líng' i Paa do; jogui ca'ib' fò' quía'r- dsu' e nica'núng' neiñ' jéng'gui.

Mi' cangojéiñ' Paa fí quini' dsea quie' nifi' quía' dsea Israel

³⁰ Jo mi' cajneá' e jmii' jo, co' eám' iing' i fii' 'lée do e niliñir' røø' e uing' e dsee e jmoo' dsea Israel quía' i Paa do, jo cajé'bre e ñi' cadena e 'ñúung' dsea do, jo caquiur' ta' e niseáng' jaléng' fii' jmidsea' cóo'gui jaléng' dseata' i quie' nifi' quía' dsea Israel e niseáiñ' do coling' e quía' nisíñ' uii' quía' i Paa do. Jo mi' nisiseáng' jaléng' i dsea do, jo caquiur' ta' e cagü'ib' i Paa do fí dsí' 'nañi', jo cangojéeng' neiñ' fí quini' jaléng' i dsea i caseáng' do.

23

¹ Joba' cajøøng' Paa jaléng' i dsea i quie' nifi' quía' dsea Israel i caseáng' do jo casí' reiñ':

—Dsea rú'uu', eám' guiá' nica'ee' jnea' fí quini' Fidié' latí' lana, co' ñi'baa e jmang' e guiá'ba' nicajmé' e fí quini' dsea do.

² Jo dsifí' lajob i dsea mogui' quía' jaléng' fii' jmidsea' i sii' Ananías caquiur' ta' quía' i dsea i teáng' quía' laco' sing' Paa e nijnéiñ' do moni' Paa.

³ Dsu' i Paa do cañir' dsifí' lado, jo casí'r i jmidsea' Ananías do jo cajíñ':

—iFidiéeb' nibá' quí' 'na' cajo, dsea jløng'! Song 'na' guin' na lana quía' niquidsi' í' lajii' laco' júu' quia' ta' quía' Fidié' e laco' sí'ib', jo zjali' e 'na' quía' ta' e nibøøng' dsea jnea' Co' fé' fí ni' júu' quia' ta' quía' Fidié' e ja' cuøøng' jmé' dsea lajo.

⁴ Joba' cañi' i dsea i teáng' do quía' Paa jo casí' reiñ':

—¿Su lanab fí' dsea mogui' quía' jaléng' fii' jmidsea' quía' Fidié'?

⁵ Joba' cañi'tu Paa quía' i dsea do jo cajíñ' casí' reiñ':

—Dsea rú'uu', ja' ñi' jnea' e i dsea na líiñ' dsea mogui' quía' jaléng' fii' jmidsea', joba' café' a lajo, dsu' faco' ñi' jnea' e lajo, ja' café' a lajo jóng. Co' fí ni' jii' quía' Fidié' e cajme' dsea maliñ' lalab fé': “Ja' fo' ga' quía' dsea i quia' ta' fí góo'.”

⁶ Jo mi' calilí' Paa e i líng' i dseata' quía' dsea Israel i caseáng' do líiñ' dsea saduceo, jogui i líng'guiñ' do quíñ' jee' dsea Israel i líng' dsea fariseo, joba' cajíng' Paa casí'r i dsea do cóo' júu' teá jo cajíñ':

—Dsea rú'uu', dsea fariseob líng' jnea' cajo, jogui dsea siju' dsea íb' jnea' cajo. Jogui i dsea na 'ñiñ' jnea' co' e já' lín'n e jí'tu dsea mi' ningf' e júuiñ'.

⁷ Dsu' mi' cató' fé' Paa e jo, jaléng' i dsea i líng' fariseo do cóo'gui jaléng' dsea i líng' saduceo canaiñ' e jmiquím' dsí' rúñ' lajee' yaaiñ', jo ca'uíng' tú' 'lé' i dsea i caseáng' do ie' jo. ⁸ Co' jaléng' i dsea i líng' saduceo do fé'r e jo jí'tu dsea mi' ningf' e nijúuiñ', jogui fé'r e ja' seeng' jaléng' ángeles o'gui sea' jalé' jmiguí' quía' dsea; dsu' jaléng'gui i dsea i líng' fariseo do jáb' líiñ' jalé' e júu' jo. ⁹ Jo lajim' i dsea do cató'r' mí' calé' catú', jogui i líng'gui i tifa' quía' júu' quia' ta' quía' dsea Israel i quíng' jee' dsea i líng' fariseo, íb' dsea caroor' jo casíng' yaaiñ' jo cajíñ':

—I dseañu' la jí' coo' e ga' ja' e mí' cajméer'; lí' jangám' song nicasíiñ' cóo' jaang' dsea guí' osi cóo' jaang' ángel é.

¹⁰ Dsu' eáng'gui ta' jaléng' i dsea do mí' lacoo' ya'. Jo i fii' 'lée do café'm'bre fíng' cajmé' i dsea do cui' Paa. Joba' cató'r' tú' 'ni' máng' 'lée quía'r e laco' niguíng' neiñ' lí' iuiñ', jo nidsijeáng' neiñ' fí 'na' jaléng' i 'lée do calé' catú'.

¹¹ Jo mi' canu' coo'gui jmii' lajo, cajmijnéeng' 'ñia' Fí'naa' Dsea Jmáng' fí quini' Paa jo casí' reiñ' jo cajíñ':

—Cuøø' bí' uø', Paa, co' laco' nicaguiá' júu' quie' e fí Jerusalén la, lajob 'né' guiá' júu' quie' e cajo fí Roma.

Mi casang dsea jial nijngaiñ Paa

¹² Jo mi cajneá e jmiñ jo, i liing i dsea Israel do casaiñ røø e nijngaiñ i Paa do, jogui cacuø' júu rúin lajee yaaiñ do e dseáng' ja nidø'r o'gui ni'f'r jii coo cartí nilí'r e nijngaiñ Paa. ¹³ Jo jaléng' i dseañu' dsea Israel i casang lajo tír lí'gui lí' tuláin. ¹⁴ Jo cangoliñ fi quini fii jmidsea quia' dsea góor dsea Israel cóo'gui fi quini dsea cóong' quia'r jo casí'-reiñ lala:

—Jnea' nicacuø'naa' júu qui'naa' lajee yee'naa' e ja ni'né' niquiee'naa' jii coo cartí nilí'naa' nijngáng'naa' Paa. ¹⁵ Jogui 'ná' lana cóo'gui i dseata i quie' nifi' qui'ii' caguaang'gui na, nifi'na' fii 'lée' e nijajeaiñ i Paa do dsa'ó' fi quini'na', jogui nijmee'na' e niligøiñ lico' nifi'na'r e nijmingi'na'r jalé' e dsee' e sea' quia'r la'uiing laná'. Jogui jnea', dsea tuláng'naa', nijmeáng' guiá' yee'naa' e nijngáng'naa'r guiá' fi ná'gui e nigüeiñ' catí la.

¹⁶ Dsu' jaang' siming', jóo i dseam' rúng' Paa do, nicaliñ'bre lajii e guia' guiá' i dsea do quia' e nijngaiñ i Paa do. Joba' cangór dsifí lado fi 'nu' jaléng' i 'lée' do fi li' iuung' Paa e cangojmee' reiñ júu'.

¹⁷ Jo mi ca'ing' Paa e júu do, dsifí lajob cató'r jaang' dsea nu'luu quia' fii 'lée' jo casí'-reiñ jo cajíñ':

—Jéeng' i siming' la fi quini fii quí', co' liing' ee' júu quie'bre e catíng' í.

¹⁸ Joba' i dsea nu'luu quia' i fii 'lée' do cajéeiñ i siming' do fi quini fii quia'r, jo lalab casí'r i fii quia'r do:

—I dsea' sijnang' i sii Paa do cató'r jnea', jo camí'r jnea' e cagajéen' n i siming' la fi quini', co' liing' ee' júu quier' quí'ba' jíñ'.

¹⁹ Jo i fii 'lée' do catíñ' guoo' i siming' do, jo cajéeng'neiñ fi coo' li' ja ii' dsea núu', jo cajmingí'-reiñ jo cajíñ':

—¿E' júu quie' quie'e, siming'?

²⁰ Joba' cañí' i siming' do jo cajíñ' casí'-reiñ':

—Fím' dsea góo' dsea Israel nicasaiñ røø e nimi'r' 'nu' fi' e dsa'ó' niguiéen' Paa calé' catú' fi quini jaléng' dseata i quie' nifi' qui'ii', dsea lí' dsea Israel. Jo i dsea í niguiar' guiá' e nijmigøiñ 'nu' e laco' nisíng'gui røø cuaiñ quia' dsee' e sea' quia' i Paa do. Dsu' e jo nijmér' e lí' laco' 'nu' niguiéem'ba' dsea do, jo lajob nilí'r' nijngáng'-neiñ. ²¹ Dsu' ja' ja' güilín', co' lí'gui tuláng' dsea góo' dsea Israel nisijeeiñ Paa e ñng' guiá' fi e iñ' nijngáng'-neiñ. Jogui nicacuø' júu rúin lajee yaaiñ e ja ni'f'r nidø'r jii coo' lajee e ná'gui e nilí'r' nijngaiñ Paa. Jogui lana, guiáb' nineaiñ e lico' sije'guir e niquiá' 'nu' ta' lajob e niguiéeng'na' i Paa na fi quini i dsea quidsí' í' do.

²² Joba' i fii 'lée' do casí'r i siming' do e ja ii' nisíñ' do jii' jaang' lajii' júu' e casaiñ' do. Jo mi cangí' jo, ca'f'bre júu' i siming' do.

Mi caguiéiñ Paa fi quini dseata dsea féng' i sii Félix

²³ Jo dsifí lajob i fii 'lée' do cató'r gáng' dsea nu'luu quia'r jo casí'-reiñ jo cajíñ':

—Guieeng'na' guiá' tú' ciento 'lée' i ngí' tí', jogui setenta i nigüea' cuea, jogui tú' cientogui i nicá' ñisú', jo nidsé'ee' fi Cesarea la ii' ná' e uøø na.

²⁴ Jogui caquiá'gui i fii 'lée' do ta' quia' i dsea nu'luu quia'r do e niguiéiñ' do guiá' cuea i nigüea' i Paa do. Jogui jaléng' i 'lée' do nisínú'r' júu' e nijaiñ' Paa e guiúm'biñ' fi quini i dseata dsea féng' i sii Félix i guing' líng' ta' fi Cesarea.

²⁵ Jo i fii 'lée' do casíñ' cóo' jì cóo' dsea quia'r e catíng' i dseata dsea féng' do jo lalab fé' e jì do:

²⁶ “Jnea' Claudio Lisias, fii 'lée' quia' dsea Jerusalén. Jo nisín' n e jì la e táng' 'nu', Félix, dseata dsea féng' i jmi'gó' dsea eáng' lí' quia' ta' fi na fi Cesarea. Guicóo'ba'.

²⁷ E laba' iin' n fii 'nu', e jaléng' dsea Israel i seeng' fi la nicasaiñ' i dseañu' la i sii Paa, jo sí'í' e nijngám'-breiñ'. Dsu' dsifí mi' caliñ' jnea' e dsea romanob líiñ', dsifí ladob

cangó-o cóo' 'lée- quié- e jo calaam-baare. ²⁸ Jo co' jnea~ iin~n e calidseáng' dsii- e~ uing~ e 'náiñ' i dsea` do, joba' cajóon~ nre fí' quini~ dseata~ i quié' nifí' quiá'- dsea` Israel. ²⁹ Jo job caguó' júu^ e ni'náiñ' dsea` do uí' e ja' jmiti~ Paa- lajii~ júu^ quiu' ta~ quiá'- Fidié~ e laco' tting' i dsea` góor' dsea` Israel do e jmóor'. Dsu' ja' e dsee- sea' quiáiñ' e eáang' fa' dsí' í' e nijngáng'- neiñ' o'gui e nitáng' neiñ' fí' dsí' 'nuí'. ³⁰ Dsu' mi~ caliñi~ e i dsea` Israel do niguiar' guiá- e nijngám'- bre Paa-, joba' fí' nab niguiéen~ n dsea` do cóo' 'na'. Jogui nicafii~ bí jaléng' i dsea` i 'náng' ír' do e nab nijmér- júu^ cóo' 'na' e~ uing~ e jmóor' dsee- quiá'- dsea` do. Jo lanab jii~ lí' júu^ quié- e, dseata~ Félix. Guicóo' ba'."

³¹ Jo 'ñia' e uóø jo jaléng' i 'lée- do cajéem bre Paa- fí' e fii' lí' sií' Antípatris lí' laco' ta~ caquiú' i fii~ quiá'r- do. ³² Jo mi~ cajneá- e jmii~ coo'gui do, jaléng' i 'lée- i cangolíng' e ngí' do caquiú' tur fí' Jerusalén fí' lí' si' 'na~ do. Jogui jaléng' i 'lée- i dsing~ cuea~ do cangolíim bre cóo' Paa- cartí' Cesarea.

³³ Jo mi~ caguilíng- i 'lée- i jéeng' Paa- do cartí' Cesarea, jo caju' bre e ji' do i dseata~ dsea` féng' i guing~ quiu' ta~ fí' jo, jogui cajám' bir Paa- cajo.

³⁴ Jo mi~ caliñir' e fí' lí' se' Ciliciab seeng' i Paa- do, joba' cajming' r- i Paa- do jie~ fii' lí' seeiñ'. Jo mi~ caliñir' e fí' lí' se' Ciliciab seeng' i Paa- do, joba' casí' reiñ' do jo cajíñ'-:

³⁵ —Mi~ nigüilíng- jaléng' i dsea` i jmóo' dsee- quiá'- do, joguib nisii~ naa' e~ uing~ e 'náiñ' 'na'.

Jo mi~ cangí' jo, caquiú' r' ta~ e jéeb' dsea` quiá'- i Paa- do, jo fí' dob cajmée reiñ' í' fí' dsí' 'naú' lí' caquiú' dseata~ Herodes ta~.

24

Mi~ cajmi'óng' 'ñia' Paa- fí' quini~ dseata~ dsea' féng' i sií' Félix

¹ Jo mi~ cangí' 'ñia' jmii~ lajo, caguíe- i dsea` moguí~ quiá'- jaléng' fii~ jmidsea` i sií' Ananías do fí' Cesarea colíng~ cóo' coo' tú- mung' dsea` cóong' quiá'- dsea` Israel cóo'gui jaang' dseañu' i tting' féeng' dsea` eáang' i sií' Tértulo. Jo jaléng' i dsea` la caguilíñ' fí' Cesarea do, jo caguiméer^ dsee- quiá'- Paa- fí' quini~ i dseata~ dsea` féng' i guing~ fí' jo.

² Jo mi~ cahuí' ta~ e caguijéeiñ' Paa- fí' quini~ i dseata~ do e quiá'- e nisíng- e júu^ do, joba' canaang' i Tértulo do e 'náiñ' Paa- fí' quini~ i dseata~ Félix do jo lalab cajíñ'-:

—'Máam' 'na', dseata~ dsea` féng' quí' ii', e la'eáang' 'na' ba' e see' naa' juguíú- júu^ røø. Jogui la'eáang' e eáam' tñin' cajo, jmiguiab' jalé' e guiú- nica'uíng- latøøng- góo' naa'. ³ Jo jaléb' e jo eáam' iáang' dsí' jnea', dseata~ quí' ii' Félix; jo gui'máam' ba' quiá'- jalé' e jo.

⁴ Jo ja' iin~n e jmi'íing' guú' 'na' eáang', fa' nijiéeb' o' e ninúu'^ lajii~ júu^ quí' naa' cateá' lajo. ⁵ Jo lana nicadsé' naa' jalé' e ga' e jmóo' i dseañu' na fí' latøøng- fí' jmigüi' e 'nóor' mii~ quiá'- jaléng' dsea` Israel e laco' ni'náng' dsea` quiá'- rúíñ'. Jogui lám' bir cajo dsea` moguí~ quiá'- coo' 'lé' dsea` Israel i sií' nazareno. ⁶ Jogui ja' jmi'gór' lajii~ e tñ' naa' fí' guá'- fé' quí' ii' fí' Jerusalén; co' iin~ nidsijéeiñ' dsea` i ja' líng' dsea` Israel fí' dsí' sinúu^ guá'- quí' ii' do, jo uing~ e joba' e caséng' naa' re. ⁷ Jo lami~ ii~ naa' ni'í' naa' í' quiá'r- jii' laco' fé' júu^ quiu' ta~ quí' ii', dsu' dsifí' lajob i fii' 'lée- i sií' Liasias do caguíñ' dsea` do laguidseaang- fí' jaguóo' naa'. ⁸ Jo cajíñ'- e lajaléng' jnea'^ dsea' cuøø- naa' dsee- catíng- e nija'níng' naa' r' fí' quini'.

⁹ Jogui mi~ calí' fé' Tértulo e jo, jogui café' gui jaléng' dsea` Israel i teáang- gui cóo' r~ do, jo jín'- e dseáng'- já'- ba' jalé' e jmóo' i Paa- do, jo røøb' dseáng'- sñiñ' cóo' i Tértulo do e jmóor' dsee- quiá'- Paa-.

¹⁰ Jo mi~ cangí' jo, i dseata~ Félix do cajméer' lí' cóo' guóor' e sí' r' Paa- e cuøøm' nifé' dsea` do júu^ quiá'r-. Joba' caróo- Paa- jo cajíñ'-:

—Eáam' iáang' dsii- e nijmi'óng' 'ñia' a quini' 'na', dseata~ quí' ii', cuaiñ~ quiá'- jalé' dsee- e jmóo' i dsea` na quié- e. Co' ñi' baa guiú- e 'nab' dsea` i quidsí' í' røø quiá'- dsea` góo' naa' dsea` Israel lajii~ níngóob' eáang'. ¹¹ Jo cuøøm' nilidseaang' o' e nabi ngóo' guitú'

jmü̃ e caguié e fí Jerusalén e jmifén'n Fidiéé. ¹² Jo ja` cadsé' jaléng' dsea` na jiĩ coo` dsee e laco' ni'náñ` jnea~, fa' e sín'n jññ`n cóo' dsea', o'gui tá'a má' jee` jaléng' dsea' fí sinúu^ guá' fé' quíá' dsea` góo'o e si' fí jo, o'gui fí dsí' sinúu^ guá' jia quíá' dsea` góo'o cajo, o'gui lacaang' lí' jié' fí jee` fiĩ. ¹³ Jo jaléng' i dsea` 'nínng` jnea~ i teáng` la ja` niguié'r' jiĩ coo` dsee` quíe e e jmóor`, co' ja' e røøn` jiĩ coo` laco'gui la fé'r`.

¹⁴ 'Dsü' e já' e jmóo'o lajiĩ e iing` Fidiéé i jmiféng' 'liĩ dsea` cóong' quíe e, dsea` Israel, laco' cóong' røø cóo' fí guíá` quíá' Dsea` Jmáang`. Jo fé' i dsea` góo'o na e jnea~ ja` jmitii` lajiĩ júu^ quíu' ta~ quíá' Fidiéé e cajme' Moi'; dsü' o' já' e lajo, co' jnea~ guí jáb' lín'n jalé' e júu^ jo cóo' gui jalé' e júu^ e cajme' dsea` i café' cuaiñ` quíá' Fidiéé maliĩ gui eáang'. ¹⁵ Jogui jáb' lín'n røøb` laco'gui i dsea` i e jí'tu jaléng' 'liĩ la'eáang' cóo' Fidiéé nañ' fa' lúñ` dsea` guíung` osi i sitíng' e 'léé' é. ¹⁶ Joba' cuøø` bi dsii` e ee' e guíá' fí quini` Fidiéé jogui fí quini` dsea` rún'n dsea` jmigüi cajo.

¹⁷ 'Dsü' mĩ cangf` tú` 'ni' jiĩ e ngü̃ fí lí' jié', joguiba' caquin`-túu fí Jerusalén e ngocuøø`-ø cuu` jaléng' dsea` tiñíng`, jogui ngocuøø`-ø Fidiéé laco' litíng` dsea` góo'o dsea` Israel e cuø'r` dsea` do. ¹⁸⁻¹⁹ Jo lajee` táan`n jmóo'o jalé' e jo e níngf` e caliguiún`n fí quini` Fidiéé laco'gui la fé' dsea` góo'o dsea` Israel, jo ie` jo ja` 'ga' lí' siseáng' dsea` e jøør` quíá' lajiĩ e lí' quíe e, o'gui má' téé' jiĩ capi' cajo. Jo job mĩ caguilíng` coo` tú` máng' dsea` Israel i jalíng` fí lí' se' Asia, jo cadséiñ` jnea~ fí dsí' guá' fé' e si' fí Jerusalén do. Jo i dsea` íb` i catíng` e nigüilíng` fí la e 'nínñ` jnea~ faco' sea` dsee` quíe e quini`. ²⁰ Jogui co' ja` dsee` caliseá` quíe e, joba' i dsea` i teáng` la lana cuøøm` nijmér` júu^ song cadsé'r` dsee` quíe e e líng` ee' cajmé e mĩ cajéiñ` jnea~ fí quini` dseata` i quíe nif' quí' jnea', dsea` líĩ dsea` Israel. ²¹ Co' lajiĩ e tóo` dsii` e cafá' a cóo' júu^ teá lajee` sín'n fí quini` i dsea` quidsí' í' do jo cafá' a: "Lana 'nú' cuø'na' jnea~ dsee` dsuco' e já' lín'n e jí'tu jaléng' 'liĩ mĩ níngf` e júuiñ`."

²² Jo co' niñib' i dseata` Félix do guíá` jial jalé' júu^ quíá' Dsea` Jmáang`, joba' mĩ canúur` jalé' júu^ e cajíng' Paa` do, caje' bi quíá' e niquidsir' í' lajminá' quíá' dsea` do jo casí' reiñ`:

—Mĩ nigüéeng` i fii` 'léé` Lisias, íguibíng' nijmé' júu^ røø` jnea~ cuaiñ` quíá' e dsee` e sea` quí' e 'nínng' jaléng' dsea` 'nu`.

²³ Joba' casí' i dseata` Félix do i dsea` nu'lúu` quíá' i fii` 'léé` do e gü'iuum` bi Paa` sijñiñ` lajee` jo, lifa' cuøøm` e jaléng' dsea` i cúing` dsea` do nijmicóo' reiñ` lajee` iuuiñ` do.

²⁴ Jo mĩ cangf`gui tú` 'ni' jmü̃ lajo, caguiéb` tu i dseata` Félix colíng` cóo' dseamí quíá'r` i siĩ Drusila i líng' dsea` Israel, jo caguilíñ` fí lí' tidsí' í' quíá' dsea`. Jo dsifí lajob caquiú' i dseata` do ta` e nilité' Paa` e fí lí' quidsir' í' do. Jo mĩ caguié` Paa` fí jo, jo canaaiñ` guiar' júu^ quíá' Dsea` Jmáang` jial laco' nijáng' yaang` dsea` fí jaguó' dsea` do. Jo canúub` i dseata` do jalé' e júu^ quíá' Paa` do. ²⁵ Dsü' mĩ canaang` Paa` e fé'r` jalé' júu^ quíá' jial nisíng' yaang` dsea` fí guíá`, jogui jial ja` nibeáng' dsea` dsee` yaaiñ`, jogui jial mĩ nití' í' e niquidsí' Fidiéé í' quíá' lajaang` lajaang` dsea` jmigüí, joba' mĩ canúu` i dseata` Félix do jalé' e júu^ quíá' Paa` do, jo cafóm' bre jo cajíñ' casí'r` Paa`:

—Guøm' tu' fí lí' iuun` do lana. Nab nijmee` e júu^ lí' e jøøn`, joguiba' nitøø` túu` 'nu' fí la.

²⁶ Jogui cajo i dseata` Félix do cuub` íng' dsír' e nicuó' Paa` ír` e laco' e nileáiñ` dsea` do. Jo uing` joba' e tó'r` Paa` sojié' e sñiñ` cóoiñ`. ²⁷ Jo tú` jí' cangoca' e jmóor` lajo. Dsü' mĩ cangf` jo, cagüi' íb` i Félix do e líiñ` dseata` dsea` féng', jo ca' í' jaang' gui dsea` cuaiñ` quíá'r` i siĩ Porcio Festo. Jo co' i dseata` Félix do iñ` e guíáb` nijér` cóo' dsea` Israel, joba' caseám' bre Paa` lado la sijñim` biñ`.

25

Mĩ caguié` Paa` fí quini` dseata` dsea` féng' i sii` Festo

¹ Jo cōob` mi` catî í` e nilíng` Festo dseata` dsea` féng', jo mi` cangî` ní` jmî` lajo cagüi`b`re fí` Cesarea jo cangór` fí` Jerusalén. ² Jo mi` cagüer` fí` jo, dsifí` lajob jaléng' fí` jmidsea` cōo`~gui jaléng' dsea` Israel i` laniing` i` neáng' fí` Jerusalén ie` jo caguiliñ` e jmóor` dsee` quiá'- Paa` fí` quini` i` dseata` Festo do. ³ Jo jaléng' i` dsea` jmóo` dsee` quiá'- Paa` do camí'r` jmi`ee` i` dseata` do e laco' niquiá'- dsea` do ta` i` Paa` do e nidséng'-tur fí` Jerusalén e quiá'- nitidsí' í` quiá'r` fí` jo, dsu' iñ` jmer` lajo e lí` laco' nilí'r` e nijngáng'-neñ' guiá'^ fí` e tu'ib'-. ⁴ Joba' cañí' i` dseata` Festo do quiá'- i` dsea` jmóo` dsee` quiá'- Paa` do jo casí'-reiñ' jo cajíñ'-:

—Fí` dob iuung` Paa` sijñiñ` fí` Cesarea, jo 'ñiá'`baa' í` dsii` ninín`n fí` do e jo` jmi`ñng` 'ñiá'`a. ⁵ Jo jaléng' dseata` quií`na' 'né` nidsiliñ` cōo`~jnea` fí` Cesarea, jo song sea` dsee` e nica'ée` i` dseañu` do, joba' fí` job cuøøng` jmee`na' dsee` quiá'r`.

⁶ Jo caje`bi dseata` Festo fí` Jerusalén jñiá` si guí` jmî`gui. Jo mi` cangî` jo, joguiba' caquiñ` fí` Cesarea. Jo mi` cajneá` e jmî` jo, jo cangó`bre fí` lí` nigüear` e niquidsir' í`. Jo caquiur` ta` e calité` Paa` fí` jo. ⁷ Jo mi` tí` lí` calí` Paa` fí` jo, dob niteáng` jaléng' dsea` Israel i` jalíng` tí` Jerusalén i` jmóo` dsee` quiá'r` do, jo cangoquiéiñ' fí` quini` i` dseata` do jo canaiñ` jmóor` dsee` quiá'- Paa`, jo iib` eáng' e dsee` e cuøøreiñ' do, dsu' jii` cōo` ja` e cadsé'r` fa' dseáng'- e já'` lajii` e dsee` e jmóor` quiá'- dsea` do.

⁸ Joba' cañí' i` Paa` do fí` quini` i` dseata` do cōo`~júu` e jmi`øng' 'ñia'r` jo cajíñ'-:

—Jii` cōo` e ga` ja` mí` cajmé` jnea`, o'gui fa' nicafá'-a ga` uii` quiá'- jalé' júu` quiu' ta` quiá'- dsea` góo`o` dsea` Israel, o'gui fa' nicafá'-a ga` uii` quiá'- guá' fé` quiá'- dsea` í` cajo, o'gui quiá'- dseata` dsea` féng' i` guing` quiu' ta` fí` Roma.

⁹ Jogui cō' i` dseata` Festo do iñ` e jér` guiáb` cōo`~jaléng' dsea` Israel, joba' cajmingí'r` Paa` jo cajíñ` casí'-reiñ' lala:

—¿lín` e guó` fí` Jerusalén, jo fí` job niquidsi` jnea` í` quií` lajii` e 'nñng` dsea` 'nu`?

¹⁰ Joba' cañí' Paa` quiá'- i` dseata` Festo do jo cajíñ'-:

—Fí` lab iuun` fí` lí` quidsí` dseata` dsea` féng' dsea` guing` fí` Roma í`, joba' fí` lab lí` catíng` e nitidsí' í` quié`e. Jogui guiáb` ñí` 'nu` cajo, dseata` quií`ii', e jii` cōo` e ga` ja` mí` cajmé` e quiá'- jaléng' dsea` góo`o`. ¹¹ Jogui song nica'ee` dsee` e lahuíng` e dsí' í` e nijngáng`na' jnea`, cuøøm` lí` jmee`na' lajo, jo ja` e fá'a jii` cōo`. Dsu' song ja`gui sea` jii` cōo` dsee` quié`e laco' jii` e 'nñng` dsea` jnea`, jii` jaang` dsea` sea` fí` quiá'r` e nijaiñ` jnea` fí` quini` dsea` i` 'ní` ní` quié`e. Joba' mî` e 'ñiab' i` dseata` dsea` féng' i` quiu' ta` fí` Roma niquidsir' í` quié`e.

¹² Jo mi` cangî` jo, i` dseata` Festo do casíñ` cōo`~jaléng' i` dseata` rúíñ` caguiaang`gui do. Jo lí` jo cajíñ` casí'r` Paa`:

—Lí` laco' nicamí` 'nu` uø' e i` dseata` dsea` féng' dsea` quiu' ta` fí` Roma do, í`bing' niquidsí' í` quií', jo cōo`~íb` niguó` lana.

Mi` casñng` dseata` Festo cōo`~jaang` dseata` dsea` féng' i` sii` Agripa

¹³ Jo mi` cangî` tú` 'ní` jmî` lajo, i` dseata` dsea` féng' i` sii` Agripa do colíng` cōo`~ i` dseamí` rúíñ' i` sii` Berenice cangoliñ` fí` Cesarea e cango'eer` i` dseata` Festo do. ¹⁴ Jo huøøb` jiu` cajer` cōoiñ` do fí` Cesarea. Joba' lajee` jo, i` dseata` Festo do casí'r` i` dseata` dsea` féng' Agripa do lajii` e lí` quiá'- i` dsea` i` sii` Paa` do, jo cajíñ` casí'-reiñ':

—Lana lab iuung` jaang` dseañu` i` sijñíng` i` caseáng` dseata` Félix mi` cagüi`r'.

¹⁵ Jogui mi` cataan`n cateá' fí` Jerusalén, jaléng' fí` jmidsea` quiá'- dsea` Israel cōo`~gui jaléng' dsea` cøøng' quiá'r` caguiliñ` 'ñiñ` i` dseañu` i` sii` Paa` do fí` quini`, jogui camí'r` jnea` e fa' niquiá'`u ta` e nijúum` dsea` do. ¹⁶ Joba' cangî` quiá'- jaléng' i` dsea` i` jmóo` dsee` quiá'- Paa` do e ja` lajo tíng` dseata` dsea` féng' i` guing` fí` Roma fa' e quiu'r' ta` e dseáng'- nijúung` dsea` lajee` nú`-gui e niquidsir' í` quiá'- i` dsea` røøng` dsee` do jogui e nisiñ` cōo`~ i` dsea` i` 'nñng` ír` cajo e laco' nijmi`øng' yaaiñ` cōo`~ jalé' e dsee` e 'nñng` dsea` ír` do. ¹⁷ Joba' mi` cagüilíng` i` dsea` i` jmóo` dsee` quiá'- Paa` do fí` la, jo` e

cajmi'ing' ñiá'a, co' dsifí mi' cajneá e jmí coo'gui do cangó'baa fí lí' niquidsii' í', jo caquiá' ta' e calitéb' i Paa' do fí lí' iuuiñ'. ¹⁸ Dsu' jaléng' i dsea' i caseáng' i 'níng' ír' do ja' canú'u fa' e fé'r' uii' quiá' i Paa' do laco' jii' e lamí' í' dsi' jnea'. ¹⁹ Co' lajii' dsee' e jmóor' quiá' e quiá' lajii' júu' e ja' líiñ' quiá' Fidié' quiá'r', jogui quiá' jaang' dseañu' i sii' Jesús i nicajúng' do jogui fé'r' e jí' biñ' do. ²⁰ Jo co' jo' ñi' jnea' ee' nijmee' e cóo'r' quiá' jalé' e dsee' e jmóo' dsea' quiá'r' do, joba' cajming' ire e song' iñ' e nidsér' fí Jerusalén e nitidsi' í' quiá'r' fí jo. ²¹ Dsu' ñia'r' cajíñ' e ja' iñ' dsér', jogui nicamir' e i dseata' dsea' féng' i guing' fí Romabing' i niquidsi' í' quiá'r'. Joba' caquiá' ta' quiá'r' e lamí' iuum' bir' sijñiñ' cartí' niguiéen' nre fí quini' i dseata' dsea' féng' do.

²² Joba' cañi' i dseata' Agripa do quiá' dseata' Festo jo cajíñ':

—Ím' bi' jnea' nuu' júu' quiá' i dseañu' do cajo.

Joba' cañi' dseata' Festo quiá' i dseata' dsea' féng' do jo casí' reiñ':

—Dsa'ób' ninúu' lajii' júu' quiá'r'.

Mí' caguié' Paa' fí quini' dseata' dsea' féng' Agripa

²³ Jo mi' cajneá' coo'gui jmí' lajo, i dseata' dsea' féng' Agripa do cóo'gui i Berenice do caguiliñ' cangotáaiñ' laco' dsea' 'goo' fí siná'u lí' tidsi' í' quiá' jaléng' dsea' jo jée' jaléng' fii' 'lée' quiá'r' cóo'gui jaléng' dsea' niing' i jalíng' cóo'r'. Jo mi' caseáng' jaléng' i dsea' do fí do, i dseata' Festo do caquiá'r' ta' e cangotée' 'lée' i Paa' do jo cangojéng' neiñ' fí lí' nisiseáng' dsea' do. ²⁴ Jo mi' caguié' fí jo, lalab cajíng' i dseata' Festo do:

—Dseata' dsea' féng' Agripa cóo'gui lajiiing' dsea' i siseáng' la lana cóo' jneaa'aa', nab nising' i dseañu' do lana. Jo lajii' dsea' Israel nicajacóor' dsee' quiá' i dseañu' na lajee' cataan' fí Jerusalén jogui fí la fí Cesarea cajo, jogui dsíng' ta'r' mii' e mi'r' jnea' fa' e niquiá' ta' e nijúum' biñ' na. ²⁵ Dsu' jnea' gui lín' e ja' e mí' 'léer' jii' coo' fa' e dsi' í' e nijúuiñ'. Jo ñia'guir' nicamir' e i dseata' dsea' féng' dsea' guing' fí Romabing' i niquidsi' í' quiá'r', joba' nica'í' dsii' e fí job' niguiéen' nre. ²⁶ Jo co' ja' ñi' guí' e dseáng' e nifí' i dseata' dsea' féng' do cuaiñ' quiá' i dseañu' na, joba' catóø'øre la' uii' fí quini' 'nu', dseata' dsea' féng' Agripa, e laco' niquidsi' í' quiá'r'. Jo lajoba' sea' e nitóo' jnea' fí ni' jì' e niguiéen' n quiá' dseata' dsea' féng' i guing' fí Roma. ²⁷ Co' gab'jiu' lí' lín' e niguiéen' n jaang' dsea' i sijñing' jogui ja' ñii' e nitóo' fí ni' jì' quiá' lajii' e 'níng' dsea' ír' do.

26

Mí' café' Paa' fí quini' dseata' dsea' féng' Agripa

¹ Jo mi' cangí' e café' dseata' Festo júu' quiá'r', joba' casí' dseata' dsea' féng' Agripa i Paa' do jo cajíñ':

—Cuóøm' fo' júu' qui' lana.

Jo dsifí' ladob cajmée' Paa' lí' cóo' guóor' e quiá' nifé'r' jo lalab canaaiñ' fé'r':

²—Dseata' Agripa, eáam' iáang' dsii' e nifá' a júu' quié' e fí quini' 'nu' lana e nijmi'óng' ñiá'a quiá' jalé' dsee' e nicajaca' dsea' góo'oo' dsea' Israel quié' e. ³ Jo co' cuí'b' 'nu' jalé' e títng' jnea', dsea' lí'ii' dsea' Israel, cóo'gui jalé' júu' qui' ii' e sii' naa', joba' mi' jmí' ee' quini' lana e ninúu' jalé' júu' quié' e nifí' i 'nu' car' niteám' baa.

Jial seeng' Paa' ná' gui e calicutiñ' Dsea' Jmáang'

⁴ Lajii' dsea' góo'oo' dsea' Israel ñir' jial calisén' n jee' ír' fí góo'oo' jogui fí Jerusalén latí' jii' le'eáam' baa. ⁵ Jogui ñi' bi' guiá' jaléng' i dsea' í' e dsea' fariseob líng' jnea' latí' jii' malí', jogui cuóøm' nijíñ' lajo song' iñ'. Jogui lajee' jaléng' jnea', dsea' lí'ii' dsea' Israel, dsea' fariseo i lajang' gui' jmiti' lajii' júu' quiá' ta' qui' ii' quiá' jial' né' nijmiféng' dsea' Fidié'. ⁶ Jogui lanagui nicajéeiñ' jnea' fí la e quiá' nitidsi' í' quié' e, dsuco' e jnea' jáb' lín' n lajii' júu' quiá' Fidié' e casé' lí' dsea' áang' qui' ii' e jí' tu' jaléng' dsea' mi' ningí'

e júuĩñ. ⁷ Jo e lab júu^ e cacuø' Fidiée' 'liĩ dsea` áang' quí-ii' do, jo laji' guitu' 'lé' dsea` góo'oo' dsea` Israel sijeem`bre i dsea` i cajíng' Fidiée' i nisíñ' fí' jmigüi' la. Joba' uøø' jmĩ' ja' tú' dsea` góo'oo' e jmiféiñ' Fidiée' jogui e jmóor' lajii' e iing' dsea` do. Jo uii' e ja' lín'n e nicagüéng' i dsea` i sijeeng'naa' do, joba' cuø' dsea` góo'oo' dsea` Israel jnea` dsee- lana, dseata` quí-ii' Agripa. ⁸ Joba' 'zjiali' ja' iing' 'nú', dsea` góo'oo' dsea` Israel, ja' líng'na' e Fidiée' cajméer' e cají'tu Jesús jee` jaléng' 'liĩ mi' cangí e cajúuĩñ?

Mi' cajíng' Paa' jial cajmeáiñ' ga' jaléng' dsea` quiá' Dsea` Jmáang'

⁹ Dsu' e ja'-ba' e ca'f' dsii- ie~ lamĩ jéeng'gui do e cajmeáan' n ga' jaléng' dsea` quiá'- Jesús i seeng' fí' Nazaret. ¹⁰ Jo lajob cajmé- e fí' jee' fii' Jerusalén, e cangomiĩ- júu^ fí' quini' jaléng' fii' jmidsea` e catán'n fíng' dsea` quiá'- Dsea` Jmáang- fí' dsii' 'nuñí'. Jogui mi' huí' ta~ e júung- jaléng' i dsea` í, dob sín'n e cuøø- júu^ quie- e cajo. ¹¹ Jogui jmiguiúung' née' bi cajmeáan' nre e laco' nitúr' lajii' júu^ e ja' líiñ' quiá'- Dsea` Jmáang- do. Jo jalé' e na cajmé- e fí' lacoø' sinúu^ guá'- quí-ii', dsea` líi' dsea` Israel. Jogui dseáng'- eám' 'ní' camán- nre lajaléiñ' do, co' j'gui ngii- e jmáan' nre ga' cartí' doñí' jié' fí' seem`bre. Lajob cajmé- e lajee' nú'- gui e calicuín'n Dsea` Jmáang-.

Mi' cajíng'-gui Paa- júu^ quiá'- mi' calicuúñ' Dsea` Jmáang'-
(Hch. 9:1-19; 22:6-16)

¹² Jo coø' ya', lajee' e iuun- fí' ngóo'oo' fí' Damasco cuaiñ' quiá'- e jmáan' n ga' jaléng' dsea` quiá'- Dsea` Jmáang- i seeng' fí' do, jo ie~ jo n'ngóo'oo' quiee- ta' coø' gui júu^ quiá'- jaléng' fii' jmidsea` quiá'- dsea` góo'oo' dsea` Israel e nijmeáan' n ga' jaléng' dsea` cuíng' Dsea` Jmáang-. ¹³ Jo lajob fii' guí' 'nu', dseata` Agripa, e lajee' gui'na' iuun- fí' e ngóo'oo' fí' Damascob, í' e ngóo' guieñí'- jóob' camó-o coø' j' e j' jlo' e eáang'gui jíng' j' laco'gui j' iee-. Jo e j' do jáa' fí' yú' jmigüi, jo cajneá- fí' lacúng' lajii' li' ngóo'naa' do lajee' e téé'naa' fí' ngóo'naa' fí' Damasco. ¹⁴ Jo dsifí' mi' cangí e cajneá- e j' do, lajii' baa' la'ó' ngóo'naa' do caquíng'-naa' fí' ni' uø-. Jo canú- jnea~ e líng' i' guicafé' coø' jmí' hebreo e tó'r' jnea~ jo guicajiiñ'- lala: "Saulo, Saulo, 'zjiali' jmáan' jnea~ ga? Co' jalé' e jmoo' na e jmáang' uøø'ba' na, laco'gui dsing'ng- jaang' güitá' mi' iá' fii' re' sii' su' mo'uøø're' song ja' núu' re'."

¹⁵ Jo cangii- quiá'- i guicafé' do jo cafá'-a: "¿I' 'nu', Fii'?" Jo cañi'tu i guicafé' do jo guicajiiñ': "Jneab~ Jesús i ngi' 'nu' jmáan' ga' lana. ¹⁶ Jo lana, ráan'- jo jmee- sín'-, dsuco' lana cajmijnéeng' 'ñiá' a fí' quini' e laco' nijme' lajii' e iin' n jogui niguiá' júu^ quie- e fí' quini' jaléng' dsea` quiá'- jalé' e nicañi' la lana jogui coø' jalé' e nabi niliñí' quie- e cajo. ¹⁷ Jogui lana nilaam- baa' 'nu' jee~ jaléng' dsea` góo' dsea` Israel i 'ní' níng- 'nu' coø' gui jee~ dsea` i ja' líng' dsea` Israel cajo. Jogui jneab~ nisín'n 'nu' jee~ jaléng' dsea` i ja' líng' dsea` Israel. ¹⁸ Jo ta~ lajoba' nisín'n 'nu' e laco' güi'ée' dsea' jial laco' ninea' moguir~, jogui e jo' niliseeng'guir e dsee- quiá'r- quii' ta' ír', co' lí' lí' 'né- e niquí' jíng' yaaiñ' fí' quini' baa, jo lajoba' jo' niliseeiñ' e quii'gui fii' i 'líng' i sii' Satanás ta~ quiá'r-, jo nináiñ' e jnea~ dsea' nicaa- nifí' quiá'r-. Jo nisín'n 'nu' jee~ jaléng' dsea` i ja' líng' dsea` Israel lajo e laco' ja' nilíng' i dsea` í' lajii' júu^ quie- e, joba' niñiñ' e ni' líng- jalé' dsee- quiá'r-, jogui ni' iñ' lajii' e catíng- e cuøøø' jaléng' dsea` quie- e, dsea` i caguíng' Fidiée' e laco' ni' uíng- dsea` güeang' quiá'r-."

Mi' cajmé' Paa- núu'r' quiá'- lajii' e cangár- do

¹⁹ Jo lajob líi', dseata` Agripa, cajmé- baa' núu' u lajii' e camó-o jogui canú- u e jáa' fí' yú' jmigüi. ²⁰ Jo la'uii' canaan- e jmóo-o ta~ guia' júu^ quiá'- Dsea` Jmáang- fí' jee~ jaléng' dsea` seeng' fí' Damasco, jogui mi' cangí jo fí' jee~ jaléng' dsea` seeng' fí' Jerusalén, lí' latøøng- lí' se' Judea. Jogui lajobi fí' jee~ dsea` góo'oo' dsea` Israel e fii' ire e nijáng' yaaiñ' fí' jaguó' Dsea` Jmáang- jogui e niquí' níng' yaaiñ' fí' quini' Fidiée', jogui e 'né- ni'ér- jmang' e guiáb- e laco' cuø' lí' e nicaquí' jím' yaaiñ' fí' quini' Fidiée'. ²¹ Jo uii' jalé' e júu^ e guiaa- dob, casang' jaléng' dsea` góo'oo' dsea` Israel jnea~ fí' siguí' quiá'- guá'-

quí-ii, jò jì'gui lamí~ iiñ~ e nijngám'-bre jnea~. ²² Dsu' Fidié~ eáam' jmicóo'r~ jnea~, jòba' guiáb~ seen~ latí' lana. Jògui dseáng'- ja' jmitúng^ dsii~ e guia' bñ' júu^ quiá'- Dsea' Jmáang~ fí' jee~ lajñng' dsea~, jiuuiñ~ tá'- e còøiñ~. Jògui ja' fá'a jii'~ còo' júu^ e ja' còøng' røø' còo'~ jalé' e café' i dsea' i café' cuaiñ~ quiá'- Fidié~ malii~ gui eáang', fa' la Moi~ e caséer' júu^ e la guim' 'né~ niliti~ fa' la e fé' lala ²³ e dseáng'- nisi' í'ba' e nijúung~ Dsea' Jmáang~, dsu' mi~ ningí' e nijúuñ~ do, í'bre dsea' la'uii~ nijí'tur jee~ jaléng' 'lii~. Jògui í'bre dsea' niguiár~ júu^ jee~ jaléng' dsea' góo'oo' dsea' Israel jial nileáng' jaléng' dsea' í' jee~ dsee~ quiá'r~ jògui cajo jial nileáng' jaléng' dsea' i ja' líng' dsea' Israel jee~ dsee~ quiá'r~. Jò e júu^ e niguiá~ Dsea' Jmáang~ do lí' la lí' còo' jì' e jnea' e jmicóo'~ jaléng' i dsea' í'.

Mi~ caféng' Paa~ dseata~ Agripa jial ni'uíng~ dsea' do dsea' quiá'- Dsea' Jmáang~

²⁴ Jò mi~ calí~ fé' Paa~ e júu^ jò e jmi'óng' 'ñia'r', jò dsifí' lajob café' i dseata~ Festo do còo'~ júu^ teá' jò cajíñ'-:

—i'Ngaam' 'nu', Paa~, nica'léeb' quíi'~ e nicajmitúin' eáang', jò còo'~ e jò nica'uíng~ e nicalicaam~ba'!

²⁵ Jòba' cañíi' i Paa~ do quiá'- dseata~ Festo jò cajíñ'- casi'~reiñ':

—Ja' ngaang~ jnea~, dseata~ quí' ii' Festo, dsu' 'nu' í' o' lí' rijím', cò' lajalé' e fá' jnea~ la jmang'- júu^ guiáb~ jògui jmang'- júu^ jáb'~ cajo. ²⁶ Nab guing~ dseata~ dsea' féng' Agripa, jò ñi'bre la'uiing~ jalé' e júu^ na. Jò ja' 'gó'o e fá'a fí' quinir~, cò' ñi'baa røø' e ñi'bre la'uiing~ laná'- cajo jalé' e guiú~ e cajmée~ Jesús fí' jmigüi' la, dsuco' jalé' e jò o' e calí~ lí' ja' ii' jøø' osi lí' ja' jnéeng~ é. ²⁷ Jògui 'nu', dseata~ dsea' féng' Agripa, niñib' jnea~ e jáb'~ líng' 'nu' jalé' júu^ e caguia' i dsea' i café' cuaiñ~ quiá'- Fidié~ malii~ gui eáang'.

²⁸ Jòba' cañíi' i dseata~ Agripa do quiá'- Paa~ jò cajíñ'-:

—Jiua~ba' ja' mí' calí' jnea~ e ni'uíin~ n dsea' quiá'- Dsea' Jmáang~.

²⁹ Jòba' cañíi' tu Paa~ quiá'- dseata~ Agripa jò casi'~reiñ':

—Nañí' si jiu~ osi jmiguiá'bi é ja' mí' calí' i 'nu', dsu' iing~ Fidié~ e lajñm' 'nú' ni'uíng~ na' dsea' quiá'- Dsea' Jmáang~ laco'gui la líng' jnea~; jò dsu' o' laco' jnea~ lana e 'núun'~ n còo'~ ní' cadena.

³⁰ Jò mi~ cangí' e cajíng'- Paa~ e júu^ jò, jò caróob~ i dseata~ dsea' féng' Agripa do còo'~ gui i dseata~ Festo do colíng~ còo'~ i rúin' dsea' ngáang' còo'r~ i sii' Berenice lí' lajñng' i dsea' i neáang' do ie~ jò. ³¹ Jò mi~ cangí' jò, ca'uøøm'bre e cangosiiñ~ e júu^ do lajee~ yaaiñ~ fí' lí' jié'. Jò lalab sáiiñ~ lajee~ yaaiñ~ jò fé'r':

—I dseañu' la ja' e mí' ca'léer' jii'~ còo' fa' dsí' í' e nijúuñ~ o'gui e sijñng'guir fí' dsí' 'nuñí'.

³² Jògui cañíi' i dseata~ dsea' féng' Agripa do quiá'- dseata~ Festo jò casi'~reiñ':

—Cuøøm' nileáng' i dseañu' la lana faco' mí' ja' mí' camir' 'ñia'r' jéeng'gui e niqidsí' i dseata~ dsea' féng' i guing~ fí' Roma do í' quiá'r~ lajii'~ e lí' quiá'r~.

27

Mi~ castiñ' Paa~ fí' Roma

¹ Jò mi~ catigua~ júu^ quiá'r~ e niguiéiñ' jaléng' jnea'^ fí' Roma lí' se' Italia, jòba' Paa~ còo'~ i dsea' sijñng' caguiaang~ gui do cangolíñ' e jée' jaang' fii' 'lée~ i sii' Julio; jò i dsea' í' iuuiñ~ jee~ còo' íng' 'lée~ quiá'- dseata~ dsea' féng' i guing~ fí' Roma.

² Jò jnea~ Lucas cangó-oo' colíng~ còo'~ Paa~. Jò cangó-naa' e tée~naa' fí' dsí' còo' móo' e jáa' fí' còo' fii' e sii' Adramitio e nisi' tí' lí' nigüi'íi' e nidsé' fí' lacaang' oo~ jmii' quiá'- lí' se' Asia. Jògui ngóo'bi colíng~ còo'~ jnea'^ jaang' dseañu' i sii' Aristarco i seeng' fí' Tesalónica, còo' fii' lí' se' Macedonia.

³ Jò mi~ cajneá~ e jmii~ jò, caguie~naa' fí' còo'gui oo~ jmii' e sii' Sidón. Jò fí' job i fii' 'lée~ i sii' Julio i jmóo' í' Paa~ do cacuø'r' fí' Paa~ e nidsi'eeiñ'~ jaléng' dsea' cuiñ~, jò lajob i dsea' í' nijmicóo'r~ dsea' do còo'~ jalé' e 'né~ quiáiñ'.

4 Jo mi~ cangî jo, ca'uøø-naa' fí oo~ jmi~ e sii Sidón do e quíng~naa' guí, joba' cangüing~naa' fí lí' lí' ca' fí coo' guóo~ uø~ e née' ni~ jmiñí'^ e sii Chipre fí lí' ja' 'ga' lí' bá' e guí do, dsuco' eáang' jna' laco' ngóo'naa'. 5 Jo cangüing~naa' fí 'ni' jmiñí'^ la tóo' lí' se' Cilicia cóo'~gui lí' se' Panflia cartí caguié~naa' fí coo' fii' e sii Mira, coo' fii' lí' se' Licia.

6 Jo fí job i fii~ 'lée~ i sii Julio do cangár~ coo' móo' quiá'~ fii' e sii Alejandría, jo iu~ fí ngóo' fí lí' se' Italia. Jo fí dsíí' móo' job cangotóo'~naa' e quiá'~ cangó~naa' fí lí' si'í' ngóo'naa'. 7 Jo jmiguiab' jmi~ ngocá' e ngí'naa' tá'~ jia lado. Jo e quie' ta~ eáam' caguié~naa' fí coo' fii' lí' sii Gnido. Jo eáam' bi' í' e guí do laco' ngóo'naa', joba' cayee'naa' fí quini' coo' fii' e sii Salmón, jo cangüing~naa' lí' lí' 'ni' e uø~ e sii Creta e née' ni~ jmiñí'^. 8 Jo cangüim~baa' guidseaang~ lado lacuee' 'ni' jmiñí'^ cartí caguié~naa' coo' lí' sii Buenos Puertos, e née' quiá'~ coo' fii' lí' sii Lasea.

9 Jo jmiguiab' jmi~ nicangocá' e téé'~naa' fí lado la tóo' ni~ jmiñí'^, jogui ningóo' lidseáam~ cajo e téé'~naa' dsíí' móo', co' ie~ jo nijaquieeng' jii' güíib~, joba' eáam' nidseáang'~. Joba' cajíng'~ Paa~ casí'r~ i dsea' i ngolíng~ dsíí' e móo' do ie~ jo, jo cajíñ'~:

10 —Dsea' rú'uu', móo' jnea~ e eáam' nidseáang'~ quí~ii' laco' ngóo'naa' la. Jo dseáang'~ ni'íng~ quí'naa' e móo' la cóo'~gui jalé' lee~ e quie', jogui la quie' tí' jneaa~aab' dseáang'~ quí~ii' e ni'íng~naa' cajo.

11 Jo dsu' i fii~ 'lée~ do, eáang'gui cajmi'gór' dsea' fii~ e móo' do cóo'~gui fii' i quie' e móo' do laco'gui e cajmi'gór' Paa~. 12 Jo co' e oo~ jmi~ e sii Buenos Puertos do ja' 'goo' fa' e fí jo ningíñ~ lajee' jii' güíi~, joba' lajiiñ' la'ó' ngolíñ~ do ca'í' dsíir' e guíá~gui e ni'uøm~bre e fí oo~ jmi~ jo, jo nijmér~ quijí~ jial niguilíñ~ fí coo'gui oo~ jmi~ lí' sii Fenice, coo' oo~ jmi~ e née' lí' se' Creta e jøøng~ lí' lí' guíee'~ cóo'~gui lí' lí' ée^ guóo'~ uø~. Joba' ja' dseáang'~ fa' mi~ cajer' fí jo lajee' jii' güíi~, co' fí job lami~ í' dsíir' nijér~ lajee' jii' jo.

Mi~ caróo~ jmiñí'^ e eáang'

13 Jo mi~ canaang~ e uáam~ jia e guí e jáa' fí lí' lí' huøø~ do, joba' ca'í' dsíir' e nitam'~tur fí. Jo ca'uøøm~bre e fí oo~ jmi~ do e teáiñ~ dsíí' móo', jo cangüíñ' quiáb'~ e 'ni' Creta do. 14 Dsu' jo huøø~ cali'íi~ ca'íi~ guí e teá' eáang' e jáa' lí' lí' ñíi'~ laco' ngóo' e móo' do, jo fí lí' jieb' canaang' cá' e móo' do. 15 Jo canaang' øøng' fí lí' jieb' fí lí' í' guí. Jo dsuco' jo' lí'naa' fa' e nidsé~gui røø' e móo' do laco' í' guí, joba' lí' ngó~naa' jié' fí ta~ quíá' guíb'. 16 Jo cangüing~naa' lí' caluu' coo' guóo'~ uø~ jia e sii Cauda e née' ni~ jmiñí'^, co' fí job ja' guí í' guí e teá' eáang'. Jogui eáam' cacá~ jaléng' i dsea' i quie' e móo' do ta~ e casitíir' e móo' jia e ngí' fí caluu' móo' fé' quiá'r~ e laco' nileáang'naa' fíng lí' cali'né~ lajo. 17 Jo mi~ cangî e caséer~ e la fí ni~ móo' quiá'r~, jo cajmeáiñ' ta~ 'nii~ e mi~ quiá'~ e ni'ñá'r~ e móo' fé' do laco' nicuø~ bí' quiá'~. Jogui dsuco' 'gó'bir fíng cacung'~ móo' quiá'r~ jee~ cuu' tóo' fí lí' sii Sirte, joba' cabír' fí ni~ jmiñí'^ coo' 'majii~ e ii' eáang' jogui neaang~ rúng' cóo'~ móo' laco' ja' ningí~ jminá~. Jo cangolíim~bre laco' jii'~ ta~ quíá' guí. 18 Joba' mi~ cajneá~ e jmi~ jo, eáang'gui huíng' ni'í' guí jogui eáang'gui niróo~ jmi~ cajo, joba' canaaiñ' uø'r' e lee~ e téé'~ dsíí' e móo' do jo cabír' fí é' jmiñí'^. 19 Jo mi~ catí' 'ni' jmi~ lajo, canaaiñ' uø'bre cóo'~ layaang~ guóor' jalé' 'nii~ e guíquing'~ 'mi' quiá'~ e móo' do. 20 Jo jmiguiab' jmi~ cangocá' e jii'~ iee' ja' jnéeng~ o'gui jnéeng~ jaléng' náa' mi~ canaa' cajo. Jo co' ja' niqiuú'm~bi e í' guí cóo'~gui e róo~ jmi~, joba' dseáang'~ ni'í' dsí'naa' e jo' nitíi'~baa'.

21 Jogui co' jmiguiab' jmi~ ningóo' e ja' quiee~naa' i'naa', joba' caróo~ Paa~ jee~ jaléng' i dsea' do jo cajíñ'~ casí'~reiñ':

—Dsea' rú'uu', guíá~guib ca'uíng~ quí~ii' fa' mi~ cajmee~na' náa'~na' lajii'~ júu^ quie~e e ja' ca'uøø~naa' fí oo~ jmi~ Buenos Puertos fí lí' se' Creta, jo ja' cangongüi~naa' e lana, o'gui ca'íng~ jii'~ coo' quí~ii' faco' mi~ canaa'~na' júu^ quie~e. 22 Jogui lana fii' i 'ná' e ja' jmitúng^ óo'na' jii'~ coo', co' jii'~ jaang' 'ná' ja' nijúung~na'; jii'~ móo'ba' e ni'íng~. 23 Co' dsí'lóo'~bi cajnéng~ jaang' ángel quiá'~ Fidiéé' quie~e i jmóo' lajii'~ ta~ quíá' dsea' do, 24 jo

cajiñ' casí'r- jnea~ lala: “Ja` fòon~, Paa~, co' dseáng' 'néb- e niguie' fí quini~ dseata~ dsea` féng' i guing~ fí Roma. Jo la'eáang' cóo'~ 'nab` cajo Fidié~ nileáin~ lajñing` dsea` i teáang'~ cóo'~ na' fí dsíí' móo' na.” 25 Jo lajob líí, dsea` rú'naa', cuøø~ bí yaang~na', co' jalé'ba' e jing'- Fidié~ dseáng'- jmiti~bre, jogui nitab~ dsii- e dseáng'- nilitib~ laco' jii'~ e cajing'- i ángel do casí'r- jnea~. 26 Joba' fí coo' ni~ guoo'~ uø- e née' ni~ jmiñí'^, fí job 'né- nidsitíng'~ naa', co' nifiim- móo' jéeng'gui.

27 Jo coo' uøø, mi~ cangí tú- seamaan~ e téel~naa' fí lado, jo caguié~naa' fí jmiñí'^ lí sií Adriático; jo dseáng'~ lami~ röö- bi jmiñ, joba' fí la fí nab dsée' móo' lí téel~naa' cóo'~ e gui e íí do. Jo uøø guienáa' quíá'~ e jmiñ jo mi~ calilí'^ i dsea` quie' e móo' do e nijaquieem' nitíng'~naa' uø~ quíá'. 28 Joba' caguiar' í' jial tíí a'gui e jmiñ do, jo calilí'r^ e ni'a'gui jii'~ guigui dsí jñáa~ metros. Jo mi~ caguiliñ- tí doguijñ, jo caguia'tur í' calé' catú-, jo calilí'r^ e a'gui jii'~ guieguié~ metros. 29 Jo co' 'gó'bre fíng casicøøng~ e móo' do cóo'~ cuu~ 'loo, joba' cabír' quíá' 'lo'~ níí' lí' caluu~ e móo' do e laco' jo` ningí'~gui e móo' do. Jo lajee~ jo féñ' Fidié~ e jo` güilí'~gui e nijneá'.

30 Jo dsu' i dsea` i quie' e móo' do ca'f' dsíir' e nicuí~bre jo nitú'bre e móo' do. Joba' canaaiñ` jié~bre e móo' pí'^ e téel~ dsíí' móo' fé' do e laco' nijmi'øng' yaaiñ~ ni~ jmiñ. Jo jmóor' lafa' e nibír' 'lo'~ níí' e sea' fí quini~ e móo' do. 31 Jo dsifí' mi~ calilí'^ Paa~ e jmóo' i dsea` do lado, joba' casí'r- i fii' 'léel- do cóo'~ gui jaléng' 'léel- quíá'r- jo casí'- reiñ' jo cajíñ'-:

—Song ja` nijé- jaléng' i dsea` na dsíí' e móo' la, ja' lí' 'nú' leáng'na' cajo.

32 Joba' i 'léel- i ngolíng- dsíí' e móo' do caquiá'r' 'nii~ e 'ñáa'~ e móo' pí'^ do, jo cató' fí ni~ jmiñí'^.

33 Jo lajee~ e nú'~gui e nijneá' ie~ jo, Paa~ caquiá'r' ta~ quíá'~ jaléng' i dsea` i ngolíng- do e nidø'r- capí'^ jñ jo casí'- reiñ':

—Lana ningóo' tú- seamaan~ e í' dsí'naa' e ne~duu' e~ nidsijéé' quí-ii', jo jii'~ i'naa' ja` mí caquiee~naa' laco' jii'~ e quí'~ tí'naa'. 34 Joba' fíí- i 'nú' lana e 'né-ba' cøb'^ jñ í'na', co' la guíim' 'né- quí- na' lajo, co' cóo'~ e joba' cuø' bí quí- na' e seeng'na'; jo jneaa~aa' jii'~ coo' ja' e nilíi-ii', jii'~ camí'^ jñá' guí'naa' ja` ni'íng-.

35 Jo mi~ cangí e fé' Paa~ lajo, jo catúíñ- coo' iñí'^ jo cacuø'r' gui'máang'~ Fidié~ fí quini~ jaléng' i dsea` do. Jo lí- jo cafiñ' e iñí'^ do jo canaaiñ` gø'bre. 36 Jo lajñim' i dsea` do cangotáaiñ- e cagø'bre cajo. 37 Jo lajñi~naa' la'ó' ngóo'naa' dsíí' e móo' do tíí'baa' tú- ciento dsí setenta y seis dsea'. 38 Jo mi~ cangí caquiee~naa' guíá- lajñi~naa' do, cabíb i dsea` do e micuí'iee' e téel~ dsíí' e móo' do e laco' jo'gui ii' e móo' do.

Mi~ cango'ang' móo'

39 Jo mi~ cajneá- e uøø jo, jaléng' i dsea` i quie' e móo' do ja` ñir' jial sií e uø- quíá' e tí lí' tíñ'~ do, dsu' cangá~bre coo' lí' cuøøng' e nijé- e móo' do lí' ja' téel~ cuu~ eáang', joba' fí job ca'f' dsíir' e nitíñ' cóo'~ e móo' do. 40 Jo caquiá'r' e 'nii~ e guineaang' 'lo'~ níí' do, jo dob cajiá'r' fí é' jmiñ. Jogui cajléñ' e 'ma' e íng' ta~ e quíá' ta~ quíá'~ fí e móo' do. Jo mi~ cangí jo, caséer' fí yú'^ e 'mi' e lí' fí quini~ e móo' do, jo cacá- gui e laco' cuøøng' ngí- jminá- gui e móo' do. Jo lajoguib canaang' dsiquiéeng' e móo' do fí 'ni' lí' nilíí' guoo'~ uø-. 41 Dsu' nú'~gui e nitíng' uø~ quíá' e móo' do, fí jee~ cuu~ tóob'~ ná- jmiñí'^ ca'í-, jo fí job cacú'- . Jo latøøm- fí quini~ quíá'- cacú'- fí jee~ cuu~ tóo'~ e jii'~ jo' cuøøng' lí' jø'. Jogui lí'^ lí' caluu~ e móo' do canaang' licuíb'~ cóo'~ bí quíá'~ e jmiñ e röö- do.

42 Jo jaléng' i 'léel- i teáang'~ dsíí' e móo' do cali'iiñ~ e nijngám'~bre jaléng' i dsea` i téer' 'ñúung'~ do e laco' ja' nileáng- yaaiñ'~ do e nicuír- fí 'ni' jmiñ mi~ nináin~ e nitér- jmiñ.

43 Dsu' i fii' quíá'~ i 'léel- do ja' cacuø'r' fí lajo fa' e i 'léel- do cajméer' lajo, co' la guíim' 'né- nijáin~ jaléng' i dsea` i téer' 'ñúung'~ do fí quini~ dseata~. Jo lí'^ caquiá'r' ta~ quíá'~ jaléng' i dsea` do e ii' jaléng' i tíng' té- jmiñ güidsitáam'~bre dsifí lado, jo nitíñ' jminá'gui fí lí' nilíí' guoo'~ uø-. 44 Jogui jaléng' i caguiaang- gui do nitér- jmiñ cóo'~ 'majii- osi ni~ cuí'~

'majmá' quíá' e móo' do é. Jo lajob catí'naa' cóo' e guiá' fí lí' nilí' guóo' uó' lajalé'naa' do.

28

Mí' caguié' Paa' cóo' gui i dsea' caguiaang' gui do fí Malta

¹ Jo mí' nicaláang'naa' lajih'naa' do fí ní' jmiñí'^, joguiba' caline'naa' e nisií' Malta fí' ní' guóo' uó' lí' catí'naa' do. ² Jo i dsea' i seeng' fí' do eáam' guiá' ca'éer' cóo' jnea'^ lajih'naa' do. Jo có' jmí'b' tuu' ie~ jo, jogui dsing' gúí' cajo, joba' i dsea' seeng' fí' do caji'r' jí' e fe' jo cató'r' jnea'^ e nidsiquiéeng'naa' e fí' ca' jí' do. ³ Jo ie~ jo i Paa' do cangoquier' cóo' seang' cuí' quiu' jo cató'r' fí' ní' jí'; dsu' lajee' job cagui'í' jaang' mí' i guíng' fí' jee' e cuí' do mí' calilí're' e guí' jí', jo cacu're' luguoo' Paa'. ⁴ Jo mí' cangá' i dsea' i seeng' fí' do e cacu' i mí' do luguoo' Paa', joba' canaang' sí' rúíñ' lajee' la'ó' teáaiñ' do jo jíñ': —Lí' fíng' o' jaang' dsea' 'mób' i dseañ' na, có' caláam-bre fí' ní' jmiñí'^, dsu' cóo' e caliñ' nagui jo' cuóong' i' nileáng' ír', có' jo' catíng' e seeíñ' quíá' Fidié'.

⁵ Jo dsu' Paa' dsifí' ladob cabó'r' guóor' fí' ní' jí', jo catóm' i mí' do, jo jíí' cóo' ja' e caliñ'. ⁶ Jo lajim' i dsea' i seeng' fí' do sijer' fa' e niliyee' lí' cacu' i mí' do guoo' Paa' osi e nijúum' bir lajee' jo é. Jo ngoca'bijú e sije' i dsea' do su líng' ee' nilíng' Paa', dsu' ja' e calíng' dsea' do jíí' cóo'. Joba' dsifib' cajmising' i dsea' do e í' dsíir', jo canaaíñ' fé'r' e i Paa' do lííñ' jaang' dié'.

⁷ Jo quíá' e fí' lí' téé'naa' ca' jí' do nisea' tú' 'ní' jmáang' uó' quíá' jaang' dseata' dsea' féng' i niseeng' fí' Malta i sií' Publio. Jo í' eáam' guiá' ca'íñ' jnea'^ jogui cajmicóo'r' jnea'^ lajee' 'ní' jmí' e cajé'naa' fí' do. ⁸ Jo ie~ jo tiquiá'^ i Publio do niráaiñ' dsée'r' e lííñ' jmohuí' e iu' guíñ' jogui e eáang' siuíñ'. Joba' cangó' Paa' e cango'eer' dsea' do. Jo mí' caguié' fí' jo, camí'r' Fidié' uíi' quíá' dsea' do. Jo lí' jo, caquidsir' guóor' fí' moguí' dsea' do, jo lajob cajmi'leáaiñ' dsea' do. ⁹ Jo mí' caliñí' jaléng' gui dsea' dsée' i niseeng' e fí' do e caláang' i tiquiá'^ Publio do, jo cangolíim-bre fí' lí' táang' i Paa' do e laco' dsea' do nijmi'leáang' neiñ' lajíí' jmohuí' e lííñ'. Jo lajalém' biñ' do ca'láaiñ' ie~ jo. ¹⁰ Jo lajüing' i dsea' do eáam' cali'áang' dsíir' cóo' jnea'^, jogui cajmicóo'r' jnea'^ cajo lajee' gaang' sí' e cataang'naa' fí' Malta do. Jo mí' cangí' jo, mí' cangotóo' túu' fí' calé' catú', cajmicóo' bre jnea'^ cajo cóo' jalé' e 'né' quí'naa' guiá' fí' lajee' e téé'naa' fí' ngóo'naa' fí' Roma.

Mí' caguié' Paa' fí Roma

¹¹ Jo mí' cangó'naa' fí' jo, téé'naa' fí' cóo' móo' e jíé' e nicajé' fí' Malta lajee' jíí' gúí'; jo e móo' do nijáa' fí' cóo' oo' jmí' e sií' Alejandría. Jo jéeng' gáng' dié' dsea' suung' i líí', jaang' i sií' Cástor jogui jaang' gui i sií' Pólux. ¹² Jo ca'uóø'baa' fí' Malta, jo cato' túu' fí' e ngóo'naa' fí' Roma. Jo mí' cangí' jo, caguié'naa' fí' cóo' fí' lí' sií' Siracusa, jo fí' job cajá'naa' 'ní' jmí'. ¹³ Jo fí' job ca'uóø' túu' e téé'naa' dsíí' móo', jo cangó'naa' la tóo' 'ní' jmiñí'^ cartí' caguié'naa' fí' cóo' fí' e sií' Regio. Jo mí' cajneá' e jmí' jo, có' lí' lí' uóøb' jó' guí', jo mí' cajneá' cóo' gui jmí' lajob caguié'naa' cóo' gui oo' jmí' lí' sií' Puteoli. ¹⁴ Jo fí' job caji' rú'naa' cóo' jaang' gáng' dsea' quíá' Dsea' Jmáang'. Jo íb' cató' jnea'^ e cajé'naa' cóo'r' fí' jo lajee' cóo' seaman'. Jo tá' jü lajob caguié'naa' cartí' Roma. ¹⁵ Jo jaléng' dsea' quíá' Dsea' Jmáang' i neáang' fí' Roma niñ'bre júu' quí'naa' e téé'naa' fí'. Joba' cangolíñ' e cangojmijíñ' jnea'^ cartí' cóo' fí' lí' sií' Foro de Apio jogui fí' cóo' gui lí' sií' Las Tres Tabernas. Jo mí' caneeng' rú'naa', dsifí' ladob cacuø' Paa' gui'máang' Fidié', jogui eáam' cali'áang' dsíir' cajo. ¹⁶ Jo mí' caguié'naa' fí' Roma, cacuøb' i 'lée' do fí' e nigüea' Paa' quíá' dsea' jíéng', jogui e jaam' 'lée' i nijmé' gui í' ír'.

Lajee' táang' Paa' fí Roma

¹⁷ Jo mí' cangí' 'ní' jmí' lajo e caguié' Paa' fí' Roma, joba' camí'r' fí' e calité'^ jaléng' dsea' quíé' ní' quíá' dsea' Israel i neáang' fí' Roma do. Jo mí' tí' lí' caseáng' í' lajiiñ' fí' jo, joba' lalab casí' Paa' jaléng' í':

—Dsea` góo'naa', ja` e mí` jmé` jnea` jii` coo` e ga` uii` quiá'- dsea` góo'oo' dsea` Israel o'gui coo` jalé' e t'ing` jaléng' 'lii` yúu' quí'ii'. Dsu' fí' Jerusalén cajáng' dsea` góo'oo' dsea` Israel jnea` fí' jaguó` dsea` romano, ¹⁸ jo mi` cangf` e cajmingí'- i dsea` romano do jnea` jalé' e 'n'ing` dsea` góo'oo' jnea`, cali'iiñ` fa' mi` caleáam`bre jnea` co' ja` e uing` sea` quié` e fa' dsí` í' e nijmeáiñ` jnea` cartí' nijúun`n. ¹⁹ Jo co' dsea` góo'oo' ja` cali'iiñ` fa' e caleáng`tu i dsea` romano do jnea` e júu` røø, joba' cali'iiñ` jnea` 'ñiá'a e i dseata` dsea` féng' i guing` fí' Romabing' i niquidsí' í' quié` e, nañí' fa' ja` e dsee` sea`re' quié` e jii` coo`, o'gui sea` jii` coo` dsee` fa' e ni'n'ing` jnea` dsea` góo'oo' cajo cuaiñ` quiá'- jalé' e júu` jo. ²⁰ Jo uing` e joba' e catøø`ø` 'nú' fí' la e laco' niliñí'na' jogui nisii`naa' coling` e` uing` e 'ñúun`n la lana, co' uing` e já' lán`n e nicagüéng` i sii` Dsea` Jmáang` do fí' jmigüí` la, jo íb` dsea` i sijeeng` jaléng' dsea` góo'oo'.

²¹ Jo cañí' i dsea` do quiá'- Paa` jo cajíñ'- casí'- reiñ':

—Jii` coo` jì ja` mí' ca'íng' jnea` e jáá' fí' Judea fa' e fé' uii` quí'-, o'gui jii` jaang` dsea` rú'naa' dsea` Israel i nigüilíng` fí' la fa' nicajíñ'- júu` ga` uii` quí'- cajo. ²² Dsu' ii`naa' ná'naa' júu` quí'- lana quiá'- jalé' e í' o', co' ne`baa' guiá` doñí' jiéb' fé' dsea` ga` quiá'- jaléng' 'nú', dsea` cúing`na' Dsea` Jmáang`.

²³ Jo lajob cajméer', catéer` coo` jmii` lí' niseáng' jaléng' dsea` Israel e fí' lí' guing` Paa`. Jo mi` tí' lí' niseáng' lajüing` dsea` fí' do, joba' canaang` Paa` e guiar` júu` fí' jee` i dsea` do quiá'- jial iing` Fidié` nicár` nifí' quiá'- lajaang` lajaang` dsea` jmigüí`. Jo guia' Paa` e júu` do tí' la'eeb` jo cartí' ca'lóo`. Jo sí'r` i dsea` do e laco' já' niliñ` júu` quiá'- Jesús la'eáang` cóo` júu` quiá' ta` quiá'- dsea` Israel e cajme' Moi` cóo`gui jalé' e fé' fí' ni` jì quiá'- i dsea` i café' cuaiñ` quiá'- Fidié` malii`gui eáang'. ²⁴ Jo i ling` i dsea` do jáb'- caliñ` e júu` e guia' Paa` do, jogui calisém`bi cajo i ja` calijii` e júu` jo. ²⁵ Jo co' ja` røø` süng` i dsea` do laca'íng' ca'íñ` quiá'- lajii` e júu` e guia' Paa` do, joba' canaaiñ` dsilím`bre. Jo lalab casí'- Paa` i dsea` do:

—Lanab dseáng' cajíng' Jmiguí` quiá'- Fidié` casí'r` 'lii` dsea` cóong' quí'naa' la'eáang` cóo` jaang` dsea` féng' i café' cuaiñ` quiá'- Fidié` malii`gui eáang` i sii` Saí' mi` cajíñ'- lala:

²⁶ Gua` jo güisí' jaléng' dsea` Israel e nañí' fa' jialgui e ninúr` dsu' ja` iiñ` ningáiñ` jii` coo`;
jogui nañí' fa' jialgui e nijóør`, dsu' ja` iiñ` ninír` jii` coo`.

²⁷ Co' dsíng' ja` iing` jmitáing` jaléng' i dsea` í`
jogui ja` lí'r` í' dsír' røø`
jogui jnir` loguar` cóo`gui jminir` cajo e laco' ja` lí'r` núur` o'gui jóør` o'gui lí'r`
ningáiñ` cajo.

Jo lajob ja` lí'r` niquí'- jíng' yaaíñ` fí' quinii`
e laco' jnea` quí'- jmii` nijmi'leáan`nre jóng.

Jo lanab lí' júu` quiá'- Saí' e cajme'r' malii`gui eáang'. ²⁸ Jogui güiliñí'b` 'nú' guiá` e latí' lanab ninaan` niguiaa` júu` quiá'- Dsea` Jmáang` jee` jaléng' dsea` i ja` ling` dsea` góo'oo' dsea` Israel quiá'- jial nileáng` Fidié` ír` jee` jalé' dsee` quiá'r`, jo i dsea` í' iim`bre núr` e júu` jo.

²⁹ Jo mi` cangf` e cajíng' Paa` e júu` jo, gui'nang' uøøm`bi i dsea` Israel do e jmigüing` rúñ' lajee` yaaíñ`, co' ja` røø` síiñ`.

³⁰ Jo mi` cangf` jo, caje`bi Paa` tú` jíng`gui e fí' 'núu' lí' quí'r` do e sí' fí' Roma. Jo fí' job íñ' jaléng' dsea` i dsilíng` i dsí'ee' ír'. ³¹ Jo dseáng' eáam` ja` 'gó'r` guiar` e júu` do quiá'- jial iing` Fidié` nicár` nifí' quiá'- lajaang` lajaang` dsea` jmigüí`. Jogui e'guir jaléng' i dsea` i guilíng` do cajo jalé' júu` quiá'- Fí'naa' Dsea` Jmáang`. Jo jii` jaang` dsea` ja` ii` jn'ing` quiá'r` fa' ja` cuøøng` jmér` lajo.

Jo lanab jii` lí' júu` e cajme' Lucas e catíng` Teófilo.

Júu[^] e to_o fí ni[~] jì quiá'- Paa⁻ e catíng⁻ dsea` seeng⁻ fí ROMA

¹ Jnea[~] Paa⁻ línⁿ jaang⁻ dsea` i jmóo` lajii[~] e iing[~] Dsea` Jmáang⁻. Jo Fidié[~]bing' i cató[^] jnea[~] e laco' ca'uúin⁻n jaang⁻ dsea` apóo[^] i óo` ta[~] quiá'r⁻ jogui caguíñⁿ jnea[~] e laco' niguiaa⁻ júu[^] quiá'- Dsea` Jmáang⁻ quiá'- jial laang⁻ dsea` jee[~] jaléⁿ dsee⁻ quiá'r⁻.

² Jo nicajméeb⁻ Fidié[~] júu[^] quiá'- jaléⁿ e júu[^] quiá'- Dsea` Jmáang⁻ na lami[~] jéeng'gui la'eáang' cóo[^] jaléⁿ jì e cajme' jaléngⁿ dsea` i nicafe' cuaiñ[~] quiá'r⁻ malii[~]gui eáang'. ³⁻⁴ Jo e júu[^] jo féⁿ cuaiñ[~] quiá'- Fii'naa' Dsea` Jmáang⁻ i líng' Jóo' Fidié[~]. Jo dsea` do cajar⁻ fí jmigüí[~] la e líiñ[~] jaang⁻ dsea` jmigüí[~], dsuco' líiñ[~] dsea` siju[~] dseata[~] Daví[^]. Dsu' cajmijnéeng' Fidié[~] e la'eáang' cóo[^] jmigüí[~] quiá'r⁻ 'ñia'bre e Fii'naa' Dsea` Jmáam⁻bing' líng' i Jóor' camíngⁿ i dsíngⁿ 'gøng' do. Jo cajmijneeiñ[~] lajo ie[~] lami[~] cajmijii[~] tur i Jóor' do jee[~] jaléngⁿ 'líi[~].

⁵ Jo la'eáang' cóo[^] Dsea` Jmáang⁻, jogui uíi[~] e eáang' guiúng⁻ Fidié[~], joba' cacuø'r' jnea[~] e ta[~] laniing⁻ la e ca'uúin⁻n jaang⁻ dsea` apóo[^] quiá'r⁻. Jo línⁿ lajo e laco' niguiaa⁻ júu[^] quiá'r⁻ jee[~] jaléngⁿ dsea` jmigüí[~], jo lajoba' nijá'- líng' dsea` jogui nijmér⁻ náu^r e júu[^] quiá'- dsea` do. ⁶ Jo jee[~] jaléngⁿ i dsea` í quiimⁿ 'nú' cajo, dsea` i cató[^] Fidié[~] e laco' ca'uúing⁻ na' dsea` quiá'r⁻. ⁷ Jo e jì la catíng⁻ 'nú', dsea` rú'naa' dsea` quiá'- Dsea` Jmáang⁻ i seeng' fí na fí Roma. Jo eáam' 'neáang' Fidié[~] 'nú' jogui nicaaguíñⁿ 'nú' e ni'uúing⁻ na' dseáng⁻ dsea` quiá'r⁻. Jo má[~] i Tiquí[^]ii' Fidié[~] cóo[^]gui Fii'naa' Dsea` Jmáang⁻ e ni'ír⁻ güea[^] quiá'r⁻ jee[~] jaléngⁿ 'nú', jogui e nicuø'r⁻ 'nú' e seeng⁻ na' juguiá⁻ júu[^] røø⁻.

Lajee[~] e iing[~] Paa⁻ dsieer[~] dsea` quiá'- Dsea` Jmáang⁻ i seeng⁻ fí Roma

⁸ Jo la'uii[~] júu[^] quié⁻ e fii⁻guíiⁿ 'nú', dsea` rú'naa' dsea` quiá'- Dsea` Jmáang⁻, quiá'- e cuøø⁻ gui'máang[~] Fii'i Fidié[~] uii[~] qui⁻na' lajiiing⁻ na' la'eáang' cóo[^] Fii'naa' Dsea` Jmáang⁻, dsuco' fí la fí na féⁿ dsea` jial e já'- líng⁻ na' júu[^] quiá'- Dsea` Jmáang⁻ e car⁻ ngocáng⁻ óoⁿ na'. ⁹ Jo guiáb⁻ niñi' Fidié[~] e laco' ya' mi[~] fónⁿ nre, má[~] ire uii[~] qui⁻na'. Jo jnea[~] jmóo⁻ dseáng⁻ e ngocáng⁻ dsii⁻ lajii[~] e iing[~] dsea` do e guiaa⁻ e júu[^] quiá'- i Jóor' Dsea` Jmáang⁻ do. ¹⁰ Jogui má[~] bí yejí[^] Fidié[~] cajo e song e iáang⁻ dsír⁻ e nicuø'r⁻ jnea[~] fí, joba' ninii⁻ i e ni'ee⁻ e 'nú' jóng. ¹¹ Jo eáam' iin⁻ n e nijmee⁻ e lajo e laco' cuøøng⁻ e nijmicóo⁻ o 'nú' cóo[^] jaléⁿ e guiá[^] e ngíng⁻ naa' e cuø' Fidié[~] jneaa⁻ aa' la'eáang' cóo[^] jmigüí[~] quiá'r⁻. Jo la'eáang' cóo[^] jaléⁿ e joba' e nisíng⁻ gui' teá' fí guiá⁻ cóo[^] Dsea` Jmáang⁻; ¹² jo laco' cuøøng⁻ fá⁻ a e nijmicóo⁻ gui rú'naa' la'eáang' e já'- líi⁻ naa' júu[^] quiá'- Dsea` Jmáang⁻.

¹³ Jo eáam' iin⁻ n e ñi⁻ na', dsea` rú'naa' dsea` quiá'- Dsea` Jmáang⁻, e jmiguiab⁻ ya' nica'f⁻ dsii⁻ e ninii⁻ i fí na e ni'ee⁻ e 'nú', dsu' carti' lana jmiguiab⁻ e nicajníng⁻ quié⁻ e, joba' ja⁻ mí calí⁻ fa' e nica'gá⁻ a fí na. Jo uing[~] quiá'- e ninii⁻ i fí na e laco' nijmicóo⁻ o jaléngⁿ i dsea` na e laco' ni'uúíñ⁻ dsea` quiá'- Dsea` Jmáang⁻ lí⁻ laco' jii[~] e nicalí⁻ fí góo⁻ dsea` lí⁻ jié⁻. ¹⁴ Co' 'né⁻ e niguiaa⁻ baa júu[^] quiá'- Dsea` Jmáang⁻ jee[~] jaléngⁿ dsea` i neáang' fí góo⁻ dsea` cóo[^] gui jaléngⁿ dsea` i neáang' fí jee[~] mó⁻ lí huí⁻, jogui jee[~] jaléngⁿ dsea` i tíng⁻ jì cóo[^] gui jee[~] dsea` i ja' líng⁻ lajo; ¹⁵ joba' dsíng⁻ iin⁻ n e ninii⁻ i fí na fí Roma e laco' niguiaa⁻ júu[^] quiá'- Dsea` Jmáang⁻ jee[~] jaléngⁿ 'nú', dsea` neáang⁻ na' fí na.

Jial 'gøng' júu[^] quiá'- Dsea` Jmáang⁻

¹⁶ Jo fii⁻guíiⁿ 'nú', dsea` rú'naa' dsea` quiá'- Dsea` Jmáang⁻, jnea[~] dseáng⁻ eáam' nita⁻ dsii⁻ cóo[^] júu[^] quiá'- Dsea` Jmáang⁻, có⁻ la'eáang' cóo[^] e júu[^] 'gøng' do niquí[~] Fidié[~] jmí[~] e nileáiñ⁻ jaléngⁿ dsea` jee[~] jaléⁿ dsee⁻ quiáiñ⁻. Jo la'uii[~] catíng⁻ lajo jaléngⁿ dsea` Israel, jogui lajobi cajo jaléngⁿ dsea` i ja' líng⁻ lajo. ¹⁷ Jo e júu[^] quiá'- Dsea` Jmáang⁻ na e' jneaa⁻ aa' e nica'íng⁻ Fidié[~] jneaa⁻ aa' e líi⁻ naa' dsea` i ja' røøng⁻ dsee⁻ fí quinir⁻ la'eáang⁻

e já' lí'naa' júu' quiá'r', jo jo' ee' 'né' jmó'guí' e jié'gui, co' lalab fé' fí' ní' jì' quiá'r': "Jo la'eáang' e já' líng' jaang' dsea' júu' quiá' Fidié', joba' Fidié' íñ' i dsea' í' e líñ' jaang' dsea' i ja' røøng' dsee' fí' quinir'."

Jalém' dsea' jmigüü' óor' dsee'

¹⁸ Jo ninee' jøø'baa' e Fidié' i guing' fí' ñíí', íb' i guing' quiá' jalé' e ja' dseeng' cóo'gui jalé' e 'lí' e jmóo' dsea', dsuco' cóo' jalé' e 'lí' e jmóo' jaléng' i dsea' í', jñíñ' quiá' jaléng' dsea' rúíñ' i iing' nilicuí' júu' sea' contøøng' quiá' Fidié'. ¹⁹ Co' lajalé' e cuøøng' nilíñ' dsea' quiá' Fidié', guiúb' niñ' jaléng' i dsea' í', co' 'ñiab' Fidié' nicajméer' e nicaliñ' jaléng' dsea' jmigüü' lajalé' e jo. ²⁰ Co' lajii' latí' mĩ' canaang' uiiñ' jmigüü', lajii' e líng' Fidié' e ja' quí' dsea' jmĩ' nilíñir', fa' la e 'gøíñ' e sea' lata' jogui e dseáng' jii' íbre líñ' Fidié', jo lajalé' e jo cuøøng' nilíñ' dsea' la'eáang' cóo' jalé' e nicajméer' fí' la'úng' fí' jmigüü'. Joba' jaléng' i dsea' í' ja' cuøøng' fa' e nífé'r' e ja' caliñir' e seeng' Fidié'. ²¹ Jo nañ' fa' niñ'bre e seeng' Fidié', dsu' ja' cajmígór' dsea' do laco' catíng', o'gui cacuø'r' dsea' do gui'máang' cóo' jalé' e guiá' e nicajmée' dsea' do. Dsu' o' lajo, co' lí' lí' í' dsíir' jmang' júu' e ja' uing' seab', jogui nicajñib' moguir' fa' e ní'í' dsíir' jalé' e guiá'. ²² Co' fé'r' yaaiñ' e líñ' dsea' i tíng' eáang', dsu' o' já' lajo, co' íib' líñ'. ²³ Dsuco' jo' jmiféiñ' Fidié' i 'gøng' i seeng' car' ngongí' jmĩ', jo nicanaaiñ' cajmeáaiñ' dié' quiá'r' cóo' guóor' i líng' la líng' dsea' jmigüü' osi i líng' la líng' ta' é, osi i líng' la líng' jó' quiá' tí' é, osi i líng' la líng' jaléng' jó' i dsijnúung' uø' é; jo lajaléng' íb' i cajmiféiñ' e lafa' e nijmiféiñ' Fidié'.

²⁴ Jo uí' e jmóo' i dsea' do jalé' e 'lí' do, joba' Fidié' nicatiúum-bre jaléng' í' e laco' nijméiñ' do jalé' e 'lí' jo e lí' dsíir', co' eáam' ga' beáng' dsee' yaaiñ' lajee' la'ó' yaaiñ'. ²⁵ Dsu' lafa' e nijmitir' lajii' e júu' quiá' Fidié' e sea' contøøng', jo lico' jmitir' lajii' júu' e o' jáb', jogui jmígór' jogui jmiféiñ' lajii' e sea' fí' jmigüü' e cajmée' Fidié' e lafa' e nijmiféiñ' 'ñia' Fidié' i cajmée' jalé' e jo. Co' jii' dsea' íb' i catíng' i nijmiféng' dsea' car' ngongí' jmĩ'. Jo lajob' 'né' lí'.

²⁶ Jo uí' e jmóo' jaléng' i dsea' do lajo, joba' Fidié' nicatiúum-breíñ' do e laco' nijméiñ' jalé' e 'lí' e lí' dsíiñ' do e quí' tíiñ' jmóor'. Dsuco' la quie' cartí' jaléng' dseamí' nicatúbre lajii' e catíng' jmóor' cóo' jaléng' dseañu', jo nicanaaiñ' jmóor' lajo lajee' la'ó' dseamíiñ'. ²⁷ Jogui lajobi cajo cajmée' jaléng' dseañu', nicatúbre lajii' e catíng' jmóor' cóo' jaléng' dseamí', jo nicanaaiñ' e jo' téeiñ' yaaiñ', co' nijmóor' lajii' e ja' catíng' nijmér' lajee' la'ó' dseañuiñ'. Jo la'ó' dseañu'bre nijmóor' lajii' e 'lí' rúíñ', joba' fí' ngúu' táam' jaléng' i dsea' la'í' íñ' iihuí' e jáa' quiá' Fidié' uí' e jmóor' jalé' e 'lí' lajo.

²⁸ Jo co' jo' iing'gui dsea' fa' e nijmicuíñ' Fidié', joba' Fidié' nicatiúum-bre jaléng' í', jo jo' jñíñ' quiáíñ' do e ní'í' dsíiñ' jalé' e 'lí' e já' dsíiñ', jo cóo' jalé' e í' dsíiñ' do canaang' jmóor' jalé' e ja' dseeng' e ja' catíng' nijmér'. ²⁹ Jo jaléng' i dsea' í' jmóor' lajii' íng' e ja' dseeng' e sea' fí' jmigüü', jogui jmóor' lajii' íng' e lí' dsíí' ngúu' táaiñ', jogui eáam' jmáíñ' ga' jaléng' dsea' rúíñ', jogui eáam' dsihuíiñ' quiá' jaléng' dsea' rúíñ', jogui jmóor' ta' jngang' jaléng' dsea' rúíñ', jogui jmóor' ta' tíng', jogui jmigøøiñ' dsea' rúíñ', jogui contøøm' í' dsíir' e ga' quiá' dsea' rúíñ', jogui jmóor' ta' quie' adsee', ³⁰ jogui fé'r' júu' ga' quiá' jaléng' dsea' rúíñ', jogui 'ní' níim-bre Fidié', jogui ja' í' líñ' cóo' jalé' e ga' e jmóor', jogui fé'r' júu' róo' uii' quiá'r' yaaiñ', jogui eáam' jmijløng' yaaiñ' jee' jaléng' dsea' rúíñ', jogui 'nó'r' jial nijmi'uíñ' jalé' e ja' dseeng', jogui ja' jmóor' núu'r' lajii' ta' quiá' dsea' cóøng' quiá'r', ³¹ jogui ja' iñ' e ningáíñ' lí' doñí' ee' e guiá', o'gui jmitir' jalé' júu' e fé'r', jogui ja' 'neáaiñ' jaléng' dsea' rúíñ', jogui ja' tíiñ' íiñ' dsee' quiá' jaléng' dsea' rúíñ' o'gui fí' líñ' jii' jaang' dsea' rúíñ' cajo. ³² Jo jaléng' i dsea' la'í' niñ'bre guiá' e Fidié' nicacuø'r' júu' quiá'r' e doñí' i' dsea' i jmóo' lajo, dseáng' 'né' e nijúum-bre.

Dsu' ja' ee' lí' e niñir' lajō, dsu' mí' 'noo'bi' jmóor' jalé' e ja' dseeng' lajō, jō jì'gui cartí' íaang' dsí'bre mí' jmóo' jaléng' dsea' jiéng' e ga' lajō.

2

Fidiée'bing' i quidsí' í' laco' cat#ng- quíá' lajaléng' dsea' jmigüü'

¹ Jōba' fñ' guí' 'nú', dsea' rú'naa', ií' 'nú' cuø'na' dsee- dsea' rúng'na', ja' e lí' ií' líng'na', dsu' mí' jmoo'na' lajō, yaam'ba' cuø'na' dsee- yaang'na' jóng, dsuco' 'nú' jmoo'na' ga' lí' laco' la jmóo' i dsea' íb' cajo. ² Jō nine'baa' røø' e laco' cat#m- quidsí' Fidiée' í' quíá'- lajaléng' dsea' i jmóo' e ga' lajō. ³ Dsu' 'nú', dsea' cuø'na' dsee- jaléng' dsea' rúng'na', ja' gü'í' óo'na' fa' e ja' niquidsí' Fidiée' í' quí'na' laco' cat#ng-, co' 'nú', røøb' jmoo'na' cajo laco' jmóo' jaléng' i dsea' i jmóo' e ga' lajō. ⁴ Jō eám' guiúng- Fidiée' cóo' 'nú', jōgui eám' féng' dsíir' cajo. Jō uí' e eám' guiúñ- do, jōba' nisijeeñ' 'nú' cartí' niquí' jíng' yaang'na' fí' quinir'. Dsu' 'nú', ja' iing'na' jmée'na' cuente jial tí' guiúñ- cóo' 'nú'. ⁵ Jō co' jaléng' 'nú' eám' ue' óo'na' jōgui ja' iing'na' fa' e niquí' jíng' yaang'na' fí' quini' Fidiée', jōba' eám' nijmi'm#ng'na' jalé' iihuí' e cat#ng- na' mí' nití' í' e niquidsí' Fidiée' í' laco' cat#ng- quíá'- lajaang' lajaang' dsea' jmigüü'. ⁶ Co' ie' jm# job mí' niquí' quíá'- lajaang' lajaang' dsea' lí' jialco' jii' e nica'ée' dsea' lajee' e seeñ' fí' jmigüü' la. ⁷ Jō jaléng' dsea' i 'nó' jial e nifé' Fidiée' guiá' uii' quíá'r- jōgui jial e niñiñ' quíá'- dsea' do jalé' e jlo' e cat#ñ- jōgui jial e niliseeñ' lata' uii' e cuø' dsíir' e jmóor' jalé' e guiá', jōba' lajaléng' dsea' i jmóo' lajō, Fidiée' nicuø'-bre jaléng' í' e niliseeñ' cøøng' cóo'r- lata'. ⁸ Jō dsu' lajaléng' dsea' i jmóo' lajii' e lí' dsíir' yaaiñ' jōgui ja' nú'r- jalé' ta' huí', co' lí' lí' tí'gui dsíir' e jmóor' jalé' e ja' dseeng', jō uí' jōba' Fidiée' eám' nisiguiñ' quíá'- jaléng' í', jō iihuí' e eám' nicuø'-reiñ'. ⁹ Jōba' jaléng' i dsea' i jmóo' jalé' e ga' lajō, eám' fí' í' niliñ' cóo' jalé' iihuí' e ni'íñ' e jáa' quíá'- Fidiée', jō jee' jō quíéng' jaléng' dsea' i líng' dsea' Israel jōgui dsu' lajōbi cajo jaléng' dsea' i ja' líng' dsea' Israel. ¹⁰ Dsu' jaléng' i dsea' i jmóo' jmang' jalé' e guiá', 'ñiab' Fidiéeb' nicuø'r- jaléng' í' jalé' e jlo' e cat#ñ-, jōgui nifé'r' guiá' uii' quíá'ñ-, jōgui nicuø'r- e niliseeñ' juguiá' contøøng- cajo. Jō jee' jō quíéng' jaléng' dsea' Israel, jōgui dsu' lajōbi cajo jaléng' dsea' i ja' líng' dsea' Israel. ¹¹ Co' Fidiée' ja' cår' cuente jial líng' dsea', co' røøb' lí'naa' laj#-naa' fí' quinir'.

¹² Jō jaléng' dsea' i ée' dsee- e ja' mí' calicuír' e júu' quíu' ta' quíá'- Moi, jōba' mí' nití' í' e júuñ- ja' ni'í' í' quíá'r- la'eáang' cóo' e júu' quíu' ta' do; jō dsu' jaléng' dsea' i ée' dsee- nañí' fa' nicuí'bre jial fé' e júu' quíu' ta' do, jōba' mí' nití' í' e júuñ-, cóo' e júu' quíu' ta' do ni'í' í' quíá'r- laco' cat#ng-. ¹³ Co' ja' ni'íng' Fidiée' jaléng' i dsea' i lico' núu' e júu' quíu' ta' do e líiñ' dsea' i ja' røøng' dsee- fí' quinir', dsuco' lajii' dsea' i jmóo' núu' laco' fé' e júu' jō, jii' í'bing' i ni'íng' Fidiée' e líiñ' dsea' i ja' røøng' dsee- fí' quinir'. ¹⁴ Jō jaléng' dsea' i ja' líng' dsea' Israel ja' sea' quíá'r- e júu' quíu' ta' do; dsu' mí' jmóor' laco' fé' e júu' quíu' ta' do, jmóor' jii' laco' í' dsíir' yaam'bre, jōba' lafa' yaam'bre sea' júu' quíu' ta' quíá'r- jóng. ¹⁵ Dsuco' cóo' lajalé' e jmóor' do cuø' lí' quíá'r- e dseáng'- fí' dsí'bre sea' jalé' e júu' quíu' ta' do. Co' cóo' jii' e í' dsíir' yaaiñ' do nija' júu' quíá'- jalé' e jō, jōgui cajo cóo' jalé' e í' dsíir' do ni'íng- ír' osi nijmi'øng' ír' é. ¹⁶ Jō nidsijée' lajalé' e jō lí' laco' cafá'-a na mí' niguiée' jm# e Fidiée' ni'ír- í' lí' jialco' ca'í' dsí' dsea' jōgui jialco' cajméer' lí' ja' ní' dsea' jiéng'. Jō nijmér- lajō la'eáang' cóo' Fí'naa' Dsea' Jmaang- lí' laco' jii' lí' e júu' e guiá' jnea'.

Jial seeng' dsea' Israel cóo' e júu' quíu' ta' quíá'r- e cajme' Moi'

¹⁷ Jō fñ' guí' jaléng' 'nú', dsea' fó'na' e líng'na' dsea' Israel jōgui e teá' teáang'na' cóo' júu' quíu' ta' quíá'- Moi' jōgui e jmi'løng' yaang'na' dsu' uí' e líng'na' dsea' siguáng' quíá'- Fidiée'; ¹⁸ jōgui fó'na' cajo e niñí'bi' lajii' e iing' Fidiée' e nijmée'na', jōgui e júu' quíu' ta' do jmicoo' 'nú' e niguií'na' jnang' e guiá' e nijmée'na', ¹⁹ jōgui e dseáng'- nitab' óo'na' e nilí'ba' nijmicóo'na' jaléng' dsea' i lafa' tiuung' uí' e ja' já' líiñ' e seeng'

jaang` Fidiée` , jogui fó'bi' cajo e lí'bi' nijmicóo`na' jaléng` dsea` i seeng` fí lí` nuu` só' uíi` e eáang` beáng` dsee` yaaiñ` ; ²⁰ jogui fó'na' cajo e nitab` óo'na' e lí'ba' é'na' jaléng` dsea` i ja lí' gui' jnang` jalé` e guiá` e nijmér` , jogui e tím'ba' jmée`na' lajo cajo cóo` i dsea` i tá caliñí' e júu` quiu' ta` qui`na' do, dsuco' e fí ni` júu` quiu' ta` do i' óo'na' e fí job lí` sea` uing` e laco' tíng`na' ngáng`na' jogui e laco' liñí`na' jalé` júu` já` . ²¹ Joba' fíi` jaléng` 'nú' e 'núb' e'na' jaléng` dsea` jiéng` , jo dsu' eáang`gui 'né` e nijmitíng`na' yaang`na' ; jogui 'nú' guia`na' júu` jee` jaléng` dsea` e ja` dseeng` e jmóo` dsea` ii` , jo dsu' cuóøng` 'nú'bi' jmoo`na' ii` quiá` dsea` rúng`na' ; ²² jogui fi'na' dsea` e ja` dseeng` e 'léé` dsea` e güññ` cóo` i o' quiá'r` , jo dsu' cuóøng` 'nú'bi' jmoo`na' jalé` e ja` dseeng` lajo ; jogui 'ni' máang`na' jaléng` dié` i jmáang` dsea` cóo` guóor` , dsu' cuóøng` 'nú'bi' jmoo`na' ii` jalé` e sea` fí sinúu` guá` quiá` jaléng` i dié` do ; ²³ jogui eáang` jmijlóng` yaang`na' quiá` e júu` quiu' ta` quiá` Moí` do, jo dsu' ja` jmi'goo`na' 'ña' Fidiée` , co' ja` jmoo`na' núu`na' jalé` e júu` quiu' ta` do. ²⁴ Co' e jáb` e líng` uim`ba' e fé' fí ni` jì quiá` Fidiée` lala: "Jaléng` dsea` i ja` líng` dsea` Israel gab` fé'r` uii` quiá` Fidiée` uíi` cóo` jalé` e ga` e jmoo` 'nú' , dsea` líng`na' dsea` Israel."

²⁵ Dsuco' e jáb` , doñí` ii` 'nú' i núu` e júu` quiu' ta` quiá` Moí` do, seab` lí` íng` ta` qui`na' e tóo' lí` fí ngúu` táang`na' lí' laco' la líng`naa' , dsea` lí'naa' dsea` Israel. Jo dsu' song ja` núu`na' e júu` quiu' ta` do, joba' ja` e ta` íng` qui`na' jóng e tóo' lí` fí ngúu` táang`na' do. ²⁶ Jo song ii` 'nú' ja` mí cató` lí` fí ngúu` táang` jo dsu' jmití`ba' lajii` e júu` quiu' ta` do, joba' Fidiée` ím`bre 'nú' jóng lafa' jaang` dsea` i nicató` lí` fí ngúu` táang` , nañí` fa' ja` mí calí`re lajo. ²⁷ Jo i dsea` i ja` tóo' lí` fí ngúu` táang` dsu' jmiti`bre e júu` quiu' ta` do, joba' cóo` i dsea` í cuø` lí` e jaléng` 'nú' , dsea` líng`na' dsea` Israel, oo`ba' dsee` fí quini` Fidiée` . Co' nañí` fa' nicatób` e lí` do fí ngúu` táang`na' jogui e seab` qui`na' e júu` quiu' ta` do, dsu' ja` jmiti`na' laco' fé' e júu` jo.

²⁸ Dsuco' e jáb` , lajob lí' , jii` jaang` dsea` líiñ` dseáng` dsea` Israel dsu' uíi` e jmóor` jii` e qui` tíng` dsea` áang` quiá'r` fa' e tóo' lí` fí ngúu` táaiñ` . ²⁹ Dsuco' i dsea` i dseáng` já` líng` dsea` Israel, fí dsí`bre lí` líiñ` lajo, jogui e qui` tíiñ` e jmóor` lí` fí ngúu` táaiñ` do, o' fí jo lí` 'né` jmér` lajo, co' lafa' fí dsí`bre lí` nitóo` e lí` do lana, co' dsea` quiá` Dsea` Jmáang` niliñ` , jo Jmiguí` quiá` Fidiée` dsea` jmóo` lajo, jo o' júu` quiu' ta` quiá` Moí` e jmóo` lajo. Jo i dsea` i líng` lajo, Fidiée`bing` i fé' guiá` uii` quiá'r` jo o' dsea` jmigüi` i fé' lajo.

3

¹ Joba' ¿su guiá`gui e lí'naa' dsea` Israel, jogui su e quíng`gui qui`ii' e tóo' lí` fí ngúu` táang`naa' lí' laco' qui` tí'naa'? ² E jáb` , lajob lí' , co' jmiguiab` uing` sea` e guiá` e lí'naa' dsea` Israel, jo e laba' e niing`gui e jneaa`bing` i nicang`ng` júu` quiá` Fidiée` . ³ Jo dsu' e jáb` , i líng` la'ó' dsea` góo`naa' dsea` Israel nicatá`bre e já` líiñ` júu` quiá` Fidiée` . Dsu' Fidiée` contøom` jmitir` júu` quiá'r` nañí` fa' i líng` dsea` góo`naa' ja` cajméer` já` líiñ` e júu` jo. ⁴ Co' e jáb` , contøom` fé' Fidiée` júu` já` , nañí` fa' dsea` jmigüi` contøom` quier` júu` ta` júu` . Co' lalab` fé' fí ni` jì quiá` Fidiée` lí` fé' cuaiñ` quiá'r` :
Jo mi` núu` dsea` júu` quiá`

conguiab` líñir` e jmang` júu` já`ba' fó' 'nu` ,
jo contøom` lí' mi` cuø' dsea` 'nu` dsee` .
Jo lanab` fé' fí ni` jì quiá` Fidiée` .

⁵ Jo dsu' song jalé` e ga` e jmoo`naa' íng` ta` e laco' eáang`gui nililí` dsea` jialco' jmóo` Fidiée` jmang` jalé` e guiá` , joba' ¿e` nife`ee' jóng? ¿Su e gab` jmóo` Fidiée` mi` cuø' iihuí` uíi` jalé` e ga` e jmoo`naa' do? (Dsu' fá`a e júu` la lí' laco' la fé' doñí` ii` dsea` jmigüi`.)
⁶ Dsu' Fidiée` jii` cóo` e ga` jmóor` . Co' faco' ja` cuø' iihuí` mi` jmóo` dsea` e ga` , joba' ¿jial lí'r` e ni'ír` í' røø` quiá` lajaléng` dsea` jmigüi`? ⁷ Jo seem` dsea` i fé' e cóo` jalé` júu` e o' já` e fé'r` , eáang`gui nililí` dsea` jial` fé' Fidiée` jmang` júu` já` , jo lajoba' nijmi`gó` dsea`

ír. Jo song lajob líí, joba' zjiali' ngíng` i dsea` í dsee` e lííñ` jaang` dsea` dsee` dsea` qui'?
 8 Jo song lajob líí cajo, joba' cuøøng` fe`ee' jóng, zjiali' ja` jmó`oo' e ga` e laco' ni`uíng`
 jmang'` e guiá? Jo lanab fé' i líng` dsea` e cuø'r` jnea` dsee`, co' fé'r` e e júu` lanaba' ée`
 jnea` dsea` rún`n, jo dsu' dseáng'` o' lajo. Jo jaléng'` i dsea` i fé' ga` lajo lí' catííñ` e ni'íñ`
 lajíi'` iihuí'` quiá'` jalé' e ga` e jmóor` do.

Jalém'` dsea` røøíñ` dsee`

9 Joba' zsu jneaa`aa', dsea` líí'naa' dsea` Israel, guiúng` guíi' fí' quini` Fidiée` laco'gui i
 dsea` i ja` líng' lajo? iú~, dseáng'` o' lajo! Dsuo' nicafíi`baa` 'nú' e lajalém'` dsea` i líng'
 dsea` Israel jogui lajalém'` dsea` i ja` líng' lajo dseáng'` røøb` lííñ', co' jalé'` dsee` quiá'` bre
 silíi'` ír. 10 Co' lalab fé' fí' ni` jì quiá'` Fidiée`:

iJa` seeng` jíi'` jaang` dsea` fa' e éer` røø` contøøng`!
 iCo' dseáng'` jíi'` jaang` dseáng'` ja` ií` seeng` i jmóo` lajo!

11 Jogui ja` seeng` dsea` i quiá'` jmií` ningáng',
 o'gui i iing` ni`náng'` Fidiée` cajo.

12 Co' lajím` dsea` nicacár` fí' ga`,
 jogui lajím` cajo ja` ee` uíng` sea` quiá'r` jíi'` coo`.

iCo' ja` seeng` jaang` dsea` fa' i ée` røø`!
 iCo' dseáng'` jíi'` jaang` dseáng'` ja` ií` seeng` i jmóo` lajo!

13 Jo jalé'` júu` e fé'r`, jmang'` júu` 'lib'` líí.
 Jo eáam` jmigóøíñ` dsea` rúíñ` cóo'` jalé'` e fé'r`.

Jo jalé'` e júu` jo eáam` 'léé',
 lí'` laco' líí' e nó` quiá'` jaang` mi'` i guíng`.

14 Jo lajalé'` e fé'r` do jmang'` júu` guíib`,
 jo cóo'` jalé'` e jo eáam` bííñ` jaléng'` dsea` rúíñ`.

15 Jo contøøng` guíng` dsír' e nijngáiñ` dsea` rúíñ`.

16 Jo lajíi'` fí' teáaiñ` dseáng'` jmang'` lajíi'` e 'lé`bre dseáng'`.
 Jo cuø'r` iihuí'` jaléng'` dsea` rúíñ`.

17 Jo dseáng'` jíi'` capí'` ja` ñir` jial dseáng'` e seeíñ` juguiá` cóo'` Fidiée`.

18 Jogui dseáng'` jíi'` capí'` ja` ñir' e 'né` e nijmi'`gór` Fidiée`.
 Jo lanab líí` júu` quiá'` Fidiée`.

19 Jo nine`baa' røø` e lajalé'` e júu` quiá'` ta` e cajme'` Moi` jaléng'` dsea` Israelbing'
 catíng` nijmiti~, jo lajoba' jíi'` jaang` dsea` jmigúí` cuøøng` fa' nijíñ` e ja` røøíñ` dsee`
 fí' quini` Fidiée`, co' dsea` íbing'` i íi'` laco' catíng` quiá'` lajaléng'` dsea` jmigúí'. 20 Co'
 Fidiée` ja` ni'íñ` jíi'` jaang` dsea` e lííñ'` jaang` dsea` i ja` røøng` dsee` fí' quini'` dsu' uíi`
 e jmitir` e júu` quiá'` ta` do. Dsuo' jíi'` lí'` íng` ta` e júu` quiá'` ta` do e lico'` line`naa' e
 líí'naa' dsea` røøng` dseeb`.

Jial íng'` Fidiée` jneaa`aa' la'eáang' e já'` líí'naa' júu` quiá'r`

21 Jo dsu' lana Fidiée` nicacuø'r` jneaa`aa' e nine`naa' jial e íñ` jneaa`aa' e líí'naa' dsea`
 i ja` røøng` dsee` fí' quini'`. Jo jmóor` lajo dsu' o' uíi'` e jmití'naa' júu` quiá'` ta` e cajme'
 Moi`. Jo røøb` cóøng` e júu` na laco'gui e fé' e fí' ni` e júu` quiá'` ta` do jogui laco' e café'
 jaléng'` dsea` i café'` cuaiñ` quiá'` Fidiée` malíi`gui eáang'. 22 Jo røøb` íng'` Fidiée` lajaléng'
 dsea` jmigúí' e lííñ'` dsea` i ja` røøng` dsee` fí' quini'` la'eáang' e já'` lííñ'` júu` quiá'` Dsea`
 Jmáang`. 23 Co' lajím` dsea` jmigúí' nica'éer` dsee`, jo uíi'` e joba' ja` catííñ` e nitííñ` e
 niliseeíñ` cóo'` Fidiée` fí' lí'` níng` 'gøng'` dsea` do. 24 Dsu' uíi'` e Fidiée` eáam` 'neáaiñ`
 jneaa`aa' e jíi'` ja` catíi`naa' lajo, joba' ca'íñ'` jneaa`aa' e líí'naa' dsea` i ja` røøng` dsee` fí'
 quini'`. Jo cajméer` lajo la'eáang' e nicaleáang` Dsea` Jmáang` jneaa`aa' jee` jalé'` dsee`
 qui`-ii'` ie` lamí` cajúíñ` fí' dse'` crúu`. 25 Jo Fidiée` cacuøøíñ` Dsea` Jmáang` e laco' cajúng`
 dsea` do fí' dse'` crúu`. Jo la'eáang' cóo'` e jmi'øøng` Dsea` Jmáang` e catíi'` fí' jo, ca'ííñ`
 dsee` quiá'` dsea`. Jo Fidiée` cacuøøíñ` dsea` do e laco' cuø'` lí'` e contøøm` jmóor` jmang'`

e guiá- jogui e eáam' féng' dsíir' cajo, dsuco' ja' iá- dsíir' jalé' dsee- e ca'ée' dsea' lamí- jéeng'gui. ²⁶ Jo cajméer' lajo e laco' niliñ' dsea' jmí- na e ím'bre dsea' e líiñ' dsea' i ja' røøng' dsee- fí' quinir'. Jo e na cuø' lí- e jíi' íb' dsea' i jmóo' jmang' jalé' e guiá-, jogui jíi' íb' cajo i íng' doñí' ií' dsea' i já'- líng' júu' quiá'- Dsea' Jmáang- e líiñ' dsea' i ja' røøng' dsee- fí' quinir'.

²⁷ Jo lana jíi' coo' fa' e nijmijløng' yee'naa' fí' quini' Fidiée' e í' dsi'naa' e ni'íñ' jneaa'aa' dsu' uíi' e jmití'naa' e júu' quiá' ta' do, co' ni'ím'bre jneaa'aa' dsu' uíi' e já'- lí'naa' júu' quiá'- Dsea' Jmáang-. ²⁸ Jo lanaba' nicaline'naa' røø' e Fidiée' ni'ím'bre dsea' e líiñ' dsea' i ja' røøng' dsee- fí' quinir' dsu' uíi' e já'- líiñ' júu' quiá'- Dsea' Jmáang-, dsu' o' uíi' e jmitir' e júu' quiá' ta' do. ²⁹ Dsu' Fidiée' ja' líiñ' jíi' Fidiée' quiá'- dsea' Israel, co' lím'bre cajo Fidiée' quiá'- lajaléng' dsea' jmigüi'. ³⁰ Co' dseáng'- jaam' Fidiée' dseáng'- i seeng', jo jíi' íbing' i íng' dsea' i já'- líng' júu' quiá'- Dsea' Jmáang- e líiñ' dsea' ja' røøng' dsee- fí' quinir', nañí' su líiñ' do dsea' Israel osi ja' líiñ' lajo é. ³¹ Jo dsu' uíi' e já'- lí'naa' júu' quiá'- Dsea' Jmáang-, joba' dseáng'- ja' cuøøng' fa' e ni'náng' ca' lajji' e fé' e fí' ni' júu' quiá' ta' do. Co' lí' lí' jmi'goo'-bí' jial tí' niing- e fé' e júu' jo.

4

Jo lí' laco' cajmée' 'lí' yúu' Abraham, lajob 'né' jmó'o'

¹ Jo lana, dsea' rú'naa', nisi'naa' capi' cuaiñ' quiá'- e calí- coo' 'lí' yúu' qui' ií' Abraham. ² Cofa' mí' calíng' Fidiée' 'lí' yúu' Abraham e líiñ' do jaang' dsea' i ja' røøng' dsee- fí' quinir' dsu' uíi' jalé' e guiá- e ca'éeiñ', joba' seab' cuøøng' lí' jmi'jlong' 'ñia'r' jóng, dsu' o' fí' quini' Fidiée' faco' lajo. ³ Dsuco' lalab fé' fí' ni' jì' quiá'- Fidiée': "Jo 'lí' yúu' Abraham jáb'- calíñ' júu' quiá'- Fidiée', joba' Fidiée' ca'íñ' dsea' do e líiñ' do jaang' dsea' i ja' røøng' dsee- fí' quinir'."

⁴ Jo lajob lí', fa' jaang' dsea' jmóor' ta', joba' e 'léeiñ' do ja' ngíiñ' lí' ta' ngíiñ', co' quiá'- lajji' ta' e jmóo'bre quiá'- e joba' ngíiñ'. ⁵ Jo dsu' fa' jaang' dsea' já'- líiñ' júu' quiá'- Fidiée', joba' Fidiée' ím'bre dsea' do e líiñ' do jaang' dsea' i ja' røøng' dsee- fí' quinir' nañí' fa' ja' mí' cajméeiñ' do jíi' coo' e guiá-. ⁶ Co' caféb' dseata' dsea' féng' Daví' íe' malí'gui do quiá'- jial tí' juguiá' quiá'- lí' doñí' ií' dsea' mí' jo' iá- dsí' Fidiée' coo' lajalé' e nica'jméer' lamí' jéeng'gui, jogui e nica'íng'neiñ' e líiñ' do jaang' dsea' i ja' røøng' dsee- fí' quinir'. ⁷ Jo lalab cajíng' i dseata' do íe' malí'gui do:

jjo eáam' juguiá' quiá'- jaléng' dsea'
mí' Fidiée' nica'íiñ' dsee- quiá'- lajalé' e ga' e nica'jméeiñ',
jogui e nica'leáng'neiñ' jee' jalé' dsee- quiá'íñ'!

⁸ Jo eáam' juguiá' quiá'- jaléng' dsea'
i jo' iá- dsí' Fí'naa' Fidiée' jalé' dsee- e nica'éeiñ'.
Jo lanab jíi' lí' júu' quiá'- dseata' dsea' féng' Daví'.

⁹ Jo e juguiá' na ja' catíng- jíi' dsea' Israel i quí- táng' tóo' lí' fí' ngúu' táang', co' catíim' cajo jaléng' dsea' i ja' líng' dsea' Israel dsea' i ja' quí- táng' lajo. Co' lí' laco' la nicasí'naa' 'nú' e Fidiée' ca'ím'bre 'lí' yúu' Abraham e líiñ' do jaang' dsea' i ja' røøng' dsee- fí' quinir' dsu' uíi' e já'- calíng- dsea' do júu' quiá'- Fidiée', ¹⁰ jo ¿lí' calíng' Fidiée' i 'lí' yúu' Abraham do e líiñ' do lajo? ¿Su nú'-gui e cató- lí' fí' ngúu' táaiñ' osi mí' cangí' jo é? Mó' nú'-gui e cató- lí' fí' ngúu' táam'bre calíng' Fidiée' ír' e líiñ' do jaang' dsea' i ja' røøng' dsee- fí' quinir'. ¹¹ Jo mí' cangí' e calíng' Fidiée' i 'lí' yúu' do, joguiba' cató- lí' fí' ngúu' táaiñ' do e laco' cuø' lí' e nica'ím' Fidiée' ír' e líiñ' jaang' dsea' i ja' røøng' dsee- fí' quinir' dsu' uíi' e já'- calíñ'- do júu' quiá'- Fidiée'. Jo uíi' e joba' i 'lí' yúu' Abraham do ca'uíiñ' lafa' tiquiá' jaléng' dsea' i já'- líng' júu' quiá'- Fidiée'. Co' Fidiée' bing' i íng' dsea' i já'- líng' júu' quiá'r- e laco' niliñ' do dsea' i ja' røøng' dsee- fí' quinir', jo ja' ee' lí' fa' ja' mí' cató- lí' fí' ngúu' táaiñ' do. ¹² Jogui i 'lí' yúu' Abraham do lím'bre cajo lafa' tiquiá' jaléng' dsea' Israel i nica'tó- lí' fí' ngúu' táang'. Jo i 'lí' yúu' do líiñ' lafa' tiquiá'

jaléng' î dsu' o' uí' e nicatō- li' fí' ngúú' táaiñ' do; co' 'né- e nijmiti~biñ' do cajo lí' laco' cajmée' i' 'lii' yúu' Abraham do ie~ lamí' já' calíñ- júu' quiá'- Fidiée' lajee' e nú'- gui e catō- li' fí' ngúú' táaiñ'.

Mi' cacuø' Fidiée' júu' quiá'- 'lii' yúu' Abraham

¹³ Jo ie~ malii' gui do Fidiée' cacuø'r' júu' 'lii' yúu' Abraham cóo' gui jaléng' dsea' sijur' e niñim' biñ' do lajalé' e sea' fí' jmigüi'. Jo e júu' la caliti' dsu' o' uí' e 'lii' yúu' Abraham cajmээр' náu'r' e júu' quiu' ta' e cajme' Moi'. Co' calí' lajo la'eáang' e jáb'- calíng- i' 'lii' yúu' do júu' quiá'- Fidiée', jo uí' e joba' e ca'íng' dsea' do ír' e líiñ' jaang' dsea' i' ja' dsee- røøng' fí' quinir'. ¹⁴ Jo song lajii' dsea' i' jmiti' e júu' quiu' ta' do ni'íñ' lajalé' e sea' fí' jmigüi', joba' cuøøng' fe'ee' jóng e ja' ee' ta' íng' e já'- líng' dsea' júu' quiá'- Fidiée', jogui e júu' e cacuø' Fidiée' lamí' jéeng' gui do ja' ee' quíng' cajo. ¹⁵ Co' song ja' jmiti' dsea' dseáng'- røø' e júu' quiu' ta' do, joba' iihuñb' íñ' quiá'- Fidiée' jóng. Jo dsu' lí' ja' sea' e júu' quiu' ta' do, joba' ja' ee' cuøøng' lí' 'lé- dsea' cóo' e jo.

¹⁶ Jo Fidiée' cacuø'r' 'lii' yúu' Abraham júu' quiá'- r' uí' e já'- calíng- i' 'lii' yúu' do júu' quiá'- dsea' do. Jo cajmée' Fidiée' lajo e laco' jaléng' dsea' i' líng' sijur' 'lii' yúu' Abraham nita' dsír' e dseáng'- nijmitib' Fidiée' e júu' jo la'eáang' e eáang' 'neáaiñ' jaléng' i' dsea' î e jii' ja' catíñ' do lajo. Jo lí' laco' cuøøng' fe'ee' e júu' na, e jalé' e jíng'- Fidiée' e nicuø'r' jaléng' dsea', dsu' o' jii' dsea' i' catíng- e júu' quiu' ta' do i' nicuø'r' jalé' e jo, co' nicuø'-bre cajo jaléng' i' dsea' i' já'- líng' júu' quiá'- r' lí' laco' cajmée' i' 'lii' yúu' Abraham do. Jo lajoba' i' 'lii' yúu' do ca'uíñ- lafa' tiquiá' jaléng' jneaa' aa', dsea' i' já'- lí' naa' júu' quiá'- Fidiée'. ¹⁷ Jo lí' laco' la fé' Fidiée' fí' ni' jì quiá'- r' lí' fé'r' lala cuaiñ' quiá'- 'lii' yúu' Abraham: "Nícajmé- e e nilín'- lafa' tiquiá' i' fíng' 'lé' dsea' jmigüi'." Jo lanab fé' Fidiée' fí' ni' jì quiá'- r'. Jo e júu' la calitib~, co' 'ñiab' Fidiée' dsea' cacuø'r'. Jogui jáb'- calíng- Abraham e júu' e cangíñ' quiá'- dsea' do. Jo jii' Fidiée' bing' i' quí' jmi' e nijmijí'r' jaléng' 'lii' jogui e nijmér- e nilisea' doñi' ee' e ja' mí' sea' fí' jmigüi'.

¹⁸ Jo lajee' e nidseáam- eáang' i' 'lii' yúu' Abraham do, jogui jo' quí'r' jmi' fa' e niliseeng' jóor' co' eám' niyúu'r~, jo dsu' jáb'- calíñ' do júu' quiá'- Fidiée' e quiá'- niliseem' jóor' nañi' fa' ja' quí'r' jmi' lajo. Jo dsu' lajob calí-, jo "ca'uíñ- lafa' tiquiá' i' fíng' 'lé' dsea' jmigüi'" lí' laco' gui la nicasi'- Fidiée' ír' lamí' jéeng' gui ie~ lamí' cajíng'- dsea' do lala: "Lanab niliseeng' fíng' dsea' sijú'." ¹⁹ Jo dseáng'- ja' calitúm- dsí' 'lii' yúu' Abraham e já'- líiñ' júu' quiá'- Fidiée', nañi' fa' ie~ jo níngoor' jie~ ja' cien jii', jogui nilí'-bre cóo' dseam' quiá'- r' i' sií' Sara do e tí' lí' nijúum- bre. Jo laji' gám- bre ie~ jo eám' nidseáaiñ-, joba' jo' quí' guir jmi' fa' e niliseeng' jóor'. ²⁰ Jo i' 'lii' yúu' Abraham do dseáng'- jáb'- calíñ- jogui dseáng'- calitab~ dsír' e dseáng'- nijmitib' Fidiée' lajii' júu' e cacuø'r' dsea' do, jo eáang' gui já'- calíñ- jogui cajmita' gui dsír' e dseáng'- nijmitib' Fidiée' lajii' e nicajíñ'- lamí' jéeng' gui do. Jo uí' joba' eám' cajmiféiñ' Fidiée', ²¹ co' dseáng'- nitab~ dsír' e dseáng'- quí'b' dsea' do jmi' e nijmitir' lajii' júu' e nicacuø'r' lamí' jéeng' gui. ²² Jo uí' e já'- calíñ'- do e júu' jo, joba' ca'íng' Fidiée' ír' e líiñ' do jaang' dsea' i' ja' røøng' dsee- fí' quinir'. ²³ Jo e ca'íng' Fidiée' i' 'lii' yúu' Abraham do e líiñ' do jaang' dsea' i' ja' røøng' dsee- fí' quinir' o' jii' quiá'- 'lii' yúu' í' dseáng'- fé' e júu' na, ²⁴ dsuco' catím- jneaa' aa' e júu' na cajo. Co' ím' Fidiée' jneaa' aa' e lí' naa' dsea' i' ja' røøng' dsee- fí' quinir' dsu' uí' e já'- lí' naa' júu' quiá'- r'. Jo jáb'- lí' naa' cajo e Fidiée' bing' i' cajmijí'tu' Fí' naa' Dsea' Jmáang- ²⁵ mi' cangí' e cacuøøiñ' dsea' do e cajúñ'- fí' dse' crúu' uí' jalé' dsee- quí'- ii'. Jo mi' cangí' jo, cajmijí'tur Dsea' Jmáang- e laco' la'eáang' î cajmээр' cóo' jneaa' aa' e nilí' naa' dsea' i' ja' røøng' dsee- fí' quinir'.

5

Jial íng' Fidiée' dsea' e líiñ' dsea' i' ja' røøng' dsee- fí' quinir'

¹ Jo lana Fidiéé[~] nica'íñ[~] jneaa[~]aa' e lí'naa' dsea` i ja` røøng` dsee⁻ fí` quinir[~] dsu' uíí[~] e nijá⁻ lí'naa' júu[^] quiá'r⁻. Jo co' lajob nilí'naa', joba' juguiá⁻ júu[^] røø` nisee⁻naa' lana cóo[~] Fidiéé[~] la'eáang' cóo[~] jalé[~] e nicajmée⁻ Fí'naa' Dsea` Jmáang⁻ cóo[~] jneaa[~]aa'. ² Jo la'eáang' cóo[~] Dsea` Jmáam⁻ba' e nisee⁻naa' lajo cóo[~] Fidiéé[~]. Jo nicang[~]naa' e jo uíí[~] e já⁻ lí'naa' júu[^] quiá'r⁻. Jo lajob nisee⁻naa' lana, jogui eáam' iáang' dsi'naa', co' nitab⁻ dsi'naa' e dseáng⁻ niliseem⁻baa' cøøng' cóo[~] Fidiéé[~] fí' lí[~] niing⁻ 'gøiñ'[~] mi[~] nití⁻ e í[~] jo. ³ Jogui o' quiá⁻ jíí[~] e na e jmi'iaang' dsi'naa', co' lajob cajo jmi'iaam' dsi'naa' cóo[~] jalé[~] e huíng' e dsijée' quí⁻ii'. Co' nine⁻baa' guiá⁻ e mi[~] ningf' e dsing[~]naa' jalé[~] e jo, joba' eáang'gui⁻ niliféng' dsi'naa' cóo[~] doñí' ee⁻ e nidsijée' quí⁻ii' jóng. ⁴ Jo mi[~] jmoo⁻naa' e féng' dsi'naa' cóo[~] jalé[~] e dsing[~]naa' do, joba' guiáb⁻ fé[~] Fidiéé[~] uii[~] quí⁻ii' jóng. Jo mi[~] jmoo⁻ Fidiéé[~] lajo cóo[~] jneaa[~]aa', joba' eáang'gui lita⁻ dsi'naa' e niliseem⁻baa' cøøng' cóo[~] Fidiéé[~] fí' lí[~] niing⁻ 'gøiñ'[~]. ⁵ Jo e nita⁻ dsi'naa' na dseáng⁻ nilitib⁻, co' la'eáang' cóo[~] Jmiguí' quiá'r⁻ e nicacuø'r' jneaa[~]aa' e nicaline⁻naa' jial tíí' e ja` cøøng' cóo[~] e 'neáaiñ[~] jneaa[~]aa' do.

⁶ Jo dsu' lajee[~] e ja` quí[~]guí[~] jmi[~] fa' e nilaang⁻ yee⁻naa' jee⁻ jalé[~] dsee⁻ quí⁻ii', jo dsu' lajee[~] job mi[~] catí' í[~] e cagüéng⁻ Dsea` Jmáang⁻ fí' jmi[~]guí' la e laco' cajáng⁻ 'ñia'r' e cajúíñ⁻ cuaiñ[~] quí⁻ii', dsea` lí'naa' dsea` dsee⁻ dsea` quí'. ⁷ Dsu' huím' eáang' nicuøng⁻ 'ñia'[~] jaang⁻ dsea' e nijúuiñ⁻ uii[~] quiá⁻ jaang⁻ dsea' i ee⁻ røø, jo dsu' coo' jangám⁻ seeng⁻ jaang⁻ dsea' i nicuøng⁻ 'ñia'[~] e nijúuiñ⁻ cuaiñ[~] quiá⁻ jaang'gui dsea' i dseáng⁻ lajang⁻ guiúng⁻. ⁸ Jo dsu' lajee[~] e lí'naa' dsea` dsee⁻ dsea` quí', Fidiéé[~] ca'e'r' jneaa[~]aa' jial tíí' ja` cøøng' cóo[~] e 'neáaiñ[~] jneaa[~]aa', co' casííñ⁻ Dsea` Jmáang⁻ e laco' dsea' do cajúíñ⁻ uíí[~] dsee⁻ quí⁻ii'. ⁹ Jo lana nica'ím[~] Fidiéé[~] jneaa[~]aa' e nilí'naa' dsea` i ja` røøng' dsee⁻ fí' quinir[~] la'eáang' cóo[~] e jmi'øøng⁻ Fí'naa' Dsea` Jmáang⁻. Jo co' lajob cajmээр' cóo[~] jneaa[~]aa', joba' lana eáang'gui⁻ nita⁻ dsi'naa' e Dsea` Jmáam⁻bing' i nileáng⁻ jneaa[~]aa' jee⁻ jalé[~] i iihuí[~] e nilisea⁻ mi[~] tí' lí[~] ni'í⁻ Fidiéé[~] í[~] quiá⁻ lajaléng' dsea' jmi[~]guí'. ¹⁰ Jo lajee[~] e ja` see⁻naa' røø' cóo[~] Fidiéé[~] jogui e 'ní[~] máang'naa're, jo lajee[~] job cajmээр' e caliséng'naa' juguiá⁻ júu[^] røø' cóo[~] la'eáang' e cajúng⁻ Jóor' Dsea` Jmáang⁻ fí' dse⁻ crúu[^]. Jo co' lajob cajmээр' cóo[~] jneaa[~]aa', joba' lana eáang'gui⁻ nita⁻ dsi'naa' e dseáng⁻ nileám⁻baa' jee⁻ jalé[~] dsee⁻ quí⁻ii' la'eáang' e cají[~]tu Dsea` Jmáang⁻ mi[~] cangf' e cajúíñ⁻. ¹¹ Jo o' jíí[~] quiá⁻ e na e jmi'iaang' dsi'naa', co' lajob jmi'iaang' dsi'naa' cajo cóo[~] lajalé[~] e nicajmée⁻ Fidiéé[~] cóo[~] jneaa[~]aa' la'eáang' cóo[~] Fí'naa' Dsea` Jmáang⁻; dsuco' la'eáang' dsea' dob e nisee⁻naa' lana juguiá⁻ júu[^] røø' cøøng' cóo[~] Fidiéé[~].

Mi[~] canaang` e sea` dsee⁻ fí' jmi[~]guí'

¹² Jo lajob líí', dsea` rú'naa'; jo la'uii[~], mi[~] canaang⁻ e caliseá⁻ dsee⁻ fí' jmi[~]guí' la, calí⁻ lajo uíí[~] jaang⁻ dseañu[~] i calisí' Adán. Jo dsifí' mi[~] cangf' e ca'éer' dsee⁻, job mi[~] canaang⁻ e caliseá⁻ 'mó⁻'; jo co' lajob cajmееiñ⁻ do lami[~] uii[~], joba' lajim⁻ dsea' latí' lana sea' 'mó⁻ quiá'r⁻ uíí[~] jalé[~] e dsee⁻ e éer'. ¹³ Jo dsea` dsee⁻ dsea' quib' nilíng' dsea' lajíí[~] ie⁻ nú⁻gui e niíng' Moi[~] e júu[^] quiu[~] ta[~] quiá⁻ Fidiéé[~]. Jo dsu' mi[~] ja` sea' júu[^] quiu[~] ta[~], joba' ja` cuøøng' lí' níng' dsea' dsee⁻ e ja` mi[~] cajmitir⁻ e júu[^] jo. ¹⁴ Jo lajob líí', lajaléng' dsea' i caliséng' jíí[~] ie⁻ lami[~] cajá⁻ Adán jo ie⁻ cartí' cajá⁻ Moi[~] caliseáb⁻ 'mó[^] quiá'r⁻, joba' cajúm⁻bre. Jo calííñ⁻ lajo uíí[~] jalé[~] dsee⁻ e ca'éer', lifa' ja` ca'éer' dsee⁻ e laco' dsee⁻ e ca'éé' Adán, co' i dsea' do ja` cajmээр' núu⁻r[~] coo' ta[~] caqui[~] Fidiéé[~]. Jo i Adán labing' i líng' coo' e lí' quiá⁻ jaang⁻ i niing⁻ i nijáa' cøøng'gui. ¹⁵ Jo ja` cuøøng' cøøng⁻naa' røø' e dsee⁻ e ca'éé' Adán jogui e cacuø' Fidiéé[~] jneaa[~]aa' e iáang' dsíir'. Dsuco' uíí[~] e dsee⁻ e ca'éé' i Adán do ie⁻ jo, joba' caliseá⁻ 'mó⁻ fí' jmi[~]guí' la, jo mi[~] calí⁻ lajo, joba' lajim⁻ dsea' júuiñ⁻ jóng. Jogui e cang[~]naa' quiá⁻ Fidiéé[~] uíí[~] e 'neáaiñ[~] jneaa[~]aa' do cajmilir⁻ lajo cóo[~] jíí[~] 'ñia'[~] Dsea` Jmáang⁻. Co' e cajmее' Dsea` Jmáang⁻ do dseáng⁻ ja` sea' e cuøøng' lí' cóng⁻ cóo[~] e jo, co' la'eáang' jíí[~] cóo[~] íb' fíim' dsea' jmi[~]guí' tííñ⁻ fí' quini[~] Fidiéé[~]. ¹⁶ Jo e cang[~]naa' quiá⁻ Fidiéé[~] uíí[~] e eáang' 'neáaiñ[~] jneaa[~]aa' do ja` cuøøng' lí' cøøng⁻naa' cóo[~] e dsee⁻

e ca'ée` i Adán do. Co' mi` ca'éeiñ` do dsee`, joba' canaang` e caliseá' 'mó` fi' jmiḡüü, jo uíi` joba' ca'naam` dsea` jóng e seeiñ` cøøng` cóo' Fidiée`. Jo dsu' e cangíng`naa' quiá' Fidiée` do jmóo` e iñ' jneaa`aa' e nilí'naa' dsea` i ja` røøng` dsee` fi' quinir`. Jo e jo jmóo` Fidiée` cóo' jneaa`aa' la'eáang` cóo' Dsea` Jmáang-, co' í'bing' i nica'íng` lajalé` dsee` quiá' dsea` jmiḡüü. ¹⁷ Jo dsu' e jáb', mi` ca'ée` i Adán do la'uii` dsee`, joba' canaang` e caliseá' bí quiá' 'mó`, co' dseáng` lajím` dsea` jmiḡüü tñiñ` e jo. Jo dsu' eáang`guib sea` bí quiá' lajii` e cuø' Fidiée` i fíng` dsea` jmiḡüü e íng`neiñ' e líiñ' dsea` i ja` røøng` dsee` fi' quinir`. Jo jmóo` Fidiée` lajo la'eáang` cóo' jii` 'ñia' Dsea` Jmáang- uíi` e eáang` guiúñ` cóo' dsea` jmiḡüü. Jo co' lajob líí, joba' røøb` ni'íñ' í' cóo' Dsea` Jmáang- mi` nití' í' lajo.

¹⁸ Jo co' la'eáang` cóo' e coo` dsee` e ca'ée` i Adán do, job mi` ca'naang` dsea` e seeiñ` cøøng` cóo' Fidiée`. Jo dsu' la'eáang` cóo' e coo` e guiá` e cajmée` Dsea` Jmáang- fi' dse' crúu`, joba' lana niseab` fi' e lajaléng` dsea` nilíiñ` dsea` i ja` røøng` dsee` fi' quiní` Fidiée`.

¹⁹ Jo co' ja` cajmée`gui i Adán do núu'r` lajii` ta` caquiú' Fidiée`, joba' lajalém` dsea` jmiḡüü ca'uiiñ` dsea` dsee` dsea` qui'. Jogui lajobi cajo, la'eáang` e cajmée` Dsea` Jmáang- núu'r`, joba' íng` Fidiée` i fíim` dsea` jmiḡüü e líiñ' do dsea` i ja` røøng` dsee` fi' quinir`.

²⁰ Jo mi` caliseá' e júu` quiú' ta` e cajme' Moi` do, joba' eáang`guib calilí` dsea` e røøiñ` dsee` jóng. Jo dsu' mi` calimíng` eáang` dsee` quiá' dsea`, joba' Fidiée` eáang`guib caliguiúñ` cóo' jaléng` dsea` nañí' fa' ja` catíiñ' lajo. ²¹ Jo dsu' e jáb' e dsee` e ée` dsea` jmiḡüü seab` bí quiá', co' fi' 'mób` sí'. Jo dsu' e eáang` guiúng` Fidiée` cóo' jneaa`aa' do eáang`guib sea` bí quiá', co' nica'ím`bre jneaa`aa' e líí'naa' dsea` i ja` røøng` dsee` fi' quinir`. Jo cajmée` lajo cóo' jneaa`aa' e laco' nilisee`naa' car` ngongí` jmiñ` la'eáang` cóo' Fí'naa' Dsea` Jmáang-.

6

Lafa' dsea` 'míng` nilí'naa' la'eáang` cóo' Dsea` Jmáang-

¹ Jo fíi`guíi` 'nú', dsea` rú'naa', e ja` cuøøng` e ni'í'gui dsi'naa' e nibeáang`gui dsee` yee`naa' e laco' eáang`gui niliguiúng` Fidiée` cóo' jneaa`aa'. ² Co' dseáng` o' lajo! Dsaco' jneaa`aa' lafa' nicajúm`baa' uíi` e nica'náng`naa' jee` jalé' dsee` e lamí` quié` nifi' qui`ii'. Jo co' lajob nilí'naa', joba' jo` cuøøng` fa' e nibeáang`gui dsee` yee`naa'. ³ Dsaco' nine`baa' guiá` e ie` mi` cajgáang`naa' jmiñ` uíi` e nilí'naa' dsea` quiá' Dsea` Jmáang-, joba' lafa' e cajúm`baa' jóng cóo' dsea` do fi' dse' crúu`. ⁴ Co' ie` mi` cajgáang`naa' jmiñ` do líí' lafa' e røøb` ca'áng`naa' cóo' Dsea` Jmáang- mi` cangí' e cajúñ`. Jogui mi` cají'tu Dsea` Jmáang- la'eáang` cóo' e güea' 'gøng' quiá' Tiquiá'r` Fidiée`, joba' lafa' cajíb'tu jneaa`aa' cajo e laco' nilisee`naa' e nilí'naa' lafa' dsea` 'míng`.

⁵ Jo co' lafa' cajúm`baa' ie` lamí` cajúng` Dsea` Jmáang-, joba' lana lafa' jaam` dsea` nilí'na' cóo'r`. Jo co' cajíb'tu Dsea` Jmáang- mi` cangí' jo, joba' jneaa`aa' cajo nijíb'túu' ie` jo e laco' nilisee`naa' cøøng` cóo'r`. ⁶ Jo nine`baa' guiá` e ie` mi` catáng` Dsea` Jmáang- fi' dse' crúu`, cacó`bre lajalé' e ja` dseeng` e lamí` jmoo`naa' do, jo lajoba' ca'ím` e si' fi' qui`ii' e ni'ee`naa' dsee` do. Jo co' lajob calí-, joba' lana jo` quiú'gui ta` jneaa`aa' jalé' dsee`. ⁷ Dsaco' fa' mi` júung` jaang` dsea`, joba' jo` cuøøng` fa' e nijmirøng`gui 'ñia'r` dsee`.

⁸ Jogui co' jneaa`aa' lafa' nicajúm`baa' røø` cóo' Dsea` Jmáang-, joba' nitab` dsi'naa' e dseáng` nilisee`baa' cøøng` cóo'r` car` ngongí` jmiñ`. ⁹ Jo co' cajíb'tu Dsea` Jmáang- mi` cangí' e cajúñ-, joba' guiáb` nine`naa' e jo` cuøøng`gui fa' e nijúung`tur calé' catú-, co' jo` sea` bí quiá' 'mó` fa' e niquiú'gui ta` ír'. ¹⁰ Jo coo` ya'ba' cajúng` Dsea` Jmáang- fi' dse' crúu` uíi` jalé' dsee` qui`ii', jo lajoba' ca'íñ` car` ngongí` jmiñ` e bí quiá' jalé' e dsee` jo. Jo mi` cangí' jo, cají'tur calé' catú` e laco' lana niseeiñ` cøøng` cóo' Fidiée` car` ngongí` jmiñ`. ¹¹ Jo lajob jaléng` 'nú' cajo 'né` í' óo'na' e lafa' nicajúm`ba' uíi` e jo` quiú'gui ta` 'nú' jalé' dsee` qui`na'. Co' lanagui 'né` í' óo'na' e seeng`na' cøøng` cóo' Fidiée` la'eáang` e nilíng`na' jaang` dsea` cóo' Dsea` Jmáang-.

¹² Jo co' lajob líí, dsea`rú`naa' dsea`quíá'- Dsea`Jmáang-, joba' fíí-guú' 'nú' e ja`cuø'gui fí' yaang~na' fa' e dsee- quíi-na' quíá'-gui ta~ 'nú' e laco' nijmití'na' lajii~ e lí' óo'na' yaang~na'. ¹³ Jo ja`jáang~ yaang~na' fí' ní~ dsee- e laco' nilisea' fí' quíi-na' e nijmées'na' jalé' e ja`dseeng' e lí' óo'na' yaang~na', dsuco' o' lajo e 'né- jmées'na' lana; co' lí' lí' 'né- jmées'na' e nijáang~ yaang~na' fí' jaguó' Fidiée~, co' lana nilíng'na' dsea` i lafa' nicajúng- jogui i lafa' nicají' tu calé' catú-. Jo co' lajob nilíng'na', joba' 'né- jmées'na' e nijáang~ yaang~na' fí' jaguó' Fidiée~ e laco' dsea` do nijmér- cóo~ 'nú' jialco' iin~ e nijmées'na' jmang'- jalé' e guíá-. ¹⁴ Jo jo` 'né-gui fa' e quíu'gui ta~ 'nú' jalé' dsee- quíi-na', co' lana niseeng'na' uíi~ e eáang' 'neáang' Fidiée~ 'nú', jo jo` seeng'na' fa' e quíu'gui ta~ quíi-na' e júu^ quíu' ta~ e cajme' Moi~ do.

Jial laang`dsea`e seeñ`e jo`quíu' ta~ dsee- ír`

¹⁵ Jo co' lana nisee~naa' uíi~ e eáang' 'neáang' Fidiée~ jneaa~aa' jogui e jo` quíu'gui ta~ quíi-ii' e júu^ quíu' ta~ do, joba' ja`dseeng' fa' e nibeáang~gui dsee- yee~naa'. ¹⁶ Jo guíáb- niñí' 'nú' e song nijáang~ yaang~na' e nijmées'na' ta~ quíá'- jaang`dsea, joba' 'né- jmití'ba' jóng jalé' ta~ e niquíá'- i dsea` do, co' lafa' dsea` si'níim~ nilíng~na' quíá'- i dsea` i líng' fíi'na' do. Jo lajob líí e la, song 'nú' jmití'na' lajii~ ta~ quíu' dsee- quíi-na', joba' lafa' dsea` i nisijúum- líng'na' jóng, co' nisi'naam'ba' cóo~ Fidiée~. Jo dsu' song 'nú'gui jmoo'na' náu'na' júu^ quíá'- Fidiée~, joba' ni'ím'bre 'nú' jóng e líng'na' dsea` i ja` røøng` dsee- fí' quínir~. ¹⁷ Dsu' lana gui'máam~ Fidiée~ uii~ quíi'na', co' ie~ lami~ jéeng'gui do dsee- quíi-ba' silíi~ 'nú', jo dsu' lanagui nicajmití'ba' e ngocáng' óo'na' lajii~ e júu^ quíá'- Fidiée~ e nica'líng'na' do. ¹⁸ Jo co' jo` silíi~gui 'nú' jalé' dsee- quíi-na' lana, joba' nicajáang~ yaang~na' e nijmées'na' jmang'- lajii~ e guíá-. ¹⁹ Jo nifá'a e júu^ la cóo~ júu^ e fé' doñí' ií dsea` jmigüi e laco' ningáng'na' røø e júu^ la, co' fíng ja` nijmee~ e lajo, huím'jiu líí quíi-na' e ningáng'na'. Co' 'nú', ie~ lami~ jéeng'gui do, dseáng'- cajáang~ yaang~na' e cajmee~na' jmang'- jalé' e 'lí' e ja`dseeng'; jo dsu' lajob lana cajo 'né- e nijáang~ yaang~na' fí' jaguó' Fidiée~ e laco' nijmées'na' jmang'- lajii~ e guíá- e iing~ dsea` do e nijmées'na'.

²⁰ Jo lajee~ e silíi~ 'nú' jalé' dsee- quíi-na', ja`cajáang~ yaang~na' fa' e cajmées'na' lajii~ e iing~ Fidiée~. ²¹ Jo jii~ cóo~ e guíá- cadsé'na' quíá'- jalé' e ja`dseeng' e cajmées'na' ie~ lami~ jéeng'gui do, co' lanagui ní'i' líim~ba' cuaiñ~ quíá'- jalé' e jo. Co' mí' jmoo` dsea` jalé' e jo, jii~ fí' 'mób- si'. ²² Dsu' lanagui jo` silíi~gui quíi-na' jalé' dsee-, co' lanagui nicajáang~ yaang~na' fí' jaguó' Fidiée~. Jo co' lajob nicajmee~na', joba' lana dseáng'- jmang'- lajii~ e guíá- e iing~ Fidiée~ nijmoo'na' jogui e niliseeng'na' cøøng` cóo~ dsea` do car` ngongíi~ jmíi~. ²³ Jo lajob líí, dseáng'- jii~ 'mó'ba' íng' dsea` mí' éer` dsee-. Jo dsu' la'eáang' e eáang' 'neáang' Fidiée~ jneaa~aa', joba' cacuø' e íaang' dsíir' e nilisee~naa' cøøng` cóo~ Fíi'naa' Dsea`Jmáang- car` ngongíi~ jmíi~.

7

Júu^ quíu' ta~ quíá'- dsea`sicúng'^ guó'

¹ Jo jaléng' 'nú', dsea`rú`naa' dsea`quíá'- Dsea`Jmáang-, nicuí'ba' røø jial líí jalé' júu^ quíu' ta~ quíá'- Fidiée~, jogui niñí'bi' cajo e júu^ quíu' ta~ do quíu' ta~ dsea` jii~ lajee~ e seeng`dsea` fí' jmigüi. ² Co' faco' jaang`dseamí cacúng'- guór, joba' dseáng'- ja` cuøøng` fa' e nitiúuiñ- i dseañu' quíá'r- do lajee~ e seeñ' do fí' jmigüi, co' lajob fé' e fí' ní~ e júu^ quíu' ta~ do. Jogui fíng song cajúng- i dseañu' do, joba' i dseamí do jo` catíng- fa' e nijmití~guir laco' fé' e fí' ní~ júu^ quíu' ta~ do cuaiñ~ quíá'- dsea` sicúng'^ guó'. ³ Jo song i dseamí do 'léer' e güiñ` cóo~ dseañu' i jíéng' lajee~ e seem'bi i dseañu' quíá'r- do, joba' dseeb- éer` jóng fí' quini~ Fidiée~. Jogui song cajúng- i dseañu' quíá'r- do, joba' jo` catíng- guir fa' e nijmitir~ laco' fé' e fí' ní~ júu^ quíu' ta~ do cuaiñ~ quíá'- dsea` i sicúng'^ guó'. Joba' ja`dsee- ní'ér- fí' quini~ Fidiée~ song nicuíñ' guóor` cóo~ i dseañu' i jíéng' do.

4 Jo lajob líí cóo~ jaléng' 'nú', dsea` rú`naa' dsea` quiá'- Dsea` Jmáang-, có' la'eáang' cóo~ e cajúng- Dsea` Jmáang- fí dse' crúu^ do, líí lafa' e cajúm- 'nú' cajo. Jo lana jo` quiu'gui ta~ 'nú' e júu^ quiu' ta~ quiá'- Fidiée~ do. Jo calí- lajo e laco' nilíng'na' dsea` quiá'- Dsea` Jmáang-. Jo có' dsea` quiá'- i dsea` i cají'tu calé' catú- nilíng'na', joba' lajii~ e iing~ Fidiée~ nijmoo`na' lana. 5 Jo ie~ lamí~ jmití'naa' jalé' e ja` dseeng' e lí dsí' ngúu' táang'naa', e júu^ quiu' ta~ do cali'íng^ ta~ e laco' eáang'gui lí dsí'naa' e nijmó'naa' jalé' e ja` dseeng' do. Jo jalé' e jo dseáng'- jii~ fí 'mób- si'. 6 Jo dsu' lana jo` quie'gui nifí' qui' ii' lajii~ e fé' e júu^ quiu' ta~ do, có' nilíng'naa' lafa' dsea` i sijúum-, có' jo` silí'gui jneaa~aa' jalé' dsee- qui' ii'. Jo có' lajob nilíí, joba' lana fí 'múib- nitée- naa' e nijmoo- naa' la'eáang' cóo~ Jmiguí' quiá'- Fidiée~ lajii~ e iing~ Fidiée~ e nijmó^oo', jo o' la'eáang' cóo~ e júu^ yúu' quiu' ta~ do.

Lajii~ dsee- e sea` quie-e

7 Jo e laba' iin~n fíi' 'nú', dsea` rú`naa' dsea` quiá'- Dsea` Jmáang-, e o' dsee- e júu^ quiu' ta~ do. iCò' dseáng'- o' lajo! Dsaco' faco' mí' ja` mí' sea` e júu^ quiu' ta~ do, joba' ja` tóo` jmíi caliñi' jnea~ jóng e ee~e dsee-. Có' mí~ cajme' jnea~ júu^ e júu^ quiu' ta~ do mí' fé' lala: "Ja` jmoo' e lí o' jalé' e sea' fí' jmigüí", joba' la'eáang' cóo~ e júu^ jo caliñi' jnea~ e lí dsii- jalé' e sea' fí' jmigüí. 8 Jo la'eáang' cóo~ e júu^ quiu' ta~ do cali'íng^ ta~ e laco' jnea~ caliñii- e eáam' ee- dsee- fí' jmigüí la uíi' e eáang' lí dsii- jalé' e sea' fí' jo. Dsu' mí' ja` sea' júu^ quiu' ta~, joba' ja' lí' dsea' e éer' dsee- jóng. 9 Jo ná'-gui e ningán'n lajii~ ta~ huí' quiá'- e júu^ quiu' ta~ do, lín-n e seen- juguiá- júu^ røøb. Jo dsu' mí' cangán'n røø lajii~ e júu^ jo, joba' eáang'gui casi' fí' quie-e jóng e iin~n ni'ee~e dsee-, jogui e jii~ 'mób- nisijéé' quie-e uíi' e jmóo'o jalé' e jo. 10 Jo lajob calí-, có' e júu^ quiu' ta~ do e lamí- lín-n e síí' e nijmicóo~ jnea~ e laco' jial niliseen- juguiá- júu^ røø, dsu' ja' calí- lajo, có' ca'léeb' quie-e e lafa' cajúm-baa uíi~ jalé' dsee- e ca'ee~e do. 11 Dsaco' la'eáang' cóo~ e júu^ quiu' ta~ do cali'íng^ ta~ e laco' jnea~ caliñii- e jmigóob' jalé' dsee-, có' dseáng'- jii~ fí' 'mób- si'.

12 Joba' fíi' 'nú', dsea` rú`naa', e güeam'^ jalé' e júu^ quiu' ta~ do, jogui lajob líí cajo lacoo' e júu^ ta~ huí' do, jogui røøb' quiu' ta~ quiá'- dsea', jogui guiá-bi cajo. 13 Có' e laba' líí e lí' laco' calili- e dseáng'- lajam'^ba' líí dsee- jalé' dsee- quie-e. Jo e dsee- quie-e do cajmeáng' ta~ e júu^ ta~ huí' quiá'- Fidiée~ do e laco' casíng' jnea~ fí' 'mó-. Jo lajoba' la'eáang' cóo~ e júu^ ta~ huí' do caja' júu^ e dseáng'- lajam'^ba' 'lí' jalé' dsee- quiá'- dsea'.

14 Jo nine~baa' røø e Fidiée~bing' cacuo' e júu^ quiu' ta~ do, jo dsu' jnea~gui lín'n jii~ dsea' jmigüib', jogui jaang' i jmiti- lajii~ ta~ quiu' dsee- quiá'- 15 Jo jii~ 'ñiá'a ja` ngán'n ee` jalé' e jmóo'o, dsaco' ja` jmóo'o jalé' e iin~n 'ñiá'a, có' jalé' e 'ní' máam'baa, e joba' jmóo'o. 16 Jogui song jmóo'o jalé' e ja` iin~n jmee~e do, joba' cóo~ e jo cuøø- lí e eáam' guiá- e júu^ quiu' ta~ do. 17 Jo lajob líí, dsaco' o' 'ñiá'a dsea` jmóo' jalé' e ja` dseeng' do, dsaco' dsee- quie-baa e quiu' ta~ e jmóo'o jalé' e jo. 18 Có' nicuíim' 'ñiá'a e dsea` dsee- dsea` quib' lín'n, joba' jii~ cóo' e guiá- lí'i jmee- nañí' fa' eáam' iin~n e nijmee~e jalé' e guiá-, lifa' dseáng'- ja` lí'i e nijmee~e jalé' e jo. 19 Dsu' ja` jmóo'o jalé' e guiá- e iin~n jmee~e, có' jmang'- jalé' e ga' e ja` iin~n jmee~baa, dseáng'- e joba' jmóo'o. 20 Jo song jmóo'o jalé' e ja` iin~n jmee~e do, joba' o' 'ñiá'a dsea` jmóo' jalé' e jo, dsaco' dsee- quie-baa quiu' ta~ jnea~ e jmóo'o jalé' e lajo.

21 Joba' nicalilí'i e nañí' fa' iim~baa jmee~e jalé' e guiá-, dsu' jmang'- jalé' e ga'ba' lí'i jmóo'o. 22 Dsaco' eáam' iin~n e nijmitii^ jalé' júu^ quiu' ta~ e cajme' Moi~; 23 lifa' e dsee- quie-e do eáam' quiu' ta~ jnea~ jogui eáam' silíi' jnea~ cajo, có' 'ní' níim- rúng' cóo~ lajii~ e í dsii- e iin~n nijmee~e.

24 iE ngí~ fíib^ jnea~! i nileáng- jnea~ jee~ jalé' dsee- quie-e e laco' ja` nijúun-n uíi~ e jo? 25 Jo dsu' jnea~ í dsii- e nijmitii- e júu^ quiu' ta~ do, dsu' jnea~, dsea` dsee- dsea` quib' lín'n, joba' ja' lí'i nijmee~e lajo, có' dsee- quie-baa quie' nifí' quie-e. Jo lajob líí, lifa' gui'máang' Fidiée~ e nicaléaaiñ' jnea~ jee~ jalé' e jo la'eáang' cóo~ Fíi'naa' Dsea` Jmáang-.

8

Jial seeng`dsea`e Jmiguu` quia`- Fidié` quie` nif` quia`r`

¹ Joba' fí-guú' 'nú', dsea` rú'naa' dsea` quia`- Dsea` Jmáang-, e lajaléng' jneaa`aa', dsea` lí'naa' dsea` i seeng` cøong` cóo`~ dsea` do, jo` quí'~ jmíi` fa' e cuó'~gui dsea` dsee` jneaa`aa'. ² Jo lajob` nilí'naa', co' e bí' 'gøng' quia`- Jmiguu` quia`- Fidié` cóo`~ e cuó' e see`-naa' cøong` cóo`~ Dsea` Jmáang-, e joba' e nicaléang` jneaa`aa' jee` bí' quia`- dsee` jogui jee` bí' quia`- 'mó- cajo. ³ Jo e júu` quiu' ta` do ja` caquí'~ jmíi` fa' e caleáng` jneaa`aa' jee` bí' quia`- dsee` quí-ii'. Co' e júu` jo ja` sea` bí' quia`- fa' e cajmée` lajo uíi'~ e quiu' ta` quia`- dsea` i líng' dsea` dsee` dsea` quí'. Jo dsu' lana Fidié` nicajmée` bre jalé' e ja` caquí'~ jmíi` cajmée` e júu` do. Co' nicasíiñ` i Jóor' camíng'~ do e líiñ' do jaang` dsea` jmigüi` i sea` ngúu' táang` la jneaa`aa'. Jo cajmée` Fidié` lajo e laco' cajáiñ' i Jóor' do e cajúñ'~ do fí' dse' crúu', jo lajoba' ca'iñ` congua' e bí' quia`- jalé' dsee` quia`- dsea` jmigüi'. ⁴ Jo cajmée` Fidié` lajo e laco' jneaa`aa' quí'~naa' jmíi` e nijmití'naa' laco' catíng- e júu` quiu' ta` do. Co' jo` see`-naa' fí' jmigüi` la e jmoo`-guú' jalé' e lí' dsí' ngúu' táang`naa', dsu' lana nisee`-naa' e nijmoo`-naa' lí' laco' la iing` Jmiguu` quia`- Fidié` e nijmó`naa'.

⁵ Jo jaléng' dsea` i seeng` e guing` dsír' lajii'~ e lí' dsí' ngúu' táaiñ` lico' seeiñ` e jmitir` dseáng'- lajii'~ e job dseáng'-. Jo dsu' jaléng'gui dsea` i seeng` lí' laco' la iing` Jmiguu` quia`- Fidié` e seeiñ`, joba' dseáng'- jii'~ e iing` e Jmiguu` do guing` dsír' e jmóor'. ⁶ Jo dseáng'- jii'~ fí' 'mób- dseáng'- sí' quia`- jaléng' dsea` i jmóo` lajii'~ e lí' dsí' ngúu' táaiñ`. Jo dsu' jaléng'gui i jmóo` lajii'~ lí' laco' la iing` Jmiguu` quia`- Fidié`, joba' jaléng' i juguiú` júu` røob` niliseeiñ` lata` cóo`~ Fidié`. ⁷ Jo jaléng' dsea` i guing` dsír' e iñ` jmér- lajii'~ e lí' dsí' ngúu' táaiñ`, joba' i dsea` í' 'ní' níim`-bre Fidié`, dsuco' ja` iñ` o'gui quí'r` jmíi` fa' e nijmér- náu'r` lajii'~ júu` quiu' ta` quia`- dsea` do. ⁸ Co' jaléng' dsea` i jmiti` lajii'~ ta` quiu' e lí' dsír' yaaiñ` ja` quí'r` jmíi` fa' e nilí'áang` dsí' Fidié` cóo'r`.

⁹ Jo dsu' 'nú'gui, dsea` nilíng'na' dsea` quia`- Dsea` Jmáang-, jo` seeng`na' fa' e jmiti`gui' lajii'~ e lí' óo'na' yaang`na', co' lana niseeng`na' e nijmoo`na' lajii'~ e iing` Jmiguu` quia`- Fidié` e nijmée`na'. Jo lí' lajo, co' seeng` Jmiguu` quia`- Fidié` cóo`~ 'nú'. Jo i dsea` i seeng` e ja` seeng` Jmiguu` quia`- Dsea` Jmáang- cóo'r~, joba' i dsea` í' ja` líiñ` dsea` quia`- dsea` do jóng. ¹⁰ Jo ja` ee` lí' e nisi'íng` e ni'íng- ngúu' táang`na' mi` nití- í' e nijúung`na' uíi'~ e líng'na' dsea` dsee` dsea` quí', dsuco' seem` Dsea` Jmáang- cóo`~ 'nú', jogui seem` jmiguu` quí'na' cajo. Jo lí' lajo uíi'~ e nica'ím' Fidié` 'nú' e nilíng'na' dsea` i ja` røong` dsee` fí' quinir`. ¹¹ Jo la'eáng` cóo`~ Jmiguu` quia`- Fidié` cajmée` e cají'tu Jesús mi` cangí' e cajúñ-. Jo e Jmiguu` job cajo seeng` cóo`~ 'nú' lana, joba' 'ñiab' Fidié` nijmér- e nijí'tu 'nú' calé' catú- mi` nití- í' lajo. Jo nijmér- lajo cóo`~ 'nú' la'eáng` cóo`~ Jmiguu` quia`r- e seeng` cóo`~na' lana.

¹² Jo lajob` lí', dsea` rú'naa' dsea` quia`- Dsea` Jmáang-, dseáng'- lajam`ba' 'né- e see`-naa' e jmoo`-naa' lajii'~ e iing` Jmiguu` quia`- Fidié` e nijmó`oo', jo dseáng'- ja` catíng`-naa' e nijmó`guú' lajii'~ e lí' dsí'naa' yee`naa'. ¹³ Jo dsu' song mi' 'noo`bi' seeng` 'nú' e jmoo`na' lajii'~ e lí' óo'na' yaang`na', joba' dseáng'- congua' jóng ni'náng`na' cóo`~ Fidié`. Jogui dsu' song la'eáng` cóo`~ Jmiguu` quia`- Fidié` niqiuung`na' congua' e jmoo`na' jalé' e jo, joba' latab` niliseeng`na' cóo`~ Fidié` jóng.

¹⁴ Jo jaléng' dsea` i seeng` e Jmiguu` quia`- Fidié` quie` nif` quia`r-, joba' í'bing' dseáng'- i líng' jóo' Fidié`. ¹⁵ Dsuco' Fidié` nicacuó'r' 'nú' Jmiguu` quia`r- e laco' ni'uíng`na' jóor' jo o' laco' e nisi'í'~tu 'nú' cóo`~ jalé' e 'gó'na' contøong-. Dsuco' la'eáng` cóo`~ e Jmiguu` quia`- Fidié` do see`-naa' e cuøong` lí' síi`naa' cóo'r` jogui e síi`naa'r lala: "iTeaa`!" ¹⁶ Jo e Jmiguu` quia`- Fidié` do røob` síng` cóo`~ jmiguu` quí-ii' e laco' nita` dsí'naa' e dseáng'- já`-ba' e nilí'naa' jóo' Fidié`. ¹⁷ Jo uíi'~ e dseáng'- nilí'naa' jóo' Fidié`, joba' ni'ím`-baa' jalé' e catí'naa' e síí'~ nicuó'r- jaléng' jóor' lí' laco' jii'~ júu` e nicacuó'r' lamí` jéeng`gui.

Jò jalé' e jò conrøøb` quí-ii' cóo'~ Dsea` Jmáang` song dseáng'- lajang'^ ni'íing'-naa' jalé' iihuú' uíi'~ e lí'naa' dsea` quiá'r'. Jò song nijmé'naa' lajò, jòba' conrøøb` nilisee`-naa' cóo'r' fí lí' niing` 'gøiñ' mĩ' nití- í' lajò.

Eáam' jlo'^ jalé' e niñíng'na' quiá'- Fidié'

¹⁸ Jò fíi` guú' 'nú', dsea` rú'naa' dsea` quiá'- Dsea` Jmáang`, dseáng'- nitab` dsii` e lajalé' iihuú' e dsingúng`-naa' lajee` lana fí jmigú' la ja` ee` tí' song nicøøng`naa' cóo'~ mĩ' tí' lí' nilisee`-naa' cøøng` cóo'~ Fidié' fí ñifí` quiá'r'. ¹⁹ Jò lajalé' e cajmée` Fidié' dseáng'- eáam' nisijeeng` e jmii` e nijmijnéeng` Fidié' jaléng' dsea` quiá'r' i líng' jóor'. ²⁰⁻²¹ Jò ni'ím` lajalé' e sea` fí jmigú', co' j mang'- e cuøøng` ni'ím`-ba' sea`. Jò lí' lajò dsu' ofa' e lajò iing` e lí', co' lí' lajò uíi'~ e lajò cali'íing` Fidiéeb'. Jò ja` ee` lí' lí' lajò, co' nitab` dsí' e j mang'- jalé' e 'mii` e jlo'^ niing` nilisea` ie` jò lí' laco'gui nilíng` jaléng' dsea` quiá'- Dsea` Jmáang`. ²² Jò guiáb` nine`ee' e cartí lanab lajalé' e cajmée` Fidié' e sea` fí jmigú' eáam' quie' iihuú' jogui dsíng'- seáang` dsí' cajo dsu' uíi'~ e nisijeeng` e nileáng` jee` jalé' iihuú' lí' laco' lí' cóo'~ jaang` dseam' i` tí' lí' niliseeng` jiuung` quiá'- . ²³ Jogui o' jii'~ e sea` fí jmigú' dsingúng` lajò, co' lajòb dsingúng` jneaa`aa' cajo, dsea` nicangúng`naa' Jmiguí' quiá'- Fidié' jéeng'gui e laco' cuø li` quiá'- jalé' e niñíng'naa' cøøng'gui. Jò dseáng'- eáam' nisijeeng`naa' ie` jmii` mĩ' dseáng'- ni'íng' Fidié' jneaa`aa' e lí'naa' dseáng'- jóor'. Jò ie` jò nileáañ` jneaa`aa' congua', co' nijmisím`-bre jialco' lí' ngúú` táang`naa'. ²⁴ Jò co' nicalaam`-baa' jee` jalé' dsee` quí-ii', jòba' nitab` dsí'naa' e ni'ím`-baa' lajii'~ e nisijeeng`naa' do e catí`-naa' quiá'- Fidié'. Jò song nijøø`-baa' lajii'~ e nisijeeng`naa' do, jòba' jò` ee` ta`gui jóng e sijeeng`guú' e jò. Co' doñí` ee' e niní` dsea', jò 'né`-gui fa' e nijéng`-guir e ni'íñ' e jò. ²⁵ Jò co' ja` mĩ' jøø`-guú' lajii'~ e nisijeeng`naa' e ni'íng`-naa' quiá'- Fidié' do, jòba' 'né` e dseáng'- ja` nilitúng` dsí'naa' e sijeeng`naa' e jò.

²⁶ Jogui e Jmiguí' quiá'- Fidié' e nicangúng`-naa' do, e jòba' e jmicóo'~ jneaa`aa' uíi'~ e ja` quí'naa' jmii` jmé'naa' yee`naa'. Co' faco' mĩ' ii`naa' síng`naa' cóo'~ Fidié', ja` quí'naa' jmii` jmé'naa' laco' sí'í'. Jòba' e Jmiguí' quiá'- Fidié' e seeng` cóo'~ jneaa`aa' do, e jòba' e mĩ' uíi'~ quí-ii' laco' sí'í' fí quini' Fidié'. Jò jmóo' lajò dseáng'- e jii'~ ja` sea` júu` jial nífé' e mĩ' uíi'~ quí-ii' e Jmiguí' do. ²⁷ Jò Fidié'bing' dseáng'- i` niñí' jialco' jii'~ í' dsí' lajaang` lajaang` dsea', jogui niñí'bre guíá' cajo e` jmí'ee' mĩ' e Jmiguí' quiá'r' do. Co' e Jmiguí' do mĩ' jmí'ee' uii' quiá'- lajaléng' dsea` quiá'- Fidié' lí' jialco' la iing` dsea` do 'ñia'r' e nilí'.

Dseáng'- lí'baa' jee` jalé' iihuú'

²⁸ Jò guiáb` nine`naa' e lajaléb' e dsingú`-naa' fí jmigú' la, jmóo' Fidié' lajò e laco' ni'uíng` guíá` quí'naa', dsea` lí'naa' dsea` quiá'r' i` 'néang` ír'. Co' dsea` do nicaguíñ' jaléng' jneaa`aa' e laco' nijmó`-naa' jialco' iíñ` 'ñia'r' e ni'uíng`. ²⁹ Jò lajii'~ latí mĩ' uíing` niñí' Fidié' i` jaléng' i` nilíng` dsea` quiá'r'. Jò lajii'~ latí ie` jò cajo cali'íiñ` e lajaléng' í' ni'uíñ` dseáng'- laco' líng' i` jóor' Dsea` Jmáang` do, jò lajòba' i` jóor' camúng' do ni'uíñ` jaang` i` niing`-gui jee` lajaléng' i` rúíñ' do. ³⁰ Jò jaléng' dsea` i` nisi'íng` quiá'- Fidié' jii'~ latí mĩ' uíing` do, nicatø'bre jaléng' í' e laco' ni'uíñ' do dsea` quiá'r'. Jò jaléng' dsea` i` nicatø'r` do nica'íng'neiñ' e nilíñ' dsea` i` ja` røøiñ` dsee` fí quini'r'. Jogui jaléng' í' nicangúñ' quiá'- dsea` do e nicuøøng` e niliseeiñ` cóo'~ dsea` do fí ñifí` quiá'r' fí lí' niing` 'gøiñ'.

³¹ Jò co' lajòb lí', jòba' ¿e` cuøøng` lí' fé'gui jóng? Jò co' Fidié'bing' i` sing' uii' quí-ii', jòba' jii'~ jaang` jò` ii' quí'~gui jmii` nijme'^ guíáa' jneaa`aa'. ³² Jò Fidié' ja` ca'áañ' í', co' cacuøøm`bre i` jóor' Dsea` Jmáang` do e laco' cajáñ' e cajúñ' do fí dse' crúu` uíi'~ quí-ii', dsea` lí'naa' dsea` quiá'r'. Jò co' lajòb cajmée'r, jòba' lana cuøøng` lí' fe`ee' e nicuø`-bre cajo e íáang` dsí'r' lajalé' e 'né`-naa'. ³³ Jò jaléng' jneaa`aa', dsea` i` nicaguíng' Fidié', jii'~ jaang` cuøøng` lí' cuø'`-gui jneaa`aa' dsee` fí quini'r'. Co' 'ñiab' Fidié' dsea` nica'íñ'

jneaa~aa' e laco' lana nilí'naa' dsea`i ja`røøng` dsee` fí` quinir`. ³⁴ Jo uí' e nilí'naa' lajo, joba' jo` ií` quí'~gui jmi~ fa' i nijmi'náng`gui jneaa~aa' cóo'~ Fidié`. Co' Dsea` Jmáam`bing' i cajúng` fí` dse` crúu` uí' dsee` quí`-ii', jogui dsea` íb` cajo i cají'tu calé` catú` mi` cangf` jo; jo dsu' lana dob niguiiñ` fí` ñiff` l' l' dséé' laco' guing` Tiquiá'r` Fidié` e mir' uii` quí`-ii', dsea` lí'naa' dsea` quiá'r`. ³⁵ Joba' lana dseáng'~ nitab` dsí'naa' e jí'~ jaang` o'gui jí'~ cóo` cuøøng` l' jning` quí`-ii' e 'neáang` Dsea` Jmáang` jneaa~aa' nañí' fa' e íng'~naa' iihu' osi e huñg` dsijéé' quí`-ii' é, osi e jmáng' dsea` jneaa~aa' ga` dsu' uí' e lí'naa' dsea` quiá'- Dsea` Jmáang` é, osi e ja` 'ga' l' sea` e quiee'naa' é, osi e nijngám'~bi dsea` jneaa~aa' é. Jo lajalé' e na jí'~ cóo` cuøøng` l' jning` e 'neáang` Dsea` Jmáang` jneaa~aa'. ³⁶ Jo dseáng'~ lajob lí' l' laco' fé' fí` ni` jì` quiá'- Fidié` l' fé' lala:

Jo uí' e lí'naa' dsea` quiá'-

joba' contøøm` dseáng'~ see`-naa',

co' gab` jmáng' dsea` jneaa~aa'

l' laco' la dsingúng` jaang` jo'se' i tí' l' nijngáng' dsea`.

Jo lanab fé' júu` quiá'- Fidié`.

³⁷ Jo lajalé'b' e dsingú`-naa' lajee` see`-naa' fí` jmigü' la ja` jmóo` guíáá' jneaa~aa', co' Dsea` Jmáam`bing' i jmicóo'~ jneaa~aa' uí' e eáang` 'neáaiñ` jneaa~aa'. ³⁸⁻³⁹ Joba' fí' i 'nú', dsea` rú'naa', e dseáng'~ lajam` nita` dsii` e jí'~ cóo` quí'~ jmi~ e nijmi'náng` jneaa~aa' e eáang` 'neáang` Fidié` jneaa~aa'; co' ja` quí'~ jmi~ jmé` lajo 'mó', o'gui jalé' e dsingúng`-naa' lajee` see`-naa', o'gui jaléng'` ángeles quiá'- Fidié`, o'gui jalé' guí' e í' fí' guíá' güi, o'gui jalé' e dsingú`-naa' lajee` lana osi l' dsé'gui é, o'gui jalé' e sea` fí' yá' jmigü', o'gui jalé' e sea` fí' nú' uø, o'gui l' doñí' ee' e cajmée` Fidié` e sea` fí' jmigü'. Co' jí'~ cóo` ja` cuøøng` fa' e nijmé` e ni'náng`naa' e eáang` 'neáang` Fidié` jneaa~aa'. Jo e jo nicajmitar` dsí'naa' la'eáang` cóo'~ Fí'naa' Dsea` Jmáang`.

9

Mi` cagúing` Fidié` dsea` Israel e ni'uí'ñ` dsea` quiá'r`

¹ Jo fí' guí' 'nú', dsea` rú'naa', e dseáng'~ júu` jáb' fá' jneaa` la, co' dsea` quiá'- Dsea` Jmáam` lín'n. Jogui e Jmiguí' quiá'- Fidié` e quie' nifí' quiá'- jalé' e í` dsii`, e joba' tí' ni` e dseáng'~ ja` fá'-baa júu` ta` júu`. ² Jo dseáng'~ eám` ljiuung` dsii` jogui dseáng'~ contøøng` e cu' dsii` jaléng' dsea` góo'o dsea` Israel. ³ Co' jnea` jì'gui cartí' iin`n e si'lin`n fí' quini` Fidié` e laco' si'naan` cóo'~ Dsea` Jmáang` e faco' lajogui e nilí' e nijmicóo'~o jaléng' i dsea` góo'o do e laco' ja` ni'íñ' iihu' uí' jalé' dsee` quiá'r`. ⁴ Jo dsea` siju` dsea` Israel líng' jaléng' i l' laco'gui la líng' jnea` cajo. Jo Fidié`bing' i nicagúing' jaléng' jnea' e laco' nica'uíng`-naa' dseáng'~ jóor'. Jo contøøng` caliséng' Fidié` fí' jee` jaléng' dsea` áang' quí`-ii' e jmijnéeiñ` jial tí' jlo' líiñ' cóo'~ jalé' e quí'~ jmi~ jmóor`. Jogui cajmirør` júu` cóo'~ jaléng' i dsea` í, jogui cacuø'bir cajo júu` quiá' ta` quiá'r`. Jogui cajím'~bir jial 'né` e nijmiféiñ' do ír` laco' catúng`, jogui cajím'~bir cajo ie` jo e nicuø'~breiñ' do lajee` ngóo'guija jalé' e catúñ` l' laco' júu` e nicacuø'reiñ' lami` jééng'gui. ⁵ Jo jaléng' i dsea` í, dsea` siju` 'lí' dsea` cóøng'~ quie`-baa líiñ'. Jo Dsea` Jmáang` fí' jee` job cagü'í' cajo ie` lami` cajar` fí' jmigü' la e líiñ' jaang` dsea` jmigü'. Jogui Dsea` Jmáang` Fidiéeb` líiñ' cajo i quie' nifí' quiá'- lajalé' e sea` fí' la'úng` fí' jmigü'. Jo co' lajob líiñ', joba' contøøm` 'né` e nijmiféng'naa're. Jo lajob 'né` l'.

⁶ Dsu' ofa' caje' e ja` cajmiti` Fidié` lají' júu` quiá'r` e cacuø'r' dsea` Israel; co' cajmiti`bre jalé' e júu` jo, lifa' e ja` lajüng` dsea` siju` dsea` Israel dseáng'~ já' líiñ' dsea` quiá'- Fidié`. ⁷ Jogui o' lajüng` dsea` siju` 'lí' yúu' Abraham líiñ' dseáng'~ jóo' dsea` do, dsuco' lami` jééng'gui lalab casí' Fidié` i 'lí' yúu' Abraham do: "Jaléng' dsea` i dseáng'~ já' i nilíng` siju' niliseeiñ' la'eáang` cóo'~ jóo' i sii' Isáa'." ⁸ Jo uí' e júu` na, joba' lana cuøøng` fe'ee' e o' lajaléng' dsea` siju` 'lí' yúu' Abraham dseáng'~ já' líiñ' jóo' Fidié`, co' dseáng'~ o' lajo. Dsuco' lají' dsea` i seeng' i já' líng' lají' júu` e cacuø' Fidié` i 'lí'

yúu~ Abraham do lami~ jéeng'gui, lajii~ í'bing' i dseáng'- já~ líng' jóo' Fidié~. ⁹ Dsuco' e lab júu^ e cacuø' Fidié~ i 'lii~ yúu~ Abraham do lami~ casí'r- lala: “Coo' lajee~ lana, lajee~ jii' ni'f, nigáa'túu, jo i dseamf quíi'- i sii' Sara niliseeng' jaang' yuu~ siñuu^ quíá'r-.”

¹⁰ Dsu' o' jii~ e jo, co' lajob cajméer' cajo cóo' i dseamf i sii' Rebeca do i caliséng' jiuung~ suung~ quíá'- . Jo i tiquíá' i jiuung~ í, íb' i líng' 'lii~ yúu~ quí-i' i sii' Isáa'. ¹¹⁻¹³ Jo nú'-gui e niliseeng' i jiuung~ dsea` suung~ do, lajee~ e nú'-gui e ja` mí cajmééiñ' do jii~ coo' e guiá- osi e ja` dseeng' é, jo lajii~ latí' ie~ job cajíng'- Fidié~ lala e casí'r- i Rebeca do: “I jiuung~ dsea` suung~ i niliseeng' quíi'- nifí, í'bing' i nijmé- ta~ quíá'- i jiuung~ i niliseeng' cøøng'guijia do.” Jo røøb` cøøng` e júu^ na lí^ laco' la fé' Fidié~ fí' ni~ jì quíá'r- lí fé' lala: “Jo eáang' cajmi'neáang' jnea~ i Jacóo^ do, dsu' ja` cajméé`e lajo cóo' i Esaú do.” Jo cóo' e júu^ na jmita~ dsí'naa' e 'ñiab' Fidié~ sea' fí' quíá'r- e niguiñ' dsea` i iñ~ i ni'uíng- dsea` quíá'r- lí^ laco' iñ~ e nijméiñ'- do, jo ja` e lí' su nicajméer' e guiá- osi e ja` mí cajméer' lajo é.

¹⁴ Jo uíi~ jalé' e na ja` cuøøng` lí fe'ee' fa' e Fidié~ ja` ír' í' røø' laco' catíng-, jco' dseáng'- o' lajo! ¹⁵ Co' lalab cajíng'- Fidié~ ie~ malii~gui do, ie~ lami~ casí'r- Moi~ lala: “Guiúm- baa nijmee~ e cóo' lajaléng' dsea` i iin~ n nijmee~ e cóo' lajo, jogui nilí' fí' lán- n cajo cóo' jaléng' i iin~ n i nijmee~ e cóo' lajo.” ¹⁶ Jo lajob lí', co' 'ñiab' Fidié~ i fí' líng- dsea` lí^ jialco' iñ~ e nijmér- cóo' lajaang' lajaang' dsea`. Co' ja` jmóor' jialco' iing~ dsea` o'gui jialco' bí' cuø' yaang~ dsea` cajo. ¹⁷ Jo lanab lí' e júu^ na lí^ laco' la fé' fí' ni~ jì quíá'- Fidié~ lí' sí'r' i dseata~ dsea` féng' quíá'- Egipto ie~ malii~gui do, ie~ lami~ cajíñ'- lala: “Cacuøø-ø 'nu' e lin' dseata~ dsea` féng' e laco' niliñí' dsea' fí' la'úng- fí' jmigüi jial tí' e 'gøng' jnea~, jogui e niliñí' dsea' cajo e jii~ jneab~ lán'n Fidié~ quíá' lajaléng' dsea` i seeng' fí' jmigüi.” ¹⁸ Jo lajob lí', co' Fidié~ fí' lúm-bre jaléng' dsea` i iñ~ nijmér- cóo' lajo, jogui jmóo'bir cajo e ue' dsí' jaléng' i dsea` i ja` iing~ ninú- júu^ quíá'r-.

¹⁹ Jo uíi~ e júu^ na, joba' cuøøm` sea` lí' jmíngí' 'nu' jnea~ lala: “¿Jialí' cuø' Fidié~ jneaa~aa' dsee- cóo' jalé' dsee- e ee-naa'? Co' jii~ jaang' cuøøng` lí' jníng- jalé' e iing~ dsea` do e nijmér-.” ²⁰ Jo dsu' jnea~ fí' i 'nu', dsea` lin' jii~ dsea` jmigüi, e ja` sea' fí' quíi'- fa' e nifí' Fidié~ e uíng~ sea' quíá'- jalé' e jmóor'. Cofa' coo' tu' ja' fí' sea' quíá'- fa' e nisí' i dsea` i cajméé' do: “¿Jialí' cajmeaan'- jnea~ lala?” ²¹ Co' i dsea` i jmóo' tu' do seab' fí' quíá'r- e nijmér- doñí' ee' iñ~ cóo' e guóo' e jmáiñ' ta' do. Co' cóo' e guóo' job cuøøng` lí' jmér- coo' tu' e nijmeáiñ' ta' jii~ mí' jmí~ niing- osi e nijmér- coo'gui e nijmeáiñ' ta' lacoø' jmí~ lacoø' jmí~ é.

²² Jo Fidié~ cali'iñ~ e nijmijnéiñ' jial tí' 'gøiñ' jogui jial e nicuø'r- iihuí' jaléng' dsea` uíi~ quíá'- jalé' dsee- quíáñ'-; jo dsu' ja` mí' cajméer' lajo uíi~ e eáang' jmóor' té'r' e féng' dsíir' cóo' jaléng' i dsea` i catíng- ni'íng' e iihuí' jo jogui i catíng- ni'íng- congua' fí' lí' 'lí'. ²³ Jo Fidié~ iñ~ e jmili-bre cajo cóo' jneaa~aa' jial tí' jlo^ niing- 'gøiñ' cóo' jalé' e quíi'r- jmí~ jmóor', co' calí' fí' líiñ- jneaa~aa', joba' latí' mí' uim~ caguiéiñ' jneaa~aa' guiá- e laco' nilisee-naa' cóo'r- fí' lí' niing- 'gøiñ'. ²⁴ Jo nicatø'- Fidié~ jneaa~aa', dsea` i eáang' 'neáaiñ', e laco' nica'uíng-naa' dsea' quíá'r-, jo ja` ee' lí' si lí'naa' dsea' Israel osi ja` lí'naa' lajo é. ²⁵ Jo lajob lí' lí^ laco' la fé' Fidié~ fí' ni~ jì e cajme' Oseas ie~ malii~gui do ie~ lami~ café' Fidié~ lala:

Jaléng' dsea` i ja` mí' calíng' dsea` quíé- e,

dsu' lana nifí'ire e dsea` quíé- baa nilíiñ';

jogui jaléng' dsea` i ja` mí' cajmi'neáan' lami~ jéeng'gui,

dsu' lanagui nijmi'neáam`baa jaléng' í.

²⁶ Jo fí' ni~ e jì job cajo fé'gui Fidié~ lala:

Cartí' lana ja' líng'na' dsea` quíé- e,

jo dsu' lanagui jóo'baa nilíng'na' quíé- jnea~, dsea` lán'n Fidié~ i seeng' car` ngongí' jmí~.

Jo lanab lí' júu^ quíá'- Fidié~ e cajme' Oseas.

27 Jo lalab fé' Saí' fí' ní' jì' quiá' Fidié' cuaiñ' quiá' jaléng' dsea' Israel: Nañ' fa' jialgui la fíng' jaléng' dsea' Israel

lí' laco'gui la jmiguiá' tóo' e néé' fí' 'ní' jmiñí', jo dsu' jíí' tú' 'ní' mím' bing' i nilí' nileáng' jee' jalé' iihuí' e nijaquíéng'.

28 Co' jo' huóø' nidsé'gui e dseáng' nijmiti' Fidié' laco' sí'í' e 'goo' e nicalí'ir' lami' jééng'gui quiá' lajaang' lajaang' dsea' jmiguiá'.

29 Jo lalab café'gui Saí' ie' malí'gui do cajo: Jo faco' Fidié' i quí' jmi' jmé' doñí' ee'

ja' caseáaiñ' tú' 'ní' míng' dsea' siju'naa', dsea' Israel, joba' dseáng' conguiab' nicalí'íñ' jnea' jóng

lí' laco'gui cajméer' cóo' jaléng' dsea' i caliséng' fí' Sodoma cóo'gui fí' Gomorra. Jo lanab fé' Saí' fí' ní' jì' quiá' Fidié' e cajme'r' ie' malí'gui do.

Catám' dsea' Israel júu' quiá' Dsea' Jmáang' cajo

30 Jo uí' quiá' jalé' e júu' na, joba' nicuóøng' lí' fe'ee' lana e nicalím' Fidié' jaléng' dsea' i ja' líng' dsea' Israel e nilí'ñ' do dsea' i ja' røøng' dsee' fí' quinir' dsu' uí' e já' calí'ñ' do júu' quiá' dsea' do, nañ' fa' ja' cajmééiñ' do quijí' jial e ni'íng' Fidié' ír'. 31 Jo dsu' jaléng' dsea' i líng' dsea' Israel i eáang' cuø' bí' yaang' e jmitir' la'uiing' jalé' júu' quiá' ta' e laco' ni'íng' Fidié' ír' e lííñ' dsea' i ja' røøng' dsee' fí' quinir', jo dsu' ja' calí'r' lajo. 32 Jo dsu' ja' calí'r' lajo uí' e cacuø' bí' yaaiñ' e jmitir' laco' catíng' e júu' quiá' ta' do e laco' lajo ni'íng' Fidié' ír' e lííñ' dsea' i ja' røøng' dsee' fí' quinir'. Jo co' lajob' cajméé' dsea' Israel, joba' cangongám' bre e caquiuiñ' cóo' e cuu' e quiung' dsea'. 33 Co' lalab fé' fí' ní' jì' quiá' Fidié' lí' fé' dsea' do lala cuaiñ' quiá' Dsea' Jmáang':

Niquiee' e cóo' cuu' fí' Sión,

jo cóo' e cuu' jo seem' dsea' i niquiung'.

Jo dsu' jaléng' dsea' i já' líng' júu' quiá' Fí'naa' Dsea' Jmáang',

joba' ja' niligøøiñ' cóo' e jo,

co' Dsea' Jmáam' bing' líng' lafa' e cuu' do.

10

1 Dsea' rú'naa' dsea' quiá' Dsea' Jmáang', e laba' iin' car' ngocáng' dsii' jogui mí'í' Fidié', e jaléng' dsea' góo' dsea' Israel nileáiñ' jee' jalé' dsee' quiá'r'. 2 Jo jnea' fá'a uí' quiá'r' e eáam' iíñ' nijmér' lajíí' e iing' Fidié', lifa' ja' jmóor' dseáng' laco' iing' 'ñia' Fidié' e nijmé' jaléng' dsea' quiá'r'. 3 Dsaco' i dsea' í' ja' iíñ' ningáiñ' jial e íng' Fidié' dsea' e lííñ' do dsea' i ja' røøng' dsee' fí' quinir'. Jo co' lajob' lííñ', joba' yaam' bre 'nór' jial e ni'íng' dsea' do ír' la'eáang' cóo' jalé' e la' tiiñ' yaaiñ', jo cab' 'náaiñ' jalé' e nicagua' Fidié' uing' e nilí' dsea' lajo. 4 Jo Dsea' Jmáam' bing' i calíng' bí' quiá' e júu' quiá' ta' do e laco' doñí' i dsea' i já' líng' júu' quiá'r' nilí'r' e ni'íng' Fidié' ír' e lííñ' jaang' dsea' i ja' røøng' dsee' fí' quinir'.

5 Jo lalab cajme' Moí' ie' malí'gui do cuaiñ' quiá' e íng' Fidié' dsea' e líng' dsea' i ja' røøng' dsee' fí' quinir' la'eáang' e jmitir' e júu' quiá' ta' do, jo lalab fé' e júu' jo: "Jaléng' dsea' i jmiti' dseáng' røø' contøøng' e júu' quiá' ta' quiá' Fidié', joba' la'eáang' cóo' e job' niliseeiñ' cajo." 6 Jo dsu' lalab fé'gui cajo fí' ní' jì' quiá' Fidié' cuaiñ' quiá' jial ni'íng' Fidié' dsea' e líng' dsea' i ja' røøng' dsee' fí' quinir' uí' e nijá' calí'ñ' júu' quiá' dsea' do, jo lalab fé' e júu' jo: "Jie' mí' í' o' e júu' la: ¿í' seeng' i cuóøng' nidséng' fí' ñíí'?" —co' fíng' song' í' o' lajo, joba' nijmoo' jóng e lafa' nijgiám' Dsea' Jmáang' fí' lí' guííñ'.

7 Osi' í' bi' o' é: "¿í' seeng' i cuóøng' nijgiáang' fí' lí' neáang' jaléng' 'lí'?" —co' fíng' song' í' o' lajo, joba' nijmoo' jóng e lafa' nijí' b' tu' Dsea' Jmáang' calé' catú'. 8 Co' lalab fé'gui fí' ní' jì' quiá' Fidié': "Jo quiáb' seeng' cóo' 'ná' e júu' quiá' Fidié' lí' laco' la fól'na' jogui lí' laco' í' óo'na'." Jo e júu' nab e guia'naa' jee' 'ná' e quiá' jial já' líng' dsea' júu' quiá' Dsea' Jmáang'. 9 Jo e júu' job' e la, e song' fól' fí' quini' dsea' e Jesús lííñ' Fí' jogui já' lín'

car`ngocáng`o' e Fidiéé`cajmijí'r`dsea`do mi`cangí e cajúíñ`-, joba'nileám`Fidiéé`'nu`jóng jee`jalé`dsee`quí'-. ¹⁰ Co' la'eáang` e já`- lí'naa' e car`ngocáng`dsi'naa' e júu`jo, joba'nilí'baa' e ní'ng`Fidiéé`jneaa`aa' e lí'naa'dsea`i ja`røøng`dsee`fí`quinir`, jogui nileám`Fidiéé`jneaa`aa' cajo jee`jalé`dsee`quí'naa' la'eáang` e fé'naa' fí`quini`dsea` e Dsea`Jmáam`bing' i líng`Fí'naa'.

¹¹ Jo lalab fé'gui fí`ni`jì`quíá'- Fidiéé`-: "Jo dsu'jaléng`dsea`i já`- líng`júu`quíá'- Dsea`Jmáang`-, joba'ja`quí'- jmí`fa' e nilitúng`- dsír` e já`- calíñ`- e júu`jo." ¹² Jo røøb`lí'naa' fí`quini`Fidiéé`, ja`ee`lí`su lí'naa'dsea`Israel osi ja`lí'naa'lajo`é, co'jaam`Fí'naa'Fidiéé`seeng`quí'naa'lají`naa', jo jlob`^`cuø`dsea`do mi`ee`go`mi`dsea`ír. ¹³ Co' lalab fé'gui fí`ni`jì`quíá'- Fidiéé`cajo: "Jo jaléng`dsea`i mi`Fidiéé` e nileáng`neiñ`jee`jalé`dsee`quíá'r`-, joba'lajob`nijmé`-dsea`do." ¹⁴ Dsu'ja`cuøøng`lí`mi`dsea`Fidiéé`song ja`mí`já`- líñ`júu`quíá'- dsea`do; jogui ja`cuøøng`fa' e nijá`- líng`dsea`júu`quíá'- Fidiéé`song ja`mí`canú`guir e júu`jo; jogui cajo ja`cuøøng`lí`núr`- e júu`quíá'- Fidiéé`do song ja`gui`i`seeng`fa' i nini`- e júu`quíá'- dsea`do; ¹⁵ jogui ja`cuøøng` e nini`- e júu`quíá'- dsea`do song ja`i`seeng`gui`fa' i nisíng`- dsea` e nijmér`- lajo. Jo lalab fé' fí`ni`jì`quíá'- Fidiéé`cuaiñ`quíá'- e júu`na: "Dsíng`- ia' mi`güilíng`- jaléng`dsea`i quie`júu`quíá'- Fidiéé`-." ¹⁶ Jo dsu'jí`- tú`- 'ní`mám`- dsea`Israel i já`- líng` e júu`jo lí`laco' la fé' Saí`fí`ni`jì`quíá'- Fidiéé`lí`fé'r`lala: "Fí'i, jí`- tú`- 'ní`máng`- dsea`i já`- nicalíng`- júu`quíá'- e guía`jneá`-." ¹⁷ Jo cuøøng`fe`ee' lana e la'eáang` e guía`dsea`júu`cuaiñ`quíá'- Dsea`Jmáang`-, joba'núu`dsea` e júu`jo; jogui la'eáang` e núu`dsea` e júu`jo, joba'já`- líñ` e jo. ¹⁸ Jo uí`- joba`jmingí`- jnea`lala: ¿Su ja`mí`canúu`- dsea`Israel e júu`cuaiñ`quíá'- Dsea`Jmáang`- do? Mó'`dseáng`- nicanúu`-biñ`. Jo e jáb`- e jo, co'dseáng`- lajob`nicalí`- lí`laco'gui la fé' fí`ni`jì`quíá'- Fidiéé`lí`fé`lala:

Jo fí`latøøng`- jmigülb`- nicanúu`- dsea`júu`quíá'- i dsea`i guía`júu`quíá'- Fidiéé`, jogui fí`dseáng`- tí`lí`huí`eáang`fí`ni`guóo`- uø`- nicanú`- júu`quíá'r`- cajo.

¹⁹ Jo caléb`- catú`- jmingí`- jnea`-: ¿Su ja`mí`cangám`-bi`dsea`Israel jalé` e júu`jo? Mó'`dseáng`- nicangám`-bre, co'lalab cajme`Moí`- ie`malí`gui do e fé' Fidiéé`:

Jnea`Fidiéé`nijmee`e e jaléng`dsea`i ja`líng`dsea`Israel ni`uíñ`- dsea`quíé`- e, jo lajoba`nilí`dsihuíng`jaléng`dsea`Israel quíá'- jaléng`i dsea`í.

Jogui nijmee`e cajo e niligúing`- dsea`Israel quíá'- jaléng`i dsea`í i ja`'goo`ngáng`do.

²⁰ Jo eéam`lahuíng`fé' Saí` e júu`la lí`fé' Fidiéé`lala:

Jo jaléng`dsea`i ja`ca'ngang`^`jneá`, cadsém`-bre jnea`.

Jogui jaléng`dsea`i ja`cajmingíng`jneá`,

cajmijnéem`'níá'a`jee`jaléng`í.

²¹ Jo dsu'lalab cajme`gui Saí` e fé' Fidiéé`cuaiñ`quíá'- jaléng`dsea`Israel: "Contøøm`caní`i`guóo` e jmicóo`-o`'nú', dsea`saang`óona`cóo`- jnea`jogui dsea`i ja`iing`jmé`-núu`- júu`quíé`-e."

11

Mí`cagúing`Fidiéé`jaléng`dsea`Israel

¹ Jo co'lajob`lí, joba'lana jmingí`- jnea`lala: ¿Su Fidiéé`nicatiúum`-bre jaléng`dsea`quíá'r`- dsea`Israel? ¡U~, dseáng`- o' lajo! Co'téé`óona' e dsea`Israel líng`jneá`cajo, jo dsea`sijú`- 'lí`yúu`- Abraham lí'n'n, jogui jee`lé`quíá'- Mim`iuun`- cajo. ² Jo Fidiéé`, lají`- latí`mí`uim`, cagúíñ`jaléng`dsea`Israel e laco'ni`uíñ`- do dsea`quíá'r`-, jogui cartí`lana jí`- coo`ya` ja`mí`catiúung`-neiñ`do cajo. Co'lí`dsii`- e guiáb`- ní`'nú' lají` e cajíng`- Líí, jaang`i café`cuaiñ`quíá'- Fidiéé`ie`malí`gui do, ie`lamí`caféíñ`Fidiéé` e ca'níñ`jaléng`dsea`Israel lala: ³ "Fí'i, nicajngam`dsea`jaléng`i dsea`i fé`cuaiñ`quíá'-, jogui nicajgiéem`-bre jalé`nife`quíá'- lí`jmiféng`dsea`'nu`; jo lají`- jneab`dsea`quíá'- i ja`mí`cajngang`dsea`, jo dsu'lajob`iñ`nijmér`-cáo`- jnea`cajo." ⁴ Jo dsu'lalab cañí`Fidiéé`quíá'- i Líí do jo casí`-reiñ`do lala: "Líí, dsu`o' jí`- 'nu`dsea`quíé`- e i

seeng`gui lana, co' seem`bi guié` milgui dsea` quié` e i ja` mí casí` uó` jni` e jmiféiñ' i diée` dseacuu` i sii` Baal.” ⁵ Jo lajob líí` lana cajo, co' seem`bi tú` 'ní` mǎng` dsea` Israel i nicaguíng` Fidiée` e laco' nilíiñ` do dsea` quiá'r`. Jo nicalí` lajo uíi` e eáang` 'neáang` Fidiée` jaléng` i dsea` í. ⁶ Jo Fidiée` nicaguíng` neiñ' do uíi` e eáang` 'neáam`breiñ' jo o' uíi` cóo` jalé` e nicajméiñ' do. Co' faco' nicaguíng` Fidiée` jaléng` i dsea` do la'eáang` cóo` jalé` e nicajméiñ' do, joba' cuóøng` fe`ee' jóng e e eáang` 'neáang` Fidiée` jneaa`aa' do jo` cuóguir lí` tá` cuør` e iáang` dsír` jóng.

⁷ Jo lalab líí, ja` calí` dsea` Israel e ni`uíiñ` dsea` quiá` Fidiée` lí` laco'gui jíi` e 'nó'r'. Jo dsu' i dsea` i caguíng` Fidiée` 'ñia'r` do, calí` í e ca'uíiñ` dsea` quiá` dsea` do. Jo dsu' jaléng` i dsea` caguiaang` gui do cali`ueb` moguir`, co' ja` iíñ` fa' canúur` júu` quiá` Fidiée`. ⁸ Jo calí` lajo lí` laco' la fé` fí` ní` jì` quiá` Fidiée` lí` fé` lala: “Jo Fidiée` cajméer` cóo` jaléng` dsea` Israel e ue` moguiñ` e laco' ja` ningáíñ` laco' catíng`, jogui cajmé`bre jminiñ` cajo e lafa' ja` cuóøng` nijóøiñ` jogui loguaiñ` cajo e lafa' ja` cuóøng` ninúiñ`.” Jo lanab líng` i dsea` í cartí` lana. ⁹ Co' lalab fé` gui fí` ní` jì` quiá` Fidiée` e cajíng` dseata` dsea` féng` Daví`:

Míi` i 'nu`, Fidiée`, e lajee` e seáng` rúng` dsea` góo` dsea` Israel e gø'r` ir` colíng` jíi` laco' quí` tiiñ`,

jo lajee` jo, lajee` jíi` e ja` lí`bre,

míi` e ni`uíng` ga` quiá'r` e laco' nitéiñ` fí` ní` dsee`,

jo lajoba' ni`íñ` iihuí` laco' catíng`.

¹⁰ Jogui míi` i 'nu` cajo, Fidiée`, e lafa' güijnúib` jminir` e laco' ja` cuóøng` nijóør` jogui e lafa' nijúm` mocóo'r` congua`.

Mí` caleáang` Fidiée` jaléng` dsea` i ja` líng` dsea` Israel jee` jalé` dsee` quiáíñ`

¹¹ Jo lana nijmingí` túu` calé` catú`: Jo mí` caquiung` dsea` Israel, ¿su dseáng` conguiab` ca'naaiñ` quiá` Fidiée`? U~, dseáng` o' lajo. Jo dsu' mí` cajmé` dsea` Israel saang` dsír` cóo` Fidiée`, jo e jo cali`íng` ta` e laco' jaléng` dsea` i ja` líng` dsea` Israel nitíiñ` e nileáang` Fidiée` ír` jee` jalé` dsee` quiáíñ`. Jo lajoba' eáam` nilí` dsihuíng` jaléng` dsea` Israel quiá` jaléng` i dsea` í uíi` e lajo nicajmé` Fidiée` cóo`iñ` do. ¹² Jo co' saam` dsíi` jaléng` dsea` Israel cajméer` cóo` Fidiée`, joba' dseeb` ca'éer`. Jo dsu' e jo eáam` cali`íng` ta` e laco' ca'uíng` guiá` quiá` jaléng` dsea` jmigüí. Jo nañi` fa' ja` calí` dsea` Israel e ca'íng` Fidiée` ír`, dsu' eáam` guiá` nica'uíng` quiá` jaléng` dsea` i ja` líng` dsea` Israel. Jo co' lajob líí, joba' cuóøng` lí` fe`ee' jóng e eáang` gui guiá` ni`uíng` quiá` jaléng` dsea` i ja` líng` dsea` Israel ie` lamí` nijá` líng` jaléng` dsea` Israel júu` quiá` Fidiée`.

¹³ Jo dsu' sea`bi júu` e 'né` fíi` i 'nú`, dsea` ja` líng`na' dsea` Israel. Jo Fidiée`bing' i nicasíng` jnea` e laco' niguiaa` júu` quiá'r` jee` jaléng` 'nú'. Jo jnea` eáam` jmi'goo` e ta` e nicangín`n quiá` dsea` do. ¹⁴ Jo uíi` e jmóo`o lajo cóo` ta` quié`e, joba' jnea` iin`n e faco' lajogui nilí`i e ni`íng` jaléng` dsea` góo` dsea` Israel e nileáiñ` jee` jalé` dsee` quiá'r`.

¹⁵ Jo uíi` e nica'náam` 'ñia` Fidiée` e seeiñ` cøøng` cóo` dsea` Israel, joba' jaléng` dsea` i caguiaang` gui nicalí`bre e niseeiñ` juguiá` júu` røø` cóo` Fidiée`. Jo dsu' mí` ni`íng`tu Fidiée` jaléng` dsea` Israel, e jo líí` lafa' mí` jí`tu jaang` 'líi`. ¹⁶ Jo lajob líí` e júu` na líí` laco'gui la líí` mí` jmóo` dsea` iñi` ; co' song la'uii` e iñi` e nijmé` dsea` do quiá` e nicuó'r` Fidiée`, joba' lajaléb` e ca` caguiee` gui do güeam` cajo. Jogui song jmó` quiá` cóo` 'ma` catíng` Fidiée`, joba' güeam` cajo e guo` quiá` e 'ma` do.

¹⁷ Jo cuóøng` fe`ee' e i líng` dsea` Israel líiñ` lafa' guo` 'ma` ofíi` e cajní` dsea` jo dsu' cahuí` e guo` jo. Jo eáang` quiá` e guo` e cahuí` do, fí` job caje` e guo` 'ma` ofíi` e iáang` 'ñia` fí` jee` mó`. Jo jaléng` 'nú', dsea` ja` líng`na' dsea` Israel, 'nú`bing' i líng` lafa' e guo` e 'ma` ofíi` jo. ¹⁸ Jo co' lajob líng`na', joba' fíi` guí` 'nú` jie` mí` í` óo`na' e niing`gui laco'gui e guo` 'ma` e nicahuí` do, co' song í` óo`na' lajo, joba' 'né` e jmiguiéng` óo`na' e o' 'nú` i se`

e jmó[^] quiá⁻ e 'ma` do, cō^l la'eáang[^] e jmó[^] doba' e jí^l 'nú', dsea` líng^{na} lafa' guo^l 'ma` ofi^h e ca'iaang[^] 'ña' fí[^] jee[~] mó^l.

¹⁹ Jō dsu^l jangám⁻ ni^l o^l jō nifo[^] lala: “Cahu^l e guo^l quiá⁻ e 'ma` do e laco^l nija` jnea[~] ée[^] quiá⁻ e lí[~] cahu^l do.” ²⁰ Jō e jáb⁻, lajob calí⁻, dsu^l cahu^l jalé^l e guo^l jō uí^l e ja` já⁻ calíng⁻ júu[^] quiá⁻ Fidiée[~]. Jō dsu^l 'nú', dsea` ja` lin^l dsea` Israel, lafa' casém⁻ba' e fí[^] dse^l e 'ma` jō uí^l e já⁻ calín⁻ júu[^] quiá⁻ Fidiée[~]. Jō cō^l lajob calín⁻, jōba' ja` né⁻ e jmijlōng[^] uø^l uí^l quiá⁻ e jō, cō^l lí[^] lí[^] né⁻ e ñiing[~] o^l. ²¹ Jō cō^l ja` cajmée[^] Fidiée[~] féng^l dsír[^] cō^l e guo^l 'ma` e guita[~] cajní[^] dsea` jōba' caqui^h bre, jō cō^l lajob cajmée[^] guir cō^l e guo^l jō, jōba' dseám[~] e nijmér⁻ lajō cō^l 'nú' cajo. ²² Jō cō^l lajob líí, jōba' ne[~]naa' jial tíí e guiúng⁻ Fidiée[~] lifa' h^h bre í^l laco^l catíng⁻ mí[^] ee^{gō} jmóo[^] dsea` e ja` dseeng[^]. Jō cō^l lajob lííñ, jōba' iihu^h cacuø^r jaléng^l i dsea` i cajmée[^] saang[^] dsír[^] cō^l r[~]. Jō dsu^l eám[^] guiúñ⁻ cō^l 'nú', dsea` ja` líng^{na} dsea` Israel, lifa' 'né⁻ e seeng^{na} e contøng⁻ já⁻ líng^{na} júu[^] quiá⁻ bre. Jō dsu^l song ja` jmoo^{na} lajō, jōba' dseám[~] jóng e lafa' nihuíng^{na} e fí[^] dse^l e 'ma` jō. ²³ Jō song já⁻ nilíng[^] jaléng^l dsea` Israel júu[^] quiá⁻ Fidiée[~] jogui e niquí^l jíng^l tu yaaiñ[~] fí[^] quini[^] dsea` do, jōba' caléb^l catú⁻ ni^l uíng⁻ tur lafa' guo^l quiá⁻ e 'ma` e lí[~] cahuíñ^l do. Cō^l quí^h Fidiée[~] jmí^h e nijmé⁻ tur e niséng^l tur e guo^l quiá⁻ e 'ma` e caqui^h r^l do. ²⁴ Jō cō^l 'nú', dsea` ja` líng^{na} dsea` Israel, lafa' cahuíng^{na} fí[^] cō^l 'ma` ofi^h e ca'iaang[^] 'ña' fí[^] jee[~] mó^l, jō lafa' caséng^{na} fí[^] cō^l 'ma` ofi^h e guita[~] cajní[^] dsea` nañí[^] fa' ja` jmóo^{re} dsea` lajō, dsu^l lajob calí⁻ cō^l 'nú'; jō cō^l lajob calí⁻ cō^l 'nú', jōba' eáang[^] guí^h ja` huíng[^] e lafa' niséng^{tu} Fidiée[~] e guo^l e nicaqui^h r^l do quiá⁻ e 'ma` e guita[~] cajní[^] dsea`. Jō jalé^l e guo^l jō, íb^l lafa' jaléng^l dsea` Israel, jō ie[~] mí[~] nilí[^] lajō, jōba' nisém^{tu} calé^l catú⁻ e guo^l quiá⁻ dseáng^l e 'ma` e guita[~] cajní[^] dsea`.

Nileám[^] jaléng^l dsea` Israel jee[~] jalé^l dsee⁻ quiá^r mí[~] nití⁻ e í^l jō

²⁵ Dsea` rú^{naa} dsea` quiá⁻ Dsea` Jmáang⁻, iim[~]baa e ñí^{na} e júu[^] la quiá⁻ Fidiée[~] e ja` mí[^] cajmijnéeiñ^l lamí[~] jéeng^{gui} e laco^l lajō ja` nijmijlōng[^] yaang^{na} e tíng^{na} eáang[^]. Jō e lab e júu[^] jō, e i líng[~] dsea` Israel eám[^] nicajmée^{re} laaiñ[^] cō^l júu[^] quiá⁻ Fidiée[~], jō dsu^l calí⁻ lajō e lí[^] laco^l ni^l ié^l jíé^l jíí^l sí^l 'né⁻ tí⁻ i dsea` i ja` líng[^] dsea` Israel i nijá⁻ líng[^] júu[^] quiá⁻ Fidiée[~]. ²⁶ Jō mí[~] níng^l e nidsijé[^] jalé^l e jō cō^l jaléng^l dsea` i ja` líng[^] dsea` Israel, joguiba' nileáng[^] jaléng^l dsea` Israel jee[~] jalé^l dsee⁻ quiá^r. Jō e na líí lí[^] laco^l la fé^l fí[^] ní[~] jí[^] quiá⁻ Fidiée[~] lí[~] fé^r lala:

Jō fí[^] Sión lí[~] nijáa[^] i dsea` i nileáng⁻ dsea` jee[~] jalé^l dsee⁻ quiáiñ⁻.

Jō íb^l i nijé^l jalé^l e ja` dseeng[^] jee[~] jaléng^l dsea` siju[~] 'líí[~] yúu[~] Jacóo[^].

²⁷ Jō e nab e júu[^] e nijmirøø⁻ cō^l jaléng^l í[^]

mí[~] nití⁻ í^l e nilí[~] n jalé^l dsee⁻ quiá^r.

Jō lanab jíí^l líí[^] júu[^] quiá⁻ Fidiée[~].

²⁸ Jō latí[^] jmí^h na, i fím[^] dsea` Israel 'ní^l níim⁻ bre Fidiée[~], cō^l ja` mí[^] ca'íñ^l júu[^] quiá⁻ dsea` do e quiá⁻ jial laang[^] dsea` jee[~] jalé^l dsee⁻ quiá^r. Jō líí[^] lajō e lí[^] laco^l cuøng[^] nijá⁻ líng^{na} júu[^] quiá⁻ Fidiée[~], 'nú' dsea` ja` líng^{na} dsea` Israel. Jō dsu^l mí[^] 'noo^{bi} 'neáang[^] Fidiée[~] jaléng^l dsea` Israel dsu^l uí^l e caguíñ^l jaléng^l dsea` áang[^] quiáiñ⁻ do jogui e cajmée^{re} júu[^] tigua[^] cō^l iñ^l do cajo. ²⁹ Cō^l jalé^l e cuø^l Fidiée[~] lí[^] doñí[^] i dsea` jō quí^l jmí^h fa' e niguí⁻ tur calé^l catú⁻, o^l guí[^] fa' e nitiúung⁻ tur jaléng^l i dsea` i nicatø^r i nilíng[^] dsea` quiá^r. ³⁰ Jō lamí[~] jéeng^{gui} jaléng^l 'nú', dsea` ja` líng^{na} dsea` Israel, eám[^] cajmee⁻na' e saang[^] óo^{na} cō^l Fidiée[~]. Jō dsu^l lanagui, uí^l e lajob nicajmée^{re} cajo jaléng^l dsea` Israel, jōba' Fidiée[~] lana níí^l lííñ⁻ 'nú'. ³¹ Jō lajob nicajmée^{re} dsea` Israel cō^l Fidiée[~] lana, jō dsu^l calí⁻ lajō cajo e lí[^] laco^l lana nilí[^] fí^l líng⁻ Fidiée[~] 'nú', dsea` ja` líng^{na} dsea` Israel, jogui calí⁻ lajō cajo e lí[^] laco^l lajō nilí[^] fí^l líng⁻ Fidiée[~] jaléng^l i dsea` Israel do. ³² Jō lajím[^] dsea` jmígú^l nicajmée^{re} saang[^] dsír[^] cō^l júu[^] quiá⁻ Fidiée[~], cō^l lajob sí^l quiá⁻ dsea` do. Jō calí⁻ lajō e lí[^] laco^l mí[~] nilicøng^{gui}, nilí[^] fí^l líng⁻ Fidiée[~] jaléng^l i dsea` í[^].

³³ Jo dseáng' ja` cøøng` còo'~ jial tí' e guiúng` Fidiéé` còo'~ lajaléng' dsea` jmigüü', jogui lajob cajo ja` cøøng` còo'~ jial tí' e tiiñ` ngáin'. Jo jii'~ jaang` dsea` jmigüü` quü'r` jmü` fa' e ningáin' jial laco' jii'~ e í` dsí' dsea` do còo'~ jalé' e nijmér` , jogui jial e nijmér` lajalé' e jo.

³⁴ Co' lalab fé' Fidiéé` fí' ní` jì` quiá'r` : Jii'~ jaang` dsea` jmigüü` quü'r` jmü` fa' e niliñir` jialco' í` dsí' Fidiéé` o'gui cajo fa' e nijíñ' e` jalé' e 'né` nijmé` dsea` do.

³⁵ Jogui jii'~ jaang` dsea` jmigüü` ja` ee` mí` cacuø'r` Fidiéé` jéeng'gui e laco' dsea` do nijmér` qui'` táa` còo'~ dsea` jmigüü'. Jo lanab lí' júu` quiá' Fidiéé` e tóo' fí' ní` jì` quiá'r`.

³⁶ Dsuo' lajaléb' e sea` fí' jmigüü` Fidiéé`bing' i cajmée', jogui la'eáang' íbre e sea` jalé' e jo, jogui e quiá'~bir lí' lajalé' e jo cajo. joba' car` ngongü` jmüb` 'né` e nijmiféng'naa' Fidiéé'!

Jo lajob 'né` niliti`.

12

Jáang` yaang`na' fí' jaguó` Fidiéé` lafa' còo' feá'~

¹ Dsea` rú'naa' dsea` quiá'~ Dsea` Jmáang` , uí'~ e eáang' fí' líng` Fidiéé` jneaa`aa', joba' mii' i 'nú' jmi'ee` e nijáang` yaang`na' fí' jaguó` e líng'na' lafa' còo' feá'~ e jí', jogui e güeang`na' e líng'na' dseáng' jii'~ e quiá'~bre, jogui e jlo'` nití' dsíir' cajo; co' e nab feá'~ e 'né` nijii'~na' fí' quini` Fidiéé` e laco' nijmiféng'naa're. ² Jogui jie` mí' síng' yaang`na' e fí' ja` dseeng` lí` ngí' dsea` jmigüü` i seeng` jmü` na, co' ja` 'né` jmé`na' lajo. Co' lí' lí' 'né` e nicuø' fí' yaang`na' e nilisíng` jialco' í' oo'na', jo lajoba' nilisíng` jialco' ee`na' fí' jmigüü` la, jogui cajo e quü'na' jmü` e niliñí'na' e` e iing` Fidiéé` e nijmé`na' lí' lajalé' e guiá' jogui e jlo'` e tí' dsí' dsea` do jogui cajo e røø` e ja` cøøng` còo'~.

³ Jo Fidiéé` nicacuø'r` jneaa`aa' ta` uí'~ e lajo cali'iaang` dsíir' cajméer` còo'~ jnea`. Jo co' lajob cajmée'guir, joba' fii' i 'nú', dsea` rú'naa' dsea` quiá'~ Dsea` Jmáang` , e jii'~ jaang` 'nú' 'né` ní'f' áa'na' e niing`gui eáang' laco' jii'~ e catíng` ní'f' áa'na' cuaiñ` quí'na'. Co' 'né` e ní'f' áa'na' jii'~ laco' catím` lí' laco' jii'~ tí' e cangíng'na' quiá'~ Fidiéé` e já' líng'na' júu` quiá'r` . ⁴ Dsuo' lajaang` lajaang` jneaa`aa' seab` jmini`naa' còo'~ gui loguá'naa' jogui e jíe'gui cajo, jo lacoø` e jo quí'ii' jmaquíim' ta` íng` lacoø`. ⁵ Jo lajob lí' jneaa`aa' cajo, dsea` lí'naa' dsea` quiá'~ Dsea` Jmáang` , co' nañi' fa' füm'baa' eáang', dsu' lafa' jaam` dsea` lí'naa' i já' líng` júu` quiá'~ Dsea` Jmáang` . Jo ja` ee` lí' lí' lí'naa' jmaquíing` lajaang` lajaang`naa', dsu' lafa' jaam` dsea` lí'naa' lajaléng'naa'.

⁶ Jo e cuø' Fidiéé` jneaa`aa' e íaang` dsíir' jmaquíim' nicangíng'naa' lajaang` lajaang`naa'. Joba' song nicacuø'r` jneaa`aa' e tii`naa' guía'naa' júu` quiá'r` fí' quini` dsea` jíéng', joba' lajob 'né` jmó'oo' lí' laco' jii'~ tí' e nicangíng'naa' e já' lí'naa' júu` quiá'r` .

⁷ Jogui song nicacuø'r` jneaa`aa' e nijmé`naa' ta` e nijmicóo'~naa' dsea` rú'naa', joba' lajob 'né` jmó'oo'. Jogui song nicangíng'naa' quiá'r` e tii`naa' e ní'é'naa' dsea` rú'naa' júu` quiá'~ Dsea` Jmáang` , joba' lajob 'né` jmó'oo' jóng. ⁸ Jogui song nicangíng'naa' quiá'r` e tii`naa' e nicuø'naa' bí' dsea` rú'naa', joba' lajob 'né` jmó'oo'. Jogui song nicangíng'naa' quiá'r` e nijmicóo'~naa' dsea` rú'naa' còo'~ jalé' e sea` quí'naa', joba' lajob 'né` jmó'oo' e ngocáng` dsí'naa'. Jogui song nicangíng'naa' quiá'r` e oo`naa' còo' ta` , joba' eáam` 'né` e ñiing` dsí'naa' e nijmó'naa' e ta` jo. Jogui song nicangíng'naa' quiá'~ Fidiéé` e nijmicóo'~naa' jaléng' dsea` rú'naa' i lí' 'né` quiá'~ lajo, joba' lajob 'né` jmó'oo' e íaang` dsí'naa'.

Jial 'né` seeng` dsea` quiá'~ Dsea` Jmáang`

⁹ Jo fii'guü' 'nú', dsea` rú'naa' dsea` quiá'~ Dsea` Jmáang` , dseáng' e ngocáng` óo'ba' 'né` nijmi'neáang'na' dsea` rúng'na', jo o' lí' júu` e fó'na' e jmoo'na' lajo. Jogui 'né` e

'ní' máam'ba' jalé' e ja`dseeng, co' lí' lí' dseáng' jii' e guiá'ba' 'né' nijmée'na'. 10 Jogui jmi'neáng'na' dsea`rúng'na' lí' lacó'gui catúng' e jmóo' dsea`quíá' Dsea`Jmáang, jogui nijmi'goo`rúng'na' cajo.

11 Jo ja`'né' jmée'na' fíng'na', co' lí' lí' 'né' e nicuó' bî yaang'na' e nijmée'na' jalé' ta` e nicangúng'na' quiá' Fidiée'.

12 Jo e iáang`óo'ba' 'né' seeng'na' la'eáang' e dseáng' nitab`óo'na' e niliseem'ba' cøøng`cóo' Fidiée' fí' ñifí' quiá'r' mi` nití' e í' jo. Jogui 'né' e jmée'na' féng'`óo'ba' cóo' jalé' fí' dsí' e dsingúng'na', jogui cajo ja`'né' tú'na' e fõng'na' Fidiée'.

13 Jo jaléng' dsea`rúng'na' dsea`quíá' Dsea`Jmáang i lí' sea`go fí' dsí' quiá', joba' 'né' e nijmicóo'baa're jóng. Jogui íng'na' cóo' júu`røø jaléng' dsea` i guilíng' fí' quiá'na'.

14 Jogui mí'na' Fidiée' cóo' e guiá' uí' quiá' jaléng' dsea` i jmáng' 'nú' ga, jo dseáng' lajob`'né' jmée'na' cóo'r` jogui jie` mi` fó'na' júu` lí' uí' quiá'r'.

15 Jo jmi'íáang`óo'na' cóo' jaléng' dsea`rúng'na' dsea`quíá' Dsea`Jmáang i iáang`dsí', jogui jmee'na' fí' fíng' seeng' i líng' lajo.

16 Jo røøb`'né' seeng'na' jee` la'ó' 'nú', dsea`líng'na' dsea`quíá' Dsea`Jmáang. Jo ja`'né' e jmi'ljøng'`yaang'na', co' lí' lí' 'né' e seeng'na' e røøb`líng'na' lacó'gui líng' i dsea` i ja` jmi'ljøng'`yaang' jee` jaléng' 'nú'. Jogui ja` güi'`óo'na' e dseáng' líng'na' dsea` i tíng`ngáng'. 17 Jo ja` jmoo'na' qui'`táa' cóo' dsea`rúng'na' song ee`go ca'léer' quiá'na', co' 'nú' 'né' nijmi'úung'na' e nijmée'na' dseáng'`jmang' e guiáb` cóo' doñi' ii' dsea`rúng'na'. 18 Jo jie` jii' cartí' lí' qui'na' jmi' jmee'na' e niliseeng'na' juguiá' júu` røø cóo' lajaléng' dsea`rúng'na'. 19 Jo e laba' iin`n fí'guí' 'nú', dsea`rú'naa' dsea`quíá' Dsea`Jmáang i 'neáan`eáang', e mi` ee`go ca'léer' dsea`quíá'na', ja`'né' fa' e nicó'na' quiá'na', co' ja`dseeng' e jmée'na' lajo; co' lí' lí' 'né' e nisée'na' fí' jaguó' Fidiée' e júu` jo, co' í'bing' i ní' í' lacó' catúng'; co' lalab fé'r' fí' ní' jì quiá'r': "Jneab` Fidiée' dsea` catúng'na' e ní' i lacó' catúng', jo jnea`bing' i níqui'`táa' dseáng' lacó' sí'." Jo lanab jii' lí' júu' e jing' Fí'naa' Fidiée' fí' ní' jì quiá'r'. 20 Jo lalab fé'gui cajo fí' ní' jì quiá'r': "Jo song jaang' dsea` i 'ní' níng' 'na' mi'r' 'na' e nidø'r`osi e ní' é, joba' 'né' cuø'ba're lajii' e mi'r' 'na' do. Jo mi` nijme' lajo, lajoba' nilí' i líng' i 'ní' níng' 'na' do cóo' lajii' e jmóor` cóo' 'na' do." 21 Jo jie` mi` cuøøng' uø' fa' e jalé' e ja`dseeng' nilí' 'na', co' la'eáang' e jmoo' jalé' e guiá', lajoba' nilí' jalé' e ja`dseeng' do.

13

1 Jo e laba' iin`n fí'guí' 'nú', dsea`rú'naa' dsea`quíá' Dsea`Jmáang, e lajii' 'nú' 'né' jmée'na' nú'na' jalé' ta` quiá' dseata` i seeng'. Dsüco' Fidiée'bing' i nicacuø' e ta` jo quiá' jaléng' dseata`, jogui cajo`ñiab' Fidiée' dsea` nicaguiar' uing' e seeng' jaléng' í'. 2 Jo co' lajob`lí', joba' jaléng' dsea` i jmóo' laang` cóo' lajii' ta` quiá' dseata`, joba' ja` jmóor`nú'r` jóng lajii' ta` e nicaquiá' Fidiée'. Jo jaléng' dsea` i jmóo' lajo, joba' yaam`bre 'nó'r' e nidsijéé' huúng' quiá'r', co' iihuú' ní'í'. 3 Dsüco' jaléng' dseata` ja` seeiñ' fa' e niféiñ' jaléng' dsea` i jmóo' jalé' e guiá', dsüco' jaléng' dsea` i jmóo' ga`bing' i nijmeáiñ' lajo. Jo song 'na' iin' e niliseen' e ja`'gón' dseata`, joba' 'né' e ní'ee' e guiáb` jóng, jo lajoba' nífé' dseata` guiá' uí' quiá'. 4 Co' Fidiée'bing' i caguíng' jaléng' dseata` e lacó' nijmicóo'r' 'na'. Jo dsü' song jmoo' jalé' e ja`dseeng', joba' 'né' jme'`'gó'ba' cóo'r` jóng; co' e líng' ta`ba' e quie' dseata` 'ma'u' quiá'r', co' cóo' e joba' e cuø' lí' ee' ta` oor', co' 'ñiab' Fidiée' dsea` cacuø'r' dseata` e óoiñ' do ta` e lacó' nicuø'r' iihuú' jaléng' dsea` i jmóo' laang' lajii' ta` quiá'r'. 5 Jo uí' e lajob`lí', joba' dseáng' laguíim' 'né' e nijmée'`nú' jalé' ta` quiá' dseata`, dsü' o' fa' e lacó' ja` ní'in' iihuú', co' uøø'ba' 'né' e ní' o' e dseáng' e guiá'ba' e nijmée' lajo. 6 Jo uing' e lajob` cajo, joba' qui' 'na' cuu' e mí' dseata`; dsüco' Fidiée'bing' i caguíng' jaléng' dseata`, joba' jii' jo ta` quiá'bre e quiá' e quiá'r' ta`.

⁷ J_oba' fñ-guñ 'nú', dseá` rú'naa' dseá` quiá'- Dseá` Jmáang-, jmití'na' lajji~ e catíng-na'; j_oba' cuóø'na' jaléng' i dseá` i óo'g_o ta~ lajji~ e catíñ- e niñiñ, fa' jaléng' i catíng- e ni'íng' jalé' cuu- e soo' fñ, j_oba' qui~na' e j_o; jogui jalé' e cuu- e quiá'- ee'g_o ta~ jmoo'na' osi ee'g_o sea` quií'na', j_oba' qui~na' e j_o cajo. Jogui jmi'goo'na' jaléng' dseá` i óo'g_o ta~, co' laj_oba' catíng- e nijmée'na', jogui jmiféng'na' lajaléng' dseata~ laco' catíng- cajo.

⁸ J_o ja' jmirøng` yaang~na' cóo' jii~ jaang` dseá, co' lí' lí' 'né- e nijmi'neáang`na' dseá` rúng'na'; dsuco' i dseá` i jmi'neáang` dseá` rúng' nica'jmiti~bre røø lajji~ júu^ quiá' ta~ e cajme' Moi'. ⁹ J_o lalab fé' e júu^ quiá' ta~ do: "Ja' 'lee~ e nigün' cóo' dseamí osi dseañu' i o' quií', jogui jie~ mí jngán' dseá` rún', jogui ja' jmoo' ñ, jogui ja' fó' júu^ ta~ júu^ e laco' ni'lée' quiá'- dseá` rún', o'gui jmoo' dsihuñ' quiá'- jaléng' dseá` rún' cajo." J_o jalé' e júu^ quiá' ta~ na cóo'gui jalé'gui e júu^ quiá' ta~ e caguiee-gui do dseáng'- lalab jii~ lí' cóo' e júu^ quiá' ta~ e fé' lala: "Jmi'neáang` jaléng' dseá` rún' lí' laco'gui jmi'neáan' uø'." ¹⁰ Dsuco' i dseá` i jmi'neáang` jaléng' dseá` rúng', jmang'- jalé' e guiáb- jmóor cóo' jaléng' i dseá` í. Co' mí jmi'neáang` dseá` rúñ' dseáng'- laco' sí'í, j_oba' jmiti~bre laco' fé' jalé' júu^ quiá' ta~ e cajme' Moi'.

¹¹ J_o sea'bi uíng~ quiá'- e nijmé'naa' laj_o, co' dseáng'- 'né- e ñí'baa' guiá- jialco' nilí' e seé-naa' jmi~ na, jogui cajo 'né- e ñí'baa' e nica'tíb' í' e nijmijnée' dsí'naa' contøøng-. Co' dseáng'- nijaquíem' e jmi~ e nijáa'tu Fí'naa' Dseá` Jmáang- fí' jmigü' la e laco' nitøø'r jneaa~aa', dseá` i nica'leáaiñ` jee~ jalé' dsee- quiá'- . Dsuco' lana dseáng'- ni'quíá'-gui e jmi~ j_o laco'gui ie~ lamí~ já'- calí'naa' júu^ quiá'r-. ¹² Co' lana nilí' lafa' e tí' lí' nijneá, co' nijaquíem' e jmi~ j_o; j_oba' 'né- e nitá'baa' jalé' e ja' dseeng' e lamí~ jmoo~naa' e quií'- tíng' dseá` jmóor' fí' lí' nua, co' ja' 'né- jmó'oo' laj_o. Co' lí' lí' 'né- e nijmó'oo' jalé' e quií'- tíng' dseá` jmóor' fí' lí' jneá, e jmáang~naa' ta~ jalé' e nica'cuø' Fidiée' jneaa~aa' e laco' nijmi'øng' yee~naa' lí' laco'gui jalé' e jmáang~ ta~ jaang' 'lée- mí' dséer' fí' jee~ 'nií'. ¹³ J_o contøøm- 'né- ee-naa' røø' laco' catíng- lí' laco'gui la jmóo' dseá` i seeng' fí' lí' jneá; co' ja' 'né- e jmó'oo' fa' e seáng'- rú'naa' e nidsi'né'naa' méé' osi e nidsé'ee' lí' tí' jmi~ e ta' dseá` mí' eáang', osi e güñ'naa' cóo' dseañu' osi dseamí i o' quií'naa', osi lí' doñí' ee' e 'lí' e jíe'gui é, o'gui e jmoo~naa' ta~ jíng' osi ta~ dsihuñg' quiá'- dseá` rú'naa' é. ¹⁴ Co' o' laj_o e 'né- jmée' 'nú', co' lí' lí' 'né- e teá'gui nisíng'-na' cóo' júu^ quiá'- Fí'naa' Dseá` Jmáang- e jmáang~na' ta~ jalé' e jmi'øng' yaang~na' e nica'cuø'r 'nú' lí' laco'gui jalé' e jmi'øng' 'ñia' jaang' 'lée-. Jogui ja' 'nó'na' jial e nijmi'iaang' óo'na' cóo' jalé' e ga' e lí' óo'na' e sea' fí' jmigü' la.

14

Ja'en' dseá` rún' dseá` quiá'- Dseá` Jmáang-

¹ J_o fñ-guñ 'nú', dseá` rú'naa' dseá` quiá'- Dseá` Jmáang-, íng'-na' røø' jaléng' dseá` quiá'- Dseá` Jmáang- i ja' mí' 'goo' teáang- teá' cóo' júu^ quiá'- dseá` do, j_o ja' jmoo'na' ta~ jíng' cóo'r- uí' quiá'- jalé' e í' óo'na'. ² Co' seem' dseá` quiá'- Dseá` Jmáang- i í' dsí' e cuóøm' lí' dø'r- lí' doñí' ee' jmiñí, jogui dsu' seem'bi cajo i ji~bi mí' teá' síng' cóo' júu^ quiá'- Dseá` Jmáang- j_o í' dsí' e jii~ ja'ba' cuóøng' lí' dø'r-. ³ J_o co' laj_oba' lí', j_oba' i dseá` quiá'- Dseá` Jmáang- i í' dsí' e cuóøm' lí' dø'r- lí' doñí' ee' jmiñí, j_oba' ja' cuóøng' fa' e jmi'jlong' 'ñia'r' uí' quiá'- i dseá` rúñ' i gø' layaang~ ja' do; jogui i dseá` i í' dsí' e cuóøm' lí' dø'r- layaang~ ja', j_oba' ja' cuóøng' e ni'leñ- i dseá` rúñ' i í' dsí' e cuóøm' lí' dø'r- lí' doñí' ee' jmiñí. J_o dsu' quiá'- Fidiée' ja' ee' lí' e gø' dseá' lajalé', co' nica'ím'bre i dseá` i líng' laj_o.

⁴ J_o ja' dseeng' fa' e ni'éen~ jaang' dseá` i jmóo' ta~ quiá'- jaang'gui dseá`. Dsuco' cuaiñ~ quiá'- i fii~ quiá' ta~ quiá'r- dob song ca'uíng- guiá- lajji~ ta~ jmóor' osi ca'uíng- ga' é. J_o dsu' guiáb- ni'uíng- quiá'r-, co' eáam' 'gøng' Fí'naa' Dseá` Jmáang-, j_o í'bing' i nijmicóo' e ni'uíng- guiá- quiá'- i dseá` do.

⁵ Jōgui cajo: Seem`dsea` quíá'- Dsea` Jmáang- i í dsíí' e niing-gui e liing~ jmíi~, jōgui seem`bi cajo i í dsíí' e røøb` líí lajalé' jmíi~ jō ja` sea` jmíi~ fa' e niing-gui. Jō dsu' lajaang` lajaam` dsea` 'né- e ta~ dsíir' røø` cóo~ lajii~ e í dsíir' do. ⁶ Jō có' i dsea` quíá'- Dsea` Jmáang- i í dsíí' e niing-gui e liing~ jmíi~ jō jmóor` lajō e laco' nijmi'gór` Fíi'naa' Fidiée~. Jōgui i dsea` quíá'- Dsea` Jmáang- i í dsíí' e cuøøm` lí dór` lí' doñí' ee` jmiñi~ jō jmóor` lajō e laco' nijmi'gór` Fíi'naa' Fidiée~ cajo, jōgui cuø'bre gui'máang~ dsea` do. Jōgui i dsea` quíá'- Dsea` Jmáang- i í dsíí' e lajii~ ja`ba' cuøøng` lí dór` jō jmóor` lajō e laco' jmi'gór` Fíi'naa' Fidiée~ jōgui cuø'bre gui'máang~ dsea` do cajo.

⁷ Jō jii~ jaang` jneaa~aa', dsea` líí'naa' dsea` quíá'- Dsea` Jmáang-, see~naa' la ne'naa' yee~naa' o'gui júung~naa' la ne'naa' yee~naa' cajo. ⁸ Co' song see~naa' fí' jmigüi' la, líí' lajō e laco' e jmi'goo~naa' Fíi'naa' Dsea` Jmáang-; jōgui song catí' í' e nijúu~naa', líí' lajō e laco' e nijmi'goo~naa' Fíi'naa' Dsea` Jmáam- cajo. Jō ja` e líí' song see~naa' fí' jmigüi' la osi nijúu~naa' é, có' dsea` quíá'- Dsea` Jmáam- líí'naa'. ⁹ Jō cajúng- Dsea` Jmáang-, jō mi~ cangí' jō, cají'tur calé' catú-; jō calí- lajō e laco' nilíiñ' Fii~ quí-naa', dsea` see~naa' fí' jmigüi' la, jōgui lajōb` líiñ' Fii~ cajo quíá'- jaléng` dsea` quíá'r- i nicajúng-.

¹⁰ Jō có' lajōb` líí', jōba' ja' fí' sea` quíi'- fa' e ni'éen~ dsea` rún' dsea` quíá'- Dsea` Jmáang-, o'gui fa' e nijøøn`re e uøng-gui cajo. Co' téé' óóna' e lajaang` lajaam` jneaa~aa' 'né- ngíing~naa' fí' quini~ Dsea` Jmáang- mi~ tí' lí' nití- í' lajō e laco' dsea` do niquidsir' í' quí-ii' laco' sí'í'. ¹¹ Co' lalab fé' Fíi'naa' Fidiée~ fí' ni~ jì' quíá'r-:

Jnea~ Fidiée~ fá'-a e dseáng'- e já'-ba' e seen-,
jōgui fí' quini~baa` lí' nisí' lajüing` dsea` uø- jnir~ e laco' nijmiféiñ' jnea~,
jōgui nijíiñ'- e jii~ jneab~ Fidiée~.
Jō lanab fé' Fidiée~ fí' ni~ jì' quíá'r-.

¹² Jō có' lajōb` nilí', jōba' lajaang` lajaam` jneaa~aa' 'né- e niguiée^naa' júu^ fí' quini~ Fidiée~ mi~ tí' lí' nití- í' e niquidsir' í' quí-ii'.

Ja`jmoo`e niténg`dsea` rún`fí`ni`dsee`

¹³ Jō có' lajōb` líí', dsea` rún'naa' dsea` quíá'- Dsea` Jmáang-, jōba' ja' 'né- e éeng~naa' jaléng` dsea` rún'naa'. Co' lí' lí' 'né- e nijmi'úung`naa' e ja` nijmée^naa' jii~ cóo` e ga` e dseáng~ e niténg` dsea` rúng`naa' fí' ni~ dsee- osi e nitúr` e já'- líiñ' júu^ quíá'- Dsea` Jmáang- é. ¹⁴ Jōgui jnea~, la'eáang` e lín'n` jaang` dsea` i jmóo`o lajii~ e iing` Fíi'naa' Dsea` Jmáang-, jōba' eáam` nita~ dsii- e lajaléb' e quiee~naa' e sea` fí' jmigüi' la jmang'- e guiáb- líí'. Jō dsu' seem` dsea` i í dsíí' e seab` e ja` dseeng`, jōba' lajōb` líí' dsu' lajii~ quíá'- i dsea` íb'. ¹⁵ Jōgui song cóo~ jalé' e cø'na' seem` dsea` rúng`naa' dsea` quíá'- Dsea` Jmáang- i ja` tí' dsíí' jalé' e jmoo`naa' do, jō song lajōb` líí', jōba' lafa' ja' jmi'neáam`ba' i dsea` rúng`naa' do jóng. Jō uíi' e lajōb` líí', jōba' fíi~ i 'nú' e ja` cuøøng` e cóo~ jalé' e cø'na' nijmé- e niténg` dsea` rúng`naa' fí' ni~ dsee-, có' uíi~ i dsea` íbing' e cajúng- Dsea` Jmáang- fí' dse' crúu^.
¹⁶ Jōba' fíi~ i 'nú', ja` jmoo`naa' jii~ cóo` e laco' dseáng~ e nifé' dsea` ga` uii~ quíá'- jalé' e í' óóna' e guiú-. ¹⁷ Jō mi~ Fidiée~ quier' nifí' quí-naa', jō quíu'gui ta~ quí-ii' fa' jalé' e quiee~naa' osi jalé' e 'né^naa' é, có' e laba' e eáang`gui 'né- nijmó^oo' la'eáang` cóo~ Jmíguí' quíá'- Fidiée~, e see~naa' e jmoo~naa' laco' iing` Fidiée~, jōgui e see~naa' juguiú- júu^ røø, jōgui e íaang` dsí'naa' cajo. ¹⁸ Jō i dsea` i jmóo` lana cóo~ lajii~ e ta~ e cangíiñ` quíá'- Dsea` Jmáang-, jōba' i dsea` í' jmi'íáam`bre dsíí' Fidiée~ jōgui guiáb- fé' jaléng` dsea` rúíiñ' uíi~ quíá'r- cajo.

¹⁹ Jō lana fíi~ i 'nú', dsea` rún'naa', e contøøm- 'né- e nijmi'úung`naa' e nijmó^oo' jalé' e laco' nilisee~naa' juguiú- júu^ røø` cóo~ jaléng` dsea` rún'naa', jōgui cajo e nijmicóo~ rún'naa' e laco' nilí'naa' e teá'gui nisíng'-naa' cóo~ júu^ quíá'- Dsea` Jmáang-. ²⁰ Jō uíi~ cóo~ jalé' e cø'na' ja` jmoo`naa' e laco' dseáng~ ni'íing- lajii~ e jmóo` Fidiée~ cóo~ lajaang` lajaang` dsea` quíá'r-. Jō dseáng'- e jáb-, guiáb- lajalé' e gø' dsea', dsu' e doba' ja` dseeng` e song cóo~ jalé' e cø'na' do nijmé- e niténg` dsea` rúng`naa' dsea` quíá'- Dsea` Jmáang-

fí' ni~ dsee-. ²¹ Joba' guiá~gui e ja` cø'na' ngúu' o'gui u'na' jmí' m' huiing` jø' o'gui jmée'na' jii~ coo` e laco' dseáng' e niténg' dsea` rúng'naa' dsea` quiá'- Dsea` Jmáang- fí' ni~ dsee-. ²² Joba' fii~i 'nú' e jii~ yaam~ba' 'né- ñí'na' fí' quini~ Fidiée~ jial tí' jál- líng'na' cuaiñ~ quiá'- e jo. Jo eáam' juguiá- quiá'- i dsea` i ta~ dsí' e guiáb- jalé' e jmóor', co' ja` cuø' dsee- 'ña'r' lajee~ e jmóor' lajo. ²³ Jogui dsu' song sea` coo` jmiñi~ e ta~ dsí' i dsea` í e ja` cuøong` lí dør- jo song cagør' e jo, joba' dseeb- ca'éer` jóng fí' quini~ Fidiée~, co' dseáng'- ja` tab~ dsír' e cajméer` e guiá- mi~ cajméer` e jo.

15

O' jii~ uø' 'né- jmi'íáang' o', co' lajob 'né- jme' cøo' dsea` rún'

¹ Jo fii~guíi 'nú', dsea` rú'naa' dsea` quiá'- Dsea` Jmáang-, e jaléng' jneaa~aa', dsea` eáang'gui teá' nitée~naa' cøo' júu^ quiá'- dsea` do, 'né- e nijmicøo'baa' jaléng' dsea` rú'naa' i ja'gui teáang- teá' cøo' e júu^ jo. Co' ja` 'né- jmó'oo' dseáng'- lajii~ e guiá- qui~naa' yee~naa'. ² Jo lajaang` lajaang` jneaa~aa' 'né- see~naa' e jmi'íáang'naa' dsí' jaléng' dsea` rú'naa' e laco' ni'uiing- guiá- quiá'r-, jo lajoba' cuøong` e teá'gui nisíi~ cøo' júu^ quiá'- Dsea` Jmáang-. ³ Co' jii~gui Dsea` Jmáang- ja` ca'no'r- jial laco' nijmi'íáang` dsír' 'ña'r', co' lí' lí' cangongíiñ- jii~ laco' fé' fí' ni~ jii~ quiá'- Fidiée~ lí' fé' lala: "Jalé' e ga` e café' dsea` uii~ quií-', jneab~ cangongíing- jalé' e jo." ⁴ Jo lajalé' júu^ e fé' fí' ni~ jii~ quiá'- Fidiée~ e cajme' dsea` lamali~gui eáang' calí- lajo e lí' laco' e' jneaa~aa' jialco' nijmó'naa' té'ee' cøo' jalé' e huíng` e dsijée' qui~ii', jogui cuø' jneaa~aa' bí' cajo; jo lajoba' dseáng'- nita~ dsí'naa' e nilisee~baa' cøong` cøo' Fidiée~ fí' ñiff- quiá'r- mi~ nití- e í' jo. ⁵ Jo Fidiéeb~ dsea` i cuø' jneaa~aa' e jmoo~naa' té'naa' cøo' jalé' e dsingíing~naa' do jogui e cuø'r' jneaa~aa' bí' cajo. Jo uí' e lajob lí', joba' mii~i dsea` do e güijmicøo'bre 'nú' e laco' røøb` niliseeng'na' lajee~ la'ó' 'nú' lí' laco'gui ca'éé' Fí'naa' Dsea` Jmáang-. ⁶ Jo lajoba' nijmiféng'naa' Fidiée~, Tiquiá' Fí'naa' Dsea` Jmáang-, colíing~ laji~naa'.

Mi~ canúu- dsea` i ja` líng' dsea` Israel júu^ quiá'- Dsea` Jmáang-

⁷ Jo lajob fii~guíi 'nú', dsea` rú'naa' dsea` quiá'- Dsea` Jmáang-, e íng' rúng'na' e íáang` óo'na' lí' laco'gui ca'íng' Dsea` Jmáang- 'nú', jo lajoba' e nijmiféng' dsea` Fidiée~. ⁸ Jo jnea~ fii~i 'nú' e Dsea` Jmáang- cagüeiñ- fí' jmi'güi' la e laco' nijmicøo'r~ dsea` Israel. Jo calí- lajo e lí' laco' cuø' lí' e dseáng'- jmitib~ Fidiée~ júu^ quiá'r- lí' laco' júu^ e cacuø'r' 'lii~ dsea` áang' qui~ii', dsea` Israel, ie~ mali~gui do. ⁹ Jogui cajá~bi Dsea` Jmáang- cajo e laco' jaléng' dsea` i ja` líng' dsea` Israel nijmiféiñ' Fidiée~ uí' e eáang' fí' líng- dsea` do jaléng' i dsea` í lí' laco'gui la fé' fí' ni~ jii~ quiá'- Fidiée~ lí' fé' lala:

Jo nijmifén'n 'nu' jee~ jaléng' dsea` i ja` líng' dsea` Israel,
jogui nijmifén'n 'nu' cøo' jalé' e øø-.

¹⁰ Jo lalab fé'gui cajo fí' ni~ jii~ quiá'- Fidiée~:

jmi'íáang` óo'na', dsea` quiá'- Fidiée~ i ja` líng' dsea` Israel,
colíing~ cøo' jaléng' dsea` i líng' dsea` Israel!

¹¹ Jo lalab fé'gui fí' ni~ jii~ quiá'- Fidiée~ cajo:

Jmiféng'na' Fí'naa' Fidiée~ jaléng' 'nú', dsea` i ja` líng' dsea` Israel,
i seeng' jalé' fii~jiu jogui jalé' fii~ cøo'.

¹² Jo lalab fé'gui fí' ni~ jii~ quiá'- Fidiée~ e cajme' Saí'í:

Nabi nijáa' jaang` dsea` siju~ Isai,

jo íb` i niquiá'- ta~ quiá'- jaléng' dsea` i ja` líng' dsea` Israel.

Co' cøo' i dsea` i nijáa' do,

íb` i nicuø- e ta~ dsí' jaléng' i dsea` í.

Jo lanab fé' fí' ni~ jii~ quiá'- Fidiée~.

¹³ Joba' mii~i Fidiée~ i cuø' e ta~ dsí'naa' do e güicuø'bre 'nú', dsea` já- líng'na' júu^ quiá'r-, e seeng'na' e íáang` óo'na' jogui e seeng'na' juguiá- júu^ røø; jo lajoba', la'eáang'

cóo' bî e 'gøng' quiá' Jmiguí quiá'r, dseáng' eáang'gui güijmitar' óo'na' e niliseeng'na' cóo'r' fí ñifí quiá'r' mi' nití' e í' jø.

14 Dsea' rú'naa' dsea' quiá' Dsea' Jmáang-, dseáng' eáam' nita' dsii' e 'nú' eáam' guiúng-na' cóo' jaléng' dsea' rúng'na', jogui e guiúb- niñí'na' jial 'né' seeng'na', jogui cajo eáam' qui'na' jmii' e cuó'na' bî rúng'na'. 15 Dsa' e fí ni' jì la nicateá' dsii' e nicajmée' e qui'na' tú- 'ní' mî' júu' e teáb'jiu; jø dsa' cajmé' e lajò e lí' laco' nijmiguién'n áa'na' jalé' e jø. Jø lajòb cajmé' e uí' e ta' e nicangín'n quiá' Fidié', cø' dseáng' eáam' guiúng- dsea' do cóo' jnea' e jii' ja' catín- n lajò. 16 Jø cajméer' lajò cóo' jnea' e lí' laco' nijmee' e lajii' e iing' Dsea' Jmáang- fí jee' jaléng' dsea' i ja' líng' dsea' Israel. Jø cangín'n cóo' ta' quiá' Fidié' e lí' laco' niní' i júu' quiá' jial láang' dsea' do jaléng' dsea' jee' jalé' dsee' quiá'ñ'. Jø jmóo' lajò e lí' laco' cuóøng' nijøø'n' fí quinir' jaléng' i dsea' í' e liñ' do lafa' cø' feá' e jlo' jmeafii' e nití' dsíir' jogui e nicaligüeang' la'eáang' cóo' Jmiguí quiá'r'.

17 Jø dsea' quiá' Dsea' Jmáang- líng' jnea', joba' seab' uing' quié' e eáang' jmi'iaáng' dsii' uí' jalé' e ta' e nicangín'n e jmóo' quiá' Fidié'. 18 Dsa' cø' ja' teá' dsii' e nifá' a jii' cóo' júu' e jié' gui jii' laco' e nicajmée' Dsea' Jmáang- cóo' jnea' e quiá' e nicaguaa- júu' jee' jaléng' dsea' i ja' líng' dsea' Israel e laco' nijméiñ' do náu'r' lajii' ta' qui' Fidié'. Jø lajòb nicajméeiñ' do la'eáang' cóo' jalé' júu' e nicaguiá' a cóo' gui jial nica'ee' jee' jaléng' i dsea' í', 19 jogui cóo' jalé' e lí' e qui' Fidié' jmii' e jmóor' cóo' e güea' e 'gøng' quiá' Jmiguí quiá'r'. Jø lanaba' guiúb- nicatán'n e ta' do quié' e e quiá' e ní' i júu' quiá' Dsea' Jmáang- quiá' jial laang' dsea' jee' jalé' dsee' quiá'r', jø e jø canaan- fí Jerusalén cartí' caguié' e fí lí' se' Iliria. 20 Jø nicajmé' e úung' e niní' i júu' e quiá' jial laang' dsea' jee' jalé' dsee' quiá'r' dseáng' e fí lí' ja' mí' canúu- dsea' júu' quiá' Dsea' Jmáang- jii' cóo' ya' lami' jéeng'gui. Jø calí- lajò uí' e jnea' ja' iin' n fa' e niní' i e júu' jø fí lí' nicajmée' dsea' lajò. 21 Cø' cajmé' e lajò lí' laco' caliti' laco' la fé' fí ni' jì quiá' Fidié' lí' fé' lala:

Jaléng' dsea' i dseáng' jii' cóo' ya' ja' mí' canúu- júu' quiá' Dsea' Jmáang-,
dseáng' ninú-bre e júu' jø;

jogui dseáng' ningám' e júu' jø jaléng' dsea' i ja' mí' canúu- e júu' jø cajo.

Jø lanab fé' fí ni' jì quiá' Fidié'.

Mí' ca'í' dsí' Paa' e nidsér' fí Roma

22 Jø uí' e ngii' ta' guiá' júu' quiá' Dsea' Jmáang-, joba' ja' mí' cacuø' fí quié' e fa' e niní' i e ni'ee' e 'nú', dsea' rú'naa' dsea' quiá' Dsea' Jmáang- i neáang' fí na' fí Roma, nañí' fa' jmiguiub' ya' nica'í' dsii' e nijmee' e lajò, dsa' ja' mí' calí' quié' e lajò. 23 Dsa' lanagui nicatób' ta' jmóo' e fí guóo' uø- la; jø cø' ningóob'jiu eáang' e í' dsii' e ni'ee' e 'nú', 24 joba' sijeen' e lajòb nilí' lajee' e iuun- fí e ngóo' fí guóo' uø- lí' sii' España. Jø mí' ningí' e nineeng' rú'naa' fí na, joba' iin' n e jaléng' 'nú' nijmicóo'na' jnea' cóo' jalé' e 'né' e lajee' e ngóo' fí España. 25 Jø dsa' ná' gui e ngóo' fí na' fí Roma, jang' níng' teáa' fí Jerusalén e nicøø' capí' jalé' e 'né' dsea' quiá' Dsea' Jmáang- i tiñíng- i seeng' fí jø. 26 Dsa' cø' jaléng' dsea' quiá' Dsea' Jmáang- i seeng' fí Macedonia cóo' gui i seeng' fí Acaya ca'í' dsíir' yaaiñ' e líng' e caseá' capí' jogui e nisíñ' quiá' dsea' rú'naa' dsea' quiá' Dsea' Jmáang- i tiñíng- i seeng' fí Jerusalén. 27 Jø guiúb- cajmée' i dsea' í' uí' e ca'í' dsíir' e nijmicóo'r' i dsea' rú'naa' do lajò. Dsa' cø' jaléng' dsea' quiá' Dsea' Jmáang- i líng' dsea' Israel eáam' nicajmicóo'r' jaléng' dsea' quiá' Dsea' Jmáang- i ja' líng' dsea' Israel e laco' teá' gui casíñ' yaaiñ' fí guiá' cóo' Dsea' Jmáang-. Jø uí' e lajòb líí', joba' jaléng' dsea' quiá' Dsea' Jmáang- i ja' líng' dsea' Israel dseáng' 'né' ba' líng' ee' gø' jmicóo'r' jié' jii' qui'r' jmii' cóo' jaléng' i dsea' Israel do. 28 Joba' dsifí' mi' nité' e ta' e nijmee' e do e quiá' nijáa' dsea' quiá' Dsea' Jmáang- i neáang' fí Jerusalén jalé' e caseáng' do, jogui'ba' nijúu' e niní' i fí España jóng, jø lajee' e iuun- fí e ngóo' fí jø, joba' í' dsii' e

ningiñ n cateá fí na fí Roma. ²⁹ Jo eáam nita dsii e mi niguié e e ni'ee'e 'nú' fí na, eáam guiá nijmé Dsea Jmáang cóo jneaa'aa'.

³⁰ Dsea rú'naa' dsea quiá' Dsea Jmáang, la'eáang cóo Fí'naa' Dsea Jmáang jogui la'eáang cóo e Jmiguí quiá' Fidié e cuø' jneaa'aa' e eáam 'neáang rú'naa' do, joba' lana má'i 'nú' jmi'ee e nijmicóo rú'naa' coling e nimí'na' Fidié uii quié e. ³¹ Jo má'na' dsea do e nijmér í jnea jee jaléng dsea i ja já' líng júu quiá' Fidié i neáang fí lí se' Judea. Jogui má'na'r cajo e eáang nili'ing ta quiá' jaléng dsea rú'naa' dsea quiá' Dsea Jmáang i neáang fí Jerusalén lají' e quiee quiá'r. ³² Jo ngí jo, song nicuø Fidié fí, joba' niguié baa fí na jóng cóo juguiá e ni'ee'e 'nú', jo lajoba' cuøng lí jmi'ín' n lajee see'naa' coling. ³³ Jo má'i Fidié i cuø e seeng dsea juguiá júu røø e güiliseem bre cóo jaléng 'nú' lata'.

Jo lajob nilí.

16

Júu guicóo' quiá' Paa e catíng dsea seeng fí Roma

¹ Dsea rú'naa' dsea quiá' Dsea Jmáang i seeng fí na fí Roma, lana fí' 'nú' cuaiñ quiá' jaang dseam í sii Febe i jmóo ta jmicóo jaléng dsea quiá' Dsea Jmáang i seeng fí Cencrea. ² Jo i dseam la dsea quiá' Dsea Jmáam líiñ, joba' ím'ba're cóo e guiá lí' laco'gui catíng e íng dsea i dsea la'í. Jogui jmicóo'na're cóo lí' doñí ee e 'nér, dsuco' eáam nicajmicóo'r jaléng dsea rú'naa' lí' laco'gui la nicajméer cóo jnea'.

³ Jogui guiéen' n júu guicóo' quiá' Prisca cóo'gui i dseañ' quiá'r i sii Aquila, cóo i dsea na røøb nicajmó'naa' ta' guiá júu quiá' Dsea Jmáang cóo'r. ⁴ Co' laj' gám i dsea na jiu ja' mí cajúum bre dsu' uí' e nicajmicóo'r jnea'. Jo co' lajob nicajméer cóo' jnea', joba' cuøø-øre gui'máang'; jo dsu' o' jí' jnea' jmóo' lajo, co' lajob jmóo' cajo jaléng dsea quiá' Dsea Jmáang i ja líng dsea Israel. ⁵ Jogui guiéen' n júu guicóo' quiá' jaléng dsea rú'naa' dsea quiá' Dsea Jmáang i seáng' fí na fí quiá' Prisca cóo'gui Aquila. Jogui guiém' baa júu guicóo' cajo quiá' i seen røø cóo' i 'neáan' eáang i sii Epeneto, co' íb' la'uii dsea i calíng dsea quiá' Dsea Jmáang fí la'úng fí lí se' Asia. ⁶ Jogui guiém' baa júu guicóo' quiá' Yá' cajo, co' eáam nicajméer ta' jmicóo' jee' 'nú'. ⁷ Jogui guiéen' n júu guicóo' quiá' dsea góo' i sii Andrónico cóo'gui Junias, dsuco' conrøøb cajníng naa' fí dsí' 'nñí' cóo'r. Jogui jaléng dsea apóo' quiá' Dsea Jmáang eáam guiá fé'r uii quiá' laj' gáng i dsea góo' na, jo i dsea na jéeng'guib calicuír júu quiá' Dsea Jmáang laco'gui jnea'.

⁸ Jogui guicóob' i dsea i sii Ampliato, i dsea quiá' Dsea Jmáang i eáang røø seen cóo'. ⁹ Jogui guicóob' cajo i dsea i sii Urbano i jmóo ta coling cóo' jnea'; jogui guicóo' b' cajo i dsea i sii Estaquis i eáang seen røø cóo' cajo. ¹⁰ Jogui guicóo' b' cajo i dseañ' i sii Apeles i nicagü'í' guiá jee jalé' e huíng e nicangongüiñ uí' e teá siñ' cóo' júu quiá' Dsea Jmáang; jogui guicóob' cajo jaléng i dsea sinúu quiá' Aristóbulo. ¹¹ Jogui guicóob' cajo i dsea góo' i sii Herodión cóo'gui jaléng i dsea sinúu quiá' Narciso, co' dsea quiá' Dsea Jmáam líiñ cajo. ¹² Jogui guicóob' Trifena cóo'gui Trifosa, co' laj' gám biñ' na jmóor lají' ta' e nicangüiñ quiá' Dsea Jmáang; jogui guicóob' cajo i dseam í sii Pérsida i eáang seen røø cóo', co' i dseam na eáam nicajméer ta' e nicangüiñ quiá' Dsea Jmáang. ¹³ Jogui guicóob' cajo i dseañ' i sii Rufo, jaang dsea i dsíng' ní' dsea e cuíñ Dsea Jmáang jogui e eáam teá siñ' cóo' júu quiá' dsea do cajo; jogui guicóob' ni'quíar' cajo, dsuco' í líng lafa' ni'quíé' baa cajo. ¹⁴ Jo guicóob' Asíncrito cóo'gui Flegonte cóo'gui Ermes cóo'gui Patrobas cóo'gui Ermas cóo'gui jaléng dsea quiá' Dsea Jmáang i neáang cóo'r do. ¹⁵ Jogui guicóob' Filólogo cóo'gui Julia cóo'gui Nereo cóo'gui i dseam rú'naa' do, jogui guicóo' Olimpás cajo cóo'gui laj'ng dsea quiá' Dsea Jmáang i neáang cóo' lajaléng dsea na.

16 Jogui jaléng' 'nú', dsea` líng'na' dsea` quiá'- Dsea` Jmáang-, laco` ya' mi` fón' rúng'na' se' guoo` rúng'na'. Jo lajaléng' dsea` quiá'- Dsea` Jmáang- i seeng` fí' la guiéiñ' júu` guicóo` quí-na'.

17 Dsea` rú'naa' dsea` quiá'- Dsea` Jmáang-, iin`n nimí~i 'nú' lahuíng' e nijmée` í` yaang~na' cóo` jaléng' i dsea` i ngí' ta` jmóo` 'nií' jee` jaléng' dsea` quiá'- Dsea` Jmáang-, jogui jmóor` quií~ jial nitú` dsea` fí' guiá- li` niteáaiñ- cóo` Dsea` Jmáang-, dsuco' cóo` jalé' e jmóor` do ja` cóong` røø` cóo` júu` quiá'- Dsea` Jmáang- e nica'íng' 'nú'. Joba' fh~i 'nú' e ni'naam- yaang~na' jee` jaléng' i dsea` í. 18 Dsuco' jaléng' i dsea` la'í' ja` jmóor` ta` e nicangíiñ` quiá'- Fí'naa' Dsea` Jmáang-, co' jmóor` jíi` laco' í' dsíir' yaam~bre. Jogui fé'r' júu` jlo` e róo- e lí' laco' li'r' jmigóøiñ` dsea` i ja` qui'` tting` jmóo` jalé' e ga, jo lajoba' li'r' jaléng' í. 19 Jo lajim` dsea` quiá'- Dsea` Jmáang- ñir` e eám` núu~ 'nú' júu` quiá'- Dsea` Jmáang-. Jo uí~ e líng'na' lajo, joba' eám` íang` dsii- cóo` 'nú' jogui iin`n e cóo` jalé' e nií'na' do nilí'íng` ta` quí-na' quiá'- e nijmée`na' jman' jalé' e guiá- jo o' quiá'- e nijmée`na' jalé' e ja` dseeng`. 20 Jo Fidié` i cuø' e seeng` dsea` juguiá- júu` røø, lajmináb- nijgiáaiñ` fii` i 'líng' i sii` Satanás cartí' uii` tii~na', jo lajoba' jo` cuøong` fa' e nilí'guir` 'nú'. Jo mí~i Fí'naa' Dsea` Jmáang- e ni'ír- güea` quiá'r- fí' jee` 'nú' lajing`na'.

21 Jogui Timoteo, jaang` dsea` rú'naa' i jmóo` ta` quiá'- Dsea` Jmáang- colíng` cóo` jnea~, guiém'bre júu` guicóo` quí-na' cajo, jogui lajobi jaléng' i dsea` góo` o i sii` Lucio cóo` gui Jasón jogui Sosípater guiém'bre júu` guicóo` quí-na' cajo.

22 Jogui jnea~ Tercio, dsea` jmo'`o e fí' ni` jì lajalé' júu` quiá'- Paa-, guiém'baa júu` guicóo` quí-na' cajo, co' dsea` quiá'- Dsea` Jmáang- lín`n cajo.

23 Jogui lajobi Gayo guiém'bre júu` guicóo` quí-na' cajo, co' fí' quiá'-bre guing~ jnea~ lana, jo fí' job cajo li` seáng' jaléng' dsea` quiá'- Dsea` Jmáang- e jmiféiñ' Fidié`. Jogui Erasto guiém'bre júu` guicóo` quí-na' cajo, jo lana líiñ` dsea` i 'mea' cuu- quiá'- ff; jogui lajobi jaang` dsea` quiá'- Dsea` Jmáang- i sii` Cuarto guiém'bre júu` guicóo` quí-na' cajo.

24 Jo güi'íb` Fí'naa' Dsea` Jmáang- güea` quiá'r- jee` jaléng' 'nú'. Jo lajob nilí'.

Júu` lí` cadséng` quiá'- Paa- e jmiféiñ' Fidié`

25 Jo majmifém'baa' Fidié`, co' í'bing' i quí~ jmí~ i nijmé- e teá'gui nisíng'-na' cóo` júu` quiá'- Dsea` Jmáang- lí' laco' la fé' e júu` quiá'- Dsea` Jmáang- e guiá' jnea~ e quiá'- jial laang` dsea` jee` jalé' dsee- quiá'r-. Jo e júu` nab lí' e júu` quiá'- Fidié` e lamí~ sí'maang` lajii~ ná'-gui e nitiroo` jmigüí. Jo dsu' lanagui nicajmijnéem`bre e jo, jo e júu` job e guiá' jnea~ na. 26 Dsu' lanagui nicaliñib` dsea` e júu` na la'eáng` cóo` jalé' jì e cajme' jaléng' i dsea` i café' cuaiñ~ quiá'- Fidié` malí~ gui eáng'. Jo calí- lajo e lí' laco' niliti~ ta` e caquiú' Fidié` i seeng` car` ngongíi` jmí~ do. Jo dsu' e júu` e sí'ma` quiá'- Fidié` do, nicajmijnéem`bre lana e lí' laco' lajaléng' dsea` jmigüí nijá'- líiñ` e jo jogui e nijmér- núu'r~ cajo.

27 Jo la'eáng` cóo` Fí'naa' Dsea` Jmáang- majmifém'baa' lata~ jíi~ Fidié`, co' jíi~ íb` i eáng` tting` ngáng'. Jo lajob nilí'.

Jo lanab cató' e jì e cajme' Paa- e catíng- dsea` quiá'- Dsea` Jmáang- i neáng' fí' Roma.

Júu^ e toq̃ fí ni~ jì la'uii~ quiá'- Paa- e catíng- dsea` seeng` fí CORINTO

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-. Jo nicatø'- Fidiée~ jnea~ e nijmee~ e ta~ jo uíi~ e lajo nicali'iiñ~. Jo jnea~, colíng~ cóo' i dsea` rú'naa' dsea` quiá'- Dsea` Jmáang- i sii` Sóstenes, sítng'naa' e jì la ² e catíng- jaléng' 'nú', dsea` rú'naa' dsea` quiá'- Dsea` Jmáang- i neáang' fí na fí Corinto. Jo Fidiée~ nicatø'- 'nú' e nilíng-na' dseáng'- jii~ dsea` quiá'- bre la'eáang' cóo' Fí'naa' Dsea` Jmáang-. Jogui lajob nicajméer` cóo' jaléng' dsea` i seeng` fí lí` jié' i jmiféng' Fí'naa' Dsea` Jmáang-, co' íbing' i líng' Fír' lí' laco'gui la líng' quí' jnea~aa' cajo. ³ Jo mii' i Tiquí'ii' Fidiée~ jogui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' e niliseeng'na' juguiá- júu` røø`.

Júu` gui'máang' quiá'- Paa- e cuø'r' Fidiée~

⁴ Jo ja` mí' catúu e cuøø-ø gui'máang' Fidiée~ uíi~ quí'na' uíi~ cóo' jalé' e guiá- e nicajméer` cóo' 'nú' la'eáang' cóo' Fí'naa' Dsea` Jmáang- e jii~ ja` catíng-na' lajo, jo dsu' lajob nicajméer`. ⁵ Dsuo' la'eáang' cóo' Fí'naa' Dsea` Jmáang- jmigui'ba' nica'íng-na' quiá'- Fidiée~, co' nicangíng'na' e eáang' tíng'na' guiá'na' júu^ quiá'r- jogui e eáang' ngáng'na' e júu` jo cajo. ⁶ Jo cóo' jalé' e na cuø' lí' e nicaliti~ lajii~ júu^ e nicafá'- a cuaiñ~ quiá'- Dsea` Jmáang-. ⁷ Jo lajob nicalí-, joba' nicangú'm'ba' lajalé' e cuø' Jmiguí' quiá'- Fidiée~ lajee~ e sijeeng'na' e jmii~ e nijnéng-tu Fí'naa' Dsea` Jmáang- fí jmigú' la. ⁸ Jo Dsea` Jmáam-bing' i nicuø'- 'nú' bí' e laco' teáam-bi' teá' fí guiá- lí' niteáang-na' cóo'r-, jo lajoba' jii~ jaang` ja` ii' cuøøng' lí' cuø'- 'nú' dsee- mí' tí' lí' nití- í' e nijáa'tu Dsea` Jmáang- fí jmigú' la. ⁹ Jo dseáng'- jmitib~ Fidiée~ jalé' júu^ quiá'r- e cacuø'r' jéeng'gui, jogui í'bi cajo i catø'- jnea~aa' e nilisee-naa' cøøng' cóo' Joor' Dsea` Jmáang- i líng' Fí'naa' cajo.

E~ uíing~ e ja` sítng` røø` dsea` quiá'- Dsea` Jmáang-

¹⁰ Jo la'eáang' cóo' júu^ quiá'- Dsea` Jmáang- mii~ i 'nú' e ngocáng' dsii-, dsea` rú'naa', e nisiing~tu' røø, co' ja` 'né- e jmée'na' tá'- coo' lé' lajee' la'ó' 'nú'. Co' 'nú' lí' lí' 'né- e seeng'na' conrøøb e í' óo'na' jogui e ee-na' guiá- lajiiing'na'. ¹¹ Jo uíing~ quiá'- e fí' i 'nú' e júu^ la, dsea` rú'naa', dsuo' dsea` sinúu' quiá'- Cloé nicajmea'r' jnea~ júu^ e jmoob' 'nú' ta~ jíng' jee~ la'ó' 'nú', dsea` líng'na' dsea` quiá'- Dsea` Jmáang-. ¹² Co' i dsea` í' nicasí'r- jnea~ e i líng' 'nú' fó'na' e líng'na' dsea` quié-e, jogui i líng'gui 'nú' fó'na' e líng'na' dsea` quiá'- Apolos, jogui i jíéng'gui fé' e líiñ' dsea` quiá'- Tú^, jogui i líng'gui dsea` í' dsír' e jii~ í'bre líiñ' dseáng'- jii~ dsea` quiá'- Dsea` Jmáang-. ¹³ Jo ja` 'né- jmée'na' lajo, co' ja` fíng' Dsea` Jmáang- seeng'; jogui o' jnea~ cajo dsea` catáng- fí dse' crúu e laco' nileáng'na' fí jee~ jalé' dsee- quí'na', o'gui cajgáang-na' jmii' la'eáang' cóo' jnea~. i Co' dseáng'- o' lajo! ¹⁴ Jo gui'máang' Fidiée~ e jii~ jaang' 'nú' ja` mí' caseán-n jmii, co' dseáng'- jii~ Crispo cóo'gui Gayobing' i nicajmé- e cóo' lajo. ¹⁵ Jo uíi~ e lajob líí, joba' jii~ jaang' 'nú' cuøøng' lí' fo'na' e cóo' júu^ quiá'- Paab- cajgáang-na' jmii. ¹⁶ Jaa-, dsu' cadsém' dsii- cajo e caseám-baa jmii i dsea` sinúu' quiá'- Estéfanos, jo dsu' jo tóo' dsii- fa' ii' caseáng-guú jmii i jíéng'. ¹⁷ Dsuo' ja` casíng' Dsea` Jmáang- jnea~ fí jmigú' la fa' e nijmee~ e ta~ seáang' dsea` jmii, co' casím-bre jnea~ dsu' quiá'- e niguiáa- júu^ quiá'- jial laang' dsea` jee~ jalé' dsee- quiá'- bre. Jo mí' caguiá'a e júu` jo, ja` cafá'- a cóo' júu^ e tíng' dsea` jmigú' e laco' ja` nijmi'uón-n jial tí' e níing- e cajúng- Dsea` Jmáang- fí dse' crúu^.

Jial'gøng' Fidiée~ cóo' jalé' e tíiñ'

¹⁸ Jo jaléng' i dsea` i niteáang' fí ngolíng' fí lí' 'lí' í' dsír' e júu^ í'ib' líí' e quiá'- e cajúng- Dsea` Jmáang- fí dse' crúu^ . Jo dsu' o' lajo líí' e júu^ jo quí' jnea~aa', co' e júu^ jo líí' júu^

e 'gøng'. Co' la'eáang' e júu^ joba' nicaláang-naa' jee~ jalé' dsee- quí-ii'. ¹⁹ Jo lajob líí lí' laco' fé' Fidiée' fí' ni~ jì' quiá'r- lí' fé'r lala:

Nijmee~ e ni'ím- lajii'~ e í' dsí' dsea' jmigüü' e tiiñ',
jo cab' ni'naan- lajii'~ e í' dsí' e ngáiñ'.

Jo lanab fé' Fidiée' fí' ni~ jì' quiá'r-.

²⁰ Jo ¿j nang~ gui i dsea' i í' dsí' e eáang' tiiñ' ngáiñ'? Jogui ¿j nang~ gui i dsea' i í' dsí' e ñir' lajalé'? Jogui cajo ¿j nang~ gui i dsea' i tiiñ' júu^ quiá'- cóo'~ jalé' e sea' fí' jmigüü' la? Jo dsu' lajalé' e í' dsí' dsea' jmigüü' e tiiñ' ngáiñ', Fidiée' nicajméer' e jalé' e jo lí' júu^ íib'. ²¹ Jo la'eáang' e eáang' tiiñ' ngáiñ' Fidiée', joba' caguiar' uing~ e ja' nilicuíng' dsea' ír' la'eáang' cóo'~ jalé' e í' dsí' dsea' e tiiñ' ngáiñ' fí' jmigüü' la. Co' lí' lí' cali'iiñ' e nileáiñ' dsea' jee~ jalé' dsee- quiáiñ'- la'eáang' e já'- líng' dsea' e júu^ cuaiñ' quiá'- e cajúng- Dsea' Jmáang- fí' dse' crúu^, nañí' fa' e júu^ jo líí' lafa' júu^ íib'.

²² Jo jaléng' dsea' Israel 'náiñ' Fidiée' dsu' la'eáang' cóo'~ jalé' e quí'~ dsea' do jmíi~ jmóor' e dsigá' dsí' dsea'. Jogui jaléng' dsea' i ja' líng' dsea' Israel 'náiñ' Fidiée' dsu' la'eáang' cóo'~ e tiiñ' ngáiñ' fí' jmigüü' la. ²³ Jo dsu' jnea' lí' guia'naa' júu^ quiá'- e~ uing~ e cajúng- Dsea' Jmáang- fí' dse' crúu^ . Jo dsu' e júu^ jo líí' júu^ e 'ní' níng- jaléng' dsea' Israel, jogui jaléng' dsea' i ja' líng' dsea' Israel í' dsí' e júu^ íib' e jo. ²⁴ Jo lajii'~ e cangongíng- Dsea' Jmáang- fí' dse' crúu^ calí- lajo e lí' laco' nilíñ' dsea' jial tí' 'gøng' Fidiée' jogui jial tí' tiiñ' cóo'~ jalé' e jmóor'. Jo jalé' e jo catíng- jaléng' dsea' i nicatø'- Fidiée' e ni'uíñ' dsea' quiá'r-, nañí' su líng' dsea' dsea' Israel osi ja' líñ' lajo é. ²⁵ Jo jaléng' dsea' jmigüü' í' dsí' e júu^ íib' líí' lajalé' e nicagua' Fidiée' uing~ e nicajméer'. Jo dsu' o' já'- e líí' lajo, co' eáang' guib' tiiñ' ngáiñ' Fidiée' cóo'~ lajalé' e jmóor' laco' gui jii'~ e í' dsí' dsea' jmigüü' e eáang' tiiñ' ngáiñ'. Jogui eáang' guib' 'gøng' Fidiée' cóo'~ e guiar' uing~ e jmóor' laco' gui jii'~ e í' dsí' dsea' jmigüü' e eáang' íng' ta~. ²⁶ Jo fíi- 'nú', dsea' rú'naa' dsea' quiá'- Dsea' Jmáang-, e 'né- e tóob' áa'na' e mi~ catø'- Fidiée' 'nú' e laco' ni'uíng-na' dsea' quiá'r- jo jii'~ tú- 'ní' máng- 'nú' líng'na' dsea' i tiiñ' ngáiñ' jii'~ laco' í' dsí' dsea' jmigüü', jogui jii'~ tú- 'ní' máñ'ba' líng'na' dsea' i óo' ta~ fí' jmigüü' la osi líng'na' dsea' sináñ' quiá'- jaléng' dsea' 'goo' é. ²⁷ Jo dsu' Fidiée' bing' i caguíng' jaléng' dsea' i í' dsí' dsea' jmigüü' i íi'. Jo cajméer' lajo e lí' laco' nicuø'r- fí' i' jaléng' dsea' jmigüü' i í' dsí' i tiiñ' ngáiñ' eáang'. Jogui caguíñ' jaléng' dsea' i í' dsí' dsea' jmigüü' i ja' 'ga' lí' ta~ íng'. Jo cajméer' lajo e lí' laco' nicuø'r- fí' i' jaléng' dsea' jmigüü' i í' dsí' e dsíng'- íñ' ta~. ²⁸ Jogui Fidiée' nicaguíñ' jaléng' dsea' i í' dsí' dsea' jmigüü' i ja' ta~ íng' jii'~ capi' osi i uóng- osi i ja' sea' uing~ quiá'- jii'~ cóo' fí' jmigüü' la é, jo dsu' cajméer' lajo e lí' laco' ni'íñ' jalé' e í' dsí' dsea' jmigüü' e níng- eáang'. ²⁹ Jo co' lajob cajmée' Fidiée', joba' jii'~ jaang' dsea' cuøng' lí' jmér- ráaiñ' fí' quini' dsea' do.

³⁰ Jo dsu' 'ñiab' Fidiée' nicajméer' e lafa' jaam' dsea' nica'uíng-na' cóo'~ Dsea' Jmáang-, jogui nicajméer' cajo e laco', la'eáang' cóo'~ dsea' do, nilíne-naa' jial tí' tiiñ' ngáiñ'; co' la'eáang' cóo'~ Dsea' Jmáam-ba' nicajméer' e nilí'naa' dsea' i ja' røøng' dsee- fí' quini' jogui e nilí'naa' dseáng' jii'~ dsea' quiá'- bre jogui cajo e nicaláang-naa' jee~ jalé' dsee- quí-ii'. ³¹ Jo co' lajob líí', joba' fé' fí' ni~ jì' quiá'- Fidiée' lí' fé' lala:

Jogui song seeng' dsea' i iing~ jmiféng' 'ñia',
joba' guíá- gui e güijmifém' bre Fíi'naa' Fidiée'.

Jo lanab fé' fí' ni~ jì' quiá'- Fidiée'.

2

E~ uing~ e catáng- Dsea' Jmáang- fí' dse' crúu^

¹ Jo tée' óo'na', dsea' rú'naa', e mi~ cangó- o fí' na fí' Corinto e cangofíi- 'nú' júu^ quiá'- Fidiée' quiá'- e~ uing~ jalé' e cangojée' cóo'~ Dsea' Jmáang-, jo dsu' ja' cafón- n 'nú' cóo'~ júu^ e ñí' o' gui cóo'~ júu^ e 'goo' cajo. ² Jo lajee' e cataan~ n jee~ 'nú' ja' cafá'- a júu^ e jié' gui, co' dseáng'- lajii'~ júu^ quiá'- Dsea' Jmáam-ba' ca' fí' dsii- e cafá'- a jo dseáng'- jii'~ e júu^

quíá' e uing e catáng Dsea` Jmáang` fí dse` crúu`. ³ Jo mi` caguié` e jee` 'nú` e quiá' e niguiáa` e júu` jo, í dsii` e ja` 'goo` quíi` i jmi` nijmee` e lajo` jogui e jlém`bá cajo` uíi` e 'gó'o. ⁴ Jo mi` cafón`-n 'nú` e guiaa` e júu` jo, ja` cajmeáan`n ta` júu` jlo` e laco` já` nilíng`na` júu` quié`-e. Co` 'nú` já` calíng`na` e júu` quiá' Fidié` e guiaa` do la'eáang` cóo` jalé` e quíi` jmi` e cajmée` Jmiguí` quiá' Fidié` e dsigá` dsíi` dsea`. ⁵ Jo cafón`-n 'nú` lajo` e lí` laco` nijá` líng`na` júu` quiá' Dsea` Jmáang` la'eáang` cóo` güea` 'gong` quiá' Fidié` jo o` la'eáang` cóo` jalé` e tíng` ngáng` dsea` jmi`güi`.

La'eáang` cóo` Jmiguí` quiá' Fidié` e licuíng` dsea` ír`

⁶ Jo dsu` jnea` süm`baa` júu` jlo` cóo` i dsea` rú`naa` i dseáng` lajang` niteáang` teá` cóo` júu` quiá' Dsea` Jmáang`, lifa` e júu` jlo` e sii`naa` do e quiá' jial` tíi` tíng` ngáng` Fidié`. Jo dsu` e júu` jo o` jii` júu` laco` ngáng` dsea` jmi`güi` o`gui` jii` laco` júu` e tíng` fé` jaléng` dsea` quiá' ta` fí` jmi`güi` la, jo jaléng` i dsea` í` ja` uø` eer` fí` jmi`güi` la. ⁷ Jo dsu` jalé` júu` e guia`naa` do lí` júu` jlo` e tíng` ngáng` jii` 'ña` Fidié`, jo e júu` jo ja` cajmijnéei` lamí` jéeng`gui. Co` caguiar` uing` lajii` mi` ná`gui e cajmээр` latøng` jmi`güi` e laco` nilisee`naa` cóo`r` fí` lí` níng` 'gøiñ` mi` nití` e í` jo. ⁸ Jo jaléng` dsea` i quiá' ta` fí` jmi`güi` la ja` mí` cangám`bir e júu` jo, cofa` mi` cangáiñ` lamí` jéeng`gui, joba` ja` cateáiñ` fí` dse` crúu` i Fíi`naa` Dsea` Jmáang` i jáa` fí` ñifí`. ⁹ Jo lí` laco` fé` fí` ní` jii` quiá' Fidié` lí` fé` lala:

Fidié` nicaguiar` guiá` e nicuø`r` i dsea` i 'neáang` ír`
jalé` e ja` mí` canga` jii` jaang` dsea` jmi`güi`

o`gui` mí` canúur` cajo,

jo jii`gui` jalé` e ja` mí` calí` dsír`.

Jo lanab` fé` fí` ní` jii` quiá' Fidié`. ¹⁰ Jo Fidié` nicajmeer` e nicalíne`naa` lajalé` e na` la'eáang` cóo` Jmiguí` quiá'r`. Jo e Jmiguí` quiá'r` doba` gui` júu` la'uing`, jo jii`gui` jmóo` lajo` cóo` e ja` cøng` cóo` e í` dsíi` 'ña` Fidié`.

¹¹ Jo lajob` lí` cajo, co` jii` jaang` dsea` cuøng` líñir` jial` í` dsíi` jaang`gui` dsea` rúñ`, co` jii` jmi`guí` quiá' i dsea` do cuøng` lí` jmé` lajo. Jogui` lajobi, dseáng` lajii` Jmiguí` quiáb' Fidié` ñi` lajii` e í` dsíi` 'ña` Fidié`. ¹² Jo jaléng` jneaa`aa', dsea` líi`naa` dsea` quiá' Dsea` Jmáang`, ja` calíng`naa` jii` laco` tíng` ngáng` dsea` jmi`güi`, co` lajii` Jmiguí` e jáa` quiá' Fidié`ba` nica`líng`naa` e laco` nilíne`naa` jalé` e cuø` Fidié` jneaa`aa` uíi` e eáang` guiúñ` cóo` jneaa`aa'. ¹³ Joba` mi` guia` jnea` jalé` e júu` na, jmóo`o` lajo` la'eáang` cóo` jalé` e nica`e` Jmiguí` quiá' Fidié` jo o` cóo` júu` e nicalitín`n jii` laco` tíng` ngáng` dsea` jmi`güi`. Co` la'eáang` cóo` Jmiguí` quiá' Fidié`ba` guia`naa` e júu` na jee` jaléng` dsea` i seeng` la'eáang` cóo` Jmiguí` quiá' Fidié`. ¹⁴ Jo i dsea` i ja` seeng` la'eáang` cóo` Jmiguí` quiá' Fidié` ja` lír` ní`ñi` jalé` e cuø` Jmiguí` quiá' Fidié`, co` i dsea` í` í` dsír` e íib` lí` jalé` e júu` jo. Jogui` ja` cuøng` fa` e níngáiñ` e júu` jo cajo, co` jii` la'eáang` cóo` Jmiguí` quiá' Fidié`ba` quíi` dsea` jmi` e nigui`r` jalé` e jo. ¹⁵ Jogui` i dsea` i seeng` la'eáang` cóo` Jmiguí` quiá' Fidié` quíi`bre` jmi` e nigui`r` lajalé`. Jo uíi` e lajob` líiñ`, joba` jii` jaang` dsea` jmi`güi` i ja` seeng` la'eáang` cóo` Jmiguí` quiá' Fidié` quíi`r` jmi` e ní`níng`neiñ`. ¹⁶ Co` lalab` fé` fí` ní` jii` quiá' Fidié`:

Jo jii` jaang` dsea` jmi`güi` cuøng` líñir` jialco` í` dsíi` Fidié`;

jo jii` jaang` cajo` cuøng` lí` sí` dsea` do e` jalé` e 'né` nijmér`.

Jo lanab` jii` lí` júu` quiá' Fidié`. Jo dsu` jaléng` jneaa`aa', dsea` see`naa` la'eáang` cóo` Jmiguí` quiá' Fidié`, røb` í` dsíi`naa` laco`gui` í` dsíi` Fíi`naa` Dsea` Jmáang`.

3

Jmaquíim` ta` ngüng`naa` quiá' Fidié`

¹ Dsea` rú`naa` dsea` quiá' Dsea` Jmáang`, dseáng` ja` mí` calí` jnea` fa` e nicafón`-n 'nú` laco`gui` fón`-n dsea` i dseáng` lajang` seeng` la'eáang` cóo` Jmiguí` quiá' Fidié`.

Co' lí' lí' nicafón' n 'nú' lafa' dsea` i mí' 'noo`bi eáang' lí' dsí' jalé' e sea' fí' jmgüü' la, jogui cajo lafa' dsea` i tá'bi já' calíng' júu' quíá' Dsea` Jmáang'. ² Jo uí' e líng'na' lajo, joba' ca'ée' e 'nú' ie` jo júu' quíá' Dsea` Jmáang' cóo' júu' e ja` huím'. Co' 'nú' líng'na' lí' laco'gui la líng' jaang' yuu` i cu' tá' i ja` mí' cuøøng` dó' jmiñi'. Jo dseáng' mí' 'noo`bi líng' 'nú' lajo cartí' jmiñ' na. ³ Co' 'nú' dseáng' mí' 'noo`bi seeng'na' e lí' óo'na' jalé' e sea' fí' jmgüü' la. Co' mí' jmoo'na' ta` dsihuíng' quíá' rúng'na' jogui mí' jmoo'na' ta` jíng', joba' cuø' lí' jóng e dseáng' mí' 'noo`bi jmití'na' lajii' e lí' óo'na' yaang'na' lí' laco'gui la jmoo' doñí' ii' dsea` jmgüü'. ⁴ Co' mí' fó'na' lala: "Jnea` lín'n dsea` quíá' Paa", jogui i jiéng'gui jíng': "Jnea` lín'n dsea` quíá' Apolos", joba' cuø' lí' jóng e dseáng' lajii' e lí' óo'na' yaam'ba' jmití'na'.

⁵ Joba' fii' i 'nú' e jnea` cóo'gui i Apolos do lí'naa' dsea` i jmoo' lajii' ta` e nicangíng'naa' quíá' Dsea` Jmáang', jo la'eáang' cóo' jnea'ba' e já' nicalíng' 'nú' júu' quíá' Dsea` Jmáang'. Co' lajaang' lajaang' jnea' jmoo'naa' jii' laco' ta` e nicacuø' Fidié' jnea'. ⁶ Co' jnea` lafa' cajngá' cõo' mijú', jogui i Apolos do lafa' caguieñ' jmiñ' e mijú' do, jo dsu' Fidié'bing' i cajmée' e lafa' e cacuáng' e mijú' do. ⁷ Joba' cuøøng' lí' fe' ee' e ja' e niing' i dsea` i cajni' do o'gui i dsea` i caguieng' jmiñ' do, jo dsu' jii' Fidié'bing' i niing'gui, co' í'bing' i cajmée' e cacuáng' e mijú' do. ⁸ Jo i dsea` i jni' e mijú' do jogui i dsea` i guieng' jmiñ' do, røøb' ta` quíá'r'. Jo dsu' ñiab' Fidié' dsea` nicuø'r' lajaang' lajaaiñ' do jié' jii' ta` e nicajméeiñ'. ⁹ Dsucõ' jnea` cóo' i Apolos do røøb' jmoo'naa' ta` lajii' ta` e nicacuø' Fidié' jnea'. Jogui jaléng' 'nú' líng'na' lafa' guoo' uø' e jmáng' Fidié' ta`. Jogui lím'ba' cajo lafa' 'nur'. ¹⁰ Jo uí' e eáang' guiúng' Fidié' cóo' jnea', joba' cacuø'r' jnea' ta` e lín'n lafa' jaang' tijii' i caguia' uing' tii' fii', jogui dsea' jiém' i nicanaang' se' ie' e fí' ni' jo. Jo lifa' lajaang' lajaam' dsea' 'né' ñiing' dsír' jial laco' jmo'r' e 'nú' do. ¹¹ Dsucõ' ja' quí' jmiñ' fa' e nijmé' dsea' cóo'gui tii' fii' e jié', co' ñiab' Fidié' dsea' nicaguiar' uing' e tii' fii' do, jo íb' Dsea` Jmáang'. ¹² Jo e fí' ni' tii' fii' e nisea' do cuøøm' lí' jme' dsea' 'nú' e lí' cóo' layaang' cunee' osi cóo' cutee' osi cóo' cuu' e 'mo' eáang' é osi cóo' 'ma' osi cóo' layaang' nuu' osi cóo' quí' cuiñ'bi é. ¹³ Jo ie` jmiñ' mí' nigüéeng' tu' Fii'naa' Dsea` Jmáang' fí' jmgüü' la e quíá' niquidsir' í' quíá' lajaang' lajaang' dsea' jmgüü', ie` jmiñ' job' mí' nilili' røø' jial lí' jalé' e ta` e nicajmée' dsea'. Dsucõ' ñia' ie` jmiñ' jo la'eáang' cóo' jii' nilili' jialco' lí' jalé' e ta` jo e nicajmée' dsea'. ¹⁴ Jo i dsea` i nicajme' 'nú' e ja' dseáng' e nicó' cóo' e jii' do, joba' i dsea' í' ni'ím'bre lajii' e catiiñ' do. ¹⁵ Jo dsu' song nicó' jalé' e nicajme'r' do, joba' lajaléb' ni'íng' quíá'r' jóng, lifa' nileáam'bre e ja' nicáiñ' laco' mí' laang' dsea' cóo' lí' iu' jii'.

¹⁶ Jogui 'né' ñí'ba' cajo e 'nú' líng'na' lafa' guá' quíá' Fidié', jogui fí' job' lí' seeng' Jmgüü' quíá' Fidié' cóo' 'nú'. ¹⁷ Jogui song i líng' 'nú' nijgiéeng'na' e guá' quíá' Fidié' do, joba' ñiab' Fidié' ni'íñ' 'nú' cajo. Dsucõ' güeam' e guá' do quíá'r', jogui 'nú' líng'na' lafa' e guá' do cajo.

¹⁸ Joba' fii' i 'nú', ja' jmgøøng' yaang'na' lala: e song jaang' 'nú' í' óo'na' e tíng' ngáng'na' jii' laco' tíng' ngáng' dsea' fí' jmgüü' la, joba' 'nú' 'né' jmeáang' yaang'na' lafa' dsea` i ja' tíng' ngáng' e lajo, jo lajoba' dseáng' lajang' ni'uíng'na' dsea` i tíng' ngáng'. ¹⁹ Dsucõ' lajalé' e í' dsí' dsea' jmgüü' e eáang' tiiñ' ngáiñ', jmang' júu' íib' lí' jalé' e jo fí' quini' Fidié'. Co' lalab fé' fí' ni' jii' quíá' Fidié': "Fidié' nijmeáiñ' ta` jalé' e í' dsí' dsea' e tiiñ' ngáiñ' e laco' nijmgøøng' yaaiñ'." ²⁰ Jogui lalab fé'gui fí' ni' jii' quíá' Fidié' cajo: "Ñib' Fidié' e jmang' júu' íib' lí' jalé' e í' dsí' dsea' e eáang' tiiñ' ngáiñ' fí' jmgüü' la." ²¹ Jo uí' e lajob' lí', joba' jii' jaang' 'nú' 'né' e nijmiráang' yaang'na' dsu' uí' e sitáang'na' cóo' doñí' ii' dsea' jmgüü'. Dsucõ' lajaléb' e sea' e quíib' 'nú' lajalé' e jo; ²² dsucõ' jnea' jogui Apolos jogui Tú' jogui lajalé' e sea' fí' jmgüü' jogui e seeng'na' osi e nijúung'na' é, jogui lajee' lana osi lí' dsé'gui é dseáng' e quíib' 'nú' lajalé' e jo. ²³ Jogui lajaléng' 'nú' dsea' quíá' Dsea' Jmáang' nilíng'na', jogui Dsea' Jmáang' cøøng' seeiñ' cóo'

Fidiée.

4

Ta e jmóo`dsea`apóo`i s`ing`Dsea`Jmáang`cuaiñ`quíar`

¹ Joba' fñi`i`'nú', dsea`rú`'naa', e`'nú`'né`-ni`í`'óona' e`jnea`'lí`'naa' dsea`i`jmóo`'lajíi`~ ta` e`nicacuø'`Dsea`Jmáang`-jnea`, jogui`cajo` e`lí`'naa' dsea`i`sinú`^`júu` e`ni`é`'naa' jalé`^`júu` quiá`- Fidiée` e`ja`mí`cajmijnéeiñ`lami`jéeng`gui. ² Jogui`jaléng` dsea`i`nisinú`^`júu` e`óor`cõo`ta~, joba' dseáng`- 'né`-jmiti`bre`laco'`sif` e`ta`jo. ³ Jogui`jnea~, ja`dsi`gõ`dsii`-fing`song`niquidsi`na'`í` quié`-e`osi`e`niquidsi`'í` quié`-e`é`fí`quini`dseata`dsea`jmgüi`i`jmóo`lajo. Co'`ji`gui`ñiá`'a`ja`í`dsii`-fa` e`nijmee`-e`lajo`quié`-e`cõo`~`lajalé` e`jmóo`o. ⁴ Jo`nañi`fa`í`dsii`-e`ja`mí`cajmé`-e`jalé` e`ja`dseeng`, dsu`o'`uíi`~ e`jo`fa`dseáng`- e`nita`dsii`-e`lín`n`jaang`dsea`i`ja`røong`dsee`-fí`quini`Fidiée`. Dsaco'`jii`~`Fíi`'naa' Fidiée`bing`i`quidsi`'í` qui`-naa' dseáng`- laco'`catíng`. ⁵ Jo`uíi`~ e`lajob`lí', joba'`'nú`'ja`cuøong`fa` e`quidsi`na'`í` quiá`- dsea`rúng`'na' lajee`nú`-gui` e`nigüéeng`-tu`Fíi`'naa' Fidiée`fí`jmgüi`la. Dsaco'`ie`jo`í`bing`i`nijmijnéeng`jalé` e`cøong`-lajee`lana, jogui`nijmilir`cajo`jial`dseáng`-`í`dsi`naa'`cõo`~`jalé` e`jmoo`-naa'. Jo`ie`joguiba'`nifé` Fidiée`guiá`-`quíá`-`jaléng` dsea`i`catíng`-lajo`lí`^`jialco'`jii`~`lí` e`nicajméer`lami`jéeng`gui.

⁶ Dsea`rú`'naa' dsea`quíá`-`Dsea`Jmáang`, fñi`i`'nú`'lajalé` e`júu`na` e`lí`^`laco'`ni`uíng`-guiá`-`quíi`-na' jogui` e`laco'`nijméé`na'`laco'`gui`la`jmóo`-jnea` jogui`laco'`gui`la`jmóo`-Apolos. Jo`fñi`i`'nú`'lajo` e`lí`^`laco'`ni`ee`-na'`jii`~`laco'`fé`^`júu` quiá`-`Fidiée`, jo`lajoba'`jii`~`jaang`'nú`'cuøong`-nijmijlõng`^`yaang`na'`dsu`uíi`~ e`sitáang`na'`cõo`~`jaang`dsea`rúng`'na', co'` e`jo`'léeb`quíá`-`i`caguaang`-gui`do`mí`jmoo`na'`lajo. ⁷ Jo`jii`~`jaang`'nú`'cuøong`lí`fo`^`na' e`niing`-gui`laco'`dsea`rúng`'na'`caguaang`-gui. Jogui`lajalé` e`sea`quíi`-na',`ñiab` Fidiée`dsea`nicacuø'r`'nú`'jalé` e`jo. Jo`co'`lajob`lí', joba'`ja`'né`-nijmijlõng`^`yaang`na' e`lafa'`cõo`~`bí`quíi`-na'`yaang`na'`nicalí`^`na'`lajalé` e`jo.

⁸ Jo`'nú`'jmicaang`na' e`í`óona' e`la`iéb`nisea`quíi`-na' e`ngüing`na'`quíá`-`Fidiée`, jogui`í`áa`na' e`niseab`quíi`-na'`lajalé` e`iing`na', jogui`cajo`í`áa`na' e`nilíng`na'`dsea`'goo`i`quiá`ta` e`jii`~`jo`'neáng`-na'`jnea`fa` e`nijmicõo`~`guíi`'nú'. Jo`e`gui`guiá`-`fa`dseáng`-`já`- e`nilíng`na'`dsea`'goo`i`quiá`ta~, jo`lajoba'`jnea`^`cuøong`lí`dsitáang`naa'`cõo`~`'nú`'jee` e`ta`jo. ⁹ Jo`jnea`í`dsii`-e`Fidiée`nicajméer`cõo`~`jnea`^, dsea`i`s`ing`Dsea`Jmáang`-cuaiñ`quíar`, e`lí`naa'`dsea`i`uõng`-gui`i`lafa'`nihuí`ta`i`'né`-nijúung`. Co'`jnea`^`nica`uíng`-naa'`dsea`i`tí`dsii`ng`m`-`jaléng`dsea`jmgüi`jogui`jaléng`^`ángeles`mí`jõoiñ`-jnea`. ¹⁰ Jo`uíi`~ e`lí`naa'`dsea`quíá`-`Dsea`Jmáang`, joba'`í`dsii`dsea`jmgüi` e`dsea`iib`lí`naa'; jo`dsu`'nú`'í`áa`na' e`uíi`~ e`líng`na'`dsea`quíá`-`Dsea`Jmáang`, joba'`tíng`na'. Jogui`jnea`^`lí`naa'`dsea`i`ja`quíi`~`jmíi~, jo`dsu`'nú`'í`áa`na' e`eám`quíi`-na'`jmíi`. Jogui`eám`gøong`jøong`-dsea`jnea`^, jo`dsu`eám`jmi`gõ`dsea`'nú'. ¹¹ Jogui`jnea`^`lati`lana`ngi`bíi` e`léé`naa'`iihuí` e`íng`~naa'`oo`-jogui` e`jmijmíng`-naa'`jogui` e`ja`sea`sí`naa' e`'né`-naa', jogui`gab`jmáng`dsea`jnea`^, jogui`cajo`ja`sea`'núu`lí`-ni`ié`naa'. ¹² Jogui`dseáng`-`eám`jmoo`-naa'`ta`cõo`~`layaang`-guóo`naa'. Jogui`mí`fé`dsea`júu`'lí`^`uíi`~`quíi`-naa', joba'`míi`-naa'`Fidiée` e`ni`ír`-`güea`^`quíar`-`quíá`-`i`dsea`í, jogui`jmoo`-baa'`té`naa'`cõo`~`jaléng`dsea`i`jmáng`ga`jnea`^, ¹³ jogui`cõo`~`juguíi`-ngíi`-naa'`quíá`-`i`dsea`i`jmineang`^`jnea`. Jogui`lati`jmíi`na`jmáng`dsea`jmgüi`jnea`^ e`lí`naa'`lafa'`quí`quíá`-`bre, jogui`dseáng`- e`lafa'`ja`ta`íng`naa'`jii`~`cõob`quíar`-.

¹⁴ Jo`ja`jmo`o` e`júu`la`quíi`na' e`lí`^`laco'`nicuøø`ø`'nú`'fíi', co'`jmo`o` e`júu`la`quíi`na' e`lí`^`laco'`niliúun`~`'nú', co'`lafa'`jóo`baa`líng`na'`i`'neáan`n`eáng. ¹⁵ Jo`nañi`fa`seeng`lí`lí`guí`-mil`tifa'`quíi`-na'`i`e`'nú`'júu`quíá`-`Dsea`Jmáang`, dsu`ja`fíng`i`lafa'`tiquíi`na'`seeng`i`cagua`júu`quíá`-`Dsea`Jmáang`, dsaco'`jii`~`jneab`lín`n`lafa'`tiquíi`na', dsea`líng`na'`dsea`quíá`-`Dsea`Jmáang`. Co'`jneab`dsea`cagua`a`júu`jee`jaléng`'nú` e`quíá`-`jial`nileáng`na'`jee`jalé`dsee`-`quíi`-na'. ¹⁶ Jo`co'`lajob`lí', joba'`míi`-i`'nú`'jmi`ee` e`jméé`ba'`laco'`jii`~` e`jmóo`-jnea`.

17 Jo uing~ e lajoba' e sín^n i Timoteo fí na i líng' lafa' jóo`o i 'neáan`n eáang', jogui i contøong~ sing' teá' cóo'~ júu^ quíá'~ Dsea` Jmáang~. Jo í'bing' i nijmicóo'~ 'nú' e nijmiguiéiñ' óo'na' jial ee~ jnea~ dsu' uí'~ e lín`n dsea` quíá'~ Dsea` Jmáang~ lí^ laco'gui jí'~ e ee~ jnea~ jaléng` dsea` quíá'~ Dsea` Jmáang~ i neáang' laco` fí' lí~ ngiñ`n.

18 Jo i líng' 'nú' nicajmjiløng'^ yaang~na' dsu' uí'~ e í' óo'na' e jo` nini~i fa' e ni'éé`guí' 'nú' fí' na. 19 Jogui song Fí'naa' Fidiéé` nicuó'r~ jnea~ fí' lajo, joba' ngóo'baa fí' na e ni'ee~e 'nú' lajmináb` jia jóng, jo lajoba' nimoo~o quíá'~ jaléng` i dsea` i jmjiløng'^ yaang~ do jie~ jí'~ quí' r~ jmí~ e nijmér~ cóo'~ jalé' e fé' r~ do osi lico' eáang' jlo'^ mo'oor~ jí'~ quíá'~ e fé' bre é. 20 Dsaco' o' cóo'~ la'eáang' e fé' dsea` e cuø' lí~ e Fidiéé` quie' nifí' quíá' r~, co' la'eáang' cóo'~ bí' 'gøng' quíá'~ Fidiéé`ba' e lí~ lajo. 21 Joba' fí' i 'nú': ¿Jnang~ e iing~na' e nijmee` e quí' na' mí~ niguié` e fí' na? ¿Su e nijlín`n 'nú' cóo'~ jalé' e ga' e jmoo'na', osi e nifón`n 'nú' cóo'~ juguiá~ uí'~ e 'neáan`n 'nú' é?

5

Jial tidsi' í' quíá'~ dsea` i 'léé' cóo'~ dseamí`

1 Jo fí' i 'nú', dsea` rú'naa' dsea` quíá'~ Dsea` Jmáang~, e nicaliseá' júu^ jee~ 'nú' e seeng` jaang` 'nú' e jéeiñ` lafa' dseamí` quíá' r~ i dseamí` i catí' gáng~ quíá'~ tiquíá' r^. Jo dseáng'~ eáam' 'lí' e jo, co' jì'gui jaléng` dsea` i ja` cúing` Dsea` Jmáang~ ja` jmóor` lajo. 2 Jo dsu' 'nú' mí' 'noo'bi jmjiløng'^ yaang~na', jo dsu' lí' lí' 'né' e nijmeáang'~ yaang~na' fí' líb^ uí'~ e jo. Co' i dseañu' i jmóo' e 'lí' lajo 'né' e ni'øøm^ba're jee~ 'nú', dsea` líng'na' dsea` quíá'~ Dsea` Jmáang~. 3 Jo dsu' e já' e ja` seeng` jnea~ jee~ 'nú' fí' na lajee` lana, jo dsu' lafa' seem~baa cóo'~ 'nú' fí' na, joba' la'eáang' cóo'~ Fí'naa' Dsea` Jmáang~ nica'í'baa í' laco' catíng~ quíá'~ i dsea` i jmóo' e 'lí' lajo. 4 Joba' mí~ seáang'~ rúng'na' lajaléng'na', dsea` líng'na' dsea` quíá'~ Dsea` Jmáang~, lí' e lafa' seem~baa jee~ 'nú' jogui cajo niliseem` cóøng` cóo'~ 'nú' e güea' 'gøng' quíá'~ Fí'naa' Jesús. 5 Joba' i dseañu' i ca'éé` dsee~ do 'né' nijáang'~na' r' fí' jaguó' fí' i 'líng' i sií' Satanás e laco' ni'íng~ ngúu' táaiñ`. Joba' mí~ nigüéeng~ tu Fí'naa' Dsea` Jmáang~ fí' jmiçú' la, jangám~ nileáng` jmiçú' quíá' r~.

6 Joba' fí' guí' 'nú', dsea` rú'naa', ja` 'né' fa' e nijmjiløng'^ yaang~na' cuaiñ~ quíá'~ e jo. Dsaco' niñí'ba' lají' júu^ róo' e fé' lala: "Jo cóo'~ capí' quieb'^ nijmé~ e niróo~ lajì' ca` iñí'." 7 Jo co' lajob lí', joba' fí' i 'nú', dsea` rú'naa' dsea` quíá'~ Dsea` Jmáang~, e 'né' cab' sée`na' jalé' e 'lí' e 'léé' quí' na' e lí' lafa' quie'^ e nisíng'ng', jo lajoba' nilíng~na' lafa' e iñí' e lí' cóo'~ ca` e ja` quieéng` quie'^ e gø' dsea` Israel mí~ tí' jmí~ Pascua. Jo dseáng'~ lafa' e iñí' dob líng' 'nú'. Jo Dsea` Jmáang~ i líng' i Jo'se' Jiuung~ quíá'~ Fidiéé', í'bing' i cacó~ jalé' dsee~ quí' i' mí~ cajáng' 'ñia' r' e cajúñ~ fí' dse' crúu^, 8 joba' 'né' e nijmó`naa' jmí~ Pascua e ngocáng` dsi'naa' jogui e guiá~ dsi'naa', dsaco' e job e lí' lafa' e iñí' e ja` quieéng` quie'^, co' 'né' e nijmó`naa' e jmí~ jo e ja` í' dsi'naa' jalé' e 'lí' o'gui e saang` dsi'naa', co' jalé' e 'lí' lajo lí' lafa' e iñí' e quieéng` quie'^ e nisíng'ng' do.

9 Jo e fí' ni~ jì' quie~ e e nicajmé'^ e quí' na' lami~ jéeng`gui do fí' i 'nú' e ja` quíng'na' jee~ jaléng' i dsea` i jmóo' ta~ 'léé' cóo'~ jalé' e lí' dsí' ngúu' táaiñ`. 10 Jo dsu' e júu^ jo ofa' cafí' i 'nú' e ni'naang~ yaang~na' conguiá' cóo'~ jaléng' i dsea` i jmóo' jalé' e 'lí' lajo, osi cóo'~ jaléng' i eáang' iing~ e silí' jalé' e sea' fí' jmiçú', osi cóo'~ jaléng' i jmóo' íi, osi cóo'~ jaléng' i jmi féng' jaléng' diéé~ i o' já'. Co' song iing~na' e ni'naang~ yaang~na' conguiá' e quíng'na' jee~ jaléng' i dsea` lana, joba' 'né' e ni'naam~ yaang~na' fí' jmiçú' la. 11 Jo e laba' sí' í' e cafí' i 'nú' e dseáng'~ ja` quíng'na' jee~ i dsea` i jíng' e líiñ` dsea` quíá'~ Dsea` Jmáang~ jo dsu' jmóo'bre jalé' e 'lí' e lí' dsí' ngúu' táaiñ`, osi e eáang' iíñ` e silí' r' jalé' e sea' fí' jmiçú', osi e jmi féiñ' jaléng' diéé~ i o' já', osi e ngir' ta~ quie' jalé' adsee', osi e jmóor' ta~ í' mée', osi e jmóor' íi é. Jo cóo'~ jaléng' i dsea` lana jì'gui co' quíá'~ cø'na' í'na' ja` seáang'~ rúng'na' cóo' r~. 12-13 Jo dsu' jnea~ ja` catín`n e ni'í' i' quíá'~ jaléng' dsea` i ja` líng' dsea` quíá'~ Dsea` Jmáang~, co' Fidiéé`bing' i niçuidsi' í' quíá'~ lajaléng' i dsea` í'.

Jō dsu' 'nú', dsea` líng'na' dsea` quiá'- Dsea` Jmáang-, 'né- ni'í'ba' í' jee` la'ó' rúng'na'. Jōba' fíi- i' 'nú' e 'né- ni'óòm'ba' jee` 'nú' i' dsea` i' ca'ée` dsee- do.

6

Dsea` quiá'- Dsea` Jmáam-bing' i' 'né- ni'í' í' jee` la'ó' rúíñ'

¹ Jōba' fíi- guí' 'nú', dsea` rú'naa' dsea` quiá'- Dsea` Jmáang-, e mi~ jaang` 'nú' sea` dsee- quií'na' cóo~ jaang`gui dsea` rúng'na' dsea` quiá'- Dsea` Jmáang-, jōba' ja` cuóong` fa' e mií'na' dsea` i' ja` cuíng` Fidiée` e ni'í'- í' quií'na', dsuco' guiá' gui e dsea` quiá'- Dsea` Jmáam-bing' i' ni'í'- í' quií'na'. ² Jogui 'né- ní' 'nú' cajo e jaléng' dsea` quiá'- Dsea` Jmáam-bing' i' ni'í'- í' quiá'- jaléng' dsea` jmigüi' mi~ nití- e í' jō; jō có' lajōb nijmée'na', jōba' 'né- ní'ba' jial ni'í'na' í' cóo~ jalé' e ja` 'ga' lí' niing- e dsijée' jee` 'nú'. ³ Jogui 'né- ní'ba' cajo e jì'gui jaléng' ángeles quiá'- Fidiée` 'né- ni'í'naa' í' quiá'r- mi~ nití- e í' jō. Jō có' lajōb nilí, jōba' lajang` júu'gui 'né- ni'í'naa' í' mi~ ee'go dsijée' lajee` see-naa' fí' jmigüi' la. ⁴ Jōba' song` i' líng` lajee` la'ó' 'nú', dsea` líng'na' dsea` quiá'- Dsea` Jmáang-, jmoo'na' ta` jíng, jōba' fíi- i' 'nú' e ja` dseeng` e nigüilíng-na' fí' quini` dseata` i' ja` cuíng` Fidiée` e laco' ni'í'- í' quií'na', có' jaléng' i' dsea` í' ja` catíng- e quiíñ' jee` la'ó' 'nú'. ⁵ Jō uing` e fíi- i' 'nú' lana e lí' laco' nicá'na' fí'í', có' lí' dsii- e dseáng'- seem` jaang` dsea` i' lajang` quí' jmi~ ni'í'- í' jee` la'ó' 'nú', dsea` líng'na' dsea` quiá'- Dsea` Jmáang-. ⁶ Jō dsu' o' jii' lico' jmoo'na' ta` jíng` lajee` la'ó' 'nú', dsea` líng'na' dsea` quiá'- Dsea` Jmáang-, có' jì'gui güilíng-na' fí' quini` dseata` i' ja` cuíng` Fidiée` e laco' ni'í'- í' quií'na' cuaiñ` quiá'- e ta` jíng` do.

⁷ Jō cóo~ jii' e ta` jíng` e jmoo'na' do, cóo~ jii' e jōbi eáam' ni'lee' quií'na', dsuco' guiá'-gui e nijmée'na' té'ba' cóo~ jalé' e ga' e dsingíng-na', jogui guiá'-gui cajo e nijmée'ba' té'na' mi~ jmoo` dsea` rúng'na' i' quií'na'. ⁸ Jō dsu' 'nú' lí' riquí' jmoo'na', có' lajee` la'ó' yaang'na', dsea` líng'na' dsea` quiá'- Dsea` Jmáang-, jmoo'na' ga' quiá'- rúng'na' jogui jì'gui jmoo'na' i' quiá'- rúng'na' cajo.

⁹ Jō 'nú' 'né- ní'ba' e jaléng' dsea` i' 'lee' ja` quí'- jmi~ fa' e nicá' Fidiée` nifi' quiá'r-. Jō uí' e lajōb lí, jōba' fíi- i' 'nú' e ja` güijmigóong` dsea` 'nú', có' jaléng' dsea` i' jmoo` jalé' e 'lí' lala ja` quí'- jmi~ fa' e nicá' Fidiée` nifi' quiá'r-; fa' jaléng' dsea` i' jmoo` jalé' e 'lí' e lí' dsí' ngúu' táaiñ, jogui jaléng' i' jmféng' jaléng' diée` i' o' já', jogui jaléng' i' güing` cóo~ dsea` jéng' mi~ níng' e cacúng'- guór, jogui jaléng' dseañ' i' tí' dsí' jmang' yaang` lafa' dseamf, jogui jaléng' dseañ' i' tí' dsí' güing` cóo~ jaléng' dseañ', ¹⁰ jogui jaléng' i' jmoo` i, jogui jaléng' i' eáang` iing` silí' jalé' e sea` fí' jmigüi, jogui jaléng' i' jmoo` ta` í' mée', jogui jaléng' i' jmoo` ta` quie' júu' e o' já', jogui jaléng' i' jmi'í'- e sea` quiá'- dsea` rúíñ' la'eáang` e jmigóong`neíñ'. Jō jaléng' i' dsea` la'í' ja` quí'- jmi~ fa' e Fidiée` nicá' nifi' quiá'r-.

¹¹ Jō jalé' e 'lí' lanab lami~ jmoo` i' líng` 'nú' lami~ jéeng'gui, jō dsu' lana nica'ím- Fidiée` jalé' dsee- quií'na' jogui nica'jmée' e dseáng'- jii' dsea` quiá'-bre nilíng'na'. Jogui la'eáang` cóo~ Fí'naa' Dsea` Jmáang- jogui cóo~ Jmiguí' quiá'- Fidiée` 'nú' nilíng'na' lana dsea` i' ja` dsee- røong` fí' quini` Fidiée`.

'Né- jmi'gób` dsea` Fidiée` cóo~ ngúu' táaiñ'

¹² Jō fíi- guí' 'nú' e júu' la e seem` dsea` i' fé' lala: "Cuóòm` lí' jmé- e lí' doñí' ee` e iin`n." Jō e jáb'- e jō, lifa' ja` lajì' íng` ta` quiá'r-. Jō e jáb'- e cuóòm` lí' jmé'naa' lí' doñí' ee` ií'naa' jmé'naa', lifa' ja` 'né- cuóo~ fí' yee'naa' e niquíá'- ta` jneaa'aa' jalé' e lí' dsí' ngúu' táang'naa' do. ¹³ Jogui fé'bi dsea` e júu' la cajo: "Jō jalé' e quiee'naa' dsitoo~ fí' dsí' tú'naa', jogui e tú'naa' do íng` ta` quiá'- e guing' jalé' e quiee'naa' do." Jō e jáb'- e júu' jō, lifa' Fidiée` tóob` jmi~ mi~ ni'í'niñ- lajì' tú- e jō. Jogui ja` cajmée` Fidiée` ngúu' táang` dsea` e lico' íng` ta` e nijmé- dsea` jalé' e ja` dseeng`, dsuco' jalé' ngúu' táang` dsea` íng` ta` e nijmé- dsea` lajii' e iing` Fí'naa' Dsea` Jmáang-, jogui la'eáang`

cóo' Fí'naa' Dsea' Jmáam-bing' cuóøng' jmé'naa' lajo. ¹⁴ Jogui lí' laco' cajmijí' Fidié' i Fí'naa' Dsea' Jmáang- do la'eáang' cóo' güea' 'gøng' quiá'r- mi' cang' e cajúñ-, joba' lajob cajo nijmér- cóo' jneaa~aa' mi' nití- í' lajo.

¹⁵ Jogui 'né- ñíb^ 'nú' cajo e jaléng' 'nú', dsea' líng'na' dsea' quiá'- Dsea' Jmáang-, líng'na' lafa' jaam' dsea' cóo' dsea' do. Jo co' lajob líí, joba' dseáng'- ja' dseeng' e jaang' dsea' nigüññ' cóo' jaang' dseamí i jmóo' ta' 'níng' 'ña'. ¹⁶ Jogui 'né- ñíb^ 'nú' cajo e mi' jaang' dseañu' güññ' cóo' jaang' dseamí i jmóo' ta' 'níng' 'ña', joba' lafa' jaam' dsea' uíñ- lajee' laj' gáññ- do. Dsaco' lalab fé' fí' ni' jì quiá'- Fidié': "Jo mi' güñng' dseañu' cóo' dseamí, uíñ- lafa' jaam'bre." ¹⁷ Jo dsu' mi' uíng' dsea' dsea' quiá'- Dsea' Jmáang-, joba' jaam' dsea' uíñ- cóo' dsea' do la'eáang' cóo' Jmiguí quiá'- Fidié'.

¹⁸ Joba' fí- i 'nú', dsea' rú'naa', cúing'-na' jalé' e 'lí' lajo e lí' dsí' ngúu' táang' dsea'. Dsaco' lí' doñí' ee' dsee- e jíe' e ée' dsea' ja' 'léé' e jo quiá'- ngúu' táaiñ-, jo dsu' i dsea' i jmóo' e 'lí' lajo, joba' 'léé'bre cóo' ngúu' táaiñ-. ¹⁹ Jogui 'né- ñíb^ 'nú' cajo e ngúu' táang'na' líí lafa' guá'- quiá'- Jmiguí quiá'- Fidié' e nicacuø'r' 'nú', jogui e Jmiguí doba' seeng' cøøng' cóo' 'nú'. Jo co' lajob líí, joba' jo' líí quií'-na' yaang~na' e ngúu' táang'na' do, ²⁰ co' Fidié'bing' i nicalóng- 'nú' cóo' coo' 'móo'- e ñíí' eáang'. Jo uí' e lajob líí, joba' contøøm- 'né- e nijmi'goo'-na' Fidié' cóo' jalé' e jmoo'na' fí' ngúu' táang'na'.

7

Jalé' e 'né- jmiti' dsea' mi' cúñ' guóor'

¹ Jogui lana niquí' i júu^ quií'-na' lajii' e cajmingí'na' jnea~ ie~ lami' jéeng'gui do e fí' ni' jì quií'-na' do. Jo jnea~ lalab fí- i 'nú' e guiá'-gui quiá'- dseañu' e ja' nigüññ' dseamí; ² jo dsu' uí' e ja' téeng- dsea' yaaiñ- e iññ- güññ' cóo' dsea' i o' quiá'r-, joba' lajaang' lajaang' dseañu' 'né- seeng' dseamí quiá'r-, jogui lajaang' lajaang' dseamí 'né- seeng' dseañu' quiá'r- cajo. ³ Jo i dseañu' do 'né- nijmiti~bre lajii' e catíññ- cóo' i dseamí quiá'r- do; jogui lajobi i dseamí quiá'r- do cajo 'né- nijmiti~bre lajii' e catíññ- cóo' i dseañu' quiá'r- do. ⁴ Co' i dseamí quiá'- i dseañu' do jo' seeng'guir fa' e quiu'guir ta' 'ña'r' cóo' ngúu' táaiñ-, co' quiá'- dseañu' quiá'-bre nilíí. Jogui lajobi cajo i dseañu' quiá'r- do, jo' seeng'guir fa' e quiu'guir ta' 'ña'r' cóo' ngúu' táaiñ-, co' quiá'- dseamí quiá'-bre nilíí. ⁵ Jo co' lajob líí, joba' fí- i 'nú' e ja' sée'-na' 'leáang- e nigüñng'na' colíng~ cóo' i dsea' i nicacúung'-na' guóo'na' cóo'. Jo dsu' cuøøm' cajo e ni'naang- teá yaang~na' quiá'- rúng'na' e ja' nigüñng'na' colíng~ e laco' nijmiféng'na' Fidié', lifa' røøb' 'né- siing~na' e nijmíe'na' lajo. Jo mi' ningí jo, 'néb- e nigüñng'tu' colíng~, jo lajoba' ja' dseáang' quií'-na' e nijmigøøng' fí- i 'líng' i sii' Satanás 'nú' e laco' nijjúng'na' fí' ni' dsee-.

⁶ Jo lajalé' e fí- i 'nú' na lí' júu^ tím-baa jo o' dseáng'- fa' lana fé' fí' ni' jì quiá'- Fidié' e 'né- nijmiti' dsea'. ⁷ Jo dsu' jnea~ iin~n e lajalém' dsea' ja' nicúññ' guóor' lí' laco'gui la líng' jnea~; jo dsu' ja' lajii'-naa' cangüñng'naa' røø quiá'- Fidié', co' jmaquíim' cangüñng'naa' quiá'- dsea' do lajaang' lajaang'naa'.

⁸ Jogui lana fí- i 'nú', dsea' i ja' mí' cacung' guó', cóo'gui jaléng' dseamí i 'nú-, e guiá'-gui e ja' nicúng'na' guóo'na' lí' laco'gui la líng' jnea~. ⁹ Jogui dsu' song ja' té'na' e iing~na' güñng'na' cóo' dseañu' osi dseamí é, joba' 'né- cúum'ba' guóo'na' jóng, co' guiá'-gui quií'-na' e nijmíe'na' lajo e laco'gui e ngí'na' suung'na' e iing~na' e nigüñng'na' cóo' dsea'.

¹⁰ Jogui lana lalab fí- i 'nú', dsea' i nísicúng' guó', jo dsu' o' cóo' júu^ quié- e 'ña'a' e fí- i 'nú' la, dsaco' Fí'naa' Dsea' Jmáam-bing' i quiu' ta' e júu^ e fé' lala: "Ja' cuøøng' e jaang' dseamí nitiúññ- dseañu' quiá'r-." ¹¹ Jogui dsu' song i dseamí do dseáng'- catiúum- bre dseañu' quiá'r-, joba' 'né- nijér- e ja' nicúm' guóor' cóo' dseañu' i jíéng' osi e nísiñg-tur røø é cóo' i dseañu' quiá'r- i catiúññ- do. Jogui lajob cajo, ja' cuøøng' e jaang' dseañu' nitiúññ- dseamí quiá'r-.

12 Jo lana nifíi'guíi 'nú' e júu' la lajii' e í dsii' 'níá'a jo o' júu' e sinú'u quiá'- Fíinaa' Dsea' Jmáang', e song jaang' dseañu' i líng' dsea' quiá'- Dsea' Jmáang' seeng' dseamí quiá'r- i ja' líng' lajo, jo dsu' song i dseamí do íám' dsíir' e seeiñ' cøong' cóo' i dseañu' quiá'r- do, joba' ja' cuøong' fa' e i dseañu' i líng' dsea' quiá'- Dsea' Jmáang' do nitiúuiñ- i dseamí quiá'r- do. 13 Jogui song jaang' dseamí i líng' dsea' quiá'- Dsea' Jmáang' sicúng' guór' cóo' jaang' dseañu' i ja' líng' lajo, jo dsu' íám' dsíiñ' do e seeiñ' cóo' i dseamí do, joba' ja' cuøong' e i dseamí do nitiúuiñ- i dseañu' do. 14 Co' i dseañu' i ja' líng' dsea' quiá'- Dsea' Jmáang' ligüeam'^bre fí' quini' Fidié' la'eáang' e sicúng' guór' cóo' jaang' dseamí i líng' dsea' quiá'- Dsea' Jmáang'. Jogui lajob lí' cajo, song jaang' dseamí i ja' líng' dsea' quiá'- Dsea' Jmáang' sicúng' guór' cóo' jaang' dseañu' i líng' dsea' quiá'- Dsea' Jmáang', joba' ligüeam'^bre fí' quini' Fidié'. Jo song lajob lí', joba' i jiuung' quiá'r- i seeng' do ligüeam'^bre fí' quini' Fidié'. Jo dsu' song ja' lí' lajo, joba' i jiuung' quiá'r- i seeng' do, 'lim'^bre fí' quini' Fidié'. 15 Jogui song i dseañu' osi i dseamí i ja' líng' dsea' quiá'- Dsea' Jmáang' dseáng'- jmóor' laguidseaang- e nitiúung- rúiiñ', joba' güijmée'bre lajo. Jo mi' dsijée' lajo, joba' i dseañu' osi i dseamí i líng' dsea' quiá'- Dsea' Jmáang' do ja' 'né' e jníñ' i dsea' i iing' güi'í' do, dsuco' Fidié' nicatø'r- jneaa'aa', dsea' lí'naa' dsea' quiá'r-, e laco' nilisee'naa' juguiá' júu' røø. 16 Dsuco' ja' ní' 'nú', dseamí i líng' dsea' quiá'- Dsea' Jmáang', su nilí' e ni'uúing- i dseañu' quií'- do dsea' quiá'- Dsea' Jmáang'. Jogui lajobi cajo, ja' ní' 'nú', dseañu' i líng' dsea' quiá'- Dsea' Jmáang', su nilí' e ni'uúing- i dseamí quií'- do dsea' quiá'- Dsea' Jmáang'.

17 Joba' fíi' i 'nú' e 'né' niliseeng'na' jii' laco' e cangíng'na' quiá'- Fidié', jogui lí' laco'gui la líng'na' mi' catø'- Fidié' 'nú' e ni'uúing'na' dsea' quiá'r-. Jo lanab jii' lí' júu' e quiá'u ta' quiá'- lajaléng' dsea' quiá'- Dsea' Jmáang'. 18 Jogui song Fidié' nicatø'r- jaang' dsea' i nicatø'- lí' fí' ngúu' táang' lí' laco' quí'- tñng' dsea' Israel, joba' lajob 'né' niteáiñ- fí' jmigü' la; jogui song Fidié' nicatø'r- jaang' dsea' i ja' mi' catø'- lí' fí' ngúu' táang', joba' ja' 'né' fa' e nijmitir- lajii' e jo. 19 Co' ja' e lí' song tóo' lí' fí' ngúu' táang' dsea' osi ja' lí' lajo é, co' e laba' e niing- gui eáang' e 'né' nijmiti' dsea' jalé' júu' quiu' ta' quiá'- Fidié'. 20 Joba' 'né' jé' dsea' jii' laco' líiñ' ie' mi' catø'- Fidié' ír' e nilíiñ' dsea' quiá'- dsea' do. 21 Jo song dsea' si'nüing' i jmóo' ta' quiá'- dsea' líng' 'nú' ie' mi' catø'- Fidié' 'nú' e ca'uúin'^ dsea' quiá'r-, jo dsu' ja' jmoo' fí'í' e lín' lajo. Jo dsu' song sea'bi fí' quií'- e ni'náang- uø' e lín' lajo, joba' jmi'o' jóng. 22 Dsuco' i dsea' i líng' dsea' si'nüing' i jmóo' ta' quiá'- dsea' ie' lamí' catø'- Dsea' Jmáang' ír' e ca'uúiiñ'- do dsea' quiá'r-, joba' lana nilíiñ' do jaang' dsea' i nisilaang' i nijmóo' lajii' e iing' Dsea' Jmáang'; jogui lajob lí' cajo cóo' i dsea' i silaang' ie' lamí' catø'- Dsea' Jmáang' ír', co' lana nilíiñ' lafa' dsea' si'nüing' i jmóo' lajii' e iing' Dsea' Jmáang'. 23 Jo co' lana Dsea' Jmáam'bing' nicaløng' 'nú' cóo' cóo' 'móo' e níí', joba' lana jo' cuø' fí' yaang'na' fa' e nijmeáng'tu dsea' 'nú' lafa' dsea' si'nüing'. 24 Joba' fíi' i 'nú', dsea' rú'naa' dsea' quiá'- Dsea' Jmáang', e lajaang' lajaam' 'nú' 'né' niliseeng'na' fí' quini' Fidié' lí' jii' laco' la líng'na' ie' lamí' catø'- dsea' do 'nú' e calíng'na' dsea' quiá'r-.

25 Jogui lana nifíi' i 'nú' cuaiñ' quiá'- jaléng' dsea' i ja' mí' cacung' guoo', jo nifá'a e júu' la jii' laco' í dsii' 'níá'baa, jo o' laco' ta' quiu' Dsea' Jmáang'. Co' dsea' do nicatø'r- jnea' e ni'uúin' n dsea' quiá'r- uii' e fí' líiñ' jnea', jo lajoba' cuøong' e lí' jmita' óo'na' júu' quié' e. 26 Jo uii' e eáam' nihuíng' see'naa' jmi' na, joba' jnea' í dsii' e guiá'gui quiá'- jaléng' dseañu' e nijér- jii' laco' líiñ'. 27 Joba' fíi' i jaléng' 'nú', dseañu', e song niseeng' dseamí quií'-na', joba' ja' tiúung'na're; jogui song ja' mí' seeiñ', joba' ja' mí' 'náng' dur lajminá-. 28 Jo ja' dsee' ee'na' song nicúung'na' guóo'na'; jogui lajob cajo ja' ee' dsee' ée' jaang' simí' song nicúiiñ' guóor'. Jo dsu' jaléng' dsea' i cúng' guoo', huim'jia nidsijée' quiá'r-, jogui jnea' ja' iin' n e nidsing'iiñ' lajo.

29 Dsea' rú'naa' dsea' quiá'- Dsea' Jmáang', lajii' e laba' iin' n e fíi' i 'nú', dsuco' jo' huøø' e róo'gui jmigüí'. Joba' jaléng' dsea' i nisicúng'- guoo' 'né' seeiñ' e lafa' ja' líiñ'

lajo; ³⁰ jogui jaléng' dsea` i seeng` fi'í lí' lí' né` seeiñ` e lafa' teáaiñ` jmiñ` ; jogui jaléng' dsea` i lafa' teáang' jmiñ` 'né` e jmeáng' yaaiñ` e lafa' seeiñ` fi'í ; jogui jaléng' dsea` i jmóo` ta` láa' lí' doñi' ee` , joba' 'né` seeiñ` e lafa' o' quiá'-bre e jo; ³¹ jogui jaléng' dsea` i jmóo` ta` jmi'óo` jalé' e sea` fi' jmi'gü' la 'né` niliseeñ` e lafa' ja' jmi'óo` bre e jo. Dsüco' e fi' jmi'gü' e li` see`-naa' jmiñ` na, tóob` jmiñ` ni'ling`.

³² Jo jnea` iin` n e ja` ningüing` na' jalé' fi'í dsí' e sea` fi' jmi'gü' la. Jo i dseañu' i ja` mí cacung' guó, eáang'gui guing` dsí' e jmóor` jalé' e iing` Dsea` Jmáang` jogui jial e nijmi'iaaiñ` dsí' dsea` do. ³³ Jo dsu' i dseañu' i nisicung` guó, eáang'gui guing` dsí' cóo` jalé' e dsijé' fi' jmi'gü' jogui jial e nijmi'iaaiñ` dsí' dseamf` quiá'r` . ³⁴ Joba' jmaquím' guing` dsí' e` nijmér` laca'ling` ca'liñ` . Jo i dseamf` i ja` mí sicung` guó cóo` gui i dseáng' ja` cacung' guó, eáang'gui guing` dsí' e jmóor` lajii` e iing` Dsea` Jmáang` jogui e éer` guiá' fi' quini` dsea` do cóo` jalé' e jmóor` jogui cóo` jalé' e í dsí' . Jo dsu' i dseamf` i nisicung` guó, eáang'gui guing` dsí' cóo` jalé' e dsijé' fi' jmi'gü' jogui jial e nijmi'iaaiñ` dsí' dseañu' quiá'r` .

³⁵ Jo fi' i 'nú' e júu` na o' e laco' nijning` quí' na', co' jnea` fá' a e lí' laco' ni'uíng` guiá' quí' na' jogui e laco' niliseeng` na' e ee` na' røø` e jmoo` na' e ngocáng` óo` na' lajii` e ta` e nicangüing` na' quiá' Dsea` Jmáang` . ³⁶ Jo song jaang` dseañu' í dsí' e dseáng' ni'néb` e nicúin` guóor` cóo` i dseamf` i säng` cóo'r` do, dsüco' tí' lí' ningáng' í quiá' i dseamf` do e nicúin` guóor` , jogui song í dsí' e joba' dseáng' la guíng'gui 'né` , joba' güijmée` bre lajii` e líiñ` e guiá' gui do, jo güicúm` bre guóor` , dsüco' ja' e dsee` e jo. ³⁷ Jo dsu' i dseañu' i cóo` nica'í dsí' jogui ja' lí' dsí' jalé' e iing` ngúu` táaiñ` , jogui dseáng' nita` dsí' e dseáng' ja' nicúin` guóor` , co' lajob` dseáng' iin` nijmér` , joba' guiáb` nijmér` song cajmээр` lajo. ³⁸ Jo i dseañu' i nicung` guó cóo` i sim' i ninée' júu` quiá'r` cóo` do, joba' cóo` e guiáb` jmóor` ; jo dsu' i dseañu' i ja' nicung` guoo` , cóo` e guiá' gui jmóor` . ³⁹ Jogui jaléng' dseamf` i nisicung` guó, dseáng' la guím` 'né` e ja' nitiúuñ` dseañu' quiá'r` lajee` e seeng` í ; jo song cajúm` bi i dseañu' quiá'r` do, joba' cuøøm` nicung` tur guóor` calé' catú` cóo` dseañu' i jiéng` , lífa' i dseañu' í 'né` e líiñ` dsea` quiá' Dsea` Jmáam` . ⁴⁰ Jo dsu' jnea` gui í dsii` e nili'iaang` gui dsí' i dseamf` do fing` song ja' nicung` tur guóor` . Jo jalé' e júu` na lí' júu` tím`-baa. Jo jnea` í dsii` e seem` Jmigu' quiá' Fidié` cøøng` cóo` jnea` cajo.

8

Jalé' jmiñi` e cuø' dsea` dié` i o' já'

¹ Jogui lana nifi' i 'nú' cuaiñ` quiá' jalé' jmiñi` e lí' feá' e cuø' dsea` jaléng' dié` i o' já' . Jo e jáb' laco'gui fé' dsea` e lajii`-baa' nine`-naa' cuaiñ` quiá' jalé' e jo; jo dsu' cóo` e nine`-naa' do jmóo` e í dsí' naa' e nilí' naa' dsea` niing` , jo dsu' e jmi'neáang` rú' naa' e joba' eáang'gui íng` ta` e nidsicuáng` quí' ii' cóo` júu` quiá' Dsea` Jmáang` . ² Jogui song jaang` dsea` í dsí' e líng`-go nitiiñ` , jo dsu' o' já' e jo, co' mí 'noo` bi 'né` líñir' e laco' nilitiiñ` laco' si'í . ³ Jo dsu' i dsea` i 'neáang` Fidié` , joba' Fidié` nicuíim` bre i dsea` í .

⁴ Jogui lana nifi' i 'nú' cuaiñ` quiá' jalé' jmiñi` e cø' na' e lí' feá' e cuø' na' jaléng' dié` i o' já' ; jo guiáb` nine`-naa' e jaléng' i dié` la' í ja' e ta` íiñ` jii` cóo` fi' jmi'gü' , dsüco' dseáng' jaam` Fidié` i dseáng' já' i seeng` . ⁵ Jo nañi' fa' i líng` dsea` jmi'gü' í dsí' e seeng` jaléng' dié` fi' yá' jmi'gü' jogui fi' ni` guoo` uø` , jo co' lajob` í dsí' , joba' i fim' lafa' dié` quiá'r` seeng` jogui lafa' fiir` . ⁶ Jo dsu' jaléng' jneaa`-aa' , dsea` lí' naa' dsea` quiá' Dsea` Jmáang` , guiáb` nine`-naa' e jaam` Fidié` i seeng` , jogui íb` i líng` Tiquiá' jaléng' dsea` jmi'gü' , jogui jneaa`-aa' see`-naa' e laco' nijmó`-naa' lajii` e iin` . Jogui cajo jaam` Fii' naa' seeng` , jo íb` Dsea` Jmáang` ; jo la'eáang` íb` e sea` lajalé' e sea` fi' la'úng` fi' jmi'gü' , jogui la'eáang` íb` cajo e see`-naa' fi' jmi'gü' la.

⁷ Jo dsu' ja' lajüing` dsea` ñir' e júu` na. Dsüco' i dsea` i lamí` quí' tüing` e jmi'féiñ' jaléng' dié` i o' já' , mí 'noo` bi gø'r` jalé' e jmiñi` e lí' feá' e í dsí' e nicacuø' jaléng' dié` quiá'r` . Jo lajee` e gø'r` e jo, líiñ` e jmi'lim` yaaiñ` cóo` i dié` i o' já' do, co' ja' cóo` e í

dsíir'. ⁸ Jo dsu' ja` ee` jmingh̄ Fidiée` ee` jalé' e quiee`naa' e laco' ni'íñ' jneaa`aa' fí' quinir`, dsuco' jo` nilíi` guh̄' dsea` i` guiúng` gui dsu' uíi' e quiee`naa' e jo, jogui o'gui nilíi`naa' dsea` i` ga`gui dsu' uíi' e ja` quiee`naa' e jo.

⁹ Jo dsu' jie` mí` jmeáang`na' ta` e fí' sea` quíi`na' do e laco' nijmée`na' e niténg' fí' ní` dsee` jaléng' i` dsea` rúng`na' i` ja` mí' 'goo` teáang` teá` cóo' júu` quiá' Dsea` Jmáang`. ¹⁰ Jo song`i` líng` 'nú', dsea` niñí`na' guiá` cuaiñ` quiá' e júu` jo, jo nigüilíng`na' nigüiquié`na' fí' lí' jmiféng' dsea` jaléng' diée~, jo lajee` jo jaang` dsea` rúng`na' i` ja` 'goo` sing' teá` cóo' júu` quiá' Dsea` Jmáang` cangáiñ` 'nú' e jmoo`na' lajo, joba' dseáam' e i` dsea` i` nijmér` lajo cajo e iññ` nidø'r` jalé' e nicacuø' dsea` diée` i` o' já'. ¹¹ Jo caquié`ba' e jo uíi' e niñí`na', jo dsu' mí` cajmee`na' lajo, joba' jmoo`na' e nicá' fí' ga` i` dsea` rúng`na' i` ja` mí' 'goo` sing' teá` cóo' júu` quiá' Dsea` Jmáang` do. Jo uíi' i` dsea` íb` cajo e cajúng` Dsea` Jmáang` fí' dse` crúu`. ¹² Jo mí` jmoo`na' e tú` ní'í' dsíi' i` dsea` rúng`na' i` ja` mí' 'goo` sing' teá` cóo' júu` quiá' Dsea` Jmáang`, joba' dseeb` ee` 'nú' cajo fí' quini` Dsea` Jmáang`. ¹³ Jo uíi' e lajob` lí', joba' song` cóo' jalé' e gø'ø do nijmee` e e niténg' dsea` rún`n fí' ní` dsee`, joba' guiá`-gui quié` e e jo` nidø'ø` guh̄' e jmiñi' jo, jo lajoba' ja` dseáang' e nijmee` e e niténg' dsea` rún`n fí' ní` dsee`.

9

Lajíi' e catñing` i` dsea` apóo` i` sñng` Dsea` Jmáang` cuaiñ` quiá'r`

¹ Jo fíi' i` 'nú', dsea` rú`naa', e ja` 'né` guíee` e júu` lajii' e jmóo`o, co' dseáang' lín`baa jaang` dsea` i` sñng` Dsea` Jmáang` cuaiñ` quiá'r`. Co' dseáang' nicamám`baa Fíi`naa' Jesús jogui cajo, lajee` e nicajmé` e ta` jee` 'nú' e nicangñ`n` quiá' Dsea` Jmáang`, joba' 'nú' nica`uíng`na' dsea` quiá' dsea` do. ² Jo jangám` seeng` dsea` i` ja` jmicuíng` jnea` e lín`n jaang` dsea` i` sñng` Dsea` Jmáang` cuaiñ` quiá'r`, jo dsu' nijmicuíng`na' jnea` e lín`n jaang` dsea` la'í. Jo cuø' lí` e dseáang' lajob` lín`n uíi' e la'eáang` jnea`ba' e nica`uíng` 'nú' dsea` quiá' Dsea` Jmáang`.

³ Jo jíi' lalab` lí' júu` e quíi' i` quiá' jaléng' i` dsea` i` éeng` jnea` cuaiñ` quiá' jalé' e jo. ⁴ Jo jnea` dseáang' catñ`baa' e ni`líng`naa' jalé' e ni`né` ni`quiee`naa' cuaiñ` quiá' jalé' ta` jmoo`naa'. ⁵ Jogui seab` fí' quíi`naa' cajo e niliseeng` dseamí` quíi`naa' i` líng` dsea` quiá' Dsea` Jmáang` i` jeeng`naa' lacaang` fí' lí' ngí`naa' lí' laco'gui la jmóo` i` dsea` caguaang` i` sñng` Dsea` Jmáang` cuaiñ` quiá'r` jogui laco' la jmóo` jaléng' dsea` ngáang' cóo' Dsea` Jmáang` cóo'gui Tá' Simón. ⁶ Jogui ¿su í' óo' 'nú' e jíi' Bernabé cóo'gui jnea`bing' i` dseáang' 'né` nijmé` ta` e laco' sea` jalé' e 'né`naa'? ⁷ Dsuco' jíi' jaang` 'lée` quíi' jalé' e 'né` lajee` e jmóor` e ta` jo. Jogui jíi' jaang` dsea` i` jni' mí' huñng` jø' fa' ja` cu'r` e jo. Jogui cajo jíi' jaang` dsea` i` jmóo` ta` ní' jo'se' fa' ja` í'r` fí' quiá' i` jó' í. ⁸ Jo jie` mí' í' óo'na' e fíi' i` 'nú' jalé' e júu` la lí' la í' dsíi' dsea` jmigüi, dsuco' lajob` fé' cajo fí' ní' jii' quiá' Fidiée` e cajme' Moi, ⁹ jo lalab` fé': "Ja` jni' mo'oo` jó' núu` quíi' lajee` e ø're' cui'iee'." Jo fé' Fidiée` jalé' e júu` na o' fa' í' dsíi' jíi' uii' quiá' jaléng' jó' núu, ¹⁰ co' í' dsíi' uíi' jneaa`aa' cajo, dsea` lí'naa' dsea` jmóo` ta` quiá'r`. Jo casée' Fidiée` e júu` quiá' ta` na quiá'r` e laco' ni`uíng` guiá` quíi`baa', dsuco' i` dsea` i` jmóo` ta` jí' uø` cóo'gui i` dsea` i` jmóo` ta` quiá' cui'iee', jmóor` jalé' e jo dsu' uíi' e nisijeeiñ` líng` ee` nisítñm`bre mí' nití' í' lajo uíi' e ta` e cajméer` do. ¹¹ Jo jneab` dsea` lafa' nicajní`naa' jee` 'nú' uíi' e nicaguiá`naa' júu` quiá' Dsea` Jmáang`, joba' í' dsi`naa' e o' 'leáang` song` líng`go e míi`naa' 'nú' e nijmicóo`na' jnea` cóo' jalé' e 'né`naa'. ¹² Jogui song` dsea` jíéng' seab` fí' quiá'r` e mí'r` 'nú' jalé' e 'né', joba' jnea` eáang`gui catñ`naa' e nijmó`na' lajo cóo' 'nú'.

Dsu' jnea` ja` mí' camíi`naa' 'nú' lajii' e sí'í' e catñ`naa' do, co' lí' lí' nica`íng`naa' iihuí' e nicajmó`naa' ta` jíé' e laco' sea` jalé' e 'né`naa', jo lajoba' ja` nijñing`naa' quiá' e júu` quiá' Dsea` Jmáang` e guíi`naa' do. ¹³ Jo niñíb` 'nú' e jaléng' dsea` i` jmóo` ta` fí' sinúu` guá' cuøøm` lí' jmeáiñ` ta` jalé' e feá' e dsicá' dsea` fí' jo. Co' jaléng' i` dsea` do i` jmóo`

ta~ e fi' nife` do e fi' li~ jngaiñ' jaléng' jó' i líng' feá'-, joba' cuóøm` lí dór- e ngúú' quiá'- jaléng' i jó' i jngaiñ' fi' jo. ¹⁴ Jogui lajobi cajo Fí'naa' Dsea` Jmáam`bing' nicagua' uing~ e jaléng' i dsea' i jmóo` ta` guía' júu` quiá'r- 'né- seeiñ' e iñ' lajii~ e 'né- la'eáang' cóo~ e ta~ e jmóor` do. ¹⁵ Jo dsu' jnea~ dseáng'- ja` mí' cajmeám~baa ta~ lajii~ e sí'í e catín- n do, o'gui jmo'`o e júu` la quií-na' e laco' 'nú' líng~ ee` nicuó'`na' jnea~ e 'né-e. iDsucó' guiá-gui quié-e e nijúun- n e laco'gui i líng~ dsea` nijé' e iáang' dsii- uí' e nicagua'a júu` quiá'- Dsea` Jmáang- jee~ 'nú' do e jii~ cóo' ja` mí' cajmicóo'`na' jnea~ cóo~ jalé' e 'né-e!

¹⁶ Jo dsu' jnea~ ja` guíaa- e júu` quiá'- Dsea` Jmáang- do e laco' jmijlóng'`ñiá'a, dsucó' e la guíim`baa 'né- nijmee~ e e ta~ jo e cangúin`n quiá'- Fidiéé'. iCo' e ngi' fii' jnea~ fíng song ja` niguiáa^ e júu` jo! ¹⁷ Jo song guíaa- e júu` jo e iáang' dsii- 'ñiá'a, joba' líim~ ee` nisea` quié-e e ni'íin`n; jo dsu' song jmóo`o e ta~ jo laguidseang-, dsu' dseáng'- 'né- jmee~baa, có' lajob ta~ e nicacuó' Fidiéé' jnea~. ¹⁸ Jo lajob líí, có' lajii~ e catín- n e 'léen`n do, e job e iáang' dsii- e guíaa- júu` quiá'- Dsea` Jmáang- e ja` e caa- jii~ ca'í', joba' cuóøng' fe'ee' e ja` jmáan`n ta~ lajii~ e catín- n e ni'íin`n do quiá'- e ta~ guía' júu` quiá'- Dsea` Jmáang- e jmóo`o.

¹⁹ Jo nañi' fa' ja` lín`n lafa' dsea` si'núing~ i jmóo` ta~ quiá'- dsea', jo dsu' jnea~ nicajmeáang~ 'ñiá'a e lafa' jaang` dsea` lajob lín`n quiá'- lajaléng' dsea` e laco' lajo nili'í' fíng'gui dsea` i ni'uíng- dsea` quiá'- Dsea` Jmáang-. ²⁰ Co' lajee~ e seen- jee~ jaléng' dsea` Israel, jmóo`o laco' la jmóo` jaang` dsea` la'íb' e laco' lajo nili'í' e jaléng' í' ni'uíñ- dsea` quiá'- Dsea` Jmáang-. Jo jnea~ jmáang~ 'ñiá'a e lafa' e júu` quiu' ta~ quiá'- Moi~ quiu' ta~ jnea~, nañi' fa' ja` lí're' lajo. Co' jmóo`o lajo e laco' nili'í' e jaléng' i dsea` í' ni'uíñ- dsea` quiá'- Dsea` Jmáang-. ²¹ Jogui e laco' nili'í' i dsea` i ja` seeng' e quiu' ta~ quiá'r- e júu` quiu' ta~ quiá'- Moi~ do, joba' jnea~ jmáang~ 'ñiá'a e lafa' jaang` dsea` la'íb' lín`n cajo, nañi' fa' dseáng'- e júu` quiu' ta~ quiá'- Fidiéé'ba' e quiu' ta~ quié-e, jogui lajob jmóo` cóo~ jnea~ cajo e júu` quiá'- Dsea` Jmáang-. ²² Jogui mí' seen- jee~ jaléng' dsea` i ja` mí' 'goo` teáang- teá cóo~ júu` quiá'- Dsea` Jmáang-, joba' lafa' jaang` dsea` la'íb' jmáang~ 'ñiá'a cajo e laco' lajo nili'í' e ni'uíng- i dsea` í' dsea` quiá'- Dsea` Jmáang-. Joba' cuóøng' fe'ee' e nicajmeáang~ 'ñiá'a røøb` laco' la líng' lí' doñi' i dsea` e lí' laco' lajo cuóøng' nili'í' tú- 'ní' míng' dsea` i nileáang' jee~ jalé' dsee- quiá'- . ²³ Jo jmóo`o jalé' e na e laco' niní' júu` quiá'- Dsea` Jmáang- jogui e laco' røøb` ni'íing'`naa' e jlo^ e cuó' e júu` jo.

²⁴ Jo 'nú' niñi'ba' e mí' sea` ta~ cuíi, i fíim` dsea` cuíir, jo dsu' lifa' jaam`bing' i nili' i niguieng' nifi'gui, jo lajoba' niñiñ- lajii~ e catíin-. Jo có' lajob líí, joba' fii- i 'nú' e cuóø~ bí yaang~na' e laco' lajim`ba' nili'na' lajii~ e catíng-na' do. ²⁵ Jo jaléng' dsea` i guía' guiá- quiá' jéeng'gui e quiá'- e nicuír-, 'né- e ja` nijmér- e jié' e dseáang~ e nilé- quiá'r-. Jo jmóor` lajo e laco' líng~ e iin~ e nili'r, jo lifa' e nili'r do tóob` jmii~ ni'íing-. Jo dsu' jaléng' jneaa~aa', dsea` lí'naa' dsea` quiá'- Dsea` Jmáang-, cuó' bí yee~naa' e laco' nili'naa' e niñing~naa' lajii~ e catí-naa' do e jo` tóo` jmii~ fa' e ni'íing-gui. ²⁶ Jogui dsu' jnea~ ja` cuíi i e lí' tá- cuíi, o'gui jmóo`o lafa' ta~ títng' e bá'a fi' guiá' güi. ²⁷ Jo dsu' ja` jmóo`o lajo, có' lí' lí jnea~ quiá' ta~ ngúú' táan`n e laco' nijmé- náu~, jo jmóo`o lajo e laco' ja` dseáang~ e niseáan`n ca' mí' nicangí e nicagua'a júu` quiá'- Dsea` Jmáang- jee~ jaléng' dsea`.

10

Ja` dseeng' e jmiféng' dsea` jaléng' diéé i o' já-

¹ Jo fii-guá' 'nú', dsea` rú'naa' dsea` quiá'- Dsea` Jmáang-, ja` iin`n fa' e ni'íing^ óo'na' jalé' e cangongíng- 'lí' yúu~ dsea` áang' qui- naa' ie~ lami' ca'uøøiñ' fi' Egipto, jo Fidiéé' ca'e`reiñ' do fi' la'eáang' cóo~ cabøø~ jnií, jogui e lajaléiñ' do cangúin` fi' ni~ jmiñi'^ e sii` mar Rojo. ² Jo ie~ jo lajaléng' i dsea` í' ca'uíñ- dsea` i sitáang^ cóo~ Moi' ie~ lami~ lafa' cajgáaiñ- jmii~ cóo~ e jnií do jogui ie~ mí' cangúin` e fi' ni~ jmiñi'^ do. ³ Jogui lajob cajo, lajim` i dsea` do cajmítaang~ yaaiñ` cóo~ ca'íng' jmiñi' e cangúin` quiá'- Fidiéé', ⁴ jogui

cajo cangúin` quiá'- Fidiée` ca'ling'~ jmiñ e ca'ién'g' fi' dse' cuu~ jiáá. Jo e jiáá doba' e jée' quiá'r- lajee` e ngir' fi' ni~ guóo'~ uó- quiá'. Jo e jiáá jo cuóøng' lí fe'ee' e íb' Dsea` Jmáang-.
 5 Jo dsu' i fíim' i 'lii' yúu'~ dsea` áang' qui-naa' do cajúin- lajee` e ngir' fi' ni~ guóo'~ uó- quiá' uíi' e ja` catí dsíi' Fidiée` cóo'~ jalé' e cajméesiñ do.

6 Jo lajalé' e na cangojée' cóo'~ i 'lii' yúu'~ dsea` áang' do e laco' cuó' coo' li~ qui'ii' e ja` 'né- nijmó'oo' jalé' e ga' e lí' dsi'naa' lí' laco' cajmée' i dsea' í. 7 Joba' ja` jmiféng'na' jaléng' diée~ i o' já'- lí' laco'gui cajmée' i liing~ i 'lii' yúu'~ dsea` áang' do, lí' laco' la fé' fi' ni~ jì quiá'- Fidiée` lí' fé' lala: "Jaléng' dsea` caguár' ca'í'~ cagó'r', jo mi~ cangí jo, caróor- e cataiñ' jmiñ~." 8 Jogui ja` 'né- e ni'lee~naa' e nigüing'naa' cóo'~ dseañu' osi dseamí i o' qui-naa' lí' laco'gui cajmée' i liing~ i 'lii' yúu'~ dsea` áang' do ie~ jo, co' uíi' e cajmées' lajo, joba' cajúin- ie~ jo lí' lí' guíee' -ní' mil dsea` lajee` coo' jmiñ. 9 Jogui ja` 'né- jmé'naa' e nisíi'naa' Dsea` Jmáang- ne`duu jial tí' 'gøiñ' lí' laco'gui cajmée' i liing~ i 'lii' yúu'~ dsea` áang' do, co' uíi' e cajmées' lajo, joba' cajúin- e cacu' jaléng' mi' guíng- quiá'r-. 10 Jogui ja` jmiquíng' áána' cóo'~ Fíi'naa' Fidiée' lí' laco'gui cajmée' i liing~ i 'lii' yúu'~ do, co' uíi' e cajmées' lajo, joba' casíng' Fidiée' dsea` mojiñ i cajnga' quiá'r-.

11 Jo lajalé' e jo cangongüing- 'lii' dsea` áang' qui-naa' e lí' laco' niline~naa' e ja` 'né- jmó'oo' lajo, jogui cató- fi' ni~ jì quiá'- Fidiée` cajo e lí' laco' ní'í' 'goo' qui-naa', jneaa~aa' dsea` see~naa' jmiñ na, mi~ tí' lí' nijaquíeéng' e ni'ling- jmigüi. 12 Jo co' lajob líi', song jaang' 'nú' í' áána' e teáb' sing'na' cóo'~ júu^ quiá'- Dsea` Jmáang-, joba' dseáng'- eáam' 'né- e ñiing~ áána' e laco' ja` niténg'na' fi' ni~ dsee-. 13 Jo jii' jaang' 'nú' ja` mí' cangongüing- na' e dseáng'~ niténg'na' fi' ni~ dsee- e ja` mí' cangongüing- dsea` rúng'na'. Jo dsu' 'nú' cuóøm' lí' jmita~ óóna' cóo'~ júu^ quiá'- Fidiée', co' dseáng'- jmiti~bre júu^ quiá'r-. Jo ja` nicuór- fi' fa' e nidsingüing- na' lajo eáang'gui e jii' laco' té'na', co' lajee` e dsingüing- na' lajo, nijmé- bre jial té'na' e ja` niténg'na' fi' ni~ dsee-.

14 Jo uíi' e lajob líi', dsea` rú'naa' i 'neáan' eáang', joba' fii- guí jaléng' 'nú' e jmi'náng' yaang~na' e ja` jmiféng'na' jaléng' diée~ i o' já'- . 15 Jo fii' i 'nú' lana, co' eáam' guíá- moguí'na', jo yaam~ 'nú' cuóøng' lí' fo'na' su já'- osi o' já'- é jalé' e júu^ e fii' i 'nú' na. 16 Jo mi~ cuóø'naa' gui'máang'~ Fidiée' e 'né'-naa' capi'~ jmi' lí' huíng' jó' dsu' uíi' e jmiguiéng' dsi'naa' e cajúng- Dsea` Jmáang- fi' dse' crúu^, jo mi~ jmoo~naa' lajo, joba' guóng' e jaam' dsea` uíng- naa' cóo'~ dsea' do la'eáang' e jmi'øøiñ- do. Jogui mi~ fiing- naa' iñí' e quíee~naa' do lajee` jo, joba' guóng' cajo e jaam' dsea` uíng- naa' cóo'~ dsea' do la'eáang' cóo'~ e ngúu' táaiñ do. 17 Jo nañi' fa' fii'baa' la'ó' jneaa~aa' dsea` líi'naa' dsea` quiá'- Dsea` Jmáang-, dsu' laji~baa' quíee~naa' colüing~ coo' iñí', jo e jo guóng' e lafa' jaam' jneaa~aa' líi'naa' lajalé'naa' colüing~ cóo'~ Dsea` Jmáang-.

18 Jo quíe'na' cuente e mi~ gø' jaléng' dsea` Israel jalé' ngu' jó' e lí' feá'- e nicacuør' Fidiée' fi' nife', joba' líi' lafa' coo' cøøm' uíng- cóo'~ Fidiée' fi' nife' do. 19 Jo dsu' cóo'~ e júu^ la ofa' fii' i 'nú' e íng' ta~ jaléng' diée~ i o' já'-, o'gui fa' e íng' ta~ jalé' e feá'- e cuø' dsea` jaléng' i diée~ í cajo. 20 Co' lajii' e júu^ laba' e iin~n e fii' i 'nú', e mi~ jaléng' dsea' i ja` cúing' Fidiée' jmóor' feá'- ngu' jó' e cuø'r' lí' doñi' i diée~ quiá'r-, joba' jaléng' i 'lim' cuø'r' jalé' e jo, jo o' Fidiée' dsea' cuø'r'. Jo dsu' jnea~ ja` iin~n e quíng'na' jee~ jaléng' i 'ling'-. 21 Joba' dseáng'- ja` cuóøng' fa' e ni'u^na' jalé' e jmiguiéng' óóna' Fíi'naa' Dsea` Jmáang- jogui cajo e ni'u^na' jalé' e cuø' dsea' jaléng' i 'ling', o'gui cuóøng' fa' e nicø'na' iñí' e jmiguiéng' óóna' Fíi'naa' Dsea` Jmáang-, jogui cajo e nicø'na' jalé' e feá'- e cuø' dsea' jaléng' i 'ling'.

22 Jo ja` jmó'naa' lajo e laco' ja` niliguíng- Fidiée' qui-naa'. Jo ja` güi'í' dsi'naa' e 'gøng'gui jneaa~aa' laco' dsea' í. iCo' dseáng'- o' lajo!

Jalé' e cuóøng' jmóo' dsea' quiá'- Dsea' Jmáang-

23 Jo dsu' seem' dsea' i fé' lala: "Cuóøm' lí' jmee~ jnea~ lí' doñi' ee' iin~n." Jo dsu' e jáb'- e jo, lifa' ja` lajalé' íng' ta~ qui'ii'. Jogui e jáb'- e cuóøm' lí' jmé- dsea' lí' doñi' ee' iin~, lifa'

ja` lajalé` e jo nijmicóo` quiá'r` e eáang`gui nidsicuáng` quiá'r` cóo` júu` quiá` Dsea` Jmáang` . 24 Jo dsu` ja` 'né` e lico` nijmé`naa` jmanj` e guiá` e qui`naa` yee`naa`, co` lajob` 'né` jmé`ee` guiá` quiá` jaléng` dsea` rú`naa` cajo.

25 Joba` fñ`guá` 'nú` e cø`'ba` lí` doñí` ee` ngúu` e 'nñ` dsea` fí` lí` 'nñr`, jo ja` jmingñ`na` cuaiñ` quiá` e jo e laco` ja` ni`f` óo`na` jmiguiá` su cuóøng` cø`'na` osi ja` cuóøng` é. 26 Dsuco` latøøng` jmigüi` jogui lajalé` e sea` fí` jo lí` quiá` Fí`naa` Fidié`.

27 Jo song jaang` dsea` i ja` líng` dsea` quiá` Dsea` Jmáang` catø`r` 'nú` e nigüiquié`na` fí` quiá`r`, jogui 'nú` iim`ba` güilíng`na`, joba` güilíng`na` jóng, jogui quié`na` lí` doñí` ee` e niguiár` fí` ni` mes` e ja` jmingñ`na` jüi` cóo` cuaiñ` quiá` jalé` e nicuø`r` 'nú` do su cuóøng` cø`'na` osi ja` cuóøng` é. 28 Jogui dsu` song jaang` dsea` casí`r` 'nú` lala: "Lajalé` e jmiñi` la nicacuóø`naa` e lí` feá` jaléng` dié`." Jo song lajob` lí`, joba` ja` cø`'na` uíi` i dsea` i cajíng` do, jogui cajo e laco` ja` ni`f` dsír` jmiguiá` cuaiñ` quiá` e jo. 29 Jo dsu` cuaiñ` quiá` jial` í` dsí` i dsea` i cacuø` 'nú` e jmiñi` doba` e fá`a, jo o` cuaiñ` qui`na` e jial` í` óo`na`. Jo dsu` jangám` nijmingñ` 'nú` lala: "Jo` jialí` éeng` i dsea` do jnea` cóo` jalé` e gø`ø` uíi` jmiguiá` jalé` e í` dsír`? 30 Co` song cuóø`baa` gui`máang` Fidié` cuaiñ` quiá` lajüi` e gø`ø` do, joba` jialí` éeng` dsea` jnea` dsu` uíi` e gø`ø` e jo?" 31 Jo song cø`'na` osi ú`na` osi jmoo`na` lí` doñí` ee` e jíe`gui` é, joba` jmee`na` lajalé` e jo e laco` nijmiféng`na` Fidié`. 32 Jo jie` mi` ee`na` e ga` e laco` dseáang` e niténg` fí` ni` dsee` si jaléng` dsea` Israel osi jaléng` i ja` líng` lajo, osi jaléng` dsea` quiá` Dsea` Jmáang` caguaang`gui` é. 33 Co` jnea` jmi`úum`baa` e jmoo`o` e jmi`iaán`n dsí` jaléng` dsea` cóo` jalé` e jmoo`o, jo ja` 'no`o`o`o` e lico` ni`uúing` guiá` quié` e ñiá`a, co` 'no`o`o`o` e jial` ni`uúing` guiá` quiá` dsea` caguaang`. Jo jmoo`o`o`o` lajo e lí` laco` nilí` i dsea` í` e nileáiñ` jee` jalé` dsee` quiá`r`.

11

1 Jo co` lajob` jmoo`o, joba` fñ`guá` 'nú`, dsea` rú`naa`, e 'né` ee`na` laco` la ee` jnea`, co` jnea` ee` laco` ca`ée` Dsea` Jmáang`.

Jial`né` líng` dseam` mi` jmiféiñ` Fidié`

2 Jogui lana eáam` íáang` dsii` cóo` 'nú`, dsuco` contøøm` jmiguiéng` áa`na` jnea` jogui contøøm` jmití`na` cajo jalé` júu` quiá` Dsea` Jmáang` e nica`ée` e 'nú` lamí` jéeng`gui.

3 Jo dsu` jnea` iin`n e ningám`ba` e Dsea` Jmáam`bing` líng` dsea` mogui` quiá` lajaléng` dseañu`, jogui dseañu`bing` líng` dsea` mogui` quiá` dseamí, jogui Fidiéeb` dsea` líiñ` dsea` mogui` quiá` Dsea` Jmáang`. 4 Jogui song jaang` dseañu` ja` guir` loguir` lajee` e féiñ` Fidié` osi mi` fé`r` júu` quiá` dsea` do é, joba` ja` jmi`gór` dsea` mogui` quiá`r` jóng. 5 Jogui song jaang` dseamí ja` quidsir` 'mi` fí` moguir` mi` féiñ` Fidié` osi mi` fé`r` júu` quiá` dsea` do é, joba` ja` jmi`gór` i dsea` mogui` quiá`r` do. Jo song jmoor` lajo, joba` fí`b` quiá`r`, co` lí` e lafa` cahuí` cuo` moguir`. 6 Dsuco` song jaang` dseamí ja` quidsir` 'mi` fí` moguir`, joba` guiá`gui` quiá`r` e nijmicuó`bre moguir` conguaí`. Jogui song i dseamí í` í` lím`bre e nihuí` jñuguir` osi e nilicuo` moguir` é, joba` guiá`gui` quiá`r` e güijlí`bre cóo` cóo` 'mi` lajee` e jmiféiñ` Fidié`. 7 Jo jaléng` dseañu` ja` 'né` iá` loguir` lajee` e féiñ` Fidié`, dsuco` la'eáang` dseañu`ba` jmili` Fidié` jial` líiñ`, jogui jmijnéiñ` cajo jial` tí` niing` 'gøiñ`. Jo dsu` jaléng` dseamí jmilir` jial` tí` niing`gui` dseañu`. 8 Co` ja` cajmeáang` Fidié` la'uii` dseañu` la'eáang` cóo` dseamí, co` la'eáang` cóo` dseañu`ba` e cajmeáaiñ` la'uii` dseamí. 9 Jo o` uíi` dseamí e ca'uúing` dseañu`, co` uíi` dseañu`ba` e ca'uúing` dseamí. 10 Jo uíi` e lajob` lí, jogui uíi` jaléng` ángeles quiá` Fidié`, joba` jaléng` dseamí 'né`ba` e quier` 'mi` dsí` fí` moguir` e laco` cuø` lí` e jmi`gór` dsea` mogui` quiá`r`. 11 Jo dsu` jee` jaléng` dsea` quiá` Dsea` Jmáang` 'neám` rúng` dseañu` cóo`gui` dseamí, co` ja` ee` quí`r` jmi` jmér` la` tñiñ` yaaiñ`. 12 Jo nañi` fa` e

jáb' e la'eáang' dseañu'ba' e ca'uíng' dseamî lamî uing~, jo dsu' e jáb' cajo e la'eáang' dseamîba' e liseeng' dseañu'. Jo lajaléb' e jo Fidié'bing' i cagua' uing~ e lí' lajo.

13 Jogui 'nú', ¿jial fó'na? ¿Su guiá' osi ja' dseeng' é e ja' dsí' 'mi' fí' mogui~ jaléng' dseamî mi~ jmiféiñ' Fidié'? 14 Jo yee~baa' cuøng' lí' í' dsí'naa' e fi'ib' lí' e jaang' dseañu' séer' guir~ e licuee'. 15 Jogui dsu' quiá' jaang' dseamî coo' e jlob' lí' e séer' guir~ e licuee', dsuco' cangíiñ' quiá' Fidié' e cuee' guir~ e laco' jmaíñ' ta' e jo e lafa' jí' 'mi' fí' moguir~. 16 Jo song seeng' dsea' i iing~ nidsisí' júu' cuaiñ' quiá' e júu' la, joba' 'né' ñi'bre e o' jíi' jneaa'aa' o'gui dsea' quiá' Dsea' Jmáang' caguaang'gui quí' tñ'naa' e jmoo'naa' coo' 'lé'gui e jíé' e ja' røø' lí' cóo' e júu' la.

Laco' sí'í' 'né' jmó'naa' mi~ quiee'naa' i'naa' colíing~

17 Jogui lana, dsea' rú'naa', e júu' e nifí' i 'nú' la ofa' e nifá' a guiá' uii' quí'na'. Co' lí' e lí' lí' 'léeb' quí'na' mi~ seáang' rúng'na' e jmiféng'na' Fidié' e lafa' e nijmé' e guiá' quí'na'. 18 Jo la'uii' nifí' i 'nú' e nicasí' dsea' jnea' e ja' røø' siing~na' mi~ seáang' rúng'na' e jmiféng'na' Fidié'. Jo seab' mi~ jáb' líng' jnea' e júu' jo. 19 Co' 'nú' í' óo'na' e dseáng' 'né' e sitáang'na' tá' coo' 'lé', jo lajoba' niliñ' dsea' i dseáng' lajang' líng' dsea' quiá' Dsea' Jmáang'! 20 Jo uii' e lajob' jmoo'na', joba' mi~ seáang' rúng'na' e có'na' colíing~, ja' jmoo'na' fa' dseáng' e jmiguiéng' áa'na' Fí'naa' Dsea' Jmáang'. 21 Dsuco' mi~ nití' í' e nicø' 'nú' í'na', joba' seem' 'nú' e güijéem'ba' e có'na' í'na'. Jo uii' e jmoo'na' lajo, joba' i líng' 'nú' jo tíng'na' có'na' jíi' capí', jogui lajee' jo i líng' 'nú' jí'gui cartí' dsea' íim'ba'. 22 Jo dsu' 'nú', niseab' 'nú'na' lí' cuøng' u' có'na', joba' ¿jiali' jmoo'na' ja' jíi'na' jaléng' dsea' quiá' Dsea' Jmáang', jogui jiali' cuø'na' fi'í' jaléng' i dsea' i ja' sea' jíi' capí' quiá'? Jo uii' e lajob' jmoo' 'nú', joba' jíi' ja' ñii' ee' nifá' a uii' quí'na'. Co' dseáng' ja' íaang' dsii' cóo' jalé' e jmoo'na' do!

Mi~ gø' dsea' quiá' Dsea' Jmáang' colíing~ e laco' jmiguiéng' dsíir' dsea' do (Mt. 26:26-29; Mr. 14:22-25; Lc. 22:14-20)

23 Jo lab nifí' túu' 'nú' e júu' e ca'ling' jnea' quiá' Fí'naa' Dsea' Jmáang' lí' lajii' e nica'ée' e 'nú' lamî jéeng'gui e fé' lala: 'Ñia' ie' uøø' e cajáng' dsea' Fí'naa' Dsea' Jmáang', dsea' do catíiñ' iñí' 24 jogui cacuø'r' gui'máang' Fidié'. Jo mi~ cangí' jo, caffíiñ' jo cajíiñ' casí'r' dsea' quiá'r' lala: "Jó' o e iñí' la jo quié'na'. Dsuco' e lab ngúu' táan' e nijáa' a mi~ nijúun' n uii' dsee' quí'na'. Jo jmee'ba' laco' jíi' e jmoo'o' jmí' na e laco' nijmiguiéng' óo'na' jnea'." 25 Jo mi~ cangí' e cagø'r' e í' canuu' do, jo catíiñ' coo' cóo' e a~ jmí' mí' huíng' jø' jo cajíiñ': "E a~ dsí' e cóo' la guóng' júu' tigua' e 'má' e nijmé' Fidié' cóo' 'nú' la'eáang' cóo' jmi'øon' e nitú' mi~ nitán' n fí' dse' crúu'. Joba' laco' ya' mi~ ni'u'na' e jmí' e la a~ dsí' e cóo' la, jmee'ba' lajo e laco' nijmiguiéng' óo'na' jnea'." 26 Jo lajob' lí', co' laco' ya' mi~ có'na' iñí' quiá' Dsea' Jmáang' jogui mi~ ú'na' e a~ dsí' cóo' quiá'r' do, joba' jmiguiéng' óo'na' e cajúñ' fí' dse' crúu'. Jo lajob' 'né' jmée'na' cartí' mi~ nití' í' e nijáa'tur fí' jmigú' la calé' catú'.

Jial 'né' dø' dsea' e jmiguiéng' dsíir' Dsea' Jmáang'

27 Jo co' lajob' lí', joba' doñí' ii' dsea' i ja' jmoo' laco' catíng' e jmi'gór' Dsea' Jmáang' mi~ gø'r' iñí' quiá' dsea' do jogui mi~ í'r' e a~ dsí' cóo' quiá'iñ', joba' dseeb' éer' cóo' ngúu' táang' dsea' do jogui cóo' jmi'øoiñ'. 28 Joba' lajaang' lajaam' dsea' 'né' í' dsíir' jial líiñ' ná' gui e nidø'r' e iñí' do jogui ná' gui e ni'í'r' e jmí' e a~ dsí' e cóo' do. 29 Dsuco' song gø'r' jogui í'r' e jo e ja' í' dsíir' e guóng' e calí' cóo' ngúu' táang' Dsea' Jmáang', joba' lico' 'nóor' e nicuø' Fidié' ír' iihuí'. 30 Jo uii' e lajob' jmoo' 'nú', joba' fíim' 'nú' lana dsée'na' osi ua' í' áa'na' osi nicajúm'bi' é. 31 Jo faco' jang' í' dsí'naa' røø' jial lí'naa' ná' gui e niquiee'naa', joba' ja' ee' uing~ sea' e nicuø' Fidié' jneaa'aa' iihuí'. 32 Jo nañí' fa' cuø' Fidié' jneaa'aa' iihuí', dsu' jmóor' lajo e laco' ni'é'r' jneaa'aa' jial 'né' see'naa' fí' quinir~, jo lajoba' ja' ni'níiñ' jneaa'aa' ie' jo colíing' cóo' jaléng' dsea' i ja' cuíng' ír'.

³³ Jo co' lajob líí, dsea` rún'n, joba' mi~ seáng'~ rúng'na' e quiá'- e nicø'na', 'né- jøøm~ rúng'na' e laco' nicø'na' colíng~ lajaléng'na'. ³⁴ Jogui song i líng~ 'nú' eáang' jmi'aang-na', joba' guiá-gui quií-na' e jang'- nicø'ba' fí quií-na', jo lajoba' ja` nicuø' Fidiéé` 'nú' iihuí' uí' e ja` røø` jmoo'na' mi~ seáng'~ rúng'na' quiá'- e nicø'na'. Jogui jalé' e júu^ e jié' e cajmingí' gui' 'nú' jnea` do, mi~ niguiéé'túu fí na e ni'é'e 'nú', joguiba' moo~duu e~ nilí.

12

Jalé' e ngíng` dsea` e cuø' Jmiguí` quiá'- Fidiéé`

¹ Dsea` rú'naa' dsea` quiá'- Dsea` Jmáang-, e laba' iin~n e ñí' 'nú' guiá- cuaiñ~ quiá'- jalé' e ngíng` dsea` e cuø' Jmiguí` quiá'- Fidiéé`.

² Jogui 'nú' ñí'ba' guiá- e ie~ lami~ ja` mí líng'na' dsea` quiá'- Dsea` Jmáang-, joba' cuøb' fí yaang~na' e jmi'goo'na' jaléng' diéé~ i ja` fé'. ³ Jo co' lajob lami~ líng' 'nú', joba' lana iin~n e ñí'na' e jíí'~ jaang` dsea` i fé' la'eáang' cóo'~ Jmiguí` quiá'- Fidiéé` cuøøng` lí fé'r' jalé' júu^ 'lí' uí' quiá'- Jesús. Jogui lajobi cajo, jíí'~ jaang` dsea` cuøøng` lí fé'r' e Jesús líng' Fiir~ fíng song i dsea` í ja` fé'r' la'eáang' cóo'~ e bí e 'gøng' quiá'- Jmiguí` quiá'- Fidiéé`.

⁴ Jogui e laba' fíí-guí' 'nú', e jmiguiab' íng'~ sea` e cuøøng` lí íng' dsea` e tiiñ, dsu' lifa' jíí'~ Jmiguí` quiá'- Fidiéé`ba' e cuø' jalé' e jo. ⁵ Jogui jmiguiab' íng'~ ta~ sea` e cuøøng` lí jmé- dsea`, dsu' lifa' jíí'~ Fí'naa' Dsea` Jmáam-biñ' i cuø' jalé' e jo. ⁶ Jogui cajo jmiguiab' íng'~ sea` e tíng` dsea` jmóor, dsu' lifa' dseáng'- lajíí'~ 'ña' Fidiéé`bing' i jmóo` lajalé' e jo quiá'- lajaléng' dsea`. ⁷ Jo cuøb' Fidiéé` lajaang` lajaang` dsea` líng~ ee~ tiiñ e laco' cuø' lí e seeng` Jmiguí` quiá'- Fidiéé` cóo'r~, jo lajoba' ni'uíng- guiá- quiá'- lajaléng' dsea` quiá'- Dsea` Jmáang-. ⁸ Jo la'eáang' cóo'~ Jmiguí` quiá'- Fidiéé` i líng~ dsea` ngíiñ e tiiñ ngáiñ' cóo'~ jalé' e fé'r'; jogui i líng~gui cajo, la'eáang' cóo'~ e Jmiguí` doba' e ngíiñ e eáang' tiiñ` júu^ quiá'- Fidiéé`. ⁹ Jo i líng~ dsea` ngíiñ e la'eáang' cóo'~ e Jmiguí` do e ja' líiñ e quí' Fidiéé` jmí~ jmér- doñí' ee'; jogui i líng~ dsea` ngíiñ` cajo la'eáang' cóo'~ e Jmiguí` do e jmi'leáiñ- jaléng' dsea` dséé'~; ¹⁰ jogui i líng~gui dsea` ngíiñ e tiiñ e quí'r' jmí~ jmér- jalé' e dsigá` dsíí' dsea'; jogui i líng~gui dsea` ngíiñ e tiiñ` guiar' júu^ e íñ' quiá'- Fidiéé`; jogui i líng~gui dsea` ngíiñ` quiá'- Fidiéé` e ñir' su fé' i líng~ dsea` la'eáang' cóo'~ Jmiguí` quiá'- Fidiéé` osi la'eáang' cóo'~ jmiguí` quiá'- i 'lim' é; jogui i líng~gui dsea` ngíiñ e tiiñ` fé'r' jmí' e ja` ñir' jéeng'gui; jogui i líng~gui dsea` cajo ngíiñ e jmóor` júu^ e guøng' e júu^ e nicajíng'- i dsea` i nicafé' e jmí' do. ¹¹ Jo jíí'~ Jmiguí` quiá'- Fidiéé`ba' e jmóo` lajalé' e na, jogui e Jmiguí` job cajo e cuø' lajaang` lajaang` dsea` lí' jialco' í dsíí' e guiá-gui.

Lajalém' dsea` quiá'- Dsea` Jmáang- líiñ` lafa' jaam` dsea`

¹² Jo nañí' fa' jmiguiab' guotíi- dsea` sea, jo dsu' jaam` dsea` líiñ` cóo'~ jalé' e jo. Jogui lajob líng` Dsea` Jmáang- cajo. ¹³ Jo co' lajob líí, joba' lajalém' jneaa~aa' cajgáang-naa' jmí' la'eáang' cóo'~ jíí'~ Jmiguí` quiá'- Fidiéé` e laco' ni'uíng-naa' lafa' jaam` dsea`, nañí' si lí'naa' dsea` Israel osi ja` lí'naa' lajo, osi lí'naa' dsea` si'niing` i jmóo` ta~ osi ja` lí'naa' lajo é, jo dsu' lajalém'baa' cangíng-naa' e Jmiguí` quiá'- Fidiéé` do.

¹⁴ Jo dsu' lajaang` lajaang` jneaa~aa' jmiguiab' guotíi-naa' sea, lifa' jaam` dsea` lí'naa'. ¹⁵ Jogui song tii- dsea` nijíng'- lala: "Dsucø' ja` lín'n guoo', joba' ja` lín'n 'náan'~n quiá'- guotíi-." Jo dsu' o' uí' e ja` líng' lajo fa' nijé- e jo` lí' 'náang'~ guotíi- dsea`. ¹⁶ Jogui song logua~ dsea` nijíng'- lala: "Dsucø' ja` lín'n jmini~, joba' ja` lín'n 'náang'~ quiá'- guotíi-." Jo dsu' o' uí' e ja` lí' lajo fa' e nijé- e jo` lí' 'náang'~ quiá'- guotíi- dsea`. ¹⁷ Jogui fa' jíí'~ jminib' dsea` sea, joba' ¿jial cuøøng` lí' e ninúr-? Jogui fa' dseáng'- jíí'~ loguab~ dsea` sea, joba' ¿jial cuøøng` e nicár` jmea'? ¹⁸ Jo dsu' Fidiéé` nicajméer lacoø` guotíi- dsea` jogui nicaséer e jo lacoø` éé` quiá'- jie` lí' ñir' e guiá-gui nilí'íng` ta~ quiá'- dsea`. ¹⁹ Jo facø' ca'ím'~ guotíi- dsea` sea, joba' ja` seeiñ` jóng. ²⁰ Jo dseáng'- e jáb'- e jmiguiab' guotíi- dsea` sea, jo dsu' jaam` dsea` líiñ` cóo'~ lajalé' e jo.

²¹ Jo cò' lajob lí', joba' jmini~ dsea` ja` cuøøng` e nijíng' e nisí' guoo: "Ja` 'neán`n` 'nũ", o'gui mogui~ fa' e nijíng' e nisí' tii~: "Ja` 'neán`n` 'nũ". ²² Co' dseáng' o' lajo, co' jalé' guotii~ dsea` e í dsíir' e ja`gui niing~, e joba' e eáang'gui 'né~. ²³ Jogui jalé' guotii~ dsea` e ja` 'ga' lí' jí'r~, e joba' e eáang'gui qui'r' røø. Jogui jalé' e guotii~ dsea` e í dsíir' e eáang'gui ga` jnéeng~, e joba' e eáang'gui tiiing' jmaíñ' guiá~, ²⁴ jo dsu' ja` ngii~ lí' 'né~ jmé~ dsea` lajo còo' e guotii~ e guiá~gui jnéeng~. Jo dsu' Fidié~ cajméer` e lacò' e guotii~ dsea` e eáang'gui ja` jí'r~, e joba' e eáang'gui nijmeáñ' guiá~. ²⁵ Jo lajob` 'né~ lí' e lacò' ja` si'naang` quiá'~ rúng' jalé' guotii~ dsea`, co' lí' lí' 'né~ e lacòob` guotii~ dsea` 'né~ jmé~ í` quiá'~ rúng'. ²⁶ Jo song e líing~ guotii~ dsea` íng' iihuú, joba' lajaléb' e caguiee~gui do íng' cajo; jogui song e líing~ guotii~ dsea` eáang'gui jmáng' dsea` guiá~, joba' lajaléb' e caguiee~gui do lí'íáam` dsí' cajo.

²⁷ Jogui lana fá' a e lajalém' 'nú' líing'na' lafa' jaam` dsea` còo' Dsea` Jmáang~, jogui lajaang` lajaam`ba' líing'na' lafa' jmacò' guotii~ dsea` do. ²⁸ Jo Fidié~ nicali'íiñ~ e jee~ jaléng' dsea` quiá'r~ seeng` la'uii~ dsea` apóo` i` sítng` Dsea` Jmáang~ i` nijmé~ ta~ ni' júu` quiá'r~; jogui lí' catí' tú~ i` dsea` i` fé' cuaiñ~ quiá'~ Fidié~; jogui lí' catí' 'ní' jaléng' dsea` i` tiiing` e` júu` quiá'~ Fidié~; jogui ngí' jo jaléng' i` dsea` i` quii~ jmi~ jmóo` jalé' e dsigá` dsí' dsea`; jogui jaléng' i` dsea` i` jmi'leáang~ jaléng' dsea` dsée'~; jogui jaléng' i` dsea` i` jmicòo'~ jaléng' dsea` rúng' còo'~ jalé' e 'néiñ'~; jogui jaléng' i` dsea` i` quie` nifí' quiá'~ jaléng' dsea` quiá'~ Dsea` Jmáang~; jogui jaléng' i` dsea` i` fé' jmi' e ja` ñir` jéeng'gui. ²⁹ Jo dsu' ja` lajaléng' dsea` líiñ' dsea` i` sítng` Dsea` Jmáang~ i` nijmé~ ta~ ni' júu` quiá'r~, o'gui lajaléng' dsea` jmóor` ta~ fé' cuaiñ~ quiá'~ Fidié~, o'gui lajaléng' dsea` tiiñ` er` júu` quiá'~ Fidié~, o'gui lajaléng' dsea` quii~r~ jmi~ e jmóor` jalé' e dsigá` dsí' dsea`, ³⁰ o'gui lajaléng' dsea` quii~r~ jmi~ e jmi'leáaiñ~ jaléng' dsea` dsée'~, o'gui lajaléng' dsea` lí'r` fé'r` jmi' e ja` ñir` jéeng'gui, o'gui lajaléng' dsea` fa' quii~r~ jmi~ e nigui'r~ e` guøng' e jmi' do. ³¹ Jo dsu' 'nú' 'né~ e jmi'úung'na' e niñíng'na' e lali~ e jlo'gui e cuø' Jmiguú' quiá'~ Fidié~.

Jogui lana ni'ée` e 'nú' còo' fí' dseáng' e jlo'gui eáang'.

13

Jial lí' mi~ 'neáang` dsea` rúñ'

¹ Jogui song jnea~ cangín`n` quiá'~ Fidié~ e fá'a jalé' jmi' e fé' dsea` jmigüi` e ja` mí' cuii` jéeng'gui, jogui j'gui fá'a e jmi' e fé' jaléng' ángeles quiá'~ Fidié~, jo dsu' ja` jmi'neáan`n` jaléng' dsea` rún'n, joba' líin`n` jóng` lafa' mi~ ii` ñí` osi mi~ ii` ñí` chii` e ta' mii~ eáang` mi~ ii` bá. ² Jogui song jnea~ ngín`n` quiá'~ Fidié~ e fá'a júu` e íin`n` quiá'r~, jogui ñii~ jalé' e í dsíir' e nijmér~ cøøng'gui, jogui eáang' tiiñ` ngán'n, jogui dseáng' e lajam`-ba' ja` líin`n` júu` quiá'r~ co' quii~baa jmi~ jmee~ e nilisítng` ée` quiá'~ jalé' mó', jo dsu' ja`gui 'neáan`n` jaléng' dsea` rún'n, joba' ja` ee` quíing` quie~ e jíi~ coo' jalé' e jo. ³ Jogui song jnea~ jmóo`baa jmá' jia jee~ jaléng' dsea` tiñíng~ lajii~ e sea` quie~e, jogui song la quie'gui tí' 'ñiá'baa nijáang'~ 'ñiá'a fí' ni~ jí, jo dsu' ja`gui 'neáan`n` jaléng' dsea` rún'n, joba' e jo ja` ee` ta~ íing` quie~e jíi~ coo'.

⁴ Jo mi~ jmi'neáang` dsea` dsea` rúñ' e jo lí' e jmóo`bre féng' dsíir', jogui e eáam' guiá~ dsíir', jogui ja` jmóor` dsihuúñ', jogui ja` jmi'jlong'` ñia'r', jogui ja` jmiráang~ 'ñia'r', ⁵ jogui ja` jmóor` soo` dsíir', jogui o' jíi~ uii~ quiá'r~ 'ñia'r' í dsíir', jogui ja` 'ní' dsíir' o'gui iu~ dsíir' fíng` song ee`go cajmeáang' dsea` ír', ⁶ jogui ja` jmi'íáang` dsíir' còo'~ jalé' e ga` e jmóo` dsea`, jo dsu' jmi'íáam` dsíir' mi~ jmóo` dsea` e guiá~. ⁷ Dsucò' mi~ 'neáang` dsea` rúñ', e jo lí' e ja` ni'r` júu` mi~ ii` dsea` rúñ' jmóo` ga, jogui ta~ dsíir' còo'~ dsea` rúñ', jogui jmang' e guiáb~ sijeeiñ` quiáñ' do, jogui jmóo`bre té'r` mi~ jmáng' dsea` ga` ír'.

⁸ Jo dsu' e 'neáang` dsea` rúñ' ja` tóo` jmi~ fa' e ni'íing~. Jo dsu' tóob` jmi~ e nité' e júu` e fé' dsea` e íñ' quiá'~ Fidié~, jogui lajob` cajo e tiiing` fé' dsea` jmi' e ja` ñir` jéeng'gui, jogui cajo jo` nili'né~gui jalé' e tiiing` ngáng' dsea`. ⁹ Dsucò' jalé' e tiiing` ngáng' dsea` jogui jalé'

júu^ e fé' dsea` e íñ' quiá'- Fidié~ ja` ié' jalé' e jo. ¹⁰ Dsu' mi~ nitá' í' e nijmi'ié' Fidié~ lajalé', joba' niguiáb' lajalé' e ja` ca'ie' do.

¹¹ Co' jnea~ ie~ lami~ jiuun~n do, la fé' jaang` jiuun~ fá'a, jogui í' dsii- la í' dsí' jaang` jiuung~ jogui lajob jmóo'o cajo. Jo dsu' mi~ cacuan~n, cab' casee~ e lajalé' e jo e jmóo' jaang` jiuung~. ¹² Jo dsu' lanagui ja` ne~naa' røø' jial lí' lajalé', co' lí' lafa' mi~ jøøng~ yee~naa' fí' ní' espejo e ja` 'goo` jnéeng~. Jo dsu' niguiéeb' jmíi~ mi~ niline~naa' jial dseáng'- lí' lajalé'. Co' lana jalé' e tiin~ ngán'n ja` mí' ñii' dseáng'- la'ie' jial lí', jo dsu' niguiéeb' jmíi~ mi~ niliñii~ jial dseáng'- lí' lajalé' lí' laco' la cuíng` Fidié~ jnea~.

¹³ Jogui dsu' 'ní' íing' jjí~ sea` e ja` tóo' jmíi~ fa' ní' íing~, jo e lab e jo: e já' lí'naa' júu^ quiá'- Dsea` Jmáang~, jogui e nita~ dsi'naa' cóo'r~, jogui e jmi'neáng'naa' rú'naa'. Jo dsu' e jmi'neáng'naa' rú'naa' do, e job e niing~ gui eáang' lajee~ laji' e 'ní' na.

14

Jial mi~ ngúng` dsea` e fé'r` jmí' e ja` ñir` jéeng`gui

¹ Joba' fíi-guú' 'nú', dsea` rú'naa', jmi'úung'na' e nijmi'neáng'na' rúng'na', jogui jmee'na' quijí~ e niñíng'na' jalé' e cuø' Jmiguú' quiá'- Fidié~ e tiing` dsea', dsu' lifa' dseáng'- la guíng`gui eáang' e niñíng'na' e tiing'na' fó'na' júu^ e íng'na' quiá'- Fidié~.

² Dsaco' i dsea` i cangúng` e fé'r` jmí' e ja` ñir` jéeng`gui, Fidié~bing' i féiñ' jo o' dsea' jmigúí, co' jjí~ jaang` dsea` jiéng' ngáng' e jmí' do. Jo i dsea` do fé'r` e jmí' do la'eáang' cóo'~ Jmiguú' quiá'- Fidié~, jo jalé' e fé'r` do ja` mí' cajmijnéeng` Fidié~ lami~ jéeng`gui.

³ Jo dsu' i dsea` i cangúng` e tiinñ` fé'r` jalé' e júu^ e íñ' quiá'- Fidié~ jmóor` lajo e laco' jmicóo'r~ e teá'gui nisíng'- dsea` cóo'~ júu^ quiá'- Dsea` Jmáang~, jogui e laco' nicuø'- reiñ' bí, jogui cajo e laco' nijmití'r~ dsíiñ'. ⁴ Jogui i dsea` i fé' jmí' e ja` ñir` jéeng`gui, jjí~ quiá'r~ 'ñia'bre jmicóo'~ jalé' e jo e laco' teá'gui nisíñ' cóo'~ júu^ quiá'- Dsea` Jmáang~. Jo dsu' i dsea` i cangúng` e tiinñ` fé'r` jalé' júu^ e íñ' quiá'- Fidié~, jmóor` lajo e laco' jmicóo'r~ e teá'gui nisíng'- i dsea` rúíñ' caguaang~gui cóo'~ júu^ quiá'- Dsea` Jmáang~.

⁵ Jo eáam' íing~ jnea~ e lajim` 'nú' tiing'na' fó'na' jmí' e ja` cuí'na' jéeng`gui, dsu' lifa' eáang`gui íing~ jnea~ e tiing'na' fó'na' jalé' júu^ e íng'na' quiá'- Fidié~, co' e joba' eáang`gui niing~ laco'gui e fó'na' jmí' e ja` ñí'na' jéeng`gui. Jo dsu' song seem`bi dsea` i nijmé~ júu^ e guøng' e fó'na', jo lajoba' teá'gui nisíng'-na' cóo'~ júu^ quiá'- Dsea` Jmáang~.

⁶ Jo uí' e lajob lí', dsea` rú'naa' dsea' quiá'- Dsea` Jmáang~, joba' ja` ee' ta~ nili'íng^ quií'na' jjí~ cóo' e jnea~ ngóo'o ní'ee' e 'nú' jo ní'fón'^n 'nú' cóo'~ jmí' e ja` ngáng'na'. Jo dsu' eáam' nili'íng^ ta~ quií'na' song ní'fí' i 'nú' lajji~ e nicajmijnéeng` Fidié~ lafa' mi~ quií~, osi e ní'ée^ e 'nú' jalé' e tiin~ ngán'n, osi e ní'fí' i 'nú' jalé' e júu^ e íin'~n quiá'r~, osi líng~ ee' ní'ée^ e 'nú' é.

⁷ Jo lajob lí' cajo cóo'~ lí' doñí' ee' lúu' e bó' dsea` osi e jíuúr~ é, co' song ja` røø' bó'r` osi jíuúr~ lacoø' lacoø', joba' ja` quí'~ jmíi~ e nilicuí' dsea` e e bó'r` do. ⁸ Jogui fa' coø' jee~ 'nií', co' song ja` røø' nijíuúr~ dsea` lúu' trompé' e laco' nicuø' lí' e nináng' e 'nií' do, joba' jjí~ jaang` dsea` nililí'r^ e ní'né~ guiéng~ guiá~ yaaiñ~ e quiá'- nináng' e 'nií' do. ⁹ Jo lajob lí' cóo'~ 'nú' cajo, co' song ja` fó'na' júu^ e laco' ningáng' dsea` rúng'na', joba' ¿jial ningáiñ' lajji~ e fó'na' do? ¿Co' mi~ jmoo'na' lajo, joba' lafa' fó'na' fí' guiá' güi! ¹⁰ Jo dseáng'- e jáb'~ e jmiguiáb' jmí' fé' dsea' la'úng~ fí' jmigúí, lifa' lacoø' jmí' e fé' dsea' seab' líng~ uiing~ quiá'- . ¹¹ Jogui song jnea~ ja` ñii' e e guøng' e júu^ e sí' dsea' jnea~, joba' jnea~ lín'n lafa' jaang` dsea` i jáa' fí' lí' huíib~ quiá'- i dsea` i féng' jnea~ do, co' ja` ngán'n jmí' quiá'r~, jogui lajob lí' jnéng' jnea~ quiá'- i dsea' í' cajo, co' ja` ngáiñ' jmí' quié~ e. ¹² Jo co' 'nú' jmoo'na' quijí~ e oo~na' jalé' e cuø' Jmiguú' quiá'- Fidié~, joba' jmi'úung'na' e niñíng'na' lalíng' jalé' e nili'íng^ ta~ quiá'- e laco' teá'gui nisíng'na' cóo'~ júu^ quiá'- Dsea` Jmáang~.

¹³ Jo jaléng' dsea` i cangúng` e fé'r` jmí' e ja` ñir` jéeng`gui, joba' 'né' mí'r~ Fidié~ e nijmicóo'~ dsea` do quiá'r~ e laco' nisí'r~ dsea' rúíñ' e guøng' e júu^ e fé'r` do. ¹⁴ Co' song jnea~ fón'~n Fidié~ cóo'~ jmí' e ja` ñii' jéeng`gui, jo dsu' jmóo'o lajo la'eáang' cóo'~ jmiguú'

quíe-baa, lifa' jii' ñiá'baa jaa e ja' ee' ngán'n lajii' e fá'-a do. ¹⁵ Jo co' lajob líí', joba' mi' fón'-n Fidié', 'né- jmée'e lajo cóo' jmiguí' quié-baa, jogui dsu' 'né- ngám'baa cajo lajii' e fá'-a do. Jogui mi' øø- e jmifén'n Fidié', 'né- øø cóo' jmiguí' quié-baa, jogui dsu' 'né- ngám'baa lajii' e øø- do cajo. ¹⁶ Dsuo' song 'na' jmifén' Fidié' cóo' lajii' jmiguí' quií'-, jo dsu' lajee' jo ninú- jaang'gui dsea' i ja' mí' ngáng' e júu^ e fó' do, joba' i dsea' í ja' cuøøng' nisí'r' Fidié' e lajob nilí, dsuo' ja' ngáin' lajii' e júu^ e fó' do. ¹⁷ Jo jangám-, eáam' jlo' e júu^ gui'máang' e cuø' Fidié' do, jo dsu' song ja'gui ngáng' i dsea' i núu' do, joba' ja' e jmicóo' quiá'r- jii' coo' fa' e nidsicuáng'gui quiá'r- cóo' júu^ quiá'- Dsea' Jmáang-. ¹⁸ Jo cuøø-ø gui'máang' Fidié', dsuo' eáang'gui tiiñ- fá'a jmí' e ja' ñii- jéeng'gui laco'gui lajaléng' 'nú'. ¹⁹ Jo dsu' lacaang' jee' lí' seáng' dsea' quiá'- Dsea' Jmáang-, eáang'gui iin' n fón'^nre cóo' tú- 'ní' mí' júu^ e laco' ngáin' e lafa' e nifón'^nre cóo' jmiguí' júu^ cóo' jmí' e dseáng'- ja' ngáin'.

²⁰ Jo fii-guú' 'nú', dsea' rú'naa', e ja' í' áa'na' laco'gui í' dsíí' jaang' jiuung-, co' 'né- líng'na' lafa' jaang' jiuung- cóo' lajalé' e ja' dseeng', jo dsu' la í' dsíí' jaang' dsea' féng' 'né- í' áa'na'. ²¹ Jo lalab fé' Fidié' í' ní' jii' quiá'r-: "Nifón'^n jaléng' dsea' Israel cóo' jmí' e ja' ngáin' jogui nisín'^n dsea' i ja' líng' dsea' Israel e laco' niguiar' júu^ quié- e jee' jaléng' ír', jo dsu' ja' já'- nilím'bir jnea-." Jo lanab jii' fé' Fí'naa' Fidié' í' ní' jii' quiá'r-.

²² Jo co' lajob líí', joba' mi' fé' dsea' jmí' e ja' ñir' jéeng'gui, e jo cuø' cóo' lí' quiá'- jaléng' dsea' i ja' líng' dsea' quiá'- Dsea' Jmáang- jo o' quiá'- jaléng' i líng' dsea' quiá'- Dsea' Jmáang-. Jo dsu' mi' fé' dsea' jalé' júu^ e íñ' quiá'- Fidié', e jo cuø' cóo' lí' quiá'- jaléng' dsea' quiá'- Dsea' Jmáang- jo o' quiá'- i dsea' i ja' líng' lajo. ²³ Dsuo' faco' lajee' e siseáng' jaléng' 'nú', dsea' quiá'- Dsea' Jmáang-, e jmiféng'na' Fidié', jo teáng'na' fó'na' jmí' e ja' ñí'na' jéeng'gui, jo lajee' jo ní' í' fi' jo jaang' dsea' i ja' mí' ní' e'gui e fó'na' do, osi jaang' i ja' mí' já'- líng' júu^ quiá'- Dsea' Jmáang- é, joba' i dsea' í' ní' dsíir' e ja' røø' lí'ba'. ²⁴ Jogui song lajiiim' 'nú' fó'na' jalé' júu^ e nica'íng'na' quiá'- Fidié' jo lajee' jo ní' í' jaang' dsea' i ja' mí' já'- líng' júu^ quiá'- Dsea' Jmáang- osi jaang' i ja' mí' ní' e'gui e fó'na' do, jo dsu' mi' ninú- i dsea' do e júu^ jo, joba' dsifí' lajob ní' í' dsíir' e røøm'bre dsee-, jogui 'ña'bre ní' í' dsíir' jial líiñ' mi' ninúr- lajii' e fó'na' do. ²⁵ Jo mi' ninúr- jalé' e júu^ do, joguiba' nilí' r' guiá- jial dseáng'- líiñ', jo job mi' nisí'r' uø- jnir- e nijmiféin' Fidié', jo joguiba' nijá'- líiñ' e dseáng'- lajam'ba' seeng' Fidié' jee' lajaléng' 'nú'.

Jmee'na' røø' lajii' e cat#ng-na'

²⁶ Jo co' lajob líí', dsea' rú'naa' dsea' quiá'- Dsea' Jmáang-, joba' fii- i 'nú' e júu^ la, e mi' seáng'na' e jmiféng'na' Fidié', i líng' 'nú' cuøøng' lí' ó'na' e jmiféng'na' Fidié', jogui i líng' 'nú' cuøøng' lí' é'na' dsea' júu^ quiá'- dsea' do, jogui i líng' 'nú' cuøøng' lí' fo'na' jalé' e nica'e' Fidié' lafa' mi' qui'na', jogui i líng' 'nú' cuøøng' lí' fo'na' jmí' e ja' ñí'na' jéeng'gui, jogui i líng'gui 'nú' cuøøng' lí' fo'na' e' guøng' e jmí' do. Jo dsu' lajalé' e jo 'né- jmée'na' e laco' nidsicuáng'gui quií'-na' cóo' júu^ quiá'- Dsea' Jmáang-. ²⁷ Jo mi' fé' dsea' jmí' e ja' ñir' jéeng'gui, cuøøm' lí' fé' gáng- dsea' osi gaang' dsea' e jmí' do, jo dsu' lifa' 'né- e tá'- jam' nijmé- lajo; jogui cajo i líng' 'nú' 'né- jmée'ba' júu^ e' guøng' e jmí' do. ²⁸ Jo song ja' seeng' dsea' i nijmé- júu^ e' guøng' e jmí' do, joba' guiá'-gui quií'-na' e ja' nifo'ba' e jmí' e ja' ñí'na' jéeng'gui do í' lí' seáng' rúng'na', jo lí' féeng'na' Fidié' la tíng'na' yaang'na' e ja' núu' dsea' jéeng'.

²⁹ Jo lajob cajo, song seeng' dsea' i fé' jalé' júu^ e íñ' quiá'- Fidié', joba' güifé'bre gáin- osi gaain' é, jogui jaléng' dsea' i núu' jalé' e júu^ jo, güi' b- dsíir' cuaiñ- quiá'- e júu^ jo. ³⁰ Jogui song Fidié' líng' ee' ca'e'r' jaang'gui dsea' lafa' mi' quiñ' lajee' e fé' b' i dsea' i ca'íng' e júu^ do, joba' guiá'-gui e niquiú'm' i dsea' i fé' e júu^ e ca'íñ' quiá'- Fidié'. ³¹ Jo lajoba' lajaang' lajaang' i dsea' i fé' júu^ e íñ' quiá'- Fidié' 'né- jém-bre e nitíñ- cuaiñ- quiá'r-, jo lajoba' lajiiim' dsea' ninúr- e júu^ jo e laco' nilíñir' jogui e nicuø' gui bí' yaaiñ-.

³² Co' i dsea' i fé' jalé' júu^ e íñ' quiá'- Fidié' 'né- qui'bre jmí' e nijéin- cartí' nitíñ-

e nifé'r'. ³³ Jo lajob 'né, co' Fidiéeb' dsea` cuør' e seeng` dsea` juguiá- júu^ røø, jo dsu' ja` iĩñ e eáang' ta' dsea` mĩ~ e jíĩ~ ja` ñí dsea` jnang` i fé'.

Jo lí^ laco' quí- tĩng` dsea` quiá- Dsea` Jmáang-, ³⁴ e jaléng` dseamf` ja` cuøøng` fé'r` fí` quini` dsea` mĩ` tí` í' e seáng' dsea` e jmiféiñ' Fidiéé, dsuco' ja` catĩng- fa' e nijmér- lajo. Co' 'né- jmi'gór` dseañu' quiá- lí^ laco' fé' fí` ní` júu^ quiu' ta` quiá- Fidiéé. ³⁵ Jogui song jaang` dseamf` lĩng` ee` ja` cangáĩñ', joba' guiá- gui e nijmingí'r- dseañu' quiá'r- fí` 'núu, dsuco' ja` catĩng- e jaang` dseamf` nifé'r` fí` quini` dsea` lajee` e siseáng' dsea` quiá- Dsea` Jmáang- e jmiféiñ' Fidiéé.

³⁶ Jogui téé` áa'na' e o' cóo'~ 'nú' canaang` uing` júu^ quiá- Dsea` Jmáang-, o'gui jíĩ~ 'nú' cajo dsea` i nica'ling` e júu^ jo. ³⁷ Jogui song i lĩng` 'nú' í` áa'na' e cangĩng`na' e tĩng`na' fól'na' cuaiñ~ quiá- Fidiéé, osi í` áa'na' e cangĩng`na' e tĩng`na' e jíé'gui é e cuø Jmiguĩ quiá- Fidiéé, joba' 'né- ta` óo'na' e jalé' e júu^ e jmo' jnea` la lí' júu^ ta` huí' quiá- Fí'naa' Dsea` Jmáang-. ³⁸ Jogui song i dsea` í` ja` já- líiĩñ e lí' lajo, joba' ja` 'né- já- líng`na' e lĩng` ee` cangĩĩñ e cuø Jmiguĩ quiá- Fidiéé.

³⁹ Jo co' lajob lí', dsea` rú'naa' dsea` quiá- Dsea` Jmáang-, joba' fĩ- i 'nú' e jmi'úung`na' e niĩning`na' e nifo'^na' jalé' júu^ e íng`na' quiá- Fidiéé, jogui cajo ja` jnĩng`na' quiá- dsea` rúng`na' e nifé'r` jmi' e ja` ñir` jéeng`gui. ⁴⁰ Jo dsu' lajalé' e jo 'né- jmée`na' røø lí' laco' catĩng-.

15

Jial mi~ caji'tu Dsea` Jmáang-

¹ Jo lanagui, dsea` rú'naa' dsea` quiá- Dsea` Jmáang-, iin~n e nijmiguiéng' áa'na' cuaiñ~ quiá- e júu^ e quiá- jial laang` dsea` jee~ jalé' dsee- quiá'r- e nicaguiá'a jee~ 'nú'. Jo e júu^ job e nica'ling`~ 'nú', jogui cajo eáam` teáang`na' teá` cóo'. ² Jogui lajobi cajo, la'eáang' cóo' e júu^ job e nicaláang` 'nú' jee~ jalé' dsee- quiá-na', jo lajob lí' song ja` niquing`tu' tucang`na' calé' catú-; dsuco' song cajmee`na' lajo, joba' ja` ee` ta` cali'ling` quiá-na' jóng lajíĩ~ e nijá- calíng`na' do.

³ Jo nica'ée- baa 'nú' lajalé' júu^ e nica'íin`n, jo e lab e júu^ jo e niing`gui: Dsea` Jmáam`bing` i cajúng- uíi~ jalé' dsee- quiá-na' lí' laco' la fé' fí` ní` jí` quiá- Fidiéé. ⁴ Jo mi~ cangf` e cajúĩñ-, joba' ca'áiĩñ-, jo dsu' mi~ catf` 'ní` jmĩ~ lajo, cajíb'tur calé' catú- lí' laco' la fé' fí` ní` jí` quiá- Fidiéé cajo; ⁵ jo la'uii~ cajmijnéeng` 'ñia'r' fí` quini` Tú` Simón, jo mi~ cangf` jo, cajmijnéeng` 'ñia'r' fí` quini` dsea` guitúung` quiá'r-. ⁶ Jo mi~ cangf`gui lajo, cajmijnéeng` 'ñia'r' fí` quini` i lí'gui lí' lí' 'ñia` ciento dsea` quiá'r-, jo i lĩng` i dsea` í` nicajúm`bre, jo dsu' i fĩm`bi seeng` lana. ⁷ Jo mi~ cangf` jo, cajmijnéeng`gui 'ñia'r' fí` quini` Tiáa~, jo mi~ cangf` jo, cajmijnéeng` 'ñia'r' cajo fí` quini` jaléng' i dsea` caguiaang`gui i sũĩñ` cuaiñ~ quiá'r-.

⁸ Jo tí` lí` dséng`gui cajmijnéeng` 'ñia'r' fí` quini-, jnea~ dsea` lín`n lafa' jaang` jiuung` i caliséng` nú- gui e catf` í' lajo. ⁹ Jo jnea~ lín`n jaang` dsea` i ja` niing` jíĩ~ capí' jee~ lajaléng' i dsea` i síng` Dsea` Jmáang- cuaiñ~ quiá'r-, jo dseáng'- ja` catĩm`baa fa' e nilisii- lajo uíi~ e lamĩ~ jéeng`gui gab` cajmeáan`n jaléng' dsea` quiá- Dsea` Jmáang-. ¹⁰ Jo oo- e ta~ oo- la dsu' uíi~ e eáang' guiúng- Fidiéé cóo' jnea~. Jo e guiúĩñ` cóo' jnea~ do eáam' nicalí'ling` ta~, co' jnea~ eáang`gui nicacuø' dsii- cóo' e ta~ e jmóo'o la lí' laco'gui i dsea` caguiaang`gui do. Jo nañí` fa' o' jnea~re dsea` nicajmé- e lajo, co' Fidiéeb' dsea` nicajmicóo' jnea~ uíi~ e eáang' guiúĩñ` cóo' jnea~. ¹¹ Jo dsu' ja` e lingĩ- su nicajmé- jnea~ e ta~ jo osi nicajméé` jaléng' i dsea` í` é, co' conrøøb` guia`naa' e júu^ jo, jogui e júu^ job cajo e já- nicalíng`na' do.

Mi~ nijí'tu jaléng' 'lii~

¹² Jogui jnea'^` guia`naa' júu^ cuaiñ~ quiá- e caji'tu Dsea` Jmáang- mi~ cangf` e cajúĩñ-. Joba' jzjali' seeng` i lĩng` 'nú' i fé' e o' já- e nijí'tu jaléng' 'lii'? ¹³ Dsuco' faco' ja` jí'tu

jaléng' 'lii~, joba' o' já' e cají'tu Dsea` Jmáang-. 14 Jo co' faco' ja` cají'tu Dsea` Jmáang-, joba' e júu^ e guia` jnea'^ jee~ 'nú' ja` ee` quíng' jii~ coo~, jogui cajo ja` ee` quíng' jii~ coo` e já' nicalíng-na' júu^ quiá'- dsea` do. 15 Jogui faco' e ja` já' e jí'tu jaléng' 'lii~, joba' jnea'^ lico' lí'naa' dsea` i` jmigóob`. Co' guia'naa' júu^ e Fidiéeb` dsea` cajmijí'tur Dsea` Jmáang-, jogui e o' já' e cajmijí'tur faco' dseáng'- já' e jo` jí'tu jaléng' 'lii~. 16 Jogui faco' ja` jí'tu jaléng' 'lii~, joba' ja` cají'tu Dsea` Jmáang- cajo. 17 Jogui faco' ja` cají'tu Dsea` Jmáang-, joba' ja` quíng' jii~ coo` quí-na' e já' líng-na' júu^ quiá'r-, jogui cajo quím'bi' jee~ jalé' dsee- quí-na' lana. 18 Jogui faco' lajo lí', joba' jaléng' dsea` quiá'- Dsea` Jmáang- i` nicajúng- lamí~ jéng'gui, fí lí' líb'^ nicangolíiñ jóng. 19 Jogui song lico' íng^ ta~ quí-naa' jii~ fí` jmigü' lab e lí'naa' dsea` quiá'- Dsea` Jmáang-, joba' e ngí~ fíib^ jneaa~aa' jee~ jaléng' dsea`.

20 Jo dsu' dseáng'- e jáb'- e cají'tu Dsea` Jmáang- mi~ cangí e cajúñ-. Co' íbing' i` cají'tu la'uii~ jee~ jaléng' dsea` quiá'r- i` nijí'tu mi~ nití- í' lajo. 21 Jo co' uíi~ jaang` dseañu^ e caliseá' 'mó- fí` jmigü' la, jogui lajobi cajo uíi~ jaang'gui dseañu^ e nijí'tu jaléng' 'lii~ mi~ nití- e í' jo. 22 Jo lajob lí', dsuco' uíi~ e líng' dsea` dsea` siju` Adán, joba' tiiñ- 'mó- lajaléiñ-. Jogui lajobi cajo, la'eáang' e nilí'naa' dsea` quiá'- Dsea` Jmáang-, joba' nijí'tu tu' e laco' nilisee-naa' cøong` cõo~ Fidié'. 23 Jo lajob nilí, lífa' nijí'tu dsea` lí' laco' jii~ e sí'í; co' Dsea` Jmáam-biñ' i` la'uii~ i` cají'tu, jogui mi~ nijáa'tur calé' catú- fí` jmigü' la, joguiba' nijí'tu jaléng' dsea` quiá'r-. 24 Jo mi~ ningí jo, joguiba' nití- í' e ni'íng- jmigü'. Co' ie~ jo Fí'naa' Dsea` Jmáang- ni'íiñ- bí quiá'- jaléng' dseata~ niing- cõo~ gui bí quiá'- jaléng' i` líng'^ i` quíu' ta~, jo joguiba' nijá'r' fí` jaguó Tiquí'ii' Fidié' lajalé' e née' nir~ lana. 25 Co' dseáng'- 'né- e néeb' ni~ Dsea` Jmáang- lajalé' cartí mi~ niguiéng- Fidié' fí` uii~ tii- dsea` do lajaléng' i` 'ní' ní- quiá'r-. 26 Jo Fidié' ni'íiñ- 'mó- tí lí' dséng'gui, co' e job e 'ní' ní- do. 27 Jo lajalé' niguiá- Fidié' fí` uii~ tii- Dsea` Jmáang-. Jo mi~ jíng- Fidié' e niné- lajalé' fí` uii~ tii- Dsea` Jmáang- dsu' ofa' éeng' 'ñia'r' cajo, dsuco' 'ñia'bre dsea` nijméer' e niné' lajalé' do fí` uii~ tii- dsea` do. 28 Jo mi~ nicató' e niné' fí` uii~ tii- Dsea` Jmáang- lajalé', joguiba' nijáng' Dsea` Jmáang- 'ñia'r' fí` jaguó Tiquí'a'r' Fidié', co' íbing' i` nicaguia' lajalé' fí` uii~ tii- dsea` do. Jo lajoba' jii~ Fidiéeb` dsea` nicár' nifí' quiá'- lajalé'.

29 Jo song í' óo' 'nú' e ja` jí'tu jaléng' 'lii~, joba' çjiali' i` líng- 'nú' cajgáang-na' jmii' cuaiñ- quiá'- jaléng' 'lii~? ¿Jogui e~ uing~ quiá'- e jmoo'na' lajo song í' óo'na' e ja` jí'tu jaléng' 'lii~ mi~ nití- í' lajo? 30 Jogui faco' ja` jí'tu jaléng' 'lii~, joba' çjiali' contøng- dseáng- seeng- jnea~ fí` jmigü' la? 31 Jo lajob lí', dsea` rú'naa' dsea` quiá'- Dsea` Jmáang-, co' laco' jmii~ dseáng- seen- fí` jmigü' la. Jo dseáng'- e jáb'- júu^ e fá'a la lí' laco'gui la íaang` dsii- cõo~ 'nú' dsu' uíi~ e nilíng-na' dsea` quiá'- Fí'naa' Dsea` Jmáang-. 32 Jo song lico' sijeenn e ni'íin'n jalé' e ngíin'n jii~ mi~ seen- fí` jmigü' la, joba' ja` ee` ta~ mí cali'íng^ jii~ coo` quíe- e jalé' e ga' e nicangojée' quíe- e ie~ lamí~ catíng' júu^ quíe- e cõo~ jaléng' dsea` i` soo` dsí' i` seeng' fí` Éfeso. Co' faco' o' já' e nijí'tu jaléng' 'lii~, joba' maquiee-naa' jogui ma'né'naa', co' dsa'ó' jo` ní' su see- guíi', lí' laco' júu^ rõo' e fé' i` líng- dsea`.

33 Jo fíi-guá' 'nú', dsea` rú'naa', e jie~ mi~ cuø' fí` yaang-na' e dsea` jiéng' nijmigõõiñ 'nú', co' íim- lajii~ e guíu- e quí- tíng' dsea` la'eáang' cõo~ dsea` rú'naa' i` ée' ga'. 34 Jo co' lajob lí', joba' fíi-guá' 'nú' e jmijnéetu óo'na' laco' catíng-, jogui jo` ee-na' dsee-, co' i` líng- 'nú' dseáng'- ja` mí cuím'bi' Fidié'. Jo uing~ quiá'- e fíi- 'nú' jalé' e júu^ la e lí' laco' nicá'na' fí'i'.

Jial líng' dsea` mi~ cangí e cají'tur

35 Jo jangám- seeng' dsea` i` nijmingí lala: "Jo çjiali nijí'tu jaléng' lí' jogui jial líiñ' cajo?" 36 Jo júu^ íib' lí' e jmíngíi'na' do, co' niñíb' 'nú' guíu- e mi~ áng' dsea` mijú' fí' nú- uø-, jang'- 'né- lafa' e nijúum- e mijú' do, joguiba' cuøng' e nisáng' ni~ quiá'- . 37 Jo ja` cuøng' e nijní- dsea` e sú' quiá'- mijú', dsuco' lajii~ mijú'ba' cuøng' e nijní- dsea', nañí' si mijú' micui'íee' osi lí' doñí' ee' mijú' é. 38 Jo mi~ cangí e cangojnea~ e mijú' do, joba' 'ñiab'

Fidiée` dsea` nijmér` jial iin` e ni'uíng` e sú` quía` do lí` laco' jmóor` cóo` laca'íng` mijú. ³⁹ Jo ja` røø` lí` ngúu` táang` lajaléng` i seeng` fí` jmigüi, co' e jieb` lí` ngúu` táang` dsea` laco'gui ngúu` táang` jó` nuu` cóo` gui quía` jaléng` ta` cóo` gui quía` jaléng` 'ñu. ⁴⁰ Jogui lajobi cajo, seab` e sea` fí` yú` jmigüi cóo` gui e sea` fí` ni` guóo` uó, jo dsu' jmaquím' ia' e sea` fí` yú` jmigüi laco'gui e sea` fí` ni` guóo` uó. ⁴¹ Jogui e jieb` jing` iee` laco'gui e jing` si' osi jaléng` núu` é, jo jìgui jee` jaléng` núu` e jieb` jiiñ` laca'íng` ca'íin`.

⁴² Jo lajob lí` cajo mi` nijí` tu jaléng` 'lí. Co' nijieb` ngúu` táang` dsea` mi` ningí e ni'áiñ` fí` nú` uó, jo dsu' mi` nijí` tur calé` catú, jo` tóo` jmii` fa' e nijié` gui. ⁴³ Jo e ngúu` táang` dsea` e ni'áng` fí` nú` uó` ja` ee` ta` íng` e jo, jo dsu' mi` nijí` tu calé` catú, joba' eám' niníng`. Jogui cajo ja` ee` bí` óo` e ngúu` táang` dsea` e ni'áng` fí` nú` uó, jo dsu' mi` nijí` tu calé` catú, eám' ni'gøng'. ⁴⁴ Jogui jí` ngúu` táam` dsea` e ni'áng` fí` nú` uó, jo dsu' mi` nijí` tu calé` catú, nilí` ngúu` táang` dsea` la'eáang` cóo` Jmiguí quía` Fidiée`. Dsaco' song sea` ngúu` táang` dsea` fí` jmigüi la, joba' seab` cajo fí` jmigüi cóo` la'eáang` cóo` Jmiguí quía` Fidiée`.

⁴⁵ Jo lajob lí` lí` laco' fé` fí` ni` jì quía` Fidiée` lí` fé` lala: "I dseañu` la'uii` i calisí Adán caliséiñ` e quier` ngúu` táang` dsea` jmigüi; jo dsu' i dseañu` i cøøng` gui do, íb` i cuø` e seeng` dsea` lata`." ⁴⁶ Jo lajee` e see` naa' fí` jmigüi la, dsea` guóob` lí` naa'. Jo dsu' la'eáang` cóo` Jmiguí quía` Fidiée` nilí` ngúu` táang` naa' mi` nisee` naa' fí` jmigüi cóo`. ⁴⁷ Jo lajob lí', co' i dseañu` la'uii` i calisí Adán, cóo` guóo` ba' cajmeáang` Fidiée` ír, co' fí` guóo` uó` jmigüi caliséiñ`. Jo dsu' i dseañu` i cøøng` gui do, fí` ñifib` lí` jáa` í. ⁴⁸ Jo lajaang` lajaang` dsea` jmigüi sea` ngúu` táaiñ` lí` laco'gui ngúu` táang` Adán e cajmée` Fidiée` cóo` layaang` guóo`. Jo dsu' ie` jo, røøb` nilíng` lajaléng` dsea` quía` Dsea` Jmáang` lí` laco' la líng` dsea` do 'ña'r', dsea` jáar` fí` ñifí`.

⁴⁹ Jo lana, lajee` e see` naa' fí` jmigüi la, lí` naa' lí` laco' la lí` ngúu` táang` Adán e calí` cóo` layaang` guóo`. Jo dsu' ie` jo, nilí` naa' lí` laco' la líng` i dsea` i jáa` fí` ñifí`.

⁵⁰ Jo e laba' iin` n fii` i 'nú', dsea` rú` naa' dsea` quía` Dsea` Jmáang`, e jalé` ngúu` táang` dsea` cóo` gui móo` teáaiñ` ja` catíng` fa' e nilisea` jalé` e jo mi` nití` í` e dseáng` jí` Fidiée` dsea` nicár` nifí` quía` lajalé`. Jogui jalé` e tóo` jmii` ni'íng` ja` cóøng` cóo` jalé` e ja` tóo` jmii` ni'íng`. ⁵¹ Jo lana lab` nifii` duu` 'nú' cóo` júu` e ja` mí` ñí` na' jéeng` gui, jo e lab` e júu` jo: Ja` lajii` naa' nijúu` naa', jo dsu' lajii` baa' ni'uíng` naa' dsea` i 'míng` mi` nití` e í` jo. ⁵² Jo e jo nidsijéé` dseáng` lajee` cateáb` dseáng`, lafa' mi` báang` naa' jmini` naa'. Jo mi` ni'ii` fí` yú` jmigüi e lúu` trompé` quía` Fidiée` lí` cadséng`, job` mi` nijí` tu jaléng` dsea` quía` Dsea` Jmáang` i nicajúng` lamí` jéeng` gui. Jo dsu' jo` quí` jmii` fa' e nijúung` tu jaléng` í` calé` catú. Jogui lajaléng` jneaa` aa', dsea` lí` naa' dsea` quía` Dsea` Jmáang`, ni'uíng` naa' dsea` i 'míng`. ⁵³ Joba' e ngúu` táang` naa' e jgo` do jo` tóo` jmii` fa' e nijié` gui, co' ni'uíng` cóo` e ja` tóo` jmii` fa' e nijié` gui. Jo ie` jo e ngúu` táang` naa' e sea` 'mó` quía` ni'uíng` cóo` e jo` sea` 'mó` quía`. ⁵⁴ Jo mi` nilisíng` e ngúu` táang` naa' e jgo` do, ni'uíng` cóo` e jo` tóo` jmii` fa' nijié` gui, jogui mi` nilisíng` e ngúu` táang` naa' e sea` 'mó` quía` do jo` ni'uíng` cóo` e jo` sea` 'mó` quía', jogui ba' dseáng` niliti` jí` laco' la fé` fí` ni` jì quía` Fidiée` lí` fé` lala: "Jo` tóo` jmii` fa' nilisea` gui 'mó', co' dseáng` conguiab` nica'íng` bí` quía`." ⁵⁵ Jo co' lajob lí', joba' cuøøng` fe` ee' e jo` sea` gui bí` quía` 'mó', joba' jo` ee` quí` jmii` fa' ee` ni'lé` gui, co' dseáng` conguiab` nica'íng` bí` quía`. ⁵⁶ Jo la'eáang` cóo` dsee` ba' e sea` bí` quía` 'mó', jogui la'eáang` cóo` e júu` quíu` ta` quía` Fidiée` e cajme' Moi, cóo` e joba' e líl` dsea` e røøiñ` dsee. ⁵⁷ Jo e` gui gui'máang` Fidiée` e jo` silí` gui jneaa` aa' bí` quía` 'mó', co' nicalí` baa' e jo` la'eáang` cóo` lajalé` e nicajmée` Fí` naa' Dsea` Jmáang`.

⁵⁸ Jo uí` e lajob lí', dsea` rú` naa' dsea` quía` Dsea` Jmáang` i 'neáan` eáang`, joba' fii` i 'nú' e teáb` 'né` teáang` na' cóo` júu` quía` Dsea` Jmáang`, jogui cuø` óo` na' e jie` mí` lí` túng` áa` na' fí` lí` niteáang` na'. Jogui cajo contøøng` cuøø` bí` yaang` na' e jmée` na' e

ngocáng` óo`na' lajii' e ta` e nicangíng`na' quiá' Fidié. Co' 'nú' ní`ba' guiá' e ja' lí' tá' jmoo`na' e ta` e jmoo`na' quiá' dsea` do.

16

Mi` caseáng` jalé` e 'né` dsea` quiá' Dsea` Jmáang`

¹ Jo lana nifí`i 'nú', dsea` rú`naa', cuaiñ` quiá' jalé` e seáng`na' e 'né` dsea` rú`naa' dsea` quiá' Dsea` Jmáang`. Jo e jo 'né` jmée`na' lí' laco' jii' e nicafí`i jaléng` dsea` quiá' Dsea` Jmáang` i seeng` fí' lí' se' Galacia. ² Jo laco' jmí` domiing`, lajaang` lajaang` 'nú' 'né` nijmiñung`na' capí' lí' jial jii' e nicafí`na' e jmoo`na' ta`. Jo jalé` e jo 'né` 'meá`na' e laco' mi` niguié`e fí' na, jo 'né` fa' e niseáng`gui'. ³ Joba' mi` niguié`e fí' na, nisín`n fí' Jerusalén jaléng` dsea` i niguíng` 'nú', jogui nicuó`øre jì lí' fé' e tab` óo`na' cóo`r, jo nicár` jalé` e nicaseáng`na' do quiá' jaléng` i dsea` rú`naa' dsea` quiá' Dsea` Jmáang` i neáng` fí' jo. ⁴ Jogui song lajam`ba' 'né` e ninii` jnea` fí' jo, joba' cuó`øm` lí' dsiling` i dsea` í cóo` jnea` cajo.

Mi` ca'f` dsí' Paa` e nidsér` fí' Corinto

⁵ Jo lajee` e iuun` fí' e ngóo`o fí' na, dseáng` 'né`ba' e ningíin`n fí' lí' se' Macedonia; jo mi` ningí` e ningíin`n fí' jo, joguiba' niguié`e fí' na fí' Corinto. ⁶ Jo jangám` nijaa` cóo' 'nú' fí' na cóo' tú` jmí` lajo, osi jangám`bi é ningíin`n lata` jii` güi`. Jo song lajobi, joba' 'náb' cuó`øng` lí' jmicóo`na' jnea` cóo' jalé` e 'né` e lajee` e iuun` fí' e ninii`i fí' lí' jié'. ⁷ Jo dsu' jnea`, mi` niguié`e fí' na, ja' iin`n e lico' ningíin`n cateá' lajo cóo' 'nú', co' jnea` iin`n e nijaa` huó`øb` jia cóo' 'nú' fí' na song nicuó` Fidié` fí' lajo. ⁸ Jo dsu' jnea` í dsii` e nija`bá fí' la fí' Éfeso cartí' e jmí` e sií` Pentecostés, ⁹ dsuco' lajee` lana fí' la, dsíng` sea' fí' quié` e e nijmee` e lajii' e ta` e nicangíin`n quiá' Fidié, jogui ta` dsii` e guiáb` nidsijé` quié`e, nañí' fa' i fíim`bre seeng` i 'ní' níng` jnea`.

¹⁰ Jogui song niguié` Timoteo fí' na, joba' jmi`úung`na' e niliseeiñ` guiá' cóo' 'nú', co' í jmóor` ta` jii' laco' ta` jmóo` jnea` cajo lí' laco' jii' ta` e nicangíng`naa' quiá' Fí'naa' Dsea` Jmáang`. ¹¹ Jo co' lajob ta` jmóor`, joba' ja' 'né` e jøøng`na'r uó`, co' lí' lí' 'né` e nijmicóo`baa're cóo' jalé` e 'né` e laco' iuuiñ` fí' juguiá` lajee` e jáar` e nija`eer` jnea` fí' la. Co' dseáng` nisijeem`baare colíng` cóo' jaléng` dsea` quiá' Dsea` Jmáang` i caguiaang`gui.

¹² Jogui cuaiñ` quiá' i dsea` rú`naa' dsea` quiá' Dsea` Jmáang` i sií` Apolos, eám` nicamá`ire jmi`ee` e nidsér` cóo' jaléng` dsea` quiá' Dsea` Jmáang` e nidsi`eer` 'nú', jo dsu' lajee` lana ja' mí' caguia` dsíir` fa' e nicangór`. Jo dsu' lajob nijmér` mi` lí' e nicuó` fí' quiá'r` lajo.

Júu` guicóo` lí' cadséng` quiá' Paa`

¹³ Jo e laba' fí`guí` 'nú', dsea` rú`naa' dsea` quiá' Dsea` Jmáang`, e contøøm` 'né` jmiñiing` áa`na'; jogui teá` síng` yaang`na' cóo' e júu` quiá' Dsea` Jmáang` e nijá' calíng`na' do; jogui cajo teá` teáng` óo`na' jogui cuó` bí` yaang`na' e laco' ja' nitá`na' lajii' e fí' lí' niteáng`na'. ¹⁴ Jogui lajalé` e jmoo`na', jmee`ba' e laco' jmi`neáng`na' dsea` rúng`na'.

¹⁵ Jo niñí`b` 'nú', dsea` rú`naa', e jaléng` dsea` sínúu` quiá' Estéfanos, í la`uii` i já' calíng` júu` quiá' Dsea` Jmáang` fí' latøøng` fí' lí' se' Acaya, jogui jaléng` íb` cajo i jmóo` ta` jmicóo` jaléng` dsea` quiá' Dsea` Jmáang` i lí' 'né` quiá' lajo. ¹⁶ Joba' jnea` iin`n e nijmée`na' núu`ba' júu` quiá' i dsea` quiá' Dsea` Jmáang` i líng` laco' i dsea` sínúu` quiá' Estéfanos, jo lajob 'né` nijmée`na' cajo cóo' jaléng` i dsea` i jmicóo' jogui i jmóo` ta` lajo.

¹⁷ Jogui iám` dsii` cajo e nicagüilíng` fí' la i dsea` quiá' Dsea` Jmáang` i sií` Estéfanos cóo'gui Fortunato jogui Acaico, co' lí' lafa' e nicagüilíng` 'nú'ba' e nicagüilíng` í fí'

la. ¹⁸ Dsꞥco' jaléng' i dsea` na nicacuø'bre jnea~ bí e laco' nili'iaáng'gui dsii- lí^ laco' la nicajméer` cóo'~ 'nú'. Jøba' catim`ba' e nijmi'goo'na' i dsea` i líng' laco' i na.

¹⁹ Jøgui jaléng' dsea` quiá'- Dsea` Jmáang- i seeng` fí lí se' Asia guiéiñ' júu^ guicóo'~ quií-na'. Jøgui Aquila cóo'~gui dseamí quiá'r- i sií Prisca cóo'~gui jaléng' dsea` quiá'- Dsea` Jmáang- i seáng' fí quiá'r- e laco' jmiféiñ' Fidiéé, íám`dsíir' e guiéiñ' júu^ guicóo'~ quií-na' lí^ laco' catíng- e jmóo`dsea` quiá'- Dsea` Jmáang-. ²⁰ Jøgui íng'~na' júu^ guicóo'~ quiá'- lajñng`dsea` quiá'- Dsea` Jmáang- i seeng` fí la fí Éfeso. Jøgui mi~ jíé" jíng' rúng'na', jøba' féeng'~ rúng'na' e sée'~ guoo` rúng'na'.

²¹ Jøgui lana, jnea~ Paa- jmo'o e júu^ guicóo'~ la quií-na' cóo'~ guoo`o 'ñiá'baa.

²² Jøgui song seeng`dsea` i ja` 'neáng' Fí'naa' Dsea` Jmáang-, jøba' dseáng'- fí lí 'lib'^ catíñ-. Jø dseáng- e já'-ba' e tí lí nijáab'tu Fí'naa' Dsea` Jmáang- calé" catú-.

²³ Jø mí'~i Fí'naa' Dsea` Jmáang- e nil'ir- güea'^ quiá'r- fí lí seeng'na'. ²⁴ Jøgui eám' 'neáng' jnea~ 'nú' lajñng'na', dsꞥco' lajñ-baa' lí'naa' dsea` quiá'- Fí'naa' Jesús.

Jø lajjob nilí.

Jø lana cató' e jí la'uii~ quiá'- Paa- e catíng- jaléng' dsea` quiá'- Dsea` Jmáang- i seeng` fí Corinto.

Júu^ e toq̃ fí ni~ jì catî tú~ quiá^- Paa^- e catíng^- dsea^ seeng^ fí CORINTO

¹ Jnea~ Paa^- lín'n jaang^ dsea^ apóo^ ì óo^ ta~ quiá^- Dsea^ Jmáang^, co' lajòb cali'iaang^ dsíí Fidiée^ cajméer^ cóo^~ jnea~. Jo colíng~ cóo^~ jaang^ dsea^ rú'náa' dsea^ quiá^- Dsea^ Jmáang^ ì sii' Timoteo, jmo' o e jì la e catíng^- jaléng^ 'ná', dsea^ rú'náa' dsea^ quiá^- Dsea^ Jmáang^ ì neáang^ fí na fí Corinto. Jogui cajo catím^- e jì la ì dsea^ rú'náa' dsea^ quiá^- Dsea^ Jmáang^ caguaang^- ì neáang^ fí latøng^- fí guóo^ uó^ fí lí se' Acaya. ² Jo lana mii' i Tiquí'ii' Fidiée^ cóo^~ gui Fí'naa' Dsea^ Jmáang^- e güí'í'bre güea'^ quiá'r^- fí lí seeng^ na' jogui e nicuó'r^- 'ná' e seeng^ na' juguiá^- júu^ røø.

Jalé^ iihuú' e ca'íng^ Paa^-

³ Jo contømm^- 'né^- jmiféng^'naa' Fidiée^ ì líng^ Tiquiá'^ Fí'naa' Dsea^ Jmáang^, co' íb^ Tiquí'ii' ì fí' líng^- jneaa^aa' jogui íb^ Fidiée^ ì jmitíi'^ dsí'naa' mi~ ee'go huíng^ dsijée' quí'ii'. ⁴ Jogui íb^ dsea^ ì jmitíi'^ dsí'naa' jee~ jalé^ iihuú' e dsingúng^-naa'; jo jmóor^ lajò e laco' jneaa^aa' cuøng^ lí nijmitíi'^naa' dsíí jaléng^ dsea^ rú'náa' ì dsingúng^- lajò; jo jmoo^-naa' lajò cóo^~ dsea^ rú'náa' lí' laco'gui la nicajméé^ Fidiée^ cóo^~ jneaa^aa'. ⁵ Jo lí' laco' eáang^ íng^'naa' iihuú' dsu' uíi'^ e lí'naa' dsea^ quiá^- Dsea^ Jmáang^, joba' lajòb cajo, la'eáang^ íb^, e eáang^ litíi'^ dsí'naa' lana. ⁶ Jo jnea'^ dsingúng^-naa' iihuú' e lí'^ laco' nilitíi'^ óo'na' jogui uíi'^ e guía'naa' júu^ jee~ 'ná' quiá^- jial nileáang^na' jee~ jalé^ dsee^- quí'na'. Jogui mi~ jmitíi'^ Fidiée^ dsí'naa', jmóor^ lajò e lí'^ laco' nilitíi'^ óo'na' jogui e laco' té'na' e ja' nilitúng^- óo'na' jee~ jalé^ iihuú' e dsingúng^-na' lí'^ laco' la dsingúng^- jnea'^. ⁷ Jo guiáb^- nita~ dsí'naa' cuaiñ~ quí'na', co' nine^baa' e lí'^ laco' íng^'na' iihuú' colíng~ cóo^~ jnea'^, jogui lajòb cajo nijmitíi'^ Fidiée^ óo'na' colíng~ cóo^~ jnea'^.

⁸ Dsea^ rú'náa' dsea^ quiá^- Dsea^ Jmáang^, ii^baa' e nijmiguiéng^'naa' áa'na' jalé^ e iihuú' e cangongú^- jnea'^ fí lí se' Asia. Jo eáam^ huíng^ jalé^ e cangongú^-naa' do e car^ jii'^ jo 'ga' lí cateá^-naa', co' jì'gui ca'í dsí'naa' e jo' ni'uó'naa' e fí jo e jí'naa'. ⁹ Jo ca'í dsí'naa' e dseáng^- nijngám^- dsea^ jnea'^. Jo dsu' cangojée' e jo e lí'^ laco' calilí'^naa' e ja' quí^- jmii~ jmó^naa' yee~naa', dsuco' 'né^- e niseáang~ yee~naa' fí jaguó^ Fidiée^ ì jì'gui jmíi'^tu jaléng^ 'lí'.

¹⁰ Jo Fidiéeb^ dsea^ caleáaiñ^ jnea'^ ie~ jo e laco' ja' cajiú'^naa' fí ni~ 'mó^, jogui íb^ cajo ì nileáang^-gui jnea'^ lajee^ ngóo^guiju. Jogui dseáng^- nitab~ dsí'naa' cajo e dseáng^- nileám^-bir jnea'^ jee~ 'mó^ ¹¹ fíng song jmicóo^ 'ná' jnea'^ e nimíi'^na' Fidiée^ uii~ quí'naa'. Jogui song fíim^ba' nimíi'^na' Fidiée^ uii~ quí'naa', joba' fíim^ba' cajo nicuó'^na' gui'máang^ Fidiée^ uíi'^ cóo^~ jalé^ e guiá^- e jmóor^ cóo^~ jnea'^.

Jialí' ja' cangó^- Paa^- fí Corinto

¹² Jo seab^ coq̃ uíng~ e íaang^ dsí'naa', jo e jo uíi'^ e nicalilí'^naa' e dseáng^- guiáb^- nica'ee^-naa', jogui lí'^ dsii^- e eáang^gui nicajmé^naa' lajò jee~ 'ná'. Jo lajòb jmoo^-naa', dsu' o' la'eáang^ cóo^~ jalé^ e tíng^naa' ngáng^naa' yee~baa', co' lí'naa' lajò dsu' uíi'^ e lajò nicajméé^ Fidiée^ cóo^~ jnea'^ uíi'^ e eáang^ 'neáaiñ^ jnea'^. ¹³ Jogui fí ni~ jalé^ jì e nicasiing^-naa' quí'na', ja' mí' cajméé^-naa' júu^ e jíé^ e laco' huíng^ ngáng^na' osi e ni'í'na'. Jo sijeen^ e dseáng^- ningám^ba' røø ¹⁴ lí'^ laco' la nicangám^'ju' lí' líng~ e mi~ nigüéeng^-tu Fí'naa' Jesús fí jmigüí' la, lajaléng^ 'ná' nili'iaang^ óo'na' cuaiñ~ quí' jnea'^ lí'^ laco'gui jnea'^ nili'iaang^ dsí'naa' cuaiñ~ quí'na'.

¹⁵ Jo co' lajòb nita~ dsii^- cóo^~ 'ná', joba' nica'í dsii^- e jang^- nii^baa' e ni'ee^- e 'ná' fí na, jo lajòba' cuøng^ e ni'uíng^- guiá^- quí'na' e nití' tú^- ya'. ¹⁶ Co' lamí~ sí'í' í dsii^- e ni'ee^- e 'ná' lajee^ e iuun^- fí e ngóo^o fí lí se' Macedonia, jogui e ni'ee^-túu' 'ná' mi~ niqing^-túu' fí jo, jo lajòba' cuøng^ e nijmicóo^ 'ná' jnea~ cóo^~ jalé^ e 'né^- e lajee^ e iuun^- fí e ngóo^o

fí lí se' Judea. ¹⁷ Jo çsu 'nú' í óóna' e mi~ ca'f dsii~ e nijmee~e lajo, ja` ca'f dsii~ dseáng~ laco' catíng~? U~, o' lajo. Co' jnea~ ja` jmóo'o e tú~ neáng' dsii~ mi~ ee'go jmóo'o, co' ja` fá' a e nijmee~e mi~ í dsii~ e ja` nijmee~e. ¹⁸ Jo lí^ laco' jmiti~ Fidié~ júu^ quiá'r~, lajob jmoo' jnea^ cajo, co' ja` síl~naa' 'nú' e nijmó'naa' jogui mi~ ngoyúung~ jo, ja` nijmó'naa'. ¹⁹ Jo jnea~ cóo'~gui Timoteo jogui cóo'~ Silvano guia'naa' jee~ 'nú' e júu^ quiá' Fí'naa' Jesús i líng' Joo' Fidié~. Jo Fí'naa' Jesús ja` tú~ neáng' dsíir', co' mi~ jín' ee'go nijmér~, joba' dseáng~ jmóo'bre. ²⁰ Co' la'eéang' cóo'~ dsea` do e liti~ lajalé' júu^ e cuø' Fidié~. Jo co' lajob lí, joba' mi~ jmiféng'naa' Fidié~, fé'naa' "Lajob nilí" la'eéang' cóo'~ Fí'naa' Jesús. ²¹ Jo Fidié~bing' i nicajmée~ e teá té~naa' fí' guiá~ cóo'~ Dsea' Jmáang~, jogui íbi cajo i nicaguíng' jnea~aa' e laco' lana nilí'naa' dsea` quiá'r~. ²² Jogui Fidié~bi cajo dsea` nicajmées~ e lí e nilí'naa' dsea` quiá'r~, jogui nicacuø'r' jnea~aa' Jmiguí quiá'r~ e seeng' cøng' cóo'~ jnea~aa'. Co' e Jmiguí do lí 'náng' quiá' e catíng~ ni'íng'naa' mi~ nití e í' jo.

²³ Jo dsu' 'ñiab' Fidié~ dsea` tí' nir~ e ñir' e~ uing~ quiá' e ja` mí calí e ninii~i fí na fí Corinto lí^ laco'gui jíi~ lamí~ í dsii~. Jo nicalí lajo e lí^ laco' ja` lamí~ iin~n e nilíng~tu' fí' cóo'~ jalé' júu^ e sí' e nifí' 'nú'. ²⁴ Co' jnea^ ja` ii~naa' e niquiá'naa' 'nú' ta~ e nijá' líng'na' laguidseang~ jalé' e já' lí jnea^, co' 'nú' teáb' teáng~na' fí' guiá~ cóo'~ Dsea' Jmáang~. Co' jnea^ lico' ii~naa' e nijmicóo'naa' 'nú' jial niliseeng'na' e íang' óóna'.

2

¹ Jo uíi~ e lajob lí, joba' ca'f dsii~ e ja` ninii~túu e ni'ee~e 'nú' e laco' ja` nijmijiuung~ óóna'. ² Dsaco' fíng song cajmé~ e lajo, joba' jo` ii~ seeng'gui i cuøng' lí jmi'íang'gui dsii~, co' jo' cuøng' lí jmi'íang'na' dsii~ fíng song nicajmijiuung~ óóna'. ³ Jo uing~ e joba', cajmé~ e jì la'uii~ do quií~na', dsaco' ja` iin~n nií~i e ni'ee~e 'nú' e laco' nijmijiuung~na' dsii~, co' lí^ lí 'né~ e nijmi'íang'na' dsí'baa. Jo dseáng~ lamí~ ta~ dsii~ e lajím' 'nú' nilí'íang' óóna' lajii~ e íang' dsí jnea~. ⁴ Jo mi~ cajmé~ e jì la'uii~ do quií~na', eám' guing~ dsii~ uii~ quií~na' jogui jmóo'baa fí' cajo, co' jì'gui cartí qui'~baa. Jo dsu' ja` cajmé~ e jì do quií~na' e lí^ laco' nijmijiuung~ óóna', dsaco' cajmé~ e jì do e lí^ laco' nilí'í'na' jial tí' eéang' 'neáan' 'nú'.

Mi~ cajmées' Paa' féng' dsíir' uii~ quiá' jaang' dsea' i ca'lee'

⁵ Jo i dsea' i nicacuø' fí'í' dsí' do, o' jíi~ jnea~ dsea` nicacuø'r' fí'í', co' lajob 'nú' cajo, lifa' jiu~guijia. Jo fá' a jiu~guijia e lí^ laco' ja` nilíng~na' fí'í' e eéang'. ⁶ Jo e iihuí' e nicacuø' 'nú' i dsea' i ca'lee' do uii~ quiá' lajii~ e ga' e cajmées' do, joba' líng~ jnea~ e nitéb' jíi~ lajo. ⁷ Jo lana lí^ lí 'né~ íng'na' dsee~ quiáb' i dsea' do, jogui e nijmití'na' dsíir' cajo. Jo lajoba' ja` dseáng~ e dseáng~ nitár' congua' lajii~ fí' guiá~ lí' nisiin' uii~ e eéang' ljiuung~ dsíir'. ⁸ Joba' mí'í' 'nú' jmi'ee~ e nijmita~na' dsí' i dsea' do e 'neám~bi'r lí^ laco' lamí~ jmoo'na' cóo'r~. ⁹ Jo lamí~ jéeng'gui nicaguíem'~baa jì quií~na' cuaiñ~ quiá' e júu^ la e lí^ laco' nilí'ni~ jogui nilita~ dsii~ su dseáng~ lajang' guiá' óóna' e nijmées'na' náa'na' jalé' júu^ e liúun'~n 'nú'. ¹⁰ Joba' i dsea' i ni'íng'na' dsee~ quiá' do, lajob nijmee~ jnea~ cajo, co' ni'ím~baa dsee~ quiá'r~ song sea' uing~ e nijmee~e lajo. Jo nijmee~e lajo uii~ 'nú', jogui Dsea' Jmáam~bing' i tí' ni~ quiá' e jo. ¹¹ Jo jmóo'o lajo e laco' ja` dseáng~ e nijmi'óo' jnea~aa' fii~ i 'líng' i sii' Satanás, co' nín~baa' guiá~ jial lí' ta~ quiá'r~.

Ja' íang' dsí' Paa' mi~ caguié~ fí' Troas

¹² Jo e laba' fii~i 'nú', e ie~ mi~ caguié~ e fí' coo' fii' e sii' Troas e quiá' e niguiaa~ júu^ quiá' Dsea' Jmáang~, joba' eám' caliseá' fí' quié~ e e nijmee~e lajo. ¹³ Jo dsu' mi~ caguié~ e fí' jo, ja' íang' dsii~ dsu' uii~ e ja' cadsén'n i dsea' rú'naa' dsea' quiá' Dsea' Jmáang~ i sii' Tito. Jo uii~ joba', ladsifí' lajob ca'í' i júu^ i dsea' i seeng' fí' jo, jo cangó~o fí' lí se' Macedonia.

Jial lí'naa' la'eéang' cóo'~ Dsea' Jmáang~

14 Jo e~gui gui'máang' Fidiée', co' la'eáang' cóo' Dsea`Jmáam-ba' e contøong- lí'naa' doñí ee' dsijée' qui'ii', jogui la'eáang' cóo' jnea'^ e ni' Fidiée' júu^ quiá'r-. Jo e júu^ quiá'r- do ni' jee~ jaléng' dsea' lafa' coo' e jlo'^ jmeafii'. 15 Dsaco' la'eáang' cóo' Dsea`Jmáam-ba' lí'naa' lafa' coo' jmeafii' e jlo'^ e guilí' fí' quini' Fidiée', jogui e joba' e lafa' ni' jee~ jaléng' dsea' i nisilaang- jee~ jalé' dsee- quiá'- jogui jee~ jaléng' dsea' i niteáang' fí' ngolíng' fí' lí' 'lí'. 16 Jo e jmea' e ii' do lí' lafa' coo' e jmeasi' quiá'- jaléng' i dsea' i niteáang' fí' ngolíng' fí' lí' 'lí'. Jo dsu' coo' e jlo'^ jmeafii' lí' quiá'- jaléng' i dsea' i nisilaang- jee~ jalé' dsee- quiá'-, co' í'bing' niteáang' fí' ngolíng' fí' lí' niliseeiñ' lata~. Jo ¿i' quiá'~ jmi~ nijmé- e ta~ jo? 17 Jo ja' quiá'- jmi~ fa' nijmé- lajo i dsea' i ngí' guia' júu^ quiá'- Dsea`Jmáang- e quiá'- e lí'r' cuu- lí'^ laco'gui la jmoo' i fíing' dsea'. Dsu' lifa' jnea'^ lí' lí' ngí'naa' guia'naa' júu^ e coob' í' dsi'naa', jo Fidiéeb' dsea' tíí' nir~ e jmoo-naa' lajo, co' í'bre dsea' casíiñ' jnea'^ e jmoo-naa' e ta~ jo uí'~ e lí'naa' dsea' quiá'- Dsea`Jmáang-.

3

Júu^ tigua' e 'má- e cacuø' Fidiée'

1 Dsea' rú'naa', jo mi' fé' jnea'^ e júu^ na, jie~ mí' í' óóna' e ninaang-túu' calé' catú- e nijmiféng' yee'naa', co' dseáng'- o' lajo; jogui cajo ja' 'né- e nicuøø'naa' 'nú' osi e nimá'naa' 'nú' mají' lí' fé' e ta~ óóna' cóo' jnea'^ lí'^ laco'gui la jmoo' i líing- dsea'. 2 Co' yaam~ 'nú' líing'na' lafa' e mají' e 'né- jnea'^ do, jo e mají' do lafa' nisíi' fí' dsíí' jnea'^, jo doñí' ii' dsea' cuøøng' lí' jøø- jogui cuøøng' lí' í' e jo. 3 Joba' guiáb- lí' e lajalém' 'nú' líing'na' lafa' coo' mají' e cajme' Dsea`Jmáang- la'eáang' cóo' jnea'^. Jo dsu' e mají' jo ja' calí- cóo' i jii' laco' jmáng' dsea' ta~ mi' jmo'r', co' e jo calí- la'eáang' cóo' Jmiguí' quiá'- i Fidiée' i seeng' car' ngongíi' jmi~ do. Jogui cajo ja' calí- e mají' do fí' dse' cuu~ e jmá', co' e jo lafa' calí- fí' dsíib' dsea'.

4 Jo dseáng'- nita~ dsi'naa' cóo' Fidiée' la'eáang' cóo' Dsea`Jmáang- e dseáng'- lajob líing' 'nú'. 5 Jo dsu' jnea'^ jii' coo' quiá'naa' jmi~ e nijmé'naa' e lafa' e qui'naa' yee'naa' jalé' e jo, co' la'eáang' cóo' Fidiée' ba' e quiá'naa' jmi~ jmoo-naa' jalé' e jmoo-naa'. 6 Co' dsea' dob dsea' nicacuø'r' jnea'^ e quiá'naa' jmi~ jmoo-naa' ta~ guia' júu^ tigua' e 'má- quiá'r-. Jo dsu' e júu^ tigua' do ja' síi' cóo' guoo' dsea', co' e jo síi' la'eáang' cóo' Jmiguí' quiá'- Fidiée'. Co' e júu^ quiá' ta~ quiá'- Moi~ do jii' fí' 'mób- sí', jo dsu' la'eáang' cóo' Jmiguí' quiá'- Fidiée' ba' cuøøng' liseeng' dsea' lata~. 7 Jo mi' ca'íng' Moi~ e júu^ quiá' ta~ e cajme' Fidiée' fí' ni' e cuu~ e jmá', dseáng'- eáang' jlo'^ níng' jii' co' jii' gui jaléng' dsea' Israel ja' cuøøng' lí' jøør- fí' ni' Moi~ uí'~ e eáang' jíing' jii'. Jo dsu' e jlo'^ jíing' jii' do ja' huøø- ee~, co' nijém'-tu. Jogui song dseáng'- eáam' jlo'^ níng' jii' mi' cacuø' Fidiée' e júu^ quiá' ta~ e sí' jii' fí' 'mó-, 8 joba' dseáng'- ja' cóøng' cóo' jial tíí' níng' jlo'^ lí' mi' cacuø' Fidiée' e júu^ tigua' e 'má- do la'eáang' cóo' Jmiguí' quiá'r-. 9 Joba' song dseáng'- eáam' níing- jlo'^ mi' cacuø' Fidiée' e júu^ quiá' ta~ quiá'r- e sí' jii' fí' 'mó-, joba' ja' cóøng' cóo' jial tíí' eáang'gui níing- jlo'^ mi' cacuø' e júu^ tigua' quiá'r- e 'má- e jmoo' e jo røøng' dsea' dsee- fí' quinir-. 10 Jo dseáng'- ja' cóøng' cóo' jial tíí' eáang' níing- jlo'^ ie~ mi' cacuø' Fidiée' e júu^ tigua' e 'má- do laco'gui e jii' ie~ mi' cacuø' e júu^ quiá' ta~ do. 11 Jogui song dseáng'- eáang' níing- jlo'^ mi' cacuø' Fidiée' e júu^ quiá' ta~ do e nicasung', joba' dseáng'- ja' cóøng' cóo' jial tíí' níing- jlo'^ gui e júu^ e sea' car' ngongíi' jmi~ do.

12 Jo co' nitab~ dsi'naa' e ja' tóo' jmi~ ni'íing- jalé' e jo, joba' dseáng'- ja' 'gó'baa' e guia'naa' júu^ quiá'- Dsea`Jmáang-. 13 Dsaco' jnea'^ ja' jmoo-naa' laco'gui cajmé' Moi~ ie~ jo e caqui'r' nir~ cóo' coo' 'mi' e laco' ja' nilíi' dsea' góor' dsea' Israel e ngo'ím- e jíing' jii' nir~ do tá'-jii. 14 Jo dsu' i dsea' Israel do ja' cali'iiñ' cangáiñ', jogui lajobi líiñ' cartí' jmi~ na, co' mi' ir' e júu^ tigua' e yáa' do, lí' lafa' sea' coo' 'mi' e jni' fí' moguir~ e laco' ja' níngáiñ' e júu^ jo, co' ja' mi' cajé' bi e 'mi' do quiá'r-, co' jii' la'eáang' cóo' Fí'naa' Dsea`Jmáam-ba' cuøøng' nijé' e 'mi' jo. 15 Jo latí' jmi~ na ja' mi' ngám' bi i dsea' do mi' ir' jalé' e jii' e cajme' Moi~, co' e 'mi' do bi lafa' síjní' fí' moguir~ e laco' ja' níngáiñ'. 16 Jo

dsu' mi~ jaang` dsea` quí~ jing` 'ñaia` r' fí` quini` Fidié~, joba' dsifi' lajob lafa' je' e 'mi' do. 17 Jo røøb` cøøng` Dsea` Jmáang` cøø~ Jmiguí` quiá~ Fidié~, joba' e fí` lí` seeng` e Jmiguí` quiá~ Fidié` do, fí` job sea` fí` e jo` quiá~ ta` quiá~ dsea` e júu` tigua` e yáú~ do. 18 Jo co' jo` ee` sijli` gui` fí` ni` naa', joba' lana nilí` naa' lafa' coo` sít` espejo lí` jnéeng` jial tíi` niing` jlo` líng` Fidié~. Jo lajob ngóo` uíng` naa' lí` laco' la líng` Fidié~, co' lacoo` jmíi` eáang` gui` ngóo` lisea` quí~ ii' jial tíi` e jlo` niin` do. Jo dsu' e jo` 'ñiab' Fidié~ dsea` jmóor` la'eáang` cøø~ Jmiguí` quiá~ r~.

4

1 Jo co' eáam` guiúng` Fidié~, joba' cacuø` r' jnea` e jmoo` naa' e ta` la. Jo co' lajob líi` gui, joba' dseáng` ja` litúng` dsí` naa'. 2 Jo dseáng` ca' nica` naang` naa' lajalé` e cuø` fí` i' e quí~ títng` dsea` jmóor` fí` lí` cøøng`; jo ja` ngí` naa' lí` jmigøøng` naa' dsea` rú` naa', o' gui` guí` naa' júu` e jié` jii` laco' fé` júu` quiá~ Fidié~. Co' jnea` lí` lí` guí` naa' júu` dseáng` laco' líi` júu` quiá~ Fidié~, joba' guiáb` níi` dsea` rú` naa' e dseáng` lajob jmoo` naa' jogui` lajobi` tíi` ni` Fidié~ cajo. 3 Jo e júu` quiá~ Fidié~ e guí` naa' quiá~ jial laang` dsea` jee` jalé` dsee` quiá~ r' líi` e ja` 'goo` guóng`, dsu' líi` lajo` jii` quiá~ jaléng` i` dsea` i` niteáang` fí` ngolíng` fí` lí` 'lí'. 4 Co' fii` i` 'ling` i` quie` nifi` fí` jmigüi` la, í`bing` i` jmoo` e sijni` mogui` jaléng` i` dsea` i` ja` já` líng` júu` quiá~ Fidié~ e laco' ja` ningáin` e júu` jo` jogui` e laco' ja` niníin` jial jlo` niing` e júu` quiá~ jial laang` dsea` jee` jalé` dsee` quiá~ r' líi` fé` jial tíi` niing` jlo` líng` Dsea` Jmáang` i` líng` Fidié~ cajo. 5 Dsu' jnea` ja` ngí` naa' guí` naa' júu` quí` naa' yee` naa', dsuco' jnea` guí` naa' júu` e Dsea` Jmáam` dsea` líiin` Fíi` naa', jo` jnea` lico' líi` naa' dsea` i` jmoo` ta` quini` na' uíi` e líi` naa' dsea` quiá~ dsea` do. 6 Jo Fidié~ i` caquiá~ ta` e caliseá` jii` fí` lí` nuu` sò', íb` Fidié~ i` cajméé` cajo e lafa' nicaliseá` jii` fí` dsí` naa', jo` la'eáang` cøø~ e jo` cuøøng` line` naa' jial tíi` jlo` niing` Fidié~ e jnéeng` fí` ni` Dsea` Jmáang`.

Jial see` naa' la'eáang` cøø~ júu` quiá~ Dsea` Jmáang`

7 Jo e júu` jlo` e quíng` eáang` do, jneab` dsea` léé` naa' e jo. Jo dsu' jnea` lico' líi` naa' lafa' coo` tu` guóo` e laco' 'ñiab' Fidié~ dsea` jmilir` jial tíi` 'gøiñ' cøø~ e júu` jo, jo o' yee` naa' dsea` jmoo` naa' lajo. 8 Jo nañi` fa' eáam` dsingúng` jnea` jalé` iihuí, dsu' ja` líi` jnea` jalé` e jo. Jogui` seab` mi` ee` go` fíi` dsíi` jmoo` naa', jo dsu' ja` litúng` dsíi` naa' cøø~ e jo. 9 Jogui` seab` mi` 'ní` níng` dsea` jnea`, dsu' ja` yee` naa' see` naa'; jogui` seab` mi` gab` jmáng` dsea` jnea`, dsu' ja` quí` r' jmíi` fa' ni` íin` jnea`. 10 Jo doñi` jié` ngí` naa', dseáng` dseáam` see` naa', co' dseáam` e nijngáng` dsea` jnea` líi` laco' cangongúng` Jesús; jo dsingúng` naa' lajo e líi` laco' nilili` e cøøm` seeng` Jesús cøø~ jnea`. 11 Jo jaléng` jnea` dseáng` contøøm` dseáng` dseáng` see` naa' dsu' uíi` e líi` naa' dsea` quiá~ Jesús, jo lajoba' nilili` e seem` bre cøø~ jnea`, dsea` líi` naa' jii` dsea` jmigüi`. 12 Jo co' lajob líi', joba' dseáng` jee` 'mó` see` jnea` e laco' 'nú` lana niseeng` na' lata` cøø~ Fidié~.

13 Jo lalab` cajme' jaang` dsea` fí` ni` jii` quiá~ Fidié~ ie` lamí` café` r' lala: "La'eáang` e jái` calín` n` júu` quiá~ Fidié~, joba' café` a." Jo lajob jmoo` jnea` cajo, co' lajob jái` líi` naa', jo uíi` e joba' féi` naa'. 14 Co' guiáb` nine` naa' e Fidiéeb` dsea` cajméer` e cajii` tu` Fíi` naa' Jesús, jogui` nine` baa' cajo e lajob nijmér` cøø~ jneaa` aa' líi` laco' cajméer` cøø~ dsea` do; jo colúng` cøø~ 'nú` nidsijeáaiñ` jneaa` aa' fí` quini` dsea` do. 15 Jo lajalé` e cangongúng` naa' do, cangojéé` e líi` laco' ni` uíng` guiá~ quíi` na'. Jo cangojéé` lajo cajo e líi` laco' i` fíng` gui` ni` íng` júu` quiá~ Fidié~ quiá~ jial tíi` guiúin`, jo lajoba' i` fíng` gui` nicuó` gui` máang` Fidié~ e laco' nili` goo` dsea` do.

16 Jo uíi` e lajob líi', joba' ja` litúng` dsíi` jnea` cøø~ jalé` e dsingúng` naa'. Jo nañi` fa' ngóo` dseáam` ngúu` táang` naa' lacoo` jmíi~, jo dsu' líi` líi` dsíi` naa' eáang` gui` ngóo` líi` bí` dsíi` lacoo` jmíi~. 17 Jo lajalé` e iihuí` e dsingúng` jnea` fí` jmigüi` la, e cateáb` jalé` e jo, jogui` ja` ee` 'ga' líi` tíi'; jo dsu' lajalé` e jo nili` íng` ta` quí` naa' lata` e laco' ni' uíng` guiá~ quíi` naa' e ja` cøøng` cøø~ fí` ñifi`. 18 Jo uíi` e lajob líi', joba' lana jo` ta` dsíi` naa' cøø~ jalé` e jnéeng`

jòø^naa' fí jmigüî la, cò' cò' jalé' e ja`jnéeng` jòø^baa', cò' e joba' e ta` dsi`naa'; dsuco' ja` uøø` ee` lajalé' e jnéeng` jòø^naa', jò dsu' lajalé' e ja` jnéeng` jòø^naa', dseáng` latab` dseáng` sea` lajalé' e jò.

5

¹ Jò guiáb` nine`naa', dsea` rú`naa', e lajee` see`naa' fí jmigüî la, lí`naa' lafa' cò' 'núu' má' 'ma` e ja` huøø` ee`. Jò dsu' nine`bái' cajo e mi` ni`ling` e 'núu' jò, nicajmeb' Fidié` 'na`naa' e jlo` e sea` lata` fí ñiff` quiá'r`. Jò e 'núu' jò 'ñiab' Fidié` dsea` nicajme'r', jò o' dsea` jmigüî i` nicajme'. ² Jò uí` e lajòb nisea` qui`ii' fí ñiff`, joba' lana, lajee` e see`naa' fí jmigüî la, eám` seáng` dsi`naa' e dseáng` ni`ii`naa' e 'núu' 'mái' e nisea` qui`ii' fí ñiff`. ³ Cò' e joba' e niquing` jneaa`aa' lafa' cò' 'mái', jò lajòba' jò` niling`naa' lafa' dsea` ringúung`. ⁴ Jò lajee` e see`naa' fí jmigüî la cò' e ngúu` táang`naa' la, eám` seáng` dsi`naa' dsu' uí` e lijjuung` dsi`naa' cò' jalé' iihuí'. Jò dsu' jneaa`aa' ja` ii`naa' fa' e nijúung`naa', cò' lí' lí' ii`naa' e niquing` jneaa`aa' lafa' 'mái' e 'núu' e sea` fí ñiff` do, jò lajòba' e ngúu` táang`naa' la ni`uúing` cò' e sea` car` ngongú` jmí. ⁵ Jò 'ñiab' Fidié` dsea` nicaguiéiñ` jneaa`aa' guiá` quiá' e nilí lajò, jogui` íbi` dsea` nicacuø'r` jneaa`aa' Jmigüî quiá'r` e lí' 'náang` quiá' e catú`naa' ni`ling`naa' mi` nití` í' lajò.

⁶ Joba' dseáng` eám` ta` dsi`naa' contøøng`, jò nine`bái' cajo e lajee` e see`naa' fí jmigüî la cò' e ngúu` táang`naa' la, sihuím`baa' laco' fí lí` guing` Fí`naa' Dsea` Jmáang`. ⁷ Jò lana ja` mí` cuøøng` neeng`naa' dsea` do, cò' lana see`naa' fí jmigüî la e já' lí`naa' jí` júu` quiá`bre. ⁸ Jò fá` túu` calé' catú` e eám` nita` dsi`naa', jò dseáng` eám` ni`ii`naa' e nitú`naa' fí jmigüî la e laco' nilisee`naa' cøøng` cò' Fidié` fí ñiff` quiá'r`. ⁹ Jò uí` e lajòb ii`naa', joba' dseáng` contøøm` jmoo`naa' quijí` e nití` dsí' Fí`naa' Dsea` Jmáang` cò' jalé' e jmoo`naa' nañí` su see`naa' fí jmigüî la osi e nitú`naa' é. ¹⁰ Cò' lajaléng` jneaa`aa' 'né` ningúng`naa' fí quini` dsea` do fí lí` guíñ` í' e laco' lajaang` lajaang`naa' ni`ling`naa' lají` e catú`naa' lí' laco' jí` lí' e cajmó`oo' lajee` e cataang`naa' fí jmigüî la, nañí` su guiá` osi ja` dseeng` é.

¹¹ Jò cò' lajòb nilí, joba' nine`baa' e contøøm` 'né` nijmi`goo`naa' Fí`naa' Dsea` Jmáang`, jogui` jnea` contøøm` jmoo`naa' quijí` jial e nijá' líng` dsea` júu` quiá' dsea` do. Jò guiáb` nicuúing` Fidié` jnea` jial lí`naa', jogui` sijeem`baa' e cuím` 'nú' jnea` jial lí`naa' cajo. ¹² Dsu' ofa' jnea` nicanaang` túu` e jmféng` yee`naa', cò' jnea` fé'naa' e júu` na e lí' laco' 'nú' cuøøng` nifo`na' guiá` uii` qui`naa', jò lajòba' quí`na' jmí` e ningú`na' quiá' i` dsea` i` jmíráang` yaang` lí' caluu` jò o' dseáng` jial líiñ` fí dsír'. ¹³ Jogui` song` lí' jnea` lafa' dsea` caang`, dsu' jí` cuaiñ` qui`baa' jogui` cò' Fidiéeb` e jò; jogui` song` ja` lí`naa' lafa' dsea` caang`, joba' guiá` qui`ba' jóng. ¹⁴ Jò uí` e eám` 'neáng` Dsea` Jmáang` jnea`, joba' la guím` 'né` jmó`naa' e ta` e jmoo`naa', dsuco' dseáng` nitab` dsi`naa' e íb` dsea` cajúñ` fí dse' crúu` uí` jalé' dsee` qui`ii', jò uí` e lajòb calí, joba' lana lajaléng` jneaa`aa' lafa' nicajúm`baa' cajo. ¹⁵ Jò Dsea` Jmáam` dsea` cajúñ` uí` dsee` quiá' lajaléng` dsea` jmigüî jò lajòba' jaléng` dsea` i` niling` dsea` quiá' dsea` do jò 'né` seeiñ` e jmóor` lají` e iñ` yaaiñ`, dsuco' dseáng` lají` e iing` dsea` doba' e 'né` jmér`. Cò' íb` dsea` i` cajúng` jogui` cají`tur mi` cang` lajò uii` quiá' jalé' dsee` quiá' jaléng` i` dsea` do.

¹⁶ Jò lají` ie` jmí` e já' calí`naa' e lajòb lí, joba' jò` í` dsi` jnea` uii` quiá' jaléng` dsea` laco' jí` e í` dsí' dsea` jmigüî; jò nañí` fa' lamí` jéeng`gui` í` dsi` jnea` e Dsea` Jmáang` líiñ` jí` dsea` jmigüíb`, jò dsu' lanagui` jò` í` dsi`naa' lajò uii` quiá'r`. ¹⁷ Cò' lana lajaléng` dsea` i` niseeng` cøøng` cò' Dsea` Jmáang` nica`uíñ` dsea` 'mám`; jò cab' nicasé` jalé' e lamí` qui` tñiñ` jmóor`, jò lana nijmóor` jalé' e guiá`, cò' jaam` dsea` 'máng` nilíiñ`.

¹⁸ Jò dsu' 'ñiab' Fidié` dsea` jmóor` jalé' e jò, cò' la'eáng` cò' Dsea` Jmáam`ba' e cajméer` e lana nisee`naa' juguí` júu` røø` cò'r` jogui` cacuø'r` jnea` ta` e niguiá`naa' júu` quiá'r` e laco' cuøøng` niliseeng` dsea` juguí` júu` røø` cò'r` cajo. ¹⁹ Jò lí' laco'

cuøŋg` fe`ee' e la'eáang` cóo`r` Dsea` Jmáang` , Fidiée` nicajméer` e niliseeng` dsea` juguiá` júu` røø` cóo`r` , jò ja` mí` cajme`r` cuente lajalé` dsee` e nica`ée` dsea` jmigúí` . Jò dsea` dob cajo dsea` nicacuø`r` jnea`^ ta` e laco` niguiá`naa` júu` e nicajmée` Fidiée` e niliseeng` dsea` juguiá` júu` røø` cóo`r` jee` jaléng` dsea` jmigúí` . ²⁰ Jò jnea`^ lí`naa` dsea` ì casíng` Fidiée` cuaiñ` quiá`- Dsea` Jmáang` , jò cuøŋg` lí` fe`ee' e lafa' 'ñiab` Fidiée` mí`r` 'nú` jmi`ee` la'eáang` cóo`r` jnea`^ . Jò uí` e lajòb lí` , jòba` la'eáang` Fí`naa` Dsea` Jmáang` mñ`i` 'nú` jmi`ee` e nijmée`na` quijí` jial niliseeng`na` juguiá` júu` røø` cóo`r` Fidiée` . ²¹ Jò júi` coo` dsee` ja` ca`ée` Dsea` Jmáang` , jò dsu` Fidiée` cajméer` e dsea` dobing` ì cacó` lajalé` dsee` quí`-ii` . Jò cajméer` lajò e la'eáang` cóo`r` dsea` do ni`uíng`naa` dsea` ì ja` røøng` dsee` fí` quinir` .

6

¹ Jò lana, uí` e jnea`^ lí`naa` dsea` ì jmóo` ta` e nicangúng`naa` quiá`- Fidiée` , jòba` liúung`naa` 'nú` e ngocáng` dsi`naa` jò síi`naa` 'nú` e ja` lí` jmi`ñ`na` lajò e guiúng` Fidiée` cóo`r` 'nú` . ² Dsuco` lalab fé` Fidiée` fí` ni` jì` quiá`r` : “Jò canú`baa` júu` quí`- mí` catí` í` lajò ; jogui` cajmicóo`r` baa` 'nua` mí` catí` í` e caláan`- jee` jalé` dsee` quí`- .” Jogui` lanab` catí` í` e ninú` Fidiée` júu` quí`-na` . Jjogui` lanabi` cajo dseáng`- catí` í` e nileáng` dsea` jee` jalé` dsee` quiá`r` !

³ Jò jnea`^ contøøm` ee`naa` guiá` fí` quini` dsea` rú`naa` e laco` ja` nífé` dsea` ga` uii` quiá`- e ta` e jmoo`naa` . ⁴ Jò dsu` jnea`^ lí` lí` jmoo`naa` lí` e lí`naa` dsea` ì jmoo` lajúi` e iing` Fidiée` , co` jnea`^ eáam` jmoo`naa` té`naa` e féng` dsi`naa` cóo`r` jalé` iihu` e dsingúng`naa` jogui` cóo`r` jalé` e 'né`naa` jogui` cóo`r` jalé` fí`í` dsíi` e dsingúng`naa` . ⁵ Jogui` jmoo`baa` té`naa` cajo mí` bøøng` dsea` jnea`^ cóo`r` sñ` , jogui` mí` táng` dsea` jnea`^ fí` dsíi` 'nuñí` , jogui` mí` táng` dsea` jnea`^ mñ` , jogui` mí` jmoo`naa` ta` ii` , jogui` mí` ja` 'ga` lí` güñ`naa` uøø` , jogui` cajo mí` ngúng`naa` oo` . ⁶ Jogui` jmoo`naa` lí` e lí`naa` dsea` ì jmoo` lajúi` e iing` Fidiée` , co` jnea`^ ja` beáang` dsee` yee`naa` , jogui` eáam` nine`naa` júu` quiá`- Dsea` Jmáang` , jogui` eáam` guiúng`naa` , jogui` eáam` féng` dsi`naa` cóo`r` jaléng` dsea` rú`naa` , jogui` seem` Jmigúí` quiá`- Fidiée` cóo`r` jnea`^ , jogui` dseáng`- lajam`ba` 'neáang`naa` jaléng` dsea` rú`naa` , ⁷ jogui` dseáng`- lajang`- guiá`naa` júu` quiá`- Dsea` Jmáang` , jogui` la'eáang` cóo`r` bí` 'gøng` quiá`- Fidiée` jmoo`naa` jalé` e quí`naa` jmi` . Jò jmáang`naa` ta` e ee`naa` røø` na` e laco` jmi`øng` yee`naa` jee` jalé` e dsingúng`naa` jogui` e laco` ningñ`naa` quiá`- dsea` . ⁸ Jò dsu` seab` mí` jmi`gó` dsea` jnea`^ , jogui` sea`bi` mí` jmáañ` ga` jnea`^ , jogui` sea`bi` mí` fé`r` guiá` uii` quí`naa` , jogui` sea`bi` mí` fé`r` e ga` cajo . Jogui` jmáañ` jnea`^ e lafa` dsea` quí` júu` e o` já`- lí`naa` , nañí` fa` júu` já`ba` e fé` jnea`^ ; ⁹ jogui` jmáañ` jnea`^ e lafa` lí`naa` dsea` ì ja` cuim`bre , nañí` fa` guiáb` nicuíng` dsea` jnea`^ ; jogui` lí`naa` lafa` dsea` ì tí` lí` nijúung` , dsu` mí` 'noo`bi` see`naa` ; jogui` eáang` cuø`r` jnea`^ iihu` , dsu` ja` mí` cajngaiñ` jnea`^ ; ¹⁰ jogui` lafa` fí`í` lí`naa` , dsu` o` já`- lajò , co` contøøm` íáang` dsi`naa` ; jogui` lafa` dsea` tiñíng` lí`naa` , dsu` o` já`- lajò , co` ì fñm` dsea` eáang`gui` nica`íñ` güea`^ quiá`- Fidiée` la'eáang` cóo`r` jnea`^ ; jogui` lí`naa` lafa` dsea` ì ja` sea` quiá`- júi` coo` , dsu` o` já`- e jò , co` lajaléb` e 'né`naa` seab` .

¹¹ Jòba` fñ`guí` 'nú` , dsea` rú`naa` dsea` quiá`- Dsea` Jmáang` ì seeng` fí` na` fí` Corinto , e nicaféeng`naa` 'nú` dseáng`- lajúi` e í` dsi`baa` , jogui` nicasií`naa` 'nú` e júu` na` uí` e eáang` 'neáang`naa` 'nú` . ¹² Jò ja` sea` júi` coo` quí` jnea`^ e fa` ja` 'neáang`naa` 'nú` , dsu` 'náb` dsea` ì ja` 'ga` lí` 'neáang`naa` jnea`^ . ¹³ Jòba` mñ`i` 'nú` jmi`ee` lana` lí` laco`gui` jmóo` tiquiá`^ jaang` jiuung` e féiñ` jòor` , e jmi`neáang`naa` jnea` lí` laco`gui` jmoo` jnea` cóo`r` 'nú` .

Jaléng` dsea` quiá`- Dsea` Jmáang` láñ` lafa` guá`- lí` seeng` Fidiée`

¹⁴ Jogui` lana , dsea` rú`naa` , e laba` fñ`i` 'nú` e ja` quing` yaang`na` jee` jaléng` ì dsea` ì ja` já`- líng` júu` quiá`- Dsea` Jmáang` , co` ja` quí`- jmi` e jaléng` ì dsea` ì ée` røø` niliseeíñ` cøøng` cóo`r` jaléng` ì dsea` ì ja` jmoo` lajò ; jogui` ja` quí`- jmi` cajo e nisíng` røø` lí` jnea` jì`

cóo'~gui fi' li' nua. ¹⁵ Jogui ja' quí'~ jmíi'~ cajo fa' Dsea`Jmáang` nisíiñ` røø` cóo'~ fi' i' ling'`, o'gui jaang` dsea` quiá'~ Dsea`Jmáang` fa' quí'~ jmíi'~ e nijmér` lajo cóo'~ jaang` dsea` i' ja` já'~ líng` júu` quiá'~ dsea` do. ¹⁶ Jogui ja' quí'~ jmíi'~ cajo fa' e røø` lí' e guá'~ lí' jmiféng'` dsea` Fidiéé` laco'gui e guá'~ fi' lí' teáang` jaléng` diéé` dsea` cuu`. Dsaco' jneaa`aa', dsea` lí'naa' dsea` quiá'~ Dsea`Jmáang`, lí'naa' lafa' guá'~ quiá'~ Fidiéé` i' seeng` car` ngongíi' jmíi'~ lí' laco'gui cajíiñ'~ 'ñia'r' ie` lamíi'~ jéeng`gui do ie` lamíi'~ cajíiñ'~ lala:

Jø contøøm` niliseen` jogui ningíi'~ jee` jaléng` dsea` quié`e.

Jøgui jneab` dsea` nilíin`n Fidiéé` quiá'r`

jøgui íb` dsea` nilíing` dsea` quié`e cajo.

¹⁷ Jø uíi'~ e lajob líi', joba' cajíng`~gui Fidiéé` lala:

Jmí'naang` yaang`na' jee` jaléng` dsea` i' ja` já'~ líng` júu` quié`e,

jøgui jmihuíng` yaang`na' quiá'r`.

Jøgui ja' quíng`na' jee` jalé` e 'lí'` e jmoo` jaléng` i' dsea` do, jø lajoba' ni'íin`~ jnea` 'nú'.

¹⁸ Jogui jneab` dsea` nilíin`n Tiquí'na',

jøgui 'náb' dsea` nilíing`na' jóo`o.

Jø lanab fé' Fíi'naa' Fidiéé` i' quíi'~ jmíi'~ jmé` lí'` doñi' ee`.

7

¹ Joba' fíi'~ 'nú', dsea` rú'naa' i' neáan`n eáang`, e lanab líi' júu` quiá'~ Fidiéé` e nicacuø'r` jneaa`aa' e nijmitir`. Jø uíi'~ e lajob líi' e júu` jø, joba' 'né'~ 'naam` yee`naa' jee` jalé` e dseáang`~ ni'lé` fi' ngúu` táang`naa' jogui fi' jmíguí` quí'naa', co' lí'` lí' 'né' e nijáang`~ yee`naa' dseáang`~ congua' fi' jaguó` Fidiéé` e laco' nijmó`naa' jmang` e guiá'~ uíi'~ e jmí'goo`naa' dsea` do.

Mí' já'~ calíng` dsea` Corinto júu` quiá'~ Dsea`Jmáang`

² Jø fíi'~ guíi' 'nú' e nijmi'neáang`na' jnea` e ngocáng` óo'na'. Dsaco' cóo'~ jíi'~ jaang` dsea` fa' nicajmó`naa' e soo` dsi'naa', o'gui mí' ca'lee`naa' quiá'~ jíi'~ jaang` dsea`, o'gui mí' jmígøøng`naa' dsea` cajo. ³ Jø dsu' ofa' éen`n 'nú' cóo'~ e júu` la, co' lí'` laco'gui la nicafíi' i' 'nú' ie` lamíi'~ jéeng`gui do e dseáang`~ 'neáam`baa' 'nú' nañi' song see`naa' osi nijúu`naa' é.

⁴ Jogui dseáang`~ lajíi'~ e í dsi'baa, e joba' fíi'~ 'nú', jogui eáam' iáang` dsii` cóo'~ 'nú'. Jogui jee` jalé` iihuí' e dsingín`~n fi' la, eáam' jmi'íáang` dsii` jogui cuøø` bí' 'ñiá'a'. ⁵ Jø lajíi'~ ie` lamíi'~ cagüé`naa' fi' la fi' lí' se' Macedonia, ja' mí' caliseá' fi' quí'naa' fa' e nicajmí'ing`naa' cateá', dsaco' huíng` eáang` cangojéé` quí'naa' lacaang` lí' ngí'naa' uíi'~ e seeng` jaléng` i' 'ni'` níi`~ quí'naa' lacúng`~ lajíng`~ lí' ngí'naa', jogui e 'gó'baa' cajo. ⁶ Jø dsu' Fidiéé` i' jmítíi'~ dsíi' jaléng` dsea` i' líng` fi'í', jø íb` dsea` nicajmítíi'~ dsi'naa' uíi'~ e nicagüéng`~ i' dsea` rú'naa' dsea` quiá'~ Dsea`Jmáang` i' sii` Tito. ⁷ Jø dsu' o' jíi'~ e cagüéng` Tito fi' la e iáang` dsi'naa', co' lajob líi'naa' cajo uíi'~ e eáam' iáang` dsíi' i' Tito la dsaco' cajmí'íáang`na' dsíi'~. Jogui cajím'~biguir cajo e eáam' iing`~ 'nú' e nimáang`tu' jnea~, jogui cajím'~bir jalé` fi'í' dsíi' e jmoo`na' uíi'~ jnea` jogui cajo eáam' guiing`~ óo'na' jnea`. Jø uíi'~ e lajob jmoo`na', joba' cóo'~ e jø eáang`gui cali'íáang` dsii`.

⁸ Jø nañi' fa' e jì' e casín`~n quíi'~na' do lamíi'~ jéeng`gui cajmée` e calíng`na' fi'í', jø dsu' ja' jó' dsii`~ lana uíi'~ e cajmé`e lajo. Jø cajob`^ dsii`~ dsu' uíi'~ e huøøm`~jiu cajmee`na' fi'í' cóo'~ jalé` e júu` e fé` e fi' ni` jì' do. ⁹ Jø dsu' lanagui jmi'íáam` dsii`, dsu' o' uíi'~ e calíng`na' fi'í', co' jmi'íáang` dsii` e la'eáang` cóo'~ e calíng`na' e fi'í' dsíi' doba' e caquí'~ jíing`~ yaang`na' fi' quini' Fidiéé`. Dsaco' lí'` laco' la tí' dsíi' Fidiéé` cajmee`na' e fi'í' dsíi' e cangongíing`~na' do, joba' jnea` ja' ee` ca'lee`naa' quíi'~na' jíi'~ coo' cóo'~ e júu` e casíi'~naa' 'nú' do. ¹⁰ Dsaco' e lijiuung`~ dsíi' e íng` dsea` laco' la tí' dsíi' Fidiéé` ja' se'r` dsee`~ mí' dsingíiñ` lajo, dsu' e jø íng` ta` e laco' niquí'~ jíng` yaaiñ` fi' quini' dsea` do, jø lajoba' nileáiñ` jee` jalé` dsee`~ quiá'r`, jø ja' jó' dsíi' jalé` e cangongíiñ` do. Jø dsu' jaléng` dsea` i' ja' cúing` Fidiéé`, mí' se'r` dsee`~ dsu' uíi'~ e íñ' jalé` fi'í' dsíi', joba' e jø jmoo` e 'naaiñ` congua' cóo'~ Fidiéé`. ¹¹ Jø quié`na' cuente e eáam' guiá'~ nica'uíng`~ quíi'~na' cóo'~ jalé`

e fi'í dsí' e nicangongíng-na' do! Co' nica'ling-na' e jo lí' laco' la tí dsí' Fidié'. Dsaco' e jo cajmée' e lajang' júu' ca'í' ó'na' laco' catíng- jogui e cajmí'óng' yaang-na', jogui e cajmí'óng'na' jnea~, jogui cajmée' e caligúing-na' uii~ quí-na', jogui cajmée'bi cajo e ca'í' f' quí-na'. Jo mi~ cangí jo, cali'íing~ 'nú' e nimáang~tu' jnea~, jogui ca'í' ó'na' e nicuó'na' iihu' i dsea' i ca'ée' dsee- do. Jo có' jalé' e nicajmee-na' do nicajmiliing~ yaang-na' e ja' ee' caquing-na' jíi~ có' jee~ jalé' e cangojée' do. ¹² Jo có' lajob lí', joba' mi~ cajme'e e jì' e casín- n quí-na' do, ja' ca'í' dsii- uii~ quíá'- i dsea' i ca'lee' do o'gui uii~ quíá'- i dsea' i cangongíng- ga' do, jo dsu' cajme'e e jì' do e lí' laco' nilí' fí quini' Fidié' jial tí' guing- ó'na' uíi~ quí-naa'. ¹³ Jo uíi~ e lajob jmoo-na', joba' nicalitíi~ dsí-naa'.

Jogui o' có' jíi~ e jo e nicalitíi~ dsí-naa', co' eáang'guib nicali'iaang' dsí-naa' dsu' e nicagüéng- Tito fí' la e íaang' dsí' dsu' uíi~ e nicacuó'na' r bí jogui e nica'ee-na' guiá- có'r. ¹⁴ Jo nicafíib- jnea~ Tito lamí~ jéeng'gui e eáam' íaang' dsii- có' 'nú'; joba' ja' lí' cøng- ta~ cafi~ ire lajo. Dsaco' dseáng'- júu' jáb'- jalé' e nicasíi~naa' 'nú' lí' laco'gui jíi~ júu' e nicasíi~naa' Tito cajo cuaiñ~ quíá'- e eáam' íaang' dsí-naa' uii~ quí-na'. ¹⁵ Jo lana eáang'guib íaang' dsí' Tito uii~ quí-na' dsu' uíi~ e cajmee-na' náu-na' júu' quíá'-, jogui e guiá- ó'ba' ca'ling-na're mi~ caguiér- fí' na. ¹⁶ Jo jnea~ eáam' íaang' dsii- dsu' uíi~ e dseáng'- tab~ dsii- có' 'nú'.

8

Mi~ caseáng' cuu- e licó' dsea' quíá'- Dsea' Jmáang-

¹ Jo lanagui, dsea' rú'naa' dsea' quíá'- Dsea' Jmáang-, ii~naa' síi~naa' 'nú' jial tí' guíng- Fidié' nicajmээр- có' jaléng' dsea' quíá'- i neáang' fí' lí' se' Macedonia. ² Jo nañí' fa' eáang' nica'ling' jaléng' i dsea' do jalé' iihu', dsu' dseáng'- eáam' íaang' dsí'. Jo nañí' fa' tiñíim-bre eáang', jo dsu' e íaang' dsí'bre nicaseáin' jalé' cuu- e laco' nijmicó'r- dsea' rúin', jo nicacuør' e jo lafa' eáang' sea' cuu- quíá'-r. ³ Jo tíb' ni~ jnea~ e íaang' dsí' i dsea' do caseáin' jalé' e cuu- do lí' jie' jíi~ e quí-r' jmí~, jo car' jíi~ lí' gui lajo nicaseáin'. ⁴ Jo i dsea' i seeng' fí' lí' se' Macedonia do, eáam' camí'r' jnea'^ jmí'ee' e laco' nicuó'naa' fí' e cuøng' nijmicó'r- jaléng' i dsea' quíá'- Dsea' Jmáang- i seeng' fí' Jerusalén. ⁵ Jo dsu' lí' guib cajmээр- jíi~ laco' lamí~ í' dsí-naa', co' j'gui cajáng' yaaiñ~ la'uii~ e nijmitir- dseáng'- lajíi~ e iing- Fidié', jo mi~ cangí jo, cajáng' yaaiñ~ fí' quini~naa' e laco' nijmitir- lajíi~ e nisíi~naa're e nijmér- lí' jialco' la tí' dsí' Fidié'. ⁶ Joba' nicamíi~naa' Tito jmí'ee' e nisitíiñ' lajíi~ e nicaseáang' 'nú' e íaang' ó'na' lí' laco' jíi~ e nicanaiñ' sitíiñ' ie~ lamí~ jéeng'gui do. ⁷ Jo jaléng' 'nú', la'eáang' có' Jmiguí quíá'- Fidié', quí-na' jmí~ jmée-na' doñí' ee' uii~ e já'- líng'na' júu' quíá'- Dsea' Jmáang-, jogui eáang' tíng'na' fo'na' júu' quíá'- Fidié', jogui eáang' tíng' ngáng'na' e júu' jo, jogui eáang' guíá' áa'na' e jmí'co'na' jaléng' dsea' rúng'na', jogui eáang' 'neáang'na' jnea'^ lí' laco' jíi~ e calítng'na' quí-naa', jo lajoba' 'né' e eáang'gui nisáng'na' có' jalé' e seáang'-na' do.

⁸ Jo dsu' ofa' quíi~ ta~ 'nú' e dseáng'- lajo 'né' nijmée-na'; dsaco' lico' jnea~ iin~n e nilíi~ su dseáng'- lajang' júu' 'neáang' 'nú', dsea' rúng'na', e laco' nilíi~ su guíá' ó'na' e nijmicó'na' dsea' rúng'na' lí' laco' jmoo' i dsea' caguiaang- do. ⁹ Jo guíab- niñí' 'nú' e Fíi'naa' Dsea' Jmáang-, uíi~ e eáang' guíuñ- có' jneaa~aa', joba' mi~ cagüéin' fí' jmigü' la ca'uíñ- jaang' dsea' tíng' uíi~ jneaa~aa', nañí' fa' jaang' dsea' i niing- eáam'bre líiñ' fí' ñif-. Jo cajmээр- lajo e laco' la'eáang' e ca'uíñ- jaang' dsea' tíng-, joba' jneaa~aa' ni'ling'-naa' jalé' e jlo' e catíi~naa'.

¹⁰ Jo e laco' ni'uíng- guíá- quí-na', joba' nifíi~ i 'nú' lajíi~ e í' dsii- cuaiñ~ quíá'- e júu' la. Co' jíi~ ie~ mi~ cajíi'ba' canaang' 'nú' e caseáang'-na' jalé' e cuu- jo, jo dseáng'- e ngocáng' ó'ba' cajmee-na' lajo. ¹¹ Joba' lana jmité'na' có' lajíi~ e nicanang-na' jmoo-na' do lí' laco' jíi~ jialco' lí' dsítíng' quí-na'. Jogui jmee-na' lajo e íaang' áa'na' lí' laco' líng'na' ie~ lamí~ ca'í' ó'na' e canaang'-na' cajmee-na' e jo. ¹² Dsaco' mi~ jaang' dsea' dseáng'-

lajang' iáang` dsíir' e lling` go ee` iin` cuór` , joba' ím` Fidiée` lajii` e cuø` i` dsea` do lí` laco' jii` e dsitíng` quiá'r` , dsuco' ja` mí` Fidiée` jalé` e ja` sea` quiá`- dsea` .

13 Jo dsu' ja` ii`naa' e fa' uíi` e 'nú` nijmicóo`na' jaléng` i` dsea` rúng`na' do, jo lajee` jo 'nú` nimó`na' oo` . 14 Co' guiú`-gui e nilisea` conrøø` quií`na' lajaang` lajaang`na' . Dsuco' lanagui seab` quií` 'nú` lajii` e 'né` quiá`- i` dsea` do. Jo dsu' mi` coo` née`gui i` dsea` íb` nilisea` quiá'r` lajii` e 'né` quií` 'nú` , jo lajoba' nilisea` conrøø` quií`na' . 15 Jo lí` laco'gui la fé` fí` ni` jì` quiá`- Fidiée` lí` fé` lala: "Jo` e caseáng` quiá`- i` dsea` i` casití` jmiguiú` , o'gui cali`né`-gui quiá`- i` dsea` i` casití` capí` ."

Mí` cangó`-Tito fí` Corinto

16 Jo cuøø`-ø` gui`máang` Fidiée` uii` e cajmээр` e Tito ca'í` dsíir` eáang` uíi` quií`na' lí` laco' jii` e í` dsí` jnea` cajo. 17 Jo ca'íb` dsíir` e nijmér` lajii` e cafí`-ire, jogui co' eám` guíng` dsíir` 'nú` , joba' 'ñia`bre ca'í` dsíir` e nidsér` e nidsi`eer` 'nú` fí` na.

18 Jo colíng` cóo` Tito, nisín`n fí` na jaang` dsea` rú`naa' dsea` quiá`- Dsea` Jmáang` i` eáang` guiú` fé` jaléng` dsea` quiá`- Dsea` Jmáang` uii` quiá`- uíi` cóo` jalé` e guiú` e nicajmээр` lajee` e ngír` guiar` júu` quiá`- jial laang` dsea` jee` jalé` dsee` quiá'r` . 19 Jogui cajo jaléng` dsea` quiá`- Dsea` Jmáam`-bing` caguíng` i` dsea` do e laco' ningír` cóo` jnea` jogui e laco' nijmicóo`r` jnea` e nidsicá`naa' jalé` e caseáng` do. Jo jalé` e jo jmoo`naa' e laco' jmi`goo`naa' Fíi`naa' Fidiée` jogui e laco' niní` dsea` jial tíi` e iáang` dsí`naa' e jmicóo`naa' dsea` rú`naa' . 20 Jo ii`naa' e ja` nifé` dsea` ga` uii` quiá`- jial née` ni`naa' jalé` e cuu` e seáang`naa' la. 21 Joba' jmi`úung`naa' e jmoo`naa' jmang` e guiú` , jo o' jii` fí` quini` Fíi`naa' Fidiée` jmoo`naa' lajo, co' lajob` jmoo`naa' cajo fí` quini` jaléng` dsea` jmigúí` .

22 Jo colíng` cóo` i` dsea` gáng` na, nisín`n fí` na jaang`gui dsea` rú`naa' dsea` quiá`- Dsea` Jmáang` i` eáang` nicajmili` e guia` dsíir` e jmicóo`r` jaléng` dsea` rú`naa' . Jo dsu' lana eáang`gui nijmilir` e líiñ` lajo uíi` e nita` dsíir` cóo` 'nú` . 23 Jogui cuaiñ` quiá`- Tito fí` i` 'nú` e líiñ` jaang` dsea` rú`naa' i` ngí` jmoo` ta` colíng` cóo` jnea` e laco' nijmicóo`naa' 'nú` . Jogui fí` i` 'nú` cuaiñ` quiá`- i` dsea` quiá`- Dsea` Jmáang` i` gáng`-gui do e líiñ` dsea` i` casíng` dsea` quiá`- Dsea` Jmáang` i` seeng` fí` la jogui e eám` jmiféiñ` Dsea` Jmáang` . 24 Joba' fí` i` 'nú` e jmi`neáang`na' i` dsea` gaang` i` síng`naa' la, jo lajoba' nilita` dsíir` e sea` uíing` e jnea` eáang` iáang` dsí`naa' uíi` quií`na' . Jo lajoba' niliñ` cajo jaléng` dsea` quiá`- Dsea` Jmáang` caguiaang`-gui e dseáng`- lajang` júu` e 'neáang` 'nú` i` dsea` gaang` na.

9

Jial caseáng` jalé` e 'né`-dsea` quiá`- Dsea` Jmáang`

1 Jo lana, dsea` rú`naa' dsea` quiá`- Dsea` Jmáang` , lín`n e jo` ngíi` lí` fa' 'né` e nisíng`guíi` jì` quií`na' cuaiñ` quiá`- jalé` e 'né` seáang` e quiá`- nilicóo` i` dsea` rú`naa' caguiaang` do i` neáang` fí` Jerusalén, 2 co' niñi`baa` guiú` e eám` iáang` óo`na' e nijmée`na' lajo. Joba' contøøng` e iáang` dsii` fí` i` jaléng` dsea` seeng` fí` lí` se` Macedonia e jii` ie` cajii`ba' e iáang` óo` 'nú` , dsea` seeng`na' fí` na fí` lí` se` Acaya, e nijmicóo`na' jaléng` dsea` rúng`na' dsea` quiá`- Dsea` Jmáang` . Jo uíi` e lajob` iáang` óo`na' e jmoo`na' , joba' lajob` iing` nijmé` cajo jaléng` i` dsea` seeng` e fí` lí` se` Macedonia do. 3 Jo dsu' lanagui lab nisín`n fí` na lajì` gaang` i` dsea` quiá`- Dsea` Jmáang` la, jo lajoba' nili` e dseáng`- já`- lajii` júu` e nicafá`-a uii` quií`na' cuaiñ` quiá`- jalé` e seáang`na' do. Co' jnea` iin`n e néeb` guiú` quií`na' lí` laco' nicafá`-a lami` jéeng`gui. 4 Jo lajob` 'né`-jmée`na' , co' jial fíng` song` cangolíng` cóo` jnea` fí` na tú` 'ní` máng` dsea` i` seeng` fí` Macedonia, jo ninír` e ja` mí` née` guiú` quií`na' . Jo song` lajob` líi` quií`na' , joba' fí`ib` nicá` jnea` jóng` uíi` e eáang` nicajmita` dsí`naa' cóo` 'nú` . Jo fá`-a e júu` na e laco' ja` nifá`-a e 'náb` dsea` ni`íng`na' e fí`i` do. 5 Jo uíing` e lajob` , joba' nica'í` dsii` e dseáng`- guíim` e jang`- nimí` i` i` dsea` rú`naa' dsea` quiá`- Dsea` Jmáang` la e jang`- nidsi`eer` 'nú` la`uui` , jo lajoba' cuøøng` e

nijmicóo'r~ 'nú' e niseáng' lajii~ e nicacuó^na' júu^ quíi~na' lami~ jéeng' e niseáng'~na'. Jo lajoba' niné~ guiá~ lajalé' e nicaseáng'~na' do e íáang' óó'na', jo o' e 'mang' óó'na'.

⁶ Joba' fii~i 'nú', dsea`rú'naa', e téé' óó'na' e júu^ la: "I dsea`i ja`leáng~ mijú`jni, joba' ja`leáng~ nisitíiñ' mi~ niró'. Jogui`i dsea`i jni`jmiguiú' mijú`, joba' jmiguiú'b' nisitíiñ' mi~ niró'." ⁷ Joba' lajaang`lajaam`dsea`'né~cuór~lajii~ e nica'f' dsíir' e nicuór~, jo ja`'né~cuór~ e jo e lijiuung~ dsíir' osi e laguidseang~ é, dsuco' eáam' 'neáng' Fidiéé' jaléng' i dsea`i cuø' e íáang' dsíi'. ⁸ Jo quíib'~ Fidiéé' jmi~ jmér~ e nidsijéé' guiá' quíi~na' e laco' nilisea`jmiguiú'gui jalé' e 'né~na'. Jo lajoba' nilisea`quíi~na' lalíng' jalé' e jo, jogui cajo niseáam~bi e laco' cuøng' nijmicóo'~na' jaléng' dsea`rúng'na' i 'né~quíá'~lajo. ⁹ Dsuco' lalab fé' fí' ni~ jì quiá'~ Fidiéé':

Jo e íáang' dsíi'bre nicacuø'r' jaléng' dsea`tiñíng~, jogui jalé' e guiá~ e cajméer~, dseáng'~ ja`tòò' jmi~ fa' e ni'íng~.

¹⁰ Jo Fidiéeb' dsea`cuø'r' jalé' e mijú' e jni`dsea`, jo í'bi cajo i cuø' e laco' sea`jalé' e gø' dsea`. Jo íb`dsea`nicuø'~'nú' lajalé' e 'né~quíi~na' e laco' nijngá^na', jogui dsea`íb` cajo dsea`nijmér~ e nidsicuáng'gui jalé' e ro'na' e laco' cuøng' e jmicóo'~na' e íáang' óó'na' jaléng' dsea`rúng'na'. ¹¹ Jo lajoba' nilisea`quíi~na' langíng~ íng'~ jalé' e 'né~na' e laco' cuøng' e eáang'gui nijmicóo'~na' dsea`rúng'na' e íáang' óó'na'. Jo mi~ nijáa'~naa' jaléng' dsea`rú'naa' dsea`quíá'~ Dsea`Jmáang~ jalé' e cuu~ e nicaseáng'~na' do, joba' eáang'nicuø'r' gui'máang'~ Fidiéé'. ¹² Dsuco' lajii~ e nidsicá^naa' do e nicuøø^naa' i dsea`rú'naa' do o' jii' lico' nijmicóo'~naa'r còo'~ jalé' e 'né~, co' lajob cajo, la'eáang' còo'~ jalé' e nicuøø^naa'r do, nijmé~ e eáang'gui nicuø'r' gui'máang'~ Fidiéé'. ¹³ Jo jaléng' i dsea`i ni'íng' lajii~ e nicaseáng'~na' do, eáang' nijmiféiñ' Fidiéé', co' nililí'r' e dseáng'~ jmoo` 'nú' náa'~na' e júu^ quiá'~ Dsea`Jmáang~ e nijá'~ calíng~na' do. Jogui lajobi i dsea` do cajo nijmi'gò'bre Fidiéé' uíi'~ jalé' e íáang' óó'na' e nicajmee'na' guiéé' jee~ ír' jogui jee~ jaléng' i caguaang~gui cajo. ¹⁴ Jogui i dsea` do nimí'~biguir Fidiéé' uii~ quíi~na' car`ngocáng' dsíir' uíi'~ jalé' e eáang' guiá~ e nicajmée' Fidiéé' còo'~ 'nú'.

¹⁵ Jo gui'máang'~ Fidiéé' uíi'~ quiá'~ e nicacuø'r' jneaa~aa' e ja`cøng' còo'! i Jo dseáng'~ ja`ne~naa' e~ còo'~ júu^ nifé^naa' cuaiñ~ quiá'~ e jo!

10

Mi~ cajmi'øng' 'ñia' Paa~ quiá'~ jaléng' dsea`i 'nãng' ír'

¹ Jnea~ Paa~, jo lana mii'~i 'nú' jmi'ee' la'eáang' còo'~ Dsea`Jmáang~, i dsea`i ja`jmiféng' 'ñia' jogui i eáang' guiúng~. Jo seem`dsea`i fé' e mi~ táang' jnea~jee~ 'nú', lín'n jaang`dsea`i ja` e júung~, jogui mi~ táan`n lí' huíi~, lín'n jaang`dsea`i teáb`dsíi' fé' júu`ii. ² Joba' mii'~i 'nú' jmi'ee' e mi~ niguiéé' e ni'ee' e 'nú' fí' na, ja`jméé^na' jii~ còo' e ja`dseeng' e laco' ja`nijmee~ e ii`júu^ quié~ e còo'~ jaléng' 'nú' lí' laco' í' dsii~ e nijmee~ e còo'~ i líng~ 'nú' i 'nãng' jnea'^ e jmoo~naa' jalé' e jmoo~naa' lí' laco' lí' dsíi'naa' yee~naa'. ³ Jo e já'~ e lí'naa' dsea`jmigüi, jo dsu' ja`jmáang'~naa' ta~ jalé' e tíng' ngáng' dsea`jmigüi e laco' nilí^naa' jaléng' i 'ní' ní' júu^ quiá'~ Dsea`Jmáang~. ⁴ Co' jnea'^ ja`jmáang'~naa' ta~ jalé' e qui'~ táng' dsea`jmigüi`jmáañ' ta~ mi~ 'ní' níng~ rúñ'. Co' jnea'^ jmáang'~naa' ta~ bí' gøng' quiá'~ Fidiéé', co' e joba' quíi'~ jmi~ ni'íng~ jalé' e jnãng' quiá'~ júu^ quiá'~ dsea` do, jogui còo'~ e bí' gøng' doba' ni'íng~naa' jalé' e 'nãng' júu^ quiá'~ Fidiéé', ⁵ jogui còo'~ e joba' ni'íng~naa' cajo jalé' júu^ róo~ e ja`cuø' fí' e niliñi' dsea`júu^ quiá'~ dsea` do. Jogui jalé' e í' dsíi' dsea`jmigüi, fí' jaguó` Dsea`Jmáang~ guia'naa' e jo e laco' nijmé~ náa'~ jalé' ta~ quiá' dsea` do. ⁶ Jo mi~ nijmoo` 'nú' náa'~na' laco' sí'f' júu^ quiá'~ Dsea`Jmáang~, jo song lajee' jo seem`bi i líng~ 'nú' i ja`jmoo`lajo, joba' dseáng'~ néeb' guiá' quíi~naa' e nicuø'~naa' iihuí' jaléng' i dsea` í'.

⁷ Jo 'nú', mi~ ee'go jøø~na', lico' jøø~na' jii~ laco' jnéeng~, dsu' ja`ca`na' cuente jial dseáng'~ lí'. Jo song i líng~ 'nú' ta~ óó'na' e líng'na' dsea`quíá'~ Dsea`Jmáang~, joba' 'né~ñi'ba' e dsea`quíá'~ Dsea`Jmáam~ líng' jnea'^ cajo. ⁸ Jo nañi' fa' cangíi'~bijiú e fé'naa' guiá~

uui~ quiá'- e ta~ e oo~naa' jee~ 'nú', jo dsu' ja` jmóo' o' i' lán~ n uí' e nicajmée' lajo. Dsaco' Dsea` Jmáam~bing' i nicacuø' jnea'^ e ta~ e oo~naa' la e laco' nijmó'naa' e 'nú' teá'gui nisíng'-na' cóo'~ júu^ quiá'r-, jo o' laco' e niquing'^tu' tucang'na' fí' lí~ niteáang~na'. ⁹ Jo ja` iin~n e í' óo'na' e lico' fón'~n 'nú' cóo'~ jalé' e jmo' o' fí' ni~ jì' quié'-e. ¹⁰ Jo seem' i fé' e eáam' iì' jogui huí' jalé' júu^ e tóo' fí' ni~ jì' quié'-e, jo dsu' mi~ táan'n jee~ 'nú' fí' na, ja' ee' tí'i jii'~ capí'^, jogui ja' 'ga' lí' jmi'gó' dsea' jnea~ mi~ fá'-a. ¹¹ Dsu' jaléng' i dsea' i fé' lajo 'né' e ñi'bre e lí'^ laco' la líng' jnea'^ cóo'~ jalé' e fé'naa' fí' ni~ jì' lajee' see~naa' huí~, dseáng'- lajob lí'naa' cajo cóo'~ jalé' e jmoo~naa' mi~ niguié'naa' jee~ 'nú' fí' na.

¹² Jo e jáb'- e ja' teá' dsi'naa' e nicøøng' yee~naa' conrøø cóo'~ jaléng' i dsea' i jmoo' ta~ jmicøøng'~ yaang~. Co' iib' jmáng' yaang~ jaléng' i dsea' i jmoo' ta~ lajo mi~ guiéng' í' la'ó' yaañ' jogui mi~ cøøng' rúñ' conrøø quiá'- jial líñ' lajaang' lajaañ'. ¹³ Jo dsu' jnea' ja' nijmijløng'^ yee~naa' lí'gui jii'~ laco' si'í' cóo'~ e ta~ e oo~naa'. Dsaco' Fidié'bing' i quiá' ta' qui'naa' jie~ jii'~ lí' catí'naa' e nijmó'naa' ta~, jo jee~ jo quíng'~ 'nú', dsea' seeng'na' fí' na fí' Corinto. ¹⁴ Jo uí' e lajob lí', joba' jnea'^ ja' cajmé'naa' ta~ lí' ja' catí'naa' ie~ lami~ calisé'naa' jee~ 'nú' lami~ jéeng'gui. Co' jneab~ dsea' la'uii' i cangoca~ júu^ quiá'- Dsea' Jmáang~ jee~ 'nú'. ¹⁵ Jo jnea' ja' jmiráang' yee~naa' cóo'~ jalé' ta~ e nicajmée' dsea' jiéng' e jmoo~naa' ta~ lí' ja' catí'naa'. Co' jnea' lí'^ lí' sijeeng'naa' e eáang'gui nijmó'naa' ta~ jee~ 'nú' e lí'^ laco' ngóo' teá'gui síng'-na' cóo'~ júu^ quiá'- Dsea' Jmáang~. Jo dsu' nijmó'naa' lajo jee~ 'nú' jie~ jii'~ lí' catí'baa'. ¹⁶ Jogui jnea' sijeem'baa' cajo e niguiá'guí' júu^ quiá'- jiallaang' dsea' jee~ dsee~ quiá'r- e fí' lí' huí'~ gui eáang' laco' neáang' 'nú', jo dsu' ja' iinaa' nijmó'naa' lajo fí' lí' ja' catí'naa'. Dsaco' jnea' ja' iinaa' fa' nijmiráang~ yee~naa' cóo'~ jalé' ta~ e nicajmée' dsea' jiéng'.

¹⁷ Jogui song seeng' dsea' i iing~ jmiféng' 'ña', joba' guiá'gui e güijmifém'bre Fí'naa' Fidié'. ¹⁸ Dsaco' i dsea' i fé' Fidié' guiá' uui~ quiá'-, i dsea' í'bing' i catíng~ nil'goo', jo o' i dsea' i lico' fé' guiá' uui~ quiá'r- 'ña'r'.

11

'Né~ ñiing~ dsí' dsea' cóo'~ jaléng' dsea' i jmigóo'

¹ Jo lana ne~ duu' su nité' 'nú' e féng' áa'na' song lí' júu^ í' jalé' e nifá'-a la! Jo dseáng'- jmee~ba' té'na' cóo'~ jnea~ jialco' jii'~ e cuøøng'. ² Jo jnea~ ñ'baa' 'goo' qui'na' e jie' mi~ jmee'na' jalé' e ga'. Co' 'nú' líng'na' lafa' jaang' simí' i ja' ee' si'ling'^, joba' nicacuøø' jnea~ 'nú' júu^ quié'-e e nijéen~n 'nú' e lafa' nicúung'na' guó'na' dseáng'- cóo'~ jaam' dseañu', jo i dseañu' í, íb' Dsea' Jmáang~. ³ Jo dsu' jnea~ 'gó'baa' e niligøøng' 'nú' cóo'~ jalé' e í' óo'na', jo jalé' e jo nijmé' e ni'náng'na' e jmiféng'na' Dsea' Jmáang~ e guiá' óo'na' jogui e ngocáng' óo'na' lí'^ laco' calí'- i mi' do cajmigøøng'ne' Eva ie~ malí' do. ⁴ Co' 'nú' jmoo'ba' té'na' e iáang' óo'na' cóo'~ lí'^ doñí' i dsea' i guié' fé' júu^ quiá'- i jiéng'gui laco' Jesús lí'^ laco' e júu^ e nicaguiá' jnea'^ jee~ 'nú'; jogui e guiá' óo'ba' íng'na' jmiguí' e jié' lí'^ laco' e Jmiguí' quiá'- Fidié' e nica'íng'na' do; jogui íng'na' cajo júu^ e jié'gui quiá'- jial laang' dsea' jee~ jalé' dsee~ quiá'r- lí'^ laco'gui e nica'íng'na' do. ⁵ Jo dsu' jnea~ ja' í' dsii' fa' e uøng~guí' laco' i dsea' i jíng'- e líñ' dsea' cøøng' i síng' Dsea' Jmáang~ cuaiñ' quiá'r- cóo'~ i güitáang~ 'nú' do. ⁶ Jo nañí' fa' jnea~ ja' tñ'n fá'-a júu^ jlo'^ mi~ guíaa~ júu^ quiá'- Fidié', jo dsu' ja' lán'n lajo cóo'~ jalé' e tñ'n ngán'n. Jo 'núb' dsea' nicañí'na' e lajob lí'naa' cóo'~ jalé' e nicajmé'naa' jee~ 'nú'.

⁷ Jo ja' í' áa'na' e cajmé'- e ga' dsu' uí' e ja' cacá'a jii'~ ca'í' ie~ lami~ caguiá'a jee~ 'nú' e júu^ quiá'- jial laang' dsea' jee~ jalé' dsee~ quiá'r-, co' ie~ jo, jnea~ cajgiaang~ 'ña'a' fí' quini'na' e laco' 'nú' casáng'na' yá'gui. ⁸ Co' jnea~ nica'ín'~n cuu' e nicacuø' dsea' quiá'- Dsea' Jmáang~ i seeng' fí' lí' jié' e laco' sea' e jmáan'~n ta~ lajee' e jmoo' ta~ fí' quini'na'. ⁹ Jo lajee' e cataan~n jee~ 'nú' lí'm~ ee' calí'né'-e, jo dsu' jii'~ jaang' 'nú' líng' ee' camí'í, co' mi~ cagüíling~ jaléng' dsea' rú'naa' dsea' quiá'- Dsea' Jmáang~ i seeng' fí' lí' se' Macedonia, í'bing' i cacuø' jnea~ jalé' e 'né'-e. Dsaco' jnea~ cajmé'- e úung' e ja' ee' camí'í' 'nú' e 'né'-e,

jogui dseáng' lajob nijmee~guí cajo e jii' coo` ja` ee` nimí' i` 'nú'. 10 Jo uí' e dseáng' eám' nita` dsii` e cui'baa jalé' júu` quíá' Dsea` Jmáang` , joba' jii' jaang` dsea` i` seeng` fi' latøøng` lí` se' Acaya cuøøng` lí` jniñ` quíe` e eáang` iáang` dsii' dsu' uí' e ja` mí` camí' i` 'nú' jalé' e 'né` e. 11 Jo ¿jialí' fá' a lala líng` 'nú'? ¿Su e í` áa'na' e ja` 'neáan`n` 'nú'? ¡U~, dseáng' o' lajo! ¡Co' ñib' Fidié` e eám' 'neáang` jnea` 'nú'!

12 Jo dseáng' mí' 'noo'bi nijmee` e jii' laco' jmóo`o` jee` 'nú', jo lajoba' ja` nicuøø`ø` fi' jaléng` i` dsea` i` ngi' 'nó' uing` jial` e nijmi'iaang` dsii' jii' laco' e iáang` dsii' jnea`. 13 Co' jaléng` i` dsea` i` lico' ngir' jmóor` ta` jmigøøng` dseab`, dsuco' ngir' fé'r` e líiñ` dsea` i` casíng` Dsea` Jmáang` cuaiñ` quíá' , jo dsu' o' já' e líiñ` lajo.

14 Jo dsu' ja` dsigá` dsii'naa' e jmóor` lajo, dsuco' 'ñia' fii' i` 'líng' i` sii' Satanás cajo, jmáng' 'ñia'r` e líiñ` lafa' jaang` ángel i` jing` i` casíng` Fidié`. 15 Jo ja` 'né` fa' e nidsi'gá` dsii'naa' cajo, co' lajob líng` jaléng` i` dsea` i` jmoo` ta` quíá' fii' i` 'líng'; co' jaléng` i` dsea` i` jmáng' yaaiñ` e líiñ` dsea` guíung`. Jo dsu' niguiéeb' jmí` mí` ni'íñ' iihu' lí' laco'gui catíng` cóo` jalé' e jmóor` do.

Jalé' iihu' e cangongíng` Paa`

16 Jo fii` túu` 'nú' calé' catú` e jii' jaang` 'nú' ni'í` áa'na' e jnea` ja` røø` lí' i; jo dsu' song lajobi í` áa'na' e líiñ`n, joba' cuøø`na' jnea` fi' e nifón`n` 'nú' laco'gui fé' jaang` dsea` i` líng` lajo, jo lajoba' cuøøng` e nijmee` jnea` e ráan`n` capí'. 17 Jo dsu' e jmíráang` jii` 'ñia' a la jmóo`o` lajo e lafa' ja` røø` lí'baa jo dsu' o' laco' ta` quíu' Fii'naa' Dsea` Jmáang` e nijmee` e. 18 Dsuco' fii' dsea` seeiñ` e jmíráang` yaaiñ` cóo` jalé' e tiiñ` ngáiñ` fi' jmigü` la, joba' lajob nijmíráang` 'ñia' jnea` cajo. 19 Jo e jáb' e eáang` jmí` 'nú', jo dsu' jmoo`ba' té'na' e iáang` óo'na' cóo` jaléng` i` dsea` i` ja` røø` lí', 20 jogui jmoo`ba' té'na' cajo cóo` jaléng` i` dsea` i` quíu' 'nú' ta` e nijmíe`na' ta` fi' quinir`, osi e jmi'í'r` jalé' e sea` quí'na', osi e jmigøøiñ` 'nú', osi e ja` jii'r` 'nú', osi e jmáiñ` 'nú' ga` é. 21 Jo dsu' i' líim`baa e nifí' i` 'nú' e jnea` ja` caliseá` bí` quí'naa' fa' cajmó`naa' lajo cóo` 'nú'.

Jo song i` dsea` i` caguaang` gui do teáb` dsii' e jmíráang` yaaiñ`, joba' teáb` dsii' jnea` e nijmee` e lajo cajo, nañi' fa' fá' a la fé' jaang` dsea` i` ja` røø` lí'. 22 Co' jmíráang` yaang` i` dsea` i` dsu' uí' e líiñ` dsea` hebreo, jo dsu' lajob líng` jnea` cajo; jogui jmíráang` yaaiñ` dsu' uí' e líiñ` dsea` Israel, jo dsu' lajob líng` jnea` cajo; jogui jmíráang` yaaiñ` dsu' uí' e líiñ` siju` 'lí' yúu` Abraham, jo dsu' lajob líng` jnea` cajo. 23 Jogui i` dsea` i` jmíráang` yaaiñ` e jmóor` ta` e nicangíiñ` quíá' Dsea` Jmáang` , jo dsu' jnea` gui eáang` gui jmóo`o` e ta` e nicangíiñ` quíá' Dsea` Jmáang` laco'gui i` dsea` i'; jo dsu' fá' a lana lafa' fé' jaang` dsea` i` ja` røø` lí'. Dsuco' jnea` eáang` gui nicajmé` e e ta` jo laco'gui i` dsea` i', jogui jmigui'gui ya' nicajníng` dsea` jnea` fi' dsii' 'nuñi' laco'gui i` dsea` i', jogui eáang` gui nicabøøng` dsea` jnea` laco'gui i` dsea` i', jogui cajo jmigui'gui ya' jii` ja` mí` cajún`n. 24 Jo lajee` 'ñia' née` cabøøng` dsea` judío jnea` guíguí dsii' 'ñia' ya' cóo` 'ni'. 25 Jogui 'ni' ya' cabøøiñ` jnea` cóo` sii`, jogui cóo` ya' casii'ló'r` jnea` cuu`. Jogui 'ni' ya' cango'ang' móo' fi' lí' iuun`, jogui cóo` ya' cangongíiñ` e cajáa` a fi' ni` jmiñi' lajee` cóo` jmí` jogui cóo` uøø. 26 Jogui eám' nicajmé` e ta` ngi', jogui eám' nicalidseáang` seen` mí` cuóo`o` jalé' gua` jogui mí` jín`n` jaléng` i` jogui mí` seen` jee` jaléng` dsea` góo`o` cóo` gui mí` seen` jee` jaléng` dsea` i` ja` líng` lajo. Jogui lajobi nicalidseáang` seen` fi' lacaang` góo` dsea` cóo` gui lacaang` jee` mó' jogui lacaang` fi' ni` jmiñi'. Jogui nicalidseáam` bí` seen` cajo fi' jee` jaléng` dsea` i` jmícaang` e líiñ` dsea` quíá' Dsea` Jmáang`. 27 Jo eáang` nicajmé` e ta` ii, jogui huíng` nicangojéé` quíe` e, jogui jmigui'ab' ya' ja` mí` caliseá` fi' quíe` e fa' e güiñ` laco' sí'í', jogui nicamó`baa oo` cóo` jalé' e gó'ø` jogui cóo` jalé' jmí` e gú'u, jogui jmigui'ab' ya' nicajáa` e ja` mí` cagó'ø` ii, jogui nicangongíim`baa iihu' mí` tí` jii` güi, jogui nicangongíim`baa iihu' cajo uí' e ja` sea` sí' i. 28 Jo o' cóo` jii' e na eáang` huíng` nicangojéé` quíe` e, co' eáang` huíng` dsijéé` quíe` e laco` jmí` uii` e guíng` dsii` jial seeng` lajaléng` dsea` quíá' Dsea` Jmáang`. 29 Jo song i` líng` dsea` quíá' Dsea` Jmáang` ja`

quá'r~ jmí~ cóo~ e ta~ e nicangáin` quíá~ Fidié~, joba' lafa' lajob líng' jnea~ cajo. Jogui song i líng~ i dsea' la'í cajmээр` e catóng' jaang'gui dsea' rúin` fí' nî' dsee~, joba' eáam' niligúin~n. ³⁰ Jo song seab' uing~ e nijmiráang~ 'ñiá'a, joba' lajob nijmee~ e cóo~ jalé' e cuø' lí' e ja' quí~i jmí~ jmóo'o. ³¹ Jo Fidié~, i líng' Tiquiá'^ Fí'naa' Dsea' Jmáang~, í'bing' i catúng~ nijmiféng'naa' car` ngongú' jmí~, jogui dsea' íb` dsea' niñi' røø' cajo e jmang'^ júu^ já'ba' nicafá'~a. ³² Jo ie~ mi~ cataan~n fí' Damasco, i dseata~ i quíá' ta' fí' jo i jmoo' ta' quíá'~ dseata~ dsea' féng' i sii' Aretas do, casíin' 'léé~ quíá'r~ fí' tíi' jnî' e lí' sí' iá' cuu~ e sí' lacúng' e fii' do e laco' ja' nicuør~ fí' e nijúu' u, co' lami' iin~ e nisáin' jnea~ jo nitøø' jnea~ fí' dsii' 'nuñi'. ³³ Jo dsu' calisém' dsea' i cajgiáang~ jnea~ fí' dse' e iá' cuu~ quíá'~ e fii' do e iuun~ fí' cóo' dsii' 'matá', jo lajoba' calí'~i e caláan~n fí' jaguó' i dseata~ do.

12

Jalé' e cangá' Paa~

¹ Jo nañi' fa' jii~ cóo' ja' ee' lí'~i dsu' uíi~ e jmiráang^ 'ñiá'a, jo dsu' lanagui 'né'ba' e nifii~i 'nú' jalé' e nicamó~o lafa' mi' quí~ jogui jalé' e nica'ín'~n e ja' mi' cajmijnéeng' Fidiéé' jéeng'gui. ² Co' jnea~ cuím'baa jaang' dseañu' i líng' dsea' quíá'~ Dsea' Jmáang~, jogui lana ningóo' guiquíu' jii~ mi' cajéeng' Fidiéé' ír' cateá' fí' lí' catf' 'ni' yá'^ jmigúí'. Jo dsu' ja' ñii~ si cangó~ i dsea' do cóo'~ ngúu' táaiñ' osi lajii~ jmiguí' quíá'~bre é, co' dseáng'~ lajii~ Fidiéé'bing' i ñi' jalé' e jo. ³⁻⁴ Jo dsu' ñib' jnea~ e i dseañu' do cangór~ fí' ñiff~, jo fí' jo canúur~ júu^ e dseáng'~ jii~ ja' ñi' dsea' jial nifé'r' uíi~ e jlo'^ eáang', jogui e jii~ jaang' dsea' jmigúí' sea' fí' quíá'r' fa' e nifé'r' lajo; jo lifa' doba' ja' ñii~ su cangó~ i dsea' do cóo'~ ngúu' táaiñ' osi jii~ cóo'~ jmiguí' quíá'~bre é, co' dseáng'~ lajii~ 'ñiab' Fidiéé' ñir' e jo. ⁵ Jo jnea~ cuøøm' lí' jmiráang^ 'ñiá'a uii~ quíá'~ jaang' i dsea' la'í, jo dsu' o' nijmiráang^ 'ñiá'a uii~ quíé~ e 'ñiá'a, lifa' nijmiráam^ 'ñiá'a jii~ quíá'~ e ja' quí~i jmí~ jmee~. ⁶ Jo nañi' fa' iim~baa e nijmiráang^ 'ñiá'a, jo dsu' song jmóo'o lajo, ofa' e lín'n jaang' dsea' i ja' røø' lí'^, dsuco' júu^ já' lí' jalé' e fá'~a na. Jo dsu' ja' iin~n e ni'í' dsii' dsea' e niing~guí jii~ laco' e jnéen~n osi laco' jii~ e jmóo'o osi jii~ laco' e fá'~a é. ⁷ Jo dsu' e laco' ja' ni'í' dsii~ e niing~guí laco' jii~ e lín'n lana dsu' uíi~ e ca'iin~n quíá'~ Fidiéé' jalé' e jlo'^ e ja' mi' cajmijnéeiñ' jéeng'gui, joba' cangúin~n cóo' iihuú' e lí' lafa' cóo' tóo' e ca'ién~n, jo e jo lí' lafa' cóo' e jmáng' ta' fii' i 'líng' i sii' Satanás e jmáin' jnea~ ga'. ⁸ Jo 'ni' néé'~ nicamí'~i Fí'naa' Dsea' Jmáang~ e nijé'r~ e iihuú' do quíé~e, ⁹ jo dsu' ír' nicasí'r~ jnea~ lala: "Lajii~ e guíun~n cóo'~ 'nú'ba' e 'né' quíi', co' la'eáang' cóo'~ jaléng' i dsea' i ja' quíi'~ jmí~ yaang~ cóo'~ jalé' e jmóo' eáang'gui jnéeng~ jial tí' 'gøñ'n." Jo uíi~ e lajob lí', joba' jmi'íáam' dsii~ cóo'~ jalé' e ja' quí~i jmí~ jmee~ e 'ñiá'a, co' la'eáang' cóo'~ e joba' jmili' Dsea' Jmáang~ jial tí' 'gøñi'. ¹⁰ Jogui jmi'íáam' dsii~ cajo uíi~ quíá'~ jalé' e ja' quí~i jmí~ jmee~ e 'ñiá'a do, jogui lajob lín'n cajo mi' jmineang'^ dsea' jnea~, jogui mi' ja' 'ga' lí' sea' jalé' e 'né'~e, jogui mi' jmáng' dsea' jnea~ ga', jogui mi' dsijéé' huíng' quíé~e; jo dsu' lí'íáang' dsii~ mi' dsingúin~n jalé' e na dsu' uíi~ e lín'n dsea' quíá'~ Dsea' Jmáang~, dsuco' mi' lí'~i e eáang'gui ja' quí~i jmí~ jmee~ 'ñiá'a, joba' eáang'gui quí~i jmí~ e jmóo'o.

Eáang' guíng' dsii' Paa~ jaléng' dsea' i seeng' fí' Corinto

¹¹ Jo jnea~ lafa' jaang' dsea' i ja' røø' lí'^ lín'n uíi~ cóo'~ jalé' e nicafá'~a na uii~ quíé~e; jo dsu' 'núb' dsea' nicacuøø'~na' jnea~ 'goo' e nicafá'~a lana. Co' 'nú' dsea' catúng~na' e nifo'~na' guí~ uii~ quíé~e. Jo nañi' fa' ja' 'ga' lí' niim~bi jnea~, dsu' ja' uøng~guí laco' i dsea' caguaaang~gui i güitáang~ 'nú' cóo'~ do i ngí' fé' e líiñ' dsea' cøøng' i casíng' Dsea' Jmáang~ cuaiñ' quíá'r~. ¹² Jo 'núb' dsea' tí' ní'na' e lajee' e nicataan~n jee' 'nú', dseáng'~ lajang'^ júu^ lím'baa jaang' dsea' i casíng' Dsea' Jmáang~ cuaiñ' quíá'r~, co' nicajmé~baa té' e cóo'~ jalé' iihuú' e dsingúin~n. Jogui cuø' lí' cajo e lím'baa jaang' dsea' la'í uii~ cóo'~ jalé' e lí' e quí~i jmí~ e dsigá' dsii' dsea' e nicajmé~e la'eáang' cóo'~ bí' 'gøng' quíá'~ Fidiéé'. ¹³ Jo dsu' ofa' cajmi'uøng~guí 'nú' uíi~ e ja' ee' camí'~i 'nú' fa' e nijmicóo'~na'

jnea~ lí^ laco'gui nicajmé~ e cóo~ jaléng^ dsea` quiá~ Dsea` Jmáang~ i seeng` fí lí~ jié'. Joba' féng' óó'na' uii~ quié~ e fíng song uii~ e joba' cajmiquíng'^ óó'na'.

14 Jogui lanagui ninéeb' guiá~ quié~ e e ni'éé~ túu 'nú' e catí 'ní ya', jo dsu' o'gui lana nimí~ i 'nú' jalé' e 'né~ e. Dsuco' ja 'nó' jnea~ jalé' e sea` quií~ 'nú', dsuco' jii~ 'nú'bing' i 'nán'n. Co' 'núb' dsea` líng'na' lafa' jóo~o, cofa' jaléng' tiquiá^ dsea` 'né~ to' fíim~bre jiuung~ quiá'r~, jo o' i jiuung~ quiá'r~ do 'né~ to' fíng' tiquiá'r^. 15 Jo jnea~ e guiá~ dsi'baa nijmeáan~n ta~ jalé' e sea` quié~ e, jo jiguí cartí 'ñiá'a nijmeáan~n ñiá'a lajo e laco' ni'uíng~ guiá~ quií~ na'; jo dsu' laco' ngóo~ e eáang'gui lí'neáan~n 'nú', 'nú' lí^ riquí' jmoo'na' cóo~ jnea~, co' jiu~gui 'neáang'na' jnea~ laco~o ya'.

16 Jo e jáb~ e lajee~ e cataang~ jnea~ cóo~ 'nú' fí na, jii~ cóo~ ja` ee` camí~ i 'nú' e 'né~ e, jo dsu' seem~ i líng~ 'nú' i fé' e lico' cajmé~ e e caligóm'ba' e jii~ ja` calilí^na' lajo. 17 Jo dseáng~ ja` mí cajmigóøng' jnea~ 'nú' cóo~ i dsea` i nicasín~n i nicango'ee~ 'nú' fí na. 18 Jo camí~ i Tito jmi'ee~ e nidsi'éer~ 'nú' fí na, jo colíng~ cóo~ ír` casín~n i jaang'gui dsea` rú'naa' dsea` quiá~ Dsea` Jmáang~. Jo i Tito do dseáng~ ja` cajmigóøm~bre 'nú' mí~ caguiér~ fí na; jo dseáng~ e jáb~ cajo e laji huóo~baa' røø` nica'ee~naa', co' conrøøb` í dsi'naa'.

19 Jo jangám~ ni'í^ áa'na' cóo~ jalé' e júu^ la e jmi'óng' yee~naa' fí quini^na', jo dsu' dseáng~ o' lajo, co' jnea^ lí^ lí fé'naa' fí quini Fidiéé~ jalé' e júu^ na jogui uii~ e lí'naa' dsea` quiá~ Dsea` Jmáang~ cajo. Jo jalé' e júu^ e síi~naa' 'nú', dsea` rú'naa' i 'neáan~n eáang', e lí^ laco' nidsicuáng'gui quií~ na' cóo~ júu^ quiá~ Dsea` Jmáang~. 20 Jo fá~a jalé' e júu^ na, co' 'gób'jiu e mí~ niguiéé~ e e ni'ee~ e 'nú' fí na, ja` niguién'n 'nú' jii~ laco' iin~n e líng'na', jogui 'nú' cajo ja` nimáang~na' jnea~ jii~ laco' e í óó'na' e lín'n. Co' 'gób'jiu e jmoo'na' ta~ jíng' jogui ta~ dsihuíng' quiá~ rúng' jogui ta~ guíng^ quiá~ rúng' jogui ta~ guíng~ dsii~ jii~ cuaiñ~ quií~ na' yaang~na', jogui e ngi'na' ta~ quié' jalé' adsee, jogui e éeng'na' dsea` rúng'na', jogui e jmiráang^ yaang~na', jogui cajo e 'lee~na' quiá~ dsea` rúng'na'. 21 Jogui 'gób'jiu cajo e mí~ niguiéé~ e e ni'ee~ e 'nú' fí na calé' catú~, Fidiéé~ nijmér~ e nilí i' lín~n uii~ quií~ na', jogui nijmér~ cajo e nilíin~n fí'í^ car` niquí^ i uii~ quiá~ i fíng' 'nú' cóo~ jalé' e dsee~ e ñilíng~na' ee~na' malí~ eáang', co' ja` mí catúu'bi' e jmoo'na' jalé' e 'lí^ e lí dsii' ngúu' táang'na' o'gui mí catúu'na' e jmoo'na' jalé' e ja` catíng~ dsea` jmóor' cóo~ ngúu' táaiñ' cóo~ lí^ doñí i' dsea', jogui cajo dseáng~ ja` mí catúu'bi' e jmoo'na' jalé' e 'lí^ lana lí^ laco' quií~ tíng'na' e jmoo'na' latí jmi~ na.

13

Júu^ # 'goo' lí~ cadséng~ quiá~ Paa~

1 Jo nití~ 'ní ya' e ni'ee~ e 'nú' mí~ niguiéé~ e fí na fí Corinto. Jo fí ni~ jii~ quiá~ Fidiéé~ fé' e 'neáng~ gáng~ osi fíng'gui dsea` i tíi ni~ e laco' cuóøng' ni'í~ í' mí~ ee'gø ga` jmoo` dsea`. 2 Jo ie~ mí~ cataan~n cóo~ 'nú' fí na e catí tú~ ya', ca'í~baa 'goo' quiá~ jaléng' i nica'lee' lamí~ jéeng'gui, jo co' lanagui huíim~ táan~n laco' seeng'na', joba' í'túu 'goo' quiá~ jaléng' í jogui quiá~ jaléng' dsea` caguaaang~gui cajo, e mí~ niguiéé~túu fí na, dseáng~ ngóo~o e guiab' dsii~ e nicuóøø` iihuí laco' catíng~ lajaléng' í, jo dseáng~ ja` nijmee~baa féng' dsii~. 3 Jo dsu' uii~ e 'nú' iing~na' ñi^na' røø` e su já^ e fé' Dsea` Jmáang~ la'eáang' jnea~, joba' dseáng~ ni'éé^baa 'nú' e lajob lí'. Jo Dsea` Jmáam~ ja` ua~ líiñ' cóo~ jalé' e jmóor' jee~ 'nú', co' jmijnéem~bre jial tíi 'gøiñ'. 4 Jo e jáb~ e jaang' dsea` jmi'güi i ua~ líng' Dsea` Jmáang~ ie~ mí~ cajúin~ fí dse' crúu^, jo dsu' seeiñ' la'eáang' cóo~ bí 'gøng' quiá~ Fidiéé~. Jogui e já~bi cajo e jnea^ lí'naa' dsea` jmi'güi i ua~ lí^ laco' lamí~ líng' ír', jo dsu' jnea^ nilisee~naa' cóo~ 'nú' fí na la'eáang' cóo~ bí 'gøng' quiá~ Fidiéé~ lí^ laco'gui la seeng' Dsea` Jmáang~ 'ñia'r' e laco' cuóøng' e nijmó^naa' ta~ fí quini^na'.

5 Jogui lana, dsea` rú'naa', fíi~ i 'nú' e nijáang~ yaang~na' su dseáng~ lajang^ júu^ teá teáang~na' cóo~ júu^ quiá~ Dsea` Jmáang~, jogui e nijóø^na' cajo jial í óó'na'. Jogui cajo niñí^baa e cøøm` seeng' Dsea` Jmáang~ cóo~ 'nú', jo song ja` lí' lajo, joba' dseáng~

nicalitúng- óo'na' lajii' e fi' guiá- li' niteáang-na' cóo' júu^ quiá'- dsea` do. ⁶ Jogui dseáng'- nitab` dsii- e jáb'- líng` 'nú' e dseáng'- ja` mí calitúng- dsì jnea'^ lajii' e fi' guiá- li' nitée- naa' cóo' dsea` do. ⁷ Joba' jnea'^ mii' naa' Fidiée` uii~ quiá'na' e lí' laco' ja` nijmée^na' jii' cóo' e ga`. Jo dsu' jnea'^ ja` jmoo- naa' lajo e lí' laco' nijmilí^naa' fi' quini~ dsea` rú'naa' e nicateá'- lí' naa' lajii' fi' guiá- li' nitée- naa' cóo' Dsea` Jmáang-, co' jnea'^ mii' naa' Fidiée` e lí' laco' 'nú' nijmée^na' jmang'^ e guiá-, nañí' fa' jnéeng- naa' e lí' naa' dsea` i nicalitúng- dsí' lajii' fi' guiá- li' nitée- naa'. ⁸ Dsucó' jnea'^ catí- naa' e nijmó^naa' dseáng'- jii' laco' fé' júu^ quiá'- Dsea` Jmáang-, co' ja` catíng- fa' e nijmó^naa' jalé' e jié' jii' laco' la fé' e júu^ jo. ⁹ Joba' jnea'^ eáang` iáang` dsì'naa' mi~ ja` 'ga' lí' quiá'naa' jmii~ cóo' jalé' e jmoo- naa', jo dsu' lajee` jo teáb` teáang- 'nú' lajii' fi' guiá- li' niteáang-na' cóo' Dsea` Jmáang-. Jogui cajo dseáng'- mí 'noo'bi nimii' naa' Fidiée` e laco' nisíng'- tu' teá' fi' guiá- cóo' dsea` do. ¹⁰ Jo uii' e lajob líí, joba' jmo' o e jì la quií- na' ná' gui e ninii' i e ní'ee' e 'nú' fi' na e laco' mi~ niguiéé' e fi' na, ja` ngii' lí' fa' 'né- e nijmeáan'~n ta~ e ta~ e oo- la e nicangín`n quiá'- Dsea` Jmáang- e laco' ni'ii' i 'goo' quií- na' dseáng'- lahuíng'. Dsucó' Dsea` Jmáang- nicacuø'r' jnea~ e ta~ e oo- la e laco' nijmee~ e 'nú' teá'gui nisíng'- na' fi' guiá- cóo'r' jo o' e laco' niqing'^ tu' tucang' na' e fi' lí' niteáang`na'.

¹¹ Jo lí' ngóo' cadséng-, dsea` rú'naa' dsea` quiá'- Dsea` Jmáang-, iin`n e seeng`na' e iáang` óo'ba', jogui jmi'úung`na' e laco' nisíng'- tu' teá' e fi' guiá- cóo' Dsea` Jmáang-, jogui cuøø' bí rúng`na', jogui røø' siing`na' lajaléng`na', jogui güiliseem`ba' juguiá- júu^ røø' conrøø' lajiiing`na'. Jo lajoba' Fidiée` i 'neáang` jneaa`aa' do jogui i cuø' jneaa`aa' e see- naa' juguiá- júu^ røø', dseáng'- cøøm` niliseeiñ` cóo' 'nú'.

¹² Jogui féeng'- rúng`na' e se' guoo' rúng`na' lacoø' ya' mi~ jié' jíng' rúng`na'.

¹³ Jo lajiiim` dsea` rú'naa' dsea` quiá'- Dsea` Jmáang- i seeng` fi' la guiéiñ' júu^ guicóo' quií- na'.

¹⁴ Jo mí' i Fí'naa' Dsea` Jmáang- e laco' niliñí'gui' jial tí' guiúíñ- cóo' 'nú' jogui e niliñí'gui' jial tí' 'neáang` Fidiée` 'nú', jogui cajo e laco' yejí- güiliseeng` Jmiguí' quiá'- Fidiée` cøøng` cóo' 'nú' lajaléng`na'.

Jo lajob nilí'.

Jo lana cató' e jì catí' tú- quiá'- Paa- e catíng- jaléng` dsea` quiá'- Dsea` Jmáang- i seeng` fi' Corinto.

Júu^ e toõ~ fí ni~ jì quiá'- Paa- e catíng- dsea` seeng` fí GALACIA

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-, dsu' o' dsea` jmigüü i ca'náang- jnea~ o'gui dsea` jmigüü i casíng` jnea~ e nijmee` e e ta~ la, dsuco' Dsea` Jmáang- 'ñia'bre cóo~ gui Tiquí'ii' Fidié~, í'bing' i cajmée` lajo, jo Tiquí'ii' Fidié~, íb' cajo cajmээр` e cají'tu Jóor' Dsea` Jmáang- mi~ cangí e cajúñ-. ² Jo jnea~, colíng~ cóo~ jaléng` dsea` quiá'- Dsea` Jmáang- i caguaang- gui i taang~ cóo~ jnea~ fí la, guiéeng` naa' júu^ guicóo' quií-na' jaléng` 'nú', dsea` quiá'- Dsea` Jmáang- i neáng` fí lí se' Galacia. ³ Jo nimí'i Tiquí'naa' Fidié~ cóo~ gui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' e seeng`na' juguiú- júu^ røø. ⁴ Jo Dsea` Jmáam-bing' i cacuøøng` 'ñia' e cajúñ- fí dse` crúu^ uí' dsee- quií-naa' e laco' ja` nisíng` yee~naa' fí ga` cóo~ jalé' e 'lí' e sea` fí jmigüü la, co' lajob cali'iing~ Tiquí'ii' Fidié~ e cajmээр`. ⁵ ¡Majmifém'baa're lata~! Jo lajob 'né- lí'.

Ja` sea` e jié'gui júu^ laco' e júu^ quiá'- Dsea` Jmáang-

⁶ Jo eám' dsigá dsii- e lajmináb- catiúung` 'nú' Fidié~ e ja` mi' ngóo' eáang` e cajáang` yaang`na' fí jaguór, co' dsea` dobing' i caguíng` 'nú' uí' e eáang` guiúng- Dsea` Jmáang- cóo~ 'nú'; jo dsu' lana, 'nú' ninaang`na' e já'- líng`na' júu^ e jié'gui laco'gui júu^ quiá'- Dsea` Jmáang- e quiá'- jial laang` dsea` jee~ dsee- quiá'r-. ⁷ Dsu' dseáng'- e já'- e ja` sea` e jié'gui júu^, co' dseáng'- lajii~ júu^ quiá'- Dsea` Jmáam-ba' sea`. Dsu' lajii~ e lí' e seeng` dsea` i jmicaang~ quií-na' jogui iin~ nijmisíñ- júu^ quiá'- jial laang` dsea` jee~ dsee- quiá'r-. ⁸ Dsu' song seeng` dsea` i jmóo' lajo, ja` e lí' fa' jneab~ osi jaang` ángel i líng` guotii- Fidié~ i jáa' fí yú' jmigüü i guia' júu^ e jié'gui laco' júu^ quiá'- Dsea` Jmáang- e nicaguiá'naa' jee~ 'nú', jo jnea~ fá' a, güiguiém' Fidié~ fí lí' 'lí' i dsea` í lata-. ⁹ Jogui fí-túu 'nú' calé' catú- lajii~ e nicafí-i 'nú' do: Lí' doñí i dsea` i guia' júu^ e sisíng`gui laco' e júu^ e nica'íng` 'nú' do quiá'- jial laang` dsea` jee~ dsee- quiá'r-, jo güi'naang` i dsea` í quiá'- Fidié~ lata~.

¹⁰ Jo e já'-, ja` jmóo' jnea~ jii~ e jmi'iaang` dsíí dsea` jmigüü, co' dseáng'- lajii~ e jmi'iaang` dsíí Fidié~ba' jmóo'o. Dsuco' faco' jnea~ iin~n e lico' niliseen- guiá- cóo~ jii~ dsea` jmigüü, joba' ja` lín'n jaang` dsea` i jmóo' lajii~ e iing~ Dsea` Jmáang- jóng.

Jial mi~ ca'uíng- Paa- dsea` quiá'- Dsea` Jmáang-

¹¹ Joba' iin~n e ñí'ba', dsea` rú'naa' dsea` quiá'- Dsea` Jmáang-, e lajii~ e júu^ e guia` jnea~ quiá'- jial laang` dsea` jee~ dsee- quiá'r-, dsu' e júu^ jo ja` lí' laco' la í dsíí mogui~ dsea` jmigüü. ¹² Jogui ja` ca'íng` jnea~ o'gui calit'n` quiá'- lí' doñí i dsea` jmigüü cajo, co' dseáng'- lajii~ Dsea` Jmáam-bing' cacuø' jnea~ e calicuí'i e júu^ jo.

¹³ Jo nicanáb- 'nú' e ie~ lami~ jéeng`gui do, lajee~ nú'-gui e nilicuín` Dsea` Jmáang-, cajmé-baa úung` e cajmitii` røø lajii~ e tíng` dsea` áang` quié- e dsea` Israel. Jogui eám' ga` cajmeáan`n jaléng` dsea` quiá'- Dsea` Jmáang- co' cartí cajmé- e úung` e nijúum- jaléng` i dsea` í. ¹⁴ Jo ie~ jo, jee~ jaléng` dsea` rún`n dsea` Israel i conrøøng`jia cóo~ jnea~, lajii~ jnea~bing' i jmiti~gui røø jalé' e quí'- tíng` dsea` góo'o dsea` Israel e jmóor, jogui cuøø-øre bí e laco' nijmitir- laco' sí'í e jo. ¹⁵ Dsu' Fidié~ caguíñ' jnea~ e ni'uíin`n dsea` quiá'r- latí jii' ie~ ná'-gui niliseem-baa, jogui co' eám' 'neáañ` jnea~ joba' catø'r- jnea~ e nijmee` e ta~ quiá'r-. Jo mi~ catí í' e iing~ ¹⁶ Fidié~ e niliñii- e Jesús líng` Jóor', joba' calicuín`nre e laco' jnea~ niguiáa- e júu^ quiá'- jial láaiñ` dsea` jee~ jalé' dsee- quiá'r-, jo nijmee` e e jo jee~ jaléng` dsea` i ja` líng` dsea` Israel. Dsu' ie~ jo ja` cangó-o fa' e cangojming`i dsea` jiéng` quiá'- e júu^ jo, ¹⁷ o'gui ngó-o fí Jerusalén ladsifí cajo e ngosiin`n e júu^ do cóo~ jaléng` dsea` i líng` dsea` apóo^ quiá'- Dsea` Jmáang- lajee~

ná'gui e nilíin n lajo cajo. Dsu' ja' cajmé e lajo, co' dsifí ladob cangó o fí Arabia fí lí ja' 'ga' lí dsea seeng, jo mi cangí jo, caquim' túu fí Damasco.

18 Jo mi cangí 'ní jii e calicuín n Dsea Jmáang, joguiba' cangó o fí Jerusalén e cangojmicuín n Tú Simón, jo cóo' íb cataan n jii' gui'niá jmí. 19 Jo fí jo, lajii' Tiáa i rúng' Fí'naa' Dsea Jmáam bing' camán n, jo ja' camán n dsea apóo' quía' Dsea Jmáang i jiéng' gui. 20 Jogui dseáng' nitab dsii fí quini' Fidié e jalé e jmo' o la dseáng' e jáb', co' ja' fá' a júu ta' júu'.

21 Jo mi cangí e táan n fí Jerusalén, joguiba' cangó o fí lí se' Siria cóo' gui fí lí se' Cilicia. 22 Dsu' ie jo, jaléng' dsea quía' Dsea Jmáang i neáng' fí lí se' Judea ja' mi cuiñ jnea dseáng' quini' lana. 23 Jo lico' núu i dsea do e fé' dsea jiéng' lala uii' quie e: "I dseañu' i jmáng' jneaa' aa' ga' ie lamí jeéng' gui do, lana ningir' guiar júu' quía' Dsea Jmáang røøb' laco' jii' júu' e já' lí jneaa' aa' do, jo ie lamí jeéng' gui do carti' jngam' bre jaléng' dsea i já' líng' júu' jo, co' lamí iin dseáng' ni' íim e júu' do congua'." 24 Joba' i dsea í jmiféiñ' Fidié uí' e nicalisim jnea.

2

Mi ca'íng' dsea apóo' quía' Dsea Jmáang i caguiaang gui do júu' quía' Paa

1 Jo mi cangí guiqui' jing' lajo, cangób' túu fí Jerusalén colíng' cóo' jaang' dsea rú'naa' dsea quía' Dsea Jmáang i sií Bernabé, jo jeem bñ jaang' gui dsea rú'naa' i sií Tito cajo. 2 Dsu' cangó baa fí jo, co' lajob júu' cajmea' Fidié jnea. Jo mi caguié e fí Jerusalén, caseáng' naa' fí cóo' lí ja' 'ga' lí dsea jøø cóo' cóo' tú' m'ng' dsea i si'neang' i teáng' nifí quía' dsea quía' Dsea Jmáang fí do, jo lajee jo cafi' ire lajii' júu' e guiaa jee jaléng' dsea i ja' líng' dsea Israel e quía' jial laang' dsea jee dsee quía' r. Dsu' cajmé e lajo, co' ja' iin n e ja' ni'íng' i dsea teáng' nifí do jalé ta e nicajmé e, co' song lajo, joba' ja' ni'íng' jaléng' dsea caguiaang gui e ta e nicajmé e do jóng. 3 Dsu' jalém' dsea i quie nifí quía' dsea quía' Dsea Jmáang fí Jerusalén røøb' casíiñ cóo' jnea, jo ja' cajméer' laguidseaang e ni'íng' Tito e lí fí ngúu' táaiñ lí' laco' quí' t'ng' dsea Israel e jmóor', co' dsea griegob líiñ' do jo ja' líiñ' dsea Israel. 4 Dsu' e já', i líng' dsea i jmicaang e líiñ' dsea quía' Dsea Jmáang cali' iin fa' Tito ni'íñ' e lí fí ngúu' táaiñ do lí' laco' lí'ng' dsea Israel. Jo i dsea do cangotáaiñ jee jnea' e laco' cár' cuente jial guí' see naa' la'eáng' e cajáang' yee naa' fí jaguó Dsea Jmáang, co' i dsea do iin fa' jnea' nisí naa' røø e dseáng' 'né' nijmitib' túu' e júu' quí' ta' quía' Moí do e laco' ni'íng' dsee quí' naa'. 5 Dsu' dseáng' ja' cajmití naa' jii' cóo' laco' iing' i dsea i jmicaang do e laco' ja' nilisíng' júu' quía' Dsea Jmáang e guia' naa' jee 'nú' quía' jial laang' dsea jee dsee quía' r, co' iin naa' e ta' óo' na' e dseáng' jáb' e júu' jo, jo cóo' jii' e júu' job laang' dsea jee jalé dsee quía' r.

6 Jo lajaléng' dsea i si'neang' e teáiñ nifí quía' dsea quía' Dsea Jmáang ja' cajíñ' fa' e jnea' nijmisíñ n lajii' e júu' e guiaa do. Dsu' ja' e lí' quie jnea' iin i dsea í, co' røøb' lí' naa' lajalé' naa' fí quini' Fidié. 7 Jo ja' cajmé e i dsea do fa' cajmisíiñ lajii' júu' e guiaa do, co' calilí' bre e Fidié bing' cacuø' jnea e ta e jmóo' o la lana quía' e guiaa e júu' jo fí quini' jaléng' dsea i ja' líng' dsea Israel, jo lajobi Fidié cajo cacuø' bre Tú Simón ta' guía e júu' jo fí quini' jaléng' dsea i líng' dsea Israel. 8 Jo calilí' i dsea do e Fidié bing' ca' náang' Tú Simón e nilíiñ' dsea apóo' quía' Dsea Jmáang i guía júu' quía' dsea do jee jaléng' dsea Israel, jo lajob cajo ca' náang' Fidié jnea e nilíin n dsea apóo' quía' Dsea Jmáang e laco' niguiaa e júu' jo jee jaléng' dsea i ja' líng' dsea Israel.

9 Jo Tiáa cóo' gui Tú Simón jogui Juan i si'neang' e líiñ' dsea teáng' nifí jee jaléng' dsea quía' Dsea Jmáang, í bing' i calilí' e Fidié bing' i cacuø' jnea e ta jo e íang' dsíir'. Jo laco' calita dsíi i dsea í e røøb' ta' jmoo' naa' cóo' r, co' røøb' júu' e guia' naa' do, joba' casá' bre guóo' naa', jnea cóo' Bernabé, jo catigua júu' quí' naa' e jnea'

nidsijmó'naa' ta~ guia' júu^ quia'- Dsea` Jmáang- jee~ jaléng' dsea` i ja` líng' dsea` Israel, jogui i dsea` í nidsijméer- ta~ lajob cajo jee~ jaléng' dsea` i líng' dsea` Israel. ¹⁰ Jo jii'~ laba' casí'- guir jnea'^ e nijmiguiéng' dsi'naa' e jmicóo'~naa' jaléng' dsea' quia'- Dsea` Jmáang- i tiñíng- i neáang' fí Jerusalén, dsu' jnea'^ jéem' nicajmi'úung'naa' e jmoo'-naa' lajo.

Mi~ ca'gaang` Paa- quia'- Tú` Simón fí Antioquia

¹¹ Jo mi~ cangí jo, cangó-o fí Antioquia, jo lajee~ job caguié- Tú` Simón fí jo, jo cajim-baare dseáng'- fí quinir~ lana, co' ja` dseeng' jalé' e cajméer' do. ¹² Co' lajee~ e ná'-gui niguilíng- coo' tú- máng'~ dsea` Israel i cuíng' rúng' cóo'~ Tiáa~, colim~ gø' Tú` Simón cóo'~ jaléng' dsea' quia'- Dsea` Jmáang- i ja` líng' dsea` Israel. Dsu' mi~ tí lí~ caguilíng- í, cajim' 'ñia'r' cóo'~ i dsea` i ja` líng' dsea` Israel do, o'gui gø' guir colíng~ cóoiñ'~ do cajo, co' 'góm'bre jaléng' dsea` Israel i quia' ta~ e tóo' lí' fí ngúu' táang' jaléng' dsea` i ja` líng' dsea` Israel. ¹³ Jo i dsea` Israel caguiaang- gui i neáang' fí Antioquia i líng' dsea' quia'- Dsea` Jmáang- canaaiñ' éer' laco'gui Tú` Simón nañí' fa' niñí'bre'r e ja` dseeng' jalé' e jmóor' do, jo latí Bernabé canaaiñ' éer' lajo ie~ jo cajo. ¹⁴ Dsu' mi~ calilí'i e ja` røø' ta~ ée' i dsea' do, co' ja` cøøng' røø' cóo'~ júu^ quia'- Dsea` Jmáang-, joba' ca'gaan- quia'- Tú` Simón fí quini~ jaléng' dsea' quia'- Dsea` Jmáang- i teáang- do ie~ jo, jo cafi'~ ire lala: "Nú' calisén" e lin' dsea` Israel, jo nicajmee'- e lafa' ja` lin' dsea` Israel, dsuco' jo jmití' laco' jii'~ laco' quí'~ títng' dsea' í mi~ caquié' cóo'~ dsea' i ja` líng' dsea` Israel. Jo jiali' lana iin' e niquiá' ta~ laguidseaang^ quia'- jaléng' dsea' i ja` líng' dsea` Israel e laco' nijmitir~ jii'~ laco' quí'~ títng' dsea` Israel jo lajoba' uiiñ- dsea' quia'- Dsea` Jmáang-? Dseáng'- ja` dseeng' laco' í o'."

Jial íng' Fidié' dsea' e ja` røøiñ' dsee- fí quinir~

¹⁵ Jogui 'nú', Tú` Simón, colíng~ cóo'~ jnea~, dsea` Israel lí'naa' latí mi~ cangáam'~baa', jogui ja` lí'naa' la líng' dsea' i ja` líng' dsea` Israel i í dsi'naa' e líiñ' dsea' dsee- dsea' quí, co' ja` jmitir~ jalé' júu^ quia' ta~ quia'- Moi~ e quí'~ títng'naa' dsea' lí'ñ' dsea' Israel. ¹⁶ Dsu' jneaa~aa' nine~baa' røø' e ja` íng' Fidié' jii'~ jaang' dsea' e líiñ' dsea' i ja` røøng' dsee- dsu' uí'~ e jmitir~ e júu^ quia' ta~ do, co' nine~baa' e jii'~ e jáang'~ yee~naa' fí jaguó' Dsea` Jmáam-, lajoba' íng' Fidié' jneaa~aa' e ja` dsee- røø'-naa' fí quinir~. Co' Fidié' jii'~ e jii'~ jaang' dsea' líiñ' dsea' i ja` røøng' dsee- fí quini~ dsea' do dsu' uí'~ e jmitir~ júu^ quia' ta~ quia'- Moi~.

¹⁷ Jo song jmi'úung'naa' jial ni'íng' Fidié' jneaa~aa' e ja` dsee- røø'-naa' fí quinir~ la'eáang' cóo'~ Dsea` Jmáang-, jo lajee~ job calilí'naa' e lí'ñ' dsea' dsee- dsea' quí cajo, co' ja` cajmití'naa' e júu^ quia' ta~ do, dsu' o' Dsea` Jmáang- dsea' cajméer' e jneaa~aa' calilí'naa' lajo. ¹⁸ Jo dsea' dsee- dsea' quib' lín'n song já'- nilíng'túu e ja` dsee- røøñ- fí quini~ Fidié' dsu' uí'~ e jmitii' e júu^ quia' ta~ quia'- Moi~ do mi~ cangí e nicajáang' 'ñiá'a' fí jaguó' Dsea` Jmáang-. ¹⁹ Dsuco' jnea~, lana lí' lafa' ni'lím~baa, co' jo` seen- e e júu^ do quia'gui ta~ quie'-e, dsu' lanagui niseen- e jmóo'o lajii'~ e iing~ Fidié'. Jo mi~ catáng- Dsea` Jmáang- fí dse' crúu^, joba' lí' lafa' røøb' catán-n cóo'r-. ²⁰ Jo jo` seen- e laco' iin~n 'ñiá'a' lana, co' Dsea` Jmáam- nijmicóo'~ jnea~ e seen- laco' iing~ ír'. Jo niseen- fí jmigüí la la'eáang' e cajáang'~ 'ñiá'a' fí jaguó' Dsea` Jmáang-. Jo íb' cajo i cajmi'neáang' jnea~ jo cartí cacuøøng' 'ñia'r' e cajúñ- fí dse' crúu^ uí'~ dsee- quie'-e. ²¹ Jo ja` niguiaa' ca' lajii'~ e guiúng- Fidié' cóo'~ jnea~. Jo faco' jaang' dsea' quí'r~ jmí~ e ni'íng' Fidié' ír' e ja` røøiñ' dsee- dsu' uí'~ e jmitir~ e júu^ quia' ta~ quia'- Moi~ do, joba' ja` cali'né' e cajúng- Dsea` Jmáang- uí'~ dsee- quí-ii' faco' lajo.

3

Jna~ e la guíng'gui

¹ i jmicaang' 'nú', dsea' gálatas! jiali' ca'uíng- e cajgiéeng' óo'na' e jo' ga' lí' núu'~na' júu^ quia'- Dsea` Jmáang-? Dsuco' lajee~ e nicaguiá' jnea'^ júu^ quia'- Dsea` Jmáang- jee~

'ná', røøb` nica'ée`naa' 'ná' e` uing` e catáng` Dsea` Jmáang` fí` dse` crúu`. ² Jo jii` jo iin` e jmiguiéng` áa`na' e ja` ca'ling`na' Jmiguí` quiá'- Fidiéé` la'eáang` e jmití`na' júu` quiu` ta` quiá'- Moi~, co' ca'ím`ba' dsu' la'eáang` e cajáang` yaang`na' fí` jaguó` Dsea` Jmáam`. ³ Dseáng` bó`jiu` líng`na', co' la'uii` ca'uíng`na' dsea` quiá'- Dsea` Jmáang` la'eáang` cóo` Jmiguí` quiá'- Fidiéeb`, jogui` lana` líng`na' e quí`ba' jmii` e seem`bi' cóo` Dsea` Jmáang` la'eáang` cóo` jii` bí` quií`na' yaang`na'. ⁴ Jo ja` e ta` cali'ling` quií`na' lajii` e ca'ling`na' quiá'- Fidiéé` lajee` líng`na' dsea` quiá'- Dsea` Jmáang` song` lanagui` ni'ling`na' nicá`na' fí` jieb`. ⁵ Joba' mi` cuø' Fidiéé` 'ná' Jmiguí` quiá'r` laco' sí'` jogui` jmóor` jalé` e quí`r` jmii` jee` 'ná', dsu' ja` cajméer` lajo` uii` 'ná' jmití`na' e júu` quiu` ta` quiá'- Moi~, co' cajmée`bre lajo` dsu' la'eáang` e cajáang` yaang`na' fí` jaguó` Dsea` Jmáang` mi` cangf` e canáa`na' júu` quiá'-bre.

⁶ Jo güiguiéng` áa`na' jial` calí` cóo` 'lii` yúu` Abraham, co' lalab` fé' Fidiéé` fí` ni` jii` quiá'r`-: "Dseáng`- jáb`- calíng`- yúu` Abraham júu` quié`-e, joba' ca'lin`nre e liiñ` jaang` dsea` i ja` røøng` dsee`." ⁷ Joba' güiguiéng` óo`na' cajo` e doñí` ii` dsea` i dseáng`- jáng` 'ñia' fí` jaguó` Fidiéé`, jii` íb` dsea` i líng` jóo` 'lii` yúu` Abraham. ⁸ Co' lamí` jééng`gui` fé' Fidiéé` fí` ni` jii` quiá'r` e ni'ím`bre jaléng` dsea` i ja` líng` dsea` Israel e liiñ` dsea` i ja` røøng` dsee`, dsu' lajii` i dsea` i jáng` yaang` fí` jaguó`bre. Jo lanab` lí' e júu` jlo` quiá'- Fidiéé` e cacuø'r` 'lii` yúu` Abraham mi` cajíñ` fí` ni` jii` quiá'r` lala: "Ni'ee` guiá` cóo` lajiing` dsea` seeng` fí` la'úng` fí` jmiigüi` la'eáang` cóo` 'na', Abraham." Jo lanab` jii` lí' júu` quiá'- Fidiéé`. ⁹ Jo lajoba' jaléng` dsea` i nijáng` yaang` fí` jaguó` Fidiéé` lí' laco`gui` cajáng` 'ñia' 'lii` yúu` Abraham, joba' guiáb` ni'é` Fidiéé` cóo` jaléng` dsea` í'.

¹⁰ Jogui` jaléng` dsea` i í` dsii` e Fidiéeb` ni'ing` ír` e liiñ` dsea` i ja` røøng` dsee` la'eáang` e jmitir` júu` quiu` ta` quiá'- Moi~, joba' nibíib` Fidiéé` quiá'- i dsea` í', co' lalab` fé' fí` ni` jii` quiá'r`-: "Dseáng`- nibíib` Fidiéé` quiá'- jaléng` dsea` i ja` jmiti` dseáng`- røø` contøøng` jalé` júu` quiu` ta` quiá'r` e ca'ling` Moi~". Jo dsu' jii` jaang` dsea` quií`r` jmii` nijmér` lajo. ¹¹ Joba' nine`baa' røø` e ja` íng` Fidiéé` jii` jaang` dsea` e liiñ` dsea` i ja` dsee` røøng` dsu' uii` e jmitiñ` e júu` quiu` ta` quiá'- Moi~; dsuco' lalab` fé' fí` ni` jii` quiá'- Fidiéé`: "Jo la'eáang` e já` líng` jaang` dsea` júu` quiá'- Fidiéé`, joba' Fidiéé` íñ` i dsea` í' e liiñ` jaang` dsea` i ja` røøng` dsee` fí` quinir`." ¹² Jo e fí` ni` júu` quiu` ta` quiá'- Moi~ do ja` fé' e 'né` nijáng` yaang` dsea` fí` jaguó` Fidiéé`; dsuco' lalab` fé' e júu` quiu` ta` do: "Jaléng` dsea` i jmiti` dseáng`- røø` contøøng` e júu` jo, joba' la'eáang` cóo` e júu` dob` seeiñ` cajo." ¹³ Jo Dsea` Jmáam` caquií`r` dsee` quí`-ii' e laco' ja` cabíng` Fidiéé` jneaa`aa', dsu' o' uii` e cajmiti`naa' dseáng`- røø` contøøng` laji` júu` quiu` ta` quiá'- Moi~, co' caquií`r` dsee` quí`-ii' la'eáang` e cabíng` Fidiéé` ír` cuaiñ` quí` jneaa`aa', dsuco' lalab` fé' fí` ni` jii` quiá'- Fidiéé`: "Mí` júung` dsea` fí` dse` crúu`, joba' cuø` lí' e Fidiéeb` bíi` quiá'r`-". ¹⁴ Dsu' la'eáang` e caquií` Dsea` Jmáang` dsee` quí`-ii' fí` dse` crúu`, lajoba' ée` Fidiéé` guiá` cóo` jaléng` dsea` i ja` líng` dsea` Israel laco`gui` nica'éer` guiá` cóo` 'lii` yúu` Abraham lamí` jééng`gui` eáang` cajo. Jo co' Dsea` Jmáang` caquií` dsee` quí`-ii' fí` dse` crúu`, lajoba' ni'ling`naa' Jmiguí` quiá'- Fidiéé` la'eáang` e cajáang` yee`naa' fí` jaguó`, co' lajob` júu` nicacuø'r` jneaa`aa' lamí` jééng`gui.

Mí` cacuø' Fidiéé` júu` 'lii` yúu` Abraham

¹⁵ Joba' fii` guí` 'ná', dsea` rú`naa' dsea` quiá'- Dsea` Jmáang`, coo`gui` júu` e laco' cuøøng` lí` síng` dsea`: Facó' jaang` dsea` líng` ee` júu` síiñ` cóo` jaang`gui` dsea`, jogui` caráang` mají` quiá'r` quiá'- e júu` do, jogui` catéer` niguóor` ni~, jo mi` ningf` jo, joba' jo` cuøøng` fa' nijgiéng`gui` jii` camí` júu` laco' jii` nitoo` e ni` mají` do. ¹⁶ Jogui` Fidiéé` cajmirø'r` júu` cóo` 'lii` yúu` Abraham cóo`gui` jaang` dsea` siju` dsea` do. Güiliñ`bi' cajo` e ja` tóo` fí` ni` jii` quiá'- Fidiéé` fa' e cajmirø'r` e júu` do quiá'- fíng` dsea` siju` Abraham, co' quiá'- jaam` dsea` e fé' e fí` ni` jii` do, jo íb` Dsea` Jmáang`. ¹⁷ Joba' fii` guí` 'ná' e júu` la: Fidiéé` cacuø'r` júu` 'lii` yúu` Abraham jogui` cajmirø'r` júu` cóo` dsea` do cajo. Jo mi` cangf`gui

cuatrocientos treinta jii` lajo, ca'íng' Moi` júu` quiu' ta` quiá'- Fidiéé'; dsu' e júu` jo` ja` quí'- jmií` fa' niguiéng` ca' e júu` e cajmiró' Fidiéé` cóo'~ 'lií` yúu'~ Abraham do lami` jééng'gui, o'gui quí'- jmií` ni'náng` e jo` ta` íng` e júu` jo` cajo. 18 Facó' jalé' e cuø' Fidiéé` jneaa`aa' do íng'~naa' la'eáang` e jmití'naa' e júu` quiu' ta` quiá'- Moi` do, joba' ja` cacuø' Fidiéé` e íaang` dsíir' e jo` facó' lajo. Dsu' Fidiéé` cajmiti`bre e júu` e cajmiró' cóo'~ 'lií` yúu'~ Abraham e íaang` dsíir', co' lajob` júu` nicacuø'r` dsea` do lami` jééng'gui.

19 Joba' laco' cuøøng` fe`ee', ¿jie` lí` íng` ta` júu` quiu' ta` quiá'- Moi`? Co' cacuø' Fidiéé` e júu` quiu' ta` do mi` cangí e cajméer` júu` cóo'~ 'lií` yúu'~ Abraham e laco' nililí' dsea` jmigüí e røøiñ` dsee`. Jo` calí'ím` ta` e jo` cartí` cagüéng` i` dsea` sijur` do, co' e júu` e cajméé` Fidiéé` cóo'~ 'lií` yúu'~ Abraham lami` jééng'gui do fé' cuaiñ` quiá'- i` dsea` sijur` dob. Jo` la'uii` cangíng` Fidiéé` quiá'- jaléng` ángeles i` líng` guotíir` e júu` quiu' ta` do, jo` ígui` cangíiñ` quiá'- Moi`, jo` Moi` gui` cartí` quini` jaléng` dsea` Israel. 20 Dsu' ja` fa' dseáng'- la` guíng` 'neáng` i` dsea` i` níngíng` e júu` do mi` e júu` jo` jáa' tí` quini` jaam` dsea`, co' 'ñiab' Fidiéé` cangíiñ` e júu` jo` fí` quini` Abraham.

E` uiing` e júu` quiu' ta` quiá'- Moi`

21 Jo` ¿su` cuøøng` fe`ee' e e júu` quiu' ta` quiá'- Moi` do ja` cóøng` røø` cóo'~ e júu` e cajméé` Fidiéé` cóo'~ 'lií` yúu'~ Abraham do? ¡U~, ja` líí` lajo; Dsuco' facó' e júu` quiu' ta` do cuø' e seeng` dsea` cøøng` cóo'~ Fidiéé`, joba' facó' lajo` cuøøng` sea` lí'íng' Fidiéé` dsea` e liiñ` dsea` i` ja` røøng` dsee` song` jmitir` jalé' e júu` jo. 22 Dsu' lí' laco' fé' Fidiéé` fí` ní` jì` quiá'r-, e lajím` dsea` jmigüí` dseáng'- jmitir` lajii' ta` quiu' dsee` quiá'r-, jo` lajoba' Fidiéeb` nicuø'r- jaléng` dsea` i` cajáng` yaang` fí` jaguó` Dsea` Jmáang- lí' laco'gui` júu` cacuø'r` lami` jééng'gui. Co' lajob` júu` cajmiró' Fidiéé` lajii' ie` mi` ná'-gui e nicuø'r- Moi` júu` quiá'r-.

23 Jo` lajee` ná'-gui e nigüéeng` Dsea` Jmáang- fí` jmigüí` la e laco' já'- nilí'naa' júu` quiá'r-, joba' e júu` quiu' ta` quiá'- Moi` do jééng` jnea' lafa' 'ñúum'~baa' la'ó' lí'naa' dsea` Israel cartí` mí` já'- calí'naa' e cagüéng` Dsea` Jmáang- i` caleáang` jnea' jee` dsee` quí`-ii'. 24 Jo` laco' jaang` tiquiá' jiuung` jééiñ` dsea` 'lééng' i` jmóo' í` quiá'- jiuung` quiá'r-, jo`gui` lajob` e júu` quiu' ta` quiá'- Moi` do quié' nifí` quí`-ii' cartí` mí` catí` í' e calicuíng`naa' Dsea` Jmáang-, jo`gui` ca'íng' Fidiéé` jneaa`aa' e lí'naa' dsea` i` ja` røøng` dsee` la'eáang` e cajáang` yee`naa' fí` jaguó` Dsea` Jmáang-. 25 Dsu' lanagui e nicajáang` yee`naa' fí` jaguó` dsea` do, joba' jo` 'ga' lí` quié' nifí` quí`-naa' e júu` quiu' ta` do.

26 Dsuco' jneaa`aa', la'eáang` e nicajáang` yee`naa' fí` jaguó` Dsea` Jmáang-, joba' nilí'íi' joo' Fidiéé` lana. 27 Jo` la'eáang` e nicajgáang`naa' jmií` e cuø' lí' e lí'naa' dsea` quiá'- Dsea` Jmáang-, joba' nilí'naa' lafa' jaam` dsea` cóo'r- lana. 28 Jo` jaléng` dsea` quiá'- Dsea` Jmáang-, ja` e lí' si lí'naa' dsea` Israel osi` o' lajo` é, si dsea` si'niim`bi` é osi` o' lajo` cajo, si lí'bí' dseañu' osi` dseamí` é; dsuco' song` see`naa' cøøng` colíng` cóo'~ Dsea` Jmáang-, joba' lafa' jaam` dsea` lí'naa' lajalé'naa' cóo'r` jóng. 29 Jo` co' dsea` quiá'- Dsea` Jmáam- nilí'guí', joba' dsea` sijü` 'lií` yúu'~ Abraham lí'íi' cajo, joba' dseáng'- catí`-baa' lajii' e cajíng'- Fidiéé` e nicuø'r- dsea` quiá'r- lami` jééng'gui.

4

1 Jo` e laba' iin`n` fí`-guí` 'nú': Facó' jaang` dsea` seeng` jaang` siming` jiuung` quiá'r-, jo` lajii' e sea` quiá'- i` tiquiá'r` do, joba' i` siming` jiuung` dob` nilí` quiá'- mi` niféng'gui; jo` dsu' lajee` e jiuuiñ` do, lí' lafa' e o' quiá'-bre, nañí' fa' e quiá'-bre'r` mi` niféiñ'. 2 Jo` lajee` jo` i` jiuung` do dsea` jiem' to' fíng` ír` jo`gui` dsea` jiem' néé` ní` e siséé` quiá'r- do. Jo` lí' mi` catí` í' lajii' júu` casée' tiquiá' i` jiuung` do, joba' nicuøøng` jmeá'r- ta` lajii' e casée' dsea` do. 3 Jo` lajob` cangongí` jneaa`aa' cajo, lajee` e lí'naa' lafa' jiuung`, ná'-gui e nilicuíng`naa' Dsea` Jmáang-, e dseáng'- 'né` jmití'baa' jalé' e quiu' ta` quí`-ii' e quí'-tí'naa' fí` jmigüí` la. 4 Dsu' mi` catí` í' lajo, joba' casíng` Fidiéé` Joor` Dsea` Jmáang- fí` jmigüí` la e caliséiñ` laco' liseeng` lí' doñí` ii` dsea` jmigüí`. Jo`gui` co' dsea` Israel líiñ`, joba'

'né jmiti bre e júu quiá ta quiá Moi do. ⁵ Jo lajoba caleáaiñ jnea, dsea lí'naa dsea Israel e dseáng' né jmiti'baa e júu quiá ta do e laco ni'ing' Fidié jnea e lí'naa jóor. ⁶ Jogui calili e nilí'naa jóo Fidié, co' Fidié casíñ Jmiguí quiá r la'eáng cóo' Jóor Dsea Jmáng fi' dsi'naa lajaang lajaang'naa; joba la'eáng e Jmiguí quiá Fidié do fé'naa lala e íaang dsi'naa: "¡Tea! ¡Tea!" ⁷ Jo lajob lí, jo lí'guí dsea i jmiti jalé ta quiá e quiá tñ'naa fi' jmigü la, co' lana nilí'naa jóo Fidié lajaang lajaang'naa, jo lajoba niñing'naa e nicajíñ lamí jéeng'gui e nicuó'r dsea quiá r.

Jial guing dsii' Paa jaléng' dsea quiá Dsea Jmáng i seeng' fi lí se' Galacia

⁸ Dsu lamí jéeng'gui, lajee nú'gui e calicuíng' nú' Fidié, líng'na lafa dsea si'niing' uí' e jmiti'na jalé e quiá tñng'na jmoona cóo' jaléng' dié i o' já. ⁹ Dsu lanagui nicalicuímba' Fidié, osi laco cuóong' fe'ee, e dsea íb' dsea i nicalicuíng' nú'. Joba çjiali' e nijmiti'tu' calé catú jalé e quiá tñng'na do? Co' e jo ja jíe lí' íng' ta quiá na jii' cóo'. ¹⁰ Co' 'nú' jmi'goo'na jalé jmi' osi jalé si' osi jalé jii' é. ¹¹ Joba eám' guing' dsii' 'nú' fíng song ja cali'íng' ta jii' cóo' lajii' ta e nicajmé e jee 'nú'!

¹² Joba má'i 'nú' la guíng', dsea rú'naa dsea quiá Dsea Jmáng, e nijmées'na laco'gui nicajmé jnea e jo jmiti'tu' lajii' e quiá tñng'na do. Dsu 'nú'gui, eám' guíá nica'ee'na cóo' jnea. ¹³ Jogui niñi'bi' cajo e jmohuíb' quíee mi' canaan' guíaa júu quiá Dsea Jmáng jee 'nú' e quiá jial laang' dsea jee dsee quiá r. ¹⁴ Dsu ja e lí e gab' e jmohuí e quíee do, co' 'nú' ja cajmee'na fa' e ja cajmijíng'na jnea o'gui ca'naang'na jnea ca' dsu uí' e lí'n e jmohuí do. Co' 'nú' guíab' ca'íng'na jnea laco'gui íng' dsea jaang' ángel i líng' guotí Fidié i casíng' dsea do, osi laco' Dsea Jmáng 'ñia'bir é. ¹⁵ Jo çjie fi' ca'í e jmi'íaang' óo' 'nú' cóo' jnea ie do? Co' lanagui jo 'ga' lí íaang' óo'na. Dsaco' cuóom' fá'a uí' quiá na ie do e dseáng' lafa' niguí 'nú' jminí'na e nicuó'na jnea e laco' cuóong' e nijmicóo'na jnea. ¹⁶ Jogui lanagui lí lafa' e ni'ní' máam'baa 'nú' dsu uí' e fón'n 'nú' e júu já' la.

¹⁷ Jo i dsea i iing' nijmisíng' e júu e quiá jial laang' dsea jee dsee quiá r iñ e nigüitáng' 'nú' cóo' r, jo dsu jaléng' i dsea í ja í dsíir' laco' catíng', co' lico' iñ e nimáang' 'nú' jnea 'níb'. ¹⁸ Dsu guíab' cajo song seeng' dsea i iing' e nigüitáng' 'nú' cóo' r, lifa' i dsea í 'né í dsíir' laco' catíng' jogui 'né e contóom' éer' guíá cóo' 'nú' lí' laco'gui ee' jnea mi' táan'n jee 'nú'.

¹⁹ Dsea rú'naa i iin'n eáang', calé' catú caa' iihuí' uí' quiá 'nú' laco'gui iihuí' íng' jaang' dseamí mi' liseeng' jiuung' quiá r; jogui caa' e iihuí' do cartí Dsea Jmáng nicuó' r 'nú' e ni'uíng'na dseáng' dsea quiá r. ²⁰ Jo eám' iin'n e táan'n jee 'nú' lana, co' jíe'gui lí e si'naa dseáng' quini'na' lana; co' ja ñii' ee' ni'í' dsii' uí' quiá na!

E' calí cóo' Agar jogui Sara

²¹ Jogui iin'n e ningí'na quié e e júu la, jaléng' 'nú' i dseáng' iing'na jmiti'na júu quiá ta quiá Moi. Jo çsu ja mí cangáng' 'nú' jial lí e júu jo? ²² Co' jee e júu jo fé' e i lí' yá' Abraham do caliséng' gáng' jóor, jaang' i caliséng' cóo' jaang' dseamí i si' Agar i si'niing' i jmoo' ta huí' e ja 'léeng', jogui i jaang'gui do caliséng' quiá r cóo' dseáng' dseamí quiá r i si' Sara i néé ni' jalé b' e óor' cóo' dseañ' quiá r. ²³ Jo i jóo' i dseamí i si'niing' do caliséñ laco'gui liseeng' lí' doñí i jóo' dsea; jogui i jóo' dseáng' dseamí quiá r lí' yá' Abraham do caliséñ lajob cajo, dsu lí' laco' niliti' lajii' júu e nicacuó' Fidié ír' lamí jéeng'gui. ²⁴ Jo dsu líim' ee' guóng' jalé e la; dsaco' laj' gáng' i dseamí do líim' ee' júu sisée' quiá r lajaang' lajaañ. Jo i dseamí jaang' i si' Agar do cuó cóo' lí quiá r quiá r lajii' júu e cajmiró' Fidié cóo' Moi fi' yá' mó' Sinaí; joba jaléng' dsea i níng' la'eáng' cóo' e júu jo líiñ lafa' dsea si'niim'. ²⁵ Jogui i dseamí i si' Agar do cuó cóo' lí quiá r fi' yá' mó' Sinaí e si' fi' Arabia e guóng' e jaléng' dsea Jerusalén i seeng' fi' lí se' Israel líiñ lafa' dsea si'niim'. ²⁶ Dsu jaléng' dsea quiá Dsea Jmáng i catíng'

e fii Jerusalén 'mí quiá' Fidié do ja líiñ dsea si'nning. Jogui líi lafa' niquí'baa' e fii jo. ²⁷ Co' lalab fé' fí ni jì quiá' Fidié:

Jmi'iaang`o', dseamf,

'nu i ja` mí cangoqueeng` yuu;

jogui jmi'iaang`a' cajo e ja` mí ca'íin` iihuif laco' mi liseeng` jiuung` quiá' dsea`.

Dsaco' 'nu, dseamf i catuu` dseañu` quíi',

fing`gui jóo'` niliseeng` laco'gui i dseamf i seeng` dseañu` quiá'.

Jo lanab fé' Fidié fí ni jì quiá'r`.

²⁸ Joba' fii`guí 'nú', dsea` rú'naa' dsea` quiá' Dsea` Jmáang`, jneaa`aa' coling` cóo' i jóo' Abraham i sii` Isáa' do líi'naa' jóo' Fidié e laco' niliti` lajii` júu` quiá'r` e nicacuø'r` 'líi` yuu` Abraham lami` jéeng`gui. ²⁹ Jo co' ie` jo i jóo' i dseamf si'nning` do cajmeaiñ` ga` i jóo' dseamf quiá' 'líi` yuu` Abraham do i caliséng` la'eáang` cóo' ta` quiá' Jmiguí quiá' Fidié, jo lajob cajo jmóo` dsea` sijur` carti` lana e jmáañ` ga` rúñ`. ³⁰ Jogui quie`na' cuente lajii` júu` quiá' Fidié e cas'r` Abraham: "Uøøng` fí quíi' i dseamf i si'nning` coling` cóo' jóo' do, co' ja` catiing` jóo' i dseamf do lajii` guíe` quiá' i jóo' dseang` dseamf quíi' i née` ni jaléb` e sea` quíi`na', yuu` Abraham." ³¹ Jo lajob líi, dsea` rú'naa', ja` líi'naa' lafa' jóo' dseamf i si'nning`, co' lana nilíi` lafa' jóo' dseang` dseamf i ja` si'nning` do.

5

Dsea` Jmáam`bing' láang` jneaa`aa' e laco' ja` líi` dsea` i lafa' si'nning`

¹ Joba' fii`guí 'nú', dsea` gálatas, e Dsea` Jmáam`bing' caleáang` jneaa`aa' e laco' jo` 'ga' lí' quie` nifí quí`ii' e júu` quíu` ta` quiá' Moi` do. Joba' 'né` e niliseeng`na' e silaam`ba', jogui jo` cuó`tu` fí yaang`na' calé` catú` e nijmití`tu` jalé` e júu` jo.

² Jnea` Paa`, jo` nuu`na' júu` quíe`e, jogui quie`na' cuente røø` jalé` e nifí`i` 'nú', e song cacuøø` fí yaang`na' e nitó` lí` fí ngúu` táang`na' laco'gui táng` dsea` Israel, joba' ja` e ta` íng` quíi`na' jalé` e cangongíng` Dsea` Jmáang` uíi` 'nú' jóng. ³ Joba' fii`túu` 'nú' e lí` doñi` ii` 'nú' i tóo` lí` fí ngúu` táang`, joba' 'né` nijmití`na' dseang` røøb` lajalé` e júu` quíu` ta` quiá' Moi` do. ⁴ Jo jaléng` 'nú' i í` dsii` e Fidiéeb` ni`íñ` 'nú' e líng`na' dsea` i ja` røøng` dsee` uíi` e jmití`na' e júu` jo, joba' catiúum`ba' Dsea` Jmáang` jogui ca`naam` yaang`na' e laco' jo` ni`íng`na' lajii` e guíung` Fidié do. ⁵ Dsu' jaléng` jneaa`aa' nisita` dsii`naa' e Fidiéeb` ni`íng` jneaa`aa' e líi`naa' dsea` i ja` røøng` dsee` la'eáang` cóo' Jmiguí quiá'r` jogui la'eáang` e cajáang` yee`naa' fí jaguó` Dsea` Jmáang`. ⁶ Jogui song líi`naa' dseang` lajang` dsea` quiá' Dsea` Jmáang`, joba' ja` e líi` nañi` fa' tóo` lí` fí ngúu` táang`naa' laco'gui litíng` dsea` Israel, dsaco' ja` e quíing` e jo; co' lajii` e quíing` fí quini` Fidiéeb` e jáang` yee`naa' fí jaguó` Dsea` Jmáam` e laco' nijmi`neáang`naa' dsea` rú'naa'.

⁷ Jogui 'nú', guíub` lami` seeng`na' cóo' Dsea` Jmáang`; dsu' lanagui líim` ii` nicatáng` 'nú' júu` e nicatúu`na' e jo` nuu`na' lajii` júu` quiá' Dsea` Jmáang`. ⁸ Dsu' o' Fidiéeb` i cajéeng` 'nú' e cajmee`na' lajo, co' dsea` do nicatø'r` 'nú' e laco' ni`uíng`na' dsea` quiá'bre. ⁹ Jo lalab júu` róo': "Coo' capi` quieb` ni`ímé` niróo` ca` quiá' iñi'." ¹⁰ Dsu' jnea` tab` dsii` e la'eáang` cóo' Dsea` Jmáang` ni`í`tu` áa`na' calé` catú` laco'gui í` dsii` jnea`. Jo Fidiéeb` nicuø' iihuif i dsea` i jmigøøng` 'nú' cóo' jalé` e 'né` jmití`na', jo ja` e líi` ii` dsea`.

¹¹ Dsea` rú'naa' dsea` quiá' Dsea` Jmáang`, faco' jnea` guí`bii` júu` e dseang` la guím` 'né` jmé` dsea` quiá' Dsea` Jmáang` e lí` fí ngúu` táaiñ` lí` laco' litíng` dsea` Israel, joba' faco' lajo, ja` e ta` e jmáng` dsea` Israel jnea` ga` jóng. Jo faco' lajob jmóo'o, joba' ja` liguíng` dsea` Israel uii` quiá' jalé` e júu` e guíaa` quiá' jalé` e cangongíng` Dsea` Jmáang` fí dse` crúu` jóng. ¹² Jogui jaléng` i dsea` i ngí` ta` jmigøøng` 'nú' do e quiá' e tó` lí` fí ngúu` táang`na', i guíu` guí` fa' nidsi`líim`bre congúia` jo lajoba' nitiúu`iñ` 'nú'!

¹³ Jogui co' 'nú', dsea` rú'naa', Fidié` cató'r- 'nú' e laco' jo` quiá'gui ta` quií'na' e júu` quiá' ta` quiá'- Moi` do. Jo co' lajob` líng'na', joba' jo` jmée'na' lí' doñí' ee' lí' óo'na' yaang'na', co' dsea` silaam` nilíng'na'. Dsaco' guiá'-gui e jmicóo'~ rúng'na' lajee` la'ó' yaang'na' uí' e 'neáang` rúng'na'. ¹⁴ Co' lajaléb' lí' fé' júu` quiá' ta` quiá'- Fidié`, e júu` laba' eáang'gui liti~: “Jmi'neáang` jaléng' dsea` rún' lí' laco'gui jmi'neáang` uø’.” ¹⁵ Jo song jmoo'na' ta` jíng` osi ta` tíng` cóo'~ jalé' e siing'na', joba' ni'ím- lajii` juguiá- júu` røø` e sea` jee` 'nú' e cangíng'na' e cacuo' Fidié`.

Jalé' e lí' dsí' dsea` fí' jmigüü` jogui jalé' e iing` Jmiguü` quiá'- Fidié`

¹⁶ Joba' fíi-guü' 'nú' la guíng`, dsea` rú'naa': Güiliseem'ba' contøøng- la'eáang` cóo'~ Jmiguü` quiá'- Fidié`, jo lajoba' ja` jmiti'na' lajii` e lí' óo'na'. ¹⁷ Dsaco' jalé' e lí' dsí'naa' do ja` cóøng` røø` cóo'~ jalé' e iing` Jmiguü` quiá'- Fidié`, jogui jalé' e iing` Jmiguü` quiá'- Fidié` ja` cóøng` røø` cóo'~ jalé' e lí' dsí'naa' do. Dsaco' lajii` tú- e na ja` røø` cóøng` quiá'-, joba' ja` cuøøng` e jmée` 'nú' lajii` e lí' áa'na' do. ¹⁸ Dsu' song 'nú' seem'ba' e quie' nifí' Jmiguü` quiá'- Fidié` quií'na', joba' e júu` quiá' ta` quiá'- Moi` do jo` quiá' ta` quií'na' lana jóng.

¹⁹ Jo ja` e huíng` e jøø'naa' quiá'- jaléng' dsea` i cá' fí' ga` jogui jmóor` lajii` e lí' dsíir' yaaiñ` fa' jalé' e la: mi` 'léé' jaléng' dseañu' osi jaléng' dseamí e güüiñ` cóo'~ dsea` i o' quiá'r-, osi mi` jmóo' dsea` jalé' e 'lí' e jié'gui, osi mi` jmóor` jalé'gui e ja` tí' ta` e quií' tiiñ` jmóor', ²⁰ osi mi` jmiféng' dsea` lí' doñí' ee', jogui mi` jmóor` ta` dsea` láang`, osi mi` 'ní' ní- dsea` quiá'- jaléng' dsea` rúíñ', osi mi` jmóor` ta` jíng`, osi mi` suuiñ` laco'gui la líng` jaang'gui dsea`, osi mi` jmináb- liguiñ-, osi mi` iin` e íbre silí'r` jalé' e sea, osi mi` 'naam`bre quiá'- rúíñ' co' ja` røø` siiiñ, osi mi` jii` la'ó' íbre tí' dsíir' siiiñ, ²¹ osi mi` dsihuüiñ` quiá'- jaléng' dsea`, osi mi` jmóor` ta` jngang' rúng', osi mi` jmóor` ta` í', osi mi` dsíng'- cúñ, osi mi` jmóo'biguir jalé' e ga' e jié' cajo. Joba' fíi-guü' 'nú' calé' catú- laco'gui nicañí- i 'nú' ie~ lamí` jéeng'gui do e jaléng' dsea` i quií' tíng` jmóo' jalé' e ga' lajo, joba' i dsea` í ja` niñiñ` e Fidié` quie' nifí' quiá'r-, jogui ja` niñiñ` guieé` quiá'r- e cuø' Fidié` jaléng' dsea` quiá'r- cajo.

²² Dsu' mi` seeng` dsea` la'eáang` cóo'~ Jmiguü` quiá'- Fidié`, co' la'eáang` e Jmiguü` doba' jmi'neáang` rúíñ', jogui e íaang` dsíir', jogui e seeiñ` juguiá- júu` røø` cóo'~ dsea` rúíñ', jogui e féng' dsíir' quiá'- rúíñ', jogui e guíüñ- cóo'~ jaléng' dsea` rúíñ', jogui guiáb- éer` cóo'~ jaléng' dsea` rúíñ', jogui jmiti~bre lajii` júu` e cuø', ²³ jogui ja` jmicóøng'~ yaaiñ` jee` dsea` rúíñ', jogui ja` jmóor` lajii` ta` quiá'r' yaaiñ`. Jogui lajib` júu` quiá' ta` cóøng` røø` cóo'~ e júu` la. ²⁴ Jogui jaléng' i dsea` i líng' dsea` quiá'- Dsea` Jmáang- lafa' cató- fí' dse' crúb^ jalé' e ga' e jmóor` cóo'~gui jalé' e lí' dsíir' yaaiñ~, jo lajoba' ca'naam`bre quiá'- e jo. ²⁵ Jo co' la'eáang` cóo'~ Jmiguü` quiá'- Fidiéeb` nisee`naa', joba' 'né- cuøø` fí' yee`naa' e e Jmiguü` dob quie' nifí' quií'ii'.

²⁶ Jogui ja` 'né- jmicóøng'~ yee`naa' jee` jaléng' dsea` o'gui nijmijlóng'^ yee`naa' o'gui nijmó'oo' dsihuíng'naa' quiá'- jaléng' dsea` rú'naa' cajo.

6

Jmicóo'~na' jaléng' dsea` rúng'na'

¹ Joba' fíi-guü' 'nú', dsea` rú'naa' dsea` quiá'- Dsea` Jmáang-, song móo- 'nú' e jaang` dsea` rúng'na' nicaatóng' fí' ni` dsee-, joba' jaléng' 'nú', dsea` seeng'na' la'eáang` cóo'~ Jmiguü` quiá'- Fidié`, 'né- nijmicóo'~ba' i dsea` í e laco' niliseeiñ` laco' la seeng` dsea` quiá'- Dsea` Jmáang-. Jo jmee`ba' e guíung`na' cóo'r-, jogui ñiim` áa'na' e laco' ja` güilí e la quie' 'núb` cajo nijiúng'na' fí' ni` dsee-. ² Jogui jmicóo'~ rúng'na' cóo'~ jalé' e huíng' lí' quií'na', jo lajoba' dseáng'- niliti~ lajii` júu` quiá'- Dsea` Jmáang-.

³ Jo song jaang` dsea` í dsíir' e niing`guir, dsu' o' já'- e lajo, co' lico' jmicóøng` 'ñia'bre song í dsíir' lajo. ⁴ Dsaco' lajaang` lajaam` dsea` 'né- í dsíir' su guiá- jalé' e jmóor` osi ja`

dseeng` é. Jo song í dsír' ñia'r e guiá~ lajii~ e jmóor` do, jo song dseáng'~ lajob líí, joba' ja` 'né~ jòør~ jial jmóo` dsea` jiéng'~. ⁵ Dsaco' lajaang` lajaam` dsea` 'né~ to' fiiñ` lajii~ e líí` quiá'r~. ⁶ Jogui i dsea` i jmitíng` júu` quiá'~ Dsea` Jmáang~ 'né~ cuó'~ bre i dsea` i e' quiá'r~ do lajii~ e catíiñ'~ do e laco' nijmicóo'~ reiñ` do.

⁷ Jo ja` jmigóong` yaang~na' cóo'~ jalé' e jmoo`na', co' jii~ jaang` dsea` cuóong` lí` jmigóoiñ` Fidiéé. Cofa' lajii~ e jni' dsea` fí` ni` guóo'~ uó~ quiá'r~, e job cajo e nisitíiñ` mi~ niró. ⁸ Jo lajob líí cóo'~ i dsea` i seeng` laco' lí` dsír' yaaiñ~, co' mi~ nití` í' quiá'r~ e nijúuiñ~, ni`nám`bre quiá'~ Fidiéé` lata~. Jogui i dsea` i seeng` laco' iing` Jmiguí` quiá'~ Fidiéé~, joba' la'eáang` e Jmiguí` quiá'~ Fidiéé` dob niliseeiñ` cøong` cóo'~ dsea` do lata~. ⁹ Jogui song cuó' bí` yee`naa' e jmó'oo' jmang'~ e guiá~, jogui song dseáng'~ ja` jmitúng` dsí'naa' e jmó'oo' e jo, joba' mi~ nití` í', ni`ím'~baa' guiéé` quí`ii' e cuó' Fidiéé` jaléng' dsea` quiá'r~. ¹⁰ Joba' contøøm~ 'né~ jmó'naa' jmang'~ e guiá~ cóo'~ jaléng' dsea` jogui e jmicóo'~naa're, dsu' la guíng`gui eáang` 'né~ jmó'oo' lajo cóo'~ jaléng' dsea` rú'naa' dsea` quiá'~ Dsea` Jmáang~.

Júu` ñ' 'goo` quiá'~ Paa~

¹¹ Jo jòør`na', dsea` rú'naa', jial tíí cóo'~ e júu` e jmo'o la quíi`na! ¹² Jo jaléng' i dsea` i jmóo` úung` e nitó`na' lí` fí` ngúu' táang`na', jmóor` lajo e laco' nijér~ guiá~ cóo'~ jaléng' dsea` caguaang`gui jogui e laco' ja` nijmeáng' dsea` ga` ír` uii~ quiá'~ e guiar' júu` e cajúng~ Dsea` Jmáang~ fí` dse'` crúu'. ¹³ Jo jii'gui jaléng' i dsea` i jmóo` úung` e tóor' lí` fí` ngúu' táaiñ` do ja` jmitir~ jalé' e júu` quiá' ta~ quiá'~ Moi. Dsu' jmóor` úung` e 'nú` nitó`na' lí` fí` ngúu' táang`na' e laco' nijmér~ ráaiñ` fí` quini` jaléng' dsea` jiéng' e nicalí'~bre 'nú' e nicajmee`na' lí` fí` ngúu' táang`na'. ¹⁴ Dsu' jnea~, jii~ cóo' ja` e jmóo`o ráan~n e jié'gui; co' dseáng'~ lajii~ e calí~ cóo'~ Dsea` Jmáang~ fí` dse'` crúub~, jii~ joba' sée'~e teá. Co' la'eáang` e catáng~ Dsea` Jmáang~ fí` dse'` crúu`ba', jo` ee` ta` íng` quié~ e jii~ cóo' jalé' e sea` fí` jmigüí` la lana, jogui líí` lafa' e cajúm~baa, co' jo` seen~ e quiá' ta~ jnea~ jalé' e sea` fí` jmigüí'. ¹⁵ Jogui jo` ee` ta` íng` quíi`na' song tóo' lí` osi ja` tóo' lí` fí` ngúu' táang`na' é; dsaco' lajii~ e quíng`gui quíi`na' e nicaquí'~ jíng' yaang~na' fí` quini` Fidiéé~, jo joba' nilíng`na' dsea` 'mím~ lana. ¹⁶ Jo jaléng' i dsea` i seeng` laco' la líí` e júu` e nicafá'~a na, cóo'~gui jaléng' dsea` Israel i quíe' Fidiéé` nifí` quiá'r~, güiliseem`bre juguiá~ júu` røø, jogui güilíb' fí' líng~ Fidiéé` ír` cajo.

¹⁷ Latí` lana jogui lí` dsé~gui cajo jii~ jaang` dsea` nicuó'~guir jnea~ iihuí; co' jalé' e güi' e quíe~ la lana cuó' lí' e jmóo`o lajii~ e iing` Fíi'naa' Dsea` Jmáang~.

¹⁸ Joba' dsea` rú'naa', nimíi'~i Fíi'naa' Dsea` Jmáang~ e ni'ír~ güea'^ quiá'r~ jee~ 'nú'. Jo lajob 'né~ lí'.

Jo lanab jii~ fé' jii` quiá'~ Paa~ e catíng~ jaléng' dsea` quiá'~ Dsea` Jmáang~ i seeng` fí' lí' se' Galacia.

Júu^ e toq̃ fí ni~ jì quiá'- Paa- e catíng- dsea` seeng` fí ÉFESO

¹ Jnea~ Paa- lín'n jaang` dsea` apóo^ ì jmóo` ta~ ni' júu^ quiá'- Dsea` Jmáang-, co' lajob ta~ e cali'iaang` dsí' Fidié~ cacuø'r' jnea~. Jo guiéen'~n júu^ guicóo'~ quií-na', jaléng' 'nú', dsea` quiá'- Fí'naa' Fidié~ ì neáang' fí Éfeso ì já'- líng' júu^ quiá'- Dsea` Jmáang-. ² Jo mii'~i Tiquí'naa' Fidié~ cóo'~gui Fí'naa' Dsea` Jmáang- e ni'ír- güea'^ quiá'r- jee~ 'nú', jogui e nicuø'r- 'nú' e seeng'na' juguiá- júu^ røø.

Jalé' e guiá- e nicacuø' Fidié~ jneaa~aa'

³ Jo majmifém'baa' Fidié~ ì líng' Fidié~ quiá'- Fí'naa' Dsea` Jmáang- jogui ì líng' Tiquiá'r^ cajo, dsuco' la'eáang' e lí'í' lafa' jaang` dsea` cóo'~ Dsea` Jmáang-, lajoba' Fidié~ nicacuø'r' jneaa~aa' jalé' e guiá- e sea` quiá'r- e jáa' fí lí~ guiíñ~ e laco' uíng- guiá- quií-ii'. ⁴ Jo Fidié~ caguíñ' jneaa~aa' latí' jii'~ mi~ nú'-gui e nitiroo'~ jmigüí' e laco' niliguiúng-naa' fí quinir' e ja` dsee- sea` quií-ii' la'eáang' cóo'~ Dsea` Jmáang-. ⁵ Jo co' eáam' 'neáang' Fidié~ jneaa~aa', joba' caguiar' guiá- latí' mali' e laco' nijéíñ- jneaa~aa' laco' jóo'bre la'eáang' cóo'~ Dsea` Jmáang-, lí' laco'gui jii'~ e cali'iaang` dsí' 'ñia'r'. ⁶ Jo cajméer' lajo e laco' nijmiféng'naa' Fidié~, co' eáam' guiúíñ- cóo'~ jneaa~aa' nañí' fa' ja` catí-naa' e jo. Jo cacuø'r' jneaa~aa' e jo e ja` 'lee'~ jii'~ cóo' la'eáang' cóo'~ Jóor' Dsea` Jmáang- ì 'neáiñ' eáang' do. ⁷ Jo co' eáam' 'neáang' Fidié~ jneaa~aa' nañí' fa' ja` catí-naa', joba' nicaleáiñ' jneaa~aa' jee~ dsee- quií-ii' la'eáang' cóo'~ jmi'øøng- Jóor' Dsea` Jmáang- e catu~ fí dse' crúu^'. Jo la'eáang' cóo'~ e jmi'øøng- dsea` do ca'íiñ' dsee- quií-naa'. ⁸ Jo co' eáam' guiúng- Fidié~ cóo'~ jneaa~aa' nañí' fa' ja` catí-naa', joba' cacuø'r' jneaa~aa' e tí-naa' jogui e ngáng'naa' ⁹ jalé' e iíñ~ jmóor' 'ñia'r' e ja` ñi' dsea` jéeng'gui, lí' lajii'~ júu^ e nicacuø'r' jéeng'gui quiá'- jalé' e nijmitir- la'eáang' cóo'~ Dsea` Jmáang-. ¹⁰ Jo lí' laco'gui jii'~ e nicagua' Fidié~ guiá- jéeng'gui, dseáng'- nilitib~ laco' sí'í' mi' nití- í' lajo e Dsea` Jmáam- nilíiñ- dsea` mogui' quiá'- lajaléng' jogui quiá'- lajalé' e sea` fí ñifí- cóo'~ gui fí ni~ guóo'~ uø~ la.

¹¹ Jo lajii'~ mali' Fidié~ nicaguíñ' jnea^, dsea` lí'naa' dsea` Israel, e laco' ni'uíng-naa' jóor' la'eáang' cóo'~ Dsea` Jmáang- lí' laco'gui nica'í' dsí' jéeng'gui e nijmér-; jo jaléb' e jmóo' Fidié~ do, jmóor' laco' jii'~ e líiñ- e guiáb-. ¹² Jo nicajméer' lajo e laco' jnea^, dsea` nita~ dsí'naa' la'uii' e Dsea` Jmáang- nileáiñ- jnea^ jee~ dsee- quií-ii', see-naa' e nijmiféng'naa' Fidié~, co' íb' dsea` laniing- 'gøíñ'. ¹³ Jo lajobi jaléng' 'nú', dsea` ja` líng'na' dsea` Israel, mi~ canáa-naa' e júu^ já'- quiá'- Dsea` Jmáang- e quiá'- jial laang' dsea` jee~ dsee- quiá'r-, jogui ca'uíng-na' jóo' Fidié~, joba' cacuø' Fidié~ 'nú' Jmiguí quiá'r- lí' laco'gui júu^ e nicacuø'r' jéeng'gui e laco' liing-na' e líng'na' dsea` quiá'r-. ¹⁴ Jo co' seem' e Jmiguí quiá'- Fidié~ do cóo'~ jneaa~aa', joba' lita~ dsí'naa' e ni'líng-naa' lajii'~ e catí-naa' quiá'- Fidié~ cartí' mi~ nileáiñ- jneaa~aa' congua' jee~ jalé' dsee- quií-naa', jneaa~aa' dsea` lí'naa' dsea` quiá'r-. Jo lajob nijmiféng'naa're, co' íbre dsea` laniing- 'gøíñ' fí la'úng-.

Jalé' e mi' Paa- Fidié~ uii~ quiá'- jaléng' dsea` quiá'- Dsea` Jmáang-

¹⁵⁻¹⁶ Jo uii~ quiá'- e cajmée' Fidié~ e nilíng-naa' jóor', joba' lacoø' ya' mi~ fón'n dsea` do, cuøø-øre gui'máang' uí' 'nú' latí' mi~ caliñii- e cajáang'~ yaang-na' fí jaguó' Dsea` Jmáang- jogui eáam' jmi'neáang' rúng'na' cóo'~ jaléng' dsea` quiá'- Dsea` Jmáang- caguiaang-gui cajo. ¹⁷ Jogui mii'~i Fidié~ ì líng' Fidié~ quiá'- Fí'naa' Dsea` Jmáang-, jogui ì líng' Tiquí'ii' ì laniing- 'gøng' do cajo, e nicuø'r- 'nú' e tíng' ngáng'na' ì dseáng' Fidié~ la'eáang' cóo'~ Jmiguí quiá'r-, jo lajob nilicuíng'gui'r' guiá- cajo. ¹⁸ Jogui mii'~i Fidié~ e nicuø'r- 'nú' e nijneá' moguí'na' e laco' niliñí'na' e~ e nisijeeng'na' e ni'líng'na'

quíá'r, cō' dseá' quíá'-bre ní'ling'na', jōgui jial tí' jlo^ jōgui niguó^ jalé' e cuø' Fidiéé' jaléng' dseá' quíá'r i catíng- lajō. ¹⁹ Jōgui m̄h' i Fidiéé' cajo e niliñí' 'nú' jial ja' cōøng' cōo' 'gøng' Fidiéé', jō cōo' e 'gøiñ' do jmicōo' jneaa~aa', dseá' lí'naa' dseá' quíá'- Dseá' Jmáang-. Jō cōo' e laniing- 'gøng' dseá' do, cōo' e jōb cajo cajméer' ²⁰ e cají'tu Dseá' Jmáang- mi' cangí e cajúñ, jō caguiéiñ lí' lí' dséé' laco' guíñ' 'ñia'r' fí' ñifí'. ²¹ Jō cacuø' Fidiéé' Dseá' Jmáang- e í'bing' laniing- gui eáang' jee' lajaléng' i seeng' fí' yá^ jmigüí, fa' jaléng' dseá' mogui, jōgui jaléng' i si'neaang' i quíu' ta', cōo' gui dseá' laniing- i quíu' ta', lí' doñí' jī dseá' ee' ta' óor' i quíu' ta' lajee' lana osi lajee' lí' dsé- gui é. ²² Jō lajalé' niguiá- Fidiéé' fí' uii' tñ- Dseá' Jmáang-, jō cangíim' b'ir cajo e líng' dseá' do dseá' mogui quíá'- lajaléng' dseá' quíá'r-. ²³ Jō jaléng' dseá' quíá'- Dseá' Jmáang- líiñ' lafa' cōo' ngúu' táaiñ' cōo' dseá' do, jōba' røøb' sea' quí' ii' laco' gui la sea' quíá'- dseá' do, jō dseá' íb' dseá' mogui quíá'- lajaléng' cōo' gui lajalé' e sea' fí' la'úng-.

2

Fidiéeb' dseá' caleáaiñ' jneaa~aa' jee' dsee- quí' ii'

¹ Jō lamí' jéeng' gui do, jaléng' 'nú' líng'na' lafa' 'lím~ba' fí' quini' Fidiéé' uí' jalé' e 'lee~na' jōgui uii' jalé' dsee- e ee~naa', ² cō' caliséng'na' e jmoo'na' jialcō' nirøng'na' dsee- laco' gui la jmoo' dseá' jmigüí, jōgui cajmití'na' lajii' ta' quíu' fii' i 'líng'^ i quie' nifi' quíá'- jalé' guí' lí'^ e í' fí' yá^ jmigüí. Jōgui i fii' i 'líng'^ do néé' nir~ jaléng' dseá' i ja' jii' Fidiéé'. ³ Jō lajōb' cajo lamí' see- jneaa~aa' lajii~naa' lamí' jéeng' gui e jmoo~naa' lajii' e ja' dseeng' e ii~naa' yee~baa', cō' jmoo~naa' doñí' ee' já' dsí'naa' jōgui í' dsí'naa'. Jō cō' lajōb' jmoo~naa', jōba' catí~baa' e ní'íng'~naa' iihuí' eáang' quíá'- Fidiéé' uii' quíá'- jalé' e ja' dseeng' e jmoo~naa' do lí'^ laco' gui iihuí' e íng' jaléng' dseá' jmigüí i jmoo' jialcō' nirøiñ' dsee-. ⁴⁻⁵ Dsu' Fidiéé' eáam' fí' líiñ' jaléng' jneaa~aa', jōgui eáam' cali'neáaiñ' jneaa~aa', jōba' cangíng'naa' quíá'r- e see~naa' lafa' 'mím~baa' la'eáang' cōo' Dseá' Jmáang- nañí' fa' lí'naa' lafa' e 'lím~bí' uii' dsee- quí'naa'. Cō' la'eáang' e guíum- Fidiéé' cōo' 'nú' nañí' fa' ja' catíng~na', jōba' nicaleáaiñ' 'nú' jee' jalé' dsee- quí'na' lana. ⁶ Jō Fidiéé' cajméer' e lafa' røøb' cají'tu' cōo' Dseá' Jmáang- mi' cají'tu' dseá' do, jōgui lafa' caguiéiñ' jneaa~aa' colíng~ cōo' dseá' do fí' ñifí' quíá'r-. ⁷ Jō cajméer' e jō e laco' nicuø- lí' lata' jial tí' guíung- Fidiéé' cōo' jneaa~aa' e jii' ja' catí~naa' e eáam' 'neáaiñ' jneaa~aa' la'eáang' cōo' Fii'naa' Dseá' Jmáang-. ⁸ Jō cō' guíum- Fidiéé' cōo' 'nú' e jii' ja' catíng~na', jōba' nicangíng'na' e nileáng'na' jee' dsee- quí'na' la'eáang' e cajáang' yaang~na' fí' jaguór'. Dsu' e jō ja' calí'~na' yaang~na', cō' Fidiéé' b'ing' cacuø' 'nú' e jō e ja' 'lee~'. ⁹ Jō jalé' e jō ja' lí'naa' uii' quíá'- jalé' e jmoo~naa', dsuco' faco' lajō, jōba' cōo' e jōb' nijmijløng'^ yee~naa' jóng. ¹⁰ Dsu' Fidiéé' b'ing' nicajméé' jalé' e jō quí' ii', cō' cajméer' e lafa' cali' mím~baa' la'eáang' cōo' Fii'naa' Dseá' Jmáang- e laco' nijmó'oo' jmang' e guíá' lí'^ laco' gui jii' guíá- nicaguiar' quí' ii' jéeng' gui e nijmó'oo'.

Jial see~naa' juguiá- júu^ røø' la'eáang' cōo' Dseá' Jmáang-

¹¹ Jō téé' áa'na' jial líng'na' ie~ lamí' jéeng' gui do, 'nú' dseá' ja' líng'na' dseá' Israel. Jō jaléng' jnea' i líng' dseá' Israel i tíng' tōo' lí' fí' ngúu' táang' lajii' dseañu' e laco' cuø' lí' e lí'naa' dseá' quíá'- Fidiéé', jō jneab'^ cajo i fé' e ja' líng' 'nú' dseá' quíá'- Fidiéé'. ¹² Jō jmguiéng' áa'na' e ie~ lamí' jéeng' gui do ja' mí' cuíng'na' Dseá' Jmáang-, jōgui jmaquíim' í' óo'na' laco' gui jnea'^, dseá' lí'naa' dseá' siju' dseá' Israel, jōgui ja' catíng~na' lajii' júu^ e cajméé' Fidiéé' jōgui cajmirør' cōo' jnea'^. Jō lamí' jéeng' gui dseá' i ja' cuíng' Fidiéé' lamí' líng'na', o'gui líng' ee' sijeá'na' quíá'- Dseá' Jmáang-. ¹³ Jō lamí' jéeng' gui ja' cuíng'na' Fidiéé', dsu' lanagui nicuíim'ba' dseá' do la'eáang' cōo' Dseá' Jmáang- i catuu' jmi'øøng- fí' dse' crúu' mi' cajúñ- uii' jneaa~aa'. ¹⁴ Jōgui lana, la'eáang' cōo' Dseá' Jmáam~ba', røøb' ní'í' dsí'naa' lajii~naa', jōgui jō' ní' néeng' rú'naa'. Cō' lamí' jéeng' gui lí' lafa' si' iáb' e sijní' quí' ii' laca' líng'~naa', cō' 'ní' néem' rú'naa'. Jō lí' lafa' Dseá' Jmáang- cajgiéiñ-

e iá do mi~ cajúin~ fí dse~ crúu. 15 Co' mi~ cajúng~ Dsea` Jmáang~ uíi~ jneaa~aa', joba' ca'uíng~ e laco' jo' quie' nifi' quí~ii' e júu^ quia' ta~ quia'~ 'lii~ Moí~. Jo cajméer' lajo e laco' ca'uíng~naa' coob` 'lé' e 'má~ laji~ tú~ íng'~naa' do la'ó' ca'uíng~naa' dsea` quia'~ Dsea` Jmáang~. Jo lajob cajméer' e laco' jo' 'ní' néeng' rú'naa'. 16 Jogui la'eáang' e cajúng~ Dsea` Jmáang~ fí dse~ crúu^ cuaiñ~ quí~ii', joba' juguiá~ júu^ røøb` nisee~naa' cóo~ Fidiée~ lana laji~ tú~ íng'~naa', dsea` ca'ní' néeng' rú'naa', jo cajméer' e lafa' jaam` dsea` ca'uíng~naa'. 17 Jo Dsea` Jmáang~ cajar~ cajaguiar~ júu^ jial niliseeng` dsea` juguiá~ júu^ røøb` cóo~ Fidiée~ laco'gui 'nú', dsea` ja` lami~ cuíng'na' Fidiée~, cóo~gui jnea^, dsea` lí'naa' dsea` Israel i cuíng` Fidiée~ lati' mi~ uíng~. 18 Co' la'eáang' cóo~ e cangongíng~ Dsea` Jmáang~ fí dse~ crúu^ cuaiñ~ quí~ii', joba' lajaang` lajaang` jneaa~aa', dsea` lí'hi' dsea` Israel osi o' lajo é, nicuøøm` sii~naa' cóo~ Tiquí'ii' Fidiée~ la'eáang' e jmicóo~ jneaa~aa' e Jmiguí quia'r~ 'ña'r' do.

19 Joba' lanagui, røøb` ni'í dsi'naa' laji~ tú~ íng'~naa' do, co' dsea` quia'~ Fidiéeb~ nilí'hi'; jogui lana lafa' coob` fi~ nilí'hi' laji~ tú~ íng'~naa'. Co' lanagui laco' coob` fi~ nisee~naa' cóo~ dsea` do, jo laco' dsea` sinúu^ quia'~ Fidiéeb~ nilí'naa' lana. 20 Jo jaléng' jneaa~aa', dsea` lí'naa' dsea` quia'~ Fidiée~, lí'naa' lafa' coo' 'núu'. Jo lafa' ti~ fi~ quia'~ e 'núu' do lí' jnea^, dsea` lí'naa' dsea` apóo^ quia'~ Dsea` Jmáang~ cóo~gui i dsea` i jmóo' ta~ fé' cuaiñ~ quia'~ Fidiée~ cajo. Jogui 'ña' Dsea` Jmáang~ líiñ' lafa' e cuiteá^ la'uii~ e dsée' quia'~ quiúung' e 'núu' do. 21 Jogui lajaang` lajaang` jneaa~aa', dsea` quia'~ Dsea` Jmáang~, lí'naa' lafa' cuiteá^ e ngóo' só røø' quia'~ e 'núu' do la'eáang' cóo~ Dsea` Jmáang~ cartí' ni'uii~naa' coo' 'núu' güeang'^ quia'~ Fidiée~. 22 Jo 'nú', dsea` quia'~ Dsea` Jmáang~ nilíng'na' colíng~ cóo~ jaléng' jnea^, jo ngóo' uíng~na' laco'gui ngóo' uíng~ e 'núu' quia'~ Fidiée~ do. Jogui jee~ jaléng' jneaa~aa' seem` Fidiée~ la'eáang' cóo~ Jmiguí quia'r~.

3

Mí' caguia' Paa~ júu^ quia'~ Dsea` Jmáang~ jee~ dsea` i ja` líng' dsea` Israel

1 Jnea~ Paa~, jo sijñn~n fí la lana dsu' uíi~ e guiaa~ júu^ quia'~ Dsea` Jmáang~ jee~ 'nú', dsea` ja` líng'na' dsea` Israel. 2 Co' niñib^ 'nú' e eám' guiúng~ Fidiée~ cóo~ jnea~ nañi' fa' ja` catín~n, joba' nicacuø'r' jnea~ e ta~ la e laco' ni'uíng~ guiá~ quí~na'. 3 Dsaco' Fidiée~ cajméer' e ñii~ jalé' e cali'iiñ~ e nilinee'~ jéeng'gui e nijmér~ jee~ jaléng' dsea` e ja` mí ñi' dsea` jéeng'gui. Jogui Fidiée~ nicacuø'r' jnea~ e caliñii' lí^ laco'gui e nicajméé'~ e capí^ fí ni~ jì quie~ e e nicasín~n quí~na'. 4 Jo mi~ ni'í'na' e jì do, joba' niliñi'na' e niñib' jnea~ lajií~ e cali'íng~ Fidiée~ jmér~ la'eáang' cóo~ Dsea` Jmáang~ e ja` mí ñi' dsea` jéeng'gui. 5 Co' lajií~ e quia'~ Fidiée~ e ja` mí caliñi' dsea` jéeng'gui do, lanagui nicacuø' Fidiée~ jnea^, dsea` lí'naa' dsea` apóo^ quia'~ Dsea` Jmáang~, e ngáng'naa' colíng~gui cóo~ i dsea` quia'r~ i jmóo' ta~ fé' cuaiñ~ quia'r~ cajo. Jo cajméer' lajo la'eáang' cóo~ Jmiguí quia'~ bre. 6 Jo e nab e ja` caliñi' dsea` jéeng' do e la'eáang' e já' líng' 'nú' cóo~gui jaléng'gui dsea` i ja` líng' dsea` Israel e júu^ quia'~ Fidiée~ e quia'~ jial laang' dsea` jee~ dsee~ quia'r~ la'eáang' cóo~ Dsea` Jmáang~, joba' jaléng' 'nú', dsea` quia'~ Fidiéeb~ nilíng'na' laco'gui jnea^, dsea` lí'naa' dsea` Israel. Jogui coob` 'lé' nilí'naa' lajee~ lajalé'naa' do, jogui catím~baa' e ni'íng'naa' conrøø' lajií~ e sijeeng~naa' quia'~ Fidiée~ lí^ laco'gui jii' júu^ e nicacuø' Dsea` Jmáang~ jneaa~aa'.

7 Jo co' eám' guiúng~ Fidiée~ cóo~ jnea~ nañi' fa' ja` catín~n, joba' cacuø'r' jnea~ ta~ e guiaa~ e júu^ jo. Jogui la'eáang' cóo~ e laniing~ 'gøiñ' do, joba' nicuøøm` jmee~ e e ta~ jo. 8 Jo jnea~ ja` catín~n jii' capí^ e ni'ín'~n e ta~ jo jee~ jaléng' dsea` quia'~ Fidiée~. Dsu' la'eáang' e guiúm~ Fidiée~ cóo~ jnea~ e jii' ja` catín~n, joba' cacuø'r' jnea~ ta~ e guiaa~ júu^ quia'~ Dsea` Jmáang~ jee~ jaléng' dsea` i ja` líng' dsea` Israel, jalé' e jlo' niguó^ e 'gøng' eáang' quia'~ Fí'naa' Dsea` Jmáang~ e jii' ja` quí'naa' jmii~ ningáng'naa' jial lí'. 9 Jogui nicacuø' Fidiée~ jnea~ cajo e nijmee~ e e niliñi' dsea` lajií~ e cali'iiñ~ jmér~ jee~ 'nú', lí^ lajaléng' 'nú', dsea` ja` líng'na' dsea` Israel, e ja` mí ñi' dsea` lajií~ mali', co' ja`

mi' cajmijnéeng` dsea` do e jo. Jo íb` dsea` cajméer` jalé` e sea` fí` la'úng` fí` jmigüí. ¹⁰ Jo uíi~ e nilííí cōo` 'lé' la'ó' jneaa`aa', dsea` lííí dsea` quiá'- Dsea` Jmáang-, joba' lanagui jaléng` i` quiá'~ jmíi~ i` quiá' ta` fí` guiá'^ güí cōo'~gui jaléng` dsea` mogui~ i` quiá' ta` fí` jo cajo niliñir` e jmiguiá' íim'~ tíi` tting` Fidiéé` jmóor` lí'^ laco'gui jíi'~ guiá'- e guiar'. ¹¹ Jo Fidiéé`bing' cajméé` jalé' e jo lí'^ laco' í' dsíir` malíi~gui eáang` e nijmér-, lajíi'~ mi~ nú'-gui e nitiroo` jmigüí. Jo e jo caliti~ quiá'- Fidiéé` la'eáang` cōo'~ Fíi'naa' Dsea` Jmáang-. ¹² Jo cō' dsea` quiá'- Dsea` Jmáang- nilíí'naa', jogui la'eáang` e nicajáang'~ yee~naa' fí` jaguór', joba' nicuóøm` síi~naa' cōo'~ Fidiéé`, jogui nisita` dsí'naa' cajo e dseáng'- ninú-bre júu` quií-ii'. ¹³ Joba' míi'~i` 'nú' e ja` jmitúng` óo'na' uii~ quiá'- jalé' iihuí' e íing'~ jnea~ uíi'~ 'nú', dsu' íin'~n e iihuí' la e lí'^ laco' nidsijéé` guiá- quií-na'.

Mi~ camí' Paa~ Fidiéé` uii~ quiá'- dsea` seeng` fí` Éfeso

¹⁴ Jo uii~ quiá'- jalé' e jo nisi'^i uó- jnii- fí` quini` Tiquí'ii' Fidiéé'. ¹⁵ Jo í'bing' líng` Tiquiá'^ jaléng` dsea` jmigüí cōo'~gui jaléng` dsea` i` nínéaang` fí` ñíí'. ¹⁶ Jogui míi'~i` Tiquí'ii' Fidiéé` e la'eáang` cōo'~ Jmiguí quiá'-r` nicuó'r- 'nú' güea' 'gøng' quiá'-r` e laco' nijmicóo'~ quií-na', cō' jíi'~ íb` dsea` i` sea` quiá'- jalé' e jlo'^ jogui niguo'^ e jíi'~ ja` tōo` jmíi~ niguiá'. ¹⁷ Jo mí'~bíi e contøøng- guing~ áa'na' Dsea` Jmáang- la'eáang` e nicajáang'~ yaang~na' fí` jaguór'. Jo mí'~bíi cajo e la'eáang` e eáam` 'neáang` Fidiéé` 'nú', joba' 'nú' eáam` nili'neáang`na' dsea` do cajo, jo ja` jmitúng` áa'na' lajíi'~ fí` niteáang~na'. ¹⁸ Jo mí'~bíi cajo e ningáng` 'nú' røø` colíing~ cōo'~ jaléng`gui jnea'^, dsea` lííí dsea` quiá'- Dsea` Jmáang-, jial tíi` laniing- e 'neáang` Dsea` Jmáang- jneaa`aa'. ¹⁹ Jo mí'~bíi Tiquí'naa' cajo e niliñí'gui' dseáng'- røø` jial tíi` laniing- 'neáang` Dsea` Jmáang- 'nú', nañí' fa' jíi'~ jaang` dsea` ja` quií'~ jmíi~ dseáng'- e ningáiñ'. Cō' song niñí'ba' lajo, joba' seab` la dsíing` quií-na' laco'gui la dsíing` e sea` quiá'- Fidiéé` 'ñia'r'.

²⁰ Jo güilifém' Fíi'naa' Fidiéé`, i` dsea` i` tting` jmóo' e jmiguiá'gui laco'gui jíi'~ e í' dsí'naa' osi e míi'~naa'r` é, jo e jo jmóor` la'eáang` cōo'~ bí' quiá'-r` e jmicóo'~ jneaa`aa' quiá'- jalé' e jmoo~naa' do. ²¹ Jo majmifém'baa' Fidiéé` contøøng- jogui lata~ jaléng` jneaa`aa', dsea` líí'naa' dsea` quiá'- Dsea` Jmáang-.

Jo lajob` nilí'.

4

Dsea` quiá'- Dsea` Jmáang- lííí' lafa' jaam` dsea` lajee` la'ó' rúíñ'

¹ Jnea~ Paa-, jo síjnán`n uíi'~ e guiaa- júu` quiá'- Dsea` Jmáang- jee~ 'nú', dsea` ja` líng`na' dsea` Israel. Jo mí'~i` 'nú' e güiliseem`ba' laco' síí' e seeng` dsea` i` cató'- Fidiéé` i` ni'uíng- dsea` quiá'-r` lí'^ laco'gui nicató'r- 'nú' e ca'uíng-na' lajo. ² Jo ja` jmicóøng'~ yaang~na' jee~ jaléng` dsea` rúng`na', jogui ee~ba' guiá- jee~ ír', jogui ja` jmoo'na' guíng-na' cōo'r~, jogui jmee~ba' féng' áa'na' la'ó' rúng`na' e 'neáang` rúng`na'. ³ Jo cō' juguiá- júu` røøb` niseeng` 'nú' la'ó' 'nú', dsea` líng`na' dsea` quiá'- Dsea` Jmáang-, la'eáang` cōo'~ Jmiguí quiá'- Fidiéé`, joba' jmi'úung`na' e seeng`gui' lajo. ⁴ Jo cōo'b` 'lé' nilííí' la'ó' jneaa`aa', dsea` lííí' dsea` quiá'- Dsea` Jmáang-, jogui dseáng'- lajíi'~ Jmiguí quiá'- Fidiéé`ba' seeng` jee~ jneaa`aa', jogui ca'ím'~ e guiá- e sijeeng`naa' e nilisee~naa' cøøng` cōo'~ Fidiéé` lata-. ⁵ Jo jaam` Fíi'naa' Dsea` Jmáang- i` seeng`, jogui jíi'~ júu` quiá'- dsea` í'ba' nijá'- líí'naa', jo uíi'~ joba' cajgáang~naa' jmíi. ⁶ Jo jaam` Fidiéé` i` seeng`, jo í'bing' líng` Tiquiá'^ lajaang` lajaang` jneaa`aa', dsea` lííí' dsea` quiá'-r-; jogui í'bi cajo i` líng` Fíi~ quiá'- lajíi~naa' la'ó' jneaa`aa'; jogui jmáiñ' ta~ jneaa`aa' e laco' nijmé~naa' lajíi'~ e iíñ` 'ñia'r', jogui seeíñ` cōo'~ jneaa`aa' lajíi~naa' cajo.

⁷ Jo Dsea` Jmáang- cacuø'r` jneaa`aa' lajaang` lajaang`naa' lajíi'~ ta~ e sí'í'ii' nijmó'oo' quiá'-r` lí'^ laco'gui nicali'íiñ~ e cuø'r` jaléng` dsea` quiá'-r-. ⁸ Joba' fé' fí' ni~ jíi' quiá'- Fidiéé` cuaiñ` quiá'- e na e nidsijéé` cōo'~ Dsea` Jmáang- jo fé': Jo cajgóo~bre fí` yú'^ jmigüí e jéeíñ` jaléng` dsea` i` calí'r-,

jogui cacuø'r' dsea` quiá'r- e tñiñ` lajii~ e si'í' nicuø'r- dsea` do.

⁹ Jo ¿e~ guøng' e nisør' fí yú^ do? Co' guøng' e la'uii~ nijgiáaiñ' fí jmiçüi' la cartí' fí ná' uø-. ¹⁰ Jo Dsea` Jmáam- i dsea` i cajgáng- do, jo í'bi cajo i cangáng'-tu cartí' yú^gui li~ niniing-gui eáang' e laco' íb` nilíng- Fii~ quiá'- lajalé'. ¹¹ Jo í'bre dsea` cacuø'r' jaléng' jneaa~aa', dsea` lí'í' dsea` quiá'r-, lajii~ e si'í' nicuø'r-. Jo cacuø' e i liing~ jnea' jmoo~naa' ta~ ni' júu^ quiá'- Dsea` Jmáang-, jogui e i liing~gui jneaa~aa' jmoo~naa' ta~ fé' cuaiñ~ quiá'- Fidié~, jogui e i liing~gui jmoo' ta~ guiá' júu^ quiá'- jial laang` dsea` jee~ dsee- quiá'r-, jogui e i liing~gui jmoo' ta~ quie' nifi' quiá'- ta~ quiá'- Fidié~ jogui jmoo'bir ta~ e júu^ quiá'- dsea` do cajo. ¹² Jo lajob caguiéeng` Dsea` Jmáang- guiá- jaléng' jneaa~aa', dsea` lí'í' dsea` quiá'r-, e laco' nijmicóo'~naa' dsea` rú'naa' laco' catíng-, jo lajob nicuøø~ bí rú'naa' la'ó' jneaa~aa', dsea` nilí'naa' dsea` quiá'- Dsea` Jmáang-. ¹³ Jo lajob 'né- jmó'guí' cartí' conrøøb` nijá'- lí'naa' júu^ quiá'- Dsea` Jmáang- jogui conrøøb` nilicuíng'naa' dsea` do i líng' Joo' Fidié~, jo lajob nili-~naa' dsea` quiá'- Dsea` Jmáang- i niráang` cartí' ni'ie' qui-~naa' laco'gui dsea` do ñia'r'.

¹⁴ Jo lajob jo` nilí-guí' laco'gui líng' jaang` jiuung~ i lajmináb- jmisíng- jalé' e í' dsír' lí' laco'gui coo' móo' fí ni' jmi' e dsée' lí' doñí' jié' fí li' í' guí. Co' i jiuung~ do lajmináb- naaiñ' e jmitir~ lí' doñí' ee' júu^ 'mí- cartí' nilí e nijmigøøng` dsea` ír, fa' jaléng' dsea` i nitíng` jmiçøøng` dsea` rúng'. ¹⁵ Dsu' guiá-gui e sii~naa' jmang'- júu^ já'-, jogui e nijmi'neáang` rú'naa' dsea` lí'í' dsea` quiá'- Fidié~, jo lajoba' nidsicuáng'gui qui-~ii' dseáng'- cartí' ni'ee-~naa' laco'gui la ée` Dsea` Jmáang- ñia'r'; co' íb` dsea` lí'í' lafa' mogui~ quiá'- jalé'naa', dsea` lí'í' dsea` quiá'r-. ¹⁶ Jo jaléng' jneaa~aa', dsea` lí'í' dsea` quiá'- Dsea` Jmáang-, lí'í' lafa' coob` ngúu' táang'naa' coo'~ dsea` do; jo dsea` íb` dsea` lí'í' lafa' mogui~ quiá'- lajii-~naa', dsea` lí'í' dsea` quiá'r-. Jo dsea` í'bi cajo dsea` cacuø'r' jneaa~aa' coo' ta~ lajaang` lajaang'naa', dsea` lí'í' dsea` quiá'r-; joba' mi~ guiáb- jmoo~naa' e ta~ jo e jmi'neáang'naa' dsea` rú'naa', joba' colíim~ dsicuáng` e ee-~naa' guiá- lajii-~naa'.

Jial seeng` dsea` la'eáang` cóo'~ Dsea` Jmáang-

¹⁷ Jo e lab fii-guí' 'nú', dsea` rú'naa', la'eáang` cóo'~ júu^ quiá'- Dsea` Jmáang-, e jo` güiliseeng`gui' laco'gui la seeng` dsea` góo'na' i ja` cúing` Fidié~. Co' i dsea` í' seeiñ' e í' dsír' jmang'- jalé' e ja` ta~ íim^, ¹⁸ jo lí' lafa' nuaub` dsír', co' dsíng'- ja' lí'r' ni'í- dsír' røø; jo ja' íñ' lajii~ e cuø' Fidié~ jaléng' jneaa~aa', dsea` lí'í' dsea` quiá'r-, uí'~ e ja' iñ~ e nilicuíñ` dsea` do, co' eáam' ue' dsír'. ¹⁹ Jo jii~ ja' lí'r' í' lí'í' e cuø' fí yaaiñ~ e jmóor' jalé' e 'li', jo dseáng'- ja' quie' íb' jmóor' jalé' e 'li' e tñiñ` jmóor` do.

²⁰ Dsu' 'nú'gui, dsea` cúing'na' Dsea` Jmáang-, ja' calicuíng'na' dsea` do e laco' ni- jmée^na' jalé' e 'li' lajo. ²¹ Co' dseáng'- já'-ba' nicanúu-~na' júu^ quiá'- dsea` do, jogui líim~ ee' calitíng'na' quiá'r- jo lajoba' niñí'na' e jmang'- e jáb'- júu^ quiá'- Dsea` Jmáang-. ²² Joba' túu'na' jalé' e 'li' e lami~ qui-~ títng'na' jmoo'na' do, co' cóo'~ e jo cajmée` e eáam' caligøng'na'. ²³ Jogui jmisíng^na' jalé' e í' óo'na', jo í' áa'na' jmang'- e guiá-. ²⁴ Jogui güiliseeng'na' e nicali'mím-~ba' e laco' ni'ee-~na' laco'gui la ée` Fidié~ ñia'r', jogui jmée^na' jmang'^ e guiá-, jogui ee-~na' røø' laco' si'í' jee~ jaléng' dsea` rúng'na'.

²⁵ Joba' túu'na' e quie'na' júu^ e o' já'-, jo fée'~ba' jmang'- júu^ e já'- cóo'~ dsea` rúng'na', dsuco' lajii-~baa' lí'naa' lafa' coo' ngúu' táang'naa' la'ó' jneaa~aa', dsea` lí'í' dsea` quiá'- Dsea` Jmáang-.

²⁶ Jo song jmiçuíng` áa'na', ja' cuø' fí yaang~na' e ni'ee-~na' dsee-; jogui jmi'úung'na' e ja' huøø- ee' e guíng-~na' do cajo, ²⁷ jo lajob ja' cuø'na' fii~ i 'líng' fí e nijmigøøiñ' 'nú'.

²⁸ Jogui jaléng' 'nú' i lami~ jmoo' íi, quiúum'~ba' e jo` jmée^na' lajo, jo jmee-~ba' ta~ guiá- cóo'~ layaang~ guóo'na' e laco' seab' e cuø'^na' jaléng' dsea` i 'né- quiá'- lajo.

²⁹ Jo ja' cá'na' júu^ 'lé', co' dseáng'- lajii~ júu^ e guiá- jogui e íng' ta~ba' 'né- cá'na' e laco' nijmicóo'~ quiá'- jaléng' dsea` i ninú- e júu^ jo jial nidsicuáng'gui quiá'r- e cuíñ` Dsea` Jmáang-. ³⁰ Jo ja' jmoo'na' e nilíng- fí'í' Jmiguí' quiá'- Fidié~, co' í'bing' seeng` cóo'~

'nú' e laco' cuø' li' quií' na' e nilíng' na' dsea' silaang' mi' nití' í' e nileáng' Fidiée' jaléng' dsea' quiá'r' laco' si' í'.

³¹ Jogui tú' na' jalé' e 'ní' áa' na' cóo' gui jalé' e guíng' na' quiá' rúng' na' cóo' gui jalé' e jüing' na', jogui ja' fo' na' júu' 'lé' quiá' rúng' na', lí' lajalé' e 'lí' e jié' gui é. ³² Jo ee' ba' jmang' e guiá' cóo' jaléng' dsea' rúng' na', jogui jmee' ba' fi' líng' na' jaléng' dsea' rúng' na', jogui íng' na' dsee' quiá' dsea' rúng' na' lí' laco' gui la jmóo' Fidiée' e íiñ' dsee' quií' 'nú' la'eáang' cóo' Dsea' Jmáang'.

5

Jial 'né' seeng' dsea' quiá' Dsea' Jmáang'

¹ Jo co' 'nú' líng' na' jóo' Fidiée' i iñ' eáang', joba' jmi' úung' na' e ni' ee' na' laco' 'ñia' dsea' do. ² Jo güiliseem' ba' e jmi' neáang' na' jaléng' dsea' rúng' na' lí' laco' gui Dsea' Jmáang' jmi' neáaiñ' jneaa' aa' jogui cajáng' 'ñia' r' e cajuiñ' fi' dse' crúu' uí' jneaa' aa'; jo e cajuiñ' do lí' lafa' coo' e jmeafi' jlo' e catíng' Fidiée'.

³ Jo co' dsea' quiá' Fidiée' líng' 'nú', joba' jüi' ja' cuøng' í' óo' na' fa' e siing' na' cóo' dseañ' osi dseam' i o' quií' na' é, o' gui e í' óo' na' jalé' e 'lí' e jié' gui cajo, o' gui suung' na' lí' doñí' ee'. ⁴ Jo ja' fo' na' júu' 'lí' o' gui júu' 'í' o' gui júu' ga' e ja' uing' sea', co' ja' catíng' jmé' 'nú' lajo; co' guiá' gui quií' na' e jmiféng' na' Fidiée'. ⁵ Jogui güilita' óo' na' cajo e lí' doñí' i dsea' i 'lé' e güiñ' cóo' dsea' i o' quiá' r', osi jmóor' e 'lí' e jié' gui é, osi suuiñ' lí' doñí' ee', joba' i dsea' í' ja' qui' jmi' e Dsea' Jmáang' cóo' gui Fidiée' nicá' nifi' quiá' r'. Co' i dsea' i suung' lí' doñí' ee' do, joba' lí' e lafa' e job' jmiféñ'. ⁶ Jo ja' cuø' fi' yaang' na' e jüi' jaang' dsea' nijmigøoiñ' 'nú' cóo' jalé' júu' e ja' íng' ta'. Dsaco' uii' quiá' jalé' e 'lí' e nicafá' a na, joba' cuø' Fidiée' iihu' eáang' jaléng' dsea' i ja' núu' lajüi' júu' quiá' r'. ⁷ Joba' ja' quíng' na' jee' jaléng' i dsea' i jmóo' lajo.

⁸ Dsu' 'nú', lami' jéeng' gui, fi' lí' nuub' seeng' na'; dsu' lanagui, co' nilíng' na' lafa' jaam' dsea' cóo' Dsea' Jmáang', joba' fi' lí' jneáb' niseeng' na'. Joba' güiliseem' ba' laco' gui i dsea' i seeng' fi' lí' jneá'. ⁹ Jo mi' seeng' dsea' fi' lí' jneá', joba' jmang' e guiá' jmóor' cóo' dsea' rúñ', jogui éer' røø' cóo' dsea' do cajo, jogui jmang' júu' jáb' quier'. ¹⁰ Jo fi' guí' 'nú', jmi' úung' na' e güiliseem' ba' laco' la íaang' dsí' Fí' naa' Dsea' Jmáang'. ¹¹ Jo ja' sicøng' yaang' na' e jmé' na' jalé' e ja' ta' íng' laco' gui la jmóo' dsea' i seeng' fi' lí' nuu; co' guiá' gui e nifi' na' re e ja' dseeng' jalé' e jmóor' do. ¹² Dsaco' lí' lí' lám' baa' e lico' fé' bái' uii' quiá' jalé' e 'lí' e jmóo' i dsea' la' í' fi' lí' üng'. ¹³ Dsu' mi' nifi' na' re e ja' dseeng' jalé' e jmóor' do, joba' cajneáb' niing' jalé' e jo, jo lajoba' nilí' lí' jaléng' dsea' jial lí' jalé' e jmóo' dsea' í' ¹⁴ lí' laco' gui e júu' la:

Jmijnée' a', 'nú' dsea' lafa' güiñ' uí' dsee' quií',

jo güijí' tu' la'eáang' cóo' Dsea' Jmáang';

jo lajoba' dsea' do nijmér' e niliseen' fi' lí' jneá' jir'.

¹⁵ Jo fi' guí' 'nú', dsea' rú' naa', ñiing' áa' na' jial ni' ee' na' jmang' e guiá', jo ja' güiliseeng' na' e jmoo' na' jalé' e ja' uing' sea', co' lí' lí' 'né' í' áa' na' laco' catím' cóo' jalé' e jmoo' na' do. ¹⁶ Jogui jmi' úung' na' e ee' na' guiá' contøng' cóo' jaléng' dsea' rúng' na', co' eáam' ga' nijmóo' dsea' lajee' lana. ¹⁷ Jo ja' jmoo' na' jüi' coo' e ja' mí' ca' í' áa' na' røø' laco' catíng', co' 'né' jmi' úung' na' e ningám' ba' lajüi' e iing' Fí' naa' Fidiée' e nijmé' na'. ¹⁸ Jogui ja' jmé' na' jmang' ta' í', co' fi' gab' cá' jaléng' dsea' i jmóo' lajo; co' guiá' gui e jüi' Jmiguí' quiá' Fidiée' nicá' nifi' quií' na'. ¹⁹ Jogui mi' føng' rúng' 'nú' la' ó' líng' na' dsea' quiá' Dsea' Jmáang', féeng' rúng' na' cóo' jalé' júu' quiá' Fidiée' e toø' fi' ni' jì' salmos jogui cóo' jalé' júu' e ø' dsea' quiá' Fidiée' cajo cóo' gui jalé' júu' e cuø' Jmiguí' quiá' Fidiée'. Lajobi cajo, mi' ø' na' jogui mi' jmiféng' na' Fí' naa' Dsea' Jmáang', jmee' ba' car' ngocáng' óo' na'. ²⁰ Jogui ja' tiúung' na' e cuø' na' gui' máang' Tiquí' i' Fidiée' la'eáang' cóo' Fí' naa' Dsea' Jmáang' quiá' jalé' e dsing' na'.

Jial seeng`dsea`quia`- Dsea`Jmaang`cog` jaleng`dsea`sinu` quia`r`

²¹ Jo jme`na' nu`na' juu` quia`- rung`na' e iaang` aa`na' e laco' cuo' li~ e jmi'goo`ba' Dsea`Jmaang`.

²² Jo e laba' fii`i` nu`, jaleng` dseamf, jmi'goo`ba' jaleng` dseanu` quii`na'. Jo song lajob jmoona', joba' nuu`ba' juu` quia`- Finaa' Dsea`Jmaang`. ²³ Dsaco' dseanu`bing' ling`dsea`mogui` quia`- jaleng`dseamf quia`r` laco'gui Dsea`Jmaang` liin`dsea`mogui` quia`- jaleng`dsea` quia`r`. Jo jaleng` i` dsea` quia`r` do li` lafa' coob` nguu` taain` cog` dsea` do. Jo dsea` dob dsea` laain` jaleng` dsea` quia`r` jee` dsee` quia`i`n`. ²⁴ Jo jaleng` dseamf`ne` nu`bre juu` quia`- dseanu` quia`r` e iaang` dsir` li` laco'gui jaleng` dsea` quia`- Dsea`Jmaang`-ne` jmer` nuu`bre juu` quia`- dsea` do cajo.

²⁵ Jo e laba' fii`i` nu`, jaleng` dseanu`, jmi'neang`na' jaleng` dseamf quii`na' laco'gui Dsea`Jmaang` jmi'neain` jaleng` jneaa`aa', dsea`li`naa' dsea` quia`r`, jogui cajang` nia`r` e cajui`n` uii` quii` cajo. ²⁶ Jo cajmeer` lajo e laco' ca'uing`naa' dseang` jii` dsea` quia`- Fidié. Jogui cajmeer` e lafa' cajung`naa' cog` e jmi` e cajgaang`naa' do cog`gui e juu` quia`r` e caguiar` do cajo. ²⁷ Jo cajang` nia` dsea` do e cajui`n` e laco' nisin` jaleng` jneaa`aa' fi` quinir` laco' jaang`dsea` i` sijung` jogui i` siguiung` fi` quini` dsea` do jogui i` jii` cog` dsee` ja` sea` quia`-. ²⁸ Jo jaleng` dseanu` ne` neaam`bre jaleng` dseamf quia`r` li` laco'gui la`neang` yaain`. Co' i` dsea` i` neang` dseamf quia`-, joba' neain` yaain` cajo. ²⁹ Dsaco' ja` seeng`dsea` fa' e ja` to' fii`ng` yaain`, co' li` li` jmoor` i` røob` jogui to' fii`n` cog` jalé` e ne` quia`r`. Jo lajob jmoogui Dsea`Jmaang` cog` jaleng` jneaa`aa', dsea` li` dsea` quia`r`, røob` to' fii`n` cajo, ³⁰ co' lafa' nguu` taam`bre li` jneaa`aa', dsea` li` dsea` quia`r`. ³¹ Co' lalab fé` fi` ni` ji` quia`- Fidié: "Naam` jaleng` dseanu` quia`- tiquia`r` jogui quia`- niquia`r`, jo dsilin` cog` dseamf i` nicung` guo` cog`bre, joba' laji` huain` do ni`uin` lafa' jaam`dsea`." ³² Jo e juu` quia`- Fidié` na ja` mi` cangang` dsea` røob` jéeng`gui, dsu` jnea`gui fá`a e juu` la lana cuain` quia`- Dsea`Jmaam` coling`gui cog` jaleng` jneaa`aa', dsea` li` dsea` quia`r`. ³³ Jo lajob li`, lajaang` lajaam` nu` dseanung`na', ne` neaam`ba' dseamf quii`na' laco'gui neang`na' yaang`na'; jogui lajobi jaleng` dseamf ne` jmi`gob`bre dseanu` quia`r` cajo.

6

¹ Jogui e laba' fii`i` nu`, jaleng` jiuung`, jme`na' nuu`na' jalé` ta` quia` tiqui` niqui`na', co' lajob iing` Fidié` e catiung` nijme`na'. ² Jogui e lab juu` la`uii` e quia` ta` quia`- Fidié` e song jmiti` dsea` e jo, joba' ni`i`n` e nisi`i`n` e nicuo`l` Fidié` ir; jo lalab fé` e juu` do: "Jmi'goo` tiqui` cog` niqui`, ³ jo lajoba' niliseen` juguiá` jogui niin` e huøob` seen` fi` jmi`güi`."

⁴ Jogui jaleng` nu`, dsea` ling`na' teaa~, ja` jmoona' e niliguing` jaleng` jona'; co' guia`gui e jmicuaang`na're e íb` goo` quia`r` cog` jalé` e e`na're laco'gui cøng` cog` juu` quia`- Dsea`Jmaang`.

⁵ Jogui lalab fii`i` jaleng` nu`, dsea` si`ning` i` jmoo`ta` hu` i` ja` léeng`, jmee`ba' nuu`na' jalé` ta` quia` fii` quii`na'. Jogui jmee`ba' jalé` ta` jo e jmi'goo`ba're jogui e ngocang` oona' cajo li` laco'gui catiung` e ne` jme`na' cog` Dsea`Jmaang` nia`r`. ⁶ Jogui jmee`ba' ta` røob` laco' si`i`, jo o' jii` mi` ni` fii` quii`na' ne` jme`na' ta` e li` laco' nijana' guia` cog`r`. Jo co' nu` dsea` i` jmoo` lajii` e iing` Finaa' Dsea`Jmaam` ning`na', joba' car` ngocang` aaba' ne` jmiti`na' e ta` do, jo lajoba' iaang` dsii` Fidié` cog` jalé` e jmoona' do. ⁷ Jo ne` jme`na' e ta` do e iaang` ooba' laco'gui catiung` jme`na' mi` jmoona' lajii` e iing` Dsea`Jmaang`, jo o' laco' mi` jmoona' ta` fi` quini` dsea` jmi`güi`. ⁸ Co' niib` nu` e doñi` ii` dsea`, si` dsea` si`ning` i` jmoo`ta` hu` e ja` léeng` osi o' lajo é, ni`im`bre lajii` e catiun` e cuo' Fidié` quia`- jalé` e guia` e cajmeer` do.

⁹ Jogui jaleng` nu`, dsea` ling`na' fii~, ee`ba' røob` cog` jaleng` dsea` jmoo`ta` quii`na', jo ja` jme`na' soo` aa`na' cog`r`. Jogui tee` oona' e jaam` Finaa' Fidié` i` seeng` i` guing`

fi' ñiffi i quia' ta' quii' na' cõo' gui dsea' i si' ñiing' i jmõo' ta' quii' na' cajo. Co' fi' quini' Fidiée' røøb' lã' naa' lajaang' lajaang' naa'.

Jial jmi'õng' dsea' yaañ' jee' i 'ling'

¹⁰ Jõgui lana, dsea' rú' naa', cuøø' bĩ' yaang' na' lajii' fi' niteáang' na' la'eáang' cõo' e bĩ' 'gõng' quia' Fii' naa' Dsea' Jmáang', co' dsea' quia' dsea' dob' ñiing' na'. ¹¹ Jo jmi'õng' yaang' na' cõo' jalé' e cang'ing' na' e cacuø' Fidiée' 'nú' e laco' ja' nicá' na' fi' ga' mi' iing' fii' i 'ling' jmi'õng' 'nú', lafa' jaang' 'léé' quie'bre cõo' jalé' e jmi'õng' 'ña' r' mi' dséer' jee' 'nii'. ¹² Co' ja' jmoo' naa' ta' tãng' cõo' dsea' jmi'õng', co' ta' tãng' cõo' jalé' guí' 'li' e eáang' óo' bĩ' e í' fi' guia' gũ'ba' jmoo' naa', co' e guí' jõ quie' nifi' jõgui silĩ' jaléng' dsea' fi' la' fi' na. ¹³ Jõba' jmeáang' na' ta' jalé' e cang'ing' na' e cacuø' Fidiée' 'nú' e nijmi'õng' yaang' na', jõ lajõba' nité' na' cõo' i 'ling' mi' nití' í' e nijmeáañ' 'nú' ga'. Jõba' mi' cali' na' jalé' e jõ, jie' mi' tú' na' lajii' fi' teáang' na' jõng.

¹⁴ Jõ jie' mi' tú' na' lajii' fi' niteáang' na' e quie'ba' jmang' júu' já' quia' Fidiée'; jõ e júu' já' na' lã' lafa' cõo' lo' ñuu' tu' e 'ñuu' teá' tu' jaang' 'léé'. Jõgui ee'ba' røø' fi' quini' Fidiée' contøøng'; jõ e na' lã' lafa' cõo' 'mi' quii' ñi' quia' jaang' 'léé' cõo' e jmi'õng' fi' nidsiir' fi' jee' 'nii'. ¹⁵ Jõgui 'né' néeb' guia' quii' na' contøøng' e laco' ni'uõng' na' nigũ'guia' na' júu' quia' Dsea' Jmáang' e quia' jial seeng' dsea' juguia' júu' røø' cõo' Fidiée'; jõ e na' lã' laco' gui mi' jaang' 'léé' guieeng' guia' 'ña' r' e ni'õ' r' lomiiir'. ¹⁶ Jõ co' nicajáam' yaang' na' fi' jaguó' Dsea' Jmáang', jõba' quĩ'ba' jmi' nijmi'õng' yaang' na' jee' jalé' e ga' e iing' fii' i 'ling' nijmeáañ' 'nú'; jõ e na' lã' laco' gui mi' jaang' 'léé' quie'bre cõo' e nijmi'õng' 'ña' r' jee' ñisũ'. ¹⁷ Jõ nisilaam' ba' jee' dsee' quii' na'; jõ e na' lã' laco' gui cõo' logui' ñi' quii' na' cõo' e jmi'õng' na' mogui' na'. Jõgui jmeáam' ba' ta' e júu' quia' Fidiée' e nica'ling' na' do e cacuø' Jmiguí' quia' r'; jõ e júu' na' lã' laco' gui cõo' ñisũ' e eáang' dsea' jee' 'nii'. ¹⁸ Jõ lajee' jõ, ja' tiúung' na' e fõng' na' Fidiée' jõgui mĩ' na' dsea' do contøøng' la'eáang' cõo' Jmiguí' quia' r' e nijmicõo' r' 'nú'. Jõ contøøm' 'né' e ñiing' áa' na' e ja' nilitúng' óo' na' e mĩ' na' Fidiée' uii' quia' lajiiing' dsea' quia' r'.

¹⁹ Jõgui mĩ' na' Fidiée' uii' quie' jnea' cajo, e nicuø' r' jnea' e ñi'baa' e júu' niguiaa' jee' dsea' e ja' 'gó' o' e laco' niliñi' dsea' júu' quia' Dsea' Jmáang' e quia' jial laang' dsea' jee' dsee' quia' r' e ja' mi' caliñir' lami' jéeng' gui. ²⁰ Co' Fidiée' casiñ' jnea' fi' la' e laco' niguiaa' júu' quia' jial laang' dsea' jee' dsee' quia' r', jõ uing' e jõba' e sijnĩn' n' lana. Jõ mĩ' guí' Fidiée' uii' quie' e e laco' nifá' a' e júu' jõ jee' jaléng' dsea' e ja' 'gó' o' jii' capí'.

Júu' guicõo' lã' cadséng' quia' Paa'

²¹ Jõ Tiquico lã' ñi' jaang' dsea' quia' Fidiée' i 'neáang' naa' eáang' jõgui i' eé' ta' røø' cõo' jalé' ta' quia' Fidiée'. Jõ dsea' íb' nicár' júu' fi' na' jial seen' jõgui jalé' e jmõo' o' fi' la' cajo. ²² Jõ uing' lajõba' nisĩn' nre' fi' na' e laco' nijmeá' r' 'nú' júu' jial see' naa' fi' la', jõ lajõba' nicuø' r' 'nú' bĩ' e laco' ja' gui lãng' na' fi' í' uii' jnea'.

²³ Jõ mĩ' i' Tiquí' naa' Fidiée' cõo' gui Fii' naa' Dsea' Jmáang' e nijmér' e niliseeng' 'nú', dsea' lãng' na' dsea' quia' r', juguia' júu' røø', jõgui e nijmi'neáang' rúng' na' la'eáang' e nicajáang' yaang' na' fi' jaguó' dsea' do. ²⁴ Jõ mĩ' i' Fidiée' e gũ' h' bre güea' quia' r' jee' jaléng' dsea' quia' r' i 'neáang' Fii' naa' Dsea' Jmáang' contøøng' jõgui lata'.

Jõ lanab jii' fé' jii' quia' Paa' e catiing' jaléng' dsea' quia' Dsea' Jmáang' i' seeng' fi' Éfeso.

Júu[^] e toq̃ fí nĩ jĩ quiá'- Paa⁻ e catíng⁻ dsea[`] seeng[`] fí FILIPOS

¹ Jnea[~] Paa⁻ cóq̃^o Timoteo lí'naa' dsea[`] i jmóo^o lajii[~] e iing[~] Dsea[`] Jmáang⁻. Jogui lana guiéeng['] naa' júu[^] guicóq̃^o quiá'-na', dsea[`] quiá'- Fidié[~] i neáang['] fí na fí Filipos i líng['] lafa' jaam[`] dsea[`] cóq̃^o Dsea[`] Jmáang⁻. Jogui lajobⁱ guiéeng['] naa' júu[^] guicóq̃^o quiá'- jaléng['] dsea[`] mogui[~] i quiá' ta[~] jee[~] 'nú' cóq̃^o gui jaléng['] i jmicóq̃^o gui quiá'r⁻ cajo. ² Jo mĩ[~] i Tiquí'naa' Fidié[~] cóq̃^o gui Fii'naa' Dsea[`] Jmáang⁻ e ni'ir⁻ güea[^] quiá'r⁻ jee[~] 'nú' jogui e nicuó'r⁻ 'nú' e seeng['] na' juguiá⁻ júu[^] røø[`].

Mĩ[~] caféng['] Paa⁻ Fidié[~] uí[~] quiá'- dsea[`] seeng['] fí Filipos

³ Jo lacq̃^o née[~] mĩ[~] dséng['] dsii⁻ 'nú', cuøø⁻ø gui'máang['] Fidié[~] uii[~] quiá'-na'. ⁴ Jogui lacq̃^o née[~] mĩ[~] fõn['] n Fidié[~] uii[~] quiá'-na' lajaléng['] na', jmóo^o e iáang['] dsii'baa, ⁵ co' eáam['] cajmicóq̃^o rú'naa' e guia'naa' júu[^] quiá'- Dsea[`] Jmáang⁻ jii[~] ie[~] latí mĩ[~] caneeng[~] rú'naa' jo cartí jmi[~] na. ⁶ Jo tab[~] dsii⁻ e Fidié[~] bing['] i canaang['] jmóo^o jalé['] e guiá⁻ jee[~] jaléng['] 'nú', jogui íbⁱ cajo i nijmé⁻ gui lajo cartí niteáiñ['] e ta[~] jo ie[~] mĩ[~] nití⁻ í' e nigüéeng⁻ tu Dsea[`] Jmáang⁻ fí jmi[~] güi la. ⁷ Jo dseáng['] lajob catíng⁻ e í dsii⁻ uii[~] quiá'-na' lajaléng['] na', co' eáam['] 'neáan['] 'nú' jogui røøb['] nica'íng['] naa' jalé['] e guiá⁻ e cuø['] Fidié[~] jneaa[~] aa', nañí['] fa' iuun⁻ sijnín['] n fí dsíí 'nuñí[^] osi e niguién['] n fí quini['] dseata[~] é, e jmi['] ø['] osi jmitaa[^] dsíí dsea[`] e júu[^] quiá'- jial laang['] dsea[`] jee[~] jalé['] dsee⁻ quiá'r⁻. ⁸ Jo Fidié[~] b['] dsea[`] ñir['] jial tíí e iin['] n nimáan['] n lajaléng['] 'nú' lí[^] lacq̃^o jii[~] e cuø['] Dsea[`] Jmáang⁻ jnea[~] e nijmi'neáan['] 'nú'.

⁹ Jo mĩ[~] i Fidié[~] e eáang['] gui nidsicuáng['] e jmi'neáang['] rúng['] na', jogui e nicuó['] guir 'nú' e nilijmĩ['] na' jogui e ningáng['] na' ¹⁰ e lacq̃^o lí'na' guíí'na' contøøng⁻ lajalé['] e guiá⁻. Jo lajob quíí'na' jmi[~] e seeng['] na' e ee⁻ na' guiá⁻ e lacq̃^o ja' nilisea[`] dsee⁻ quiá'-na' mĩ[~] nití⁻ jmi[~] e nigüéeng⁻ tu Dsea[`] Jmáang⁻ fí jmi[~] güi la. ¹¹ Jo ie[~] jo jaléng['] 'nú' nijáa[~] na' júu[^] cuaiñ[~] quiá'- jalé['] e guiá⁻ e cajmee['] na' la'eáang['] cóq̃^o Dsea[`] Jmáang⁻ e lacq̃^o nijmi'goo['] na' Fidié[~] jogui nijmiféng['] na' dsea[`] do.

Seen⁻ fí jmi[~] güi la e jmóo^o lajii[~] e iing[~] Dsea[`] Jmáang⁻

¹² Jo jnea[~] iin['] n e niliñí['] 'nú', dsea[`] rú'naa', e jalé['] e nicangongín['] n fí la dseáng['] eáam['] nicalí'íng['] ta[~] e lacq̃^o nini['] gui júu[^] quiá'- jial laang['] dsea[`] jee[~] jalé['] dsee⁻ quiá'r⁻. ¹³ Co' jaléng['] dsea[`] i jmóo^o ta[~] fí 'nú' lí[~] guing['] dseata[~] dsea[`] féng['] quiá'- dsea[`] romano cóq̃^o jaléng['] gui dsea[`] caguaaang⁻, guiáb⁻ ñir['] e sijnín['] n fí dsíí 'nuñí[^] dsu['] uii[~] e lín['] n dsea[`] quiá'- Dsea[`] Jmáang⁻. ¹⁴ Jogui mĩ[~] caliñí jaléng['] dsea[`] rú'naa' dsea[`] quiá'- Dsea[`] Jmáang⁻ e sijnín['] n fí la, joba['] e jie[~] ja' lajalém['] dsea[`] do eáang['] gui nicagua['] dsíir['] e ni'r['] júu[^] quiá'- Dsea[`] Jmáang⁻, jogui dseáng['] ja' 'gó['] bre jmóor['] lajo.

¹⁵ Jo e jáb['], i líng[~] i dsea[`] í guiar['] júu[^] quiá'- Dsea[`] Jmáang⁻ dsu['] e dsihuím['] bre osi e 'ní' ní['] bre é, jo dsu['] i líng[~] gui jmóor['] e ta[~] jo e guiá⁻ dsíir['] bre. ¹⁶ Jogui i líng[~] i dsea[`] í jmóor['] e ta[~] jo e ngocáng['] dsíir['] bre co' eáam['] 'neáaiñ['] Fidié[~], co' ñi['] bre e uing[~] e iuung⁻ jnea[~] fí la e lacq̃^o jmi['] òn['] n júu[^] quiá'- Dsea[`] Jmáang⁻; ¹⁷ jo dsu['] i líng[~] i dsea[`] í guiar['] júu[^] quiá'- Dsea[`] Jmáang⁻ e lí[^] lacq̃^o nijmeáng⁻ quiá'r⁻ yaam[~] bre, jogui ja' jmóor['] e ngocáng['] dsíir['] e ta[~] jo, co' licq̃^o iin['] e ni'meáang['] guir jnea[~] lí[~] iuun⁻ fí dsíí 'nuñí[^] la. ¹⁸ Jo dsu['] ja' e cuaiñ[~] quié⁻ e jialco['] guia['] dsea[`] e júu[^] jo, si e ngocáng['] dsíir['] osi o' lajo é; co' jmi'íáam['] dsíir['] jnea[~] dsu['] e guia['] dsea[`] júu[^] quiá'- Dsea[`] Jmáang⁻.

Jo eáam['] bi nili'íáang['] dsii⁻, ¹⁹ co' ñi['] baa e nileám['] baa lí[~] iuun⁻ la, co' jaléng['] 'nú' mĩ[~] ba' Fidié[~] uii[~] quié⁻ e, jogui jmicóq̃^o bi jmi[~] güi quiá'- Dsea[`] Jmáang⁻ jnea[~] cajo. ²⁰ Jo dsu['] eáam['] iin['] n jogui eáam['] sijeén['] e ja' nicuó['] Fidié[~] fí e nicaa⁻ fí['], co' lí[^] lí[^] eáang['] gui sijeén['] e teá['] dsii⁻ e guiaa⁻ júu[^] fí quini['] jaléng['] dsea[`], jo lajob nijmi'goo['] Dsea[`] Jmáang⁻

e ngocáng` dsii` jò ja` e líi` e seen` òsi e júun` n é. ²¹ Co' jnea` seen` fí` jmiǵúî` la e jmóo` ò lajîî` e iing` Dsea` Jmáang` ; jogui song júun` n, jòba' guiá` guib ni`uúing` quié` e jóng. ²² Jò dsu' song seeng` guíi` fí` jmiǵúî` la, nilí` bîi` jmee` e ta` e laco' nilifíng` guíi` dsea` quiá` - Dsea` Jmáang` ; jòba' ja` ñii` e` niguíi` i, su e seeng` guíi` ofa' e júum` baa é. ²³ Co' huim` líi` quié` e e niguíi` i còo` lajee` e tú` júu` la: ca'íng` e iáang` dsii` e nijúun` n e laco' niní` i còo` - Dsea` Jmáang` fí` jmiǵúî` còo`, co' lajòba' e eáang` guíi` nijmeáang` quié` e; ²⁴ jogui e ca'íng` guíi` do, eáang` guíi` la guíing` quií` na' e seem` bîi` fí` jmiǵúî` la. ²⁵ Jò co' nitab` dsii` e seem` bîi` fí` jmiǵúî` la, jòba' nija` bîi` còo` - 'nú' fí` na e laco' nijmicòo` - bîi` 'nú' e nidsicuáang` guíi` quií` na' còo` - júu` quiá` - Dsea` Jmáang` , jogui e laco' eáang` guíi` nili` iáang` óo` na' còo` - e júu` e já` - nicalíng` - na' do. ²⁶ Jò mi` niguiéng` - túu` fí` jee` - 'nú', nili` iáang` guíi` óo` na' uíi` quiá` - jalé' e guíi` e nicajmée` Dsea` Jmáang` còo` - jnea` .

²⁷ Jò jmi` uúung` na' e niliseeng` na' røø` laco' cøøng` còo` - júu` quiá` - Dsea` Jmáang` . Jòba' nañí` fa' e gáa` ga` lee` e 'nú' òsi huíi` - bi` táan` n é, dsu' tab` dsii` e teá` teáang` - na' còo` - júu` quiá` - Dsea` Jmáang` jogui e dseáng` - conrøø` sîing` - na' lajaléng` - na' e cuø` - bi' bí` yaang` - na' colíing` e laco' nijá` - líng` dsea` júu` quiá` - jial laang` dsea` jee` jalé' dsee` quiá` - r` , ²⁸ jogui e ja` føøng` - na' jîi` capí` - jaléng` dsea` i` 'ní' 'níi` quií` - na' . Co' e na cuø` lí` quiá` - jaléng` i` dsea` do e ningolíi` - fí` lí` 'lí' , jò dsu' quií` - 'nú' cuø` lí` e niliseem` ba' lata` còo` - Fidiée` , co' lajòb` nisí` í` quiá` - dsea` do. ²⁹ Co' dsea` quiá` - Dsea` Jmáam` líng` 'nú' , jòba' ngúing` - na' e já` - líng` - na' júu` quiá` - r` , jogui ngúim` - ba' cajo e nimó` - na' iihu` - dsu' uíi` e nilíng` - na' lajò , ³⁰ co' conrøø` 'ní' níng` - dsea` jneaa` - aa' lana, jò móob` - 'nú' e lajòb` cajmeáang` - dsea` jnea` lamí` jéeng` guíi` , jogui niñí` - bi' cajo e lajòbi` jmóor` còo` - jnea` latí` lana.

2

Dsea` Jmáang` cajmi` uóng` - ñia` r` jò ca` uúin` - jaang` dsea` niing`

¹ Jò teáb` óo` na' , dsuco' lafa' jaam` dsea` líng` - na' còo` - Dsea` Jmáang` ; jogui ja` fi` í` líng` - na' , co' Dsea` Jmáam` - 'neáang` - 'nú' jogui jmiǵúî` quiá` - r` seem` røø` colíing` - còo` - 'nú' ; jogui jmi` neáang` - rúng` - na' , jogui fi` líng` - rúng` - na' cajo , ² jòba' jmee` - bi' bí` e laco' jmi` iáang` - na' dsii` e seeng` - na' colíing` - juguiá` - júu` røø` , jogui neáam` - rúng` - na' lajîing` - na' , jogui còo` - ba' í` óo` na' lajîi` - fí` teáang` - na' . ³ Jò jie` mí` jmoo` - na' jîi` - còo` e móo` - na' e jmóo` - dsea` rúng` - na' dsu' uíi` e 'ní' máang` - na' r` òsi e jmicøøng` - yaang` - na' é , co' lí` lí` 'né' e jmi` uóng` - yaang` - na' jogui e jmi` goo` - na' dsea` rúng` - na' eáang` guíi` laco' yaang` - na' . ⁴ Jò dsu' ja` jmée` - na' e lico' 'no` - na' jial ni` uúing` - guíi` - quií` - na' yaang` - na' , co' lajòb` 'né' - 'no` - na' cajo jial ni` uúing` - guíi` - quiá` - jaléng` - dsea` rúng` - na' .

⁵ Jò íi` óo` na' røø` lajîi` - fí` teáang` - na' lí` laco' guíi` cajmée` Dsea` Jmáang` .

⁶ Co' ír` røøb` cøøiñ` còo` - Fidiée` ,
jò dsu' ja` cajmeáang` - ñia` r` fa' e røø` cøøiñ` còo` - dsea` do ,

⁷ co' cab` caséer` lajîi` - e sí` íiñ` quiá` - Fidiée` ,
jò ca` uúin` - e røøb` cøøiñ` laco' jaang` dsea` jmiǵúî` i` jmóo` - ta` fí` quini` dsea` rúng` ,
jò caliséiñ` fí` guóo` - uø` e líiñ` jaang` dsea` jmiǵúî` .

⁸ Jò dsu' lajee` e ca` uúin` - lajò , cajmi` uóng` - ñia` r` e ja` cajmээр` - ta` quiu` - r` ñia` r` ,
co' lajîi` - ta` quiu` - Fidiée` - ba' cajmээр` - car` cartí` í` e catáin` - fí` dse` - crúu` , jò fí` jòb` cajúin` .

⁹ Jò uíi` e lajòb` cajmээр` , jòba' Fidiée` - caseaiñ` - dsea` do yá` - gui ,
jogui cajmээр` e niing` - guíi` dsea` do lajee` lajalé` - jogui lajee` lajaléng` - i` seeng` fí` la` úng` - fí` jmiǵúî` .

¹⁰ Jò cajmée` Fidiée` - lajò e laco' mi` ninú` - jial tíi` niing` - Jesús ,
jòba' còo` quiéeb` - nisí` - dsea` uø` - jnir` doñí` - jié` - seem` - bre , si fí` jmiǵúî` còo` - òsi fí` jmiǵúî`
la òsi fí` lí` teáang` - líi` - é ,

¹¹ jò nilíi` - lajîing` - dsea` jò nifér` - e jáb` - e Dsea` Jmáam` - líiñ` - Fii` - i` quiu` - ta` fí` la` úng` ,
jò lajòba' nijmi` - gó` lajîing` - dsea` Tiquí` - ii` Fidiée` .

Dsea` quíá' Dsea` Jmáang` líiñ' dsea` i lafa' sijing' jee` dsea` jmigüü`

¹² Jo lana, dsea` rú'naa' i iin`n eáang', jo lí' laco' nicajmee`na' náa'na' contøng` júu` quíá' Fidié` e nicafí` i 'nú' lajee` e nicataan`n cóo' 'nú', joba' eáang'gui 'né` jmée`na' náa'na' cajo mi` ja` quijgeáan`n cóo' 'nú'. Jo jmi'goo`na' e ngocáng` óo`na' lajii` e fi` guiá` lí` niteáang`na' cóo' Dsea` Jmáang`; ¹³ co' Fidié`bing' i cuø' 'nú' e iing`na' jmée`na' jmang` e guiá`, jogui dsea` íb` cajo i jmicóo' 'nú' e laco' nijmée`na' jalé' e jo lí' laco' e iáang` dsír' 'ña'r.

¹⁴ Jo jmée`na' lajalé' e jmoo`na' e ja` sée`na' dsee` jogui e ja` jing`na', ¹⁵ jo lajoba' jii` jaang` dsea` niguié'r` jial ni'níiñ` 'nú' osi nicuø'r` 'nú' dsee` é. Jo jmiliing` yaang`na' e líng`na' dseáng` joo' Fidié` i ja` si'ling' jee` dsea` jmigüü` i seeng` jmi` na. Co' jaléng' i dsea` seeng` jmi` na eáam' líiñ` joo'gui ja` í dsír' laco' catíng`. Jo dsu' 'nú' líng`na' dsea` i lafa' sijing' jee` jaléng' dsea` jmigüü` i seeng` fi` lí` náa' lí' laco'gui jing' jaléng' náa' i sitóng` yá' jmigüü` mi` canaa`. ¹⁶ Jo lajob líng`na', joba' ée`na' jaléng' dsea` e júu` quíá' jial niliseeng` dsea` cøng` cóo' Fidié` lata`. Joba' mi` nití` í' e nijáa'tu Dsea` Jmáang` fi' jmigüü` la, eáang'gui nili'íáang` dsii` uii` quí`na', co' ñi'baa e eáam' nicalí'íng` ta` lajii` e ta` huíng` e nicajmé` e jee` 'nú' jogui lajobi lajalé' iihuú' e nicamó`o jee` 'nú' cajo. ¹⁷ Jo nañi' fa' nijáang` 'ña'a e nijúun`n e laco' ni'ie' lajii` e cuø' 'nú' Fidié` uii` e já' líng`na' júu` quíá'r, joba' eáam' nili'íáang` dsii` fíng song calí` lajo lí' laco' nili'íáang` óo' 'nú' cajo. ¹⁸ Jogui lajobi 'nú' nijmi'íáam` áa`na' colíng` cóo' jnea`.

Mi` cajmée` Paa` júu` e niguiéiñ` Timoteo cóo' Epafrodito fi' Filipos

¹⁹ Jo song Fii'naa' Jesús cuø'r` fi' lajo, joba' lajmináb` iin`n nisín`n Timoteo e nidsi'éer` 'nú' fi' na. Joba' nitíin`n bí` quíé` e mi` ni'íin`n júu` quí`na' e nicóo` dsea` do e quíá' jial seeng`na'. ²⁰ Jo jo` i dsea` seeng`gui quíé` e i jiéng`gui laco' Timoteo i guíing` dsii` dseáng` lajang` uii` quí`na'; ²¹ co' lajalém` dsea` 'no'r` jmóor` lali` e tí dsír' yaam`bre, jo ja` 'no'r` jmóor` jalé' e guiá` e iing` Dsea` Jmáang`. ²² Dsu' niñib` 'nú' jial tí' guiá` nica'éé` Timoteo jogui jial nicajmó`naa' ta` e guia`naa' júu` quíá' Dsea` Jmáang`, co' nicajmicóo'r` jnea` laco' jaang` joo' dsea` mi` jmóor` ta` jmicóo'` sejmiir`. ²³ Jo íbing' sijeem` e nisín`n e dsi'eer` 'nú' fi' na ladsifi' mi` niliñi` jial ngóo' quíé` e fi' la. ²⁴ Jo sijeem`baa cajo e Fii'naa' Dsea` Jmáang` nicuø'r` jnea` fi' e ngóo'baa 'ña'a e ni'ee` e 'nú' fi' na lajminá`.

²⁵ Jogui lín`n e la guím` 'né` niguiéeng` túu` fi' na i dsea` rú'naa' dsea` quíá' Dsea` Jmáang` i sii` Epafrodito i nicajmée` bí` cóo' jalé' ta` e nicajmé` e colíng` cóo'r, co' íb` dsea` i casíng` 'nú' fi' la e quíá' jmicóo'r` jnea` cóo' jalé' e 'né` e lí` iuun` sijín`n fi' la. ²⁶ Jo i Epafrodito na eáam' ni'íiñ` e niníiñ` 'nú', co' fi' íb` líiñ` dsu' e nicalíñi'na' júu` e calidsée'r` eáang'. ²⁷ Jo e já' e nicalidsée'r` jo jie` ja` mí` cajúum`bre; jo dsu' Fidié` calí` fí` lím`breiñ` do, joba' cajmi'leáam`bre, jo la quíé` tí jneab` calí` fí` líng` Fidié` cajo cóo' jalé' fi' í' dsii' seen, co' nilifé'gui b' fi' í' quíé` e fíng song cajúiiñ`. ²⁸ Joba' niguiéem`ba're lajminá` fi' na e laco' nili'íáang` áa`na' mi` nimáang`na'r calé' catú`, jogui jnea` guáa'gui jia` fi' í' quíé` e cajo. ²⁹ Jo mi` niguieng`tur` fi' na, íng`na'r e iáang` óo`na', co' dsea` quíá' Fii'naa' Dsea` Jmáang` líiñ`. Jogui jmi'goo`ba' jaléng' dsea` i ée` laco'gui ée` i dsea` na. ³⁰ Jo jie` ja` mí` cajúum`bre dsu' uii` e jmóor` ta` e nicangíiñ` quíá' Dsea` Jmáang`. Co' caguia' dsír' doñi' ee` calím`bre e laco' cajméer` ta` jmicóo' jnea` uii` e 'nú' ja` dsitíng` quí`na' jmée`na' lajo.

3

Jii' coo' e quíng'gui eáang' e laco' e licuíng'gu# Dsea` Jmáang`

¹ Jogui lana, dsea` rú'naa', jmi'íáang`gui óo`na' uii` e líng`na' dsea` quíá' Fii'naa' Dsea` Jmáang`.

Jo dsu' ja` e 'ní' tñ`n jnea` e fí` túu` 'nú' calé' catú` e fi' ni` jii' la lajii` e nicafí` i 'nú' lamí` jéeng`gui, co' e júu` la eáam' nili'íng` ta` quí`na'. ² Jo jmeáang` í` yaang`na' quíá'`

jaléng' i 'ná' dsinóó i ja' ée ta' røø jogui too' li' fi' ngúu' táaiñ. ³ Jo dsu' jneaa' aab' dsea' lí'naa' i dseáng' lajang' dsea' quíá' Fidiée', co' la'eáang' cóo' Jmiguí' quíá' bre e jmiféng' naa' r jogui jmi'íáam' bi dsí'naa' cajo dsu' uí' e lí'naa' dsea' quíá' Dsea' Jmáang', jogui ja' ta' dsí'naa' e niliguiúng' naa' fi' quini' Fidiée' cóo' jalé' e jmoo' naa' osi jial lí'naa' fi' jmigüü' la é. ⁴ Co' nañí' fa' jnea' seab' uing' e nijmee' e ta' dsii' e niliguiún' n fi' quini' Fidiée' cóo' jalé' e jo, jo dsu' jii' jaang' dsea' cuøøng' lí' jmita' gui dsíir' laco' gui jnea' cóo' jalé' e jo. ⁵ Co' jnea', jñiá' jmi' bi ngóo' o mi' cató' li' fi' ngúu' táan' n lí' laco' quí' tting' dsea' Israel; jogui lín' n siju' dsea' Israel; jogui dsea' quíá' 'lí' yúu' Míing' lín' n; jogui jmi' hebreo fá' a jogui lajobi dsea' cuøøng' quíe' e cajo; jogui dsea' Israel i líng' fariseob lín' n cajo, co' cajmi' goo' dseáng' laco' sí' jalé' júu' quíu' ta' quíá' Moi'; ⁶ jogui eáam' caliguiing' dsii' jalé' e 'né' jmitii' cóo' dsea' góo' o dsea' Israel, co' jiguí' cajmeán' n ga' jaléng' dsea' quíá' Dsea' Jmáang'; jogui cajmé' baa náu' lajii' júu' quíu' ta' quíá' Moi', joba' jii' coo' dsee' cuøøng' lí' cuø' dsea' jnea'. ⁷ Jo dsu' jalé' e ca' f' dsii' lami' jéeng' gui e eáam' quíng' quíe' e, dsu' lana jo' e quíng' quíe' e jii' coo' jalé' e jo, co' lana Dsea' Jmáam' bing' i nicalicuín' n. ⁸ Jo jnea' i' dsii' e jii' coo' e quíng' e níing' gui eáang' laco' e quíng' e licuíng' guí' Fí'naa' Dsea' Jmáang'. Jo jalé' e lami' i' dsii' e eáam' quíng' quíe' e do, dseáng' jo' e ta' íng' quíe' e lana, co' lafa' quib' calí'; dsuco' níing' gui eáang' quíe' e e nilicuíng' guí' Fí'naa' Dsea' Jmáang'. ⁹ jogui e ní' n' n lafa' jaam' dsea' cóo' r'. Dsu' ofa' nijmiguiúng' 'ñiá' a fi' quini' Fidiée' uí' e jmoo' o náu' u e júu' quíu' ta' quíá' Moi', co' lanagui ní' n' n dsea' guíúng' fi' quini' Fidiée' dsu' la'eáang' e nicajáang' 'ñiá' a fi' jaguó' Dsea' Jmáang'. Co' lí' laco' cuøøng' fe' ee', e Fidiée' bing' cajmé' e caliguiún' n fi' quinir' la'eáang' e cajáang' 'ñiá' a fi' jaguór'. ¹⁰ Jo dsu' jnea' iin' n e nijmicuím' bii' Dsea' Jmáang' jogui e ní' n' n e bí' 'gøng' quíá' Fidiée' cóo' e cajmijí' tur Dsea' Jmáang' jee' jaléng' 'lí', jogui e moo' o iihuú' uí' e lín' n dsea' quíá' Dsea' Jmáang', jogui cajo ca' guíaa' jalé' e iin' n jmee' e 'ñiá' a, co' uí' e cajmé' Dsea' Jmáang' lajo, joba' cajúñ' fi' dse' crúu'; ¹¹ jo lajob' jmoo' o uí' e nitab' dsii' e nilí' i e nijí' túu' jee' jaléng' 'lí' mi' nití' í' lajo.

Nijmi'úung' guí' e laco' nilí' i lajii' e nisi'íng' Fidiée' jnea' fi' jmigüü' cóo'

¹² Jo dsu' ofa' fá' a e nilí' i lajalé' e fá' a na, o' gui e dseáng' niguiún' n fi' quini' Fidiée' cajo; dsu' jmi' úum' bii' e laco' nilí' i e jo, co' uii' e joba' catáng' Dsea' Jmáang' jnea' lami' jéeng' gui. ¹³ Dsea' rú' naa' dsea' quíá' Dsea' Jmáang', dsu' ofa' fá' a e dseáng' nicalí' i 'ñiá' a jalé' e na; dsu' e jáb' dseáng' jo' ee' i' gui dsii' cuaiñ' quíá' jalé' e nicajmé' e lami' jéeng' gui do, co' lí' lí' jmi' úung' guí' e nilí' i jalé' e sijée' gui quíe' e ¹⁴ e laco' ní' n' n jalé' e nisi' í' e nicuø' Fidiée' jneaa' a fi' jmigüü' cóo' uí' e nicaló' r' jneaa' a e nica' uíng' naa' dsea' quíá' Dsea' Jmáang'.

¹⁵ Jo lajob' 'né' í' dsí' naa' jaléng' jneaa' aa', dsea' níngóo' cuí' naa' jogui jmití' ii' júu' quíá' Dsea' Jmáang'. Jo song' sea' e í' óo' 'ná' e jié' gui jii' laco' e nica' fá' a na, joba' 'ñiab' Fidiée' dsea' nineár' moguí' na' cuaiñ' quíá' e jo. ¹⁶ Jo dsu' lifa' 'né' see' naa' jialco' cuøøng' røø' cóo' lajii' e nicalí' naa'.

¹⁷ Dsea' rú' naa' dsea' quíá' Dsea' Jmáang', jmi' úung' na' e seeng' na' røø' laco' gui la seeng' jnea', jogui jøø' na' røø' quíá' jaléng' dsea' i niseeng' lajii' laco' e nica' ée' jnea' 'ná'. ¹⁸ Jo jmiguiub' ya' nica' fii' i 'ná', jogui lana fii' túu' 'ná' carji' quí' baa uí' e fii' m' bing' seeng' i e' e ja' ee' uing' sea' lajii' iihuú' e ca' íng' Dsea' Jmáang' mi' catáñ' fi' dse' crúu'. ¹⁹ Jo i dsea' la' í' fi' lí' 'lib' nidsilíñ' mi' nijúu' iñ', jo dseáng' lajii' e lí' dsí' yaam' bre jmitir', jogui lí' lí' jmi' jløng' yaaiñ' e lafa' nilí' i' lí' iñ' quíá' jalé' e 'lí' e jmóor' do. Jo lí' guíng' dsíir' lajii' e dsijée' fi' jmigüü' la. ²⁰ Jo dsu' jneaa' aa', dsea' seeng' ñi' f' b' nilí' naa', jogui fi' job' cajo nijáa' tu' Fí'naa' Dsea' Jmáang' i nisi' jeeng' naa' do i nica' leáang' jneaa' aa' jee' dsee' quí' ii'. ²¹ Jo nijmisám' bre ngúu' táang' naa' e ja' bí' sea' quíá' fi' jmigüü' la, jo

nicuø'r- jneaa~aa' ngúu' táang'naa' e 'mú- e nigüeang' l' laco' lí' e ngúu' táaiñ' 'ñia'r'. Jo nijmér- lajo la'eáang' cóo' e bí 'gøng' quiá'r- cóo' e quiá'r' ta' fí' la'úng-.

4

Jmi'iaang' óo'na' contøøng- uí' e nilíng'na' dsea' quiá'- Dsea' Jmáang-

¹ Jo uí' e lajob lí', dsea' rú'naa' i iin~n eáang', joba' fí' i 'nú' e güiteáam~bi' teá' lajii' e fí' lí' niteáang~na' cóo' Dsea' Jmáang-. Jo eáam' iin~n 'nú' jogui dsíng' iin~n nimáang~túu 'nú' calé' catú', co' jmi'iaam' dsii' cóo' 'nú' uí' e nicalíng~na' dsea' quiá'- Dsea' Jmáang- la'eáang' cóo' ta' e nicajmé- e jee' 'nú'.

² Jogui liúun' n 'na', dseamf i sii' Evodia cóo' gui' 'na', dseamf i sii' Síntique, e nisim~tu' røø' laco' catíng- e jmóo' dsea' quiá'- Dsea' Jmáang-. ³ Jogui 'na', dsea' i dseáng' i ja' calitúng- dsí' e cajmicóo' jnea~ cóo' ta' guía' júu' quiá'- Dsea' Jmáang-, joba' mii' i 'na' e nijmicóo' laji' huáang- i dseamf na i líng' dsea' quiá'- Dsea' Jmáang- e laco' nisíng~tur røø', co' laji' huáam~biñ' na cacuø' bí' yaaiñ~ e cajmicóo'r' jnea~ lajee' e caguiá'a júu' quiá'- jial laang' dsea' jee' jalé' dsee- quiá'r- l' laco' cajmicóo' jnea~ i dseañu' i sii' Clemente cóo' gui' jaléng' gui' dsea' caguiáang- i cajmée' ta' colíng~ cóo' jnea-. Jo jaléng' i dsea' na nicateáang' Fidiée' fí' ni' j' quiá'r- fí' lí' nitaang~ jaléng' dsea' i niliseeng' lata' cóo'r-.

⁴ Jo jmi'iaang' óo'na' contøøng- uí' e nilíng'na' dsea' quiá'- Dsea' Jmáang-. Jo fí' túu 'nú' calé' catú' e nijmi'iaang' óo'na'. ⁵ Jo güilicuíng' lajaléng' dsea' 'nú' e líng'na' dsea' guiá- dsí'. Jo nijaquíem' e nigüeeng~tu' Fii'naa' Dsea' Jmáang- fí' jmigüi' la calé' catú'.

⁶ Jo ja' jmijiuung' óo'na' cóo' doñi' ee' e lí' qui' na', co' l' lí' 'né- e yeji' føng'na' Fidiée' cuaiñ~ quiá'- jalé' e jo; jogui mii'na'r jalé' e 'né-na', jo ja' tiúung'na' e cuø'na'r gui'máang' quiá'- jalé' e mii'na'r do. ⁷ Jo lajoba' nicuø' Fidiée' 'nú' e seeng'na' juguiá- júu' røø' e jii' jaang' dsea' jmigüi' quí'r' jmii' e ningáiñ'; jo cóo' e juguiá- do Fidiée' nijmér- í' 'nú' cóo' jalé' e í' óo'na' uí' e nilíng'na' lafa' jaam' dsea' cóo' Dsea' Jmáang-.

Í' áa'na' lali' e guiá-

⁸ Jo lí' ngóo' cadséng- gui' fí' guí' 'nú', dsea' rú'naa', e í' óo'na' lali' júu' e já' jogui júu' e catíng- jmi'gó' dsea', jogui jmang' júu' dséeb' 'né' cá'na'. Jogui 'né' cá'na' cajo jmang' juguiá- cóo' gui' júu' íaang' dsí' jogui júu' niguo'. Jogui í' áa'na' lali' e guiá- jogui jalé' e catíng- nifé' dsea' guiá- uii' quiá'-.

⁹ Jogui jmiti'na' jalé' e nica'ée- e 'nú' jogui jalé' e júu' e nica'fí' i 'nú' jogui jalé' e nicanúu'na' e nica'fá' a jogui jalé' e nicañii'na' e nicajmé- e; jo jmee'ba' lajo. Jo Fidiée' i cuø' e seeng' dsea' juguiá- júu' røø', íb' dsea' niliseeng' cøøng' cóo' 'nú'.

Jalé' e cajmicóo' dsea' seeng' fí' Filipos quiá'- Paa-

¹⁰ Jo eáam' jmi'iaang' dsii' la'eáang' cóo' Fii'naa' Dsea' Jmáang- uí' e 'nú' nicadseng' tu' óo'na' jnea~ calé' catú'. Dsu' ofa' fí' i 'nú' cóo' e júu' na e nica'íng- óo'na' jnea~, co' niñib' jnea~ e uí' e ja' dsitíng' qui'baa' fa' e nicajmicóo'na' jnea-. ¹¹ Jo dsu' ofa' fí' i 'nú' e júu' na uí' e ja' sea' 'né- e, co' nicalitím'baa e jmi'iaang' dsii' cóo' lajii' e sea' quié- e.

¹² Co' nicalitím'baa jial seen- e tiñi' jogui lajobi mi' eáang' sea' cajo. Jogui nicalitím'baa cajo e jmi'iaang' dsii' cóo' doñi' ee' e dsíng'ín- n, si e røøng' tú'u osi e jø' tú'u é. Jogui nicalitím'baa cajo e sea' lalíng' quié- e osi e ja' sea' jii' coø' é. ¹³ Jo Dsea' Jmáam~bing' i cuø' jnea~ bí' quiá'r- e laco' lí' i jmóo' lajalé' e 'né- jmee- e. ¹⁴ Jo dsu' 'nú', eáang' guiá- cajmicóo'na' jnea~ ie~ lamí~ cangongín- n jalé' iihuí'.

¹⁵ Jo guiáb- ñí' 'nú', dsea' líng'na' dsea' quiá'- Dsea' Jmáang- i neáang' fí' na fí' Filipos, e jii' 'nú'bing' i cajmicóo' jnea~ cóo' jalé' e 'né- e ie~ lamí~ canaan- e caguiá'a júu' quiá'- Dsea' Jmáang- jee' 'nú'. Co' jii' jaang' dsea' jiéng' i cúing' Dsea' Jmáang- cajmicóo'r' jnea~ ie~ jo ie~ mi' cajú- u fí' Macedonia. ¹⁶ Jogui lajobi cajo, ie~ lamí~ cataan~n fí' coø' fí' e sii' Tesalónica, casím'ba' tú- 'ní' néé' jalé' e 'né- e. ¹⁷ Jo dsu' ofa' jnea~ í' dsii' jmang' e

ni'ín'~n, co' jnea~ lico' iin~n e nidsicuáng`gui quií~na' cóo'~ jalé' e nicuó'~ Fidiée' 'nú' mi~ nití~ í' lajo. ¹⁸ Jo dsu' jnea~ nica'íim'~baa lajalé' e nicacuó'~na' jnea~ e casíng`na' cóo'~ Epafrodito, joba' seab`lalíng`quíe~ e náng co' jì'gui cartí niseáang~. Jo jalé' e cacuó'~na' jnea~ do lí' lafa' cóo' e jmeafi' jlo'^ e cacuó'~na' Fidiée', joba' dsea` do eáam' tí' dsíir' mi' íñ'. ¹⁹ Jo co' jíi'~ Fidiée' quií~baa' dsea` sea` lajì quiá'r~, joba' íb` dsea` nicuó'~ 'nú' lajalé' e 'né~na' e jlo' e ja` cóong` cóo'~ la'eáang` cóo'~ jalé' e nicajmée` Dsea` Jmáang~ cóo'~ jneaa~aa'. ²⁰ Jo majmiféng'naa' car` ngongh' jmi'~ Tiquí'ii' Fidiée' dsea` guing~ ñiff~. Jo lajob 'né~ lí'.

Júu^ guicóo'~ quiá'~ Paa~ lí~ cadséng~

²¹ Jo lana guiéen'~n júu^ guicóo'~ quiá'~ jaléng' dsea` i seeng` fí' na i nilíng' dsea` quiá'~ Fidiée' la'eáang` cóo'~ Dsea` Jmáang~. Jo gui cajo jaléng' dsea` rú'naa' dsea` quiá'~ Dsea` Jmáang~ i taang~ cóo'~ jnea~ fí' la guiém~bre júu^ guicóo'~ quií~na'. ²² Jo lajobi cajo lajñng` dsea` i seeng` fí' la i nilíng' dsea` quiá'~ Fidiée' guiém'~bre júu^ guicóo'~ quií~na', jo dsu' laniing~gui eáang` guiéng' júu^ guicóo'~ quií~na' jaléng' i dsea` i jmóo` ta` quiá'~ dseata` dsea` féng' i quiu' ta` fí' la fí' Roma.

²³ Jo güi'íb^ Fí'naa' Dsea` Jmáang~ güea'^ quiá'r~ jee~ lajaléng' 'nú'.

Jo lanab jíi'~ fé' jì' quiá'~ Paa~ e catíng~ jaléng' dsea` quiá'~ Dsea` Jmáang~ i seeng` fí' Filipos.

Júu[^] e to_o~ fí ni~ jì quiá'- Paa- e catíng- dsea` seeng` fí COLOSAS

¹ Jnea~ Paa-, jo lín`n jaang` dsea` apóo` i jmóo` ta~ ni' júu[^] quiá'- Dsea` Jmáang-, co' lajob ta~ e cali'iaang` dsí' Fidié` e cacuø'r` jnea~. Jo lana, colíng` cóo'~ Timoteo, jaang` dsea` rú'naa' dsea` quiá'- Dsea` Jmáang-, ² guiéng`naa' júu[^] guicóo'~ quií-na', dsea` rú'naa' dsea` quiá'- Dsea` Jmáang- dsea` neáang`na' fí na fí Colosas, 'nú' dsea` teáang`na' teá' fí guiá- cóo'~ dsea` do. Jo mí'~i Tiquí'naa' Fidié` cóo'~gui Fí'naa' Dsea` Jmáang- e ni'fr` gúea' quiá'r- jee` 'nú' jogui e nicuø'r- 'nú' e seeng`na' juguiá- júu[^] røø.

Mi` féng' Paa- Fidié` uí'~ quiá'- jaléng' dsea` quiá'- Dsea` Jmáang-

³ Jo lacoø` née'~ mi` fóng`naa' Fidié` i líng` Tiquíá' Fí'naa' Dsea` Jmáang-, sojiéb' cuøø`naa'r` gui'máang'~ uí'~ quií-na'. ⁴ Co' nicaline`baa' jial niteáang`na' fí guiá- cóo'~ Fí'naa' Dsea` Jmáang-, jogui jial 'neáang` rúng`na' cóo'~ jaléng' dsea` quiá'- dsea` do i caguaiaang`gui cajo. ⁵ Jo jmee`ba' e jo uí'~ e tab` óo`na' e ni'íim`ba' jalé' e sijeeng`na' do e si'má' Fidié` fí ñíff` quiá'r-. Co' calitab` óo` 'nú' uí'~ quiá'- e jo mi` canáa`na' júu[^] quiá'- Fidié` e catíng- Dsea` Jmáang- e quiá'- jial laang` dsea` jee` dsee- quiá'r-. ⁶ Jogui e júu[^] nab e caguaí dsea` jee` 'nú', jo lana nicanib' la'úng- fí jmigüí. Jogui e júu[^] jo eáam` cali'íng` ta~ e caqui'~ jíng' yaang` dsea` fí quini` Fidié` lí' laco' nicalí- jee` 'nú' lajii'~ mi` canáa`na' jogui cangáng`na' e eáam` guiúng- Fidié` cóo'~ 'nú' nañí' fa' ja' catíng`na'. ⁷ Jo e júu[^] jo ca'e' i Epafras 'nú', jaang` dsea` i 'neáang`naa' eáang` i nicajmée` ta~ guiá' júu[^] quiá'- Dsea` Jmáang- colíng` cóo'~ jnea'; jo i dsea` í líiñ` jaang` dsea` i cuøøm` lí jmita` óo`na' cóo'~ i jmóo` lajii'~ e iing` Dsea` Jmáang-. ⁸ Jogui íbre cajo dsea` cagüeiñ` fí la e quier` júu[^] quií-na' quiá'- jial 'neáang` rúng`na' la'eáang` cóo'~ Jmiguí quiá'- Fidié` e cangíng`na' do.

⁹ Jo uíng` lajoba' ja` mi' catiuung`naa' e mí'~naa' Fidié` uí'~ quií-na' latí' e jmí~ e caline`naa' júu[^] quií-na'. Jogui mí'~naa'r` e la'eáang` cóo'~ Jmiguí quiá'r- nicuø'r- 'nú' e ngáng`na' jogui tíng`na' jo lajoba' niliñ`na' røø` e~ e iing` dsea` do e nijmée`na'. ¹⁰ Jo jmee`naa' lajo e laco' nilí'na' niliseeng`na' røø` laco' catíng- e jmóo` dsea` i cúing` Dsea` Jmáang-: e jmoo`ba' lajii'~ e íaang` dsí' Fidié`, jogui e jmoo`gui' cajo jmang'~ jalé' e guiá-, jogui e licuíng`gui' Fidié` e eáang`gui cajo. ¹¹ Jogui mí'~bí' Fidié` e nicuø'r- 'nú' bí la'eáang` cóo'~ e laniing` 'gøiñ' do, jo lajob nilí' 'nú' nité'na' jogui niliféng' óo`na' cóo'~ jalé' e nidsing`ng`na', ¹² jogui nicuø'r`ba' gui'máang'~ Tiquí'ii' Fidié` e íaang` óo`na', co' nicaguiéem`bre 'nú' guiá- e laco' niñíng`na' jalé' e jlo` e catíng`na' e sea` quiá'- Fidié` fí ñíff` quiá'r- e nicuø'r- jaléng' dsea` quiá'r-. ¹³ Co' íbre caleáaiñ` jneaa`aa' fí lí' nua` só' e laco' jo` see`naa' e quiá' i 'líng` ta~ jneaa`aa', jogui cajáiñ` jneaa`aa' fí quini` Joor` i eáang` iñ~, jogui lana íbing' quie` nifí' quií-ii'. ¹⁴ Co' la'eáang` e cajáng' 'ñia' i Joor` do fí dse' crúu`, joba' Fidié` caleáaiñ` jneaa`aa' e ca'íiñ` jalé' dsee- quií-ii'.

Jo` si'naang`gui dsea` cóo'~ Fidié`

¹⁵ Jo ja` quí'~ jmí~ niníng- dsea` Fidié`, dsu' mi` níng- dsea` Dsea` Jmáang- joba' líñir` jial líng` Fidié` dsea` guíng` ñíff-. Jogui i Joor` Dsea` Jmáang- do, íbing' i níng`gui lajee` lajalé' jogui lajaléng', co' niseeiñ` lajii'~ ná'-gui e nináng` Fidié` guiar' uíng` jmigüí. ¹⁶ Co' la'eáang` cóo'~ Dsea` Jmáang- 'ñia'bre, Fidié` cajmээр` lajalé' e sea` fí yá' jmigüí jogui lajalé' e sea` fí guóo'~ uø-, jalé' e jnéeng- tá'- jalé' e ja' jnéeng-, jogui lajobi cóo'~ jaléng' dsea` guí i ée` guiá- i líng` fí~ jogui jaléng' i óo` bí, jogui jaléng' i quidsí' í', jogui jaléng' i quiá' ta~ cajo. Jo lajaléb' e la cajmээр` Fidié` la'eáang` cóo'~ Dsea` Jmáang-, jogui íbing' i catíng- lajalé' e la. ¹⁷ Jo lajii'~ latí' mali'ba' e niseeng` Dsea` Jmáang-, lajii'~ e nú'-gui e nijmé- Fidié` lajalé' e sea` fí jmigüí. Jogui la'eáang` íbre cajo røø` ngóo'

laca'íng' ca'íng'. ¹⁸ Jogui íbre líiñ' dsea` mogui` i quie' nifi' quía'- jaléng' dsea` quía'r-, jogui i dsea` quía'r- do líiñ' lafa' coob` ngúu' táaiñ' cóo' dsea` do. Jo Dsea` Jmáang- lajii' nú'-gui nitiroo` jmigüi'ba' niseeiñ', jogui íbi cajo i la'uii` i cají'tu jee` jaléng' 'líi' e laco' nicár` nifi' quía'- lajalé'ba' e sea` fí' jmigüi'. ¹⁹ Co' Fidiée` cali'íiñ` e lajalé' e líiñ' 'ñia'r' líng' Dsea` Jmáang- cajo. ²⁰ Jo la'eáang' cóo' Dsea` Jmáang- nicajmée` Fidiée` e niliseeng'tu juguiá- cóo'r- lajaléng' cóo' lajalé' e sea` fí' la'úng- fí' jmigüi', fa' jalé' e sea` fí' guóo' uó- jogui jalé' e sea` fí' yá' jmigüi'. Jo cajmér- lajo la'eáang' cóo' jmi'øøng- Dsea` Jmáang- e catuu` mi` cajúñ- fí' dse' crúu` e laco' niliseeng' juguiá- júu` røø` cóo' Fidiée` lajaléng' jogui lajalé' e sea`.

²¹ Jogui 'nú', lami` jéeng'gui, dsea` si'naang' quía'- Fidiéeb` líng'na', jogui 'ní' máam'bi' dsea` do cajo, co' jmang' e 'li' í' óo'na' jogui jmang' e 'li' jmoona' cajo. ²² Dsu' lanagui Fidiée` nicajmээр` e niliseeng'tu dsea` juguiá- cóo' dsea` do la'eáang' cóo' jalé' iihuí' e cangá- Dsea` Jmáang- fí' ngúu' táaiñ' mi` cajúñ- fí' dse' crúu'. Jo cajmeer' lajo e laco' nijáñ' 'nú' fí' quinir`, dsea` nilíng-na' dseáng'- dsea` quía'r- i ja' sí'ling' jogui i ja' dsee- táang' jii' coo'. ²³ Dsu' 'né' jmee'na' e ja' tú'na' e já'- líng'na' júu' quía'- Dsea` Jmáang- o'gui tú'na' e júu' ta' dsí' e sijeeng'na' e quía'- jial laang' dsea` jee` dsee- quía'r- lí' laco' jii' e nicanáa-na' lami` jéeng'gui. Jo e júu' nab nicani' fí' la'úng- fí' jmigüi', jo jnea` Paa- jmicóo' bñ e niguia'guñ e júu' na fí' jo.

Jalé' ta` e cang'ng' Paa- quía'- Fidiée`

²⁴ Jo íin`n iihuí' fí' ngúu' táan`n uíi' e guiaa- júu' quía'- Dsea` Jmáang- jee` jaléng' dsea`, jo 'nú' nica'íng'na' e júu' jo cajo. Jo dsu' íaang' dsii- e íin`n e iihuí' na, co' cóo' jalé' e jo nijmicóo' o' e nijmi'ie'baa lajii' iihuí' e 'né' e ni'íng'gui jaléng' dsea` i jmoo' lajii' ta` quía'- Dsea` Jmáang-. Jo jalé' e iihuí' e íin`n lana nijmicóo' quía'- jaléng' dsea` quía'- Dsea` Jmáang- i líng' lafa' ngúu' táaiñ'. ²⁵ Jo Fidiée` nicajmeer` e nilíin`n jaang' dsea` i jmicóo' jaléng' dsea` quía'r-. Jo dsea` do nicacuø'r' jnea` ta` e niguiaa- la'ie' júu' quía'r-, jo lajob ni'uíing- guiá- quí-na'. ²⁶ Jo laco' cuøøng' fé'naa' e e júu' quía'- Fidiée` do líib` eáang' sí'má'r' quía'- jaléng' dsea`, dseáng'- malii'gui eáang' laco' nicangong'ng' jii', dsu' lanagui nicajmijneem`bre e júu' do jee` jaléng' dsea` quía'r-. ²⁷ Jo 'ñiab' Fidiée` cali'íiñ` cacuø'r' jaléng' dsea` quía'r- e tíiñ' ngáñ' jial tí' jlo' jogui jial tí' quíng' e júu' e lami` sí'má'r' do e catíng- la quie'gui dsea` i ja' líng' dsea` Israel cajo. Jo e júu' e lami` sí'maang' do, íb` Dsea` Jmáang- i seeng' cøøng' cóo' 'nú', dsea` i ja' líng'na' dsea` Israel. Jo i dsea` do cuø'r' 'nú' e jmitar` óo'na' e ni'íng'na' lajii' e catíng-na' e nicuø' Fidiée` jaléng' dsea` quía'r-. ²⁸ Joba' jnea' guia'naa' júu' jee` lajñng' dsea` jalé' e cajmée` Dsea` Jmáang-, jogui fóng'naa'r' jogui ée'naa'r' cartí' ningáñ' røø', jo lajoba' nilíñ- e ni'ie' quía'r- dseáng'- laco' líng' Dsea` Jmáang- 'ñia'r'. ²⁹ Jo uíi' quía'- e la, jngáam`bñ dsii- e jmoo'bñ e ta` la, co' eáam' oo- bí la'eáang' cóo' e laniing- 'gøng' quía'- Dsea` Jmáang- e nicacuø'r' jnea`.

2

¹ Jo iin`n e ní'ba' e jngáam`bñ dsii- e jmoo'bñ bí uíi' quí-na' cóo'gui jaléng' dsea` quía'- Dsea` Jmáang- i seeng' fí' Laodicea, lí' lajaléng' dsea` rú'naa' dsea` quía'- Dsea` Jmáang- i ja' mí' calicuíng' jnea-. ² Jo jmoo'bñ bí e laco' jaléng' 'nú', dsea` i nilíng'na' dsea` quía'- Dsea` Jmáang-, ni'íng'gui bí e laco' niliseeng'na' cøøng' e 'neáang'na' rúng'na', jo lajoba' ningáng'na' dseáng'- laco' sí'í' e júu' e lami` sí'ma' quía'- Fidiée` do. Jo e júu' do, íb` Dsea` Jmáang- 'ñia'r'. ³ Jo jii' íb` dsea` laniing- tíiñ' quí'r- jmñ e cuø'r' dsea` e tíiñ' ngáñ' laj' e jlo' e niguo' quía'- Fidiée`. ⁴ Joba' fñ- i 'nú' e júu' na e laco' jii' jaang' ja' ii' nijmigøøng' 'nú' cóo' jalé' júu' jlo' e o' já'. ⁵ Dsu' nañ' fa' ja' seen- 'ñia'a' jee' 'nú' lana, dsu' seem' jmigui' quie' e cóo' 'nú', jogui íaam' dsii- e núu' júu' quí-na' e røøb' seeng'na' colíng-, jogui e teáb' teáang-na' cóo' júu' quía'- Dsea` Jmáang- cajo.

La'eáang' cóo' Dsea` Jmáam`ba' úing- dsea` dsea` 'mñng-

6 Jo co' 'nú' nica'ím'~ba' Dsea`Jmáang` e líiñ' Fii` quí'~na', joba' 'né' ni'ee`~na' laco'gui la iing` dsea` do, co' dsea` quía'~bre nilíng'na'. 7 Jo síng'na' teá yaang`~na' cóo'~ júu` quía'r~, jogui güiliseem`ba' la'eáang' cóo'r~, jogui ja` jmitúng` óo'na' lajii'~ fí niteáang`~na' cóo'r~, co' nicajáam`~ yaang`~na' fí jaguór` lí' laco' jii'~ júu` e nica'e' dsea` 'nú'. Jogui cuóo'~ba' gui'máang'~ Fidiéé` contøøng`.

8 Ñiing` óo'na' jo ja` cuó' fí yaang`~na' e dsea` jíeng` nijmigóo'iñ` 'nú' e laco' nitú`~na' lajii'~ fí niteáang`~na' cóo'~ Dsea`Jmáang`. Co' jaléng` i dsea` la'í' e'r' dsea` jogui féiñ' dsea` cóo'~ jalé' júu` quíu' ta` e jmi'uíng` dsea` jmigüi. Jo jalé' e júu` jo ja` cóøng` røø` cóo'~ júu` quía'~ Dsea`Jmáang`, co' jalé' e júu` jo jmang'~ júu` e casée' jaléng` dsea` mí áang' cóo'~ jalé' ta` huí' e quí'~ títng` dsea` e 'né' jmitir` fí jmigüi la.

9 Jo lajalé' e líng' Fidiéé`, líng' Dsea`Jmáang` ñia'r', jo lajob cajo lajee` cateáaiñ` fí jmigüi la. 10 Jogui 'nú' cøøm` seeng`na' cóo'~ Dsea`Jmáang`, joba' dsea` si'ieem` nilíng'na' la'eáang' cóo'~ dsea` do. Jogui íbre líiñ' dsea` mogui` i quíu' ta` quía'~ jaléng` dsea` jmigüi i quíe' nifí jogui óor` bí e quíu'r' ta` quía'~ lí' doñi' ee'. 11 Jo co' cøøm` seeng`na' cóo'~ Dsea`Jmáang`, joba' jo` quíe' nifí quí'~na' jalé' e 'lí' e lamí` jmoó'na' do. Jo e la lí' e lafa' nica'ím'~ba' e lí' e títng` dsea` Israel tóor` fí ngúu` táaiñ`, dsu' o' lajo, co' calí` lajo uí'~ e Dsea`Jmáang` caleáaiñ` 'nú' jee` jalé' dsee` quí'~na'. 12 Jogui mí` cajgáang`~na' jmíi, joba' lí' lafa' røøb` ca'áng`~na' laco'gui ca'áng` Dsea`Jmáang`, jogui lafa' røøb` cají'tu' laco'gui cají'tu dsea` do, co' jáb'~ calíng`~na' e quíi'b` Fidiéé` jmíi e cajmijí'tur Dsea`Jmáang` jee` jaléng` 'líi' la'eáang' cóo'~ e 'gøiñ' do. 13 Jogui 'nú', lamí` jéeng`gui do líng'na' lafa' sijúum`~ba' uí'~ dsee` quí'~na', jogui e job cajo quíu' ta` quí'~na'; jo dsu' lana Fidiéé` nicacuó'r' 'nú' e lafa' nicají'tu' laco'gui cajmijí'tur Dsea`Jmáang`. Jo la'eáang' cóo'~ dsea` doba' nica'íng` Fidiéé` lajalé' dsee` quí'~ii'. 14 Jo Fidiéé` cajgiééiñ` jì e caráang` e 'níng` jneaa`aa' lí' laco'gui la ta` huí' quía'r~, jo uí'~ e lafa' cabá` e jì do fí dse' crúu` cóo'~ mí' clavo, lajoba' cajgiéeng` jalé' e si'niing`~naa' do. 15 Jogui la'eáang' e catáng` Dsea`Jmáang` fí dse' crúu`, jo lajoba' Fidiéé` ca'íiñ` jalé' bí quía'~ dsea` jmigüi i 'líng' i quíe' nifí jogui óor` bí e quíu'r' ta~, jogui cajmi'uóng`~neíñ' do fí quini` jaléng` dsea` e catór` laco'gui téé` dsea` dsea` ñúung'~. Jo lajoba' cajmijnéeng` Fidiéé` fí quini` jaléng` dsea` e nicalí'~bre.

Í' óo'na' lajii'~ e sisée` quía'~ Fidiéé` fí ñifí`

16 Jo lajob lí', ja` jmijíi`~na' mí` éeng` dsea` 'nú' cóo'~ jalé' e ú' có'na', osi e` jalé' jmíi e jmi'goo'na' laco' jii', osi fíng jmi'goo'na' mí` yuung` si' é, osi jial jmi'goo'na' jalé' jmíi e jmi'íng' dsea`. 17 Co' jalé' e ta` huí' na jii'~ lico' cuó' lí' quía'~ jalé' e nidsijéé' cøøng`gui, jo lí' lafa' i' quía'~ jaang` dsea` i ngóo' jéeng`gui laco' ngóor'. Jo dsu' i dsea` i líng' lafa' i dsea` quía'~ e i' do, íb` Dsea`Jmáang` 'ñia'r'. 18 Jogui ja` jmijíi`~na' mí` jíng'~ dsea` e iíñ` niguír` quí'~na' lajii'~ e nisi'íng`~na' quía'~ Fidiéé`, fa' jaléng` dsea` i tí' dsí' e jmicaaiñ` e jgiáang` yaaiñ~, jogui jmiféiñ' jaléng` ángeles, jogui jín'~ e ngíi`gui quía'~ jalé' e ja` mí' cangar', jogui jmicóøng'~ yaaiñ` cóo'~ jalé' e í' dsíir' quía'~ fí jmigüi la. 19 Jo jaléng` i dsea` í si'naam`bre cóo'~ Dsea`Jmáang` i líng' dsea` mogui` quía'~ jaléng` dsea` quía'r`. Jo Dsea`Jmáang` cuó'~bre i dsea` quía'r` do jalé' e 'néiñ'~ e laco' cøøm` seeiñ` cóo'~ dsea` do jogui cøøm` seeiñ` lajee` la'ó' yaaiñ` cajo lí' laco' la iing` Fidiéé`.

20 Jo co' 'nú' lafa' røøb` cajúng`~na' cóo'~ Dsea`Jmáang` fí dse' crúu`, joba' jo` quíu' ta` quí'~na' jalé' ta` huí' e quí'~ títng` dsea` e 'né' jmitir` fí jmigüi la. Joba' çjialí' seeng`na' e ee`~na' laco'gui la ée` dsea` jmigüi e náu`~na' jalé' ta` huí' e jíng'~ dsea` e 'né' jmée`~na', 21 fa' mí' jín'~: "Ja` güí'na' e la, ja` có'na' e na osi ja` jmó'na' e do" é? 22 Jo jalé' e ta` huí' na jii'~ lajee` cateá'ba' e íng` ta~, jo coob` mí' jo` e ta` íng`, co' jii'~ dsea` jmigüi jmóor` jalé' e ta` huí' na. 23 Dsu' e já'~, jalé' e ta` huí' na cuóøm` sea' lí' dsí'naa' e guiáb`, dsuco' quíu' ta` dsea` e 'né' lí' e jo e ngocáng` dsíib' laco'gui ta` quíu' fí jmigüi la. Jogui quíu' ta` cajo e lafa' e jmi'uóng` yaang` dsea` jogui laguidseam` quíu' ta` yaaiñ` cóo'~ jalé' e jmóor` fí

ngúú táaiñ. Dsu' ja` e ta` líng` e ta` huí` do fa' e nijmicóo~ quiá'r` e jo` nijmé` guir jalé` e 'li' e iñ~ jmóor` fí ngúú táaiñ` do.

3

¹ Jo co' 'nú' lafa' nicajíb'túu' colíng` cóo~ Dsea` Jmáang~, joba' 'né` jmée`na' e í' óóna' jíi~ caníng` e sisée` quií`na' fí lí' guíá~ fí lí' guíng` Dsea` Jmáang~ lí' lí' dsée` cáang` Tiquiá'r` Fidiée` fí ñíff` quiá'r`. ² Jo í' óóna' lajíi~ e sisée` quiá~ Fidiée` fí ñíff~, jo ja` í' óóna' jíi~ cuaiñ` quiá~ fí jmígüi` la. ³ Co' lí' lafa' nicajúm`ba', joba' lana Fidiée` nicajmítar` óóna' e nilíng`na' dsea` 'míng` la'eáang` cóo~ Dsea` Jmáang~. ⁴ Jo jíi~ Dsea` Jmáam`bing' cuø' 'nú' e nilíng`na' dsea` 'míng`, jogui mi~ nijmijnéng`tu` ñia'r` jee` jneaa`aa' fí jmígüi` la, joba' 'nú' nijnéng`na' colíng` cóo'r` jee` jalé` e níng` 'gøng' quiá'r`.

Jial líng` dsea` mi` cang` e calicuíñ` Dsea` Jmáang`

⁵ Joba' jmee`ba' e nilíim` jalé` e 'li' e quiú' ta` quií`na' fí jmígüi` la: fa' mi~ 'léé` dsea` e güiñ` cóo~ dseañu' osi dseam` i o' quiá'r`, osi jalé`gui e 'li' e jíé` e jmoo`na' cóo~ ngúú táang`na', osi jmití`na' jalé` e iing` ngúú táang`na', osi í' áána' e jmée`na' jmang` e 'li', osi suung`na' lí' doñí` ee` e ja` catíng`na', co' e na lí' lafa' e jmiféng` dsea` dié~ i o' já~. ⁶ Jo co' jmóob` dsea` jalé` e na, joba' iihuí` eáam` nicuø' Fidiée` jaléng` i dsea` la'í i ja` núu` júu` quiá'r`. ⁷ Jogui 'nú', lajob` lami~ seeng`na' e jmoo`na' jalé` e 'li' na. ⁸ Dsu' lana 'né` tú`ba' jalé` e na: fa' mi~ liguíng`na', osi mi~ 'ní' óóna', osi mi~ jmoo`na' jalé` e 'li', osi mi~ fó`na' ga` uii~ quiá~ jaléng` dsea` rúng`na', osi mi~ fó`na' jalé` júu` e 'li' e jíé`gui é. ⁹ Jogui ja` fí' rúng`na' júu` e o' já~, dsuco' lana nicatúu`ba' e lami~ jmoo`na' e eáang` beáang` dsee` yaang`na' cóo~ jalé` e ga` e nicasi' nifí` quií`na' lami~ jéeng`gui do. ¹⁰ Joba' lana dsea` 'míng` nilíng`na', jo Fidiéeb` dsea` jmoo` e nili`míng`gui' e laco' ni`ee`na' laco'gui la ée` dsea` do, jo lajoba' nilicuíng`gui' dsea` do dseáng` laco' sí'í. ¹¹ Jo ja` e língi~ fí quini~ Fidiée` su líng`na' dsea` Israel osi ja` líng`na' lajo` é, osi tóo` e lí' fí ngúú táang`na' osi ja` tóo` é, osi líng`na' dsea` i jalíng` tí lí' huíi~ osi i neáang` tí lí' huíi~ lí' jíé`gui é, osi líng`na' dsea` sí'ñíng` osi fii~ i quiú' ta` é. Co' lajíi~ Dsea` Jmáam`bing' níng`gui jee` lajalé` cóo~ jee` lajaléng`, jogui í`bre seeiñ` cøøng` cóo~ jaléng` dsea` quiá'r` cajo.

¹² Jo Fidiée` eáam` 'neáaiñ` 'nú', jogui nicaguíñ` 'nú' e laco' nilíng`na' dsea` quiá'r`. Joba' güiliseem`ba' e jmoo`ba' fí' líng` rúng`na', jogui e guíng`na' cóo~ dsea` rúng`na', jogui e ja` jmicøøng` yaang`na' jee` dsea` rúng`na', jogui e ee`ba' guíá~ cóo~ jaléng` dsea` rúng`na', jogui e jmée`na' féng` áána' uii~ quiá~ rúng`na' cajo. ¹³ Jmee`ba' féng` óóna' quiá~ dsea` rúng`na', jogui íng`na' dsee` quiá~ rúng`na' mi~ ee`go` 'léer` quií`na'. Jo laco'gui Dsea` Jmáang` ca'íim`bre dsee` quií`na', joba' lajob` 'né` jmée` 'nú', 'né` íim`ba' dsee` quiá~ jaléng` dsea` rúng`na'. ¹⁴ Dsu' e nifí`gui quiá~ jalé` e la e røøb` 'né` nijmi`neáang` rúng`na' lajee` la'ó' yaang`na', co' lajoba' niliseeng`na' cøøng` dseáng` laco' sí'í. ¹⁵ Jo co' Dsea` Jmáam`bing' cuø' 'nú' e seeng`na' juguíá~ júu` røø, 'nú' dsea` líng`na' dsea` quiá'r`, joba' seem`bi' la'eáang` cóo~ e juguíá~ júu` røø` do, co' uíi~ lajoba' catø' Fidiée` 'nú' e nilíng`na' lafa' coøb` ngúú táang`na' la'ó' 'nú'. Jo cuøø`ba' Fidiée` guí'máang` cóo~ lajalé` e jmóor` cóo~ 'nú'.

¹⁶ Jo 'né` quie`bi` nifí` quií`na' júu` quiá~ Dsea` Jmáang~. Jogui ée'~ rúng`na' jogui cuøø~ bí` rúng`na' cóo~ jalé` júu` niguo` e niñí`na'. Jogui cuøø`ba' guí'máang` Fidiée` e ø`na' júu` e toø` fí ni~ jí salmos cóo~gui jalé`gui júu` e ø` dsea` quiá~ Fidiée` cóo~gui jalé` júu` e cuø` Jmígüi` quiá~ Fidiée` cajo.

¹⁷ Jogui jalé` e jmoo`na' jogui jalé` e fó`na', jmee`ba' la'eáang` cóo~ júu` quiá~ Dsea` Jmáang~ e cuø'na' guí'máang` Tiquí`ii' Fidiée` la'eáang` cóo~ Fíi`naa' Dsea` Jmáang~.

Jial 'né` seeng` dsea` quiá~ Dsea` Jmáang` jee` la'ó' rúñ`

18 Jogui 'nú', jaléng' dseamî, jmi'goo'ba' jaléng' dseañu' quí-na', cõ' lajob catíng' e jmóo' dsea' quíá' Dsea' Jmáang'. 19 Jogui jaléng' 'nú', dseañung'na', jmi'neáng'na' dseamî quí-na', jogui ja' jmoo'na' ta' jíng' cóo'r'.

20 Jogui jaléng' 'nú', jiuung~, núu'ba' jalé' ta' quíu' tiquíu' níquíu'na', cõ' lajoba' e iáang' dsí' Dsea' Jmáang'. 21 Jogui jaléng' 'nú', dsea' líng'na' sejmií, ja' jmoo'na' e niligúing' jiuung~ quí-na', jõ lajoba' ja' nilitúng' dsíir' cóo' jalé' e 'né' jmér'.

22 Jogui jaléng' 'nú', dsea' i'jmóo' ta' e ja' ee' léeng', jmee'ba' núu'na' jalé' ta' quíu' fii' quí-na' fí' jmigüí' la; dsu' o' jí' mî' nír' 'né' cuó' áa'na' e laco' nijmiguiúng' yaang'na' fí' quinir', cõ' e ngocáng' óo'ba' 'né' jmée'na' e jmi'goo'na' Fidiée'. 23 Jõ lajalé' e jmoo'na', 'né' jmée'na' e ngocáng' óo'ba' lí' laco' quíá' 'ñiab' Fidiée' e jmoo'na' e jõ, jõ o' laco' mî' jmoo'na' lajii' e iing~ dsea' jmigüí'. 24 Cõ' niñib' 'nú' e seab' guiée' quí-na' e catíng'na' fí' jmigüí' cóo' e nicuó' Fidiée' 'nú'. Dsucõ' jaléng' 'nú' jmoo'ba' lajii' e iing~ Dsea' Jmáang', jogui íb' dseáng' i' líng' Fii' quí-na' cajo. 25 Dsu' i' dseagui' i' jmóo' ga', jõba' Fidiée' nicuó'r' iihuí' i' dsea' í' quíá' lajii' e ga' e jmóoiñ' do, cõ' ja' jmingí' Fidiée' e líng' dsea' lajaang' lajaaíñ, cõ' røøb' niquidsir' í' quíá' lajii' dsee' sea' quíá' dsea' mî' nití' í' lajõ.

4

1 Jogui jaléng' 'nú', dsea' líng'na' fii~, ee'ba' guiá' cóo' jaléng' dsea' i'jmóo' ta' quí-na' i' ja' ee' léeng', jogui quíee'na' í' júu' quí-na' cóo'r'. Jogui téé' óo'na' cajo e seem' jaang' Fii' quí-na' fí' ñifí' i' quíe' nifí' quí-na'.

2 Jõ jaléng' 'nú', dsea' neáng'na' fí' Colosas, ja' tiúung'na' e fõng'na' Fidiée', jõ lajee' jõ 'né' e siñiim' áa'na' cajo, jogui yejí' cuó'ba' gui'máang' Fidiée'. 3 Jogui féem'ba' Fidiée' uii' quí-naa' cajo e laco' sea' fí' e guiá'naa' júu' quíá' Dsea' Jmáang' e si'ma' lamí' jéeng'gui do, cõ' uii' e guiaa' e júu' jõ, jõba' sijñín' n' lana. 4 Jogui mú'ba' Fidiée' e ni'e'gui e júu' la dseáng' laco' si'í' e laco' ningáng' jaléng' dsea', cõ' lajob catíng' e nijmee'e.

5 Jogui ee'ba' røø cóo' jaléng' dsea' i' ja' cuíng' Dsea' Jmáang' lí' laco'gui catíng' e jmóo' dsea' quíá'r', jogui lajee' jõ jmi'óo'ba' e fõng'na'r júu' quíá' Dsea' Jmáang'. 6 Jogui féem'ba'r cóo' jmang' juguiá' e nití' dsíir', jogui 'né' ní'na' jial ningí'na' quíá' lajaang' lajaang' i' dsea' i' fõng'na' do.

Júu' guicóo' e cadséng' quíá' Paa'

7 Jõ Tíquico, jaang' dsea' rú'naa' dsea' quíá' Dsea' Jmáang' i' 'neáng'naa' eáang' i' contøøng' nicajmicóo' jnea' jogui colíim' nicajmó'naa' lajii' e iing~ Fii'naa' Dsea' Jmáang', jõ í'bing' nicá' júu' quíe' e fí' na. 8 Jõ nisín'nre fí' na cóo' 'nú' e laco' niliñí'na' jial seé'naa' fí' la jogui e laco' nicuó'guir' 'nú' bí' cajo. 9 Jogui cóo' i' nab cajo nijang' Onésimo, jaang' dsea' rú'naa' dsea' quíá' Dsea' Jmáang' i' ta' dsí'naa' cóo' jogui i' ii'naa' eáang' jogui i' líng' dsea' góo'na' cajo. Jõ i' dsea' gáng' la nijmeá'r' 'nú' júu' jalé' e dsingí'naa' fí' la.

10 Jogui Aristarco, jaang' dsea' rú'naa' dsea' quíá' Dsea' Jmáang' i' iuung' 'ññí' colíing' cóo' jnea' fí' la, guiéíñ' júu' guicóo' quí-na' cajo, jogui lajobi' i' sii' Marcos cajo, jaang' rúng' Bernabé. Jogui 'nú', nicanúu'ba' júu' quíá' Marcos; jõ song' dsí'eer' 'nú', íim'ba'r cóo' e guiá' fí' na. 11 Jogui lajobi' Chúi', i' sii'bi' cajo Justo, guiém'bre júu' guicóo' quí-na' cajo. Jõ jí' i' gaang' lab dsea' Israel dsea' quíá' Dsea' Jmáang' i' nicajmée' ta' colíing' cóo' jnea' cóo' jalé' ta' guia' júu' quíá' jial quíe' Fidiée' nifí' quíá' jaléng' dsea' jmigüí', jogui nicajmicóo'bre jnea' e catí'gui dsii' cajo. 12 Jogui lajobi' Epafras, jaang' dsea' góo'na' i' jmóo' lajii' e iing~ Fii'naa' Jesús, guiéíñ' júu' guicóo' quí-na'. Jogui contøøm' féíñ' Fidiée' uii' quí-na' e ngocáng' dsíir' e laco' teáang'na' teá' lajii' fí' niteáang'na' e dseáng' nijáam' yaang'na' e jmée'na' jalé' e iing~ Fidiée' e jmée'na'. 13 Jõ niñib' jnea' jial guíing' dsí' í' uí' 'nú' jogui uii' quíá' dsea' neáng' fí' Laodicea cóo' gui

fi' Hierápolis cajo. ¹⁴ Jogui Lucas, jaang` timíí` i` 'neáang`naa' eáang', guiéiñ' júu^ guicóo'~
quíi`na' colíing`~ cóo'~ jaang` i` sù` Demas.

¹⁵ Jogui 'nú', dsea` neáang`na' fi' Colosas, cuøø'~ba' guicóo'~ jaléng` dsea` quiá'~ Dsea`
Jmáang` i` neáang` fi' Laodicea cuaiñ`~ quié`-e, jogui lajobi Ninfa cóo'~ lajaléng` dsea` i`
seáng' i` jmiféng' Fidiéé` fi' quiá'r`. ¹⁶ Jogui mi` ningí` e ni'í` 'nú' e jì` quié`-e la fi' quini`
jaléng` dsea`, síim`ba' quiá'~ dsea` quiá'~ Dsea` Jmáang` i` neáang` fi' Laodicea, jo lajob ni'ír`
cajo; jogui lajobi 'nú' ni'í`ba' jì` quié`-e e ni'íng'~na' e jáa' fi' Laodicea cajo. ¹⁷ Jogui síi`ba'
Arquipo cajo cuaiñ`~ quié`-e e güijmiti`bre røø` lajii'~ ta` e nicacuø' Dsea` Jmáang` ír`.

¹⁸ Jnea` Paa` jmo'o e júu^ guicóo'~ quíi`na' la cóo'~ guóo`o` 'ñiá'`baa. Jo jmiguiéng'` áa'na'
cajo e sijním`baa fi' la.

Jo míi`~i Fidiéé` e ni'ír` güea`^ quiá'r` jee` 'nú'. Jo lajob nilí`.

Jo lanab jii'~ fé' jì` quiá'~ Paa` e catíng` jaléng` dsea` quiá'~ Dsea` Jmáang` i` seeng` fi'
Colosas.

Júu[^] e to_o~ fí ni~ jì la'uii~ quiá'- Paa- e catíng- dsea` seeng` fí TESALÓNICA

¹ Jnea~ Paa-, colíng~ cóo~ Silvano jogui Timoteo, jmo'naa' e jì la e catíng- jaléng' 'nú', dsea` rú'naa' dsea` quiá'- Dsea` Jmáang- i seeng` fí na fí Tesalónica, dsea` nilíng'na' dsea` quiá'- Tiquí'ii' Fidié~ cóo~gui Fí'naa' Dsea` Jmáang-. Jo mii'naa' Fidié~ e ni'í' r- gūea' quiá'r- jee~ 'nú' jogui e nicuó'r- 'nú' e niliseeng'na' juguiá- júu[^] røø`.

Gui'máang~ Fidié~ e calicúing` dsea` seeng` fí Tesalónica Dsea` Jmáang-

² Jo laco_o ya' mi~ féng'naa' Fidié~, cuøø-baa'r gui'máang~ uii~ quí' 'nú' lajñng'na', jogui laco_o ya' mi~ mii'naa' Fidié~, mii'baa'r la quie' tí uii~ quí' 'nú' cajo. ³ Jogui laco_o ya' mi~ féng'naa' Tiquí'ii' Fidié~, jmiguiéng' dsi'naa' lajii~ ta~ quí'na' e jmoo'na' la'eáang' e nicajáang~ yaang~na' fí jaguó' Dsea` Jmáang-; jogui jmiguiéng' dsi'naa' uí' e ta~ e nicajmee'na' e iáang' óó'na' la'eáang' e 'neáang'na' Dsea` Jmáang-; jogui jmiguiéng' dsi'naa' cajo jial nicateá'na' lajii~ fí teáang~na' cóo~ Dsea` Jmáang- e sijeeng'na' mi~ nijáa'tu dsea` do. ⁴ Dsea` rú'naa', 'neáam' Fidié~ 'nú', jogui nine~bii' e íbre dsea` caguiñ' 'nú' e nilíng'na' dsea` quiá'r-. ⁵ Jo mi~ caguiá'naa' júu[^] quiá'- Dsea` Jmáang- fí jee~ 'nú' e quiá'- jial laang` dsea` jee~ dsee- quiá'r-, ja' cajmó'naa' cóo~ jii~ layaang~ júu[^] quí'naa' yee~naa', co' caguiá'naa' e júu[^] do la'eáang' cóo~ e 'gøng' quiá'- Jmiguí quiá'- Fidié~, jogui e lajam'ba' ta~ dsi'naa' e dseáng'- jáb'- e júu[^] jo cajo. Jogui niñ'ba' jial nica'ee'naa' cóo~ 'nú' e laco' guiáb- ni'uíng- quí'na'.

⁶ Jo 'nú', ee-ba' laco'gui la ee- jnea' laco'gui la ée' Fí'naa' Dsea` Jmáang- 'ñia'r' cajo. Jo ja' e lí' e cangíng'na' iihuí' uí' e ca'íng'na' e júu[^] quiá'- Dsea` Jmáang- do, dsu' íáam' óó'na' la'eáang' cóo~ Jmiguí quiá'- Fidié~. ⁷ Jo co' guiáb- ee- 'nú', joba' jaléng' dsea` quiá'- Dsea` Jmáang- i seeng` fí lí' se' Macedonia cóo~gui fí lí' se' Acaya niñir' jial 'né-ér- cajo. ⁸ Jo la'eáang' cóo~ 'nú', dsea` seeng'na' fí Tesalónica, jaléng' dsea` seeng` fí lí' se' Macedonia cóo~gui fí lí' se' Acaya nicanúur- júu[^] quiá'- Dsea` Jmáang-. Jo jaléng' dsea` seeng` doñí' jié' fí lí' dsée'naa' niñir' e dseáng'- nicajáam~ yaang~na' fí jaguó' Fidié~. Jo jii~ o' 'né- fé'gui jnea' e jo uí' quí' 'nú', ⁹ co' yaam~ i dsea' í nis' r' jnea' jial mi~ ca'íng' 'nú' júu[^] quiá'- Dsea` Jmáang- e léé'naa' mi~ caguié'naa' e cango'ee'naa' jaléng' 'nú', dsea` seeng'na' fí na fí Tesalónica. Jogui sí'r' jnea' cajo jial mi~ catáa'na' e jmiféng'na' lí' doñí' ee' lafa' diéé~ i o' já'-, jo lajob canaang~na' e jmoo'na' lajii~ e iing~ i Fidié~ i dseáng'- já'- do. ¹⁰ Jogui fé'bir cajo e sijeem' 'nú' e nijáa'tu Jesús fí ñifí' i líng' Joo' Fidié~ i cajmijí'tu Fidié~ quiá'r- jee~ jaléng' 'líi'. Jo íb' dsea' i láang' jneaa'aa' cóo~ jalé' iihuí' eáang' e nijaquiéng' e ni'íng' dsea` uí' jalé' dsee- quiá'r- e nica'éer`.

2

Jalé' e cajmée' Paa- fí Tesalónica

¹ Jo 'nú', dsea` rú'naa', niñ'ba' guiá- e liim~ ta~ cali'íng' jalé' e cajmó'naa' lajee~ cataang~naa' cóo~ 'nú' fí Tesalónica. ² Co' niñib' 'nú' guiá- e ná'-gui e nidsé'naa' fí na, lajee~ cataang~naa' fí co_o fii' e sií Filipos, eáam' ga' cajmeáng' i dsea' í jnea', jogui fé'r' ga' uii~ quí'naa' uí' e guia'naa' júu[^] quiá'- Dsea` Jmáang-. Jo mi~ caguiá'naa' e júu[^] jo jee~ 'nú', 'ní' níib- dsea` quí'naa'; dsu' ja' e lí' e jo, co' Fidiéeb' eáang' cajmicóo~ quí'naa' e caliseá' bí quí'naa' e caguiá'naa' e júu[^] jo. ³ Jo lajii~ júu[^] e caguiá'naa' jee~ 'nú' do, jmang'- júu[^] jáb'-, jogui e car` ngocáng' dsi'baa' caguiá'naa' e júu[^] do cajo. Jo dseáng'- ja' í dsi'baa' fa' e nijmigøøng'naa' dsea` cóo~ jalé' e júu[^] e guia'naa' do. ⁴ Jo dseáng'- ja' jmoo-baa' lajo, co' Fidiéeb'ing' i caguiéng' jnea' jogui cacuø'r' jnea' ta~ e guia'naa' júu[^] quiá'- jial laang` dsea` jee~ dsee- quiá'r-; jo co' lajob lí', joba'

fél'naa' e júu^ jo. Co' ja` né-naa' e lico' nijá'naa' guiá- cóo~ jii~ dsea` jmigüí, co' lajii~ e iing~ Fidiée`ba' jmoo-naa', co' jii~ íb` dsea` niñir` jogui nicuír` dsi'naa' lajaang` lajaang`naa'. ⁵ Jo niñib` 'nú' guiá- e jii~ coo` née~ ja` caféng'naa' 'nú' cóo~ júu^ 'goo` e laco' nijmicóong'naa' 'nú' lajee` e ngi'naa' guia'naa' júu^ quiá'- Dsea` Jmáang-, o'gui cajmó^naa' fa' e cajmigóong'naa' 'nú' e lí^ laco' nili'naa' cuu- quí-naa'; lí^ Fidiée`bigui ninir` lajalé' e la. ⁶ Jo dseáng'- ja` mí cajmó^naa' fa' e nijmiféng' dsea` jnea^ o'gui 'nú' fa' nijmiféng'na' jnea^ o'gui dsea` jiéng' cajo. Co' nañí fa' cuóom`bre e jmó^ jnea^ e lí'naa' lafa' dsea` niing- i quiá' ta~ jee~ 'nú' uíi~ e lí'naa' dsea` i casíng` Fidiée` i quié` júu^ quiá'- Dsea` Jmáang- jee~ jaléng' dsea', ⁷ dsu' ja` cajmó^naa' lajo. Co' guiáb- ca'ee-naa' jee~ 'nú' lí^ laco' jaang` niquiá^ jiuung~ jmóo`bre í` jóor` jogui to' fñm`bre laco' catíng- co' 'neám`bre. ⁸ Jo co' eám' 'neáng'naa' 'nú', joba' ii-naa' e nicuóo^naa' 'nú' e júu^ quiá'- Fidiée` e quiá'- jiallaang` dsea` jee~ dsee- quiá'r-; dsu' o' dseáng'- jii~ júu^ jo cajo, co' cartí` jáang' yee`baa' song` 'né- lajo uíi~ e 'neáng'naa' 'nú'. ⁹ Jogui tóob` áa'na', dsea` rú'naa', jial cacuóo^` bí yee`naa' e cajmó^naa' ta~ e quiá'- lí^ jiuu' e 'né-naa' lajee` taang`naa' fí` na. Co' ie~ jo cajmó^naa' ta~ e lico' cajneá- jogui cartí` canuu' e laco' ja` nicuóo^`naa' iihuí` jii~ jaang` 'nú' lajee` e guia'naa' júu^ quiá'- Fidiée` fí` na.

¹⁰ Jo niñib` 'nú', jogui niñi`bi Fidiée` cajo, e eám' guiá- nica'ee-naa' jee~ 'nú', dsea` líng'na' dsea` quiá'- Dsea` Jmáang-, jo ja` jmoo-naa' ga` cóo~ jii~ jaang` 'nú', jogui lajalé`ba' e nicajmó^naa' dseáng'- nicajmó^naa' røø laco' si'íb^, jogui jii~ coo` dsee- ja` cuóong` cuó'- dsea` jnea^'. ¹¹⁻¹² Jogui ñi`bi 'nú' guiá- e nicacuóo^`baa' 'nú' bí jogui nicajmitii-baa' óo'na' lajaang` lajaang`na' lí^ laco'gui la jmóo` jaang` tiquiá^ dsea` cóo~ jóor`. Jogui sii~naa' 'nú' e ee-ba' røø laco'gui catíng- e jmóo` dsea` quiá'- Fidiée`, co' íb` cató'r- 'nú' e nimó^na' jial tí' niing- 'gøiñ' jogui jial quiá'r' ta~ fí` la'ung- fí` jmigüí.

¹³ Jo uíi~ joba' contóong- cuóo-naa' gui'máang' Fidiée`, dsuco' mi~ la'uii~ canuu- 'nú' e júu^ quiá'- Dsea` Jmáang- e caguiá^ jnea^ jee~ 'nú', dsifib' ca'íng'na' e júu^ jo, co' calilí`ba' e quiá'- Fidiée` e júu^ jo, jo o' quiá'- dsea` jmigüí. Dsuco' dseáng'- lajam`ba' e júu^ e caguiá^naa' do lí' júu^ quiá'- Fidiéeb`, jo la'eáang' Fidiéeb` cajo jmóo` ta~ e júu^ jo fí` áa'na' cóo~ jalé' e jmoo'na', 'nú' dsea` já'- líng'na' júu^ quiá'- Dsea` Jmáang-. ¹⁴ Jogui jaléng' 'nú', dsea` rú'naa', mi~ ca'íng'na' jalé' iihuí' e cacuó' dsea` góo'na' uíi~ e líng'na' dsea` quiá'- Dsea` Jmáang-, røøb` ca'íng'na' e jo laco'gui ca'íng' dsea` quiá'- Dsea` Jmáang- i seeng' fí` lí` se' Judea, dsuco' lajob iihuí' cangá- í` cajo e cacuó' dsea` góor` dsea` Israel. ¹⁵ Jo i líng~ i dsea` Israel cajo, íb` i cajngang' jaléng' dsea` rúin' i café' cuaiñ~ quiá'- Fidiée` malí`gui eáang'. Jo mi~ cangí`gui e jo, i líng~gui i dsea` í` cajngaiñ' Fí'naa' Dsea` Jmáang- i líng' dsea` góor` cajo. Jogui i líng~guiiñ' do cajmeáiñ' ga` jnea^` cajo, dsea` lí'naa' dsea` quiá'- Dsea` Jmáang-. Jo ja` jmóor` laco' tí` dsí' Fidiée`, jogui 'ní' níim`bre lajaléng'gui dsea` jmigüí cajo. ¹⁶ Co' mi~ ii-naa' guiá'naa' júu^ quiá'- Dsea` Jmáang- jee~ jaléng' dsea` i ja` líng' dsea` Israel e laco' jial nileáiñ' jee~ dsee- quiá'r-, dsu' i dsea` Israel do ja` cacuó'r' jnea^` fí` lajo, jo lajoba' eám' nicajmi'míiñ' dsee- quiá'r- uíi~ jalé' e nicajméer` do. Joba' lanagui catí'b` í' quiá'- i dsea` do e ni'íñ' iihuí' e eáang' e jáa' quiá'- Fidiée`.

Mi~ ca'í` dsí' Paa- e nidsé-tur fí` Tesalónica

¹⁷ Jo fñ-gui 'nú', dsea` rú'naa', e mi~ cangohuíng-naa' qui- 'nú' e huóom`-jiu, nañí fa' ja` neeng~ rú'naa' dseáng'- lana, dsu' contóom- guíng~ dsi'naa' uii~ qui-na', jo dseáng'- ii-naa' fa' e dsi'eeb`túu' 'nú' fí` na calé' catú-. ¹⁸ Jo cajmó^baa' quiijí- e nidsé'naa' fí` na; jo jnea~ Paa-, eáang'gui jmiguiá ya' cajmé- e quiijí- e ninii~túu fí` na, dsu' fii~ i 'ling'^ i sii` Satanás cajnir` fí` quí-naa' e ja` cajmó^naa' lajo. ¹⁹ Jo yaam~ 'nú' dsea` cuó'na' jnea^ e tab~ dsi'naa' jogui e iáang` dsi'naa' jogui e guiáb- fé'naa' uii~ qui-na'. Co' dseáng'- 'nú'bing' i nicuó'- jnea^ e iáang` dsi'naa' mi~ tí` lí` nití- í' e nijáa`tu Fí'naa' Dsea` Jmáang- fí` jmigüí

la. ²⁰ Dsua e jáb'-, dseáng'- 'nú'bing' i cuø' jnea' e guiáb- fé'naa' uii~ quíi-na' jogui e nijmi'íáang' dsi'naa' uii~ quíi-na' cajo.

3

Paa- casíñ-Timoteo fí Tesalónica

¹ Jo co' eáam' cali'iin~n e ninuu~u júu^ quíi-na' calé' catú-, joba' ca'f' dsii- e guiá-gui e cajú'baa' ñiá'a fí' la fí' Atenas, ² jo casín~n fí' na jaang' dsea' rú'naa' dsea' quiá'- Dsea' Jmáang- i sii' Timoteo. Jo i dsea' í' líiñ' jaang' dsea' i jmóo' lajii~ e iing~ Fidiée~, jogui jmóor' ta~ røø' cóo~ jnea~ e guia'naa' júu^ quiá'- Dsea' Jmáang-. Jo casín~nre fí' na e laco' dsi'eer~ 'nú' jogui tíi' nir~ jial seeng'na' jogui cuø'r' 'nú' bí' e laco' teáang-na' teá' cóo~ júu^ quiá'- Dsea' Jmáang-. ³ Jo casín~nre fí' na e laco' jii~ jaang' 'nú', dsea' seeng'na' fí' na fí' Tesalónica, nijmitúng^ óo'na' cóo~ jalé' iihuú' e móo-na' uii~ e nilíng'na' dsea' quiá'- Dsea' Jmáang-. Dsuo' niñí'ba' e dseáng'- nisi'í'ba' e nidsing'ng-naa' iihuú' uii~ e líng'naa' dsea' quiá'- Dsea' Jmáang-. ⁴ Jo niñí'ba' 'nú' guiá- e lajee~ e taam~bí' fí' na cóo~ 'nú', cajmó'baa' 'nú' júu^ e dseáng'- nidsing'm-baa' jalé' iihuú' uii~ e lí'naa' dsea' quiá'- Dsea' Jmáang-, jo lajob lí' e calí-. ⁵ Jo co' lahuím' cali'iin~n caliñii- júu^ quíi-na', joba' casín~n Timoteo fí' na e laco' caliñii- jial seeng'na' lajii~ fí' teáang-na' cóo~ Dsea' Jmáang-. Co' jmoob- jnea' fí' í' fíng song fii~ i líng'^ casíñ' 'nú' fí' ga'. Dsuo' fíng song lajo, ja' e ta~ nilí'íng^ lajii~ ta~ quí'naa' e nicajmó'naa' jee~ 'nú' fí' na jóng.

Mi~ caguiéng-tu Timoteo fí Atenas

⁶ Dsua lanagui nicagüeam'- Timoteo e jaiñ' fí' na fí' Tesalónica, jo quiéer' jmang'- júu^ guiáb- quíi-na' e teáb' teáang-na' cóo~ júu^ quiá'- Dsea' Jmáang- jogui e 'neáam'ba' dsea' rúng'na'. Jogui jíng'-gui Timoteo e contøøm- dséng' óo' 'nú' jnea', co' eáam' 'neáang'na' jnea', jogui eáam' iing-na' nimáang~tu' jnea' laco'gui jnea' ii~naa' e nineeng~túu' 'nú'. ⁷ Jo lajob lí', dsea' rú'naa', e jee~ jalé' iihuú' e íng'naa' cóo~gui e jmáng' dsea' ga' jnea', jee~ job quiéeng' e jmi'íáang' dsi'naa' mi~ caline~naa' e teá' teáang-na' cóo~ júu^ quiá'- Dsea' Jmáang-. ⁸ Jo mi~ caline~naa' e jo, joba' cuø'gui bí' jnea' lajii~ fí' téé-naa' cóo~ Dsea' Jmáang-. ⁹ Joba' í' dsii- jial cuøøng' e nicuøø~naa' Fidiée~ jmigui'gui gui'máang' uii~ quíi- 'nú' jogui uii~ quiá'- e jmi'íáang' dsi' jnea' uii~ quíi- 'nú' fí' quini~ 'ñia'r' cajo. ¹⁰ Jogui uøø' jmáb' dseáng'- mii~naa' Fidiée~ e nijmicóo'r' jnea' e nineeng~tu' rú'naa' fí' na calé' catú-, jogui e nijmicóo'guí' 'nú' jial laco' nisíng'-gui' teá' cóo~ júu^ quiá'- Dsea' Jmáang- cartí' nilié' quíi-na' laco' sí'í'.

¹¹ Jo mii~naa' Fidiée~ i líng' Tiquí'ii' do cóo~ Fii'naa' Jesús, e nijmicóo'r' jnea' e laco' nilí'naa' nineeng~tu' rú'naa' calé' catú- fí' na fí' Tesalónica. ¹² Jogui mii~naa' Fii'naa' Dsea' Jmáang- e nijmicóo'r' 'nú' e nili'neáang'gui' dsea' rúng'na' lí' lajaléng' dsea' laco'gui jnea' eáam' 'neáang'naa' jaléng' 'nú' cajo. ¹³ Jogui mii~naa'r' cajo e nijmicóo'r' 'nú' e laco' ja' nilitúng- áa'na' lajii~ fí' niteáang-na' cóo~ Dsea' Jmáang-, jogui e nilíng'-gui' dseáng'- dsea' quiá'- Tiquí'ii' Fidiée~ i jo' dsee- sea' quiá'- fí' quini~ dsea' do mi~ nití- í' e nigüéeng~tu' Fii'naa' Jesús fí' jmigüí' la colíng' cóo~ jaléng' dsea' quiá'r-. Jo lajob 'né' liti~.

4

Jial íáang' dsí' Fidiée~ cóo~ jneaa'aa'

¹ Jo lanagui, dsea' rú'naa', nica'ée^baa' 'nú' jial seeng'na' e laco' íáang' dsí' Fidiée~ lí' laco'gui seeng'na' lana. Joba' mii~bí' 'nú' jogui sí'~bí' 'nú' cajo la'eáang' cóo~ Fii'naa' Jesús e güiliseem'ba' laco'gui la íáang' dsí' Fidiée~, jo jmée^bí' lajo cajo.

² Co' 'nú' niñí'ba' guiá- jalé' e nica'ée^naa' 'nú', jo e jo nicajmó'naa' la'eáang' cóo~ Fii'naa' Jesús. ³ Co' lajii~ e iing~ Fidiée~ e líng'na' dseáng'- dsea' quiáb- dsea' do e ja' jmée^na' jalé' e lí' dsí' ngúu' táang'na'. ⁴ Co' iing~ Fidiée~ e lajaang' lajaang' 'nú' ñí'na'

jial 'né- ee-na' røð` còo`~ lajii`~ dseamf` quí-na', jogui jial 'né- e jmi'goo`na're cajo laco' catíng-. ⁵ Co' ja` catíng- e jmée`na' jalé' e ja` dseeng` lajò laco'gui la jmóo` dsea` jmigüi` i ja` cuíng` Fidiée` e suuiñ` dsea` i o' quíar-. ⁶ Dsea` rú`naa' dsea` quíar- Dsea` Jmáang-, ja` cuøøng` e jii`~ jaang` dseañu`~ nijmér- jalé' e ja` dseeng` lajò e nijmigøøiñ` jaang`gui dsea` rúñ` dsea` quíar- Dsea` Jmáang- lí` laco'gui jii`~ e nicafñi` i 'nú' na. Dsu` iihuñi` eám` nicuø`- Fidiée` jaléng` i dsea` i jmóo` lajò lí` laco'gui 'goo` nica'í`naa' quí-na' jéeng`gui. ⁷ Dsuo` ja` cató`- Fidiée` jneaa`aa' fa' e nijmó`naa' jalé' e 'lí`, co' cató`r- jneaa`aa' e lí` laco' nilisee`naa' e lí`naa' dseáng`- dsea` quíar-bre. ⁸ Jo` doñi` i` dsea` i guí` ca' e júu` quíar- Dsea` Jmáang- e guí` jnea` do, joba' ja` 'né- í- dsíir` e júu` quíar- dsea` jmigüi` e guíar` ca' do, co' júu` quíar- Fidiéeb` e jo. Jo` Fidiéeb` cajo i cacuø` jneaa`aa' dseáng`- Jmigüi` quíar-.

⁹ Jo` jo` 'né- fa' jnea`gui nifñi` i 'nú' e 'né- nijmi'neáng` rúng`na' la'ó` líng`na' dsea` quíar- Dsea` Jmáang-, dsuo` 'ñiab` Fidiée` nica'e`r` 'nú' jial nijmi'neáng`na' dsea` rúng`na'. ¹⁰ Jogui lajòb` jmoo` 'nú', dsea` rú`naa', co' 'neáng`na' jaléng` dsea` quíar- Dsea` Jmáang- i seeng` fí` la'úng- lí` se` Macedonia. Jo` síi`guñi` 'nú' e güli`neáng`gui rúng`na' laco` jmi` laco` jmi`. ¹¹ Jogui jmi`úung`na' e niliseeng`na' juguiá- júu` røð` còo`~ jaléng` dsea`, jogui ja` jmoo`na' e quíng`na' lí` ja` catíng`na', jogui jmee`na' ta` còo`~ layaang` guóo`na' lí` laco'gui nicasi`naa' 'nú' lami` jéeng`gui do. ¹² Jo` lajòb` 'né- jmée`na' e laco' nijmi`gò` jaléng` dsea` i ja` cuíng` Dsea` Jmáang- 'nú' jogui e laco' niliseab` jalé' e 'né- quí-na' cajo.

Mi` nijáa`tu Dsea` Jmáang- fí` jmigüi` la

¹³ Jo` e laba' fñi` guñi` 'nú', dsea` rú`naa', co' i` jnea` fa' e 'nú' niliñi`na' jial lí` còo`~ jaléng` dsea` quíar- Dsea` Jmáang- i nicajúng- e laco' ja` cuø` fí` yaang`na' laco'gui la jmóo` dsea` i ja` já- líng` e jí`tu jaléng` 'lí`. ¹⁴ Jo` co' jáb- lí`naa' e cajúm- Jesús jogui cajíb`tur calé` catú-, joba' lajòb` já- lí`naa' cajo e Fidiée` còo`~gui Jesús nijmér- e nijí`tu jaléng` dsea` quíar- i cajúng- e já- líñi` júu` quíar-.

¹⁵ Joba' síi`guñi` 'nú', dsea` rú`naa', lí` laco'gui júu` e ca'e` Fí`naa' Dsea` Jmáang-, e jaléng` jneaa`aa', dsea` lí`naa' dsea` quíar-, e see`bñi` mi` tí` lí` nití- í' e nigüéeng`tur fí` jmigüi` la calé` catú-, ja` nidseá`naa' còo`r- jéeng`gui laco'gui dsea` quíar- i nicajúng- lami` jéeng`gui. ¹⁶ Jo` ie` jo` nijgiáang` Fí`naa' Dsea` Jmáang- fí` lí` guíñi` fí` ñifi-. Jo` lajee` jo` niná' luu` Fidiée` e quíur` ta` fí` yá` jmigüi`, jogui niná' e guinifé` jaang` ángel i niing`gui lajee` lajaléng`, jogui niná' e ni`ii` lúu` trompé` quíar- Fidiée` fí` yá` jmigüi` cajo. Jogui jaléng` dsea` quíar- Dsea` Jmáang- i nicajúng-, í`bing` i nijí`tu la'uii` mi` nití- e í' jo. ¹⁷ Jo` mi` ningf` jo, jaléng` jneaa`aa', dsea` i jí`gui, colím- nidseá`naa' còo`r- fí` guíá` güi, jo` nijí` rú`naa' còo`~ Fí`naa' Dsea` Jmáang- fí` yá` jmigüi, jo` lajòb` nilisee`naa' còo`r- lata-. ¹⁸ Joba' fñi` i 'nú' e cuøø` bñi` rúng`na' còo`~ lajalé' e júu` na.

5

¹ Joba' fá`guñi, dsea` rú`naa', ja` 'né- jmée` e quí-na' e fí` ni` jì` la lana lí` dseáng`- nidsijée` jalé' e fá`a la. ² Co' niñíb` 'nú' røð` e jii`~ jaang` dsea` ñir` jéeng`gui e` jmi` e nigüéeng`tu Fí`naa' Dsea` Jmáang-, lí` laco'gui mi` jaang` dsea` ja` ñir` jéeng`gui lí` nigüiéé` jaang` ñi` i dsí`lee` fí` quíar- mi` uøø. ³ Jo` mi` nijíng`- jaléng` dsea` i ja` cuíng` Dsea` Jmáang-: "Tiib- í' jogui juguiáb- sea", dsu` ie` job` dseáng`- ni`íñi` iihuñi` e jo` tóo` jmi` nileáñi` lajee` e ja` ñiing` dsíir`, lí` laco'gui jaang` dseamf` i quíéeng` jiuung` jii`~ ja` ñir` lí` dseáng`- nináng` e dseá` jmohuñi` quíar- e niliseeng` yuu` quíar-. Jo` ie` jo, jii`~ jaang` i dsea` í` quíar- jmi` nileáng`guir e ja` ni`íñi` e iihuñi` do. ⁴ Dsu` 'nú'gui, dsea` rú`naa', jo` seeng`gui e ja` 'ga' lí` ní`na' laco'gui la líng` dsea` i seeng` fí` lí` nuu, joba' ja` nidsigá` óo`na' mi` tí` lí` nití- í' e nijáa`tu Dsea` Jmáang- fí` jmigüi` la laco'gui dsigá` dsíi` jaang` dsea` mi` guíéé` jaang` i dsijmée- ñi` fí` quíar- mi` uøø. ⁵ Co' lajalém` 'nú', dsea` rú`naa', líng`na' dsea` quíar- Dsea` Jmáang- i jmóo` jmang`- e guíá-, jo` fí` lí` jneáb` seeng`na'. Jo` ja` líng`na'

dsea`i ja` cuíng` Dsea` Jmáang` i jmóo` jalé` e `li`^, co` fí` lí` nnaab` seeng` i la`í; ⁶ joba` 'né` e ja` sijlí` jmini`na` laco`gui la líng` dsea` i ja` cuíng` Dsea` Jmáang`, dsu` 'né` e sijnéeb` dsí`naa` contøng` jogui` 'né` e í` dsí`naa` dseáng`- laco` catíim` cajo. ⁷ Co` jaléng` dsea` i ja` cuíng` Dsea` Jmáang` líiñ` la líng` dsea` i sijlí` jmini` mí` uøø, jogui` jmóor` ta` í` mí` uøø cajo. ⁸ Dsu` jneaa`guí, dsea` see`-naa` fí` lí` jneá, contøm` 'né` í` dsí`naa` dseáng`- laco` catíim`. Jo co` nicajáam` yee`-naa` fí` jaguó` Fidiée` jogui` jmi`neám`bí` dsea` do cajo, joba` e jo lí` lafa` coo` 'mí`qui` ní`^ cóo` e jmi`øng` yee`-naa`. Jo co` nitab` dsí`naa` e dseáng`- nileám`baa` jee` dsee`-quí`-naa', joba` e la lí` lafa` coo` logui` ní`^ cóo` e lí`øng` mogui`naa'. ⁹ Co` ja` sí`líng`naa` quiá`- Fidiée` e nicuø`r`-jneaa`aa` iihuí, dsu` sí`líim`baa` quiá`r` e laco` nileáng`naa` jee` jalé` dsee`-quí`-naa` la'eáang` cóo` Fí`naa` Dsea` Jmáang`. ¹⁰ Co` Dsea` Jmáang` cajúñ` cuaiñ`-quí`-ii` e laco` nilisee`-naa` cøøng` cóo`r` lata~, song see`-naa` tá`-sa` see`-naa` mí` nijáa`tú. ¹¹ Joba` fí`-guí` 'nú`, dsea` rú`naa', cuøø` bí` rúng`na` jogui` jmicoo` rúng`na` e ja` tiúung`na` lají` fí` niteáang`na` lí`^ laco`gui la jmoo`na` lana.

Jalé` e cast`-Paa` dsea` quiá`- Dsea` Jmáang`

¹² Jo fí`-guí` 'nú', dsea` rú`naa', e jmi`goo`ba` dsea` quiá`- Dsea` Jmáang` i jmóo` ta` jmicoo` 'nú` e quier` ní`fí` qui`-na` jogui` e`r` 'nú` jial laco` catíng` e niliseeng`na', dsea` líng`na` dsea` quiá`- Dsea` Jmáang`. ¹³ Jo eáam` 'né` ee`-na` guiá` cóo`r`, jogui` 'né` jmi`neáng`na`re quiá`- jalé` e ta` e jmóor` jee` 'nú`. Jo güiliseem`ba` juguiá` júu` røø` cóo` jaléng` dsea` rúng`na'.

¹⁴ Jogui` sí`-guí` 'nú` cajo, dsea` rú`naa', e jíing`na` jaléng` dsea` i ja` iing`-jmé` ta~, jogui` cuøø`na` bí` jaléng` dsea` i litúng`-dsí` cóo` júu` quiá`- Fidiée`, jogui` jmicoo`na` jaléng` dsea` i ja` mí` sea` bí` quiá`- la`ié` fa` dseáng`- nilíiñ` dsea` quiá`- Dsea` Jmáang`, jogui` jmee`na` féng` óo`na` cóo` lajíng` dsea`.

¹⁵ Jo níing` óo`na` e jíi` jaang` dsea` quí`- cóo` e ga` quiá`- jaang`gui dsea` rúíñ` uii` quiá`- e ga` e jmóo` í` quiá`r`. Co` lajíi` e 'né`-jmée`na` e jmi`úung`na` jmée`na` jmang` e guiáb` cóo` jaléng` dsea` rúng`na', lí` lajaléng` dsea` jmigüí`.

¹⁶ Jo jmi`iáang` óo`na` contøng`. ¹⁷ Jo féeng`na` Fidiée` yejí`. ¹⁸ Jogui` cuøø`ba`r` gui`máang` quiá`- lí` doñí` ee` catíng`na', co` lajoba` iñ` e nijmée`na` laco`gui catíng` e jmóo` dsea` quiá`- Dsea` Jmáang`.

¹⁹ Jo ja` jniing`na` lajíi` e iing`-Jmiguí` quiá`- Fidiée` e jmér`-jee` 'nú'. ²⁰ Jo ja` guiá`na` ca` jalé` e fé` i dsea` i fé` cuaiñ` quiá`- Fidiée`. ²¹ Dsu` quie`na` cuente lajíi` júu` quiá`- i dsea` í, su dseeng` osi ja` dseeng` é, jo 'mea`baa` lajíi` e guiá`. ²² Jo 'naang`-yaang`na` cóo` jalé` e `li`^ e sea` fí` jmigüí`.

²³ Jo mii`naa` Fidiée` i cuø` juguiá` júu` røø` e nijmeáiñ` 'nú` dseáng`- jíi` dsea` quiá`-bre. Jogui` mii`naa`r` cajo e nijmér`-í` 'nú` lajíi` fí` niteáang`na` cóo` jalé` e í` áa`na', jogui` e nijmér`-í` 'nú` jial laco` seeng`na` fí` ngúu` táang`na` e laco` ja` dsee`-nilisea` qui`-na` jíi` coo` mí` nití`-í` e nijáa`tú Fí`naa` Dsea` Jmáang` fí` jmigüí` la. ²⁴ Jo Fidiée` dsea` cató`r`-jneaa`aa` e laco` ni`uíng`naa` dsea` quiá`r`, jogui` dseáng`- jmiti`-bre e jo.

Júu` guicoo` quiá`-Paa` lí` cadséng`

²⁵ Dsea` rú`naa` dsea` quiá`- Dsea` Jmáang`, féem`ba` Fidiée` uii`-quí`-ii`.

²⁶ Jo røøng`-rúng`na` e ngocáng` óo`na` cóo` jaléng` dsea` quiá`- Dsea` Jmáang` i neáang` fí` na.

²⁷ Jo fí`-i` 'nú', la'eáang` cóo` Fí`naa` Dsea` Jmáang`, e í`na` e jí` la fí` quini` jaléng` dsea` quiá`- Dsea` Jmáang` i seeng` fí` na.

²⁸ Güi`lib` Fí`naa` Dsea` Jmáang` güea` quiá`r`-jee` 'nú`.

Jo lanab` jíi` fé` jí` la`uii` quiá`-Paa` e catíng`-jaléng` dsea` quiá`- Dsea` Jmáang` i seeng` fí` Tesalónica.

Júu^ e too~ fí ni~ jì catî tú~ quiá'- Paa~ e catíng~ dsea~ seeng` fí TESALÓNICA

1 Jnea~ Paa~, colíng~ cóo~ Silvano jogui Timoteo, jmo'naa' e jì la e catíng~ jaléng' 'nú', dsea rú'naa' dsea quiá'- Dsea Jmáang~, dsea neáang'na' fí na fí Tesalónica, i seeng` cøong` cóo~ Tiquí'ii' Fidié~ jogui cóo~ Fí'naa' Dsea Jmáang~. 2 Jo mî'naa' Tiquí'ii' Fidié~ cóo~ gui Fí'naa' Dsea Jmáang~ e ni'í'r~ güea^ quiá'r~ jee~ 'nú' jogui e nicuø'r~ 'nú' e niliseeng'na' juguiá~ júu^ røø`.

Fidiéeb` niquidsí' í' quiá'- jaléng' dsea` røøng` dsee-

3 Dsea rú'naa' dsea quiá'- Dsea Jmáang~, yejib~ 'né~ cuøø'naa' gui'máang' Fidié~ uii~ quíi~ 'nú', co' lajob catíng~ 'né~ jmó'naa', co' eáang'gui já'- líng' 'nú' júu^ quiá'- Dsea Jmáang~ lacoø` jmî~ jogui eáang'gui jmi'neáang'na' dsea rúng'na' lacoø` jmî~ lacoø` jmî~ cajo. 4 Jo lajoba' fé'naa' júu^ uii~ quíi~ 'na' jee~ jaléng' dsea quiá'- Dsea Jmáang~ e iáang` dsí'baa'; jo fé'naa' e téb' 'nú' lajii~ fí teáang'na' cóo~ Dsea Jmáang~, jogui já'- bi líng'na' júu^ quiá'- dsea do cajo jalí lí~ móo'na' jalé' iihuú' cóo~ gui jalé' e jmáang' dsea ga' 'nú' uii~ e cúing'na' Dsea Jmáang~. 5 Jo cóo~ e job cuø' lí~ e dseáng' røøb` quidsí' Fidié~ í' quiá'- jaléng' dsea jmgüi~, jo la'eáang' e iihuú' e íng'na' do, lajoba' nitíng'na' e Fidié~ nicár` nifí quíi~ 'na'.

6 Co' Fidié~ laco' catím~ jmóor~, joba' nicuø'r~ iihuú' jaléng' dsea i cuø' iihuú' 'nú'. 7 Jogui 'nú', dsea móo'na' iihuú' lana, Fidiéeb` nicuø'r~ 'nú' e jo` nidsingíng'na' jii~ coø` iihuú', jogui lajobi jnea^ cajo, jo` nine'naa' iihuú'. Jo jalé' e la nidsijéé' mi~ nití' í' e nigüéeng~tu Fí'naa' Jesús fí jmgüi~ la colíng~ cóo~ jaléng' ángeles i 'gøng' quiá'r~, jo nijgiáaiñ' fí yá' jmgüi~ e quíiñ' jee~ niing~ jì. 8 Jo nijáar' fí jmgüi~ la e laco' nicuø'r~ iihuú' jaléng' dsea i ja iing~ jmicuíng' Fidié~ o'gui jii'r~ júu^ quiá'- jial nileáang` dsea jee~ jalé' dsee~ quiá'r~ la'eáang' cóo~ Fí'naa' Dsea Jmáang~. 9 Jo jaléng' dsea í'bing' ni'íng' iihuú' e eáang' mi~ nijúuiñ~ e jo' tóo` jmî~ tíiñ~, co' huíib~ eáang' ni'náiñ' cóo~ Fidié~ jogui cóo~ e laniing~ 'gøng' dsea do. 10 Jo lajob nilí mi~ nijáa'tu Fí'naa' Dsea Jmáang~. Jo ie~ jo, jaléng' dsea quiá'r~ nijmi'gó'bre dsea do jogui nijmiféiñ' dsea do cajo; jogui lajobi 'nú' cajo, lajob nijméé'na', co' eáam' já'- nicalíng'na' lajalé' júu^ e nicaguiá'naa' jee~ 'nú'.

11 Joba' eáam' féng'naa' Fidié~ uii~ quíi~ 'na', jogui mî'naa're e nijmicóo'r~ 'nú' e niliseeng'na' røø' lí' laco' catíng~ e jmé~ dsea i nicatø'r~ e ni'uiiñ' do dsea quiá'r~. Jogui mî'naa're e nijmicóo'bre 'nú' cóo~ e 'gøiñ' do e laco' guiúb~ ni'uíng~ jalé' e iing~ 'nú' jméé'na' cóo~ gui jalé' ta~ jmoo'na' la'eáang' e cajáang' yaang'na' fí jaguó' Dsea Jmáang~. 12 Jo féng'naa' Fidié~ lana e laco' eáam' nijmi'gó' dsea Fí'naa' Jesús la'eáang' cóo~ 'nú', jogui Fí'naa' Jesús eáam' nijmi'gór' 'nú' cajo. Jo nilí jalé' e jo dsuco' eáam' guiüng~ Fidié~ cóo~ gui Fí'naa' Dsea Jmáang~ cóo~ 'nú'.

2

Júu^ quiá'- mi~ nijáa'tu Dsea Jmáang~ fí jmgüi~ la

1-2 Jogui lana, dsea rú'naa', nifí'guí' 'nú' quiá'- mi~ nijáa'tu Fí'naa' Dsea Jmáang~ fí jmgüi~ la, jogui mi~ nijí' rú'naa' cóo'r~ cajo, jaléng' jneaa'aa', dsea lí'naa' dsea quiá'r~. Jogui mî'naa' 'nú' e ja' jmisíng'na' lajii~ e í' óo'na', o'gui føøng'na' mi~ nijíng' dsea e nicagüém~ Dsea Jmáang~ fí jmgüi~ la. Co' seem` dsea i nijíng' e fé'r' cuaiñ~ quiá'- Fidié~ e júu^ jo, dsu' o' já'. Jogui seem`bi dsea i fé' e quiá'- Fidié~ e júu^ jo, dsu' o' já' e lajo. Jo seem`bi dsea cajo e jíi' e jneab~ cajméé' e fí ni~ jì quié~ e e júu^ jo, dsu' o' já' e lajo cajo. 3 Joba' fí'guí' 'nú', dsea rú'naa', e ja' jmgøøng' yaang'na' jii~ coø` mi~ fé' dsea e nicagüéng~tu Dsea Jmáang~. Dsuco' lajee~ nú' gui e jmî~ jo, dseáng' cab' niguiéng~

dsea` Fidiée` , jo ie` job cajo nijmijnéeng` 'ñia' i dsea` i 'ling'` do fí jmigüi` la, jo Fidiée` dseáng'` nibíim` breiñ' do fí li` 'li'`. 4 Jo i dsea` i 'ling'` do dseáng'` cab' niguiár` jalé` e jmféng'` dsea` laco'gui mi` jmféiñ' e quiá'` Fidiée`. Jogui iing` i dsea` i 'ling'` do fa' e nijmféng'` dsea` ír` cartí nijmér` e nigüear` li` si'` ée` quiá'` Fidiée` fí dsí'` sinúu` guá'` , jogui nijmeáng'` 'ñia'r' e íbre 'gøng'` guir laco' Fidiée`.

5 Já` tóo` áa` 'nú' , dsea` rú'naa' , e cafi` i 'nú' jalé` e la ie` lamí` cataang` naa' coling` cóo` 'nú' fí na fí Tesalónica? 6 Jogui lana niñib` 'nú' e` e nicajníng` quiá'` i dsea` i 'ling'` do e laco' ja` mí cajmijnéeng` 'ñia'r' jéeng` gui jii` laco' jmi` e si'` e nijmijnéeng` 'ñia'r'. 7 Jo lana fíim` dsea` nijmóor` jalé` e 'li'` , jo jii` Fidiéeb` dsea` cuø'r` jneaa` aa' e ngáng` naa' jiali'` jmóo` dsea` jalé` e 'li'` do. Jo lico' né` gui e ja` ii` nijníng` quiá'` jalé` e 'li'` do e laco' nidsijéé` jalé` e nicafá'` a na. 8 Jo mi` nijmijnéeng` 'ñia' i dsea` i 'ling'` do jee` jaléng` dsea` jmigüi` , job mi` nití` í' e nijáa` tu Fí'naa' Jesús fí jmigüi` la calé` catú` e quiá'` nijmiguiéiñ` quiá'` i 'ling'` do la'eáang` cóo` e jiiñ` eáang` do jogui cóo` capí` guí e nijjáur` fí mo'oor`. 9 Jo mi` nijáa` i dsea` i 'ling'` do la'eáang` cóo` bí quiá'` i fii` i 'ling'` rúin` i sii` Satanás, joba' nijmigóoiñ` dsea` cóo` jalé` e li` e nijmér` cóo` gui jalé` e quí'r` jmi` la'eáang` cóo` e bí quiá'` fii` i 'ling'` do. 10 Jo nijmigóoiñ` jaléng` dsea` i niteáang` fí e nidsiliñ` fí li` 'li'` cóo` jalé` e 'li'` e quí'r` jmi` jmér`. Jo jaléng` i dsea` i niteáiñ` e fí jo, co' ja` cali'iiñ` fa' ca'íñ` lajii` júu` quiá'` Dsea` Jmáang` e laco' nileáiñ` jee` jalé` dsee` quiá'r`. 11 Jo uing` e ja` ca'ing` i dsea` do e júu` jo, joba' cuø' Fidiée` fí e jáb'` ling` i dsea` do jalé` e o' já' e nijmigóo` i dsea` i 'ling'` do. 12 Joba' dseeb` nicuø'` Fidiée` jaléng` i dsea` i mi` tí li` nití` í' lajo, co' cali'iiñ` e cajméer` jalé` e 'li'` do jogui ja` cali'iiñ` fa' já'` caliñ` lajii` júu` quiá'` Dsea` Jmáang`.

Jial guíng` Fidiée` jaléng` dsea` i nileáang` jee` jalé` dsee` quiá'`

13 Dsea` rú'naa' dsea` quiá'` Dsea` Jmáang` , eáam` 'neáang` Fidiée` 'nú'. Jo jnea` , sojiéb'` 'né` cuø'` naa' gui máang` Fidiée` cuaiñ` qui` 'nú' , dsuco' Fidiée` caguíñ` 'nú' latí mi` uing` e quiá'` nileáang` na' jee` jalé` dsee` qui` na'. Jo cajméer` lajo la'eáang` cóo` e ta` quiá'` Jmigui` quiá'r` e cuø' e uing` na' dseáng'` dsea` quiá'r` jogui la'eáang` e já'` nicaling` na' júu` quiá'` Dsea` Jmáang` cajo. 14 Jo uing` e laba' caguíng` Fidiée` 'nú' la'eáang` cóo` júu` quiá'` Dsea` Jmáang` e guia` jnea` jee` 'nú' e laco' nilí` na' nilisea` qui` na' fí li` niing` 'gøng` Fí'naa' Dsea` Jmáang`.

15 Joba' fí` guí` 'nú' , dsea` rú'naa' , jie` mí tú` na' lajii` fí niteáang` na' cóo` Dsea` Jmáang` , jo ja` tú` na' lajii` júu` quiá'` Dsea` Jmáang` e nica'éé` naa' 'nú' lajee` cataang` naa' coling` o' gui jalé` e too` fí ni` jì e nicasiing` naa' qui` na' fí na cajo. 16-17 Jo co' eáam` guiúng` Fidiée` cóo` jneaa` aa' , nañi` fa' ja` catí` naa' , dsu' cajmi` neám` bre jneaa` aa' jogui nicacuø'r` jneaa` aa' e tab` dsí` naa' lata` lajii` fí tee` ee' cóo` Dsea` Jmáang` , jogui jmang'` e guiá` ba' sijeeng` naa' quiá'r` cajo. Joba' mí` naa' Fí'naa' Dsea` Jmáang` cóo` gui Tiquí` ii' Fidiée` e nicuø'r` 'nú' bí lajii` fí niteáang` na' e jmee` ba' jmang'` e guiá` jogui e fó` na' jmang'` júu` guiáb` cajo.

3

Mí` na' Fidiée` uí` jnea`

1 Jo li` ngóo` cadséng` gui fí` i 'nú' , dsea` rú'naa' , féeng` na' Fidiée` uí` jnea` e laco' jminá` gui nini` júu` quiá'` Dsea` Jmáang` fí la'úng` fí jmigüi`. Jogui féeng` na' dsea` do cajo e jaléng` dsea` i ninú` e júu` do ni` im` bre e ngocáng` dsíir` lí` laco' gui cajmee` 'nú' mi` canúu` na' júu` quiá'` Dsea` Jmáang`. 2 Jogui mí` na' Fidiée` cajo e laco' nileáiñ` jnea` jee` jaléng` dsea` i 'ling'` i soo` dsí' , co' ja` lajiing` dsea` já'` líiñ` júu` quiá'` Dsea` Jmáang`. 3 Jo dseáng'` jmitib` Fidiée` lajii` júu` cuø' , jo jmicóo` bir` 'nú' e ja` nijmitúng` óo` na' lajii` fí teáang` na' cóo` Dsea` Jmáang` , jogui nijmi` oiñ` 'nú' e laco' ja` nijmigóong` fii` i 'ling'` 'nú' cajo. 4 Jogui nisita` dsí` naa' e Fí'naa' Dsea` Jmáang` nijmicóo'r` 'nú' e jmoo` ba' jogui

e jmée^bi' jalé' e nicasí~naa' 'nú' do. ⁵ Jo mii~naa' Fíi'naa' Dsea` Jmáang~ e nicuó'r~ 'nú' e lí^na' jial tíí 'neáng' Fidiée' 'nú' jogui e nicuó'r~ 'nú' bí' quiá'r~ e nité'na' e féng' óó'na' lajii~ fí' teáng~na' laco'gui cateá'~ Dsea` Jmáang~ 'ñia'r'.

La guím'ba' 'né- e jmé- dsea` ta`

⁶ Jo síi~guí' 'nú', dsea` rú'naa' dsea` quiá'~ Dsea` Jmáang~, la'eéang' cóo~ júu^ quiá'~ Fíi'naa' Dsea` Jmáang~, e ja` quing'^ yaang~na' jee~ jaléng' dsea` quiá'~ Dsea` Jmáang~ i ja` iing~ jmé- ta~, co' i dsea` í ja` seeñ cøøng' cóo~ jalé' júu^ e casíi~naa' 'nú' lamí~ jéeng'gui. ⁷ Co' niñib^ 'nú' guiá~ jial dseáng'~ 'né- niliseeng'na' lí' laco'gui nicalisé' jnea'^ jee~ 'nú'; dsuco' jmoob~ jnea'^ ta~ lajee' calisé'naa' jee~ 'nú', ⁸ jo jii~ cóo~ née~ ja` camí'naa' e niquiee~naa' quiá'~ dsea` e ja` niquí'naa' quiá'r~. Co' lí^ lí' cajmí'úung'naa' e cajmó'naa' ta~ uóø' jmáb' e laco' ja` cacuóø'~naa' iihuí' jii~ jaang' 'nú'. ⁹ Dsu' ofa' ja` catíng~naa' e nimí'~naa' 'nú' e nijmicóo'~na' jnea'^, co' lí^ lí' cali'ii~naa' e ní'ée^naa' 'nú' jial dseáng'~ 'né- jmée^na' tab~. ¹⁰ Co' mii~ cataang~ jnea'^ jee~ 'nú', cacuóø'baa' 'nú' lajii~ e júu^ la e fé' lala: Doñí' ii dsea` i ja` iing~ jmé- ta~, ja` cuó'na'r e nidó'r~. ¹¹ Dsu' lanagui nicalineb~ jnea'^ e seem~ 'nú' e fíng'~na' jmée^na' ta~, jo lico' tí' óó'na' e quíng'~na' lí~ ja` catím~ba'. ¹² Jo jaléng' i dsea` í nisíi~naa'r, la'eéang' cóo~ júu^ quiá'~ Fíi'naa' Dsea` Jmáang~, e güijmée'bre ta~ laco' catíng~, jo lajoba' nilí'r jalé' e 'né- lajee' e taaiñ fí' jmigüi' la.

¹³ Joba' fii~guí' 'nú', dsea` rú'naa' dsea` quiá'~ Dsea` Jmáang~, jie~ mí' tú'na' e jmoó'na' e guiá~ lí^ laco'gui jii~ fí' niteáng~na'.

¹⁴ Jogui song seeng' jaang' lajee' 'nú' i ja` núu~ lajii~ júu^ e fé' jnea'^ e fí' ni~ jì la, joba' quié'na' cuente røø' i i jo jo` sicøøng'gui yaang~na' cóo'r~, jo lajõb i dsea` í nilí' i' líiñ~ quiá'~ jalé' e jmóor' do. ¹⁵ Dsu' o' uíi~ jo 'ní' nimáang~na're cajo, co' lí^ lí' 'né- føng'na'r jial laco' catíng~ e niliseem'bre lí^ laco'gui la catíng~ e føng'na' jaang'gui dsea` rúng'na' dsea` quiá'~ Dsea` Jmáang~.

Júu^ lí' cadséng~ quiá'~ Paa~ e catíng~ dsea` seeng' fí' Tesalónica

¹⁶ Jo 'ñia' Fidiée' i cuó' juguiá~ júu^ røø' güijmée'bre lajo cóo'~ 'nú' contøøng~ cóo'~ doñí' ee'go jmoó'na'; jogui güiliseem~ dsea` do contøøng~ cóo'~ 'nú' cajo.

¹⁷ Jnea~ Paa~ jmo'ó e júu^ guicóo' e catíng~ 'nú' la cóo'~ layaang~ guóo'ó. Jo jii~ lanaba' e tñ'n jmoó'ó cóo'~ jalé' jì quié~ e caguee~gui cajo e laco' líñí' dsea` e jneab~ dsea' jmo'ó.

¹⁸ Jo güi'íib' Fíi'naa' Dsea` Jmáang~ güea'^ quiá'r~ fí' jee~ 'nú' lajaléng'na'.

Jo lanab jii~ fé' jì tî tú~ quiá'~ Paa~ e catíng~ jaléng' dsea` quiá'~ Dsea` Jmáang~ i seeng' fí' Tesalónica.

Júu[^] e toq[~] fi[~] ni[~] ji[~] la'uii[~] quiá⁻ Paa⁻ e catíng⁻ TIMOTEO

¹ Jnea[~] Paa⁻, jo línⁿ jaang[^] dsea[^] apóo[^] i jmóo[^] ta[~] ni' júu[^] quiá⁻ Dsea[^] Jmáang⁻. Jo Fidié[~] i láang[^] jneaa[~]aa' jee[~] dsee⁻ qui[~]ii' cóo[~]gui Dsea[^] Jmáang⁻ i cuø[^] jneaa[~]aa' e nita[~] dsiⁿnaa' cóo^r, íbing[^] caqui^u ta[~] lajo. ² Jo jmo[^]o e ji[~] la e catíng⁻ 'n^u, Timoteo, co[^] 'n^ub[^] lin[^] lafa[^] dseáng[^] jóo[^] i dseáng[^] lajang[^] nicajáng[^] uø[^] fi[~] jaguó[^] Dsea[^] Jmáang⁻. Jo m^hi[~] i Tiquí[^]ii' Fidié[~] cóo[~]gui Fíiⁿnaa' Dsea[^] Jmáang⁻ e ni^r g^üea[^] quiá^r fi[~] lí[~] táan[^], jogui e nilí[^] fi[~] líiñ⁻ 'n^u, jogui cajo e nicuø^r e niliseen[^] juguiá⁻ júu[^] røø[^].

Júu[^] # 'goo[^] quiá⁻ jaléng[^] dsea[^] i jmigóøng[^] dsea[^] cóo[~] jalé[^] e er[^]

³ Jo lí[^] laco[^] jíi[~] e nicafí[~] i 'n^u, Timoteo, ie[~] cangó⁻o fi[~] lí[~] se[^] Macedonia, jo fá[^]túu lana, e dobi[~] nijá[^] e fi[~] fí[~] Éfeso e laco[^] niliúun[~] jaléng[^] i dsea[^] i e' júu[^] e ja[^] cóøng[^] røø[^] cóo[~] júu[^] quiá⁻ Dsea[^] Jmáang⁻ e jo[^] nijmé⁻guir lajo. ⁴ Jogui nifí[^]re cajo e ja[^] 'né⁻ c^ár[^] cuente lajíi[~] júu[^] cuento quiá⁻ dsea[^] mí[^] áang[^] qui[~]naa' o'gui jalé[^] júu[^] e ja[^] tóo[^] jm^hi[~] té[^] cuaiñ[~] quiá⁻ dsea[^] mí[^] áang[^] qui[~]naa'. Co[^] cóo[~] jalé[^] e júu[^] la líco[^] uiiing[~] e sea[^] jíi[~] ta[~] jím[^] jo ja[^] e jmícoo[~] e jo fa[^] nidsicuáng[^]gui laco[^] sí[^] i e júu[^] quiá⁻ Fidié[~] e quiá⁻ jial[^] já[^] líng[^] dsea[^] júu[^] quiá⁻ Dsea[^] Jmáang⁻.

⁵ Dsu[^] e lab uiiing[~] quiá⁻ e júu[^] quiá⁻ Fidié[~] do e 'né⁻ nijmi[^]neáng[^]naa' dsea[^] rú[^]naa' e guiá⁻ dsiⁿnaa', jogui e tíng[^]naa' gui[~]naa' jnang[~] e guiá⁻ e catíng⁻ jmé[^]naa', jogui cajo e já[^] líng[^]naa' júu[^] quiá⁻ Dsea[^] Jmáang⁻ e ngocáng[^] dsiⁿnaa'. ⁶ Co[^] seem[^] i líng[~] dsea[^] i nicatá[^] e júu[^] la jo nicár⁻ fi[~] jíe[^] jo nifé^r jmang[^] júu[^] e ja[^] uiiing[~] sea[^]. ⁷ Dsuo[^] líco[^] iñ[~] jmeáng[^] yaaiñ[~] tifa[^] i e' júu[^] quiá⁻ ta[~] quiá⁻ dsea[^] Israel, dsu[^] ja[^] ngáiñ[^] do e guøng[^] laco[^] laco[^] e júu[^] e er[^] la úung[^] do.

⁸ Co[^] nine[~]baa' guiá⁻ jalé[^]naa' e eám[^] íng⁻ ta[~] e júu[^] quiá⁻ ta[~] do e cajme[^] Moi[~] do fíng song jmáng[^] dsea[^] ta[~] dseáng[^] laco[^] sí[^] quiá⁻. ⁹ Jogui 'né⁻ e tóo[^] dsiⁿnaa' cajo e jíi[~] coo[^] júu[^] quiá⁻ ta[~] ja[^] calí⁻ fa[^] e catíng⁻ jaang[^] dsea[^] i jmóo[^] jmang[^] e guiá⁻; dsuo[^] e júu[^] e quiá⁻ ta[~] do calí⁻ e catíng⁻ jaléng[^] dsea[^] soo[^] dsí[^] cóo[~]gui jaléng[^] dsea[^] i laang[^] mí[^] ee[^]go ta[~] huí[^], jogui cóo[~] jaléng[^] dsea[^] i jmóo[^] jalé[^] e 'lí[^] e laco[^] jmíróng[^] dsee⁻ yaaiñ[~], jogui jaléng[^] dsea[^] i ja[^] jmí[^]gó[^] Fidié[~] o'gui jmí[^]gór[^] júu[^] quiá⁻ dsea[^] do cajo, jogui jaléng[^] dsea[^] i jngang[^] tiquiá[^] niquiá[^], osi lí[^] doñí[^] i dsea[^] i jmóo[^] ta[~] jngang[^] dsea[^] rúng[^], ¹⁰ lí[^] lajaléng[^] dsea[^] i 'léer e güññ[^] cóo[~] dsea[^] i o' quiá^r, osi dseañ[^] 'léer e güññ[^] la'ó[^] dseañ[^]uiñ[^], osi dseamí[^] 'léer e güññ[^] la'ó[^] dseamí[^]ñ[^] é, jogui jaléng[^] dsea[^] i jmóo[^] ta[~] løøng[^] jogui ta[~] 'n^hng[^] dsea[^], jogui jaléng[^] dsea[^] i ngí[^] ta[~] quie[^] jalé[^] júu[^] adsee[^], jogui jaléng[^] dsea[^] i éeng[^] fii⁻, jo dsu[^] o' já[^] jalé[^] e fé^r do. Jo lí[^] laco[^] cuøøng[^] fe[^]ee[^], e e júu[^] quiá⁻ ta[~] do catíng⁻ jaléng[^] i jmóo[^] lí[^] doñí[^] ee[^] e ja[^] cóøng[^] røø[^] cóo[~] júu[^] niguó[^] quiá⁻ Fidié[~]. ¹¹ Jo e júu[^] niguó[^] do røø[^] cóøng[^] cóo[~] e júu[^] jlo[^] quiá⁻ jial[^] laang[^] dsea[^] jee[~] jalé[^] dsee⁻ quiá^r. Jo i Fidié[~] dsea[^] güeang[^] nicacuø^r jnea[~] ta[~] e niní[^]guí[^] e júu[^] jo.

Gui[^]máang[^] Fidié[~] e fí[~] líiñ⁻ jnea[~]

¹² Jo cuøø⁻ø gui[^]máang[^] Fíiⁿnaa' Dsea[^] Jmáang⁻ car[^] ngocáng[^] dsii⁻ e nicacuø^r jnea[~] bí[^] e laco[^] niní[^]guí[^] júu[^] quiá⁻, co[^] eám[^] nita[~] dsí^r cóo[~] jnea[~], joba[^] nicacuø^r jnea[~] e ta[~] jo. ¹³ Jo nañí[^] fa[^] jnea[~] malí[~]gui eáang[^] gab[^] cafá[^]-a uii[~] quiá⁻ Fíiⁿnaa' Dsea[^] Jmáang⁻, jogui gab[^] cajmeáan[^] n jaléng[^] dsea[^] quiá⁻, jogui caløøm[~]bí[^] jaléng[^] i dsea[^] í[^] cajo, dsu[^] ie[~] jo eám[^] calí⁻ fí[~] líng⁻ Fidié[~] jnea[~], co[^] ja[^] mí[^] cuínⁿ Dsea[^] Jmáang⁻ ie[~] jo, jogui ja[^] ñii⁻ cajo e jalé[^] e ga[^] e jmóo[^] do. ¹⁴ Jo dsu[^] Fíiⁿnaa' Fidié[~] eám[^] calí[^]guií[~] cóo[~] jnea[~], jo cajméer[^] e nicajáng[^] 'ñiá[^] a fi[~] jaguór[^] jogui e nijmi[^]neáan[^]nre cajo e ngocáng[^] dsii⁻ uí[~] e cøøng[^] see⁻naa' cóo[~] Dsea[^] Jmáang⁻.

15 Dsaco' dseáng' e jáb' e júu' la, jogui dseáng' la guím' 'né' nilí' já' líng' jaléng' dseá' e júu' la cajo; Fí'naa' Dseá' Jmáang' cajár' fí' jmigüí' la e laco' nileáiñ' jaléng' dseá' røøng' dsee', jo lajee' lajaléng' dseá' røøng' dsee', jnea'bing' i eáang'gui líng' lajo. 16 Jo uí' e lajob' lí', joba' Fidiée' eáam' calí' fí' líiñ' jnea'; jo cajméer' lajo e laco' Fí'naa' Dseá' Jmáang' cajmijnéeiñ' fí' quini' jaléng' dseá' jiéng' jial tí' e féng' dsíir' uii' quie' e. Jo cajméer' lajo cóo' jnea' e laco' cuø' lí' quia' jaléng' dseá' i nabi' nijáng' yaang' fí' jaguó' dseá' do, jo lajoba' niliseeiñ' cøøng' cóo' Fidiée' lata'. 17 Joba' majmi'goo'naa' Fidiée' jogui majmiféng'naa're cajo, co' íb' Fidiée' i quia' ta' fí' la'úng' fí' jmigüí' lata', jogui íb' cajo i ja' cuøøng' lí' júung' jogui ja' quí' jmi' fa' e nineeng'naa're, jogui jíi' íb' Fidiée' i já'! Jo lajob' lí'.

18-19 Joba' fí' guí' 'nå', Timoteo, 'nå' i lin' lafa' jóo'o, lí' laco'gui jíi' júu' e nicafé' jaléng' dseá' quia' Dseá' Jmáang' lami' jéng'gui uii' quí', e la'eáang' cóo' e júu' jo nijmi'úun' e nijméé' røø' lajíi' ta' e nicang'ín'. Jo jméé' e ta' jo la'eáang' e nisín' teá' fí' guiá' cóo' Dseá' Jmáang' jogui e nitíin' guí' e guiá' e catíin' e nijme'. Dsu' i líng'gui dseá' niñi'bre jalé' e guiá' e 'né' jmér' dsu' ja' cajméer' lajo, joba' ja' té'r' e teáaiñ' teá' fí' guiá' cóo' Dseá' Jmáang'. 20 Jo lajob' nicalí' cóo' gáng' dseañu', jaang' i sii' Himeneo jogui jaang'gui i sii' Jaang', jo nicajáan' n i dseá' la fí' jaguó' fii' i 'líng' e laco' nijmitíiñ' e ja' cår' júu' ga' uii' quia' Fidiée'.

2

Jial 'né' nimí' dseá' Fidiée' uii' quia' dseá' rúíñ'

1 Jo e laba' la guíng' e liúun' n jaléng' dseá' rú'naa', e mi' féiñ' Fidiée', 'né' mír' jmi'ee' uii' quia' jaléng' dseá' rúíñ' e laco' sea' jalé' e 'néiñ', jogui e cuø'r' gui'máang' Fidiée' cóo' jalé' e jmóo' dseá' do. 2 Jogui 'né' bi' mí'r' Fidiée' cajo uii' quia' jaléng' dseá' cøøng' i quia' ta' cóo'gui quia' lí' doñi' i dseata' cajo, e laco' cuøøng' e nilisee'naa' juguiá' júu' røø' e ja' jmoo'naa' ta' jéng', jogui e jmi'goo'naa' Fidiée' e ngocáng' dsí'naa', jogui e see'naa' e jmoo'naa' jmang' e guiá'. 3 Co' e joba' guiá', jogui cajo lajoba' e íaang' dsí' Fidiée' i caleáang' jneaa'aa' jee' jalé' dsee' quí'ii', 4 co' Fidiée' iñ' e lajím' dseá' nileáiñ' jee' dsee' quia'r', jogui iñ' e niliñi' dseá' lajíi' júu' quia'r' e catíng' Dseá' Jmáang'. 5 Dsaco' jo' seeng'gui Fidiée' i fíng'gui, co' jaam' Fidiée' i seeng'; jogui ja' seeng' fíng' i quí' jmi' i í' uii' quia' dseá' jmigüí' fí' quini' Fidiée', co' jíi' Dseá' Jmáam'bing' i quí' jmi' jmé' lajo. 6 Jo íb' dseá' i cajáng' 'ñia' car' cajúíñ' e laco' niquír' cuaiñ' quia' jalé' dsee' quia' jaléng' dseá' jmigüí', jo jalé' e jo cajmijnéem' Fidiée' mi' catí' í' lajo. 7 Jo uí' e joba' e ca'náang' Fidiée' jnea' e lín'n jaang' dseá' apóo' i quie' júu' quia' Dseá' Jmáang' jogui i ni' júu' quia' dseá' do. Jo casíiñ' jnea' e laco' ni'ée' e jaléng' dseá' i ja' líng' dseá' Israel e júu' sea' contøøng' e catíng' Dseá' Jmáang' jogui jial' nijáng' yaaiñ' fí' jaguó' Fidiée' cajo. Jo dseáng' já' e júu' e cafa' a na, co' ja' jmigóo'o.

8 Jo lajoba' iing' jnea' e jaléng' dseá' güijmifém'bre Fidiée' fí' doñi' jíe' fí' lí' seeiñ' e í' dsíir' jmang' e guiá' jogui e o' guíiñ' o'gui e jíiñ' cajo. 9 Jogui lajobi' iing' jnea' cajo e jaléng' dseamí' güiquí'bre sí'r' laco' catíng', jogui e ja' 'né' fa' e cår' 'mi' e 'goo' e toø' jalé' e 'mo', o'gui 'né' fa' e nijmi'iing' 'ñia'r' e nijmér' e jlo'gui jñuguir' o'gui 'né' e cår' jalé' ní' e 'mo' eáang' lafa' cunée' osi' cuu' e 'mo' eáang' o'gui sí'r' e 'mo' eáang' cajo. 10 Jo dsu' ja' 'né' jmér' lajo, co' lí' lí' 'né' e jmér' jmang' e guiáb' laco' catíng' e jmóo' jaléng' dseamí' i dseáng' nijáng' yaang' fí' jaguó' Fidiée'. 11 Jo lajaléng' dseamí' 'né' e nú-bre lajalé' e e' dseá' quia' Dseá' Jmáang' e ja' séer' teá' jíi' cóo', jogui cajo 'né' e núu'bre lajíi' e ta' e sí' e nijmitir'. 12 Jo o'gui jnea' cuøø' fí' e jaléng' dseamí' ni'é' fí' lí' siseáng' dseá' o'gui e nisór' yá'gui laco' dseañu', co' iing' jnea' e tiib' nijér' mi' nití' lí' siseáng' dseá' quia' e nijmiféiñ' Fidiée'. 13 Dsaco' cuøøng' Adámbing' i cajméaang' Fidiée', joguiba' cajméaaiñ' i dseamí' i sii' Eva do. 14 Jogui o' Adán i caligøng', co' i dseamí'

i sii`Eva do, íb`i caligóng` quiá`- fii` i`ling`^ do ie` jo, jogui mi` caligóin` quiá`- i`ling`^ do, job mi` ca`uíng`- dsee`- fi` jmi`güi` la. ¹⁵ Dsa` nileám` jaléng` dseam` jee` dsee` quiá`r` song nijmitir` lajii`~ e jmóo` jaang` niquiá`^ dsea`, jogui song e ngocáng` dsíir` nijáng` yaaiñ` fi` jaguó` Dsea` Jmáang`- e ja` litúng`- dsíir` jogui song nijmi`neaiñ` jaléng` dsea` rúin`, jogui cajo song seein` laco` catúng`- e jmóo` dsea` i` cúing` Dsea` Jmáang`-.

3

Jial`né`- lúng` dsea` i` quie` nifi` quiá`- dsea` quiá`- Dsea` Jmáang`-

¹ Jo lajob fii` guí` nua`, Timoteo, jo dseáng`- e jáb`- e júu` la: song jaang` dsea` iin` e nicár` nifi` quiá`- dsea` quiá`- Dsea` Jmáang`, joba` coo` ta` guiáb`- jøør`- e iin` nijmér`- jóng. ² Co` i` dsea` i` quie` nifi` do` né`- jmér`- jmang`- e guiáb`- e laco` ja` cuøøng` e nicuó`- dsea` dsee`- ír`. Jogui ja` 'né`- e seeng` fíng` dseam` quiá`r`, jogui 'né`- e ia` dsíir` coo`~ jalé` ta` quiá`r`- jogui e guing` dsíir` coo`~ jalé` ta` e nijmér`, jogui 'né`- e nijmi`gó` dsea` ír`. Jogui 'né`- e sitíin` e cuó`r`- lí` doñi` i` dsea` e nidóin`- jogui lí` nijéin`- mi` i` guilíng`- fi` quiá`r`-; jogui eáang` 'né`- tiiñ` e e`r` jaléng` dsea` cajo; ³ jo ja` cuøøng` fa` e líin` jaang` dsea` íng` o`gui e jmóor` ta` túng` coo`~ dsea` rúin`, co` 'né`- e líin` jaang` dsea` i` jmicoo`~ dsea` rúng`, jogui e ja` 'nóor` mii`~; jogui 'né`- e líin` jaang` dsea` i` ja` dsináang` cuu`- cajo. ⁴ Jo i` dsea` í` 'né`- e tím`bre quiá`r` ta` sinúu` quiá`r`, jogui 'né`- e quiá`r` ta` røø` jaléng` joor` e laco` nijmitiñ`- røø` jalé` ta` huí`; ⁵ dsaco` song jaang` dseañu` ja` tiiñ` quiá`r` ta` røø` sinúu` quiá`r`, joba` çjial nili`r` e niquiá`r` ta` jaléng` dsea` quiá`- Dsea` Jmáang`- jóng? ⁶ Jo lajob líi`, co` i` dsea` i` quie` nifi` do ja` cuøøng` e líin` jaang` dsea` i` tá` caquí`- cajíng` 'ñia` e ca`uíin` dsea` quiá`- Dsea` Jmáang`, co` jial fíng` cabíng`- Fidié`- ír` uíi`- e cajmijlóng`^ 'ñia`r` lí` laco` calí`- coo`~ fii` i` 'ling`^ malii`gui eáang`. ⁷ Jogui 'né`- e líin` jaang` dsea` i` catúng`- e nijmi`gó` i` dsea` i` ja` lúng` dsea` quiá`- Dsea` Jmáang`- do ír`, jo lajoba` ja` nicuó`- dsea` dsee`- ír` o`gui nijmigøøng` fii` i` 'ling`^ ír` cajo.

Jial`né`- lúng` jaléng` i` dsea` i` néé` ni` jaléng` dsea` quiá`- Dsea` Jmáang`-

⁸ Jogui lana iin`n fá`a quiá`- jaléng` dsea` i` jmóo` ta` néé` ni` jaléng` dsea` quiá`- Dsea` Jmáang`. Jo jaléng` í` 'né`- líin` dseañu` i` guiúng`- i` jmi`gó` dsea` quiá`, jogui 'né`- e quier` jmang`^ júu` e já`, jogui ja` cuøøng` fa` e nijmér`- ta` í` o`gui e jmér`- ta` jmi`gøøng` dsea` cajo e laco` nili`r` cuu`. ⁹ Jogui 'né`- e dseáng`- e jáb`- líin` car` ngocáng` dsíir` e júu` quiá`- Dsea` Jmáang`- e já`- línaa` do, jogui 'né`- ñi`bre jnang` e guiá`- e nijmér`. ¹⁰ Dsa` la`uii`- jang`- 'né`- ñiñ` coo` ta` jia`b e fi` lí` seáng` dsea`, jo song guiá`- nijmér`- e ta` jo, jogui ba` nicuøøng` e niliñ`- dsea` i` néé` ni` dsea` quiá`- Dsea` Jmáang`. ¹¹ Jogui lajobi` jaléng` dseam` quiá`- jaléng` i` dseañu` i` néé` ni` jaléng` dsea` quiá`- Dsea` Jmáang`- 'né`- e líin` dseam` i` catúng`- e nijmi`gó` dsea` ír`, jogui 'né`- e ja` quier` jalé` adsee`, jogui dseáng`- eáang` 'né`- e ia` dsíir` coo`~ jalé` ta` jmóor`, jogui 'né`- e éer` laco` catúng`- coo`~ jalé` e jo. ¹² Jo i` dseañu` i` néé` ni` do ja` cuøøng` fa` e seeng` fíng` dseam` quiá`r`, jogui 'né`- e tiiñ` quiá`r` ta` røø` jaléng` joor` coo`~ gui jaléng` dsea` sinúu` quiá`r` i` caguaang`-gui. ¹³ Dsaco` mi` jmóo` jaléng` i` dsea` i` néé` ni` do røø` jalé` ta` quiá`r`, joba` lí`bre e jmi`gó` jaléng` dsea` ír` jogui e eáang`gui líta` dsíir` e teáaiñ`- teá` fi` guiá`- coo`~ Dsea` Jmáang`-.

Júu` laniing`- e caliñi` dsea` quiá`- Dsea` Jmáang`-

¹⁴ Jo eáam` iin`n e ninii` i` fi` na lajee` lajmináb`- e nimáang`- túu` nua` calé` catú`-; dsa` lana jmo`o e jii` la, ¹⁵ dsaco` song cacøøng`- guí` e ja` mí` guiéé` e fi` na, joba` niñi`ba` jial`né`- eé` jaléng` dsea` quiá`- Dsea` Jmáang`- i` líng` laco` dsea` sinúu` quiá`- Fidiéé` i` jí` jogui i` seeng` contøøng`- do. Jo jaléng` i` dsea` í`bing` i` se` teá` jogui e jmi`ó`r` lajii`~ e júu` já`- e cajmée` Fidiéé` la`eáang` coo`~ Dsea` Jmáang`-. ¹⁶ Jo dseáng`- eáam` laniing`- 'gøng` jalé` e júu` jo e ja` cajmijnéeng` Fidiéé` lami`- jéeng`gui do. Jo lalab` líi` e júu` jo: Dsea` Jmáang`- cajmijnéiñ` 'ñia`r` fi` jmi`güi` la e líin` jaang` dsea` la` jneaa`~aa`,

jō e Jmiguî quiá' Fidiéé do

cuø li e Dsea` Jmáang` líiñ` jaang` dsea` i ja` røøng` dsee` jii` coø`.

Jō cangám` jaléng` ángeles ír`.

Jō eáang` cani'` júu` quiá'r` fí la'úng` fí jmigüí,

jōgui i fíim` eáang` já'` calíng` júu` quiá'r`,

jō cangám'` tūr fí ñifí` calé` catú`.

4

Jial lí' cóø` jaléng` dsea` i tá` e teáaiñ` fí guiá` cóø` Dsea` Jmáang`

¹ Jō dseáng'` lí' laco'` fé' Jmiguî quiá' Fidiéé e mi` tí lí` jaquiéeng` e ni'íng` jmigüí, jō ie` jō niliseeng` i líng` dsea` i nitú e teáaiñ` fí guiá` cóø` Dsea` Jmáang`, co' nijmér` núu'r` lajii` júu` e ni'é` jalé` guí` lí' e jmigóo; jō jalé` e nijmigóo` do jáa` quiá'` jaléng` i líim'`. ² Jō jaléng` i dsea` i e' jalé` e júu` jō líiñ` dsea` i jmicaang` jōgui i adsee` cajo, jō lajii` e í dsír` do ja` quíi'` jmü` e niliñir` su guiá` osi ja` dseeng` é, co' contøøm` jmóor` jalé` e ja` dseeng` e coøb` mi` jáb'` niliñ` e guiáb` jalé` e jmóor` do. ³ Jō jaléng` i dsea` lala quiu'r` ta` e ja` cuøøng` nicúng` dsea` guóor` o'gui cuøøng` e nidó'` dsea` lí' doñí` ee` jmiñi`; dsu' Fidiéé`bing'` i cuø'` fí jaléng` dsea` i nilíng` dsea` quiá'r` i nicuíi` jalé` júu` já'` quiá'r` cajo e cuøøm` dóiñ'` do doñí` ee` jmiñi`, lifa'` né` e niñiñ` gui'máam` quiá'` jalé` e jō. ⁴ Dsaco'` guiáb` laji` e cajmée` Fidiéé` fí jmigüí la, jōba'` ja` cuøøng` fa' e nifé'`naa' e ja` dseeng` song ni'íng'`naa' jalé` e jō e cuøø`naa' gui'máang` Fidiéé`. ⁵ Co' la'eáang` cóø'` e júu` quiá'` Fidiéé` e fé` dsea` mi` féiñ'` dsea` do, ligüeam'` jalé` e jō.

Jial líng` jaang` dsea` i jmóo` lajii` e iing` Dsea` Jmáang`

⁶ Jō song ni'é` jaléng` dsea` quiá'` Dsea` Jmáang` e júu` la, jōgui eáam` tí o' e jmitím`bi' e júu` quiá'` e teáang` dsea` teá` cóø'` Dsea` Jmáang` jōgui jalé` e júu` jlo'` e nicañí'` jmitiin', jōba'` ni'uúin'` jóng jaang` dsea` i jmóo` guiá` lajii` e iing` Dsea` Jmáang`. ⁷ Jō dsu'` nu'` né` jmée'` e ja` já'` líin'` jalé'` júu` e ja` e uiing` sea` lí' laco'`gui la fé'` i líng` dsea` áang` qui`naa'; co' lí' né` e nijmi'`úun'` e jmi'`goo`bi' Fidiéé` car` ngocáng` o' cóø'` jalé` e jmoo'` jōgui cóø'` jalé` e fó', co' e lajōba' e íng` ta` quíi'`. ⁸ Jō íim`jiu` ta` quiá'` dsea` mi` jmóor` e cuø'r'` bí ngúu` táaiñ`, jō dsu'` eáang`gui íng` ta` fíng e jmi'`gó` dsea` Fidiéé` car` ngocáng` dsír', dsaco'` e jō eáam` íng` ta` quiá'r` fí jmigüí la jōgui fí jmigüí coø` cajo. ⁹ Jō lajalé'` e fá'a na dseáng'` lajam'`ba' e já'`, jōba'` lajiiim` dsea` 'né` e jáb'` niliñ` e júu` jō cajo. ¹⁰ Jō uiing` e lajōba' e cuø'` bí yee`naa' jōgui eáam` íng'`naa' iihuí`jee` e ta` la, co' nita` dsí'naa' cóø'` i Fidiéé` i jí'` do e íbing'` i láang` dsea` jee` dsee` quiá'r`, lifa'` eáang`gui jee` jaléng` dsea` i já'` líng` júu` quiá'` Dsea` Jmáang`.

¹¹ Jō lajalé'` e júu` la 'né` fí'` jaléng` dsea` jōgui 'né` é`re cajo. ¹² Jō jie` mí cuø'` fí uø'` fa' e nijmé` dsea` e ja` já'` líiñ` júu` quiá'` dsu'` uíi'` e simim'`bi' laco'`gui yaaiñ`. Co' lí' né` e nisín'` nifí`jee` jaléng` dsea` quiá'` Dsea` Jmáang` cóø'` lajalé'` e fó'` jōgui cóø'` lajalé'` e jmoo'` jōgui cóø'` jial`neáan'` dsea` rún'. Jōgui 'né` e sin'` teá' fí guiá` cóø'` Dsea` Jmáang` jōgui e jmée'` jmang'` e guiá` e laco'` ja` ni'ee'` dsee`. ¹³ Jō lajee` e ja` mí guiéé` fí na, cuøø'` bí uø'` e ni'í'` jalé'` júu` quiá'` Fidiéé` fí lí' seáng'` dsea`, jōgui cuøø'`gui bí jaléng` i dsea` í cóø'` e júu` jō, jōgui ée'`guir cajo. ¹⁴ Jōgui jmée'` ta` røø` lajii` e tñn'` ngán'` e cacuø'` Fidiéé` 'nu` mi` caquidsí` jaléng` yúu'` dsea` cóøng'` quiá'` dsea` quiá'` Dsea` Jmáang` guóor` fí moguí'` jō lajee` jō fé'r` júu` quiá'` dsea` do.

¹⁵ Jōgui quie` cuente røø` cóø'` jalé'` e na, jō lajōba' cuøøng` e niliñí` dsea` jiéng` jial jmícuáan'` e sin'` teá` cóø'` júu` quiá'` Dsea` Jmáang`. ¹⁶ Jō tñng` cóø'` lajalé'` e jmoo'` jōgui cóø'` lajalé'` e e'` dsea` jiéng` cajo, jōgui ja` jmitúng` o' e sin'` teá` cóø'` júu` quiá'` Dsea` Jmáang`. Jō song jmití'`ba' lajalé'` e júu` na, jōba'` Fidiéé` nileáng` 'nu` jee` jalé'` dsee` quíi'`, jōgui lajōb`nijmér` cajo cóø'` jaléng` dsea` i núu` jōgui núu'` júu` quíi'`.

5

Jial 'né-ée`dsea`còq` dsea`quíá`-Dsea`Jmáang`

¹ Jo fñ-guñ 'nu, Timoteo, jie` mí` jmoo` e jín`- jaléng` dsea` còong`~, cò` lí` lí` 'né` e cuó`re bí` còq`~ júu` røø` lafa` mí` sñn`~ còq`~ tiquí`ba'. Jogui` 'né` sñn`~ røø` còq`~ jaléng` siming` e lafa` sñn`~ còq`~ rún` dsea` ngáang`~ còq`~ba'. ² Jogui` 'né` jmi`goo` jaléng` dseam` ì` nidseáng` lafa` niquí`ba', jogui` cajo` 'né` jmi`goo` jaléng` sim` e lafa` rúm`ba' jo` ja` cuóong` e í` a` e ga` còq`r`.

³ Jogui` cajo` jmi`goo` jaléng` dseam` 'nñ` ì` ja` seeng` ì` nijmicòq`~ quiá`r` còq`~ jalé` e 'nér`. ⁴ Jo` song` ì` dseam` 'nñ` do` seeng` jóor` osi` guieer` é, joba` í`bing` ì` catíng` ì` 'né` nijmé` í` ír` e laco` nijmitíiñ` do` la`uui` jial` e 'né` nijmicòq`r` jaléng` dsea` sinúu` quiá`r` jogui` jial` e nijmér` lí` laco` cato` fñng` sejmiir` ír`, dsuco` lajoba` e guiú` jogui` cajo` lajoba` e iáang` dsí` Fidiée`. ⁵ Jo` ì` dseam` ì` dseáng`- já` ì` 'nñng` ì` ja` ì` seeng` ì` nijmé` í` ír`, dsu` nitab` dsír` e Fidiée`bing` ì` nijmé` í` ír` contøong`, joba` yejib` féiñ` dsea` do` jogui` uøø` jmáb` mí`r` dsea` do` jmi`ee` e nijmicòq`reiñ`. ⁶ Dsu` ì` dseam` 'nñ` ì` suung` lajmang`- e jlo` e sea` fí` jmigüi` la` líiñ` lafa` ni`liim`bre` còq`~ jalé` e lí` dsír` do. ⁷ Jo` fñ-guñ 'nu, Timoteo, íi` 'goo` còq`~ jaléng` dsea` quiá`- Dsea` Jmáang` e júu` e nicafá`-a` na` e laco` ja` cuóong` nicuó`- dsea` dsee` ír`. ⁸ Jo` song` ìi` dsea` ja` guing` dsír` fa` e nijmicòq`r` dsea` rúin` lí` la` quie` cartí` dsea` sinúu` quiá`r` ja` iin` fa` e nijmér` lajo, joba` ì` dsea` í` nicatú`bre` lajii` e siñ` teá` fí` guiú` còq`~ Dsea` Jmáang`, jo` dseáng`- ga`guib` lí` quiá`r` laco`gui` jaang` dsea` ì` ja` mí` já`- líng` júu` quiá`- dsea` do.

⁹ Jo` lajii`~ dseam` 'nñ` ì` nitaang` fí` ni` jì` quiá`- e nilicòq`r` còq`~ jalé` e 'nér` 'né` e ngolíiñ` lí`gui` laco` sesenta` jii` jogui` e jaam` dseañu` quiá`r` caliséng` lajee` cateáaiñ` fí` jmigüi` la. ¹⁰ Jo` ì` dseam` 'nñ` do` 'né` e ñib` dsea` e líiñ` jaang` dsea` ì` guiúng` còq`~ jalé` e guiú` e nicajméer`; lafa` song` nicato` fñiñ` røø` jaléng` jóor`, jogui` song` nica`éer` e guiú` còq`~ jaléng` dsea` ì` guiling` fí` quiá`r`, jogui` song` nicaru`r` tíi` jaléng` dsea` quiá`- Dsea` Jmáang`, jogui` song` nicajmicòq`r` jaléng` dsea` ì` nica`íng` iihuí`, lí` lajee` laji` e guiú` e nicacuó` bí` 'ñia`r` e nicajméer`.

¹¹ Jogui` ja` 'né` fa` e nitáang` fí` ni` jì` do` jaléng` ì` dseam` 'nñ` ì` ja` mí` ngolíng` sesenta` jii` e laco` nilicòq`r` còq`~ jalé` e 'nér`; dsuco` còob` mí` nili`iñ` e nidsihuíiñ` còq`~ júu` quiá`- Dsea` Jmáang`, jo` iin` e nicúm`tur` guóor` calé` catú`, ¹² joba` dseeb` nilisea` quiá`r` jóng` quiá`- e ja` nijmitir` lajii` e si` í` e catíiñ` e nijmér`. ¹³ Jogui` cajo` jmóor` ta` ngí` la` gui` 'núu` e o` e ta`, jo` lajoba` e uíng` e lífiñ`; jogui` o` jii` e lífiñ` do` cajo, cò` ngír` ta` quie` adsee` lí` doñí` lacaang` jie` lí` ja` catíiñ`, jogui` fé`r` jalé` júu` e ja` catíng`- nijmér` lajo. ¹⁴ Joba` iing` jnea` e nicúm`tu` guoo` calé` catú` jaléng` dseam` 'nñ` ì` bí`bi` dsí`, jogui` e niliseeng` jóor`, jogui` e niquí`-bre` ta` røø` sinúu` quiá`r`, jo` lajoba` jii` jaang` dsea` cuóong` nicuó`-reiñ` dsee`. ¹⁵ Dsucu` seem` ì` líng` dseam` 'nñ` ì` nica`naam` yaang` fí` guiú` còq`~ Dsea` Jmáang` jo` nicanaaiñ` e síng` yaaiñ` fí` ga` còq`~ fii` ì` líng`.

¹⁶ Jo` jaléng` dsea` quiá`- Dsea` Jmáang` ì` seeng` dseam` 'nñ` jee` dsea` sinúu` quiá`r`, güijmée`breiñ` í`, jo` lajoba` ja` 'né` e nicá` ì` dsea` quiá`- Dsea` Jmáang` ì` caguiaang`-gui` do` ta` e nijmicòq`~reiñ` còq`~ jalé` e 'néiñ`.

¹⁷ Jogui` jaléng` dsea` còong` ì` quiu` ta` røø` jee` jaléng` dsea` quiá`- Dsea` Jmáang` 'né` e niquib` e 'léeiñ` laco` catíng`, dsu` eáang`gui` guíng` 'né` lí` lajo` còq`~ jaléng` dsea` ì` jmóo` ta` guiá` jogui` ta` e júu` quiá`- Fidiée`. ¹⁸ Dsucu` lalab` fé` fí` ni` jì` quiá`- Fidiée`: "Ja` jñí` mo`oo` jó` núu` qui`- lajee` e ø`re` cui`iee`." Jogui` fé`gui` cajo: "Jaang` dsea` ì` jmóo` ta` dseáng`- 'né` quib` e 'léeiñ` laco` catíng`."

¹⁹ Jogui` ja` jmijii` cajo` fíng` song` jmóo` dsea` dsee` quiá`- jaang` lajee` ì` dsea` còong` ì` quie` nífi` quiá`- dsea` quiá`- Dsea` Jmáang` song` ja` mí` caguilíng`-gáng`-gaang` dsea` jíéng` ì` tí` ní` ì` nija`- júu` røø` cuaiñ` quiá`- jalé` e jo.

²⁰ Jogui jaléng' dsea` quiá'- Dsea` Jmáang- i ja` quiá' dsí' e jmóo`bir jalé' e 'li'^, joba' 'né- fí'^re fí' quini` jaléng' dsea` quiá'- Dsea` Jmáang- e ja` dseeng` jalé' e jmóor` do, jo lajoba' ni'í- 'gó' quiá'- i caguaang-gui i iing` jmé- lajo.

²¹ Joba' fíi-guú' 'nu', Timoteo, jalé' e júu^ la fí' quini` Fidiéé` quí-ii' jogui fí' quini` Dsea` Jmáang- cóo`gui fí' quini` jaléng' ángeles, e dseáng'- 'néb- e contøøm- tóo` o' jalé' e júu^ e nicafíi- i 'nu' la, jo ja` jmo' cuente jalé' e fé' dsea, jo cóo` gui'náb'^ 'né- i'^ í'. ²² Jogui jie~ mí' quidsi' guóo' fí' mogui` jii~ jaang` dsea` lajminá- e ja` mí' ca'íi' o' røø, jo lajoba' ja` niquin'^ jee~ dsee- quiá'- i dsea' í, jogui jmi'úun' e ja` nitén' fí' ni~ dsee-.

²³ Jo fíi-guú' 'nu', Timoteo, e mi~ ja` 'goo` dseeng` tu' jo ja` u'^ layaang` jmi~, co' guiá-gui ni'u'^ capi'^ jmi'^ mí'^ huíng` jó'^ e nicó'.

²⁴ Jo seab` dsee- quiá'- i líng` dsea` e dsifib' líni' dsea` nú'-gui e nití- fí' lí~ nitidsí' í' quiá'r-, dsu' sea`bi dsee- cajo e ja` líni' dsea` cartí' mi~ niguiéé- i dsea` i óo` dsee- do fí' quini` dseata-. ²⁵ Jo lajob lí' cóo` jalé' e guiá- e cajméé` dsea, sea`ba' e dsifib' lílír^, jo sea`bi cajo e ja` nilílír^ dsifí' jo cøøng`gui nilílír^, dsuco' ja` cuøøng` fa' lí'^ nijé- lajo e si'maang`.

6

¹ Jogui jaléng' dsea` quiá'- Dsea` Jmáang- i jmóo` ta~ quiá'- dsea` 'né- e eáam' nijmi'gór' fíir~ e lí~ jmóor` ta~ do, jo lajoba' ja` ni'uíng- e nífé' dsea` ga` uii~ quiá'- Fidiéé` jogui uii~ quiá'- júu^ quiá'r- cajo. ² Jogui song i líng` dsea` quiá'- Dsea` Jmáang- i jmóo` ta~ quiá'- dsea` do seeng` fíir~ i líng` dsea` quiá'- Dsea` Jmáang- cajo, jo jie~ mí' tár' e jmi'gó'reiñ', dsuco' røøb` teáaiñ- fí' guiá- cóo` Dsea` Jmáang-. Co' lí'^ lí' 'né- e nijmitir~ røø`gui jalé' ta~ quiá' i fíir~ do, dsuco' dsea` quiá'- Dsea` Jmáang- i 'neáang` rúng' líng` i dsea` i íng' e ta~ e jmóo` i dsea` i jmóo` ta~ quiá'r- do. Joba' fíi-guú' 'nu', Timoteo, ée'~gui dsea` jalé' e júu^ na jogui síi~guir cajo e güjmiti~bre lajii~ e júu^ jo.

Jial lí' mi~ dsináang` dsea` cuu-

³ Jo song seeng` i e' júu^ e jie'gui e ja` cøøng` røø` cóo` jalé' júu^ e ca'e' Dsea` Jmáang- jogui cóo` jalé' júu^ quiá'- jial niliseeng` dsea` cøøng` cóo` Fidiéé', ⁴ joba' i dsea` í líiñ' jaang` i jløm'^ i ja` e tíng` jii~ cóo`. Co' dseá' lafa' jmohuí' quiá'r- e jmóor` ta~ tíng` júu^ quiá'r- e ja` cuø'r júu^ rúñ' cóo` lí~ doñí' e sáiñ'; jo fí' job lí~ uíng- jalé' dsihuí' jogui e ja` seeiñ` røø` jogui e jmiguiñ- dsea` rúñ' jogui e ja` sea` júu^ ta~ dsí' quiá'- rúñ', ⁵ jogui jmóor` ta~ tíng` e ja` guiéng- jee~ jaléng' dsea` rúñ', co' jmang'- jalé' e 'lí'^ba' í' dsír', jogui ja` cuír' lajii~ júu^ sea` contøøng- e catíng- Dsea` Jmáang-, jo jmáiñ' ta~ e júu^ jo e laco' nilír' cuu-. Jo jie~ mí' jmoo' e niquin'^ jee~ jaléng' i dsea` í. ⁶ Jo e jáb'- dseáng'- lajob lí', co' eáam' jlo'^ jogui eáam' quíng` cajo e júu^ quiá'- Fidiéé` quiá'- jial niliseeng` dsea` cøøng` cóo'r~, dsu' lí' lajo jii~ quiá'- jaléng' dsea` i jmi'íáang` dsí' cóo` jii~ e sea` quiá'-bre. ⁷ Dsuco' jii~ cóo` ja` ee' mí' sea` quí'naa' mi~ caliséng'naa' fí' jmigüí' la, jogui jii~ cóo` ja` e cuøøng` lí' lé'naa' fí' jmigüí' la mi~ nidseá'^naa' fí' jmigüí' cóo`; ⁸ jogui song seab` jalé' e quíee~naa' jogui jalé' sí'^naa', joba' cóo` jii~ e job 'né- e nijmi'íáang` dsí'naa'. ⁹ Jo dsu' jaléng' dsea` i eáang` iing` jmeáng' yaang~ e nilisea` cuu- quiá'r-, ja` té'r' e iíñ~ nijmér- jalé' e ja` dseeng` e laco' nilír' e cuu- do. Jo job lí~ uíng^ e nisi' fí' ga` quiá'r- e nijmér- jalé' e ja` uíng~ sea` jogui eáang` 'léé' quiá'r- cajo. Jo mí' jmóo` dsea` jalé' e jo, job lí~ uíng^ e íng- quiá'- dsea` jogui e nidsilíiñ' fí' lí~ 'lí'^ mi~ nití- oor~ quiá'r-. ¹⁰ Dsuco' mi~ dseáng'- eáang` dsináang` dsea` cuu-, job lí~ uíng~ quiá'r- e iíñ~ nijmér- jalé' e 'lí'^; jogui i líng` dsea` nicatúbre e teáaiñ- fí' guiá- cóo` Dsea` Jmáang- dsu' uíi' e jmóor` lajo, joba' lana eáam' ja` juguiá- niseeiñ'.

Júu^ laniing` quiá'- Paa- e casí'r- Timoteo

¹¹ Jo fíi-guú' 'nu', Timoteo, 'nu' i líng` dsea` quiá'- Fidiéé', jmihuíng^ uø' quiá'- jalé' e 'lí'^ na. Jo güiliseem`ba' fí' jmigüí' la e ee'~ jmang'- e guiá-, jogui contøøm- 'né- guíng~

o' e jme' jii' e iaang` dsii' Fidié' jogui e sin' teá' cóo' júu' quíá'r- jogui e jmi'neáan' dsea' rún' jogui e féng' o' cóo' jalé' iihuú' e íin' jogui e ja' jmi'jløng' uø' cóo' dsea' rún'.
 12 Jogui cuøø' bí uø' e contøøng- sín' teá' fí' guiá' cóo' Dsea' Jmáang-; jogui jie' mí' tiun' jalé' e júu' na, joba' nitin' fí' lí' guiá' mí' nijúun', dsuco' uuing' e lajoba' e catø' Fidié' 'na, jogui uuing' e joba' cajo cajmee' 'na' júu' fí' quini' fíing' dsea' e dseáng' e já' ba' e sin' teá' cóo' Dsea' Jmáang-. 13 Jogui lana fíi' guú' 'na, Timoteo, fí' quini' Fidié' i cuø' e jí' dsea' fí' jmi'güü' la, jogui cajo fí' quini' Dsea' Jmáang- i café' juguiá' quíá'- Fidié' fí' quini' Poncio Pilato, 14 joba' fíi' guú' 'na' e jméé' ba' náú' jalé' e ní' fí' 'na, jo ja' jmi'sín' jalé' e jo cóo' e jíé', jo lajoba' ja' e uuing' sea' e nijúun'. Jo jmee' bí' lajo cartí' mí' nití' í' e nigüéeng- tu Fíi' naa' Dsea' Jmáang- fí' jmi'güü' la. 15 Jo nijmé' Fidié' lajo mí' nití' e í' jo, dsuco' jii' íb' dsea' i güeang' jogui i néé' ní' lajalé' cóo' lajaléng' jogui i níing- gui eáang' jee' jaléng' dsea' mogui, jogui jii' íb' Fii' féng' quíá'- jaléng' dsea' quíá' ta' cajo. 16 Jogui jii' íb' i ja' tóo' jmi' e nijúuiñ', jogui contøøng- seeiñ' e guiiñ' lí' jlo' jneá' jí' e jii' jaang' dsea' jmi'güü' cuøøng' lí' dsiquiéeiñ' fí' jo, o'gui jii' jaang' dsea' mí' cangáaiñ' dsea' do o'gui lí'r' fa' e niníiñ' dsea' do cajo. Jo majmifém' baa're lata~, co' jii' íb' dsea' i 'gøng'! Jo lajob nilí.

17 Jo fíi' guú' 'na, Timoteo, e júu' la: Síi' jaléng' dsea' i eáang' sea' cuu' fí' jmi'güü' la e ja' güijmi'jløng' yaaiñ' e eáang' ta' dsíir' cóo' jalé' cuu' quíá'r-, dsuco' jalé' e jo seab' mí' ja' ee' quíing' jii' cóo'. Dsu' ja' 'né' jmér- lajo, co' lí' lí' 'né' jmér- e ta' dsíir' jii' cóo' Fidiéeb', co' jii' í'bing' dseáng' i cuø' jalé' e 'né' naa' quíá'- e see' naa' fí' jmi'güü' la. 18 Jo síi' jaléng' i dsea' sea' cuu' do e güijmíe' bre jman' jalé' e guiá', jogui e eáang' güijmicóo'r- jaléng' dsea' rúin', jogui e contøøng- guíing' dsíir' e nijmicóo'r- cóo' jalé' e sea' quíá'r- jaléng' dsea' i ja' sea' jalé' e 'né'. 19 Jogui song nijmicóo' i dsea' sea' cuu' do jaléng' dsea' rúin' cóo' jalé' e sea' quíá'r-, joba' sea' uuing' quíá'r- e nitíiñ' fí' lí' guiá' mí' nijúuiñ' e niliseeiñ' juguiá' júu' røø' lata~.

Júu' lí' cadséng- quíá'- Paa-

20 Jo fíi' guú' 'na, Timoteo, jie' mí' jmi'túng- o' lajii' ta' e níca' íin' quíá'- Fidié'. Jogui jie' mí' já' nuu' jalé' júu' 'lí' e ja' uuing' sea', o'gui e jméé' ta' jíing' cóo' jaléng' dsea' i jíng' e tiiñ' ngáin'. 21 Dsuco' i líing' dsea' i já' nícalíng- e júu' jmi'góo' do nícatá' bre e já' líiñ' júu' quíá'- Dsea' Jmáang-.

Jo mí' i Fíi' naa' Fidié' e ní' r- güea' quíá'r- fí' lí' seeng' na'. Jo lajob nilí.
 Jo lanab jii' fé' jí' la' uii' quíá'- Paa- e catíng- Timoteo.

Júu^ e toq̃ fí ni~ jì catî tú~ quiá'- Paa~ e catíng~ TIMOTEO

¹ Jnea~ Paa~, jo jaang` dsea` apóo^ ì jmóo` ta~ ni' júu^ quiá'- Dsea` Jmáang~ lín'n, co' lajob íaang` dsíí Fidiéé` cajméer` cóo'~ jnea~. Jo la'eáang` e niseen~ cøong` cóo'~ Fí'naa' Jesús, joba' Fidiéé` nicacuø'r` jnea~ e niliseen~ cøong` cóo'r` lata` lí' laco' lí' júu^ quiá'r~ e nicacuø' lamí` jéeng'gui. ² Jo jmo'`o e jì la e catíng~ 'nu, Timoteo, co' lin' lafa' jóo` ì eáang` iin~n. Jo mí'`i Tiquí'naa' Fidiéé` jogui Fí'naa' Dsea` Jmáang~ e ni'í'r` güea'` quiá'r~ fí lí' táan` jogui e nilí' fíi~ líiñ~ 'nu` jogui e nicuø'r` 'nu` e niliseen` juguiá~ júu^ røø`.

'Né` guiá~ dsea` júu^ e jalé` jmóo` Dsea` Jmáang~ cóo'r`

³ Jo lacoq̃` née'~ mí' fón'n Fidiéé`, dséng'` dsii~ 'nu, Timoteo, jo uøø` jmíib` cuøø-ø gui'máang'~ dsea` do uii~ quíí'-. Jo dseáng'~ lajii~ e iing~ Fidiéé` jmóo`o lí' laco'gui la cajmée` jaléng'` líi~ dsea` áang` quié~e, jo tab~ dsii~ e guiúb~ jmóo`o jalé' e ta~ jo fí quini~ Fidiéé`. ⁴ Jo tóob` dsii~ jial fí'í` calín'~ mí' ca'í'` júu^ rú'naa', joba' iim~baa máang'túu` 'nu` calé' catú~ e laco' nilí'íáang`tu dsii~. ⁵ Jo tóob` dsii~ cajo e dseáng'~ e lajam'`ba' teá' sin'` cóo'~ júu^ quiá'- Dsea` Jmáang~ e ngocáng` o'. Co' la'uii~ cajmée` lajo ì niyúng'` quíí'~ ì sii` Loida jogui niquíí'` ì sii` Eunice, jo tab~ dsii~ e lajob nilíng'` 'nu` cajo.

⁶ Joba' fíi~guíi` 'nu, Timoteo, jmeáang'`gui' ta~ lajii~ e quíi'~ jmíi~ e cangíng` quiá'- Fidiéé` mí' caquidsii~ guóo`o fí yú'` moguí'`. ⁷ Dsüco' Fidiéé` ja` cacuø'r` jneaa`aa', dsea` lí'naa' dsea` quiá'- Dsea` Jmáang~, Jmíguí' quiá'r~ e laco' nijmó'naa' 'gó'naa', co' cacuø'r` jneaa`aa' Jmíguí' quiá'r~ e 'gøng'` e laco' quíi'~naa' jmíi~ jogui e nijmi'neáang` rú'naa' jogui e lajang'~ í dsí'naa' røø` cóo'~ jalé' e jmoo~naa'. ⁸ Joba' ja` jmoo` e í' lín'~ e niguiá'` júu^ jalé' e cajmée` Fí'naa' Jesús, o'gui jmoo'` í' lín'~ uii~ quié~e cajo dsü' uíi'~ e sijññ'n fí dsíí' 'nañí' dsü' e guiaa~ júu^ quiá'- dsea` do. Dsü' lí' lí' 'né~ e guiab' o' e ni'ín'~ jalé' iihuí' lí' laco' la ín'~ jnea~ uíi'~ e guia'naa' júu^ quiá'- Dsea` Jmáang~ quiá'- jial laang` dsea` jee~ jalé' dsee~ quiá'r~. Jo Fidiéé`bing' ì jmicóo'~ 'nu` cóo'~ bí' quiá'r~ jee~ jalé' e dsingín'~ do. ⁹ Jo Fidiéé` dsea` ì caleáang` jneaa`aa' jee~ dsee~ quíi'~ jo nicatø'r~ jneaa`aa' e laco' dseáng'~ lajang'` ni'uíng'~naa' dsea` quiá'r~ ì jmóo` jmang'` e iin~. Jo lajii~ ná'gui e nitiroo` jmíguí'ba' e ca'í' dsíir' e nijmér~ lajo; dsü' ja` cajméer` lajo uíi'~ e nicajmó'oo' e guiá~, co' cajméer` lajo uíi'~ e lajob cali'íiñ~ jogui co' eám' guiúíñ~ cóo'~ jneaa`aa' la'eáang` cóo'~ Dsea` Jmáang~. ¹⁰ Jo lana Fidiéé` nicajmilir~ e eám' guiúíñ~ cóo'~ jneaa`aa', co' casíiñ` Dsea` Jmáang~ fí jmíguí' la e laco' nileáiñ~ jneaa`aa' jee~ jalé' dsee~ quíi'~ jogui e ca'íim~bre bí' quiá'- 'mó~ cajo. Jo la'eáang` cóo'~ e júu^ e quiá'- jial laang` dsea` jee~ jalé' dsee~ quiá'r~ do, cajmijnéeng` Fidiéé` jee~ jneaa`aa' jial e nilisee~naa' cøong` cóo'r~ lata~.

¹¹ Jo Fidiéé`bing' ì nica'náang~ jnea~ e laco' niguiaa~ jalé' e júu^ na, jogui e nicasíiñ` jnea~ e lín'n jaang` dsea` apóo^ jogui e lín'n jaang` tifa' ì e' jalé' e júu^ jo. ¹² Jo uiiing~ e joba' e dsingín~n iihuí' lana. Dsü' ja` jmóo`o í' lín'~n cuaiñ~ quiá'- jalé' e jo, dsüco' dseáng'~ lajam'~ nicuín'n Dsea` Jmáang~ jo fí jaguó`bre nicajáang'` 'ñiá'a. Jogui eám' nita~ dsii~ e quíi'~bre jmíi~ e ni'méiñ~ jalé' ta~ e nicangín'n quiá'r~ cartí' mí' nijáa'tur calé' catú~ fí jmíguí' la.

¹³ Jo fíi~guíi` 'nu, Timoteo, jmee~ e quie' nifí' quíí'~ jalé' e nica'ée~ e 'nu` lamí~ jéeng'gui e quiá'- jial teáang~ dsea` teá' cóo'~ júu^ quiá'- Dsea` Jmáang~ jogui jial jmi'neáang` dsea` rúíñ'. ¹⁴ Jogui la'eáang` cóo'~ Jmíguí' quiá'- Fidiéé` e seeng` jee~ jneaa`aa', jmee~ í' lajii~ e juguiá~ quiá'- Dsea` Jmáang~ e nicaguiar' fí jaguó'.

¹⁵ Jo niñíb` 'nu` guiá~ e jaléng'` dsea` quiá'- Dsea` Jmáang~ ì seeng` fí lí' se' Asia catiúum~bre jnea~; jo jee~ í' quíng'~ ì dsea` ì sii` Figelo cóo'~gui Hermógenes. ¹⁶ Jo mí'`i Fí'naa' Dsea` Jmáang~ e nilí' fí' líiñ~ jaléng'` dsea` sinúu^ quiá'- ì dseañu' ì sii` Onesíforo,

dsuco' jmiguiab' ya' cajmicóo'r~ jnea~, co' cajar~ e jajmiti'r~ dsii~, jogui ja` cajméer` i' lhiñ~ uíi'~ quié~ e dsu' uíi'~ e sijnán~ n. ¹⁷ Co' mi~ cagüéiñ~ fí' la fí' Roma, jo dsifí' lajob canaañ' 'náñ' jnea~ car` cadseñ' jnea~, jo ja` cajmi'iñ' jii'~ capí' lajee~ jo. ¹⁸ Joba' mii' i' Fidiée~ uii'~ quía'~ i' Onesíforo do e nilí' fí' líng~ neiñ' mi~ nití' jmii~ e nijáa'tu Dsea` Jmáang~ fí' jmiñ' la. Jo niñib^ 'nu' guiú~ e eáam' cajmicóo'~ i' dsea` do jneaa~aa' lajee~ cataang~naa' fí' Éfeso.

2

'Né~ e jmó'naa' té'baa' cóo'~ jalé' iihuí'

¹ Jo fii~guí' 'nu', Timoteo i' líng' lafa' jóo'o, teá' sin' uø' e fí' nisin' la'eáang' cóo'~ e bí' e nicangíin' quía'~ Dsea` Jmáang~. ² Jogui jalé' júu^ e canáa'~ e nicafá'~ jnea~ fí' quini' jaléng' dsea` fíng', joba' fii' i' 'nu' lana e ni'é' dsea` jiéng' e júu^ jo. Jo 'né~ jméé' lajo jii'~ cóo'~ dsea` i' ta~ o' cóo'~, lí' lajaléng' dsea` i' lí' quíi'~ jmii~ e ni'é'r~ jaléng' dsea` jiéng'.

³ Jogui jmee~ té' cóo'~ jalé' iihuí' e dsingíin' uíi'~ e lin' dsea' quía'~ Dsea` Jmáang~ lí' laco'gui la jmóo' jaang' 'léé~ té'r' cóo'~ jalé' e dsingíiñ~. ⁴ Dsuco' jii'~ jaang' 'léé~, e lajee~ e jmóor' ta~, catíng~ e nijmér~ náa'r~ lajii'~ ta' quíi'~ jaang' dsea` jiéng' i' ja' líng' fíir~, co' lajii'~ fii'bre 'né~ e nijmi'iaaiñ' dsíiñ'. ⁵ Jogui lajobi cajo, fa' jaang' dsea` cóo' bøø', ja' catíng~ e ni'iñ' lajii'~ e cal'r~ do fíng' song ja'gui cajmitir~ røø' laco'gui jii'~ e sí' e cóo' dsea'. ⁶ Jogui lajobi cajo, fa' jaang' dsea` jmóor' ta' jenuu, catíim~bre e ni'iñ' guíéé' quía'r~ la'uii' mi~ niró' jalé' e jnir'. ⁷ Joba' fii~guí' 'nu', Timoteo, í' o' røø' lajii'~ e júu^ e fii' i' 'nu' lana, jo lajoba' Fí'naa' Dsea` Jmáang~ nijmicóo'r~ 'nu' e ningán' røø' lajii'~ e júu^ na.

⁸ Jo contøng~ jmiñ' o' jalé' e cangongíng~ Dsea` Jmáang~, i' dsea` i' cají'tu la'uii' jee~ jaléng' 'líi~, jogui i' líng' dsea` siju~ dseata~ dsea' féng' Davi'; jo lanab jii'~ lí' júu^ e guia' jnea~ quía'~ jial laang' dsea' jee~ jalé' dsee~ quía'r~. ⁹ Jogui uíi'~ e guíaa~ júu^ laba' e íin' n' jalé' iihuí', jo jí'gui e 'núum' baa' iuun~ fí' dsíi' 'nañi' lafa' jaang' dsea` i' nica'léé'; dsu' e júu^ quía'~ Dsea` Jmáang~ e guíaa~ la ja' lí' fa' e ja' cuøøng' líi' dsea' dsuco' ja' jíé' sijní' quía'~. ¹⁰ Jo uíi'~ e lajob líi', joba' jmóo' baa' té' e cóo'~ jalé' e iihuí' la e laco' jaléng' dsea` i' nicaguíng' Fidiée~ i' nilíng~ dsea' quía'r~ nilí'r' e nileáiñ' jee~ jalé' dsee~ quía'r~ jo niliseeñ' fí' ñiff~ lata~ la'eáang' cóo'~ Fí'naa' Dsea` Jmáang~.

¹¹ Jo dseáng' e jáb' lajii'~ e júu^ e fii' i' 'nu' la:
Song nijúu~naa' uíi'~ e líi'naa' dsea' quía'~ Dsea` Jmáang~,
joba' nilisee~baa' cóo'r~ lata~ cajo.

¹² Jogui song jmoo~baa' té'naa' cóo'~ jalé' iihuí' e ngíng'naa',

joba' ni'f' baa' í' røø' cóo'r~ fí' jmiñ' cóo'.

Jogui song fé'naa' e ja' cuíng'naa'r,

joba' lajob nijíñ' cajo e ja' cuíñ' jneaa~aa' mi~ tí' lí' jo.

¹³ Jogui song jmoo~naa' e ja' já' líng'naa' júu^ quía'r~,

dsu' ír' contøom~ jmitir~ jalé' e nicajíñ',

co' ja' cuøøng' fa' e ja' jmitir~ jalé' júu^ quía'r~.

Jaang' dsea' i' jmóo' ta' e íaang' dsí' Fidiée'

¹⁴ Jo fii~guí' 'nu', Timoteo, jmiñ' dsí' jaléng' dsea' quía'~ Dsea` Jmáang~ jalé' júu^ e nifá'a la, jo líuung' jaléng' í' fí' quini' Fidiée~ e ja' güiquíñ' e tíng' júu^ quía'r~ cóo'~ lí' doñí' ee' júu^ . Dsuco' jalé' e júu^ jo ja' e ta' íng' jii'~ cóo'; jo lico' 'lééb' jogui jmóo' e dsicam' jaléng' i' dsea' i' núu' jalé' e jo. ¹⁵ Jo jmee~ quíj' car' ngocáng' o' e nilí'iaang' dsí' Fidiée~ cóo'~ jalé' ta' jmoo', jo lajoba' ja' nilí' i' líiñ' quía'~ jalé' e jo. Jogui éé' røø' jaléng' dsea' júu^ sea' contøng~ quía'~ Fidiée~. ¹⁶ Jogui jie~ mí' jmoo' fa' e quín' jee~ jaléng' dsea' i' fé' jalé' júu^ e ja' uíng' sea'; dsuco' jaléng' dsea' i' jmóo' lajo, eáang'gui dsihuíñ' quía'~ Fidiée~ laco' jmiñ' laco' jmiñ', ¹⁷ jogui eáam' ni'r' jalé' e júu^ 'lí' e er' do lí' laco' lí' cóo' jmohuí' e dsicuáng' jmiñá'. Jo lajob cangongíng~ i' dseañ' i' síi' Himeneo cóo'~gui i' síi'

Fileto, ¹⁸ cō' i dseá gáng- la nicacár- fí ga`lajee` e cuíñ Dsea` Jmáang-, jō lana ningir` fé'r` júu` e nicajíb` tu jaléng` dseá i nicajúng-. Jō cóo` jalé` e júu` e fé'r` do, nicaligóm` i lling` dseá i já` lling` e júu` e sea` contøng- quíá`- Fidiée`. ¹⁹ Dsu` Fidiée` lafa' catá'r- cóo` tíi` fíi` quíá`- 'núu` e té` huøø- e ja` ni`ling-, jō e tíi` fíi` do líí` la líí` e júu` la e ja` tóo` jmíi` ni`ling-, jō lalab fé': "Jō nicuíim` Fíi`naa' Fidiée` jaléng` dseá i lling` dseá quíá'r-"; jogui fé` bi cajo: "Jaléng` dseá i jing`- e líiñ` dseá quíá`- Fíi`naa' Fidiée` 'né` nitá`bre e jō` jmér- jalé` e ja` dseeng` e lamí` jmóor` do."

²⁰ Dsuo' fa' cóo` dsíi` sinúu` quíá`- jaang` dseá i sea` cuu-, o' laji` e jmáañ` ta` do líí` cóo` cunée` o'gui cóo` cutee, cō' seab` cajo e líí` cóo` 'ma` jogui cóo` guóo`. Dsu` e lling` e jmáañ` ta` do jmáañ` ta` mí` jmóor` jmíi` laniing-, jogui e lling`gui e do jmáañ` ta` contøng-. ²¹ Jō song jaang` dseá contøng- jmi`uíiñ` e laco' ja` nitéiñ` fí` ní` dsee-, jōba' ni`uíiñ` jaang` i si`ling` jogui i ling` ta` quíá`- Fidiée`. Jō Fidiée` bing` i nijmeáng` ta` ír` e laco' nijmér- jmang` e guiá`.

²² Jō fíi` guí` 'nu` jie` mí` quín` jee` jalé` e ja` dseeng` e litíng` jaléng` siming` cóo` simí` e jmóor-, jō teá`gui sin` uø` e jmóo` jmang` jalé` e guiá-, jō e já` gui lín` júu` quíá`- Dsea` Jmáang-, jogui e jmi`neáang`gui` jaléng` dseá rún`, jogui e seeng`gui` juguiá` júu` røø. Jō jmee` jalé` e jō coling` cóo` jaléng` dseá i 'náng` Fidiée` e ngocáng` dsír`. ²³ Jogui jie` mí` quín` jee` jalé` júu` íi` e ja` uing` sea-, cō' niñ`ba` guiá- e jalé` e júu` jō quíeé` jíi` ta` jím`. ²⁴ Jō jaang` dseá i jmóo` lajii` e iing` Fíi`naa' Dsea` Jmáang- ja` cuøng` e ningir` ta` títng` cóo` jaléng` dseá, cō' o' lajō e catíng- e nijmér-. Cō' líí` lí` 'né` jmér- jmang` e guiá- cóo` líí` doñí` i dseá, jogui 'né` e quíi`bre jmíi` jial ni`é'r- dseá, jogui 'né` e féng` dsíi`bre cóo` jaléng` dseá rúíiñ`, ²⁵ jogui 'né` e ja` jmi`løgng` 'ñia`r` mí` liúíiñ` jaléng` dseá i ja` jíi` júu` quíá`- Dsea` Jmáang-; jō la`eáang` cóo` e jō, jangám- nijmicóo` Fidiée` quíá`- jaléng` i dseá í` e laco' niquí`- jing` yaaiñ` fí` quini` dseá do, jogui e nijá`- líiñ` júu` quíá`- Dsea` Jmáang-, ²⁶ jō lajōba' ni`íi` tu dsír` røø e laco' nijmihuíng- yaaiñ` cóo` fíi` i` ling` í, dsuo' í`bing` i lamí` 'mé` quíá'r- e jmóor` líí` doñí` ee` e iing` í.

3

Jial nilíng` dseá` mí` nijaquíéeng` e tí` lí` ni`ling`- jmigüü`

¹ Jogui fíi` guí` 'nu`, Timoteo, 'né` níi`ba` e mí` nijaquíéeng` e tí` lí` ni`ling`- jmigüü`, eáam` huíng` nilí. ² Dsuo' jaléng` dseá i niliseeng` ie` jō lico' nijmijíiñ` jíi` yaam`bre jō jō` jmijíiñ` jaléng` dseá jíéng`gui, jogui eáam` nilí` dsináaiñ` cuu-, jogui nijmijløgng` yaaiñ-, jogui eáang` nijmiráang- yaaiñ` cóo` jalé` e nicajméer. Jogui gab` nífé'r` quíá`- dseá jogui quíá`- Fidiée` cajo, jogui ja` nijmér- núu`r` cóo` jalé` ta` quíu` sejmiir, jogui ja` nicuø`r` gui`máang` dseá mí` ee`go ngúíiñ` o'gui nijmi`gór` Dsea` Jmáang- cóo` jalé` júu` quíá`- dseá do cajo. ³ Jogui ja` nijmi`neáaiñ` o'gui nilí` fíi` líiñ` jaléng` dseá, jogui nífé'r` júu` adsee` e 'niiñ` jaléng` dseá rúíiñ`, jogui ja` téeng- yaaiñ` e iíiñ` nijmér- lajii` e 'lí` e lí` dsír`, jogui eáam` nijmér- saang` dsír` cóo` jaléng` dseá rúíiñ`, jogui nijmér- e 'ní` níim`bre lajalé` e guiá- e jmóo` dseá. ⁴ Jogui gab` nífé'r` e 'niiñ` jaléng` dseá i seeng` røø cóo`r-, jogui eáang` niliteá` dsír` e nijmér- jalé` e ga` e lí` dsír, jogui eáang` nijmér- e nijmijløgng` yaaiñ` cóo` jalé` e í` dsír` e tíiñ-, jogui eáang`gui` ni`nó`r` jalé` e jmi`iáang` dsír` e lafa' nijmiféiñ` Fidiée`. ⁵ Jogui cóo` jalé` e jmóo` i dseá do, eáang` nijmigøøiñ` jaléng` dseá e líiñ` dseá quíá`- Dsea` Jmáang-, dsu` dseáng`- ja` já` e líiñ` lajō, cō' ja` jmóor` laco' catíng- e jmóo` dseá quíá`- Dsea` Jmáang- i seeng` la`eáang` cóo` e 'gøng` quíá`- dseá do.

Jōba' fíi` guí` 'nu`, Timoteo, jie` mí` jmoo` fa' e niquín` jee` jaléng` i dseá lana. ⁶ Dsuo' i lling` i dseá la`í` lico' jmóor` ta` ngí` quíá`- dseá jō jmigøøiñ` jaléng` dseam` i ja` huíng` tøng` fí` ní` dsee-. Jō jaléng` i dseam` í` eáam` røøiñ` dsee-, cō' lico' jmóor` lajii` e ga` e lí` dsír` yaam`bre, ⁷ jō contøom- tí` dsír` jmi`tíiñ` mí` ee`go júu` 'míi` sea-, dsu` dseáng`- ja` tóo` jmíi` e quíi`r` jmíi` fa' e ningáiñ` e júu` já` quíá`- Fidiée` e catíng- Dsea` Jmáang-. ⁸ Jōba' fíi` guí` 'nu` e júu` la, e líí` laco' cajmée` i dseá láang` gáng- i caliséng` malíi` do i sii`

Janes cóo'gui Jambres ie~ lamí~ cajníñ' quíá'- Moi~, jo lajōb cajo nijmé~ jaléng' i dsea` i seeng` mi~ nijaquíéng' e tí lí~ ni'íng~ jmigúí, có' nijním~bre quíá'- e júu^ já'- quíá'- Fidiée' e catíng~ Dsea` Jmáang~. Jo jaléng' i dsea` í líñ' dsea` i í dsí' jmang' e 'lí^ joguí i nicajgiéng~ dsí' e teáaiñ~ teá' fí' guíá~ cóo' Dsea` Jmáang~. ⁹ Jo dsu' ja' huíi~ dsilíñ~ cóo' e jmigóor` do, có' jalém' dsea` niliñir' guíá~ e jaléng' i dsea` la'í ja' í dsíir' røø' lí^ laco' calí~ cóo' i dsea` gáng~ i sii` Janes cóo'gui Jambres ie~ lamí~ cajníñ' quíá'- Moi~ do.

Júu^ e ca'í~ Paa~ quíá'- Timoteo

¹⁰⁻¹¹ Dsu' 'nu', Timoteo, guíab~ niñí^ lajii~ júu^ e ée~ e dsea`, joguí jial seen~ røø' laco' seeng` dsea` quíá'- Dsea` Jmáang~, joguí niñí^bi' cajo lajii~ e í dsii~ e nijmee~e, joguí jial já'- lán'n e nisín'-n teá' cóo' júu^ quíá'- Dsea` Jmáang~ e car` ngocáng` dsii~, joguí jial féng' dsii~ cóo' jaléng' dsea` jíéng', joguí jial e 'neáan'n jaléng' dsea` rún'n, joguí jial nicateá'-a cóo' jalé' iihuí' e nica'ín'-n. Joguí niñí^bi' cajo e cateá'-baa cóo' jalé' e ga' e nicajmeáng' dsea` jnea~ fí' Antioquía cóo'gui fí' Iconio joguí fí' Listra; dsu' cateá'-baa, có' Fí'naa' Dsea` Jmáam~bing' i caleáng` jnea~ jee~ jalé' e jo. ¹² Dsu' dseáng' e jáb'- jalé' e la, e jaléng' dsea` i iing~ seeng' e s'naaiñ~ jee~ jalé' e 'lí^ uí' e líñ' dsea` quíá'- Dsea` Jmáang~, joba' 'né~ nidsingim~bre iihuí' e jmó' dsea` quíá'r'. ¹³ Jo dsu' jaléng' dsea` i jmóo' ga' joguí i jmigóøng` jaléng' dsea` rúng', ga'guib nidsijée' quíá'r~ laco' jmí~ joguí eáam' nijmigóøñ' jaléng' dsea` rúñ' lí^ laco' jmigóøñ' yaaiñ~.

¹⁴ Dsu' fíi~guíi 'nu', Timoteo, teá' sing' uø' lí^ laco' jmoo' cóo' jalé' e nicajmitín', có' dseáng' niñí^ba' e dseáng' jáb'- jalé' e jo. Joguí niñí^bi' guíá~ cajo i dsea` i ca'e' 'nu' jalé' e jo, ¹⁵ có' e júu^ güeang' quíá'- Fidiée' e niñí^ catí' ie~ lamí~ jiuun~ do, e joba' e nilí'íng^ ta~ quí' e niliñí^ jial e nileán' cóo' jalé' dsee~ quí' la'eáang' e nicajáng' uø' fí' jaguó' Dsea` Jmáang~. ¹⁶ Jo lajib' e júu^ quíá'- Fidiée' cajme' dsea' la'eáang' cóo' 'ñiab' Jmiguí' quíá'- Fidiée'; jo jalé' e júu^ jo eáam' íng^ ta~ e e' jneaa~aa' jmang' jalé' e já'-, joguí e jmico' jneaa~aa' e line~naa' mi~ ee~naa' dsee~ joguí jial cuøøng' e nisíng' túu' teá' fí' guíá~ cóo' Dsea` Jmáang~; joguí e' jneaa~aa' cajo jial e nijmó'oo' lajii~ e iing~ dsea` do. ¹⁷ Jo jalé' e júu^ jo íng^ ta~ e laco' jaang' dsea` quíá'- Fidiée' née' guíá~ quíá'r~ laco' catíng~, jo lajōba' cuøøng' nijmér~ jalé' e guíá~.

4

¹ Joba' fíi~guíi 'nu', Timoteo, fí' quini' Fidiée' joguí fí' quini' Fí'naa' Dsea` Jmáang~ i nijáatú mi~ tí lí~ ni'íng~ jmigúí e laco' niquidsir' í' røø' jo nicár' nifi' quíá'- lajaang' lajaang' dsea`, ja' e lí' su seeng'guir' osi nijúm~bre é, ² jo fíi~i 'nu' car` ngocáng` dsii~ e niguiá^bi' júu^ quíá'- Dsea` Jmáang~ jee~ jaléng' dsea'; jo dseáng' jmi'úung' e jme'^ lajo mi~ lí~ sea' fí' osi mi~ ja' sea' é. Joguí 'né~ jmitá'ba' dsí' jaléng' dsea` i ja' 'goo' já'- líng' júu^ quíá'- Dsea` Jmáang~, joguí 'né~ í'ba' 'goo' mi~ jmóor' doñí' ee' e ja' dseeng', joguí 'né~ cuø'bir bí' e laco' nilití' dsíir', jo 'né~ é're lajo dseáng' e féng' óo'ba'. ³ Dsaco' coob' mi~ nití' í' e jo té' dsea' e núur' lajii~ júu^ niguo'^ quíá'- Fidiée'; dsaco' ie~ jo lí^ iñ~ e nijmitir~ lajii~ ta~ quíá'r' yaam~bre, joguí nijmér~ quijí~ cabøø' tifa' i ni'é~ quíá'r~ lí^ doñí' ee' jalé' e iñ~ ninúr~. ⁴ Joguí jo' iñ~ fa' e ninúr~ lajii~ e júu^ niguo'^ do, có' lajii~ júu^ cuento quíá'- dsea' áam'ba' iñ~ e ninúr~. ⁵ Dsu' e laba' fíi~guíi 'nu', Timoteo, jang' í' o' røø' mi~ ee'go nijme'^, joguí jmee~ té'bi' cóo' jalé' iihuí' e dsingín', joguí cuøø'bi' bí' uø' e quíá'- niguiá^guí' júu^ e quíá'- jial laang' dsea' jee~ jalé' dsee~ quíá'r~, joguí jmiti' røø' jalé' ta~ e nicangíng'.

⁶ Jo tí lí~ nití' í' e nijngáng' dsea' jnea~, có' nijaquíém' oor~ quíe~ e e tí lí~ nijúun~n. ⁷ Jo teáb' eáang' nicasín' n fí' guíá~ cóo' Dsea` Jmáang~, joguí lana nicatí' í' e nicadsín~n cóo' jalé' ta~ quíe~e, jo jii~ cateá' ja' calitúng~ dsii~ cóo' júu^ quíá'- Dsea` Jmáang~. ⁸ Jo lana nisijeeng' jnea~ e ni'ín'-n lajii~ e catín~n. Jo Fidiée', i dsea` i quidsí' í' røø', íb' i nicuø' jnea~ e jo uí' e nica'íñ' jnea~ e lán'n jaang' dsea` i ja' røøng' dsee~ fí' quindir'. Jo

o' jii'~ jnea~ ni'lin'~n e jo, co' lajob ni'ing' cajo jaléng' dsea` i nigüijeeng` e iáang` dsír' e nijáa'tu Dsea` Jmáang` calé' catú- fí' jmigüi' la mi~ nití- í' lajo.

Júu` e cajíng'-gui Paa- cas'r- Timoteo

⁹ Jo fii- guíi 'nu', Timoteo, e jmee- úung` e niñi'ba' lajmináb- e niñi'ee'~ jnea~; ¹⁰ dsu' i dseañu' i sii` Demas do eáang`gui catí' dsír' e nijmér- jalé' e jmóo` dsea` fí' jmigüi' la, jo uing~ e joba' nicatiúuiñ- jnea~, jogui lana nicangór- fí' Tesalónica fí' li~ se' Macedonia. Jo i dseañu' i sii` Crescente nicangór- fí' li~ se' Galacia, jogui i sii` Tito nicangór- fí' li~ se' Dalmacia. ¹¹ Jo lajii'~ Lucasbing' i táang` cóo'~ jnea~ fí' la lana. Jogui fii- i 'nu' e nigüí'ném'ba' Marcos jo nijóøm^ba'r fí' la mi~ niñi', dsuco' liim~ ee' ta~ nili'íiñ^ quié- e cóo'~ jalé' ta~ guia' júu^ quiá'- Dsea` Jmáang` e jmóo'o fí' la. ¹² Jogui nicasín- n i dseañu' i sii` Tíquico do fí' na fí' Éfeso. ¹³ Jo fii- i 'nu', Timoteo, e mi~ niñi'tu' calé' catú- fí' la, jo cá'go' e 'mijñá' i luu- do quié- e e casee~ e fí' quiá'- i dseañu' i sii` Carpo i seeng` fí' Troas; jogui cá'bi' cajo jalé' jì quié- e, jo dsu' e laniing- gui eáang` e 'né- cá'^ e maji e sibéeng` e li~ too~ júu^ quié- e do.

¹⁴ Jo fii- guíi 'nu' uii~ quiá'- jaang` dseañu' i líng' tñi' i sii` Jaang- e eám' ga` nica'éer` cóo'~ jnea~; dsu' Fidiée'bing' i niqui'^ laco' catíng- quiá'r- cóo'~ jalé' e ga' e nicajmér` do. ¹⁵ Jo uii'~ e joba' e fii- i 'nu' e jmeáang'~ í' uo' cóo'~ i dseañu' do, dsuco' eám' ga' 'ní' níiñ- júu^ quiá'- Dsea` Jmáang` e guia'naa'.

¹⁶ Jogui la'uii~ née'~ mi~ cangó-o fí' quini' dseata~ i quidsí' í' e laco' nijmi'óng'^ 'ñiá'a, jii'~ jaang` dsea` ja' i cajmicóo'~ jnea~ ie~ jo, co' lajii' dsea` catiúuiñ- jnea~. Jo mí'i Fidiée' uii~ quiá'- jaléng' i dsea` í' e ja' güijme'r- cuente cóo'~ jalé' e cajméeiñ' do. ¹⁷ Dsu' eám' cajmicóo'~ Fii'naa' Dsea` Jmáang` jnea~, jogui cacuø'r' jnea~ jalé' bí' quiá'r- e laco' cateá- dsii- e caguiaa- júu^ quiá'r- e quiá'- jial laang` dsea` jee~ jalé' dsee- quiá'r-; jo lajoba' canúu- jaléng' dsea` i ja' líng' dsea` Israel jalé' e júu^ jo. Jo Fii'naa' Dsea` Jmáam-bing' i caleáang` jnea~ ie~ jo jee~ jaléng' i dsea` i 'ní' níi- quié- e fa' laco' mi~ laang` jaang` dsea` e ja' cu' ie' quiá'r-; ¹⁸ jogui dsea` í'bi cajo i nileáng- jnea~ jee~ jalé' e 'li'^, jogui dsea` í'bi cajo i nito' fíng' jnea~ cartí' mi~ nitøø'r' jnea~ fí' li~ quiu'r' ta~ fí' ñifi- quiá'r-. iJogui majmifém'baa' dsea` do car` ngongí' jmi'! Jo lajob 'né- lí'.

Júu` guicóo'~ quiá'- Paa- li~ cadséng-

¹⁹ Jo li~ ja' quiéeng' niguéng' fii- guíi 'nu', Timoteo, e guicóob' i dseam' i sii` Prisca cóo'~gui i dseañu' quiá'r- i sii` Aquila, jogui guicóob' cajo jaléng' dsea` sinúu^ quiá'- i dseañu' i sii` Onesíforo. ²⁰ Jo i dseañu' i sii` Erasto do, dob cajer' fí' Corinto, jogui i dseañu' i sii` Trófimo, dob caseaan~ nre e dsée'r~ fí' Mileto. ²¹ Jo fii- i 'nu' e nijmi'úung` quií- e niñi' fí' la nú'-gui e nití- jii' güíi-. Jo i dseañu' i sii` Eubulo jogui Pudente jogui Lino cóo'~gui i dseam' i sii` Claudia, lí'^ lajaléng' dsea` quiá'- Dsea` Jmáang` i caguiaang- gui i seeng` fí' la, guiéiñ' júu^ guicóo'~ quií'-.

²² Jo güiliseem` Fii'naa' Dsea` Jmáang` contøøng- cóo'~ 'nu'. Jogui mí'i Fidiée' e ni'ír- güea'^ quiá'r- fí' li~ seeng'na', dsea` líng'na' dsea` quiá'- Dsea` Jmáang`.

Jo lanab jii'~ fé' jì catí' tú- quiá'- Paa- e catíng- Timoteo.

Júu[^] e toq̃ fí ni[~] jì quiá[']- Paa⁻ e catíng⁻ TITO

¹ Jnea[~] Paa⁻ lín^{'n} jaang[^] dsea[^] i jmóo[^] lajii[~] e iing[~] Fidiée[~], jogui lín^{'n} cajo jaang[^] dsea[^] apóo[^] i jmóo[^] ta[~] ni['] júu[^] quiá[']- Dsea[^] Jmáang⁻. Jo oo⁻ e ta[~] la e laco['] ni[']ée[^] e jaléng['] dsea[^] i nicaguíng['] Fidiée[~] lami[~] jéeng[']gui e quiá[']- jial nijáng['] yaaiñ[~] fí jaguó['] dsea[^] do, jogui jial niliñir['] lajii[~] e júu[^] e sea[^] contøng⁻ quiá[']- Fidiée[~] e laco['] nijmér⁻ dseáng[']- laco['] iing[~] dsea[^] do. ² Jo nitab[~] dsi[']naa['] e niliseem⁻ baa['] cøng['] cóo['] Fidiée[~] lata[~], co['] lajob júu[^] e cacuø['] Fidiée[~] lami[~] jéeng[']gui lajii[~] mi[~] nú[']-gui e nitiroo[~] jmigüi['], jo dsea[^] do dseáng[']- ja['] fé[']bre júu[^] ta[~] júu[^]. ³ Jo lana nicatib['] í['] e nicacuø[']r['] jneaa[~]aa['] e niline[~]naa['] lajii[~] e júu[^] ta[~] dsí['] do, jo cajmér['] lajo la'eáng['] cóo['] e júu[^] quiá[']- e guiaa⁻, co['] lajob ta[~] caqui[']r['] e nijmee[~] e. Jo dsea[^] íb['] i láang['] jneaa[~]aa['] jee[~] jalé['] dsee⁻ qui[']-ii['].

⁴ Jo jmo[']o e jì la e catíng⁻ 'n['], Tito, jo lafa['] jóo[']baa['] lín['], co['] lajì gó[']baa['] já['] lí[']naa['] júu[^] quiá[']- Dsea[^] Jmáang⁻. Jo m[']í['] i Tiquí[']naa['] Fidiée[~] jogui Fí[']naa['] Dsea[^] Jmáang⁻ i láang['] jneaa[~]aa['] jee[~] jalé['] dsee⁻ qui[']-ii['] do, e güi[']h[']bre güea['] quiá[']- r['] fí lí['] seen['], jogui e nicuø[']r['] 'n['] e niliseen['] juguiá⁻ júu[^] røø['].

Lajii[~] ta[~] e cajmée['] Tito fí Creta

⁵ Jo caseaan[~] 'n['] e fí ni[~] guóo['] uø['] e róo['] fí ni[~] jmiñí['] do e sii['] Creta e laco['] nijmité['] røø['] lajii[~] e ta[~] e né⁻ niliti[~]gui do, jogui e fí lacoø['] fí ni[']nan['] dsea[^] cøng['] i niné⁻ ni['] dsea[^] quiá[']- Dsea[^] Jmáang⁻ lí['] laco[']gui jii[~] e nicafí['] i 'n['] lami[~] jéeng[']gui. ⁶ Jo i dsea[^] i ni[']naang['] do 'né⁻ e røøb['] seeiñ['] e lí['] laco['] ja['] cuøng['] fa['] e nicuø[']- dsea[^] dsee⁻ ír['], jogui ja['] cuøng['] fa['] e seeng['] fíng['] dseam['] quiá[']- r['], jogui jaléng['] jóor['] 'né⁻ e jáb[']- líiñ['] júu[^] quiá[']- Dsea[^] Jmáang⁻, jogui 'né⁻ e ja['] jméiñ['] do saang['] dsí[']r['], jogui 'né⁻ jmér⁻ nú[']-bre cóo['] jalé['] ta[~] qui[']- dsea[^] cøng['] quiá[']- r['] cajo. ⁷ Co['] jaléng['] i dsea[^] i néé['] ni[~] do, íb['] dsea[^] i néé['] ni[~] jalé['] ta[~] quiá[']- Fidiée[~], joba['] dseáng[']- la guíim['] 'né⁻ e jmér⁻ lajii[~] e guiá⁻ e laco['] ja['] cuøng['] fa['] e nicuø[']- dsea[^] dsee⁻ ír[']. Jogui ja['] 'né⁻ fa['] e ráaiñ⁻ uii[~] quiá[']- r['] o[']gui líiñ['] dsea[^] i 'ní['] dsí['], o[']gui cuøng['] fa['] e jmér⁻ ta[~] í['] méé['], o[']gui fa['] e jmér⁻ ta[~] jíng['] ta[~] tíng['], o[']gui fa['] e jmér⁻ e dsináaiñ['] cuu⁻ tá['] sea[']. ⁸ Dsaco['] o['] lajo e 'né⁻ jmér⁻, co['] lí['] lí['] 'né⁻ e eám['] guiá⁻ ni[']íñ['] jaléng['] dsea[^] i guilíng⁻ fí quiá[']- r['], jogui 'né⁻ e tí['] dsí[']r['] jmóor['] lajii[~] e guiá⁻, jogui 'né⁻ e quier['] júu[^] røø['] contøng⁻, jogui 'né⁻ e éer['] røø['] contøng⁻, jogui 'né⁻ e jmér⁻ dseáng[']- lajii[~] e tí['] dsí['] Fidiée[~] jogui contøng⁻ i['] dsí[']r['] e jmitir[~] jalé['] e qui[']- tíiñ['] jmóor[']. ⁹ Jo jaléng['] i dsea[^] i néé['] ni[~] do eám['] teá['] 'né⁻ teáiñ⁻ cóo['] e júu[^] sea[^] contøng⁻ quiá[']- Fidiée[~] lí['] laco['] jii[~] e nica[']ée⁻ ere lami[~] jéeng[']gui, jo lajoba['] cuøng['] e nijmití[']r['] dsí['] jaléng['] dsea[^] jiéng['] cóo['] e júu[^] jo, jogui e nisí[']r['] jaléng['] dsea[^] i 'ní['] níng⁻ júu[^] quiá[']- Dsea[^] Jmáang⁻ e ja['] dseeng['] laco['] jmóoiñ['] do.

¹⁰ Joba['] fí['] i 'n['], Tito, jalé['] e júu[^] na, dsaco['] fíim['] dsea[^] seeiñ['] i ja['] iing[~] nijmé⁻ nú[']- e júu[^] quiá[']- Dsea[^] Jmáang⁻ do, jogui fé[']r['] jalé['] júu[^] e ja['] oo⁻ ni[~] sea['] e lí['] laco['] cóo['] e jo jmóor['] e jmigøoiñ['] jaléng['] dsea[^]. Jo jee[~] i dsea[^] í['] quíng['] jaléng['] dsea[^] i jíng['] e dseáng[']- la guíim[']ba['] 'né⁻ e niliti[~] lajii[~] e qui[']- tíng['] dsea[^] Israel. ¹¹ Jo jaléng['] i dsea[^] i 'né⁻ e ni['] í['] tiib⁻ mo[']oor⁻, dsaco['] eám['] cøoiñ['] dsí['] dsea[^] jì[']gui latøng⁻ cóo['] sinú['] e laco['] jmigøøng['] neiñ['], co['] e['] reiñ['] jalé['] e ja['] catíng⁻ ni[']ér⁻ e lí['] laco['] lí[']r['] cuu⁻ tá['] sea['].

¹² Jo malii[~]gui eáng['] caliséng['] jaang[^] dsea[^] i eáng['] tíng['] fé['] e fí Creta na, jo lalab fé[']r['] e éeiñ['] dsea[^] góor['] jo jíñ[']: “Jaléng['] dsea[^] góo[']o dsea[^] seeng['] fí Creta contøøm⁻ quier['] júu[^] adsee['], jogui líiñ['] lafa['] jó['] nú['], co['] dsíng[']- soo['] dsí[']r['] jogui dsíng[']- cúiñ['], jogui eám['] iñ['] e tá[']- séiñ['] cajo.” ¹³ Jo dseáng[']- e já[']-ba['] e líng['] i dsea[^] seeng['] fí na laco['] cajíng[']- i dsea[^] í. Jo uí['] joba['] fí['] i 'n['], Tito, e dseáng[']- cóo['] júu[^] teáb['] 'né⁻ líuun['] jaléng['] i dsea[^] í, jo lajoba['] e nidsicuáng[']gui quiá[']- r['] e teáiñ⁻ teá['] cóo['] júu[^] quiá[']- Dsea[^] Jmáang⁻. ¹⁴ Jo 'né⁻ líuum[']-ba[']re cajo e laco['] ja['] nijmí[']gór['] jalé['] júu[^] cuento e jmi[']uíng⁻ jaléng['] dsea[^] Israel, o[']gui jalé['] ta[~] qui[']- jaléng['] dsea[^] i nicatú['] e teáiñ⁻ teá['] cóo['] e júu[^] sea[^] contøng⁻ quiá[']- Fidiée[~].

15 Jo jaléng' dsea`i í dsí' j mang' e guiá, joba' lajib` e nír` guiáb` cajo; dsu' jaléng' gui dsea`i ja` já` líng` júu` quiá' Dsea` Jmáang` jogui` í dsír' j mang' e 'li', joba' lajib` e nír` do 'lib' cajo, dsuco' jii' ja` lír' gui'r` su dseeng` osi ja` dseeng` lajalé' e 'li' e í dsír' do. 16 Jogui fé'r` e cuím`bre Fidié, dsu' o' já` e líiñ` lajo, co' j mang' jalé' e ja` dseem`ba' jmóor`; jo ja` iñ` jmér` núur` jalé' ta` huí', jogui dseáng' ja` quí`bre jmí` fa' e nijmér` coo` e guiá.

2

Jalé' e 'né' é' Tito dsea` rúñ'

1 Jo fii`guí` 'nu', Tito, e lajalé' júu` e e' dsea` 'né' e cóom` røø` cóo' júu` quiá' Fidié. 2 Jo 'né' é' jaléng' dsea` cóong' e ja` 'né' jmér` ta` í', jogui e 'né' ér` røø` cóo' jalé' e jmóor`, jogui e 'né' í` dsír' e jmitir` cóo' jalé' e quí' tñiñ` jmóor`, jogui e 'né' e jmi`neáiñ` jaléng' dsea` rúñ', jogui e 'né' cajo e nicuó' bí` yaaiñ` e laco' nijmér` té'r` cóo' jalé' iihuí` e iñ'. 3 Jo 'né' é' bí' cajo jaléng' dseam` i nidseáng` e 'né' ér` laco' iing` Fidié, jogui 'né' e ja` ngir` ta` quie` adsee, o'gui 'né' jmér` ta` í' méé` cajo. Co' lí' lí' 'né' e ní'é'r` dsea` j mang' jalé' e guiáb, 4 jogui 'né' é' ba' jaléng' dseam` i lí'eáng` gui e 'né' nijmi`neáiñ` jaléng' dseañu` quiá'r` cóo' gui jaléng' jóor`; 5 jogui 'né' é' bír` cajo e í` dsír' e jmitir` cóo' jalé' e quí' tñiñ` jmóor`, jogui 'né' e í` dsíiñ` contøong` j mang' e guiá, jogui 'né' e í` dsír' cóo' jalé' ta` sea` fí` sinúu` quiá'r`, jogui 'né' e eám` guiúñ` cóo' dseañu` quiá'r` jogui e nijmér` núur` jalé' ta` quiu' dsea` do cajo, jo lajoba' jii' jaang` dsea` cuøong` lí` fé'r` ga` uii` quiá' júu` quiá' Fidié.

6 Jo fii`guí` 'nu', Tito, e 'né' líuun` jaléng' siming', jo fí're e jang' 'né' ní'í` dsír' røøb` mí` ee`go` nijmér`. 7 Jogui 'nub', Tito, dsea` 'né' ee' røø` laco' catíng` fí` quini` jaléng' dsea`. Jogui mí` e' dsea, 'né' jmeé' cóo' j mang' júu` røø, jogui ja` fí're júu` e sicáng'; 8 jogui 'né' é're cóo' júu` já` quiá' Fidié e laco' jii' jaang` dsea` cuøong` lí` fé'r` ga` uii` quí'. Jo lajoba' nilí` í` líng` jaléng' i dsea` i` ní' ní' quí`naa', dsuco' jo` niguié'r` júu` ga` e nífé'r` uii` quiá' jalé' júu` quí`naa'.

9 Jo lajoba` fii`guí` 'nu', Tito, sí' go` jaléng' dsea` i` jmóo` ta` e güijmée`bre núur` cóo' jalé' ta` quiu' fii'r, jogui e güijmi'úum`bre e nijmér` j mang' e guiá` cóoiñ` do, co' ja` catíng` e niñír` júu` 'ní' quiáñ' do. 10 Jogui 'né' fí're cajo e ja` güijmээр` ii, jo lajoba' tab` dsí' dsea` cóo'r` contøong`. Jo mí` niní` dsea` jiéng' jial seeiñ, joba' guiá` nífé' dsea` quiá' e júu` jlo` quiá' Fidié, dsea` i` láang` jneaa`aa' jee` jalé' dsee` quí`ii'.

11 Jo 'né' see`naa' lajo, dsuco' Fidié` nicajmijnéem`bre e ja` cóong` cóo' jial tí' 'neáiñ` jneaa`aa', jo jee` jo` quiéng` e cuøong` lí' leáiñ` dsea` jee` jalé' dsee` quiá'r'. 12 Jo dsuco' eám` 'neáng` Fidié` jneaa`aa', jo uing` e joba' e jo` ii`naa' e nijmó`guí` jalé' e 'li' cóo' gui jalé' e ga` e jmóo` dsea` fí` jmigüí` la, co' lí' lí' ii`naa' e see`naa' fí` jmigüí` la e jang' ní'í` dsí`naa' røø` mí` ee`go` nijmó`oo', jogui e see`naa' e ee`naa' lajii' e guiá, jogui e jmó`naa' lajii' e iing` Fidié. 13 Jo lajee` jo, sijeeng`naa' e nití` e jmí` íáng` dsí' mí` nijáa`tu` fí` jmigüí` la Fí'naa' Dsea` Jmáang` i` líng` Fidié` i` láang` jneaa`aa' jee` jalé' dsee` quí`ii'. Jo mí` nijáar, joguiba' nijnéng` jial dseáng' jlo` e ja` cóong` cóo' líiñ. 14 Jo dsea` í`bing' i` cajáng' 'ña' e cajúñ` cuaiñ` quí`ii' e laco' caleáiñ` jneaa`aa' jee` jalé' e 'li'. Jo ca'naaiñ` jneaa`aa' jee` jalé' dsee` quí`ii' e laco' nilí`naa' dseáng' dsea` quiá'r` i` iing` Jmé` j mang' e guiá.

15 Joba' fii`guí` 'nu', Tito, e é' bí' dsea` e júu` e nicafá' a na, jogui cuøø`biguir bí' cajo, jogui í' 'goo` laco' catíng` mí` ee`go` jmóor` e ja` dseeng`, co' lajoba` ta` sinú'. Jo song` jmoo' lajo, joba' nijmi`gób` dsea` jalé' júu` e e' jóng.

3

Lajii' e catíng` e nijmé` dsea` quiá' Dsea` Jmáang`

¹ Jo fíi-guú 'nu, Tito, e jmiguiéng' go dsíi' jaléng' dsea' quíá' Dsea' Jmáang- e ja' güisээр teá' cóo' jaléng' dseata' osi cóo' jaléng' dsea' quíe' níí' é, jogui e güijmée' bre náu'r contøng- cóo' lajalé' ta' quíiñ', jogui e iu' dsíir' contøng- cóo' lajii' ta' e guiá' e catíng- nijmér-. ² Jogui 'né' fí'bi jaléng' i dsea' í e ja' güifé'r' ga' uii' quíá' lí' doñi' ii' dsea', jogui ja' güijmээр' ta' jíng', jogui e güijmée' bre guiúñ- cóo' jaléng' dsea' rúñ', jogui cajo ja' güijmээр' e jløiñ' cóo' lí' doñi' ii' dsea'.

³ Jo lalab lamí' líi' jneaa'aa' ie' lamí' jééng'gui do, co' saam' dsi'naa' cóo' júu' quíá' Fidiée', jogui ja' náu'naa' e júu' jo cajo, jogui dseáng'- jmang'- fí' gab' téé'naa', jogui jmoo'naa' lajii' ta' quíu' yee'baa' cóo' gui lajalé' e ja' dseeng' e tí' dsi'naa'. Jogui lamí' jmoo'naa' jmang'- e ga', jogui e lamí' dsihuúng'naa' cóo' jaléng' dsea', jogui lamí' 'ní' neeng'naa' jaléng' dsea' rú'naa' jogui lajob lamí' líng' í cóo' jneaa'aa' cajo. ⁴ Jo ie' lamí' jmoo'naa' jalé' e ja' dseeng' do, lajee' job mí' cajmijnéng' Fidiée' i láang' jneaa'aa' jee' jalé' dsee' quí-ii' jial tíi' e guiúñ- jogui jial tíi' e 'neáaiñ' jaléng' dsea'. ⁵ Jo uíi' e lajob líiñ- cóo' jneaa'aa', joba' nicaléaiñ' jneaa'aa' jee' jalé' dsee' quí-ii', dsu' ofa' uíi' e jneaa'aa' cajmé'naa' co' e guiá'. Jo cajmээр' lajo cóo' jneaa'aa' la'eéang' e nica'íiñ- dsee' quí-ii', joba' lana nilí'naa' lafa' dsea' i nicaliséng' túu' calé' catú-, jogui cajo la'eéang' cóo' e Jmiguí' quíá'r- dob e nilí'naa' lajo. ⁶ Jo la'eéang' cóo' Fíi'naa' Dsea' Jmáang- i caleáang' jneaa'aa' jee' jalé' dsee' quí-ii', nicacuøb' Fidiée' jneaa'aa' Jmiguí' quíá'r- lalíng'. ⁷ Jo uíi' e eáam' 'neéang' Fidiée' jneaa'aa', joba' nicajmээр' cóo' jneaa'aa' e líi'naa' dsea' i ja' røng' dsee' fí' quinir', jo nicacuø'r' jneaa'aa' e nita' dsi'naa' e nilíng'naa' lajii' e sijeeng'naa' do e nilisee'naa' cøng' cóo'r- lata'.

⁸ Jo fíi-guú 'nu, Tito, dseáng'- e jáb' jalé' e júu' e nica'fá'- a na, jo uíi' joba' iin' e ja' tá' e fí' dsea' jalé' e jo e laco' jaléng' dsea' i dseáng'- lajang' níjá'- líng' e júu' quíá' Fidiée' 'né' cuø'- dsíir' e nijmér- contøng- jalé' e guiá'. Jo eáam' jlo' e júu' jo jogui eáam' íng' ta' cajo quíá'- lí' doñi' ii' dsea'. ⁹ Jogui e lab iin' fíi-guú 'nu, Tito, e jie' mí' quín' jee' jaléng' dsea' i fé' júu' íi' e ja' uíing' sea' jogui jee' jalé' júu' e quí' títng' jaléng' dsea' áang', jogui jie' mí' jmoo' ta' jíng' ta' títng' uíi' e júu' quíu' ta' quíá'- Moi', dsuco' jalé' e jo ja' ee' ta' íng' jii' co' jogui ja' ee' uíing' sea' cajo.

¹⁰ Jogui song jaang' dsea' jmóor' 'niñ' lajee' la'ó' dsea' quíá'- Dsea' Jmáang-, joba' tú' 'ní' ya' síi'gor e ja' güijmээр' lajo. Jogui song ja' náu'r- jii' co' e júu' quíi' do, joba' guíiñ- jee' 'nú'. ¹¹ Jo cóo' jii' e job nilíi' guiá' e i dsea' í nica'giéem- dsíir' jogui 'ña' bre ninaang' beáng' dsee' 'ña'r'.

Júu' quíá'- Paa- e casí'- guir' Tito

¹² Jogui mí' nisín' fí' na i Artemas osi i Tíquico é, joba' jmee' úung' jóng e niguó' fí' Nicópolis e nigüi'ee' jnea', dsuco' fí' job nica'f' dsii' e ningiñ' lajee' jii' güíi-. ¹³ Jogui i dsea' quidsí' í' i sii' Zenas cóo' gui i Apolos jmicóo' bre cóo' jalé' e 'né' lí' jíe' jii' lí' quíi' jmí' e jme', jo lajoba' seab' jalé' e 'né' e laco' cuøng' e nigüi'íiñ' fí' lí' sí'f' e ngolíiñ-. ¹⁴ Jo 'né' e nijmitíng' jaléng' dsea' rú'naa' dsea' quíá'- Dsea' Jmáang- e nijmér- jmang'- e guiá' jogui e nijmicóo'r- jaléng' dsea' i 'né' quíá'- lajo, jo lajoba' nilí'íng' ta' quíá'r- lajee' e taaiñ' fí' jmigüi' la.

Júu' guicóo' lí' cadséng- quíá'- Paa-

¹⁵ Jo lajii' dsea' quíá'- Dsea' Jmáang- i taang' cóo' jnea' fí' la guiéiñ' júu' guicóo' quíi'. Jogui jnea' guiéen' n júu' guicóo' quíá'- jaléng' dsea' quíá'- Dsea' Jmáang- i seeng' fí' na cajo.

Jo güi'f' Fidiée' güea' quíá'r- jee' jaléng' 'nú'. Jo lajob nilí'.

Jo lanab jii' fé' jii' quíá'- Paa- e catíng- Tito.

Júu^ e toq̃ fi' ni~ ji` quiá'- Paa- e catíng- FILEMÓN

¹ Jnea~ Paa-, jo fi' 'nuñib^ sijnín'n dsu' uíi~ e guiaa- júu^ quiá'- Dsea` Jmáang-. Jo sún'n e ji` la colíng~ cóo~ jaang`gui dsea` rú'naa' dsea` quiá'- Dsea` Jmáang- i` sii` Timoteo. Jo fi' ni~ e ji` la toq̃ júu^ quié- e e catíng- 'nu, Filemón, co' lin' jaang` dsea` rú'naa' dsea` quiá'- Dsea` Jmáang- i` 'neáang`naa' eáang` jogui i` jmóo` ta~ colíng~ cóo~ jnea'^ jee~ ta~ guiá' júu^ quiá'^ Dsea` Jmáang-. ² Jogui catím- e ji` la cajo jaléng' dsea` quiá'- Dsea` Jmáang- i` seáang' fi' quíi'- e jmiféiñ' Fidié~, jogui lajobi cajo catím- i` dseamf i` sii` Apia cóo~ gui i` dseañu' i` sii` Arquipo. Jo i` dseañu' na eáam' cuø' bí' ñia'r' jee~ ta~ e cangñiñ' quiá'- Dsea` Jmáang- l' laco'gui la jmóo` jnea'^. ³ Jo mñi~naa' Tiquí'ii' Fidié~ jogui Fíi'naa' Dsea` Jmáang- e ni'fr- güea'^ quiá'r- jee~ 'nú' jogui e nicuø'r- 'nú' juguiá- júu^ røø`.

Jial 'neáang' Filemón jaléng' dsea` rúñ'

⁴ Jo lacoø ya' mi~ fón'n Fíi' Fidié~, contøøm- cuøø-øre gui'máang' uii~ quíi'-, Filemón, ⁵ dsuco' nica'ím'baa júu^ quiá'- jial tíi' e 'neáan' jaléng' dsea` rún' dsea` quiá'- Dsea` Jmáang- jogui jial já'- lín' júu^ quiá'- Dsea` Jmáang- cajo. ⁶ Jo uíi~ e já'- lñ'naa' e júu^ jo, joba' mñi~i Fidié~ e nicuø'r- 'nu e guiá-gui ningán' jial tíi' jlo'^ niguo'^ e ngíng'naa' quiá'- Fidié~ la'eáang' e se~naa' cøøng' cóo~ Dsea` Jmáang-. ⁷ Jo uíi~ e 'neáan' jaléng' dsea` rún', joba' eáam' iáang' dsii- jogui nica'tíi'- tu dsii- cajo, co' la'eáang' cóo~ 'nub' jaléng' dsea` rú'naa' dsea` quiá'- Dsea` Jmáang- nicalitíi~ tu dsíi' calé' catú-.

Mi~ camí Paa- jmi'ee' uii~ quiá'- Onésimo

⁸⁻⁹ Jo co' eáam' 'neáan' jaléng' dsea` rún' jogui uíi~ e coøb' fi' tíi'-naa' cóo~ Dsea` Jmáang-, joba' lín- n e seab' fi' quié- e e nifñi' 'nu coø' e 'né- jme'^. Dsu' ja' iin'n jmee- lajo, co' lín- n e guiá-gui e nimñi' 'nu jmi'ee' uíi~ e eáang' 'neáan' 'nu. Joba' jnea~, Paa-, mñi~i 'nu coø' jmi'ee~, nañi' fa' jaang` dsea` fém' nilíin'n, jo lana lab iuun- sijnín'n fi' dsíi' 'nuñi' dsu' uíi~ e guiaa- júu^ quiá'- Dsea` Jmáang-. ¹⁰ Joba' mñi~i 'nu e jmi'ee' jo cuaiñ~ quiá'- i` dseañu' i` sii' Onésimo, co' i` dsea' la, lajee' iuun- jnea' fi' la, jáb'- nicalíiñ- júu^ quiá'- Dsea` Jmáang-, joba' lana lafa' jóø'baa nica'uíiñ-.

¹¹ Jo lami~ jéeng'gui i` Onésimo la lami~ lñiñ' jaang` dsea` i` jmóo` ta~ quíi'- e ja' 'léeiñ' i` ja' 'ga' l' ta~ íing' quíi'- . Jo dsu' lanagui, eáam' ni'íiñ' ta~ quíi'- jogui quié- jnea~ cajo. ¹² Jo niguiém' túure cóo~ 'nu calé' catú- fi' na, jo cóo~ e guiáb- 'né- íin' re l' laco'gui la jmoo' cóo~ jnea~. ¹³ Jo eáam' lami~ iing~ jnea~ e nijé-guir fi' la cóo~ jnea~ e laco' nijmicóo'r~ jnea~ cuaiñ~ quíi'- lajee' e iuun- e sijnín'n fi' la uíi~ e guiaa- júu^ quiá'- Dsea` Jmáang-. ¹⁴ Dsu' ja' iing~ jnea~ jmee- laco' tñn' ñiá'a fa' e nijé-guir cóo~ jnea~ fi' la, co' jang'- iing~ jnea~ e nisñi~naa' røø, jo lajoba' ja' cuøøng' fo'^ fa' e nijmicóo~ jnea~ e laguidseaaang', co' iing~ jnea~ e nijme'^ jé' jii' e iáang' óo'ba'. ¹⁵ Jo jangám- i` Onésimo la ca'naaiñ' quíi'- e huøøb- jia e l' laco' lanagui nitíng' tur jo niliseeiñ' cóo~ 'nu contøøng-. ¹⁶ Dsu' jo 'né- jmeáan' re lafa' jaang` dsea` i` jmóo` ta~ quíi'- i` ja' 'léen', co' 'né- e guiá-guib nijmeáan' re laco' jaang` i` dsea' la'í, co' lana nilíiñ' jaang` dsea` rú'naa' dsea` quiá'- Dsea` Jmáang- i` 'neáang`naa' eáang'. Jo jnea~, eáam' 'neáan' re, dsu' 'nu, eáang'gui nili'neáan' re, dsu' o' uíi~ e nilíng' tur jaang` dsea` i` nijmé- ta~ quíi', co' lana nilím'bre cajo jaang` dsea` rú'naa' dsea` quiá'- Dsea` Jmáang-.

¹⁷ Jo lajob lñi, uíi~ e lñi'naa' dsea` quiá'- Dsea` Jmáang-, joba' íim' i` Onésimo la cóo~ e guiá- l' lafa' mi~ íin' jnea~. ¹⁸ Jogui song líng~ ee' nica'léer' quíi'- osi ee' nicarøøiñ' quíi'- é, joba' jneab~ niquí- i` cuaiñ~ quiá'r-. ¹⁹ Jnea~ Paa- jmo'o e júu^ la cóo~ layaang~ guo'o. Jogui dseáng' e jáb'-, jneab~ niquí- i` jalé' e nicarøøng i` Onésimo la quíi'- . Jo lín- n e ja' ngñi' fa' 'né- e nijmiguíén' n o' e lafa' 'nub' røøñ' quié- e, dsuco' la'eáang' jnea' ba' e calín'- dsea` quiá'- Dsea` Jmáang-. ²⁰ Jo mñi~i 'nu lajo uíi~ e coøb' fi' tíi'-naa' cóo~ Dsea`

Jmáang̃, j̃oba' j̃meẽ-g̃o uí' dié̃ e ni'ím'ba' i Onésimo la cóo' júu^ røø' uí' e lín' dsea` quiá'- Dsea` Jmáang̃; j̃o mĩ̃ nijme'^ laj̃o, j̃oba' eám' nili'íáang' dsiĩ jóng.

²¹ J̃o guiéen' n e j̃i' la quií'- e catín'-, dsuco' dseáng'- nitab̃ dsiĩ e nijmití'ba' e jmí'ee' e nicamí' i 'nũ, j̃oguĩ niñí' b̃h̃i cajo e jmiguiá' guib̃ nijmée'^ laco' jí' e nicafá'- a na. ²² J̃oguĩ j̃meẽ-g̃o uí' dié̃ quií'- e niguiá'^ guíá- jíé' fí' lí' nijaa- fí' na, dsuco' nitab̃ dsiĩ e nijmitib̃ Fidié' laj̃i' e nicamí' na're uii' quié'- e e nicuø'r- jnea~ fí' e ninii' túu fí' na e ni'ee' e 'nú' calé' catú'.

Júu^ guicóo' lí' cadséng- quiá'- Paa-

²³ J̃o lí' ngóo' cadséng- guí fí' i 'nũ, Filemón, e guiéng' i Epafras la júu^ guicóo' quií'-, jaang' dsea` rú'naa' dsea` quiá'- Dsea` Jmáang̃ i sijñing' colíing' cóo' jnea~ fí' la uí' e guí'naa' júu^ quiá'- Fí'naa' Dsea` Jmáang̃. ²⁴ J̃oguĩ laj̃o' cajo i dsea` quiá'- Dsea` Jmáang̃ caguiaang- guí i seeng' fí' la i nicajmicóo' jnea~ jee~ ta~ e guí' júu^ quiá'- Dsea` Jmáang̃ guíéñ' júu^ guicóo' quií'- na' cajo; j̃o jaléng' i dsea` la siir' Marcos j̃oguĩ Aristarco j̃oguĩ Demas cóo' guí Lucas.

²⁵ J̃o mĩ'naa' Fí'naa' Dsea` Jmáang̃ e ni'ír- güea'^ quiá'r- jee~ jaléng' 'nú'. J̃o laj̃o' nilí'. J̃o lanab jí' fé' j̃i' quiá'- Paa- e catíng- Filemón.

Coo` ji` e catoeing` jaléng` dsea` Israel i loeing` dsea` quia`- Dsea` Jmáang`

Nicacuø Fidié` júu` quia`r` la'eáang` cóo` i Joor` camúng` do

1 Lajúí` lamali`gui eáang`, jmguiub` ya` cangúng` Fidié` júu` quia`r` fí` quini` jaléng` dsea` áang` quí`-ii' la'eáang` cóo` fúing` dsea` i café` cuaiñ` quia`r`. Jo jalé` e júu` e ca'ing` jaléng` i dsea` do, jmaquíim` lí` jial ca'ín` lajaang` lajaaín`. 2 Jo dsu` lanagui, lajee` lí` ngóo` cadséng`, Fidié` cangúin` júu` quia`r` condsee` quí`-ii' la'eáang` cóo` i Joor` camúng` do. Jogui la'eáang` cóo` i Joor` do cajo cajméer` latøng` yá` jmgüi` cóo` gui guóo` uø` latí` mi` uiing`, jogui nicangúin` fí` jaguó` i Joor` camúng` do dseáng`- lajalé`ba' e sea` fí` jo. 3 Jogui i Joor` camúng` do, íb` i dseáng`- jing` güeang` i 'gøng` quia`r`, jogui dseáng`- laco` líin` 'ña`bre líng` dsea` do cajo; jo íb` i neé` ni` lajalé` e sea` cóo` lajaléng` i seeng` la'eáang` cóo` e júu` 'gøng` quia`r`. Jo mi` cangf` e nicajáng` 'ña`r` e laco` nicaleáaiñ` jneaa`aa' jee` jalé` dsee` quí`-ii', nicangám`-túr` fí` ñifí`, jo lana dob niguiñ` lí` lí` dsée` cáang` lí` lí` ée` quia`- Fidié`.

'Gøng`gui i Joor` Fidié` i camúng` do laco`gui jaléng` ángeles

4 Jo Fidié` cajméer` e 'gøng`gui i Joor` camúng` do laco`gui jaléng` ángeles, co` nicangúin` quia`- dsea` do e líin` jaang` dsea` i niing`-gui laco`gui líng` jaléng` ángeles i líng` júi` guotí`- Fidié`. 5 Co` Fidié` júi` cóo` ya` ja` cajíñ`- e sí`r` júi` jaang` ángel lala: 'Nub` dseáng`- lin` Joo`o;

jogui jmí` na nijmee` e e nilíñ` dsea` e jneab` lín`n Tiquí`.

Jogui cajo ja` cajíñ`- lala e éeiñ` júi` jaang` ángel:

Jneab` nilín`-n Tiquía`^ dsea` do,

jogui dsea` do nilíñ` Joo`o.

6 Jo fé`bi Fidié` fí` lí` jie` cuaiñ` quia`- i Joor` camúng` do ie` mi` cacuøøng`neiñ` do fí` jmgüi` la, jo lalab` cajíñ`-:

'Né` nijmifém` jaléng` ángeles quie` e i Joo`o na.

7 Jogui cajíng`- guir` cajo cuaiñ` quia`- jaléng` ángeles mi` cajíñ`- lala:

Jmóo`o e jaléng` ángeles quie` e líin` laco` guí,

jogui jmóo`o e lajaléin` do líin` laco` mi` sóng` niing`- ji.

8 Jogui dsu` jing`-gui Fidié` uii` quia`- i Joor` camúng` do mi` fé`r` lala:

'Nub` líng` Fidié`, jogui car` ngongú` jmí`ba' e nicá` nifí` quia`- jaléng` dsea` quí`-,

jogui dseáng`- røøb` í` í` quia`- jaléng` dsea` do cajo.

9 Jogui eáam` tí` a` jalé` e guía`-,

jogui eáam` 'ní` man` jalé` e 'lí`;

jo uii` joba` jnea~, i líng` Fidié` quí`-, caguín`-n 'nu`

jo cajmé`-e lajo e laco` nilí`iáang`gui o` laco`gui lajaléng` dsea` i seeng` røø` cóo` 'nu`.

10 Jogui jím`-bigui Fidié` cajo cuaiñ` quia`- i Joor` do mi` fé`r` lala:

Janú` 'nu`, Fíi`i, 'nub` cajmee`- e catiroø` jmgüi` latí` mi` uiing`,

jogui 'nu`bi cajo dsea` cajmee`- yá` jmgüi`.

11 Jo jalé` e jo tóob` jmí` ni`líng`, dsu` 'nu`, latab` seen`.

Co` jalé` e jo niguiáb` mi` nití`- í`

laco`gui la dsea` lí` doñí` ee` 'mi`;

12 jogui nijmée` laco` tú`- ju` jalé` e jo laco`gui mi` júng` dsea` cóo` 'mi`,

jogui nijmisín` jalé` e jo laco`gui mi` jmisíng` dsea` sí`r`.

Dsu` 'nu`gui, røøb` lin` contøøng`, co` ja` sisín` júi` capí`^,

jogui cajo ja` tóo` jmí` fa' e ni`lín`-.

13 Jo jii'~ coo` née'~ ja` cajíng'~ Fidiée' fa' sí'r' jaléng'` ángeles quiá'r~ mi~ fé'r` lala:
Ní lí' lí' dsée' laco' guin~n,

carti' nijmee~ e e jaléng'` dsea` i` 'ní' níng~ 'nu`
nisi'r` uó~ jnir~ fí' quini'` e laco' nijmi'gór` 'nu`.

14 Jo jaléng'` ángeles dsea` jmiguib` líiñ' i` jmóo` lajii'~ ta~ e iing~ Fidiée', jogui jaléng'` íb` cajo
i` síng' Fidiée' i` jmicóo'~ jaléng'` dsea` i` cangíng'` e nileáiñ` jee~ jalé'` dsee~ quiá'r~.

2

Ja` 'né~ jmitúng` dsi'naa' e fí' lí' nitée~naa' cóo'~ Dsea` Jmáang~

1 Jo co' lajob líí, joba' eáang'gui guíng'` 'né~ e nicuóø'~ bí yee~naa' e nijmi'goo~naa'
lajii'~ júu^ e nicajá'~ líi'naa' do e laco' ja` ni'náng'naa' lajii'~ fí' guiú~ lí' nitée~naa' cóo'~
Dsea` Jmáang~. 2 Jo dseáng'~ røøb` ñ' í' jalé'` e júu^ e cacuø' Fidiée' lamí~ jééng'gui la'eáang'
cóo'~ jaléng'` ángeles, joba' jaléng'` dsea` i` ja` cajmi'gó' o'gui cajméer` náu'r~ jalé'` e júu^
jo, dseáng'~ iihuú' b' ca'íñ' laco' catíng~. 3 Jo dseáng'~ ja` nileáang'naa' jee~ jalé'` iihuú' e
catí~naa' do song jmitú~ b' dsi'naa' e júu^ e cacuø' i` Jóor' camíng'~ do e quiá'~ jial laang'
dsea' jee~ jalé'` dsee~ quiá'r~. Co' 'ñiab' Fii'naa' dseáng'~ cacuø' e júu^ jo la'uii~, jo mi~
cangí'gui lajo, cajme' jneaa~aa' júu^ jaléng'` dsea` i` canúu~ e júu^ jo, jo casí'r~ jneaa~aa' e
dseáng'~ lajob cangojée'. 4 Jo lajobi Fidiée' cajo cajméer' e calita~ dsi'naa' e dseáng'~ jáb'~
e júu^ jo la'eáang' cóo'~ jalé'` e lí~ e cajméer' colíng'~gui cóo'~ jalé'` e 'gøng'` e dsigá' dsí'
dsea' e quíi'~ jmíi' jmóor', jogui cajmée'bir cajo e ta~ dsi'naa' e lajo, co' cacuø'r' jneaa~aa'
Jmiguí' quiá'r~ lajaang' lajaang'naa' jmaquíng' lí' laco' la íaang' dsíir' 'ñia'r'.

Mí' calíng~ Dsea` Jmáang~ jaang` dsea` jmigüi'

5 Jo ja` cacuø' Fidiée' jaléng'` ángeles quiá'r~ ta~ fa' e niné~ niñ'~ lajalé'` e sea' fí' jmigüi'
lí' laco'gui jii'~ e sii'naa' lana. 6 Dsu' o' lajo, co' lalab fé' fí' ni~ jì' quiá'r~ lí' fé' jaang' cuaiñ~
quiá'~ dsea` jmigüi':

Fidiée', ¿e~ líng' dsea` jmigüi' e laco' eáang' iin'~ e nijmicóo'~re?,
jogui ¿e~ líng' dsea` dsee~ dsea` qui' e laco' niné~ ní're?

7 Jo lajee~ cateá'ba' cajmée'~ e ja'gui niing~ dsea` jmigüi' laco' jaléng'` ángeles;
jo mi~ cangí' jo, cacuø'~re coo' ta~ e jlo' e niing~,
jogui cajmée'~ e cajmi'gó' dsea' ír',

8 Jo cacuø'~re ta~ e cané~ nir~ lajalé'` e sea' fí' jmigüi'.

Jo mi~ cacuø' Fidiée' e née' ni~ dsea` jmigüi' jalé'` e jo, jii'~ coo' ja' e caséer' ca' fa' e ja'
cané~ niñ'~. Dsu' doñí' fa' e cajméer' lajo, dsu' ja' mí' ne~b'í' fa' e ninéé' ni~ dsea' dseáng'~
laco' sí'í'. 9 Dsu' e já'~, nine'baa' e Fidiée'bing' cajmeáang' Jesús ja'gui fa' dseáng'~ niiñ~
laco'gui jaléng'` ángeles lajee' e caliñ~ dsea` jmigüi'. Jo co' eáam' 'neáang' Fidiée' jneaa~aa',
joba' cajméer' e cajúng~ Jesús cuaiñ~ qui'ii'. Jo la'eáang' cóo'~ e iihuú' e cangíng' Jesús mí'
cajúiñ'~ do, joba' lana nine'naa' e nicajmée' Fidiée' e dsea' do ca'uíñ~ jaang' dsea' 'gøng'
i` 'né~ nijmi'gó' jaléng'` dsea` jmigüi' jogui i` 'né~ nijmiféng'` dsea' cajo.

10 Jo Fidiée' dsea' cajméer' lajalé'` e sea' fí' latøøng~ jmigüi', jogui la'eáang' cóo'~ íbre
cajo e sea' b'í' jalé'` e sea'. Jo co' iin~ e lajaléng'` dsea` i` nilíng' dsea' quiá'r~ niliseeng'
cøøng' cóo'r~ lata' fí' ñifi' fí' lí' niing~ 'gøiñ', joba' la'eáang' cóo'~ e iihuú' e cangíng' Dsea'
Jmáang~ mi~ cajúñ~, Fidiée' cajméer' e ca'uíng~ dsea' do dseáng'~ laco' sí'í'. Jo lajoba'
ca'uíng~ Dsea' Jmáang~ jaang' i` líng~ dsee~ quiá'~ jaléng'` dsea' quiá'r~. 11 Jo cajmée' i`
Jóor' camíng'~ do e nilí'naa' dsea' i` jo' røøng'gui dsee~ fí' quini' Fidiée' lí' la líiñ' 'ñia'r';
joba' colíng' cóo'~ i` Jóor' do cajmée' Fidiée' e nilí'naa' lafa' coøb' sínúu' cóo'r~, co' jaam'
Tiquí'naa' niseeng'. Jo uii~ joba' ja' e í' líng~ i` Jóo' Fidiée' do jii'~ coo' e sí'r' jaléng'` dsea'
quiá'r~, rú'u, 12 co' lalab fé'r' fí' ni~ jì' quiá'~ Fidiée':

Níí' i` jaléng'` rún' n' jial líng' 'nu',

jogui ni'øø~ quiá'~ e jmifén' n' 'nu' jee~ jaléng'` dsea` i` seáng'` e jmiféiñ' 'nu'.

13 Jo lalab cajíng' guir cajo:

Dseáng' fí jaguó Fidiéeb' seen, co' íb' dsea` i quie' nifi' quie`e.

Jogui jim' biguir cajo lala:

Lab seen` coling` cóo` jaléng' dsea` quie`e i ling' jóo` i nicacuøng' Fidié` jnea`.

14 Jo jaléng' jneaa`aa', dsea` lí'naa' dsea` jmigüi, røøb` sea` ngúu' táang`naa' cóo`gui jmi'øøng`naa'. Jo lajob cajo mi` cajá` Jesús fí jmigüi la, seab` ngúu' táaiñ` cóo`gui jmi'øøiñ` lí' laco'gui la ling' dsea` jmigüi. Jo dsea` do ca'uiñ` lajo e laco' la'eáang' cóo` e cajúñ` e líiñ` jaang` dsea` jmigüi, ca'íiñ` bí quíá' fii` i 'ling' i ling' fii` quíá' 'mó`.

15 Jo la'eáang' e nica'ling` Jesús bí quíá' i fii` i 'ling' do, joba' nicaléam`bre jaléng' dsea` jmigüi i lí' jó' jmi` táang' fí jmigüi e 'gó'r` nijúñ` . 16 Co' dseáng' e jáb' e ja` cajá` Jesús fí jmigüi la e laco' nijmicóo'r` jaléng' ángeles, dsu' cajá`bre e laco' nijmicóo'r` jaléng' dsea` i ling' siju` 'lí' yúu` Abraham. 17 Jo e laco' nijmicóo` Jesús jaléng' i dsea` rúñ` dsea` jmigüi do, joba' la guím` 'né` e ca'uiñ` røøb` laco' dsea` do. Jo uí' lajoba' ca'uiñ` fí quini` Fidié` jaang` jmidsea` i laniing`gui eáang' i ée` røø` lata` jogui e eáang' fii` ling` i dsea` rúñ` dsea` jmigüi do, jogui cajáng' 'ña'r` e cajúñ` fí dse' crúu` e laco' ni'ling` jalé` dsee` quíá' dsea` jmigüi. 18 Jo lí' laco' cangíng' Jesús jee` jalé` iihu` e laco' nitéñ` fí ni` dsee`, dsu' ja` calí` lajo, joba' lana dsea` do nicuøøm` nijmicóo'r` jneaa`aa' mi` ngüing`naa' jee` jalé` e jo e laco' ja` nijíá'naa' fí ni` dsee`.

3

'Gøng'gui Jesús laco' Moi`

1 Jo co' lajob lí', dsea` rú'naa' dsea` quíá' Dsea` Jmáang` i nicatø` Fidié` e laco' ni'uíng`na' dsea` quíá'r`, joba' 'né` jmigüiém' áa'na' car` ngocáng` óo'na' e Jesús i casíng` Fidié` fí jmigüi la cuaiñ` quíá'r`, ca'uiñ` jaang` jmidsea` i laniing`gui jee` jaléng' jmidsea` e laco' nifé'r` fí quini` Fidié` dsea` guing` fí ñiff` uii` quí`ii', dsea` já' lí'naa' júu` quíá'r`. 2 Jo dseáng` eám` røø` ée` Jesús jalé' ta` e cangíñ` quíá' Tiquíá'r` Fidié`, jogui røø` ca'ée` Moi` cajo lajii` ta` e cajméer` jee` jaléng' dsea` quíá' Fidié`. 3 Dsu' eáang'gui catíng` e nijmi'gó` dsea` Jesús laco'gui Moi` lí' laco'gui la lí' quíá' jaang` dsea` i née' ni` coo` sinúu` eáang'gui catíng` e nijmi'gó` dsea` i dsea` í laco'gui e 'núu` do 'ña'. 4 Jo dsea` jmigüi'bing' jmo' jalé' 'núu', jo dsu' Fidié`bing' i cajméé` lajalé' e sea' fí la'úng`. 5 Jo dseáng' røøb` dseáng' ca'ée` Moi` lajii` ta` e ca'íñ` quíá' Fidié` jee` jaléng' dsea` quíá' dsea` do; jo jalé' ta` e cajméer` do quíá' e fé'r` fí quini` jaléng' dsea` jalé' e nijmé` Fidié` cøøng`gui. 6 Jo dsu' Dsea` Jmáang` dseáng' røøb` éer` ta` quíá'r` e líiñ` jóo` Fidié` e née' nir` dsea` quíá' Tiquíá'r`. Jo jnea`bi dsea` lí'naa' i dsea` quíá' dsea` do song`já' bi lí'naa' júu` quíá'r` car` ngocáng` dsí'naa', jogui song` sijeeng`naa' e nita` dsí'naa' e niñíng`naa' lajii` e catíng`naa' mi` nití` í' lajo.

Jial niñíng` dsea` e jmi'íñ` cóo` Fidié` laco' ngóo' jmi`

7 Jo lí' laco' fé' fí ni` jì quíá' Fidié` lí' fé' Jmiguí quíá'r` lala:

Jo song` lana ninúu`na' lajii` júu` quíá' Fidié`,

8 joba' ja` jmoo`na' saang` áa'na'

laco'gui cajméé` dsea` áang' quí`na', dsea` Israel, mi` cajméer` saang` dsír' cóo` Fidié` ie` lami` cangir' fí jee` uø` quíú', mi` cali'íiñ` caliñir' jial tí' féng' dsí' Fidié` cóo` jaléng' dsea` do.

9 Jo fé'bi Fidié`:

Jo ie` jo jaléng' 'lí' dsea` áang' quí`na' contøøm` cajméer` e cali'íiñ` e caliñir' e su dseáng' já'ba' e quí`i jmi` e nijmicóo`ore, doñí' fa' lajee` e cangí jaléng' i dsea` do fí jee` uø` quíú` cangá`bre jalé' e guiá' e quí`i jmi` e cajmé` e cóo'r` lajee` tuló` jii`.

10 Joba' ie` jo eám` caligüín`n cóo` jaléng' i dsea` í jo cafii`ire lala:

“Contøø̄m̄ i dseá quié̄ e la ja` mí ca'íñ' e jneā quiēē nifi' quiá'r̄
 o'gui iñ̄ e nijmitir̄ jalé' júu^ quié̄ e.”

11 Jo cō' eáam̄ siguín̄n quiá' jaléng' i dseá quié̄ e do,
 jōba' cacuøø júu^ quié̄ e quiá' i dseá do lala:

“Dseáng' ja` niñiñ' e nijmi'íñ' e seeiñ̄ cøøng` cōo' jneā laco' ngóo' jm̄ī.”

12 Jōba' fñ̄ guí 'nú', dseá rú'naa' dseá quiá' Dseá Jmáanḡ, jmiñiinḡ óo'na' e laco' jjī jaanḡ 'nú' ja` nijméēna' saanḡ áa'na' cōo' Fidié̄ e laco' nijmitúnḡ áa'na' fí lí niteáanḡna' cōo'r̄, cō' jjī dseá íb' i já' i cuø' e seēnaa' fí jmigǖ la. 13 Cō' lajeē lana, lajeē e fém'bi dsí' Fidié̄, lí' lí 'né̄ e cuø'gui bí rúm'ba' laco' jm̄ī laco' jm̄ī e laco' jjī jaanḡ 'nú' ja` nijmigøønḡ yaanḡna' e niténg'na' fí nī dseē, cō' fíng song cajmeēna' lajō, jōba' ni'uínḡna' e saam̄tu óo'na' cōo' Fidié̄ jóng. 14 Jo latā niliseēnaa' cøøng` cōo' Dseá Jmáanḡ song teá'bi téēnaa' lajjī fí guiá' lí nitéēnaa' cōo'r̄ latā seēnaa' fí jmigǖ la lí' laco'gui nicajméēnaa' latí m̄ī uinḡ.

15 Jo lalab fé'gui fí nī jì quiá' Fidié̄ lí fé' lala:

Jo song lana ninúu^na' júu^ quiá' Fidié̄,

jōba' ja` jmoo'na' saanḡ áa'na' laco'gui cajméē dseá áang' quí'na' dseá Israel malí̄gui eáang' m̄ī cajméēr̄ saanḡ dsíir' cōo' Fidié̄ lajeē cangir' fí jeē uø' quiú'.

16 Jo çí̄ i dseá i cajméē saanḡ dsí' cōo' Fidié̄ m̄ī cangí e canúur̄ júu^ quiá' dseá do? Cō' jaléng' dseá Israel i ca'uøøng' Moí' fí Egipto, dseá íbing' i cajméē saanḡ dsí' cōo' Fidié̄. 17 Jogui çí̄ cōo' jaléng' dseá cajméē Fidié̄ guiñ̄ lajeē tuló' jjī? Cōo' jaléng' i dseá íb', cō' íbing' i cabeáng' dseē yaanḡ iē jō, jōba' cajúñ̄ tá' jáiñ̄ fí jeē uø' quiú' cartí cadsém̄bre. 18 Jogui çí̄ cōo' jaléng' dseá i cacuø' Fidié̄ júu^ quiá'r̄ e ja` nijmi'íñ' e seeiñ̄ cøøng` cōo' dseá do? Cōo' jaléng' íb' cajo, cō' ja` cajméēr̄ núur̄ júu^ quiá' dseá do. 19 Jo lajōb calilí'naa' e ja` calí' jaléng' i dseá do fa' e nijmi'íñ' e seeiñ̄ cøøng` cōo' Fidié̄, cō' ja` já' calíñ̄ júu^ quiá' dseá do.

4

1 Jōba' fñ̄ guí 'nú', dseá rú'naa', e lajeē e sea'bi fí quí'ii' e jmi'íng'naa' e seēnaa' cøøng` cōo' Fidié̄, jōba' lajeē jō 'né̄ e nijmiñiim̄ dsí'naa' e laco' jjī jaanḡ jneaa'aa' ni'nánḡnaa' fa' e ja` ni'íng'naa' e jō. 2 Cō' nicaguiab' dseá júu^ fí jeē jneaa'aa' quiá' jial láang' Fidié̄ dseá jeē jalé' dseē quiá'r̄ lí' laco' jjī júu^ e canúū jaléng' i dseá i cangí fí jeē uø' quiú' do malí̄gui eáang'. Dsu' ja' e ta' calí'íng' jjī cōo' e jō quiá' i dseá í, cō' ja` já' calíñ̄ e júu^ e canúur̄ do o'gui calinúur̄ cajo. 3 Jo dsu' jneaa'guí, dseá nijá' lí' júu^ quiá'r̄, niñim'baa' e nijmi'íng'naa' e seēnaa' cøøng` cōo' Fidié̄, jō o' laco' i dseá i éeng' Fidié̄ fí nī jì quiá'r̄ m̄ī fé'r' lala:

Jo cō' eáam̄ siguín̄n quiá' jaléng' i dseá i saanḡ dsí' do,

jōba' cacuøø júu^ quié̄ e quiá' i dseá do lala, e dseáng' ja` niñiñ' e nijmi'íñ' e seeiñ̄ cøøng` cōo' jneā laco' ngóo' jm̄ī.

Jo cajíng' Fidié̄ lajō nañí' fa' cartí m̄ī canaanḡ uiiñ̄ jmigǖba' catáñ' jalé' ta' quiá'r̄ e cajméēr̄ latøønḡ jmigǖ. 4 Cō' ninēbaa' e lajalé'ba' ninée' guiá' quiá' Fidié̄ lamí̄ uinḡ lí' laco' la fé' fí nī jì quiá'r̄ lí' fé' lala:

Jo lajeē jñúū jm̄ī catób' jalé' ta' quiá' Fidié̄,

jōba' cajmi'ím'bre m̄ī catí e jm̄ī guié̄ do.

5 Jo lalab cajíng'gui Fidié̄ cajo fí nī jì quiá'r̄ cuaiñ̄ quiá' jaléng' i dseá i cajméē saanḡ dsí' cōo'r̄ do:

Ja` niñíng' i dseá na e nijmi'íñ' e seeiñ̄ cøøng` cōo' jneā laco' ngóo' jm̄ī.

6 Jo jaléng' i dseá i canúū lamí̄ jéeng'gui júu^ quiá' Fidié̄ e quiá' jial laanḡ dseá jeē jalé' dseē quiá'r̄, dsu' ja` cangíñ̄ e seeiñ̄ cøøng` cōo' Fidié̄, cō' saam̄ dsíir' cajméēr̄ cōo' dseá do. Dsu' latí lana tí'bi e ni'íng' dseá e jō, cō' cuø'bi Fidié̄ fí e nijmi'íng' dseá

cóo'r. ⁷ Jo co' lajob líí, joba' Fidiée' nicatée'r cōo'gui jmíi lí' lí' dsea' e ni'íñ' e seeíñ' cōong' cōo' dsea' do, jo e jmíi' job líí lana. Co' Fidiée' nicasí'r' jneaa'aa' la'eáang' cōo' júu' quiá'r' e cajme' dseata' Daví' fí' ni' jì' ie' lamí' casúung' jmiguiá' jii' e cajmée' dsea' Israel saang' dsíir' cōo' Fidiée':

Jo song lana ninúu'na' lajii' júu' quiá' Fidiée',
 joba' ja' jmoo'na' saang' áa'na' cōo' dsea' do.

⁸ Co' faco' 'líi' yúu' Josué cacuø'r' dsea' góor' dsea' Israel fí' e nijmi'íñ' ie' jo lí' laco'gui cajíng' Fidiée' lamí' jéeng'gui e nicuø' reiñ', joba' ja' ee' ta' café' Fidiée' e nilisea' cōo'gui jmíi' e nijmi'íng' dsea' lana faco' lajo. ⁹ Jo co' lajob líí, joba' sea'bi fí' e niñíng' i dsea' i nijá' líng' júu' quiá' Fidiée' e nijmi'íñ' e seeíñ' cōong' cōo' dsea' do. ¹⁰ Co' jaléng' dsea' i ngíng' e nijmi'íñ' e seeíñ' cōong' cōo' Fidiée', joba' nijmi'íñ' e nicatáíñ' jalé' e 'né' jmér' lí' laco'gui cajmi'íng' Fidiée' mi' cangí' e catáíñ' ta' quiá'r' e cajméer' latøong' jmigüí. ¹¹ Joba' 'né' e nicuøø' bi' bí' yee'naa' e laco' niñíng'naa' e nijmi'íng'naa' e see'naa' cōong' cōo' Fidiée' e laco' jii' jaang' jneaa'aa' ja' nijmó'oo' laco'gui cajmée' i dsea' Israel do ie' malíi'gui do mi' ja' já' calíiñ' júu' quiá' Fidiée' o'gui calinúu'r' e júu' quiá' dsea' do cajo.

¹² Co' eáam' 'gøng' júu' quiá' Fidiée' jogui cuø' e seeng' dsea'. Jo eáang'gui jlo' bî' quiá' jogui íng'gui ta' cajo laco'gui cōo' ñisú' e 'mé' laj' tú' taang', jogui cuø' e ngáng' dsea' jial laco' catíng' e í' dsíir' fí' dsíir' jogui jial e í' dsíir' cōo' jmigui' quiá'r'; jogui cuø' e líñí' dsea' su guiá' osi ja' dseeng' jalé' e í' dsíir' jogui su guiá' osi ja' dseeng' jalé' e iíñ' nijmér'. ¹³ Jo jii' cōo' e sea' fí' la'úng' fí' jmigüí lí' 'meá' dsea' e ja' ñí' Fidiée' osi e ja' jøø' é, co' jaléb' e jmoo'naa' niñir' jogui nijøø'r' cajo, jogui dseáng' fí' quini'bre cajo lí' ni'í' í' røø' qui' ii' mi' nití' í' lajo.

Jesús líiñ' jmidsea' dsea' féng' i laniing'gui

¹⁴ Jo co' Jesús dsea' líiñ' Jóo' Fidiée' i camíng' do, jogui íb' cajo i jmidsea' dsea' féng' i laniing'gui do qui' ii', jo íb' dsea' i nicangáng' tu' fí' ñíí' fí' lí' guíng' Tiquiá'r' Fidiée', joba' 'né' e téé'naa' teá' fí' guiá' lí' nitée'naa' e já' lí'naa' júu' quiá' dsea' do. ¹⁵ Jo i jmidsea' dsea' féng' i laniing'gui qui' ii' do quíi'bre jmíi' e nilí' fíi' líiñ' jneaa'aa', dsuco' niñí'bre jial dseáng' huíng' see'naa' fí' jmigüí la e ja' nité'naa' fí' ni' dsee'. Co' dsea' í' cajo cangí'm'bre jee' jalé' iihuú' lajee' cateáaiñ' fí' jmigüí la, lifa' ír' jii' cōo' dsee' ja' ca'éer'. ¹⁶ Jo uíi' e lajob líí, joba' nita' dsi'naa' e nidsiquiéeng'naa' fí' quini' éé' lí' guíng' Fidiée' e laco' nilí' fíi' líiñ' jneaa'aa' jogui e laco' nijmicōo'r' jneaa'aa' mi' dseáng' 'né' qui' ii' lajo; dsuco' i dsea' í' eáang' 'neáaiñ' jneaa'aa' jogui dsíng' eáang' guiúíñ' cōo' jneaa'aa' cajo.

5

¹ Jo jee' jaléng' dsea' jmigüí' lí' 'náang' dsea' jaléng' jmidsea' laniing' e laco' ni'é'r' ta' quié' júu' quiá' jaléng' dsea' do fí' quini' Fidiée', jogui e niguiár' guiá' jalé' feá' e nicuø'r' Fidiée', jogui e nijngáiñ' jaléng' jó' i catíng' dsea' do e laco' ni'íng' dsee' quiá' jaléng' i dsea' do. ² Jo co' jaléng' i jmidsea' do ñí'bre jial huíng' e ja' niténg' dsea' fí' ni' dsee', joba' tím'bre e nilí' fíi' líiñ' jaléng' i dsea' i ja' ñí' e dseeb' éer' cōo' jalé' e jmóor' do; ³ jo co' dsea' dsee' dsea' quib' líng' jaléng' i jmidsea' do, joba' 'né' líng' e feá' níjir' fí' quini' Fidiée' e laco' ni'íng' dsee' quiá'r' yaaiñ' jogui jalé' dsee' quiá' jaléng' dsea' caguiaang'gui cajo. ⁴ Jo jii' jaang' dsea' cuøøng' lí' jmeáng' 'ñia'r' e ni'é'r' e ta' 'goo' la e ni'uíiñ' jaang' jmidsea' laniing', co' Fidiée'bing' 'náang' dsea' e laco' ni'é'r' e ta' 'goo' jo lí' laco'gui cajmée' Fidiée' cōo' i jmidsea' la'uii' i caliséng' malíi'gui eáang' i calisí' Aarón. ⁵ Jo lajob líí cajo cōo' Dsea' Jmáang', co' o' 'ñia'r' dsea' ca'náng' 'ñia'r' e ni'é'r' e ta' 'goo' jo e ca'uíiñ' jmidsea' dsea' féng' i laniing'gui, dsuco' Fidiée'bing' i ca'náng' ír' e ni'é'r' e ta' 'goo' jo car' ngongí' jmíi', co' 'ñiab' Fidiée' dsea' cajíñ' lala malíi'gui eáang':
 'Nub' dseáng' lin' Jóo'o;

jogui jmii na jneab dseang lán n Tiquí' cajo.

6 Jo cajim biguir cajo fí ni jì quiá r mi cajín casí r i Joor Dsea Jmáang do lala: Jo car ngongí jmib óo ta e lin jmidsea dsea féng i laniing gui,

lí laco caling i jmidsea i sii Melquisedec ie malí gui do.

7 Jo lajee cateáng Dsea Jmáang fí jmigü la, eám teá caféiñ Fidié jogui camí r dsea do e ngocáng dsí r carjì qui bre e quí dsea do jmii e nileáng neiñ fí ni 'mó; jo uí e cajmiti Dsea Jmáang car ngocáng dsí r lajii e iing Fidié, joba jáb canú dsea do lajii júu quiá r. 8 Jo doñí fa e Dsea Jmáang líiñ dseáng i Joo Fidié camíng do, dsu dseáng 'né ba e cangongíiñ jalé e iihu do e laco calí r jial 'né jmér nú r mi quiu Tiquíá r ta lajo. 9 Jo mi ca'uíñ dseáng laco jii e si'íiñ quiá Tiquíá r Fidié, joba nicuøng leáiñ lata jee jalé dsee jaléng i dsea i jmoo lajii e iing dsea do. 10 Joba Fidié ca'náaiñ dsea do e oor ta 'goo e líiñ jmidsea dsea féng i laniing gui lí laco gui caling i jmidsea i sii Melquisedec ie malí gui do.

Jial dseáng e nilitúng dsí dsea cóo júu quiá Dsea Jmáang

11 Jo jmigui bí jalé e ii naa e nisí guí 'nú uii quiá jalé júu e nicasi naa na, lifa huím jiu qui naa e ni'éé naa 'nú e júu jo, co eám tá jiu ngáng 'nú e júu jo. 12 Jo ningóob eáng e ca'íng 'nú júu quiá Dsea Jmáang, joba lana nidsi í e nilíng na tifab quiá e júu jo; dsu lí r quib lí quií 'nú lana, co 'nú ni neáng tu jaang tifab i ni'éé tu 'nú jalé júu quiá Fidié e nicanú na lamí jéng gui. Co lanagui eám jo teá teáng na cóo júu quiá Dsea Jmáang, co nilíng na lafa yuu pí e jmang fib iing na u na, jo ja iing na co na laco gø dsea cóong. 13 Jo jaléng dsea i líng lafa yuu pí i j mang fi, lajob líng jaléng dsea i ja lí gui su guiá osi ja dseeng jalé e jmoo do. 14 Dsu jaléng i líng laco dsea cóong, lafa jmiñb títng í gø r, co í bing nitíng gui e e guiá jogui e e ja dseeng, jo nisítim bre e jmoo jii e guiá.

6

1 Joba fii guí 'nú, dsea rú naa dsea quiá Dsea Jmáang, matéé guí fí guiá lí nitée naa cartí ni'uíng naa dseáng laco si'í fí quini Fidié. Jo ja jmitúu lajii júu tí fii quiá Dsea Jmáang e canú naa la'uii do quiá jial quí jing yaang dsea fí quini Fidié jogui quiá jial mi tú dsea jalé e lí e si' jii fí 'mó, jogui jial ja líng dsea júu quiá Fidié, 2 osi jial mi saang dsea jmii, osi e uiing mi quidsi dsea guoor fí yú mogui jaléng dsea quiá Dsea Jmáang, osi jial lí mi níj tu jaléng dsea quiá Dsea Jmáang i nicajung, osi jial mi niquidsi Fidié í quiá jaléng dsea cóo jalé dsee e nica'éer. 3 Jo majmó guí bí e ni'uíng naa dsea quiá Dsea Jmáang dseáng laco si'í, lí jialco iing Fidié e nilí naa.

4 Jo jaléng i dsea i cangíng quiá Fidié e nijá calíiñ júu quiá Dsea Jmáang, jogui e nicajmí íang dsí r cóo lajalé e guiá e nicajméé Fidié cóo r, jogui e nica'íiñ lajii e cuø Jmiguí quiá dsea do, 5 jogui e niñ bre jial tí dseáng guiá e júu quiá Fidié jogui jial tí 'gøng e jmigü 'mii e nilisea ie jo, 6 jo jaléng i dsea i ca'íng jalé e na, jo dsu mi cangí jo, catú tur lajii e nica'íiñ do, joba jo quí jmii jóng e niquí jing tu yaaiñ fí quini Fidié, co fíng song jmoo lajo, joba lí lafa e í bre niteáng tur i Joo Fidié camíng do fí dse crúu calé catú, co fíng song jmoo lajo, joba niløng tur dsea do jóng. 7 Jo jaléng dsea i ca'íng júu quiá Dsea Jmáang do, jo mi cangí jo catú tur fí teaiñ, joba i dsea í líiñ la lí cóo guoo uø e ca'íng jalé jmí e tuu; jo mi niró jalé e cangojnea e fí ni guoo uø do, joguib nilí íng ta quiá i dsea i cajní do; 8 jo dsu song e fí ni guoo uø do ca'íang lajii 'matoo cóo gui jalé onuu guí, joba ja e ta íng jii cóo e uø do jóng; joba lí lafa e tí lí nijéb Fidié e güeang quiá r e catá r e fí ni guoo uø do, jo ni'im cartí nicó.

E lab e júu e cuø ta dsí e tée naa teá fí guiá cóo Dsea Jmáang

9 Dsea` rú'naa' dsea` quiá'- Dsea` Jmáang- i 'neáan`n eáang', dsu' doñí' fa' e nicafíi- i 'nú' cóo' e júu^ jo, dsu' ofa' nicafá'- a uii' qui'na', co' eáam' nita` dsii- e dseáng'- teáb` teáng-na' fí' guiá- cóo' Dsea` Jmáang- e nileáng'na' jee` jalé' dsee- qui'na'. 10 Jo dseáng'- eáam' guiúng- Fidiéé, joba' ja` quí'- jmií` fa' e ni'íng- dsíir' jalé' e guiá- e nicajmee- 'nú' e nicajmicóo'na' jaléng' dsea` rúng'na' dsea` quiá'- Dsea` Jmáang- jogui e nicajmi'neáang'na' jaléng' í' cajo lí' laco'gui la jmoo`na' lana. 11 Jo ii`naa' e lajaang` lajaang` 'nú' jmée`bi' e iáang` óo'na' e jmicóo' rúng'na' lata` seeng'na', jo lajoba' niííng'na' lajii' e nisijeeng`na' e catíng-na' e nicuø'- Fidiéé` 'nú' mi` nití- í' lajo. 12 Jo ja` ii`naa' e 'nú' nijmée`na' fíng'-na' e fí' guiá- lí' niteáang-na' cóo' Dsea` Jmáang-, co' lí' lí' 'né- e 'nú' nijmée`na' laco'gui la jmoo` jaléng' i dsea` i já'- líng` júu^ quiá'- Dsea` Jmáang- e ja` litúng- dsíir' doñí' ee` dsijéé' fí' lí' nicasing'` yaaiñ, jo la'eáang' e joba' e nidsijéé' guiá- quiá'r- e ninaaiñ` iñ' lajii' e catíiñ- e nicajíng'- Fidiéé` e nicuø'- reiñ' lami` jéeng'gui.

Lajii` júu^ e cacuø' Fidiéé` jaléng' dsea` quiá'r-

13 Jo ie` malíi`gui eáang' Fidiéé` cacuø'r' líi` yáa' Abraham júu^ quiá'r-, jo e jo dseáng'- cajmitir` ñia'r', co' ja` ii` seeng` i 'gøng'gui laco' ír` i nicuø'r- júu^ quiá'r- ñia'r'. 14 Jo e lab júu^ e cacuø'r' dsea` do ie` jo mi` cajiñ'- lala: "E jáb'-, jneab` nijmigüean`n 'na' jogui nijmee` e e niliseeng` i 'leáang- dsea` sijú'." 15 Jo mi` ca'íng' 'líi` yáa' Abraham e júu^ jo, joba' cajém`bre e féng' dsíir' e nijmiti` Fidiéé` lajii' e nicajíñ'-; jo mi` cangí` jo, ca'ím' 'líi` yáa' Abraham lajii' e nicajíng'- Fidiéé` e nicuø'-reiñ' lami` jéeng'gui do. 16 Co' mi` cuø' doñí' ii` dsea` júu^ quiá'r- e líng- e nijmitir-, joba' e jo jmóor' fí' quini` jaang`gui dsea` i niing-gui laco' ír`. Jo mi` cuø' dsea` júu^ quiá'r- fí' quini` jaang` dsea` i niing-gui, joba' la guíim' 'né- nijmitir- e júu^ quiá'r- do. 17 Jo co' Fidiéé` cali'iiñ` e cacuø'r' júu^ quiá'r- condséeb' fí' quini` jaléng' i dsea` i nisi'íng` e ni'íng' jalé' e nicajíñ'- lami` jéeng'gui e nicuø'-reiñ' do, joba' cacuø'r' júu^ quiá'r- fí' quini` ñia'r' e ja` quí'- jmií` fa' e nijgiéeng-gui lajii' e nicajíñ'- lami` jéeng'gui e nicuø'r' jaléng' dsea', jogui dseáng'- 'né- e guiab' dsíir' e nijmitir- jalé' e jo e ja` jmisíiñ` jii' cóo'. 18 Jo la'eáang' cóo' e tú- íng' júu^ na e cacuø' Fidiéé` e ja` jmisíiñ` jii' cóo` jogui e já'- lí' cajo, co' dseáng'- ja` quie`bre júu^ adsee, joba' la'eáang' cóo' e tú- íng' júu^ na nitab` dsí'naa' e í`bre nito' fíiñ` jneaa`aa', jogui nisitab` dsí'naa' cajo e ni'íng'-naa' lajii' e catíi-naa' e sijeeng`naa' e nicuø'r- jneaa`aa' lí' laco'gui jii' júu^ e nicacuø'r' jneaa`aa' lami` jéeng'gui. 19 Jo la'eáang' cóo' e júu^ ta` dsíi' na nitée`naa' teá' fí' guiá- cóo' Dsea` Jmáang- jogui nitab` dsí'naa' cóo' dsea` do cajo; jo e jo lí' lafa' 'lo' ñí' quiá'- cóo' móo' e quíng' dsea` teá' fí' 'ni' jmií'í' e laco' nijé- tii- e móo' do. Jo nitab` dsí'naa' cóo' Jesús, jo íb` dsea` i nicangíng' fí' lafa' 'mi' e íi', jogui lana dob`guiiñ` fí' lí' laniing- 'gøng' quiá'- Fidiéé` fí' ñííí'. 20 Co' job e fí' e caneaa' Jesús lami` jéeng'gui e laco' cuøøng' e niguié'-naa' dseáng'- fí' quini` ée` lí' guing- Fidiéé`, jo lajoba' cangíiñ` e óor` ta` 'goo' e ca'uíiñ` i jmidsea` dsea` féng' i laniing-gui quí'-ii' car` ngongíi` jmií` lí' laco'gui calíng- i jmidsea` i sii` Melquisedec ie` malíi`gui do.

7

Jesús líiñ' i jmidsea` dsea` féng' i laniing-gui lí' laco'gui la calíng- Melquisedec

1 Jo i Melquisedec na calíiñ- dseata` dsea` féng' fí' cóo' fíi` e calisí` Salem ie` lami` jéeng'gui eáang', jogui calíiñ- cajo jmidsea` laniing- quiá'- Fidiéé` dsea` guing- ñííí-. Jo ie` jo i 'líi` yáa' quí'-ii' Abraham do ni'iuuiñ- fí' e jaiñ' fí' lí' cangór- fí' jee` 'nií' fí' lí' calí'r- jaléng' dseata` dsea` féng' i seeng' fí' fíi` lí' jíé'; jo lajee` job` cangó- Melquisedec e cangojmijíng'neiñ' jo cajmigüeam`bre cajo; 2 jo mi` cangí` e jo, i yáa' Abraham do cacuø'r' i Melquisedec do cóo' lajee` guí- íng' jalé' e calí'r- jee` e 'nií' do. Jo i Melquisedec la guøng' "jaang` dseata` dsea` féng' i íi' í' laco' catíng-"; jogui co' líiñ' dseata` dsea` féng' quiá'- e fíi` do e sii` Salem e guøng' "juguiá- júu^ røø", joba' cajo sii`bre "jaang` dseata` dsea` féng' i quie` juguiá- júu^ røø". 3 Jo jii' cóo' ja` e ñí' dsea` quiá'- i

Melquisedec do fa' i~ calíng- niquiá'r^ jogui i~ calíng- tiquiá'r^ jogui i~ jaléng' 'lii~ dsea` còong'~ quiá'r- caguaang- gui cajo; o'gui ní dsea` lí cangáang' i Melquisedec do o'gui lí cajúin~. Jo latab~ líin~ jmidsea` laniing- lí^ laco'gui la líng' i Joó Fidiéé` camíng'~ do e latab~ líin~ jmidsea` dsea` féng' i laniing- gui.

⁴ Jo lana quie`na' cuante, dsea` rú`naa', jial tí' laniing- calíng- i Melquisedec do e jì'gui 'lii~ yáa~` qui`-ii' Abraham cacuø'r' dsea` do coo` lajee` guí` íng'~ quiá'- lajalé' e calí'r- jee` 'nii' mí catiín' còo'~ jaléng' dseata` dsea` féng'. ⁵ Jo lí^ laco'gui la fé' e júu^ quiu' ta~ e casé' Moi~ malí~ gui eáang' e lajii~` dsea` i teáang'~ jee` 'lé' dsea` Israel i sii' Levíbing' cuòong' líng' jmidsea`, jo lajii~` dsea` íbing' i sea` fí' quiá'- i ní'íng' quiá'- jaléng' dsea` góor` coo` lajee` guí` íng'~ lajalé' e sea` quiáin~, doñí' fa' e jaléng' i dsea` do líin~` dsea` siju` 'lii~ yáa~` Abraham lí^ laco'gui la líin~` yaaín~ cajo. ⁶ Jo dsu' i Melquisedec do ja` líin~` dsea` siju` 'lii~ yáa~` Leví, dsu' ca'ím'bre coo` lajee` guí` íng'~ quiá'- lajalé' e calí'- 'lii~ yáa~` Abraham, jogui cajmigüeam'^bre cajo. Jogui téé' óo`na' cajo e i 'lii~ yáa~` Abraham dobing' i calíng' jalé' júu^ lajii~` e cajíng'- Fidiéé` e nicuø'-reiñ'. ⁷ Jo jii~` jaang' ja` cuòong' jíng' e o' lajo e júu^ la: Niing- gui jaang` dsea` i jmigüeam'^ jaang` dsea` rúng' laco'gui i dsea` i jmigüeam'^ ír` do. ⁸ Jo jaléng' jmidsea` quiá'- dsea` Israel líin~` siju` quiá'- 'lii~ yáa~` Leví, jo ím'bre quiá'- dsea` góor` coo` lajee` guí` íng'~ quiá'- lajalé'; jo dsu' mí nití' í' e nijúuin~, joba' júum- bre jóng' lí^ laco'gui doñí' ií dsea` jmigüé; jo dsu' lí^ laco' fé' fí' ní jì' quiá'- Fidiéé` e lafa' seem`bi i Melquisedec do latí' lana. ⁹ Joba' laco' cuòong' fe`ee' e jaléng' jmidsea` i líng' dsea` siju` Leví, dsea` íbing' íng' lana lajii~` e coo` lajee` guí` íng'~ e catiín~` do, jo lí' lafa' e caquíb' jaléng' i jmidsea` do e jo e catíng- i Melquisedec do ie~ lamí~ caquí' yáa~` Abraham quiá'- dsea` do. ¹⁰ Jo e jáb'-, ja' mí calisémbi i Leví do ie~ jo ie~ lamí~ cacuø' Abraham i Melquisedec do coo` lajee` guí` íng'~ lajii~` e catiín~` do; dsu' cuòong' fe`ee' e jobi lafa' niquié` Abraham mijú' quiá'- jaléng' dsea` sijur~ i niliseeng` còong'gui, co' i Leví do líin~` jaang` dsea` siju` dsea` do.

¹¹ Jo jaléng' dsea` Israel cangíin~` jalé' e júu^ quiu' ta~ quiá'- Fidiéé` la'eáang' còo'~ jaléng' jmidsea` i líng' dsea` siju` Aarón i líng' siju` yáa~` Leví do cajo. Jo faco' e ta~ e cajmée' jaléng' i jmidsea` do íng' ta~ e íng- dsee- e laco' liguiúng- dsea` fí' quini~ Fidiéé`, joba' ja` 'neáng- jmidsea` i jiéng'gui faco' lajo; dsu' dseáng'- la guím' 'neáng- jaang'gui jmidsea` lí^ laco' calíng- Melquisedec, jo o' laco' líng' i jmidsea` siju` Aarón do. ¹² Co' mí jmisíng- dsea` lajii~` ta~ óo` jmidsea`, joba' 'né' jmisím- bre cajo lajii~` e júu^ quiu' ta~ quiá'r-. ¹³ Jo uii~` quiá'- Fí'naa' fé' fí' ní jì' quiá'- Fidiéé` e dsea` í líin~` siju` quiá'- coo'gui 'lé' dsea` quiá'- dsea` Israel; jo jii~` jaang` dsea` ja` i mí calíng' jmidsea` fí' jee` e 'lé' jo lamí~ jéeng'gui. ¹⁴ Jo nitab~ dsí'naa' e Fí'naa' Dsea` Jmáang- cajar- fí' jee` 'lé' dsea` Israel i sii' Judá, jo ja` cajar- fí' jee` 'lé' dsea` Israel i sii' Leví; jogui nine`bí' røø` cajo e Moi~ ja` cajíin~` jii~` coo' uii~` quiá'- e 'lé' dsea` Judá do ie~ lamí~ café'r uii~` quiá'- jaléng' jmidsea`.

¹⁵ Jo eáang'gui nita~ dsí'naa' røø` lana còo'~ jalé' e nicafá'- a na, co' nicagüém- i jmidsea` dsea` féng' i laniing- gui do i còong' laco' i jmidsea` Melquisedec do, jogui i quíng'~ jee` 'lé' lí' jíe' laco'gui jee` 'lé' dsea` Leví. ¹⁶ Jo Fí'naa' calíin~` jmidsea` dsea` féng' i laniing- gui dsu' o' uii~` laco' ta~ huí' e 'né' güi'íir' jee` dsea` siju` quiá'- dsea` Leví, co' calím- bre jmidsea` dsea` féng' i laniing- gui dsu' la'eáang' còo'~ e 'gøng' quiá'- e seein~` do e ja` tóo' jmi~` ní'íng-. ¹⁷ Co' lalab fé' Fidiéé` fí' ní jì' quiá'r- e éein~` dsea` do:

Jo car` ngongíi~` jmiib~` oo'- ta~ e lin' jmidsea` dsea` féng' i laniing- gui

lí^ laco' calíng- i jmidsea` i sii' Melquisedec ie~ malí~ gui do.

¹⁸ Jo Fidiéé` cab' caguiar' jalé' e júu^ quiu' ta~ e cacuø'r' Moi~, co' e júu^ jo jo ta~ íng^ jogui jo` bí sea` quiá'- cajo fa' e nijmé- e nileáng' dsea` jee` jalé' dsee- quiá'r-. ¹⁹ Jo jalé' e júu^ quiu' ta~ e calíng' Moi~ ie~ lamí~ jéeng'gui do ja` caquíi~` jmi~` fa' e cajmée' e caliséng' dsea` còong' còo'~ Fidiéé` dseáng'- laco' sí'í. Jo dsu' lana nisea` coo' e nita~ dsí'naa' e 'gøng'gui e laco' nijmicóo'~ jneaa~`aa' e niñíng'na' e nilisee- naa' còong' còo'~ Fidiéé`.

20 Jøgui cajo Fidiée cacuør' júu ta dsí' quiá' e júu jø la'eáang' cóo' júu quiá'r e cacuør' ñia'r ie lamí cajíñ' e Jesús ni'uíñ jmidsea` dsea` féng' i laniing-gui. Dsú i jmidsea` caguaang-gui do ja` cacuør' Fidiée júu quiá'r ñia'r e ni'uíñ do lajò. 21 Jø Fí'naa' Jesús ca'uíñ jmidsea` dsea` féng' i laniing-gui uí' e cacuør' Fidiée júu quiá'r ñia'r lí' laco' la fé' fí' ni' jì quiá'r lí' fé' lala:

Fí'naa' cacuør' júu quiá'r ñia'r e 'né' niliti`
 jø ja` qui' jmi' fa' e nijgiéeng-gui e júu jø.

Cø' lalab fé' cuaiñ quiá' i Jøor' camíng' do:

“Car` ngongí jmi'b` líng' 'nu` jmidsea` dsea` féng' i laniing-gui lí' laco' la líng' i Melquisedec do.”

22 Jø cø' Fidiée cacuør' e júu quiá'r ñia'r do, jøba' nitaa` dsi'naa' e Jesús tí' nir e júu tigua` catí tú` do e 'gøng'gui laco'gui júu e cacuør' Fidiée lamí jéeng-gui do. 23 Jø jaléng' i jmidsea` caguaang-gui do cajúm-bre mi` catí oor` quiá'r, jøba' i jím' caguá' ée` quiá'r. 24 Jø dsú Jesús latab` seeíñ, jøba' latab` líiñ jmidsea` dsea` féng' i laniing-gui, jø uí' jøba' jø 'neáng-gui jmidsea` i jéng'gui i ni'íng' ée` quiá'r. 25 Jø cø' lajòb líng' Jesús, jøba' la'eáang' íbre cuøøng' e leáiñ jaléng' dsea` jee` jalé' dsee` quiáñ' lata` e laco' niliseeíñ` cøøng' cóo' Fidiée, cø' car` ngongí jmi'b` seeíñ e laco' mi'r' Fidiée cuaiñ quiá' jaléng' dsea`.

26 Jøba' Jesús líiñ` dseáng' i jmidsea` dsea` féng' i laniing-gui do i 'neáng-naa' do, cø' íbre dsea` caneáar' fí' e laco' cuøøng' nilisee-naa' cøøng' cóo' Fidiée. Jø dseáng' dsea` güeam' líng' dsea` do fí' quini` Fidiée, jø jí' cøø` dsee` ja` táaiñ, jøgui ja` líiñ laco' la líng' dsea` dsee` dsea` qui'. Jø lana dob niguiñ` fí' ñifí' lí' lí' dsée' ée` laco' guing` Tiquiá'r Fidiée. 27 Jø Jesús ja` líiñ laco'gui i jmidsea` caguaang-gui i caliséng' lamí jéeng-gui do, cø' jaléng' jmidsea` í lacoø` jmi' lacoø` jmi'b` 'né' jngáiñ' jaléng' jø' e quiá' nicuøíñ' Fidiée, jø lajòba' ni'íng' dsee` quiá'r la'uii, jø mi' ningí jø, 'né' nijmé-guir e laco' ni'íng' dsee` quiá' jaléng' dsea` rúíñ'. Dsú Jesús cøø` née'ba' 'né' e cajáng' ñia'r e laco' ni'íng' dsee` quiá' dsea` jmi'güí` lata`. 28 Jø jalé' e júu quiá' ta` e calíng' Moi` do dsea` dsee` dsea` qui'bing' guíng' i i ni'uíng' jmidsea` laniing-; jø e júu e cacuør' Fidiée ñia'r do e café'r mi' cangí e cacuør' Moi` jalé' e júu quiá' ta` do lamí jéeng-gui, jø dsú cóo' e júu e café' Fidiée` doba' ca'náiñ i Jøor' camíng' do e laco' ni'uíñ jmidsea` dsea` féng' i dseáng' laniing-gui i dseáng' lata` ée` ta` røø` cóo' lajalé' e cangíñ` quiá' Tiquiá'r Fidiée.

8

Jesús ca'uíñ jmidsea` dsea` féng' i laniing-gui qui'ii'

1 Jøba' fí' guí 'nú', dsea` rú'naa' dsea` quiá' Dsea` Jmáang-, e lab e uing- e niing-gui eáang' quiá' lají' e júu e sí'naa' 'nú', e Jesúsbing' líng' i jmidsea` dsea` féng' i laniing-gui qui'ii', jøgui íb` cajo i niguiing` lana fí' ñifí' lí' lí' dsée' laco' guing` Fidiée` dsea` laniing- 'gøíñ'. 2 Jø guíñ` fí' jø e éer` ta` e líiñ jmidsea` dsea` féng' i laniing-gui, cø' fí' jøb dseáng' lí' lí' ée` já' quiá' Fidiée` fí' lí' cajméer' ñia'r jø o' fí' lí' cajmée` dsea` jmi'güí'.

3 Jø jaléng' jmidsea` laniing- si'neaaiñ` e nicuør- lají' feá' e catíng- Fidiée` jøgui e nijngáiñ' jaléng' jø' e laco' nicuøíñ' dsea` do; jø lajòb lí' cóo' Fí'naa' Dsea` Jmáang-, cø' la guíim'ba' 'né' líng' ee` nicacuør' fí' quini` Fidiée` uí' dsee` quiá' jaléng' dsea` jmi'güí'.

4 Jøgui facø' ír` táam'bir fí' jmi'güí' la, jøba' ja` qui' jmi' jóng e líiñ jmidsea` facø' lajò, cø' fí' jmi'güí' la niseem` jmidsea` i cuøøng' lí' cuø` feá' fí' quini` Fidiée` lí' laco'gui e ta` e caqui' Fidiée` e cajme' Moi' fí' ni' jì quiá'r. 5 Cø' jalé' ta` e cajmée` jaléng' i jmidsea` do fí' jmi'güí' la, rúm' jiu lí' laco'gui la lí' fí' ñifí', cø' cajméer' lajò fí' jmi'güí' la e lí' laco' cuø' lí' e quiá' jial dseáng' lí' fí' ñifí'. Jø nine'baa' røø' e jalé' e la e lico' cuø' lib-; dsuco' ie` malí'gui do, ie` lamí caqui' Fidiée` ta` quiá' Moi' e nijméíñ' cøø' 'nú' 'mi' fí' lí'

jmiféng' jaléng' dsea` Israel Fidiée~, jo ie~ jo casí'r- Moí~ lala: “Moí~, quie` cuente røø, jo jmée~ e 'núú jo lí^ laco'gui jíí~ e nica'ée~ e 'nú e fí yá^ mó^ Sinaí do.” ⁶ Jo dsu' Jesús i líng' jmidsea` dsea` féng' i laniing- gui quí-ii' do, íb` dsea` i nica'íng' e ta~ e 'gøng'gui eáang' laco'gui e ta~ quía'- jaléng' jmidsea` i seeng' fí jmigüí la; co' dsea` íb` i caneáa' fí e laco' cuøøng` e dseáng'- niliseeng` dsea` jmigüí cøøng` cóo~ Fidiée` lata~. Jo cajméer` lajo la'eáang' cóo~ e júu^ e cajmirø` Fidiée` cøøng`gui do, co' e jo 'gøng'gui laco'gui e júu^ tigua` e cacuø'r` Moí~ lami~ jéeng`gui do. Jo e júu^ e cajmirør` cøøng`gui do líí cóo` júu^ tí~ fí e guiá- gui, co' eáang`gui cuø` e ta~ dsíí dsea`.

⁷ Jo faco' cali'íng` ta~ dseáng'- laco' sí'í e júu^ tigua` la'uii~ e cacuø` Fidiée` malíi~gui do, joba' jo` cali'né- gui jóng e júu^ tigua` e cacuø` Fidiée` cøøng`gui do faco' lajo. ⁸ Jo dsu' mí~ calilí^ Fidiée` e ja` jíí~ jaléng' i dsea` quía'r- do e júu^ tigua` la'uii~ quía'r- do, joba' cajmiquím'- dsíir` cóoiñ'- do, jo lalab cajíñ'- fí ní~ jí~ quía'r-:

Lalab fá'a: Niguiéeb' jmíi~ mí~ nicuøø^ø jaléng' dsea` Judá cóo~gui jaléng' dsea` Israel caguaang- gui cóo~gui júu^ tigua` e 'míi~.

⁹ Jo e júu^ tigua` e 'míi~ e nicuøø^ø i dsea` í e jíeb' líí laco' e júu^ tigua` la'uii~ do e cacuøø-ø jaléng' dsea` áang' quía'r- mí~ cacá`a nifí quía'r- e ca'uøøñ- re fí ní~ guóo~ uø- quía'- dsea` Egipto; jo dsuco' jaléng' i dsea` áang' quía'r- do ja` calináu'r~ lajíí~ júu^ tigua` e cacuøø-øre do, joba' ca'náam- 'ñiá^a quía'r- jóng.

¹⁰ Jo e lab e júu^ tigua` e 'míi~ e nicuøø^ø dsea` Israel mí~ niguiéé' e jmíi~ jo: Nicuøø^ø jaléng' i dsea` í e laco' ní'í- dsíir` røø` lajíí~ júu^ quíu' ta~ quie- e jogui e ní'íñ' car` ngocáng` dsíir` jalé' e júu^ jo cajo.

Jogui dsea` do nijmiféiñ' jnea~, co' jíí~ jneab~ nilín- n Fidiée` quía'r-, jogui jíí~ íb` nilíng- dsea` quie- e cajo.

¹¹ Joba' ie~ jo jo` 'né- gui fa' e nijmeá'- gui dsea` júu^ rúíñ' jial laco' nijmicuíñ` jnea~, co' lajím` dsea` nilicuíñ` jnea~ ie~ jo, nañí fa' líiñ` dsea` niing- osi ja` líiñ` lajo é.

¹² Jo ie~ jo ní'im- baa dsee- quía'r- uii~ quía'- jalé' e ga` e nicajméer`, jo jo` nijmiguiéng'gui dsii- jalé' dsee- e nica'éer` lami~ jéeng`gui.

¹³ Jo mí~ fé' Fidiée` e nicuør- e júu^ tigua` e 'míi~ do, joba' cuø` lí~ jóng e nicadseáb- bí quía'- e júu^ tigua` e la'uii~ do e cacuø'r` lami~ jéeng`gui do; jogui jalé' e niyúu~ jogui e jo ta~ íng^, capí^ba' 'né- gui quía'- e tí lí~ ní'íng- conguaí'.

9

Jial líí fí lí~ jmiféng' dsea` Fidiée`

¹ Jogui lanagui fíi- guíi 'nú', dsea` rú'naa' dsea` quía'- Dsea` Jmáang-, e mí~ cacuø` Fidiée` e júu^ tigua` quía'r- lami~ jéeng`gui do, jo cacuør` e júu^ jo e laco' jial 'né- jmé- dsea` mí~ jmiféiñ' Fidiée~, jo jalé' e jo 'né- jmér- fí cóo` dsíí 'núú 'mí' e cajme' yaang~ dsea` jmigüí. ² Jo e 'núú 'mí' do quieéng` tú- jnúng~, jo e jnúng~ la'uii~ do, fí job lí~ sí' e ní^ cunée` e fí lí~ téé~ candíi^ e coo` do; jo fí job cajo fí lí~ sí' cóo` mes~ fí lí~ néé` íñí^ güeang^ e catíng- Fidiée`. Jo e jnúng~ la'uii~ la sii` Éé^ lí~ Güeang^ quía'- Fidiée`. ³ Jo e jnúng~ e catí tú- quía'- e 'núú do líí cóo~ cóo` 'mí' fé' e niguo^ e íí e fí dsíí 'núú do, jo e fí dsíí job lí~ sii` Éé^ e Laníng- Güeang^ quía'- Fidiée`. ⁴ Jo e fí jo sea` cóo` nife' e líí cóo~ layaang~ cunée~, jo fí job lí~ jí'r` sù; jo fí quía'- job cajo sí' e guóo' e fí lí~ téé~ júu^ tigua` quía'- Fidiée` e caráaiñ` lami~ jéeng`gui do, jo e guóo' jo sibé' dse' cóo~ layaang~ cunée`. Jo e fí dsíí guóo' do íu~ cóo` dsuu- e líí cóo~ layaang~ cunée~; jo e fí dsíí job lí~ sí'ma` capí^ e maná e cacuø' Fidiée` jaléng' dsea` Israel mí~ cangiñ' do fí ní~ guóo~ uø- quíú. Jo fí dsíí guóo' job cajo fí lí~ sí'ma` e 'ma'u` quía'- 'líi~ yúu~ Aarón e ca'íéé` tú má^ quía'- calé'

catú; jogui e fí dsí' guó' job cajo lí' iá e cuu e lí' too júu tigua quí' Fidié e cacuør malí' gui do. ⁵ Jo e fí ni e guó' e sibé' cuné' do teáng gáng i dsí' cué', jo e fí nú' lí' dsí' cueñ' do cuø lí' e dob seeng Fidié, jogui e fí nú' job cajo fí lí' íng dsee quí' dsea. Jo dsu' lana jo' ngí' lí' fa' 'né' gui e ní' guí' 'nú' dseáng' la'uiing cuaiñ' quí' jalé' e jo.

⁶ Jo mi' tí' lí' cató' e guí' dsea' guí' lajalé' e ni' né' e fí' dsí' 'nú' 'mi' do, joba' jaléng' jmidsea' nicuøø' dsitáaiñ' jóng laco' jmi' laco' jmi' e fí' e jnáng' la'uii' quí' e 'nú' 'mi' do e laco' niguiár' guí' lajii' e feá' e catíng' nicuø'r Fidié. ⁷ Jogui e jnáng' lí' catí' tú' quí' e 'nú' 'mi' do dseáng' lajii' jmidsea' laniim'bing' i cuøøng' lí' í' e fí' dsí' jo co' né' laco' jii'; joba' mi' tí' lí' nití' í' e ni' ír' e fí' jo, 'né' e niquier' feá' e lí' cóo' jmi' jó' nú' e laco' nicuø'r Fidié, jo lajoba' dsea' do ni' íñ' jalé' dsee quí' i jmidsea' do 'nia'r cóo' gui jalé' dsee quí' jaléng' dsea' góor' caguiaang' gui mi' éeñ' dsee e ja' lí' r' lajo. ⁸ Jo cóo' jalé' e na, la'eáng' cóo' Jmiguí' quí' Fidié'ba' jmicóo' jneaa'aa' e laco' line' naa' e ja' mí' sea' fí' e ngíng' dsea' e catí' dsí' Ée' lí' Laniing' Güeang' do lajee' e jmáang' ta' e fí' lí' lí' jnáng' la'uii' do. ⁹ Jo lajalé' e la cuø' co' lí' quí' jial lí' lana; dsuco' jalé' e calí' e fí' dsí' 'nú' 'mi' do; fa' jaléng' jó' i cajíng' jmidsea' fí' quini' Fidié' cóo' gui jalé' e feá' e jié' gui e cacuø'r Fidié, jo dsu' jalé' e jo ja' quí' jmi' fa' e niliguiá' dsí' dsea' i jmiféng' Fidié' cóo' jalé' e feá' do dseáng' laco' sí' fí' quini' dsea' do. ¹⁰ Co' jalé' e quí' títng' dsea' fí' quini' Fidié' la'eáng' e júu' tigua' la'uii' do e cacuø' dsea' do lamí' jéeng' gui do, dsu' e jo quí' ta' jii' quí' jalé' e jmóob' dsea', fa' jalé' e gø' dsea' cóo' gui jalé' e í' dsea' osi jalé' e jié' gui é, e laco' niliguiá' dsí' dsea' laco' sí' fí' quini' Fidié; jo dsu' jalé' e jo íng' ta' jii' cartí' mi' nicuø' Fidié' e júu' tigua' e 'mí' do.

¹¹ Jo dsu' lana nicagüem' Dsea' Jmáang' e nilíiñ' i jmidsea' dsea' féng' i laniing' gui e laco' nijmicóo'r' jneaa'aa' e ni' íng' naa' jalé' e guí' e sí' í' naa' quí' Fidié. Jo e fí' lí' éer' e ta' 'goo' e cangíiñ' do, fí' job lí' 'gøng' gui jogui niing' gui cajo, co' o' dsea' jmi'guí' i cajme', o' gui cajme'r' cóo' e sea' fí' jmi'guí' cajo. ¹² Dsu' lanagui nicangím' Dsea' Jmáang', joba' dob niguiiñ' e fí' Ée' lí' Laniing' Güeang' do dsu' o' uí' e cacuø' fí' quini' Fidié' jmi'øøng' jo' chí' osi jmi'øøng' güitá' jiuung' é, co' cangím'bre fí' jo dsu' la'eáng' e cacuø' jmi'øøiñ' 'nia'bre, jo lajoba' calí'r' e nileáng' naa' jee' dsee quí' ii' lata. ¹³ Dsu' e jáb', e lajee' e jmáang' ta' e júu' tigua' la'uii' e cacuø' Fidié' lamí' jéeng' gui do, ie' lamí' jmáang' ta' jalé' jmi'øøng' güitá' jiuung' cóo' gui jo' chí' colíng' gui cóo' fa' quí' jaang' güitá' iee' mi' níng' e cáng' ne' fí' nife', joba' cóo' jalé' e jo seab' jia capí' bí' e laco' nijláb' Fidié' dsee quí' dsea', jo lajoba' niliguiúñ' lajee' cateá' fí' quini' dsea' do. ¹⁴ Jo e já', e jalé' e jmi'øøng' jó' do óob' jia bí', jo dsu' e jmi'øøng' Dsea' Jmáang' 'nia'r do dseáng' e eáng' gui laniing' 'gøng' jogui e eáng' gui óo' bí' cajo, co' dseáng' conguiab' íng' dsee quí' ii' fí' quini' Fidié' lata. Co' la'eáng' cóo' Jmiguí' quí' Fidié' e sea' lata do, Dsea' Jmáang', dsea' ja' dsee' røøiñ' jii' coo', cajáng' 'nia'r' e cajúñ' jogui cacuø' jmi'øøiñ'. Jogui la'eáng' e jmi'øøiñ' do calí' naa' e jo' 'né' nijmó'guí' jii' coo' e lamí' quí' títng' naa' jmoo' naa' do e sí' jii' fí' 'mó', jo lajoba' cuøøng' nijmó'oo' dseáng' laco' iing' Fidié' i dsea' i seeng' car' ngongí' jmi'.

¹⁵ Jo la'eáng' e cajáng' 'nia'r' Dsea' Jmáang' e cajúñ' fí' dse' crúu', joba' niseab' fí' quí' ii' e nilisee' naa' cøøng' cóo' Fidié' la'eáng' cóo' e júu' tigua' e 'mí' do, jo lajoba' ni' íng' e iihuí' e catí' naa' do uí' jalé' dsee quí' ii' lí' laco' la fé' fí' ni' e júu' tigua' la'uii' do. Jo la'eáng' cóo' e cajúng' Dsea' Jmáang' do, joba' jalém' dsea' i nicaguíng' Fidié' i ni' uíng' dsea' quí' r' cuøøng' e nilí' r' e ni' íñ' jalé' e guí' e catíiñ' lí' laco' gui jii' júu' e nicacuø' Fidié' lamí' jéeng' gui do. ¹⁶ Jo faco' jaang' dsea' iñ' níng' íñ' jalé' e sea' quí' r' fí' jaguó' jaang' gui dsea' mi' níng' e nijúñ', dsu' ja' cuøøng' e ni' íng' i dsea' í' jalé' e jo lajee' e seem' bí' i dsea' i nicuø' do, co' jang' 'né' líta' dsí' song' nicajúng' i dsea' i nicuø' e do, joguiba' nicuøøng' e níng' íng' fí' jaguó' i dsea' i catíng' do. ¹⁷ Co' ja' bí' sea' e níng' íng' fí'

jaguó`i dsea`i catíng` jalé` e jolajee` e seem`bi`i dsea`i nicuó` do, dsu` mi` ningf` e nijúum` i dsea`i nicuó` do, joguiba` nisea` fí` e ni`íng` i dsea`i catíng` do. ¹⁸ Jo co` lajob líí, joba` e júu` tigua` e cacuø` Fidiée` dsea` lamí` jéeng`gui do la guím`'né` jmi`øøng` jó` núu` e laco` sea` bí` quiá`- fí` quini` Fidiée`. ¹⁹ Jo ie` malí` do Moi` cajme`r` júu` jaléng` dsea` góor` dsea` Israel jalé` júu` quiu` ta` quiá`- Fidiée` e 'né` nijmitiñ` do fí` quini` Fidiée`; jo mi` cangf` e café`r` e júu` jo, joba` cacár` coo` sñ` e silíng` e 'ñúu` ñí` yúu`, jo cajgiéer` jmi` jó` núu` e nisicang`^ còo`~ jmi` fí` ni` lí` too` júu` quiá`- Fidiée` e cajme`r` do, jogui cajgiéer` bre quiá`- lajñng` dsea` do cajo. ²⁰ Jo mi` cató` e jo, lalab cajíng`- Moi` casí`r` jaléng` i dsea` góor` dsea` Israel do: "E jmi`øøng` la cuø` e tíí` ni` e júu` quiá`- Fidiée` e cacuø`r` jneaa`aa` e dseáng`- 'né` e nijmití`baa`." ²¹ Jogui ca`ée`-bi` Moi` e jmi`øøng` do cajo fí` dsíí` e 'núu` 'mi` güeang`^ lí` jmiféng` dsea` Fidiée` còo`~ gui fí` ni` jalé` e jmáang` ta` e fí` dsíí` 'núu` do. ²² Jo lí`^ laco` la fé` júu` quiu` ta` quiá`- Fidiée` e cajme`r` Moi`, e còo`~ lajñi` jmi`ba` ligüeang`^ lí`^ doñí` ee; jogui cajo ja` quí`- jmi` ni`íng` Fidiée` dsee` song ja` catuú` jmi`øøng`.

La`eáang` e cajúng` Dsea` Jmáang` fí` dse` crúu`^, joba` laang`naa` jee` dsee` quí`-ii`

²³ Jo e 'núu` 'mi` güeang`^ lí` jmiféng` dsea` Fidiée` còo`~ jalé` e jmáang` ta` fí` dsíí` jo líí` lafa` rúm`jiu` còo`~ jalé` e sea` fí` ñíff` fí` lí` guíng` Fidiée`, jo jalé` e sea` e fí` dsíí` 'núu` do ligüeang`^ còo`~ jmi`øøng` jó` núu`; jo dsu` jalé`gui e sea` fí` ñíff` quiá`- Fidiée` dseáng`- lajib` nigüeang`^, joba` 'né` jmi` e 'gøng`gui laco` jmi` jó` núu`. ²⁴ Jo dsu` Fí`naa` Dsea` Jmáang` ja` ca`ír`- fí` Ée`^ Laniing` Güeang`^ quiá`- e 'núu` 'mi` e cajme`r` dsea` jmigüí, co` e 'núu` jo líí` jñi` lafa` coo` e lí` e sea` fí` ñíff` fí` lí` Laniing` Güeang`^ quiá`- Fidiée`. Co` Dsea` Jmáang` dseáng`- fí` ñíff` lí` caguiéiñ`, jo lana dob niguiiñ` còo`~ Fidiée` e mi`r` dsea` do uii` quí`-ii`. ²⁵ Jo laco` jñi` laco` jñi` jaléng` jmidsea` laniing` quiá`- dsea` Israel 'né` e dsitáaiñ` e fí` Ée`^ lí` Laniing` Güeang`^ quiá`- e 'núu` 'mi` do e dsijñi`r` jmi` jó` núu` fí` quini` Fidiée`. Jo dsu` ja` cajmée` Dsea` Jmáang` laco`gui cajmée` i jmidsea` í, co` coo` ya`ba` ca`í` dsea` do fí` Ée`^ lí` nigüeang`^gui fí` ñíff` e cacuø`r` jmi`øøñiñ`, jo ja` ca`ír`- jmiguiu` ya`. ²⁶ Co` faco` lajob líí, joba` jmiguiab` ya` catí` jóng e cajúng` Dsea` Jmáang` ie` lamí` catiroo` jmigüí faco` lajo; dsu` lajee` lana jo cartí` mi` niguiá` jmigüí, coo` née`ba` dseáng`- cagüéng` dsea` do fí` jmigüí la, jogui coo` néeb` cajo e cajáng` 'ñia`r` e cajúñ` e laco` ni`íng` congua` jalé` dsee` quiá`- dsea` jmigüí. ²⁷ Jo co` coo` née`ba` e júung` jaléng` dsea`, jo mi` ningf` jo, niguiiñ` fí` quini` Fidiée` e laco` nitidsí` í` quiá`r` uii` quiá`- jalé` e nicajméer` lajee` ie` lamí` seeng`guir fí` jmigüí la, ²⁸ jo lajob Fí`naa` Dsea` Jmáang` coo` née`ba` s'íiñ`^ quiá`- Tiquiá`r`^ Fidiée` e cajáng` 'ñia`r` e cajúñ` e laco` congua` ca`íiñ` jalé` dsee` quiá`- i fñng` dsea` jmigüí. Jo mi` nijáa`tur fí` jmigüí la calé` catú`, jo` nijáar` fa` e nijúung`-tur uii` dsee` quiá`- dsea` jmigüí, co` nijáa`bre dsu` e jaleaaiñ` jaléng` dsea` quiá`r` i nisijeeng` ír` i nisita` dsíí` e nigüéeng`-tur calé` catú`.

10

¹ Jo e júu` quiu` ta` quiá`- Fidiée` e cajme`r` Moi` do cuø` lí` e laco` liñi`jiu` dsea` jalé` e guiú` e nidsijéé` cøøng`gui, dsu` o` dseáng`- jial laco` líí` e jo. Joba` jalé` e feá`- e cuø` jaléng` i jmidsea` do laco` jñi` laco` jñi` ja` quí`~ jmi` fa` dseáng`- e niliguiá` dsíí` dsea` dseáng`- laco` si`í` fí` quini` Fidiée`. ² Co` faco` e júu` quiu` ta` quiá`- Fidiée` do dseáng`- e já`- quí`~ jmi` e ni`íng` jalé` dsee` quiá`- dsea`, joba` jo` í` dsíí` dsea` jóng e líiñ` dsea` óo` dsee`, jogui nitábre cajo e nicuø`r` jmi` jó` núu` uii` dsee` quiá`r` faco` lajo. ³ Jo uíng` e dsicar` e jmi` jó` núu` do fí` quini` Fidiée` laco` jñi` laco` jñi` e lí` laco` jmiguiéng` dsíí` laco` jñi` e lím`bir dsea` óo` dsee`. ⁴ Co` dseáng`- e jáb`-, e jmi` güitá` jiuung` do còo`~ gui jmi` jaléng` jo`chí`^ dseáng`- ja` quí`~ jmi` fa` e ni`íng` jalé` dsee` quiá`- dsea` jmigüí.

⁵ Jo co` ja` quí`~ jmi` yaang` e jmi`øøng` jó` do e ni`íng` dsee` quiá`- dsea`, joba` mi` cagüéng` Fí`naa` Dsea` Jmáang` fí` jmigüí la, lalab casí`r`- Tiquiá`r`^ Fidiée`: Jo co` ja` tí` óo` 'nu` e jñi` dsea` jmi`øøng` jó` 'lí` fí` quini`^

o'gui e ji' dsea` lí' doñi' ee' feá' e laco' jmiféiñ' 'nua',
 joba' 'nua' nicacuøø' jnea~ ngúu' táan'n cóo' gui jmi'øøñ~
 e laco' nijmitii~ lajii' e iing~ 'nua', Fí'i Fidié'.

6 Jo co' ja` tí' óo' 'nua' mi~ jing' dsea` jó' núu^ i nicacáang~ fí' nife' osi jalé' feá' e jié'gui e
 cuø' dsea' 'nua' e laco' ni'íin' dsee~ quiá'r',

7 joba' lalab café'a: "Lab cagüén~ n fí' jmigüf' la e laco' nijmitii~ jii' laco' iing~ 'nua', Fí'i
 Fidié',

lí' laco'gui la fé' fí' ni~ ji' quií' lí' fé' cuaiñ~ quié'e."

8 Jo nicajing' Dsea` Jmáang~ e ja` iing~ Fidié' o'gui tí' dsír' e ji' dsea` jmi'øøng~ jó' núu^
 fí' quinir~ o'gui jalé' feá' quiá' jaléng' jó' i nicacáang~ fí' nife' e laco' ni'íing~ dsea` do
 dsee~ quiá' dsea'. Jo cajíñ~ lajo doñi' fa' e lajob ta~ quiu' fí' ni~ ji' quiá' Fidié' e cacuø'r'
 Moi~ ie~ malii~gui do, e dseáng' lajob guíng' 'né' jmé~ dsea` jmigüf'. 9 Jo cajím' bigui
 Dsea` Jmáang~ cajo e casí'r~ Tiquiá'r^ Fidié' lala: "Tea~, lana lab nicagüén~ n fí' jmigüf'
 la e laco' nijmee~ e dseáng' jii' laco' e iing~ 'nua'." Jo laco' cuøøng' fe'ee' e mi~ cagüéng~
 Dsea` Jmáang~ fí' jmigüf' la, caséer' cóo' e guiá'gui jogui e 'gøng'gui eáang' cajo, jogui cab'
 ca'naang' e feá' e lamí~ qui' tíng' dsea` jmóor' lamí~ jééng'gui do. 10 Jo uíi' e Dsea`
 Jmáang~ nicajmitir~ lajii' e iing~ Fidié' e cajáng' 'ñia'r' cóo' néé' e cajúñ~ fí' dse' crúu^ e
 laco' ni'íing~ dsee~ qui'ii' lata~, joba' uíi' e jo Fidié' nicajméer' e nilí'naa' dsea` guiúng~
 fí' quinir'.

11 Jo lajalém' jmidsea` quiá' dsea` Israel qui' tíiñ' e dsijíñ' jó' fí' quini' Fidié' laco'
 jmíi' laco' jmíi'; jo jmóor' lajo, co' lajob júu^ tigua' e cacuø' Fidié' ír' lamí~ jééng'gui. Dsu'
 jalé' e jmóor' do, ja' qui' jmíi' fa' e ni'íing~ jalé' dsee~ e røøng' dsea` jmigüf'. 12 Jo dsu' Dsea`
 Jmáang~ gui cajáng' 'ñia'r' e cajúñ~ cóo' néé' 'ñiab' carta~ róo' jmigüf', jo e jo íing' ta~ e
 ni'íing~ dsee~ qui'ii' lata~. Jo mi~ cangí' e cajméer' e jo, cangám' bre jóng'jo cangogüear' lí'
 lí' dsé' laco' guíng~ Tiquiá'r^ Fidié' fí' ñiff'. 13 Jo fí' job niguiñ~ lana e sijeeñ' e Tiquiá'r^
 Fidié' nijmé' e nijmi'gó' jaléng' dsea` i 'ní' ní' quiá'r' jogui e nisí' jaléng' dsea` do uø~
 jnir~ fí' quiniñ' e laco' nijmiféng'neiñ'. 14 Jo cóo' néé' 'ñia'ba' cajáng' 'ñia'r' e cajúñ~ e
 laco' ca'íiñ~ dsee~ quiá' jaléng' dsea` jmigüf', jo lajoba' cajmigüéang'neiñ' laco' sí'í' fí'
 quini' Fidié' car' ngongí' jmíi'. 15 Jo lalab tí' ni~ Jmiguí quiá' Fidié' e jáb' e júu^ la
 mi~ fé' lala:

16 Jo lalab jing' Fí'naa' Fidié':

Jo e lab e júu^ tigua' e 'míi' e nijmirøø~ cóo' jaléng' dsea` Israel mi~ niguiéé' e jmi~ jo:
 Nicuøøø jaléng' dsea` quié'e e nilíñir' jalé' júu^ quiu' ta~ quié'e,
 jogui nijmee~ e e nijmér~ náu' bre jalé' e júu^ jo laco' sí'í'.

17 Jo dseáng' jo' nijmiguiéng' dsii~ jalé' dsee~ e nica'éer' fí' quini~
 cóo'gui jalé' dsee~ e nica'éer' cóo' jaléng' dsea` rúñ',
 co' dseáng' latab~ ni'íin' n jalé' e dsee~ jo.

18 Jo co' dseáng' conguiab' nica'íing~ Fidié' jalé' dsee~, joba' dseáng' jo' 'né' fa' ee' líng~
 feá' ni~ gui dsea' fí' quini' dsea` do e laco' ni'íiñ~ jalé' dsee~.

Nicuøøng' e ningüñg'naa' fí' Ée' Laniing~ Güéang' quiá' Fidié'

19 Jogui lana fí' guí' 'nua', dsea` rú'naa' dsea` quiá' Dsea` Jmáang~, e cóo' e jmi'øøng~
 Dsea` Jmáang~ e catu~ fí' dse' crúu^ mi~ cajúñ~ cuaiñ~ qui'ii', la'eáang' cóo' e joba' lana
 nisea' fí' qui'ii' e nicuøøng' e ningüñg'naa' e ja' 'gó'naa' jii' capí' fí' Ée' lí' Laniing~
 Güéang' fí' lí' guíng~ Fidié' fí' ñiff'. 20 Co' la'eáang' e cajáng' 'ñia' Dsea` Jmáang~ e cajúñ~
 fí' dse' crúu^ uii~ qui'ii', joba' nicaneáa'bre cóo' fí' 'míi' e laco' cuøøng' e ningüñg'naa' fí'
 lí' guíng~ Fidié', co' cajéb' e lafa' 'mi' e sijní' fí' jo. 21 Jo co' Jesús ca'uíñ~ i jmidsea`
 dsea` féng' i laniing~gui qui'ii' i niquié' nifí' quiá' lajaléng' dsea` quiá' Fidié', 22 joba'
 madsiquiéng'naa' cóo' Fidié' car' ngocáng' dsí'naa' jogui e nita~ dsí'naa' e dseáng'
 nijmitib~ dsea` do jalé' júu^ quiá'r'. Jo madsiquiéng'naa' cóo' Fidié' cajo e jo' røø'naa'

dsee- jogui e nilí'naa' lafa' dsea` sijgúing^ cóo'~ jmíi. ²³ Jo dseáng'- teáb' 'né- téé- naa' fí' guiú- lí- nitée- naa' cóo'~ Dsea` Jmáang-, e dseáng'- ta~ dsí'naa' e jáb'- júu^ quiá'- dsea` do, có' dseáng'- nijmitib~ Fidiée~ lajii'~ júu^ quiá'r- e nicacuø'r' jneaa~aa' lamí~ jéeng'gui do. ²⁴ Jo 'né- nijmi'úum'bíi' jial e nijmicóo'~naa' jaléng' dsea` rú'naa' e nijmi'neáaiñ' rúíñ' jogui jial e nijmér- j mang'^ e guiú-. ²⁵ Jo fíi-guú' 'nú', dsea` rú'naa' dsea` quiá'- Dsea` Jmáang-, e ja` dseeng` fa' e nijmi'naang- yee`ee' e ja` seáng'~ rú'naa' lí'^ laco' jmóo' i líing~ dsea`, có' o' lajo e 'né- jmó^ jneaa~aa'; có' lí'^ lí' 'né- e nicuøø'~gui bí' rú'baa' e laco' ja` nitá'uu' fí' lí- nitée- naa' cóo'~ Dsea` Jmáang-, jo eáang'gui 'né- jmi'úung'naa' e jo lana, có' ninee- jøø'baa' e nijaquíeem' e tí' lí- nigüéeng- tu Fíi'naa' Dsea` Jmáang- fí' jmigüi' la calé' catú-.

²⁶ Jogui fón'n 'nú', dsea` rú'naa', e song la ee-bíi' dsee- e guita~ dsí'naa' mí~ cang' e nicalicuíng'naa' Dsea` Jmáang-, joba' jo` sea` feá'- jóng e laco' cuøøng' e ni'íing- gui jalé' e dsee- jo` fíng song jmoo- naa' lajo. ²⁷ Có' song la ee-bíi' dsee-, joba' eám' nisijée' qui-ii' lajii'~ iihuú' e nicuø- Fidiée~ mí' tí' lí- niquidsir' í' quiá'- lajaang` lajaang` dsea` mí~ nibíiñ- jaléng' i dsea` i 'ní' ní- quiá'r- fí' lí~ coo' jí' e ja` tóo' jmíi~ yu'. ²⁸ Jogui nine~baa' e mí~ jaang` dsea` ja` jmitir~ laco' catúing- e júu^ quiú' ta~ quiá'- Fidiée~ e cajme' Moi~, jogui song seeng` gáng- si gaang` dsea` i tí' ní- quiá'- lajii'~ e dsee- e ca'ée' i dsea` do, joba' dseáng'- ja` mí' seab` jóng, có' dseáng'- ja` fí'íb' 'né- júung- i dsea` do uí'~ e dsee- e nica'éer' do. ²⁹ Jo dsu' iihuú' eáang'gui b' ni'íng' jaléng' i dsea` i jmóo' ta~ 'ní' níng- i Joo' Fidiée~ camúing'~ do cóo'~ gui jaléng' i dsea` i ja` jmi'gó' e jmi'øøng- dsea` do cóo'~ gui jaléng' i dsea` i fé' ga` uii~ quiá'- Jmiguí' quiá'- Fidiée~ e 'neáang` jneaa~aa' do cajo. Có' la'eáang' cóo'~ e jmi'øøng- dsea` dob e jmita~ dsí'naa' e júu^ tigua' e 'mí- e cacuø' Fidiée~, jogui la'eáang' cóo'~ e jmi'øøng- dsea` dob cajo e caligüeang'naa' fí' quini~ Fidiée~. ³⁰ Jogui nine~baa' e lalab cajíng'- Fíi'naa': "Jneab~ dsea` catúin-n e ni'íi' i' lí' laco' catúing- jogui e niquíi'~ táa' lí'^ jialco' ée` dsea'." Jogui cajím'- biguir cajo: "Níá'baa dsea` niquidsii' í' quiá'- jaléng' dsea` jmigüi'." ³¹ Jo dseáng'- eám' ga` ni'í' fø' quiá'- jaléng' i dsea` røøng` dsee- mí~ ní'í' Fidiée~ i seeng` car` ngongú' jmi' í' quiá'r-!

³² Jogui jmiguiéng' áa'na' cajo e ie~ mí~ tá' já'- calíng-na' júu^ quiá'- Dsea` Jmáang-, jmiguiú' íing'~ iihuú' ca'íng'na', lífa' cajmee-ba' té'na' cóo'~ jalé' e jo, jo ja` calitúng- óo'na' lajii'~ fí' lí- niteáang-na' cóo'~ Dsea` Jmáang-. ³³ Jo ie~ jo, i líing' 'nú' gab` café' dsea` uii~ qui'na' jogui gab` cajmeáng' dsea` 'nú' fí' quini' fíi' cajo. Jo mí~ cangá- dsea` quiá'- Dsea` Jmáang- i caguiaang- gui e dsingúing-na' lajo, joba' caquim'~bre cajo e ca'íñ' iihuú'. ³⁴ Jogui eám' calí- fíi- líng-na' jaléng' dsea` rúng'na' dsea` quiá'- Dsea` Jmáang- i cajnúng- fí' dsíi' 'nú'í' ie~ jo, jogui ja` calíng-na' fí'í' mí~ cajmée' dsea` íi' jalé' e sea` qui'na', có' ní'í'ba' guiú- e fí' ní'fíi- nisijée' jalé' e jlo'^ qui'na' e ja` qui'~ jmíi' fa' e ni'íing-. ³⁵ Joba' fíi' i 'nú' lana e teá'gui síng' yaang-na' e ja` jmitúng^ óo'na' lajii'~ fí' niteáang-na', dsuco' la'eáang' cóo'~ e joba' e ni'íing'na' jalé' e jlo'^ e nicuø'- Fidiée' 'nú' mí~ nití' í' lajo. ³⁶ Jogui fíi-guú' 'nú' e la guím'ba' 'né- e cóo'~ e féng' óo'ba' 'né- nijmití'na' lajii'~ e iing~ Fidiée~ e nijmée'na', jo lajoba' cuøøng' e ni'íing'na' lajii'~ e nijíiñ'- e nicuø'r- 'nú' lamí~ jéeng'gui. ³⁷ Có' lalab fé'r' fí' ní' jì' quiá'r-:

Jo dseáng'- lajee~ lajminá- nijáa' tu fí' jmigüi' la i sí'í' nijáa', jo jo' fa' dseáng'- lí'íing~ guir eáang'.

³⁸ Jo doñí' i' dsea` i jmóo' lajii'~ e iing~ jnea~, joba' niliseeiñ' la'eáang' e já'- líiñ' júu^ quié'e; jo dsu' song i' dsea` ni'náng' 'ñia'r' lajii'~ fí' lí- nisiin' cóo'~ jnea~, joba' jnea~, Fidiée~, ja` iáang' dsii- cóo'~ i dsea` í' jóng.

³⁹ Jo dsu' jneaa~aa' ja` lí'naa' dsea` i jmi'náng' yaang~ e fí' guiú- lí- nitée- naa' cóo'~ Dsea` Jmáang- e laco' nibíing- Fidiée~ jneaa~aa' fí' lí- 'lí'; dsuco' jneaa~aa' nilí'naa' dsea` i nita~ dsíi' cóo'~ Fidiée~, joba' dsea` do nileáañ- jneaa~aa' jee~ jalé' dsee- qui-ii' la'eáang' e já'- lí'naa' júu^ quiá'r-.

11

Jial lí' mi' dseáng' - já' - líng' dsea' júu' quiá' - Fidié'

¹ Jo e laba' fi' guí' 'nú', dsea' rú'naa' dsea' quiá' - Dsea' Jmáng', e mi' jaang' dsea' dseáng' - já' - líng' júu' quiá' - Fidié', joba' dseáng' - nitab' dsír' jóng e nijmitib' dsea' do jalé' júu' e sí'reiñ', jogui dseáng' - lafa' nica'ím' bre lajii' e nicamir' do nañí' fa' ja' mí' ní'rer. ² Jo eáam' cali'iaang' dsí' Fidié' cóo' jaléng' 'lí' dsea' áang' qui'naa' uí' e jáb' - calíng' - jaléng' dsea' do júu' quiá' - dsea' do.

³ Jo uí' e já' - lí'naa' júu' quiá' - Fidié', joba' nitab' dsí'naa' e la'eáang' cóo' júu' quiá' - bre cajméer' lajalé' e sea' fí' la'úng' - fí' jmigüí', jo lí' laco' cuóøng' fe'ee' e lajalé' e ne'naa' lana ca'uíng' cóo' jalé' e ja' cuóøng' ne'naa'.

⁴ Jo i' dseañu' i' calisí' Abel i' caliséng' mali'gui eáang', la'eáang' e jáb' - caliñ' júu' quiá' - Fidié', joba' cacuø'bre dsea' do cóo' feá' - e guiá' - gui laco'gui e feá' - e cacuø' i' rúíñ' i' calisí' Caín do, jo ca'ím' Fidié' i' Abel do e líñ' jaang' dsea' i' ja' røøng' dsee', jogui ca'ím' bir lajii' e cacuøñ' do cajo. Jo ja' e lí' e mali'ib' eáang' nicajúng' i' Abel do, dsu' sea' bi' júu' quiá' - latí' lana la'eáang' e jáb' - caliñ' júu' quiá' - Fidié'.

⁵ Jogui la'eáang' e jáb' - calíng' - júu' quiá' - Fidié' i' dsea' i' calisí' Enoc i' caliséng' mali'gui eáang', joba' condséé' catø' - Fidié' dsea' do fí' ñiff' e jii' ja' cajúñ'. Jo có' condséeb' cangáñ' - fí' ñiff', joba' jo' ii' cangá' - gui quiá' - mi' cang' jo. Jo lí' laco' la fé' fí' ní' jii' quiá' - Fidié', e lajee' e nú' - gui nitøø' dsea' do ír' fí' ñiff', jmang' e cali'iaang' dsí' Fidié' cajméer'. ⁶ Jogui ja' quí' - jmí' e nijmó'oo' e nili'iaang' dsí' Fidié' song ja' já' - lí'naa' júu' quiá' - r', có' doñí' ii' dsea' i' iing' - nijáng' yaang' fí' jaguó' Fidié', jang' - 'né' e jáb' - nilíñ' e dseáng' - seem' dsea' do, jogui e cuø'bre jmang' e guiá' - jaléng' i' dsea' i' cuø' bí' yaang' i' iing' - nijmicuíng' ír'.

⁷ Jo lajob' cajo i' 'lí' yúu' i' calisí' Noé, la'eáang' e jáb' - caliñ' júu' quiá' - Fidié', joba' jáb' - caliñ' mi' cajíng' - Fidié' e nidsijéé' jalé' e iihuí' e nijaquíéeng' e jii' ja' mí' ní' dsea' jéeng'gui, jo Noé cajméé'bre núu'r' lajii' júu' quiá' - Fidié' ie' jo, jo cajméer' cóo' móo' dséé' e ní'f' - fí' ní' jmí' lí' laco'gui la ta' e caqui' Fidié' e nijmér', jo cóo' e job' nilí'r' nileáñ' - jaléng' dsea' sináú' quiá' - mi' tí' lí' nitú' e jmí' dsiing' do. Jo có' jáb' - calíng' - Noé júu' quiá' - Fidié', joba' dsea' ja' røøm' dsee' ca'uíñ' - fí' quini' dsea' do, jo dsu' jaléng' dsea' jmigüí' caguiaang' - gui ca'naam'bre quiá' - Fidié' lata'.

⁸ Jogui 'lí' yúu' Abraham la'eáang' e jáb' - caliñ' júu' quiá' - Fidié', joba' cajméé'bre núu'r' mi' cajíng' - dsea' do e 'né' - nitár' góor' jo nidsér' - nidsigüear' fí' guóo' - uø' fí' lí' huí' fí' lí' nicajíng' - Fidié' e nicuø' - reiñ' lamí' jéeng'gui. Joba' cagü'í'bre e fí' góor' do colíng' cóo' jaléng' dsea' sináú' quiá' - cóo' - gui jalé' e sea' quiá' - e jii' ja' ñir' jie' fí' lí' ngóor'. ⁹ Jo la'eáang' e jáb' - caliñ' júu' quiá' - Fidié', joba' cangó' - bre cangogüear' e fí' guóo' - uø' fí' lí' cajíng' - dsea' do lamí' jéeng'gui e nicuø' - reiñ' e nigüear' lafa' dsea' i' jáa' fí' lí' jié'. Jo 'núu' 'mib' cajme'r' e caguár', jogui lajob' calí' - 'nu' i' jóor' i' sií' Isáa' do jogui i' guieer' i' sií' Jacóo' do cajo, jo laji' huáang' i' dseañu' na ca'ím'bre lajii' e cajíng' - Fidié' e nicuø' - reiñ' lamí' jéeng'gui lí' laco' ca'íng' dsea' cóøng' - quiá' - cajo. ¹⁰ Jo i' 'lí' yúu' Abraham do dseáng' - lamí' sijeem'bre e nigüear' e fí' fi' 'mí' - e ja' tóo' jmí' ní'íng' e cajíng' - Fidié' e nicuø'r' - dsea' do. Jo 'ñiab' Fidié' dsea' caguiar' guiá' jogui cajme'r' e fi' jo.

¹¹ Jo la'eáang' e já' - calíng' - Abraham júu' quiá' - Fidié', joba' caqui'bre jmí' e caliséng' jóor' cóo' - dseam' quiá' - i' sií' Sara, nañí' fa' eáam' nidseáañ' laji' huáañ' do. Jo lajob' calí', có' dseáng' - jáb' - caliñ' e nijmitib' Fidié' lajii' júu' e nicacuø'reiñ' lamí' jéeng'gui. ¹² Jo ja' e lí' e eáam' nidseáang' - 'lí' yúu' Abraham mi' tí' lí' canaang' e liseeng' jóor', dsu' mi' cang'gui lajo, i' leáam' dsea' sijur' caliséng' lí' laco'gui la fíng' núu' i' sitøng' - fí' yú' - jmigüí' mi' canu', osi lí' laco' la jmiguiá' tóo' e néé' 'ni' jmíñ' e jii' ja' quí' dsea' jmí' nijmi'ír'.

13 Jo jalém' i dsea` í cajúm-bre mi` catí í' lajo quiá'- lajaang` lajaaíñ, jo júi' ja` mí' ca'ím'bir lajúi' e cajíng'- Fidiée` e nicuó' reiñ' do lamí` jéeng'gui. Jo co' jaléng' i dsea` do jáb'- calíñ- júu` quiá'- Fidiée`, joba' lí' e lafa' ca'ím'bre jalé' e jo; jo cóo' jalé' e jo cajmée' e íám' dsíir, co' calilí'bre e o' dseáng'- góor' fí' jmigüi' la, co' lí' cateá'ba' ngúng'tear fí' jmigüi' la lafa' jaang`dsea` i uuung` fí'. 14 Jo jaléng' dsea` i' dsí' e o' dseáng'- góor' fí' jmigüi' la, joba' cuó' b' lí' quiá'r- e sijeem`bre e nidsilíñ` e fí' fí' 'mí' quiá'- Fidiée`. 15 Co' faco' jaléng' i dsea` do guim`bi dsíir' uii' quiá'- e fí' lí' ca'uó'oiñ` do, joba' caquim' tur` jóng e fí' jo faco' mi' cajmээр` lajo. 16 Dsu' jaléng' i dsea` í eáang'guib cali'íiñ` e nidsigüear` e fí' fí' 'mí' e jlo' eáang' quiá'- Fidiée` e sea' fí' ñifí'. Jo uuing` e joba' Fidiée` ja` jáa' e í' líiñ` e líiñ` Fidiée` quiá'- i dsea` do, co' nicagua'bre guíá- e fí' 'mí' jo fí' lí' nidsigüea' i dsea` quiá'r- do lata`.

17 Jogui la'eáang' e jáb'- calíng- Abraham júu` quiá'- Fidiée`, joba' calinúu'bre lajúi' e camí' Fidiée` ír' mi' cali'íing` dsea` do e ñir' su dseáng'- nijmiti` Abraham lajúi' e nicajíng'- dsea` do e nijngáiñ'- i jóor' Isáa' do e laco' nicuó'iñ'- dsea` do. Joba' ie` jo dseáng'- ni'í' ñijliñ` quiá'r- e si'í' nijngám'-bre i jóor' do, jo ja' e lí' e Fidiée` nicacuó' júu` quiá'r- lamí` jéeng'gui mi' cajíñ'- lala: 18 "La'eáang' cóo' i jóo' Isáa' nab niliseeng' i fíng' dsea' sijú' lí' laco' júu` quié- e cacuó'ø-ø' 'na' lamí` jéeng'gui." 19 Jo co' niñib' 'lí' yúu' Abraham ie` jo e quíib' Fidiée` jmí' nijmér- doñí' ee' j'gui e nijmijí'r' jaléng' 'lí', joba' lajob cuó'ong' lí' fe'ee' quiá'- i jóor' Isáa' do e lafa' cajíñ' tuiñ' do, co' ja' cajúñ- ie` jo, jo e jo lí' coo' lí' e nidsijée' cøong'gui.

20 Jogui la'eáang' e jáb'- calíng- i Isáa' do júu` quiá'- Fidiée`, joba' cacuó'bre júu` quiá'r- i jóor' gáng- do i sií' Jacóo' jogui i sií' Esaú e guíab- nidsijée' quiá'iñ'- do.

21 Jogui la'eáang' e jáb'- calíng- i Jacóo' do júu` quiá'- Fidiée`, joba' lajee` e tí' lí' nijúuiñ-, cajmigüeam'bre lajaang' lajaang' i guieer` i líng' jóo' Sé' do, jo lajee` jo cajmiféiñ' Fidiée` e siñúuiñ` e cuó' 'ma'u' quiá'r- do.

22 Jogui la'eáang' e jáb'- calíng- i Sé' í júu` quiá'- Fidiée`, joba' cajíñ'- casí'r- jaléng' dsea' sinúu` quiá'r- lajee` e niráaiñ` e tí' lí' nijúuiñ- e fí' Egipto do e ni'uóm' jaléng' dsea' góor' dsea' Israel mi' ningóo'gui jii' lajo, jo nidsilíñ' fí' guóo' uó' lí' nicajíng'- Fidiée` e nicuó' reiñ' lamí` jéeng'gui. Jogui casí'-gui Sé' jaléng' i dsea' sinúu` quiá'r- do e nicóo'biñ' do e móo' teáaiñ' fí' coo' dsí' guóo' mi' tí' lí' nitaiñ'- fí' e nidsilíñ' e fí' jo, co' jo` seeng' i Sé' do mi' nití- e í' jo.

23 Jogui la'eáang' e jáb'- calíng- sejmií' Moí' júu` quiá'- Fidiée`, joba' ca'méem'bre i yuu' Moí' do quiá'r- lajee` gaang' si' mi' cangí' e caliséiñ' do; co' calilí'bre e Fidiée' caguíng' i yuu' do quiá'r-, jogui ja' cajmí'gór' lajúi' ta' caquiá' dseata` dsea' féng' ie` jo e 'né- nijúung- jaléng' yuu' siñúu` quiá'- dsea' Israel.

24 Jogui la'eáang' e jáb'- calíng- i Moí' do júu` quiá'- Fidiée`, joba' mi' tí' lí' cacuáíñ-, ja' cali'íiñ` fa' e nífé' dsea' e calí- niquiá'r` i dseamí' i líng' jóo' dseata` dsea' féng' do, i dseamí' i cajmicuóo' quiá'r- júi' ie` latí' mi' cadséng'neiñ' do e fí' 'ni' gua' Nilo. 25 Jo ja' cali'íiñ` fa' e calíñ` dsea' sinúu` quiá'- i dseata` dsea' féng' quiá'- Egipto do, jo cóo' dsea' góor' dsea' Israel cangotáaiñ-, co' eáang'gui cali'íiñ` e ni'íñ' iihu' lí' laco' la íng' dsea' góor' e lafa' e caliséiñ` juguiá- e nijmi'óo'r` cateá' jalé' e ja' dseeng' e sea' fí' jmigüi' la. 26 Co' ie` jo ca'í' dsí' i Moí' do e guíá- guib ni'uíng- quiá'r- e ni'íñ' iihu' uí' e sijeéiñ` i dsea' i nisíng- Fidiée` i nileáng- ír' cóo'gui jaléng' i dsea' góor' dsea' Israel e lafa' e niliseeíñ` juguiá- e nijmi'óo'r` jalé' e jlo' e sea' fí' quiá'- i dseata` dsea' féng' quiá'- Egipto do; jo ja' cajmээр` lajo, co' nitab` dsíir' e ni'ím'bre lajúi' e catíiñ` e nicuó' Fidiée` ír'.

27 Jogui la'eáang' e jáb'- calíng- i Moí' do júu` quiá'- Fidiée`, joba' cagü'íiñ'bre cóo' jaléng' dsea' góor' e fí' Egipto do e júi' ja' lí'r' 'gór' doñí' fa' dsíng'- caligüíng- i dseata` dsea' féng' do; jo ja' caquíiñ` tucaiñ' fí' lí' nisiñ', co' núu'bre cajmээр` laco' si'í' júu` quiá'- Fidiée` lí' laco' cuó'ong' fe'ee' e fa' dseáng'- lanab níñ- i Fidiée` i seeng' car` ngongí' jmí'. 28 Jogui la'eáang' e jáb'- calíñ- júu` quiá'- Fidiée` ie` jo, joba' coo' jmí'

ná'gui e ni'uóñ cōo' jaléng' dsea' góor' e fí Egipto do, cajmée'bre náur' júu' quiá' Fidiée' mi' caquiá' dsea' do ta' quiá' lajaléng' dsea' Israel e nisúuñ' capí' jmi' jó' núu' fí' dse' jn' quiá'r' lajaang' lajaaiñ, jo lajōba' ja' nijúung' i jiuung' siñuá' la'uii' quiá'r' do mi' tí' lí' ningíng' i dsea' mojñ i nijngáng' jaléng' i jiuung' siñuá' la'uii' quiá' dsea' Egipto lí' laco'gui la ta' caquiá' Fidiée' lamí' jéeng'gui.

²⁹ Jogui la'eáang' e jáb' calíng' dsea' Israel júu' quiá' Fidiée', jōba' mi' tí' lí' ca'uóñ' fí' Egipto e cangotáaiñ' fí', jo lajee' teáaiñ' fí' cacuo'r' e jmiñ' e siñ' mar Rojo lí' lafa' mi' ngir' fí' ní' guóo' uó' quiá'; jo co' ngolíng' dsea' Egipto e øm'bre dsea' do, jo dsu' mi' tí' lí' caguilíng' i dsea' Egipto e nicuá'r' e jmiñ' jo, jo lajee' e ningolíñ' guiá' jóob' jmiñ' mi' cajgór' jmiñ', jōba' conguiab' cajúñ' lajññ' jōng.

³⁰ Jogui la'eáang' e jáb' calíng' dsea' Israel júu' quiá' Fidiée', jōba' cangir' coo' ya' laco' jmiñ' lajee' guié' jmiñ' fí' lacúng' lajñng' e iá' cuu' e ní' eáang' e si' lacúng' e fñ' Jericó. Jo mi' catí' e jmiñ' guié' do, jōb' mi' caquí' e iá' cuu' do. ³¹ Jogui la'eáang' e jáb' calíng' i dseamí' i calisí' Rahab do júu' quiá' Fidiée', jōba' ja' cajúñ' colíng' cōo' i dsea' góor' i seeng' fí' Jericó do mi' tí' lí' calíng' e fñ' jo; co' i dseamí' do guiáb' ca'íñ' cōo' tú' máng' dsea' Israel i caguilíng' fí' quiá'r' lamí' jéeng'gui i cangoquie' cuente jial lí' e fí' jo. Jo i Rahab do lamí' jmóor' ta' 'nñíng' 'ñia'.

³² Jo jmguiá'bi sea' e 'né' fñ' i 'nú' faco' dsitíng' quié' e lajo: fa' jalé' júu' quiá' jaléng' i dsea' la i jáb' calíng' júu' quiá' Fidiée' ie' malí' gui eáang' do lí' lajaléng' i dseañu' la: jaang' i calisí' Gedeón cōo'gui jaang' i calisí' Barac jogui jaang' i calisí' Sansón cōo'gui jaang' i calisí' Jefe' jogui jaang' i calisí' dseata' Daví' cōo'gui jaang' i calisí' Samuel, jogui jaléng' dsea' i café' cuaiñ' quiá' Fidiée' cajo. ³³ Jo la'eáang' e jáb' calíng' jaléng' i dsea' na júu' quiá' Fidiée', jōba' calí'bre jalé' 'ni' e catíñ' cōo' dsea' jéng', jogui ca'í'bre í' røø' jee' jaléng' dsea', jogui ca'ím'bre jalé' e guiá' e cajíng' Fidiée' e nicuó' reiñ' lamí' jéeng'gui, jogui caquí'bre jmiñ' e caláaiñ' e ja' cajmeáng' ie' í' jñ' cōo' mi' cangotáaiñ' fí' jee' i jó' í'. ³⁴ Jogui calisém'bi cajo i líng' dsea' i caquí' jmiñ' i cayu' jñ' jo ja' cacáaiñ' cōo' e jñ' do, jogui calisém'bi i caquí' jmiñ' i caleáang' yaang' e ja' cajúñ' cōo' ñisú', jogui calisém'bi dsea' i caguá' fōng', jōba' dsea' laniim' ca'uiñ' quiá' jalé' jee' 'ni' jogui calí'bre jaléng' dsea' i 'ní' ní' quiá'r' cajo. ³⁵ Jo calisém'bi jaléng' dseamí' ie' jo e la'eáang' e jáb' calíñ' júu' quiá' Fidiée', jōba' cangáb' tur e cají' tu jaléng' dsea' sinúu' quiá'r' mi' cangí' e nicajúñ'.

Jogui i líng'gui i dsea' i jáb' calíng' júu' quiá' Fidiée' do ca'ím'bre iihuí' e eáang' cartí' cajúñ', co' cajmeáng'gui quiá'r' e cajúñ' e laco'gui e nileáñ' ní' 'mó' fíng' catúr' júu' quiá' Dsea' Jmáang', co' calilí'bre e guiá'gui nidsijée' quiá'r' mi' nijí'tur calé' catú' fí' ñifí'. ³⁶ Jogui i líng' i dsea' do eáam' ga' ca'ée' dsea' cōo'r' co' cartí' cabøng'neiñ' jogui caløng'neiñ' cajo, jogui i líng'gui ca'ñung' cōo' ní' cadena, jogui i líng'gui cajo cangotáang' fí' dsí' 'nuñí'. ³⁷ Jogui i líng'gui i dsea' i jáb' calíng' júu' quiá' Fidiée' do cajngab' dsea' quiá'r' cōo' layaang' cuu' osi cajméer' tú' 'náang' dsea' do cōo' ní' sieer' é, osi cajúñ' e ca'ieíñ' ñisú' é. Jogui calisém'bi i dsea' í' cajo i ja' 'ga' lí' caliseá' jalé' e 'né', jogui cangir' fí' la fí' na e jñ' loo' jó'ba' lí' sí'r', jogui eáam' ga' cajmeáng' jaléng' dsea' ír', jogui cacuo'reiñ' iihuí' e eáang' cajo. ³⁸ Jo jaléng' i dsea' í' jñ' ja' catíñ' e nidsingññ' jalé' e iihuí' do e fí' jmgú' la fí' lí' seeng' dsea' dsee' dsea' qui', jo dsu' jaléng' i dsea' í' eáam' ca'íñ' iihuí' e ngir' fí' la fí' na fí' jee' mó' jogui fí' ní' guóo' uó' quiá', jogui e jar' fí' ná' lí' sitá' 'loo' cuu' fí' lí' í' quiá' osi lacaang' lí' sitá' quiá' fí' 'náang' uó' é.

³⁹ Jo nañí' fa' ca'ím' Fidiée' jaléng' i dsea' do e líñ' dsea' i ja' røøng' dsee' fí' quinir' uí' e jáb' calíñ' júu' quiá' dsea' do, dsu' jñ' jaang' i dsea' do lajee' taaiñ' fí' jmgú' la ca'íñ' lajñ' e nicajíng' Fidiée' e nicuó' reiñ' lamí' jéeng'gui quiá' e nisíñ' jaang' i nileáang' ír' jee' jalé' dsee' quiá'r'; ⁴⁰ dsuco' Fidiée' nicaguir' e guiá'gui qui' jneaa'aa', jōba' jaléng' i dsea' i cajúng' lamí' jéeng'gui do ja' mí' ca'íñ' lajñ' e nicajíng' Fidiée' lamí' jéeng'gui

e nicuó'~reiñ' cartí' mi~ niñíng'naa' lajalé'naa' e nicajíng'~ Fidiée' e nicuó'r~ jneaa'aa' lamí' jéeng'gui.

12

Jesúsbíng' i 'né~ quie' nif' quí~ii'

¹ Jo co' fím' jaléng' dsea' quiá'~ Fidiée' i nicaliséng' ie~ mali' do tí' nir' fí' quini'naa' lana jial dseáng'~ já'~ calíñ~ júu^ quiá'~ Fidiée' e car' ngocáng' dsír', joba' jneaa'aa' lanagui 'né~ e nisée~naa' cab' jalé' e ja' dseeng' e jmóo' jii' quí~ii' jogui jalé' dsee~ e jníng' quí~ii' e ja' cuó' fí' e nijmó'naa' e guiá~, jogui 'né~ e nijmi'úung'naa' e teá'gui nisíng'~naa' lajii'~ fí' guiá~ lí' nitée~naa' lí' laco' catíng' e nijmé~ jaléng' dsea' quiá'~ Dsea' Jmáang'. ² Joba' fíi' i 'nú', dsea' rú'naa', e lí' laco' ca'ée' Jesús, lajob 'né~ quie'naa' cuente e ni'ee~naa' cajo, co' la'eáang' dsea' dobing' canaang' e já'~ lí'naa' júu^ quiá'~ Fidiée', jogui la'eáang' íb' cajo i jmi'ie' e laco' sí' e já'~ lí'naa' do. Jo Jesús ja' caquíñ'~ tucaiñ' mi' calíñ' jalé' iihuí' lajee' e catáñ' fí' dse' crúu' nañ' fa' e eám' ga' fí' quiá'~ jaléng' dsea' i júung' fí' jo. Co' niñi'bre e mi' ning' e ni'íñ' e iihuí' jo, eám' guiá~ ni'uíng'~ quiá'r' ; jo e jáb'~, lajob calí~, co' lana dob niguiñ' fí' ñif' lí' lí' dsée' laco' guíng' Tiquiá'r' Fidiée'.

³ Jo uí'~ joba' í' óo'na' jalé' e guiá~ e cajmée' Jesús lajee' e ga' cajmeáng' jaléng' dsea' dsee~ dsea' quí' ír', jo uí'~ joba' ja' 'né~ fa' e nijmifíng'~ yaang'na' o'gui fa' e nijmitúng' áa'na' e teáang'na' fí' guiá~ cóo'r'. ⁴ Co' 'nú' ja' mí' calíng'na' fa' e nicajúng'na' uí'~ e cuó'na' bí' yaang'na' e ja' nijjúng'na' fí' ni' dsee~. ⁵ Jogui 'né~ e tóob' áa'na' cajo jalé' e cajíng'~ Fidiée' fí' ni' jì quiá'r' e sí'r' jaléng' 'nú', dsea' líng'na' jóor', co' lalab fé'r' fí' ni' e jì jo:

Jóo'o, ja' jmoo' laan' mi' fí' 'goo' quí'~,

o'gui jmitúng' o' cajo mi' jín'na'.

⁶ Co' íb' jneaa' 'goo' quiá'~ i dsea' i 'neáan',

jogui røob' quidsii' í' cajo quiá'~ i dsea' i líng' jóo'o.

⁷ Joba' fíi' i 'nú' e ni'ím'ba' lajii'~ e 'goo' e í' Fidiée', jo lajoba' dsea' do nito' fím'bre 'nú' e líng'na' jóor'; co' ja' jíe' lí' seeng' jaang' jóo' dsea' i ja' í' tiquiá'~ 'goo'. ⁸ Co' song Fidiée' ja' ír' 'goo' quí'na' mi' 'né~ lajo lí' laco' jmóor' cóo'~ jaléng' jóor', joba' cuóong' fe'ee' jóng e jaléng' 'nú' ja' líng'na' dseáng'~ jóo' Fidiée' jóng. ⁹ Co' ie' lamí' jiuung'naa' do, íb' tiquí'ii' 'goo' quí'ii' laco' catíng', joba' jmi'goo'baa're. Jo eáang'guib 'né~ e nijmi'goo'naa' Tiquí'ii' Fidiée' dsea' guíng'~ ñif' mi' ír' 'goo' quí'ii', jo lajoba' nilí'naa' e nilisee~naa' cóong' cóo'r'~ lata'. ¹⁰ Jo lajee' e seeng'~teáa' fí' jmigü' la, íb' tiquí'ii' 'goo' cajo lí' laco' jii'~ e í' dsír' e guiá~gui quí'ii'. Dsu' Fidiée'gui íb'bre 'goo' quí'ii' e lí' laco' nilí'íng' ta' quí'ii' car' ngong' jmi~, jo lajoba' ni'uíng'naa' dseáng'~ dsea' guiúng' lí' laco' lííñ' 'ñia'r'. ¹¹ Dsu' e já'~, ja' cuó' e íaang' dsí'naa' dseáng'~ ladsifí' mi' í' Fidiée' 'goo' quí'ii', co' huím'jia lí' lajee' jo; jo dsu' song ni'íng'~naa' e jo e ja' sée'~naa' dsee~, joba' guiáb' ni'uíng'~ quí'ii' jóng, co' lajoba' e niñíng'naa' e nilisee~naa' juguiá~ cóo'~ Fidiée' e jmoo'naa' lajii'~ e iing' dsea' do.

Dseám' mi' ja' iing' dsea' núr' júu^ quiá'~ Fidiée'

¹² Jo fí' guí' 'nú', dsea' rú'naa' dsea' quiá'~ Dsea' Jmáang~, cuóo'~gui bí' yaang'na' e laco' ja' nilitúng' áa'na' mi' í' óo'na' e eám' huíng' lajii'~ e fí' guiá~ lí' niteáang'na', ¹³ jogui jmi'úung'na' e teá'gui nisíng'~naa' e fí' jo, jo lajoba' cuóong' e nijmicóo'~naa' jaléng' i dsea' rúng'na' i ja' 'goo' teáang'~ teá' e fí' guiá~ jo e laco' teá'gui nisíñ'~ fí' jo.

¹⁴ Jo jmi'úung'na' e seeng'na' juguiá~ júu^ røo' cóo'~ jaléng' dsea' rúng'na', jogui jmi'úung'na' cajo e laco' ja' nijjúng'na' fí' ni' dsee~, co' jii'~ jaang' dsea' cuóong' liseeíñ' cóong' cóo'~ Fidiée' song ja' ni'náng' 'ñia'r' jee' jalé' dsee~ quiá'r'. ¹⁵ Jo jmi'úung'na' lajaléng'na' e laco' ja' nitú'na' lajii'~ e guiá~ e ngíng'na' quiá'~ Fidiée'. Jo ja' cuó' fí'

yaang~na' cajo fa' e nijmée~na' guíng~na' uui~ quíá~ jaléng~ dsea` rúng~na', co' e jo líf lafa' e nilíng~na' coo` onuu` e guí~; co' fíng líng~na' lajo, joba' dseám~ e ni'lee~na' quíá~ jaléng~ dsea` rúng~na' jogui e nidsicuáng~gui dsee~ quí~na' cóo~ jaléng~ dsea` caguaiang~gui. ¹⁶ Jo jíi~ jaang` 'ná' jie~ mí' lee~na' e nigüíng~na' cóo~ dsea` i o' quí~na', jogui jie~ mí' jmoo~na' e ja` nijmi'goo~na' lajíi~ ta~ quíu' Fidiée~ lí' laco' cajmée~ jaang` dseañu' i calisí Esaú ie~ malí~gui eáang' mi~ ja` cajmi'gór' lajíi~ e catíiñ~ quíá~ Fidiée~; co' i dseañu' í líiñ' síñu' la'uui~ quíá~ tiquíá~r, jo dsu' catúbre e líiñ' lajo ie~ lamí casiuíñ~ coo` huí~ e a~ jmiñi~. ¹⁷ Jo ñib` 'ná' guíá~ e mi~ cangígui lajo, mi~ cali'ing~ tiquíá~r e nicuó' reiñ' lajíi~ e catíiñ~ do dsu' uí~ e líiñ' jóor' la'uui~, dsu' ja` caquí~ jmiñ' fa' e calíng~guir e jo, co' catúbre e líiñ' lajo lajíi~ lamí~ jéeng~gui; jo nañi' fa' eám' camir' jmi'ee~ cartí caquí~r ie~ jo, dsu' jo' e mí~ caliseá~ quíá~ lajíi~ e cajméer' do.

¹⁸ Jo fíi~guíi' 'ná', dsea` rú'naa' dsea` quíá~ Dsea` Jmáang~, e ja` caguiquíéeng~na' fí quini~ Fidiée~ laco'gui cajmée~ dsea` áang' quí~naa' dsea` Israel ie~ lamí~ cangoquíeeiñ' e fí tñ~ mó' Sinaí ie~ lamí~ cangíiñ' e júu^ quíu' ta~ quíá~ Fidiée~; co' ie~ jo e fí jee~ mó' do uøø` niing~ jí jogui sibé' jní' e nuu' só' jogui e eáang' í' guí jogui e quie' güi'niá~ cajo; ¹⁹ jogui canúur~ cajo jial tí' teá ca'jíi~ lúu' trompé~ jogui canúur~ jial tí' teá caná' luu~ Fidiée~. Jo jaléng~ dsea` i canúu~ luu~ Fidiée~ ie~ jo camir' jmi'ee~ e niquíu~ dsea` do lajíi~ e fé'r' do, ²⁰ co' ie~ jo dseáng~ eám' cafóng' jaléng~ i dsea` do mi~ canúur~ e caquíu' Fidiée~ ta~ lala: "Doñi' i~ dsea` i nísí' tñ~ e fí mó' la 'né~ nijúum~bre cóo~ layaang~ cuu~ osi cóo~ ñisu' é, jo ja' e lí' doñi' fa' jaang' jó', lajob' 'né~ líng~ne' cajo." ²¹ Jo dseáng~ eám' cafóng' jaléng~ dsea` áang' quí~naa' mi~ cangár~ jalé' e jo, co' jí'gui cartí Moí~ cajíñ' ie~ jo e 'gór' cartí jléeiñ'.

²² Jo dsu' jaléng~ 'ná' ja` calíng~na' lajo, co' niseab` fí quí~na' e nigüiquíéeng~na' dseáng~ condsée' e fí yú^ mó' Sión fí dseáng~ lí' guíng~ Fidiée~ i seeng~ car` ngongí jmi~, jo e fí job lí' sii' Jerusalén 'mí~ e sea` fí ñífi~ fí lí' siseáng' i leáang~ ángeles i jmiféng' Fidiée~. ²³ Jogui lana niseab` fí quí~na' e niseáng~na' colíng~ cóo~ jaléng~ dsea` quíá~ Dsea` Jmáang~ i caliséng~ ie~ malí~gui do jo i nitaang~ fí ni~ jí quíá~ Fidiée~ fí ñífi~. Jogui cajo niseab` fí quí~na' e nigüiquíéeng~na' fí quini~ Fidiée~ i quidsí' í' laco' catíng~ quíá~ jaléng~ dsea` jmigüi~; jogui niseab` fí quí~na' e niseáng~na' colíng~ fí ñífi~ cóo~ jalé' jmiguí quíá~ jaléng~ dsea` i nicaláang~ jee~ jalé' dsee~ quíá~, jo lana nilíiñ' dseáng~ laco' iing~ Fidiée~ e líiñ'. ²⁴ Jo niseab` fí quí~na' cajo e cuóøng~ e niguilíng~na' dseáng~ condsée' fí quini~ Fidiée~ fí lí' niguíng~ Jesús lana, i dsea` i caneáa' e fí jo. Jogui íb' dsea` cajo i cacuø' jmi'øøng~ e laco' sea' fí quíá~ jaléng~ dsea` lana e niliseeiñ' cøøng~ cóo~ Fidiée~ la'eáang~ cóo~ e júu^ tigua~ e 'mí~ e cacuø' Fidiée~; co' e jmi'øøng~ Jesús do eáang~gui laniing~ laco'gui e jmi'øøng~ Abel i caliséng~ ie~ malí~gui do.

²⁵ Joba' fíi~ 'ná', dsea` rú'naa' dsea` quíá~ Dsea` Jmáang~, e contøøm~ 'né~ ñiing~ óo'na' e nijmée~na' náu~na' lajíi~ júu^ e sí' Fidiée~ jneaa~aa', dsuco' ne~baa' e ie~ malí~gui do jaléng~ i dsea` i ja` calinúu~ júu^ quíá~r ja` caláaiñ~ jee~ jalé' iihuí'. Jogui jneaa~aa' eáang~guib ja` quíi'naa' jmiñ' fa' e nileáng~naa' jee~ jalé' iihuí' e catíi~naa' song nijmó~naa' laang~naa' lajíi~ e júu^ e sí' Fidiée~ jneaa~aa' e cangíiñ~ cóo~ Jóor' Jesús fí jmigüí la e jáa' tí' ñífi~. ²⁶ Jo ie~ malí~ do e luu~ Fidiée~ do cajmée~ e cajlé~ guóo~ uø' fí mó' Sinaí, dsu' lanagui jíng~ Fidiée~ e o' jíi~ guóo~ uø' nijmér~ e nijlé~tu, co' la quie' tí' yú^ jmigüíb' nijmér~ e nijlé~. ²⁷ Jo mi~ fé' Fidiée~ e nijmér~ e jo calé' catú~, joba' niñi' dsea` e ni'íim~ dsea` do jalé' e cajméer' mi~ caguaí uuiñ~ jmigüí, jo nisé~guir fí jmigüí la lajíi~ e ja` quí~ jmiñ' e ni'íing~. ²⁸ Jo ja' quí~ jmiñ' fa' e ni'íing~ e Fidiée~ quier' nifí quíá~ jaléng~ dsea` quíá~r, joba' lana 'né~ nicuóø'baa' gui'máang~ dsea` do jogui e nijmiféng~naa'r e ngocáng~ dsi'naa' jogui e nijmi'goo~naa'r e nijmó~oo' jmang~ jalé' e tí' dsíir'. ²⁹ Joba' majmé~naa' lajo, co' Fidiée~ quí~i' líiñ' lafa' coo' jí' e íng~ conguaí lajalé'.

13

Jalé' e iáang` dsí' Fidiéeba' 'né` jmó'oo'

¹ Jo lalab fii`guíi 'ná', dsea` rú'naa' dsea` quiá' Dsea` Jmáang-, ja` tiúung'na' e jmi'neáang'na' jaléng' dsea` rúng'na' lí' laco' catíng- e jmóo' jaléng' dsea` quiá' Dsea` Jmáang-. ² Jogui íing'na' e iáang` óo'na' jaléng' dsea` i guilíng- fí' quií'na' i jalíng- fí' lí' jíe', co' mi' cajmée` dsea` lajo lamí` jéeng'gui, i líing- i dsea` i caguilíng- fí' quiá'r- do líiñ' ángeles e jíi' ja' calilí'r e líiñ' do lajo.

³ Jogui jmicóo'na' jaléng' dsea` i sijnáng- fí' dsí' 'nañí' lí' laco' iing'na' e nijmé- dsea` cóo' 'ná' fa' mi' 'ná' sijnáng'na'. Jogui jmicóo'na' cajo jaléng' dsea` i nicajmé' dsea` ga` quiá'- lí' laco'gui iing'na' e ni'é- dsea` guiá- cóo' 'ná' song cajmeáng' dsea` 'ná' lajo.

⁴ Jo lajaléng' 'ná' eáam' 'né- e nijmi'goo'na' quiá'- e cung' guoo` dsea`, jogui jie` mí' lee'na' e güüng'na' cóo' dseañu' osi dseamí i o' quií'na'; co' Fidiéé` niquidsí' í' laco' catíng- quiá'- jaléng' i dsea` i güüng' cóo' dseañu' osi dseamí mi' ná' gui e nicúng'- guór' osi jaléng' i dsea` i jmóo' lajo cóo' dsea` i o' quiá'r- mi' ningf e nicúng'- guór'.

⁵ Jo ja` jmoo'na' e eáang' suung'na' jalé' cuu-, co' lí' lí' 'né- e nijmi'iaang` óo'na' cóo' lajii' capí' e sea` quií'ba', co' lalab fé' Fidiéé` fí' ni' jì' quiá'r-: "Ja' quií' jmi' fa' e nijmihuíng` 'ñiá'a cóo' 'na' o'gui fa' e nitiúun`n 'na' cajo." ⁶ Joba' lalab cuóong` fé'naa' e dseáng'- ta` dsí'naa':

Fí'i Fidiéeb` dsea` i jmicóo' jnea`;

joba' ja' 'gó'o jíi' capí' ee` iing` dsea` jmigüi' nijmér- cóo' jnea`.

⁷ Jogui jmiguiéng' áa'na' cajo quiá'- jaléng' dsea` rúng'na' dsea` quiá'- Dsea` Jmáang- i nicajmicóo' 'ná' lamí` uii' quiá'- jialjá'- calíng- na' júu` quiá'- Fidiéé`; jogui íi' óo'na' jial caliséiñ` cøong` cóo' Fidiéé` cartí' catf' í' e cajúñ-, joba' teá'gui síng' yaang'na' cóo' júu` quiá'- Dsea` Jmáang- lí' laco'gui cajmée` i dsea` í' cóo' júu` quiá'- dsea` do.

⁸ Jo ja' sisíng` jíi' capí' Fí'naa' Dsea` Jmáang-, co' røøb` líng' dsea` do latí' lajii' lamí` ná' gui e nitiroo` jmigüi' jogui lana lí' car` ngongí' jmi' lajob líng' dsea` do. ⁹ Jo ja' cuø' fí' yaang'na' fa' e nijmi'goo'na' jalé' júu` e ja' cøong` røø` cóo' júu` quiá'- Dsea` Jmáang-. Co' eáang'gui quíng' e téé- naa' teá' fí' guiá- cóo' Dsea` Jmáang- la'eáang' e 'neáang' Fidiéé` jneaa`aa' e lafa' e jmití'naa' júu` cuaiñ` quiá'- jalé' e cuóong` osi e ja' cuóong` dó'- dsea` é; co' jalé' e jo ja' ee` ta` íng` jíi' coo' fa' e nijmicóo' quií'ii' fí' lí' nitée- naa'.

¹⁰ Jogui jneaa`aa', dsea` lí'naa' dsea` quiá'- Dsea` Jmáang-, seab' lafa' feá'- quií'ii' e jíi'naa' fí' quini` Fidiéé` mi' jmiféng'naa're. Jo dsu' ja' fí' sea` quiá'- jaléng' jmidsea` i lamí` jì' jalé' feá'- fí' quini` Fidiéé` lamí` jéeng'gui fa' e nidø'r- e lafa' feá'- quií'ii' do. ¹¹ Co' ie` lamí` jéeng'gui do, e ta` quiá'- jmidsea` laniing- quiá'- dsea` Israel quiá'- e nidsicar` jíi' jmi' jó' catí' Ée` lí' Laniing- Güeang'^ quiá'- e 'núu' 'mi' e lí' jmiféng' jaléng' dsea` do Fidiéé`, jo cuø'r' Fidiéé` e jo e laco' la'uii` ni'íng- dsee- quiá'r- 'ñia'r', jogui mi' ningf jo, ni'íng- dsee- quiá'- jaléng' dsea` góor'; jo dsu' i jó' i ca'uøø` jmi'øong- do, cartí' caluu` fiib` dsijíiñ` í'. ¹² Jo lajob calí- cóo' Jesús cajo, fí' caluu` fií' Jerusalén cajúñ- e laco' cóo' e jmi'øoiñ- e catuu` do cajméer` cóo' jaléng' dsea` quiá'r- e jo røong`guiiñ' dsee-. ¹³ Joba' fii' 'ná', dsea` rú'naa' dsea` quiá'- Dsea` Jmáang-, 'né- e lafa' e nidsé'naa' cóo' dsea` do fí' caluu` fií' e ja' í' lí'naa' fa' jialgui la fé' dsea` ga` uii' quií'ii' lí' laco'gui cajmée` dsea` cóo' dsea` do. ¹⁴ Co' ja' sea` quií'ii' fí' jmigüi' la lí' see- naa' lata~, dsu' sijeem`baa' e nilisee- naa' e fí' fií' 'mi' quiá'- Fidiéé` e née' fí' ñiff- quiá'r-, co' e job fií' e sea' lata~. ¹⁵ Jo uí' e joba' contøøm- 'né- jmiféng'naa' Fidiéé` la'eáang` cóo' Fí'naa' Dsea` Jmáang-, jo e lab lí' lafa' e feá'- e 'né- e nijjíi'naa' fí' quini` Fidiéé`. Jo contøøm- 'né- e nijmiféng'naa're cóo' lajalé' e fé'naa'! ¹⁶ Jo e laba' 'né- cajo e contøong- 'né- jmée'na' e ni'ee- na' guiá- cóo' jaléng' dsea` rúng'na' jogui e nijmicóo'na'r cóo' jalé' e sea` quií'na'; dsu' jalé' e naba' lí' lafa' e feá'- e nijjíi'na' fí' quini` Fidiéé` e laco' cuø' e iáang` dsí'.

¹⁷ Jo 'nú', jmee⁻ba' núu[~]na' cóo[~] jaléng[^] dsea[^] quie[^] nifi[^] quí⁻na' jogui jmi[^]goo[^]na' dsea[^] do cajo, co[^] íb[^] dsea[^] i[^] née[^] ni[^] 'nú' contøøng⁻; co[^] niñib[^] i[^] dsea[^] do guiá⁻ e fi[^] quini[^] Fidiéeb[^] niguiéer[^] cuente jalé[^] e jmóor[^] cóo[~] 'nú'. Jogui cuóø[~] bí yaang[~]na' e guiá⁻ ta[~] nijmée[^]na' fi[^] quini[^] i[^] dsea[^] do, jo ja[^] jmeáang[~] yaang[~]na' e nijmée[^]na' laguidseaang[^] doñí[^] ee[^] jmoo[^]na', co[^] fing song jmoo[^]na' lajo, joba[^] ja[^] e ta[~] nili[^]íing[^] quí⁻na' jíí[~] coo[^] jalé[^] e jo.

¹⁸ Joba[^] síi[~]naa' 'nú', dsea[^] rú[^]naa' dsea[^] quiá⁻ Dsea[^] Jmáang⁻, e nimí[~]na' Fidiéé[^] uii[~] quí⁻naa'. Jo nitab[~] dsi[^]naa' e Dsea[^] Jmáam⁻bing[^] i[^] nica[^]íing⁻ congua[^] jalé[^] dsee⁻ quí⁻naa', jo uíi[~] joba[^] ii[~]naa' e contøøm⁻ ni[^]ee⁻naa' e guiá⁻ cóo[~] lí[^] doñí[^] ee[^] jalé[^] e jmoo⁻naa'.

¹⁹ Jogui la guím[^] mí[~]i 'nú' cajo e niføøng[^]na' Fidiéé[^] uii[~] quie⁻ e e laco[^] dsea[^] do nicuø[^]r⁻ jnea[~] fi[^] e lajee[^] lajminá⁻ niliseeng⁻ túu cóo[~] 'nú' calé[^] catú⁻.

Júu[^] lí[~] ngóo[^] cadséng⁻ e catíng⁻ dsea[^] Israel

²⁰ Jo mí[~]i Fidiéé[^] i[^] cuø[^] e see⁻naa' juguiá⁻ júu[^] røø[^], jogui i[^] cajmée[^] e cají[^]tu Fíi[^]naa' Jesús jee[~] jaléng[^] 'lí[~], jogui i[^] jmóo[^] í[^] jneaa[~]aa', dsea[^] líi[^]naa' lafa[^] jo[^]se[^] quiá⁻r⁻; joba[^] mí[~]i la'eáang[^] cóo[~] jmi[^]øøng⁻ Dsea[^] Jmáang⁻ e catúu[^] fi[^] dse[^] crúu[^] e tíi[^] ni[~] lata[~] e júu[^] tigua[^] e 'mí⁻ e cajmée[^] Fidiéé[^] cóo[~] jneaa[~]aa', ²¹ joba[^] mí[~]ire e la'eáang[^] cóo[~] e job[^] nijmér⁻ e ni[^]uíing⁻na' dsea[^] guiúng⁻ i[^] ée[^] røø[^] laco[^] síí[^], jo lajoba[^] cuøøng[^] e jmée[^]na' dseáng⁻ lajíi[~] e iíñ[~]; jogui mí[~]i dsea[^] do e nijmér⁻ lajíi[~] e iíñ[~] cóo[~] jneaa[~]aa' e iáang[^] dsíir[^] la'eáang[^] cóo[~] i[^] Jóor[^] Dsea[^] Jmáang⁻. Jo majmifém[^]'baa' Dsea[^] Jmáang⁻ lata[~]! Jo lajob[^] 'né[^] lí[^].

²² Jo mí[~]i 'nú', dsea[^] rú[^]naa' dsea[^] quiá⁻ Dsea[^] Jmáang⁻, e ni[^]íim[~]ba' e féng[^] óo[^]na' lajíi[~] capí[^] júu[^] cuø[^] bí e nicafí⁻ i[^] 'nú' e fi[^] ni[^] jí[^] quie⁻ e la. ²³ Jogui jmóo[^]o 'nú' júu[^] cajo e i[^] dsea[^] rú[^]uu' dsea[^] quiá⁻ Dsea[^] Jmáang⁻ i[^] sii[^] Timoteo nicagüi[^]íbre fi[^] dsíi[^] 'nañí[^]; jo song cagüéiñ⁻ fi[^] la lajminá⁻, joba[^] nijøøm[^]baare fi[^] na mi[~] ninii[~] i[^] ni[^]ee[^] e 'nú' jóng.

²⁴ Jogui guicóob[^] jaléng[^] dsea[^] quiá⁻ Dsea[^] Jmáang⁻ i[^] quie[^] nifi[^] quí⁻na' fi[^] na, lí[^] lajaléng[^] dsea[^] rú[^]naa' dsea[^] quiá⁻ Dsea[^] Jmáang⁻ caguaang⁻gui i[^] seeng[^] fi[^] na. Jogui guicóo[^]'baa' jíng⁻ jaléng[^] dsea[^] rú[^]naa' dsea[^] quiá⁻ Dsea[^] Jmáang⁻ i[^] neáang[^] fi[^] la fi[^] lí[~] se[^] Italia.

²⁵ Jo güi[^]íib[^] Fidiéé[^] güea[^] quiá⁻r⁻ fi[^] jee[~] 'nú' lajaléng[^]na'. Jo lajob[^] nilí[^].

Ji e cajme' TIÁA~

¹Jnea~ sii- Tiáa~, jaang`dsea` i jmóo` lajii~ e iing~ Fidiée` cóo~ gui Fí'naa' Dsea` Jmáang~, jo jmo'o e ji' la e catiing~ laji' guitu' 'lé' dsea` Israel i líng' dsea` quiá'- Dsea` Jmáang~ i sisoo` sijóng^ fí' la'úng~ fí' jmi'güí'. Guicóo~'baa' lajaang` lajaang`na'.

Fidiée`bing' i jmicóo~ dsea` e ñir' e~ nijmér~

²Dsea` rú'naa' dsea` quiá'- Dsea` Jmáang~, güili'iaang` óo'na' mi~ íng~'na' lí' doñi' ee` e huíng', ³dsuco' niñib^ 'ná' guiá~ e mi~ móo~'na' jalé' e huíng' do, joba' eáang'gui sea` bí quií'na' e té'na' fí' guiá~ lí' niteáang`na' cóo~ Dsea` Jmáang~. ⁴Jo có' jmi'úum`ba' e dseáng~' té'ba' e nisíng~'na' teá'gui e fí' guiá~ do cóo~ jalé' e dsingúing~'na' do, joba' niliguiúng~'na' laco' si'f' fí' quini' Fidiée`.

⁵Jo song jaang` dsea` lajee` la'ó' 'ná' ja` ñir' e~ nijmér~ quiá'- lí' doñi' ee`, joba' 'né' e nimí'r~ Fidiée` e nijmicóo~ quiá'r~ e ni'f' dsír' e~ jalé' e nijmér~ quiá' jalé' e camir' do; có' í'bing' cuø' jaléng' dsea` lalíng' jogui e íaang` dsír' mi~ mi' dsea` ír' e jmicóoiñ~ do quiá'r~, jogui ja' e 'gaaíñ` jii~ cóo` quiá'- jalé' e jo cajo. ⁶Dsa' mi~ nimí'r~ Fidiée` lajo, 'né' e jáb~' nilíiñ` e nijmicóob~' dsea` do quiá'r~, jogui ja' í' dsír' jii~ cóo` fa' e dsea` do ja` nijmicóo~' cóo~ e jo; có' song ii~ dsea` ja` óor` júu^ ta~ dsí' e nijmicóo~' Fidiée` quiá'r~, joba' i dsea` í' líiñ' lafa' jmi~ mi~ dsigúing~ cóo~ guí' fí' la' fí' na. ⁷Jo i dsea` i líng' lajo ja` güi'f' dsír' fa' líng~ ee` nijmicóo~' Fidiée` quiá'r~, có' ja` niñiñ` jii~ cóo` e jo quiá'- dsea` do. ⁸Có' i dsea` la'f', lana í' dsír' cóo` jogui dsa'ó' e jieb' ni'f' dsír', jogui ja' íu~ dsír' cóo~ jalé' e jmóor` do cajo.

⁹Jo fí' guí' 'ná', dsea` rú'naa' dsea` quiá'- Dsea` Jmáang~, e ii~ lajee` la'ó' 'ná' i ja' 'ga' lí' sea` quiá'- fí' jmi'güí' la, joba' 'né' e nijmi'iaam` dsí' i dsea` la'f', có' Fidiée`bing' i niseáng' i dsea` do yú' mi~ nití~ oor~ quiá'r~. ¹⁰Jogui lajobi cajo ii~ lajee` la'ó' 'ná' i sea` cuu~, 'né' e nijmi'iaam` dsí' dsea` do fíng' cajméé` Fidiée` e nijgiáaiñ~ dsea` do, có' i dsea` sea` cuu~ do líiñ' lafa' cóo` lí' quiá'- lí' doñi' ee` onuu~, có' ja' huøø- té' e jí'. ¹¹Có' mi~ niliguií~ iee~, dsifí' lajob lífíng~ lí' quiá'- e onuu` do, jo dsifí' ladob nité' fí' ni~ uø~, jogui íim~ lajii~ e ia' do. Jo lajob lí' cóo~ i dsea` sea` cuu~, có' mi~ nití~ oor~ quiá'r~ e nidséiñ~ fí' jmi'güí' cóo~, catá'bre lajalé' e sea` quiá'r~ fí' jmi'güí' la.

Mi~ dsingúing~ dsea` jalé' e huíng'

¹²Joguiá~ jiu quiá'- jaléng' dsea` i jmóo` té' cóo~ jalé' huíng' e dsingúiiñ~ uíi~ e ja` jmóor` jalé' e ja` dseeng~, dsuco' mi~ ningí' e cajméer~ e jo, joguiba' ni'íñ' lajii~ e guiá~ e catíiñ~ e niliseeiñ~ cøng` cóo~ Fidiée` lata~, có' lajob júu^ cacuø' Fidiée` lamí~ jéeng'gui quiá'- jaléng' dsea` i jmi'neáang` ír'.

¹³Jogui mi~ iing~ jaang` dsea` e nijmér~ e ja` dseeng~, jo ja` güi'f' dsír' e Fidiée`bing' i jmóo` e iíñ~ e nijmér~ lajo, có' Fidiée` ja` catíiñ~ jii~ capí' fa' e nijmér~ e ja` dseeng~, o'gui jmóor` fa' e lajob nijmé~ dsea` jiéng' cajo. ¹⁴Dsa' ja' lí' lajo, có' lí' lí' yaam~ dsea` í' dsír' ga~, jogui yaam~bre cajo iíñ~ e nijmér~ jalé' e ja` dseeng~, có' job liquiéé' quiá'r~ e niligøøiñ~ e nijmér~ jalé' e ja` dseeng` do. ¹⁵Jo cóo~ jalé' e ga' e í' dsír' do, e joba' jmóo` e jmiróng` dsee~ yaaiñ~. Jogui mi~ ni'míng~ eáang' e dsee~ do, joba' i dsea` í' ni'nám~bre cóo~ Fidiée` lata~ jóng.

¹⁶Joba' fí' guí' 'ná', dsea` rú'naa' i 'neáan` eáang', ja` jmi'gøøng` yaang~na' cóo~ jalé' e jo. ¹⁷Jo Fidiée`bing' i cuø' jneaa`aa' jalé' e guiá~ jogui jalé' e niguo'^, jo íb' cajo i cajmeáang` jaléng' i jmi'neá' jí' i seeng` fí' yú' jmi'güí' e laco' sea` jmi~ jogui sea` uøø. Jogui 'ña' Fidiée` ja` tóo` jmi~ fa' e nilisíiñ~ laco'gui lísiing~ jalé' jí' i seeng` fí' yú' jmi'güí', có' ja' qui' jmi~ e nilí' lajo, có' dseáng~' røøb` líng' dsea` do lata~. ¹⁸Jo có' Fidiée` 'ña'bre cali'íiñ~, joba' cacuø' e nilisee~naa' cøng` cóo~' la'eáang' cóo~ e já' lí'naa' júu^

quíá' Dsea` Jmáang-. Jo cajméer` lajo e laco` jaléng` jneaa`aa', dsea` lí'naa' dsea` quiá'r-, nisíng`-naa' fí` quini`gui jee` jaléng` dsea` i` nijmé` Fidiée` i` nilíng` dsea` quiá'r-.

Jial lí' mi` dseáng` e já' e licuíng` dsea` Dsea` Jmáang`

¹⁹ Jo téé` óó'na' jalé' e júu` la, dsea` rú'naa' i` neáan` eáang', e lajím` 'nú' 'né` guiéeng` guiá` yaang`na' e ninúu`na' røøb`; dsu' ja` 'né` fo`na' ladsifí` e ja` mí` ca'íi` óó'na' røø, o'gui cuó' fí` yaang`na' e jmée`na' guíng`na' quiá'- doñí` ee' e jmóo` dsea` cóo'` 'nú'.

²⁰ Dsuo' mi` jmiguíng` dsea` rúin', joba' ja` éer` røø` laco' catíng` e jmóo` dsea` quiá'- Dsea` Jmáang-, co' ja` jmóor` laco' iáang` dsí' Fidiée` e nilí'. ²¹ Joba' fí' i` 'nú' e 'né` táb' jalé' e ja` dseeng` e jmoo`na' fí` jmigüi` la, jogui ca' 'naang`na' cajo jalé' e 'lí' e sea` fí` jmigüi` la, jo íng`na' e ngocáng` óó'na' lajii'` júu` quiá'- Dsea` Jmáang- e nicanáa`na', dsuo' e júu` joba' e quíi'` jmií` e nileáng`na' jee` jalé' dsee` quí'na'.

²² Jo dsu' ja` e ta` íng` quíi`na' lico' nuu`na' e júu` jo song ja`gui jmití`na'. Dsuo' song ja` jmití`na' e jo, joba' lí'` jmigøøng` yaam`ba' jóng e líng`na' dsea` quiá'- Dsea` Jmáang-.

²³ Jo jaléng` i` dsea` i` lico' núu` e júu` jo dsu' ja`gui jmitir` laco' catíng`, joba' i` dsea` í` líin'` lafa' jaang` dsea` mi` jøøng` 'ñia'r` dsí' sí' jo jnéem` jial laco' ír'; ²⁴ jo dsu' dsifí` mi` cangí` e cangáng` 'ñia'r` dsí' e sí' do, ca'ím` dsíir` jialco' líin'` ladsifí` lado jóng. ²⁵ Jo dsu' i` dsea` i` ja` íng` dsí' jalé' e júu` quiá'- Dsea` Jmáang- e núur` do, jogui núu`bir e ngocáng` dsíir` e jo, joba' dsea` í'bing' i` contøøm` tóo` dsí' e nileáiñ` jee` jalé' dsee` quiá'r` la'eáang` cóo'` júu` quiá'- Dsea` Jmáang-, jogui íb` cajo i` niliseeng` juguiá` cóo'` Fidiée`.

²⁶ Jogui song jaang` dsea` í` dsíir` e líin'` dsea` quiá'- Dsea` Jmáang- jo dsu' mí` 'noo'bi fé'r` júu` e ja` dseeng`, joba' i` dsea` í'bing' i` jmigøøng` yaang` e líin'` dsea` quiá'- dsea` do, jo dseáng`- ja` ee` ta` íng` jii'` cóo` quiá'r` cóo'` lajii'` e fé'r` do e cuiñ` Dsea` Jmáang-.

²⁷ Jo lajii'` dsea` i` ja` beáng'` dsee` yaang` cóo'` jalé' e 'lí' e sea` fí` jmigüi` la, jogui jmicóo'r` jaléng` jiuung` 'nái` jogui jaléng` dseam` i` 'nái` cóo'` jalé' fí' í' dsí' e sea` quiáin'` do, jo lajii'` dsea` í'bing' i` dseáng`- lajang`- líng` dsea` quiá'- Dsea` Jmáang-, jogui ja` ee` sí' líin'` jii'` cóo` fí` quini` Fidiée` cajo.

2

'Né` ée` dsea` røøb` cóo'` jaléng` dsea` rúin'

¹ Jogui fí'` guíi` 'nú', dsea` rú'naa' dsea` quiá'- Dsea` Jmáang-, co' 'nú' líng`na' dsea` quiá'- Dsea` Jmáang- i` dsea` i` laniing`- 'gøng'` do, joba' 'né` e ee`na' røøb` cóo'` jaléng` dsea` jmigüi`. ²⁻³ Cofa' lí' lí' lala: e cóo' lí' siseáng`na' fíng`na' colíng~, jo lajee` e siseáng`na' do niguiée` jaang` dsea` i` sea` cuu` i` qui'` 'mi' e jlo` jogui quier` ní' iá` niguoo` e 'mo'` eáang', jo joba' eáam` guiá` ni'íng`na're, jogui jaang` 'nú' nifí'na're lala: "Ní' e fí' lí' jlo`gui la." Dsu' lajee` job cajo niguiée` jaang` dsea` tiñíng` e fí' lí' siseáng`na' do i` qui'` 'mi' e sito', jo jaang` 'nú' nifí'na're lala: "Do güinoo`tea 'nái' lí' doguijia", osi "Güiguieeng`tea uø' lí' ni` uø` lí' do." ⁴ Jo song lajobi fó'na', joba' gab` lí' quíi`na', co' nijmoo`na' e niguíim`ba're jóng uíi` e ní'í` óó'na' e dsea` sea` cuu`bing' i` niing`gui, dsu' o' lajo.

⁵ Jo náu`na' jalé' e nifí'guíi` 'nú' la, dsea` rú'naa' dsea` quiá'- Dsea` Jmáang-: 'Né` nicá` 'nú' cuente e Fidiée`bing' nicagúing` jaléng` dsea` tiñíng` fí` quini` jaléng` dsea` jmigüi` e laco' ni'uíin'` do dsea` i` lajang`- teáng`- teá' fí` guiá` cóo'` Dsea` Jmáang- laco' sí'í', jogui lajoba' e ni'íng` i` dsea` í' e Fidiée` quie` nifí' quiá'r` lí' laco' jii'` e nicajíng`- dsea` do lamí` jéeng`gui e nicuø'r` jaléng` dsea` i` neáang` ír'. ⁶ Jo dsu' 'nú' lí' lí' jmi'uøng`na' jaléng` dsea` tiñíng`, co' ja` jmi'goo`na're. Jo zja` ca`na' cuente e jaléng` dsea` sea` cuu`bing' i` jmáng` 'nú' ga', jogui í'bing' cajo i` dsijeáang` 'nú' laguidseaang` fí` quini` dseata`? ⁷ Jo téé` óó'na' cajo e i` dsea` sea` cuu`bing' i` fé' júu` 'lí' quiá'- Dsea` Jmáang- cóo'` jaléng` dsea` quiá'r-.

⁸ Jo e guiá`ba' jmoo` 'nú' song dseáng`- e lajang`- náu`na' lajii'` júu` e laniing`- eáang` lí' laco'gui la fé' fí' ní' jii' quiá'- Fidiée` lí' fé' lala: "Jmi'neáang` jaléng` dsea` rún' lí' laco'gui jmi'neáan` uø'." ⁹ Dsu' fíng` song ja` røø` jmoo`na' cóo'` lajaang` lajaang` dsea` rúng`na',

joba' nilí' e nibeáang'~na' dsee- yaam~ba' jóng, jogui ni'oo~ba' dsee-, co' ja` cajmití'na' júu^ quiá' ta~ quiá'- Fidiéé. ¹⁰ Jo fa' núu~ jaang' dsea` jalé' e júu^ quiá'- Fidiéé do dsu' ja` jmitir~ fa' coob' e júu^ do, joba' dseáng'~ oo~bre dsee- jóng, co' ja` jmitir~ dseáng'~ lajalé' e júu^ quiá'- dsea` do. ¹¹ Co' 'ñiab' Fidiéé dsea` cajíñ'- lala cajo: "Ja` 'lee' e güñ' cóo'~ dseañu' osi dseamí i o' quií'~." Jogui cajím'~biguir cajo: "Ja` jngan'^ dsea` rún'." Joba' jia` fíng ja` mí cajmée' dsea` e güññ' cóo'~ dsea` i o' quiá'r~, jo dsu' song nicajngam'~bre dsea` rúññ', joba' nicabeám' dsee- 'ñia'r' jóng, co' ja` mí calinúu'r~ dseáng'~ lajalé' júu^ quiá'- Fidiéé. ¹² Jo lí' doñí' ee' e nifo'^na' osi lí'^ doñí' ee' e nijmée^na', 'né- ni'ee-na' røø' laco' catíng- e jmóo' dsea` quiá'- Dsea` Jmáang-, co' Fidiéé'bing' i niquidsí' í' quií'-na' cóo'~ e júu^ e nileáng'naa' jee~ jalé' dsee- quií'-ii' do. ¹³ Jo jaléng' dsea` i ja` mí fí~ calíng- jaléng' dsea` rúng', joba' lajob nijmé- Fidiéé cóo'~ ír' cajo mí tí lí~ nití- í' quiá'r~; jo dsu' jaléng'gui dsea` i nicalí' fí~ líng- jaléng' dsea` rúng', guiáb- nidsijéé' quiá'r- mí nití- oor~ e niquidsí' Fidiéé' í' quiá'- jaléng' dsea` jmígüf.

'Né- e jmitib' dsea` o' lico' fé'r'

¹⁴ Jo lajoba' fí~guí' 'nú', dsea` rú'naa' dsea` quiá'- Dsea` Jmáang-, dseáng'- ja` ee' ta` íng^ quií'-na' e fó'na' e já'- líng'na' júu^ quiá'- Dsea` Jmáang- song ja`gui jmití'na' lajii'~ júu^ quiá'- dsea` do. Co' i dsea` i fé' e já'- líññ' júu^ quiá'- Dsea` Jmáang- jo dsu' ja` núu'r~ e fa' jmitir~ e júu^ jo, joba' dseáng'- ja` nileám'bre jee~ jalé' dsee- quiá'r-. ¹⁵⁻¹⁶ Fa' majmée'~duu' cuente e jaang' dseamí osi jaang' dseañu' i líng' dsea` quiá'- Dsea` Jmáang- i ja` sea` jalé' e 'né-, fa' la sí'r^ osi jalé' e dó'r- e lalíng' lacoo' jmí~ lacoo' jmí~, jogui jaang' lajee' 'nú' nifí'^na' relala: "Guóng' cóo'~ e guiú- guiá' fí', jo ja` güñí' güiquín', jogui quié' la tí' e já- o'." Jo dsu' fíng song i dsea` i cajíng'- do ja` ee' cuø'r' jii'~ coo' i dsea` í' lajii'~ e 'né- quiá'r- e táañ' fí' jmígüf la, joba' dseáng'- ja` ee' ta` íng^ e jo jii'~ coo' quiá'r- fíng song lajobi jmóor'. ¹⁷ Jo lajob lí' mí jíng'- dsea` e já'- líññ' júu^ quiá'- Dsea` Jmáang-, dsu' fíng song ja`gui núu~ dsea` dseáng'- lajalé' e júu^ quiá'- dsea` do, joba' ja` ee' ta` íng^ quiá'r- e jii'~ e já'- líññ' e júu^ jo. Co' song ja` éer' laco' sí'í' cóo'~ e júu^ e já'- líññ' do, joba' ja` ee' ta` íng^ quiá'r- jii'~ coo'.

¹⁸ Jo jialfa' i líng~ dsea` nifé'r': "Nu' fó' e já'- lín' júu^ quiá'- Dsea` Jmáang-, jogui jnea' fá'- a e núu~baa e júu^ jo." Joba' fí' i 'nú', ée'~du' jnea' e já'- lín' júu^ quiá'- Dsea` Jmáang- nañí' fa' e ja` núu~ e júu^ jo, jogui jnea' gui ni'ée'~duu' nu' e dseáng'- e jáb'- lín'n júu^ quiá'- Dsea` Jmáang-, co' dseáng'- núu~baa e júu^ jo.

¹⁹ Jogui nu' nijá'- nilín' e seem' Fidiéé, jo guiáb- jmóo' song lajob í' o', co' e já'- e júu^ jo. Dsu' 'né- e tóo' o' cajo e la quie' tí' jaléng' i 'lim'^ já'- líññ' e jo, joba' dsíng'- jléeññ' dsu' uí'~ e 'göññ' Fidiéé. ²⁰ Jo jie~ mí jmícaan' melé-, co' ja` ee' ta` íng^ jii'~ coo' quií'- e já'- lín' júu^ quiá'- Dsea` Jmáang- song ja`gui núu~ e júu^ jo. ²¹ Co' 'né- e tóob' o' cajo e ca'ím' Fidiéé i 'lii' yúu~ quií'ii' i sii' Abraham do e líññ' jaang' dsea` guiúm- fí' quinir~, co' cajmée'bre núu'r~ júu^ quiá'- Fidiéé mí cacuøíñ' i jóor' i sii' Isáa' do e sí'í' nijngáiñ' do fí' quini' dsea` do. ²² Joba' niñí'~bi e i 'lii' yúu~ Abraham do cajmilir~ e já'- líññ' júu^ quiá'- Fidiéé uí'~ cóo'~ jalé' e cajmээр' do. Jo la'eáang' cóo'~ e jo, joba' cuø' lí' e ca'ié' e dseáng'- e jáb'- líññ' júu^ quiá'- dsea` do laco' sí'í'. ²³ Jo lajoba' caliti~ jalé' e fé' fí' ni' jii' quiá'- Fidiéé lí' fé' lala: "I 'lii' yúu~ Abraham do jáb'- calíññ' júu^ quiá'- Fidiéé, joba' Fidiéé' ca'íñ' dsea` do e líññ' jaang' dsea` i ja` carøøng' dsee-." Joba' calisî' i 'lii' yúu~ Abraham do jaang' dsea` i eáang' íng~ rúng' cóo'~ Fidiéé.

²⁴ Jo niñí'~bi 'nú' guiá- cajo e ím' Fidiéé dsea` e líññ' dsea` i ja` røøng' dsee- jaléng' i núu'~ jalé' júu^ quiá'r~, jo o' i dsea` i jii'~ lico' fé' e já'- líññ' júu^ quiá'- dsea` do.

²⁵ Jo lajob calí- cajo cóo'~ jaang' dseamí i sii' Rahab i caliséng' malii~ gui eáang' i cajmée' ta` 'núng' 'ñia'. Co' ie~ jo Fidiéé' ca'ím'~breññ' do e líññ' jaang' dsea` i ja` røøng' dsee- fí' quinir~ uí'~ e cajmээр' e cacuø' lí' nijé- dsea' Israel i casíng' dsea' góo' Josué nú'-gui e níngíng- jaléng' dsea' Israel do fí' lí' se' Canaán. Jo i dseamí la cajmicóo'~bre i dsea` do e

caguiéng'neiñ' fí lí' jié' e laco' caláin' do cóo' jaléng' dsea' i ní' ní' quiá'r'. ²⁶ Jo lajob lí', fa' mi' cango' jmiguí' quiá' jaang' dsea' jo júum' bre, joba' jo' ee' ta' íng' jíi' coo' e ngúu' táaiñ' do jóng. Jo lajob lí' cajo, ja' ee' ta' íng' mi' fé' dsea' e ja' líiñ' júu' quiá' Fidié' song ja'gui náu'r' fa' e nijmitir' e júu' quiá' dsea' do.

3

'Né' e quie' í'ba' jalé' e fé' dsea'

¹ Dsea' rú'naa' dsea' quiá' Dsea' Jmáang', ja' í' óo'na' fa' e ja' huíng' e líng'na' tifa' i e' júu' quiá' Fidié', co' nínē'ba' guiá' e eáang'gui ni'í' Fidié' í' qui'í' jaléng' jneaa'aa' dsea' lí'naa' tifa' mi' ja' náu'naa' e júu' jo laco'gui i dsea' caguaang'gui i ja' e' e' júu' jo. ² Jo e jáb', e lajii'baa' dsea' lí'naa' dsea' jmigüi' ee'naa' dsee'. Jo dsu' song seeng' jaang' dsea' i ja' røøng' jíi' coo' dsee' cóo' jalé' e fé'r', jo i dsea' í'bing' i guiúng' laco' sí'í' fí' quini' Fidié', jogui íb' cajo i lí' jmé' e ja' nitéiñ' fí' ni' dsee' cóo' lí' doñi' ee' e lí' dsí' ngúu' táaiñ' do cajo.

³ Fa' laco' mi' iing' jaang' dsea' e nilinúu' cuea' quiá'r' lajii' ta' quiu'r', joba' ta'r' coo' ñi' freno fí' mo'oo' i cuea' do e laco' nilinúu're' lajii' ta' quiu' fi're'. Jo cóo' jíi' e ní' dob e jmóo' dsea' e náu' i cuea' do mi' ee'go iing' dsea' e nijmé're'. ⁴ Jogui lajobi lí' cajo cóo' jalé' móo', e nañi' fa' jialgui la tí' cóo', jogui 'lea' gui' e huíng' eáang' e móo' do e laco' ningí', dsu' cóo' coo' ñi'jiaba' e si' timón e e' fí' jié' fí' lí' iing' i dsea' i quie' do e nidsé' e móo' do.

⁵ Jo lajob lí' cóo' nisí'naa' cajo, co' coo' e pí'gui lí' jee' lajalé' guotii'naa', dsu' cóo' e jo dseáng' jmigui'ba' e cuøøng' fé' dsea' e guiá' jogui e ja' dseeng'. Jogui lajobi cajo cóo' capí' 'ma' jí' cuøøng' e nijmé' e nicó' mó' e fe' eáang', ¿já' já'? ⁶ Jo e nisí'naa' do lí' lafa' jib'; jogui cajo lí' lafa' coo' e 'li' e 'léé' mi' fé' dsea' e ja' dseeng'. Jo mi' litíng' e fé' dsea' lajo, gab' uíng' quiá'r' jóng lajee' e seeiñ' fí' jmigüi' la, jo jalé' e 'li' e fé'r' do jáa' fí' lí' 'li'.

⁷ Jogui seem' i líng' dsea' i tíng' e' jaléng' jó' e laco' nilinúu're', fa' jaléng' jó' i ngí' jee' mó' jogui jaléng' ta' jogui jaléng' jó' i dsijñúung' uó' cóo' jaléng' jó' teáang' jmii'. ⁸ Dsu' jíi' jaang' dsea' jmigüi' quí'r' jmii' e ni'é'r' nisí'r' e laco' nilinúu', co' e nisí'r' do lí' lafa' nó' mi', co' contøøng' í' jleñg' e 'léé' cóo' jalé' e fé' dsea'.

⁹ Jo cóo' nisí'baa' jmiféng'naa' Tiquí'ii' Fidié' dsea' guing' ñifi', jogui cóo' e job cajo 'lee'naa' mi' ee'go fé'naa' ga' uii' quiá' jaléng' dsea' rú'naa' i cajmeáang' Fidié' lí' laco' líiñ' 'ñia'r'. ¹⁰ Jo lajob lí', dsea' rú'naa', dsuco' fí' mo'oo' jaang' dsea' cuøøng' lí' uó' júu' e jmiféiñ' Fidié' jogui júu' e fé'r' ga' quiá' dsea' rú'naa' cajo, jo dseáng' ja' dseeng' e nijmé' dsea' lajo. ¹¹ Jo lajob lí', dsea' rú'naa', co' ja' cuøøng' e fa' coo' ojmí' nicuó' tú' 'lé' jmii', ca'líng' e ráang' jogui ca'líng' e ñii'. ¹² Jogui lajobi cajo fa' coo' 'ma' güiñí', ja' cuøøng' fa' nicuó' ofii' e jié', co' jíi' güiñí'ba' e cuøøng' ni'í' yá'; o'gui huíng' güiñg' jó' cuøøng' fa' e nicuó' güiñí' yá', o'gui coo' ojmí' ñii' cuøøng' cuó' jmii' e ráang', co' jíi' lajob lí', ¿já' já'?

Jial líng' dsea' mi' dseáng' ja' e cangüiñ' e tiiñ' ngáiñ'

¹³ Jo lajob fí' guí' 'nú', dsea' rú'naa', song seeng' i líng' lajee' la'ó' 'nú' i dseáng' lajang' e ngüiñ' e tiiñ' jogui e ngáiñ', joba' 'né' e nijmilib' i dsea' do e líiñ' lajo la'eáang' e éer' røø' jee' la'ó' dsea' rú'naa' jogui la'eáang' e jmicóo'r' dsea' rú'naa' cajo, dsu' ja' tíng' e jmicøøng' yaañ'. ¹⁴ Jogui song íi' 'nú' í' óo'na' e tíng'na' ngáng'na' dsu' contøøng' guíng'na' dsea' rúng'na' jogui jmoo'na' jløng'na' cóo'r', jogui lajii' e jmoo'na' do lí' jíi' e líng'na' yaam'ba', joba' gab' lí' song jmoo'na' lajo, co' júu' ta' júu' e líng'na' jaang' dsea' i cangüñg' e tíng' ngáng' song jmoo'na' lajo. ¹⁵ Dsu' mi' líng'na' lajo, o' e cacuó' Fidié' e tíng'na' do, co' laji' e na' jíi' e jmóo' dsea' dsee' dsea' qui' fí' jmigüi' lab e náu'r' lajii' ta' quiu' 'ñia' fii' i 'lim'. ¹⁶ Co' mi' seeng' dsea' i dsihuíng' quiá' rúng' osi jmiñløng' yaañ' é, jo job lí' uíng' e có' ga' quiá' i dsea' la'í, jogui uíng' quiá' e jmóo'guir jalé' e 'li' e jié'gui

e sea` fi` jmiɡuĩ` la cajo. 17 Dsua` jaléng`gui dsea` i dseáng`- lajang`- cangíng` quiá`- Fidié` e tiiñ` ngáiñ`, joba` jmang`- e guiá`ba` jmóor`, jogui juguiá` júu` røø` seeiñ`, jogui guiáb` dsír`, jogui fémm`bi dsír` cóo`~ jaléng` dsea` rúíñ`, jogui eáam`bi fi` líiñ` jaléng` dsea` rúíñ` jogui jmicóo`~bre jaléng` í cajo, jogui jmang`- júu` jáb`- fé`r`. 18 Co` jaléng` dsea` i cuø` bí yaang` e seeiñ` røø` cóo`~ jaléng` dsea` rúíñ` jogui e jmicóo`~biguir jaléng` dsea` rúíñ` cajo e laco` lajím`bre niliseeiñ` lajo, joba` i dsea` í nilí`r` e líiñ` dsea` guiúng`- fi` quini` Fidié`.

4

Güiliseem`ba` cóo`~ Fidié`

1 Jo lalab fii` guí`'nú', dsea` rú`naa` dsea` quiá`- Dsea` Jmáang`-: ¿Jie` fi` lí` naang` uing` jalé` e jmiquíng`- óo`na` jogui jalé` mii` e jmoo`na` la`ó` rúng`na`? Jo jmoo`na` lajo co` contøøm` suung`na` jalé` e lí` óo`na` fi` jmiɡuĩ` la, jogui jmang`- e gab` í óo`na`, ¿já` já`-? 2 Co` mi` ee`go iing`na` e sea` fi` jmiɡuĩ`, jo mi` lí`na` e ja` cuøøng` nilí`na` e jo, joba` jie` ja` nijngám`ba` dsea` rúng`na` jóng. Jogui eáam` dsihuíng`na` mi` ee`go sea` quiá`- dsea` rúng`na`, jo dsuco` ja` lí`gui` e jo, joba` eáam` jmoo`na` 'nii` cóo`r`, ¿já` já`-? Dsua` ja` mí` cali`na` jalé` e iing`na` do co` ja` mí` camí`na` Fidié` e nicuø`r` 'nú` e jo. 3 Jo dsua` mi` mii`na`re ee`go iing`na`, ja` nicuø`r` 'nú` jalé` e mii`na`re do, dsuco` mii`na`r lajii` e ja` dseeng` e lico` jmi`iaang` óo`na` yaam`ba`.

4 ¿Dsea` 'ling`^`nú', co` líng`na` dsea` i tú`- í`! ¿já` ní` 'nú` e mi` iing`na` e jmi`iaang` óo`na` cóo`~ lajii` e sea` fi` jmiɡuĩ` la, joba` 'ní` máam`ba` Fidié` jóng dsea` guiiñ` ñiff`? Cofa` lí` doñi` ii` dsea` i iing` e nijmi`iaang` dsír` cóo`~ lajii` e sea` fi` jmiɡuĩ` la, joba` ni`uúíñ` jóng jaang` dsea` i 'ní` níng`- Fidié`. 5 Co` e líng` uim`ba` e tóo` fi` ni` jì quiá`- Fidié` lala: “Fidié` dseáng`- e lajam`-ba` eáang` neáaiñ` jneaa`aa`, co` í`bing` cacuø` lajaang` lajaang` jneaa`aa` e jmiɡuĩ` cóo` e see`naa`.” 6 Dsua` eáam` jmicóo`~ dsea` do jneaa`aa`, co` dsíng`- guiúíñ` cóo`~ jneaa`aa`, dsea` ja` catí`naa` lajo, co` lalab fé` fi` ni` jì quiá`r`-: “Dseáng`- teáb`see` Fidié` quiá`- jaléng` dsea` i jmicøøng`- yaang`, dsua` eáam` guiá` jmicóo`r` jaléng` dsea` i ja` jmoo` lajo co` ñi`bre e 'né` e nijmicóo`~ Fidié` quiá`r`-.”

7 Joba` jáang`- yaang`na` fi` jaguó` Fidié`, jogui ja` cuø`na` fi` yaang`na` e jmi`íng`na` i fi` i` líng`^, jo lajoba` i do nidsihuíñ`- fi` lí` seeng`na`. 8 Güiquiéeng`gui` fi` quini` Fidié`, jo dsea` do nijaquíéeng`guir fi` quini`na` cajo. Jogui jaléng` 'nú`, dsea` dsee` dsea` qui`, túu`na` jalé` e ja` dseeng` e jmoo`na`, jo jmisíng`na` jalé` e ga` e í óo`na`, co` jaléng` 'nú` líng`na` dsea` i tú`- neáang` dsíí, dsuco` iing`na` teáang`na` fi` guiá` cóo`~ Dsea` Jmáang`- jogui iim`bi` cajo e jmée`na` jalé` e ga` e sea` fi` jmiɡuĩ` la. 9 Quíi`na`, jogui jmée`na` e líng`na` fi` í` quiá`- jalé` dsee` e nica`ee`na` do. Jogui ja` dseeng` fíng song ningí`na` uíi` quiá`- jalé` e dsee` jo, co` 'né` e qui`ba` uíi` quiá`- e dsee` quíi`na` do. Jogui fíng song e íaang` óo`na` cóo`~ jalé` dsee` quíi`na` e nicarøøng`na` do, joba` 'né` e nilíng`na` e fi` íb` jóng uíi` quiá`- jalé` e jo. 10 Jogui mi` lí`na` e røøng`na` dsee`, joba` 'né` e ja` nijmiráang`- yaang`na` fi` quini` Fidié`, jo lajoba` dsea` do nijmicóo`r` 'nú` e seeng`na` cøøng` cóo`r`.

Ja` cuø`na` dsee` jaléng` dsea` rúng`na`

11 Dsea` rú`naa` dsea` quiá`- Dsea` Jmáang`-, ja` fó`na` ga` uii` quiá`- jaléng` dsea` rúng`na`. Dsuco` i dsea` i fé` ga` uii` quiá`- dsea` rúng`na` osi cuø`reiñ` dsee`- é, joba` lí` laco` e fé`r` ga` uii` quiá`- júu` quiá`- Fidié` jóng, jo o`gui` jmitir` lajii` e júu` quiá`- dsea` do. Co` jaléng` i dsea` i ja` jmi`gó` jalé` e júu` do, joba` lí` laco` gab` nífé`r` uii` quiá`- e júu` jo e lafa` e nijmér`- núu`r` e jo laco` sí`í`. 12 Jo jaam` dsea` féng` seeng`, jo íb` i cacuø` e júu` do. Jogui í`bi` cajo i tíng` quidsi` í` røø` quiá`- dsea`, jo lajii`- í`bi` cajo dsea` i tíng` láang` dsea` jmiɡuĩ` jee` jalé` dsee` quíiñ`- osi cuø`r` dsea` iihuí` laco` catíng`- é uíi` quiá`- jalé` e jo. Jogui 'nu`, ¿i` lín`- e lín` e sea` fi` e nicuø`^` dsea` rúng` dsee`-?

Ja` ne`naa` e` nidsijéé` dsa`ó`iéé`

13 Jogui lana, dsea` rú`naa' dsea` quiá'- Dsea` Jmáang-, núu`na' jalé' e nifíi`i 'nú' la, jaléng' 'nú', dsea` jmicóøng'~ yaang`na' e fól'na' lala: "Dsa'ó' iée' nidsé`naa' fí' fii' la osi fí' fii' do é, jo fí' job nitaang`naa' cõõ` jii` e jmó`naa' ta` lí' cuu-." 14 Jo` jiali' i' óo`na' lajo?, cõ' jii`~ ja` mí' ñí`bi' e` nidsing`ing`-na' lí' dsa'ó' lí' iée'. Cõ' 'nú' líng`na' lafa' jní' tií, cõ' e joba' e jnéeng` jii`~ lajee` cateá' jo ni`íim` jóng. 15 Joba' ja` dseeng` e fo`na' lajo, dsu' lalaba' e catíng` e nifo`na': "Song cuø' Fidiée` fí' lajo e see` guíi' fí' jmigüü' la, joba' nilí' jalé' e 'né- lí' jóng." 16 Dsu' 'nú' gui' lí'~ riqub' i' óo`na', joba' eáam' jmicóøng'~ yaang`na' cõõ'~ jalé' e fól'na' e nijmée`na'. ¿Su ja` ñí`na' e mí' jmoo`na' e jmicóøng'~ yaang`na' lajo, gab` líi'? 17 Jo` 'né- e tõõ` óo`na' e la cajo: Song ñib' jaang` dsea` jalé' e guiá- e 'né- jmér-, jo dsu' song ja` gui' jmitir` jalé' e jo, joba' jmiróm` dsee` 'ñaia'r' jóng.

5

Júu`#`'goo`quiá'- jaléng' dsea`sea`cuu`

1 Jogui fii` guíi' 'nú', jaléng' dsea` rú`naa' dsea` i` sea` cuu-, núu`na' jalé' e júu` e nifíi`i 'nú' la: Quií`na' jogui oo`na' quiá'- e fí'í' e nilíng`na' cõõ'~ jalé' iihuí' e nabi nidsing`ing`-na' mí' niquidsí' Fidiée' i' quiá'- dsee` quií`na'. 2 Cõ' ni`íim` lajalé' e 'mo' e nisis' mó'na', jo jo` e ta` nilí'íng` jii`~ cõõ` quií`na'; jogui jalé' siii`~ quií`na' cajo ni`íim` e nidø`- jaléng' jó' fí'. 3 Jogui jalé' cutee` cõõ'~ cunée` e si`má`na' nisó' 'lee, jo jo` ee` ta` nilí'íng` gui` quií`na' jóng. Jo` e 'lee' e só'` dob nicuø' lí' quiá'- jalé' e ja` dseeng` e jmoo`na' e cajmí'óo`na' yaang`na' jalé' e sea` fí' jmigüü' la, jo` e jo` lí' lafa' nicáng` 'nú' cõõ'~ jí, cõ' eáam' nicajmí'óo`na' jalé' e jo lajee` lana e nijaquiéeng` e tí' lí' ni`íing`- jmigüü'.

4 Núu`na' e jaléng' i` dsea` i` cajmée` ta` quií`na' i` ja` caquí`na' e 'leeíñ`~ laco' catíng`, joba' lana máib`~ nitáng' i` dsea` do 'nú', dsu' nicanúub` 'ñaia' Fidiée` dsea` 'gøng' i` guíing` fí' ñifí` jalé' e júu` e nicafé` teá' jaléng' i` dsea` í. 5 Jogui lajee` e taang` 'nú' fí' jmigüü' la, nicaliséng`na' lí' laco' jaang` dsea` 'goo` eáang` e jmoo`na' la tí' e já` óo`na', jogui e sea` jalé' e iing`na' e laco' jmi'íáang` óo`na' laco' jaang` jó' i` jmi'úng`- dsea` quiá'- e nijngáíñ`. i`jo dsu' lana nicatí' í' quií`na'! 6 Jo` 'nú', eáam' nicacuøø`na' dsee` jaléng' dsea` i` ja` dsee` røøng` cartí' nicajngam`baa're, jo ja` ee` teá' casée` i` dsea` do cõõ'~ 'nú' jii`~ capí'.

'Né- jmó`oo' féng' dsí'baa'

7 Jo` fii` guíi' 'nú', dsea` rú`naa' dsea` quiá'- Dsea` Jmáang-, jmée`na' féng' óo`na' cõõ'~ jalé' e dsing`ing`-na' cartí' mí' nigüéeng`-tu Fíi`naa' fí' jmigüü' la. Jo` 'né- jmée`na' e jo laco' jaang` dsea` i` jmoo` ta` jenuu` e sijeem`bre lajii`~ e niro' fí' guóo'~ uø` quiá'r` car` mí' nití` jii` jmíi', cõ' lajoguiba' e nicuáng` laco' sí'í' lajalé' e cajnir` do. 8 Jo` e laco' e féng' dsí' i` dsea` í, lajobi 'né- e féng' óo' 'nú' cajo, jogui cuøø'~ gui' fí' yaang`na' e teáang`-gui' teá' fí' guiá- cõõ'~ Dsea` Jmáang-, cõ' lajee` lajmináb` nigüéeng`-tu Fíi`naa' fí' jmigüü' la calé' catú`.

9 Jo` lajob fii` guíi' 'nú', dsea` rú`naa': Ja` jmoo`na' e jmiquíng`- óo`na' la'ó' rúng`na', cõ' lajoba' ja` nicuøø`- Fidiée` 'nú' dsee`; cõ' nijaquiéem` e nigüéeng`-tu Fidiée` fí' jmigüü' la calé' catú` e niquidsir' i' quiá'- dsea` jmigüü'.

10 Jo` lajob líi', dsea` rú`naa', jmiguiéng' óo`na' jalé' e cajmée` jaléng' i` dsea` i` café' cuaiñ` quiá'- Fidiée` malíi` gui' eáang` mí' cangár` jalé' iihuí', cõ' cajmées` dsea` do e féng' dsíir' cõõ'~ jalé' e jo. 11 Jo` fé`naa' e juguí`-jiu quiá'- jaléng' i` dsea` i` cajmée` té' cõõ'~ jalé' e iihuí' e calíñ` do. Jo` nicanúub` 'nú' cajo jalé' júu` e café' dsea` quiá'- jaang` dseañu` i` calisí' Job i` caliséng` malíi` gui' eáang`, cõ' ié` jo` i` dsea` í eáam' califéng' dsíir' cõõ'~ jalé' iihuí' e cangár`. Jogui ñí`bi' 'nú' guiá- cajo jial cajmicõõ'~ Fíi`naa' Fidiée` e ni`uíng`- guiá- quiá'r` mí' cangá' jalé' e jo; cõ' eáam' guiúng`- Fidiée` cõõ'~ jaléng' dsea` jogui eáam' fí' líiñ` cajo. 12 Jo` lí' lajee` lajalé' e niing`-gui, dsea` rú`naa', e lab e jo; mí' cuø`na' júu` quií`na', ja` éeng`na' fii` quiá'- lí' doñí' ee: ja` éeng`na' fii` ñifí` o'gui éeng`na' fii` guóo'~ uø` o'gui quiá'- lí' doñí' jíé' é. Dsu' mí' cuø`na' júu` quií`na' e jmée`na' lí' doñí' ee, jo dseáng' 'né- e jmití'ba' jóng; jogui mí' cuø`na' júu` quií`na' e ja` jmée`na' lí' doñí' ee,

jòba' dseáng' 'né' e ja`jmée`ba' jóng. Jò fíng song jmití`na' jalé' e júu`quí`na' do, jòba' ja`nicuó' Fidiée' 'nú' dsee`quíá' jalé' e jò.

Dsíng' íng`ta` e féng' dsea`Fidiée`

¹³ Jò fí`guí` 'nú', dsea`rú`naa' dsea`quíá' Dsea`Jmáang-, fíng song jì`la'ó' 'nú' móo`na' iihuí', jòba' i dsea`í` 'né' mír` Fidiée' e nijmicóo' dsea`do`quíá' jalé' e jò. Jogui fíng song jì`la'ó' 'nú' e íaang`óó'na', jòba' 'né' e ó`bre`quíá' e jmiféiñ' Fidiée'. ¹⁴ Jogui song jaang`dsea`la'ó' 'nú' ráaiñ`dsée'r, jòba' 'né' e nitó'r`jaléng' dsea`i`quíé`nifí`quíá' dsea`quíá' Dsea`Jmáang- e laco`i`dsea`í`nimír` Fidiée' uii`quíá' i`dsea`dsée' do e ni`leáam`biñ' do, jò la'eáang`cóo' júu`quíá' Dsea`Jmáang- nisúur`capí`noo`fí`guiaquí' i`dsea`dsée' do, jò lajòba' ni`leáaiñ' do. ¹⁵ Jogui mi`já' líiñ' e Fidiée' niñr`lajjì` e mii`reiñ' do, jòba' ni`leáam`i`dsea`dsée' do jóng, jò la'eáang`cóo' Fí'baa' e nitíng`tur`calé' catú-. Jogui fíng song nica'ée`i`dsea`i`lami`dsée' do dsee-, jòba' ni`íim`Fí'naa' dsee`quíá'r`jóng. ¹⁶ Jò fí`guí` 'nú', dsea`rú`naa', jmée`na' júu`la'ó' rúng`na'`quíá' jalé' dsee- e nicarøng`na', jò mii`na' Fidiée' uii`quíá' rúng`na' cajo e laco`nitíng`na'. Co' mi`jaang`dsea`sing'`teá'fí`guiá`cóo' Dsea`Jmáang- jò féng' i`dsea`do`Fidiée`dseáng' e caniing`í`dsíir, jòba' eám`íng`ta` e 'gøng' e júu`jò`fí`quini`Fí'naa'.

¹⁷ Jò jmiguiéng'`óó'na'`quíá' e calí`ie`malii`do`ie`cateáang`jaang`dsea`i`café'`cuaiñ`quíá' Fidiée' fí`jmigüi`la`i`calisí`Líi`. Jò i`dseañu`í`líiñ`jaang`dsea`jmigüi`laco`líng`jneaa`aa', dsu`mi`cami'`dsea`do`Fidiée' la'eáang`cóo'`Jmiguí`quíá' dsea`do e niqiuíng' e tuu`jmí', jò lajòb`calí-. Jòba' lajee`ni`jii`dsí`ca`ná`ja`catuu`jmí' fí' e guóo'`uó`jò. ¹⁸ Jò mi`cang`jò, i`Líi`do`cami'tur`Fidiée' e nitú`tu`jmí', jòba' lajòb`calí-, catuub`tu`jmí', jogui`canaam`tu`cuó`jalé' e jni`dsea`fí`guóo'`uó-.

¹⁹ Jò fí`guí` 'nú', dsea`rú`naa' dsea`quíá' Dsea`Jmáang-, e song jaang`la'ó' 'nú' i`casíng' fí`guiá`cóo' Dsea`Jmáang-, jò dsu`lajee`jò`ninaang`i`dsea`do e nilitúng`dsír`cóo' júu`quíá' dsea`do, jò song jaang`gui`dsea`la'ó' 'nú' cajméer` e calinúu`tu`i`dsea`do`júu`quíá' Dsea`Jmáang-, ²⁰ jòba' güiliñí`na'`guiá-, dsea`rú`naa', e doñí`jii`dsea`i`niquí`nijíng`jaang`gui`dsea`rúng`i`ngóo'`fí`ga, jòba' i`dsea`í`jmóor` e ni`íim`jalé' dsee- e nirøng`i`dsea`do, jogui`nileám`i`dsea`do e ja`nidséiñ' fí`lí`lí'`mi`nití`oor`quíá'r` e nidséiñ' fí`jmigüi`còo`.

Jò lajòb`nilí.

Jò jii`lanab`fé`ji`quíá'`Tiáa`.

Ji' la'uii~ e cajme' TŮ SIMÓN

Júu^ guicóo' e cat#ng- dsea` quiá'- Dsea` Jmáang-

¹ Jnea~ sii TŮ, jogui lán'n jaang` dsea` i casíng` Fíi'naa' Dsea` Jmáang- e quiá'- niní'i júu^ quiá'r-, jo jmo'o e ji' la e cat#ng- jaléng' 'nú', dsea` quiá'- Dsea` Jmáang-, i neáang' sisoo` sijóng` fí caluu` fi# góo`na', i neáang' fí lí se' Ponto cóo'gui fí lí se' Galacia jogui fí lí se' Capadocia cóo'gui fí lí se' Asia jogui fí lí se' Bitinia. ² Jo Tiquí'ii' Fidié~ nicaguíng' jaléng' 'nú' lami~ jéeng'gui e laco' nilíng-na' dseáng'- dsea` quiá'r- lí' laco' jii' e nica'f dsíir; jo e jo nicajméer la'eáang' cóo' 'ña' Jmiguí quiá'-bre e laco' nijmée`na' núu`na' júu^ quiá'r-. Jo la'eáang' cóo' jmi'øng- Dsea` Jmáang- e catuü` fí dse' crúu`ba' nica'íng- jalé' dsee- quií`na'.

Jo güi'íim`ba' güea` quiá'r- lalíng` e laco' niliseeng`na' juguiá- júu^ røø.

Nitab~ dsí'naa' e see~naa' cøøng` cóo' Fidié~

³ Jo majmifém'baa' Fidié~, Tiquiá' Fíi'naa' Dsea` Jmáang-, dsuco' la'eáang' e eám' guiúíñ- cóo' jneaa`aa', joba' nicajméer` e lafa' nicangáang'~naa' calé' catú- la'eáang' e cají'tu Dsea` Jmáang- mi~ cangf e cajúíñ-. Jo e jo nicuø` júu^ ta` dsíib' quií`naa' e see~naa' cøøng` cóo' Fidié~ ⁴ lajee` e sijeeng`naa' e ni'íng`~naa' lajii' jalé' e niguo' e catí`naa' do e nicuø'- Fidié~ jneaa`aa' e nisi'má'r- fí ñifi' quiá'r-. Jo jalé' e sijeeng`naa' do ja` tóo' jmi~ fa' e ni'íng- o'gui tóo' jmi~ fa' e nili'li' o'gui fa' e nilifíng' laco'gui cóo' lí'. ⁵ Jo có' jáb'- líng' 'nú' lajii' júu^ quiá'- Fidié~, joba' dsea' í'bing' jmóo' í' 'nú' la'eáang' cóo' e eáang' 'gøiñ' do; jo lajoba' nilí'na' e nileáang'na' jee~ jalé' iihuú' e cat#ng- jaléng' dsea` dsee- dsea` qui' cartí' mi~ tí lí nití- í' e Fidié~ nileáiñ- lajaléng' jogui lajalé' e sea`.

⁶ Jo la'eáang' e joba' íaang' óo' 'nú' lalíng', nañí fa' lajee` cateá` jangám- dsingúng-na' jmiguiab' jalé' e huíng' fí jmigúí la. ⁷ Jo e uíing- e dsingúng-na' lajo e laco' cuø' lí e ne~duu' su dseáng'- já' líng'na' júu^ quiá'- Dsea` Jmáang-. Co' e já' líng'na' e júu^ quiá'- Dsea` Jmáang- do lí' lafa' cunée': có' song iing- dsea` nilita` dsíir' su dseáng'- já' cunée` e do osi o' lajo é, joba' jang' 'né- nisigui' do ni' jib', joguiba' nilili-. Jo eáang'gui quíng' laco' cunée` e já' líng'na' júu^ quiá'- Dsea` Jmáang- mi~ ee'go huíng' dsingúng-na'. Jo nañí fa' e cunée` do cuøøng' lí íng-, dsu' e júu^ quiá'- Dsea` Jmáang- ja' lí' lajo, có' seab` lata-. Joba' song ja' nilitúng- óo`na' e já' líng'na' e júu^ jo, joba' ni'ím' Fidié~ 'nú' e guiúm`ba', jogui e yúb' niseáiñ' 'nú' mi~ nití- í' e nigüéeng-tu Fíi'naa' Dsea` Jmáang- fí jmigúí la calé' catú-.

⁸ Jo 'nú'gui, nañí fa' ja' mí cañíng'na' Fíi'naa' Dsea` Jmáang-, dsu' eám' iing`na'r; jogui lana dseáng'- jáb'- líng'na' júu^ quiá'r-, nañí fa' ja' mí cañíng'na' dsea` do. Jogui dseáng'- laniim- eám' íaang' óo`na' la'ie' e jii' ja' sea` júu^ jial nifo`na' uii~ quiá'r-, ⁹ có' la'eáang' íbre e caláang-na' jee~ jalé' dsee- quií`na'; có' lajoba' e íng'na' mi~ já' calíng-na' júu^ quiá'- dsea` do.

¹⁰ Jo lajii' mali'gui eáang' jaléng' dsea` i café' cuaiñ~ quiá'- Fidié~ cajmitíiñ` jogui ca'no'r- e quiá'- jial nileáang' dsea` jee~ jalé' dsee- quiá'r-, jo cajím' b'iguir quiá'- jial guiúng- Fidié~ nijmér- cóo' 'nú'. ¹¹ Jo cajmeab' Jmiguí quiá'- Dsea` Jmáang- júu^ jaléng' i dsea` i café' cuaiñ~ quiá'- Fidié~ mali~gui eáang' do lajii' e iihuú' e 'né' nidsingúng- Dsea` Jmáang- jogui jial nili'gøiñ' mi~ ningf jo; jogui jaléng' i dsea' í' cajméer` quií' i~ i dsea` i nijáa' do, jogui e~ jmi~ e jíng'- e Jmiguí quiá'- Fidié~ do e nijáa' i dsea` do. ¹² Dsu' Fidié~ cajmea`bre i dsea' í' júu^ e lajii' júu^ e guiaiñ' do o' e quiáiñ'- do yaaiñ~, có' e jmicóo' 'núb' e júu^ do cajo. Jogui lanagui e lab e júu^ jo e canúu`na' e nicaguia' yaam` i dsea` i caguia' júu^ quiá'- jial nileáang' dsea` jee~ dsee- quiá'r- la'eáang' cóo' Jmiguí quiá'-

Fidiéé e jáa' fí' ñifí' quiá'r-. Jo lajalé' e la yaam~ ángeles i líng' guotii~ Fidiéé cali'iiñ~ cangár~ jogui cangáin~ cajo.

Fidiéé' iin~ e ni'náng'naa' jee~ dsee~ quí~naa'

¹³ Jo fíi~guíi 'nú', dsea` rú'naa' dsea` quiá'- Dsea` Jmáang-, guieeng- guíú- yaang~na' jogui íi' óo'na' røø' lajii~ e nijmée^na' dseáng'- e ngocáng' óo'ba', jogui güiliseeng~na' e ta~ óo'na' e ni'ling'~na' lajii~ e iáang' dsii' Fidiéé e nicuø'r- 'nú' mi~ nití- í' e nijáa'tu Dsea` Jmáang- calé' catú-. ¹⁴ Jo co' lanagui nilíng'na' dsea` i náa' júu^ quiá'- Dsea` Jmáang-, joba' jo' jmée^na' lajii~ e 'li' e lí' áa'na' yaang~na' laco'gui lami~ jmoo'na' ie~ ná'-gui e nilicuíng'na' Fidiéé. ¹⁵ Co' 'né- niliseeng~na' laco' jaang' dsea` güeang'^ e ni'naang'na' jee~ jalé' dsee~ quíi~na', dsuco' Fidiéé'bing' i catø' 'nú' e ca'uíng~na' dsea` quiá'r-, jo íb' dsea` i líng' jaang' i güeang'^ i ja' dsee- røøng' jii~ coo'; ¹⁶ co' lajob fé' fí' ni' jì' quiá'- Fidiéé: "Güi'naang'na' jee~ jalé' dsee~ quíi~na' e laco' nilíng~na' dsea` güean'^, dsuco' jnea~ líin'n jaang' i güeang'^ i ja' dsee- røøng' jii~ coo'."

¹⁷ Jo niñib' 'nú' e røøb' ée' Fidiéé' cóo'~ lajaléng' dsea', jo quidsir' í' quiá'- lajaang' lajaang' dsea' lí' jialco' lí' dsee~ quíá'- dsea', jogui ja' jmoo'r- ta~ guíng' dsea' cajo. Jo song 'nú' fó'na' Teaa' fí'na' Fidiéé, joba' contøøm- 'né- e nijmiféng'na'r carjó' jmii~ e ngíng'na' taang~na' fí' jmigüi' la. ¹⁸ Jo co' caiíeé'na' laco' líng' dsea' cóøng'~ quíi~na' e seeng~na' e ja' uíng~ sea, joba' Fidiéé' nicaleáaiñ' 'nú' jee~ dsee~ quíi~na'. Jo dsu' 'nú' niñi'ba' guíú- e ja' caqu' e caláang~na' jee~ dsee~ quíi~na' do cóo'~ jalé' e tóo' jmii~ ni'íng-, fa' cunee' osi cutee' é, ¹⁹ dsu' caláam~ba' jee~ jalé' dsee~ quíi~na' la'eáang' cóo'~ jmi'øøng- Fíi'naa' Dsea` Jmáang- e niing- eáang' e catuú' mi~ cataiñ' fí' dse' crúu^. Jo dsea' do, i líng' Jo'se' Jiuung~ i guíung~ i ja' si'ling'~ jii~ coo', cajúin~ uí' dsee~ quíi~ii'. ²⁰ Dsuco' lajii~ mali'ba' nisi'íng' Dsea` Jmáang- e nidsingíiñ- lajo, lajii~ mi~ ná'-gui e nitiroo' jmigüi', dsu' lanagui nicatb' í', joba' nicagüém~bre fí' jmigüi' la e laco' nijmér- lajii~ ta~ e si'íiñ' e laco' nijmicóo'r- 'nú'. ²¹ Jo la'eáang' cóo'~ Fíi'naa' Dsea` Jmáang-, 'nú' nicajáang'~ yaang~na' fí' jaguó' Fidiéé; jo i dsea' í'bing' i cajmée' e cají'tu Fíi'naa' Dsea` Jmáang-, jogui cajmээр' e casáng' dsea' do yá'; joba' 'nú' jáb'- nicalíng'na' júu^ quiá'- Fidiéé' jogui nisita'bi' óo'na' cóo'~ dsea' do cajo.

²² Jogui 'nú', la'eáang' e nicalinúu'ba' júu^ quiá'- Fíi'naa' Dsea` Jmáang-, joba' lana nilíng'na' dsea` i jo' beáng'gui dsee~ yaang~ jogui i 'neáang' rúng' la'ó' dsea' quiá'- Dsea` Jmáang-; jo lajob 'né- cajo e nijmi'neáam'bi' dsea' rúng'na' dseáng'- e ngocáng' óo'na' jogui cóo'~ jalé' b'i quíi~na'. ²³ Co' 'nú' lanagui nilíng'na' lafa' e nicangáang'tu' calé' catú-, dsu' o' e laco' nicangáang'~tu' fí' jmigüi' la e seeng' tiquíi' niquíi'na' i cuøøng' lijúung-; co' la'eáang' cóo'~ e júu^ quiá'- Fidiéé e ca'íng'~na' do, cóo'~ e joba' nicalí- lajo. Jo e júu^ jo ja' tóo' jmii~ ni'íng-, co' latab~ sea. ²⁴ Co' lalab fé' fí' ni' jì' quiá'- Fidiéé: Co' lajim' dsea' jmigüi' líiñ' lafa' onuu;

jogui e 'gøiñ' do lí' lafa' lí' quiá'- e onuu' do.

Co' e onuu' do cateáb' té', co' niliquiíuub;

jogui e lí' quiá'- do nijíuub' cajo.

²⁵ Jo dsu' e júu^ quiá'- Fidiéé' do ja' tóo' jmii~ ni'íng-, co' latab~ sea.

Jo e lab júu^ e quiá'- jial laang' dsea' jee~ dsee~ quiá'r- e nicagua' dsea' jee~ 'nú'.

2

¹ Joba' fíi~guíi 'nú', dsea` rú'naa' dsea` quiá'- Dsea` Jmáang-, túu'na' jalé' e 'li' e qui' jmoo'na' fí' jmigüi' la, fa' mi~ jmigøøng'na' jaléng' dsea' rúng'na', jogui mi~ jmicaang~na' cóo'~ jalé' júu^ e fo^na', jogui mi~ jmoo'na' e dsihuíng'na' quiá'- jaléng' dsea' rúng'na', jogui mi~ quíe^na' júu^ adsee' cajo. ² Jmeáang'~ yaang~na' laco'gui jiuung~ i tá' cangáang'~ e 'nó'r yaang~ fí' quiá'- niquiá'r' e ni'í'r', co' la'eáang' cóo'~ e joba' e cuaaiñ; jo lajobi 'nú' cajo, cuøø' fí' yaang~na' e ni'íng'~na' layaang' júu^ quiá'- Fidiéé' la'eáang' cóo'~ Jmiguí' quiá'r- e laco' nidsicuáng'gui quíi~na' cóo'~ jalé' e júu^ jo, jo lajoba' niléang'na' jee~ jalé'

dsee` quíi`na'. ³ Co' lana lajam`ba' eáang' já` nicalilí`na' e dsím`ba' guiúng` Fíi`naa' Dsea` Jmáang`.

Dsea` Jmáam`bing' i caguíng' Fidié`

⁴ Jōba' fíi`guíi`'nú', dsea` rú`naa' dsea` quiá`- Dsea` Jmáang`, jmée`na' e nilicuíng`gui' Fíi`naa' Dsea` Jmáang`, co' doñi' fa' ja` jíi` dsea` jmiǵüi` i dsea` do, dsu' í`bing' i caguíng' Fidié` e laco' líiñ`lafa' e cuu` e nisiguó` jogui e quíng' eáang'. ⁵ Jō lajōba' 'nú' cajo, Fidié` cajmée` e nilíng`na' lafa' cuu` e quíng', jōba' cuøø` fí' yaang`na' e Fidié` nijmeáiñ` 'nú' ta` e lafa' nilíi` cōo` guá'` güeang` quiá`- Fidié`, jogui e nilíng`na' lafa' jmidsea` quiá`- Fidié` i jmóo` lajii` e iing` dsea` do, co' la'eáang' cōo` Fíi`naa' Dsea` Jmáang` cuøø`na' Fidié` jalé` e catíiñ` e laco' iáang` dsíir'. ⁶ Co' e lajōba' fé' fí' ni` jì` quiá`- Fidié` mi` fé' cuaiñ` quiá`- Dsea` Jmáang` lala:

Jnea` niquíee` e cōo` cuu` quiá`- tíi` fíi` quiá`- 'ñúú' fí' Sión

jogui e cuu` jōb e nisiguó` quié` e jogui eáam' quíng' cajo;

jō dsu' jaléng' dsea` i já` líng` júu` quiá`- Dsea` Jmáang`,

ja` niligøøiñ` cōo` e jō, cō' Dsea` Jmáam`bing' líng' lafa' e cuu` do.

⁷ Jō jaléng' 'nú', dsea` i já` líng`na' júu` quiá`- Dsea` Jmáang`, eáam' quíng' e cuu` do quíi`na'; jō dsu' quíi` 'nú', dsea` i ja` já` líng`na' e jō, jōba' nilitib` laco' fé' fí' ni` jì` quiá`- Fidié` lí' fé' lala:

E cuu` e ja` calíjii` dsea` jmiǵüi` quiá`- tíi` fíi` quiá`- 'núr`,

lanagui dseáng`- cuu` laniim` nica`uíng`- quiá` 'núú'.

⁸ Jogui litib` cajo laco' fé'gui fí' ni` jì` quiá`- Fidié`:

Jō cōo` e cuu` jō

seem` dsea` i niquiung`.

Jō cō' uíi` e ja` jíi` i dsea` do júu` quiá`- Dsea` Jmáang`, jōba' caquiuiñ`, dsuco' lajōb dseáng`- sílíiñ`.

⁹ Dsu' 'nú'gui nilíng`na' dsea` i nicaguíng' Fidié` e laco' nilíng`na' dsea` quiá`r`, jogui nilíng`na' lafa' jmidsea` i jmóo` lajii` e iing` Fidié`, jogui nilíng`na' lafa' cōo` fíi` güeang` quiá`r`. Jō lajōb líi` e laco' niguiá`na' júu` quiá`- jalé` e guiá` e cajmée` Fíi`naa' Dsea` Jmáang` cōo` 'nú', cō' í`bre dsea` cató`r` 'nú' e laco' nilíng`na' dsea` quiá`r` i seeng` fí' lí' jneá` jir` e laco' jō` seeng`na' fí' lí' nūú` sō` fí' lí' jmoo`na' ta` quiú` i 'líng'`. ¹⁰ Jō 'nú', lamí` jéeng`gui, dseáng`- ja` lám`ba' dsea` fíi` quiá`- Fidié`, dsu' lanagui dsea` fíi` quiá`- dsea` dob nilíng`na'; jogui lamí` jéeng`gui ja` mí' catíng`na' e fíi` líng` Fidié` 'nú', dsu' lanagui nicatíim`ba' lajō.

'Né` liseeng`na' e jmoo`na' lajii` e iing` Fidié`

¹¹ Jō fíi`guíi` 'nú', dsea` rú`naa' dsea` quiá`- Dsea` Jmáang` i iin`n eáang', dsea` i seeng`na' fí' jmiǵüi` la e sisoo` sijóng`na' fí' caluu` fíi` góo`na', jōba' fíi` 'nú' e ja` cuøø` fí' yaang`na' e nijmée`na' jalé` e ga` e iing` ngúu` táang`na', cō' mi` jmoo`na' lajō, jōba' ni`íng` quíi`na' yaam`ba' jóng. ¹² Jō ee`na' guiá` jee` jaléng' dsea` i ja` mí' cuíng' Fidié`, cō' nañi' fa' lana gab` fé' i dsea` í` uii` quíi`na' e lafa' 'nú' líng`na' dsea` i jmóo` ta` 'lée', dsu' mi` nití` í' e nijáa`tu Dsea` Jmáang` calé` catú` fí' jmiǵüi` la, jōba' i dsea` í' nijmifém`bre Fidié` cajo cō' nililí`bre lajii` e guiá` e jmoo` 'nú' fí' jmiǵüi` la.

¹³ Jō la'eáang' Fíi`naa' Dsea` Jmáang` jmi`goo`na' jogui jmití`na' jalé` ta` quiú` jaléng' dseata` quíi`na': fa' jaléng' dseata` dsea` mogui` quiá`- latøøng` góo`na', ¹⁴ jogui i dsea` i casíng' i dseata` dsea` mogui` do e laco' dsea` do niquidsir` í' quíi`na' jogui e nicuøø`r` iihuú' jaléng' dsea` i jmóo` ta` 'lée' jogui e nijmi`gór` cajo jaléng' dsea` i jmóo` jalé` e guiá`. ¹⁵ Dsuco' iing` Fidié` e ni`ee`na' røø` laco' sí'í', jō lajōba' nitú` dsea` e fé'r` ga` uii` quíi`na', jō i dsea` i 'lée' ja` mí' cangáiñ` røø` jalé` e jmóor` do.

¹⁶ Jō güiliseeng`na' e jō` quíe`gui nifí' quíi`na' jalé` dsee`. Jō dsu' lajee` e seeng`na' lajō, ja` cuøø` fí' yaang`na' e sí' nifí' e nijmée`na' e ga`. Jōba' fíi` 'nú' e ee`na' guiá` laco'gui

ée` dsea` i jmoó` lajii` e iing` Fidiée`. 17 Jogui jmi'goo`na' jaléng` dsea` dseáng`- laco' sí'í, jogui jmi'neáng`na' jaléng` dsea` rúng`na' dsea` quiá'- Dsea` Jmáang` laco' catíng`, jogui jmiféng`na' Fidiée`, jogui lajobi jmi'goo`na' dseata` dsea` féng` quiá'- latøng` góo`na' cajo.

E` uiing` e cacá` Dsea` Jmáang` iihuí`

18 Joba' fii` guí jaléng` 'nú', dsea` rú`naa' i líng` dsea` 'léng` quiá'- dsea`, e jmi'goo`ba' jaléng` fii` quií`na' jogui jmití`na' jalé` júu` quiá'r`, dsu' o' dseáng`- jii` cóo` fii`na' i féng` dsí' cóo` 'nú' 'né` jmée`na' lajo, dsu' lajob 'né` jmée`na' cóo` i fii`na' i soo` dsí' cajo.

19 Co' guiá` guib` fing` song` jaang` dsea`, la'eáng` e iin` jmer` lajii` e iing` Fidiée`, nijmér` té'r` cóo` jalé` e huíng` e cangíin` e ja` catíin`. 20 Co' song` cangongíng`na' e huíng` dsu' uí` e nicajmée`na' e ga, joba' ja` ee` ta` íng` quií`na' jii` cóo` e nijmée`na' féng` áa`na' quiá'- e huíng` do jóng. Jo` song` 'nú` cangíng`na' e huíng` dsu' uí` e nicajmée`na' e guiá`, jogui e jmoó`ba' té`na' cóo` jalé` e huíng` do, joba' e jo` eáng`gui` quíng` fí` quini` Fidiée`.

21 Co' uii` e lajoba' e cató`- Fidiée` 'nú', co' mi` ca'íng` Dsea` Jmáang` iihuí` uii` quií`na', ca'e'r` 'nú' jial e 'né` té`na' cóo` jalé` e huíng` lí` laco'gui` cajmée'r` 'nia'r` mi` ca'íin` iihuí`.

22 Jo` Fii`naa' Dsea` Jmáang` ja` ca'éer` jii` cóo` dsee` o'gui` cajmigóoiin` jii` jaang` dsea` cóo` jalé` e fé'r`. 23 Jo` mi` casí`- dsea` júu` 'lé` dsea` do, dsu' ja` cañír` cóo` júu` 'lé` quiá'- dsea` í; jogui mi` cacuø` dsea` jalé` iihuí` dsea` do, dsu' ja` cañír` e cuø'r` dsee` i dsea` í, dsuco' lí` lí` e cajáng` 'nia'r` fí` jaguó` Fidiée`, co' niñir` e quidsí` dsea` do í` quiá'- lajüing` dsea` laco' catím`.

24 Jo` cacó`- Dsea` Jmáang` jalé` dsee` quií`naa' mi` cacár` jalé` iihuí` fí` dse` crúu` e laco' jneaa`aa' lafa' nicajúm`baa', co' jo` quiu`gui` ta` quií`ii' jalé` dsee`, jogui e laco' nisee`naa' e ee`naa' røø` laco' catíng`. Dsuco' Fii`naa' Dsea` Jmáang` calihuíin` e catáin` fí` dse` crúu` e lí` laco' 'nú' nilí`na' e niliseeng`na' røø` laco' sí'í. 25 Dsuco' 'nú' lami` jéeng`gui` ngi`na' laco' ngí` jo'se` i sí'im` i ja` seeng` fii`, dsu' lanagui` nicaquí`- jím` yaang`na' e nicajmicuíng`na' Dsea` Jmáang`, jogui lana`b` dsea` i ninée`ni` 'nú' jogui i nijmóo` í` 'nú' laco'gui` jaang` dsea` i jmoó` í` guiá` jo'se` quiá'- contøng`.

3

Jial` 'né` seeng` jaléng` dsea` sícúng` guó`

1 Joba' fii` guí 'nú', dsea` rú`naa' dsea` quiá'- Dsea` Jmáang`, jaléng` 'nú' dseamí` 'né` nijmi'goo`ba' jaléng` dseañu` quií`na'. Co' song` ii` lajee` la'ó` dseañu` ja` já`- mí` calíin`- júu` quiá'- Fii`naa' Dsea` Jmáang`, dsu' song` guiáb` ee`na' cóo`r`, jangám`- já`- nilíin` e júu` jo` doñí` fa' ja` mí` casí`na'r` jii` camí` júu` quiá'- dsea` do. 2 Co' mi` niní` jaléng` i dseañu` do e eám` guiá` jalé` e jmoó`na' jogui e eám` jmi'goo` rúng`na' cajo, joba' jangám`- ni'íin` e júu` do jóng. 3 Dsu' o' jii` e jmáang`- guiá` yaang`na' lí` caluu`, fa' jalé` e sí'náng`- guí`na' e jlo` osi` quié`na' jalé` ní` cunée` é` osi` jalé` mi`ñúung` e niguó`. 4 Co' guiá`-gui` jogui` níng`-gui` fí` quini` Fidiée` e jial` guiá`- jmáang`- yaang`na' cóo` jalé` e í` óo`na', jogui e ja` jmicøng`- yaang`na' cóo` dsea` rúng`na', jogui e seeng`na' juguiá`- júu` røø, co' lajii` e naba' e eáng`gui` quíng` fí` quini` Fidiée`. 5 Jo` lajob` líng` jaléng` dseamí` i caliséng` malí` i calicuíng` Fidiée`, co' jaléng` i dseamí` í` cajáng` yaaiin` fí` jaguó` Fidiée` jogui` cajmi'gób'ir` dseañu` quiá'r` cajo. 6 Jo` lajob` cajmée` jaang` dseamí` i caliséng` malí` i calisí` Sara, cajmée`bre` núu`r` júu` quiá'- dseañu` quiá'r` i calisí` Abraham jo` eám` cajmi'gór` í. Jogui 'nú', dseamí, lafa' jóo` i Sara` dob` líng`na' song` jmoó`na' jmang`- e guiá`- jogui e ja` 'gó`na' jii` cóo` e jmoó`na' jalé` e jo.

7 Jogui jaléng` 'nú', dsea` líng`na' dseañu`, jmee`na' féng` áa`na' cóo` jaléng` dseamí` quií`na'. Jmi'goo`na'r` dseáng`- laco' sí'í e jmi'gó` dsea` jaang` dseamí, jo` o' uí` lajii` e dseamí` dseáng`-guir` laco' dseañu` e 'né` jmée`na' lajo, dsu' lajob` 'né` jmée`na' cajo uí`

e røøb` íng` Fidié` jneaa`aa' e see`naa' cøøng` cóo`r` lata~, doñí' fa' dseañu` osi dseamí` é. Jøba' jmee`ba' lajò e laco' ja` ee` jn`ng` quíá`- júu` quíá`na' mi` føng`na' Fidié`.

Jaléng` i` íng` iihuí` uíi` e jmóor` jalé` e guiá`

⁸ Jøba' fíi`guí` 'nú', dsea` rú`naa', e güiliseem`ba' e guiá` la'ó` rúng`na', jogui e siing`na' røø, jogui e iing` rúng`na' laco' catíng` e jmóo`dsea` quíá`- Dsea` Jmáang`. Jogui jmée`na' e guiúng`na' cóo`~ jaléng` dsea` jogui e ja` jmijløng`^ yaang`na' cajo. ⁹ Jogui song i` líng` dsea` éer` ga` cóo`~ 'nú', jøba' ja` jmée`na' quí` táa` lajò cóo`r~, jogui song sí`r` 'nú' leáang`, dsu' 'nú'gui ja` 'né` e ngí`na' lajò quíá`r~, dsuco' o' lajò e 'né` jmée`na'. Co' lí` lí` 'né` mí`na' Fidié` uii` quíáb`- i` dsea` la'í` e laco' nijmigüeang`^neíñ', co' Fidié`bing` i` nicatø`- 'nú' e ni`íng`na' güea` quíá`r`. ¹⁰ Dsuco' lalab fé` fí` ní` jì` quíá`- Fidié`:

Ii` dsea` iing` e niliseeng` guiá` fí` jmigüi` la

jogui e seeíñ` juguiá` laco` jmí~,

'né` nijmeáiñ` í` nisí`bre e laco' ja` nifé`r` ga`,

jò lajòbi losu`r` cajo e laco' ja` nifé`r` júu` adsee`.

¹¹ Jò 'né` e nitá`na' e jmoo`na' jalé` e ga`,

jò 'né` nijmée`na' jmang` e guiá`

jogui 'né` nijmi`úung`na' e seeng`na' juguiá` júu` røø` cóo`~ dsea` rúng`na'.

¹² Co' Fíi`naa' jmóo`bre í` jaléng` dsea` quíá`r` i` jmóo` jalé` e guiá`,

jogui jáb`- núur` jalé` júu` quíá`- dsea` í` mi` ee`gò mi`r` dsea` do,

dsu' 'ní` ním`bre jaléng` i` dsea` i` jmóo` ga`.

¹³ Co' jíi` jaang` dsea` cuøøng` lí` jmeáiñ` 'nu` ga` song jmi`úung`na' e jmoo`na' jmang` e guiá`. ¹⁴ Dsu' car` jíi` e ee`na' e guiá` do ni`ím`ba' e huíng`, dsu' eáam` juguiá` quíi` 'nú' song lajò. Jøba' ja` føøng`na' quíá`- i` dsea` i` jmáng` 'nú' ga`, o`gui jmoo`na' 'gó`na' cajo. ¹⁵ Co' lí` lí` 'né` e nijmi`goo`na' Fíi`naa' Dsea` Jmáang` e car` ngocáng` óo`ba', jogui 'né` e néeb` guiá` quíi`na' contøøng` e ningíi`na' quíá`- jaléng` dsea` i` iing` nilíñi` cuaiñ` quíá`- lajíi` e nisita` óo`na' e nicuø` Fidié` 'nú'. ¹⁶ Dsu' mi` ngíi`na' quíá`- i` dsea` í`, 'né` jmée`na' e jmi`goo`ba're jogui 'né` e ja` jmijløng`^ yaang`na' cóo`r~, jogui lajòbi 'né` ee`na' guiá` e jò` í` áa`na' jalé` e ga` e lamí` jmoo`na' lamí` jéeng`gui, jò lajòba' jaléng` i` dsea` i` fé` ga` uii` quíá`- jalé` e guiá` e jmoo`na' do nilí` í` lím`bre quíá`r` yaaiñ` cóo`~ lajíi` e fé`r` do.

¹⁷ Co' guiá`-gui e ni`íng`naa' iihuí` uíi` e jmoo`naa' e guiá` song lajò iing` Fidié`, dsu' ga`guí`b lí` e ni`íng`naa' iihuí` uíi` e jmoo`naa' jalé` e ga`. ¹⁸ Co' 'ñiab` Fíi`naa' Dsea` Jmáang` cacár` iihuí` cartí` cajúñ` uíi` dsee` quí`naa', co' lajò nisi`íb` e nidsingíiñ` coo` ya` lata` róo` jmigüi`. Dsuco' ír` líiñ` jaang` i` ée` røø` i` ja` dsee` røøng`, dsu' cajám` 'ñia`r` e cacár` iihuí` uii` quíá`- jaléng` jneaa`aa', dsea` líng`naa' dsea` dsee` dsea` quí, e laco' nitøø` jneaa`aa' fí` quini` Fidié`. Jò ír` cajnga` dsea` quíá`r` lafa' jaang` dsea` jmigüi`b, dsu' cají`b`tu`r la'eáang` cóo`~ Jmiguí` quíá`- Fidié`. ¹⁹ Jò la'eáang` cóo`~ e Jmiguí` quíá`- Fidié` do e jmicóo` quíá`r` do cangór` e cangoguiar` júu` quíá`- Fidié` jee` jaléng` 'lí` i` sijn`ng` cartí` mi` nití` í` e Fidié` quidsí` í` quíá`r`. ²⁰ Jò jaléng` i` dsea` í` laam`bre cajméer` ie` malíi`gui do, ie` lamí` seeng`gui Noé, ie` lamí` cajéeng` Fidié` e féng` dsíir` cóo`~ ír` do lajee` e lí` e móo`dsée` do e fí` lí` caláang`- jñíng` dsea` sinúu` quíá`- Noé la'eáang` fí` dsíi` e móo` do mi` calá` jmí` fí` jmiguí` la. ²¹ Co' e jmí` jò guøng` lafa' jmí` cóo`~ e saang` dseab`, dsuco' la'eáang` cóo`~ e jøba' e cuø` lí` e caláang`naa' jee` dsee` quí`ii'. Dsu' e saang` dsea` jmí` do ofa' guøng` e jgíng`- ngúu` táang` dsea', co' lí` lí` guøng` e 'né` mí`naa' Fidié` e ni`íñ` dsee` quí`ii' e laco' jò` lí`guí` dsea` dsee`. Jò dsu' jò` lí`naa' lajò, co' nicajgáang`naa' jmí` uíi` e cají`tu` Fíi`naa' Dsea` Jmáang` mi` cangí` e cajúñ`.

²² Jò mi` cangí` e cají`r` do, cangám`-tu`r fí` ñífi`, jò lana dob niguiiñ` lí` lí` dsée` laco' guíng` Tiquíá`r` Fidié`, jò fí` job` quier` nifi` quíá`- jaléng` ángeles i` líng` guotíir` cóo`~ gui jaléng`gui dsea` guí` i` gøng` jogui jaléng` i` óo` ta` cajo.

4

Majmicóo'naa' dsea' rú'naa' lí' laco' e cangñing'naa' e cacuø' Fidiée' jneaa'aa'

¹ Jòba' fíi' guí' 'ná', dsea' rú'naa' dsea' quiá'- Dsea' Jmáang-, e lí' laco' gui cangongñing- Dsea' Jmáang- iihuí' lajee' táaiñ' fí' jmigüü' la, jòba' lajòb' 'ná' cajo' 'né' e jmée'na' té'ba' jogui e féng' 'óona' mi' ningñing'na' e huñing'. Jò doñí' iì' dsea' quiá'- Dsea' Jmáang- i' ngñing' e huñing' fí' jmigüü' la, nica'im- bí' quiá'- dsee- quiá'- i' dsea' í'. ² Jò co' lajòb' lí', jòba' jò' 'né' jmér- lajüí' e iing- ngúu' táaiñ' laco' gui la jmóo' dsea' i' si' ñim' bí' cóo' dsee- quiá'-, dsu' lana' 'né' nijmitir- lajüí' e iing- Fidiée' lata' seeñ'. ³ Dsu' té' jüí' lana e jmoo'na' laco' gui la jmóo' dsea' i' ja' cuíng' Fidiée'; co' 'ná', ie' ná'-gui e calicuíng'na' dsea' do, cajmee'na' jalé' e ga' e ja' dseeng', fa' mi' suung'na' jalé' e sea' fí' jmigüü', jogui jmoo'na' ta' güñing' cóo' dseañu' osi dseamí' i' o' quií'na', jogui jmoo'na' ta' í', jogui jmoo'na' ta' gø' cúng', jogui eáang' ta'na' mii' fí' lí' 'né' júu', jogui jmiféng'na' jaléng' diée' i' o' já'. ⁴ Jò laco' 'ná' nicatáa'ba' lana e jmoo'na' jalé' e ga' do, jòba' eáam' dsigá' dsí' jaléng' i' dsea' i' jmóo' bí' e lí' do cóo' 'ná', jogui gab' nífé'r' uii' quií'na' cajo. ⁵ Jò dsu' jaléng' i' dsea' í' niguiéeb' jmi' mi' niguiéer- cuente quiá'r- fí' quini' Fidiée', dsea' ninée' guiá' quiá'r- e niquidsir' í' quiá'- jaléng' dsea' jmigüü' i' seeng' gui cóo' gui jaléng' dsea' i' nicajung- cajo. ⁶ Jò dsu' uii' e lajòb' lí', jòba' nicagua' dsea' júu' quiá'- Dsea' Jmáang- jee' jaléng' i' dsea' i' nicajung- do e laco' e caliséiñ' fí' quini' Fidiée' e cajmicóo' Jmiguí' quiá'- Fidiée' quiá'r-, nañí' fa' nicatidsib' í' quiá'r- lajee' e seeñ' fí' jmigüü' la.

⁷ Jò jò' huø- røo' gui jmigüü' e nidsijée' lajüí' e si' í' quiá'- Fidiée' e nidsijée'. Jòba' fíi' 'ná', dsea' rú'naa', iì' óona' laco' catñing-, jogui ñim' bí' óona' e laco' lí'na' e fong'na' Fidiée' e ngocáng' 'óona' mi' ee'go' mii'na'r. ⁸ Dsu' niing- gui eáang' e nijmi'neáang'na' dsea' rúng'na' e ngocáng' 'óona', dsuco' mi' jmi'neáang'na' rúng'na', jòba' nilí' niliféng' 'óona' quiá'- rúng'na' doñí' fa' sea' jmiguiá' dsee- quiá'r-. ⁹ Jogui íim'ba' e iáang' 'óona' jaléng' dsea' cóo' júu' røø' mi' iì' guilíng- fí' quií'na'. ¹⁰ Jogui 'né' jmicóo' rúng'na' laco' si' í', dseáng' lí' laco' jüí' e catñing- e cangñing'na' quiá'- Fidiée' lajaang' lajaang'na'. ¹¹ Jogui song iì' 'ná' cangñing'na' e guiá'na' júu' quiá'- Fidiée', 'né' fo'na' e júu' jò laco' iing- Fidiée' e fo'na'. Jogui mi' iì' jaang' 'ná' ngñing'na' e jmoo'na' coo' ta' e jmoo'na' lajüí' e iing- Fidiée', 'né' jmée'na' e jò dseáng'- la'eáang' cóo' bí' e cuø' dsea' do 'ná'. Jò lajaléb' e jmoo'na', jmee'ba' dseáng'- laco' nijmiféng'na' Fidiée' la'eáang' cóo' Fí'naa' Dsea' Jmáang-, co' íb' dsea' i' féng' jogui i' gøng' lata'. Jò lajòb' 'né' niliti'.

Mi' íng' dsea' quiá'- Dsea' Jmáang- jalé' iihuí'

¹² Jò lalab' fíi' túu' 'ná', dsea' rú'naa' dsea' quiá'- Dsea' Jmáang-, ja' jmoo'na' e dsi'gó' 'óona' mi' ngñing'na' jee' jalé' iihuí' uii' e líng'na' dsea' quiá'- dsea' do, jogui ja' í' áa'na' e jüí' 'ná' dsingñing'na' lajò. ¹³ Dsuco' o' lajò e 'né' jmée'na', co' lí' lí' 'né' e cuø' bí' rúng'na' e jmi'iaang' 'óona' lajüí' e iihuí' do, co' lajòb' e cangongñing- Dsea' Jmáang- fí' jmigüü' la, jò lajòba' nilí'iaang' 'óona' mi' nimó'na' e nijáa'tu' Dsea' Jmáang- fí' jmigüü' la cóo' e laniing- 'gøiñ' do. ¹⁴ Jò juguiá' quií'na' song iì' dsea' i' si' 'ná' júu' 'lí' uii' e líng'na' dsea' quiá'- Dsea' Jmáang-, co' contøø- seeng' cóo' 'ná' e Jmiguí' jlo' niing- quiá'- Fidiée' do. ¹⁵ Jogui song iì' 'ná' móo'na' iihuí', dsu' gab' lí' song e iihuí' do ca'íng'na' uii' quiá'- e cajngang'na' dsea', osi quiá'- e jmoo'na' iì', osi quiá'- e nica'lee'na' é, osi quiá'- e quíng'na' jee' jalé' e ja' e cuaiñ' quií'na'. ¹⁶ Jò dsu' song e iihuí' e móo'na' do ca'íng'na' uii' quiá'- e líng'na' dsea' quiá'- Dsea' Jmáang-, jòba' ja' 'né' jmée'na' e i' líng'na', co' lí' lí' 'né' e jmiféng'gui' Fidiée' uii' quiá'- e jò.

¹⁷ Jò lanagui nicatíb' í' e Fidiée' niquidsir' í' quiá'- jaléng' dsea' jmigüü', jogui nináng' lajee' la'ó' jneaa'aa', dsea' lí'naa' dsea' quiá'r-. Jò co' lajòb' lí', jòba' çjalgui tí' ga' iihuí' nidsingñing- jaléng' dsea' i' ja' náu' júu' quiá'- Fidiée'? ¹⁸ Jogui laco' fé' fí' ni' jì' quiá'- Fidiée' lala: "Song jaléng' i' dsea' i' guiúng- laco' si' í' huím' nileáiñ' jee' dsee- quiá'r-, jòba' çjalgui tí' ga' nidsijée' cóo' jaléng' dsea' i' líng' jogui cóo' i' beáng' dsee- yaang'?"

19 Jo song cuø Fidiée' fí e íng' jaléng' dsea` quiá'- Dsea` Jmáang- iihuí', joba' jaléng' i dsea` í 'né- jmé- bir jmang'- e guiá-, jogui nijáng' yaaiñ- car` ngocáng` dsír' fí quini` Fidiée' i cajmeáang` ír do, co' dseáng'- jmitib~ Fidiée' jalé' júu` quiá'r-.

5

Júu`# 'goo` e cat#ng- jaléng' dsea` quiá'- Dsea` Jmáang-

1 Jo lanagui iin~n nifón'^n jaléng' dsea` cøøng'- i quie' nifi' quí-na' jee` la'ó' 'nú', dsea` líng'na' dsea` quiá'- Dsea` Jmáang-, co' jnea` lín'n jaang` i quie' nifi' laco' íbre cajo, jogui camó-bí jalé' iihuí' e cangongíng- Dsea` Jmáang- fí dse' crúu^, jogui nitím-baa cajo laco' i dsea` í e nimoo~o e laniing- 'gøng' quiá'- Dsea` Jmáang- mi~ nijáa'tur fí jmiçü' la. 2 Joba' fí i 'nú', dsea` líng'na' dsea` cøøng'- i quie' nifi', jmee-na' í jaléng' dsea` i cangíng'na' i nicane'- ní'na' i nicacuøng' Fidiée' 'nú', co' i dsea` í líiñ' lafa' jo'se' quiá'- Fidiée'. Jogui jmee-ba' e jo e ngocáng` óo'na' laco'gui iing~ Fidiée', jo ja' jmée^na' e laguidseaang^ o'gui e laco' dsináang'na' cuu- cajo. Dsu' jmee-ba' jalé' e jo e íaang` óo'na'; 3 jo ja' 'né- jmée^na' lafa' dsea` fii~ i laguidseaang^ quiá' ta~ quiá'- jaléng' dsea` quiá'-, dsu' lí' lí' 'né- e nijmi'úung'na' e ni'ee-na' røø, jo lajoba' cuøøng` nijøø- i dsea` quí-na' do e nijmér- laco' sí'í' cajo. 4 Joba' mi~ tí' lí- nijáa'tu Dsea` Jmáang-, i dsea` i laniing- do i jmóo' lafa' ta~ ní' jo'se', joba' 'nú' ni'íng'na' lajúi'~ e sí'íng'na' quiá'- Fidiée' e jlo' eáang' e ja` tóo' jmi~ fa' e ni'íng-.

5 Jogui lajobi 'nú' cajo, jaléng' siming', 'né- jmée^na' núu'~na' jogui e jmi'goo'na' jaléng' dsea` cøøng'- . Jo lajüing` 'nú' ja' 'né- jmée^na' jløng'^na' quiá'- rúng'na', dsuco' lalab fé' fí ni~ jì quiá'- Fidiée' lí' fé' lala:

Dseáng'- teá` sée` Fidiée' quiá'- jaléng' dsea` i jmicøøng'~ yaang~,

dsu' eáam' guiá- jmicóo'r~ jaléng' dsea` i ja' jmóo' lajo dsu' ñi'bre e 'né- e nijmicóo'~ Fidiée' quiá'r-.

6 Joba' cuøø'~ fí yaang~na' e Fidiée' nicár` nifi' quí-na', co' íb' dsea` laniing- 'gøng' cajo, jo lajoba' niseáiñ' 'nú' yá'^ mi~ nití- í' quí-na'. 7 Joba' fí i 'nú', dsea` rú'naa' dsea` quiá'- Dsea` Jmáang-, 'naang'na' ca' jalé' fí'í' dsír' e seeng'na' fí jmiçü' la jo guiá'na' jalé' e jo fí jaguó' Fidiée', dsuco' dsea` dobing' i eáang' to' fíng' 'nú' contøøng-.

8 Jogui 'né- e í' áa'na' røø, jogui cajo 'né- e siñiing` áa'na' contøøng- e laco' ja' nijmiçøøng` fii~ i 'líng' 'nú', dsuco' í dseáng'- 'ní' níim-bre jneaa~aa' e ngir' fí la fí na lafa' jaang` ie' e 'náng'ne' líng` i nisáng'ne'. 9 Dseáng'- ja' cuø'na' fí e fii~ i 'líng' do nijmér- e nijmiçøøiñ' 'nú' lajo, jogui jie~ mí' tiúung'na' e ja' líng'na' júu` quiá'- Dsea` Jmáang-, co' niñí'na' e jaléng' rúng' dsea` quiá'- Dsea` Jmáang- i seeng` fí la'úng- fí jmiçü' røøb` ngíiñ' iihuí' laco' 'nú'. 10 Dsu' mi~ ningí e nica'íng'~ 'nú' jalé' iihuí' lajee` cateá, job mi~ nijmé- Fidiée' e ni'uíng-na' dsea` guiúng- dseáng'- laco' sí'í', jogui nijmér- e nisíng'-na' teá'gui fí guiá- cóo'~ Dsea` Jmáang-, jogui e nita~ óo'na' e Fidiée'b` dsea` nicá' nifi' quí-na'. Dsuco' dsea` dobing' i eáang' 'neáang' jneaa~aa', jo nicatø'r- jneaa~aa' cajo e laco' ni'uíng-na' dsea` i seeng` cøøng` cóo'r~ lata~ colíing~ cóo'~ Jóor' Dsea` Jmáang-. 11 Jo eáang' laniing- 'gøng' dsea` do lata~ jee~ jalé' e sea' fí jmiçü'. Jo lajob 'né- niliti~.

Júu` guicóo' e lidséng^

12 Jo la'eáang' cóo'~ Silvano, jaang` dsea` rú'naa' i dseáng'- i lajang'- líng' dsea` quiá'- Dsea` Jmáang-, nicajmé~e e jì'jiu la e laco' nifón'^n 'nú' jogui e nicuøø'ø' 'nú' bí e laco' nijmitaa^ óo'na' e lajalé' e güea'^ e nica'íng'~na' do cuø' lí' dseáng'- e lajam'-ba' 'neáang' Fidiée' 'nú'. Joba' fí i 'nú' e lajob 'né- jmée^na' e teáam-bi' teá' fí lí' niteáang-na' cóo'~ Dsea` Jmáang-. 13 Jogui jaléng' dsea` quiá'- Dsea` Jmáang- i neáang' fí Babilonia i nicaguíng' Fidiée' do laco'gui nicaguíñ' 'nú', guiéiñ' júu` guicóo'~ quí-na' cajo, jogui lajobi i jóo' o' i sii' Marcos. 14 Jogui se'na' guoo' rúng'na' mi~ jíng' rúng'na' uii~ e 'neáang'

rúng`na'. Jõgui güiliseem`ba' juguiá~ júu^ røø` lajüing`na' dsea` líng`na' dsea` quiá'-
Fí`naa' Dsea` Jmáang~.

Jõ jüí'~ jøb quiá'- lana.

Jõ lanab jüí'~ fé` jì la'uii~ quiá'- Tú^ Simón.

Ji e catí tú e cajme' TŪ SIMÓN

¹ Jnea TŪ Simón, jaang` dsea` i jmóo` lajii` e iing` Fí`naa' Dsea` Jmáang` jogui i sŕiñ` cuaiñ` quiá'r, jmo'o e ji` la e catíng` 'nú', dsea` i røø` nicangíng`na' e já` líng`na' júu` quiá` Fí`naa' Dsea` Jmáang` laco'gui nicangíng` jnea` e já` líng`na' júu` quiá` dsea` do cajo, co' eáang` guiúng` Fidié` cóo` jneaa`aa' e nicaleáaiñ` jneaa`aa' jee` dsee` quí`i' la'eáang` cóo` Fí`naa' Dsea` Jmáang`. ² Jogui íim`ba' lalíng` e güea` quiá` Fí`naa' Dsea` Jmáang`, jogui güiliseeng`na' juguiá` júu` røø` la'eáang` e nicuíng`na' Fidié` cóo`gui`ña' Dsea` Jmáang` cajo.

Jial líng` dsea` quiá` Dsea` Jmáang`

³ Jo lalab` fŕi` 'nú', dsea` rú`naa' dsea` quiá` Dsea` Jmáang`, e la'eáang` cóo` güea` 'gøng` quiá` Fidié`ba' nicangíng`naa' jalé` e 'né`naa' e quiá` jial nilisee`naa' laco' catíng` e seeng` dsea` quiá` Dsea` Jmáang`, co' nicatø` i dsea` do jneaa`aa' la'eáang` cóo` güea` quiá'r` jogui la'eáang` cóo` e eáam` guiúñ` e laco' nilicuíng`naa'r. ⁴ Joba' la'eáang` cóo` jalé` e nicangíng`naa' do, nicacuøb` Fidié` júu` quiá'r` e niñíng`naa' jalé` e jlo` niguó` quiá'r, jo jalé` e júu` e nicacuø` Fidié` do eáam` 'gøng` jogui eáam` quíng` cajo, co' la'eáang` cóo` e júu` joba' e nicangíng`na' e nica`naam`ba' jee` jalé` e 'lí`, fa' jalé` e lí` dsí` yaang` dsea` e sea` fí` jmigüi` la, jogui nicangíng`na' e nilíng`na' dsea` i seeng` cøøng` cóo` dsea` do. ⁵ Jo uí` e cajmé` Fidié` jalé` e jo quí`na', joba' 'né` e jmi`úung`na' e jmicuáam`bi' e já` líng`na' júu` quiá` Dsea` Jmáang`; jo cóo` e jo 'né` jmé`bi' lajii` e guiá` cóo` dsea` rúng`na' laco' catíng`; jo cóo` e jo 'né` nijmé`bi' quijí` jial e laco' nilicuíng`gui' Fidié`; ⁶ jo cóo` e jo 'né` jmé`na' jialco' ja` lí` áa`na' yaang`na'; jo cóo` e jo 'né` cuø` bí` yaang`na' e féng` áa`na' nañí` fa' e ngíng`na' iihuí`; jo cóo` e jo 'né` e dseáng` lajang` nijáang` yaang`na' fí` jaguó` Fidié` e nijmee`na' lajii` e iing` dsea` do; ⁷ jo cóo` e jo 'né` jmé`bi' quijí` e nijmicóo` rúng`na'; jo cóo` e jo 'né` jmé`na' e nijmi`neáang`na' dsea` rúng`na'.

⁸ Joba' song` 'nú' jmi`úung`na' e jmoo`na' jalé` e la, jogui jmoo`bi' jalé` e jo laco' sí`í, joba' íim` ta` quí`na' e nilicuíng`gui' Fí`naa' Dsea` Jmáang` jogui cajo seab` uing` quiá` jalé` e jmoo`na' do. ⁹ Jo dsu' jaléng`gui' dsea` i ja` jmóo` jalé` e júu` la líiñ` lafa' jaang` dsea` tiuum` osi jaang` dsea` i jo` jné` røø` é, co' nica`ím` dsí`r` e Fidié`bing` ca'íng` jalé` dsee` quiá'r` e laco' ca'uíng` dsea` do jaang` dsea` guiúng` mi` calí` já` líiñ` júu` quiá` dsea` do.

¹⁰ Joba' fŕi`guí` 'nú', dsea` rú`naa' dsea` quiá` Dsea` Jmáang`, e 'né` jmi`úung`na' e niliseeng`na' e laco' cuø` lí` e dseáng` nicatø` Fidié` 'nú' jogui e nicaguíñ` 'nú' cajo. Jo song` jmoo`ba' lajo, joba' ja` dseáang` quí`na' e nijíung`na' fí` ni` dsee`. ¹¹ Jogui song` jmé`na' jalé` e jo cajo, jo lajoba' nilita` óo`na' e Fidié`bing` ní`íng` 'nú' cóo` e guiá` fí` jmigüi` coo` fí` lí` guing` Fí`naa' Dsea` Jmáang` quiá'r` ta` lata, i dsea` i caleáang` jneaa`aa' jee` jalé` dsee` quí`i'.

¹² Joba' dseáng` nijmee`bí` e nijmiguiém`bí` áa`na' jalé` e júu` na contøøng`, nañí` fa' lajam` e niñí`na' e júu` jo jogui e niteáang`na' teá` fí` guiá` cóo` dsea` do lí` laco' jii` e nica`e` dsea` 'nú'. ¹³ Dsu' jnea`gui` lajee` e seen` fí` jmigüi` la lín`n e catím`baa e niliúun`n 'nú' e niguiéng` áa`na' jalé` e júu` na. ¹⁴ Dsu' lanagui Fí`naa' Dsea` Jmáang` nicajmea`r` jnea` júu` e jo` huøø` seeng`guí` fí` jmigüi` la, ¹⁵ joba' dseáng` nijmee`bí` bí` e niguiém`bi` áa`na' e júu` la mi` ningí` e ningán`n fí` jmigüi` coo`.

Mi` cangá` dsea` jial tí` 'gøng` Dsea` Jmáang`

¹⁶ Jo nica`é`naa' 'nú', dsea` rú`naa', quiá` jial tí` 'gøng` Fí`naa' Dsea` Jmáang` jogui jial lí` mi` nijáa`tur` fí` jmigüi` la calé` catú`, jo dseáng` lajang` e júu` jo, jo o' júu` e cuøøng` nijmi`uíng` dsea` e nijmé`r` e ja` mí` cangar`, co' dseáng` e já` e cane`naa'

cóo~ jmini~naa' yee~baa' jial tí' 'gøng' Fíi'naa' Dsea` Jmáang~. ¹⁷ Co' cane~baa' mi~ ca'e' Tiquí'ii' Fidié~ jnea'^ jial líng' Dsea` Jmáang~ cóo~ jalé' e niing~ 'gøiñ' do, jogui ie~ job caná'na' mi~ café' Fidié~ catí' ñifí' quiá'r~ lala cuaiñ~ quiá' Dsea` Jmáang~: "Í lab JÓÓÓ ì 'neáan`n eáang, jø dsíng'~ íaang` dsii~ cóo'r~." ¹⁸ Jo jneab'^ dsea` caná'naa' e júu^ jø e jáa' tí' yú'^ jmiçüü, co' taam~baa' cóo~ Fíi'naa' Dsea` Jmáang~ e fí' yú'^ mó' e güeang'^ do ie~ jø.

¹⁹ Jo e jø dseáng'~ e lita~gui dsí'naa' e já'~ e júu^ e caguia' jaléng' ì dsea` ì café' cuaiñ~ quiá'~ Fidié~ mali~gui eáang, jø e júu^ job dseáng'~ 'né' e jmi'goo' 'nú' cajo, co' e júu^ jø lí' lafa' cóo' jì quiá'~ candíí', jø e joba' jmáng' dsea` ta~ mi~ canuu. Jo e jø jneá' cartí' nijneá' e jmü~ e nití' mi~ nijáa'tu Dsea` Jmáang~ fí' jmiçüü la e líiñ' lafa' ì núu' ée' ì camíng' ì jnéeng~ fí' yú'^ jmiçüü mi~ la'ee. Jo ie~ jø jaléng'~ 'nú', dsea` líng'na' dsea` quiá'r~, jø niliseeng'gui' lafa' fí' lí' nuu, co' ni'uíng~na' dseáng'~ laco' la líng' dsea` do 'ñia'r'. ²⁰ Jo dsu' e júu^ laba' iin~n e niliñí'na', e jüí'~ cóo' júu^ e cajme' jaléng' dsea` ì café' cuaiñ~ quiá'~ Fidié~ fí' ni' jì quiá'r~ dseáng'~ ja` café'r' o'gui cajméer' júu^ e~ guøng' e júu^ jø dseáng'~ laco' iin~ yaaiñ~. ²¹ Co' jaléng' ì dsea` ì café' cuaiñ~ quiá'~ Fidié~ do ja` café'r' júu^ dseáng'~ laco' í' dsíir' yaaiñ~, co' lí'^ lí' café' jaléng' ì dsea` do la'eáang' cóo~ 'ñia' Jmiçüü quiá'~ Fidiéeb~.

2

Jaléng' dsea` ì e' júu^ e o' já'~ (Judas 4-13)

¹ Jo lala fíi' guü' 'nú', dsea` rú'naa' dsea` quiá'~ Dsea` Jmáang~, e lamí' jéeng'gui calisém' dsea` jee~ dsea` Israel ì cajmícaang~ e café'r' cuaiñ~ quiá'~ Fidié~, dsu' o' já'~, co' e júu^ e caguiar' do jmang'^ júu^ e o' já'~; jogui lajee' lanab cajo niliseeng' dsea` ì nijmícaang~ e líiñ' tífa' ì e' júu^ quiá'~ Fidié~, dsu' júu^ e o' já'~ ba' ni'é'r~ jee~ 'nú', dsea` líng'na' dsea` quiá'~ Dsea` Jmáang~. Jo jaléng' ì dsea` la'í' e ñim' ni'é'r~ e júu^ e 'léé' do e o' já'~, jogui nifé'r' ga` uii~ quiá'~ Fíi'naa' Dsea` Jmáang~, jogui ì dsea` la'í' fé'r' e ja` cuíñ' ì dsea` ì caquí' jalé' dsee~ quiá'~ dsea` jmiçüü. Joba' lajmináb~ niquidsí' Fidié~ í' quiá'~ ì dsea` la'í', jogui nicuø'~reiñ' iihuü' cajo e catíiñ~ uii' quiá'~ jalé' e nicajméer' jogui e mí' 'noo'bi jmóor'.

² Jo fíim' dsea` niligøøiñ' cóo~ e júu^ e o' já'~ do, jø nisíng'~tu yaaiñ~ e fí' ga' do, jø uii'~ jaléng' ì dsea` la'í' gab' nifé' dsea` uii~ quiá'~ fí' guiá'~ quiá'~ Dsea` Jmáang~. ³ Jo uii'~ e lí' dsí' jaléng' ì dsea` ì e' jalé' e 'lí'^ do cuub~, joba' nilí'r' e nijmiçøøiñ' 'nú' cajo cóo~ jalé' e júu^ e o' já'~ e er' do. Jo dsu' nisijéeb~ e fí' lí' 'lí'^ do quiá'r~ fí' lí' jø má' sea'gui, dsuco' tí' nití' í' e Fidié~ niquidsí' í'^ quiá'r~.

⁴ Jo nine~naa' guiá'~ e ja` ca'íng~ Fidié~ dsee~ quiá'~ jaléng'~ ángeles ì ca'éé' dsee~, dsu' lí' lí' cangojéeiñ' fí' lí' 'líb'^ jaléng' í' jø fí' lí' nuu' sób' caseáang'neiñ' do e si'ñúuiñ'~ do cóo'~ ñí' cadena cartí' mi~ niquidsí' Fidié~ í' quiá'ñ'~ do. ⁵ Jogui lajobi nine~naa' guiá'~ e ja` ca'íng~ Fidié~ dsee~ quiá'~ jaléng' dsea` dsee~ dsea` qui' ì caliséng' mali', co' ie~ jø Fidié~ cacuø'~reiñ' do iihuü' e cajméer' e ca'á' jmü' fí' la'úng~ fí' jmiçüü e quiá'~ cajúm~ lajím' dsea` ì soo' dsí' ì cajmée' ga' do. Jo dseáng'~ lajüí'~ Noébing' ì caseáang'gui, co' jüí'~ í'bing' ì ca'éé' e guiá'~ laco' catíng~ fí' quini' Fidié~, jø lajob cajo caseáam'bi guiáng'gui dsea` sinúu' quiá'r~ ie~ jø. ⁶ Jogui lajob cajo ca'íim~ Fidié~ jaléng' dsea` ì seeng' fí' fíi' Sodoma cóo'~gui fí' fíi' Gomorra e cacóo~ eáang' fí' jø cartí' cajé' yaang~ fa' e laco' niliñí' jaléng' dsea` ì niliseeng' cøøng'gui e lajob iihuü' ni'íng' jaléng' dsea` ì jmóo' ga' ì 'ní' níng~ Fidié~. ⁷ Dsu' ie~ jø caleáam~bre jaang' dseañu' ì sii' Lot, co' jaang' dsea' guiúm~ líng' í', jogui eáam' óor' fí'í' cóo'~ jalé' e 'lí'^ e nír' e jmóo' jaléng' ì dsea` ì seeng' fí' lí' táaiñ' do.

⁸ Jo laco' jmiçb~ ì dsea` guiúng~ ì sii' Lot do seeiñ' e eáam' óor' fí'í' cóo'~ ì dsea` ì soo' dsí' do uii'~ e nír' jogui e núur' jalé' e 'lí'^ e jmóo' ì dsea' 'líng'^ do. ⁹ Jo co' já'~ jalé' e la, joba' nine~naa' guiá'~ e ja` huíng' quiá'~ Fíi'naa' Fidié~ e láaiñ' jaléng' dsea` jee~ jalé' iihuü'. Jo nine~naa' cajo jial cuø' Fidié~ iihuü' jaléng' ì dsea` ì jmóo' ga' cartí' mi~ niquidsí' í' 'ñia'r' quiá'~ ì dsea` la'í'. ¹⁰ Jo lajee~ lajaléng' dsea', eáang'gui nicuø' Fidié~ iihuü' quiá'~ jaléng' dsea` ì lí' dsí' e jmóor' jalé' e 'lí'^ lajee' la'ó' yaaiñ~ jogui ì ja' iing~ e Fíi'naa' Fidié~

quier' nifi' quiá'r. Jo jaléng' i dsea' la'í iib' líiñ', jogui teáb' dsíir' jmér' lí' doñí' ee' e 'li', jogui ja' 'gó'r e fé'r' ga' uii' quiá'- jaléng' i 'gøng' i ja' jnéng' i seeng' fí' yá' jmigüí. ¹¹ Jo jaléng' ángeles i líng' guotii' quiá'- Fidiéé, nañí' fa' í'bing' dseáng' e sea'gui bí' quiá'- laco' i dsea' i e' júu' e o' já'- do, jogui nañí' fa' sea'gui fí' quiá'r- cajo laco'gui i dsea' í, dsu' niñí'bre e ja' dseeng' fa' e nifé'r' ga' fí' quini' Fíi'naa' Fidiéé uii' quiá'- jaléng' i 'gøng' do i ja' jnéng' i seeng' fí' yá' jmigüí.

¹² Jo dsu' jaléng' i dsea' i e' júu' e o' já'- do líiñ' lafa' jó' núub' co' ja' e ngáiñ' jii' coo', co' lí' seeiñ' lajob; co' jó' núu'bing' i líng' e lico' ngáang'ne' e sáang' dsea' í're' jo jngaiñ', joba' lajob líng' jaléng' i dsea' la'í, co' fé'r' ga' uii' quiá'- jalé' e ja' ngáiñ' do. Dsu' lajob nidsingíiñ' e ni'íim' quiá'r- cajo mi' nití' í' quiá'r- laco'gui júung' jaléng' i jó' í, ¹³ jo røb' ni'íng' i dsea' la'í iihu' laco'gui nicajmeaiñ' jaléng' dsea' rúíñ' i jiéng'gui. Jo dseáng'- ja' i' líng' jaléng' i dsea' í e jmóor' lajo mi' jmii', co' lico' í' dsíir' e eáam' juguiá' seeiñ' e lí' dsíir' jalé' e sea' fí' jmigüí la; dsu' dseáng'- gab' lí' e seeng' jaléng' i dsea' la'í jee' 'nú' i tá'- mii' lajee' ee'go' jmii' jmoo'na', jo i dsea' la'í lico' jmi'iaang' dsíir' lajii' e lí' dsíir' yaam'bre fí' jmigüí la mi' ee'go' jmigøoiñ' dsea'.

¹⁴ Jo jaléng' i dsea' la'í ja' lí' níiñ' jaang' dseamí' e fa' ja' suuiñ'; jo dseáng'- ja' fím'bre e beáng' dsee' yaaiñ'. Jogui eáam' jmóor' ta' jmi'oo' e cøoiñ' dsíi' jaléng' dsea' i ja' mí' teáng' teá' cóo' júu' quiá'- Dsea' Jmáang', jogui dseáng'- tí' i dsináang' cuub' líiñ'. Jo uii' quiá'- jalé' e 'li' e jmóo' i dsea' la'í, joba' dseáng'- 'ñiab' Fidiéé nibiiñ' jaléng' i dsea' í.

¹⁵ Jo si'íim' dsea' do lana, co' nicatú'bre e teáaiñ' fí' guiá' cóo' Dsea' Jmáang'. Jo nicajméer' laco' cajmée' jaang' dsea' i si'í' café' cuaiñ' quiá'- Fidiéé' mali'gui i calisí' Balaam, jóo' jaang' dseañu' i calisí' Beor, co' i dsea' í lí' lí' cajméer' lí' doñí' ee' e ga' e laco' nilí'r' cuub' lamí' líiñ', ¹⁶ jo dsu' i dsea' í cajím'bre uii' e dsee' e ca'éer' do, co' cajíim' bú' quiá'r- ír', co' i bú' do café're' laco' fé' dseab', jo job' mi' cajníng'ne' lajii' e lí' dsíi' i dsea' do.

¹⁷ Jo jaléng' i dsea' í i e' júu' e o' já'- do líiñ' laco' dsea' i ja' ta' íng', co' líiñ' lafa' coo' ojmi' lí' ja' a' jmii', osi' lafa' jni' e dsiguiñg' cóo' gui' e ja' quiet' jmii' é; jo Fidiéé'bing' cacuø' e nisi'íing' i dsea' do dseáng'- e nidsiliñ' fí' lí' nuu' sò' lata'. ¹⁸ Co' yaam'bre guiar' júu' e røo' jogui júu' e ja' uiiing' sea', jo cóo' e ga' e sitiñ' jmóor' do jogui cóo' jalé' e lí' dsíir' yaaiñ' do cøoiñ' dsíi' jaléng' dsea' i nabi' 'lé' já'- líng' júu' quiá'- Dsea' Jmáang' jogui e nabi' nicanaaiñ' e 'naaiñ' yaaiñ' jee' jaléng' i dsea' dsee' dsea' qui' do. ¹⁹ Co' i dsea' i e' júu' e o' já'- do sí'r' jaléng' i dsea' do e cuøom' lí' jméiñ'- jalé' e iñ', jogui ja' 'né' jmitiñ' júu' quiá'- Fidiéé', dsu' o' já'- e júu' e ca'er' do, co' yaam'bir' líiñ' lafa' dsea' i si'niñg' cóo' jalé' e 'li' e sea' fí' jmigüí la; co' niñí' dsea' e lí' doñí' i dsea' i nicajáng' 'ñia' e nijmér' jalé' e 'li' e sea' fí' jmigüí la líiñ' lafa' i dsea' i nicalí'- e quiu' ta' quiá'r- jalé' e 'li' e jmóor' do. ²⁰ Jo dsu' jaléng' dsea' i nicalicuíng' Fíi'naa' Dsea' Jmáang' i láang' dsea' jee' jalé' dsee' quiá'r-, jo la'eáang' cóo' e joba' nica'naang' yaaiñ' jee' jalé' e 'li' e jmóo' dsea' fí' jmigüí la, jo dsu' song' caquing'-tu' i dsea' do e fí' ga' do jo cajmée'tur' jalé' e 'li', jogui ni'quiá'-tu' ta' quiá'r- jalé' e jo, joba' eáang'gui ga' ni'uíng' quiá'r- laco'gui lamí' jéeng'gui ie' lamí' nú'-gui e nilicuíñ' Dsea' Jmáang'. ²¹ Joba' guiá'-gui quiá'- jaléng' i dsea' la'í fa' e ja' mí' canaaiñ' e teáaiñ' fí' guiá' cóo' Dsea' Jmáang' laco'gui catú'tur' jalé' e nicangíiñ' do mi' nicalicuíñ' dsea' do jogui e nicasiñ' yaaiñ' fí' guiá' cóoiñ' do. ²² Co' nicalitib' cóo' jaléng' i dsea' la'í lajii' júu' e røo' e fé' lala: "Yaam' dsii' gø'ture' ñu' quiáa're' e ñá're' do"; jogui "Jaang' cú' i dseáng'- lalí' calá'- nitáang'-tu' 'ñia're' jee' jmijii'".

3

Mi' nijáa'tu Fíi'naa' Dsea' Jmáang' fí' jmigüí la

¹ Joba' fii'guí' 'nú', dsea' rú'naa' dsea' quiá'- Dsea' Jmáang' i iin' eáang', la catí' túb' e jii' la e jmo' o e catíng'na'. Jo e jii' la cóo'gui e lamí' jéeng'gui do jmo' o e laco' ni'í' áa'na' røo' jogui e ni'ee'na' guiá'- laco' catíng' e jmóo' dsea' quiá'- Dsea' Jmáang'. ² Jogui

iin~n e jmiɡuiéng' áá'na' jalé' e júu^ e caséé' jaléng' i dsea` i café' cuaiñ` quiá'- Fidiéé' malii`gui eáang', jogui cajo iin~n e nitó^ óó'na' lajii' júu^ quiá'- Fii'naa' Dsea` Jmáang- i láang`jneaa~aa' jee~ dsee- quií-ii'; jo jaléng' i dsea` apóo^bing' i ca'e' jneaa~aa' jalé' e júu^ jo.

³ Jo e lab e niing- gui e 'né- e nitó- áá'na' nifi' quiá'- e júu^ la, e mi~ tí lí~ nijaquiéeng' e ni'íng- jmiɡuú, nijalíng- jaléng' dsea` e lí^ niliseeiñ` e jmóor` lajii' e ga` e lí dsír' yaam~bre, jogui jaléng' i dsea` la'í nijmér- ta` lóø^ cóo' jalé' júu^ güeang'^ quiá'- Fidiéé' jogui cóo'~ dsea` quiá'r- cajo, ⁴ jo nijmér- ta` jmingii` lala cóo' júu^ e lóø: "¿E~gui calí- cóo'~ lajii' júu^ e sisée^ e quiá'- si'í^ e nijáa'tu Dsea` Jmáang- calé' catú- fí' jmiɡuú la? Dsu' niingóo' jii` e cajúng- Dsea` Jmáang- do, jo ja` e lí e nigüéeng- tu dsea` do fí' la, dsuco' ja` ee` sisíng^ jii'~ cóo' jalé' e sea` fí' jmiɡuú la, co' røøb` lí' laco' lí' lamí~ uiing~ do lí' lana cajo." ⁵ Jo dsu' o' já'- e laco' fé' i dsea` do, co' 'né- e ñí- 'nú' e jaléng' i dsea` la'í ja` iin~ fa' e nicár` cuente e lati' lajii' mali'ba' nisea` latøøng- yá^ jmiɡuú la'eáang' cóo'~ júu^ quiá'- Fidiéé', jo la'eáang' cóo'~ ta~ e caquiú' Fidiéé'ba' cajo e cagüi'fí' guóo'~ uó' fí' é' jmi, jogui la'eáang' cóo'~ jmi'ba' cajméer' e jo cajo. ⁶ Jo ie~ mali' do ca'ím- jaléng' dsea` jmiɡuú la'eáang' cóo'~ jmi' cajo, co' ca'á' jmi' fí' ni' la'úng- guóo'~ uó'. ⁷ Jo dsu' latøøng- jmiɡuú cóo'~gui guóo'~ uó- e sea` lana nisisée^ e quiá'- e nicób', co' lajob ta~ e caquiú' Fidiéé' e nilí. Jo cóo'~ e j' job nicáng` dsea` mi~ tí lí~ nití- í' e niquidsí Fidiéé' í' quiá'- lajaang` lajaang` dsea` jmiɡuú, jo ie~ job mi~ ni'íng^ jaléng' dsea` i ja` calinúu~ jalé' júu^ quiá'- Fidiéé'.

⁸ Jogui fii~bí' 'nú' e la, dsea` rú'naa' i iin~n eáang', jie~ mí' íng- áá'na' e la: Røøb` tí' quiá'- Fii'naa' Dsea` Jmáang- e cóo' jmi' osi cóo' mil jii` é, co' líng- dsea` do e lafa' cóo' jmi'ba~ quiá'r- e cóo' mil jii` do, jogui e cóo' mil jii` do líiñ~ lafa' cóo' jmi' tøm-. ⁹ Jo ofa' jmi'íng- Fii'naa' Dsea` Jmáang- e nijmitir- lajii' júu^ e nicacuø' lamí~ jéeng'gui laco'gui fí' dsí' i líng~ dsea', dsu' o' lajo, co' e eáang' féng' dsíib' dsea` do, co' ja` iin~ fa' lí^ e nidsilíng` jii' jaang` dsea` lajo fí' lí' 'lí', dsu' iing~ dsea` do e lajím` dsea` niquí'~ nijíng' yaaiñ` fí' quini' Fidiéé', jo lajoba' ni'náng` dsea` jee~ jalé' dsee- quiá'r-.

¹⁰ Dsu' dseáng'~ jáb' e nijaquiéem' e jmi' e nijáa'tu Fii'naa' Dsea` Jmáang- calé' catú- fí' jmiɡuú la, jo jii' ja` ii` nilíí'^, co' nijáar` lajee` ja` ñiñ~ dsí' dsea` laco' mi~ ngí' jaang` dsea` i jmóo` ii` mi~ uøø. Jo ie~ job mi~ ni'ii' eáang' car` niféng' dsea` mi~ ninga' la'úng- fí' yá^ jmiɡuú, jogui ni'ím- jaléng' i seeng' fí' yá^ do cajo, co' nicám`bre cóo'~ j', jogui lajobi guóo'~ uó- cóo'~ jalé' e sea` fí' jo, nicób' cóo'~ j' cajo.

¹¹ Jo co' lajib` e sea` fí' latøøng- jmiɡuú nicó` cartí' ni'íng-, joba' 'né- e nijmiñíng` áá'na' e ni'naang- yaang~na' jee~ jalé' dsee- quiá'na', jogui contøøm- 'né- jmée^na' lajii' e iing~ Fidiéé' car` ngocáng` óó'na'. ¹² Jo jmée^na' jalé' e jo lajee` e nisijeem'ba' e jmi' e nijáa'tu Fidiéé' fí' jmiɡuú la, jo jmi'úum`ba' e nigüeá' lajminá- e jmi' jo. Jo mi~ nití- e jmi' jo, ni'ím- la'úng- jmiɡuú co' nicób', jogui jaléng' i seeng' fí' yá^ jmiɡuú nijmím- bre cóo'~ e niing- j' do cajo. ¹³ Dsu' jneaa~guí', dsea` lí'naa' dsea` quiá'- Dsea` Jmáang-, sijeeng~naa' jmiɡuú e 'míib- cóo'~gui guóo'~ uó- e 'míib- cajo lí' laco' lajii' júu^ e nicacuø' Fidiéé' lamí~ jéeng'gui e nicacuø'r' jneaa~aa', jo lajalém' i niliseeng' e fí' jmiɡuú 'mí- do líiñ` i guiúng- i jmóo' lajii' e iing~ dsea` do jogui i güeang'^.

¹⁴ Joba' fii~guí' 'nú', dsea` rú'naa' i iin~n eáang', e lajee` e sijeeng~na' jalé' e jo, jmee~ba' úung` quií-na' e nijmée^na' jmang'~ e guiá- e laco' mi~ nigüéeng- tu Fidiéé' fí' jmiɡuú la calé' catú-, e nigüeiñ' 'nú' e seem'ba' juguiá- júu^ røø e ja` si'ling'^na' fí' quini' jogui e ja` dsee- røøng`na' jii'~ cóo'. ¹⁵ Jogui téé' áá'na' e contøøm- féng' dsí' Fii'naa' Dsea` Jmáang- e laco' tí'bi' niquí'~ nijíng' yaang~na' fí' quini' dsea` do e laco' nilí'na' nileáng'na' jee~ jalé' dsee- quií-na'. Jo quiá'- lajobi cajo, jaang` dsea` rú'naa' dsea` quiá'- Dsea` Jmáang- i ii~naa' eáang' i sii' Paa- nicajme'r' jalé' j' e quiá'- jial laang` dsea` jee~ dsee- quiá'r- lí' laco' jii' e cacuø' Fidiéé' quiá'r- e tiiñ` ngáíñ'. ¹⁶ Jo fí' ni~ jalé' e j' e nicajme' dsea` do, røø nicaféiñ' 'nú' cuaiñ` quiá'- laj' e júu^ e quiá'- jial laang` dsea` jee~ dsee- quiá'r-, nañí'

fa' jee~ e ji` jo sea`bi e huíng' e ningáng' jaléng' i dsea` i ja` ngáng' e júu^ jo cóo'~gui jaléng' dsea` i ja` mí teáng- teá` cóo'~ jalé' e júu^ jo cajo, co' jaléng' i dsea` la'í lí^ riquib' fé'r` e~ guóng' e júu^ e er` do, jogui jmisím~bre cajo e~ guóng' e júu^ quiá'- Fidié~ caguiee~gui do, dsu' mi~ jmóor` lajo lico' guiéng' yaaiñ~ fí lí' lí^ latab~.

¹⁷ J_oba' fíi~guíi 'nú', dsea` rú'naa' dsea` quiá'- Dsea` Jmáang- i iin~n eáang', co' 'nú' dseáng'- niñí^ba' guiú- jial lí' e júu^ la, j_oba' fíi~i 'nú' e jmeáang'~na' í^ yaang~na' e laco' ja` nijmigóøng` dsea` 'nú' e laco' fa' e nilí'r` e nitiúung~na' Fíi'naa' Dsea` Jmáang-. ¹⁸ Dsu' 'nú' lí^ lí' 'né- e nijmicuíim`bi' eáang'gui Fíi'naa' Dsea` Jmáang-, co' íb` dsea` láang` jneaa~aa' jee~ jalé' dsee- quí^ii', jogui 'né- e niline~guíi' jial tíi' 'neáang` dsea` do jneaa~aa', dsea` i ja` catíng- lajo. j_oba' majmifém'baa' dsea` do contøøng- jogui laj_ob lata~!

J_o laj_ob nilí^.

J_o lanab jíi~ fé' jì e catí tú- quiá'- Tú^ Simón.

Ji` la'uii~ e cajme' JUAN

E~ uiing~ e calí e jì la

¹ Lalab fii~i 'nú' e fí ni~ jì la cuaiñ~ quiá~ jaang` i niseeng` lajii~ mi~ nú~gui nitiroo~ jmigüi. Jo dsea` í dseáng~ nicanú~baa' jial fé'r, jogui nicanem~baa'r dseáng~ quini~naa' lana, jogui nicalé~naa' cuente e dsea` la jneaa~aab' líiñ', co' quiá~ lanab nicalisé~naa' cóo'r~ la'ó' jnea'^, dsea` oo~naa' ta~ quiá~ Fidié~. Jo dsea` íb` Dsea` Jmáang~ i cuø' e ee~ dsea` lata~ cóo'~ Fidié~. ² Jo i dsea` i cuø' e jo dseáng~ nica'éem` 'ñia'r' fí jmigüi la, jo nicanem~baa'r, joba' nicaní~naa' júu^ quiá~ jalé' e nicané~naa' quiá'r~; jogui lana guia~naa' júu^ jee~ 'nú' quiá~ i dsea` i cuø' e ee~ dsea` lata~ cóo'~ Fidié~ do, jo dsea` íb` cajo i caguá' fí ñifí~ lami~ jéeng'gui cóo'~ Tiquiá'r~, jogui i Tiquiá'r~ do nica'éem`bre dsea` do jee~ jneaa~aa' fí jmigüi la. ³ Jo lajob júu^ e guia~naa' jee~ 'nú' quiá~ lajii~ e nicané~naa' jogui lajii~ e nicanú~naa' quiá~ dsea` í, co' ii~naa' e 'nú' seeng'na' cøøm` cóo'~ jnea'^ laco'gui jnea'^ cøøm` see~naa' cóo'~ Tiquí~ii' Fidié~ dsea` guing~ ñifí~ coling~gui cóo'~ Joor` Dsea` Jmáang~. ⁴ Joba' jmo'naa' jalé' e júu^ la quií~na' e laco' nicuø' e iáang` dsi~naa' laco' sí'í'.

Fidié~ líiñ' jaang` i jing' jlo'^

⁵ Jo e lab e júu^ e ca'e' Dsea` Jmáang~ jnea'^, jo e job e ee~naa' 'nú' lana, e Fidié~ líiñ' jaang` i jing' jlo'^, jo jii~ capí'^ e nuu` só' ja` sea` quiá'r. ⁶ Jo mi~ fé'naa' e cøøm` see~naa' cóo'~ Fidié~, jogui dsu' lajee~ jo beám~ dsee~ yee~naa' laco'gui la jmoo` i dsea` i seeng` fí lí~ nuu` só', joba' jmigøøm` yee~naa' cóo'~ e fé'naa' do jóng, co' ja` jmoo~naa' laco'gui la iing~ Fidié~ e nijmó'oo'. ⁷ Dsu' song see~naa' cøøng` cóo'~ Fidié~ i jing' jlo'^ do, joba' cøøm` see~naa' lajee~ la'ó' rú'naa', dsea` líi~naa' dsea` quiá~ Dsea` Jmáang~, jogui nileám~baa' jee~ dsee~ quií~ii' la'eáang` cóo'~ jmi'øøng~ Jesús i líng` Joor` Fidié~ e catuu` mi~ cajúñ~.

⁸ Jo mi~ fé'naa' e ja` dsee~ røø~naa' jii~ coo', joba' lí' lí' jmigøøng` yee~baa' jóng, co' ja` léé'ee' júu^ já~ quiá~ Fidié~. ⁹ Jo dsu' song jmoo~baa' júu^ røø` uii~ quiá~ jalé' dsee~ quií~ii' fí quini~ Fidié~, joba' dseáng~ nisita~ dsi~naa' e guiáb~ ée' Fidié~ cóo'~ jneaa~aa', jogui jmiti~bre júu^ quiá'r~ e íim~bre jalé' dsee~ quií~ii' jogui láaiñ' jneaa~aa' jee~ jalé' e ga' e jmoo~naa'. ¹⁰ Jo dsu' song fé'naa' e ja` dsee~ mí' ca'ee~naa' jii~ coo', joba' lí' e lafa' fé'naa' e adseaam` Fidié~ song lajo; jo ja` léé'ee' dseáng~ lajang~ júu^ já~ quiá~ dsea` do song lajob fé'ee'.

2

Dsea` Jmáam~bing' mi' Fidié~ cuaiñ~ quií~ii'

¹ Dsea` rú'naa' i 'neáan`n eáang`, jmo'o e júu^ la e catíng~na' e laco' ja` ee~na' dsee~. Jo nañí' fa' sea~bre mi~ jiúng'na' ni~ dsee~, dsu' seem` jaang` i jmicóo'~ jneaa~aa' i mi' Tiquí~ii' dsea` guing~ ñifí~ cuaiñ~ quií~ii', jo íb` Dsea` Jmáang~ i ée' guiá~ do. ² Jogui dsea` íb` i cajúng~ fí dse' crúu' e laco' ca'íng~ lajii~ dsee~ quií~ii' e røø~naa' fí quini~ Fidié~. Dsu' o' jii~ dsee~ quií~ii' yee~ee' dsea` lí'ii' dsea` quiá~ Dsea` Jmáang~ e ca'íiñ~, co' lajob ca'íiñ~ dsee~ quiá~ lajiiing` dsea` jmigüi cajo.

³ Jo song núu~baa' jalé' júu^ quiá~ Fidié~, joba' nisita~ dsi~naa' e nicalicuim~baa're jóng. ⁴ Jo song seeng` dsea` jiiñ' e cuim~bre Fidié~ jo dsu' ja` núu'r~ lajii~ júu^ quiá~ dsea` do, joba' i dsea` í líiñ' jaang` i adseaang~, co' ja` quier` júu^ já~ quiá~ Fidié~. ⁵ Jo dsu' song seeng'gui dsea` i contøøm~ núu~ júu^ já~ quiá~ dsea` do, joba' líta~ dsi~naa' e dsea` í 'neáam~bre Fidié~ laco' sí'í'; jo song jmoo~baa' lajo, joba' líne~naa' e cøøm` see~naa' cóo'~ Fidié~. ⁶ Jo song seeng` dsea` i jing' e cøøm` seeiñ` cóo'~ Fidié~, joba' 'né' ni'ér~ laco'gui ca'éé' 'ñia' Dsea` Jmáang~ fí jmigüi la.

Júu^ 'né- liti~ e nisea`lati' mi~ uiing~

⁷ Dsea` rú`naa' i 'neáan`n eáang', ja` lí' laco' cōo` júu^ 'má- e júu^ e 'né- liti~ quiá'- Fidiéé` e jmo'`o la e catíng-`na', cō' e lab cajo e ca'íng'~ 'nú' lati' mi~ calicuíng`na' Dsea` Jmáang-. Jo e júu^ e 'né- liti~ do ja` sisíng^` cōo'~ e júu^ e ca'íng'~ 'nú' lami~ jééng`gui do. ⁸ Jogui dsu' e júu^ e 'né- liti~ e jmo'`o la quií-`na' lana laco' cōo` júu^ 'má- lí'; jo dseáng'-` jáb'- e júu^ jo, jo cajmitib~ Dsea` Jmáang-` laco'gui jmití' 'nú' cajo, cō' nicango'ím' e nua` só' do, jo lana nicanaang` jing' i jing' jlo'^ do.

⁹ Jo song seeng` dsea` i jing'- e cōm` seeiñ` cōo'~ i jing' jlo'^ do jo dsu' 'ní' níim-`bre dsea` rúin', joba' i dsea` í' fí' lí' nua` só'`bi seeiñ`. ¹⁰ Jogui i dsea` quiá'- Dsea` Jmáang-` i jmi'neáang` rúng', cōm` seeiñ` cōo'~ i jing' jlo'^ jo ja` e uiing~ sea` quiá'r- e nitéiñ' fí' ní-`dsee-. ¹¹ Jo dsu' i dsea` i 'ní' níng-` rúng' do, seem`bir e jmóor` laco'gui la jmóo` dsea` i seeng` fí' lí' nua` só'; jo jii'~ ja` ñir` jie~ fí' lí' ngóor', cō' fí' lí' nua` só'` dob seeiñ', joba' lí' lafa' tiuum-`bre.

¹² Dsea` rú'naa' i lafa' jōo`o, jmo'`o e júu^ la e catíng-` 'nú' quiá'- e jmiguiéng'` áa'na' e nicalíim-` Fidiéé` dsee-` quií' na' la'eáang` cōo'~ jalé' e calíng-` Dsea` Jmáang-` fí' dse'` crúu^. ¹³ Jogui jmo'`guá' e júu^ la quií-` 'nú', dsea` líng`na' dsea` cōong'~ jee~ dsea` quiá'- Dsea` Jmáang-, quiá'- e jmiguiéng'` áa'na' e nicuíim`ba' i niseeng` lajii'~ mi~ nú'-`gui nitiroo` jmigüi' do. Jogui jmo'`guá' e júu^ la quií-` 'nú', dsea` i ni'lé'` cuíng`na' Dsea` Jmáang-, quiá'- e jmiguiéng'` áa'na' e nicalí'-`ba' e jo` lí' fii~ i 'ling'` jmigóoiñ` 'nú'.

¹⁴ Dsea` rú'naa' i lafa' jōo`o, nab nicajmée'~ e quií-`na' e laco' nijmiguiéng'` áa'na' e nicalícuíim`ba' Tiquí'ii' Fidiéé`. Jogui nicajmée'~ baa quií-`na' cajo jaléng'` 'nú', dsea` líng`na' dsea` cōong'~ jee~ dsea` quiá'- Dsea` Jmáang-, e jmiguiéng'` áa'na' e nicuíim`ba' i niseeng` lajii'~ mi~ nú'-`gui nitiroo` jmigüi' do. Jogui nicajmée'~`bi quií-` 'nú', dsea` i ni'lé'` cuíng`na' Dsea` Jmáang-, e jmiguiéng'` áa'na' e nicalíim`ba' júu^ quiá'- Fidiéé` car` ngocáng` óo'na', jo ja` mí' catiúung`na' jii'~ capí', jo nicalí'-`ba' e jo` lí' fii~ i 'ling'` jmigóoiñ` 'nú'.

¹⁵ Joba' fii-`guá' jaléng'` 'nú' e ja` síng'` yaang`na' fí' ga', o'gui jmoo`na' dsináang`na' jalé' e 'lí' e sea` fí' jmigüi'; jo song seeng` dsea` i jmóo` lajo, joba' i dsea` í' ja` 'neáaiñ` Tiquí'ii' Fidiéé`. ¹⁶ Cō' jalé' e 'lí' e lí' dsí' dsea` fí' jmigüi' la ja` jáa' quiá'- Tiquí'ii' Fidiéé`, cō' quiá'- i 'lí' lí' jáa' do cofa' jalé' e la: mi~ lí' dsí' dsea` jalé' e iing~ ngúu` táaiñ` fí' jmigüi' la, jogui mi~ dsináaiñ` lí' doñi' ee' 'lí' cangár-` fí' jmigüi' la, jogui mi~ iin~ e íbre silí'r' jalé' e jlo'^ e sea` fí' jmigüi' la e laco' jmiféng'` dsea` ír'. ¹⁷ Dsu' cōob` mi~ nití-` í' e ni'íng-` lajii'~ bí' e sea` quiá'- i 'ling'` fí' jmigüi' la colíng~` cōo'~ jalé' e 'lí' e dsináang` jaléng'` dsea` jmigüi'. Jogui jaléng'` i dsea` i jmóo` jii'~ e iing~ Fidiéé`, latab~ niliseeiñ` cōong` cōo'~ dsea` do.

Jial ñi' dsea` jnang` júu^ e já'- jogui jnang` júu^ e o' já'-

¹⁸ Dsea` rú'naa' i 'neáan`n eáang', lana nijaquíéeng' e tí' lí' ni'íim-` jmigüi'. Jogui nicanáub-` 'nú' e nú'-`guiji e jo, nijáa' jaang` dsea` i 'ling'` i 'ní' ní-` quiá'- Dsea` Jmáang-. Jo nicalíñ'`baa' rōo` e téeb-` rōo'gui jmigüi', cō' lati' lanab nicanaang` ngí' fíng` dsea` i 'ní' ní-` quiá'- Dsea` Jmáang-. ¹⁹ Jo jaléng'` i dsea` í' cangotáam-`bre jee~ jneaa`aa' lami~ jééng`gui, dsea` lí'ii' dsea` quiá'- Dsea` Jmáang-, dsu' catiúum-`tur jneaa`aa'; cofa' mi~ ja` cajmée'r` lajo, joba' quiim-`bir jee~ jneaa`aa' lati' lana jóng, dsu' catiúum-`bre jneaa`aa'. Jo calí-` lajo e laco' calíñi' dsea` rōo` e jii'~ jaang` i dsea` do líiñ` laco' jneaa`aa', dsea` lí'ii' dsea` quiá'- Dsea` Jmáang-.

²⁰ Dsea` rú'naa', Dsea` Jmáang-` nicaguíñ` jneaa`aa', dsea` lí'naa' dsea` quiá'r-, e nicangíng`naa' Jmiguí quiá'r-, jo lajoba' nine`naa' jnang~ dseáng'-` júu^ já'- . ²¹ Jo uiing~ joba' jmo'`o e jì' la e catíng-` 'nú', dsu' ofa' uii~ e ja` mí' cuí'na' jnang~ júu^ já'-; cō' 'nú', dseáng'-` rōob` niñi'na' e jo. Jogui ñi'`bi 'nú' cajo e jii'~ cōo` júu^ já'- ja` cuōong` nigüi'íng' jee~ júu^ e o' já'- . ²² Joba' fá' jnea~: ¿í~ i dsea` adseaang` do? Cō' íb' i dsea` i fé' e o' já'- e Jesús líiñ` Dsea` Jmáang-. Jo íb' i dsea` i 'ní' ní-` quiá'- dsea` do, dsu' cō' mi~ 'ní' níiñ-` Jōo' Fidiéé` joba' 'ní' níim-`bre la quie' Tiquiá'^ dsea` do cajo. ²³ Jo doñi' ii' i 'ní' níng-` Jōo'

Fidiéé, lajob 'ní' níñ- Tiquiá^ dsea` do cajo; dsu' i dsea`gui i fé' e jáb'- e Dsea` Jmáang- cagüéñ- e líñ- jaang` dsea` jmiçüí, joba' dsea` do e já'-ba' cuiñ` Dsea` Jmáang- jóng, jogui nicuím`bre la quie` Tiquiá^ dsea` do cajo.

²⁴ Jo fñ- guí 'nú', jie` mí tú'na' e júu^ já'- quíá'- Dsea` Jmáang- e canúu- na' latí mi~ uiing` do. Jo song ja` catiúung`na' e júu^ jo, joba' cøøm` niliseeng`na' cóo~ Joo' Fidiéé` jogui lajobi cóo~ Tiquiá^ dsea` do cajo. ²⁵ Jo e lab e júu^ e dseáng'- nicacuø' Dsea` Jmáang- jneaa`aa', e nilisee- naa' cøøng` cóo~ Fidiéé` lata~. ²⁶ Jo nicajmée~ e e júu^ la quí- na' e laco' niliñí^na' quíá'- jaléng` dsea` i iing` nijmigoøng` 'nú' e nisiñ` 'nú' fí ga`. ²⁷ Jo dsu' la'eáang` e seem` Jmiguí quíá'- Fidiéé` cøøng` cóo~ 'nú' e cangüing`na' cacuø' Dsea` Jmáang- do, joba' ja` 'neáng- na' e dsea` jiéng` ni'é'- 'nú' laco'gui jii~ e niñí^na', co' 'ñiab' Jmiguí quíá'- Fidiéé` e e' 'nú' jalé' e 'né- niliñí^na'. Jo jalé' e er` do jmang'- júu^ jáb'-, jo jii~ coo` fa' lí júu^ e o' já'- . Joba' fñ- i 'nú', jie` mí tú'na' e seeng`na' cøøng` cóo~ Dsea` Jmáang- laco'gui nica'e' Jmiguí quíá'- Fidiéé` 'nú'.

²⁸ Joba' fá'guí dsea` rú'naa' i 'neáan`n eáang`, jie` mí tiúung`na' e seeng`na' cøøng` cóo~ Dsea` Jmáang-, jo lajoba' nisita` dsí'naa' e jo` 'gó'naa' o'gui i' líng- naa' fí quinir` mí nigüéeng- tur fí jmiçüí la. ²⁹ Co' niñí^na' 'nú' guíá- e Dsea` Jmáam- bing' i dseáng'- ée` guíá-, jogui niñí^bi 'nú' cajo e doñí` ii` dsea` i ée` guíá- contøøng-, dsea` íb` dseáng'- i líng` joo' Fidiéé`.

3

Jial lí' mi` úing- dsea` joo' Fidiéé`

¹ Joba' fñ- guí 'nú', dsea` rú'naa' dsea` quíá'- Dsea` Jmáang- i 'neáan`n eáang`, ñí- na' jial tí' 'neáang` Tiquí^ii' Fidiéé` jneaa`aa', co' í'bing' nicacuø' jneaa`aa' e lí'ñi' laco' joo`bre. Co' e já'-, dseáng'- joo`bre lí'ñi'. Jo uíi~ e lajob lí'naa', joba' jaléng` i dsea` i ja` mí calicuíing` Fidiéé` ja` cuiñ` jneaa`aa' cajo. ² Jogui lana, dseáng'- joo`b' Fidiéé` nilí'ñi'; dsu' ja` ne`ee' røø` ee' e nidsijéé` quí- ii' cøøng`gui, lifa' nisitab` dsí'naa' e mí nigüéeng- tu Dsea` Jmáang- fí jmiçüí la, joba' ie~ jo nilí- naa' laco'gui la líng` Fidiéé` 'ñia'r', dsuco' niline`baa' jial dseáng'- líng` dsea` do. ³ Jo doñí` ii` dsea` i nita` dsí' e nilíñi' laco'gui Fidiéé` mí nijáa`tu Dsea` Jmáang-, joba' nijmi'úuiñ` e niér- guíá- laco'gui dsea` do 'ñia'r'.

⁴ Dsu' doñí` ii` dsea` i beáng' dsee- yaang~, joba' jmóor` laco'gui dsea` i 'ling'^ i 'ní' níng` Fidiéé`, dsuco' dseeb- mí 'ní' níng- dsea` Fidiéé`. ⁵ Jo 'núb` niñí^na' guíá- e cajá- Dsea` Jmáang- fí jmiçüí la e caja'íñ` dsee- quí- baa', jo dsea` íb` dsea` i ja` røøng` jii~ coo` dsee-. ⁶ Jogui doñí` ii` i contøøm- seeng` cøøng` cóo~ Dsea` Jmáang-, joba' ja` beáng' dsee- yaaiñ~. Jogui doñí` ii` i beáng' dsee- yaang~, joba' dseáng'- ja` mí cangáaiñ` dsea` do o'gui cuiñ` dsea` do cajo. ⁷ Joba' fñ- guí 'nú', dsea` rú'naa' i 'neáan`n eáang`, ja` cuø' fí yaang`na' e nijmigoøng` dsea` 'nú'; co' song jaang` dsea` éer` guíá- laco' catüing- e jmóo` jaang` dsea` quíá'- Dsea` Jmáang-, joba' dsea` guíum- líñi', co' guíáb- éer` laco'gui 'ñia' dsea` do. ⁸ Jogui song seeng` dsea` i ja` tú' e beáng' dsee- 'ñia'r', joba' dsea` quíá'- fii~ i 'lim'^ líñi', dsuco' í'bing' i beáng' dsee- 'ñia' latí mi~ uiing-. Jo uiing` joba' cajá` Joo' Fidiéé` fí jmiçüí la e laco' ni'íñ` jalé' ta` quíá'- fii~ i 'ling'^ do.

⁹ Jo jii~ jaang` dsea` i líng` joo' Fidiéé` jmóor` ta~ jmirøng`gui dsee- 'ñia', dsuco' i dsea` í seeñ` la'eáang` cóo~ Jmiguí quíá'- Fidiéé`b; joba' jo` catüñ- fa' ni'é- guir dsee-, co' joo' Fidiéé`b nilíñi'. ¹⁰ Co' nine`baa' røø` i` i líng` joo' Fidiéé` jogui i` i líng` joo' fii~ i 'ling'^ cajo, co' doñí` ii` dsea` i ja` ée` guíá- fí quini` Fidiéé` o'gui jmi'neáaiñ` dsea` rúñi', joba' i dsea` í ja` já'- e líñi' joo' Fidiéé`.

'Né- nijmi'neáam`baa' dsea` rú'naa'

¹¹ Jo latí mi~ uim~ nicanúu- 'nú' e 'né- jmi'neáang`naa' dsea` rú'naa'. ¹² Jo ja` güijmeáang` yee`naa' laco' Caín, dsea` cali'íñ~ e caliñ- dsea` quíá'- fii~ i 'ling'^; jo uíi~ e

lajoba' cajngaiñ' jaang` rúin' dsea` ngáang'~ cóo'r~, có' jmang'~ e guiáb~ ca'éé` i` lhi~ rúin' do, jogui` ñia'r' jmang'~ e gab` ca'éer`.

¹³ Jōba' fii-guñ 'nú', dsea` rú'naa' dsea` quiá'- Dsea` Jmáang~, ja` güidsigá` óo'na' e 'ní' níing~ jaléng' dsea` jmigüi` i` ja` cuíng' Dsea` Jmáang~ 'nú'. ¹⁴ Jō nine~baa' e jo` lí'guñ' lafa' 'líing~naa' uí'~ dsee~ quí'ii', có' lanagui` cøøm` nisee~naa' cóo'~ Fidiéé. Jō guiáb~ nine~ee' e jō, có' jmi'neáam` rú'naa' la'ó' jneaa~aa', dsea` lí'ñi' dsea` quiá'- Dsea` Jmáang~. Jōgui` i` dsea` i` ja` jmi'neáang` dsea` rúng', lafa' 'líim~bir` líiñ' uí'~ dsee~ quiá'r~. ¹⁵ Jōgui` doñi' i' dsea` i` jmóo` ta` 'ní' níing~ rúng' líiñ' laco' jaang` dsea` i` jmóo` ta` jngang' rúng'. Jōgui` 'náb' niñi'na' cajo e jii'~ jaang` dsea` i` jmóo` ta` jngang' rúng' cuóøng` liseeiñ` cøøng` cóo'~ Fidiéé` lata~. ¹⁶ Jō nicuñ'baa' jial` lí' e jmi'neáang` dsea` rúin' do, có' lajōb` cajmée` Dsea` Jmáang~ e 'neáaiñ` jneaa~baa' mi~ cajáng' 'ñia'r' e cajúin~ fí' dse' crúu` uí'~ dsee~ quí'ii'. Jō lajōb` 'né` jmóo` jneaa~aa' cajo e nijáang'~ yee~naa' e nijmicóo'~ rú'naa', jō lajōba' cuø' lí' e jmi'neáam` rú'naa'. ¹⁷ Facó' jaang` dsea` i` seab` jalé' e 'né~, jogui` ñi'bre cajo e seem` dsea` dseáng'~ laniing~ 'né~ e licóo'r~, jō dsu' jii'~ cóo' ja` e jmicóo'r~ i` dsea` í, jōba' ja` 'neáang` i` dsea` do Fidiéé, có' ja` jmicóo'r~ i` dsea` rúin' do.

¹⁸ Jōba' fii-guñ 'nú', dsea` rú'naa' i` lafa' jōo'o, ja` cá'na' júu` ta` júu` e fó'na' e jmi'neáang`na' dsea` rúng`na'; có' la tí' la líb' júu` 'né~ cá'na', jō lajōba' nilili~ e dseáng'~ jmi'neáam` rúng`na'.

Jial ta` dsí' e se~naa' cóo'~ Fidiéé

¹⁹ Jō song` jmi'neáam` rú'naa', jōba' dseáng'~ nitab~ dsí'naa' e lí'ñi' dsea` quiá'- Fidiéé, jō lajōba' nine~naa' røø` e jo` i' lí'naa' mi~ nití' fí' quini~ dsea` do, có' jmi'neáam` rú'naa'. ²⁰ Jō song` i' líim~baa' fí' quini~ Fidiéé` uí'~ e jmoo~naa' jalé' e ja` catíng~ do, jōba' güiguiéng' dsí'naa' e dseáng'~ dsea` féng' líiñ' jogui` niñir` lajalé'. ²¹ Jōba' fii-guñ 'nú' dsea` rú'naa' i` 'neáan` eáang', song` ta` dsí'naa' e ja` i' líng~naa' fí' quini~ Fidiéé, jōba' nitab~ dsí'naa' e ja` 'né~ jmóo'oo' 'gó'naa' fí' quinir~ mi~ féeng'~naa'r` jóng. ²² Jōba' mi~ mñi'naa' Fidiéé` lí' doñi' ee, núu'bre júu` quí'ii' jō lajōba' ngñim~baa', có' núu'baa' júu` quiá'r~ e 'né~ liti~ do, jogui` jmoo~baa' jalé' e iáang` dsíir` cajo. ²³ Jō e lab e júu` quiá'- Fidiéé` e 'né~ liti~ do, e nijáang'~ yee~naa' fí' jaguó' Fí'naa' Dsea` Jmáang~, jogui` e nijmi'neáang`na' dsea` rú'naa' laco' ta` quiñ' Fidiéé. ²⁴ Jō doñi' i' dsea` i` núu' jalé' júu` e 'né~ liti~ quiá'- Fidiéé, jōba' cøøm` seeiñ` cóo'~ Fidiéé, jogui` dsea` do seem`bre cøøng` cóo'iñ'~ do cajo. Jō ne~baa' e seem` Fidiéé` cóo'~ jneaa~aa' la'eáang' cóo'~ Jmiguí` quiá'r~ e nicangíng`naa' do.

4

Jial lí' Jmiguí` quiá'- Fidiéé` jogui` jial lí' bí' quiá'- dsea` i` líng'

¹ Jōba' fii-guñ 'nú', dsea` rú'naa' i` 'neáan` eáang', ja` já' güilíng`na' quiá'- jaléng' dsea` i` fé' e la'eáang' cóo'~ Jmiguí` quiá'- Fidiéé`ba' guiar' e júu` quiá'r~ do, có' la'uii~ jang'~ cá'na' cuante su e júu` e guia' i` dsea` do guiar' la'eáang' cóo'~ Jmiguí` quiá'- Fidiéé` osi la'eáang' cóo'~ bí' quiá'- i` dsea` i` líng'` dob` é. Có' fíim` dsea` niseeiñ` lana e jmigóor` e fé'r' cuaiñ~ quiá'- Fidiéé, dsu' o' já'~ e lajō. ² Jō niliñib` 'nú' i' i` guia' júu` la'eáang' cóo'~ Jmiguí` quiá'- Fidiéé: có' doñi' i' i` jing'~ e já'~ba' cagüéng~ Dsea` Jmáang~ fí' jmigüi' e líiñ' jaang` dsea` la jneaa~aa', dsea` lí'ñi' dsea` jmigüi', jōba' dsea` íb` i` guia' júu` la'eáang' cóo'~ Jmiguí` quiá'- Fidiéé. ³ Jō doñi' i' i` fé' e ja` já'~ e Jesús cagüeiñ~ lajō, jōba' i` dsea` í ja` fé'r' la'eáang' cóo'~ Jmiguí` quiá'- Fidiéé, dsuco' fé'r' la'eáang' cóo'~ jmiguí` quiá'- i` líng'` i` 'ní' ní' quiá'- Dsea` Jmáang~. Có' ninúub~ 'nú' lamí~ jéeng`gui e dseáng'~ nisi'í' quijgeáam` bí' quiá'- i` dsea` i` líng'` do jee~ dsea` jmigüi', jō latí' lana, lab` niqijgeáaiñ` fí' jmigüi' la.

⁴ Dsea` rú'naa' i` lafa' jōo'o, 'nú' seeng`na' la'eáang' cóo'~ Jmiguí` quiá'- Fidiéé, jōba' ja` mí' calí' i` dsea` i` ngí' ta~ jmigóo' do fa' nicajmígøøiñ` 'nú'; dsuco' 'gøng'gui Jmiguí` quiá'- Fidiéé` e seeng`jee` 'nú' laco'gui bí' quiá'- i` dsea` i` líng'` i` quijgeáang`jee` dsea` i` ja` cuíng' Fidiéé. ⁵ Jō jaléng' i` dsea` i` ngí' ta~ jmigóo' do líiñ' dsea` i` ja` cuíng' Fidiéé, jogui` fé'r' quiá'-

lajíi~ e ia' e ligøøng` dsea` e sea` fí` jmi`güi` la, joba' jaléng`gui dsea` i ja` cuíng` Fidié` tib` dsír' núur` e júu` jo. ⁶ Dsü' jneaa` guíi', dsea` quiá'- Fidiéeb` líi'i', joba' doñí` ií` dsea` i cuíng` Fidié` tib` dsír' núur` júu` qui`-ii'. Jogui` i dsea` i ja` cuíng` Fidié` ja` jíi'r` júu` qui`-ii'. Jo job` lí` line`naa' i` i dsea` i fé` la'eáang` cóo`~ Jmiguí` quiá'- Fidié` jogui` i` i fé` la'eáang` cóo`~ bí` quiá'- i dsea` i` líng`^ do.

Jaang` i` 'néeb` líng` Fidié`

⁷ Jo fíi`-guíi` 'nú', dsea` rú`naa' i` 'neáan`n eáang`, e dseáng`- 'né` e nijmi`neáang`naa' dsea` rú`naa', dsuco' lajob` cangíng`naa' cacuø' Fidié` jneaa`aa'. Jo jalém` dsea` i` jmi`neáang` rúng`, dseáng`- já`-ba' nicuíim`bre Fidié`, joba' jóo' dsea` dob` nilíiñ. ⁸ Co' doñí` ií` i ja` jmi`neáang` rúng`, joba' ja` mí` calicuíiñ` Fidié`, co' jíi` dsea` íb` dsea` líiñ` jaang` i` 'néé. ⁹ Jogui` laco' nililí`naa' jial` tíi` 'neáaiñ` jneaa`aa', joba' Fidié` casíiñ` i` jóo' camíng` do fí` jmi`güi` la e laco' la'eáang` ír', cøøm` nilisee`naa' cóo`~ Fidié` lata`. ¹⁰ Jo lajob` line`naa' jial` tíi` 'neáang` Fidié` jneaa`aa'; dsü' jneaa`aa' ja` cajmi`neáang`naa' dsea` do la`uii~, co' íbre dsea` cajmi`neáaiñ` jneaa`aa' la`uii~, jo uíng` lajoba' casíiñ` i` jóo' i` cajúng` fí` dse' crúu` do e laco' ca'íng` dsee` qui`-ii'.

¹¹ Joba' fõn` túu` 'nú', dsea` rú`naa' i` 'neáan`n eáang`, e laco' nicajmi`neáang` Fidié` jneaa`aa', lajob` cajo` jneaa`aa' 'né`-nijmi`neáang`naa' dsea` rú`naa'. ¹² Dsü' e já`, jíi` jaang` dsea` ja` quíi'r` jmi` níiñ` Fidié` dseáng`- lana, jo dsü' song` jmi`neáang`naa' rú`naa', joba' seem` Fidié` cóo`~ jneaa`aa' contøøng`, jogui` dsea` do jmi`neáam`bre jneaa`aa' laco' síi'. ¹³ Jo ne`baa' røø` e cøøm` see`naa' cóo`~ Fidié` jogui` dsea` do cøøm` seeiñ` cóo`~ jneaa`aa' contøøng` la'eáang` cóo`~ Jmiguí` quiá'r` e nicangíng`naa'. ¹⁴ Jo co' jnea`^ dseáng`- nicane`baa', joba' cuøøng` fe`ee' e já`- e Tiquí`ii' Fidié` casíiñ` jóo' Dsea` Jmáang` fí` jmi`güi` la e laco' nileáiñ` dsea` jmi`güi` jee` dsee` quiáiñ`-. ¹⁵ Jogui` doñí` ií` i jáb`- líng` jogui` fé'r` e já`-ba' e Jesús líiñ` i` jóo' Fidié` camíng` i` cagüéng` fí` jmi`güi` la, joba' i` dsea` í` cøøm` seeiñ` cóo`~ Fidié`, jogui` Fidié` cøøm` seeiñ` cóo`~ dsea` do cajo.

¹⁶ Jo co' lajob` líi', joba' dseáng`- nicaline`baa' jogui` jáb`- líi'i' cajo, e eám` jmi`neáang` Fidié` jneaa`aa'. Jogui` co' jáb`- e dsea` do líiñ` jaang` i` 'néé` qui`-ii', joba' doñí` ií` dsea` i` seeng` i` jmi`neáang` rúng`, seem`bre cøøng` cóo`~ Fidié` jogui` Fidié` seem`bre cøøng` cóo`~ dsea` do cajo. ¹⁷ Jo co' nisítab` dsí`naa' e jmi`neáam` Fidié` jneaa`aa' laco' síi', joba' jo` 'né`-jmó`naa' 'gó`naa' mí` nití` í` e niquidsí` Fidié` í` quiá'- jalé` dsee` quiá'- dsea`, co' laco'gui` líng` Dsea` Jmáang` 'ñia'r', lajob` líi' jneaa`aa' fí` jmi`güi` la cajo. ¹⁸ Jo song` see`baa' e Fidié` jmi`neáaiñ` jneaa`aa', joba' ja` 'gó`naa' fí` quini` dsea` do mí` niquidsír' í` qui`-ii'. Jo co' dseáng`- laco' síi`b` jmi`neáang` dsea` do jneaa`aa', joba' jgiéem` e 'gó`naa' do. Jo song` ií` jneaa`aa' jáa` qui`-ii' e 'gó`naa', dsü' e jo` líi' uii` quiá'- jalé` dsee` e 'né`-quí`baa'. Joba' song` eáang` líi`naa' e 'gó`naa', joba' ja` mí` calita` dsí`naa' e 'neáam` Fidié` jneaa`aa' dseáng`- laco' síi'.

¹⁹ Jo co' Fidiéeb` dsea` la`uii~ cajmi`neáaiñ` jneaa`aa', joba' jmi`neáam`baa' dsea` rú`naa' jogui` jmi`neáam`baa' Fidié` cajo. ²⁰ Jo song` seeng` dsea` i` jíng`- e já`-ba' 'neáaiñ` Fidié`, jo dsü' lajee` jo` ta` 'ní` níng`- jaléng` dsea` rúm` jmóor`, joba' i` dsea` í` líiñ` jaang` i` adseaam`. Co' song` jaang` dsea` ja` jmi`neáaiñ` dsea` rúíñ` i` níiñ`- contøøng`, joba' ja` quíi'r` jmi` nijmi`neáaiñ` Fidié`, co' dsea` dogui` ja` mí` cangáaiñ` jíi` coo` néé`. ²¹ Jo 'ñiab` Dsea` Jmáang` cajíñ`- e júu` quiá'- Fidié` e 'né`-liti` na: "Doñí` ií` dsea` i` jmi`neáang` Fidié`, lajob` 'né`-jmi`neáaiñ` dsea` rúíñ` cajo."

5

Jial` lí`naa' e ja` ligøøng`naa' cóo`~ jalé` e` lí` e sea` fí` jmi`güi`

¹ Jo doñí` ií` 'nú' e dseáng`- jáb`- líng`na' e Jesús líiñ` Dsea` Jmáang` i` casíng` Fidié` fí` jmi`güi` la, joba' i` dsea` í` jóo' Fidiéeb` líiñ`; cofa' jneaa`aa' jmi`neáam`baa' jaléng` tiquí`ii', joba' la` quie` tí` jaléng` rúm`baa' jmi`neáang`naa' jóng. ² Jo nitab` dsí`naa' e

dseáng' jmi'neáam'baa' jaléng' dsea` i líng' jóo' Fidiéé' mi' jmi'neáam'bái' Fidiéé' 'ñia'r' jogui núu' bái' dseáng' laco' catíng- jalé' júu' 'né' liti' quiá'r'. ³ Jo song jmi'neáam'baa' Fidiéé', joba' núu' baa' e júu' quiá'r- do; jo o' júu' i' e jo fa' ja' quí' jmi' nijmití'ii'. ⁴ Jo jaléng' dsea` i líng' jóo' Fidiéé', lí'bre e ja' ligøøiñ' cóo' jalé' e 'lí' e sea` fí' jmigüü'. Jogui la'eáang' e jáb'- lí'naa' e Jesús líiñ' Dsea` Jmáang-, joba' calí'-baa' e ja' caligøng'naa' cóo' jalé' e 'lí' e sea` fí' jmigüü'. ⁵ Jo jí' i dsea` i já'- líng' e Jesús líiñ' jóo' Fidiéé', jí' í'bing' lí' e ja' ligøøng' cóo' jalé' e 'lí' e sea` fí' jmigüü'.

Júu' e cacuø' Fidiéé' quiá'- Jóor' Dsea' Jmáang-

⁶ Jo i Jesús i líng' Fii'naa' Dsea` Jmáang-, dsea` íb' i cagüéng- fí' jmigüü' la jo cajgáaiñ- jmi' jogui catüü' jmi'øøiñ- mi' cajúíñ- e laco' cuø' lí' quiá'- jalé' ta' quiá'r- e cajajméer' fí' jmigüü' la. Dsu' o' jí' e cajgáaiñ- jmi' do, có' 'né' laji' túb- colíng-, e cajgáaiñ- jmi' do cóo' gui jmi'øøiñ- e catüü' mi' cajúíñ-. Jo e Jmiguí' quiá'- Fidiéé' do tí' ni' jogui cuø' júu' quiá'- jalé' e jo, jogui jmang'- júu' jáb'- cuø' e Jmiguí' quiá'- Fidiéé' do. ⁷ Jo lí' laco' 'ní' íng' e tí' ni' do jogui cuø' júu' quiá'- e jo: ⁸ jo ca'íng' do Jmiguí' quiá'- Fidiéé', jo ca'íng' gui e cajgáang- Dsea` Jmáang- jmi', jogui e ca'íng' gui do e jmi'øøng- e catüü' quiá'- Dsea` Jmáang- mi' cajúíñ-, jo røøb' júu' quiá'- laca'íng' do. ⁹ Jogui jáb'- lí'naa' lají' júu' e cuø' dsea` jmigüü' quiá'- lají' e cangár-, dsu' e júu' e cuø' gui Fidiéé' eáang' gui 'né' já'- nilí'naa', có' laniing- gui lí', dsuco' Fidiéé' cuø' júu' uii' quiá'- Jóor' Dsea` Jmáam-. ¹⁰ Jo ii' i já'- líng' e júu' e cacuø' Fidiéé' quiá'- Jóor', joba' dseáng'- ím'bre e júu' jo car' ngocáang' dsíir'. Jogui ii' i ja' já'- líng' lají' e júu' e cacuø' Fidiéé' do, joba' lí' lafa' fé'r' e Fidiéé' líiñ' jaang' i adsee', có' ja' já'- líiñ' lají' júu' e cacuø' dsea` do uii' quiá'- Jóor' Dsea` Jmáang-. ¹¹ Jo e lab júu' e cacuø' Fidiéé' jneaa'aa' e cuøøng' see'naa' cøøng' cóo'r' lata~, jo e jo cacuø'r' jneaa'aa' la'eáang' cóo' Jóor' Dsea` Jmáang-. ¹² Jo doñí' ii' i seeng' cøøng' cóo' i jóo' Fidiéé' do, joba' seem'bre cøøng' cóo' Fidiéé' lata~; jogui ii' i ja' seeng' cøøng' cóo' i jóo' Fidiéé' do, joba' ja' seeiñ' cøøng' cóo' dsea` do lata~ cajo.

Júu' lí' cadséng- e lá' Juan

¹³ Joba' jmo'o' jalé' júu' e toø' fí' ni' jì' la e catíng- jaléng' 'nú' e laco' niliñí'na' e seeng'na' cøøng' cóo' Fidiéé' lata~, 'nú' dsea' jáb'- líng'na' e Jesús dseáng'- já'- líiñ' jóo' Fidiéé'.

¹⁴ Jogui nitab~ dsí'naa' mi' líng~ ee' má'naa' Fidiéé' e cøøng' cóo' lají' e iñ' 'ñia'r', joba' núu'bre júu' qui'ii'. ¹⁵ Jo mi' dseáng'- nine'baa' røø' e jáb'- núu' Fidiéé' jalé' júu' qui'ii', lajoba' nita~ dsí'naa' e dseáng'- nicangám'baa' lají' e nicamá'naa're do.

¹⁶ Jo song jaang' dsea` nír' e jaang'gui dsea` rúíñ' éer' dsee-, jo song e dsee- jo ja' jmóo' e 'naang' dsea` cóo' Fidiéé' lata~, joba' 'né' nimí'r' Fidiéé' uii' quiá'- i dsea` í' e laco' nitáiñ' do e jo, jo lajoba' Fidiéé' nicuø'- e niliseem'biñ' do cøøng' cóo'r' song e dsee- e sea` quiá'- dsea` do ja' lí' quiá'- cóo' dsee- e jmóo' e 'naang' dsea` cóo' Fidiéé' lata~. Dsu' e já'-, seab' dsee- cajo e jmóo' e 'naang' dsea` cóo' Fidiéé' lata~, jo ja' fá'a e 'né' má'naa' Fidiéé' uii' quiá'- e dsee- jo. ¹⁷ Dsu' jaléb' e ga' e jmóo' dsea', dseeb- lí' fí' quini' Fidiéé'; dsu' seab' e dsee- do e ja' jmóo' e 'naang' dsea` cóo' Fidiéé' lata~.

¹⁸ Jo nine'baa' røø' e jaléng' dsea` i fé' e já'-ba' Fidiéeb' dseáng'- líng' Tiquiá'r', joba' jo' beáng'gui dsee- yaaiñ~, dsuco' 'ñia' i jóo' Fidiéé' dob nijmóo' í' ír', jo lajoba' jo' dsiquiéeng' fii' i 'líng' cáaiñ' e nijmeáng'neiñ' ga'. ¹⁹ Jogui nine'baa' røø' e jóo' Fidiéeb' lí'í', jogui lajíng' dsea` i ja' jí' Fidiéé', fii' i 'lí'm'bing' quie' nifí' quiá'r-. ²⁰ Jogui nine'bái' cajo e nicagüém- i 'ñia' jóo' Fidiéé' do fí' jmigüü' la e laco' cacuø'r' jneaa'aa' e nilicuíng'naa' dseáng'- i Fidiéé' i já'- do. Jo lana cøøm' nisee'naa' cóo' i Fidiéé' i já'- do jogui cóo' i jóo' Dsea` Jmáang- do cajo. Jo í'bing' líng' dseáng'- i Fidiéé' i já'- do, jo la'eáang' cóo' íb' cajo ngíng'naa' e see'naa' cøøng' cóo' Fidiéé' lata~. ²¹ Joba' liúung'guí' 'nú', dsea' rú'naa' i lafa' jóo'o, jmee- í' yaang'na', jo ja' güiligøøng'na' e nijmiféng'na' diéé' i o' já'-.

Jo lajob nilí'.

Jō lanab jíi'~ fé' jì la'uii~ quiá'~ Juan.

Ji e catî tú e cajme' JUAN

Jial 'neáang' dsea` rúñ' la'eáang' e já' lúñ' júu` quiá' Dsea` Jmáang`

¹ Jnea` sii` Juan, jo lín`n jaang` dsea` féng' i` quie` nifí` jee` dsea` quiá' Dsea` Jmáang`, jo jmo`o e ji` la e catíng` 'nú', dsea` i` nicaguíng` Fidié` e ca'uíng`-na' dsea` quiá' Dsea` Jmáang`. Jo dseáng`- lajam`-ba' e 'neáang` jnea` 'nú', jo o' jíi` jnea` cajo, co' lajob jaléng`gui dsea` i` nica'íng` júu` quiá' i` Fidié` i` já' do. ² Jo dseáng`- 'neáam`baa` 'nú', co' seem` fí` dsí`naa' e júu` quiá' i` Fidié` i` já' do, jo dseáng`- contøø` nilisea` e júu` jo fí` dsí`naa'. ³ Jo mii` i` Tiquí`ii' Fidié` colíng`gui cóo` Joo` Dsea` Jmáang` e nijmigüeiñ` 'nú' jogui e nilí` fii` lúñ` 'nú' jogui e nicuø`r` 'nú' juguiú` júu` røø`. Jo jaléb` e na nicuø`r` 'nú', dsea` jáb`- líng`na' júu` quiá' i` Fidié` i` já' do jogui jmi`neáam`bi` rúng`na' cajo.

⁴ Jo eáam` cali`iáang` dsii` mii` calicuíng` rú`naa' cóo` cóo` tú` máng` dsea` quiá' Dsea` Jmáang` i` neáang` fí` na e seem`bir` cøøng` cóo` júu` quiá' i` Fidié` i` já' do, co' lajob júu` e 'né` liti` e nica'íng`-naa' quiá' dsea` do. ⁵ Jo lana` fii`-guí` 'nú', dsea` rú`uu', e 'né` nijmi`neáam`ba' dsea` rú`naa'. Jo lajaléb` e júu` e jmo`o na quí`-na' ja` lí` cóo` júu` e 'né` liti` e 'mii`, co' e job` cajo e ca'íng`-naa' latí` mii` uíng` do. ⁶ Jo song` see`-naa' e jmi`neáam`baa' Fidié` cóo`-gui jaléng` dsea` rú`naa', lajoba' náa`-naa' jalé` júu` e 'né` liti` quiá' Fidié`. Jo e lab` e júu` e 'né` liti` e canú`naa' latí` mii` uíng` do e quiá' nilisee`-naa' e jmi`neáam`baa' Fidié` cóo`-gui jaléng` dsea` rú`naa'.

Jial líng` dsea` i` ngí` ta` jmigóo`

⁷ Jo fii` i` 'nú' cajo e fii`m` dsea` ngir` ta` fé` e o' já' e cagüéng` Fii`naa' Dsea` Jmáang` fí` jmigüi` la e lúñ` jaang` dsea` jmigüi`. Jo jaléng` i` dsea` íb` ngí` ta` jmigóo` jogui` ní` níim`-bre Dsea` Jmáang` cajo. ⁸ Jo ñiing` áa`na' jo ja` güiligøøng`na' quiá' i` jmigóo` do, co' song` lajo, joba' ja` uíng` nilisea` lajii` ta` quí`-na'. Jo ñiing` áa`na' cajo` jie` mii` tú`na' lajii` guíe` quí`-na' e nisi`í` Fidié` e nicuø`r` 'nú', dsea` líng`na' dsea` quiá'r`. ⁹ Jo doñi` ii` dsea` i` ja` náa` o`gui seeñ` cøøng` cóo` jalé` júu` e e' Dsea` Jmáang`, joba' i` dsea` í` ja` seeñ` cøøng` cóo` Fidié`; jo dsu` i` dsea`gui` i` seeng` cøøng` cóo` e júu` e e' Dsea` Jmáang` do, joba' seem`bre` cøøng` cóo` Tiquí`ii' Fidié` colíng`gui cóo` i` Joo` dsea` do. ¹⁰ Jo song` ii` dsea` jalíng` i` iing` ní`é` 'nú' júu` e ja` cóøng` cóo` e júu` quiá' Dsea` Jmáang` do, joba' ja` ní`íng`-na're` fí` sinúu` quí`-na' o`gui fong`na're, ¹¹ dsuco' song` ca'íng`-na're, joba' lí` lafa' røøb` cóøng`na' cóo`r` jogui cóo` jalé` e jmóor` do.

Júu` lí` cadséng` quiá' Juan

¹² Jo jmigui`bi` sea` jalé` e 'né` nifí`i` 'nú' lí` ja` 'goo` tí` dsii` e nijmee`-e jalé` e jo fí` ní` ji` la; co' eáang`gui` iin`n e nii`baa` ní`ee` e 'nú' fí` na e laco' cuøøng` sii`naa' dseáng`- quini`naa' lana, jo lajoba' nili`iáang` dsí`naa' dseáng`- laco' sí`í`.

¹³ Jo jaléng` dsea` i` nicaguíng` Fidié` i` líng` dsea` quiá' Dsea` Jmáang` i` neáang` fí` la guíeiñ` júu` guicóo` quí`-na', dsea` neáang`na' fí` na.

Jo lanab` jíi` fé` ji` e catî` tú` quiá' Juan.

Ji' e catí 'ní e cajme' JUAN

Júu^ e catíng- jaang` dseañu' i sii' Gayo

¹ Jnea~ sii' Juan, jo lín'n jaang` dseañu' i quié' nifi' jee~ dseañu' quiá'- Dseañu' Jmáang-, jo jmo' o e ji' la e catíng- 'nu', Gayo, jaang` dseañu' rún'n i 'neáan`n eáang'.

² 'Nu' Gayo lín' jaang` dseañu' rún'n i 'neáan`n eáang', jo mí' i Fidié' e guiá'-bi nidsijé' quiá'- lí' lajii' fí' nisin' cóo' Dseañu' Jmáang-, jogui e guiú'-ba' contøng- cajo. ³ Jo eáam' lí' iáang` dsii- mi~ güilíng`tu i líng` dseañu' rún'naa' dseañu' quiá'- Dseañu' Jmáang- fí' la e jma'r' jnea~ júu^ e sim'ba' fí' guiá'- cóo' Dseañu' Jmáang- jogui e seem'ba' cøng` cóo' e júu^ quiá'- i Fidié' i já'- do. ⁴ Jo ja` sea` quié' e e iáang`gui dsii- laco'gui e iáang` dsii- mi~ lí'ii- e dseañu' quiá'- Dseañu' Jmáang- i líng` lafa' jóo' seem`bre cøng` cóo' e júu^ quiá'- i Fidié' i já'- do.

⁵ Jo fí' guí' 'nu', rú'u i 'neáan`n eáang', iáam` dsii- e guiá'- ee' e jmicóo' jaléng' dseañu' rún'naa' dseañu' quiá'- Dseañu' Jmáang-, jo ja` e lí' e i dseañu' i cajmicóo' do ja` mí' cuín're jéeng`gui. ⁶ Jo mi~ cagüilíng` i dseañu' do fí' jee~ jaléng' dseañu' quiá'- Dseañu' Jmáang- fí' la, nicasíiñ- jial tí' 'neáang` 'nu' dseañu' do mi~ cajmicóo're. Jöba' fí' 'nu', jgié' o' e jmicóo' bire cóo' jalé' e 'né- quiá'r- e laco' cuøng` níngi' guir ta~ guí' júu^ quiá'- Dseañu' Jmáang-, co' lajób iáang` dsii' Fidié'. ⁷ Jo jaléng' i dseañu' í, huím- nicangir' e jmóor' ta~ guí' júu^ quiá'- Dseañu' Jmáang-, jo ja` mí' camir' fa' e dseañu' i ja` cuíng` Dseañu' Jmáang- nijmicóo' quiá'r-. ⁸ Jöba' jnea~aa', dseañu' lí'ii' dseañu' quiá'- Dseañu' Jmáang-, 'né- nijmicóo' baa' i dseañu' i guí' júu^ quiá'- Dseañu' Jmáang- do e laco' conrøø` níni' guí' júu^ quiá'- Fidié' i já'- do.

Jalé' e ga' e cajmé' Diótrfes

⁹ Jnea~ nicajmé' e cóo' ji' e catíng- dseañu' quiá'- Dseañu' Jmáang- i seeng` fí' na, dsu' i dseañu' i sii' Diótrfes do jnám`bre quié' e jo ja` íñ' jalé' e júu^ quié' e do, co' 'ñia'bre iñ- cár` nifi' quiá'- jaléng' dseañu' quiá'- Dseañu' Jmáang- i neáang` fí' na. ¹⁰ Jöba' mi~ niguiéng' jnea~ fí' na, ní' baa' i Diótrfes do fí' quini'na' jialí' jmóor' lajo, co' níng' ta~ quié' júu^ ga' jogui júu^ adsee' e éeiñ' jnea'^. Jo o' jii' e jo e jmóor' cajo, co' ja` íñ' jaléng' dseañu' quiá'- Dseañu' Jmáang- i dsilíng- dsii' ee' ír' fí' quiá'r-, jogui jnám`bir quiá'- jaléng' dseañu' i iing` jmé- lajo, jogui øm`bre congua' fí' jee~ dseañu' quiá'- Dseañu' Jmáang- jaléng' i dseañu' i jmóo' lajo.

¹¹ Dseañu' rún'n i 'neáan`n eáang', ja` jmoo' laco' jmóo' i dseañu' ga' do, dsu' jmee- laco' jmóo' jaang` dseañu' guiúng-. Co' jaléng' dseañu' i jmóo' lajii' e guiá'-, jöba' dseañu' quiá'- Fidiéeb' lí'ii'; dsu' jaléng'gui dseañu' i jmóo' e ga', jöba' dseañu' í ja` mí' calicuíñ' Fidié'.

¹² Jo lajím` dseañu' fé'r' guiá'- uii~ quiá'- i dseañu' i sii' Demetrio do, jo la quié'gui jalé' e jmóor' do fé' guiá'- uii~ quiá'r-. Jogui lajii'b' jnea'^ fé'naa' guiá'- uii~ quiá'- i dseañu' í cajo, jogui 'nu' ní'ba' e jmang'- júu^ jáb'- fé'naa' contøng-.

Júu^ lí' cadséng- quiá'- Juan

¹³ Jo jmiguiáb' jalé' e sea' e 'né- ní'ii' 'nu', dsu' ja' ga' lí' tí' dsii- e jalé' e jo nítoq`o fí' ní' ji, ¹⁴ dsuco' lajmináb- ní'ii'n máan`n 'nu', jo joguiba' ní'ii'naa' jalé' júu^ quiá'-ii' dseáng'- quini'naa' lana.

¹⁵ Jo güiliseem'ba' juguiá'- júu^ røø'. Jo guicóo'ba' jing'- jaléng' dseañu' quiá'- Dseañu' Jmáang- i cuíng'na' fí' la. Jogui guicóob' lajaléng' dseañu' rún'uu' i cuíng'naa' fí' na e fá' jnea~.

Jo lanab jii' fé' ji' e catí 'ní' quiá'- Juan.

Ji` e cajme' JUDAS

Júu` guicóo` e catúng` dsea` quiá`- Dsea` Jmáang`

¹ Jo jnea` sií Judas, jogui lín`n jaang` dsea` ngáang` cóo` Tiáa~, jogui lajii` e iing` Fíi`naa' Dsea` Jmáang` jmóo`o. Jo jmo`o e ji` la e catúng` jaléng` 'nú', dsea` i nicató`- Tiquí`ii' Fidié` e laco' ni`uíng`-na' dsea` quiá`r-, jo Fidié`bing' i 'neáang` 'nú' jogui Fíi`naa' Dsea` Jmáang`-bing' i jmóo` 'nú' í cajo. ² Jo fii`-i 'nú' lana e ni`íing`-na' laling` e fii` líng` Fidié` 'nú' jogui e nicuó`r- 'nú' e seeng`na' juguiá` júu` røø` jogui e jmi`neáiñ` 'nú' cajo.

E` uiing` e calí` e ji` la (2 Pedro 2:1-7)

³ Dsea` rú`naa' dsea` quiá`- Dsea` Jmáang`, eáang` nicali`iin`n e nijméé` e ji` e catúng`-na' lí` fé` cuaiñ` quiá`- e júu` quiá`- jial nicaláang`-naa' jee` jalé` dsee` quí`ii'; jo dsu' lanagui nicalilí`-i e dseáng`- la guím` 'né` nijméé` e ji` quií`-na' lí` fii`-i 'nú' e dseáng`- nijmi`úung`na' e cuó` óo`na' e jmi`ø`na' e júu` quiá`- Dsea` Jmáang` e nicacuø` Fidié` jaléng` dsea` quiá`r- latí` mi` uiing`. ⁴ Co' i líng` dsea` i jmigóo` nicaquiñ` jee` 'nú' lí` laco' la fé` fí` ni` ji` quiá`- Fidié` latí` mi` uiing` lí` fé` e nisi`íing` jaléng` i dsea` la'í` e nidsilíñ` fí` lí` 'lí'; jo jaléng` i dsea` í` eáam` éer` ga', co' jmi`óo`r` jial tí` guíung` Fidié` e laco' jmóor` lí` doñí` ee` 'lí` lí` dsíir`, jogui cajo ja` jmi`gór` Fíi`naa' Dsea` Jmáang`, jo jii` dsea` íb` i quie` nifí` quí` jneaa`aa'.

⁵ Jo niñí`b` 'nú' jial calí` malíi~, jo dsu' lana iin`n nijmiguién`n óo`na' calé` catú` e doñí` fa' caleám` Fíi`naa' Fidié` jaléng` dsea` Israel e fí` Egipto do, jo dsu' mi` cangí` jo, jaléng` i dsea` í` i ja` calinúu` júu` quiá`r` ie` jo dseáng`- ca'íim` breiñ` do conguaí`. ⁶ Jo lajob calí` cajo cóo` jaléng` ángeles i ja` caguá` fa' cajméer` ta` quiá`r- laco' si'í` lí` lajii` lí` catíiñ`, jo dsu' fí` lí` nuu` sób` caseáang` Fidié` jaléng` í, jogui fí` job nijér` e 'ñúuiñ` cóo` ñí` cadena cartí` mi` nití` í` e nitidsí` í` quiá`r- cuaiñ` quiá`- lajii` e dsee` e ca'éer` do. ⁷ Jogui lí` laco' ja` calinúu` i ángeles na, lajob cajo cajméé` jaléng` dsea` seeng` fí` Sodoma cóo` gui fí` Gomorra cóo` gui fí` jalé` fii` e néé` lacúng` lajiiing`; jo jaléng` i dsea` í` cajméer` jalé` e 'lí` cóo` dseañu` jogui cóo` dseam` i o' quiá`r-, jogui cajméé` bre cajo jalé` e 'lí` e jié`gui e lí` dsíi` ngúu` táaiñ` fí` jmigüi` la. Jo uíi` e lajob cajméé` jaléng` i dsea` í, joba' cacár` iihuí` e cacáaiñ` fí` ni` ji` e ja` tóo` jmii` yu'. Jo e jo cajméé` Fidié` e laco' nililí` jaléng` dsea` i jalíng` cøøng`gui quiá`- jial laniing` 'né` nijmi`gó` dsea` Fidié`.

⁸ Jo lí` la lí` jalé` e 'lí` e cajméé` jaléng` i dsea` na, lajob lí` cajo jalé` e jmóo` jaléng` i dsea` i jmóo` ta` jmigóo` do, co' lí` tí` dsíir` fé`r` jalé` e nir` lafa' mi` quir`, jo dsu' o' já`- jalé` e fé`r` do; jogui jmi`líng` yaaiñ` cóo` jalé` e tí` dsíir` jmóor` fí` ngúu` táaiñ`, jogui gab` fé`r` quiá`- jaléng` i güeang` quiá`- Fidié` i seeng` fí` ñifí`. ⁹ Jogui i fii` féng` quiá`- jaléng` ángeles quiá`- Fidié` i sií` Yé` do, doñí` fa' eáang` 'gøiñ` jogui sea` bí` quiá`r-, jo dsu' ja` cajméer` fa' cabíiñ` i fii` i líng` do cóo` júu` 'lí` mi` catíñ` ngúu` táang` Moi~, co' jii` júu` laba' casí`-reiñ` do: “Fíi` Fidié` dsea` ni`gaiñ` quií`-!” ¹⁰ Jo jaléng` i dsea` i jmóo` ta` jmigóo` do lí` jmine`r` lajii` e ja` ñi`bre; jo dsu' jalé` e ñir` lí` fé`r` jial líiñ` yaam`bre lí` laco' líng` jaléng` jó', co' jaléng` í` ja` í` dsíi`re!; jo dsu' cóo` jalé` e fé` jaléng` i dsea` do, cóo` e job nidsijéeng` yaaiñ` fí` lí` 'lí` car` ngongíi` jmii`.

¹¹ Jo e ngí` fii` jaléng` i dsea` i jmigóo` do, co' nicasíng` yaaiñ` fí` ga` lí` laco' cajméé` jaang` dseañu` i calisí` Caín ie` malí` do, jogui laco' cajméé` jaang` i calisí` Balaam i cajméé` lí` doñí` ee` e ja` dseeng` e lí` laco' calí`r- cuu`. Jo jaléng` i dsea` i jmigóo` do nidsingíiñ` lí` laco' cangongíng` jaang` dsea` i calisí` Coré ie` malí` do, co' i dsea` í` ja` cajméer` nuu`r` júu` quiá`- Fidié`. ¹² Jogui jaléng` i dsea` i jmigóo` do jmi`lí`bre fí` lí` jmoo` 'nú' jmii` lí`

seáng' rúng' na' e có' na' í' na' colíng. Co' lí' tí' dsíir' e teáaiñ' ta' jmi' láang' dsí' e í' gø'r', jogui ja' ee' jmi' gø'r' jíi' capí' lajee' e jmoo' 'nú' e jmí' do. Jogui i' dsea' i' jmi' góo' do líiñ' lafa' dsea' i' ní' jo'se' i' eáang' gui' jmoo' í' 'ña' e lafa' nijmér' í' jo'se' quíá'r'; jogui líiñ' cajo lí' laco' lí' jní' e dsigúing' cóo' guí' lajo, jo jíi' ja' tuu' jmí'; osi líiñ' lafa' 'ma' ofí' e ja' cuø' ofí' mí' nití' jíi' quíá'. Jo co' lajob líng' gui' i' dsea' do, joba' lana líiñ' lafa' 'ma' ofí' e nicagüitøø' catí' jmó' quíá', jo ninée' guíá' e nidsitoo' fí' ní' jí' e ja' tóo' jmí' yu'.
 13 Jogui jaléng' i' dsea' i' jmi' góo' do líiñ' la lí' ja' e róo' fí' 'ní' jmi' ní' mí' í' guí' teá', co' jnéeng' jøø' baa' jalé' e ga' e jmóor'. Jogui líiñ' cajo lafa' náa' i' nica' íng' lajíi' ée' quíá', jogui lana niteáaiñ' fí' e nidsilíiñ' fí' lí' nua' sò' car' ngongí' jmí'.

14 Jo i' dsea' i' calisí' Enoc i' caliséng' ie' malí' do mí' catí' guíe' 'lé' dsea' mí' cangí' e cajmeáang' Fidié' i' Adán do, jo i' Enoc do café'r' cuaiñ' quíá' Fidié' e éeiñ' jaléng' i' dsea' i' jmi' góo' do mí' cajíng' lala: "Nicamám' baa' Fí' naa' e nijáar' cóo' i' leáang' ángeles quíá'r' 15 e niquidsir' í' quíá' lajaang' lajaang' dsea' jmi' gü' jogui mifíng' nicuø'r' iihuí' jaléng' dsea' soo' dsí' uii' quíá' jalé' e ga' e nicajméer' jogui uii' quíá' jalé' júu' 'lí' e nicafé'r' uii' quíá' Fidié'." 16 Jo jaléng' i' dsea' soo' dsí' do contøøm' jmóor' ta' jíng' cóo' dsea' rúíñ', jogui jmóor' ta' éeng' jaléng' í' cajo, jogui lí' jmitir' lajíi' e lí' dsí' ngúu' táam' bre. Jo eáam' jmicøøng' yaaiñ' jogui fé'r' jalé' júu' róo' e laco' lí' r' cøøiñ' dsí' dsea' rúíñ', jo lajoba' lí' r' jalé' e iíñ' quíá' i' dsea' rúíñ' do.

Júu' í' 'goo' e catíng' dsea' quíá' Dsea' Jmáang'

17 Jo dsu' fí' guí' 'nú', dsea' rú' naa' dsea' quíá' Dsea' Jmáang', e téé' óo' na' lajíi' e júu' e nicafé' jaléng' i' dsea' i' síng' Fí' naa' Dsea' Jmáang' cuaiñ' quíá'r' 18 ie' mí' casí'r' 'nú' lala: "Mí' tí' lí' nijaquíéeng' e ní' líng' jmi' gü' nigüeam' dsea' i' nijmine' jalé' e güeang' quíá' Fidié', jo lí' níjmitir' lajíi' e 'lí' e lí' dsíir' yaam' bre." 19 Jo jaléng' i' dsea' la' íb' jmóo' ta' 'naang' dsea' quíá' rúíñ', jogui caniing' jmóor' lajíi' e lí' dsí' ngúu' táam' bre, jogui ja' seeng' Jmíguí' quíá' Fidié' cóo'r' cajo.

20 Joba' fí' guí' 'nú', dsea' rú' naa' dsea' quíá' Dsea' Jmáang' i' iin' n' eáang', e cuøø' gui' bí' rúng' na' e laco' nidsicuáng' guí' quí' na' cóo' júu' quíá' Dsea' Jmáang' lí' lajíi' e fí' güeang' lí' niteáang' na' cóo'r'. Jogui féeng' na' Fidié' la'eáang' cóo' Jmíguí' quíá'r'.

21 Jogui contøøng' jmi' güiéng' óo' na' jial' tí' 'neáang' Fidié' jneaa' aa' jogui jeeng' na' e nití' e jmí' e níñíng' na' quíá' Fí' naa' Dsea' Jmáang' e niliseeng' na' cøøng' cóo' Fidié' lata' uí' e fí' líiñ' jneaa' aa'. 22 Jogui jmee' na' úung' e laco' ningáng' jaléng' dsea' i' ja' gui' mí' ngáng' røø' laco' sí' í' júu' quíá' Dsea' Jmáang'. 23 Jogui jmicóo' na' cajo jaléng' dsea' e laco' nileáiñ' jee' jalé' dsee' quíá'r', jo lajoba' ja' nidsilíiñ' fí' lí' 'lí' fí' lí' cóo' jí' e ja' tóo' jmí' yu'. Jogui jmee' na' fí' líng' na' jaléng' dsea' cajo, jo dsu' 'né' ñim' óo' na' jie' mí' síng' yaang' na' fí' ga' lí' teáang' jaléng' i' dsea' i' jmi' góo' do, jogui jie' mí' jmée' na' e jmeáang' na' ta' jalé' sí'r', co' jí' gui' cartí' jalé' e jo' lí' uí' e jmóor' jalé' e ja' dseeng'.

Júu' lí' cadséng' quíá' e jmi' féng' dsea' Fidié'

24 Jo dsu' jaam' Fidié' i' seeng', jogui íb' i' nicaleáang' jneaa' aa' jee' jalé' dsee' quí' íi', jogui íb' i' jmóo' í' jneaa' aa' cajo e laco' ja' níjiá' naa' fí' ní' dsee', co' eáam' 'gøíñ', jo jmóor' lajo e laco' niguiéiñ' jneaa' aa' fí' quinir' e ja' sí' líng' naa' cóo' jíi' coo' dsee'. Joba' eáang' íáang' dsí' naa' mí' nití' fí' lí' jlo' níiñ' fí' ní' fí' quíá'r'. 25 Jo jíi' íb' dsea' catíng' nijmiféng' dsea', co' jíi' íb' dsea' líng' Fí' naa' dsea' féng' dsea' níng' fí' la' úng', jogui dsea' íb' dsea' cuøøng' lí' jmér' lí' doñí' ee', jogui jíi' íb' dsea' óor' ta' e quíá'r' ta' fí' la' úng' la'eáang' cóo' Fí' naa' Dsea' Jmáang', jo lajob' jmóor' lajíi' nú' gui' e nitiroo' jmi' güí', jogui lajob' jmóor' lana jogui tí' lí' dsé' gui' cajo lí' dseáng' car' ngongí' jmí'. Jo lajob' ní'.

Jo lanab jíi' fé' jí' quíá' Judas.

Lajúí~ júu^ e cajíng'- Dsea` Jmáang- e nidsijéé'

¹ Jalé' júu^ e fé' e fí' ni~ jì la lí' júu^ e cacuø' Fí'naa' Dsea` Jmáang- e ca'íñ' quiá'- Fidiéé' e ja` mí' cajmijnéeng' dsea` do lami~ jéeng'gui. Jo Fidiéé' cacuø'r' dsea` do jalé' e júu^ la e laco' ni'é'- dsea` do jaléng' dsea` quiá'r- e~ jalé' e nidsijéé' lajee' lajmináb~ jia fí' jmigüí' la. Jo Dsea` Jmáang- casíñ' jaang' ángel quiá'r- e laco' cajméesíñ' do júu^ fí' quini~ jaang' dsea` quiá'r- i sii Juan. ² Jo i dsea` í'gui guiar' jalé' e júu^ quiá'- Fidiéé' do jee~ jaléng' dsea` jmigüí' cuaiñ~ quiá'- jalé' e cangár- do lafa' mi~ quir', jogui tíb' nir~ cajo lajúí' e júu^ e cacuø' Fidiéé' e caliti~ la'eáang' cóo'~ Dsea` Jmáang-.

³ Jo juguiá- o' quiá'- i dsea` i jalé' e júu^ la jogui juguiá- o' cajo quiá'- jaléng' i dsea` i jmoo' nñu'~ mi~ núur' jalé' e júu^ e silí' e fí' ni~ jì la, co' jalé' e júu^ la lí' júu^ e jáa' quiá'- 'ñiab' Fidiéé', dsu' nijaquíem' e jmí~ e niliti~ lajúí' e júu^ e fé' e fí' ni~ jì la.

Júu^ e cajme' Juan e catíng- lajì' guié- 'lé' dsea` quiá'- Dsea` Jmáang-

⁴ Jnea~ sii Juan, jo jmo'o e jì la e catíng- lajì' guié- 'lé' dsea` rú'naa' dsea` quiá'- Dsea` Jmáang- i neáang' fí' lí' se' Asia. Íng'~na' güea'^ quiá'- Fidiéé' jogui güiliseeng'na' juguiá- júu^ røø' la'eáang' cóo'~ dsea` do, co' lajúí'~ íb' dsea` i seeng' lajúí'~ latí' mi~ uing~ jogui latí' lana jogui i nijáa'tu calé' catú-. Jogui lajobi cajo ím'~ba' güea'^ quiá'- lajì' guiáng- jmigüí' i seeng' fí' quini~ lí' lí' éé' laniing- fí' lí' guing~ Fidiéé' quiá'r' ta~. ⁵ Jogui cajo ím'~ba' güea'^ quiá'- Dsea` Jmáang-, co' íb' dsea` i dseáng' tí' ni~ røø' jalé' e júu^ la, jogui íb' dsea` i la'uii~ cají'tu jee~ jaléng' 'lí', jogui íb' dsea` niing- i quie' nifí' jee~ jaléng' dsea` i óo' ta~ i seeng' fí' la'úng- fí' jmigüí'. Jogui cajo íb' i eáang' 'neáang' jneaa~aa', jogui cajáng' 'ñia'r' e cajúñ- e laco' caleáañ' jneaa~aa' jee~ jalé' dsee- quí-ii' la'eáang' cóo'~ e jmi'øøiñ- e catuu' do. ⁶ Jogui nicajméer' e jaléng' jneaa~aa', dsea` lí'naa' dsea` quiá'r-, nilí'naa' coo' 'lé' dsea` i líng' lafa' jmidsea` i jmoo' lajúí' e iing~ Tiquiá'r' Fidiéé'. Jo majmi'goo~baa' jogui majmifém'baa' dsea` do, co' íb' dsea` i eáang' 'gøng' jogui i güeang' car' ngongí' jmí'! Jo lajob nilí'.

⁷ Jøø~na' jogui quie'na' cuente!

Dob nijáa' Dsea` Jmáang- fí' jee~ cabøø~ jní',
jo lajím' dsea` niníñ- dsea` do, jo jì'gui jaléng' i dsea` i líng~ ee' ca'íééñ- dsea` do
niníng~ neiñ';
jo ie~ job mi~ niquí'- jogui nilijia~ dsí' jaléng' dsea` i seeng' latøøng- fí' jmigüí' uí'~ dsea`
do, jo e jáb'- e jo.
Jo lajob nilí'.

⁸ Jo lalab jíng'- Fí'naa' Fidiéé': "Jneab~ i la'uii~ do jogui jnea~bi i lí' cadséng- do cajo, co' jneab~ Fidiéé' i 'gøng' i quí'~ jmí~ jmé- lí' doñí' ee', jogui jnea~bi cajo i seeng' lajúí'~ latí' mi~ uing~ jogui latí' lana jogui i nijáa'tu calé' catú-."

Mí' cangá- Juan jial tí' jlo'^ jnéeng- Dsea` Jmáang-

⁹ Jnea~ sii Juan, jogui la'ó' rú'baa' lí'naa' uí' e nilí'naa' dsea` quiá'- Dsea` Jmáang-. Jo røøb' íng'~naa' iihuí' dsu' uí' e lí'naa' dsea` quiá'- dsea` do, jogui røøb' cajo catí'naa' e quie' Fidiéé' nifí' quí-ii', jogui røøb' jmoo~naa' té'naa' cóo'~ jalé' iihuí' e dsingíng~naa' do. Jo uí' e guiaa- júu^ quiá'- Fidiéé' e caliti~ la'eáang' cóo'~ Dsea` Jmáang-, joba' casíng' dsea` do jnea~ fí' coo' guoo'~ uø~ jia e sii Patmos e néé' fí' ni~ jmiñí'. ¹⁰ Jo cangojéé' e lajee' e jmí~ domiing~ e jmiféng' dsea` Fidiéé' cajá'a jee~ Jmiguí' quiá'- dsea` do jo canú-u lí' calúu'u coo' luu~ e fé' teá' eáang' lí' laco' mi~ ii- coo' lúu' trompé', jo lalab cajíng'- sí' jnea~:

¹¹ —Jo fí' i 'nu', Juan, e nijméé' fí' coo' ni~ jì lajalé' e móo'- la jmí~ na, jo mi~ níng' jo, nisín' jalé' e jì jo quiá'- lajì' guié- 'lé' dsea` quie' e i neáang' fí' e fí' e sii Éfeso, jogui e fí'

e sii` Esmirna, jogui e fii` e sii` Pérgamo, jogui e fii` e sii` Tiatira, jogui e fii` e sii` Sardis, jogui e fii` e sii` Filadelfia, jogui e fii` e sii` Laodicea; jo laji` guié` e fii` na née` fí` lí` se` Asia.

¹² Jo mi` cangf` e canú`-u e luu` do, joba' cajú`-i ni` lí` calú`-u e laco' nicaa`^ cunte i`gui i` tó` jnea` do; jo job mi` camó`-o guié` candeléer` e ji` e lí` cóo`~ layaang` cunée`.

¹³ Jo jeeng` e guié` candeléer` e ji` do camán`-n jaang` i` jnéeng`-dseáng`- laco' jaang` dsea` jmigú` i` qui' cóo` 'mi' e cuee` e tí' cartí` uii` tír~, jogui 'ñúú` ná`- dsír' cóo` e lí` cóo`~ layaang` cunée`, ¹⁴ jogui tee` jñuguir` lí` laco' tee` 'moo` osi joo` é, jogui jminir` lí` lafa' sóng' ji', ¹⁵ jogui tír` lí` dseáng`- lafa' cóo` ñí` e sii` bronce e dseáng`- jing` ji' lafa' mi` iá` fí` ni` ji', jogui júu` quiá'r`- ná` lí` laco' i` cóo` lóo`~ e fé' eáang'. ¹⁶ Jogui e fí` jaguór` dsée` do teáng`- guiáng`- núú', jogui fí' mo'oor`- güi'fí' cóo` ñisú` e dsíng`- 'mé`- laji` tú`- taang`. Jogui nir` dseáng`- jing` ji' lí` laco' jnéeng`- iee` mi` íiñ` guieñí`- joo`.

¹⁷ Jo mi` camán`-n i` dsea` do, joba' dseáng`- caquím`-baa fí` uii` tír`- lafa' jaang` 'lí`. Jo dsu' ír` caquidsir` guóor` dsée` fí` yá` moguii`- jo casí'r`- jnea` lala:

—Ja` fòøñ`- jii` cóo; có' jneab` dsea` i` la'uii` jogui jnea`-bi dsea` i` tí` lí` cadséng`- do cajo, ¹⁸ jo jnea`-bi cajo i` dsea` i` seeng` lana; jogui e já`-ba' e cajún`-n cateá', dsu' cajíb`-túu calé' catú-, jo dsu' car` ngongh` jmii` seen`- náng; jogui jneab` dsea` quiee`- joñí` quiá'- 'mó`- jogui joñí` quiá'- fí` lí` 'lí` cajo. ¹⁹ Joba' lana nijmée`- fí` ni` jì` lajii`- e nicañí`- jogui jalé' e móo`- jmii` na cóo`-gui jalé' e nimó`-gui` cøøng`-gui. ²⁰ Jo lalab guøng` i` guiáng`- núú' i` nicañin` fí` jaguóo`-o dsée` la, jogui lalab guøng`- cajo laji` guié` candeléer` e ji` e lí` cóo`~ layaang` cunée` do: i` guiáng`- núú' do guøng`- quiá'- jaléng`- dsea` i` quie` nifí` quiá'- dsea` quie`- e i` seeng` fí` laji` guié` fii` e née` fí` lí` se` Asia, jogui laco` e candeléer` e tí' guié`- do guøng` i` guié`- 'lé' dsea` quie`- e i` seeng` fí` laco` e fii` jo.

2

Júu` e cat#ng`- dsea` quiá'- Dsea` Jmáang`- i` neáang` fí` Éfeso

¹ Jo fii`-guí` 'nú', Juan, e nijmée`- cóo` jì` e cat#ng`- i` dsea` i` quie` nifí` quiá'- dsea` quie`- e i` neáang` fí` fii` Éfeso, jo lalab jmée`-: “Lalab jing`- i` dsea` i` teáng`- laji` guiáng`- núú' fí` jaguór` dsée` jogui i` ngí` fí` jee` laji` guié` candeléer` e ji` e lí` cóo`~ layaang` cunée` do: ² Jo lalab fii`-i` 'nú' e guiá`- ñii`- lajalé' e jmoo`- lafa' jalé' e la; e eáam`- cuø' bí` uø' e jmoo`- ta` jogui e eáam`- iá`- ní` cóo`- jalé' e jo cajo, jogui ñi`baa cajo e ja` cuø' fí' e nijmé`- dsea` jalé' e ja` dseeng`- lí` ee` já`- dsír'. Jogui ñi`baa guiá`- e nicajóø`- su já`- laco' fé' jaléng`- i` dsea` i` jing`- e líiñ` dsea` apóo` i` ni` júu` quié`-e, jo dsu' o' já`- e líiñ` lajo, jo 'nú' nicalilí`-ba' e jaléng`- i` dsea` í` jmang`- i` adseaam`. ³ Jogui eáam`- nicajmee`- féng`- a' jogui nicateá`- lí`-bi` cóo`~ jalé' iihuí` e nica'íin`- uii`- jnea~, jo dseáng`- ja` mí` calitúng`- o' e sin`- teá' fí` guiá`- cóo`~ jnea`. ⁴ Jo dsu' seab` cóo` júu` e ní`lée` quií`- lana, jo e lab e jo: jo` guiéé` e 'neáan` jnea` o'gui dsea` rún` laco'gui lamí` uiiing`- do ie` lamí` canaan` e cuín` jnea`. ⁵ Joba' fii`-i` 'nú' e ní`h`du o' jie` lí` nica'lee`- quií`- lana, jo quí`- jing`-tu uø' calé' catú`- fí` quini` Fidiéé`, jogui jmee`-tu` lajalé' lí` laco'gui lamí` quí`- tñn` e jmoo`- latí` mi` uiiing`- do. Jo song ja` nijmée`- lajo, joba' lajmináb`- nigáa'a fí` na jo nijé`-baa ée` quiá'- e candeléer` do quií`- , jo dsu' ja` nilí` lajo song niquí`- jing`-tu uø' fí` quini` Fidiéé`. ⁶ Jo dsu' e laba' guiá`- e jmicóo`~ quií`-, e 'níb` man` jalé' e jmoo`- i` dsea` nicolaíta lí` laco'gui jnea` 'níb` máan`re cajo. ⁷ Joba' fá`a: I` jaléng`- dsea` dsí` logua~, güinú`-bre lajii`- júu` e jing`- Jmiguí` quiá'- Fidiéé` e cat#ng`- laji` guié`- 'lé' dsea` quie`-e: Jaléng`- i` dsea` i` nité` lí` cóo`- jalé' iihuí` jogui ja` nitiúuiñ`- jnea~, joba' nicuøø`-baare e nidó`-r`- lajii`- e sea` quiá'- e 'ma` e cuø` e seeng` dsea` lata` e si' fí` ñifí` quiá'- Fidiéé`.”

Júu` e cat#ng`- dsea` quiá'- Dsea` Jmáang`- i` neáang` fí` Esmirna

⁸ Jo fii`-guí` 'nú', Juan, e nijmée`- cóo` jì` e cat#ng`- i` dsea` i` quie` nifí` quiá'- dsea` quie`- e i` neáang` fí` fii` Esmirna, jo lalab jmée`-: “Lalab fé' i` dsea` la'uii` do jogui i` dsea` tí' lí` dséng`-gui do, i` dsea` i` cajúng`- do jogui i` cají`-tu mi` catí`-ní` jmii` lajo: ⁹ Jo lalab fii`-i` 'nú' e

guiáb̄ ñiī lajjī iihuú' e íin̄ joguī jial̄ tiñin̄ cajo, nañí' fa' eáam̄ bre jmicóo' Fidiée' 'nu' cóo' jalé' e lí' quií'. Joguī ñi' biī guiá' cajo jial̄ fé' dsea' ga' uiī quií', fa' jaléng' i dsea' i jing' e líiñ' dsea' Israel, jo dsu' o' já' e líng' i dsea' í lajo, co' i dsea' í lico' líiñ' dsea' i jmiféng' fiī i 'lim'. 10 Jo fiī 'nu' e ja' fòon̄ lajjī iihuú' e tí' lí' ni' íin̄; co' fiī i 'ling' nijmér' e i líng' 'nú' nigüitáng' na' fí' dsii' 'nuñí' e laco' nijmér' quiij̄ jial̄ nitú' na' e teáng' na' teá' fí' guiá' cóo' jnea~; jo e iihuú' jo ni' líng' na' lajee' guí' jmiī. Jo dsu' fiī 'nu' dseáng' jie' mí' litúng' o' e sin' teá' fí' guiá' cóo' jnea~, doñí' fa' iing' dsea' jngaiñ' 'nu' uiī e jo, joba' jneab̄ nicuóø' 'nu' lajjī e catún' e niliseen' cøøng' cóo' jnea' car' ngongiī jmiī. 11 Jo jaléng' 'nú', dsea' dsii' loguá' na', núu' na' lajjī e júu' e jing' Jmiguí' quiá' Fidiée' e catúng' lajī guié' 'lé' dsea' quié' e: Jo jaléng' dsea' i ja' nilitúng' dsii' e teáiñ' teá' fí' guiá' cóo' jnea~, joba' i dsea' í jo' tóo' jmiī fa' e nitíiñ' fí' lí' 'li' mí' nití' fí' fiī cóo'."

Júu' e catúng' dsea' quiá' Dsea' Jmáang' i neáng' fí' Pérgamo

12 Jo fiī guí' 'nu', Juan, e nijmée' cóo' jiī e catúng' i dsea' i quié' nifi' quiá' dsea' quié' e i neáng' fí' fiī Pérgamo, jo lalab̄ jmée': "Lalab̄ fé' i dsea' i quié' e ñisú' e 'mé' lajī tú' taang' do: 13 Jo lalab̄ fiī 'nu', e guiáb̄ ñiī lajaléb' e jmoo', joguī ñi' baa cajo e seen' fí' lí' quiú' fiī i 'ling' ta~, dsu' ja' mí' catiun' e dseáng' já' lín' lajjī júu' quié' e. Joguī ja' mí' catiun' jnea' fa' e ja' mí' jmití' lajjī ta' quiá' u, o'guī mí' catiun' jnea' ie' mí' cajngang' dsea' i dsea' quié' e i sii' Antipas i cajmiti' júu' quié' e e fí' fiī e fí' lí' quiú' fiī i 'ling' i sii' Satanás ta' do. 14 Dsu' fiī guí' 'nu' e seab̄ cóo' tú' íing' e 'léé' quií', jo e lab e jo: ja' mí' cajniin' quiá' cóo' tú' máng' dsea' i seeng' fí' na' i ja' mí' catú' e jmitíiñ' lajjī júu' 'li' e caguia' Balaam, co' i dsea' na' ca' e'r' jaang' guī dsea' i sii' Balac, jo i dsea' í guib' i cajmigóøng' jaléng' dsea' Israel e laco' éeiñ' dsee' e gø'r' ngu' jó' i nicacuøiñ' diée' i o' já' joguī e 'léer' e güiñ' cóo' dseañu' osi dseamí' i o' quiá' r'. 15 Jo lajobi cajo seem' bi' cóo' tú' máng' dsea' la' ó' 'nu' i neáng' fí' na' i ja' mí' catú' jalé' e 'li' e quií' túng' e jmoo' jaléng' dsea' nicolaíta. 16 Joba' fiī 'nu' lana e quií' jing' uø' fí' quini' Fidiée'; jo dsu' song ja' nijme' lajo, joba' lajmináb̄ nigáa' a fí' lí' guin' e nitíiñ' cóo' jaléng' i dsea' í cóo' e ñisú' e iu' fí' mo' óo'. 17 Jo jaléng' 'nú', dsea' dsii' loguá' na', núu' na' lajjī júu' e jing' Jmiguí' quiá' Fidiée' e catúng' lajī guié' 'lé' dsea' quié' e: Jo i dsea' i ja' nilitúng' dsii' e núu' r' júu' quié' e, joba' nicuóø' baare cóo' e lafa' iñí' e catíiñ' e si' ma' fí' ñifi'; joguī nicuóø' baare cajo cóo' cuu' e tee', jo e fí' ni' e cuu' do nijé' cóo' júu' e 'mii' laco' sii' i dsea' do, jo dsu' jiī jaang' dsea' jién' ja' niliñí' e júu' jo, co' jiī i dsea' i ni' íng' do, jiī í'bing' i niliñí' e júu' jo."

Júu' quiá' Fidiée' e catúng' dsea' quiá' Dsea' Jmáang' i neáng' fí' Tiatira

18 Jo fiī guí' 'nu', Juan, e nijmée' cóo' jiī e catúng' i dsea' i quié' nifi' quiá' dsea' quié' e i neáng' fí' fiī Tiatira, jo lalab̄ jmée': "Lalab̄ jing' i Joo' Fidiée' camúng' do i quié' jmini' e lí' lafa' sóng' jiī joguī tíir' jnéng' lafa' ñí' e jing' jiī jlo' e sii' bronze: 19 Jo lalab̄ fiī 'nu', e guiáb̄ ñiī lajaléb' e jmoo', joguī e eáam' 'neáan' dsea' rún', joguī e teáb' sin' fí' guiá' cóo' jnea~, joguī eáam' la' úng' nicajmee' lajjī ta' e iin̄, jo ja' mí' cajmitúng' o' lajjī e ta' jo, co' dseáng' nicateá' ba', jo ñi' baa guiá' e eáang' guī nicuø' b'í' uø' lana e røø'guī nijmoo' ta' laco'guī lamí' jmoo' lamí' uing' do. 20 Lí' jiī e laba' e 'léé' quií' e ga': ja' mí' cajniin' quiá' i dseamí' i sii' Jezabel e sí' 'ñia' r' e líiñ' jaang' dseamí' i fé' cuaiñ' quiá' Fidiée', jo dsu' i dseamí' í lí' jmigóøiñ' jaléng' dsea' quié' e cóo' jalé' e e'r' do, co' iññ' e nisíng' tu' jaléng' dsea' quié' e fí' gab' e jmé' tur ta' 'léé' cóo' jaléng' dseañu' osi dseamí' i o' quiá' r', joguī e jmé' tur ta' gø' jalé' e nicuø' r' diée' i o' já'. 21 Jo huøøb' nicacuóø' øre fí' fa' e niquí' jing' 'ñia' r' fí' quini' e laco' jo' nijmér' e ga' lajo, jo dsu' ja' mí' cali' iññ' fa' e nicajméer' lajo e jo' nibeáng' guī 'ñia' r' dsee', co' ja' iññ' fa' nicatúr' jalé' e 'li' e jmoo' do. 22 Jo dsu' lalab̄ fá' a uiī quiá' jaléng' i dsea' i jmoo' ta' 'léé' cóo' i dseamí' í, e song ja' niliúng' yaaiñ' e jmoo' jalé' e jo, joba' nijmee' e nilidsé' bre lajaléiñ' do, co' eáam' nicár' iihuú', joguī huí' m' nidsijéé' quiá' r'. Jo jalé' e iihuú' nab nidsingíiñ' song

ja` niquí'~ jing' yaaiñ~ uii~ quiá'~ jalé' e dsee~ e nica'éer` do. ²³ Jogui nijngám'^baa jaléng' joo' i dsea` í e laco' jaléng' dsea` i líng' dsea` quie~ e niliñir' e jneab~ dsea` móo'o jogui cuí' i jial lí' dsí' dsea` lajaang` lajaaiñ; jo jneab~ dsea` catín~ n e nicuøø'ø 'nú' lajii'~ e catíng~ na' lajaang` lajaang` na' uii~ quiá'~ lajii'~ ta~ e nicajmee` na' fi' jmigüi' na. ²⁴ Jo fii' i jaléng' 'nú' caguaang~ gui dsea` i seeng' fi' na fi' Tiatira; ii' i ja' mí casíng' yaang~ fi' ga` cóo'~ i dseamí ga` do o'gui mí cajmitir~ lajii'~ e fé' dsea` e lí' júu^ nuu' quiá'~ fi' i 'ling' i sii' Satanás, joba' lalab fii' i 'nú' e jo` nicuøø' guí' 'nú' ta~ ii' e jie'gui. ²⁵ Joba' lí' jie~ mí tá'na' lajii'~ e guiá~ e jmoo'na' na cartí mí~ nití' í' e ninii~ túu calé' catú~ fi' jmigüi' na. ²⁶ Jo jaléng' dsea` i nigüeang' e jmitir~ lajii'~ e iing~ jnea~ e nijmér~, joba' nicuøø'baare ta~ e niquiú'r~ ta~ fi' jalé' fii' e sea' fi' jmigüi' na; ²⁷ jogui dseáng'~ lí' laco'gui nicacuø' Tiquié' e jnea~ fi' e niquiú'u ta~ quiá'~ jaléng' dsea` jmigüi', lajob i dsea` í cajo niñiñ` lafa' 'ma'u' quiá'~ dseata~, jo cóo'~ e job niquiú'r~ ta~ fi' jalé' fii' cartí nijmér~ jmiguiá' cuí' laco'gui mí' fíing~ coo' tu'. ²⁸ Jogui cajo nicuøøm'^baa 'nú' i núu' i jnéeng' mí' la'ee'. ²⁹ Jogui fii' i 'nú', ii' 'nú' dsea` dsi~ loguá'na', núu~ na' lajii'~ júu^ e jing'~ Jmiguí' quiá'~ Fidié' e catíng~ laji' guié' 'lé' dsea` quie~ e."

3

Júu^ quiá'~ Fidié' e catíng~ dsea` quiá'~ Dsea` Jmáang~ i neáang' fi' Sardis

¹ Jo fii' guí' 'nu', Juan, e nijmée'~ coo' jì e catíng~ i dsea` i quie' nifi' quiá'~ jaléng' dsea` quie~ e i neáang' fi' fii' Sardis, jo lalab jmée'~: "Lalab jing'~ i dsea` i quie' laji' guié~ jmigui' quiá'~ Fidié' jogui i teáang'~ guiáng~ núu' fi' jaguór: Lalab fá'a e dseáng'~ ñi'baa guiá~ lajalé' e jmoo', jo fii'm' dsea` i dsí' e dseáng'~ lajam' e lin' jaang' dsea` i seeng' cøøng' cóo'~ jnea~, jo dsu' o' já' e lin' lajo, co' ñi'baa guiá~ e lin' jaang' dsea` lafa' i sijúung~ i si'naang' cóo'~ jnea~. ² Joba' fii' i 'nu' e í' a' røø' jogui cuøø'~ bí' uø' e nijmée' laco' sí'í' lajii'~ e siséé' e 'né' jmée'gui'; jo song ja' nijme' lajo, joba' dseám'~ seen' e ni'ling~ conguiá' quí'~; co' lí' lajii'~ e móo'o e jmoo' na dseáng'~ ja' dseem' lí' fi' quini' Fidié'. ³ Jo tee' a' lajii'~ júu^ quie~ e e nica'ín'~ jogui e nicaná'u'~; jo jmee~ lajii'~ e jo, jogui quí'~ jing' uø' fi' quini' Fidié'. Co' song ja' nijmée' lajalé' e fii' i 'nu' na, joba' niguiéeb' jmi~ mí' niguié~ e fi' quini' lajee' e ja' ñiing~ o', lafa' mí' ngí' jaang' ii' e dsijmér~ ii' quiá'~ dsea` e jii' ja' ñiing~ dsí' i dsea` do lí' niguiieñ' do. ⁴ Jo dsu' e fi' fii' Sardis na seem' bi' coo' tú~ máng' dsea` i la'ó' røø' cúing'na' jnea~, jo i dsea` í ja' mí cajmi'ling' yaaiñ~ fi' quini' Fidié', joba' i dsea` í catím~ bre e ningír~ cóo'~ jnea~, co' ja' si'liiñ'~ jii'~ capí'. ⁵ Jo jaléng' dsea` i nité' lí' e já' líiñ' jalé' júu^ quie~ e, joba' niquí'bre sí'r' e tee' e laco' cuø' lí' e niguiú'm~ bre fi' quini' Fidié', jogui ja' tóo' jmi~ fa' e ni'uøng'guir lí' niteáaiñ'~ fi' ni' jì lí' nitaang~ jaléng' dsea` quie~ e, jogui nijmee~ e júu^ fi' quini' Tiquié' e dsea` guíing~ ñiff' jogui fi' quini' jaléng' ángeles quiá'r' e jaléng' i dsea` í dsea` quie~ baa nilíiñ'. ⁶ Joba' fii' i 'nú', ii' 'nú' dsea` dsi~ loguá'na', núu~ na' lajii'~ e jing'~ Jmiguí' quiá'~ Fidié' e catíng~ laji' guié' 'lé' dsea` quie~ e."

Júu^ quiá'~ Fidié' e catíng~ dsea` quiá'~ Dsea` Jmáang~ i neáang' fi' Filadelfia

⁷ Jo lalab fii' guí' 'nu', Juan, e nijmée'~ coo' jì e catíng~ i dsea` i quie' nifi' quiá'~ jaléng' dsea` quie~ e i neáang' fi' fii' Filadelfia, jo lalab jmée'~: "Lalab jing'~ i dsea` güeang'~ jogui i fé' jmang'~ júu^ já' contøøng~ jogui i quie' joñí' quiá'~ dseata~ dsea` féng' Davi'; jo mí' náa' i dsea` i quie' e joñí' do, joba' jii'~ jaang' dsea` jo' ii' nilí' fa' e nijnir~; jogui mí' jnir', joba' jii'~ jaang' dsea` ja' ii' nilí' fa' e nineár'. ⁸ Jo jnea~ ñi'baa guiá~ lajalé' e jmoo'. Jogui lana lafa' nicaná'a coo' jn'í' fi' quini' e jii'~ jaang' ja' ii' quí'~ jmi~ fa' nijní~ tu, jo nañí' fa' ja' 'leáang~ bí' quí'~ sea', dsu' nicajmee~ ba' núu'~ lajii'~ júu^ quie~ e, jo ja' mí' cajmee'~ fa' e ja' jmicuín'~ jnea~. ⁹ Jogui jnea~ nijmee~ e e jaléng' i dsea` i teáang'~ jee' 'lé' quiá'~ Satanás, jaléng' i adsee' i fé' e líiñ' dsea' Israel jo dsu' o' já' e líiñ' lajo, jo nijmee~ e e nisí' jaléng' i dsea` í uø' jnir~ fi' quini', jo lajob niliñir' e eám' 'neáang' jnea~ 'nu'. ¹⁰ Jo

co' contøom̄ nicateá' e jmoo' náu~ lajii' júu^ quié~ e e ja' mí calitúng~ o' e júu^ jo, jo uíi' e joba', jnea~ nijmee~ e í' 'nu' mi~ nijaquíéng' e niní dsea' iihuú' fí' latøøng~ jmigüí', co' ie~ job mi~ nijøø^ø jial líng' lajaang' lajaang' dsea' seeng' fí' ni~ guóo'~ uø~ na, jo ne~ duu' su teáaiñ^ teá' fí' guiá~ cóo'~ jnea~ osi o' lajo é. ¹¹ Jo lajee~ lajmináb~ nigáa'túu fí' jmigüí' na, lí' jie~ mí' túb' lajii' e jmoo', jo lajoba' jii' jaang' ja' iì' cuøøng' niguí' quií' lajii' e catín'~ quiá'~ Fidiéé. ¹² Jo jnea~ nijmee~ e e iì' i nité' lí' jogui e ja' nitár' júu^ quié~ e, íb' dsea' i nilí' e nilíiñ~ jaang' i niing~ i niliseeng' colíng~ cóo'~ jnea~ fí' lí' guíng~ Tiquié' e Fidiéé, jo jo' quí'~ jmií' fa' e nidsihuíng~ guir fí' jo; jogui jnea~ nijmee~ e e jaléng' i dsea' í' nilíiñ~ dsea' quié~ e jogui e nilíiñ~ dsea' góo' Tiquié' e fí' fí' lí' sii' Jerusalén e 'mí' e jáa' fí' ñiff'~ quiá'~ Fidiéé, jogui nijmee~ e e nilíiñ' jaléng' i dsea' do e júu^ 'mí' e nilisii' ie~ jo. ¹³ Jo fí' i 'nú', iì' 'nú' dsea' dsi~ loguá'na', náu~ na' lajii' júu^ e jíng'~ Jmiguí' quiá'~ Fidiéé e catíng~ lajii' guíé~ 'lé' dsea' quié~ e.”

Júu^ quiá'~ Fidiéé e catíng~ jaléng' dsea' quiá'~ Dsea' Jmáang~ i neáang' fí' Laodicea

¹⁴ Jo fí' guí' 'nu', Juan, e nijmee'~ coo' jì' e catíng~ i dsea' i quié' nifi' quiá'~ jaléng' dsea' quié~ e i neáang' fí' fí' Laodicea, jo lalab jmeé': “Lalab jíng' i dsea' i líng' dseáng'~ lajang' Fí'naa' Fidiéé, jogui i dseáng'~ tí' ni~ røø' i fé' jmang' júu^ já', jogui cajo la'eáang' cóo'~ íb' cajmée' Fidiéé lajalé' e sea' fí' jmigüí': ¹⁵ Jo lalab fá'a e niñíb~ jnea~ guiá~ lajalé' e jmoo', joba' ñi'baa e ja' mí' 'naan' cóo'~ jnea~ o'gui cuø' bî uø' fa' e nisíng~ guí' teá' cóo'~ jnea~. Dsu' e laba' fí' i 'nu' e 'né~ e ni'í' o' røø' jnang' fí' e iin' e nicá'; su e nisín'~ teá' cóo'~ jnea~, osi e 'ní' man' jnea~ é. ¹⁶ Jo dsuco' lí' í' o' e ja' ee' lí' quií'~ jié' fí' sin', uíi' joba' e nibíin~n 'nu' fí' caluu'. ¹⁷ Co' 'nu' fó' e lin' jaang' dsea' sea' cuu~, jogui guiáb~ nicangojéé' quií'~ jo jo' e 'né~ quií'~ jii' coo'; dsu' ja' ca' cuente uø' fa' e huím' lí' quií'~ cóo'~ jalé' e í' o', jo dseáng'~ fí' ba' co' lafa' tiñíim~ba' lin', jogui lafa' fí' í', jogui lafa' tiuun'~, jogui lafa' ringúum~ba' cajo. ¹⁸ Jo uíi' e joba' liúun'~n 'nu' e lá' cunéé' quié~ e e nicaguo'~ jlo' fí' ni' jì, jo lajoba' e nilíin'~ lafa' jaang' dsea' sea' cuu~; jogui la'eáang' jneab~ cajo e lafa' nilá' sî' e jlo' e tee' e niquí'~, jo lajoba' ja' nilí' i' lin' e ngí' lafa' ringun'; jo lajob cajo lafa' nilí' mii' quiá'~ jminí' e laco' cuøøng' e nilijné' røø'. ¹⁹ Jo jnea~ liúum'~baa jogui í'baa 'goo' quiá'~ jaléng' dsea' i 'neáan'. Joba' fí' i 'nu' e cuøø' bî uø' e ngocáng' o' laco' catíng~, jogui quí'~ jíng'~ uø' fí' quini' Fidiéé. ²⁰ ¡Janú'! Náu~ e júu^ la: jnea~ tøø~ø dsea' catí' o'nú'; jo iì' dsea' i ninú~ júu^ quié~ e jogui nineár~ jní' e laco' ni'íñ' e júu^ do quié~ e mi~ nitøø^øre, joba' ni'ú'baa fí' dsí' sinúú' quiá'r~, jo colíim~ niquiee~naa' í'naa' cóo'~ i dsea' do. ²¹ Jo iì' dsea' i nité' lí' e já' líiñ' jalé' júu^ quié~ e, joba' nicuøø^baare fí' lí' nigüear' colíng~ cóo'~ jnea~ fí' ñiff'~ lí' laco' nicalí'~ jnea~ e guíin~n cóo'~ Tiquié' e fí' ñiff'~ quiá'r~ fí' lí' quiá'r' ta'. ²² Jo fí' i 'nú', iì' 'nú' dsea' dsi~ loguá'na', náu~ na' lajii' júu^ e jíng'~ Jmiguí' quiá'~ Fidiéé e catíng~ lajii' guíé~ 'lé' dsea' quié~ e.”

4

Jial lí' lí' jmiféng' dsea' Fidiéé fí' ñiff'

¹ Jo mí' cangí' e jo, lalab jíng'~ guí' Juan e cangár': Jo camó~ o e óob' coo' jní' quiá'~ ñiff'~, jo canú~ u e guica' iì' fí' yá' jmigüí' coo' luu~ e iì' lafa' coo' lúu' trompé' lí' laco' canú~ u lamí' uii' do, jo lalab casí'~ jnea~:

—Ñiquiéng' fí' la, jo nijmee'~ e 'nu' júu^ lajii' e 'né~ nidsijéé' lajee~ mi~ ningíng~ e la.

² Jo ladsifí' lajob cajá'a jee~ Jmiguí' quiá'~ Fidiéé, jo lajee~ jo camán~n jaang' dsea' fí' ñiff'~; jo i dsea' í' guíiñ~ e fí' éé' e lí' gua' dsea' i laniing~ i quiu' ta'. ³ Jo camán~nre e jnéeng~ nir~ laco'gui la lí' coo' cuu~ jlo' e jì' eáang' e sii' cornalina, jogui jnéeiñ~ cajo laco' coo' cuu~ e sii' jaspe e jíng' jì'; jogui lacúng' lajíng' e lí' guíng~ i dsea' 'ñia' do camó~ o e lafa' sí' coo' cuu~ e jnéng' mi~ dséé' jmigui' e tí' ié', jo e jo jíng' jì' jlo' laco' coo' cuu~ rø' e sii' esmeralda. ⁴ Jo fí' job camó~ guí' cajo jié' guí' guiequiú' guí' éé' fí' lacúng' lajíng' e lí' guíng~ i dsea' laniing~ do, jo fí' job camán~n guiequiúung' yúu' dsea' cøøng' e neáaiñ'

fí jo, jo lajɪng` i dsea` í qui`r` 'mí` té, jogui` téé` fí` moguir` lajaang` lajaaiñ` jmá`- có lí` corona e lí` cóo`~ layaang` cunée`. ⁵ Jo e fí` lí` guing` i dsea` laniing` do jnéeng` lafa' mí` liji` güi`ñiá`, jogui` náb` mí` nii` cajo, jo dseáng`- eáam` téé`~ mǎ`~; jogui` e fí` quini` lí` guing` i dsea` laniing` do jnéeng` coo` guié` bǝǝ`~ jǝ, jo e jo guǝng` quiá`- laji` guiáng` jmiguí` quiá`- Fidiée`. ⁶ Jo e fí` quini` e lí` guing` i dsea` do, fí` job` jnéeng` cajo laco' la jnéeng` fí` ni` jmiñí`^, jo jnéeng` ta' jmf` lafa' coo` sǎ` jǝ. Jo dseáng`- guiá`^ jóo` jogui` lacúng` lajǝng` e fí` lí` guing` i dsea` laniing` do, neáang` quiúung` i jí` i dsi` jmigui` jmini` lí`^ quini` jogui` lajobi` lí`^ caluu` cajo. ⁷ Jo i jí` i la'uii` do jnéeiñ` lafa' jaang` ie`, jogui` i jí` i catf` tú` do jnéeiñ` lafa' jaang` güitá`, jogui` i jí` i catf` 'ní` do, í`bing` líng` laco' jaang` dsea` jmigü` la jneaa`aa', jogui` i jí` i lí` catf` quiú` do jnéeiñ` lafa' jaang` mǎ` i líng` guiá`^ güí`. ⁸ Jo lajaang` lajaang` i quiúung` do dsi` jñúú` cuéer', jogui` dsi` jmigui` jminir` lí`^ lí` ni` jogui` lí`^ lí` ná`- cajo; jo dseáng`- uǝǝ` jmǎb` ja` tár` e fé`r` lala:

Dseáng`- ja` cóǝng` cóob`~ güeang`^ Fí`ii',

Fidiée` dsea` guing` ñiff`-.

Dseáng`- dsea` güeam`^ dsea` do,

dseáng`- dsea` guiúm` dsea` do, jo íb` dsea` 'gǝng', jogui` tǎiñ` jmér` lí`^ doñí` ee`.

Jo íb` Fidiée` i seeng` lajǝi`~ lati` malǎ`~gui, lajǝi`~ nú`-gui e nitiroo`~ jmigü` jogui` lati` lana jogui` cajo i nijáa`tu` calé` catú`-, i seeng` car` ngongǎ` jmǎ`~.

⁹ Jo laco` néé`~ mí` jmiféng` i quiúung` do Fidiée` e cuǝr` dsea` do gui`máang`~, jogui` mí` jmi`gór` dsea` do dsea` guing` fí` ñiff`-, dsea` i seeng` car` ngongǎ` jmǎ`~, ¹⁰ jo mí` jmóor` lajo, joba' fí` quini` i dsea` i guing` fí` lí` niing` do, laji` guiequiúung` i dsea` cóǝng` do jmiféiñ` dsea` do e téé`- uǝ`- jnir`~, jogui` uǝr` e lí`^ corona cunée` e téé`~ fí` moguir` lajaang` lajaaiñ`, jo guar` fí` quini` dsea` do jo fé`r` lala:

¹¹ Fí`naa' Fidiée`, 'náb` dseáng`- dsea` féng` dsea` ñíng` fí` la'úng` fí` jmigüí`,

joba' 'náb` dsea` catǝng`- e nijmiféng` dsea` 'nú`,

jogui` e nijmi`gó` dsea` 'nú`,

jogui` e nifé` dsea` e eáam` 'gǝn` cajo,

co' 'náb` dsea` cajmee`- lajalé` e sea` fí` jmigüí`,

jo jaléb` e cajmee` 'nú` caliseá` dseáng`- laco' la iin`~ uǝ`.

5

Ji` quiá`- Fidiée` e róo` fí` ñiff`

¹ Jogui` camó`- guǎ` cajo e fí` jaguó` dsée` quiá`- i dsea` i guing` fí` lí` niing` do e iǎ` coo` jǝ e sibéeng` e silǎ` lí`^ lí` dsí` jogui` lí`^ caluu` cajo, jogui` sijni` rǝǝ` cóo`~ guié` sello e laco' ja` sea` fí` e nineá` lí`^ doñí` jǝ. ² Jo camám`- bǎ` cajo jaang` ángel i 'gǝng` eáang` quiá`- Fidiée`, jo jmingǎ`r` cóo`~ luu` teá` lala:

—¿I` dsea` i catǝng` i nineá`- e jǝ do jogui` e nifíñ`- laji` guié`- e sello quiá`- e ja` cuóǝng` ninea` do?

³ Jo dsu` ja` jíé` lí` seeng` jaang` i catǝng` i nijmé`- lajo, o`gui` fí` yá`^ jmigüí` o`gui` fí` guóo`~ uǝ`- o`gui` fí` nú`- uǝ`- cajo fa' seeng` jaang` i catǝng` i nineá`- e jǝ do o`gui` e ír`- cajo. ⁴ Jogui` jnea~, Juan, dob sǎn`n` quí`i` jǝi`~ ja` ñii` ee` nijmee`-e, co' ja` mí` caliséng` jǝi`~ jaang` fa' i catǝng` i nineá`- e jǝ do o`gui` e nijǝr`- o`gui` e ni`ír`- cajo. ⁵ Dsu` jaang` lajee` i dsea` cóǝng`~ i tí` guiequiúung` do cas`r`- jnea` lala:

—Jo` qui`gui, co' ja` ee` fí`í`^ sea, co' i do i líng` i Ie` i iuung`- jee` 'lé` quiá`- dsea` quiá`- Judá jogui` i líng` dsea` siju` dseata` dsea` féng` Daví`^, íb` i nicalf`-, joba' lana nicuǝǝm` nifíñ`- laji` guié`- e sello do, jo lajoba' nilí`r` nineár`- e jǝ do.

⁶ Jo mí` cangf` e café` i dsea` do, joba' camán`-n i Jo`se` Jiuung` i sing` fí` guiá`^ jóo` e fí` lí` guing` i dsea` laniing` do cóo`~gui e lí` neáang` i quiúung` do jogui` e fí` guiá`^ jóo` e fí` lí` neáang` i guiequiúung` dsea` cóǝng` do. Jo i Jo`se` Jiuung` do líng`ne` lafa' jaang` i nicajúng` i nicajnga` dsea` quiá`-. Jogui` dsi` guié` fí`re' jogui` guié` jmini`re' cajo; jo e

job lí' lafa' laji' guiáng- jmiguí' quiá'- Fidiée' e casíñ' fí' la'úng- fí' jmigüí'. ⁷ Jo i Jo'se' í' cangó-re' jo catíng-ne' casá'-re' e jì' e iá' fí' jaguó' dsée' quiá'- i dsea' féng' i guíng- fí' lí' níng- do. ⁸ Jo dsifí' mí' catíng-ne' e jì' do, i quiúung- do jogui laji' guiequiúung- i dsea' cóong- do casíng' yaaiñ- e téé- uó- jnir- fí' quini' i Jo'se' Jiuung- do. Jo lajaang- lajaaíñ- do quier' coo' lúu' e sií' arpa, jogui quier' úu' e lí' cóo' layaang- cunée' e téé' sá' e coo', jo e joba' lí' jalé' e júu' quiá'- dsea' quiá'- Dsea' Jmáang- mí' jmiféíñ' Fidiée'. ⁹ Jogui ør' júu' e 'má'- e ngóo' lala:

'Nub' dseáng'- i catíng- i nisó' e jì' do, jogui i níng- jalé' e sello quiá'- do, co' cajngang' dsea' 'nub', jo cóo' e jmi'øøñ'- e catuu' do íng' ta' quiá'- jaléng' dsea' e laco' ní'uíñ- dsea' quiá'- Fidiée';

jo jee' i dsea' do quíng' jmaquíng' 'lé' dsea',

jogui jmaquíng' íng' jmí' e fé'r',

jo jaléng' i dsea' í' jalíñ- fí' jmaquíng' fí' e sea' fí' la'úng- fí' jmigüí'.

¹⁰ Jo cajmee'- cóo' lajaléng' i dsea' í' e 'nub' dsea' quie' ní' quiá'-r- lajaang- lajaaíñ-.

Jogui cajmee'- cajo e jaléng' i dsea' í' líñ' lajii' jmidsea' quiá'- Fidiée'.

Jogui coob' mí' niguiéé' jmí' e níquiá'r' ta' fí' latøøng- jmigüí'.

¹¹ Jo mí' cangí' e jo, jo cajø-ø jo canú-u luu' dseáng'- i 'leáng- eáang' ángeles i teáng- lacúng' lajíng' e lí' guíng- i dsea' níng- quí' ta' do jogui lacúng' lajíng' e lí' neáang' i quiúung- do jogui i dsea' cóong' i tí' guiequiúung' do, ¹² jo guicaná' e guicaféíñ' do lala cóo' júu' teá' eáang':

i Jo'se' Jiuung- i cajúng- do dseáng'- catím-bre'

e ní'íng'-ne' jalé' e 'gøng' jogui jalé' e jlo' e sea' fí' la'úng- fí' jmigüí'

jogui e tíng'-ne' eáang',

jogui catím-bre' e íng'-ne' jalé' bí' cajo,

jogui e nijmi'gó' dsea' í're',

jogui e nijmi'íáang' dsí' dsea' cóo'-re',

jogui e nijmiféng' dsea' í're' contøøng- cajo.

¹³ Jo mí' cangí' jo, canú-biguí' cajo —jíng'- Juan— e lajib' e cateáa' Fidiée' fí' yú' jmigüí' jogui fí' ní' guóo' uó- la jogui fí' lí' ná' uó- jo lajobi' fí' lí' ná' jmi'íñ' cajo, jo lalab guicajíng'-:

i dsea' quie' ní' i guíng- fí' lí' níng- quí' ta' do, jogui i Jo'se' Jiuung- do cajo,

í'bing' i catíng- i nijmiféng' dsea' jogui i nijmi'gó' dsea' cajo,

co' dsea' íb' dsea' i 'gøng' i tíng' jmé- lí' doñi' ee',

joba' dseáng'- catím-bre' e nijmér- lajii' e íáang' dsíir' lata' róo' jmigüí'.

¹⁴ Jogui i quiúung- do cañíir' lala:

—iE jáb', lajob lí'!

Jogui laji' guiequiúung- i dsea' cóong' do casí'r' uó- jnir- jogui ja' quiuíñ' e jmiféíñ' dsea' do.

6

Mí' cáfíng- laji' guie' sello

¹ Jo mí' cangí' jo, camó-guí' —jíng'- Juan— jial i Jo'se' Jiuung- do cáfíng'-ne' la'uíi' e guie' sello do. Jo mí' calí' jo, jo canú-u e guicafé' jaang' lajee' i quiúung- do, jo dseáng'- caná' lafa' e líng' ee' coo' guicaniib' dseáng'- e teá' eáang' jo cajíñ'-:

—iNea' jo jøø- e la!

² Joba' cajøø- jnea' ladsifí' lana, jo camán-n jaang' cuea' teaang', jo i dsea' i guíng- fí' mocóo'-re' do se'r' coo' lí'. Jo i dsea' í' cangíñ' coo' e lí' corona e nitó'r' fí' moguir' jo líñ' jaang' dsea' i calí'- jogui i nilí' bi' cajo.

³ Jo mí' tí' lí' cáfíng' i Jo'se' Jiuung- do e sello e catí' tú- do, joba' canú-u e guicajíng'- i catí' tú- do lajee' i quiúung- do, jo lalab cajíñ'- do:

—¡Nea' jo jòø e la!

⁴ Jòba' cajòø jnea~ ladsifí lana, jo camán~n jaang` cuea~ i yúung^, jo i dsea` i guing~ fí mocóo~re' do canghíiñ e tñiñ e ni'nór~ 'niñ quíá'- dsea` e laco' niliseeng` dsea` mñí~ fí jmigüí la, jogui e nijmér~ e nijngáng'- rúng` dsea` lajee` la'ó' rúñ'; jo mifíng` canghíiñ` coo` ñisú' e niguó'- quíá'- jee~ 'niñ`.

⁵ Jo mi~ tí li~ cafiing` i Jo'se' Jiuung~ do e sello e catí 'ní do, jòba' canú~u e guicajíng'- i catí 'ní lajee` i quiúung~ do, jo lalab cajíñ'- do:

—¡Nea' jo jòø e la!

Jòba' cajòø jnea~ ladsifí lana, jo camán~n jaang` cuea~ i uíng'-, jo i dsea` i guing~ fí mocóo~re' do se'r' coo` cueí'. ⁶ Jo jee~ laco' neáang` i quiúung~ do canú~u lafa' luu~ dsea` jo guicajíng'- lala:

—Dseáng'- coob` kiil~ micui'íee` jíí~ e tng~ dsea` quíá'- e 'léeiñ~ coo` jmñ~ ta~, jogui jíí~ 'ní kiil~ micuiñ` cebadaba' e 'léeiñ~ quíá'- coo` jmñ~ ta~ cajo; dsu' ja` cuóøng` e lí^ nidsi'ñ` lajo e aceite o'gui e jmí^ mí^ huíng` jó^ cajo.

⁷ Jo mi~ tí li~ cafiing` i Jo'se' Jiuung~ do e sello e catí quiú do, jòba' canú~u e guicajíng'- i catí quiú do lajee` i quiúung~ do, jo lalab cajíñ'- do:

—¡Nea' jo jòø e la!

⁸ Jòba' cajòø jnea~ ladsifí lana, jo camán~n jaang` cuea~ i iuung~ i rø` uaang~, jo i dsea` i guing~ fí mocóo~re' do siir` 'mó~. Jo caluu` i dsea` í` jáa' jaang` gui i lüing~ fii~ quíá'- 'mó~; jo canghíiñ e tñiñ e quiu'r' ta~ latøng~ caquiúung~ fí jmigüí e nijngáiñ~ dsea` cóo~ jalé` ñisú', jogui niseáiñ~ dsea` e jo` sea` dóiñ~, jogui nitó'r' jalé` jmohuí, jogui nitáiñ' jaléng` jó' nuu` e laco' nijngáng'-ne' dsea`.

⁹ Jo mi~ cafiing` i Jo'se' Jiuung~ do e sello e catí 'ñiá do, jòba' camán~n fí nú'- nife' jaléng` i dsea` i cajúng~ i cajnga' dsea` quíá'- uíí~ e cani'r' júu^ quíá'- Fidié~. ¹⁰ Jo fé' jaléng` i dsea` í` cóo~ júu^ e teá eáang~, jo lalab jíñ'- do:

—Fí'naa', 'nub` dsea` i güean' i ja` dsee~ røøng` jíí~ coo` jogui dseáng'- i jmiti~ júu^ quíá'- contøøng~. Jo ¿lí` catí niquidsi' í' quíá'- jaléng` dsea` jmigüí jogui nicuó~re` iihuí uii~ quíá'- e cajngaiñ' jnea'^?

¹¹ Jo lajaang` lajaang` i dsea` do canghíiñ` sír^ e tee` jlo^, jogui canúur~ e 'né~ nijmi'ím` bir cateá lajo, co' 'né~ e nijém~ bir jaléng` gui dsea` caguaang~ gui quíá'- Dsea` Jmáang~ i jmóo` ta~ quíá'- e nijúuiñ~ lí^ laco' cajúng~ jaléng` ír` cajo, jo lajoguiba' nidsíng~ i sí'íng^ lajo.

¹² Jo dob sín'n jòø~ø mi~ tí li~ cafiing` i Jo'se' Jiuung~ do e sello e catí jñúu~ do. Jo lajee` jòb mi~ cajó' uó~ dseáng'- e eáang`. Jo íee` dseáng'- caliniúm` bre dseáng'- lafa' coo` 'ná' 'mi' uí' e quí' dsea` mi~ líiñ` fí'í'; jogui sí' dseáng'- caliyúuiñ~ lafa' jmí, ¹³ jogui jaléng` núu` i sitøng'- fí yú^ jmigüí cajiúm` bre' fí ni~ uó` lí^ laco' gui sijjú^ güñí^ sí' fí yú^ 'ma' quíá'- mi~ íí` guí e teá eáang`. ¹⁴ Jogui yú^ jmigüí ca'ím~ e casítíng` yaang~ laco' gui mi~ béeng` coo` mají, jogui lajalé` mó' cóo~ gui jalé` guóo~ uó~ jiu e néé' ni~ jmiñí^ calisím~ ée^ quíá'- lacoo` lacoo`. ¹⁵ Jo jaléng` dseata~ dsea` féng' cóo~ gui jaléng` dsea` laniing~ i quiu' ta~ fí jmigüí na, jogui jaléng` 'léé~ laniing~ i quíé` nifí, cóo~ gui jaléng` dsea` sea` cuu~, jogui jaléng` dsea` laniing~ i quíé` nifí jogui jaléng` dsea` i silaang~, cóo~ gui jaléng` dsea` i sí'níng~ i jmóo` ta~, jo jaléng` dsea` íb` i canaang` 'méeng` fí dsí' tó` jogui lacaang` jee~ jáa' fí jee~ mó' cajo, ¹⁶ jogui canaaiñ` sí'r' jalé' e mó' do cóo~ gui jalé' e jáa' do:

—Jlíng~ jnea'^ jo 'meeng~ jnea'^ quíá'- i dsea` i laniing~ i guing~ quiu' ta~ do jogui quíá'- i Jo'se' Jiuung~ do cajo, co' eám' niguíiñ` quí'naa' jòba' iihuí eám' nicuó~ lana.

¹⁷ Dsaco' lanab cadsíng~ jmñ~ e nidsijéé' iihuí e eáang~, jòba' ¿i~ nité' lí' cóo~ e jo?

7

Lajíi~ dsea` quíá'- Fidiéé' i nisí'íng^

1 Jo mi~ cangî e jo, camán~n —jíng'~ Juan— quiúung~ ángeles i teáang~ laji` quiú quiúung~ ni~ guóo'~ uó~ jmigüî e se'r' laji` quiú quiúung~ jmigüî e laco' jo` ni'f' gui gui' fí' ni~ guóo'~ uó~ o'gui fí' ni~ jmiñí'~ o'gui fí' jee~ 'ma` cajo. 2 Jo camám~biguí cajo jaang'gui ángel i jáa' fí' lí' lí' guo' iee, jo jáar' se'r' e sello quiá'~ Fidiée~ i seeng' car`ngongî jmiñ' do. Jo i ángel do cóo'~ júu^ teáb' eáang' cató'r' laji` quiúung~ i ángeles i cangîng' e tñiñ` quiá'~ e ni'lér' fí' ni~ guóo'~ uó~ jogui fí' ni~ jmiñí'~ cajo. 3 Jo i ángel i jáa' fí' lí' lí' guo' iee` do casí'r' i ángeles i quiúung~ do jo lalab cajíñ'~:

—Ja 'lee~na' jii'~ coo' fí' ni~ guóo'~ uó~ osi ni~ jmiñí'~ osi jalé' 'ma` é cartí mi~ nité^naa' e sello quiá'~ Fidiée~ qui`ii' fí' guiaquí' lajaang' lajaang' dsea` i jmóo` lajii'~ e iing~ Fidiée~.

4 Jogui canú~bî cajo jie' jii'~ tíi' i dsea` i ni'íng' e sello quiá'~ Fidiée~ do, jo i dsea` í tíir' ciento cuarenta y cuatro mil jee~ jaléng' 'lé' dsea` Israel. 5 Jo jaléng' i dsea` í quíng'~ guitú' mil dsea` i teáang'~ jee~ 'lé' quiá'~ dsea` siju` Judá, jogui guitú' mil dsea` i teáang'~ jee~ 'lé' quiá'~ dsea` siju` Gad, 6 jogui guitú' mil dsea` i teáang'~ jee~ 'lé' quiá'~ dsea` siju` Aser, jogui guitú' mil dsea` i teáang'~ jee~ 'lé' quiá'~ dsea` siju` Neftalí, jogui guitú' mil dsea` i teáang'~ jee~ 'lé' quiá'~ dsea` siju` Manasés, 7 jogui guitú' mil dsea` i teáang'~ jee~ 'lé' quiá'~ dsea` siju` Simeón, jogui guitú' mil dsea` i teáang'~ jee~ 'lé' quiá'~ dsea` siju` Leví, jogui guitú' mil dsea` i teáang'~ jee~ 'lé' quiá'~ dsea` siju` Isacar, 8 jogui guitú' mil dsea` i teáang'~ jee~ 'lé' quiá'~ dsea` siju` Zabulón, jogui guitú' mil dsea` i teáang'~ jee~ 'lé' quiá'~ dsea` siju` Sé~, jogui guitú' mil dsea` i teáang'~ jee~ 'lé' quiá'~ dsea` siju` Míng'~.

Jaléng' dsea` i nitee` sí'

9 Jo mi~ cangî e jo —jíng'~ gui Juan— camán~n dsea` i dseáng'~ i 'leáang~ eáang', jo jii'~ jaang' dsea` ja` ii' quí~ jmiñ' fa' e nijmi'íñ^ jóng' i dsea` do tíir'. Jo jee~ i dsea` do quíng'~ dsea` i seeng' fí' lajalé' fí, jogui laca'íng'~ ca'íng'~ dsea`, jogui laca'íng'~ fí e sea' fí jmigüî, jogui lajalé' jmi' e fé' dsea` e sea' fí jmigüî. Jo lajiiñ' do, dob teáiñ' fí quini' e ée^ e lí' guíng' i dsea` laniing~ do jogui fí quini' i Jo'se' Jiuung~ do cajo. Jo lajiiñ' bre qui'r' sí'r^ e tee` jogui se'r' guo' moo` quíee~ lajaang' lajaaiñ'. 10 Jo lalab féiñ' do cóo'~ júu^ e teá: i nab Fidiée~ qui~naa' colíng' cóo' i Jo'se' Jiuung~ do i nicalí'~ cacuó'r' jnea' e nicaláang~naa' jee~ jalé' iihuí' e catíng~naa' uí'~ jalé' dsee~ qui~naa', co' i nab dsea` i guíng' e fí lí' níng~ do fí lí' quiá'r' ta'!

11 Jo lajiiñ' ángeles teáiñ' lacúng' lajíng' e lí' guíng' i dsea` laniing~ quiá' ta~ do jogui lacúng' lajíng' e lí' neáang' jaléng' dsea` cóong' jogui e lí' neáang' i quiúung~ do; jo lajiiñ' i ángeles do catúuiñ' cartí cajnúu~ dsequír' e fí quini' e lí' guíng' i dsea` níng~ do e jmiféng' neiñ' lala:

12 i Lajob nilí!

Jo catíim~ Fidiée~ qui`ii' e nijmiféng'naa'r,
jo catíim~bre e ni'íñ' dseáng'~ lajii'~ e 'gøng',
jogui íbî dsea` i tíng' ngáng',
jogui catíim~bre e nicuóø'~naa're gui'máang'~
jogui e nijmi'goo~baa're cajo jo tíim~bre jmér~ lí'^ doñí' ee',
jogui seab' bí quiá'r' cajo car`ngongî jmiñ'~.
i jo lajob nilí!

13 Jo jaang' lajee~ guiequiúung' i dsea` cóong'~ do cajmíng'í'r' jnea~ lala jo cajíñ'~:

—¿I~ jaléng' i dsea` i qui' 'mi' té' na? ¿Jo jie~ fí lí' cajaliñ'~ na?

14 Joba' lalab cangî~ jnea~ quiá'r'~:

—Ée', 'nab` dsea` ñí'.

Joba' cañí'tur quié~ e lala:

—I nab jaléng' dsea` i nicangîng' jee~ jalé' iihuí', jogui nicaru' bre sí'r^ jo teeb' nicaséer' la'eáang' cóo'~ jmi'øøng~ i Jo'se' Jiuung~ do.

15 Jo uí~ joba' teáaiñ~ fí' quini' laco' li~ guing~ Fidié~ quiu'r' ta~.
Jo uøø jmiñb' jmicóo'r' fí' sinúu^ guá'- quiá'- Fidié~,
jo nijméb~ i dsea` i guing~ fí' laniing~ do í^ jaléng' i dsea` í.

16 Jo ja` tóo` jmiñ~ fa' niguiá' jmi'aañ~
o'gui jmi jmiññ~ calé' catú~,
o'gui nilí' guí'r' iee`
o'gui e guiné'r' cajo,

17 co' i Jo'se' Jiuung~ i guing~ dseáng'- fí' quini' e li~ guing~ i dsea` niing~ quiu' ta~ do,
íb' i nilíng~ dsea` i jmóo` í^ jaléng' i dsea` í lafa' jaang` dsea` i jmóo` í^ jo'se' quiá'r~,
jo íb' i nijé~ quiá'r~ cajo fí' li~ sea' lafa' jmiñ jlo' e jmóo` e seeng` dsea` cøøng` cóo' Fidié~
lata~;
jo Fidié~ nijmér~ e jo` niquí'-li jaléng' i dsea` í.

8

Mi~ cafiing~ e sello e catí' guié~ do

1 Jo mi~ cangf~ jo, jo camó~ o mi~ tí' li~ cafiing` i Jo'se' Jiuung~ do e sello e catí' guié~ quiá'-
e jì do, jo dsifí' mi~ calí~ lajo dseáng'- tiib~ ca'ñi~ fí' yá' jmiññ' lajee~ ca'ná'^ oor~. 2 Jo
lajee~ job, camán~ n laji' guiáng~ ángeles e teáaiñ~ fí' quini' Fidié~, jo cangñiñ' do lajaang`
lajaañ` jmacó' lúu' trompé'^. 3 Jo mi~ cangf~ jo, cajnéng~ jaang` gui ángel, jo casíñ' do 'ñia'r'
fí' nife' jo quier' coo` úu' e lí' cóo'~ layaang~ cunéé~, jo røøm` téé' sũ e silíng~. Jo jmiññ' b'
e sũ do cangñiñ', jo cacang'- niung'- cóo'~ jalé' júu^ e jmiñéng' dsea` Fidié~ quiá'- jaléng'
dsea` i nilíng` dsea` quiá'- dsea` do. Jo jalé' e jo, fí' dob caje' fí' nife' e li~ silíñ' cóo'~ layaang~
cunéé~ e si' fí' quini' e li~ lí' ée^ e li~ guing~ i dsea` laniing~ i quiu' ta~ do. 4 Jo mi~ cacóo~
e sũ e silíng~ do e téé~ e fí' dsíí' úu' quiá'- sũ do e se' i ángel do, joba' e jmiññ' quiá'- do
canaang` soo' fí' quini' Fidié~ colíng~ cóo'~ jalé' júu^ e fé' dsea` mi~ féñ' Fidié~. 5 Jo
mi~ cangf~ jo, i ángel do cajmirøøiñ' e úu' do cóo'~ mi' jito' quiá'- nife', jo ngf~ jo coo`
cafeá'bre fí' ni~ guóo'~ uø~; jo job mi~ caná' e gab` caníi` jogui catá'- miñ' eáang` jogui
caquie' güi'ñiá' jo cajó' uø~ e eáang` cajo.

Mi~ ca'ii~ jalé' lúu' trompé'^

6 Jo mi~ cangf~ jo, laji' guiáng~ ángeles i quie' jmacó' lúu' trompé'^ caguiéeng` guiá~ yaaiñ~
e nijíu~ bre.

7 Joba' i ángel la'uii~ do cajiúur~ lúu' trompé'^ quiá'r~, jo dsifí' lajob canaang` cabí~ fí' ni~
guóo'~ uø~ jalé' dsíí' cóo'~ jì e sicáng' cóo'~ jmi'. Jo cacóob~ jie~ ja' ca'ná'^ fí' latøøng~ guóo'~
uø~, jogui lajobi jalé' 'ma' cacóob~ jie~ ja' condseá', lí' lajalé' onuu' rø' e sea' lajob calí~.

8 Jo i ángel i catí' gáng~ do cajiúur~ e lúu' trompé'^ quiá'r~, jo dsifí' lajob camó~ o —jíng'-
Juan— coo` e lí' la lí' coo` mó' e fé' e iu~ jì eáang~, jo e jo fí' dob cabí~ fí' ni~ jmiññ'^, jogui
jie~ ja' condseá'- jmiññ'^ ca'uíng~ jmi'. 9 Jogui cajo jie~ ja' condseá'- jaléng' jó' teáang' é'
jmiññ'^ cajúm~ bre', jogui ca'ím~ cajo jie~ ja' condseá'- jalé' e móo' e ngí' fí' ni~ jmiññ'^.

10 Jo i ángel i catí' gaang` do cajiúur~ lúu' trompé'^ quiá'r~, jo dsifí' lajob catóng' jaang`
núu' féng' i íng' fí' yá' jmiññ' i caang` lafa' coo` bøji. Jo i la catóññ' jie~ ja' condseá'- fí' ni~
lajalé' gua' jogui lacaang` fí' li~ níng'~ jmiñ' cajo. 11 Jo gab' jia' ná' júu' jíi' laco' e sií' i núu'
do, co' siir' Coo' e Guí'; jogui jie~ ja' condseá'- lajee~ lajalé' jmiñ' cali'lib'^ e caliguí', jo i
fiim' jaléng' dsea' cajúng~ dsu' e ca'í'r~ e jmiñ' e cacáng'- lafa' oguí~ do.

12 Jo mi~ cangf~ jo, i ángel i catí' quiúung~ do cajiúur~ lúu' trompé'^ quiá'r~, jo dsifí' lajob
jie~ ja' condseá'- iee' jogui jie~ ja' condseá'- si' jogui jie~ ja' condseá'- lajee~ lajaléng' núu'
ca'léb'- quiá'r~, lí' jie~ ja' condseá'- tøøng~ laca'íng' ca'íñ' do, jo jo' e jir~ caliseá'gui jíi'
capí'. Joba' jie~ ja' ca'ná'^ jmiñ' jogui jie~ ja' ca'ná'^ uøø' jo' ee' jì caliseá' jíi' capí'.

13 Jo ngf~ jo, camán~ n jaang` jó' i jnéng~ lafa' miñ' e cangñing'ne' ñng'ne' fí' guiá' güi'. Jo
lalab cajíng'ne' cóo'~ júu^ teá':

—¡E ngi~ fñb^ jaléng^ dsea` i seeng`gui fí ni~ guóo~ uó~ jmigüi mi~ tí li~ nití~ í~ e ni`ii~ lúu' trompé^ e nabi nijiáa~ i gaang`gui ángeles do!

9

¹ Jo mi~ cangí jo, i ángel i catí 'ñíng~ do cajiáa~ lúu' trompé^ quiá'r~, joba' camán~n ladsifí lado jaang`núu' i íng' fí yá^ jmigüi jo catóin' fí ni~ guóo~ uó~; jogui cangíin' do e joñí quiá'- too` lí~ nua` só'. ² Jo mi~ cana' e too` jo, dseáng'- ca'uøø` jmiñi' 'ñua` lafa' jmiñi' e uøø` fí dsí' too` hornob dseáng'-; jogui e jmiñi' e ca'uøø` e fí too` nua` só' do cajmée' e caliná, co' caquiáam~ iee` cóo~ e jmiñi' do. ³ Jo i 'leáng~ 'miñí^ ca'uøøng` jee~ e jmiñi' do jo caning`ne' fí ni~ guóo~ uó~; jo cangíng` i jó' do e ca'uíng~ne' jó' i guíim~ jogui e í're' lafa' tacúb^ . ⁴ Jo cahuí' ta~ quiá' i jó' do e ja` ni'lé-re' jíi~ coo` onuu, dseáng' jíi~ ca'íng~ onuu` rø' o'gui jalé' 'ma. Jo dseáng'- lajii~ dsea` i ja` tóo` sello quiá'- Fidiée' fí guiaquí, lajii~ í'bing' i ni'íng' i jó' do. ⁵ Jo dsu' jaléng' i 'miñí^ do ja` cangíng`ne' fí fa' dseáng'- e nijngáng'-ne' jaléng' dsea, co' lajii~ fí e cangíng`ne' e lico' nicuø're' dsea` iihuí' eámajee' 'ñíng~ si'; jo e lí~ ni'í're' do cu' laco'gui cu' lí~ í' jaang` tacú^ guíng~. ⁶ Jo ie~ jmiñi~ jo jaléng' dsea` nijmé~bre quiji~ jial nijúuiñ~, jo dsu' ja` niguié'r' e~ uing~ e nijngáng'- yaaiñ~; co' iim~bre e nijúuiñ~, dsu' ja` 'mó~ nilisea` quiá'r~.

⁷ Jo i 'miñí^ do jnéeng~ne' laco' cuea` i nilíng' guiá~ quiá'- e nidsilíng~ne' fí jee~ 'nii'; jo tée~ mogui~re' lajaang` lajaang`ne' lí^ corona e lí' cóo~ layaang~ cunée~, jogui ni~re' líb'jiu laco' lí' ni~ dsea` jmigüi. ⁸ Jogui jñá're' líb'jiu laco' lí' jñugui~ dseamí, jogui maja~re' lí' la lí' maja~ ie'. ⁹ Jogui lacaang` nidsí're' sibé' layaang~ ñí e laco' jmi'óng' yaang`ne', jogui lajii~ e míi~ e ta' cuée're' do laco' íng`ne' ná' lafa' mi~ ii~ jalí bøø~ carreta e jñu' cuea~ e ningolí fí jee~ 'nii'. ¹⁰ Jogui nicúu're' lí' laco' lí' nicúu' tacú^, jo cóo~ e job í're'. Jo cangíng`ne' e líng`ne' jó' guíng~ e laco' ni'íng`ne' jaléng' dsea lajee' 'ñíng~ si'. ¹¹ Jo seem` jaang` i quie' nifí quiá' jaléng' i 'miñí^ do i quiu' ta~ quiáa~re', jo íb` i ángel i 'ling'^ laniing~ do i néé' ni~ e fí too` nua` só' do. Jo Abadón siir` cóo~ jmi' hebreo, jogui Apolión siir` cóo~ jmi' griego, jo e jo guóng' jaang` i 'lée'.

¹² Jo lanab cadséng~ la'uii~ coo` 'lé' e iihuí' do; dsu' lí^ uiim~bi jóng, co' nabi jalí tú~ 'lé'gui iihuí' e eáang`gui.

¹³ Jo mi~ tí li~ cajiáa~ i ángel i catí jñúung~ do lúu' trompé^ quiá'r~, jo dsifí lajob canú~u luu~ dsea` e guicajá~ e fí lí~ téé~ laji~ quiá' fí fí laji~ quiá' quiúung~ quiá'- nife' e lí' lí' cóo~ layaang~ cunée~ do e si' fí quini' Fidiée'. ¹⁴ Jo e luu~ jo casí~ lala i ángel i catí jñúung~ do i quie' lúu' trompé^ jo cajiñ'~:

—Leaang~ laji~ quiúung~ i ángeles i 'ñúung~ cóo~ ñí^ cadena do e fí gua` fé' e sii' Éufrates.

¹⁵ Jo caláam~ i ángeles i quiúung~ do e laco' nijngáiñ'~ jie~ ja` condseá~ tøøng~ jaléng' dsea` i seeng` fí jmigüi, co' jéem` nicané~ guiá~ quiáiñ'~ do e~ oor~ jogui e~ jmiñi~ jogui e~ si' jogui e~ jii~ e nijméiñ'~ do lajo. ¹⁶ Jo i 'lée~ i neáng` cuea~ do canú~baa e tíir` doscientos millones.

¹⁷ Jo lajoba' camó~o lajii~ e iing~ Fidiée' e nimoo~o do e camán~n jaléng' i cuea~ do, jo jaléng' i dsea` i neáng` fí mocóo~re' do quier' fí ni~ dsí' chalé^ e lí' cóo~ ñí e laco' jmi'óng' yaaiñ~. Jo e jo jnéeng~ laco' jnéeng~ jì jogui azul lí^ laco' lí' coo` cuu~ e sii' jacinto, jogui e née~ laco'gui lí' azufre. Jogui mogui~ jaléng' i cuea~ do lí' laco' lí' mogui~ ie', jogui fí mo'oo~re' uøø` jì jogui jmiñi' jogui azufre cajo. ¹⁸ Jo jie~ ja` condseá~ tøøng~ lajiiing` dsea` jmigüi cajúin~ cóo~ e jì do cóo~gui e jmiñi' do jogui cóo~ e azufre do e uøø` fí mo'oo~ i jó' do. ¹⁹ Dsuo' e óo' i cuea~ do e quí~re' jmiñi' fí mo'oo~re' cóo~gui fí nicúu're', co' nicúu're' lí' laco' lí' mogui~ mi', jo cóo~ e job e cú're' car` jngang`ne' dsea'.

²⁰ Jo jaléng' dsea` i ja` cajúng~ cóo~ jalé' e iihuí' e caliseá~ do, dsu' ja` catúbir e jmóor` jalé' e 'lí^ e tá~ jmóor~, o'gui catár' e jmiféiñ' jaléng' i 'ling'^, o'gui catár' e jmiféiñ' jaléng' diée~ i o' já~ i líng' cóo~ layaang~ cunée~ osi cóo~ cutee` osi cóo~ ñí^ bronce osi cóo~ jalé' cuu~ osi cóo~ jalé' 'ma' é; jo jíi~ jaang` i diée~ i o' já~ do cuøøng` lí' jøø~ o'gui cuøøng` lí'

núr̄ o'gui cuóøng` lí ngír̄ cajo. ²¹ Jo dseáng` ja` cali'ing` i dsea` do fa' catár` e jmóo`bir jalé` ta` jngang` jaléng` dsea` rúng` jogui jalé` ta` dsea` láang` jogui jalé` ta` 'léé` cóo` dseañu` osi dseamf̄ i o' quiá'r` jogui jalé` ta` jmóo` ì cajo.

10

Jaang` ángel cóo` cóo` jìjiu

¹ Jo mi` cangf̄ jo —jíng` Juan— camáng` guí jaang` ángel i 'gøng` i jajgiáang` fí yá` jmigüí i quíng` jee` cabøø` jníí, jo e fí lacúng` moguir` si` cóo` cuu` e jnéeng` mi` dsée` jmigui` jogui e tíí iee. Jogui nir` jíng` jì` laco' jì` iee, jogui tír` lí' laco' mi` søng` níng` jì e cuee. ² Jogui se'r` cóo` jìjiu e siná, jo casí` i ángel do tír` dsée` fí ni` jmiñí`, jogui e tír` tuung` do casí'r` fí ni` guóo` uó. ³ Jo teá` eáang` ca'óor` lí' laco'gui mi` óo` jaang` ie'; jo mi` tí lí' ca'óor`, e luur` do canú` lafa' e caquie` güiñiá` guié` ya'. ⁴ Jo mi` cangf̄ e canii` e guié` ya' do, jnea` lamí` sí' níjmée` baa jalé` e jo fí ni` jì; dsu` lajee` job mi` tí lí' canú` u cóo` luu` e jáa' fí yá` jmigüí jo casí` jnea` lala:

—Juan, lico' 'meeng` fí dsíí` mogui` lajalé` júu` e canú` quiá` e guié` ya' e nicanií` do, jo jie` mí í a' fa' e nijmée`.

⁵ Jo i ángel i camán` n do i casí` tí` e dsée` fí ni` jmiñí` jogui tír` e tuung` fí ni` guóo` uó, caséer` guóor` dsée` fí yá` jmigüí ⁶ jo cacuør` júu` quiá'r` uii` quiá` i dsea` i seeng` car` ngongí` jmí` do, i dsea` i cajmée` yá` jmigüí jogui jaléng` i seeng` fí jo, cóo` gui guóo` uó cóo` jalé` e sea` fí jo jogui jalé` jmiñí` lí' lajaléng` i seeng` fí la'úng` fí jmigüí, jo lalab cajíñ`:

—Jo 'né` fa' e nili` hui` e niliti` jalé` e na; ⁷ co' mi` tí lí' nití` í` e i ángel i catí` guiáng` do nináiñ` nijíu` lúu` trompé` quiá'r`, jo ie` job mi` nili` lajii` e sí'má` Fidié` e 'né` niliti` e ja` ní dsea` jéeng` gui, lí' laco' jii` júu` e casí'r` jaléng` dsea` quiá'r` i café` cuaiñ` quiá'r` malí` gui eáang`.

⁸ Jo lajii` e luu` e canú` u la'uii` do e jáa' fí yá` jmigüí, caléb` catú` caféng` tu jnea` jo casí` jnea` lala:

—Juan, gua` jo quie` e jìjiu e siná do e iu` fí jaguó` i ángel i sí'ø` fí ni` jmiñí` jogui fí ni` guóo` uó.

⁹ Joba' cangób` jnea` fí lí' sing` i ángel do, jo camí` ire e jìjiu e óo` do, jo lalab cañíir` quie` e:

—Jó' o jo quie`. Jo lifa' fí mo'oo` niliróob` laco'gui la róo` ta', jo dsu' fí dsíí` tú` niligüíb`.

¹⁰ Jo mi` cangf̄ e jo, catím` baa' e jìjiu do e fí lí' se' i ángel do jo cagó` baa; jo já` ba' e fí mo'óo` jlob` róo` e do, lifa' mi` catí` fí dsíí` tú` u, gab` guí` e do. ¹¹ Joba' guicanú` cóo` luu` e guicajíng` casí` jnea` lala:

—Nu` 'né` niguiá` tu calé` catú` jalé` júu` e jíng` Fidié` cuaiñ` quiá` jaléng` dsea` i seeng` fí jalé` fí jogui laco` sinú` jogui laca'íng` jmíí` e fé` dsea` jogui fí quini` jaléng` dseata` dsea` cóøng` i quie` níí cajo.

11

Gáng` dsea` i tíí ni`

¹ Jo mi` cangf̄ jo —jíng` gui Juan— cangín` n cóo` sñ` e quiá` guiá' í` e lí' lafa' cóo` cuiñí`, jo canú` u e líng` ì casí` jnea` lala:

—Ráan` jo quie` e sñ` guiá' í` na quí` jo quieé` í` jie` jii` tíí e guá` quiá` Fidié` jogui jie` jii` tíí e fí nífé` quiá'r` cajo, jogui nijmí` ím` ba' cajo jaléng` i dsea` i dsilíng` fí jo e dsijmiféiñ` Fidié`. ² Dsu' lifa' jie` mí guiá' í` fí siguí` quiá` e guá` do, co' e fí jo nicangíng` jaléng` dsea` i ja` mí cúing` Fidié` e laco' dsea` íb` i niso'øng` fí jee` fí güeang` quiá` Fidié` lajee` ní jii` dsí ca'ná`. ³ Jo jnea`, Fidié`, nisín` n gáng` lajee` dsea` quie` e

ī tīí nī, jō ī dseā í qui'r 'mī e qui' dseā mī líiñ' fí'í, jō jneab̄ cajo nicuóø̄øre e nifé'r̄ cuaiñ̄ quié e lajeē mil doscientos sesenta jm̄.

4 Jō ī dseā gáng- ī tīí nī do líiñ' lafa' lajì tú- e 'ma' olivo cóo' gui lajì tú- e candeléer̄ do e téē- fí' quini' Fí'naa' dseā néé' nir' fí' la'úng- fí' nī guóo' uó- jm̄güí. 5 Jō doñí' ī dseā ī iinḡ nijmeáng' ga' ī dseā gáng- do, joba' ī gáng- do uøø' jì fí' mo'oor- jō cóo' e job jñiñ- dseáng'- congua' jaléng' dseā ī 'nī' ní- quiá'r-, jō lajob nijúung- doñí' ī dseā ī iinḡ nijmeáiñ' do ga'. 6 Jō ī dseā gáng- ī tīí nī do ngám'bre fí' e laco' quí'r- jm̄ e jmér- e nijná- yá' jm̄güí e laco' jō nitú'gui jm̄ lajeē e taaiñ̄ e jmóor' ta- e fé'r̄ cuaiñ̄ quiá'- Fidiéē, jōgui cajo seab' fí' quiá'r- e lí'r- e nijmi'uíñ- jm̄ jalé' jm̄, jōgui seab' fí' quiá'r- cajo e nicuó'r- lajñḡ dseā jm̄güí lí' doñí' ee' iihu' lí' jó' ya' e cali'iñ̄ lajō. 7 Jō dsu' mī tí lí' cató' ta- quiá'- ī dseā gáng- do e nicafé'r̄ cuaiñ̄ quiá'- Fidiéē, joba' ī jó' 'līng' ī dséē- ī nigüi' fí' too' nua' sò' do, íb' ī nitíng- cóo'r- jōgui íb' ī nilí' ír' jōgui nijnga'-bing' do quiá'r-. 8 Jō ī 'lí' gáng- do fí' dob nirisaiñ̄ fí' jee- 'núu' quiá'- e fí' fé' e lí' catáng- Fiir̄ fí' dse' crúu'. Jō e fí' jō lí' lafa' fí' Sodoma osi lí' lafa' Egipto é. 9 Jō lajeē 'nī jm̄ dsí condseá'- niní lajñḡ dseā ī seeng' fí' fí' pí' osi fí' fí' cóo' é, jō laco' laco' sinúu' jōgui laca'íng' laca'íng' jm̄ e fé' dseā, e dob risaanḡ ī dseā gáng- ī nī'līnḡ do fí' jee- 'núu'. Jō jaléng' ī dseā do ja' nicuó'r- fí' fa' e ni'áng- ī dseā ī teng' 'līnḡ do. 10 Jō ie- jō jaléng' dseā ī seeng' fí' nī guóo' uó- eáam' nili'íang' dsír' dsu' e nicajúng- ī dseā gáng- do, jō jm̄b̄ nidsitáaiñ̄ e laco' cuø' lí' e eáam' íang' dsír', jō nicuó'- rúñ' jalé' e íang' dsír' la'ó' ír'. Jō nijmér- lajō uí' e ī dseā gáng- do eáam' jm̄guiu' jalé' iihu' cacuø'r' jaléng' dseā seeng' fí' jm̄güí.

11 Jō dsu' mī cangf̄ e 'nī jm̄ dsí condseá'- do, Fidiéē cajméer' e cajíb'tu ī dseā gáng- ī tīí nī do, jō caráam-tuiñ' do calé' catú-; jō jaléng' dseā ī cangá- e cají'tuiñ' do, dsíng'- cafóñ'. 12 Jō ī dseā gáng- do canúur- cóo' luu- teá e jáa' fí' yá' jm̄güí jō lalab guicajíng'- e luu- do:

—¡Hu'na' fí' la!

Jōba' lajob cajméeiñ' do, cajgóo'-bre e quiñ' jee- cabøø- jnī', jō jaléng' dseā ī 'nī' ní- quiá'r- cangá'-bre jalé' e jō. 13 Jō ladsifí lajob cajó' uó- e eáng', jō cóo' e job cajléng'- guóo' uó- jō calím- caquiúung'- jia e fí' jō, co' caqui'b- jalé' 'núu' jō guié- mil dseā cajúng-. Jōgui lajii' ī ja' cajúng- cóo' e jō, eáam' cafóñ', jō jōgui mī canaaiñ' e jm̄fíeiñ' Fidiéē dseā guínḡ ñíí'.

14 Jō casúum- jia e iihu' e catí tú- do; dsu' jō huøø- dsé- gui e nijáa' e iihu' e catí 'nī' do.

Mī ca'ii- lúu' trompé' e catí guié- do

15 Jō cóo' mī cajíu- ī ángel' catí guiáng- do lúu' trompé' quiá'r-, jō job mī tí lí' canú' jm̄guiu' luu- e teá eáng' fí' yá' jm̄güí jō lalab ná' guicajíng'-: Lanab catí í' e Fí'naa' Fidiéē,

colīnḡ cóo' ī jóor' Dseā Jm̄ang- ī casíñ' do,

niquí'r- ta- fí' latøøng- fí' nī guóo' uó- jm̄güí, jō car' ngong' jm̄ nijmér- lajō.

16 Jōgui lajì guiequiúung' ī yá' dseā cóøng' ī neáng' ée' quiá'- fí' quini' laco' guínḡ Fidiéē 'ña'r', lajñm' ī dseā cóøng' do catúuiñ' cartí cajnúu- nir' fí' nī uó-, jō lajob cajmifíeiñ' Fidiéē 17 jō fé'r':

Cuøø-naa' 'nu' gui'máng', Fí'naa' Fidiéē,

'nu' dseā féng' dseā ñin' ī quí' jm̄ jmé- lí' doñí' ee',

jō 'nu' dseā ī seeng' lajii' latí malí' lajii' ná' gui e nitiroo' jm̄güí jōgui cajo cartí lana, jōgui ī nijáa'tu calé' catú-,

dsuco' 'nu' nicangám'ba' e tñn' e quí' jm̄ lí' doñí' ee',

jōgui latí lanab nicanaan'- e qui' ta-.

18 Jō lalalém' dseā seeng' fí' jm̄güí eáam' nicaligüíñ- quií-; jō dsu' lanab catí í' e nijmigüíng' uø' uii' quiá'r- cajo,

jogui lanab cajo catî í' e niquidsi' í' quiá'- jaléng' dsea` i nicajúng`;
jogui lanab catî í' e nicuó' guiée` quiá'- jaléng' i dsea` i cajmée` ta` quií'- i café` cuaiñ`
quií'-

coling` cóo' jaléng' dsea` i caling` dsea` quií'- i cajmi'gó` 'nu, nañi' su dsea` i niing`
osi ja` niiñ` é.

Jogui lanab catî í' cajo e ni'im`ba' jaléng' i nica'lee',
jaléng' i nicacuó' jalé` iihuá' fi' ni` guóo' uó` jmi'güi'.

¹⁹ Jo ngá jo, joguib cana' e guá'- quiá'- Fidiée` e si' fi' ñifi', jogui fi' dsí' job si' e guóo`
e siling` e li' si'ma` laji' júu` tigua` quiá'- Fidiée`. Jo lajee` jo dsíng'` liji' güi'ñiá`, jogui
dsíng'` nií, jo téé` mii' eéang' cajo, jogui cajó' uó`, jo dseáng'` dsí' e cóob'` cajiá' fi' ni`
guóo' uó` cajo.

12

Jaang`dseamf` cóo'` jaang`jó'` guié` mogui`

¹ Jo mi` cangá e jo —jíngr` Juan— cóo'gui e li' e dsigá` dsinaa' eéang' cajnéng` fi' yá`
jmi'güi': jo cajnéng` jaang`dseamf` i quíng'` iee` lafa' e qui'r` si'r`, jo lí' uii` tír` do íng' si'
jogui iu` moguir` cóo' lí' corona e taang` guitúung` núu. ² Jogui yuu` bi' ni'quiéng' i dseamf`
do cajo, jo dseáng'` teá eéang' óor, có' tí' li' niliseem` i yuu` do quiá'r`. ³ Jo mi` cangá e jo,
cóo'gui li' e cajnéng` fi' yá` jmi'güi': jo cajnéng` jaang` jó'` 'ling'`, jo i jó'` do latøom`bre'
yúung`ne', jo guié` mogui`re' tí' jogui guí' fi're' cajo, jo lacoo` e mogui`re' do téé` jmacó`
lí' corona. ⁴ Jo cóo'` nicúub' i jó'` 'ling'` do ca'ling`ne' jie` ja` condseá'` tøong` lajaléng`
núu i sitøng'` fi' yá` jmi'güi' jo cabíng`ne' fi' ni` guóo' uó`. Jo i jó'` 'ling'` do casíng'` ñia`re'
fi' quini` i dseamf` i tí' li' niliseeng` yuu` quiá'- do; jo i jó'` do nisijeeng`ne' e nijngám'`bre'
i yuu` quiá'- i dseamf` do e nicúng'`ne' ladsifi' mi` niliseeiñ` do. ⁵ Jo cóob` mi' tí' li' catî í'
e cangáam'` i yuu` quiá'- i dseamf` do, jo jaang` jiuung` siñuub` caliséng', jo íb` i ni'quiá`
ta` fi' la'úng` fi' jmi'güi', jo nijmeáñ` ta` e 'ma'u` e lí' cóo'` layaang` ñi'. Jo dsu' i jiuung`
do condseé` cangáñ` fi' li' guing` Fidiée` e fi' li' lí' éé` li' niing` do; ⁶ jo i dseamf` do
cacuí`bre cangór` fi' ni` guóo' uó` quiá', có' fi' jo caguia' Fidiée` guíá' e niliñ` do í'
lajee` mil doscientos sesenta jmi'.

Mi` caliseá`'nií' fi' yá'` jmi'güi`

⁷ Jo mi` casúung` e jo, canaang` 'nií' fi' yá` jmi'güi'. Jo i ángel i eéang' 'gøng' i sii` Yé`
cóo'` jaléng'` ángeles quiá'r` catiñ` cóo'` i jó'` 'ling'` i guié` mogui` do coling` cóo'` jaléng`
ángeles i 'ling'` quiá'- i jó'` do. ⁸ Jo dsu' i jó'` 'ling'` do cóo'`gui jaléng'` ángeles i 'ling'`
quiáa`re' ja` sea` bí quiáa`re' fa' e calí`re' e 'nií' do. Joba' jo caliseá'gui éé` quiáa`re'
fi' ñifi' fa' e nigüéa`re' fi' jo. ⁹ Jo lajoba' catóm' i jó'` guié` mogui` do, jo íbing'` líng'` fií`
i 'ling'`, jo sii`bire' Satanás cajo, jo íb` i jmóo' ta` jmi'gøng` jaléng'` dsea` seeng` fi' la'úng`
fi' jmi'güi'. Jo tí' yá` jmi'güi' cabiing`ne' cartí' ni` guóo' uó` coling` cóo'` jaléng'` ángeles i
'ling'` quiáa`re'.

¹⁰ Jo job mi' tí' li' canú` túu cóo'` luu` e teá eéang' fi' yá` jmi'güi' e guicajíng'` lala:
Jo lanab nicatî í' e Fidiéeb` nileáñ` jaléng'` dsea` jmi'güi',

jo nicár` nifi' quiá'- dsea` la'eéang' cóo'` e 'gøñ' do.

Jogui i Joor` Dsea` Jmáang` i casíng` Fidiée` do

lana ni'quiá'r` ta` røø` quiá'- jaléng'` dsea` jmi'güi',

có' nicabiim` i lamí` 'níng' jaléng'` dsea` rú'naa' dsea` quiá'- Dsea` Jmáang`

i lamí` 'níng' jaléng'` í' fi' quini` Fidiée` e uøø` jmi'.

¹¹ Jo jaléng'` i dsea` rú'naa' dsea` quiá'- Dsea` Jmáang` do nicalí`bre i do la'eéang' cóo'` e
jmi'øøng` i Jo'se'` Jiuung` do e catuu` fi' dse'` crúu`
jogui la'eéang' cóo'` jalé'` júu` quiá'- Fidiée` e nicaguiar',
jo ja` caføñ'` fa' e nijúuiñ` ,

cō' caguiab' dsír' e doñí' ee` calb̄.

12 jō uí'~ jōba' güili'iaam' dsír' fí' ñifí'~,

jogui jaléng' 'nú', dsea' ñineáng'na' fí' jō, güili'iaam' óo'na' cajo!

jō dsu' e ngí' fíib' jaléng' i seeng' fí' ni' guóo'~ uó'~ jmigüi' cōo'~gui jaléng' i seeng' fí' ni'~
jmiñí'~,

dsuco' nicajgáng' fi' i 'ling' fí' jee' 'nú' e eáng' nisiguíñ' quí'na',

cō' guiáb' ñiñir' e si'í' jmi'ba' seeng'guir' fí' jmigüi' na!

13 Jō mi' calilí' i jó' guié' mogui' do e cabiing'ne' fí' ni' guóo'~ uó', jōba' canaang'ne' ngí're' 'nám'bre' i dseam' i cangoquieeng' i yuu' siñuu' do. 14 Jō dsu' i dseam' do cangüñ' quíá'~ Fidié' e sea' tú' cuéer' e fe', jō e jō lí' laco' lí' cuéé' jaang' mii', jō cōo' e jō nilí'r' ni'ññ' jō nidsér' fí' quíá'r' e fí' ni' guóo'~ uó'~ quíá' do, jō lajōba' niliseeñ' huí' gui laco' seeng' i jó' guié' mogui' do, jō fí' guóo'~ uó' jōb cangüñ' jalé' e 'nér' lajee' 'ní' jii' dsí' ca'ná'. 15 Jō i jó' guié' mogui' do canaang'ne' ñi're' jmigui' jmi' e fí' lí' taang' i dseam' do e lí' laco' nijúung' i dseam' do e nijié'r' jmi'; 16 jō dsu' 'ñia' guóo'~ uó'~ cajmicóob'~ i dseam' do cō' canab' lafa' mo'oo', jō fí' guóo'~ uó'~ canaang' ya' e jmi' quíá'~ e gua' do e catuu' fí' mo'oo' i jó' 'ling' do. 17 Jō dsu' cōo' e jō i jó' 'ling' do dseáng' eám' caligüing'ne' quíá'~ i dseam' do, jogui cangó-bre' e cangotíng'ne' cōo'~ jaléng' dsea' siju' i dseam' do i seeng'gui fí' guóo'~ uó', jaléng' i dsea' i jmiti' jalé' júu' quíá'~ Fidié' jogui i teáng' teá' fí' guiá' cōo'~ Jesús cajo. 18 Jō i jó' guié' mogui' do fí' dob cajere' fí' 'ni' jmiñí'~.

13

Gáng'gui jó' dsée' i 'ling'

1 Jō mi' cang' e jō —jíng' Juan— camó-guñ' e cagüi'ñ' jee' é' jmiñí'~ jaang' jó' dsée', jō guié' mogui're' tí' jogui dsí' guí' fí're' cajo. Jō laco' laco' e fí're' do té'e'~ jmacó' lí' corona, jogui e fí' laco' mogui're' do tōo' júu' e ga' e jmineang' Fidié'. 2 Jō i jó' dsée' i camán'~n do jnéem'bre' la jnéeng' jaang' ie' i siñ' leopardo; jogui tñ're' líb'jiu la lí' tñ' jó' i siñ' oso, jogui mo'oo'~re' lí' la lí' mo'oo'~ ie'. Jō i jó' guié' mogui' la'uii' do cacuø'bre' i jó' dsée' do lajii'~ e bí' quíáa'~re' jogui lajii'~ éé' lí' guíng'ne', jogui cacuø're' fí' e quíññ' do ta'. 3 Jō cōo' mogui' i jó' dsée' do jnéeng' lafa' e sicu' e jō tōo' jmi'~ nijíng' mii'; jō dsu' ca'lóob' e lí' sicu' quíáa'~re' do, jōba' lajii' dsea' jmigüi' eám' cangogá' dsír' jō lajii' dsea' casíñ'~ uii' quíá'~ i jó' dsée' do. 4 Jō cajmifém' dsea' i jó' guié' mogui' la'uii' do dsuco' cacuø'bre' i jó' dsée' do fí' e quíññ' do ta', jō cajmifém'bi dsea' i jó' dsée' do cajo, jō lalab casí'~reiñ'!

—Jō' jíe' lí' seeng' jaang'gui laco' i jó' dsée' la, jō jii'~ jaang' ja' iñ' quí'~ jmi' e nilí' i jó' dsée' do mi' iñ' nítíng' cōo'~re'.

5 Jogui cangüñ'bi i jó' dsée' do fí' e nifé're' júu' rōo' jogui jalé' júu' ga' uii' e 'ní' níng'ne' Fidié', jogui cangüñ'bre' fí' cajo e niquí'~re' ta' lajee' tuló' dsí' gáng' si'. 6 Jō lajōb cajmée're'; café'bre' júu' ga' uii' quíá'~ Fidié' cōo'~gui fí' lí' guíng' dsea' do, jō café'bre' júu' ga' cajo uii' quíá'~ jaléng' i neáng' fí' ñifí'. 7 Jogui cangüñ'bre' fí' cajo e nijmé'~re' 'ni' cōo'~ jaléng' dsea' i líng' dsea' quíá'~ Fidié' cartí' nilí'bre' jaléng' i dsea' í; jō dseáng' i jó' dsée' dobing' i quíá' ta' lí' doñí' iñ' dsea' i seeng' fí' fii' cōo'~ osi fí' fii' pí' é' osi lí' doñí' ee' jmi' e fé' dsea' é. 8 Jō i fii' dsea' i seeng' fí' ni' guóo'~ uó'~ jmigüi' nijmiféñ' i jó' dsée' do, dsu' nijmé' lajō lajaléng' i dsea' i ja' sijnéng' fí' ni' jì' latí' mi' catiroo'~ jmigüi' e fí' lí' taang' jaléng' dsea' i nisiguáng' quíá'~ i Jo'se' Jiuung' do i cajúng' fí' dse' crúu'.

9 Jō iñ' 'nú' sea' loguá'na', jōba' núu'na' jalé' e júu' na:

10 Jō jaléng' dsea' i nisi'íng' quíá'~ Fidié' e nidsilíñ' fí' 'nuñí',

jōba' fí' 'nuñí'~ nidsilíñ'~;

jogui jaléng' dsea' i nisi'íng' quíá'~ dsea' do e nijnga' dsea' quíá'r'~,

jo lajob nijmé Fidiée e nijúuñ do cajo lí[^] laco'gui cóo[^] e jngang' dsea` rúñ[^]. Jo uí[^] cóo[^] jalé e na, joba' jaléng' dsea` i nilíng' dsea` quíá[^] Dsea` Jmaang` 'né` teáañ` teá cóo[^] júu[^] quíá[^] Fidiée jogui e ja` nilítúng` dsíir cóo[^] e júu[^] jo.

11 Jo mi[^] cangf e jo —jíng[^] Juan— camán`n jaang`gui jó[^] dsée` i 'líng[^], jo i jó[^] í cagüi'fíre' fí guóo[^] uó[^]. Jo dsi[^] tú[^] fíre' e lí'jiu la lí' fí jaang` jo'se[^] jiuung~, dsu' fé're' laco' fé' i jó[^] guié` mogui[^] la'uii[^] do. 12 Jo i jó[^] dsée` la i cagüi'fí fí ni[^] guóo[^] uó[^] seab' fí quíáa`re' fí quini[^] i jó[^] dsée` la'uii[^] do e quíu're' ta[^], jo cajmée're' e lajim` dsea` seeng` fí ni[^] guóo[^] uó[^] jmigüi[^] cajmiféñ[^] i jó[^] dsée` i la'uii[^] do i lamí` jnéng` dseáng[^] e sicúing[^] ne' e la huíng` e jo` nijíng` míf, dsu' ca'láam`ture'. 13 Jo i jó[^] dsée` do i cagüi'fí fí guóo[^] uó[^] quí[^] bre' jmí[^] e jmóore' jalé e lí e dsigá` dsíi' dsea`, co' lí'bre' e nijmé`re' e nijjú[^] jí fí yú[^] jmigüi[^] jo nisojú[^] fí ni[^] guóo[^] uó[^] dseáng[^] laco' la ní dsea` lana. 14 Jo cóo[^] jalé e lí e jmóore' do fí quini[^] i jó[^] dsée` la'uii[^] do cajmigóong`ne' jaléng' dsea` seeng` fí ni[^] guóo[^] uó[^], jo caqui[^]re' ta[^] e calíng` jaang` dié` dsea` guóo[^] quíá[^] i jó[^] dsée` la'uii[^] do i sicúing[^] lahuíng` cóo[^] ñis[^] e ja` míf nijíng` quíáa`re', dsu' ca'láam`bre'. 15 Jo i jó[^] dsée` i cagüi'fí fí ni[^] guóo[^] uó[^] do cangíng`ne' e quí[^]re' jmí[^] e nijmé`re' e jí[^] i dié` dsea` guóo[^] quíá[^] i jó[^] dsée` i la'uii[^] do e laco' i dié` do lí'bre' e nífé'r jogui e nijmér` e nijjúung` jaléng' dsea` i ja` nijmiféng' ír'. 16 Lajobi cajo cajméer` e cóo` gui'náb[^] nité` dsea` cóo` e lí fí guóor` dsée` osi fí guiaquíir` é, na i le'eáang` jogui na i cóong[^], na i tiñíng` jogui na i sea` cuu[^], na jaléng' dsea` i silaang` jogui na jaléng' dsea` i si'níng` i jmóo` ta` tá[^] jmóo` quíá[^] dsea`. 17 Jo jí[^] jaang` dsea` cuóong` ee lí lár` o'gui ee lí 'nár` song ja` quier` e lí do o'gui táañ` e júu[^] quíá[^] i jó[^] dsée` la'uii[^] do osi e número quíá[^] jial siiñ[^] do é.

18 Jo 'né` dseáng[^] e tím` dsea` e laco' ningáñ[^] e júu[^] la; jo i dsea` i ngáng[^] do, áam`bre' í[^] e número quíá[^] i jó[^] dsée` la'uii[^] do, jo e job número quíá[^] dsea` jmigüi[^], jo e número jo lí' seiscientos sesenta y seis.

14

Lají[^] e ca'ø' i dsea` i tí' ciento cuarenta y cuatro mil

1 Jo mi[^] cangf gui e jo —jíng[^] Juan— camáng`túu i Jo'se[^] Jiuung` do e sing[^]ne' si'ø're' fí yú[^] mó[^] Sión. Jo dob teáang` colíng` cóo[^] i Jo'se[^] Jiuung` do ciento cuarenta y cuatro mil dsea` quíá[^] r` i tóo` e lí quíá[^] r` fí guiaquíi' jial sii i Jo'se[^] Jiuung` do jogui jial sii` Tiquíáa`re' cajo. 2 Jo mi[^] cangf jo, canú`u cóo` e guica'íi e jáa' fí yú[^] jmigüi[^], jo e jo nú[^] laco' nú[^] lí' í' cóo` lóo[^] e fé' jogui canú[^] ca'íi laco'gui la nú[^] mi[^] quie[^] güi'ñiá[^] e teá`eáang', jo nú[^] bi cajo laco' la nú[^] fa' mi[^] teáang[^] dsea` fíng` i bó' jalé` lúu' quíá[^] r` e sii` arpa. 3 Jo jaléng' i dsea` do ø' cóo` e ø' e 'mí[^] fí quini[^] e lí lí' ée` e lí guíng` i dsea` níng` do jogui fí quini[^] i quíuung` do jogui fí quini[^] jaléng' i yúu[^] dsea` cóong[^] do cajo. Jo jí[^] jaang` dsea` ja` níquí[^] r` jmí[^] fa' e nilítíñ[^] e ø' do, co' dseáng[^] lají[^] i dsea` fíng` i tí' ciento cuarenta y cuatro mil dob jí[^] i quí[^] jmí[^] nilítíng`, co' jí[^] íbing' i caláang` jee` jalé` dsee` quíá[^] lajee` lajaléng' dsea` i seeng` fí ni[^] guóo[^] uó[^] jmigüi[^]. 4 Jo jaléng' i dsea` nab i ja` cajmeáng' yaang` fa' e ca'léer` cóo[^] dseamí, jo jaléng' i dsea` nab i teáang` uii[^] quíá[^] i Jo'se[^] Jiuung` do jogui dsea` quíá[^] íb` líñi' jogui contøom` seeñ[^] cóo[^] dsea` do. Jo jaléng' i dsea` nabing' i caláang` jee` jalé` dsee` quíá[^] lajee` lajaléng' dsea` jmigüi[^], jo e jo guóng' lafa' cóo` e cacuø'r' la'uii[^] e catíng` Fidiée` cóo[^] gui i Jo'se[^] Jiuung` do. 5 Jo jaléng' i dsea` í jí[^] cóo` júu[^] e o' já[^] ca'uøø' fí mo'oor`, joba' dseáng[^] ja` e si'líñ[^] jí[^] cóo` fí quini[^] Fidiée`.

Lají[^] júu[^] e quie' i ángeles i gaang` do

6 Jo mi[^] cangf jo —jíng[^] Juan— camáng`guí jaang`gui ángel i ngang[^] íng` fí guíá[^] jóo` yú[^] jmigüi[^]. Jo i ángel do quier` júu[^] quíá[^] Fidiée` e ja` tóo` jmí[^] ni'íng` e quíá[^] nidsiguiar` jee` jaléng' dsea` i seeng` fí ni[^] guóo[^] uó[^] jmigüi[^] lí[^] lacoo` lacoo` fí e pí[^]

osi e cóo' é, jogui laca'íng' ca'íng' dsea, jogui laca'íng' ca'íng' jmí' e fé' dsea cajo.
 7 Jo lalab fé'r cóo' júu' teá':

—Jmí'goo'na' Fidié' dsea' guing' ñiff' jogui jmiféng'na'r, co' lanáb catí í' e niquidsir' í' quíá' lajaang' lajaang' dsea' jmigüi'. Jo jmiféng'na' i dsea' í, co' í'bing' i cajmée' yá' jmigüi' cóo' guóo' uó' jogui jmiñí' lí' lacaang' lí' níng' jmí'.

8 Jo mi' cangí jo, jaang'gui ángel cajíñ' cóo' júu' teá' lala:

—iLanáb catí í'! iLanáb catí í' e dseáng' ni'íng' e fi' fé' e sii' Babilonia, co' jaléng' i dsea' i seeng' fi' jo nicajmi'liñ' jaléng' dsea' i seeng' fi' la'úng' fi' jmigüi' e jmóor' lí' doñí' ee' e lí' dsí' ngúu' táaiñ'!

9 Jo mi' cangí jo, cangoquíéng' jaang'gui ángel, jo cóo' i la catí gaaiñ', jo lala cajíñ' do cóo' júu' teá':

—Songii' i jmiféng' i jó' dsée' la'uii' do cóo' gui' dié' guóo' quíáa' re' do, jogui e ni'íñ' e nitó' e lí' quíáa' re' fi' guiaquí' osi fi' guóor' é, 10 joba' jaléng' i dsea' í' né' e ni'ím'bre e guíng' Fidié' e jo' té' guir' uí' e dsee' e jmiróng' yaaiñ' do, jo e jo lafa' nicajmiñ'uíñ' fi' dsí' cóo' quíá'r', co' eáam' nisiguiñ' quíá' jaléng' i dsea' í; joba' iihu' e eáam' ni'íñ' do e nidsitáaiñ' fi' ni' j' e quíéng' azufre lí' coo' e ja' tóo' jmí' yu', jo e jo nilí' fi' quini' jaléng' ángeles i güeang' quíá' Fidié' jogui fi' quini' i Jo'se' Jiuung' do cajo. 11 Jo e jmiñ' quíá' e lí' coo' e lí' teáang' i dsea' íng' iihu' do jo' tóo' jmí' fa' e niquíúng' gui, jogui ja' tóo' jmí' sí' e jmí' osi e uó' fa' e nijmi'íng' gui jaléng' i jmiféng' i jó' dsée' la'uii' do cóo' gui' i dié' guóo' quíáa' re' do jogui jaléng' i nica'íng' lajii' e lí' quíáa' re' do cajo. 12 Jo jaléng' i dsea' i líng' dsea' quíá' Fidié' i núu' jalé' júu' quíá'r' jogui teáaiñ' teá' fi' guíá' cóo' Jesús, jo jaléng' i dsea' í'bing' i' né' cuó' bí' yaang' e ja' nitúr' lajii' e fi' niteáaiñ' do.

13 Jo mi' cangí e jo, canú' u cóo' gui' luu' fi' yá' jmigüi' e cajíng' lala:

—Juan, jmé' e júu' la: “Juguiá' jiu' latí' jmí' na jogui lí' dsé' gui' quíá' jaléng' i dsea' i júung' uí' Fí'naa' Dsea' Jmáang'.”

—Lajob lí' —cajíng' Jmiguí' quíá' Fidié' — lana nijmi'ím' jaléng' i dsea' í' uí' jalé' ta' e nicajmée'r, co' e job' cuó' lí' fi' quini' Fidié' e guíá' jalé' e jo.

Lajii' e sitíng' dsea' fi' ni' guóo' uó'

14 Jo cajó' guí' jóng' —jíng' Juan— jo camó' o cabó' jní' e tee; jo fi' ni' e jní' do camó' o e guíng' jaang' i jnéem' jiu' la jnéeng' jaang' dsea' la jneaa' aa'. Jo iu' fi' moguir' cóo' lí' corona e lí' cóo' layaang' cunée' jogui se'r cóo' ní' hoz e 'mé'. 15 Jo cagüi' hí' jaang'gui ángel fi' dsí' sinúu' guá' e si' fi' ñiff', jo i ángel do óor' teá' lala e áiñ' i dsea' i guíng' fi' ni' e jní' do, jo casí' reiñ' do lala:

—Jmé' ta' e ní' hoz na quí' i, jo sitíng' lajii' e nicaroo', co' lanab catí í', jogui lajii' e lafa' e cajni' dsea' fi' ni' guóo' uó', lanab nicaroo'!

16 Joba' i dsea' i guíng' e fi' ni' jní' do cangím'bre e ní' hoz do quíá'r' fi' ni' guóo' uó', jo casití'bre lajii' e lí' e lafa' e caroo' fi' jo.

17 Jo mi' cangí jo, cagüi' hí' jaang'gui ángel fi' dsí' sinúu' guá' e si' fi' ñiff', jo í' quie'bre cajo cóo' ní' hoz e 'mé'. 18 Jo e fi' nife' do cagüi' hí' jaang'gui ángel i quí' jmí' nijmé' e nicó', jo cató'r' cóo' júu' teá' i ángel i quie' e ní' hoz e 'mé' do, jo casí' reiñ' do lala:

—Jmé' ta' e ní' hoz e 'mé' na quí' i, jo quíu' jalé' guáng' huíng' jó' e sea' fi' ni' guóo' uó', dsuco' nicatí'b' í' quíá' e nilí' lajo, co' ní'fíb' mí' huíng' jó' quíá' i!

19 Jo i ángel do caqui'bre e huíng' jó' do cóo' e ní' hoz e 'mé' do, jo cató'r' cóo' lí' cató'r', jo fi' job' lí' niyé' do, jo e la guóng' lajii' e iihu' sóong' e nicuó' Fidié' jaléng' dsea' jmigüi'. 20 Jo e mí' huíng' jó' do fi' lí' caluu' fíb' cangolí' e cayé' i, jo e fi' lí' cangotóo' e niyé' do jmí' ca'íéng', jo e jmí' jo cadsí' cartí' mo'oo' cuea' lí' iu' e ní' e sii' freno quíáa' re', jo cani' e jmí' do lí' b'jiu' la trescientos kilómetros.

15

Lajì`guié` iihuí` lí` cadséng`

¹ Jo mí` cangí` jo, camó`-guí` fí` yá`^ jmiǵüî` cõõ`gui e lí` e dsigá` dsíí` dsea` eáang', jo camán`-n guiáng`- ángeles ì` quie' jíé`'gui guié`-gui íng`~ iihuí` e cartí' lí` dséng`-, jo cóõ`~ e job e niguiá` féng`' dsíí` Fidiéé` quiá'- lajii`~ e nisiguií`^ do.

² Jogui camó`-bí` cajo cõõ` lí` jnéeng`- laco' la jnéeng`- jmiñí`^ e jnéeng`- laco' jnéeng`- sít' e sicáang`~ cóõ`~ jí'; jo quiá'- e jmiñí`^ e jnéeng`- la jnéeng`- sít' do teáang`- lajiiing` dsea` ì` calí`- e ja` caquiá' ta` quiá'r`- ì` jó`^ dsée`- la'uii` do cóõ`~gui ì` diéé` guóo`~ quiáa`-re' do, jogui e ja` calí`~ cajo e lí` quiá'- ì` jó`^ do o'gui lajii`~ e número e sii`re' do cajo. Jogui quier' lúu' e sii` arpa e cangúí`~ e cacuø' Fidiéé`. ³ Jo ì` dsea` í` ør` cõõ` e ca'ø' Moi~, jaang` dsea` ì` cajmée` lajii`~ ta` e iing` Fidiéé`, jogui ca'ø' cajo cõõ` e ca'ø' ì` Jo'se`^ Jiuung` do, jo lalab ngóo' e jo: Eáam` jlo`^ jogui niguo`^ lajì` e nicajmee` 'na`, Fí'ii',

cõõ` 'nab` Fidiéé` dsea` féng`' dsea` ñíng` ì` 'gøng`' fí` jmiǵüî` ì` quí`~ jmií` jmé`- lí`^ doñí` ee`;

jo jmang`- júu`^ jáb`- quie` 'na`,

jogui jmang`- fí` røøb` sin` cajo,

cõõ` 'nab` lin` Fii` féng`' fí` la'úng`- fí` jmiǵüî`.

⁴ Jo lajiiim` dsea` 'né`- nijmi'gór` 'na`, Fí'ii',

jo lajiiim` dsea` 'né`- nijmiféiñ` 'na` cajo.

Cõõ` dseáng`- lajii`~ 'nab` dsea` güeang`^;

jo lajiiim` dsea` seeng` fí` la'úng`- fí` jmiǵüî` nijalí`~ e nijajmiféiñ` 'na`,

cõõ` nicajmilí`ba' e dseáng`- røøb` quidsi` í` quiá'- lajaang` lajaang` dsea` jmiǵüî`.

⁵ Jo mí` cangí` e jo, camó`-guí` e cana` fí` yá`^ jmiǵüî`, jo camó`-o fí` ñíí`- fí` lí` lí` e 'núu` güeang`^ quiá'- Fidiéé` fí` lí` sí'ma` e lí` tóõ` júu` tigua` quiá'- Fidiéé` cóõ`~ dsea` jmiǵüî`.

⁶ Jo e fí` dsíí` sínúu` do, fí` job lí` ca'uøøng` ì` ángeles ì` guiáng`- do ì` quie' lajì` guié` íng`~ iihuí` lí` cadséng` do. Jo lajiiim`bre qui'r` 'mi` e tee` jlo`^ e niguo`^ e jlo`^ jíng` jí', jogui cajo 'ñúu`~ nú`- dsíí` cõõ` e lí` cóõ`~ layaang`~ cunée`. ⁷ Jo jaang` lajee` ì` quiúung`- do cacuø'r` lajaang` lajaang` ì` ángeles ì` guiáng`- do jmacó` cóo`^ e lí` cóõ`~ layaang`~ cunée`, jo fí` dsíí` job lí` sírøøng` e iihuí` quiá'- e guíng`- Fidiéé` ì` seeng` car` ngongú` jmií` do. ⁸ Jo e fí` dsíí` sínúu` güeang`^ do dseáng`- caróm` e tee`^ jmiñí`, jo e jo calí`- la'eáang` cóõ`~ güea`^ e 'gøng`' quiá'- Fidiéé`, jo jii`~ jaang` ja` ì` quí`~ jmií` fa' e ni'ír` e fí` jo lajee` e ná`-gui e nité' lajii`~ e guié`- iihuí` do e quie' ì` ángeles ì` guiáng`- do.

16

Lajii` cóo` e sírøøng` iihuí`

¹ Jo mí` cangí` jo, canú`-u cõõ`gui luu` teá` e jáa` fí` dsíí` sínúu` güeang`^ do quiá'- Fidiéé`, jo lalab jíng`- sí' lajì` guiáng`- ì` ángeles do:

—Güííng`-na' fí` ní` guóo`~ uø`- jmiǵüî`, jo fí` job nigüí`íng`na' e cóo`^ e lí` a` e iihuí` quiá'- e eáang` guíng`- Fidiéé` cóõ`~ jaléng` dsea` jmiǵüî`.

² Jo dsifí` lajob cangó`- ì` ángel la'uii` do, jo cangojiim`bre e cóo`^ quiá'r`- do fí` ní` guóo`~ uø`-, jo lajiiim` dsea` ì` quie' e lí` quiá'- ì` jó`^ dsée`- la'uii` do jogui ì` cajmiféng` ì` diéé` guóo`~ quiáa`-re' do, lajalém` ì` dsea` í` ca'ieeiñ` cõõ` íng`~ 'mi` e 'lí`^ e dseáng`- eáang` ga` cu`.

³ Jo mí` cangí` jo, ì` ángel ì` catí` gáng`- do cangojiim`bre e cóo`^ quiá'r`- do fí` ní` jmiñí`^, jo ladsifí` lanab ca'uíng`- jmi' e jmií` do laco'gui la lí` jmi' quiá'- jaang` dsea` ì` cajnga` dsea` quiá'-, jo cõõ` gui'náb`^ cajúng`- jaléng` ì` seeng` fí` dsíí` e jmiñí`^ do.

⁴ Jo mí` cangí` jo, ì` ángel ì` catí` gaang` do cangojiim`bre e cóo`^ quiá'r`- do fí` lacaang` gua` jogui lacaang` lí` níng`~ jmií`, jo ladsifí` lanab ca'uíng`- jmi' e jmií` do.

⁵ Jo mí` cangí` jo, canú`-u e cajíng`- ì` ángel ì` jmóo` í` jalé`^ jmií` do lala: Fidiéé` quí`-ii', ja` dsee`- røøñ` jii`~ cõõ`;

cō' nicaquidsí'ba' í' laco' catíng̃,
 jō 'nub̃ ì seeng̃ jōgui niseem̃'ba' cajo lajii'~ ná'~gui e nitiroõ jmigüí,
 6 cō' jaléng' ì dsea' í' nicaingaiñ' jaléng' dsea' quí'~ cō'~gui jaléng' dsea' áang' ì café'
 cuaiñ~ quí'~ malii~gui eáang',
 joba' 'nua' lana nicacuøø'~ba're e ni'í'r' jmi'øøng̃ e laco' ni'íñ' lajii'~ e catíiñ̃.

7 Jō mĩ cangí jō, canú~guíi cōo'gui luu~ e jáa' fí nife' e jíng'~ lala:

—Jáb'~, lajob líí, Fí'naa' Fidiéé̃, 'nub̃' dsea' ì quí'~ jmĩ~ jmé' lí' doñí' ee', cō' nicaquidsí'ba' í' laco' catíng̃ jōgui laco' sí'í' cajo.

8 Jō mĩ cangí jō, ì ángel ì catí quiúung̃ do cangojiiñ̃^ cōo' quiá'r' fí lí' íng' iee', jō iee' cangíiñ̃ e quí'r'~ jmĩ~ e cō'~ e jì e jmiñeár' do nijíiñ̃ jaléng' dsea' seeng' fí jmigüí.

9 Joba' dseáng'~ cōo' gui'náb'~ eáang' cacáng' dsea'; dsu' car' jii'~ jō ja' caqu'~ jím'~bi' yaaiñ̃ fí quini' Fidiéé̃ o'gui cajmiféiñ' dsea' do cajo, cō' lí' lí' jmang'~ júu' ga'guib café'r' uii' quiá'~ dsea' do ie~ jō, doñí' fa' quí'b'~ Fidiéé̃ jmĩ~ e nijmihuíiñ̃ jalé' e iihuí' do facō' mĩ caqu'~ jíng'~ yaang'~ ì dsea' do.

10 Jō mĩ cangí jō, ì ángel ì catí ñíing̃ do cajíiñ̃^ cōo' quiá'r' fí lí' lí' ée' lí' guíng' ì jó' dsée' la'uii' do, jō ladsifí lanab cango'íng' lajii'~ e quí'~ ì jó' do jmĩ~ e quíu're' ta~, jō nuu' sób' ca'uúing̃ fí la'úng' fí lí' lamí' quíu're' ta~. Joba' lajaléng' dsea' canaiñ̃ cu'r' nisí'r' uii' e iihuí' eáang' e cangíiñ̃ do; 11 jō dsu' car' jii'~ jō ja' catú'bir e jmóor' jalé' e ga', cō' lí' lí' eáang'gui caligúim̃ bre quiá' Fidiéé̃ dsea' guíng'~ ñiff̃, jōgui fé'bir jmang'~ jalé' júu' ga' quiá'~ dsea' do uii' e ca'íñ' jalé' e iihuí' do cō'~gui jalé' e 'mi' e ca'ieeiñ̃ do.

12 Jō mĩ cangí jō, ì ángel ì catí jñúung̃ do cajíiñ̃^ cōo' quiá'r' do fí lí' íu' gua' laniing̃ e sii' Éufrates, jō ladsifí lanab caliquíu' jmĩ~ e sea' e fí gua' jō, jō lajoba' caliseá' fí e cangíng' jaléng' dseata~ dsea' féng' ì neáang' lí' lí' 'ngóo'~ lí' guo' iee'.

13 Jō mĩ tí' lí' cangí e jō, camán'~n gaang' ì 'ling' ì jnéem'~jiu' la jnéeng' tee~, jō ca'uøøng'ne' tá'~ jáng'ne' fí mo'oo' ì jó' guíe' moguí~ do cō'~gui fí mo'oo' ì jó' dsée' la'uii' do cō'~gui fí mo'oo' ì jó' dsée' ì catí tú' ì jmicaang' ì fé' cuaiñ̃ quiá' Fidiéé̃.

14 Jō jaléng' ì 'ling' do ì jnéem'~jiu' la jnéeng' tee~ quí'~bre' jmĩ~ e jmóore' jalé' e lí' e dsigá' dsí' dsea', jō jaléng' ì 'ling' í' uøøng'ne' e seáang'ne' lajüing' dseata~ dsea' féng' ì quíu' ta~ fí la'úng' fí jmigüí, jō jmóore' lajō e laco' nitíñ' do jee' cōo' 'nií', jō job mĩ nití' e jmĩ~ e nisi'í' quiá' Fidiéé̃ dsea' féng' dsea' ñíng' ì quí'~ jmĩ~ jmé' lí' doñí' ee' e niquidsir' í'.

15 Jō lalab cajíng' Dsea' Jmáang'~: “Quié'na' cuente e jii'~ ja' ñiing̃ dsí' dsea' jmigüí mĩ nigáa'túu' calé' catú' fí jmigüí na, lí' laco' lí' mĩ guíeé' jaang'~ ñí' ì jmóo' ñí'. Joba' fá'a: juguíu'~jiu' quiá' ì dsea' ì sijnéé' dsí' ie~ jō jōgui néé' guíu'~ quiá'r' e qui'bre' sí'r' e laco' ja' nilí' í' lí'iñ̃ uii' e ja' néé' guíu'~ quiá'r' mĩ niguíeé' e jmĩ~ jō.”

16 Jō ie~ jō, jaléng' ì 'ling' do ì jnéeng' la jnéeng' tee~ caseáng'ne' lajüing' dseata~ dsea' féng' ì quíu' ta~ fí la'úng' fí jmigüí e laco' nitíñ' e fí lí' sii' Armagedón cō'~ jmi' hebreo.

17 Jō mĩ cangí e jō, ì ángel ì catí guíang̃ do cajmijøbre e cōo' quiá'r' do fí guíu' güí; jō tí' dsí' sínúu' güeang'~ e sí' fí ñiff̃ guicaná' cōo' luu~ e teá' e jáa' e fí lí' lí' ée' e lí' guíng' ì dsea' niing̃ ì quíu' ta~ do jō fé' lala:

—jLanab nicatí' í' e nicató' lajalé'!

18 Joba' ladsifí lanab canaang'~ quie' güi'ñiá' e teá' eáang', jōgui lijí're' cajo, jōgui eáang' téé'~ mí'~, jōgui cajø' uø' dseáng'~ e teá' eáang' e jii'~ cōo' néé' ja' mí' cajø' lajō lajii'~ tí' mĩ caliséng' dsea' fí jmigüí. 19 Jōgui e fii' fé' laniing̃ do 'ní' dseá' ca'uúing̃, jōgui lajalé'gui fii' e sea' fí jmigüí sí' cangolí' lí' néé'; jōguib mĩ tí' lí' cadse' dsí' Fidiéé̃ e fii' laniing̃ e sii' Babilonia do e laco' nicuø'r' jaléng' ì dsea' seeng' fí jō e méé' do e ni'íñ' do laguidseaang' e guóng' jalé' iihuí' e casíng' Fidiéé̃ quiá'~ jaléng' ì dsea' í' uii' e eáam' nisigúíiñ̃^ quiá'ñ' do. 20 Jō ie~ jō cango'íim' lajalé' uø'~jiu' e néé' lacaang' ni' jmiñí' cō'~gui jalé' mó'. 21 Jōgui cajíu' fí ni' guóo' uø' dsí' e cō'~ eáang' e ii' lí'gui cuarenta kiil' laco'. Joba' café' jaléng'

dsea`jmang' júu` ga` uii` quiá' Fidié` uí' e ca'íñ' e iihu' e cajiá' e dsí' cóo' do, dsuco' coo' iihu' e huim' eám' dseáng' cangár'.

17

Mi` cangng` iihu' i dseam' i ca'ée` dsee` do

¹ Jo jaang' lajee` i ángeles i guiáng` do i quie' guié` e cóo` do cajar` fí' lí' sín'n jo casí'r` jnea` lala:

—Juan, nea' fí' la! Jo lab ni'ée` e 'na` lajii` iihu' e catíng` ni'íng` i dseam' i jmóo` ta` 'n'íng` 'ñia' i guing` fí' lacaang` ni` jmí' e sea' fí' la'úng` fí' jmigüí'. ² Jo i fíim' dseata` dsea` féng' i quia' ta` fí' jmigüí` dseeb` nica'éer` cóo' i dseam' i cóo' jalé' e lí' dsí' ngúu` táaiñ'. Jo i fíim' dsea` jmigüí' cajo lafa' nicadseá` ím`bre cóo' jalé' e 'lí' e jmóo` i dseam' do.

³ Jogui jnea` —jíng' Juan— dseáng' lafa' dsea` quib' dseáng' camó` guí' e cajá' guí' jee` Jmiguí' quiá' Fidié`, jo i ángel do cangojéiñ` jnea` fí' coo' lí' lí' jee` guóo' uó` quia', jo fí' job camán` n jaang` dseam' i guing` fí' mocóo' jaang` jó' dsée` i yúung` i sea` guié` mogui` jogui guí' fí're'. Jo fí' latøøng` i jó' do tóo` jmang' júu` e gab` e jmineang' Fidié`. ⁴ Jo i dseam' i jmóo` ta` 'n'íng` 'ñia' do qui'r` sí'r` e ía` i ná' cóo' e yúu`, jogui quier` jalé' cuné` cóo' gui jalé' cuu` jí' e jié' e 'mo' eáang'. Jo ngóor` se'r` coo' cóo' e lí' cóo' layaang` cuné`, jo fí' dsí' jo sírøøng` jmang' júu` e 'ní' ní' cóo' gui jalé' dsee` e éer` quiá' e jmóor` ta` 'n'íng` 'ñia'r` do; ⁵ jogui quie`bre cajo coo` júu` e tóo` fí' guiaquí'r', jo íim` ee` guóng' do quiá'r` lifa' ja` i` ní' lí' lajii` 'ñia'bre dsea` ñir', jo lalab tóo`: “Eám' fé' níng` jogui 'gøng' fí' fé' e síi` Babilonia, co' e joba' e lí' lafa' niquiá' lajaléng' dseam' i ée` dsee` e jmóor` ta` 'n'íng` yaang`, jogui e job cajo lí' lafa' niquiá' lí' lajalé' e 'lí' e sea' fí' jmigüí' la.” ⁶ Job mi` calilí' i jóng` —jíng' Juan— e íim` i dseam' do cóo' jmí' jaléng' dsea` i líng` dsea` quiá' Fidié` jogui cóo' jmí' jaléng' gui dsea` i cajúng` uí' e guiar` júu` quiá' jalé' e cajmée` Jesús.

Jo mi` camó` o jalé' e jo, eám' cangogá` dsii'. ⁷ Joba' cajíng' i ángel do casí'r` jnea` lala:

—Juan, ¿jalí' dsigá' o'? Lab nijméel` duu 'na` júu` e` guóng' lajii' e tóo` fí' guiaquí' i dseam' do, jogui e` uing` e guiiñ` fí' mocóo' i jó' dsée` i yúung` i sea` guié` mogui` do jogui guí' fí're' cajo. ⁸ Jo i jó' dsée` i niñin' i seeng' lajii' latí' malib' na, dsu' lana jo` seeng`ne'; jo dsu' lifa' nigüí'bre' e fí' lí' 'lí' lí' lí' too` nuu` só' ná' gui e ni'íng`ne' congua'. Jo jaléng' dsea` i seeng' fí' ni` guóo' uó` jmigüí' i ja` mí' taang` fí' ni` jí' quiá' Fidié` lajii' mi` canaang` uing` jmigüí' fí' lí' nitaang` jaléng' dsea` quiá'r` i nitøør` mi` nití' í' lajo, jo jaléng' íb` i eáang` nidsigá` dsí' mi` tí' lí' niníñ` i jó' dsée` i guié` mogui` i lamí' seeng' do jogui lana jo` seeng`ne', dsu' lifa' nijáab`ture' mi` tí' lí' nití' í' lajo.

⁹ Jo lalab nililí' i dsea` i quí' jmí' ningáng': E mogui`re' e guié` do guóng' guié` mó', jo e fí' ni` job guing` i dseam' do; jo guóm`bi cajo e guié` mogui`re' do guiáng` dseata` dsea` féng' i quia' ta`. ¹⁰ Jo 'níng` lajee` i dseata` dsea` féng' do nicajúm`bre, jo jaang` lajee` ír` quia'bir` ta` latí' lana, jo i jaang`gui do ja` mí' catí' í' fa' mí' güéeiñ'. Jo dsu' mi` nití' í' e nigüéeng` i lí' cadséng` lajee` ír` do, ja` huøø` nigüear` niquiá'r` ta`. ¹¹ Jogui i jó' dsée` i yúung` i seeng` lamí' jéeng' do jogui e lana jo` seeng`ne', íb` i dseata` dsea` féng' i lí' catí' jñíng` do; jo iuum`bir` cajo jee` i guiáng` do, jo lifa' ningóor` dseáng' e ni'ím`bre congua'.

¹² Jogui lajii' guí' fí're' e cañii' do guóng' guíng` dseata` dsea` féng' i ja` mí' canaang` quia' ta`; jo dsu' jii' lajee` coo' oor` niñíñ` fí' e niquiá'r` ta` colíng` cóo' i jó' dsée` i yúung` do, jo nilisea` fí' quiá'r` e niquiá'r` ta` laco' jaang` dseata` dsea` fém'. ¹³ Jo lajee` lajii' guíng` i dseata` dsea` féng' la røøb` síiñ', jogui cuó'bre i jó' dsée` i yúung` do lajii' bí' quiá'r` jogui e tiiñ` quia'r` ta`. ¹⁴ Jo nitím`bre cóo' i Jo'se' Jiuung` do; dsu' lifa' i Jo'se' Jiuung` dob nilí' ír` colíng` cóo' jaléng' dsea` i nicaguíng' Fidié` i dseáng' lajang' eáang` teáang` teá` cóo' júu` quiá' dsea` do; dsuco' i Jo'se' Jiuung` do Fii' quiá' jaléng' fíib` líng`ne' jogui Dseata` Dsea` Féng' quiá' jaléng' dseata` dsea` fém' líng`ne' cajo.

15 Jo cajím¹-bigui i ángel do casí¹r¹-jnea¹ lala cajo:

—Lají¹~ e jmí¹ e cañí¹~ do e fí¹ lí¹ guing¹ i dseamí¹ i jmóo¹ ta¹ ~'nín¹g¹ 'ñia¹ do, e jo guóng¹ jalé¹ fí¹ pí¹^ osi jalé¹ fí¹ cóo¹~ é jogui laca'íng¹~ ca'íng¹~ dsea¹ jogui laca'íng¹~ ca'íng¹~ jmí¹ e fé¹ dsea¹ cajo. 16 Jogui lají¹~ guí¹ fí¹ e cañí¹~ quiá¹~ i jó¹ yúung¹ do 'níb¹ niníng¹ i dseamí¹ i jmóo¹ ta¹ ~'nín¹g¹ 'ñia¹ do, jogui cab¹ nijmí¹'náng¹'neí¹ do, jogui nijmér¹ ringúuín¹ do; jogui nidó¹r¹ ngúu¹ táai¹ñ, jogui cajo nijm¹-bre cóo¹~ jì¹ mî¹ ningí¹ jo. 17 Jo Fidiéeb¹ nicuó¹ jial ni¹í¹ dsí¹ jaléng¹ i dseata¹ dsea¹ féng¹ do e laco¹ nijmitir¹ lají¹~ e iing¹ Fidiéé¹ e nijméí¹ do, jo røøb¹ nisíng¹ jaléng¹ i dseata¹ dsea¹ féng¹ do e laco¹ nija¹r¹ i jó¹ dsée¹ do lají¹~ ta¹ óor¹ cartí¹ niliti¹ lají¹~ júu¹ e nicajíng¹ Fidiéé¹. 18 Jogui i dseamí¹ i cañin¹ do, íbing¹ líng¹ lafa¹ e fí¹ fé¹ e laniing¹ e quí¹~ jmí¹ quiu¹ ta¹ jaléng¹ dseata¹ dsea¹ féng¹ i quiu¹ ta¹ fí¹ nî¹ guóo¹~ uó¹ jmigüí¹.

18

Mî¹ ca'íng¹ fí¹ Babilonia

1 Jo mî¹ cangí¹ e jo —jín¹g¹ Juan— camán¹-n jaang¹gui ángel i jajgiáang¹ fí¹ yá¹^ jmigüí¹. Jo eáam¹ 'gøng¹ i ángel do e quiu¹r¹ ta¹; jo mî¹ tí¹ lí¹ catí¹ñí¹ fí¹ nî¹ guóo¹~ uó¹, dseáng¹ jlo¹ cajneá¹ cóo¹~ lají¹~ e jiiñ¹ do. 2 Jo café¹r¹ cóo¹~ júu¹ teá¹ lala:

¡Lanab catí¹ í¹! ¡Lanab catí¹ í¹ e dseáng¹ nî¹íng¹ e fí¹ fé¹ e 'gøng¹ eáang¹ e sií¹ Babilonia!

¡Co¹ jmang¹ jaléng¹ i 'lim¹'bing¹ i seeng¹ do jmí¹ na,

jo jmang¹ jalé¹ e 'lí¹'ba¹ jmóor¹,

jogui lí¹ lafa¹ 'núu¹ fí¹ lí¹ seáng¹ jaléng¹ i 'líng¹^;

jo e fí¹ jo lí¹ cajo lafa¹ sií¹ jaléng¹ i 'nî¹ nî¹ i jmóo¹ jmang¹ e ja¹ dseeng¹!

3 Co¹ lajím¹ dsea¹ i seeng¹ fí¹ la'úng¹ fí¹ jmigüí¹ nicadseá¹ íim¹bre cóo¹~ e lafa¹ méé¹ e jmóo¹ e ée¹ dsea¹ dsee¹ e 'léer¹ cóo¹~ dseañu¹ dseamí¹ i o¹ quiá¹r¹;

jogui jaléng¹ dseata¹ dsea¹ féng¹ i quiu¹ ta¹ fí¹ jmigüí¹ nica'éé¹bre dsee¹ cajo cóo¹~ i dseamí¹ i 'líng¹^ do.

Jogui jaléng¹ dsea¹ i seeng¹ fí¹ nî¹ guóo¹~ uó¹ jmigüí¹ i jmóo¹ ta¹ ~'nî¹ jogui ta¹ láa¹, eáam¹ nicaliseá¹ cuu¹ quiá¹r¹ la'eáang¹ cóo¹~ jalé¹ e nicalí¹r¹ lajee¹ e nicajméer¹ jalé¹ ta¹ e 'léé¹ do.

4 Jo ngí¹ jo canú¹-u cóo¹gui luu¹ e jáa¹ fí¹ yá¹^ jmigüí¹, jo lalab cajíng¹ e do:

Uøøng¹na¹ e fí¹ jee¹ fí¹ na, 'nú¹ dsea¹ líng¹na¹ dsea¹ quié¹ e,

jo lajòba¹ ja¹ nibeáang¹~ dsee¹ yaang¹na¹ e nijméé¹na¹ ta¹ 'léé¹,

jo lajòbi cajo ja¹ nitíng¹na¹ jalé¹ iihu¹ e catíng¹ jaléng¹ i dsea¹ seeng¹ e fí¹ fí¹ jo.

5 Dsüco¹ lají¹~ dsee¹ e nica'éé¹ jaléng¹ i dsea¹ í¹,

dseáng¹ e ñíib¹ eáang¹ e tí¹ cartí¹ yá¹^ jmigüí¹.

Jo nitóob¹ dsí¹ Fidiéé¹ jalé¹ dsee¹ e nica'ééí¹ do,

jòba¹ lana ninéeb¹ guíá¹ quiá¹ Fidiéé¹ e nicuó¹-reí¹ do iihu¹ uí¹ quiá¹ jalé¹ e jo.

6 Jo qui¹na¹ quiá¹ jaléng¹ i dsea¹ do laco¹gui ír¹ nicajméer¹ cóo¹~ dsea¹ jíéng¹,

jo cuóø¹na¹r¹ tú¹ 'lé¹gui iihu¹ laco¹gui jí¹~ e nicajméer¹;

jo cáang¹na¹ fí¹ dsí¹ cuéé¹ hu¹ tú¹ ya¹gui iihu¹ e lí¹ lafa¹ méé¹ guí¹,

jo cuóø¹na¹r¹ e jo lí¹ laco¹ jí¹~ e nicacuø¹r¹ dsea¹ jíéng¹ lamí¹ jééng¹gui.

7 Jo jmeáang¹na¹r¹ ga¹ jogui cuóø¹na¹r¹ jalé¹ iihu¹,

dsüco¹ lajòb calí¹ñí¹ 'ñia¹r¹ e cateáai¹ñ juguíá¹ fí¹ jmigüí¹ e cajméer¹ ta¹ ~'nín¹g¹ 'ñia¹ jogui e jmiféng¹ 'ñia¹r¹; co¹ lalab fé¹r¹ e jmíjlong¹ 'ñia¹r¹:

“Fí¹ lab guing¹ jnea¹ dseáng¹ laco¹ guing¹ jaang¹ dseamí¹ niing¹ i quiu¹ ta¹;

co¹ ja líng¹ jnea¹ jaang¹ dseamí¹ i 'nî¹,

jo dseáng¹ ja¹ e fí¹ ní¹jáa¹ quié¹ e jí¹~ cóo¹.”

8 Jo uí¹ quiá¹ jalé¹ e jo, jòba¹ eáam¹ huíng¹ nidsijéé¹ quiá¹r¹ lajee¹ ta¹ jii¹;

co¹ eáam¹ nî¹ñí¹ iihu¹ e cu¹ jnga¹ jogui ninír¹ oo¹

jogui eáam¹ nilíñí¹ fí¹

jogui nicám`bre cóo' jì mi~ nití' í' lajo,
 dsuco' ñia' Fíi'naa' Fidiée' dsea' 'gøng' dsea' ñíng' fí' la'úng' fí' jmigüí',
 íb' dsea' nicajíng' e nidsingíng' i dseamí do lajo uí' jalé' dsee' e nica'éer`.

⁹ Jo mi~ cangígui lajo, jaléng' dseata~ dsea' féng' i quiu' ta~ i cajmée' ta~ 'lée' cóo' i dseamí do jogui eáang' cajmi'iaang' dsír' cóo' jalé' e 'lí' e sea' quiáin' do, eáam' nijmér' fí' jogui ta~ qui' mi~ tí' lí' ninír' jalé' jmiñi' quiá' mi~ nicáin' do. ¹⁰ Jo dsu' huim' ni'náng' yaaiñ' quiá' i dseamí do, có' 'gó'bre e ninír' lajii' iihuí' e catíin' do. Jogui yaam' bi jaléng' i dseata~ dsea' féng' do fé'r' lala:

iE ngí' fíib' 'nu', iE ngí' fíib' 'nu', fí' fé' e laniing' 'gøng' e sii' Babilonia!
 Dsuco' cóo' lajee' jali~ lanab cagüea' iihuí' quií'.

¹¹ Jogui jaléng' dsea' i seeng' fí' ni~ guóo' uó' jmigüí' i jmóo' ta~ láa' jogui ta~ 'nñ', eáam' fí' nilíin' có' carjì' niquí' bre, dsuco' jo' jíe' lí' seeng'gui i nijmé' ta~ láa' jalé' e iin' e nidsi'niñ' quiá'r' do. ¹² Dsuco' lamí' jéeng'gui eáang' cajmée' ta~ 'nñ' cunee' cóo' gui cutede' lí' lajalé' cuu' jì' e jlo' e 'mo' eáang', jogui 'nñ' jalé' 'mí' jlo' e niguo' eáang' jogui 'mí' e niung' cóo' gui 'mí' e yáa' e lí' cóo' layaang' ñí' e 'mo' eáang', jo langíng' íim' jalé' 'ma' e jmeafíi, jogui 'nñ' bir cajo jalé' e tí' dsí' dsea' e lí' cóo' yaang' maja~ jaléng' jó', jo 'nñ' bir cajo jalé' e jmiñiñ' cóo' yaang' jalé' 'ma' e quíng' cuu' eáang', jo 'nñ' bir cajo jalé' ñí' bronze lí' langíng' íng' cuu' e quíng' cuu'. ¹³ Jogui jmóor' ta~ 'nñ' langíng' íng' jalé' oo' quiá' jmiñi' jogui jalé' jmiñ' jmeafíi, jo 'nñ' bir cajo langíng' íng' jalé' méé' cóo' gui jalé' aceite jogui fí' cui'iee', lí' langíng' íng' jalé' fí'. Jo 'nñ' bir cajo jaléng' jó' i cá' lee' cóo' gui jaléng' jo'se' jogui jaléng' cuea' cóo' gui jalé' carreta e jñu're', jo cajmée' bir cajo ta~ 'nñ' la quíe'gui jaléng' dsea' i jmóo' ta~ tá' jmóo' e ja' ee' 'léeiñ' jii' capí'.

¹⁴ Jo jaléng' i dsea' í, lalab nisí'r' e fí' fé' do:
 Lají' e jlo' e lamí' sea' quií' do, lají' e jo nisí'ím' quií' lana.
 Jogui lají' cuu' quií' cóo' gui jalé' e sí' í' oo' fí' jmigüí' nisí'ím' quií' cajo.
 Jo jo' tóo' jmiñ' fa' e nitíng' tu' jalé' e jo.

¹⁵ Jo jaléng' dsea' i cajmée' ta~ 'nñ' jogui ta~ láa' jalé' e jo, jogui e ca'uíin' dsea' sea' cuu' la'eáang' e fí' fé' do, jaléng' íb' i nijmihuíng' yaang' dsu' uí' e 'gó'r' lajii' iihuí' e jóor' do. Jo ie' job eáam' nijmér' ta~ qui' jogui ta~ jmíjuung' dsí', ¹⁶ jo lalab nífé'r' ie' jo:
 iE ngí' fíib' 'nu', e ngí' fíib' 'nu', fí' fé' laniing' 'gøng' e sii' Babilonia!

Có' lamí' jéeng'gui lí' lafa' jaang' dseamí i qui' 'mí' niguo' e jlo' eáang',
 jogui i qui' cajo 'mí' e niung' jogui e yáa' jogui i síng' 'ñia' jlo' e quier' jalé' cunee'
 cóo' gui jalé' cuu' jíng' jì' jlo' e quíng' cuu' eáang'.

¹⁷ iDsu' cóo' lajee' jali~ lanab ca'íng' lajalé' e sea' quií'!

Jo jaléng' i dsea' i jmóo' ta~ quíe' jalé' móo' cóo' gui jaléng' dsea' i jmóo' ta~ cóo' e móo' do colíng' cóo' jaléng' dsea' i teáang' dsí' móo' do cajo i ngí' fí' la' fí' na cóo' gui jaléng' dsea' i jmóo' ta~ caguíee' gui fí' ni~ jmiñi', jaléng' í' ca'náam' yaaiñ' quiá' e fí' jo. ¹⁸ Jo mi~ tí' lí' cangár' jmiñi' quiá' e nicoo' e fí' do, jo lalab canaaiñ' fé'r' e teá' eáang':

—Jii' cóo' ya' ja' mí' caliseá' cóo' fí' e laniing' 'gøng' e cøøng' røø' cóo' e fí' Babilonia do.

¹⁹ Jo canaaiñ' jgiéer' 'lee' fí' moguir', jo canaaiñ' qui'r' dseáng' e lijuung' dsír' jo lalab fé'r':

iE ngí' fíib' 'nu', e ngí' fíib' 'nu', fí' fé' e laniing' 'gøng'!
 Có' fí' nab lí' ca'uíng' dsea' sea' cuu' jaléng' dsea' i líng' fí' jalé' móo'.
 iDsu' lanagui náng' cóo' lajee' jalib' nica'íng' lají' e jo!

²⁰ Jo jaléng' 'nú', dsea' seeng'na' fí' ñíí', eáang' jmi'iaang' oo'na' colíng' cóo' jaléng' dsea' i café' cuaiñ' quiá' Fidiée' malí' gui eáang'
 jogui colíng' cóo' jaléng' dsea' quiá' Fidiée'
 jogui cóo' jaléng' dsea' apóo' i sí'íng' e ni' júu' quiá' Dsea' Jmáang';

jō jmi'iaáng` óo'na' jóng uii~ e nicacuø' Fidiée~ iihuú' laco' catíng~ jaléng' i dsea` seeng` e fí' fii' fé' do i eáang' cajmeáng' 'nú' ga`.

21 Jō mi~ cangf̄ jō, jaang` ángel i 'gøng' eáang' caséer` cōo` cūu~ 'loo` e lí' laco'gui la lí' e cūu~ tōo` quiá'- lí' dsir' micui'iee~, jō e cūu~ 'loo` do cabír' fí' dsí' jmiñí'^, jō lalab cajíñ'- mi~ cabíre' do:

Jō 'nu, fii' fé' e laniing~ 'gøng' e sii` Babilonia, lanab nibíin~ é' jmiñ' cajo lí'^ laco'gui cabí e cūu~ 'loo` do,

jō jō` tōo` jmiñ' fa' e ii` niníng~ gui 'nu`.

22 Jōgui jalé' lúu' e bó' jaléng' dsea` fí' jee~ fii' na,

fa' jalé' lúu' e sii` arpa

cōo'~gui jalé' lúu' tá`

jōgui jalé' lúu' trompé'^,

jō` tōo` jmiñ' fa' e niná'gui e ni'ii~ jalé' e jō.

Jō ie~ jō jō` nijnéng'gui jíi~ camíng'~ dsea` i jmóo` ta~,

o'gui e ii~ e cūu~ 'loo` do niná'gui fí' quini'^ cajo.

23 Jōgui jō` nilijneá'gui jíi~ cōo` jí' fí' quií'-,

o'gui niná'gui cajo jalé' juguiá~ júu^ jlo'^ quiá'- jial mi~ cúng' dsea` guóor' fí' quini'^.

Jō jaléng' dsea` i caliséng' fí' na i cajmée` ta~ láa' jōgui ta~ 'ní',

íb` dsea` i lamí` líng' i laniing~ eáang' fí' jmiñí'.

Jō 'nu` dsea` i cajmée` ta~ jmiñ' gøng' jaléng' dsea` jmiñí' e cajmiñ' gøng're cōo'~ jalé' ta~ dsea` láang' quií'-.

24 Jōgui e fí' fii' nab cajo lí~ nicajnéng~ jmiñ' gøng~ jaléng' yúu~ dsea` cōong'~ i café' cuaiñ~ quiá'- Fidiée~ malí~gui eáang', lí'^ lajaléng' i líng' dsea` quiá'- Fidiée~ jōgui lí'^ lajaléng' dsea` i cajúng~ i cajnga' dsea` quiá'- fí' ni~ guóo'~ uø~ jmiñí'.

19

Jial jmiñéng' dsea` Fidiée` fí' ñifí'

1 Jō mi~ cangf̄ jalé' e la —jíng' Juan— jō canú-túu cōo` luu~ e teá lí'^ laco'gui la ná' luu~ i 'leáang~ dsea`, jō e jō canú~ u e jáa' fí' ñifí', jō lalab fé' do:

Majmiñéng'naa' Fidiée` quií'-ii', cō' íb` dsea` láaiñ' jneaa~aa'

e laco' ja' ni'íng'~naa' iihuú' uí'~ quiá'- dsee~ quií'-ii';

jō majmi'goo~naa'r,

dsucō' íb` dsea` féng' dsea` i ñíng' i 'gøng' fí' jmiñí',

2 dsucō' íbing' i tíng' í' laco' catíng~,

cō' nisi'í'bre jial tí' iihuú' e catíng~ lajaang` lajaang` dsea`;

jōgui íbre cajo dsea` nicacuø'r' iihuú' jaléng' dsea` i seeng' fí' e fii' e lí' lafa' i dseamí i cajmée` ta~ 'níng' 'ñia' do,

cō' cōo'~ jalé' e 'lí'^ e nicajméer` do ca'ie'r` ta~ e laco' cajmi'ling'^ yaang~ jaléng' dsea` jmiñí';

jō uii~ jōba' Fidiée` nicacuø'r' iihuú' jaléng' i dsea` i cajngang' jaléng' dsea` quiá'r~ i jmóo' lajii~ ta~ e iing~ Fidiée` 'ñia'r'.

3 Jō mi~ cangf̄ jō, canú-túu e guicafé'tu calé' catú~ i dsea` 'leáang~ do, jō cajíñ'-:

¡Majmiñéng'naa' Fidiée` quií'-ii'!

Cō' e jmiñí' quiá'- e caang' i dseamí do

ja' tōo` jmiñ' fa' e niquiúng'~ gui.

4 Jōgui laj' guiequiúung' i yúu~ dsea` cōong'~ do cōo'~gui i quiúung~ do catúuín' cartí' ni~ uó^ e cajmiñéñ' Fidiée` dsea` guing~ e fí' ée^ lí' niing~ lí' quiu'r' ta~ do, jō lalab café'r': “¡Lajōb nilí! ¡Majmiñéñ'baa' Fí'naa' Fidiée'!”

5 Jō cartí e lí' lí' ée^ quiá'- Fidiée` e fí' lí' niing~ guiiñ~ quiu'r' ta~ do guicaná' cōo` luu~ dsea` jō guicajíng'~ lala:

j̄miféng'na' Fidiée' quí' i' laj̄ing' 'ná',
 dsea' j̄moo'na' j̄i' laco' iing' dsea' do 'ñia'r' jogui ná'na' jalé' ta' quia'r' cajo, nañi'
 su líng'na' dsea' niing' o'si ja' líng'na' lajo é!

Jm̄ e cung' guó' i Jo'se' Jiuung' do

⁶ Jo canú' b̄h̄ cajo —j̄ing' Juan— co' gui luu' mi' cang' e jo e ná' laco' luu' dsea' i f̄ing',
 jo i' laco' i' co' lóo' e fé' e h̄ jm̄, jogui i' cajo lafa' mi' quie' güi'ñiá' e teá' eáang', jo
 lalab fé' e luu' do:

j̄Majmifém'baa' Fii'naa' Fidiée' dsea' féng',
 dsea' 'gøng' i quí' jm̄ jmé' lí' doñi' ee'!

Co' lanab nicat' í' e dsea' do nináin' niquiá'r' ta' f̄i' jee' dsea' jm̄güí'.

⁷ Jo 'né' e nijmi'iaang' dsi'baa', jogui e nilisee'naa' juguiá' jogui e nijmiféng'naa'r' cajo,
 co' lanab cat' í' e nicúng' guó' i Jo'se' Jiuung' do.

Jo 'ñiab' i nilí' dseam' quiáa' re' do nicaguiar' guiá' quiá'r';

⁸ Jo lana i dseam' do nicang' m'bre f̄i' e niqui'r' si'r' e jlo' jogui e 'mo' eáang' jogui e tee'
 e j̄ing' j̄i' jlo' eáang' cajo.

Jo e 'mi' e niguó' do cuø' lí' e jaléng' i dsea' i líng' dsea' quiá' Fidiée' teáaiñ' teá' f̄i' guiá'
 cóo' dsea' do.

⁹ Jo mi' cang' jo, i ángel do casí'r' jnea' lala:

—Juan, jmé' e júu' la: “Juguiá' j̄i' quiá' jaléng' dsea' i nisim̄ng' quiá' e nidsilíin'
 jm̄ lí' nicúng' guó' i Jo'se' Jiuung' do.”

Jo cajíng' guir:

—Jo e lab júu' já' quiá' Fidiée'.

¹⁰ J̄oba' casí'i uø' j̄nii' f̄i' uii' t̄i' i ángel do e laco' nijmifén'nre, dsu' ír' cañi'r' quié' e
 lala:

—Juan, ja' j̄moo' lana; co' jnea' jaang' i jmóo' ta' quiá' Fidiéeb' lí'n'n cajo, co' røøb'
 lí'naa' cóo' 'na' cóo' gui jaléng' dsea' rún' i teáang' teá' i j̄m̄iti' dseáng' lajang' júu'
 quiá' Jesús. Jo f̄i' 'ná' e laj̄i' Fidiée'bing' i 'né' nijmifén'.

Jogui laj̄i' e júu' já' e guia' dsea' quiá' Jesús, e j̄ob' cajo e cagua' jaléng' i 'li' yúu' i
 café' cuaiñ' quiá' Fidiée' malí' gui eáang'.

Jaang' i guing' f̄i' mocóo' cuea' teaang'

¹¹ Jo ngí' jo, camó'o e óo' f̄i' ñifí'; jo f̄i' j̄ob' cajnéng' jaang' cuea' teaang', jogui i dsea' i
 guing' f̄i' mocóo' re' do líiñ' jaang' dsea' i dseáng' lajang' j̄m̄iti' jalé' júu' quiá'r' jogui
 jmang' júu' já' ba' fé'r' cajo, dsuco' laj̄i' ta' e quia'r' jogui jalé' 'nii' e guiar', dseáng'
 røøb' jmóor' dseáng' lí' laco' si'í'. ¹² Jogui j̄minir' dsing' j̄ing' j̄i' co' uøø' niing' j̄i', jogui
 f̄i' moguir' té' jm̄iguiá' lí' corona, jo f̄i' dse' jo silí' co' júu' e j̄i' 'ñia'bre dsea' ngáin'
 e' guøng' e do. ¹³ Jo ngóor' qui'r' si'r' e siñi' j̄m̄i'øøng' dsea', jogui siir' laj̄i' Júu' quiá'
 Fidiée'. ¹⁴ Jo i f̄im' 'lé' i neáang' f̄i' ñifí' ti'leáang' laco' ngóor', jo laj̄im'biñ' do qui'r' 'mi'
 e niguó' e jlo' tee', jo laj̄im'bre neáaiñ' f̄i' mocóo' jaléng' cuea' teaang' cajo. ¹⁵ Jogui f̄i'
 mo'oo' i dsea' quie' nifí' do güi' co' ñis' e 'mé' jlo' e laco' nijmihuñ' jaléng' dsea'
 seeng' f̄i' la'úng' f̄i' jm̄igüí' cóo' e ñí' jo. Jo íbre niquiá'r' ta' jee' i dsea' í' e jmeáin' ta'
 'ma'u' quiá' dseata' e lí' cóo' ñí'. Jogui niquidsir' í' quiá' lajaang' lajaang' dsea' lafa'
 mi' ngí' dsea' jee' lí' sea' mí' huñg' j̄o' f̄i' lí' j̄m̄i'uiñ' mé' guí'. Jo e mé' guí' do lí'
 lafa' iihu' e jáa' quiá' Fidiée' i 'gøng' i quí' jm̄ jmé' lí' doñi' ee', jogui e iihu' do
 catáng' jaléng' i dsea' í' uii' e eáang' niguíng' Fidiée' quiá'r'. ¹⁶ Jo f̄i' ni' 'mi'qui'r' jogui f̄i'
 dse' quiar', f̄i' j̄ob' lí' silí' e júu' la: “Dseata' Dsea' Féng' quiá' jaléng' dseata' dsea' féng',
 jogui Fii' quiá' jaléng' fi'!”

¹⁷ Jo mi' cang' jo, camán' n jaang' gui ángel i sing' si'ø' f̄i' lí' líng' iee' i ca'áng' teá' eáang'
 jaléng' m̄i' i ngí' f̄i' guiá' güí, jo lalab casí' reiñ' do:

—Seáng'~ yaang'~na' jo ñíling'~na' fí' la, co' fí' lab ñicató'~ Fidiéé' 'nú' e ñíñiquié'~na' í'na'. ¹⁸ Ñíling'~na' jo ñíñiquié'~na' ngu~ jaléng'~ dseata~ dsea' féng', cóo'~gui ngu~ jaléng'~ fii' quiá'~ 'léé~, cóo'~gui ngu~ jaléng'~ dsea' i teá' táang' dsíí', cóo'~gui jalé'~ ngu' cuea~ cóo'~gui ngu~ jaléng'~ i gua' fí' mocóo'~re' do cajo, jogui ngu~ jaléng'~ dsea' lí' coo' gui'ná', na i ñíing'~ osi na i ja' ñíing'~ é, na i líng'~ dsea' silaang'~ jogui na i líng'~ dsea' sí' ñíing'~ i jmóo' ta' tá'~ jmóo' e ja' 'lééiñ'~ jii'~ capí'.

¹⁹ Jo mi~ cangí'gui lajo, camán'~n i jó' dsée~ i la'uii~ do cóo'~gui jaléng'~ dseata~ dsea' féng'~ i seeng'~ fí' jmigüi' colíng'~ cóo'~ jaléng'~ 'léé~ quiá'r'. Jo ñícaseáiñ'~ yaaiñ'~ e laco' nitíñ'~ cóo'~ i guíng'~ fí' mocóo'~ i cuea~ teang' do cóo'~gui jaléng'~ 'léé~ quiáiñ'~ do cajo. ²⁰ Jo job catáng'~ i jó' dsée~ la'uii~ do colíng'~ cóo'~ i jó' dsée~ catí' tú' do i cajmícaang'~ i café' cuaiñ'~ quiá'~ Fidiéé', co' i jó' lab i cajmíe' jalé' e quí'~re' jmíi~ dseáng'~ fí' quini'~ i jó' dsée~ la'uii~ do. Jo la'eáang'~ cóo'~ jalé' e lí' e cajmíe're' do, cóo'~ e job cajmigóong'ne' jaléng'~ i cacuóong'~ yaang'~ e catáiñ'~ e lí' quiá'~ i jó' dsée~ do e laco' líiñ'~ e líiñ' dsea' quiá'~ i jó' dsée~ la'uii~ do. Jogui cajo jaléng'~ í' cajmífém'~bre i diéé' guóo'~ quiáiñ'~ do cajo. Jo fí' ñí' jì lí' coo' jì e quiéeng' azufre e jo' tóo' jmíi' yá' cabiing'~ne' laco' jí'bre' i jó' dsée~ la'uii~ do colíng'~ cóo'~ i jó' dsée~ catí' tú' do i cajmícaang'~ e líng'ne' dsea' i café' cuaiñ'~ quiá'~ Fidiéé'. ²¹ Jogui i dsea' caguiaang'~gui do cajúm'~bre cóo'~ e ñíisú' e ía' fí' mo'oo' i dsea' i guíng'~ fí' mocóo'~ i cuea~ teang' do, jo lajím'~ tusí'~ cóo'~gui jaléng'~ tujlí' cajmí'oo'~re' dseáng'~ la guiúm'~ jalé'~ nguú' táaiñ'~ do.

20

Lajee' coo' mil jii'

¹ Jo mi~ cangí'gui lajo —cajíng'~ Juan— camán'~n jaang'gui ángel i jajgiáang'~ fí' yá'~ jmigüi' jo quier'~ joñí'~ quiá'~ e fí' lí' 'lí' fí' lí' lí' too' ñaa' só', jogui se'r' coo' ñí' cadena e fé'. ² Jo i ángel la ca'ñúñ'~ i jó' guié'~ mogui' do i líng'~ jó' 'líng'~ i ñíngóo' seeng', jo íb' i líng'~ fí' i 'líng'~ i síi' Satanás, jo ca'ñúng'~neíñ'~ do cóo'~ ñí' cadena lajee'~ mil jii'. ³ Jo fí' dob cabíng'~neíñ'~ do e fí' lí' lí' too' ñaa' só' do, jo fí' job cajñíñ'~ do lajee'~ coo' mil jii', jo catéer'~ coo' sello fí' dse'~ jn' e laco' jo' quí'~ jmíi' fa' e ñíjmigóong'~guiíñ'~ do dsea' jmigüi' cartí' ñíngíng'~ e coo' mil jii' do. Jo mi~ ñíngí' jo, joguiba' e ñícuóong'~ nileáiñ'~ do cateá'.

⁴ Jo mi~ cangí' jo, camó'~guí' éé' lí' gua' jaléng'~ dsea' i ñícaang'~ fí' e quidsir' í' quiá'~ dsea' jmigüi'. Jo dob camó'~o cajo ñí' jaléng'~ 'líi' i ñícajúng'~ e caquiá' dsea' moguir'~ uíi'~ e teáiñ'~ teá' cóo'~ e júu' e casée' Jesús jogui cóo'~ jalé' e fé' júu' quiá'~ Fidiéé'. Jo jaléng'~ i dsea' í' ja' cajmíféiñ'~ i jó' dsée~ la'uii~ do o'gui cajmí'gór' i diéé' guóo'~ quiáiñ'~ do cajo o'gui cacuóong'~ yaaiñ'~ fa' e catáiñ'~ lajii'~ e lí' quiá'~ i 'líng'~ do fí' guiaquí'~r' osi fí' guóor' é. Jo camó'~o e cají'~tu jaléng'~ i dsea' í' calé'~ catú', jo røøb' caquiá'r' ta' colíng'~ cóo'~ Dsea' Jmáang'~ lajee'~ coo' mil jii'. ⁵ Jo dsu' e naguib e la'uii' e jí'~tu dsea' jee'~ jaléng'~ 'líi'. Co' jaléng'~gui i 'líi' i caguiaang'~gui do ja' cají'~tur cartí' mi~ cangí' e coo' mil jii' do. ⁶ Juguí'~ jii' quiá'~ jaléng'~ dsea' i nitíng'~ mi~ nití'~ í' e ñíjí'~tu dsea' la'uii'~ jee'~ jaléng'~ 'líi', dsuco' jaléng'~ i dsea' íb' dseáng'~ dsea' quiá'~ Fidiéé'~ ñííiñ'! Jo ja' ee' bí' sea' quiá'~ e 'mó' e catí' tú' ya' fa' e nitíng'~gui jaléng'~ i dsea' í', co' jaléng'~ í' ñí'uíñ'~ jmidsea' quiá'~ Fidiéé' jogui quiá'~ Dsea' Jmáang'~, jo colíim'~ ñíquí'~r' ta' cóo'~ dsea' do lajee'~ coo' mil jii'.

Mi' cacá' quiá'~ fí' i 'líng'~ dseáng'~ congua'

⁷ Jo mi~ tí' lí' casúung'~ e coo' mil jii' do, job mi~ catí' í' e nileáng'~ i fii' i 'líng'~ do fí' lí' sijníiñ'. ⁸ Jo job mi~ tí' lí' ñíngír'~ e ñíjmigóo'ñ'~ jaléng'~ dsea' i seeng'~ fí' la'úng'~ fí' jmigüi', jo jaléng'~ íb' i síi' Gog cóo'~gui Magog, jo lajím'~ í' ñíseáiñ'~ ie' jo e quiá'~ ñíser'~ 'ñii'. Jo dsea' 'leáam'~bing'~ ñíseáng'~ e jmíi' jo lí' laco' tíí' tóo'~ e néé' 'ñí' jmíiñ'.

⁹ Jo jaléng'~ i dsea' í' la'úm'~ fí' ñí' guóo'~ uó'~ jmigüi' ñíñíñ'~ mi~ nití'~ í' lajo, jogui cajo lacúng'~ lajíng'~ lí' neáang'~ jaléng'~ dsea' quiá'~ Fidiéé', jogui lacúng'~ lajíng'~ e fii' e lí' iing'~ Fidiéé'. Jo dsu' lajee'~ job canaang'~ jí'~ jì fí' yá'~ jmigüi', jo lajím'~ i dsea' í' cacáiñ'~ ie' jo

dseáng' congua'. ¹⁰ Jogui i fií i 'ling' i cajmigóøng' jaléng' dsea` jmigüü lamí` jééng'gui do, fí` dob cabiín` fí` é' guiéé' lí` coo` jì` e téé' azufre e jo` tóo` jmíi` niyu', jogui fí` job cajo lí` cabíng` i j'ó' dsée` la'uii` do cóo'`gui i j'ó' dsée` catí` tú` do i cajmicaang` e café'` cuaiín` quiá'` Fidiéé`. Jo fí` job lí` nicá` jaléng'` í` iihuú' e uøø` jmíi` dseáng'` car` ngongíi` jmíi`.

Jial mi~ ni'ing' iihuú' jaléng' dsea` i røøng` dsee`

¹¹ Jo mi` cangí` jo —j'íng'` Juan— camó`o cóo` éé` e jlo`^ tee, jo fí` jo guing` i dsea` i quidsí` í'. Jo fí` quini` i dsea` í` camó`o e dseáng'` conguaib' ca'íng` guóo'` uø` cóo'`gui yá'` jmigüü, jo jo` j'íé'` lí` cajnéng`-gui j'íi'` cóo`. ¹² Jogui camán`-n laj'íng` 'líi` e teáaiín` fí` quini` e éé` do, na i niing`- jogui na i ja` niing`-; jogui canab' jalé'` jì, jo mi` cangí` jo, j'íé'`gui cóo` jì` cana' cajo, jo e jì` job e lí` nitáang'` jaléng'` dsea` quiá'` Fidiéé`. Jo joguib mi` tí` lí` catidsí` í'` quiá'` jaléng'` i 'líi` do lí'` laco'` j'íi'` e cajméer` ie` lamí` seeiín` fí` jmigüü lí'` laco'`gui j'íi'` la fé'` e fí` ní` jalé'` e jì` quiá'` Fidiéé` do. ¹³ Jo camó`o e cajang'` jmiíi'` jaléng'` 'líi` i catíng`-, jogui i fií` e lí` teáang'` jaléng'` 'líi` cajam'`bre laj'íi'` i 'líi` i catíiín`- cajo. Jo lajaang` lajaang` i dsea` í` catidsí` í'` quiá'`- lí'` laco'` j'íi'` e cajméer` ie` lamí` seeiín` fí` jmigüü. ¹⁴ Joguib e 'mó` cóo'`gui e fí` lí` teáang'` jaléng'` 'líi` do, fí` dob cabiín` e fí` é'` guiéé'` fí` lí` coo` jì` e téé'` azufre e ja` tóo` jmíi` niyu'. Jo e guiéé'` do, e job e guóng'` 'mó` e catí` tú` do. ¹⁵ Jo jaléng'` dsea` i ja` sijnéeng` e fí` ní` jì` lí` taang` jaléng'` dsea` quiá'` Fidiéé`, fí` dob bíiín`- cajo e fí` é'` guiéé'` e fí` lí` iu` jì` e quiéeng` azufre e ja` tóo` jmíi` niyu'.

21

Yá'` jmigüü 'míi` cóo'`gui guóo'` uø` 'míi`

¹ Jo mi` cangí` jo —j'íng'` Juan— camó`o cóo` yá'` jmigüü e 'míi` cóo'`gui cóo` guóo'` uø` e 'míi` cajo; dsuco'` e yá'` jmigüü e la'uii` do cóo'`gui e guóo'` uø` e la'uii` do nica'ím`-, jo lajobi jalé'` jmiíi'` cajo nica'ím`-. ² Jo camó`-bíi` e fií` e güeang'` quiá'` Fidiéé` do e sií` Jerusalén 'míi` e cajgó`- fí` yá'` jmigüü e fí` lí` guing` dsea` do. Jo dseáng'` eáam` jlo`^ sílii` e fií` do lí'` laco'`gui la líng'` jaang` simí'` ie` jmíi` e nicung'` guór'. ³ Jo mifíng` canú`-u cóo` luu` e jáa' fí` lí` líi` éé` e fí` lí` guing` i laniing`- quiu'` ta` do, jo lalab cajíng'` cóo'` júu` e teá` eáang`:

—Lana Fidiéé` niseeiín` jee` jaléng'` dsea` jmigüü, jo contøøm` niliseeiín` cóo'` dsea` do, jo jaléng'` dsea` íb` ni'uíng`- dsea` quiá'`-r, jogui 'níiab'` Fidiéé` niliseeiín` cóo'iín` do, jogui j'íi'` íb` ni'uíng`- Fidiéé` quiá'`-r cajo. ⁴ Jogui Fidiéeb` cajo dsea` nijmiquiú'`-r jmíi` íi` jmini` lajaang` lajaang` dsea`, jogui jo` tóo` jmíi` fa' e nilisea`gui 'mó` quiá'`-r, o'gui jalé'` fí'í', o'gui jalé'` ta` jmiquíng'`- dsíi', o'gui jalé'` e cu'` jnga'; dsuco'` lajib` e lamí` sea` fí` jmigüü, caquium'` e sea` jalé'` e jo.

⁵ Jo i dsea` i guing` e fí` lí` líi` éé` e fí` lí` niing`- quiu'`-r ta` do cajíiín`- lala:

—Jnea` jmóo`o e 'míi` lajalé'` e sea` fí` latøøng`- jmigüü.

Jogui cajím'`-biguir cajo:

—Juan, jméé'` lajaléb'` e júu` la, co'` lajalé'`-ba' la líi` júu` dseáng'` e laniing`- e já'`, jogui dseáng'`- catíim`- e nili'`goo` cajo.

⁶ Jo mi` cangí`, jo casí'`-túr jnea` lala:

—Lajib` nicaliti`. Jo jneab` lín'n` i la'uii` do jogui jnea`-bí lín'n` i tí` lí` cadséng`- do cajo. Jo lí'` doñi` ií` dsea` i jmiijmíng`-, jneab` nicuøø`øre e jmíi` e jmóo` e seeng` dsea` cøøng` cóo'` Fidiéé` lata~, jo e jmíi` jo` ja` e quíng'` j'íi'` cóo` 'niá'` quiá'`- i dsea` i iing`- ní'í'` e jo. ⁷ Jo ií` dsea` i nigüeáng'` i nité'` lí'` e siín'` teá' cóo'` júu` quié`-e, ní'ím'`bre lajalé'` e la; jo jneab` nilíin`-n Fidiéé` quiá'`-r, jogui íbre niliín`- j'óo`o cajo. ⁸ Jo dsu'` jaléng'`gui dsea` i 'gó'` fí` quini` dsea` j'íéng'` uii'` júu` quié`-e, jogui jaléng'`gui dsea` i ja` já'` líng'` júu` quié`-e nañi'` fa' nicalíi'`bre, cóo'`gui jaléng'` dsea` i 'ní'` níng`- rúng'`, cóo'`gui jaléng'` dsea` i jmóo` ta` jngang'` dsea` rúng'`, cóo'`gui jaléng'` dsea` i 'léé'` cóo'`- ngúu` táaiín`, cóo'`gui jaléng'` dsea` i jmóo` ta` dsea` láang`, cóo'`gui jaléng'` dsea` i jmiféng'` diéé` i o'` já'`, jogui lajobi jaléng'` dsea` i jmóo` ta`

quie' júu^ e o' já^- cajo, fí' dob nibíiñ^- e fí' é' guíee' lí^- coo' jí' e tée'^ azufre e ja' tóo` jmíi^- yu'^. Jo e lab e 'mó^- e catí' tú^- do.

Jerusalén e 'mí^-

⁹ Jo mí^- cangí' jo, camán^-n jaang' lajee^ i guíang^- ángeles i lamí^- quie' e guie^- cóo^ do e lamí^- siróøng' guie^- íing'^ iihuí' e lí^- cadséng^- do, jo cangoquieeiñ' fí' lí^- sín^n, jo cóo'^ júu^ lalab casí'r^- jnea^-:

—Juan, nea' fí' la, jo lab ni'éen^n 'næ' i simí' i nicúng'^ guó' cóo'^ i Jo'se' Jiuung^- do.

¹⁰ Jo lajee^ job —jíng'^ Juan— e Jmiguí' quia'^ Fidiée^ cajmée' e camó^-o e i ángel do cangojéeiñ' jnea^- fí' cóo' yú'^ mó' e fé' jogui e níí', jo fí' job ca'e'r' jnea^- e fíi' laniing^- e güeang'^ e sii' Jerusalén e nijgó'^ fí' níí' fí' lí^- guíng^- Fidiée'. ¹¹ Jo dseáng'^ eám' jlo'^ jíing' jí' e fíi' do la'eáng' cóo'^ güea'^ níing^- jí' quia'^ Fidiée', jo jnéeng^- lajo lí'^ laco' la lí' cóo' cuu^- e jí' e sii' jaspe, jogui cajo lí' laco' lí' cóo' sí' e ta' jmí'. ¹² Jogui lacúng'^ lajíng' e fíi' do sijníb' cóo'^ cóo' iá' cuu^- fé' e níí' eáng', jo e iá' do sea' guitu' jní' quia'^ lí^- cuóøng' dsitáng'^ dsea', jo laco' laco' e jní' do seeng' jaang' ángel i jmóo' í'; jogui e fí' laco' dse' jní' do tóo' jial sii' ca'le' jee^- lají' guitu' 'lé' dsea' seeng' fí' Israel. ¹³ Jo 'ní' e jní' do jóø- lí'^ lí' guo' iee', jogui 'ní' jóø- lí'^ lí' níí', jogui 'ní' gui jóø- lí'^ lí' uóø-, jogui 'ní' lí'^ lí' dsea' iee'. ¹⁴ Jo e iá' cuu^- e si' fí' lacúng'^ e fíi' do tée' guitu' cuu^- e lafa' quia'^ tí^- fíi', jo fí' laco' e cuu^- do tóo' jmacó' jial sii' lajaang' lajaang' lajee^ guitúng' i dsea' apóo^ i si' íng' i cajmée' ta^- ní' júu^ quia'^ i Jo'se' Jiuung^- do.

¹⁵ Jo i ángel i síng' cóo'^ jnea^- do quier' cóo' síi^- e lí' cóo'^ layaang^- cunée^ e laco' niguiár- í' e jee^- fíi' fé' do cóo'^ gui jalé' jní' quia'^ jogui e iá' cuu^- do cajo. ¹⁶ Jo e fíi' fé' do quiúum'^ lí', jo røøb' í' óo' lí'^ lí' cuee' cóo'^ gui lí'^ lí' ú'. Jo i ángel do caguiar' í' e fíi' do cóo'^ e síi^- cunée^ e quier' do; jo mí^- caguiar' í', jo óo' tú^- mil la dsí' tú^- ciento kilómetro; jo røøb' óo' lí'^ lí' cuee' jogui lí'^ lí' ú' jogui røøb' cajo lí'^ lí' níí'. ¹⁷ Jo mí^- cangí' jo, caguiar' í' e iá' cuu^- do, jo lalab í' óo' e jo: óo' sesenta y cinco metros. Jo i ángel do cacór- í' lí'^ laco' jíi' í' quia'^ dsea' jmigüí' e jmáíñ' ta^-.

¹⁸ Jo e iá' cuu^- do lí' cóo'^ jmang'^ cuu^- jí' e sii' jaspe, jogui e fíi' do lí' cóo'^ jmang'^ cunée^ yaang^- e lí' lafa' sí' e jlo'^ hui'. ¹⁹ Jo jalé' cuu^- tí^- fíi' quia'^ e iá' cuu^- do jlo'^ síi' cóo'^ jalé' cuu^- e jlo'^; jo e la'uii' do lí' cóo'^ cuu^- e jí' e sii' jaspe; jogui e catí' tú^- do lí' cóo'^ cuu^- jlo'^ e í^- i' azul e sii' zafiro; jogui e catí' 'ní' do lí' cóo'^ cuu^- e jlo'^ e í^- i' teá' langíng' e sii' ágata; jogui e cuu^- e catí' quia' do lí' cóo'^ cuu^- jlo'^ e í^- i' rø' e sii' esmeralda; ²⁰ jogui e cuu^- lí^- catí' 'ní' do lí' cóo'^ cuu^- e sii' ónice; jogui e cuu^- lí^- catí' jñá^- do lí' cóo'^ cuu^- e yúu^- e sii' cornalina; jogui e cuu^- lí^- catí' guie^- do lí' cóo'^ cuu^- e sii' crisólito; jogui e cuu^- e lí^- catí' jñá^- do lí' cóo'^ cuu^- e sii' berilo; jogui e cuu^- e catí' ñá^- do lí' cóo'^ cuu^- ue' e jing' e neáng^- e sii' topacio; jogui e cuu^- lí^- catí' guí^- do lí' cóo'^ cuu^- e sii' crisoprasa; jogui e cuu^- lí^- catí' guicó' do lí' cóo'^ cuu^- e sii' jacinto; jogui e cuu^- e lí^- catí' guitu' do lí' cóo'^ cuu^- e sii' amatista. ²¹ Jo lají' guitu' e jní' do lí' cóo'^ cóo' cuu^- e jí' jlo'^ e sii' perla. Jogui e fí' laniing^- e ngóo' jee^- 'núu' e sea' e fí' jee^- fíi' fé' do lí' cóo'^ layaang^- jmang'^ cunée', jogui dseáng'^ jlob'^ ta' jmí' lí'^ laco' gui la lí' cóo' sí'.

²² Jo ja' camó^-o jíi^- cóo' guá^- e fí' jee^- fíi' do, co' Fíi'naa' Fidiée^ dsea' féng' dsea' níing' fí' jmigüí' i quíi^- jmí^- jmé^- lí'^ doñí' ee' cóo'^ gui i Jo'se' Jiuung^- do, í'bing' líng' laco' guá'^ quia'^ e fíi' do. ²³ Jo ja' ngíi^- lí' fa' dseáng'^ 'né^- jí' iee' e fí' jee^- fíi' do osi jí' sí' é e laco' nijnea', dsuco' lajíi^- e güea'^ quia'^ Fidiée^ do, e joba' jmóo' e jnea' jlo'^, jo i Jo'se' Jiuung^- dobing' líng' e jí' quia'^ e fíi' do. ²⁴ Jo jaléng' dsea' seeng' fí' ní' guóo'^ uó^- jmigüí' cóo'^ e jí' job níngí'r-, jogui jaléng' dseata^- dsea' féng' i seeng' fí' jmigüí', fí' dob nija'r' jalé' bí' quia'r- fí' quini' Fíi'naa' Fidiée^ e laco' e nijmiféiñ' dsea' do jogui nijmí'gó' reiñ' cajo. ²⁵ Jogui jalé' e o'ná' quia'^ e fíi' do jo' nijní^- gui lajee^ jmí', jogui cajo jo' nilísea' gui uóø' e fí' jo. ²⁶ Jo job níjá'^ dsea' jmigüí' jalé' e niguo'^ e sea' quia'r- cóo'^ gui lajalé' e jlo'^ e sea' fí' jmigüí'; ²⁷ jo dsu' ja' quí^- jmí^- fa' e ní' fí' jo jíi^- cóo' e 'lí' o' gui jíi^- jaang' i ée' dsihuí'

osi jaléng' i jmi'góo' é. Co' dseáng' lajii' dsea' i nitaang' e fi' ni' ji' quiá' i Jo'se' Jiuung' do li' nitaang' jaléng' dsea' i si'íng' seeng' lata', jo jii' íbing' cuóøng' nidsitáang' fi' jo.

22

Coo' tú-gui júu' quiá' fi' Jerusalén e 'má' do

¹ Jo mi' cangí'gui lajo, i ángel do ca'e'r' jnea' coo' gua' fi' li' sea' jmi' e jmóo' e seeng' dsea' cøøng' cóo' Fidié' lata'. Jo e jmi' jo dseáng' jlo' jii', co' lí' dseáng' laco' lí' coo' sí' e ta' jmi'. Jo e fi' ná' e li' lí' ée' e fi' li' niing' li' guing' Fidié' quiá'r' ta' colíng' cóo' i Jo'se' Jiuung' do, fi' job' fi' li' níng' e jmi' do. ² Jo guiá' jóo' e fi' guiá' fi' laniing' quiá' e fi' do jogui lacataang' cataang' e gua' do, fi' job' li' cuaang' e 'ma' e jmóo' e seeng' dsea' cøøng' cóo' Fidié' lata'. Jo e 'ma' jo cuó' guitu' íng' ofii' laco' jii', coo' íng' ofii' lajaang' si'. Jogui mamó' quiá' e 'ma' ofii' do íng' ta' e jmi'leáang' jaléng' dsea' jmi'güi'. ³ Jo jii' coo' jo' e nilisea'gui e fi' jee' fi' do e ja' dseeng' e nijmé' e ni'é' dsea' dsee'. Jo fi' job' nijé' e ée' li' niing' li' guing' Fidié' cóo' gui' i Jo'se' Jiuung' do, jogui jaléng' i dsea' i jmóo' lajii' e iing' dsea' do caniing' jii' ta' jmi'féng' dsea' dobing' nijmér'. ⁴ Jo fi' joguib' li' niníng' rúng' Fidié' fi' quini' lana cóo' jaléng' dsea' quiá'r', jo fi' guiaquí' jaléng' i dsea' í' nitó' jialco' sii' dsea' do. ⁵ Jo e fi' jo' jo' nilisea'gui uóø'; jo jaléng' i dsea' i nigüea' fi' jo, jo' nili'né' guir' jii' o'gui' jii' iee', co' contøøm' Fii'naa' Fidié' nicuør' jir', jo jaléng' i dsea' í' contøøm' niquíú'r' ta' car' ngongí' jmi'.

Lajmináb' nijáa'tu Dsea' Jmáang'

⁶ Jo mi' cangí' jo, cajíng' gui' i ángel do casí'r' jnea' lala:
—Juan, lajii' e júu' la dseáng' laniim' e já' jogui dseáng' catíim' e nili'goo' cajo. Jo Fii'naa' Fidié'bing' i cacuø' júu' jaléng' dsea' i café' cuaiñ' quiá'r' malii'gui eáang', joba' lana nicasiñ' jaang' ángel quiá'r' e laco' niliñ' jaléng' dsea' i jmóo' ta' quiá'r' lajii' e nidsijé' lajee' lajminá'.

⁷ Jo cajíng' Fii'naa' Dsea' Jmáang':
—iNúu' na! Lajee' lajminá' nigáa'túu. iJo juguiú' jii' quiá' jaléng' dsea' i jmiti' lajii' e fé' e fi' ni' ji' la!

⁸ Jo jnea', Juan, nicanú' u jogui nicamó' o lajalé' e la. Jo mi' cangí' jalé' e la, casí' i uó' jni' fi' uii' tí' i ángel i ca'e'r' jnea' jalé' e jo e laco' e nijmifén' nre si'í'. ⁹ Jo dsu' cajíñ' casí'r' jnea' lala:

—Juan, ja' jmoo' lana, co' jnea' lán'n jaang' i jmóo' ta' quiá' Fidiéeb' cajo, jo røøb' lí'naa' cóo' 'nu' colíng' cóo' gui' jaléng' dsea' rún' i café' cuaiñ' quiá' Fidié' malii'gui eáang' lí' lajaléng' i jmiti' jalé' e júu' e fé' e fi' ni' ji' la. Jo fii' i 'nu' e lajii' Fidié'bing' i 'né' nijmifén'.

¹⁰ Jogui casí' gui' i ángel do jnea' lala:
—Juan, jie' mi' jmoo' e ja' nijmijnéen' e ni'meá' e íng' lajii' e júu' quiá' Fidié' e fé' e fi' ni' ji' la, dsuco' lajee' lajminá' nidsijé' lajalé' e la. ¹¹ Joba' fii' guí' 'nu' e jaléng' dsea' i í' dsí' jalé' e ga', güijmée'bre lajii' e 'lí' rúñ' e iñ' jmér'; jogui jaléng' dsea' i teáang' fi' ga', güiteáam' bir' fi' jo; jo dsu' jaléng' dsea' i seeng' røø' cóo' Fidié', güijmée'bre lajii' e guiá' e jmóo' do; jogui jaléng' dsea' i jmóo' lajii' e iing' Fidié', güijmée'bre lajo cajo.

¹² Jo lalab cajíng' gui' Dsea' Jmáang':
—iNúu' na! Lajee' lajminá' nigáa'túu; jo joguib' nigáa'a quiee' lajii' e catíng' jaléng' dsea' lí' jialco' jii' lí' e nicajmээр' lamí' jééng'gui. ¹³ Jo jneab' dsea' i la'uii' do jogui jnea' bi' i tí' li' cadséng' do cajo, jo jneab' i seeng' ie' lajii' mi' catiroo' jmi'güi', jogui jnea' bi' cajo i seeng' cartí' mi' ni'íng' jmi'güi'.

¹⁴ Jo juguiú' jii' quiá' jaléng' dsea' i lafa' ru' jalé' si' e laco' nilisea' fi' quiá' e nidsitáaiñ' e fi' li' lí' o'nú' quiá' e jee' fi' quiá' Fidié' do, co' lajoba' nilisea' fi' quiá'r' e nidó'r' e ofii' quiá' e 'ma' e cuø' e seeng' dsea' cøøng' cóo' Fidié' lata'. ¹⁵ Jo dsu' fi'

lí' caluu' e fií do nijé- jaléng' i jmóo' jalé' e 'lí', lafa' jaléng' dsea` i jmóo' jalé' ta~ dsea` láang', jogui jaléng' dsea` i ée` dsee- e 'léer' cóo'~ jalé' e lí dsí' ngúu' táaiñ, jogui jaléng' i jmóo' ta~ jngang' jaléng' dsea` rúng', jogui jaléng' dsea` i jmóo' ta~ jmiféng' jaléng' diéé~ i o' já', jogui jaléng' dsea` i tí dsí' jmóo' ta~ jmigóo'.

¹⁶ Jo mi~ cangî jo, lalab cajíng'- Jesús:

—Jneab~ dsea` nicasîñ- n ángel quié- e fí' quini' e quier' jalé' e júu^ la e catíng- jaléng' i líng' dsea` quié- e. Jo jneab~ lín'n dsea` siju~ dseata~ dsea` féng' Daví', jogui jnea~ bi cajo lín'n lafa' i núu' jing' i jnéeng- jlo' mi~ la'ee'.

¹⁷ Jo Jmiguí quiá'- Fidiéé~ jogui i líng' lafa' dseamî quiá'- i Jo'se' Jiuung~ do lalab fé'r' jo jíñ'-:

—iNea' fí' la!

Jo lajob nijíng'- jaléng' i ninú- cajo:

—iNea' fí' la!

Jo doñí' ií' dsea` i jmijmîng-, güijalím- bre jo güija'í'r' e jmî e jmóo' e seeng` dsea` cøng` cóo'~ Fidiéé~ lata~, jo e jmî jo jíñ'~ cóo' ja` ee` quíng' quiá'r-.

¹⁸ Jo jaléng' dsea` i núu' e júu^ quiá'- Fidiéé~ e tóo' e fí' ni~ jì la, joba' jmiñiim~baa dsír' lala: Song i líng~ iíñ~ nijmîngî~ guir lajíñ' e júu^ e dseáng'- fé' e fí' ni~ jì la, joba' Fidiéé~ nijmîngî~ bre cajo jalé' iihuí' quiá'- i dsea` í lí' laco' la fé' e fí' ni~ jì la. ¹⁹ Jogui song i líng~ dsea` iíñ~ e nijé'- guir fa' camí' e júu^ e fé' e fí' ni~ jì la, joba' Fidiéé~ nijé'- bre cajo quiá'- i dsea` í lajíñ' e 'ma' e jmóo' e seeng` dsea` cøng` cóo'~ Fidiéé~ lata~, jogui cajo ja` nitíñ~ e nigüear' e fí' fií` güeang'^ quiá'- Fidiéé~ e fé' e fí' ni~ jì la.

²⁰ Jo i dsea` i jmíta~ dsí' jalé' e júu^ la jíñ'- lala:

—Dseáng'- e jáb'-, lajee~ lajminá- nigáa'a.

Jo lalab jíng'- dsea` quiá'- Dsea` Jmáang-:

—Lajob nilí. iNea' fí' la, Fí'naa' Jesús!

²¹ Jo güi'îb^ Fí'naa' Jesús güea'^ quiá'r- fí' jee~ jneaa~aa' lajalé'naa'.

Jo lajob nilí!

Jo jíñ'~ lanab jíñ'~ fé' jì e cajme' Juan.